

দয়াধন-উমাবতী সিরিজ—১

ট্রিপিটক—১ম খণ্ড

বিনয়-পিটক—

মহাবর্গ

[বঙ্গানুবাদ]

“বুদ্ধের অভিযান”
সঙ্কলিতা এবং নালন্দা-বিদ্যাভবনের
অন্যতম আচার্য্য—

প্রজ্ঞানন্দ স্থবির
অনূদিত

যোগেন্দ্র-রূপসীবালা ট্রিপিটক ট্রাষ্ট বোর্ড হইতে
সেক্রেটারী—
শ্রীঅধরলাল বড়ুয়া
প্রকাশিত

২৪৮০ বুদ্বাদ
১৯৩৭ খৃষ্টাব্দ

মহাবর্গ

কম্পোজ :

শ্রীমৎ সুধর্মানন্দ ভিক্ষু
রাজবন বিহার, রাঙামাটি

সহযোগীতায় :

শ্রীমৎ সৌরজগত ভিক্ষু, রাজবন বিহার, রাঙামাটি
শ্রীমৎ জিন বোধি ভিক্ষু, বোধিপুৰ বন বিহার, মানিকছড়ি
শ্রীমৎ ভদ্রীয় ভিক্ষু, রাজবন বিহার, রাঙামাটি
শ্রীমৎ জ্ঞান জ্যোতি ভিক্ষু, রাজবন বিহার, রাঙামাটি
শ্রীমৎ জ্ঞানলংকার ভিক্ষু, রাজবন বিহার, রাঙামাটি
শ্রীমৎ জ্ঞানলোক ভিক্ষু, রাজবন বিহার, রাঙামাটি
শ্রীমৎ বিপুলানন্দ ভিক্ষু, বৈজয়ন্ত বন বিহার, ঘাগড়া
শ্রীমৎ প্রিয়লংকার ভিক্ষু, রাজবন বিহার, রাঙামাটি
শ্রীমৎ জ্ঞানশাসন ভিক্ষু, রাজবন বিহার, রাঙামাটি
মিসেস্ সুমিতা চাকমা কে. কে. রায় সড়ক, রাঙামাটি
মিস্ পূর্ণি চাকমা, কে. কে. রায় সড়ক, রাঙামাটি

প্রথম প্রকাশক :

শ্রীঅধর লাল বড়ুয়া
৬/এ, নিউ বহুবাজার লেন,
কলিকাতা।

প্রকাশনায় :

সার্বজনীন মহাসংঘদান, ছলক এলাকাবাসী, জুরাছড়ি,
২৫৫৭ বুদ্ধাব্দ, ১৪১৯ বাংলা
১৪ সেপ্টেম্বর ২০১৩ ইংরেজি

মহাবৰ্গ

॥ নমো তস্ম ভগবতো অৱহতো সম্মাসমুদ্রস্ম ॥

*By The noble gift of
Mr. Jogendralal Barua
and his wife
Mrs. Rupasibala Barua.*

শ্ৰীযুক্ত যোগেন্দ্ৰলাল বড়ুয়া মহাশয়
ও তদীয় সহধৰ্মিণী
শ্ৰীমতি ৰূপসীবালা বড়ুয়া মহাশয়
অৰ্থানুকূল্যে প্ৰকাশিত ।

২৪৮০ বুধাব্দ
১৯৩৭ খৃষ্টাব্দ

মহাবর্গ

শ্রীমৎ প্রজ্ঞালোক মহাশ্রবির
পিতৃব্য মহোদয়ের শ্রীকরকমলে—

দেব, শিশুকাল হইতে সযত্নে ও সন্মোহে
আপনি আমার মানস-উদ্যানে যে প্রসূন
ফুটাইবার জন্য অপরিসীম চেষ্টা
করিয়া আসিয়াছেন, সেই উদ্যানেই
প্রস্ফুটিত এই প্রসূন আপনারই
করে কৃতজ্ঞতার নিদর্শন
স্বরূপ অর্পণ করিলাম।

ইতি—

সেবক

প্রভাতানন্দ

মুখবন্ধ

মহাবর্গ পালি বিনয়-পিটকের অন্যতম বিশিষ্ট গ্রন্থ। ইহা দশপরিচ্ছেদে বিভক্ত, প্রত্যেক পরিচ্ছেদে খন্ডক, স্কন্ধ বা খন্ড নামে প্রসিদ্ধ। এই দশস্কন্ধের প্রত্যেকটির আয়তন তুলনায় বৃহৎ বলিয়া সমগ্র গ্রন্থ মহাবর্গ নামে অভিহিত। অপেক্ষাকৃত ক্ষুদ্র আয়তন দ্বাদশস্কন্ধে চুলবল্ল বা ক্ষুদ্রবর্গ নামক বিনয়-পিটকের অপর একটি গ্রন্থ বিভক্ত। মহাবর্গের দশস্কন্ধ এবং ক্ষুদ্রবর্গের দ্বাদশস্কন্ধ একত্রে দ্বাবিংশতি স্কন্ধ। মহাবর্গ এবং ক্ষুদ্রবর্গ এই দুই গ্রন্থে বিনয়-নিদান উপস্থাপিত করা হইয়াছে। খন্ডকগুলি এমনভাবে সংজ্ঞিত করা হইয়াছে যাহাতে ভগবান বুদ্ধের বুদ্ধত্বলাভ হইতে দ্বিতীয় সঙ্গীতি পর্য্যন্ত বৌদ্ধ-সঙ্ঘের ধারাবাহিক বিবরণ নির্দেশ করা চলে। ভগবান বুদ্ধের বুদ্ধত্বলাভ হইতেই বৌদ্ধ ইতিহাসের সূত্রপাত্র হয়। কাজেই মহাবর্গে বুদ্ধত্বলাভের পূর্বে ভগবান বুদ্ধের জীবনের কোন ঘটনা উল্লিখিত হয় নাই। যেভাবে ক্রমে সঙ্ঘের উৎপত্তি ও ক্রমবিকাশ হয় এবং সঙ্গে সঙ্গে বিনয়ের বিধানগুলি প্রবর্তিত ও পরিবর্তিত হয় তাহা অতি সুন্দরভাবে প্রদর্শিত হইয়াছে। নিষ্প্রয়োজনে কোন অবাস্তব বিষয়ের অবতারণা করা হয় নাই। এই বিনয়-বিধানগুলি ভিক্ষুসঙ্ঘের পক্ষে এবং প্রকারান্তরে সভ্য সমাজের পক্ষে কত উপযোগী তাহা পাঠক নিজে বিচার করিবেন। গ্রন্থের বিশদ পরিচয় অধ্যাপক শ্রীযুত বেণীমাধব বড়ুয়া সংকলিত ‘বৌদ্ধ-গ্রন্থ-কোষের’ পিটক গ্রন্থাবলীতে পাঠক পাইবেন। আমার পক্ষে ইহা বলিলে যথেষ্ট হইবে যে, মহাবর্গ বিবিধ তথ্যে পরিপূর্ণ একটি অমূল্য বৌদ্ধগ্রন্থ। ইহাতে প্রাচীন ভারতের নাগরিক ও সামাজিক বহু জ্ঞাতব্য বিষয় আছে। বৌদ্ধধর্মাবলম্বীদিগের পক্ষে মহাবর্গ একটি অমূল্য রত্ন যাহার সহিত পরিচিত হইতে না পারিলে ভিক্ষুজীবনের বৈশিষ্ট্য এবং ভগবান বুদ্ধের অতুলনীয় কৃতিত্ব বিষয়ে সম্পূর্ণ অজ্ঞ থাকিতে হয়।

বাংলা ভাষায় এই গ্রন্থের অনুবাদ পূর্বে হয় নাই। ইহাই প্রথম অনুবাদ। বৎসর কাল পূর্বে হিন্দী ভাষায় পণ্ডিতপ্রবর ভিক্ষু রাহুল সাক্ত্যায়ন ইহার অনুবাদ প্রকাশ করিয়াছেন। আমি যে প্রণালী অবলম্বনে বাংলাভাষায় এই গ্রন্থের অনুবাদ করিয়াছি তাহা পাঠকের জানা আবশ্যিক। ইংরেজী এবং অন্যান্য ভাষায় যে সকল অনুবাদ ইতোপূর্বে প্রকাশিত হইয়াছে আমি উহাদের বিশেষ সাহায্য অবলম্বন করি নাই। পালি মূলগ্রন্থ, আচার্য্য বুদ্ধঘোষ কৃত অর্থকথা এবং সারার্থদীপনী ও বিমতিবিনোদনী প্রভৃতি টীকা পুনশ্চুন পর্যালোচনা করিয়া এবং প্রতিপদে পালি মূলের সহিত বাংলা ভাষার উপযোগিতা বিচার করিয়া গ্রন্থ অনুবাদ করিয়াছি। অনুবাদে মূলের শব্দ ও অর্থ যথাসম্ভব অক্ষুণ্ণ রাখিয়া এবং বাঙ্গালী পাঠকের উপযোগী করিয়া সরলভাবে বুদ্ধ-বচন উপস্থিত করিবার যথাসাধ্য চেষ্টা করিয়াছি। অযথা পাদটীকা বাড়াইয়া গ্রন্থের কলেবর বর্দ্ধিত করি নাই। যাহাতে বুদ্ধ-বচন আমার ক্রটিতে কোন অংশে বিকৃত না হয়

তদ্বিষয়ে সতর্ক হইয়া চলিয়াছি। অনুবাদ কার্যে অনুবাদকের দায়িত্ব অনেক। এই দায়িত্ব আমার পক্ষে গুরুতর হইত না যদি বাংলা শব্দগুলি পালি শব্দের প্রকৃত অর্থদ্যোতক হইত। তদুপরি মূলে বহু পারিভাষিক শব্দ আছে যাহার প্রতিশব্দ বাংলায় পাওয়া যায় না। যে স্থলে কাছাকাছি কোন প্রতিশব্দ পাওয়া যায় নাই সে স্থলে মূল পালি শব্দ রাখিয়া পাদটীকা ও বন্ধনীর মধ্যে উহার অর্থ নির্দেশ করিয়াছি। এই দায়িত্ব সম্পাদনে কতদূর কৃতকার্য হইয়াছি তাহা সহৃদয় পাঠকেরই বিবেচ্য। বোধ সৌকর্যার্থ পরিচ্ছেদগুলি যথাসম্ভব বিভক্ত করিয়াছি। আশা করি, পাঠক সহজে বিধানগুলির মর্ম গ্রহণ করিতে পারিবেন। অনুবাদের শেষভাগে যথারীতি শব্দ-সূচী প্রদত্ত হইয়াছে। নাম-সূচী সাধারণ শব্দ-সূচী হইতে পৃথকভাবে রাখিয়াছি।

গ্রন্থ সন্নিবিষ্ট গাথা সমূহের পদ্যানুবাদই প্রদত্ত হইয়াছে। বস্তুত এই পদ্যানুবাদ অধ্যাপক ডক্টর শ্রীযুত বেণীমাধব বড়ুয়া এম, এ, ডি-লিট (লণ্ডন) মহাশয় হইতেই গ্রহণ করিয়াছি। অনুবাদ কার্যের আরম্ভ হইতে শেষ পর্যন্ত তিনি আমার সহায়তা করিয়াছেন এবং পরস্পর আলোচনা দ্বারা আমাকে উপকৃত করিয়াছেন। বাংলাভাষায় বৌদ্ধগ্রন্থ প্রচারে তাঁহার বিশেষ অনুরাগ না থাকিলে তিনি কিছুতেই এরূপ ধৈর্য ও অক্লান্ত উদ্যমের পরিচয় দিতে পারিতেন না। আমার এই প্রচেষ্টায় পরম শ্রদ্ধাভাজন স্থানীয় নালন্দা-বিদ্যাভবনের উপাধ্যায় শ্রীমৎ বংশদীপ মহাশ্বির মহোদয় বিশেষ উৎসাহদানে আমাকে চিরবাধিত করিয়াছেন। তাঁহার অকৃত্রিম স্নেহ এবং পবিত্র সাহচর্য না পাইলে এই গ্রন্থের অনুবাদ এত সত্ত্বর সমাপ্ত করিতে পারিতাম কিনা সন্দেহ। যোগেন্দ্র-রূপসীবালা ত্রিপিটক ট্রাষ্টের সম্পাদক শ্রীযুত অধরলাল বড়ুয়া মহাশয় অনুক্ষণ তাঁহার সহৃদয়তা, সৌজন্য এবং কর্মতৎপরতার দ্বারা গ্রন্থের পরিশোধন ও মুদ্রণ কার্যের পথ সুগম করিয়াছেন। যখন যে বিষয়ের অভাব হইয়াছে তিনি ট্রাষ্টের পক্ষ হইতে তাহা সত্ত্বর পূর্ণ করিয়াছেন। আমি তাঁহার দীর্ঘজীবন কামনা করি।

পরিশেষে অবসরপ্রাপ্ত ইনজিনিয়ার শ্রদ্ধাবান উপাসক শ্রীযুত যোগেন্দ্রলাল বড়ুয়া ও তাঁহার সহধর্মিণী শ্রীমতি রূপসীবালা বড়ুয়া বাংলা অক্ষরে ও ভাষায় পালি ত্রিপিটক প্রচারের জন্য অকাতরে অর্থদান করিয়া বঙ্গীয় পাঠকসমাজের প্রভূত কল্যাণ সাধন করিয়াছেন। তাঁহার দানের যে দৃষ্টান্ত স্থাপন করিলেন তাহা জগতে বিরল। এই অনুবাদে তাঁহাদের উভয়ের হৃদয় প্রীত হইলে আমার শ্রম সার্থক মনে করিব।

নালন্দা-বিদ্যাভবন
কলিকাতা
মাঘীপূর্ণিমা, ২৪৮০ বুদ্বাব্দ }

ইতি—
প্রজ্ঞানন্দ শ্ববির

প্রকাশকের নিবেদন

ত্রিপিটক গ্রন্থ অমূল্য রত্নের আকর। তথাগত ভগবান সম্যক সমুদ্র ভাষিত বাণী ইহার ভিত্তি। ভগবান বুদ্ধ আর্য্যভূমি ভারতবর্ষের অন্তর্গত কপিলবাস্তু রাজ্যের পূত চরিত্র রাজা শুদ্ধোদনের পুত্র কুমার সিদ্ধার্থরূপে খৃঃ পূঃ ষষ্ঠ শতাব্দীতে বৈশাখী পূর্ণিমা তিথিতে জন্মগ্রহণ করেন। জগতের প্রাণিগণের দুঃখ বিমোচনের জন্য, জন্ম, জরা, মরণ দুঃখের অন্তসাধনের জন্য এবং জীবগণের মুক্তির জন্য ঊনত্রিংশবর্ষ বয়সে তিনি কপিলবাস্তু রাজ্যের স্বর্ণ সিংহাসন উপেক্ষা করিয়া, পিতা, মাতা, স্ত্রী, পুত্র, পরিজনবর্গ এবং সর্বস্ব ত্যাগ করিয়া, সত্যের সন্ধানে, সন্ন্যাসব্রত গ্রহণ করেন। ভারতবর্ষের তৎকালীন বিভিন্ন সম্প্রদায়ের গুরুদিগের শিক্ষা ও নীতিতে সত্যের সন্ধান না পাওয়ায় তিনি গয়াধামের উরুবেলায় ছয়বৎসর ব্যাপিয়া কঠোর সমাধির পর বোধিবৃক্ষমূলে বৈশাখী পূর্ণিমা তিথিতে সম্যক সম্বোধি বা সর্বজ্ঞতা লাভ করেন। পঞ্চত্রিংশ বৎসর বয়সে আষাঢ়ী পূর্ণিমা তিথিতে বারাণসীর ঋষিপত্তন মৃগদাবে ধর্মচক্র প্রবর্তন করিয়া তিনি তাঁহার লব্ধ সত্য জগতে প্রথম প্রচার করেন। অশীতিবর্ষ বয়স পর্য্যন্ত তিনি আর্য্যবর্তের নানা স্থানে শিষ্য পর্য্যটন ও প্রচার করিয়া আর্য্যভূমিতে সদ্ধর্ম সুপ্রতিষ্ঠিত করেন। অশীতিবর্ষ বয়সে বৈশাখী পূর্ণিমা তিথিতে কুশীনগরে ভগবান বুদ্ধ মহাপরিনির্বাণ লাভ করেন। সম্যকসম্বোধি লাভের পর হইতে পরিনির্বাণ পর্য্যন্ত ৪৫ বৎসর ব্যাপিয়া ভগবান বুদ্ধ বিভিন্ন স্থানে ও আরামে যে সমস্ত উপদেশ প্রদান করিয়াছেন তাহা, ধারাবাহিক ইতিবৃত্ত ও পূর্ববৃত্তান্ত সহ যেই গ্রন্থে লিপিবদ্ধ হইয়াছে তাহাই ত্রিপিটক গ্রন্থ।

ভগবান বুদ্ধের পরিনির্বাণের অব্যবহিত পরেই অর্থাৎ তৎপরবর্তী সময়ে রাজগৃহে মগধরাজ অজাতশত্রুর সহায়তায়, অর্হৎ স্থবির মহাকাশ্যপের সভাপতিত্বে নির্বাচিত ৫০০ অর্হৎ ভিক্ষু সপ্তপর্ণী গুহাদ্বারে সমবেত হইয়া প্রথম এই গ্রন্থ সর্বপ্রথম সংগ্রহ ও আবৃত্তি করেন। তাহার প্রায় ১০০ বৎসর পর রাজা কালাশোকের সহায়তায় বৈশালীর বালুকারামে যশ স্থবিরের সভাপতিত্বে নির্বাচিত ৭০০ অর্হৎ ভিক্ষু সমবেত হইয়া দ্বিতীয় সঙ্গীতিতে ধর্ম বিনয় করেন। ভগবান বুদ্ধের পরিনির্বাণের ২৩৬ তম বর্ষে জগতবরণ্য পূণ্য রাজা প্রিয়দর্শী অশোকের রাজত্ব কালে, তাঁহারই উদ্যোগে পাটলী অশোকারামে উপস্থিত ৬০,০০০ ভিক্ষু হইতে নির্বাচিত ১০০০ অর্হৎ ভিক্ষু মৌদলীপুত্র তিষ্য স্থবিরের সভাপতিত্বে তৃতীয় সঙ্গীতির অধিবেশন হয়। বিভিন্নবাদী তীর্থিকগণের দ্বারা ইতিমধ্যে প্রক্ষিপ্ত অনাচার গুলিকে বর্জন করিয়া ত্রিপিটক শাস্ত্রকে পরিশুদ্ধ করা হয়। ইহার অব্যবহিত পরে সম্রাট অশোকের পুত্র

মহেন্দ্র স্থবির অপর কয়েকজন ভিক্ষুসহ এই ত্রিপিটকের প্রতিলিপি সিংহল দ্বীপে লইয়া যান এবং সিংহলের তৎকালীন রাজা দেবপ্রিয় তিস্যের সহায়তায় তথায় ইহা প্রচার করেন। বর্তমানে সিংহলে, ব্রহ্মদেশে ও শ্যামদেশে যে ত্রিপিটক প্রচলিত আছে ইহা তাহারই প্রতিলিপি। দুঃখের বিষয় এই ত্রিপিটক গ্রন্থ ঘটনাবিপর্ক্যে ইহার জন্মস্থান ভারতবর্ষ হইতে বিদায় গ্রহণ করিয়াছে এবং জাপান, কোরিয়া, চীনা, মঙ্গোলিয়া, তিব্বত, ইন্দোচীন, শ্যাম, ব্রহ্ম ও সিংহল প্রভৃতি দেশে আশ্রয় গ্রহণ করিয়া তদ্দেশবাসীদিগকে শিক্ষায়, দীক্ষায়, জ্ঞানে বিজ্ঞানে, শিল্প ও সভ্যতায় জগতের শীর্ষস্থানীয় করিয়াছে। ইয়োরোপীয় ও আমেরিকান পণ্ডিতমণ্ডলী ত্রিপিটক গ্রন্থ নিহিত রত্নরাজীর বিষয় অবগত হইয়া ইহার মূল ও অনুবাদ নিজ নিজ ভাষায় প্রকাশ করিতেছেন। কিন্তু ভারতবাসী এই রত্ন আহরণে বঞ্চিত। ভারতীয় কোন ভাষাতে বা অক্ষরে বর্তমানে সম্পূর্ণ মূল ত্রিপিটক গ্রন্থ নাই। সম্প্রতি সুধিগণের চেষ্টায় ত্রিপিটকান্তর্গত কয়েকটি গ্রন্থ বাঙ্গালা ও হিন্দী অক্ষরে মুদ্রিত হইয়াছে। কিন্তু সিংহল, ব্রহ্ম ও শ্যাম দেশাদির ন্যায় সম্পূর্ণ ত্রিপিটক গ্রন্থাবলী ভারতীয় কোন ভাষায় বা অক্ষরে মুদ্রণের ব্যবস্থা এপর্যন্ত হয় নাই। ব্রহ্মদেশ বাদ দিলে ভারতবর্ষে বর্তমানে ৪৩৮,৭৬৯ জন বৌদ্ধধর্মাবলম্বী আছেন। তন্মধ্যে ব্রহ্মদেশে ৩৩০,৫৬৩ জন। এই বাঙ্গালী বৌদ্ধেরাই বৌদ্ধধর্মের জন্মস্থান ভারতবর্ষে এই ধর্মকে সজীব রাখিয়াছেন। সুতরাং ত্রিপিটক গ্রন্থ ভারতীয় ভাষা সমূহে বিশেষতঃ বঙ্গাক্ষরে মুদ্রিত করিয়া প্রচার ও রক্ষা করা সম্বন্ধে তাঁহাদের দায়িত্ব অসীম। যদিও ত্রিপিটক গ্রন্থ ভারত হইতে বিদায় গ্রহণ করিয়াছে তথাপি এই গ্রন্থ অনেক নীতি এখনও ভারতীয় আর্য্যজাতির মজ্জাগত হইয়া রহিয়াছে। সম্রাট অশোকের সময়ে বৌদ্ধধর্ম ও বৌদ্ধনীতি সমূহ তৎকালীয় ভারতবাসীদিগকে নূতন চিন্তাধারায় অনুপ্রাণিত করিয়াছিল। সেই প্রেরণায় স্মৃতি এখনও আর্য্যজাতি ও জড়িত আছে। আর্য্যঋষিরাই তথাগত গৌতম বুদ্ধকে ভগবানের নবম অবতার বলিয়া প্রচার করিয়াছেন। তদ্ব্যতীত এই বৌদ্ধ গ্রন্থ ভারতীয় ভাষায় প্রকাশ ও সম্বন্ধে আর্য্য হিন্দু জাতির দায়িত্বও কম নহে। ত্রিপিটক গ্রন্থ পালি ভাষায় পরলোকগত স্বনামধন্য সমুদ্রাগমচক্রবর্তী সার আশুতোষ মুখোপাধ্যায় কলিকাতা বিশ্ববিদ্যালয়ে পালি ভাষা শিক্ষা প্রবর্তন করিয়া ভারতবাসীকে হিত রত্ন আহরণের সুযোগ দিয়া ভারতের অশেষ কল্যাণ সাধন করিয়াছেন। কিন্তু বঙ্গাক্ষরে বা ভারতীয় কোন অক্ষরে মূল ত্রিপিটক না থাকায় তাঁহার সম্পূর্ণরূপে সাধিত হইতেছে না।

ত্রিপিটক গ্রন্থাবলীকে কোন সম্প্রদায় বিশেষের এক চেষ্টায়া সম্পত্তি বলিয়া মনে করা সমীচীন নহে। কারণ এই শাস্ত্র আর্য্য সত্য, সনাতন নীতি ও সার্বজনীন মৈত্রী প্রচার করিয়াছে। দ্বিসহস্র পাঁচশত বৎসর পূর্বের, ভারতবর্ষের সাহিত্য, দর্শন, রসায়ন, বিজ্ঞান, শিল্প, রাজনীতি ও সমাজনীতি ইত্যাদির নিখুঁত বিবরণ এই গ্রন্থে

লিপিবদ্ধ আছে। সুতরাং ঐহিক ও পারত্রিক সুখ সম্পদের জন্য মানব জাতির মধ্যে সার্বজনীন মৈত্রী স্থাপনের জন্য এবং পৃথিবীতে শান্তি স্থাপনের জন্য এই শাস্ত্র নিহিত আর্য নীতির বহুল প্রচার যে কিরূপ বাঞ্ছনীয় তাহা ভাষায় ব্যক্ত করা অসম্ভব।

উপরোক্ত উদ্দেশ্যে, ভারতীয় আর্য বৌদ্ধগণের বংশধর চট্টগ্রাম পাহাড়তলী নিবাসী অবসর প্রাপ্ত ইঞ্জিনিয়ার শ্রীযুত যোগেন্দ্র লাল বড়ুয়া মহোদয় ও তাঁহার সহধর্মিণী শ্রীমতী রূপসীবালা বড়ুয়া মহোদয়া আর্যসত্য পূর্ণ সদ্ধর্মের বহুল প্রচার মানসে, ত্রিপিটক গ্রন্থের মূল বঙ্গাঙ্করে ও তাহার বঙ্গানুবাদ মুদ্রণের ও প্রকাশের জন্য দশ হাজার টাকা দান করিয়াছেন। এই কার্যের শৃঙ্খলা বিধান ও স্থায়িত্ব রক্ষার জন্য “যোগেন্দ্র-রূপসীবালা ত্রিপিটক ফাণ্ড” নামে একটি ফাণ্ড গঠন করিয়া উক্ত টাকা ব্যাঙ্কে গচ্ছিত করিয়াছেন এবং উক্ত ফাণ্ডের কার্য পরিচালনের জন্য একটি ট্রাস্ট বোর্ড গঠন করিয়াছেন। ট্রাস্ট বোর্ডের কার্য যাহাতে পুরুষানুক্রমে অব্যাহত ভাবে চলিতে পারে তাহার বিধানও করা হইয়াছে।

এই ফাণ্ড হইতে প্রথমত ত্রিপিটকের মূল বঙ্গাঙ্করে ও তাহার বঙ্গানুবাদ প্রকাশ করা হইবে। তৎপরে সম্ভব হইলে ত্রিপিটকের অর্থকথা, বৌদ্ধধর্ম সম্বন্ধীয় অন্যান্য গ্রন্থ ও অন্যান্য ভাষায় ত্রিপিটক প্রকাশ করা হইবে। গ্রন্থাবলীর পাণ্ডুলিপি প্রস্তুত, মুদ্রণ ও প্রকাশের ব্যয়ভার ফাণ্ড হইতে দেওয়া হইবে। ব্যয়ের হিসাবে গ্রন্থের মূল্য নির্ধারণ করা হইবে এবং প্রকাশিত গ্রন্থ বিক্রয়লব্ধ অর্থ ফাণ্ডে জমা হইবে। এইরূপে ফাণ্ড এবং ট্রাস্ট বোর্ডের কার্য অব্যাহত ভাবে চলিবার ব্যবস্থা করা হইয়াছে।

ত্রিপিটক গ্রন্থ বিনয়, সূত্র ও অভিধর্ম এই তিন ভাগে বিভক্ত। প্রত্যেক ভাগে পৃথক পৃথক অনেকগুলি গ্রন্থ রহিয়াছে। তাহার বিবরণ নিম্নে প্রদত্ত হইল।

বিনয় পিটক : ১। পারাজিক, ২। পাচিভ্গিয়, ৩। মহাবঙ্গো, ৪। চুলবঙ্গো, ৫। পরিবার পাঠো।

সূত্রপিটক : ১। দীঘ নিকায়ো, ২। মজ্জিম নিকায়ো, ৩। সংযুক্ত নিকায়ো, ৪। অঙ্গুত্তর নিকায়ো, ৫। খুদ্ধক নিকায়ো :— (১) খুদ্ধক পাঠো, (২) ধম্মপদং, (৩) উদানং, (৪) ইতিবুত্তক (৫) সুত্ত নিপাতো, (৬) বিমান বথু (৭) পেতবথু, (৮) থেরগাথা, (৯) থেরীগাথা (১০) জাতকং, (১১) চুলনিদ্দেশো, (১২) মহানিদ্দেশো, (১৩) অপাদানং (১৪) বুদ্ধবংসো, (১৫) চরিয়াপিটকং, (১৬) পটিসম্বিদামঙ্গো।

অভিধর্ম পিটক : ১। ধম্মসঙ্গনি, ২। বিভঙ্গো, ৩। কথাবথু, ৪। ধাতুকথা, ৫। পুণ্নলপংগুত্তি, ৬। যমকং, ৭। পট্টানং।

ত্রিপিটকের আকার সম্বন্ধে নিম্নলিখিত বিবরণ হইতে কিছু আভাস পাওয়া যাইবে। শ্যামদেশ হইতে শ্যামী অঙ্করে মুদ্রিত মূল ত্রিপিটক রয়েল আকারের বহির ৪৫ খণ্ডে সমাপ্ত হইয়াছে। প্রত্যেক খণ্ডে গড়ে প্রায় ৫০০ পৃষ্ঠা করিয়া আছে।

বিনয়পিটক ৮ খণ্ডে ৩২৭২ পৃষ্ঠা, অভিধর্মপিটক ১২ খণ্ডে ৫৪৭২ পৃষ্ঠা ও সূত্রপিটক ২৫ খণ্ডে ১১১৩৬ পৃষ্ঠা মোট ১৯৮৮০ পৃষ্ঠায় সম্পূর্ণ ত্রিপিটকের মূল প্রকাশিত হইয়াছে। ইহার বঙ্গানুবাদও ৪৫ খণ্ড হইবে। ট্রাষ্ট বোর্ড স্থির করিয়াছেন যে এই ফাণ্ড হইতে প্রকাশিত ত্রিপিটকও রয়েল আকারের হইবে এবং মূল ও বঙ্গানুবাদ পৃথক পৃথক ভাবে প্রকাশিত হইবে। সুতরাং এরূপ বৃহৎ গ্রন্থের মূল ও বঙ্গানুবাদের পাণ্ডুলিপি প্রস্তুত, মুদ্রণ ও প্রকাশ করা কিরূপ দুরূহ ও গুরুতর ব্যাপার তাহা সহজেই অনুমেয়। এই কার্যের সাফল্যের জন্য আমাদের ভরসা সর্বোপরি ভগবান সম্যক সম্বুদ্ধ ও তৎপরে পালি ভাষা ও বঙ্গভাষাবিদ সুধীবৃন্দ।

ইহা অত্যন্ত আনন্দের বিষয় সে কলিকাতা বিশ্ববিদ্যালয়ের প্রধান পালি অধ্যাপক ডাক্তার শ্রীযুত বেণীমাধব বড়ুয়া এম, এ, ডি-লিট (লণ্ডন) মহাশয় এবং শ্রীমৎ প্রজ্ঞানন্দ মহাস্থবির প্রমুখ ভিক্ষুগণ এই গ্রন্থের মূল ও বঙ্গানুবাদের পাণ্ডুলিপি প্রস্তুতের ভার গ্রহণ করিয়াছেন। এই কার্য সম্পাদনের জন্য তাঁহারা একটি সম্পাদকীয় সমিতি গঠন করিয়াছেন। কার্য সাফল্য মণ্ডিত হইলে তাঁহাদের নাম বঙ্গীয় সাহিত্য সমাজে ও বঙ্গভাষা ভাষী জনগণের নিকট চিরস্মরণীয় হইয়া থাকিবে। ডাঃ বড়ুয়া ও শ্রীমৎ প্রজ্ঞানন্দ মহাস্থবির মহোদয়গণ এপর্যন্ত অতি কঠোর পরিশ্রম, অসম্ভব ধৈর্য ও সহিষ্ণুতার সহিত এই দুরূহ ও দায়িত্বপূর্ণ কার্য সম্পন্ন করিয়া আসিতেছেন, তাঁহাদের এই নিঃস্বার্থপরতা মূলক কার্যের জন্য ট্রাষ্ট বোর্ড তাঁহাদের প্রতি প্রগাঢ় কৃতজ্ঞতা জ্ঞাপন করিতেছেন।

ইতি—

ড/এ, নিউ বউবাজার লেন
কলিকাতা।
১৭ ফাল্গুন
২৪৮০ বুদ্ধাব্দ
১৯৩৭ খৃষ্টাব্দ

শ্রীঅধর লাল বড়ুয়া
সম্পাদক, ট্রাষ্ট বোর্ড
যোগেন্দ্র-রূপসীবালা ত্রিপিটক ফাণ্ড।

আমাদের কথা

শলক (জুরাছড়ি ও বরকলের একাংশ) এলাকাবাসী পুণ্যার্থীগণ কর্তৃক ১৪ সেপ্টেম্বর, ২০১৩ খ্রিষ্টাব্দে রাজবন বিহারে আয়োজিত নবম সার্বজনীন মহাসংঘদান উপলক্ষে শ্রীমৎ প্রজ্ঞানন্দ স্থবির মহোদয় কর্তৃক বাংলায় অনুদিত বিনয় পিটকের অন্তর্ভুক্ত “মহাবর্গ” নামক ত্রিপিটকীয় গ্রন্থটি প্রকাশ করা হলো। একই সাথে গ্রন্থটি অনুত্তর পুণ্যক্ষেত্র ভিক্ষু-সংঘের উদ্দেশ্যে দান কার্য সম্পাদন করা হচ্ছে। প্রকাশিত গ্রন্থের একটি অংশ দাতা পুণ্যার্থীদের কাছেও বিতরণ করা হবে। বিনয় পিটকের অন্তর্ভুক্ত মহা মূল্যবান এ গ্রন্থটি ১৯৩৭ খ্রিষ্টাব্দে (২৪৮০ বুদ্ধাব্দ) কলিকাতা হতে প্রথম প্রকাশিত হয়। এটি রাজবন প্রেস হতেও একবার প্রকাশ করা হয়েছে। বর্তমানে গ্রন্থটি সুলভ নয়। তবে সংঘ সমাজে এটির ব্যাপক চাহিদা রয়েছে। ফলে এটি পুনঃমুদ্রণের তাগিদ অনুভূত হচ্ছিল।

বাংলায় অনুদিত ত্রিপিটকীয় গ্রন্থ প্রকাশ করার মূল উদ্দেশ্য হচ্ছে জাতি-ধর্ম-বর্ণ নির্বিশেষে সকলের জন্য বৌদ্ধধর্মকে জানার পথকে উন্মুক্ত করা। উল্লেখ্য যে, এ যুগের মহামানব এবং আমাদের পরম কল্যাণমিত্র পূজ্য বনভন্তের ঐকান্তিক অভিপ্রায় অনুযায়ী আমরা ২০০৬ খ্রিঃ হতে বাংলায় অনুদিত ত্রিপিটকীয় গ্রন্থ প্রকাশের উদ্যোগ গ্রহণ করি। তিনি দেহ ত্যাগের পূর্বে সমগ্র ত্রিপিটক সংগ্রহ ও বাংলায় অনুবাদ করার প্রয়োজনীয়তা অনুভব করছিলেন। তাঁর এ অনুভূতির প্রতি অকৃত্রিম শ্রদ্ধাবোধ পোষণ করেই শলক এলাকাবাসী পুণ্যার্থীগণের আন্তরিক ও সপ্রাণ সহযোগিতা নিয়েই বিনম্র চিন্তে আমরা প্রতি বছর বাংলায় অনুদিত ত্রিপিটকীয় গ্রন্থ প্রকাশের দায়িত্ব প্রতিপালনের আশ্রয় চেষ্টা চালিয়ে যাচ্ছি। শলক এলাকাবাসী ছাড়াও বিভিন্ন অঞ্চলের পুণ্যার্থীগণও আমাদের এ মহৎ কাজের সাথে একাট্টা হয়ে সব সময় আর্থিক সহযোগিতা নিয়ে এগিয়ে এসেছেন।

পূজ্য বনভন্তে প্রায়শঃই সকলকে জ্ঞানী ও পণ্ডিত হবার উপদেশ দিতেন। শলক এলাকাবাসীর ৭ম সার্বজনীন মহাসংঘদান উপলক্ষে তিনি সদ্ধর্ম দেশনায় বলেছেন, ‘যে ব্যক্তি চারি আর্থসত্য জ্ঞান, প্রতিত্যসমুৎপাদ নীতি জ্ঞান ও আসব ক্ষয় জ্ঞান সম্যকভাবে জ্ঞাত হয় সেই ব্যক্তি জ্ঞানী ও পণ্ডিত। সেই ব্যক্তি দুঃখ হইতে মুক্তি লাভ করে এবং নির্বাণ লাভে সক্ষম হয়।’ তার এই শেষ উপদেশ বাণী আমাদের জন্য অমৃতসম। আমরা আশা করি দান, শীল ও ভাবনাদি অনুশীলন দ্বারা সকলেই জ্ঞানী ও পণ্ডিত হতে পারবেন।

ত্রিপিটক হচ্ছে জ্ঞানের মহা ভান্ডার; প্রজ্ঞার অনন্ত উৎস। বিনয় পিটকে বৌদ্ধধর্মের যাবতীয় বিনয়-বিধান লিপিবদ্ধ আছে বলেই এ শাখার অন্তর্ভুক্ত খন্ডগুলোর গুরুত্বও অপরিসীম। মহাবর্গ গ্রন্থটি বিনয় পিটকের উল্লেখযোগ্য খন্ড। এ গ্রন্থের প্রতিটি পরিচ্ছেদের আয়তন তুলনামূলকভাবে বৃহৎ। এতে ভগবান বুদ্ধের বুদ্ধত্ব লাভের পর ক্রমে ক্রমে যে ভাবে সংঘের উৎপত্তি ও ক্রমবিকাশ হয়েছে এবং এর পাশাপাশি বিনয় বিধানগুলো প্রবর্তিত ও পরিবর্তিত হয়েছে তা বিস্তারিত বিধৃত হয়েছে। এ বিনয় বিধানগুলো ভিক্ষু-সংঘের জন্য যেমন, তেমনি দায়ক-দায়িকাদের জন্যও উপযোগী বলেই সুবিবেচিত হয়ে আসছে।

গ্রন্থটি প্রকাশনার ক্ষেত্রে জুরাছড়ি (শলক) এলাকার সদ্ধর্মপ্রাণ পুণ্যার্থীসহ পার্বত্য চট্টগ্রাম ও চট্টগ্রামের দানশীল বৌদ্ধ নরনারীরা বরাবরের মতো এগিয়ে এসেছেন। এমন কী বৌদ্ধ নন এমন অনেকেই শ্রদ্ধাদান দিয়েছেন। তাদের দান করার অকৃত্রিম ও অপ্রমেয় চেতনা বোধ এই মহামূল্যবান ধর্ম-গ্রন্থটি প্রকাশনার ক্ষেত্রে বহুলাংশে সহজতর করেছে। আমরা তাদের সকলের কাছে সবিশেষ কৃতজ্ঞ। গ্রন্থটি প্রকাশনার জন্য শ্রদ্ধাদান দিয়ে তাঁরা অশেষ পুণ্যের ভাগীদার হয়েছেন। উল্লেখ্য, যাদের ‘শ্রদ্ধাদান’ দ্বারা গ্রন্থটি প্রকাশনার কাজ সম্পন্ন হয়েছে তাঁদের একটি তালিকা গ্রন্থের শেষভাগে সংযোজন করার ক্ষুদ্র প্রয়াস নেয়া হয়েছে। এর ফলে এ মহান দানের বিষয়টি সময়ে সময়ে চাক্ষুষ দর্শন দ্বারা স্মৃতি ও ভাবনার মাধ্যমে অনেকের ধর্মীয় চেতনা উন্মেষের সুযোগ সৃষ্টি হবে বলেই আমরা মনে করি। ভুলবশত তালিকা থেকে কোনো দাতার নাম বাদ পড়লে, বিষয়টি ক্ষমাসুন্দর দৃষ্টিতে বিবেচনা করা হবে বলেও আমাদের দৃঢ় বিশ্বাস।

গ্রন্থটির মুদ্রণের কাজ পরম শ্রদ্ধেয় শ্রীমৎ সৌরজগত মহাস্থবির মহোদয়ের সার্বিক তত্ত্বাবধানে সম্পন্ন হয়েছে। গ্রন্থটি ত্রুটিমুক্ত করার লক্ষ্যে প্রুফ সংশোধনসহ সামগ্রিক বিষয়টি তত্ত্বাবধান করেছেন শ্রদ্ধেয় শ্রীমৎ জ্ঞানলঙ্কার স্থবির মহোদয়। এ বিষয়ে কাজ করতে গিয়ে আমরা বারংবার তাদের দ্বারস্থ হয়েছি। তাঁদের অসীম করুণা ও সহযোগিতা ব্যতীত গ্রন্থটির প্রকাশনা কার্য সম্পাদন করা আমাদের পক্ষে কখনও সম্ভব ছিলনা। এছাড়া সার্বজনীন মহাসংঘ দান অনুষ্ঠানের নানা বিষয়ে শ্রদ্ধেয় শ্রীমৎ জ্ঞানপ্রিয় মহাস্থবির গভীর আন্তরিকতা ও আহ্রহ সহকারে আমাদের উপদেশ দিয়েছেন এবং অগ্রণী ভূমিকায় অবতীর্ণ হয়েছেন। আমরা শ্রদ্ধাবনত চিন্তে তাদের কৃতজ্ঞতা জানাই। গ্রন্থটি প্রকাশনা ও সার্বজনীন মহাসংঘদান অনুষ্ঠান আয়োজনে সমন্বয়ের সার্বিক দায়িত্ব পালন করছেন শ্রী চিরঞ্জীব দেওয়ান। তাকেও ধন্যবাদ জানাই।

অর্থের বিনিময়ে গ্রন্থটির কোনো কপি কারো নিকট হস্তান্তর কোনোভাবে কাম্য নয়। এই বিষয়ে আমরা সকলের সচেতন সহযোগিতা কামনা করি।

গ্রন্থটি প্রকাশনা ও মুদ্রণ কাজে যাদের আন্তরিক উদ্যোগ ও অংশগ্রহণ রয়েছে, কায়িক-বাচনিক-আর্থিক সহযোগিতা রয়েছে এবং যাদের এই গ্রন্থটি পাঠ করার সুযোগ হবে আমরা কায়মনোবাক্যে প্রার্থনা করি যেন সকলের ধর্মচক্ষু, ধর্মজ্ঞান এবং অন্তিমে ‘নির্বাপ সাক্ষাৎ লাভের হেতু’ উৎপন্ন হয়।

জগতের সকল প্রাণী সুখী হোক
দুঃখ হতে মুক্ত হোক

২৫৫৭ বুদ্ধাব্দ
১৪ সেপ্টেম্বর ২০১৩ খ্রিস্টাব্দ
৩০ ভাদ্র ১৪২০ বাংলা

ধল কুমার চাকমা
জগৎ জ্যোতি চাকমা
‘সার্বজনীন মহাসংঘদান ২০১৩’
পরিচালনা কমিটি
ও
ছলক এলাকাবাসী ও দাতাদের পক্ষে

মহাবর্গ বিষয়-সূচী

মহাস্কন্ধ (০১—১০৯)

বুদ্ধভূলাভ ও প্রথম যাত্রা (০১—২৫)

(০১) বোধি-কথা.....	৩০
(০২) অজপাল-কথা.....	৩৩
(০৩) মুচলিন্দ-কথা.....	৩৪
(০৪) রাজায়তন-কথা.....	৩৫
(০৫) ব্রহ্মার যাচঞা-কথা.....	৩৬
(০৬) ধর্মচক্র প্রবর্তন.....	৩৮
(০৭) পঞ্চবর্গীর দীক্ষা লাভ.....	৪৪
(০৮) যশের প্রব্রজ্যা.....	৪৬
(০৯) যশের পিতার দীক্ষা.....	৪৭
(১০) যশের চারি গৃহী সহায়ের প্রব্রজ্যা.....	৪৯
(১১) যশের অপর পঞ্চাশ গৃহী সহায়ের কথা.....	৫১
(১২) মার-কথা.....	৫২
(১৩) ত্রিশরণ দানে উপসম্পদা-কথা.....	৫২
(১৪) ভদ্রবর্গীয় সহায়দের-কথা.....	৫৪

উরুবেলায় ঋদ্ধি প্রদর্শন (২৬—৪৫)

(১৫) উরুবেল কাশ্যপ-কথা.....	৫৬
(১৬) আদীপ্ত-পর্য্যায়-দেশনা.....	৬৫
(১৭) বিম্বিসারের দীক্ষা.....	৬৬
(১৮) শারীপুত্র ও মৌদাল্যায়নের উপসম্পদা লাভ.....	৭০

সহবিহারী ও উপাধ্যায়ের ব্রত (৪৫—৬৬)

(০১) উপাধ্যায়ের ব্রত.....	৭৫
(০২) সহবিহারীর ব্রত.....	৮২
(০৩) সহবিহারীকে ‘প্রণমিত’ করিবার নিয়ম.....	৮২
(০৪) ত্রিশরণ দানে প্রব্রজ্যা-বিধি প্রত্যাহার.....	৮৫
(০৫) উপসম্পদা-কর্ম পদ্ধতি.....	৮৭
(০৬) ভিক্ষুর চতুর্বিধ আশ্রয়.....	৮৮

মহাবর্গ বিষয়-সূচী

(০৭) উপসম্পদা দানের অযোগ্য উপাধ্যায়	৯০
(০৮) আচার্যের ব্রত	৯২
(০৯) অন্তবাসীর ব্রত	৯৪
(১০) অন্তবাসীকে ‘প্রণমিত’ করিবার নিয়ম	৯৪
(১১) আশ্রয়দানের অযোগ্য আচার্য	৯৫
(১২) আশ্রয় রহিত হইবার কারণ	৯৫

উপসম্পদা ও প্রব্রজ্যা-বিধি (৬৬—৮৬)

(০১) উপসম্পদা দানের যোগ্য এবং অযোগ্য উপাধ্যায়.....	৯৬
(০২) পূর্ববর্তীর্থিকের কথা	১০১
(ক) প্রত্যাবৃত্ত ব্যক্তির উপসম্পদা	১০১
(খ) অনারাদক	১০২
(গ) আরাদক	১০৩
(০৩) নগ্নবেশের বিশেষ বিধান	১০৩
(০৪) প্রব্রজ্যা লাভের অযোগ্য ব্যক্তি	১০৪
(০৫) কেশমুণ্ডনের জন্য সজ্জা-সম্মতি	১০৯
(০৬) ঊনবিংশতি বৎসর বয়স্কের উপসম্পদা নিষিদ্ধ	১১০
(০৭) পঞ্চদশ বৎসরের কম বয়স্কের প্রব্রজ্যা নিষিদ্ধ	১১২
(০৮) শ্রামণের সংখ্যা	১১২
(০৯) আশ্রয়ের সীমা	১১৩
(১০) আশ্রয় কাহার আবশ্যক?	১১৪

দণ্ডকর্ম-কথা (৮৭—৯৯)

(০১) প্রব্রজ্যার্থ মাতাপিতার অনুমতি	১১৭
(০২) শ্রামণের সম্বন্ধে বিধান	১১৮
(০৩) দণ্ডনীয় শ্রামণেরের দণ্ড-বিধান	১১৯
(০৪) উপসম্পদার অযোগ্য ব্যক্তি	১২১
(০৫) প্রব্রজ্যার অযোগ্য ব্যক্তি	১২৮

উপসম্পদা-বিধি (৯৯—১০৯)

(০১) আশ্রয়ের নিয়ম	১২৯
(০২) জ্যেষ্ঠের গোত্র-নাম উচ্চারণ	১৩১

মহাবর্গ বিষয়-সূচী

(০৩) অনুশ্রাবণের নিয়ম	১৩১
(০৪) গর্ভ হইতে বিংশতি বৎসর বয়স্কের উপসম্পদা	১৩২
(০৫) উপসম্পদার অন্তরায়কর বিষয়	১৩২
(০৬) অনুশাসন বিধি	১৩৩
(০৭) চতুর্বিধ অবলম্বন	১৩৬
(০৮) চতুর্বিধ অকরণীয় বিষয়	১৩৬
(০৯) উৎক্ষিপ্তের বিষয়	১৩৮

উপোষথ-স্কন্ধ (১১০—১৭১)

প্রাতিমোক্ষ-আবৃত্তি (১১০—১১৫)

(০১) উপোষথের বিধান	১৪০
(০২) উপোষথ দিবসে ধর্মোপদেশ	১৪১
(০৩) প্রাতিমোক্ষ আবৃত্তির নিয়ম	১৪১
(০৪) প্রাতিমোক্ষ আবৃত্তি করিবার দিন	১৪৩
(০৫) প্রাতিমোক্ষ আবৃত্তির জন্য সমবেত হইবার নিয়ম	১৪৪

উপোষথ কেন্দ্রের সীমা ও উপোষথের সংখ্যা (১১৫—১২৩)

(০১) সীমা নির্ণয়	১৪৫
(০২) উপোষথাগার নির্ণয় করা	১৪৬
(০৩) একটি আবাসে উপোষথাগারের সংখ্যা এবং স্থান	১৪৯
(০৪) উপোষথে আসিবার সময় চীবরের বিধান	১৫০
(০৫) সীমা এবং চীবরের বিধান	১৫১
(০৬) এক সীমাভ্যন্তরে অন্য সীমা নির্ণয় অবিধেয়	১৫২
(০৭) উপোষথের সংখ্যা	১৫৩

প্রাতিমোক্ষ আবৃত্তি এবং পূর্বকৃত্য (১২৩—১৩৩)

(০১) আবৃত্তি-পদ্ধতি	১৫৩
(০২) বিপদের সময় সজ্জিগু আবৃত্তি	১৫৪
(০৩) অযাচিতভাবে উপদেশ দান অবিধেয়	১৫৫
(০৪) অনির্বাচিতের ‘বিনয়’ জিজ্ঞাসা অবিধেয়	১৫৫
(০৫) অবকাশ করা ইয়া দোষারোপ করা	১৫৬
(০৬) নিয়মবিরুদ্ধ কার্যে বাধা দান	১৫৭

মহাবর্গ বিষয়-সূচী

(০৭) মনোযোগ সহকারে প্রাতিমোক্ষ-আবৃত্তি	১৫৮
(০৮) প্রাতিমোক্ষ আবৃত্তিতে স্বর সম্বন্ধীয় নিয়ম	১৫৮
(০৯) কোথায় এবং কখন প্রাতিমোক্ষ আবৃত্তি নিষিদ্ধ?	১৫৮
(১০) কি জাতীয় ভিক্ষু প্রাতিমোক্ষ আবৃত্তি করিবে?	১৫৯
(১১) সময় এবং গণনা শিক্ষা করা	১৬০
(১২) পূর্বেই উপোষথের সময় জ্ঞাপন	১৬১
(১৩) উপোষথাগার সম্মার্জনাদি কর্তব্য কর্ম	১৬২

অসাধারণাবস্থায় উপোষথ (১৩৩—১৪৪)

(০১) দীর্ঘ পর্যটনের অনুমতি গ্রহণ	১৬৩
(০২) প্রাতিমোক্ষে অনভিজ্ঞ ভিক্ষু আবাসে বাস করিতে পারিবে না	১৬৪
(০৩) উপোষথ কিংবা সজ্ঞ-কর্মে অনুপস্থিত ভিক্ষুর কর্তব্য	১৬৫
(০৪) উন্মাদের জন্য সজ্ঞের অনুমোদন	১৬৭
(০৫) সূত্রোদ্দেশোপোষথ	১৬৯
(০৬) পরিশুদ্ধি-উপোষথ	১৬৯
(০৭) অধিষ্ঠানোপোষথ	১৭০
(০৮) উপোষথ-দিবসে অপরাধের প্রতিকার	১৭১
(০৯) অপরাধের প্রতিবিধান	১৭১

কোন ভিক্ষুর অনুপস্থিতিতে কৃত

নীতিবিরুদ্ধ উপোষথ (১৪৪—১৬৫)

(০১) আবাসস্থ অন্য ভিক্ষুর অনুপস্থিতিতে কৃত আবাসস্থের উপোষথ	১৭৪
ক, (a) আবাসস্থ অবশিষ্ট ভিক্ষুর অনুপস্থিতি না জানিয়া কৃত নির্দোষ উপোষথ	১৭৪
(b) আবাসস্থ অন্য ভিক্ষুর অনুপস্থিতি জানিয়া কৃত সদোষ উপোষথ ...	১৭৯
(c) আবাসস্থ অন্যের অনুপস্থিতিতে সন্দিক্তভাবে কৃত সদোষ উপোষথ	১৮২
(d) আবাসস্থ অন্যের অনুপস্থিতিতে সসঙ্কোচে কৃত সদোষ উপোষথ ...	১৮৫
(e) আবাসস্থ অন্যের অনুপস্থিতিতে ভেদেছায় কৃত সদোষ উপোষথ ..	১৮৮
খ, আবাসস্থ অন্যের অনুপস্থিতি না জানিয়া কৃত উপোষথ	১৯২
গ, আবাসস্থ অন্যের অনুপস্থিতি না দেখিয়া কৃত উপোষথ	১৯৩
ঘ, আবাসস্থ অন্যের অনুপস্থিতি না শুনিয়া কৃত উপোষথ	১৯৩

মহাবর্গ বিষয়-সূচী

- (০২) অভ্যাগতের অনুপস্থিতি না জানিয়া, না দেখিয়া, না শুনিয়া
আবাসস্থদিগের কৃত উপোষথ ১৯৪
- (০৩) আবাসস্থের অনুপস্থিতি না জানিয়া, না দেখিয়া, না শুনিয়া
অভ্যাগতদিগের কৃত উপোষথ ১৯৪
- (০৪) অভ্যাগতের অনুপস্থিতি না জানিয়া, না দেখিয়া, না শুনিয়া
অভ্যাগতের কৃত উপোষথ ১৯৫

উপোষথের কাল, স্থান এবং ব্যক্তি সম্বন্ধে নিয়ম (১৬৫—১৭১)

- (০১) দুই তিথিতে উপোষথ ১৯৫
- (০২) আবাসিক এবং অভ্যাগতের পৃথক উপোষথ হইতে পারে না ১৯৬
- (০৩) উপোষথ-দিবসে আবাসত্যাগের নিয়ম ১৯৮
- (০৪) প্রাতিমোক্ষ-আবৃন্তির জন্য নীতিবিরুদ্ধ সম্মিলন ২০০

বর্ষোপনায়ক-স্কন্ধ (১৭২—১৯৭)

বর্ষাবাস-বিধান এবং তাহার সময় (১৭২—১৭৪)

- (০১) বর্ষাবাস-বিধান ২০২
- (০২) বর্ষাবাসের সময় ২০২
- (০৩) বর্ষাবাসের মধ্যে বহির্গমন নিষিদ্ধ ২০৩
- (০৪) বর্ষাবাসের দিন আবাসত্যাগ নিষিদ্ধ ২০৪
- (০৫) রাজকীয় অধিমাস স্বীকার ২০৪

বর্ষাভ্যন্তরে সপ্তাহের নিমিত্ত বহির্গমন (১৭৪—১৮৩)

- (০১) সংবাদ পাইয়া সপ্তাহের জন্য বহির্গমন ২০৪
- (০২) বিনা সংবাদে সপ্তাহের নিমিত্ত বহির্গমন ২০৭
- (০৩) সংবাদ প্রাপ্তিতে সপ্তাহের নিমিত্ত বহির্গমন ২১৩

বর্ষাবাস করিবার স্থান (১৮৪—১৯১)

- (০১) বিশেষ পরিস্থিতিতে স্থানত্যাগ ২১৪
- (০২) গ্রাম পরিত্যক্ত হইলে গ্রামবাসীদিগের সঙ্গে গমন ২১৫
- (০৩) স্থানের প্রতিকূলতায় গ্রামত্যাগ ২১৫
- (০৪) ব্যক্তি বিশেষের প্রতিকূলকায় স্থানত্যাগ ২১৬

মহাবর্ষ বিষয়-সূচী

(০৫) সজ্ঞভেদ প্রতিরোধের নিমিত্ত স্থানত্যাগ	২১৬
(০৬) ভ্রাম্যমাণ গৃহীর সহিত বর্ষাবাস	২১৯
(০৭) বর্ষাবাসের অযোগ্য স্থান	২১৯
(০৮) বর্ষাবাসের মধ্যে প্রব্রজ্যা	২২০

স্থান পরিবর্তনে দোষী এবং নির্দোষী (১৯১—১৯৭)

(০১) প্রথম বর্ষাবাসের প্রতিশ্রুতি দিয়া ব্যতিক্রম নিষিদ্ধ	২২১
(০২) প্রথম বর্ষাবাসের প্রতিশ্রুতি দিয়া আবাসে গমনাগমনে অপরাধ	২২২
(০৩) কখন গমনাগমন উচিত এবং অনুচিত?	২২৩
(০৪) দ্বিতীয় বর্ষাবাসের প্রতিশ্রুতি দিয়া গমনাগমনে দোষী-নির্দোষী	২২৫

প্রবারণা-স্কন্ধ (১৯৮—২২২)

প্রবারণার স্থান, কাল এবং ব্যক্তি সম্বন্ধে নিয়ম (১৯৮—২০৭)

(০১) মৌনব্রত ধারণ অবিধেয়	২২৮
(০২) বয়োজ্যেষ্ঠের সম্মুখে বসিবার নিয়ম	২৩১
(০৩) প্রবারণার তিথি	২৩২
(০৪) প্রবারণা-কর্ম	২৩২
(০৫) অনুপস্থিত ভিক্ষুর প্রবারণা	২৩৩
(০৬) সজ্ঞ-প্রবারণায় প্রত্যাশিত ভিক্ষুর সংখ্যা	২৩৪
(০৭) অন্যান্য প্রবারণার বিষয়	২৩৪
(০৮) একজনের প্রবারণা	২৩৬
(০৯) প্রবারণা-সময়ে অপরাধের প্রতিকার	২৩৬

কোন ভিক্ষুর অনুপস্থিতিতে কৃত নীতিবিরুদ্ধ প্রবারণা (২০৭—২০৭)

ক, (a) আবাসস্থ অবশিষ্ট ভিক্ষুর অনুপস্থিতি না জানিয়া কৃত নির্দোষ প্রবারণা	২৩৭
--	-----

অসাধারণাবস্থায় প্রবারণা (২০৮—২১০)

(০১) বিশেষ অবস্থায় সংক্ষিপ্ত প্রবারণা	২৩৮
(০২) অপরাধীর প্রবারণা নিষিদ্ধ	২৪০

মহাবর্গ বিষয়-সূচী

প্রবারণা স্থগিত করা (২১০—২২০)

(০১) অবকাশ না করিলে স্থগিত করিবে	২৪০
(০২) অন্যায়ভাবে স্থগিত করা	২৪১
(০৩) প্রবারণা স্থগিত করিবার পদ্ধতি	২৪১
(০৪) বাধাদানে প্রবারণা পূর্ণ করা	২৪১
(০৫) দণ্ডদানে প্রবারণা করা	২৪২
(০৬) বস্ত্র বা ব্যক্তি স্থগিত করা	২৪৬
(০৭) কলহপ্রিয় হইতে রক্ষা পাইবার উপায়	২৪৮
(০৮) প্রবারণা স্থগিত করিবার অনধিকারী	২৫০

প্রবারণার তিথি বৃদ্ধি করা (২২১—২২২)

(০১) ধ্যানাদির অনুকূলতা	২৫১
(০২) প্রবারণা বন্ধ করার পর গমনেচ্ছুকের জন্য বিশেষ বিধান	২৫২

চর্ম-স্কন্ধ (২২৩—২৪৯)

উপানৎ সম্বন্ধে নিয়ম (২২৩—২৩৯)

(০১) শোণ কোটিবিশের প্রব্রজ্যা	২৫৩
(০২) কঠোর সাধনা অবিধেয়	২৫৬
(০৩) অর্হত্ত্ব বর্ণনা	২৫৭
(০৪) একতলা উপানতের বিধান	২৬০
(০৫) চর্মপাদুকার রঙ এবং প্রভেদ	২৬১
(০৬) বহুতলার পুরাণ চর্মপাদুকা-বিধান	২৬২
(০৭) গুরুজনের সম্মুখে চর্মপাদুকা ব্যবহার অবিধেয়	২৬৩
(০৮) অবস্থা বিশেষে আরামেও চর্মপাদুকা ব্যবহার অবিধেয়	২৬৪
(০৯) আরামে চর্মপাদুকা, মশাল, প্রদীপ এবং দণ্ড রাখিবার বিধান	২৬৪
(১০) কাষ্ঠপাদুকা (খড়ম) পরিধান অবিধেয়	২৬৫
(১১) নিষিদ্ধ পাদুকা	২৬৬
(১২) গাভী ও গোবৎস স্পর্শ এবং হত্যা করা অবিধেয়	২৬৮

মহাবর্ষ বিষয়-সূচী

যান, মঞ্চ এবং চৌকি সম্বন্ধে নিয়ম (২৩৯—২৪৩)

(০১) যান নিষিদ্ধ	২৬৯
(০২) রুগ্নের জন্য যানের বিধান	২৬৯
(০৩) বিহিত যান	২৭০
(০৪) মহার্ঘ শয্যা নিষিদ্ধ	২৭০
(০৫) সিংহাদির চর্ম-নিষিদ্ধ	২৭১
(০৬) প্রাণিহিংসায় প্রেরণা দান ও চর্ম ব্যবহার নিষিদ্ধ	২৭১
(০৭) চর্মাবৃত মঞ্চাদিতে বসা যায়	২৭২
(০৮) জুতা পায়ে গ্রামে গমন নিষিদ্ধ	২৭৩

মধ্যদেশের বাহিরে বিশেষ বিধান (২৪৩—২৪৯)

(০১) শোণ কোটিকর্ণের প্রব্রজ্যা	২৭৩
(০২) প্রত্যন্ত দেশের জন্য বিশেষ বিধান	২৭৮

ভৈষজ্য-স্কন্ধ (২৫০—৩১৭)

ভৈষজ্য এবং তাহার প্রস্তুত প্রণালী (২৫০—২৬০)

(০১) পঞ্চবিধ ভৈষজ্যের বিধান	২৮০
(০২) চকির্ সংযুক্ত ভৈষজ্য	২৮২
(০৩) মূল-সংযুক্ত ভৈষজ্য	২৮২
(০৪) কষায়-সংযুক্ত ভৈষজ্য	২৮২
(০৫) পত্র-ভৈষজ্য	২৮৩
(০৬) ফল-ভৈষজ্য	২৮৩
(০৭) জতু-ভৈষজ্য	২৮৩
(০৮) লবণের ভৈষজ্য	২৮৪
(০৯) চূর্ণসংমিশ্রিত ভৈষজ্য, উদ্বীর্ণ, মুষল এবং চালনী	২৮৪
(১০) সদ্যঃ মাংস ও রক্তের ভৈষজ্য	২৮৫
(১১) অঞ্জন, অঞ্জনদানি শলাকা ইত্যাদি	২৮৫
(১২) মস্তকের তৈল	২৮৭
(১৩) নস্য এবং নস্যকরণী	২৮৭
(১৪) ধূমনেত্র	২৮৮

মহাবর্গ বিষয়-সূচী

(১৫) বাতের তৈল.....	২৮৯
(১৬) তৈলে মদ্য সংমিশ্রণ করা.....	২৮৯
(১৭) তৈল-পাত্র.....	২৯০

শ্বেদ মোচন এবং শস্ত্র চিকিৎসা (২৬০—২৬৪)

(০১) শ্বেদ মোচন.....	২৯০
(০২) শিঙ্গার সাহায্যে রক্ত মোচন.....	২৯১
(০৩) পদে মালিশের তৈল এবং ভৈষজ্য.....	২৯১
(০৪) শস্ত্র-চিকিৎসা.....	২৯১
(০৫) মলমের প্রলেপ.....	২৯১
(০৬) সর্প-চিকিৎসা.....	২৯২
(০৭) বিষ—চিকিৎসা.....	২৯৩
(০৮) ঘরদিন্নক রোগ-চিকিৎসা.....	২৯৩
(০৯) দুষ্টগ্রহ-চিকিৎসা.....	২৯৩
(১০) পাণ্ডুরোগ-চিকিৎসা.....	২৯৪
(১১) বিরোচকাদি পান.....	২৯৪

আরামে দ্রব্যাদি রাখা (২৬৪—২৭৬)

(০১) পিলিন্দবৎস কর্তৃক রাজগৃহে গুহা প্রস্তুত করা.....	২৯৪
(০২) আরামে কর্মকারক রাখা.....	২৯৫
(০৩) পিলিন্দবৎসের ঋদ্ধিশক্তি.....	২৯৬
(০৪) ভৈষজ্য সপ্তাহকাল রাখিতে পারা যায়.....	২৯৭
(০৫) গুড় খাইবার বিধান.....	২৯৮
(০৬) মুগের বিধান.....	২৯৮
(০৭) বেণার মূলের বিধান.....	২৯৯
(০৮) আরামের ভিতর দ্রব্য রাখা, পাক করা এবং স্বয়ং পাক করিয়া আহার করা নিষেধ.....	২৯৯
(০৯) দুর্ভিক্ষের সময় বিহারে রাখা, পাককরা এবং স্বয়ং পাক করা বিহিত.....	৩০০
(১০) নিভৃত অরণ্যে স্বয়ং ফলাদি গ্রহণ করা.....	৩০১
(১১) ভোজনাবসানে আনীত ভক্ষ্যের বিধান.....	৩০২
(১২) কর্মকারকের অভাবে ফল খাইবার বিধান.....	৩০৫
(১৩) গুপ্তস্থানে অস্ত্রোপচার এবং মূত্রস্থলী পীড়ন নিষিদ্ধ.....	৩০৫

মহাবর্গ বিষয়-সূচী

অভক্ষ্য মাংস (২৭৬—৩০১)

(০১) সুপ্রিয়া কর্তৃক স্বীয় মাংস দান.....	৩০৬
(০২) মনুষ্য এবং হস্তীআদির মাংস অভক্ষ্য.....	৩০৮
(০৩) যবাগু এবং লাডুর বিধান.....	৩১১
(০৪) একজনের নিমন্ত্রিত হইয়া অন্যের যবাগু গ্রহণ নিষিদ্ধ.....	৩১৩
(০৫) বরিষ্ঠকাত্যায়নের গুড়ের ব্যবস্থা.....	৩১৫
(০৬) রুগ্নের জন্য গুড় এবং সুস্থের জন্য গুড়ের জল.....	৩১৭
(০৭) পাটলিগ্রামে দুর্গ নির্মাণ.....	৩১৭
(০৮) সেনাপতি সিংহের ধর্মাস্ত্রের গ্রহণ.....	৩২৫
(০৯) স্বীয় উদ্দেশ্যে নিহত জীবের মাংস জ্ঞাতসারে ভক্ষণ নিষিদ্ধ.....	৩৩০

সজ্জারামে দ্রব্য রাখিবার স্থান (৩০১—৩০৩)

(০১) দুর্ভিক্ষ সময়ের বিধান সুভিক্ষে নিষিদ্ধ.....	৩৩১
(০২) বিহিত স্থান (কপ্লিয় ভূমি).....	৩৩২
(০৩) বিধিসম্মত ভূমিতে খাদ্য পাক করা নিষিদ্ধ.....	৩৩২
(০৪) চতুর্বিধ ‘কপ্লিয়’ভূমি.....	৩৩৩

গোরস এবং ফলরসের বিধান (৩০৪—৩১৭)

(০১) মেণ্ডক শ্রেষ্ঠী এবং তাঁহার পরিজনবর্গের দিব্য বিভূতি.....	৩৩৪
(০২) মগধরাজ বিম্বিসার কর্তৃক পরীক্ষা.....	৩৩৪
(০৩) পঞ্চবিধ গোরস-বিধান.....	৩৩৬
(০৪) পাথেয়ের বিধান.....	৩৩৯
(০৫) স্বর্ণ, রৌপ্য গ্রহণ নিষিদ্ধ.....	৩৪০
(০৬) অষ্টবিধ পানীয় এবং সমস্ত ফল-রসের বিধান.....	৩৪০
(০৭) রোজমল্লের সৎকার.....	৩৪২
(০৮) শাক এবং পিষ্টক গ্রহণে অনুজ্ঞা.....	৩৪৪
(০৯) ক্ষুর-ভাণ্ড ধারণ নিষিদ্ধ.....	৩৪৪
(১০) সজ্জের ভূমি এবং বীজাদি সম্বন্ধে নিয়ম.....	৩৪৬
(১১) বিধিসম্মত এবং বিধিবিরুদ্ধ.....	৩৪৬
(১২) কোন্ সময়ে গৃহীত দ্রব্য কোন্ সময় পর্যন্ত বিহিত?.....	৩৪৭

মহাবর্গ বিষয়-সূচী

কঠিন-স্কন্ধ (৩১৮—৩৩৭)

কঠিন চীবরের বিধান (৩১৮—৩২২)

- (০১) কঠিন চীবরের অনুজ্ঞা দান..... ৩৪৮
 (০২) কঠিনচীবরলাভী ভিক্ষুর জন্য বিশেষ বিধান..... ৩৪৯
 (০৩) কঠিন চীবরের প্রসারণ এবং অপ্রসারণ..... ৩৫০

কঠিন চীবর ধ্বংস (৩২২—৩৩৭)

- (০১) কিরূপে কঠিন চীবরের ধ্বংস সাধিত হয়?..... ৩৫২
 (০২) সপ্তবিধ আদায়..... ৩৫২
 (০৩) সপ্তবিধ সমাদায়..... ৩৫৩
 (০৪) ষড়বিধ আদায়..... ৩৫৩
 (০৫) ষড়বিধ সমাদায়..... ৩৫৪
 (০৬) ‘আদায়’ কঠিন-বিনাশ..... ৩৫৪
 (০৭) ‘সমাদায়’ কঠিন-বিনাশ..... ৩৫৬
 (০৮) নিরাশায় কঠিনের বিনাশ..... ৩৫৭
 (০৯) আশায় কঠিনের বিনাশ..... ৩৫৯
 (১০) করণীয় দ্বারা কঠিন বিনাশ..... ৩৬১
 (১১) স্বত্ব ত্যাগ না করায় কঠিনের বিনাশ..... ৩৬৩
 (১২) নিরাপদবাসে কঠিন চীবরের বিনাশ..... ৩৬৫
 কঠিন চীবরের প্রতিবন্ধক..... ৩৩৬—৩৩৭

চীবর-স্কন্ধ (৩৩৮—৩৮৯)

বিধিসম্মত চীবর এবং তাহার প্রভেদ (৩৩৮—৩৫৪)

- (০১) জীবক-চরিত..... ৩৬৮
 (০২) নূতন বস্ত্রে প্রস্তুত চীবরের বিধান..... ৩৮১
 (০৩) প্রাবার ব্যবহারে আদেশ..... ৩৮১
 (০৪) কম্বল ব্যবহারের আদেশ..... ৩৮২
 (০৫) ষড়বিধ চীবরের বিধান..... ৩৮২
 (০৬) নূতন চীবরের সঙ্গে পাণ্ডুকূল..... ৩৮২

মহাবর্গ বিষয়-সূচী

সজ্জের কর্মকারক (৩৫৪—৩৫৮)

(০১) চীবর প্রতিগ্রাহক নির্বাচন	৩৮৪
(০২) চীবর-রক্ষক নির্বাচন	৩৮৫
(০৩) ভাণ্ডারগৃহ নির্ণয়	৩৮৫
(০৪) ভাণ্ডারী নির্বাচন	৩৮৬
(০৫) সঞ্চিত চীবর ভাগ করা	৩৮৬
(০৬) চীবর-ভাজক নির্বাচন	৩৮৬
(০৭) চীবর ভাগ করিবার নিয়ম	৩৮৬
(০৮) শ্রামণেরকে অংশ প্রদান	৩৮৭
(০৯) চীবরের উপর কুশ নিক্ষেপ	৩৮৮

চীবর রঞ্জনাতি করা (৩৫৮—৩৬০)

(০১) চীবর রঞ্জিত করিবার রঙ	৩৮৮
(০২) রঙ পাক করা	৩৮৮
(০৩) রঙ রাখিবার পাত্র	৩৮৯
(০৪) চীবর শুখাইবার সামগ্রী	৩৮৯
(০৫) রঞ্জিত করিবার নিয়ম	৩৯০

চীবর ছেদন, সংখ্যা এবং জীর্ণ সংস্কার (৩৬০—৩৭০)

(০১) ছিঁড়িয়া সেলাই করা চীবরের বিধান	৩৯০
(০২) চীবরের সংখ্যা	৩৯২
(০৩) অতিরিক্ত চীবর সম্বন্ধে নিয়ম	৩৯৩
(০৪) চীবরে তালি দেওয়া	৩৯৪
(০৫) বিশাখার বর	৩৯৫
(০৬) স্নানবস্ত্রের বিধান	৩৯৭
(০৭) দেহ, চীবর এবং আসন রক্ষা করিয়া উপবেশন	৩৯৯

অন্যান্য বস্ত্র এবং চীবর সম্বন্ধে বিধান (৩৭১—৩৭৫)

(০১) বিছানার চাদর	৪০১
(০২) কণ্ডু আচ্ছাদনের বস্ত্র	৪০১
(০৩) মুখ মুছিবার তোয়ালে	৪০১

মহাবর্গ বিষয়-সূচী

(০৪) পঞ্চগঙ্গ-সম্পন্ন ব্যক্তি বিশ্বাসের যোগ্য	৪০২
(০৫) অন্যান্য বস্ত্রের বিধান	৪০২
(০৬) বস্ত্রের মধ্যে কোন্টি নিত্য ব্যবহার্য্য এবং কোন্টি অব্যবহার্য্য?	৪০২
(০৭) বেনামাযোগ্য বস্ত্রের প্রমাণ	৪০২
(০৮) চীবর পাতলা, কোমল আদি করিবার নিয়ম	৪০৩
(০৯) বস্ত্র না কুলাইলে ত্রিচীবর ছিন্ন করিয়া প্রস্তুত না করা	৪০৩
(১০) মাতাপিতাকে বস্ত্র দেওয়া যায়	৪০৪
(১১) দুই চীবরে গ্রামে গমন অনুচিৎ	৪০৪
(১২) কোন একটি চীবর রাখিয়া যাইবার কারণ	৪০৪

চীবর ভাগ করা (৩৭৫—৩৭৯)

(০১) সজ্জোদ্দেশ্যে প্রদত্ত চীবরে অধিকার	৪০৫
(০২) একস্থানে বর্ষাবাস করিয়া অন্যত্র চীবরাংশ গ্রহণ অনুচিৎ	৪০৭
(০৩) দুই আবাসে বর্ষাবাস করিলে অর্দেকাংশ প্রাপ্য	৪০৮

রোগীর পরিচর্যা এবং মৃতের দায়ভাগ (৩৭৯—৩৮৩)

(০১) রোগীর পরিচর্যায় নিয়োগ	৪০৯
(০২) কিরূপ রোগীর পরিচর্যা কষ্টকর?	৪১০
(০৩) কিরূপ রোগীর পরিচর্যা সুখকর?	৪১০
(০৪) অযোগ্য রোগীপরিচারক	৪১০
(০৫) যোগ্য রোগীপরিচারক	৪১১
(০৬) মৃত ভিক্ষু বা শ্রামণের দ্রব্যের মালিক সজ্জ	৪১১
(০৭) মৃতের দ্রব্যে শুশ্রূষক ভিক্ষু এবং শ্রামণের অংশ	৪১২

চীবরের বস্ত্র এবং রঙ (৩৮৩—৩৮৬)

(০১) নগ্ন থাকা অবস্থায়	৪১৩
(০২) কুশচীরাতি ব্যবহার অবস্থায়	৪১৩
(০৩) নীল এবং পীতাদিবর্ণের চীবর ধারণ নিষিদ্ধ	৪১৪
(০৪) অবস্থান্তর প্রাপ্ত ব্যক্তির চীবরাদি সম্বন্ধে সজ্জের কর্তব্য	৪১৫
(০৫) চীবরের মালিক সজ্জ	৪১৫

মহাবর্ণ বিষয়-সূচী

চীবর দান এবং চীবর বাহক (৩৮৬—৩৮৯)

(০১) সজ্ঞাভেদ হইলে চীবর ভাগ করার নিয়ম	৪১৬
(০২) অন্যের জন্য প্রেরিত চীবর চীবরবাহকের ব্যবহার করিবার বিধি ...	৪১৭
(০৩) অষ্টবিধ চীবরদান এবং তাহার ভাগ	৪১৯

চম্পেয়্য-ক্ক (৩৯০—৪৩৪)

কর্ম ও অকর্ম (৩৯০—৪০০)

(০১) নিরপরাধীকে উৎক্ষিপ্ত করা অপরাধ	৪২০
(০২) অকর্মের পার্থক্য	৪২৪
(০৩) কর্মের পার্থক্য	৪২৫
(০৪) অকর্মের পার্থক্য	৪২৬
(০৫) ষড়বিধ কর্ম	৪২৭
(০৬) ধর্মবিরুদ্ধ কর্ম	৪২৭
(০৭) বর্গ কর্ম	৪২৮
(০৮) সমগ্র কর্ম	৪২৯
(০৯) ধর্মপ্রতিরূপ বর্গকর্ম	৪২৯
(১০) ধর্মপ্রতিরূপ সমগ্রকর্ম	৪৩০
(১১) ধর্মসম্মত সমগ্রকর্ম	৪৩০

পাঁচ প্রকার সজ্ঞা এবং তাহার অধিকার (৪০০—৪০৮)

(০১) বর্গ (কোরাম্) দ্বারা সজ্ঞার পার্থক্য	৪৩০
(০২) সজ্ঞার অধিকার	৪৩০
(০৩) অন্যায়ভাবে বর্গ (কোরাম্) পূর্ণ করা	৪৩১
(০৪) সজ্ঞাসভায় কাহার বাধাদান গ্রাহ্য এবং অগ্রাহ্য	৪৩৩
(০৫) ন্যায়সঙ্গত এবং ন্যায়বিরুদ্ধ বহিষ্করণ	৪৩৩
(০৬) প্রবেশাধিকার দানের যোগ্য এবং অযোগ্য ব্যক্তি	৪৩৪
(০৭) ধর্মবিরুদ্ধ উৎক্ষেপনীয় কর্ম	৪৩৫
(০৮) ধর্মসম্মত উৎক্ষেপনীয় কর্ম	৪৩৭

মহাবর্গ বিষয়-সূচী

কোনটি ধর্মসম্মত এবং কোনটি ধর্মবিরুদ্ধ? (৪০৮—৪১৩)

(০১) ধর্মবিরুদ্ধ কর্ম	৪৩৮
(০২) ধর্মসম্মত কর্ম	৪৩৯
(০৩) ধর্মবিরুদ্ধ কর্ম	৪৪০
(০৪) ধর্মসম্মত কর্ম	৪৪১
(০৫) ধর্মবিরুদ্ধ কর্মের স্বরূপ	৪৪২

ধর্মবিরুদ্ধ কর্ম (৪১৪—৪২২)

(০১) তর্জ্জনীয়কর্ম	৪৪৪
(০২) নির্যশ কর্ম	৪৪৭
(০৩) প্রব্রাজনীয়কর্ম	৪৪৯
(০৪) প্রতিস্মারণীয়কর্ম	৪৪৯
(০৫) উৎক্ষেপনীয়কর্ম	৪৫০

ন্যায়বিরুদ্ধ দণ্ড প্রত্যাহার (৪২২—৪২৮)

(০১) তর্জ্জনীয়কর্ম প্রত্যাহার	৪৫২
(০২) নির্যশকর্ম প্রত্যাহার	৪৫৬
(০৩) প্রব্রাজনীয়কর্ম প্রত্যাহার	৪৫৭
(০৪) প্রতিস্মারণীয়কর্ম প্রত্যাহার	৪৫৭
(০৫) উৎক্ষেপনীয়কর্ম প্রত্যাহার	৪৫৭

ন্যায়বিরুদ্ধ দণ্ড-সংশোধন (৪২৮—৪৩১)

(১) তর্জ্জনীয়কর্ম-সংশোধন	৪৫৮
(২) নির্যশকর্ম-সংশোধন	৪৫৯
(৩) প্রব্রাজনীয়কর্ম-সংশোধন	৪৫৯
(৪) প্রতিস্মারণীয় কর্ম-সংশোধন	৪৫৯
(৫) উৎক্ষেপনীয়কর্ম-সংশোধন	৪৬০

ন্যায়বিরুদ্ধ দণ্ড-প্রত্যাহার সংশোধন (৪৩১—৪৩৪)

(০১) তর্জ্জনীয়কর্ম প্রত্যাহার সংশোধন	৪৬১
(০২) নির্যশকর্ম প্রত্যাহার সংশোধন	৪৬১
(০৩) প্রব্রাজনীয়কর্ম প্রত্যাহার সংশোধন	৪৬২
(০৪) প্রতিস্মারণীয়কর্ম প্রত্যাহার সংশোধন	৪৬২
(০৫) উৎক্ষেপনীয়কর্ম প্রত্যাহার সংশোধন	৪৬৩

মহাবর্ষ বিষয়-সূচী

কৌশাম্বী-স্কন্ধ (৪৩৫—৪৬২)

ভিক্ষুসঙ্ঘের মধ্যে কলহ (৪৩৫—৪৫৪)

(০১) কলহের উৎপত্তি.....	৪৬৫
(০২) উৎক্ষিপ্তকণণকে উপদেশ.....	৪৬৬
(০৩) উৎক্ষিপ্তানুবর্তিগণকে উপদেশ.....	৪৬৮
(০৪) সীমার অভ্যন্তরে এবং বাহিরে উপোষথ করা.....	৪৬৯
(০৫) কলহবশত ন্যায়বিরুদ্ধ কায়িক, বাচনিক কার্য করা অনুচিত.....	৪৭০
(০৬) কলহকারিগণের জেদ্.....	৪৭১
(০৭) দীর্ঘায়ুর কথা.....	৪৭২
(০৮) ভিক্ষুসঙ্ঘ পরিত্যাগ.....	৪৭৮
(০৯) নির্জনবাসে আনন্দ.....	৪৮২

অধর্মবাদী এবং ধর্মবাদী (৪৫৪—৪৫৭)

(০১) অধর্মবাদীর পরিচয়.....	৪৮৪
(০২) ধর্মবাদীর পরিচয়.....	৪৮৫

সঙ্ঘ-সম্মেলন (৪৫৭—৪৬০)

(০১) সঙ্ঘ-সম্মেলন প্রণালী.....	৪৮৮
(০২) ন্যায়বিরুদ্ধ সঙ্ঘ-সম্মেলন.....	৪৮৯
(০৩) নিয়মানুগ সঙ্ঘ-সম্মেলন.....	৪৯০
(০৪) দ্বিবিধ সঙ্ঘ-সম্মেলন.....	৪৯০

উপযুক্ত বিনয়ধরের প্রশংসা..... ৪৯০—৪৯২

নাম-সূচী..... ৪৯৩

শব্দ-সূচী..... ৪৯৮

সাক্ষেতিক নাম..... ৪৯২

বিনয়-পিটক

মহাবর্গ

= নমো তস্ =

১—মহাস্কন্ধ^১

বুদ্ধত্বলাভ ও প্রথম যাত্রা

[স্থান :—উরুবেলা]

(১) বোধি-কথা

তখন বুদ্ধ ভগবান সবেমাত্র বুদ্ধত্ব লাভ করিয়া উরুবেলায়^২ অবস্থান করিতেছিলেন, নৈরঞ্জনা নদীতীরে বোধিবৃক্ষ-মূলে^৩। অনন্তর ভগবান বোধিতরু-মূলে সপ্তাহকাল একাসনে ধ্যানপদ্মাসনে বিমুক্তিসুখ অনুভব করিতেছিলেন। ভগবান রাত্রির প্রথমযামে প্রতীত্যসমুৎপাদ-তত্ত্ব অনুলোম-প্রতিলোম ভাবে, উৎপত্তি ও

^১। তিব্বতীয় ভাষায় অনুদিত মূল সর্বাস্তিবাদ সম্প্রদায়ের বিনয়-বস্তুতে ইহা প্রব্রজ্যা-বস্তু নামে অভিহিত।

^২। উরুবেলা অর্থে মহাবেলা, বৃহৎ বালুকারাশি অথবা উরু অর্থ বালুকা, বেলা অর্থ মর্যাদা (সীমা), বেলাতিক্রম করিয়া স্তূপাকার উরু (বালুকা)। অতীতকালে বুদ্ধের আবির্ভাবের পূর্বে দশসহস্র কুলপুত্র-তাপস প্রব্রজ্যাবলম্বন করিয়া সেই স্থানে অবস্থান করিতেন। এক দিবস তাঁহারা সকলে সমবেত হইয়া একরূপ প্রতিজ্ঞাবদ্ধ হইলেন : ‘কায়িক এবং বাচনিক অপরাধ সকলের গোচরীভূত হয়; কিন্তু মানসিক অপরাধ অপরের নিকট দুর্জ্ঞেয়। যিনি কাম-বিতর্ক (কাম বিষয়ে চিন্তা), ব্যাপাদ-বিতর্ক (পরের অহিত কামনা) এবং বিহিংসা-বিতর্ক (পরপীড়নেচ্ছা) চিন্তা করিবেন তিনি নিজেকে নিজে ধিক্কার দিয়া পাত্রে করিয়া বালুকা আহরণ করিয়া এইস্থানে আকীর্ণ করুন। ইহা তাঁহার পক্ষে দণ্ডকর্ম (শাস্তি) হইবে।’ সেই হইতে যাঁহাদের মনে তাদৃশ বিতর্ক জাগিত তাঁহারা তথায় পাত্রে করিয়া বালুকা আকীর্ণ করিতেন। একরূপে তথায় ক্রমে ক্রমে প্রভূত বালুকারাশি সঞ্চিত হইয়াছিল। পরে জনসাধারণ তাহা চৈতন্যস্থানে পরিণত করিয়াছিলেন। কালক্রমে এইস্থান উরুবেলা নামে প্রসিদ্ধি লাভ করে।—সম-পাসা।

^৩। বোধি অর্থ চতুর্মার্গ সম্বন্ধে জ্ঞান। ভগবান বুদ্ধ ঐ বৃক্ষমূলে বোধি-জ্ঞান লাভ করিয়াছিলেন বলিয়া তাহা বোধিবৃক্ষ নামে অভিহিত হয়।—সম-পাসা।

নিরোধ বশে, স্বমনে আনুপূর্বিক পর্যালোচনা করিলেন :—

অবিদ্যা-প্রত্যয় হইতে সংস্কার, সংস্কার-প্রত্যয় হইতে বিজ্ঞান, বিজ্ঞান-প্রত্যয় হইতে নামরূপ, নামরূপ-প্রত্যয় হইতে ষড়ায়তন, ষড়ায়তন-প্রত্যয় হইতে স্পর্শ, স্পর্শ-প্রত্যয় হইতে বেদনা, বেদনা-প্রত্যয় হইতে তৃষ্ণা, তৃষ্ণা-প্রত্যয় হইতে উপাদান, উপাদান-প্রত্যয় হইতে ভব, ভব-প্রত্যয় হইতে জন্ম, জন্ম-প্রত্যয় হইতে জরা, মরণ, শোক, পরিদেবন, দুঃখ, দৌর্মনস্য ও নৈরাশ্য উৎপন্ন হয়। এইরূপে সমগ্র দুঃখস্কন্ধের সমুদয় (উৎপত্তি) হয়।

নিঃশেষে সেই অবিদ্যার নিরোধে সংস্কার-নিরোধ, সংস্কার-নিরোধে বিজ্ঞান-নিরোধ, বিজ্ঞান-নিরোধে নামরূপ-নিরোধ, নামরূপ-নিরোধে ষড়ায়তন-নিরোধ, ষড়ায়তন-নিরোধে স্পর্শ-নিরোধ, স্পর্শ-নিরোধে বেদনা-নিরোধ, বেদনা-নিরোধে তৃষ্ণা-নিরোধ, তৃষ্ণা-নিরোধে উপাদান-নিরোধ, উপাদান-নিরোধে ভব-নিরোধ, ভব-নিরোধে জন্ম-নিরোধ, জন্ম-নিরোধে জরা, মরণ, শোক, পরিদেবন, দুঃখ, দৌর্মনস্য ও নৈরাশ্যের নিরোধ হয়। এইরূপে সমগ্র দুঃখস্কন্ধের নিরোধ হয়।

এই তত্ত্বার্থ বিদিত হইয়া ভগবান সেই শুভক্ষণে আবেগপূর্ণ এই উদান-গাথা উচ্চারণ করিলেন :—

“সমুদিত যবে ধর্ম, জ্ঞানের বিষয়,
বীর্য্যবান, ধ্যানরত ব্রাহ্মণের হয়,
দূরে যায় সর্ব্ব শঙ্কা,—সকল সংশয়,
জানে যাহে হেতু-বশে ধর্ম সমুদয়।”^১

ভগবান পুনরায় রাত্রির মধ্যম যামে প্রতীত্যসমুৎপাদ-তত্ত্ব অনুলোম-প্রতিলোম ভাবে, উৎপত্তি ও নিরোধ বশে, স্বমনে আনুপূর্বিক পর্যালোচনা করিলেন :—

অবিদ্যা-প্রত্যয় হইতে সংস্কার, সংস্কার-প্রত্যয় হইতে বিজ্ঞান, বিজ্ঞান-প্রত্যয় হইতে নামরূপ ইত্যাদি।—এইরূপে সমগ্র দুঃখস্কন্ধের সমুদয় (উৎপত্তি) হয়।

নিঃশেষে সেই অবিদ্যার নিরোধে সংস্কার-নিরোধ, সংস্কার-নিরোধে বিজ্ঞান-নিরোধ, বিজ্ঞান-নিরোধে নামরূপ-নিরোধ, ইত্যাদি।—এইরূপেই সমগ্র দুঃখস্কন্ধের নিরোধ হয়।

এই তত্ত্বার্থ বিদিত হইয়া ভগবান সেই শুভক্ষণে আবেগপূর্ণ এই উদান-গাথা উচ্চারণ করিলেন :—

“সমুদিত যবে ধর্ম, জ্ঞানের বিষয়,
বীর্য্যবান, ধ্যানরত ব্রাহ্মণের হয়,
দূরে যায় সর্ব্ব শঙ্কা,—সকল সংশয়,
জানে যাহে হেতু-ক্ষয়ে প্রত্যয়ের ক্ষয়।”

^১। পদ্যানুবাদ সমূহ ডক্টর বড়ুয়া হইতে গৃহীত হইয়াছে।

ভগবান পুনরায় রাত্রির শেষ যামে প্রতীত্যসমুৎপাদ-তত্ত্ব অনুলোম-প্রতিলোম ভাবে, উৎপত্তি ও নিরোধ বশে, স্বমনে আনুপূর্বিক পর্যালোচনা করিলেন :—

অবিদ্যা-প্রত্যয় হইতে সংস্কার, সংস্কার-প্রত্যয় হইতে বিজ্ঞান, বিজ্ঞান-প্রত্যয় হইতে নামরূপ ইত্যাদি ।—এইরূপে সমগ্র দুঃখস্কন্ধের সমুদয় (উৎপত্তি) হয় ।

নিঃশেষে সেই অবিদ্যার নিরোধে সংস্কার-নিরোধ, সংস্কার-নিরোধে বিজ্ঞান-নিরোধ, বিজ্ঞান-নিরোধে নামরূপ-নিরোধ, ইত্যাদি ।—এইরূপেই সমগ্র দুঃখস্কন্ধের নিরোধ হয় ।

এই তত্ত্বার্থ বিদিত হইয়া ভগবান সেই শুভক্ষণে আবেগপূর্ণ এই উদান-গাথা উচ্চারণ করিলেন :—

“সমুদিত যবে ধর্ম, জ্ঞানের বিষয়,
বীর্যবান, ধ্যানরত ব্রাহ্মণের হয়,
রহে বীর মারসৈন্য বিধ্বস্ত করিয়া,
অংশুমালী যথা অন্তরীক্ষ উদ্ভাসিয়া”^১ ।”

॥ বোধি-কথা সমাপ্ত ॥ ১

(২) অজপাল-কথা

ভগবান সপ্তাহ গতে সেই সমাধি হইতে উঠিয়া অজপাল-ন্যগ্রোধ তরু-মূলে^২ উপস্থিত হইলেন । সেই স্থানেও সপ্তাহকাল একাসনে, ধ্যানপদ্মাসনে, বিমুক্তিসুখ অনুভব করিতেছিলেন । তখন ‘হুঙ্ক’ জাতীয়^৩ জনৈক ব্রাহ্মণ ভগবানের নিকট উপস্থিত হইলেন । উপস্থিত হইয়া তিনি প্রীত্যালাপচ্ছলে ভগবানের সহিত কুশল প্রশ্ন জিজ্ঞাসা করিয়া একান্তে দাঁড়াইলেন । একান্তে দণ্ডায়মান হইয়া ভগবানকে কহিলেন :—“হে গৌতম! কিসে ব্রাহ্মণ হয়, ব্রাহ্মণ-করণীয় ধর্ম কি-কি?”

^১ । ভগবান বৈশাখী পূর্ণিমা রজনীর প্রথম যামে পূর্বনিবাসানুস্মৃতি (জাতিস্মরণ) জ্ঞান লাভ করিলেন, মধ্যমযামে দিব্যনেত্র লাভ করিলেন এবং অন্তিমযামে প্রতীত্যসমুৎপাদ-তত্ত্ব অনুলোম-প্রতিলোমভাবে স্বমনে আনুপূর্বিক পর্যালোচনা করিয়া অরুণোদয়ের সময় সম্যক্ সম্বোধি (সর্বজ্ঞতা) লাভ করিলেন এবং সঙ্গে সঙ্গেই অরুণোদয় হইল । ভগবান সেই দিবস সেই আসনেই অতিবাহিত করিয়া প্রতিপদ রাত্রির ত্রিবিধ্যযামে এরূপ পর্যালোচনা করিয়া আবেগপূর্ণ এই উদান গাথাগুলি উচ্চারণ করিয়াছিলেন ।

^২ । এই ন্যগ্রোধ তরু-ছায়ায় অজপালকগণ বিশ্রাম করিত বলিয়া তাহার নাম হইয়াছিল অজপাল ন্যগ্রোধ ।

^৩ । তিনি অহঙ্কার এবং ক্রোধ বশত হু-হুং রব করিয়া বিচরণ করিতেন । এই হেতু সাধারণে তিনি ‘হুঙ্ক’ জাতীয় নামে পরিচিত হইয়াছিলেন ।—সম-পাসা ।

ভগবান ইহা বিদিত হইয়া সেই শুভক্ষণে আবেগপূর্ণ এই উদান-গাথা উচ্চারণ করিলেন :—

“বাহিত সকল পাপ ব্রাহ্মণ সে জন,
নাহি ‘হৃৎক্লার’ মুখে, সংযত জীবন,
নিষ্কায়, নাহি মল, স্বভাব নিৰ্মল,
বেদান্তগ, ব্রহ্মচর্য্য হয়েছে সফল,
ন্যায় ধৰ্ম্মে ব্রহ্মবাদ বলে সে ব্রাহ্মণ,
জগতে কোথাও যার নাহিক স্থলন।”

॥ অজপাল ন্যগ্রোধ-কথা সমাপ্ত ॥ ২

(৩) মুচলিন্দ-কথা

ভগবান সপ্তাহ গতে সেই সমাধি হইতে উঠিয়া ‘মুচলিন্দ’^১ তরু-মূলে উপস্থিত হইলেন এবং তথায়ও সপ্তাহকাল একাসনে, ধ্যানপদ্মাসনে, বিমুক্তিসুখ অনুভব করিতেছিলেন। সেই সময় মহা অকালমেঘ উত্থিত হইল। সপ্তাহ ব্যাপিয়া বৃষ্টি-বাদল, শীতল হাওয়া ও দুর্দিন^২। মুচলিন্দ (মুচকুন্দ) নাগরাজ স্বীয় ভবন হইতে বাহির হইলেন। ভগবানের দেহ স্বীয় সপ্ত দেহকুণ্ডলে বেষ্টিত করিয়া, ভগবানের শিরোপরি ফণা বিস্তৃত করিয়া রহিলেন,—উদ্দেশ্য যাহাতে ভগবান শীতোষ্ণক্লিষ্ট অথবা দংশ, মশক, বাতাতপ ও সরীসৃপ দ্বারা স্পৃষ্ট না হন। সপ্তাহ গতে মুচলিন্দ নাগরাজ আকাশ মেঘ-মুক্ত দেখিয়া, ভগবানের দেহ হইতে স্বীয় দেহবেষ্টন অপসারিত করিয়া, নাগবেশ পরিহারপূর্ব্বক মানবরূপ ধারণ করিয়া ভগবানের পুরোভাগে কৃতাঞ্জলি হইয়া ভগবানকে প্রণতি জ্ঞাপনের ভাবে দাঁড়াইলেন। ভগবান তাহা বিদিত হইয়া সেই শুভক্ষণে আবেগপূর্ণ এই উদান-গাথা উচ্চারণ করিলেন :—

“বিবেক-বৈরাগ্য সুখে তুষ্ট যার মন,
বহুশ্রুত ধৰ্ম্মে, লভে জ্ঞান-দরশন।
অহিংসা অক্রোধ সুখ, হিংসায় সংযম,
বিশ্বে বিরাগতা সুখ, কাম-অতিক্রম।
‘অস্মি’, ‘আছি’, ‘আমি’, এই মান-অতিমান,
অস্মিতার জয়ে সুখ পরম মহান।”

॥ মুচলিন্দ-কথা সমাপ্ত ॥ ৩

^১। সংস্কৃতে মুচকুন্দ।

^২। গ্রীষ্মঋতুর অন্তিমমাসে এই মেঘের সঞ্চারণ হইয়াছিল। এই সময়ের বৃষ্টি সপ্তাহ পর্য্যন্ত অবিরল ধারায় বর্ষিত হইয়াছিল। এই সপ্তাহব্যাপী বৃষ্টি-জল মিশ্রিত শীতল বায়ু চতুর্দিকে প্রবাহিত হওয়ায় দুর্দিন নামে উক্ত হইয়াছে।—সম-পাসা।

(৪) রাজায়তন-কথা

সপ্তাহ গতে ভগবান সেই সমাধি হইতে উঠিয়া মুচলিন্দ-মূল হইতে রাজায়তন-মূলে উপস্থিত হইলেন এবং সেই স্থানেও সপ্তাহকাল একাসনে ধ্যানপদ্মাসনে বিমুক্তি-সুখ অনুভব করিতেছিলেন। তখন দ্রপুষ ও ভল্লিক নামে দুই জন বণিক উৎকল হইতে সেই স্থান দিয়া দীর্ঘপথ পর্য্যটন করিতেছিলেন। তাঁহাদের জ্ঞাতি-সলোহিত দেবতা তাঁহাদিগকে কহিলেন, “মারিষ, ভগবান বুদ্ধত্ব লাভ করিয়া রাজায়তন-মূলে অবস্থান করিতেছেন। আপনারা তাঁহাকে ‘মহু’^১ ও ‘মধুপিণ্ড’^২ দানে পূজা করুন। তাহা আপনারদের দীর্ঘকাল হিত ও সুখের কারণ হইবে।” অনন্তর তাঁহারা ‘মহু’ ও ‘মধুপিণ্ড’ হস্তে ভগবানের নিকট উপস্থিত হইলেন এবং ভগবানকে অভিষেক করিয়া একান্তে দণ্ডায়মান হইলেন। একান্তে দাঁড়াইয়া তাঁহারা ভগবানকে কহিলেন—“প্রভো! আপনি আমাদের ‘মহু’ ও ‘মধুপিণ্ড’ গ্রহণ করুন, যেন ইহা আমাদের দীর্ঘকাল হিত ও সুখের কারণ হয়।”

ভগবান ভাবিলেন—“তথাগত স্বহস্তে ভিক্ষা গ্রহণ করেন না; আমি ‘মহু’ ও ‘মধুপিণ্ড’ কিসে গ্রহণ করিব?” তখন চারি লোকপাল মহারাজা স্বচিন্তে ভগবানের চিন্ত-পরিবর্তক জানিতে পারিয়া চতুর্দিক হইতে চারিটি শিলাপাত্র ভগবানের নিকট উপস্থিত করিয়া কহিলেন :—“প্রভো! ইহাতে ‘মহু’ ও ‘মধুপিণ্ড’ গ্রহণ করুন।”

ভগবান সেই মহার্ষি শিলাপাত্রের প্রত্যেকটিতে^৩ ‘মহু’ ও ‘মধুপিণ্ড’ গ্রহণ করিয়া ভোজন করিলেন। বণিকদ্বয় ভগবানকে কহিলেন—“প্রভো! আমরা উভয়ে ভগবানের শরণাগত এবং তদুপদিষ্ট ধর্মের শরণাগত হইতেছি, ভগবান আমাদের আজ হইতে আমরণ শরণাগত উপাসক বলিয়া অবধারণ করুন।”

তাঁহারা জগতে সর্বপ্রথম দ্বিবাচিক উপাসক হইয়াছিলেন^৪।

রাজায়তন-কথা সমাপ্ত ॥ ৪

^১। শকু (ভাজা যব ও ছোলা প্রভৃতির গুঁড়া)।

^২। চর্বি, মধু ও গুড় সংমিশ্রিত শকুর লাড়ু।

^৩। ভগবানের অধিষ্ঠান প্রভাবে চারিটি পাত্রই একটিতে পরিণত হইয়াছিল।—সম-পাসা।

^৪। ভগবান এইভাবে প্রতিপদ (বৈশাখী পূর্ণিমার দ্বিতীয় দিবস) রাত্রিতে স্বমনে পর্যালোচনা করিয়া (১) বোধিবৃক্ষের নীচে সপ্তাহকাল একাসনে উপবিষ্ট রহিলেন। অষ্টম দিবসে সমাধি হইতে উঠিয়া (২) বজ্রাসনের কিঞ্চিৎ পূর্বোত্তর পার্শ্বে দণ্ডায়মান হইয়া বজ্রাসন এবং বোধিবৃক্ষের দিকে অনিমেষ নেত্রে দৃষ্টিপাত করিয়া সপ্তাহ অতিবাহিত করিলেন। এই স্থানের নাম হইল অনিমেষচৈত্য। পুনরায় (৩) বজ্রাসন এবং স্থিত (অনিমেষচৈত্যের) স্থানের মধ্যস্থলে পূর্ব হইতে পশ্চিমে বিস্তৃত রত্নচক্রমে (রত্নময় পাদচারণের স্থানে) পাদচারণ করিয়া সপ্তাহ অতিবাহিত করিলেন। এই স্থানের নাম হইল রত্নচক্রমচৈত্য। উহার পশ্চিমাংশে দেবগণ কর্তৃক নির্মিত। (৪) রত্নঘরে একাসনে বসিয়া স্বমনে অভিধর্ম পর্যালোচনা করিয়া সপ্তাহ অতিবাহিত করিলেন। এই স্থানের নাম হইল রত্নঘরচৈত্য। ভগবান এইভাবে বোধিবৃক্ষের পার্শ্বে চারি সপ্তাহ অতিবাহিত করিলেন। পঞ্চম সপ্তাহে বোধিবৃক্ষের পূর্বাংশে অবস্থিত (৫) অজপাল-ন্যগ্রোধ তরুমূলে গমন করিয়া সপ্তাহ অতিবাহিত করিলেন। অতঃপর মহাবোধির পূর্বকোণায় অবস্থিত (৬) মুচলিন্দ তরুমূলে যাইয়া সপ্তাহ অতিবাহিত করিয়া (৭) সেই মুচলিন্দ বৃক্ষমূলের দক্ষিণপার্শ্বে অবস্থিত রাজায়তন বৃক্ষমূলে যাইয়া সপ্তাহ অতিবাহিত করিলেন।—সম-পাসা।

(৫) ব্রহ্মার যাচঞা-কথা

তদনন্তর সপ্তাহগতে ভগবান সমাধি হইতে উঠিয়া রাজায়তন-মূল হইতে পুনরায় অজপাল-ন্যগ্রোধ তরু-মূলে গমন করিলেন। তথায় অবস্থান করিতে লাগিলেন। নিভৃতে ধ্যানাবিষ্ট অবস্থায় তাঁহার মনে এই বিতর্ক উৎপন্ন হইল :—“আমি গভীর, দুর্দর্শ (দুরধিগম্য), দূরনুবোধ্য, শান্ত, প্রণীত, তর্কাতীত, নিপুণ, পণ্ডিত-বেদনীয় ধর্ম আয়ত্ত করিয়াছি। জনসাধারণ আলয়ারাম, আলয়রত, আলয়সম্মোদিত^১। তাহাদের পক্ষে ইদপ্রত্যয়তা প্রতীত্যসমুৎপাদ, এই তত্ত্বস্থান দর্শন করা দুষ্কর। তাহাদের পক্ষে সর্বসংস্কার-শমথ, সর্বউপাধি-মুক্ত, তৃষ্ণাক্ষয়, রাগবিহীনতা, এই তত্ত্বস্থান দর্শন করা আরও দুষ্কর। যদি আমি ধর্ম উপদেশ করি এবং অপরে তাহা বুঝিতে না পারে, তাহা হইলে তাহা আমার পক্ষে ক্লেশ ও বিরক্তির কারণ হইবে।” তখন তাঁহার মুখ হইতে অশ্রুতপূর্ব্ব এই আশ্চর্য্য গাথাগুলি উচ্চারিত হইয়াছিল :—

“কষ্টে যাহা অধিগত প্রকাশে কি কাজ,
রাগ-দ্বেষ-পরায়ণ মানব-সমাজ।
রাগদ্বেষ অভিভূত, অজ্ঞান, অবোধ,
এই ধর্ম তাহাদের নহে সুখ-বোধ।
স্রোত-প্রতিকূলগামী নিপুণ, গভীর,—
দূরদশ, অতি সূক্ষ্ম, ধর্ম সুগভীর।
কেমনে দেখিবে তাহা রাগাসক্ত জন,
তমস্কন্ধে, অন্ধকারে আবৃত নয়ন।”

এই চিন্তা করিয়া ভগবান অনৌৎসুক্যের প্রতি তাঁহার চিত্ত নমিত করিলেন, ধর্মদেশনার প্রতি নহে। তখন ‘সহস্পতি’ ব্রহ্মা স্বচিন্তে ভগবানের চিত্ত-পরিবিতর্ক জানিয়া বলিয়া উঠিলেন—“অহো! বিশ্ব যে নাশ হইয়া যাইবে! অহো! জগৎ যে বিনষ্ট হইয়া যাইবে!! তথাগত অর্হৎ সম্যক্ সম্বুদ্ধের চিত্ত যে ধর্ম-প্রচারের পরিবর্তে অনৌৎসুক্যের প্রতি নমিত হইল!”

ইহা ভাবিয়া ‘সহস্পতি’^২ (সো’হস্পতি, সো’হং স্বামী) ব্রহ্মা যেমন কোন বলবান পুরুষ সঙ্কুচিত বাহু প্রসারিত করে অথবা প্রসারিত বাহু সঙ্কুচিত করে তেমনই ভাবে ব্রহ্মলোক হইতে অভর্হিত হইয়া ভগবানের সম্মুখে আবির্ভূত হইলেন এবং উত্তরীয় একাংশে স্থাপন করিয়া দক্ষিণ জানুমণ্ডলে ভূমি স্পর্শ করিয়া এবং কৃতাঞ্জলি হইয়া ভগবানকে কহিলেন :—

^১। রূপ, রস, শব্দ, গন্ধ ও স্পর্শ এই পঞ্চকামভোগে রমিত, নিরত এবং প্রমুদিত।

^২। ‘সরাসরে লোপং’ সূত্রানুসারে সো+অহং স্থলে স্বরবর্ণ পরে থাকাতে পূর্ব্ব স্বর লোপ পাইয়া ‘সহং’ হইয়াছে। পতি শব্দের অর্থ স্বামী।

“প্রভু তথাগত! আপনি ধর্ম উপদেশ করুন; সুগত! আপনি ধর্ম উপদেশ করুন। স্বল্পরজঃ জাতীয় জীব আছে, যাহারা ধর্ম শ্রবণ করিতে না পারিলে অধঃপতিত হইবে। ধর্মের রসগ্রাহী শ্রোতা অবশ্যই মিলিবে।” [ব্রহ্মা সহস্রপতি এইভাবে তিনবার যাচঞা করিলেন, ভগবান তিনবার প্রত্যাখ্যান করিলেন] ব্রহ্মা সহস্রপতি পুনঃ ইহা বলিলেন। ইহা বলিয়া অতঃপর গাথায় প্রকাশ করিলেন :—

“উদিত মগধে পূর্বের ধরম সমল,
নহে সুচিন্তিত তাহা, শুদ্ধ নিরমল।
উদ্ভাটিত এবে জান অমৃতের দ্বার,
জন্ম-জরা-মৃত্যু হ’তে করিতে উদ্ধার।
সমুদিত ধর্ম হেথা শুদ্ধ সুবিমল,
সুচিন্তিত, শুন তাহা, শুভ্র নিরমল।
শৈলে স্থিত যথা কেহ দেখে জনতারে—
পর্বত-শিখর হ’তে নিম্নে চারি ধারে—
সেইরূপ, হে সুমেধ! করি আরোহণ
ধর্মময় প্রাসাদেতে কর বিলোকন
সর্বদশি! বীতশোক! শোকাকুল জনে
হের তুমি, চারিধারে রয়েছে কেমনে।
জন্ম-জরা-অভিভূত করিছে ক্রন্দন,
অজাতে অজরে তুমি পেয়েছ দর্শন।
উঠ বীর! জয়ী তুমি, বিজিত সংগ্রাম,
ঋণহীন সার্থবাহ তুমি গুণধাম।
বিচরণ কর লোকে তুমি ভগবান,
উপদেশ কর ধর্ম তব সুমহান,
অবশ্য মিলিবে শ্রোতা বহু জ্ঞানবান,
বুঝিতে পারিবে ধর্ম, হ’বে আগুয়ান।”

অনন্তর ভগবান ব্রহ্মার মনোভাব বিদিত হইয়া সর্ব সত্ত্বের প্রতি কারুণ্য বশত বুদ্ধনেত্রে বিশ্ব বিলোকন করিতে গিয়া দেখিতে পারিলেন জীবের মধ্যে কেহ কেহ স্বল্পরজঃ, কেহ কেহ মহারজঃ, কেহ বা তীক্ষ্ণেন্দ্রিয়, কেহ বা মৃদু-ইন্দ্রিয়, কেহ বা সুআকার বিশিষ্ট, কেহ বা কদাকার, কেহ বা সুবোধ, কেহ বা অবোধ, কেহ কেহ পরলোক ও পাপভয়দর্শী হইয়া অবস্থান করিতেছে, কেহ বা পরলোক ও পাপভয়দর্শী হইয়া অবস্থান করিতেছে না। যেমন উৎপল, পদ্ম অথবা পুণ্ডরীকের মধ্যে কোন কোন উৎপল, পদ্ম অথবা পুণ্ডরীক জলে উৎপন্ন হইয়া, জলে সংবর্দ্ধিত হইয়া, জলাভ্যন্তরেই পোষিত হয়; কোন কোনটা জলে উৎপন্ন ও সংবর্দ্ধিত হইয়া, জল-সীমায় স্থিত থাকে; আবার কোন কোনটা জলে উৎপন্ন ও সংবর্দ্ধিত হইয়া, জল

হইতে অভ্যুত্থিত হইয়া, জলের সহিত লিপ্ত না হইয়াই অবস্থিত থাকে, তেমনই ভাবে ভগবান বুদ্ধ বিশ্ব বিলোকন করিয়া দেখিতে পাইলেন—জীবগণের মধ্যে কেহ কেহ স্বপ্নরজঃ, কেহ কেহ মহারজঃ, কেহ বা তীক্ষ্ণেন্দ্রিয়, কেহ বা মৃদু-ইন্দ্রিয়, কেহ বা সুআকারবিশিষ্ট, কেহ বা কদাকার, কেহ বা সুবোধ, কেহ বা অবোধ, কেহ কেহ পরলোক ও পাপভয়দর্শী হইয়া অবস্থান করিতেছে, কেহ বা পরলোক ও পাপভয়দর্শী নহে। তাহা দেখিয়া ভগবান ‘সহস্রপতি’ ব্রহ্মাকে গাথাযোগে কহিলেন :—

“উদ্ভাটিত জান তবে অমৃতের দ্বার,
জন্ম-জরা-মৃত্যু হ’তে করিতে উদ্ধার।
শ্রোতা যারা, শূনিবারে ব্যাকুল যাহারা,
শ্রদ্ধা প্রকাশিয়া ধর্ম শুনুক তাহারা।
কষ্ট জানি করি নাই, ব্রহ্মা! অস্বীকার
প্রচারিতে ধর্ম যাহা অভ্যস্ত আমার,—
বিশ্বের মনুজ-মারো করিতে প্রচার,
ধর্ম সুপ্রণীত যাহা অমৃতের দ্বার।”

ব্রহ্মার যাচঞা-কথা সমাপ্ত ॥ ৫

‘ভগবান ধর্ম প্রচার করিবেন বলিয়া আমাকে সম্মতি দিতেছেন’ জানিয়া ব্রহ্মা সহস্রপতি ভগবানকে অভিবাদন পূর্বক পুরোভাগে দক্ষিণপার্শ্ব রাখিয়া তথা হইতে অন্তর্হিত হইলেন।

(৬) ধর্মচক্র প্রবর্তন

ভগবানের মনে এই চিন্তা উদিত হইল—“আমি সর্বপ্রথম কাহার নিকট এই ধর্ম উপদেশ করিব, কে-ই বা তাহা বুঝিতে পারিবে?” পরক্ষণে তাঁহার মনে হইল, “কেন আরাঢ়কালাম ত দক্ষ, মেধাবী, সুপণ্ডিত, দীর্ঘকাল ব্যাপিয়া সাধনায় রত এবং তাঁহার স্বভাব নিম্নল। অতএব আমি সর্বপ্রথম তাঁহারই নিকট ধর্ম উপদেশ করিব, তিনি নিশ্চয় তাহা সত্ত্বর বুঝিতে পারিবেন।”

তখন নেপথ্যে জনৈক দেবতা ভগবানকে জানাইলেন—“প্রভো! সপ্তাহকাল হইল আরাঢ়কালাম দেহত্যাগ করিয়াছেন।” ভগবানেরও জ্ঞান-দর্শন উৎপন্ন হইল,—“সপ্তাহ পূর্বে আরাঢ়কালাম দেহত্যাগ করিয়াছেন।” ভগবানের মনে এই চিন্তা উদিত হইল, “আরাঢ়কালাম মহাজ্ঞানী ছিলেন বটে; যদি তিনি এই ধর্ম শ্রবণ করিতেন, তাহা হইলে তিনি তাহা সত্ত্বর বুঝিতে পারিতেন।” অতঃপর তাঁহার মনে এই চিন্তা উদিত হইল, “আমি কাহার নিকট সর্বপ্রথম এই ধর্ম উপদেশ করিব, কে

এই ধর্ম সত্ত্বর বুঝিতে পারিবে?” তখন তাঁহার মনে হইল, “রুদ্রক রামপুত্র ত দক্ষ, মেধাবী, সুপণ্ডিত, দীর্ঘকাল সাধনায় রত এবং স্বভাবে নিম্নল। অতএব আমি তাঁহারই নিকট সর্বপ্রথম ধর্ম উপদেশ করিব, তিনি এই ধর্ম সত্ত্বর বুঝিতে পারিবেন।” তখন নেপথ্যে জনৈক দেবতা তাঁহাকে জানাইলেন, “প্রভো! গতরাতে রুদ্রক রামপুত্র কালগত হইয়াছেন।” ভগবানেরও জ্ঞান-দর্শন উৎপন্ন হইল, “সতাই রুদ্রক রামপুত্র গতরাতে কালপ্রাপ্ত হইয়াছেন।” তখন তাঁহার মনে এই চিন্তা উদিত হইল, “রুদ্রক রামপুত্র মহাজ্ঞানী ছিলেন। যদি তিনি এই ধর্ম শ্রবণ করিতেন, তাহা হইলে তিনি ইহা সত্ত্বর বুঝিতে পারিতেন।”

পুনরায় তাঁহার মনে হইল,—“আমি কাহার নিকট সর্বপ্রথম ধর্ম উপদেশ করিব, কে-ই বা এই ধর্ম সত্ত্বর বুঝিতে পারিবে?” তখন তাঁহার মনে এই চিন্তা উদিত হইল,—“পঞ্চবর্গীয় ভিক্ষুগণ আমার বহু-উপকারী। যখন আমি সাধনা-তৎপর ছিলাম তখন তাহারা নিকটে উপস্থিত থাকিয়া আমার পরিচর্যা করিয়াছিল; আমি সর্বপ্রথম তাহাদের নিকট ধর্ম উপদেশ করিব।” অতঃপর তাঁহার মনে এই চিন্তা উদিত হইল,—“এখন পঞ্চবর্গীয় ভিক্ষুগণ কোথায় অবস্থান করিতেছে?” ভগবান দিব্যনেত্রে, বিশুদ্ধ ও লোকাতীত দৃষ্টিতে দেখিতে পাইলেন যে পঞ্চবর্গীয় ভিক্ষুগণ বারাণসীর সন্নিধানে ঋষিপত্তন-মৃগদাবে অবস্থান করিতেছে।

ভগবান উরুবেলায় যথারূপে অবস্থান করিয়া বারাণসী অভিমুখে যাত্রা করিলেন। উপক নামক আজীবক দেখিতে পাইল যে ভগবান দীর্ঘপথযাত্রী হইয়া গয়া ও বোধিদ্রুমের মধ্যবর্তী স্থানে উপনীত হইয়াছেন। ভগবানকে দেখিয়া উপক কহিল—“এই যে দেখিতেছি তোমার ইন্দ্রিয়গ্রাম সুবিস্ময় হইয়াছে, তোমার দেহকান্তি যে পরিশুদ্ধ এবং সুপরিস্কৃত হইয়াছে! বন্ধো! তুমি কাহার উদ্দেশে প্রব্রজিত হইয়াছ? কে বা তোমার শাস্তা? কোন্ ধর্মের বা তোমার রূচি?” তদুত্তরে ভগবান উপক আজীবককে গাথাযোগে সম্বোধন করিয়া কহিলেন :-

“সকলের বিভূ আমি, সর্ববিদ্যে হয়েছি এখন,
কোন ধর্মে নহি লিপ্ত, ছিন্ন মম সকল বন্ধন।
সর্বগুহ সর্বত্যাগী, তৃষ্ণাক্ষয়ে বিমুক্ত-মানস,
নিজ অভিজ্ঞায় যদি সিদ্ধ আমি পূরিত-মানস।
বল তবে আজীবক! কারে আমি করিব উদ্দেশ,
স্বয়ম্ হইয়া নিজে গুরুরূপে করিব নির্দেশ?
আচার্য্য নাহিক মোর, নাহি গুরু, নাহি উপাধ্যায়,
সদৃশ যে কেহ নাই, প্রতিদ্বন্দ্বী মম এ ধরায়।
আব্রক্ষভূবন-মাঝে কোথা আছে হেন কোন জন,
প্রতিযোগী, প্রতিদ্বন্দ্বী, যুঝিবারে লোকাতীত রণ!

অর্হৎ আমি যে বিশ্বে, আমি হই শান্তা অনুত্তর,
সম্যক্ সমুদ্র আমি, শীতিভূত, নির্বৃত্ত অন্তর।
ধর্মচক্র প্রবর্তিতে চলিয়াছি কাশীর নগর,
অন্ধবিশ্বে বাজাইয়া অমৃতদুন্দুভি নিরন্তর।”

“বন্ধো! তুমি যেভাবে তোমার পরিচয় দিতেছ তাহাতে তুমি কি অনন্তজিন হইবার যোগ্য?”

ভগবান বলিলেন :—

“জিন যাঁরা জয়ী তাঁরা, জিত-অরি যাঁরা রিপুঞ্জয়,
মাদৃশ যে জিন তাঁরা, সিদ্ধ,—করি আসবের ক্ষয়।
আছে যত পাপ ধর্ম, সব আমি করিয়াছি জয়,
তাইত, উপক! তোমা দিই আমি জিন-পরিচয়।”

ভগবান একথা বলিলে ‘বন্ধো! তাহা হইবে’ বলিয়া উপক আজীবক মাথা নাড়িয়া উন্মার্গ অবলম্বনে প্রস্থান করিল!

[স্থান :—বারাণসী]

ভগবান ক্রমাগত পর্যটন করিতে করিতে বারাণসী-সন্নিধানে ঋষিপুত্র-মৃগদাবে উপনীত হইলেন যেখানে পঞ্চবর্গীয় ভিক্ষুগণ অবস্থান করিতেছিলেন। পঞ্চবর্গীয় ভিক্ষুগণ দূর হইতেই দেখিতে পাইলেন যে ভগবান আসিতেছেন। তিনি আসিতেছেন দেখিয়া তাঁহারা পরস্পর পরস্পরকে সতর্ক করিয়া রাখিলেন—“এই যে দ্রব্যবহুল, সাধনাশ্রিত, বাহুল্যে প্রবৃত্ত শ্রমণ গৌতম আসিতেছেন! তাঁহাকে অভিদান করা হইবে না, তাঁহার সম্মানার্থ গাত্রোত্থান করা হইবে না এবং তাঁহার সম্বর্দ্ধনা করিয়া তাঁহার হস্ত হইতে পাত্র-চীবর গ্রহণ করা হইবে না, কেবলমাত্র আসন প্রস্তুত করিয়া রাখা হইবে। যদি তিনি ইচ্ছা করেন তবে তাহাতে উপবেশন করিতে পারিবেন।”

কিন্তু যেইমাত্র ভগবান পঞ্চবর্গীয় ভিক্ষুগণের নিকটবর্তী হইলেন তখন তাঁহারা কেহ স্ব-স্ব প্রতিজ্ঞা বজায় রাখিতে সমর্থ হইলেন না। তাঁহারা প্রতিজ্ঞা রক্ষা করিতে অসমর্থ হইয়া, ভগবানের দিকে অগ্রসর হইয়া একজন তাঁহার পাত্র-চীবর গ্রহণ করিলেন, একজন আসন নির্দিষ্ট করিয়া রাখিলেন, একজন পাদোদক, পাদপীঠ ও পিঁড়ি প্রস্তুত করিয়া রাখিলেন। ভগবান নির্দিষ্ট আসনে উপবেশন করিলেন। উপবেশন করিয়া ভগবান পাদ প্রক্ষালন করিলেন। তখন পঞ্চবর্গীয় ভিক্ষুগণ ভগবানকে স্বনামে বন্ধু সম্বোধন করিয়া তাঁহার সহিত দোসরভাবে আচরণ করিতে আরম্ভ করিলেন। ভগবান পঞ্চবর্গীয় ভিক্ষুগণকে কহিলেন :—“হে ভিক্ষুগণ! স্বনামে বন্ধু সম্বোধন করিয়া তথাগতের সহিত আচরণ করিও না। তিনি যে অর্হৎ

সম্যকসমৃদ্ধ! হে ভিক্ষুগণ! অবহিত হও, অমৃত অধিগত হইয়াছে, আমি অনুশাসন প্রদান করিতেছি, ধর্ম উপদেশ করিতেছি। তোমরা যেভাবে উপদিষ্ট হইবে সেভাবে প্রতিপন্ন হইলে অচিরে যেইজন্য কুলপুত্রগণ সম্যকভাবে আগার হইতে অনাগারিকরূপে প্রব্রজিত হয়, সেই অনুত্তর ব্রহ্মচর্য্য-পরিসমাপ্তি দৃষ্টধর্ম্মে (প্রত্যক্ষজীবনে) অভিজ্ঞাদ্বারা সাক্ষাৎকার করিয়া তাহাতে অবস্থান করিতে পারিবে।”

তদুত্তরে পঞ্চবর্গীয় ভিক্ষুগণ ভগবানকে বলিলেন :—“সে কি গৌতম! তুমি সেই কঠোর বিহার, কঠোর পস্থা, সেই দুষ্করচর্য্য দ্বারা অতীন্দ্রিয় ধর্ম্ম লাভ করিতে পারিলে না, আর্য্যজ্ঞান দর্শন লাভত দূরের কথা; আর এখন দ্রব্যবহুল, সাধনাদ্রষ্ট এবং বাহুল্যে প্রবৃত্ত হইয়া তুমি কি বলিতে চাও যে তুমি আর্য্য জ্ঞানদর্শন সহ অতীন্দ্রিয় ধর্ম্ম আয়ত্ত করিতে পারিবে?” তদুত্তরে ভগবান কহিলেন :—“হে ভিক্ষুগণ! তথাগত দ্রব্যবহুল, সাধনাদ্রষ্ট এবং বাহুল্যে প্রবৃত্ত নহেন, তিনি যে অর্হৎ সম্যকসমৃদ্ধ। তোমরা অবহিত হও, অমৃত অধিগত হইয়াছে, আমি অনুশাসন প্রদান করিতেছি, ধর্ম্মোপদেশ দিতেছি। তোমরা যেভাবে উপদিষ্ট হইবে সেভাবে প্রতিপন্ন হইলে অচিরে যেইজন্য কুলপুত্রগণ সম্যকভাবে আগার হইতে অনাগারিকরূপে প্রব্রজিত হয় সেই অনুত্তর ব্রহ্মচর্য্য-পরিসমাপ্তি দৃষ্টধর্ম্মে স্বয়ং অভিজ্ঞাদ্বারা সাক্ষাৎকার করিয়া তাহাতে অবস্থান করিতে পারিবে।”

পঞ্চবর্গীয় ভিক্ষুগণ দ্বিতীয় ও তৃতীয়বার একই উক্তি করিলে ভগবান তাঁহাদিগকে কহিলেন :—“হে ভিক্ষুগণ! তোমরা কি জান যে আমি পূর্বে নিজ সম্বন্ধে এইরূপ কথা বলিয়াছি?”

“না, প্রভু, আপনি বলেন নাই।”

“হে ভিক্ষুগণ! তথাগত অর্হৎ সম্যকসমৃদ্ধ, তোমরা অবহিত হও, অমৃত অধিগত হইয়াছে, আমি অনুশাসন প্রদান করিতেছি, ধর্ম্ম উপদেশ দিতেছি। তোমরা যেভাবে উপদিষ্ট হইবে সেভাবে প্রতিপন্ন হইলে অচিরে যেইজন্য কুলপুত্রগণ সম্যকভাবে আগার হইতে অনাগারিকরূপে প্রব্রজিত হয় সেই অনুত্তর ব্রহ্মচর্য্য-পরিসমাপ্তি দৃষ্টধর্ম্মে স্বয়ং অভিজ্ঞাদ্বারা সাক্ষাৎকার করিয়া তাহাতে অবস্থান করিতে পারিবে।”

ইহাতে ভগবান পঞ্চবর্গীয় ভিক্ষুগণকে বিষয়টি জানাইতে সমর্থ হইলেন। পঞ্চবর্গীয় ভিক্ষুগণ ভগবানের উপদেশ শ্রবণেচ্ছু হইলেন, অবহিত হইলেন এবং তত্ত্বজ্ঞান লাভের জন্য চিত্ত উপস্থাপিত করিলেন।

ভগবান পঞ্চবর্গীয় ভিক্ষুগণকে আহ্বান করিয়া বলিলেন :—“হে ভিক্ষুগণ! প্রব্রজিত এই দুই-অন্ত অনুশীলন করিবে না : প্রথম, কামে কামসুখোদ্রেকের প্রতি আনুরক্তি যাহা হীন, গ্রাম্য, ইতরসাধারণের সেব্য, অনার্য্যজনোচিত ও অনর্থযুক্ত; দ্বিতীয়, আত্মনিগ্রহে আনুরক্তি যাহা দুঃখদায়ক, অনুৎকৃষ্ট ও অনর্থযুক্ত। হে ভিক্ষুগণ! এই দুই অন্তের অনুগামী না হইয়া তথাগত মধ্যমপ্রতিপদ (মধ্যপস্থা)

অভিসম্বোধিভজ্ঞানে লাভ করিয়াছেন যাহা চক্ষুকরণী ও জ্ঞানকরণী এবং যাহা উপশম, অভিজ্ঞা, সম্বোধি ও নিব্বাণের অভিমুখে সংবর্তিত হয়। সেই মধ্যমপ্রতিপদ কি, যাহা তথাগত অভিসম্বোধিভজ্ঞানে লাভ করিয়াছেন, যাহা চক্ষুকরণী, জ্ঞানকরণী এবং যাহা উপশম, অভিজ্ঞা, সম্বোধি ও নিব্বাণ অভিমুখে সংবর্তিত হয়? আর্য্য অষ্টাঙ্গিক মার্গই সেই মধ্যমপ্রতিপদ। অষ্টাঙ্গ যথা :—সম্যক্ দৃষ্টি, সম্যক্ সঙ্কল্প, সম্যক্ বাক্য, সম্যক্ কৰ্ম্ম, সম্যক্ আজীব, সম্যক্ ব্যায়াম, সম্যক্ স্মৃতি ও সম্যক্ সমাধি। হে ভিক্ষুগণ! ইহাই সেই মধ্যমপ্রতিপদ যাহা তথাগত অভিসম্বোধিভজ্ঞানে লাভ করিয়াছেন, যাহা চক্ষুকরণী, জ্ঞানকরণী এবং যাহা উপশম, অভিজ্ঞা, সম্বোধি ও নিব্বাণ অভিমুখে সংবর্তিত হয়।

হে ভিক্ষুগণ! জন্ম দুঃখ, জরা দুঃখ, ব্যাধি দুঃখ, মরণ দুঃখ, অপ্ৰিয়সংযোগ দুঃখ, প্রিয়বিয়োগ দুঃখ, ইঞ্জিত বস্তুর অপ্ৰাপ্তি দুঃখ। সংক্ষেপে পঞ্চ উপাদান স্কন্ধই দুঃখ। ইহাই ‘দুঃখ’ আর্য্য সত্য।

হে ভিক্ষুগণ! পুনর্ভব-সাধিকা নন্দিরাগ-সহগতা এবং তত্র-তত্র-গমনাভিলাষিণী এই যে তৃষ্ণা—কামতৃষ্ণা, ভবতৃষ্ণা ও বিভবতৃষ্ণা,—ইহাই ‘দুঃখ-সমুদয়’ আর্য্যসত্য।

হে ভিক্ষুগণ! যাহা নিঃশেষে সেই তৃষ্ণার বিরাগ, সেই তৃষ্ণার নিরোধ, ত্যাগ ও বিসর্জন এবং তাহা হইতে অনালয়-মুক্তি—তাহাই ‘দুঃখ-নিরোধ’ আর্য্যসত্য।

হে ভিক্ষুগণ! আর্য্যষ্টাঙ্গিক মার্গই ‘দুঃখনিরোধগামী প্রতিপদ’ আর্য্যসত্য। অষ্টাঙ্গ যথা :—সম্যক্ দৃষ্টি, সম্যক্ সঙ্কল্প, সম্যক্ বাক্য, সম্যক্ কৰ্ম্ম, সম্যক্ আজীব, সম্যক্ ব্যায়াম, সম্যক্ স্মৃতি, সম্যক্ সমাধি।

হে ভিক্ষুগণ! অশ্রুতপূর্ব্ব ধৰ্ম্মে ‘ইহা দুঃখ আর্য্যসত্য’—আমার এইরূপ সুদৃষ্টি উৎপন্ন হয়, এইরূপে জ্ঞান, প্রজ্ঞা, বিদ্যা ও জ্ঞানালোক উৎপন্ন হয়। সেই দুঃখ পরিজ্ঞেয় এবং আমা কর্তৃক তাহা পরিজ্ঞাত হইয়াছে,—অশ্রুতপূর্ব্ব ধৰ্ম্মে আমার এই সুদৃষ্টি উৎপন্ন হইয়াছে, জ্ঞান, প্রজ্ঞা, বিদ্যা ও জ্ঞানালোক উৎপন্ন হইয়াছে।

হে ভিক্ষুগণ! ‘ইহা দুঃখ-সমুদয় আর্য্যসত্য’—অশ্রুতপূর্ব্ব ধৰ্ম্মে আমার এইরূপ সুদৃষ্টি উৎপন্ন হইয়াছে, জ্ঞান, প্রজ্ঞা, বিদ্যা ও জ্ঞানালোক উৎপন্ন হইয়াছে। সেই দুঃখ-সমুদয় পরিত্যাজ্য এবং তাহা আমা কর্তৃক পরিত্যক্ত হইয়াছে,—অশ্রুতপূর্ব্ব ধৰ্ম্মে আমার এই সুদৃষ্টি উৎপন্ন হইয়াছে। জ্ঞান, প্রজ্ঞা, বিদ্যা ও জ্ঞানালোক উৎপন্ন হইয়াছে।

হে ভিক্ষুগণ! ‘ইহা দুঃখ-নিরোধ আর্য্য-সত্য’—অশ্রুতপূর্ব্ব ধৰ্ম্মে আমার এইরূপ সুদৃষ্টি উৎপন্ন হইয়াছে। এইরূপে জ্ঞান, প্রজ্ঞা, বিদ্যা ও জ্ঞানালোক উৎপন্ন হইয়াছে। সেই দুঃখ-নিরোধ সাক্ষাৎকরণীয় এবং তাহা আমা কর্তৃক সাক্ষাৎকৃত

১। পরিচালিত করে।

হইয়াছে,—অশ্রুতপূর্ব ধর্মে আমার এই সুদৃষ্টি উৎপন্ন হইয়াছে, জ্ঞান, প্রজ্ঞা, বিদ্যা ও জ্ঞানালোক উৎপন্ন হইয়াছে।

হে ভিক্ষুগণ! ‘ইহা দুঃখ-নিরোধগামী’ প্রতিপদ আর্য্য-সত্য,—অশ্রুতপূর্ব ধর্মে আমার এইরূপ সুদৃষ্টি উৎপন্ন হইয়াছে, জ্ঞান, প্রজ্ঞা, বিদ্যা ও জ্ঞানালোক উৎপন্ন হইয়াছে। সেই দুঃখ-নিরোধগামী প্রতিপদ বর্দ্ধনীয় এবং তাহা আমা কর্তৃক বর্দ্ধিত হইয়াছে,—অশ্রুতপূর্ব ধর্মে আমার এই সুদৃষ্টি উৎপন্ন হইয়াছে, জ্ঞান, প্রজ্ঞা, বিদ্যা ও জ্ঞানালোক উৎপন্ন হইয়াছে।

হে ভিক্ষুগণ! যদবধি এই চতুরার্য্য সত্যে এই ত্রিপরিবর্ত্ত দ্বাদশাকারবিশিষ্ট যথার্থ জ্ঞানদর্শন সুবিশুদ্ধ হয় নাই তদবধি কি দেবলোকে, কি মারলোকে, কি ব্রহ্মলোকে, কি শ্রমণ, ব্রাহ্মণ, দেবতা ও মনুষ্যের মধ্যে অনুত্তর সম্যকসম্বোধি লাভ করিয়াছি বলিয়া প্রকাশ করি নাই।

হে ভিক্ষুগণ! যখন চতুরার্য্য সত্যে ত্রিপরিবর্ত্ত (সত্যজ্ঞান, কৃত্যজ্ঞান, কৃতজ্ঞান) দ্বাদশাকারবিশিষ্ট যথার্থ জ্ঞান সুবিশুদ্ধ হয় তখনই আমি দেবলোকে, মারলোকে, ব্রহ্মলোকে, শ্রমণ, ব্রাহ্মণ, দেবতা ও মনুষ্যের মধ্যে অনুত্তর সম্যকসম্বোধি লাভ করিয়াছি বলিয়া প্রকাশ করি। তখন আমার এইরূপ জ্ঞানদর্শন উৎপন্ন হয় : ‘আমার বিমুক্তি অচলা, এই আমার শেষ জন্ম, এখন আর পুনর্জন্মের সম্ভাবনা নাই।’

ভগবান ইহা বিবৃত করিলেন। পঞ্চবর্গীয় ভিক্ষুগণ তাহা প্রসন্নমনে শ্রবণ করিয়া আনন্দিত হইলেন। এই বিবৃতি প্রদানকালে আয়ুস্মান কোণ্ডিণ্যের বিরজ বিমল ধর্ম্মচক্ষু উৎপন্ন হয় : ‘যাহা কিছু সমুদয়ধর্ম্মী (উৎপত্তিশীল) তৎসমস্তই নিরোধধর্ম্মী (বিনাশশীল)।’ পঞ্চবর্গীয় ভিক্ষুগণ ভগবানের বাক্য সাদরে অনুমোদন করিলেন।

ভগবান কর্তৃক ধর্ম্মচক্র প্রবর্ত্তিত হইলে ভৌম্য (পৃথিবীস্থ) দেবগণ ঘোষণা করিলেন :—“বারাণসীর উপকণ্ঠে ঋষিপত্তন-মৃগদাবে ভগবান যেই অনুত্তর ধর্ম্মচক্র প্রবর্ত্তন করিয়াছেন তাহা শ্রমণ কিংবা ব্রাহ্মণ, দেব, মার কিংবা ব্রহ্মা, অথবা জগতে অপর কাহারও দ্বারা প্রতিহত হইতে পারে না।”

ভৌম্য দেবগণের ঘোষণা শ্রবণ করিয়া চতুর্ম্মহারাজিক দেবগণ, চতুর্ম্মহারাজিক দেবগণের ঘোষণা শ্রবণ করিয়া ত্রয়স্ত্রিংশ দেবগণ, ত্রয়স্ত্রিংশ দেবগণের ঘোষণা শ্রবণ করিয়া যাম দেবগণ, যাম দেবগণের ঘোষণা শ্রবণ করিয়া তুষিত দেবগণ, তুষিত দেবগণের ঘোষণা শ্রবণ করিয়া নির্মাণরতি দেবগণ, নির্মাণরতি দেবগণের ঘোষণা শ্রবণ করিয়া পরনির্ম্মিতবশবর্ত্তী দেবগণ এবং পরনির্ম্মিতবশবর্ত্তী দেবগণের ঘোষণা শ্রবণ করিয়া ব্রহ্মকায়িক দেবগণ একইরূপ ঘোষণা করিলেন।

এইরূপে সেই ক্ষণে সেই মুহূর্ত্তে ব্রহ্মলোক পর্য্যন্ত ঘোষণা অভ্যুথিত হইল, দশসহস্র চক্রবাল কম্পিত, সঙ্কম্পিত এবং সংবেপথুমান হইল, জগতে দেবগণের দেবমহিমা, অতিক্রম করিয়া অপরিমিত উদার (বিপুল) দীপ্তি প্রাদুর্ভূত হইল।

তখন ভগবান উদাত্তস্বরে ব্যক্ত করিলেন :—“কৌণ্ডিন্য সত্য জ্ঞাত হইয়াছে, কৌণ্ডিন্য সত্য জ্ঞান হইয়াছে!” এই হেতু আয়ুষ্মান কৌণ্ডিন্য “জ্ঞাতকৌণ্ডিন্য” নামে অভিহিত হইলেন।

(৭) পঞ্চবর্গীর দীক্ষা লাভ

তখন আয়ুষ্মান জ্ঞাতকৌণ্ডিন্য ধর্ম প্রত্যক্ষ করিয়া, ধর্মতত্ত্ব লাভ করিয়া, ধর্ম বিদিত হইয়া, ধর্মে প্রবিষ্ট হইয়া এবং সংশয়মুক্ত হইয়া, ধর্মে বৈশারদ্য প্রাপ্ত হইয়া, আত্মপ্রত্যয় লাভ করিয়া ভগবানকে কহিলেন :—“প্রভো! আমি ভগবানের নিকট প্রব্রজ্যা ও উপসম্পদা লাভ করিব।”

ভগবান বলিলেন :—“হে ভিক্ষু, এস; সু-আখ্যাত ধর্ম, ব্রহ্মচর্য্য আচরণ কর সম্যকভাবে দুঃখের অন্তসাধনের জন্য।” তাহাতেই আয়ুষ্মান কৌণ্ডিন্যের উপসম্পদা লাভ হইল।

অতঃপর ভগবান অবশিষ্ট ভিক্ষুদিগকে ধর্ম উপদেশ ও ধর্মের অনুশাসন প্রদান করিলেন। ভগবান ধর্মপ্রসঙ্গে উপদেশ ও অনুশাসন প্রদান করিলে আয়ুষ্মান বাস্প ও আয়ুষ্মান ভদ্রিয়ার বিরজ ও বিমল ধর্মচক্ষু উৎপন্ন হইল; ‘যাহা কিছু সমুদয়ধর্মী তৎসমস্তই নিরোধধর্মী।’ তাঁহারা ধর্ম প্রত্যক্ষ করিয়া, ধর্মতত্ত্ব লাভ করিয়া, ধর্ম বিদিত হইয়া, ধর্মে প্রবিষ্ট হইয়া এবং সংশয়মুক্ত হইয়া, ধর্মে বৈশারদ্য প্রাপ্ত হইয়া, শান্তার শাসনে আত্ম-প্রত্যয় লাভ করিয়া ভগবানকে কহিলেন—“প্রভো! আমরা ভগবানের নিকট প্রব্রজ্যা ও উপসম্পদা লাভ করিব।”

ভগবান বলিলেন :—“ভিক্ষুগণ, এস; সু-আখ্যাত ধর্ম, ব্রহ্মচর্য্য আচরণ কর সম্যকভাবে দুঃখের অন্তসাধনের জন্য।” তাহাতেই আয়ুষ্মান বাস্প ও আয়ুষ্মান ভদ্রিয়ার উপসম্পদা লাভ হইল।

ভগবান ভিক্ষুদের আহরিত ভিক্ষান্ন ভোজন করিয়া অবশিষ্ট ভিক্ষুদিগকে ধর্ম উপদেশ ও ধর্মের অনুশাসন প্রদান করিলেন। তিন ভিক্ষু ভিক্ষান্ন সংগ্রহ করিয়া আনিতেন, তাহাতে ছয়জন দিন যাপন করিতেন। ভগবান ধর্মপ্রসঙ্গে উপদেশ ও অনুশাসন প্রদান করিলে আয়ুষ্মান মহানাম ও আয়ুষ্মান অশ্বজিতের বিরজ ও বিমল ধর্মচক্ষু উৎপন্ন হইল; ‘যাহা কিছু সমুদয়ধর্মী তৎসমস্তই নিরোধধর্মী।’ তাঁহারা ধর্ম প্রত্যক্ষ করিয়া, ধর্মতত্ত্ব লাভ করিয়া, ধর্ম বিদিত হইয়া, ধর্মে প্রবিষ্ট হইয়া এবং সংশয়মুক্ত হইয়া, ধর্মে বৈশারদ্য প্রাপ্ত হইয়া, শান্তার শাসনে আত্ম-প্রত্যয় লাভ করিয়া ভগবানকে কহিলেন—“প্রভো! আমরা ভগবানের নিকট প্রব্রজ্যা ও উপসম্পদা লাভ করিব।”

ভগবান বলিলেন :—ভিক্ষুগণ, এস; সু-আখ্যাত ধর্ম, ব্রহ্মচর্য্য পালন কর সম্যকপ্রকারে দুঃখের অন্তসাধনের জন্য।” তাহাতেই আয়ুষ্মান মহানাম ও আয়ুষ্মান অশ্বজিতের উপসম্পদা লাভ হইল।

অতঃপর ভগবান পঞ্চবর্গীয় ভিক্ষুগণকে সম্বোধন করিয়া বলিলেন :—“হে ভিক্ষুগণ! রূপ অনাত্মা, আত্মা নহে। যদি রূপ আত্মা হইত তবে তাহা পীড়ার কারণ হইত না এবং রূপে এইরূপ অধিকার লাভ করা যাইত—‘আমার রূপ এইরূপ হউক’, ‘আমার রূপ এইরূপ না হউক।’ যেহেতু রূপ আত্মা নহে তদ্ব্যতীত রূপ পীড়ার কারণ হইয়া থাকে এবং ‘আমার রূপ এইরূপ হউক’, ‘এইরূপ না হউক’ এই অধিকার লাভ হয় না।”

বেদনা, সংজ্ঞা, সংস্কার ও বিজ্ঞান সম্বন্ধেও এইরূপ।

“হে ভিক্ষুগণ! তোমরা কি মনে কর—রূপ নিত্য কিংবা অনিত্য?”

“অনিত্য।”

“যাহা অনিত্য তাহা দুঃখ কিংবা সুখ?”

“দুঃখ।”

“যাহা অনিত্য ও বিপরীণামী (পরিবর্তনশীল) তাহা কি তোমরা এইরূপ দেখিতে পার—‘ইহা আমার’, ‘ইহা আমি’, ‘ইহাই আমার আত্মা’ (নিজস্ব বস্তু)?”

“না, প্রভু! আমরা সেরূপ দেখিতে পারি না।”

বেদনা, সংজ্ঞা, সংস্কার এবং বিজ্ঞান সম্বন্ধেও এইরূপ।

“হে ভিক্ষুগণ! তদ্ব্যতীত যাহা কিছু রূপ (রূপনামধেয়) অতীত, অনাগত, প্রত্যুৎপন্ন বা আসন্ন, অধ্যাত্ম অথবা বাহ্য, স্থূল অথবা সূক্ষ্ম, হীন কিংবা উৎকৃষ্ট, যাহা দূরে অথবা যাহা নিকটে, এই যে সর্বরূপ তাহা আমার নহে, তাহা আমি নহি, তাহা আমার আত্মা নহে—বিষয়টি এইরূপে যথাযথ ভাবে সম্যক্ প্রজ্ঞা দ্বারা দেখিতে হইবে।”

বেদনা, সংজ্ঞা, সংস্কার এবং বিজ্ঞান সম্বন্ধেও এইরূপ।

এইরূপে বিষয়টি দেখিলে শ্রুতবান আর্যশ্রাবক রূপে নির্বেদ প্রাপ্ত হয়, সংজ্ঞায় নির্বেদ প্রাপ্ত হয়, সংস্কারে নির্বেদ প্রাপ্ত হয় এবং বিজ্ঞানে নির্বেদ প্রাপ্ত হয়, নির্বেদহেতু বীতরাগ হয়, বিরাগহেতু বিমুক্ত হয়, বিমুক্ত হইলে ‘বিমুক্ত হইয়াছি’ বলিয়া জ্ঞান হয়, ‘জন্মবীজ ক্ষীণ হইয়াছে’, ব্রহ্মচর্যব্রত উদ্যাপিত হইয়াছে’, ‘করণীয় কার্য্য কৃত হইয়াছে’, অতঃপর ‘অত্র পুনরাগমন হইবে না’ বলিয়া প্রকৃষ্টরূপে জানিতে পারে।

ভগবান ইহা বিবৃত করিলেন। পঞ্চবর্গীয় ভিক্ষুগণ তাহা প্রসন্নমনে শ্রবণ করিয়া আনন্দিত হইলেন।

এই বিবৃতি উচ্চারিত হইলে অনাসক্তিহেতু পঞ্চবর্গীয় ভিক্ষুগণের চিত্ত আসব হইতে বিমুক্ত হইল।

সেই সময়ে জগতে মাত্র ছয়জন অর্হৎ হইয়াছিলেন।

॥ প্রথম ভণিতা সমাপ্ত ॥

(৮) যশের প্রব্রজ্যা

সেই সময় বারাণসীতে যশ নামে উচ্চকুল-জাত সুকুমার শ্রেষ্ঠী-পুত্র ছিলেন। তাঁহার তিনটি প্রাসাদ ছিল, একটি হেমন্তের উপযোগী, একটি গ্রীষ্মের উপযোগী, একটি বর্ষার উপযোগী। তিনি বর্ষার উপযোগী প্রাসাদে বর্ষার চারিমাস নিম্পুরুষত্বর্যে (নটী প্রভৃতি দ্বারা) পরিসেবিত হইয়া কখনও প্রাসাদ হইতে নিম্নে অবতরণ করিতেন না। তিনি একদিন পঞ্চকামগুণে সমর্পিত, সমঙ্গীভূত (তন্ময়) এবং নারী-পরিসেবিত হইয়া সকলের পূর্বেই নিদ্রিত হইলেন। পরিজনগণও পরে নিদ্রিত হইল। সর্বরাত্রি তৈলপ্রদীপ জ্বলিতেছিল। অনন্তর কুলপুত্র যশ সকলের পূর্বে জাগিয়া দেখিতে পাইলেন যে তাঁহার পরিজনগণ নিদ্রা যাইতেছে : কাহারও কক্ষে বীণা, কাহারও কক্ষে মৃদঙ্গ, কাহারও কক্ষে ‘আলম্বর’, কাহারও বিকীর্ণ কেশ, কাহারও মুখে লাল নিঃসৃত, কেহ বা প্রলাপ বকিতেছে, মনে হইল যেন হাতের কাছে শ্মশান। তাহা দেখিয়া পাপে আদীনব প্রাদুর্ভূত হইল এবং নির্বেদে চিত্ত সংস্থিত হইল। তখন কুলপুত্র যশ এই উদান (ভাবোক্তি) ব্যক্ত করিলেন—‘এই যে বড় উপদ্রব! এই যে বড় উৎপাত!!’

কুলপুত্র যশ স্বর্ণপাদুকা পরিয়া গৃহদ্বারে আসিলেন, অদৃশ্যভাবে অমনুষ্যগণ (দেবগণ) দ্বারমুক্ত করিয়া দিলেন, যাহাতে আগার হইতে অনাগারিকরূপে প্রব্রজিত হইবার পক্ষে কেহ কুলপুত্র যশের অন্তরায় ঘটাইতে না পারে। অনন্তর কুলপুত্র যশ নগরদ্বারে উপনীত হইলেন, অমনুষ্যগণ সেইস্থানেও দ্বার মুক্ত করিয়া দিলেন, যাহাতে কেহ কুলপুত্র যশের প্রব্রজিত হইবার পথে অন্তরায় ঘটাইতে না পারে। কুলপুত্র যশ ঋষিপত্তন-মৃগদাবে গিয়া উপস্থিত হইলেন। সেই সময়ে ভগবান রাত্রি শেষে, অতি প্রত্যুষে শয্যা ত্যাগ করিয়া উন্মুক্ত স্থানে পাদচারণ করিতেছিলেন। তিনি দূর হইতে দেখিতে পাইলেন যে কুলপুত্র যশ তাঁহার দিকে আসিতেছেন। তাঁহাকে দেখিয়া চক্ৰম (পাদচারণ) হইতে নামিয়া নির্দিষ্ট আসনে উপবেশন করিলেন। কুলপুত্র যশ ভগবানের অদূরে থাকিয়া এই উদান (খেদোক্তি) ব্যক্ত করিলেন :—‘এই যে বড় উপদ্রব! এই যে বড় উৎপাত!!’

ভগবান কহিলেন—“যশ, এইস্থান যে উপদ্রবরহিত ও উৎপাতশূন্য। এস যশ, তুমি বস, আমি তোমাকে ধর্মোপদেশ প্রদান করিব।” ‘এইস্থান উপদ্রবরহিত ও উৎপাতশূন্য’—ইহা শুনিয়া কুলপুত্র যশ হস্ত ও উদগ্রচিহ্ন (প্রফুল্ল) হইয়া স্বর্ণপাদুকা খুলিয়া ভগবানের নিকট উপস্থিত হইলেন। উপস্থিত হইয়া ভগবানকে অভিবাদন করিয়া সসম্মে একান্তে উপবেশন করিলেন। একান্তে উপবিষ্ট কুলপুত্র যশের নিকট ভগবান আনুপূর্বিক ধর্মকথা বলিতে লাগিলেন। যথা—দান-কথা, শীল-কথা, স্বর্গ-

১। বাদ্যযন্ত্র বিশেষ।

কথা। ভগবান কামের আদীনব (উপদ্রব), অবকার (জঞ্জাল) ও সংক্লেশ (মালিন্য) এবং নৈক্লেম্যের আশংসা (প্রত্যাশিত সুখদ ফল) প্রকাশ করিলেন। যখনই ভগবান জানিতে পারিলেন যে যশের চিত্ত কল্য (সুস্থ), মৃদু, নীবরণমুক্ত, উদগ্র (প্রফুল্ল) ও প্রসন্ন হইয়াছে, তখন তিনি বুদ্ধগণের সংক্ষিপ্ত সমুৎকৃষ্ট ধর্মদেশনা অভিব্যক্ত করিলেন—যথা, দুঃখ, দুঃখ-সমুদয়, দুঃখ-নিরোধ ও দুঃখ-নিরোধের উপায়। যেমন শুদ্ধ ও কালিমারহিত বস্ত্র সম্যকভাবে রঙ প্রতিগ্রহণ করে, তেমনই ভাবে কুলপুত্র যশের সেই আসনে বিরজ, বিমল ধর্মচক্ষু উৎপন্ন হইল—‘যাহা কিছু সমুদয়ধর্মী তৎসমস্তই নিরোধধর্মী।’

(৯) যশের পিতার দীক্ষা

কুলপুত্র যশের মাতা প্রাসাদে আরোহণ করিয়া যশকে দেখিতে না পাইয়া গৃহপতির নিকট উপস্থিত হইয়া তাঁহাকে কহিলেন—“গৃহপতি! তোমার পুত্র যশকে ত দেখিতেছি না!”

শ্রেষ্ঠী চতুর্দিকে অশ্বারোহী দূত পাঠাইয়া স্বয়ং ঋষিপত্তন-মৃগদাবে গমন করিলেন। তিনি স্বর্ণপাদুকার চিহ্ন দেখিতে পাইলেন; চিহ্ন দেখিয়া উহারই অনুগমন করিলেন। ভগবান দূর হইতেই দেখিতে পাইলেন শ্রেষ্ঠী তাঁহার দিকে আসিতেছেন; তিনি আসিতেছেন দেখিয়া ভগবানের মনে এই চিন্তা উদিত হইল, ‘আমি এমন এক ঋদ্ধিমায়া উৎপাদন করিব যাহাতে শ্রেষ্ঠী এইস্থানে উপবিষ্ট হইয়া এইস্থানে উপবিষ্ট কুলপুত্র যশকে দেখিতে পাইবেন না।’ এই ভাবিয়া ভগবান সেইরূপ ঋদ্ধিমায়া সৃষ্টি করিলেন।

শ্রেষ্ঠী ধীরপদে ভগবানের নিকট উপস্থিত হইলেন, উপস্থিত হইয়া ভগবানকে কহিলেন—“প্রভো! আপনি কুলপুত্র যশকে দেখিয়াছেন কি?”

“গৃহপতি! তাহা জানিতে চাহিলে আপনি উপবেশন করুন। উপবেশন করিয়া আপনি অল্প সময়ের মধ্যে এখানে উপবিষ্ট কুলপুত্র যশকে দেখিতে পাইবেন।” ‘সেখানে উপবিষ্ট হইয়া, সেখানে উপবিষ্ট পুত্রকে দেখিতে পাইবেন’ জানিয়া, শ্রেষ্ঠী হুস্ত এবং উদগ্রচিত্ত হইয়া, ভগবানকে অভিবাদন করিয়া সসম্মমে একান্তে উপবেশন করিলেন। ভগবান একান্তে উপবিষ্ট শ্রেষ্ঠীকে দান-কথা, শীল-কথা ক্রমে আনুপূর্ব্বিক ধর্মোপদেশ প্রদান করিলেন। শ্রেষ্ঠী গৃহপতি শাস্তার শাসনে আত্মপ্রত্যয় লাভ করিয়া ভগবানকে কহিলেন—“প্রভো! অতি সুন্দর, অতি মনোহর! যেমন কেহ উল্টানকে সোজা করে, আবৃতকে অনাবৃত করে, বিমূঢ়কে পথ প্রদর্শন করে, অথবা অন্ধকারে তৈলপ্রদীপ ধারণ করে যাহাতে চক্ষুস্মান ব্যক্তি রূপ (দৃশ্যবস্তুসমূহ) দেখিতে পায়, তেমনই ভাবে ভগবান বহু পর্যায়ে (বিবিধ উপায়ে) ধর্ম প্রকাশিত করিলেন। প্রভো! আমি ভগবানের শরণাগত হইতেছি, ধর্ম এবং ভিক্ষু-সঙ্ঘের

শরণাগত হইতেছি, আজ হইতে আমরণ শরণাগত আমাকে উপাসকরূপে অবধারণ করুন।”

ইনিই জগতে সর্বপ্রথম ‘ত্রিবাচিক’^১ উপাসক হইয়াছিলেন।

যখন ভগবান কুলপুত্র যশের পিতার নিকট ধর্মদেশনা করিতেছিলেন তখন যথাদৃষ্ট ও যথাবিদিত জ্ঞানভূমি পর্য্যবেক্ষণ করিবার ফলে কুলপুত্র যশের চিত্ত অনাসক্ত হইয়া আসব হইতে বিমুক্ত হইল। তখন ভগবানের মনে এই চিন্তা উদিত হইল—“যখন আমি কুলপুত্র যশের পিতার নিকট ধর্মদেশনা করিতেছিলাম, তখন যথাদৃষ্ট এবং যথাবিদিত জ্ঞানভূমি পর্য্যবেক্ষণ করিবার ফলে যশের চিত্ত অনাসক্ত হইয়া আসব হইতে বিমুক্ত হইয়াছে। এখন কুলপুত্র যশের পক্ষে হীনস্তরে আবর্তিত হইয়া, পূর্বের ন্যায় আগারভুক্ত থাকিয়া কাম উপভোগ করা সম্ভব নহে। অতএব আমি এখন সেই ঋদ্ধিমায়া স্থগিত করিব।” এই ভাবিয়া ভগবান সেই ঋদ্ধিমায়া স্থগিত করিলেন।

শ্রেষ্ঠী গৃহপতি সেইস্থানে উপবিষ্ট পুত্রকে দেখিতে পাইলেন। দেখিতে পাইয়া তিনি কুলপুত্র যশকে কহিলেন—“বৎস! তোমার মাতা শোকাকুলা হইয়া তোমার জন্য বিলাপ করিতেছে, তুমি তোমার মাতার জীবন দান কর!” তখন যশ ভগবানের মুখপানে চাহিলেন। ভগবান শ্রেষ্ঠীকে কহিলেন—“গৃহপতি! কুলপুত্র যশ শৈক্ষ্যের (শিশিক্ষুর) জ্ঞানে, শৈক্ষ্যের দর্শনে ধর্ম-দর্শন করিয়াছে, যেমন স্বয়ং তাহা আপনি দর্শন করিয়াছেন। যথাদৃষ্ট ও যথাবিদিত জ্ঞান-ভূমি দর্শন করিবার ফলে তাহার চিত্ত অনাসক্ত হইয়া আসব হইতে বিমুক্ত হইয়াছে। আপনি কি মনে করেন যে, আর তাহার পক্ষে হীনস্তরে আবর্তিত হইয়া, পূর্বের ন্যায় আগারভুক্ত থাকিয়া কাম উপভোগ করা সম্ভব?” “না, প্রভু। তাহা আর সম্ভব নহে।”

“গৃহপতি! কুলপুত্র যশ শৈক্ষ্যের জ্ঞানে, শৈক্ষ্যের দর্শনে ধর্ম দর্শন করিয়াছে, যেমন স্বয়ং তাহা আপনি দর্শন করিয়াছেন। যথাদৃষ্ট ও যথাবিদিত জ্ঞান-ভূমি দর্শন করিবার ফলে তাহার চিত্ত অনাসক্ত হইয়া আসব হইতে বিমুক্ত হইয়াছে। এখন তাহার পক্ষে হীনস্তরে আবর্তিত হইয়া, পূর্বের ন্যায় আগারভুক্ত থাকিয়া কাম উপভোগ করা সম্ভব নহে।”

“প্রভো! কুলপুত্র যশের পক্ষে মহালাভ, সুলব্ধ সৌভাগ্য যে, তাহার চিত্ত অনাসক্ত হইয়া আসব হইতে বিমুক্ত হইয়াছে। প্রভো! কুলপুত্র যশকে আপনার অনুগামী শ্রমণরূপে অদ্যই লইয়া আমার গৃহে অন্ন ভোজন করিতে সম্মত হউন।” ভগবান মৌনভাবে সম্মতি জ্ঞাপন করিলেন।

অতঃপর শ্রেষ্ঠী ভগবান সম্মত হইয়াছেন জানিয়া, আসন হইতে উঠিয়া, ভগবানকে অভিবাদন করিয়া এবং তাঁহাকে পুরোভাগে দক্ষিণপার্শ্বে রাখিয়া ধীরপদে

^১। বুদ্ধ, ধর্ম এবং সংজ্ঞার শরণ গ্রহণ করিয়াছিলেন।

প্রস্থান করিলেন। শ্রেষ্ঠী প্রস্থান করিলে অনতিবিলম্বে কুলপুত্র যশ ভগবানকে কহিলেন—“প্রভো! আমি ভগবানের নিকট প্রব্রজ্যা ও উপসম্পদা লাভ করিতে পারিব কি?”

ভগবান কহিলেন—“তবে এস ভিক্ষু, ধর্ম সু-আখ্যাত, ব্রহ্মচর্য আচরণ কর সম্যকভাবে দুঃখের অন্তসাধনের জন্য।”

তাহাই আয়ুত্মান যশের উপসম্পদার পক্ষে যথেষ্ট হইল। সেই সময় (তখন পর্য্যন্ত) জগতে মাত্র সাত জন অর্হৎ হইয়াছিলেন।

॥ যশের প্রব্রজ্যা সমাপ্ত ॥

(১০) যশের চারি গৃহী সহায়ের প্রব্রজ্যা

ভগবান পূর্ব্বাহ্নে বহির্গমনবাস পরিধান করিয়া, পাত্রচীবর লইয়া, যশকে অনুগামী শ্রমণরূপে লইয়া গৃহপতির গৃহে উপস্থিত হইলেন। উপস্থিত হইয়া নির্দিষ্ট আসনে উপবেশন করিলেন। অনন্তর আয়ুত্মান যশের মাতা এবং পূর্ব্ব সম্বন্ধে তাঁহার বিবাহিতা পত্নী ভগবানের নিকট উপস্থিত হইলেন। উপস্থিত হইয়া ভগবানকে অভিবাদন করিয়া সসম্মে একান্তে উপবেশন করিলেন। ভগবান তাঁহাদের নিকট আনুপূর্ব্বিক ধর্মকথা বলিতে লাগিলেন। যথা, দান-কথা, শীল-কথা, স্বর্গ-কথা। ভগবান কামের আদীনব (উপদ্রব), অবকার (জঞ্জাল) ও সংক্ৰেশ (মালিন্য) এবং নৈষ্কম্যের আশংসা (প্রত্যাশিত সুখদ ফল) প্রকাশ করিলেন। যখনই ভগবান জানিতে পারিলেন যে, তাঁহাদের চিত্ত কল্য (সুস্থ), মৃদু, নীবরণমুক্ত, উদগ্র ও প্রসন্ন হইয়াছে, তখন তিনি বুদ্ধগণের সৎক্ষিপ্ত সমুৎকৃষ্ট ধর্মদেশনা অভিব্যক্ত করিলেন—যথা, দুঃখ, দুঃখ-সমুদয়, দুঃখ-নিরোধ ও দুঃখ-নিরোধের উপায়। যেমন শুদ্ধ ও কালিমারহিত বস্ত্র সম্যকভাবে রঙ প্রতীগ্রহণ করে, তেমনই তাঁহাদের সেই আসনে বিরজ, বিমল ধর্ম-চক্ষু উৎপন্ন হইল—‘যাহা কিছু সমুদয়ধর্মী তৎসমস্তই নিরোধধর্মী।’ তাঁহারা ধর্ম প্রত্যক্ষ করিয়া, ধর্মতত্ত্ব লাভ করিয়া, ধর্ম বিদিত হইয়া, ধর্মে প্রতিষ্ঠিত হইয়া, সংশয়মুক্ত হইয়া, ধর্মে বৈশারদ্য প্রাপ্ত হইয়া এবং শান্তার শাসনে আত্মপ্রত্যয় লাভ করিয়া ভগবানকে কহিলেন—“প্রভো! অতি সুন্দর! অতি মনোহর! যেমন কেহ উল্টানকে সোজা করে, আবৃতকে অনাবৃত করে, বিমূঢ়কে পথ প্রদর্শন করে, অথবা অন্ধকারে তৈলপ্রদীপ ধারণ করে যাহাতে চক্ষুত্মান ব্যক্তি রূপ (দৃশ্যবস্ত্তসমূহ) দেখিতে পায়; তেমনই ভাবে ভগবান বহু পর্যায়ে ধর্ম প্রকাশিত করিলেন। প্রভো! আমরা ভগবানের শরণাগতা হইতেছি, ধর্ম এবং ভিক্ষু-সঙ্ঘের

শরণাগতা হইতেছি, আজ হইতে আমরা আমাদিগকে উপাসিকারূপে অবধারণ করুন।”^১ তাঁহারাই সর্বপ্রথম ‘ত্রিবাটিকা’ উপাসিকা হইয়াছিলেন।

আয়ুষ্মান যশের মাতা, পিতা এবং পূর্ব সম্বন্ধে বিবাহিতা পত্নী ভগবান ও আয়ুষ্মান যশকে স্বহস্তে, আরও দিতে সম্পূর্ণরূপে বারণ না করা পর্য্যন্ত, খাদ্যভোজ্য দানে সন্তুষ্ট করিলেন। ভুক্তবসানে যখন ভগবান ভোজন-পাত্র হইতে হস্ত অপসারিত করিলেন, তখন তাঁহার সসম্মুখে একান্তে উপবেশন করিলেন। অতঃপর ভগবান আয়ুষ্মান যশের মাতা, পিতা এবং পূর্ব সম্বন্ধে তাঁহার বিবাহিতা পত্নীকে ধর্মকথায় প্রবুদ্ধ করিয়া, সন্দৃষ্ট করিয়া, সমুত্তেজিত করিয়া এবং সম্প্রহৃষ্ট করিয়া আসন হইতে উঠিয়া প্রস্থান করিলেন।

বারাণসীর শ্রেষ্ঠী ও অনুশ্রেষ্ঠীকুলের সন্তান বিমল, সুবাহু, পূর্ণজিৎ ও গবম্পতি,—আয়ুষ্মান যশের এই চারিজন গৃহী সহায় শুনিতে পাইলেন যে, কুলপুত্র যশ কেশশৃঙ্খ মুণ্ডিত করিয়া, কষায় বস্ত্রে দেহ আচ্ছাদিত করিয়া আগার হইতে অনাগারিকরূপে প্রব্রজিত হইয়াছেন। এই সংবাদ শুনিয়া তাঁহাদের মনে এই চিন্তা উদিত হইল—সেই ধর্ম-বিনয় এবং সেই প্রব্রজ্যা অবর (নগণ্য) হইতে পারে না যাহাতে কুলপুত্র যশ কেশশৃঙ্খ মুণ্ডিত করিয়া এবং কষায় বস্ত্রে দেহ আচ্ছাদিত করিয়া, আগার হইতে অনাগারিকরূপে প্রব্রজিত হইয়াছেন। তাঁহার আয়ুষ্মান যশের নিকট উপস্থিত হইলেন, উপস্থিত হইয়া আয়ুষ্মান যশকে অভিবাদন করিয়া সসম্মুখে একান্তে দণ্ডায়মান হইলেন। আয়ুষ্মান যশ তাঁহাদিগকে লইয়া ভগবানের নিকট উপস্থিত হইলেন, উপস্থিত হইয়া ভগবানকে অভিবাদন করিয়া সসম্মুখে একান্তে উপবেশন করিলেন। একান্তে উপবিষ্ট হইয়া আয়ুষ্মান যশ ভগবানকে কহিলেন—“ইহারা, বিমল, সুবাহু, পূর্ণজিৎ ও গবম্পতি, আমার চারিজন গৃহী সহায়, যাহারা বারাণসীর শ্রেষ্ঠী ও অনুশ্রেষ্ঠী কুলের সন্তান। ভগবান ইহাদিগকে উপদেশ ও অনুশাসন প্রদান করুন।” ভগবান তাঁহাদের নিকট আনুপূর্বিক ধর্মকথা বলিতে লাগিলেন। যথা—দান-কথা, শীল-কথা, স্বর্গ-কথা। ভগবান কামের আদীনব, অবকার ও সংক্লেষণ এবং নৈষ্কাম্যের আশংসা প্রকাশ করিলেন। যখনই ভগবান জানিতে পারিলেন যে, তাঁহাদের চিন্তা কল্যা, মৃদু, নীবরণমুক্ত, উদগ্র ও প্রসন্ন হইয়াছে, তখন তিনি বুদ্ধগণের সংক্ষিপ্ত সমুৎকৃষ্ট ধর্মদেশনা অভিব্যক্ত করিলেন—যথা, দুঃখ, দুঃখ-সমুদয়, দুঃখ-নিরোধ ও দুঃখ-নিরোধের উপায়। যেমন শুদ্ধ ও কালিমারহিত বস্ত্র সম্যকভাবে রঙ প্রতিল্বহণ করে, তেমনই তাঁহাদের সেই আসনে বিরজ, বিমল ধর্ম-চক্ষু উৎপন্ন হইল—“যাহা কিছু সমুদয়ধর্মী তৎসমস্তই নিরোধধর্মী।” তাঁহার ধর্ম প্রত্যক্ষ করিয়া, ধর্মতত্ত্ব লাভ করিয়া, ধর্ম বিদিত হইয়া,

^১। নারী জাতির মধ্যে ইঁহারাই সর্বপ্রথম বুদ্ধ, ধর্ম এবং সজ্জের শরণ গ্রহণ করিয়াছিলেন।

ধর্মে প্রবিশ্ট হইয়া, সংশয়মুক্ত হইয়া, ধর্মের বৈশারদ্য প্রাপ্ত হইয়া এবং শান্তার শাসনে আত্মপ্রত্যয় লাভ করিয়া ভগবানকে কহিলেন—“প্রভো! আমরা ভগবানের নিকট প্রব্রজ্যা ও উপসম্পদা লাভ করিব।”

ভগবান বলিলেন :—“ভিক্ষুগণ, এস; সু-আখ্যাত ধর্ম, ব্রহ্মচর্য্য পালন কর সম্যকভাবে দুঃখের অন্তসাধনের জন্য।” তাহাতেই সেই আয়ুষ্মানগণের উপসম্পদা লাভ হইল। অনন্তর ভগবান তাঁহাদিগকে ধর্মকথায় উপদেশ অনুশাসন প্রদান করিলেন। তাঁহারা ভগবান কর্তৃক ধর্মকথায় উপদিষ্ট ও অনুশাসিত হইলে অনাসক্তি-হেতু তাঁহাদের চিত্ত আসব হইতে বিমুক্ত হইল। সেই সময় (তখন পর্য্যন্ত) জগতে মাত্র এগারজন অর্হৎ হইয়াছিলেন।

॥ যশের চারি গৃহী সহায়ের প্রব্রজ্যা সমাপ্ত ॥

(১১) যশের অপর পঞ্চাশ গৃহী সহায়ের কথা

জনপদবাসী প্রাচীন ও অপ্রাচীন কুলের সন্তান আয়ুষ্মান যশের অপর পঞ্চাশ জন গৃহী সহায় শুনিতে পাইলেন যে, কুলপুত্র যশ কেশশৃঙ্খ মুণ্ডিত করিয়া, কষায় বস্ত্রে দেহ আচ্ছাদিত করিয়া, আগার হইতে অনাগারিকরূপে প্রব্রজিত হইয়াছেন। এই সংবাদ শুনিয়া তাঁহাদের মনে এই চিন্তা উদিত হইল—সেই ধর্মবিনয় এবং প্রব্রজ্যা অবর হইতে পারে না যাহাতে কুলপুত্র যশ কেশশৃঙ্খ মুণ্ডিত করিয়া এবং কষায় বস্ত্রে দেহ আচ্ছাদিত করিয়া, আগার হইতে অনাগারিকরূপে প্রব্রজিত হইয়াছেন। সেই সময় (তখন পর্য্যন্ত) জগতে মাত্র একষষ্টি জন অর্হৎ হইয়াছিলেন।

অনন্তর ভগবান ভিক্ষুদিগকে আহ্বান করিয়া বলিলেন, “হে ভিক্ষুগণ! দিব্য এবং মানুষ সর্ব্বপাশ হইতে আমি মুক্ত হইয়াছি, তোমরাও দিব্য এবং মানুষ সর্ব্বপাশ হইতে মুক্ত হইয়াছ। হে ভিক্ষুগণ! তোমরা দিকে দিকে বিচরণ কর, বহুজনের হিতের জন্য, বহুজনের সুখের জন্য, জগতের প্রতি অনুকম্পা প্রদর্শনের জন্য, দেবতা ও মনুষ্যের অর্থ-হিত-সুখের জন্য; কিন্তু দুইজন একপথে যাইও না। হে ভিক্ষুগণ! তোমরা ধর্মদেখনা কর, যাহার আদিতে কল্যাণ, মধ্যে কল্যাণ এবং পর্য্যবসানে বা অন্তে কল্যাণ; এবং অর্থযুক্ত, ব্যঞ্জনযুক্ত, সমগ্র পরিপূর্ণ ও পরিশুদ্ধ ব্রহ্মচর্য্য প্রকাশিত কর। অল্পরজজাতীয় সত্ত্বগণ আছে যাহারা ধর্ম শ্রবণ করিতে না পারিলে পরিহীন হইবে, ধর্মের তত্ত্ব জ্ঞাতা অবশ্যই মিলিবে। হে ভিক্ষুগণ! আমিও ধর্মদেখনার জন্য উরুবলার সেনানীগ্রাম অভিমুখে যাত্রা করিব।”

॥ যশের অপর পঞ্চাশ গৃহী সহায়ের কথা সমাপ্ত ॥

(১২) মার-কথা

তখন পাপাত্মা মার ভগবানের নিকট উপস্থিত হইল, উপস্থিত হইয়া ভগবানকে সম্বোধন করিয়া গাথাযোগে বলিল :—

“দিব্য ও মানুষ, ভবে আছে যত পাশ,
সর্বপাশে বদ্ধ তুমি বৃথা মুক্তি-আশ।
যে বন্ধনে বদ্ধ তুমি সে মহা বন্ধন,
আমা হ’তে মুক্ত তুমি হবে না শ্রমণ।”
“দিব্য ও মানুষ, ভবে আছে যত পাশ,
সর্বপাশ-মুক্ত আমি, ছিন্ন সর্ব পাশ।
সকল বন্ধন-মুক্ত, স্থলিত বন্ধন,
রে অন্তক! হত তুমি, নিহত এখন।”
“অন্তরীক্ষচর পাশ, করে মনে বিচরণ,
বাঁধিব তাহাতে, মুক্ত হবে না শ্রমণ।”
“রূপ-শব্দ-গন্ধ-রস-স্পর্শ যা’ পঞ্চম,
পঞ্চকামগুণ যাহা অতি মনোরম।
নাহি ছন্দ তাহে মম, বীতছন্দ মন,
রে অন্তক! হত তুমি, নিহত এখন।”

‘ভগবান দেখিতেছি আমাকে জানিতে পারিয়াছেন, সুগত দেখিতেছি আমাকে জানিতে পারিয়াছেন’, ইহা বুঝিতে পারিয়া মার দুঃখী ও দুর্মনা হইয়া তথা হইতে অন্তর্হিত হইল।

॥ মার-কথা সমাপ্ত ॥

(১৩) ত্রিশরণ দানে উপসম্পদা-কথা

সেই সময়ে ভিক্ষুগণ নানাদিক ও নানা-জনপদ হইতে প্রব্রজ্যাপ্রার্থী ও উপসম্পদা প্রার্থী বহুলোক আনিতেছিলেন, উদ্দেশ্য ভগবান স্বয়ং তাহাদিগকে প্রব্রজ্যা ও উপসম্পদা প্রদান করিবেন। তাহাতে ভিক্ষুগণ নিজে এবং সঙ্গে সঙ্গে প্রব্রজ্যাপ্রার্থী ও উপসম্পদাপ্রার্থী ব্যক্তিগণ পরিশ্রান্ত হইয়া পড়িতেছিলেন। একদিন ভগবান নির্জনে, ধ্যানাবিষ্ট থাকিবার অবস্থায় তাঁহার চিন্তে এই পরিবর্তক উৎপন্ন হইল—“এখন ভিক্ষুগণ নানাদিক ও নানা-জনপদ হইতে প্রব্রজ্যাপ্রার্থী ও উপসম্পদাপ্রার্থী বহুলোক আনিতেছে; উদ্দেশ্য ভগবান স্বয়ং তাহাদিগকে প্রব্রজ্যা ও উপসম্পদা প্রদান করিবেন। তাহাতে ভিক্ষুগণ নিজে এবং সঙ্গে সঙ্গে প্রব্রজ্যাপ্রার্থী ও উপসম্পদাপ্রার্থী ব্যক্তিগণ পরিশ্রান্ত হইয়া পড়িতেছে। অতএব আমি ভিক্ষুদিগকে

এই বলিয়া অনুজ্ঞা প্রদান করিব :—“হে ভিক্ষুগণ! এখন হইতে যেই যেই দিকে যাও সেই সেই দিকে সেই সেই জনপদে প্রব্রজ্যা ও উপসম্পদা প্রদান কর।”

অনন্তর ভগবান সায়াহ্নে সমাধি হইতে উঠিয়া এই নিদানে এবং এই প্রকরণে ধর্মকথা বলিয়া ভিক্ষুদিগকে আহ্বান করিয়া বলিলেন :—হে ভিক্ষুগণ! আমি নিজ্ঞনে ধ্যানমগ্ন থাকিবার সময় আমার চিন্তে এই পরিবর্তক উৎপন্ন হইয়াছিলঃ—এখন ভিক্ষুগণ নানাদিক ও নানাজনপদ হইতে প্রব্রজ্যাপ্রার্থী ও উপসম্পদাপ্রার্থী বহুলোক আনিতেছে, উদ্দেশ্য ভগবান স্বয়ং তাহাদিগকে প্রব্রজ্যা ও উপসম্পদা প্রদান করিবেন। তাহাতে ভিক্ষুগণ নিজে এবং সঙ্গে সঙ্গে প্রব্রজ্যাপ্রার্থী ও উপসম্পদাপ্রার্থী ব্যক্তিগণ পরিশ্রান্ত হইয়া পড়িতেছে। অতএব আমি ভিক্ষুদিগকে এই বলিয়া অনুজ্ঞা প্রদান করিব :—হে ভিক্ষুগণ! এখন হইতে যেই যেই দিকে যাও সেই সেই দিকে সেই সেই জনপদে প্রব্রজ্যা ও উপসম্পদা প্রদান কর। হে ভিক্ষুগণ! আমি তোমাদিগকে অনুজ্ঞা প্রদান করিতেছি—“তোমরা এখন হইতে যেই যেই দিকে গমন কর সেই সেই দিকে সেই সেই জনপদে নিজেই প্রব্রজ্যা ও উপসম্পদা প্রদান কর।” এইভাবেই প্রব্রজ্যা ও উপসম্পদা প্রদান করিতে হইবে। সর্বপ্রথমে কেশশূশ্রু মুণ্ডিত^১ করাইয়া, কষায় বস্ত্রে প্রার্থীকে আচ্ছাদিত করিয়া, একাংশ আবৃত করিবার ভাবে উত্তরাসঙ্গ (উত্তরীয় বস্ত্র) পরিহিত করাইয়া, সমবেত ভিক্ষুগণের পাদ বন্দনা করাইয়া, উৎকৃষ্টিক (পদাঞ্চে ভার দিয়া) বসাইয়া, হস্তদ্বয় অঞ্জলিবদ্ধ করাইয়া, তাহাকে বলিবে, “তুমি আমার সঙ্গে সঙ্গে বল—আমি বুদ্ধের শরণাগত হইতেছি, ধর্মের শরণাগত হইতেছি, সঙ্ঘের শরণাগত হইতেছি।” [দ্বিতীয়, তৃতীয়বারও এইরূপ]। (ভগবান কহিলেন :—)

“হে ভিক্ষুগণ! আমি অনুজ্ঞা প্রদান করিতেছি—“তোমরা এই ত্রিশরণ দ্বারা প্রব্রজ্যা ও উপসম্পদা প্রদান কর।”

৥ ত্রিশরণ দানে উপসম্পদা-কথা সমাপ্ত ॥

^১। যদি উপযুক্ত এবং বিখ্যাত কুলপুত্র প্রব্রজ্যাপ্রার্থী হয় তাহা হইলে স্বীয় কার্য স্থগিত রাখিয়া স্বয়ং প্রব্রজ্যা দান করিতে হইবে। ‘মৃত্তিকা লইয়া যাইয়া, স্নান করিয়া, কেশ ভিজাইয়া আইস’ এইরূপ বলিয়া একাকী পাঠাইতে পারিবে না। প্রব্রজ্যার্থীগণ প্রথম প্রব্রজ্যার জন্য বড় উৎসাহিত হয় কিন্তু যখন কষায় বস্ত্র ও কেশমুণ্ডনের অস্ত্র দেখে তখন ভয়ে পলাইয়া যায়, এই হেতু উপাধ্যায়কে স্বয়ংই প্রব্রজ্যার্থীকে সঙ্গে লইয়া স্নান-ঘাটে যাইতে হইবে। প্রব্রজ্যার্থীর বয়স অত্যল্প না হইলে ‘স্নান কর’ বলিতে হইবে। তাহার কেশ নিজেই মৃত্তিকা মাখিয়া ধুইতে হইবে। অত্যল্পবয়স্ক বালককে স্বয়ং জলে নামিয়া গোময় ও মৃত্তিকা দ্বারা দেহ রগড়াইয়া স্নান করাইতে হইবে। যদি তাহার নিকট খোস কিংবা পাঁচড়া থাকে তাহা হইলে মাতার ন্যায় ঘৃণা না করিয়া উত্তমরূপে হস্তপদ ও মস্তকাদি সর্বত্র রগড়াইয়া স্নান করাইতে হইবে। এইরূপ স্নেহ প্রদর্শনে কুলপুত্রগণ আচার্য্য, উপাধ্যায় এবং বুদ্ধশাসনের প্রতি অনুরক্ত হইয়া পড়ে, গৃহিত কামনা করে না। সম-পাসা।

(১৪) ভদ্রবর্গীয় সহায়দের-কথা

অনন্তর ভগবান বর্ষাবাস সমাপ্ত করিয়া ভিক্ষুদিগকে আহ্বান করিয়া বলিলেন :—“হে ভিক্ষুগণ! যোনিশ মনস্কার^১ ও সম্যকপ্রধান^২ দ্বারা আমি অনুত্তর বিমুক্তি লাভ করিয়াছি, অনুত্তর বিমুক্তি সাক্ষাৎকার (প্রত্যক্ষ) করিয়াছি। তোমরাও তদ্বারা অনুত্তর বিমুক্তি লাভ কর, অনুত্তর বিমুক্তি সাক্ষাৎকার কর।”

তখন পাপাত্মা মার ভগবানের নিকট উপস্থিত হইল, উপস্থিত হইয়া ভগবানকে সম্বোধন করিয়া গাথাযোগে বলিল—

“দিব্য ও মানুষ, ভবে আছে যত পাশ,
মারপাশে বদ্ধ তুমি, বৃথা মুক্তি-আশ।
যে বন্ধনে বদ্ধ তুমি সে মহা বন্ধন,
আমা হ’তে মুক্ত তুমি হবে না শ্রমণ।”
“দিব্য ও মানুষ, ভবে আছে যত পাশ,
মার-পাশমুক্ত আমি, ছিন্ন মারপাশ।
মারের বন্ধন-মুক্ত, স্থলিত বন্ধন,
রে অন্তক! হত তুমি, নিহত এখন।”

‘ভগবান দেখিতেছি আমাকে জানিতে পারিয়াছেন, সুগত দেখিতেছি আমাকে জানিতে পারিয়াছেন।’ ইহা উপলব্ধি করিয়া পাপাত্মা মার দুঃখী ও দুর্মনা হইয়া তথা হইতে অন্তর্দ্বান করিল।

ভগবান বারাণসীতে যথারূচি অবস্থান করিয়া উরুবেলা অভিমুখে যাত্রা করিলেন। অনন্তর ভগবান গমনমার্গ হইতে অবতরণ করিয়া এক বনখণ্ডে উপনীত হইলেন, উপনীত হইয়া ঐ বনখণ্ডে প্রবেশ করিয়া এক বৃক্ষ-মূলে উপবেশন করিলেন। সেই সময়ে ত্রিশ জন সহায় সস্ত্রীক সেই বনখণ্ডে প্রমোদবিহারে আসিয়াছিলেন। তন্মধ্যে একজনের পত্নী ছিল না, তাঁহার জন্য এক বারাসনা আনীত হইয়াছিল। যখন তাঁহারা প্রমত্তভাবে প্রমোদবিহারে রত ছিলেন তখন ঐ বারাসনা তাঁহাদের বস্ত্রভাণ্ড লইয়া পলায়ন করিল। তাঁহারা তাঁহাদের বস্ত্রের সেবার জন্য ঐ স্ত্রীলোকের অশেষণে বনখণ্ডে বিচরণ করিতে করিতে ভগবানকে এক বৃক্ষ-মূলে সমাসীন দেখিতে পাইলেন, দেখিতে পাইয়া ভগবানের নিকট উপস্থিত হইলেন; উপস্থিত হইয়া ভগবানকে বলিলেন—“প্রভো! আপনি কি এই স্থানে কোন স্ত্রীলোককে দেখিতে পাইয়াছেন?”

“কুমারগণ! স্ত্রীলোকে তোমাদের কি প্রয়োজন?”

^১। জ্ঞানবশে অনিত্যাদিতে মনোনিবেশ করা;

^২। সম্যক্ বীর্য্য।

“প্রভো! আমরা ত্রিশজন ভদ্রবর্গীয় সহায় সঙ্গীক এই বনখণ্ডে প্রমোদবিহারে আসিয়াছিলাম। আমাদের মধ্যে মাত্র একজনের পত্নী ছিল না, তাহার জন্য এক বারাস্তনা আনীত হইয়াছিল। যখন আমরা প্রমত্তভাবে প্রমোদে রত ছিলাম তখন সে আমাদের বস্ত্রভাণ্ড লইয়া পলায়ন করিয়াছে। আমরা বন্ধুর সেবার জন্য ঐ স্ত্রীলোকের অন্তেষণে এই বনখণ্ডে বিচরণ করিতেছি।”

“কুমারগণ! তোমরা কি মনে কর—তোমাদের পক্ষে এই স্ত্রীলোক অন্তেষণ করা শ্রেয়স্কর কিংবা আত্মানুসন্ধান শ্রেয়স্কর?”

“প্রভো! যাহা আত্মানুসন্ধান তাহাই আমাদের পক্ষে শ্রেয়ঃ।”

“কুমারগণ! তোমরা উপবেশন কর, আমি তোমাদের নিকট ধর্মোপদেশ প্রদান করিব।”

‘যথা আজ্ঞা, প্রভু!’ বলিয়া ভদ্রিবর্গীয় সহায়গণ ভগবানকে অভিবাদন করিয়া সসম্মমে একান্তে উপবেশন করিলেন, ভগবান তাঁহাদের নিকট আনুপূর্বিক ধর্মকথা বলিতে লাগিলেন। যথা, দান-কথা, শীল-কথা, স্বর্গ-কথা। ভগবান কামের আদীনব, অবকার, সংক্লেশ এবং নৈক্কেম্যের আশংসা প্রকাশ করিলেন। যখনই ভগবান জানিতে পারিলেন যে, তাঁহাদের চিত্ত কল্য, মৃদু, নীবরণমুক্ত, উদগ্র ও প্রসন্ন হইয়াছে, তখন তিনি বুদ্ধগণের সংক্ষিপ্ত সমুৎকৃষ্ট ধর্মদেশনা অভিব্যক্ত করিলেন—যথা, দুঃখ, দুঃখ-সমুদয়, দুঃখ-নিরোধ ও দুঃখ-নিরোধের উপায়। যেমন শুদ্ধ ও কালিমারহিত বস্ত্র সম্যকভাবে রঙ প্রতিগ্রহণ করে, তেমনই তাঁহাদের সেই আসনে বিরজ, বিমল ধর্মচক্ষু উৎপন্ন হইল; ‘যাহা কিছু সমুদয়ধর্মী তৎসমস্তই নিরোধধর্মী।’ তাঁহারা ধর্ম প্রত্যক্ষ করিয়া, ধর্মতত্ত্ব লাভ করিয়া, ধর্ম বিদিত হইয়া, ধর্মে প্রবিষ্ট হইয়া এবং সংশয়মুক্ত হইয়া, ধর্মে বৈশারদ্য প্রাপ্ত হইয়া, শাস্তার শাসনে আত্মপ্রত্যয় লাভ করিয়া ভগবানকে কহিলেন—“প্রভো! আমরা ভগবানের নিকট প্রব্রজ্যা ও উপসম্পদা লাভ করিব।”

ভগবান কহিলেন—“ভিক্ষুগণ! এস, ধর্ম সু-আখ্যাত ধর্ম, ব্রহ্মচর্য্য আচরণ কর সম্যকভাবে দুঃখের অন্তসাধনের জন্য।” তাহাতেই সেই আয়ুস্মানগণের উপসম্পদা লাভ হইল।

॥ ভদ্রবর্গীয় সহায়দের কথা সমাপ্ত ॥

॥ দ্বিতীয় ভগিতা সমাপ্ত ॥

[স্থান :—উরুবেলা]

উরুবেলায় ঋদ্ধি প্রদর্শন

(১৫) উরুবেল কাশ্যপ-কথা

ভগবান ক্রমান্বয়ে পর্যটন করিতে করিতে যথাসময়ে উরুবেলায় উপনীত হইলেন। সেই সময়ে উরুবেলায় তিনজন জটিল বাস করিতেন। তাঁহাদের নাম—উরুবেল-কাশ্যপ, নদী-কাশ্যপ এবং গয়া-কাশ্যপ। তন্মধ্যে উরুবেলকাশ্যপ পঞ্চাশত জটিলের নায়ক, বিনায়ক, অগ্র, প্রমুখ ও প্রমুখ্য ছিলেন। নদীকাশ্যপ তিনশত জটিলের নায়ক, বিনায়ক, অগ্র, প্রমুখ ও প্রমুখ্য ছিলেন, এবং গয়া-কাশ্যপ দুইশত জটিলের নায়ক, বিনায়ক, অগ্র, প্রমুখ ও প্রমুখ্য ছিলেন। ভগবান জটিল উরুবেলকাশ্যপের আশ্রমে উপস্থিত হইলেন; উপস্থিত হইয়া উরুবেলকাশ্যপকে কহিলেন :—“কাশ্যপ যদি তোমার অসুবিধা না হয় তবে আমি একরাত্রি তোমার অগ্ন্যাগারে (অগ্নিশালায়) বাস করিব।”

“মহাশ্রমণ! আমার কোন অসুবিধা হইবে না; কিন্তু এই স্থানে এক প্রচণ্ড ঋদ্ধিমায়াসম্পন্ন আশীবিষ, ঘোরবিষ নাগরাজ বাস করে, সে যেন তোমাকে ব্যথিত না করে।” দ্বিতীয়বার, তৃতীয়বারও ভগবান তাহাই জানাইলেন এবং উরুবেলকাশ্যপও তাহাই উত্তর করিলেন। ভগবান কহিলেন—“নিশ্চয় নাগরাজ আমাকে ব্যথিত করিবে না; অতএব তুমি আমায় তোমার অগ্ন্যাগারে থাকিবার অনুমতি দাও।”

“মহাশ্রমণ! তুমি যথাসুখে থাক।”

১নং প্রতিহার্য্য (ঋদ্ধিক্রিয়া)।—ভগবান জটিলের অগ্ন্যাগারে প্রবেশ করিয়া, তৃণাসন পাতিয়া উহাতে ঋজুকায়ে পরিমুখে স্মৃতি উপস্থাপিত করিয়া, পদ্মাসন করিয়া আসীন হইলেন। ভগবান অগ্ন্যাগারে প্রবিষ্ট হইয়াছেন দেখিয়া, সেই নাগ দুঃখী দুর্ম্মনা হইয়া নাসিকা হইতে ফোঁস ফোঁস শব্দে ধূম উদ্দীর্ণ করিতে লাগিল। তখন ভগবানের মনে এই চিন্তা উদিত হইল—এখন আমি এই নাগের দেহচ্ছবি, চর্ম্ম, মাংস, স্নায়ু, অস্থি ও অস্থিমজ্জা উপহত না করিয়া স্বতেজে উহার তেজ পর্য্যদন্ত করিব। এই ভাবিয়া ভগবান তদনুযায়ী ঋদ্ধিমায়া নিৰ্ম্মাণ করিয়া ধূম উদ্দীর্ণ করিতে লাগিলেন। নাগ ম্রক্ষ (ক্রোধ) বেগ সহ্য করিতে না পারিয়া প্রজ্জ্বলিত হইল। ভগবানও তেজধাতু সমাপন্ন হইয়া প্রজ্জ্বলিত হইলেন। উভয়ের জ্যোতি-প্রভাবে সেই অগ্ন্যাগার আদীপ্ত, সম্প্রজ্জ্বলিত, জ্যোতিভূত হইল। তখন জটিলগণ অগ্ন্যাগার পরিবেষ্টন করিয়া বলিতে লাগিলেন—

“আহা! এই মহানুভব পরম সুন্দর মহাশ্রমণ নাগ দ্বারা ব্যথিত হইতেছেন!”

ভগবান সেই রাত্রিশেষে নাগের দেহচ্ছবি, চর্ম, মাংস, স্নায়ু, অস্থি ও অস্থিমজ্জা উপহত না করিয়া, স্বতেজে উহার তেজ পর্য্যদন্ত করিয়া, উহাকে পাত্রে পুরিয়া জটিল উরুবলেকাশ্যপকে দেখাইলেন, “কাশ্যপ, এই তোমার নাগ, যাহার তেজ আমার তেজে পর্য্যদন্ত হইয়াছে।”

তখন উরুবলেকাশ্যপের মনে এই চিন্তা হইল—“মহাঋদ্ধিসম্পন্ন, মহাঋদ্ধিশালী এই মহাশ্রমণ, যেহেতু তিনি স্বতেজে এই প্রচণ্ড ঋদ্ধিমায়াসম্পন্ন ঘোরবিষ আশীবিষ নাগরাজের তেজ পর্য্যদন্ত করিতে পারিয়াছেন। তবে তিনি মাদৃশ অর্হৎ নিশ্চিত নহেন।”

ভগবানের এইরূপ ঋদ্ধি-প্রতিহার্য্যে (ঋদ্ধি প্রদর্শনে) উরুবলেকাশ্যপ অভিপ্রসন্ন হইয়া ভগবানকে কহিলেন—“মহাশ্রমণ! এই স্থানেই অবস্থান কর, আমি নিত্য আহাৰ্য্যদানে তোমার সেবা করিব।”

২নং প্রতিহার্য্য।—ভগবান জটিল উরুবলেকাশ্যপের আশ্রমের অবিদূরে এক বনখণ্ডে অবস্থান করিতেছিলেন। চারি লোকপাল মহারাজা অতি মনোহর নিশীথে অতি মনোহর বর্ণে সমগ্র বনখণ্ড উদ্ভাসিত করিয়া ভগবানের নিকট উপস্থিত হইলেন। উপস্থিত হইয়া ভগবানকে অভিবাদন করিয়া চতুর্দিকে দণ্ডায়মান হইলেন; দেখিতে যেন চারিদিকে চারি বৃহৎ অগ্নিস্কন্ধ। জটিল উরুবলেকাশ্যপ সেই রাত্রি অবসানে ভগবানের নিকট উপস্থিত হইলেন, উপস্থিত হইয়া ভগবানকে কহিলেন—“মহাশ্রমণ! এখন ভোজনের সময়, ভোজন প্রস্তুত হইয়াছে। মহাশ্রমণ! তাঁহারা কে যাঁহারা গত মনোহর নিশীথে মনোহর বর্ণে সমগ্র বনখণ্ড উদ্ভাসিত করিয়া তোমার নিকট উপস্থিত হইয়াছিলেন; উপস্থিত হইয়া তোমাকে অভিবাদন করিয়া চতুর্দিকে দণ্ডায়মান হইয়াছিলেন, দেখিতে যেন চারিদিকে চারি বৃহৎ অগ্নিস্কন্ধ?”

“কাশ্যপ! তাঁহারা চারি লোকপাল মহারাজা, ধর্মশ্রবণের নিমিত্ত আসিয়াছিলেন।”

তখন উরুবলেকাশ্যপের মনে এই চিন্তা উদিত হইল—“মহাশ্রমণ এত ঋদ্ধিসম্পন্ন ও ঐশীশক্তিসম্পন্ন যে চারি লোকপাল মহারাজাই তাঁহার নিকট ধর্মশ্রবণ করিবার জন্য আগমন করেন। তথাপি তিনি মাদৃশ অর্হৎ নহেন।”

ভগবান উরুবলেকাশ্যপের অন্ত ভোজন করিয়া ঐ বনখণ্ডে অবস্থান করিতে লাগিলেন।

৩নং প্রতিহার্য্য।—দেবরাজ শক্র অতি মনোহর নিশীথে অতি মনোহর বর্ণে সমগ্র বনখণ্ড উদ্ভাসিত করিয়া ভগবানের নিকট উপস্থিত হইলেন, উপস্থিত হইয়া

১। এই স্থানে মূলগ্রন্থে কতকগুলি গাথা আছে। তাহা পরে প্রক্ষিপ্ত বলিয়া বুদ্ধঘোষ লিখিয়াছেন। অতএব তাহার অনুবাদ প্রদত্ত হইল না।

ভগবানকে অভিবাদন করিয়া একান্তে দণ্ডায়মান হইলেন, দেখিতে যেন মহা অগ্নিস্কন্ধ যাহা বর্ণে ও আভায় পূর্ববর্ণিত অগ্নিস্কন্ধ হইতে অধিকতর দীপ্তিমান ও সৌষ্ঠববিশিষ্ট। জটিল উরুবলকাশ্যপ সেই রাত্রি অবসানে ভগবানের নিকট উপস্থিত হইলেন, উপস্থিত হইয়া ভগবানকে কহিলেন—“মহাশ্রমণ! এখন ভোজনের সময়, ভোজন প্রস্তুত হইয়াছে। মহাশ্রমণ! তিনি কে যিনি গত মনোহর নিশীথে মনোহর বর্ণে সমগ্র বনখণ্ড উদ্ভাসিত করিয়া তোমার নিকট উপস্থিত হইয়াছিলেন; উপস্থিত হইয়া তোমাকে অভিবাদন করিয়া একপার্শ্বে দণ্ডায়মান হইয়াছিলেন। দেখিতে যেন মহা অগ্নিস্কন্ধ, যাহা বর্ণে ও আভায় পূর্ববর্ণিত অগ্নিস্কন্ধ হইতে অধিকতর দীপ্তিমান ও সৌষ্ঠববিশিষ্ট?”

“কাশ্যপ! ইনি দেবরাজ শত্রু, ধর্মশ্রবণের নিমিত্ত আসিয়াছিলেন।”

তখন উরুবলকাশ্যপের মনে এই চিন্তা উদিত হইল—“মহাশ্রমণ এত ঋদ্ধিসম্পন্ন ও ঐশীশক্তি সম্পন্ন যে দেবরাজ ইন্দ্র তাঁহার নিকট ধর্মশ্রবণ করিবার জন্য আগমন করেন। তথাপি তিনি মাদৃশ অর্হৎ নহেন।”

ভগবান উরুবলকাশ্যপের অনু ভোজন করিয়া ঐ বনখণ্ডে অবস্থান করিতে লাগিলেন।

৪নং প্রতিহার্য্য।—ব্রহ্মা সহস্রপতি অতি মনোহর নিশীথে অতি মনোহর বর্ণে সমগ্র বনখণ্ড উদ্ভাসিত করিয়া ভগবানের নিকট উপস্থিত হইলেন, উপস্থিত হইয়া ভগবানকে অভিবাদন করিয়া একান্তে দণ্ডায়মান হইলেন, দেখিতে যেন মহা অগ্নিস্কন্ধ যাহা বর্ণে ও আভায় পূর্ব বর্ণিত অগ্নিস্কন্ধ হইতে অধিকতর দীপ্তিমান ও সৌষ্ঠববিশিষ্ট। জটিল উরুবলকাশ্যপ সেই রাত্রি অবসানে ভগবানের নিকট উপস্থিত হইলেন, উপস্থিত হইয়া ভগবানকে কহিলেন—“মহাশ্রমণ! এখন ভোজনের সময়, ভোজন প্রস্তুত হইয়াছে। মহাশ্রমণ! তিনি কে যিনি গত মনোহর নিশীথে মনোহর বর্ণে সমগ্র বনখণ্ড উদ্ভাসিত করিয়া তোমার নিকট উপস্থিত হইয়াছিলেন; উপস্থিত হইয়া তোমাকে অভিবাদন করিয়া একান্তে দণ্ডায়মান হইয়াছিলেন। দেখিতে যেন মহা অগ্নিস্কন্ধ, যাহা বর্ণে ও আভায় পূর্ববর্ণিত অগ্নিস্কন্ধ হইতে অধিকতর দীপ্তিমান ও সৌষ্ঠববিশিষ্ট?”

“কাশ্যপ! ইনি ব্রহ্মা সহস্রপতি, ধর্মশ্রবণের নিমিত্ত আসিয়াছিলেন।”

তখন উরুবলকাশ্যপের মনে এই চিন্তা উদিত হইল—“মহাশ্রমণ এত ঋদ্ধিসম্পন্ন ও ঐশীশক্তি সম্পন্ন যে ব্রহ্মা সহস্রপতি তাঁহার নিকট ধর্ম শ্রবণ করিবার জন্য আগমন করেন। তথাপি তিনি মাদৃশ অর্হৎ নহেন।”

ভগবান উরুবলকাশ্যপের অনু ভোজন করিয়া ঐ বনখণ্ডে অবস্থান করিতে লাগিলেন।

৫নং প্রতিহার্য্য।—সেই সময়ে জটিল উরুবলকাশ্যপের আশ্রমে মহাযজ্ঞ অনুষ্ঠিত হইত। অঙ্গ-মগধবাসী সকলে খাদ্যভোজ্য লইয়া উরুবেলা অভিমুখে যাত্রা

করিতে অভিলাষী হইত। উরুবলকাশ্যপের মনে এই চিন্তা উদিত হইল—“এখন আমার মহাযজ্ঞ উপস্থিত হইয়াছে, অঙ্গ-মগধবাসী সকলে প্রচুর খাদ্যভোজ্য লইয়া যাত্রা করিবে। যদি মহাশ্রমণ এই জনতার মধ্যে ঋদ্ধিপ্রতিহার্য্য প্রদর্শন করেন তাহাতে তাঁহার লাভসংকার অত্যধিক বর্দ্ধিত হইবে এবং আমার লাভসংকার হ্রাস পাইবে, মহাশ্রমণ আগামীকল্য আহারের জন্য এখানে না আসিলেই যেন ভাল হইত।”

ভগবান স্বচিন্তে জটিল উরুবলকাশ্যপের চিত্তপরিবর্তক জানিতে পারিয়া, উত্তরকুরু গমন করিয়া, তথা হইতে ভিক্ষান্ন আহরণ করিয়া, অনবতপ্ত হৃদে ভিক্ষান্ন ভোজন করিয়া ঐস্থানেই দিব্য বিহার করিলেন। উরুবলকাশ্যপ সেই রাত্রি অবসানে ভগবানের নিকট উপস্থিত হইলেন, উপস্থিত হইয়া ভগবানকে কহিলেন—“মহাশ্রমণ! আহারের সময় উপস্থিত, ভোজন প্রস্তুত হইয়াছে। মহাশ্রমণ! গতকল্য আগমন হয় নাই কেন? আমরা কিন্তু ভাবিয়াছিলাম মহাশ্রমণ না আসিতেও পারেন, তবে আমরা তোমার খাদ্যভোজ্যের অংশ রাখিয়াছিলাম।”

“কাশ্যপ! তোমার মনে কি এইরূপ চিন্তা উদিত হইয়াছিল না ‘এখন আমার মহাযজ্ঞ অনুষ্ঠিত হইবে। অঙ্গ-মগধবাসী সকলে প্রচুর খাদ্যভোজ্য লইয়া যাত্রা করিবে। যদি মহাশ্রমণ এই জনতার মধ্যে ঋদ্ধিপ্রতিহার্য্য প্রদর্শন করেন তাহাতে তাঁহার লাভসংকার অত্যধিক বর্দ্ধিত হইবে এবং আমার লাভসংকার হ্রাস পাইবে, মহাশ্রমণ আগামীকল্য আহারের জন্য এখানে না আসিলেই যেন ভাল হইত।” কাশ্যপ! আমি স্বচিন্তে তোমার চিত্তপরিবর্তক জানিতে পারিয়া, উত্তরকুরু গমন করিয়া, তথা হইতে ভিক্ষান্ন আহরণ করিয়া, অনবতপ্ত হৃদে ভিক্ষান্ন ভোজন করিয়া, ঐস্থানেই দিব্যবিহার করিয়াছিলাম।”

তখন উরুবলকাশ্যপের মনে এই চিন্তা উদিত হইল—“মহাশ্রমণ এত ঋদ্ধিসম্পন্ন ও ঐশীশক্তিসম্পন্ন যে তিনি স্বচিন্তে পরচিত্ত জানিতে পারেন। তথাপি তিনি মাদৃশ অর্হৎ নহেন।”

ভগবান উরুবলকাশ্যপের অন্ন ভোজন করিয়া ঐ বনখণ্ডে অবস্থান করিতে লাগিলেন।

৬নং প্রতিহার্য্য।—সেই সময়ে ভগবান ধূলাধূসরিত পরিত্যক্ত (পাংশুকূল) বস্ত্র লাভ করিলেন। তখন তাঁহার মনে এই চিন্তা উদিত হইল—কোথায় আমি এই পাংশুকূল বস্ত্র ধৌত করিব? তখন দেবেন্দ্র শত্রু স্বচিন্তে ভগবানের চিত্তবিতর্ক জানিতে পারিয়া পাণির দ্বারা এক পুষ্করিণী খনন করিয়া ভগবানকে কহিলেন—“প্রভো! এইখানেই আপনি পাংশুকূল বস্ত্র ধৌত করুন।” পুনরায় ভগবানের মনে এই চিন্তা উদিত হইল—কিসের উপর আমি এই পাংশুকূল বস্ত্র কাঁচিব? দেবেন্দ্র শত্রু স্বচিন্তে ভগবানের চিত্তবিতর্ক জানিতে পারিয়া সেইস্থানে এক বৃহৎ শিলা স্থাপন করিয়া রাখিলেন এবং ভগবানকে কহিলেন—“প্রভো! আপনি

ইহার উপর পাংশুকূল বস্ত্র কাঁচিতে পারেন।” পুনরায় ভগবানের মনে এই চিন্তা উদিত হইল—আমি কি অবলম্বনে পুষ্করিণীতে অবতরণ করিব? ককুধবৃক্ষবাসী দেবতা স্বচিন্তে ভগবানের চিত্তপরিবিতর্ক জানিতে পারিয়া বৃক্ষশাখা অবনত করিলেন এবং ভগবানকে কহিলেন—“প্রভো! ইহা অবলম্বন করিয়া আপনি অবতরণ করুন।” পুনরায় ভগবানের মনে এই চিন্তা উদিত হইল—আমি কিসের উপর পাংশুকূল বস্ত্র প্রসারিত করিব? দেবেন্দ্র শত্রু স্বচিন্তে ভগবানের চিত্তপরিবিতর্ক জানিতে পারিয়া বৃহৎ শিলা স্থাপন করিলেন এবং ভগবানকে কহিলেন—“প্রভো! আপনি এই শিলার উপর পাংশুকূল বস্ত্র প্রসারিত করুন।”

সেই রাত্রি অবসানে উরুবলকাশ্যপ ভগবানের নিকট উপস্থিত হইলেন, উপস্থিত হইয়া ভগবানকে কহিলেন—“মহাশ্রমণ! এখন ভোজনের সময়, ভোজন প্রস্তুত হইয়াছে। মহাশ্রমণ! যেখানে পূর্বের পুষ্করিণী ছিল না সেখানে পুষ্করিণী, যেখানে পূর্বের শিলা স্থাপিত ছিল না সেখানে শিলা স্থাপিত, পূর্বের যেই ককুধশাখা অবনত ছিল না তাহা এখন অবনত?”

“কাশ্যপ! আমি পাংশুকূল বস্ত্র লাভ করিয়াছিলাম। তখন আমার মনে এই চিন্তা উদিত হইয়াছিল—কোথায় আমি এই পাংশুকূল বস্ত্র ধৌত করিব? দেবেন্দ্র শত্রু স্বচিন্তে আমার চিত্তপরিবিতর্ক জানিতে পারিয়া পাণির দ্বারা পুষ্করিণী খনন করিয়া আমাকে কহিলেন—প্রভো! আপনি এইস্থানেই পাংশুকূল বস্ত্র ধৌত করুন। অমনুষ্য পাণির দ্বারা খনিত এই পুষ্করিণী। পুনরায় আমার মনে এই চিন্তা উদিত হইল—কিসের উপর আমি এই পাংশুকূল বস্ত্র কাঁচিব? দেবেন্দ্র শত্রু স্বচিন্তে ভগবানের চিত্তপরিবিতর্ক জানিতে পারিয়া সেইস্থানে এক বৃহৎ শিলা স্থাপন করিয়া রাখিলেন এবং আমাকে বলিলেন—প্রভো! আপনি ইহার উপর পাংশুকূল বস্ত্র কাঁচিতে পারেন। এই শিলা অমনুষ্য দ্বারা স্থাপিত। পুনরায় আমার মনে এই চিন্তা উদিত হইল—আমি কি অবলম্বনে পুষ্করিণীতে অবতরণ করিব? ককুধবৃক্ষবাসী দেবতা স্বচিন্তে আমার চিত্তপরিবিতর্ক জানিতে পারিয়া বৃক্ষশাখা অবনত করিলেন এবং আমাকে কহিলেন—প্রভো! ইহা অবলম্বন করিয়া আপনি অবতরণ করুন। এই অবনত ককুধবৃক্ষ। পুনরায় আমার মনে এই চিন্তা উদিত হইল—আমি কিসের উপর পাংশুকূল বস্ত্র প্রসারিত করিব? দেবেন্দ্র শত্রু স্বচিন্তে আমার চিত্তপরিবিতর্ক জানিতে পারিয়া এক বৃহৎ শিলা স্থাপন করিয়া রাখিলেন এবং আমাকে কহিলেন—প্রভো! এইস্থানে পাংশুকূল প্রসারিত করুন। অমনুষ্য দ্বারা স্থাপিত এই শিলা।”

তখন জটিল উরুবলকাশ্যপের মনে এই চিন্তা উদিত হইল—“মহাশ্রমণ এত ঋদ্ধিসম্পন্ন ও ঐশীশক্তিসম্পন্ন যে দেবেন্দ্র শত্রুও তাঁহার পরিচর্যা করিতেছেন। তথাপি তিনি মাদৃশ অর্হৎ নহেন।”

ভগবান উরুবলকাশ্যপের অনু ভোজন করিয়া ঐ বনখণ্ডে অবস্থান করিতে লাগিলেন।

৭নং প্রতিহার্য্য।—জটিল উরুবলকাশ্যপ রাত্রি অবসানে ভগবানের নিকট উপস্থিত হইলেন, উপস্থিত হইয়া ভগবানকে কহিলেন,—“মহাশ্রমণ! এখন ভোজনের সময়, আহাৰ্য্য প্রস্তুত হইয়াছে।”

“কাশ্যপ চল, আমি আসিতেছি”—এই বলিয়া ভগবান জটিলকে পূর্বের বিদায় করিয়া যেই জম্বুবৃক্ষের কারণ এই দ্বীপ জম্বুদ্বীপ নামে পরিচিত হইয়াছে, সেই বৃক্ষ হইতে ফল আহরণ করিয়া কাশ্যপের পূর্বেরই অগ্ন্যাগারে সমাসীন হইলেন। জটিল দেখিতে পাইলেন যে, ভগবান পূর্ব হইতে অগ্ন্যাগারে সমাসীন আছেন। তাঁহাকে সমাসীন দেখিয়া তিনি কহিলেন—“মহাশ্রমণ! তুমি কোন্ পথে আসিলে? আমি ত তোমার পূর্বেরই যাত্রা করিয়াছি; কিন্তু তুমি আমার পূর্বেরই আসিয়া এই অগ্ন্যাগারে সমাসীন হইয়াছ।”

“কাশ্যপ! আমি তোমাকে পূর্বেরই বিদায় করিয়া যেই জম্বুবৃক্ষের কারণ এই দ্বীপ জম্বুদ্বীপ নামে পরিচিত হইয়াছে সেই বৃক্ষ হইতে ফল আহরণ করিয়া তোমার পূর্বেরই অগ্নিশালায় সমাসীন হইয়াছি। কাশ্যপ! যদি তুমি ইচ্ছা কর তবে এই বর্ণসম্পন্ন, রসসম্পন্ন ও গন্ধসম্পন্ন জম্বুফল খাইতে পার।”

“না, মহাশ্রমণ! তুমি আহরণ করিয়াছ তুমিই ইহা ভোগ কর।”

তখন জটিল উরুবলকাশ্যপের মনে এই চিন্তা উদিত হইল—“মহাশ্রমণ এত ঋদ্ধিশক্তি সম্পন্ন ও ঐশীশক্তি সম্পন্ন যে তিনি আমাকে পূর্বের বিদায় করিয়া যেই জম্বুবৃক্ষের কারণ এই দ্বীপ জম্বুদ্বীপ নামে পরিচিত হইয়াছে সেই বৃক্ষ হইতে ফল আহরণ করিয়া আমার পূর্বেরই আসিয়া অগ্ন্যাগারে সমাসীন হইয়াছেন। তথাপি তিনি মাদৃশ অর্হৎ নহেন।”

ভগবান জটিল উরুবলকাশ্যপের অনু ভোজন করিয়া ঐ বনখণ্ডে অবস্থান করিতে লাগিলেন।

৮, ৯ ও ১০নং প্রতিহার্য্য।—জটিল উরুবলকাশ্যপ রাত্রি অবসানে ভগবানের নিকট উপস্থিত হইলেন, উপস্থিত হইয়া ভগবানকে কহিলেন,—“মহাশ্রমণ! এখন ভোজনের সময়, আহাৰ্য্য প্রস্তুত হইয়াছে।”

“কাশ্যপ! চল, আমি আসিতেছি”—এই বলিয়া ভগবান জটিলকে পূর্বের বিদায় করিয়া যেই জম্বুবৃক্ষের কারণ এই দ্বীপ জম্বুদ্বীপ নামে পরিচিত হইয়াছে তাহার অবিদূরে অবস্থিত আম্র, আমলকী এবং হরীতকী বৃক্ষ হইতে ফল আহরণ করিয়া কাশ্যপের পূর্বেরই আসিয়া অগ্ন্যাগারে সমাসীন হইলেন। ইত্যাদি [পূর্ববৎ]

১১নং প্রতিহার্য্য।—জটিল উরুবলকাশ্যপ রাত্রি অবসানে ভগবানের নিকট উপস্থিত হইলেন, উপস্থিত হইয়া ভগবানকে কহিলেন,—“মহাশ্রমণ! এখন ভোজনের সময়, আহাৰ্য্য প্রস্তুত হইয়াছে।”

“কাশ্যপ! চল, আমি আসিতেছি”—এই বলিয়া ভগবান জটিলকে পূর্বে বিদায় করিয়া, ত্রয়স্ত্রিংশ দেবলোকে গমন করিয়া, পারিজাতপুষ্প সংগ্রহ করিয়া, কাশ্যপের পূর্বেই আসিয়া অগ্ন্যাগারে সমাসীন হইলেন। জটিল দেখিতে পাইলেন যে, ভগবান পূর্বে হইতে অগ্ন্যাগারে সমাসীন আছেন। তাঁহাকে সমাসীন দেখিয়া তিনি কহিলেন—“মহাশ্রমণ! তুমি কোন্ পথে আসিলে? আমি ত তোমার পূর্বেই যাত্রা করিয়াছি; কিন্তু তুমি আমার পূর্বেই আসিয়া এই অগ্ন্যাগারে সমাসীন হইয়াছ।”

“কাশ্যপ! আমি তোমাকে পূর্বেই বিদায় করিয়া ত্রয়স্ত্রিংশ দেবলোকে গমন করিয়া, পারিজাতপুষ্প সংগ্রহ করিয়া, তোমার পূর্বেই আসিয়া অগ্ন্যাগারে সমাসীন হইয়াছি। কাশ্যপ, ইহাই বর্ণসম্পন্ন, গন্ধসম্পন্ন, পারিজাতপুষ্প।”

তখন জটিল উরুবলকাশ্যপের মনে এই চিন্তা উদিত হইল—“মহাশ্রমণ এতঋদ্ধিশক্তিসম্পন্ন ও ঐশীশক্তিসম্পন্ন যে তিনি আমাকে পূর্বে বিদায় করিয়া, ত্রয়স্ত্রিংশ দেবলোকে গমন করিয়া, পারিজাতপুষ্প সংগ্রহ করিয়া, আমার পূর্বেই আসিয়া অগ্ন্যাগারে সমাসীন হইয়াছেন। তথাপি তিনি মাদৃশ অর্হৎ নহেন।”

১২নং প্রতিহার্য্য।—সেই সময়ে জটিলগণ অগ্নির পরিচর্য্যাকল্পে কাষ্ঠ ফারিতে (চিরিতে) সমর্থ হইলেন না। তখন তাঁহাদের মনে হইল,—নিশ্চয় মহাশ্রমণের ঋদ্ধিমায়া-প্রভাবে আমরা কাষ্ঠ ফারিতে পারিতেছি না।

ভগবান জটিল উরুবলকাশ্যপকে কহিলেন—“কাশ্যপ! আমি কি কাষ্ঠ ফারিব?” “মহাশ্রমণ! ফার দেখি।” ভগবান এক আঘাতেই পঞ্চশত কাষ্ঠ ফারিলেন।

তখন জটিল উরুবলকাশ্যপের মনে এই চিন্তা উদিত হইল—“মহাশ্রমণ এত ঋদ্ধিশক্তিসম্পন্ন ও ঐশীশক্তিসম্পন্ন যে তাঁহার প্রভাবে কাষ্ঠও ফারিয়া যাইতেছে। তথাপি তিনি মাদৃশ অর্হৎ নহেন।”

১৩নং প্রতিহার্য্য।—সেই সময়ে জটিলগণ অগ্নির পরিচর্য্যাকল্পে অগ্নি জ্বালিতে সমর্থ হইলেন না। তখন তাঁহাদের মনে এই চিন্তা উদিত হইল—নিশ্চয় ইহা মহাশ্রমণের ঋদ্ধিমায়া, যেই জন্য আমরা অগ্নি জ্বালিতে পারিতেছি না। তখন ভগবান জটিল উরুবলকাশ্যপকে কহিলেন—“কাশ্যপ! অগ্নি প্রজ্বলিত করা হইবে কি?” “মহাশ্রমণ! অগ্নি প্রজ্বলিত করা হউক।” একসঙ্গেই পঞ্চশত অগ্নিকুণ্ড জ্বলিয়া উঠিল।

তখন জটিল উরুবলকাশ্যপের মনে এই চিন্তা উদিত হইল—“মহাশ্রমণ এত ঋদ্ধিশক্তিসম্পন্ন ও ঐশীশক্তিসম্পন্ন যে তাঁহার প্রভাবে অগ্নিও প্রজ্বলিত হইতেছে। তথাপি তিনি মাদৃশ অর্হৎ নহেন।”

১৪নং প্রতিহার্য্য।—সেই সময়ে জটিলগণ অগ্নির পরিচর্য্য্য করিয়া অগ্নি নির্বাপিত করিতে সমর্থ হইলেন না। তখন জটিলদের মনে এই চিন্তা উদিত হইল—নিশ্চয় ইহা মহাশ্রমণের ঋদ্ধিমায়া, যেই জন্য আমরা অগ্নি নির্বাপিত করিতে

পারিতেছি না। ভগবান জটিল উরুবেলকাশ্যপকে কহিলেন—“কাশ্যপ! অগ্নি নিব্বাপিত করা হইবে কি?” “মহাশ্রমণ! অগ্নি নিব্বাপিত করা হউক।” একসঙ্গেই পঞ্চশত অগ্নিকুণ্ড নিব্বাপিত হইল।

তখন জটিল উরুবেলকাশ্যপের মনে এই চিন্তা উদিত হইল—“মহাশ্রমণ এত ঋদ্ধিশক্তিসম্পন্ন ও ঐশীশক্তিসম্পন্ন যে তাঁহার প্রভাবে অগ্নিও নিব্বাপিত হইতেছে। তথাপি তিনি মাদৃশ অর্হৎ নহেন।”

১৫নং প্রতিহার্য্য।—সেই সময়ে জটিলগণ শীত ও হেমন্ত রাত্রিতে, অন্তরাষ্টকে হিমপাত-সময়ে^১ নৈরঞ্জনা নদীতে ডুব দিতেন, ভাসিয়া উঠিতেন, এবং পুনঃ পুনঃ ডুবা-উঠা করিতেন। তখন ভগবান ঋদ্ধিবলে পঞ্চশত মালসা নির্মাণ করিয়া রাখিলেন, যাহাতে জটিলগণ জল হইতে উঠিয়া দেহ উত্তপ্ত করিতে পারিলেন। [পূর্ববৎ]

তখন জটিল উরুবেলকাশ্যপের মনে এই চিন্তা উদিত হইল—“মহাশ্রমণ এত ঋদ্ধিশক্তিসম্পন্ন ও ঐশীশক্তিসম্পন্ন যে তাঁহার প্রভাবে এই মালসাসমূহ নির্মিত হইয়াছে। তথাপি তিনি মাদৃশ অর্হৎ নহেন।”

১৬নং প্রতিহার্য্য।—সেই সময়ে মহা অকালমেঘ উথিত হইয়া প্রচুর বারি বর্ষিত হইল, মহাজলস্রোত সঞ্জাত হইল। যেখানে ভগবান অবস্থান করিতেছিলেন তাহা জলে ভরপুর হইল। তখন ভগবানের মনে এই চিন্তা উদিত হইল—‘আমি চতুর্দ্দিকের জলরাশি অপসারিত করিয়া মধ্যস্থলে ‘রেণুহত’ (ধূলিযুক্ত) ভূমিতে পাদচারণ করিব।’ এই ভাবিয়া ভগবান চতুর্দ্দিক হইতে জলরাশি অপসারিত করিয়া মধ্যে রেণুহত ভূমিতে পাদচারণ করিতে লাগিলেন। ‘মহাশ্রমণ জলে নিমগ্ন না হউক’ এই উদ্দেশ্যে জটিল উরুবেলকাশ্যপ নৌকা লইয়া বহুসংখ্যক জটিল সহ যেই স্থানে ভগবান অবস্থান করিতেছিলেন সেই স্থানে আসিয়া উপস্থিত হইলেন। তিনি দেখিতে পাইলেন যে, ভগবান চতুর্দ্দিকের জলরাশি অপসারিত করিয়া মধ্যস্থলে রেণুহত ভূমিতে পাদচারণ করিতেছেন। তাহা দেখিয়া তিনি ভগবানকে কহিলেন—“তুমিই কি মহাশ্রমণ?” “হাঁ, কাশ্যপ, আমি এই স্থানেই!” ভগবান এই বলিয়া আকাশে উথিত হইয়া নৌকায় অবতরণ করিলেন।

^১। বিনয়-মতে সংবৎসর ঋতু তিনটি। তন্মধ্যে কার্তিকী পূর্ণিমার পর কৃষ্ণপক্ষের প্রতিপদ হইতে ফাল্গুনী পূর্ণিমা পর্যন্ত চারিমাস হেমন্ত ঋতু নামে কথিত। মাঘমাসের শেষ চারিরাত্রি এবং ফাল্গুন মাসের প্রথম চারিরাত্রি ‘অন্তরাষ্টক’ বলিয়া অভিহিত হয়। এই সময়েই অধিক পরিমাণে হিমপাত হইয়া থাকে। আশ্বলায়ন গৃহসূত্র (২-৪-১) মতে : হেমন্ত-শিশিরযোশ্চতুর্গাম্ অষ্টমীসু অষ্টকাঃ। “হেমন্ত ও শীত ঋতুর চারি কৃষ্ণপক্ষের প্রথম অষ্ট তিথি লইয়াই অষ্টকা, যাহা পিতৃপুরুষের তর্পণের পক্ষে, গয়াকার্য্যের পক্ষে প্রশস্ত সময়।—বডুয়া, Gaya and Buddha Gaya, পৃষ্ঠা : ২৪৩।

তখন উরুবলকাশ্যপের মনে এই চিন্তা উদিত হইল—“মহাশ্রমণ দিব্যশক্তি ও ঐশীশক্তিসম্পন্ন, যেহেতু জলও তাঁহাকে ভাসাইয়া লইয়া যায় নাই। তথাপি তিনি মাদৃশ অর্হৎ নহেন।”

অনন্তর ভগবানের মনে এই চিন্তা উদিত হইল—এই মোঘপুরুষ (মূর্খ) চিরকালই ভাবিবে, ‘মহাশ্রমণ মহা দিব্যশক্তি ও ঐশীশক্তিসম্পন্ন বটে, কিন্তু তিনি মাদৃশ অর্হৎ নহেন।’ অতএব আমি এই জটিলের মধ্যে উদ্বেগ সঞ্চর করিব। এই ভাবিয়া তিনি উরুবলকাশ্যপকে কহিলেন—“কাশ্যপ! তুমি অর্হৎ নও, অর্হন্তু-মার্গারূঢ়ও নও, তোমার সেই প্রতিপদও (পঙ্খাও) নাই যদ্বারা তুমি অর্হৎ কিংবা অর্হন্তু-মার্গারূঢ় হইতে পারে।”

তখন জটিল উরুবলকাশ্যপ ভগবানের পদে শির বিলুপ্তিত করিয়া ভগবানকে কহিলেন—“প্রভো! আমি আপনার নিকট প্রব্রজ্যা ও উপসম্পদা লাভ করিতে পারিব কি?”

“কাশ্যপ! তুমি যে পঞ্চশত জটিলের নায়ক, বিনায়ক, অগ্র, প্রমুখ, প্রমুখ্য। তাহাদের প্রতিও ফিরিয়া দেখ। তারপর তাহারা যাহা ভাল মনে করে, তাহাই করিবে।” তিনি জটিলের নিকট উপস্থিত হইলেন, উপস্থিত হইয়া জটিলদিগকে কহিলেন—“আমি মহাশ্রমণের অধীনে ব্রহ্মচর্য্য আচরণ করিতে ইচ্ছা করিয়াছি, তোমরা যাহা ভাল মনে কর তাহা কর।”

“আচার্য্য! আমরা ত চিরদিনই মহাশ্রমণে অভিপ্রসন্ন (শ্রদ্ধাবান) যদি আপনি তাঁহার অধীনে ব্রহ্মচর্য্য আচরণ করেন তাহা হইলে আমরা সকলেও তাহা করিব।” এই বলিয়া ঐ জটিলগণ কেশ, জটা খারিভার এবং অগ্নিহোত্রের সামগ্রী জলে প্রবাহিত করিয়া ভগবানের নিকট উপস্থিত হইলেন, উপস্থিত হইয়া তাঁহার পদে শির বিলুপ্তিত করিয়া কহিলেন—“প্রভো! আমরা আপনার নিকট প্রব্রজ্যা ও উপসম্পদা লাভ করিতে পারিব কি?”

“ভিক্ষুগণ! এস, ধর্ম্ম, সু-আখ্যাত, ব্রহ্মচর্য্য আচরণ কর, সম্যকভাবে দুঃখের অন্তসাধনের জন্য।” তাহাতেই তাঁহাদের উপসম্পদা লাভ হইল।

জটিল নদীকাশ্যপ দেখিতে পাইলেন—কেশ, জটা, খারিভার এবং অগ্নিহোত্রের সামগ্রীনিচয় জলে ভাসিতেছে, তাহা দেখিয়া তাঁহার মনে এই চিন্তা উদিত হইল—‘আশাকরি আমার ভ্রাতার কোন বিপদ হয় নাই!’ এই ভাবিয়া তিনি জটিলগণকে পাঠাইয়া দিলেন—যাও, আমার ভ্রাতা কেমন আছেন গিয়া জান। তিনি স্বয়ং তিনশত জটিল সহ আয়ুজ্জান উরুবলকাশ্যপের নিকট উপস্থিত হইলেন, উপস্থিত হইয়া তাঁহাকে কহিলেন—“কাশ্যপ! ইহা কি তোমার পক্ষে শ্রেয়ঃ?”

“হাঁ ভাই, ইহাই আমার পক্ষে শ্রেয়ঃ।”

তখন ঐ জটিলগণও কেশ, জটা, খারিভার এবং অগ্নিহোত্রের সামগ্রীনিচয় জলে

ভাসাইয়া দিয়া ভগবানের নিকট উপস্থিত হইলেন, উপস্থিত হইয়া তাঁহার পদে শির বিলুপ্তিত করিয়া কহিলেন—“প্রভো! আমরা আপনার নিকট প্রব্রজ্যা ও উপসম্পদা লাভ করিতে পারিব কি?”

“ভিক্ষুগণ! এস, ধর্ম, সু-আখ্যাত, ব্রহ্মচর্য্য আচরণ কর, সম্যকভাবে দুঃখের অন্তসাধনের জন্য।” তাহাতেই তাঁহাদের উপসম্পদা লাভ হইল।

জটিল গয়াকাশ্যপ দেখিতে পাইলেন—কেশ, জটা, খারিভার এবং অগ্নিহোত্রের সামগ্রীনিচয় জলে ভাসিতেছে, তাহা দেখিয়া তাঁহার মনে এই চিন্তা উদিত হইল—‘আশাকরি আমার ভ্রাতার কোন বিপদ হয় নাই!’ এই ভাবিয়া তিনি জটিলগণকে পাঠাইয়া দিলেন—যাও, আমার ভ্রাতা কেমন আছেন গিয়া জান। তিনি স্বয়ং দুইশত জটিলসহ আয়ুত্মান উরুবলকাশ্যপের নিকট উপস্থিত হইলেন, উপস্থিত হইয়া তাঁহাকে কহিলেন—“কাশ্যপ! ইহা কি তোমার পক্ষে শ্রেয়ঃ?”

“হাঁ ভাই, ইহাই আমার পক্ষে শ্রেয়ঃ।”

তখন ঐ জটিলগণও কেশ, জটা, খারিভার এবং অগ্নিহোত্রের সামগ্রীনিচয় জলে ভাসাইয়া দিয়া ভগবানের নিকট উপস্থিত হইলেন, উপস্থিত হইয়া তাঁহার পদে শির বিলুপ্তিত করিয়া কহিলেন—“প্রভো! আমরা আপনার নিকট প্রব্রজ্যা ও উপসম্পদা লাভ করিতে পারিব কি?”

“ভিক্ষুগণ! এস, ধর্ম, সু-আখ্যাত, ব্রহ্মচর্য্য আচরণ কর, সম্যকভাবে দুঃখের অন্তসাধনের জন্য।” তাহাতেই তাঁহাদের উপসম্পদা লাভ হইল।

[স্থান :—গয়াশীর্ষ পর্বত]

(১৬) আদীপ্ত-পর্য্যায়-দেশনা

ভগবান উরুবেলায় যথারূচি অবস্থান করিয়া গয়াশীর্ষ অভিমুখে যাত্রা করিলেন, সঙ্গে এক বৃহৎ ভিক্ষুসঙ্ঘ,—সহস্রসংখ্যক ভিক্ষু, যাঁহারা সকলেই পূর্বের জটিল ছিলেন। ভগবান সহস্র ভিক্ষুসহ গয়ায় গয়াশীর্ষ পর্বতে অবস্থান করিতে লাগিলেন। তথায় তিনি ভিক্ষুদিগকে আহ্বান করিয়া বলিলেন—হে ভিক্ষুগণ! সমস্তই জ্বলিতেছে। সমস্ত কি কি? চক্ষু জ্বলিতেছে, রূপ জ্বলিতেছে, চক্ষু-বিজ্ঞান জ্বলিতেছে, চক্ষু-সংস্পর্শ জ্বলিতেছে এবং সংস্পর্শজ বেদনা—সুখবেদনা, দুঃখবেদনা কিংবা নাদুঃখ-নাসুখ বেদনা জ্বলিতেছে। কিসের দ্বারা জ্বলিতেছে? আমি বলি—রাগাগ্নিতে, দ্বেষাগ্নিতে, মোহাগ্নিতে জ্বলিতেছে! জন্মের কারণ, জরার কারণ, মৃত্যুর কারণ, শোক, পরিদেবন, দুঃখ, দৌর্ম্মনস্য ও নৈরাশ্যের কারণ জ্বলিতেছে।

হে ভিক্ষুগণ! শোত্র এবং শব্দ, ঘ্রাণ এবং গন্ধ, জিহ্বা এবং রস, কায় এবং স্পর্শ, মন এবং ধর্ম্ম সম্বন্ধেও এইরূপ।

হে ভিক্ষুগণ! ইহা দেখিয়া শ্রুতবান আর্যশ্রাবক চক্ষুবিষয়ে, রূপে, চক্ষু-বিজ্ঞানে, চক্ষুসংস্পর্শে, চক্ষুসংস্পর্শজ সুখবেদনায়, দুঃখবেদনায় অথবা নাদুঃখ-নাসুখ বেদনায় নির্বেদ প্রাপ্ত হয়। শোভে, শব্দে, দ্রাণে গন্ধে, জিহ্বায়, রসে, কায়ে, স্পর্শে, মনে এবং ধর্মোণ্ডে নির্বেদ প্রাপ্ত হয়। নির্বেদ প্রাপ্ত হইলে বীতরাগ হয়, বীতরাগ হইলে বিমুক্ত হয়, বিমুক্ত হইলে ‘বিমুক্ত হইয়াছি’ বলিয়া জ্ঞানের সঞ্চর হয় এবং সে প্রকৃষ্টরূপে জানিতে পারে—‘আমার জন্ম-বীজ ক্ষীণ হইয়াছে, ব্রহ্মচর্যব্রত উদ্ঘাপিত হইয়াছে, করণীয় কার্য কৃত হইয়াছে, এবং অতঃপর আমাকে অত্র আসিতে হইবে না।’

এই বিবৃতি প্রদানকালে সহস্র ভিক্ষুর চিত্ত অনাসক্ত হইয়া আসব হইতে বিমুক্ত হইল।

॥ আদীপ্ত-পর্য্যায় সমাপ্ত ॥

॥ উরুবেল-প্রতিহার্য্য নামক তৃতীয় ভণিতা সমাপ্ত ॥

[স্থান :—রাজগৃহ]

(১৭) বিম্বিসারের দীক্ষা

ভগবান গয়াশীর্ষ পর্বতে যথারূচি অবস্থান করিয়া রাজগৃহ অভিমুখে যাত্রা করিলেন, সঙ্গে বৃহৎ ভিক্ষু-সঙ্ঘ—সহস্রসংখ্যক ভিক্ষু, যাঁহারা সকলে পূর্বের জটিল ছিলেন। ভগবান ক্রমাগত পর্য্যটন করিয়া রাজগৃহে উপনীত হইলেন এবং তথায় যষ্টিবনোদ্যানে সুপ্রতিষ্ঠ-চৈত্রে অবস্থান করিতে লাগিলেন।

মগধ-রাজ শ্রেণিক বিম্বিসার শুনিলেন যে, শাক্যকুল-প্রব্রজিত শ্রমণ গৌতম রাজগৃহে উপনীত হইয়া রাজগৃহ-সন্নিধানে যষ্টিবনোদ্যানে^১ সুপ্রতিষ্ঠ-চৈত্রে^২ অবস্থান করিতেছেন। তাঁহার এইরূপ কল্যাণ কীর্ত্তিশব্দ অভ্যুথিত হইয়াছে—‘তিনি ভগবান অর্হৎ, সম্যকসম্বুদ্ধ, বিদ্যাচরণসম্পন্ন, সুগত, লোকবিদ, অনুত্তর, দম্যপুরুষসারথি, দেবমনুষ্যগণের শাস্তা, বুদ্ধ ভগবান।’ তিনি দেবলোক, মারলোক, ব্রহ্মলোক এবং দেবমনুষ্য, এই সর্ব লোক স্বয়ং অভিজ্ঞার দ্বারা সাক্ষাৎকার করিয়া উহার স্বরূপ প্রকাশ করেন। তিনি ধর্মোপদেশ প্রদান করেন যাহার আদিতে কল্যাণ, মধ্যে কল্যাণ ও অন্তে কল্যাণ। তিনি অর্থযুক্ত, ব্যঞ্জনযুক্ত, সমগ্র, পরিপূর্ণ এবং পরিশুদ্ধ ব্রহ্মচর্য্য প্রকাশিত করেন। এইরূপ অর্হতের দর্শন লাভ করা উত্তম হইবে

^১। ভালোদ্যানে।

^২। বটবৃক্ষ-মূলে।

মনে করিয়া মগধ-রাজ শ্রেণিক বিম্বিসার একলক্ষ বিশ হাজার মগধবাসী ব্রাহ্মণ-গৃহপতি কর্তৃক পরিবৃত হইয়া ভগবানের নিকট উপস্থিত হইলেন, উপস্থিত হইয়া তাঁহাকে অভিবাদন করিয়া একান্তে উপবেশন করিলেন। ঐ একলক্ষ বিশ হাজার ব্রাহ্মণ-গৃহপতিগণও কেহ ভগবানকে অভিবাদন করিয়া, কেহ বা তাঁহার সহিত প্রীত্যালাপ-প্রসঙ্গে কুশলপ্রশ্নাদি বিনিময় করিয়া, কেহ বা কৃতাজ্জলি হইয়া, কেহ বা ভগবানের নিকট নামগোত্র আত্মপরিচয় দিয়া, আর কেহ বা মৌনভাবে অবলম্বন করিয়া উপবেশন করিলেন। তখন একলক্ষ বিশ হাজার মগধবাসী ব্রাহ্মণ-গৃহস্থগণের মনে এই চিন্তা উদিত হইল—‘মহাশ্রমণই কি উরুবলকাশ্যপের অধীনে অথবা উরুবলকাশ্যপই মহাশ্রমণের অধীনে ব্রহ্মচর্য্য আচরণ করিতেছেন?’

তখন ভগবান স্বচিন্তে তাঁহাদের চিন্তাপরিবর্তক জানিতে পারিয়া আয়ুত্মান উরুবলকাশ্যপকে গাথাযোগে সম্বোধন করিয়া বলিলেন :—

“ওহে উরুবলবাসি, কৃশতনু, জটিলের গুরু তুমি ছিলে,
বল তুমি কি দেখিয়া, হে কাশ্যপ, হে তপস্বি, অগ্নিরে ত্যজিলে?
জিজ্ঞাসি তোমারে, কহ এবিষয়, জটিলের গুরু তুমি ছিলে,
কি কারণে অগ্নিহোত্র, অগ্নিচর্য্য, ইষ্টযজ্ঞ, সকলি ত্যজিলে?”

কাশ্যপ—

“রূপে শব্দে আর রসে, সুবাখানে ইষ্টযজ্ঞে সুকামিনিগণ,
এই মল উপাধিতে, জানি তা’ই, যজ্ঞেহোত্রে রত নাহি মন।”

ভগবান—

“রূপে শব্দে আর রসে, হে কাশ্যপ, যদি হেথা রত নাহি মন,
তবে বল, হে কাশ্যপ, কোথা এবে, কোন্ লোকে রত তব মন?”

কাশ্যপ—

“হেরি সেই শান্তপদ, নিরুপাধি, কামমুক্ত, যাহা অকিঞ্চন,
অন্যথা যাহার নাই, ভূততা তথতা যাহা, অনন্যগমন।
সেই শান্তিপদে রত, নিরুপাধি, অনাসক্তি, যাহা অকিঞ্চন,
ইষ্টযজ্ঞে, অগ্নিহোত্রে, রূপে শব্দে আর রসে রত নাহি মন।”

অতঃপর আয়ুত্মান উরুবলকাশ্যপ আসন হইতে উঠিয়া একাংশ আবৃত করিবার ভাবে উত্তরাসঙ্গ পরিধান করিয়া, ভগবানের পাদে শির বিলুপ্তিত করিয়া ভগবানকে তিনবার কহিলেন :—“প্রভো! আপনি শান্তা, আমি শ্রাবক।” তখন মগধবাসী ব্রাহ্মণ-গৃহপতিগণের মনে হইল :—“কাশ্যপই মহাশ্রমণের অধীনে ব্রহ্মচর্য্য আচরণ করিতেছেন।”

ভগবান স্বচিন্তে ঐ মগধবাসী ব্রাহ্মণ-গৃহপতিগণের চিন্তাপরিবর্তক জানিয়া তাহাদিগকে আনুপূর্ব্বিক ধর্ম্মকথা বলিতে লাগিলেন। যথা—দান-কথা, শীল-কথা, স্বর্গ-কথা। ভগবান কামের আদীনব, অবকার, সংক্ৰেশ এবং নৈজ্জর্য্যের আশংসা

প্রকাশ করিলেন। যখন জানিতে পারিলেন যে, তাঁহাদের চিত্ত কল্যা, মৃদু, নীবরণমুক্ত, উদগ্র (প্রফুল্ল) ও প্রসন্ন হইয়াছে, তখন তিনি বুদ্ধগণের সংক্ষিপ্ত সমুৎকৃষ্ট ধর্মদেশনা অভিযুক্ত করিলেন, যথা—দুঃখ, দুঃখ-সমুদয়, দুঃখ-নিরোধ ও দুঃখ-নিরোধের উপায়। যেমন শুদ্ধ ও কালিমারহিত বস্ত্র সম্যকভাবে রঙ প্রতীকরণ করে, তেমনই রাজা বিশ্বিসারপ্রমুখ মগধবাসী একাদশ অযুত ব্রাহ্মণ গৃহস্থদের সেই আসনে বিরজ বিমল ধর্মচক্ষু উৎপন্ন হইল,—‘যাহা কিছু সমুদয়ধর্মী তৎসমস্তই নিরোধধর্মী।’ এক অযুত ব্যক্তি ভগবানের উপাসকত্ব গ্রহণ করিয়াছেন বলিয়া জানাইলেন।

তখন মগধ-রাজ শ্রেণিক বিশ্বিসার ধর্ম প্রত্যক্ষ করিয়া, ধর্মতত্ত্ব লাভ করিয়া, ধর্ম বিদিত হইয়া, ধর্মে প্রতিষ্ঠিত হইয়া এবং সংশয়মুক্ত হইয়া, ধর্মে বৈশারদ্য প্রাপ্ত হইয়া, শাস্তার শাসনে আত্মপ্রত্যয় লাভ করিয়া ভগবানকে কহিলেন :—“প্রভো! কুমার অবস্থায় আমার পাঁচটি কামনা ছিল, তাহা এখন পূর্ণ হইল। প্রথম, আমি রাজ্যে অভিষিক্ত হইব; দ্বিতীয়, আমার রাজ্যে অর্হৎ সম্যকসম্মুদ্র অবতীর্ণ হইবেন; তৃতীয়, আমি সেই ভগবানের পর্য্যাপাসনা করিব; চতুর্থ, ভগবান আমাকে ধর্মোপদেশ প্রদান করিবেন; পঞ্চম, আমি ভগবানের ধর্ম উপলব্ধি করিব। প্রভো! কুমার অবস্থায় আমার এই পঞ্চ কামনা ছিল যাহা এখন পূর্ণ হইয়াছে।

“প্রভো! অতি সুন্দর! অতি মনোহর! যেমন কেহ উল্টানকে সোজা করে, আবৃতকে অনাবৃত করে, বিমূঢ়কে পথ প্রদর্শন করে অথবা অন্ধকারে তৈলপ্রদীপ ধারণ করে যাহাতে চক্ষুস্পন্দন ব্যক্তি রূপ (দৃশ্যবস্তু) দেখিতে পায়, তেমনই ভাবে ভগবান বহু পর্যায়ে ধর্ম প্রকাশিত করিলেন। প্রভো! আমি ভগবানের শরণাগত হইতেছি, ধর্ম এবং ভিক্ষু-সঙ্ঘের শরণাগত হইতেছি, আজ হইতে আমরণ আমাকে উপাসকরূপে অবধারণ করুন। প্রভো! আগামী কল্যের জন্য ভগবান ভিক্ষু-সঙ্ঘ সহ আমার গৃহে অনুভোজন করিতে সম্মত হউন।” ভগবান মৌনভাবে সম্মতি জ্ঞাপন করিলেন।

অতঃপর রাজা শ্রেণিক বিশ্বিসার ভগবান সম্মত হইয়াছেন জানিয়া, আসন হইতে উঠিয়া, ভগবানকে অভিবাদন করিয়া এবং তাঁহাকে পুরোভাগে দক্ষিণপার্শ্বে রাখিয়া ধীরপদে প্রস্থান করিলেন। তিনি সেই রাত্রি অবসানে উত্তম খাদ্যভোজ্য প্রস্তুত করাইলেন। ভগবানকে সময় জানাইলেন :—“প্রভো! এখন ভোজনের সময়, অনু প্রস্তুত হইয়াছে।” ভগবান পূর্বাহ্নে বহির্গমনবাস পরিধান করিয়া, পাত্রচীবর লইয়া রাজগৃহে প্রবেশ করিলেন, সঙ্গে বৃহৎ ভিক্ষুসঙ্ঘ—সহস্রসংখ্যক ভিক্ষু, যাঁহারা সকলে পূর্বে জটিল ছিলেন।

তখন দেবেন্দ্র শত্রু মনোহর মানবরূপ (তরুণ ব্রাহ্মণের রূপ) নির্মাণ করিয়া (গ্রহণ করিয়া) নিম্নোক্ত গাথাগুলি গীতস্বরে আবৃত্তি করিতে করিতে বুদ্ধপ্রমুখ ভিক্ষু-সঙ্ঘের অগ্রে অগ্রে গমন করিতে লাগিলেন।

“দান্ত সঙ্গে দান্ত পূর্ব-জটিলের দল,
 বিমুক্তের সঙ্গে যারা বিমুক্ত সকল।
 সুবর্ণবিগ্রহরূপে হয়ে শোভমান,
 রাজগৃহে প্রবেশিছে প্রভু ভগবান।
 শান্ত সঙ্গে শান্ত পূর্ব-জটিলের দল,
 বিমুক্তের সঙ্গে যারা বিমুক্ত সকল।
 সুবর্ণবিগ্রহরূপে হয়ে শোভমান,
 রাজগৃহে প্রবেশিছে প্রভু ভগবান।
 মুক্ত সঙ্গে মুক্ত পূর্ব-জটিলের দল,
 বিমুক্তের সঙ্গে যারা বিমুক্ত সকল।
 সুবর্ণবিগ্রহরূপে হয়ে শোভমান,
 রাজগৃহে প্রবেশিছে প্রভু ভগবান।
 তীর্ণ সঙ্গে তীর্ণ পূর্ব-জটিলের দল,
 বিমুক্তের সঙ্গে যারা বিমুক্ত সকল।
 সুবর্ণবিগ্রহরূপে হয়ে শোভমান,
 রাজগৃহে প্রবেশিছে প্রভু ভগবান।
 দশআর্য্যবাসে বাস, দশবলধর,
 দশধর্ম্মবিদ, দশগুণে গুণধর।
 দশশত-পরিবৃত শাস্তা সুমহান,
 রাজগৃহে প্রবেশিছে প্রভু ভগবান।”

জনতা দেবেন্দ্র শত্রুকে দেখিয়া বলিতে লাগিল :—আহা! এই মানব (ব্রাহ্মণ যুবক) দেখিতে বড় সুন্দর! কি মনোহর! না জানি সে কাহার তনয়! তদুত্তরে দেবেন্দ্র ঐ জনতাকে সম্বোধন করিয়া গাথাযোগে বলিলেন :—

“যিনি ধীর শান্ত দান্ত সকল প্রকারে,
 যিনি শুদ্ধ অদ্বিতীয় ধরার মাঝারে।
 যিনি অরহৎ লোকে সুগত সুজন,
 সেবক তাঁহার আমি নগণ্য ব্রাহ্মণ।”

অতঃপর ভগবান মগধরাজ শ্রেণিক বিম্বিসারের গৃহে উপস্থিত হইয়া ভিক্ষুসঙ্ঘসহ নির্দিষ্ট আসনে উপবেশন করিলেন। মগধরাজ শ্রেণিক বিম্বিসার বুদ্ধপ্রমুখ ভিক্ষুসঙ্ঘকে স্বহস্তে, আরও দিতে সম্পূর্ণরূপে বারণ না করা পর্য্যন্ত, খাদ্য ও ভোজ্য দানে সন্তুষ্ট করিলেন। ভুক্তাবসানে ভগবান ভোজনপাত্র হইতে হস্ত অপসারিত করিলে সসম্মমে একান্তে উপবেশন করিলেন। একান্তে উপবিষ্ট মগধরাজ শ্রেণিক বিম্বিসারের মনে এই চিন্তা উদিত হইল :—“ভগবান কোথায় বাস করিবেন, তিনি এমন একস্থানে বাস করিবেন যাহা লোকালয় হইতে অতিদূরেও নহে, অতি

নিকটেও নহে, যেখানে দর্শনকামী ব্যক্তিগণ সহজে গমনাগমন করিতে পারে, যাহা দিবাভাগে জনাকীর্ণ নহে, রাত্রিকালে নিঃশব্দ, নির্ঘোষ (কোলাহলরহিত), নিৰ্জ্জন, যাহা মনুষ্যের নিকট রহস্যোদ্দীপক এবং ধ্যানের পক্ষে উপযোগী।” আবার মগধরাজ শ্রেণিক বিম্বিসারের মনে হইল—“এই বেণুবনোদ্যানই সেই স্থান, যাহা লোকালয় হইতে অতিদূরেও নহে, অতি নিকটেও নহে, যেখানে দর্শনকামী ব্যক্তিগণ সহজে গমনাগমন করিতে পারে, যাহা দিবাভাগে জনাকীর্ণ নহে, রাত্রিকালে নিঃশব্দ, নির্ঘোষ (কোলাহলরহিত), নিৰ্জ্জন, যাহা মনুষ্যের নিকট রহস্যোদ্দীপক এবং ধ্যানের পক্ষে উপযোগী। অতএব আমি এই বেণুবনোদ্যান বুদ্ধপ্রমুখ ভিক্ষুসঙ্ঘকে দান করিব।” এই ভাবিয়া তিনি স্বর্ণভৃঙ্গার হস্তে গ্রহণ করিয়া যথারীতি জল ঢালিয়া ভগবানের নিকট উদ্যান অর্পণ করিলেন : “প্রভো! আমি এই বেণুবনোদ্যান বুদ্ধপ্রমুখ ভিক্ষুসঙ্ঘকে দান করিতেছি।” ভগবান সাদরে প্রদত্ত আরাম গ্রহণ করিলেন। অতঃপর ভগবান মগধরাজ শ্রেণিক বিম্বিসারকে ধর্মকথায় প্রবুদ্ধ করিয়া, সন্দৃপ্ত করিয়া, সমুত্তেজিত করিয়া এবং সম্প্রহৃষ্ট করিয়া, আসন হইতে উঠিয়া প্রস্থান করিলেন।

ভগবান এই প্রসঙ্গে ধর্মকথা উত্থাপন করিয়া, ভিক্ষুদিগকে আহ্বান করিয়া বলিলেন :—“হে ভিক্ষুগণ! আমি অনুজ্ঞা প্রদান করিতেছি, তোমরা আরামে (বিহারে) বাস কর।”

(১৮) শারীপুত্র ও মৌদাল্যায়নের উপসম্পদা লাভ

সেই সময়ে সঞ্জয় পরিব্রাজক আড়াইশত পরিব্রাজক গঠিত বৃহৎ পারিষদ সহ রাজগৃহে বাস করিতেন। শারীপুত্র ও মৌদাল্যায়ন সঞ্জয় পরিব্রাজকের অধীনে ব্রহ্মচর্য্য আচরণ করিতেন। তাঁহারা পরস্পর প্রতিজ্ঞাবদ্ধ হইয়াছিলেন যে, তাঁহাদের মধ্যে যিনি সর্ব্বপ্রথম অমৃতপদ লাভ করিবেন তিনি অপরকে তাহা জানাইবেন। একদিন আয়ুষ্মান অশ্বজিৎ পূর্ব্বাহ্নে বহির্গমনবাস পরিধান করিয়া, পাত্রটীবর লইয়া, ভিক্ষান্নের জন্য রাজগৃহে প্রবেশ করিলেন। তাঁহার গমন, আলোকন, বিলোকন, সঙ্কোচন ও প্রসারণ অতি সুন্দর। অধোদিকে তাঁহার দৃষ্টি বিন্যস্ত এবং তাঁহার ঈর্ষ্যাপথ (দেহের ভঙ্গী) সৌষ্ঠবযুক্ত। শারীপুত্র পরিব্রাজক দেখিতে পাইলেন যে, আয়ুষ্মান অশ্বজিৎ ভিক্ষান্নের জন্য রাজগৃহে বিচরণ করিতেছেন। তাঁহার গমন, আলোকন, বিলোকন, সঙ্কোচন ও প্রসারণ অতি সুন্দর। অধোদিকে তাঁহার দৃষ্টি বিন্যস্ত এবং তাঁহার ঈর্ষ্যাপথ সৌষ্ঠবযুক্ত। তাহা দেখিয়া তাঁহার মনে এই চিন্তা উদিত হইল, জগতে অর্হৎ বা অর্হত্ব-মার্গারূঢ়দের মধ্যে এই ভিক্ষু অন্যতম। আমি তাঁহার নিকট গিয়া জিজ্ঞাসা করিব, ‘বন্ধো! তুমি কাহার উদ্দেশ্যে প্রব্রজিত হইয়াছ, কে তোমার শাস্তা, কোন্ ধর্ম্মেই বা তোমার রুচি?’ তখন আবার তাঁহার মনে হইল, ‘এই প্রশ্ন জিজ্ঞাসা করিবার পক্ষে এখন অসময়, যেহেতু ভিক্ষু লোকালয়ে প্রবিষ্ট

হইয়া ভিক্ষান্নের জন্য বিচরণ করিতেছেন। অতএব আমি তাঁহার জানিত মুক্তিমার্গ জানিবার অভিপ্রায়ে তাঁহার পশ্চাৎ পশ্চাৎ গমন করিব।’ অনন্তর আয়ুষ্মান অশ্বজিৎ রাজগৃহে ভিক্ষান্ন সংগ্রহে বিচরণ করিয়া, ভিক্ষান্ন লইয়া প্রত্যাগমন করিলেন। শারীপুত্র পরিব্রাজক আয়ুষ্মান অশ্বজিতের নিকট উপস্থিত হইলেন, উপস্থিত হইয়া প্রীত্যাপাচ্ছলে তাঁহার সহিত কুশলপ্রশ্ন বিনিময় করিয়া একান্তে দণ্ডায়মান হইলেন, একান্তে দণ্ডায়মান থাকিয়া তিনি আয়ুষ্মান অশ্বজিতকে কহিলেন :—“বন্ধো! তোমার ইন্দ্রিয়গ্রাম বিপ্রসন্ন (অনাবিল ও পরিশুদ্ধ হইয়াছে) এবং তোমার দেহচ্ছবি অতি পরিষ্কার। কাহার উদ্দেশ্যে তুমি প্রব্রজিত, কে-বা তোমার শাস্তা এবং কোন্ ধর্ম্মেই বা তোমার রুচি?”

“বন্ধো! যেই মহাশ্রমণ শাক্যপুত্র এবং শাক্যকুল-প্রব্রজিত সেই ভগবানের উদ্দেশ্যেই আমি প্রব্রজিত, তিনি আমার শাস্তা এবং তাঁহার ধর্ম্মেই আমার রুচি।”

“আপনার শাস্তা কোন মতবাদী এবং কি-ই বা তিনি প্রচার করেন?”

“বন্ধো! আমি এই পথে নূতন পথিক, অচির-প্রব্রজিত, এই ধর্ম্ম-বিনয়ে অধুনাগত, আমি তোমার নিকট বিস্তারিত ভাবে ধর্ম্ম উপদেশ করিতে সমর্থ নহি, তবে সংক্ষেপে ইহার মর্ম্ম বলিতে পারি।”

তখন শারীপুত্র পরিব্রাজক আয়ুষ্মান অশ্বজিতকে কহিলেন : বন্ধো! তাহাই হউক।

“অল্প বল কিংবা বল অধিক বচন,
কহ সার অর্থ, অর্থে মম প্রয়োজন,
অর্থ নিয়া কাজ মোর, অর্থে প্রয়োজন,
কি করিবে অর্থহীন অধিক ব্যঞ্জন?”

তখন আয়ুষ্মান অশ্বজিৎ শারীপুত্র পরিব্রাজকের নিকট এই ধর্ম্মপর্য্যায় (ধর্ম্মোক্তি) ব্যক্ত করিলেন :—

“যে সব ধর্ম্মের হয় হেতুতে উদ্ভব,
সুগত তাদের হেতু প্রকাশিল সব।
তা’দের নিরোধ যাহা করিল বর্ণন,—
এই মতবাদী জান সে মহাশ্রমণ।”

এই ধর্ম্মপর্য্যায় শ্রবণ করিলে শারীপুত্র পরিব্রাজকের বিরজ বিমল ধর্ম্মচক্ষু উৎপন্ন হইল—‘যাহা কিছু সমুদয়ধর্ম্মী তৎসমস্তই নিরোধধর্ম্মী।’

“তাই যদি হয়, ধর্ম্ম ইহা সুনিশ্চয়,
পেয়েছ পরম পদ, অশোক অব্যয়।
অদৃষ্ট আছিল চির, লোকের অজ্ঞাত,
যদিও খুঁজেছে নর বহু কল্প শত।”

অনন্তর শারীপুত্র পরিব্রাজক মৌদাল্যায়ন পরিব্রাজকের নিকট উপস্থিত হইলেন।

মৌদাল্যায়ন দূর হইতেই দেখিতে পাইলেন যে, শারীপুত্র তাঁহার দিকে আসিতেছেন। তাঁহাকে আসিতে দেখিয়া তিনি তাঁহাকে কহিলেন :—“শারীপুত্র! তোমার ইন্দ্রিয়গ্রাম যে অতি প্রসন্ন ও পরিশুদ্ধ হইয়াছে, তোমার দেহচ্ছবি যে অতি পরিষ্কার হইয়াছে, তুমি কি অমৃতপদ লাভ করিয়াছ?”

“হাঁ, মৌদাল্যায়ন, আমি অমৃতপদ লাভ করিয়াছি।”

“শারীপুত্র! কিরূপে তুমি তাহা লাভ করিলে?”

“মৌদাল্যায়ন! আমি দেখিতে পাইলাম ভিক্ষু অশ্বজিৎ রাজগৃহে ভিক্ষার্চ্যা করিতেছেন, তাঁহার গমন, আলোকন ও বিলোকন, সঙ্কোচন ও প্রসারণ অতি সুন্দর। অধোদিকে তাঁহার দৃষ্টি বিন্যস্ত এবং তাঁহার ঈর্ষ্যাপথ (দেহের ভঙ্গী) সৌষ্ঠবযুক্ত। তাঁহাকে দেখিয়া আমার মনে এই চিন্তা উদিত হইল—জগতে অর্হৎ বা অর্হত্ব-মার্গারূঢ়ের মধ্যে এই ভিক্ষু অন্যতম। অতএব আমি ইহার নিকট গিয়া জিজ্ঞাসা করিব, ‘বন্ধো! তুমি কাহার উদ্দেশ্যে প্রব্রজিত হইয়াছ, কে তোমার শাস্তা, কোন্ ধর্ম্মেই বা তোমার রুচি?’ তখন আবার আমার মনে হইল, ‘এই প্রশ্ন জিজ্ঞাসা করার পক্ষে এখন অসময়, যেহেতু ভিক্ষু লোকালয়ে প্রবিষ্ট হইয়া ভিক্ষান্নের জন্য বিচরণ করিতেছেন! অতএব আমি তাঁহার জানিত মুক্তিমার্গ জানিবার অভিপ্রায়ে তাঁহার পশ্চাৎ পশ্চাৎ গমন করিব।’ অনন্তর অশ্বজিৎ ভিক্ষু রাজগৃহে ভিক্ষান্ন সংগ্রহে বিচরণ করিয়া, ভিক্ষান্ন লইয়া প্রত্যাগমন করিলেন। আমি অশ্বজিৎ ভিক্ষুর নিকট উপস্থিত হইলাম, উপস্থিত হইয়া প্রীত্যালাপচ্ছলে তাঁহার সহিত কুশল প্রশ্ন বিনিময় করিয়া একান্তে দণ্ডায়মান হইলাম, একান্তে দণ্ডায়মান থাকিয়া আমি অশ্বজিৎ ভিক্ষুকে কহিলাম, ‘বন্ধো! তোমার ইন্দ্রিয়গ্রাম বিপ্রসন্ন ও পরিশুদ্ধ, তোমার দেহচ্ছবি অতি পরিষ্কার। তুমি কাহার উদ্দেশ্যে প্রব্রজিত, কে-বা তোমার শাস্তা এবং কোন্ ধর্ম্মেই বা তোমার রুচি?’ ‘বন্ধো! যে মহাশ্রমণ শাক্যপুত্র এবং শাক্যকুল প্রব্রজিত সেই ভগবানের উদ্দেশ্যেই আমি প্রব্রজিত, তিনি আমার শাস্তা এবং তাঁহার ধর্ম্মেই বা আমার রুচি।’ ‘আপনার শাস্তা কি মতবাদী এবং কি-বা তিনি প্রচার করেন?’ ‘বন্ধো! আমি এই পথে নূতন পথিক, অচির-প্রব্রজিত, এই ধর্ম্ম-বিনয় অধুনাগত, আমি তোমার নিকট বিস্তারিত ভাবে ধর্ম্ম উপদেশ করিতে সমর্থ্য নহি, তবে সংক্ষেপে ইহার মর্ম্ম বলিতে পারি।’

“অল্প বল কিংবা বল অধিক বচন,

কহ সার অর্থ, অর্থের মম প্রয়োজন।

অর্থ নিয়া কাজ মোর, অর্থের প্রয়োজন,

কি করিবে অর্থহীন অধিক ব্যঞ্জন?”

তখন অশ্বজিৎ ভিক্ষু এই ধর্ম্মপর্য্যায় (ধর্ম্মোক্তি) ব্যক্ত করিলেন :—

“যে সব ধর্ম্মের হয় হেতুতে উদ্ভব,

সুগত তাদের হেতু প্রকাশিল সব ।
তাদের নিরোধ যাহা করিল বর্ণন,—
এই মতবাদী জান সে মহাশ্রমণ ।”

এই ধর্মপর্যায় (ধর্মতত্ত্ব) শ্রবণ করিলে মৌদাল্যায়ন পরিব্রাজকের বিরজ বিমল ধর্মচক্ষু উৎপন্ন হইল—“যাহা কিছু সমুদয়ধর্মী তৎসমস্তই নিরোধধর্মী ।”

“তাঁই যদি হয়, ধর্ম ইহা সুনিশ্চয়,
পেয়েছে পরম পদ অশোক অব্যয় ।
অদৃষ্ট আছিল চির, লোকের অজ্ঞাত,
যদিও খুঁজেছে নর বহু কল্প শত ।”

অনন্তর মৌদাল্যায়ন শারীপুত্রকে কহিলেন :—“শারীপুত্র! চল আমরা ভগবানের নিকট যাই, তিনিইত আমাদের শাস্তা । এই যে আড়াই শত পরিব্রাজক আমাদের মুখের দিকে তাকাইয়া এখানে বাস করিতেছে তাহাদের দিকেও ফিরিয়া দেখিব, তাহারা যাহা ভাল মনে করিবে তাহাই করিবে ।” শারীপুত্র ও মৌদাল্যায়ন ঐ পরিব্রাজকগণের নিকট উপস্থিত হইলেন, উপস্থিত হইয়া তাহাদিগকে কহিলেন :—“বন্ধুগণ! আমরা ভগবানের নিকট যাইতেছি, তিনিই আমাদের শাস্তা ।”

“আমরা আপনাদের আশ্রয়ে আপনাদের মুখপানে তাকাইয়া এখানে আছি, যদি আপনারা মহাশ্রমণের অধীনে ব্রহ্মচর্য্য আচরণ করেন তবে আমরা সকলেও তাহাই করিব ।”

অতঃপর শারীপুত্র ও মৌদাল্যায়ন সঞ্জয় পরিব্রাজকের নিকট উপস্থিত হইলেন, উপস্থিত হইয়া তাঁহাকে কহিলেন :—পরিব্রাজক! আমরা ভগবানের নিকট যাইতেছি, তিনিই আমাদের শাস্তা ।”

“তোমাদের যাইয়া কাজ নাই, তোমরা যাইও না, আমরা তিনজনেই এই পরিব্রাজকগণের পরিচালনা করিব ।”

দ্বিতীয় এবং তৃতীয়বারও শারীপুত্র এবং মৌদাল্যায়ন তাহাই বলিলেন এবং সঞ্জয় পরিব্রাজকও তাহাই উত্তর করিলেন ।

অনন্তর শারীপুত্র ও মৌদাল্যায়ন আড়াই শত পরিব্রাজককে লইয়া বেণুবনে উপস্থিত হইলেন । এদিকে সেইস্থানেই সঞ্জয় পরিব্রাজকের মুখ দিয়া সদ্য রক্ত নির্গত হইল ।

ভগবান দূর হইতেই দেখিতে পাইলেন যে, শারীপুত্র ও মৌদাল্যায়ন তাঁহার দিকে আসিতেছেন, তাহাদিগকে আসিতে দেখিয়া ভগবান ভিক্ষুদিগকে আহ্বান করিয়া বলিলেন :—“হে ভিক্ষুগণ! কোলিত এবং উপতিষ্য নামে তোমাদের ঐ যে দুই সহায় আসিতেছে তাহারাই আমার অগ্রশ্রাবকযুগল, ভদ্রযুগল হইবে ।”

যাঁহারা গভীর জ্ঞানবিষয়ে পারদর্শী হইয়া উপাধিক্ষয়ে অনুত্তর বিমুক্তি আয়ত্ত করিয়াছিলেন তাঁহারা বেণুবনে উপস্থিত হইবার পূর্বেই শাস্তা তাঁহাদের সম্মুখে এই

ভবিষ্যদ্বাণী করিলেন :—“হে ভিক্ষুগণ! কোলিত ও উপতিষ্য নামে তোমাদের ঐ যে দুইজন সহায় আসিতেছে তাহারা ই আমার অগ্রশ্রাবকযুগল, ভদ্রযুগল হইবে।”

শারীপুত্র ও মৌদাল্যায়ন ভগবানের নিকট উপস্থিত হইলেন, উপস্থিত হইয়া ভগবানের চরণে শির বিলুপ্তিত করিয়া কহিলেন :—“প্রভো! আমরা আপনার নিকট প্রব্রজ্যা ও উপসম্পদা লাভ করিতে ইচ্ছা করি।”

ভগবান কহিলেন :—“ভিক্ষুগণ এস; সু-আখ্যাত ধর্ম, ব্রহ্মচর্য্য আচরণ কর, সম্যকভাবে দুঃখের অন্তসাধনের জন্য।” তাহাতেই তাঁহাদের উপসম্পদা লাভ হইল।

সেই সময়ে মগধের প্রসিদ্ধ ও অভিজাত কুলপুত্রগণ ভগবৎ শাসনে ব্রহ্মচর্য্য আচরণ করিতেছেন দেখিয়া জনসাধারণ আন্দোলন করিতে, নিন্দা করিতে এবং সর্বত্র দুর্নাম প্রচার করিতে লাগিল :—“লোককে অপুত্রক করিবার জন্যই শ্রমণ গৌতম বদ্ধপরিকর, নারীর বৈধব্য সাধনের জন্যই শ্রমণ গৌতম বদ্ধপরিকর এবং কুলোচ্ছেদ করিবার জন্যই শ্রমণ গৌতম বদ্ধপরিকর। এইত সেদিন সহস্র জটিলকে স্বধর্ম্মে দীক্ষিত করিলেন, এইত সেদিন সঞ্জয়ের দল হইতে আড়াই শত পরিব্রাজককে প্রব্রজিত করিলেন, আর এখন মগধের যত প্রসিদ্ধ ও অভিজাত কুলপুত্রগণ তাঁহার অধীনে ব্রহ্মচর্য্য আচরণ করিতেছেন।” তাহারা বুদ্ধপ্রব্রজিত ভিক্ষুদিগকে দেখিয়া নিম্নগাথায় উত্তেজিত করিতে লাগিল :—

“দেখি মোরা, সমাগত সে মহাশ্রমণ,
মগধের গিরিব্রজে, করিয়া হরণ
সঞ্জয়ের শিষ্য সবে, তবু তুষ্ট ন’ন,
না জানি এবার কারে করিবে হরণ!”

ভিক্ষুগণ শুনিতে পাইলেন যে, জনসাধারণ এইরূপে আন্দোলন, নিন্দা এবং দুর্নাম প্রচার করিতেছে। তাহারা ভগবানের নিকট সেই বিষয় নিবেদন করিলেন। ভগবান কহিলেন :—হে ভিক্ষুগণ! এই কোলাহল চিরদিন থাকিবে না, মাত্র সপ্তাহকাল থাকিবে, সপ্তাহগতে অন্তর্হিত হইবে। অতএব হে ভিক্ষুগণ! যাহারা উক্তপ্রকার গাথায় তোমাদিগকে উত্তেজিত করে তোমরা তাহাদিগকে নিম্নগাথায় প্রত্যুত্তর দিবে।

“সত্য বটে মহাবীর করেন হরণ,
সদ্ধর্ম্মের বলে জয়ী তথাগত হন।
ধর্ম্মের প্রভাবে যদি করেন হরণ,
বিদ্বানে অসূয়া তবে কর কি কারণ?”

সেই সময়ে জনসাধারণ ভিক্ষুগণকে দেখিয়া নিম্নোক্ত প্রকারে উত্তেজিত করিতে লাগিল—

“দেখি মোরা, সমাগত সে মহাশ্রমণ,

মগধের গিরিব্রজে, করিয়া হরণ
সঞ্জয়ের শিষ্য সবে, তবু তুষ্ট ন'ন,
না জানি এবার কারে করিবে হরণ?”

ভিক্ষুগণ সেই জনসাধারণকে নিম্নোক্ত গাথায় প্রত্যুত্তর প্রদান করিলেন।

“সত্য বটে মহাবীর করেন হরণ,
সদ্ধর্মের বলে জয়ী তথাগত হন।
ধর্মের প্রভাবে যদি করেন হরণ,
বিদ্বানে অসূয়া তবে কর কি কারণ?”

তখন জনসাধারণ বলিতে লাগিল :—“ধর্মের প্রভাবেই নাকি শাক্যপুত্রীয় শ্রমণগণ লোককে দলে নিয়া যাইতেছেন, অধর্মের দ্বারা নহে!” সত্যসত্যই এই কোলাহল সপ্তাহমাত্র ছিল, সপ্তাহগতে তাহা অন্তর্হিত হইল।

॥ চতুর্থ ভণিতা সমাপ্ত ॥

সহবিহারী ও উপাধ্যায়ের ব্রত

(১) উপাধ্যায়ের ব্রত

সেই সময়ে ভিক্ষুগণ উপাধ্যায় অভাবে, উপদেশ ও অনুশাসন অভাবে অশোভন-পরিহিত, অশোভন-আচ্ছাদিত এবং অসৌষ্ঠবান্বিত হইয়া ভিক্ষান্নের জন্য বিচরণ করিতেন। যখন লোকেরা ভোজনে রত তখন তাহাদের ভোজনের উপর, খাদ্যভোজ্য লেহ্যপেয়ের উপর, ‘উত্তিট্ঠ’^১ পাত্র উপনমিত করিতেন। স্বয়ং অনুব্যঞ্জন যাচঞা করিয়া ভোজন করিতেন। তাঁহারা ভোজনের সময়ও উচ্চশব্দ মহাশব্দ করিতেন। জনসাধারণ এ বিষয়ে আন্দোলন করিতে, নিন্দা করিতে এবং দুর্নাম প্রচার করিতে লাগিল :—“কেন শাক্যপুত্রীয় শ্রমণগণ অশোভন-পরিহিত, অশোভন-আচ্ছাদিত এবং অসৌষ্ঠবান্বিত হইয়া ভিক্ষান্নের জন্য বিচরণ করে, কেনই বা তাহারা যখন লোকেরা ভোজনে রত তখন তাহাদের ভোজনের উপর, খাদ্যভোজ্য লেহ্যপেয়ের উপর ‘উত্তিট্ঠ’ পাত্র উপনমিত করে, কেনই বা স্বয়ং অনুব্যঞ্জন যাচঞা করিয়া ভোজন করে, কেনই বা ভোজনের সময় উচ্চশব্দ মহাশব্দ করে, যেমন ব্রাহ্মণ-ভোজনের সময় ব্রাহ্মণেরা করিয়া থাকে?”

ভিক্ষুগণ শুনিতে পাইলেন যে, জনসাধারণ এইরূপ আন্দোলন, নিন্দা এবং দুর্নাম প্রচার করিতেছে। ভিক্ষুদের মধ্যে যাঁহারা অল্লেখ্য, সম্ভটচিহ্ন, লজ্জাসঙ্কোচশীল এবং

^১। ‘উত্তিট্ঠ’ পাত্র অর্থ ভিক্ষাপাত্র। লোকেরা তাহা উচ্ছিষ্ট মনে করায় ‘উত্তিট্ঠ’ পাত্র বলিয়া কথিত হইয়াছে। অথবা উঠিয়া পাত্র উপনমিত করে এই অর্থও হয়।—সম-পাসা।

শিশিক্ষু তাঁহারাও আন্দোলন করিতে, নিন্দা করিতে এবং প্রকাশ্যে আপত্তি করিতে লাগিলেন :—“কেন ভিক্ষুগণ অশোভন-পরিহিত, অশোভন-আচ্ছাদিত এবং অসৌষ্ঠবান্বিত হইয়া ভিক্ষান্নের জন্য বিচরণ করে, কেনই বা তাহারা যখন লোকেরা ভোজনে রত তখন তাহাদের ভোজনের উপর, খাদ্যভোজ্য লেহ্যপেয়ের উপর ‘উত্তিট্ঠ’ পাত্র উপনমিত করে, কেনই বা স্বয়ং অনুব্যঞ্জন যাচঞা করিয়া ভোজন করে, কেনই বা ভোজনের সময় উচ্চশব্দ মহাশব্দ করে?” তখন তাঁহারা ভগবানকে এই বিষয় নিবেদন করিলেন।

অনন্তর ভগবান এই নিদানে (সম্বন্ধে) এবং এই প্রকরণে (প্রসঙ্গে) ভিক্ষুসঙ্ঘকে সমবেত করাইয়া ঐ ভিক্ষুদিগকে জিজ্ঞাসা করিলেন :—“হে ভিক্ষুগণ! সত্যই কি ভিক্ষু অশোভন-পরিহিত, অশোভন-আচ্ছাদিত এবং অসৌষ্ঠবান্বিত হইয়া ভিক্ষান্নের জন্য বিচরণ করে, সত্যই কি তাহারা যখন লোকেরা ভোজনে রত তখন তাহাদের ভোজনের উপর, খাদ্যভোজ্য লেহ্যপেয়ের উপর ‘উত্তিট্ঠ’ পাত্র উপনমিত করে, সত্যই কি স্বয়ং অনুব্যঞ্জন যাচঞা করিয়া ভোজন করে, সত্যই কি ভোজনের সময় উচ্চশব্দ মহাশব্দ করে?”

“ভগবন্! তাহা সত্য।”

বুদ্ধ ভগবান তাহা অত্যন্ত গর্হিত বলিয়া প্রকাশ করিলেন :—“হে ভিক্ষুগণ! ঐ মোঘপুরুষগণের (মূর্খদিগের) পক্ষে তাহা অননুরূপ, অননুযায়ী, অপ্রতিরূপ, অশ্রমণোচিত, অবিহিত এবং অকার্য্য হইয়াছে। কেন সেই মোঘপুরুষগণ অশোভন-পরিহিত, অশোভন-আচ্ছাদিত এবং অসৌষ্ঠবান্বিত হইয়া ভিক্ষান্নের জন্য বিচরণ করে, কেনই বা তাহারা যখন লোকেরা ভোজনে রত তখন তাহাদের ভোজনের উপর, খাদ্যভোজ্য লেহ্যপেয়ের উপর ‘উত্তিট্ঠ’ পাত্র উপনমিত করে, কেনই বা স্বয়ং অনুব্যঞ্জন যাচঞা করিয়া ভোজন করে এবং কেনই বা ভোজনের সময় উচ্চশব্দ মহাশব্দ করে? হে ভিক্ষুগণ! তাহাদের কার্য্যে অপ্রসন্নদের (শ্রদ্ধাহীনের) মধ্যে প্রসাদ (শ্রদ্ধা) উৎপন্ন অথবা প্রসন্নদের প্রসাদ (শ্রদ্ধাবানের শ্রদ্ধা) বর্দ্ধিত করিতে পারে না, বরং তাহাতে অপ্রসন্নের মধ্যে অধিকতর প্রসাদহীনতা এবং কোন কোন প্রসন্নের মধ্যে ভাবান্তর আনয়ন করিবে।”

ভগবান বিবিধ প্রকারে ঐ ভিক্ষুগণের নিন্দা করিয়া, নানাভাবে দুর্ভরতা, দুষ্পোষতা, মহেচ্ছুতা, অসন্তুষ্টিতা, সঙ্গপ্রিয়তা, অলসতার অপযশ এবং বহু প্রকারে সুভরতা, সুপোষতা, অল্লেচ্ছুতা, সন্তুষ্টিতা, ধৃতব্রত, সল্লেখ,^১ প্রসন্নতা, নম্রতা এবং বীর্য্যারম্ভের (উদ্যমশীলতার) গুণ বর্ণনা করিয়া তদনুরূপ এবং তদনুযায়ী ধর্ম্মকথা উত্থাপন করিয়া ভিক্ষুদিগকে আহ্বান করিয়া বলিলেন :—হে ভিক্ষুগণ! আমি উপাধ্যায় গ্রহণের অনুজ্ঞা দিতেছি। উপাধ্যায় সহবিহারীর প্রতি পুত্রচিত্ত

^১। ভৃগুদিগের লঘুতা সম্পাদন।

(অপত্যন্তেহ) উপস্থাপিত করিবে, সহবিহারী উপাধ্যায়ের প্রতি পিতৃচিত্ত (বাৎসল্য) উপস্থাপিত করিবে। এইরূপে তাহারা পরস্পর সগৌরবে, সসম্মমে এবং সমজীবী হইয়া অবস্থান করিলে এই ধর্ম-বিনয়ে (শাসনে) বৃদ্ধি, সমৃদ্ধি এবং বিপুলতা লাভ করিবে।

হে ভিক্ষুগণ! এইভাবে উপাধ্যায় গ্রহণ (স্বীকার) করিতে হইবে :—উত্তরাসঙ্গ (উত্তরীয়) একাংশে স্থাপন করিয়া, পাদ-বন্দনা করিয়া, উৎকৃষ্টিকভাবে বসিয়া, কৃতাজ্জলি হইয়া এইরূপ বলিতে হইবে :—“প্রভো! আপনি আমার উপাধ্যায় হউন, প্রভো! আপনি আমার উপাধ্যায় হউন, প্রভো! আপনি আমার উপাধ্যায় হউন।” উপাধ্যায়,—‘সাধু’, ‘লঘু’, ‘সদুপায়’, ‘প্রতিরূপ’, অথবা ‘শোভন ভাবে সম্পাদন কর’ এই পঞ্চ উক্তির যে কোনটি দ্বারা কায়-বিজ্ঞপ্তি, বাক্-বিজ্ঞপ্তি অথবা কায় এবং বাক্-বিজ্ঞপ্তি দ্বারা বিজ্ঞাপিত করিলে উপাধ্যায় গৃহীত হইয়া থাকে। উপাধ্যায় এইরূপ কায়-বিজ্ঞপ্তি, বাক্-বিজ্ঞপ্তি অথবা কায় এবং বাক্ দ্বারা বিজ্ঞাপিত না করিলে, উপাধ্যায় গৃহীত হয় না।

হে ভিক্ষুগণ! সহবিহারী উপাধ্যায়ে সম্যকভাবে অনুবর্তন করিবে। সম্যক অনুবর্তন করিবার নিয়ম এই :—প্রত্যুষে শয্যা ত্যাগ করিয়া, উপানহ (পাদুকা) খুলিয়া, উত্তরাসঙ্গ একাংশে স্থাপন করিয়া, দন্তকাষ্ঠ প্রদান করিতে হইবে। মুখ ধুইবার জল প্রদান করিতে হইবে, আসন প্রস্তুত করিতে হইবে, যবাগু প্রস্তুত হইলে পাত্র ধৌত করিয়া যবাগু প্রদান করিতে হইবে, যবাগু পান করিবার পর জল প্রদান করিয়া অবনত ভাবে পাত্র গ্রহণ করিয়া, ঘর্ষণ না করিয়া, সূচারুরূপে ধৌত করিয়া, তাহা সযত্নে রাখিয়া দিতে হইবে। উপাধ্যায় আসন হইতে উঠিলে, আসন তুলিয়া রাখিতে হইবে। যদি সেই স্থান ময়লা হয়, তাহা হইলে বাঁট দিতে হইবে। যদি উপাধ্যায় গ্রামে প্রবেশেচ্ছু হন, তাহা হইলে পরিধেয় বসন প্রদান করিতে হইবে, পরিহিত বসন প্রতিগ্রহণ করিতে হইবে, কটিবন্ধ প্রদান করিতে হইবে, দুইটি চীবর একত্র করিয়া প্রদান করিতে হইবে, পাত্র ধৌত করিয়া সজল পাত্র প্রদান করিতে হইবে। যদি উপাধ্যায় তাঁহার অনুগামী শ্রমণ সঙ্গে রাখিতে আকাঙ্ক্ষা করেন, তাহা হইলে ত্রিমণ্ডল আচ্ছাদিত করিয়া, মণ্ডলাকারে চীবর পরিধান করিবার পর কটিবন্ধ বাঁধিতে হইবে, দুইটি চীবর একত্র করিয়া, দেহ আচ্ছাদিত করিয়া, গ্রন্থি বন্ধন করিয়া, ধৌত পাত্র গ্রহণ করিয়া, উপাধ্যায়ের অনুগামী শ্রমণ হইতে হইবে। নাতিদূরে গমন করিবে না, নাতিসমীপে গমন করিবে না। পাত্র পরিবর্তন^১ করিয়া প্রতিগ্রহণ করিতে হইবে। উপাধ্যায় কথা বলিবার সময় মাঝখানে কথা বলিতে পারিবে না। উপাধ্যায় আপত্তিজনকভাবে কথা বলিলে তাঁহাকে নিবারণ করিতে

^১। পাত্র পরিবর্তন :—উপাধ্যায় কর্তৃক লব্ধ যবাগু বা অন্তে তাঁহার পাত্র গরম বা ভারী হইলে স্বীয় পাত্র তাঁহাকে দিয়া তাঁহার পাত্র স্বয়ং গ্রহণ করা।—সম-পাসা।

হইবে। ফিরিবার সময় পূর্বে আসিয়া আসন প্রস্তুত করিতে হইবে, পাদোদক, পাদপীঠ, পাদ-কথলিক (পাদ রগড়াইবার পিঁড়ি) স্থাপন করিতে হইবে, সম্মুখে অগ্রসর হইয়া পাত্রচীবর প্রতিগ্রহণ করিতে হইবে, বাস পরিবর্তনের জন্য পরিধেয় বস্ত্র দিতে হইবে, পরিহিত বস্ত্র প্রতিগ্রহণ করিতে হইবে। যদি চীবর শ্বেদসিক্ত হয়, তাহা হইলে মুহূর্তকাল উত্তাপে উত্তপ্ত করিতে হইবে, উত্তাপে অধিকক্ষণ চীবর ফেলিয়া রাখিতে পারিবে না, চীবর ভাঁজ করিতে হইবে, যাহাতে চীবর মাঝখানে ছিঁড়িয়া না যায় তেমনভাবে উহার কোণা চারি আঙ্গুল উপরে তুলিয়া ভাঁজ করিতে হইবে, কটিবন্ধ গুটাইয়া চীবরের ভাঁজের মধ্যস্থলে রাখিতে হইবে। যদি আহাৰ্য্য প্রস্তুত হইয়া থাকে এবং উপাধ্যায়ও ভোজন করিতে ইচ্ছা করেন, তাহা হইলে জল সহ আহাৰ্য্য প্রদান করিতে হইবে। পানীয় সম্বন্ধে উপাধ্যায়কে জিজ্ঞাসা করিতে হইবে। ভোজনান্তে জল প্রদান করিয়া, অবনতভাবে পাত্র গ্রহণ করিয়া, ঘর্ষণ না করিয়া, সুচারুরূপে ধৌত করিয়া, মুছিয়া নির্জল করিবার পর মুহূর্তকাল উত্তাপে উত্তপ্ত করিতে হইবে। উত্তাপে অধিকক্ষণ পাত্র রাখিয়া দিতে পারিবে না। পাত্রচীবর রাখিয়া দিতে হইবে, পাত্র রাখিবার সময় একহস্তে পাত্র ধারণ করিয়া অপর হস্তে মঞ্চ বা পীঠের নিম্নস্থান মুছিয়া পাত্র রাখিতে হইবে, ভূমিতে পাত্র ফেলিয়া রাখিতে পারিবে না। চীবর রাখিবার সময় একহস্তে চীবর ধারণ করিয়া অন্যহস্তে চীবর রাখিবার বাঁশ বা রজ্জু মুছিয়া, চীবর মধ্যভাগ হইতে নিম্নপ্রান্ত পর্য্যন্ত একহস্তে লম্বিত করিয়া, অপরহস্তে উপরাংশ বাঁকাইয়া, বংশদণ্ডে বা রজ্জুতে স্থাপন করিবে। উপাধ্যায় আসন হইতে উঠিবার পর আসন তুলিয়া রাখিবে, পাদোদক, পাদপীঠ, পাদ-কথলিক সামলাইয়া রাখিবে। যদি সেইস্থানে ময়লা হয়, তাহা হইলে তথায় ঝাঁট দিতে হইবে। যদি উপাধ্যায় স্নান করিতে ইচ্ছা করেন, তাহা হইলে স্নানের ব্যবস্থা করিতে হইবে। যদি শীতল জলের প্রয়োজন হয়, শীতল জল দিতে হইবে, যদি উষ্ণ জলের প্রয়োজন হয়, উষ্ণ জল দিতে হইবে, যদি উপাধ্যায় স্নানাগারে প্রবেশ করিতে ইচ্ছা করেন, তাহা হইলে চূর্ণ প্রস্তুত করিতে হইবে, মৃত্তিকা সিক্ত করিতে হইবে, স্নানাগারের পীঠ লইয়া উপাধ্যায়ের পশ্চাৎ পশ্চাৎ গিয়া স্নানাগারের পীঠ (টোঁকি) দিয়া, চীবর প্রতিগ্রহণ করিয়া একান্তে স্থাপন করিতে হইবে, চূর্ণ প্রদান করিতে হইবে, মৃত্তিকা প্রদান করিতে হইবে। যদি উপাধ্যায় ইচ্ছা করেন, স্নানাগারে প্রবেশ করিতে হইবে, প্রবেশ করিবার সময় মুখে মৃত্তিকা মাখিয়া, পুরোভাগ ও পশ্চাৎভাগ আচ্ছাদিত করিয়া স্নানাগারে প্রবেশ করিতে হইবে। স্থবির ভিক্ষুদের সঙ্গে ঘেষাঘেষি না করিয়া বসিতে হইবে, নূতন ভিক্ষুদিগকে আসনচ্যুত করিতে পারিবে না। স্নানাগারে উপাধ্যায়ের অঙ্গ মার্জন করিতে হইবে, স্নানাগার হইতে বাহির হইবার সময় স্নানাগারের পীঠ লইয়া পুরোভাগ ও পশ্চাৎভাগ আচ্ছাদিত করিয়া বাহির হইতে হইবে, জলদ্বারাও উপাধ্যায়ের অঙ্গসেবা করিতে হইবে, স্নানের পর প্রথমেই জল হইতে উঠিয়া নিজের দেহ জলরহিত করিয়া, পরিধেয় বস্ত্র পরিধান করিয়া, উপাধ্যায়ের দেহ হইতে জল মুছিতে হইবে, পরিধেয় বস্ত্র দিতে হইবে,

সজ্জাটি দিতে হইবে, স্নানাগারের পীঠ লইয়া প্রথমেই আসিয়া আসন প্রস্তুত করিতে হইবে, পাদোদক, পাদপীঠ, পাদ-কথলিক (পাপোষ) স্থাপন করিতে হইবে। উপাধ্যায়কে জলপান করিবেন কিনা জিজ্ঞাসা করিতে হইবে, যদি পাঠ গ্রহণ করাইতে ইচ্ছা হয় তবে পাঠ গ্রহণ করাইতে হইবে, যদি পরিপ্রশ্ন করিতে ইচ্ছা হয় তবে পরিপ্রশ্ন করিতে হইবে। যেই বিহারে উপাধ্যায় অবস্থান করেন, যদি সেই বিহার ময়লা হয়, ইচ্ছা হইলে পরিষ্কার করিতে হইবে। বিহার পরিষ্কার করিবার সময় প্রথমে পাত্রচীবর বাহির করিয়া একান্তে রাখিতে হইবে, বসিবার প্রত্যাস্তরণ (চাদর) বাহির করিয়া একান্তে রাখিতে হইবে, মাদুর ও বালিশ বাহির করিয়া একান্তে রাখিতে হইবে, মঞ্চ নীচ করিয়া কপাটে না ঠেকাইয়া বাহির করিয়া একান্তে রাখিতে হইবে, পীঠ নীচ করিয়া কপাটে না ঠেকাইয়া বাহির করিয়া একান্তে রাখিতে হইবে, মঞ্চপদ বাহির করিয়া একান্তে রাখিতে হইবে, পিকদানি (ডাবর) বাহির করিয়া একান্তে রাখিতে হইবে, ঠেস দিবার ফলক বাহির করিয়া একান্তে রাখিতে হইবে, ভূম্যাস্তরণ যেইস্থানে পাতা আছে সেইস্থান লক্ষ্য করিয়া বাহির করিয়া একান্তে রাখিতে হইবে। যদি বিহারে মাকড়সাদির জাল হয় তাহা হইলে প্রথমে ছাদের নিম্নাংশ হইতে বাহির করিয়া ফেলিতে হইবে, আলোকসন্ধির (বাতায়নের) কোণা মুছিতে হইবে। যদি গৈরিক পরিকর্মকৃত ভিত্তিগাত্র ক্লেদাক্ত হইয়া থাকে তাহা হইলে ন্যাকড়া ভিজাইয়া জল নিঙুড়াইয়া লইয়া মুছিতে হইবে, যদি কৃষ্ণবর্ণ মেঝে ক্লেদাক্ত হইয়া থাকে তবে ভিজা ন্যাকড়া নিঙুড়াইয়া মুছিতে হইবে। যদি মেঝে কাঁচা হয়, তাহা হইলে ধূলি নিবারণের জন্য জল ছিটাইয়া ঝাঁট দিতে হইবে, আবর্জনা বাছিয়া একান্তে ফেলিয়া দিতে হইবে। ভূম্যাস্তরণ (গালিচা) উত্তপ্ত করিয়া, পরিষ্কার করিয়া, ঝাড়িয়া, পুনরায় আনিয়া যথাস্থানে বিস্তৃত করিতে হইবে। মঞ্চপদ উত্তপ্ত করিয়া, মুছিয়া, পুনরায় আনিয়া যথাস্থানে স্থাপন করিতে হইবে। মঞ্চ উত্তপ্ত করিয়া, পরিষ্কার করিয়া, ঝাড়িয়া, কপাটে না ঠেকাইয়া, অবনত ভাবে পুন আনিয়া যথাস্থানে স্থাপন করিতে হইবে। পীঠ উত্তপ্ত করিয়া, পরিষ্কার করিয়া, ঝাড়িয়া, কপাটে না ঠেকাইয়া অবনতভাবে পুনঃ আনিয়া যথাস্থানে স্থাপন করিতে হইবে। মাদুর ও বালিশ উত্তপ্ত করিয়া, পরিষ্কার করিয়া, ঝাড়িয়া, পুনরায় আনিয়া যথাস্থানে রাখিতে হইবে। বসিবার প্রত্যাস্তরণ উত্তপ্ত করিয়া, পরিষ্কার করিয়া, ঝাড়িয়া, পুনরায় আনিয়া, যথাস্থানে বিস্তারিত করিতে হইবে। পিকদানি উত্তপ্ত করিয়া, মুছিয়া, পুনরায় আনিয়া যথাস্থানে রাখিতে হইবে। ঠেস দিবার ফলক উত্তপ্ত করিয়া, মুছিয়া, পুনরায় আনিয়া যথাস্থানে রাখিতে হইবে। পাত্রচীবর রাখিতে হইবে। পাত্র রাখিবার সময় একহস্তে পাত্র ধারণ করিয়া অপর হস্তে মঞ্চের নিম্নাংশ বা পীঠের নিম্নাংশ মুছিয়া পাত্র রাখিতে হইবে। ভূমিতে পাত্র রাখিতে পারিবে না। চীবর রাখিবার সময় একহস্তে চীবর ধারণ করিয়া অন্য হস্তে চীবর রাখিবার বংশদণ্ড বা চীবর রাখিবার রজ্জু মুছিয়া, চীবর মধ্যভাগ হইতে নিম্নপ্রাপ্ত পর্য্যন্ত একহস্তে লম্বিত করিয়া অপর হস্তে উপরাংশ বাঁকাইয়া বংশদণ্ডে বা রজ্জুতে স্থাপন করিবে।

যদি পূর্বদিক্ হইতে ধূলিযুক্ত বায়ু প্রবাহিত হয় তবে পূর্বপার্শ্বের বাতায়ন বন্ধ করিতে হইবে। যদি পশ্চিমদিক্ হইতে ধূলিযুক্ত বায়ু প্রবাহিত হয় তাহা হইলে পশ্চিম পার্শ্বের বাতায়ন বন্ধ করিতে হইবে। যদি উত্তরদিক্ হইতে ধূলিযুক্ত বায়ু প্রবাহিত হয় তাহা হইলে উত্তর পার্শ্বের বাতায়ন বন্ধ করিতে হইবে। যদি দক্ষিণদিক্ হইতে ধূলিযুক্ত বায়ু প্রবাহিত হয় তাহা হইলে দক্ষিণ পার্শ্বের বাতায়ন বন্ধ করিতে হইবে। যদি শীতকাল হয় তাহা হইলে দিবসে বাতায়ন উন্মুক্ত রাখিতে হইবে, রাত্রিতে বন্ধ রাখিতে হইবে। যদি গ্রীষ্মকাল হয় তাহা হইলে দিবসে বাতায়ন বন্ধ রাখিতে হইবে, রাত্রিতে উন্মুক্ত রাখিতে হইবে। যদি অঙ্গনে আবর্জনা হয় তাহা হইলে অঙ্গনে বাঁট দিতে হইবে। যদি প্রকোষ্ঠে আবর্জনা হয় তাহা হইলে প্রকোষ্ঠে বাঁট দিতে হইবে। যদি উপস্থানশালায় (বৈঠকখানায়) আবর্জনা হয় তাহা হইলে উপস্থানশালায় বাঁট দিতে হইবে। যদি অগ্নিশালায় (পাকশালায়) আবর্জনা হয় তাহা হইলে অগ্নিশালায় বাঁট দিতে হইবে। যদি পাইখানায় আবর্জনা হয় তাহা হইলে পাইখানায় বাঁট দিতে হইবে। যদি পানীয় জল না থাকে তাহা হইলে তাহা উপস্থাপন করিতে হইবে। যদি পরিভোগ্য জল না থাকে তাহা হইলে তাহা উপস্থাপন (আনয়ন) করিতে হইবে। যদি আচমন-কুণ্ডে জল না থাকে তাহা হইলে আচমন কুণ্ডে জল ঢালিতে হইবে। যদি উপাধ্যায়ের অনভিরতি (ব্রহ্মচার্য্য পালনে অনিচ্ছা) উৎপন্ন হয় তাহা হইলে সহবিহারী উক্ত বিষয় হইতে তাঁহাকে বিরত করিবে কিংবা করাইবে অথবা ধর্ম্মকথা কহিবে। যদি উপাধ্যায়ের সন্দেহ উৎপন্ন হয় তাহা হইলে সহবিহারী তাহা নিরসন করিবে কিংবা করাইবে অথবা ধর্ম্মকথা কহিবে। যদি উপাধ্যায়ের মিথ্যাদৃষ্টি উৎপন্ন হয় তাহা হইলে সহবিহারী তাহা বিবেচনা করিবে কিংবা করাইবে অথবা ধর্ম্মকথা কহিবে। যদি উপাধ্যায় পরিবাস^১ যোগ্য গুরুতর অপরাধ প্রাপ্ত হন তাহা হইলে সহবিহারী উৎকর্ষা প্রকাশ করিবে যাহাতে সঙ্ঘ উপাধ্যায়কে পরিবাস প্রদান করেন। যদি উপাধ্যায় মূলেপ্রতিকর্ষণ^২ যোগ্য অপরাধগ্রস্থ হন তাহা হইলে সহবিহারী উৎকর্ষা প্রকাশ করিবে যাহাতে সঙ্ঘ উপাধ্যায়কে মূলেপ্রতিকর্ষণ করেন। যদি উপাধ্যায় মানত্বে যোগ্য হন তাহা হইলে সহবিহারী উৎকর্ষা প্রকাশ করিবে যাহাতে সঙ্ঘ উপাধ্যায়কে মানত্বে প্রদান করেন। যদি উপাধ্যায় আহ্বান যোগ্য হন তাহা হইলে সহবিহারী উৎকর্ষা প্রকাশ করিবে যাহাতে সঙ্ঘ উপাধ্যায়কে আহ্বান করেন। যদি সঙ্ঘ উপাধ্যায়ের ‘তর্জ্জনীয়’, ‘নির্যশ’, ‘প্রব্রাজনীয়’, ‘প্রতিস্মারণীয়’ অথবা ‘উৎক্ষেপনীয়’ কর্ম্ম (দণ্ড) বিধান করিতে অভিলাষী হন তাহা হইলে সহবিহারী উৎকর্ষা প্রকাশ করিবে যাহাতে সঙ্ঘ উপাধ্যায়ের প্রতি দণ্ড বিধান না করেন অথবা তাহা লঘুত্বে পরিণত করেন। যদি সঙ্ঘ তাঁহার প্রতি ‘তর্জ্জনীয়’, ‘নির্যশ’, ‘প্রব্রাজনীয়’, ‘প্রতিস্মারণীয়’ অথবা

^১। চূলবল্লের ২য় স্কন্ধ (পারিবাসিক স্কন্ধ) এবং ৩য় স্কন্ধ (সমুচ্চয় স্কন্ধ) দ্রষ্টব্য।

^২। চূলবল্লের পারিবাসিক ও সমুচ্চয় স্কন্ধ দ্রষ্টব্য।

‘উৎক্ষেপনীয়’ দণ্ড বিধান করেন তাহা হইলে সহবিহারী উৎকর্ষা প্রকাশ করিবে যাহাতে উপাধ্যায় সম্যকভাবে অনুবর্তন করেন, মান ত্যাগ করেন, দণ্ডমুক্তির অনুরূপ আচরণ করেন এবং সজ্ঞ সেই দণ্ড প্রত্যাহার করেন।

যদি উপাধ্যায়ের চীবর ধৌত করিবার যোগ্য হয় তাহা হইলে সহবিহারীকে তাহা ধৌত করিতে হইবে, অথবা যাহাতে ধৌত হয় তদ্বিষয়ে ঔৎসুক্য (ব্যগ্রতা) প্রকাশ করিতে হইবে। যদি উপাধ্যায়ের জন্য চীবর প্রস্তুত করিতে হয় তাহা হইলে সহবিহারীকে তাহা প্রস্তুত (সেলাই) করিয়া দিতে হইবে, অথবা যাহাতে তাহা প্রস্তুত হয় তদ্বিষয়ে ঔৎসুক্য প্রকাশ করিতে হইবে। যদি উপাধ্যায়ের জন্য রঙ প্রস্তুত^১ করিতে হয় তাহা হইলে সহবিহারীকে তাহা প্রস্তুত করিতে হইবে, অথবা যাহাতে তাহা প্রস্তুত হয় তদ্বিষয়ে ঔৎসুক্য প্রকাশ করিতে হইবে। যদি উপাধ্যায়ের চীবর রঞ্জিত করিতে হয় তাহা হইলে সহবিহারীকে তাহা রঞ্জিত করিতে হইবে অথবা যাহাতে তাহা রঞ্জিত হয় তদ্বিষয়ে ঔৎসুক্য প্রকাশ করিতে হইবে। চীবর রঞ্জিত করিবার সময় সম্যকভাবে ‘উল্টাইয়া পাল্টাইয়া’ (এপিট ওপিট করিয়া) রঞ্জিত করিতে হইবে। যতক্ষণ চীবর হইতে বিন্দু বিন্দু রঙ ক্ষরণ বন্ধ না হইতেছে ততক্ষণ সেইস্থান হইতে প্রস্থান করিতে পারিবে না; উপাধ্যায়কে জিজ্ঞাসা না করিয়া অন্যকে ভিক্ষাপাত্র দিতে পারিবে না কিংবা অন্যের ভিক্ষাপাত্র প্রতিগ্রহণ করিতে পারিবে না; অন্যকে চীবর দিতে পারিবে না কিংবা অন্যের চীবর প্রতিগ্রহণ করিতে পারিবে না; অন্যকে ‘পরিক্ষার’ (ভিক্ষুর নিত্য ব্যবহার্য্য দ্রব্য)^২ দিতে পারিবে না কিংবা অন্যের ‘পরিক্ষার’ প্রতিগ্রহণ করিতে পারিবে না; অন্যের কেশছেদন করিতে পারিবে না কিংবা অন্যের দ্বারা নিজের কেশছেদন করাইতে পারিবে না; অন্যের পরিকর্ম^৩ করিতে পারিবে না কিংবা অন্যের দ্বারা নিজের পরিকর্ম করাইতে পারিবে না; অন্যের পরিচর্যা করিতে পারিবে না কিংবা অন্যের দ্বারা নিজের পরিচর্যা করাইতে পারিবে না; অন্যের অনুগামী শ্রমণ^৪ হইতে পারিবে না কিংবা অন্যকে নিজের অনুগামী শ্রমণ করিতে পারিবে না; অন্যের ভিক্ষান্ন আহরণ করিতে পারিবে না কিংবা অন্যের দ্বারা নিজের ভিক্ষান্ন আহরণ করাইতে পারিবে না; উপাধ্যায়কে জিজ্ঞাসা না করিয়া গ্রামে প্রবেশ করিতে পারিবে না, শ্মশানে গমন করিতে পারিবে না, কোনদিকে যাইতে পারিবে না। যদি উপাধ্যায় পীড়িত হন, রোগমুক্তি আনয়নের জন্য যাবজ্জীবন তাঁহার পরিচর্যা করিতে হইবে।

॥ উপাধ্যায় ব্রত সমাপ্ত ॥

^১। কাঁঠাল গাছ টুকরা টুকরা করিয়া সিদ্ধ করা।

^২। অন্তর্বাস, উত্তরাসঙ্গ, সজ্ঞাটি, ভিক্ষাপাত্র, ক্ষুর, ছুঁচ, কাটিবন্ধ এবং জল ছাঁকনি।

^৩। দেহ রগুড়াইয়া দেওয়া।

^৪। পশ্চাৎ পশ্চাৎ গমন করা।

(২) সহবিহারীর ব্রত

হে ভিক্ষুগণ! উপাধ্যায় সম্যকভাবে সহবিহারীর অনুবর্তী হইবেন। সম্যকভাবে অনুবর্তী হইবার নিয়ম এই :—হে ভিক্ষুগণ! উপাধ্যায় সহবিহারীকে পাঠোদ্দেশ্য^১, পরিপূচ্ছা^২, উপদেশ^৩, অনুশাসন^৪ দ্বারা উপকৃত ও অনুগৃহীত করিবেন। যদি উপাধ্যায়ের নিকট ভিক্ষাপাত্র থাকে এবং সহবিহারীর নিকট না থাকে তাহা হইলে উপাধ্যায় সহবিহারীকে ভিক্ষাপাত্র প্রদান করিবেন অথবা যাহাতে সহবিহারী পাত্র পাইতে পারে তদ্বিষয়ে উৎসুক্য প্রকাশ করিবেন। যদি উপাধ্যায়ের নিকট পরিধেয় চীবর থাকে এবং সহবিহারীর নিকট না থাকে, তাহা হইলে উপাধ্যায় সহবিহারীকে পরিধেয় চীবর প্রদান করিবেন অথবা যাহাতে সহবিহারী চীবর পাইতে পারে তদ্বিষয়ে উৎসুক্য প্রকাশ করিবেন। যদি উপাধ্যায়ের নিকট ‘পরিক্খার’ থাকে এবং সহবিহারীর নিকট না থাকে তাহা হইলে উপাধ্যায় সহবিহারীকে ‘পরিক্খার’ প্রদান করিবেন অথবা যাহাতে সহবিহারী ‘পরিক্খার’ পাইতে পারে তদ্বিষয়ে উৎসুক্য প্রকাশ করিবেন। যদি সহবিহারী পীড়িত হয় তাহা হইলে উপাধ্যায় প্রত্যুষে উঠিয়া তাকে দন্তকাষ্ঠ প্রদান করিবেন, মুখোদক (আচমনের জল) প্রদান করিবেন, তাহার জন্য আসন প্রস্তুত করিবেন। [অবশিষ্টাংশ উপাধ্যায়-ব্রত সদৃশ ।]

॥ সহবিহারীর-ব্রত সমাপ্ত ॥

(৩) সহবিহারীকে ‘প্রণমিত’ করিবার নিয়ম

১—(ক) সেই সময়ে সহবিহারী সম্যকভাবে উপাধ্যায়ের অনুবর্তী হইত না। ভিক্ষুদের মধ্যে যাঁহারা অশ্লোচ্ছু, সন্তুষ্টচিত্ত, লজ্জাসঙ্কোচশীল এবং শিশিক্ষু তাঁহারা আন্দোলন^৫ করিতে, নিন্দা^৬ করিতে এবং প্রকাশ্যে আপত্তি^৭ করিতে লাগিলেন—“কেন সহবিহারিগণ সম্যকভাবে উপাধ্যায়গণের অনুবর্তী হইতেছে না?” তখন তাঁহারা ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! সত্যই কি সহবিহারিগণ সম্যকভাবে উপাধ্যায়গণের অনুবর্তী হইতেছে না?”

১। পালিবাচনা;

২। পালিয়া অথবগ্ননা;

৩। অনোতিত্তো বখুস্মিং ‘ইদং করোহি’, ‘ইদং মা করিখ’তি বচনং;

৪। পুনপ্পন বচনং অনুসাসনি।—সম-পাসা।

৫। উজ্জায়ত্তি;

৬। খীযত্তি,

৭। বিপাচেত্তি।

“হাঁ, ভগবন্! তাহাই বটে।” ভগবান উক্ত কার্যের নিন্দা করিয়া এবং ধর্মকথা উত্থাপন করিয়া ভিক্ষুদিগকে আহ্বান করিলেন :—“হে ভিক্ষুগণ! সহবিহারী সম্যকভাবে উপাধ্যায়ের অনুবর্তী না হইয়া চলিতে পারিবে না, যে সম্যকভাবে অনুবর্তী না হইবে তাহার ‘দুষ্কট’ অপরাধ হইবে।”

(খ) তথাপি তাহারা সম্যকভাবে অনুবর্তী হইল না। ভিক্ষুগণ এই বিষয় ভগবানকে জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা প্রদান করিতেছি : যে সম্যকভাবে উপাধ্যায়ের অনুবর্তী হইবে না তাহাকে ‘প্রণমিত’ করিবে।”

হে ভিক্ষুগণ! এইভাবে ‘প্রণমিত’ করিতে হইবে। ‘তোমাকে ‘প্রণমিত’ করিতেছি’, ‘তুমি এইস্থানে আসিও না’, ‘তোমার পাত্রটীঘর ঘরের বাহির কর’ অথবা ‘তুমি আমার পরিচর্যা করিও না।’ এইভাবে কায়ে (দেহসঙ্কেতে), বাক্যে অথবা কায়ে এবং বাক্যে বিজ্ঞাপিত করিলে সহবিহারীকে ‘প্রণমিত’ করা হয়। কায়ে বিজ্ঞাপিত করে না, বাক্যে বিজ্ঞাপিত করে না, কায় এবং বাক্যে বিজ্ঞাপিত করে না, সেক্ষেত্রে সহবিহারী ‘প্রণমিত’ হইবে না।

২—(ক) সেই সময়ে সহবিহারী ‘প্রণমিত’ হইয়া ক্ষমা চাহিত না। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা দিতেছি : ক্ষমা চাহিতে হইবে।”

(খ) তথাপি তাহারা ক্ষমা চাহিল না। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! ‘প্রণমিত’ ভিক্ষু ক্ষমা না চাহিয়া পারিবে না, যে ক্ষমা চাহিবে না তাহার ‘দুষ্কট’ অপরাধ^১ হইবে।”

৩—(ক) সেই সময়ে উপাধ্যায় ক্ষমা চাহিলে ক্ষমা দিলেন না। ভিক্ষুগণ ভগবানকে এই বিষয় জানাইলেন! (ভগবান কহিলেন :—) “হে ভিক্ষুগণ! আমি অনুজ্ঞা প্রদান করিতেছি : উপাধ্যায়কে ক্ষমা করিতে হইবে।”

(খ) তথাপি উপাধ্যায় ক্ষমা করিলেন না। সহবিহারিগণ উপাধ্যায়ের নিকট হইতে প্রস্থান করিতে লাগিল, ভিক্ষু ত্যাগ করিল, তীর্থিকগণের নিকট চলিয়া যাইতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! উপাধ্যায় ক্ষমাপ্রার্থী সহবিহারীকে ক্ষমা না করিতে পারিবে না, যে ক্ষমা করিবে না তাহার ‘দুষ্কট’ অপরাধ হইবে।”

৪—(ক) সেই সময়ে উপাধ্যায় সম্যকভাবে অনুবর্তী সহবিহারীকে ‘প্রণমিত’ করিতে লাগিলেন অথচ সম্যকভাবে অননুবর্তী সহবিহারীকে ‘প্রণমিত’ করিলেন না। ভিক্ষুগণ! ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ!

^১। সাময়িক দণ্ডদান;

^২। ‘আপত্তি’।

সম্যকভাবে অনুবর্তী সহবিহারীকে ‘প্রণমিত’ করিতে পারিবে না। যে ‘প্রণমিত’ করিবে তাহার ‘দুষ্কট’ অপরাধ হইবে। হে ভিক্ষুগণ! সম্যকভাবে অননুবর্তী সহবিহারীকে ‘প্রণমিত’ না করিয়া পারিবে না, যে ‘প্রণমিত’ করিবে না তাহার ‘দুষ্কট’ অপরাধ হইবে।”

(খ) হে ভিক্ষুগণ! উপাধ্যায় পঞ্চগঙ্গ-বিকল সহবিহারীকে ‘প্রণমিত’ করিবে। পঞ্চগঙ্গ, যথা :—(১) উপাধ্যায়ের প্রতি যাহার অধিকমাত্রায় প্রেম নাই; (২) অধিকমাত্রায় যাহার প্রসাদ (শ্রদ্ধা) নাই; (৩) যে অধিকমাত্রায় লজ্জাশীল নহে; (৪) যে অধিকমাত্রায় গৌরব পোষণ করে না; (৫) যে অধিকমাত্রায় উপাধ্যায় সম্বন্ধে চিন্তা করে না। হে ভিক্ষুগণ! উপাধ্যায় এই পঞ্চগঙ্গ-বিকল সহবিহারীকে ‘প্রণমিত’ করিবে।

(গ) হে ভিক্ষুগণ! উপাধ্যায় পঞ্চগঙ্গ-সম্পন্ন সহবিহারীকে ‘প্রণমিত’ করিবে না। পঞ্চগঙ্গ, যথা :—(১) উপাধ্যায়ের প্রতি যাহার অধিকমাত্রায় প্রেম আছে; (২) অধিকমাত্রায় যাহার প্রসাদ (শ্রদ্ধা) আছে; (৩) যে অধিকমাত্রায় লজ্জাশীল; (৪) যে অধিকমাত্রায় গৌরব পোষণ করে; (৫) যে অধিকমাত্রায় উপাধ্যায় সম্বন্ধে চিন্তা করে। হে ভিক্ষুগণ! উপাধ্যায় এই পঞ্চগঙ্গ-সম্পন্ন সহবিহারীকে ‘প্রণমিত’ করিবে না।

(ঘ) হে ভিক্ষুগণ! পঞ্চগঙ্গ-বিকল সহবিহারীকে প্রণমিত করা একান্ত কর্তব্য। পঞ্চগঙ্গ, যথা :—(১) উপাধ্যায়ের প্রতি অধিকমাত্রায় যাহার প্রেম নাই; (২) অধিকমাত্রায় যাহার প্রসাদ নাই; (৩) যে অধিকমাত্রায় লজ্জাশীল নহে; (৪) যে অধিকমাত্রায় গৌরব পোষণ করে না; (৫) যে অধিকমাত্রায় উপাধ্যায় সম্বন্ধে চিন্তা করে না। হে ভিক্ষুগণ! এই পঞ্চগঙ্গ-বিকল সহবিহারীকে ‘প্রণমিত’ করা একান্ত কর্তব্য।

(ঙ) হে ভিক্ষুগণ! পঞ্চগঙ্গ-সম্পন্ন সহবিহারীকে ‘প্রণমিত’ করা নিতান্ত অনুচিত। পঞ্চগঙ্গ, যথা :—(১) উপাধ্যায়ের প্রতি যাহার অধিকমাত্রায় প্রেম আছে; (২) অধিকমাত্রায় যাহার প্রসাদ আছে; (৩) যে অধিকমাত্রায় লজ্জাশীল; (৪) যে অধিকমাত্রায় গৌরব পোষণ করে; (৫) যে উপাধ্যায় সম্বন্ধে অধিকমাত্রায় চিন্তা করে। হে ভিক্ষুগণ! এই পঞ্চগঙ্গ-সম্পন্ন সহবিহারীকে ‘প্রণমিত’ করা নিতান্ত অনুচিত।

(চ) হে ভিক্ষুগণ! পঞ্চগঙ্গ-বিকল সহবিহারীকে ‘প্রণমিত’ না করিলে উপাধ্যায় দোষগ্রস্থ হইবে এবং ‘প্রণমিত’ করিলে দোষগ্রস্থ হইবে না। পঞ্চগঙ্গ, যথা :—(১) উপাধ্যায়ের প্রতি অধিকমাত্রায় যাহার প্রেম নাই; (২) অধিকমাত্রায় যাহার প্রসাদ নাই; (৩) যে অধিকমাত্রায় লজ্জাশীল নহে; (৪) যে অধিকমাত্রায় গৌরব পোষণ করে না; (৫) যে উপাধ্যায় সম্বন্ধে অধিকমাত্রায় চিন্তা করে না। হে ভিক্ষুগণ! এই পঞ্চগঙ্গ-বিকল সহবিহারীকে ‘প্রণমিত’ না করিলে উপাধ্যায় দোষগ্রস্থ হইবে এবং ‘প্রণমিত’ করিলে দোষগ্রস্থ হইবে না।

(ছ) হে ভিক্ষুগণ! পঞ্চগঙ্গ-সম্পন্ন সহবিহারীকে ‘প্রণমিত’ করিলে উপাধ্যায় দোষগ্রস্থ হইবে এবং প্রণমিত না করিলে দোষগ্রস্থ হইবে না। পঞ্চগঙ্গ, যথা :— (১) উপাধ্যায়ের প্রতি যাহার অধিকমাত্রায় প্রেম আছে; (২) অধিকমাত্রায় যাহার প্রসাদ আছে; (৩) অধিকমাত্রায় যে লজ্জাশীল; (৪) যে অধিকমাত্রায় গৌরব পোষণ করে; (৫) যে উপাধ্যায় সম্বন্ধে অধিকমাত্রায় চিন্তা করে। হে ভিক্ষুগণ! এই পঞ্চগঙ্গ-সম্পন্ন সহবিহারীকে ‘প্রণমিত’ করিলে উপাধ্যায় দোষগ্রস্থ হইবে এবং ‘প্রণমিত’ না করিলে দোষগ্রস্থ হইবে না’।

(৪) ত্রিশরণ দানে প্রব্রজ্যা-বিধি প্রত্যাহার

সেই সময়ে (রাধ নামে) জনৈক ব্রাহ্মণ ভিক্ষুদিগের নিকট উপস্থিত হইয়া প্রব্রজ্যা প্রার্থনা করিলেন। ভিক্ষুগণ তাঁহাকে প্রব্রজ্যা প্রদান করিতে ইচ্ছা করিলেন না। তিনি ভিক্ষুদের নিকট প্রব্রজ্যা লাভ করিতে না পারিয়া কৃশ, রুক্ষ, দুর্বর্ণ, পাণ্ডুরজাত হইলেন এবং তাঁহার গাত্রে শিরাসমূহ স্ফুট হইল। ভগবান সেই ব্রাহ্মণকে কৃশ, রুক্ষ, দুর্বর্ণ, পাণ্ডুরজাত এবং শিরাজাল বিস্তৃত অবস্থায় দেখিতে পাইলেন, দেখিয়া ভিক্ষুগণকে আহ্বান করিলেন “হে ভিক্ষুগণ! এই ব্রাহ্মণ কেন কৃশ, রুক্ষ, দুর্বর্ণ, পাণ্ডুরজাত হইয়াছে এবং কেনইবা তাহার গাত্রে শিরাসমূহ বিস্তৃত হইয়াছে?”

“প্রভো! এই ব্রাহ্মণ ভিক্ষুদের নিকট উপস্থিত হইয়া প্রব্রজ্যা প্রার্থনা করিয়াছিলেন, ভিক্ষুগণ তাঁহাকে প্রব্রজ্যা প্রদানে ইচ্ছা করেন নাই। ব্রাহ্মণ ভিক্ষুদের নিকট প্রব্রজ্যা লাভ করিতে না পারিয়া কৃশ, রুক্ষ, দুর্বর্ণ, পাণ্ডুরজাত হইয়াছেন এবং তাঁহার গাত্রে শিরাজাল বিস্তৃত হইয়াছে।” অতঃপর ভগবান ভিক্ষুগণকে আহ্বান করিলেন :—

১। যাহারা অননুবর্তী তাহারা ‘চীবর রঞ্জিত করা’ পর্য্যন্ত ব্রত সম্পাদন না করিলে উপাধ্যায়ের পরিহানি হয়, এই হেতু যে উক্ত ব্রত সম্পাদন না করিবে সে আশ্রয় মুক্ত হউক বা না হউক তাহার অপরাধই হইবে। ‘কাহাকেও পাত্র দিবে না’ এই হইতে আশ্রয় অমুক্ত সহবিহারীরই অপরাধ হয়, আশ্রয়মুক্তের অপরাধ হয় না। যদি সহবিহারী অনুবর্তী হয় কিন্তু উপাধ্যায় অনুবর্তী না হন তাহা হইলে উপাধ্যায়ের অপরাধ হয়। যদি উপাধ্যায় অনুবর্তী হন কিন্তু সহবিহারী অনুবর্তী না হয় তাহা হইলে সহবিহারীরই অপরাধ। যদি উপাধ্যায় বহু সহবিহারীর ব্রত (সেবা) গ্রহণ করেন তাহা হইলে তাহারা ব্রতপূরণ না করিলে সকলের অপরাধ হয়। যদি উপাধ্যায় কহেন, ‘আমার সেবক আছে তোমরা স্ব স্ব শিক্ষা এবং ধ্যানাদিতে উদ্যমশীল হও’ তাহা হইলে সহবিহারিগণের অপরাধ হইবে না। যদি উপাধ্যায় সেবা গ্রহণ অগ্রহণ সম্বন্ধে অনভিজ্ঞ হন, সহবিহারীও অনেক থাকে এবং তন্মধ্যে জনৈক ব্রত পূরক ভিক্ষু ‘উপাধ্যায়ের কার্য্য আমি সমাধা করিব, আপনারা তদ্বিষয়ে ঔৎসুক্য প্রকাশ করিবেন না’ এই বলিয়া ভার গ্রহণ করে তাহা হইলে তাহার ভার গ্রহণ দিবস হইতে সমগ্র সহবিহারীরই অপরাধ হইবে না।—সম-পাসা।

“হে ভিক্ষুগণ! এই ব্রাহ্মণের ‘অধিকার’ (কৃত উপকার) কে স্মরণ কর?”
আয়ুষ্মান শারীপুত্র কহিলেন—“প্রভো! তাঁহার কৃত উপকার আমি স্মরণ করি।”

“শারীপুত্র! তুমি ব্রাহ্মণের কোন্ উপকার স্মরণ কর?”

“প্রভো! আমি একদিন রাজগৃহে ভিক্ষান্ন সংগ্রহে বিচরণ করিবার সময় এই ব্রাহ্মণ আমাকে এক চামচ ভিক্ষা প্রদান করাইয়াছিলেন। প্রভো! আমি ব্রাহ্মণের এই উপকার স্মরণ করিতেছি।”

“সাদু, সাদু, শারীপুত্র! সৎপুরুষগণ কৃতজ্ঞ ও কৃতবিদ হইয়া থাকেন। শারীপুত্র! তাহা হইলে তুমি এই ব্রাহ্মণকে প্রব্রজ্যা প্রদান কর, উপসম্পদা প্রদান কর।”

“প্রভো! আমি ব্রাহ্মণকে কিরূপে প্রব্রজ্যা প্রদান করিব এবং কিরূপেই বা উপসম্পদা প্রদান করিব?”

অনন্তর ভগবান ধর্মকথা উত্থাপন করিয়া ভিক্ষুদিগকে আহ্বান করিলেন—“হে ভিক্ষুগণ! আমি পূর্বের ত্রিশরণ দানে উপসম্পদা প্রদান করিবার যেই অনুজ্ঞা প্রদান করিয়াছিলাম তাহা অদ্য হইতে প্রত্যাহার করিলাম। হে ভিক্ষুগণ! আমি অনুজ্ঞা করিতেছি : ‘জ্ঞপ্তি চতুর্থ কর্ম’^১ দ্বারা উপসম্পদা প্রদান করিবে।”

হে ভিক্ষুগণ! এইভাবে উপসম্পদা প্রদান করিতে হইবে : দক্ষ ও সমর্থ ভিক্ষু সজ্জকে এইরূপে প্রার্থনা জ্ঞাপন করিবে :—

জ্ঞপ্তি—‘মাননীয় সজ্জ! আমার প্রস্তাব শ্রবণ করুন। অমুক নামীয় ব্যক্তি অমুক নামীয় আয়ুষ্মানের^২ নিকট উপসম্পদাপ্রার্থী হইয়াছেন। যদি সজ্জ উচিত মনে করেন, তাহা হইলে সজ্জ এই নামীয় ব্যক্তিকে উপসম্পদা প্রদান করিতে পারেন অমুক নামীয় ভিক্ষুর উপাধ্যায়ত্বে। ইহাই জ্ঞপ্তি (প্রস্তাব-জ্ঞাপনা)।”

অনুশ্রবণ—(১) “মাননীয় সজ্জ! আমার প্রস্তাব শ্রবণ করুন। অমুক নামীয় ব্যক্তি অমুক নামীয় আয়ুষ্মানের নিকট উপসম্পদাপ্রার্থী হইয়াছেন। সজ্জ এই নামীয় ব্যক্তিকে উপসম্পদা প্রদান করিতেছেন অমুকনামীয় ভিক্ষুর উপাধ্যায়ত্বে। এই নামীয় ব্যক্তির উপসম্পদা-লাভ যে আয়ুষ্মান কর্তৃক যোগ্য বিবেচিত হয় তিনি মৌন থাকিবেন এবং যিনি যোগ্য বিবেচনা না করেন তিনি তাঁহার বক্তব্য ভাষায় প্রকাশ করিবেন।” (২) দ্বিতীয়বারও এইকথা বলিতেছি—“মাননীয় সজ্জ! আমার প্রস্তাব শ্রবণ করুন। অমুকনামীয় ব্যক্তি অমুকনামীয় আয়ুষ্মানের নিকট উপসম্পদাপ্রার্থী হইয়াছেন। সজ্জ এই নামীয় ব্যক্তিকে উপসম্পদা প্রদান করিতেছেন অমুকনামীয়

^১। একবার জ্ঞপ্তি স্থাপন এবং তিনবার অনুশ্রবণ করিয়া যেই কার্য করা হয় তাহাকে ‘জ্ঞপ্তিচতুর্থকর্ম’ বলে।

^২। অমুক নামীয় ব্যক্তি এবং আয়ুষ্মানের স্থানে উপসম্পদা প্রার্থী এবং উপাধ্যায়ের প্রকৃত নাম উল্লেখ করা যাইতে পারে। প্রায়ই ‘নাগ’ এবং ‘তিষ্য’ নামক কাল্পনিক নাম ব্যবহৃত হইয়া থাকে।

উপাধ্যায়ত্বে। এই নামীয় ব্যক্তির উপসম্পদা-লাভ যে আয়ুত্মান কর্তৃক যোগ্য বিবেচিত হয় তিনি মৌন থাকিবেন এবং যিনি যোগ্য বিবেচনা না করেন তিনি তাঁহার বক্তব্য ভাষায় প্রকাশ করিবেন।” (৩) তৃতীয়বারও এইকথা বলিতেছি—“মাননীয় সজ্ঞ! আমার প্রস্তাব শ্রবণ করুন। অমুকনামীয় ব্যক্তি অমুকনামীয় আয়ুত্মানের নিকট উপসম্পদা-প্রার্থী হইয়াছেন। সজ্ঞ এই নামীয় ব্যক্তিকে উপসম্পদা প্রদান করিতেছেন অমুকনামীয় আয়ুত্মানের উপাধ্যায়ত্বে। এই নামীয় ব্যক্তির উপসম্পদা-লাভ যে আয়ুত্মান কর্তৃক যোগ্য বিবেচিত হয় তিনি মৌন থাকিবেন এবং যিনি যোগ্য বিবেচনা না করেন তিনি তাঁহার বক্তব্য ভাষায় প্রকাশ করিবেন।”

ধারণা—“সজ্ঞ কর্তৃক এই নামীয় ব্যক্তি উপসম্পন্ন হইলেন অমুকনামীয় আয়ুত্মানের উপাধ্যায়ত্বে। প্রস্তাব সঙ্গত মনে করিয়া সজ্ঞ মৌন আছেন,—আমি এইরূপ মনে করিতেছি।”

(৫) উপসম্পদা-কর্ম পদ্ধতি

১—সেই সময়ে জনৈক ভিক্ষু উপসম্পদা লাভের পর অনাচার করিতে আরম্ভ করিলেন। ভিক্ষুগণ কহিলেন, ‘বন্ধো! এইরূপ করিবেন না, এরূপ করা উচিত নহে।’ তিনি বলিলেন, ‘আমি আয়ুত্মানের নিকট যাচঞা করি নাই যে, আমাকে উপসম্পদা প্রদান করুন। কেন আপনারা অযাচিত হইয়া আমাকে উপসম্পদা প্রদান করিয়াছেন?’ ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! অযাচিত হইয়া কাহাকেও উপসম্পদা প্রদান করিতে পারিবে না, যে উপসম্পদা প্রদান করিবে তাহার ‘দুষ্কট’ অপরাধ হইবে। হে ভিক্ষুগণ! আমি অনুজ্ঞা করিতেছি : যাচিত হইয়াই উপসম্পদা প্রদান করিবে।”

২—উপসম্পদা যাচঞা—“হে ভিক্ষুগণ! এইরূপেই উপসম্পদা যাচঞা করিতে হইবে : উপসম্পদাকামী ব্যক্তি সজ্ঞের নিকট উপস্থিত হইয়া, উত্তরাসঙ্গ একাংশে স্থাপন করিয়া, উপস্থিত ভিক্ষুদিগের পদ বন্দনা করিয়া, ‘উৎকট-ভাবে’ বসিয়া, কৃতাজ্জলি হইয়া এরূপ বলিবে :—“মাননীয় সজ্ঞের নিকট আমি উপসম্পদা যাচঞা করিতেছি, মাননীয় সজ্ঞ অনুকম্পাপূর্বক আমাকে উদ্ধার করুন।” [দ্বিতীয়বার, তৃতীয়বারও এইরূপে যাচঞা করিতে হইবে।]

দক্ষ, সমর্থ ভিক্ষু সজ্ঞকে এইরূপে প্রার্থনা জ্ঞাপন করিবে :

জ্ঞপ্তি—“মাননীয় সজ্ঞ! আমার প্রস্তাব শ্রবণ করুন। অমুকনামীয় ব্যক্তি অমুকনামীয় আয়ুত্মানের নিকট উপসম্পদাকামী হইয়াছেন। এই নামীয় ব্যক্তি সজ্ঞের নিকট উপসম্পদা যাচঞা করিতেছেন অমুকনামীয় আয়ুত্মানের উপাধ্যায়ত্বে।

যদি সজ্ঞ উচিত মনে করেন তাহা হইলে সজ্ঞ তাঁহাকে উপসম্পদা প্রদান করিতে পারেন উক্ত নামীয় আয়ুস্মানের উপাধ্যায়ত্বে। ইহাই জ্ঞপ্তি।”

অনুশ্রাবণ—“মাননীয় সজ্ঞ! আমার প্রস্তাব শ্রবণ করুন। অমুকনামীয় ব্যক্তি অমুকনামীয় আয়ুস্মানের নিকট উপসম্পদাকামী হইয়াছেন। এই নামীয় ব্যক্তি সজ্ঞের নিকট উপসম্পদা যাচঞা করিতেছেন অমুকনামীয় আয়ুস্মানের উপাধ্যায়ত্বে। সজ্ঞ এই নামীয় ব্যক্তিকে উপসম্পদা প্রদান করিতেছেন উক্ত নামীয় আয়ুস্মানের উপাধ্যায়ত্বে। এই নামীয় ব্যক্তির উপসম্পদালাভ যে আয়ুস্মান কর্তৃক যোগ্য বিবেচিত হয় তিনি মৌন থাকিবেন এবং যিনি যোগ্য বিবেচনা না করেন তিনি তাঁহার বক্তব্য ভাষায় প্রকাশ করিবেন।” [দ্বিতীয়, তৃতীয়বারও এরূপ বলিতে হইবে।]

ধারণা—“সজ্ঞ কর্তৃক এই নামীয় ব্যক্তি উপসম্পন্ন হইলেন অমুক নামীয় আয়ুস্মানের উপাধ্যায়ত্বে। প্রস্তাব সঙ্গত মনে করিয়া সজ্ঞ মৌন আছেন,—আমি এইরূপ ধারণা করিতেছি।”

(৬) ভিক্ষুর চতুর্বিধ আশ্রয়

সেই সময়ে রাজগৃহে উত্তম আহারের ‘পালা’ চলিতেছিল। জনৈক ব্রাহ্মণ ভাবিল, ‘সুখশীলী, সুখবিহারী এই শাক্যপুত্রীয় শ্রমণগণ সুস্বাদুভোজ্য ভোজন করিয়া নিরলস্বেগে শয্যা শয়ন করেন। অতএব আমিও শাক্যপুত্রীয় শ্রমণগণের নিকট প্রব্রজ্যা গ্রহণ করিব।’ এই ভাবিয়া সেই ব্রাহ্মণ ভিক্ষুদিগের নিকট উপস্থিত হইয়া প্রব্রজ্যা যাচঞা করিল। তাহাকে ভিক্ষুগণ প্রব্রজ্যা প্রদান করিলেন, উপসম্পদাও প্রদান করিলেন। তাহার প্রব্রজ্যালাভের পর ঐ আহারের ‘পালা’ বন্ধ হইল। ভিক্ষুগণ তাহাকে কহিলেন, “বন্ধো! এস, ভিক্ষান্ন সংগ্রহের জন্য গমন করিব।” সে বলিল, “বন্ধুগণ! আমি ভিক্ষাচর্য্যার জন্য প্রব্রজিত হই নাই। যদি আপনারা আমাকে আহার্য্য প্রদান করেন তাহা হইলে ভোজন করিব, যদি প্রদান না করেন, তাহা হইলে ভিক্ষুত্ব ত্যাগ করিব।”

“বন্ধো! আপনি কি উদরপূর্তির জন্যই প্রব্রজিত হইয়াছেন?”

“হাঁ, বন্ধো! তাহাই বটে।”

যেই ভিক্ষুগণ অল্লেখ্য তাঁহারা আন্দোলন করিতে, নিন্দা করিতে এবং প্রকাশ্যে আপত্তি করিতে লাগিলেন—“কেন ভিক্ষু এইরূপ সু-আখ্যাত ধর্ম্ম-বিনয়ে (বুদ্ধ-শাসনে) উদরপূর্তির জন্য প্রব্রজিত হইতে পারেন?” ভিক্ষুগণ ভগবানকে এই বিষয় জানাইলেন। (ভগবান কহিলেন :—) “ভিক্ষু! সত্যই কি তুমি উদরপূর্তির জন্য প্রব্রজিত হইয়াছ?”

“হাঁ, ভগবন্! তাহাই বটে।”

ভগবান ইহা নিতান্ত গর্হিত বলিয়া প্রকাশ করিলেন : “মোঘপুরুষ! কেন তুমি এই সু-আখ্যাত ধর্মবিনয়ে উদরপূর্তির জন্য প্রব্রজিত হইয়াছ? তোমার এই কার্য্যে অপ্রসন্নের (অশ্রদ্ধের) মধ্যে প্রসাদ উৎপাদন অথবা প্রসন্নের মধ্যে প্রসাদ বর্দ্ধিত করিতে পারে না।”

ভগবান ঐ ভিক্ষুর নিন্দা করিয়া, ধর্মকথা উত্থাপন করিয়া, ভিক্ষুগণকে আহ্বান করিলেন :—“হে ভিক্ষুগণ! আমি অনুজ্ঞা করিতেছি : তোমরা উপসম্পদা (ভিক্ষু-দীক্ষা) প্রদানের সময় নিম্নোক্ত চারি আশ্রয়ের কথা উল্লেখ করিবে :—(১) ভিক্ষান্ন মাত্র সম্বল স্বরূপ করিবার জন্যই তোমারা প্রব্রজ্যা; এই বিষয়ে তুমি যাবজ্জীবন উৎসাহান্বিত থাকিবে। তোমার পক্ষে অতিরিক্ত ভোজন সম্বল হইতে পারে সজ্জভোজন^১, উদ্দিষ্টভোজন^২, নিমন্ত্রণ^৩, শলাকভোজন^৪, পাক্ষিক ভোজন^৫, উপবসথ ভোজন^৬, এবং প্রাতিপদিক ভোজন^৭। (২) পাংশুকূল^৮ চীবর মাত্র আচ্ছাদন সম্বল করিবার জন্যই তোমার প্রব্রজ্যা; এই বিষয়ে তুমি যাবজ্জীবন উৎসাহান্বিত থাকিবে। তোমার পক্ষে অতিরিক্ত আচ্ছাদন সম্বল হইতে পারে ক্ষৌমবস্ত্র, কার্পাসবস্ত্র, কৌষেয়বস্ত্র, কম্বল, পট্টবস্ত্র এবং ভঙ্গ (বৃক্ষ-তৃকে প্রস্তুত) বস্ত্র। (৩) বৃক্ষমূল (তরুতল) মাত্র শয্যাসন^৯ সম্বল করিবার জন্যই তোমার প্রব্রজ্যা; এই বিষয়ে তুমি যাবজ্জীবন উৎসাহান্বিত থাকিবে। তোমার পক্ষে অতিরিক্ত শয্যাসন সম্বল হইতে পারে বিহার, অর্দ্ধযোগ^{১০}, প্রাসাদ, হর্ম্য এবং গুহা। (৪) পুতিমূত্র (গোমূত্র) ভৈষজ্য সম্বল করিবার জন্যই তোমার প্রব্রজ্যা; এই বিষয়ে তোমাকে যাবজ্জীবন উৎসাহান্বিত থাকিতে হইবে। তোমার পক্ষে অতিরিক্ত ভৈষজ্য সম্বল হইতে পারে চর্বি, তৈল, নবনীত, মধু এবং খাঁড় (শক্ত গুড়)।

॥ উপাধ্যায়-ব্রত ভণিতা সমাপ্ত ॥

^১। ভিক্ষুসঙ্ঘের উদ্দেশ্যে প্রদত্ত ভোজন;

^২। মৃত পূর্বপুরুষের উদ্দেশ্যে প্রদত্ত ভোজন (শ্রাদ্ধোপলক্ষে প্রদত্ত ভোজন);

^৩। সাধারণভাবে প্রদত্ত ভোজন;

^৪। শলাকা (টিকেট) দ্বারা প্রদত্ত ভোজন;

^৫। পক্ষান্তে প্রদত্ত ভোজন;

^৬। উপোসথ দিবসে প্রদত্ত ভোজন;

^৭। প্রতিপদ দিবসে প্রদত্ত ভোজন;

^৮। আবর্জনা স্তুপ হইতে কুড়ানো বস্ত্রে প্রস্তুত চীবর;

^৯। বাসস্থান;

^{১০}। গরুড়াকৃতি গৃহ।

(৭) উপসম্পদা দানের অযোগ্য উপাধ্যায়

সেই সময়ে জনৈক মানব (ব্রাহ্মণ যুবক) ভিক্ষুদিগের নিকট আসিয়া প্রব্রজ্যা প্রার্থনা করিল। ভিক্ষুগণ প্রব্রজ্যাদানের পূর্বেই তাহাকে প্রব্রজ্যার চারি আশ্রয় জানাইলেন। মানব কহিল, যদি মাননীয় ভিক্ষুগণ আমাকে প্রব্রজ্যাদানের পূর্বে আশ্রয় সমূহ না জানাইতেন, তাহা হইলে আমি আনন্দিত হইতাম। এখন কিন্তু আমি প্রব্রজিত হইব না। যেহেতু কথিত আশ্রয়সমূহ আমার পক্ষে রুচিবিগর্হিত এবং আমার স্বভাবের প্রতিকূল।

ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—) “হে ভিক্ষুগণ! প্রব্রজ্যাদানের পূর্বে আশ্রয়সমূহ জানাইতে পারিবে না, যদি কেহ জানায় তাহার ‘দুষ্কট’ অপরাধ হইবে। হে ভিক্ষুগণ! আমি অনুজ্ঞা করিতেছি : উপসম্পদাদানের অব্যবহিত পরে আশ্রয় সমূহ জ্ঞাপন করিবে।”

সেই সময়ে মাত্র দুইজন, তিনজন কিংবা চারিজন ভিক্ষু মিলিত হইয়া উপসম্পদা প্রদান করিতেন। ভিক্ষুগণ এই বিষয় ভগবানকে জানাইলেন। (ভগবান কহিলেন :—) “হে ভিক্ষুগণ! দশজনের কম হইলে ভিক্ষুগণ উপসম্পদা দান করিতে পারিবে না। যদি কেহ উপসম্পদা প্রদান করে তাহার ‘দুষ্কট’ অপরাধ হইবে। হে ভিক্ষুগণ! আমি অনুজ্ঞা করিতেছি : দশজন অথবা দশাধিক ভিক্ষু মিলিত হইয়া উপসম্পদা প্রদান করিবে।”

সেই সময়ে যাঁহাদের বয়স মাত্র একবৎসর কিংবা দুইবৎসর এইরূপ ভিক্ষুগণও সহবিহারীকে উপসম্পদা প্রদান করিতেন। বঙ্গান্তপুত্র আয়ুষ্মান উপসেন ভিক্ষুর বর্ষ গণনায় যখন তাঁহার বয়স মাত্র এক বৎসর^১ তখন সহবিহারীকে উপসম্পদা প্রদান করিলেন। বর্ষাবাসব্রত উদ্‌যাপন করিয়া যখন তিনি স্বয়ং মাত্র দুইবৎসর বয়স্ক হইলেন তখন তিনি তাঁহার একবৎসর বয়স্ক সহবিহারীকে সঙ্গে করিয়া ভগবানের নিকট উপস্থিত হইলেন, উপস্থিত হইয়া ভগবানকে অভিবাদন করিয়া একান্তে উপবেশন করিলেন। অভ্যাগত ভিক্ষুদিগকে কুশলপ্রশ্নাদি জিজ্ঞাসা করা বুদ্ধগণের রীতি। ভগবান বঙ্গান্তপুত্র আয়ুষ্মান উপসেনকে কহিলেন : “হে ভিক্ষুগণ! তোমরা নিরুপদ্রবে আছ ত? সুখে দিনযাপন করিতেছ ত? দীর্ঘপথ আসিতে তোমাদের বিশেষ কষ্ট হয় নাই ত?”

“ভগবন্! আমরা নিরুপদ্রবে আছি, সুখে দিনযাপন করিতেছি এবং দীর্ঘপথ আসিতে আমাদের বিশেষ কষ্ট হয় নাই।”

তথাগতগণ জানিয়াও কোন কোন বিষয় জিজ্ঞাসা করেন, আবার কোন কোন বিষয় জানিয়া জিজ্ঞাসা করেন না। তথাগতগণ সময় বুঝিয়া কোন কোন বিষয়

^১। যেইদিন ভিক্ষুত্ব গ্রহণ করা হয় সেইদিন হইতেই ভিক্ষুর বয়স গণনা করা হয়, জন্ম দিবস হইতে নহে।

জিজ্ঞাসা করেন, আবার সময় বুঝিয়া কোন কোন বিষয় জিজ্ঞাসা করেন না। তথাগতগণ অর্থযুক্ত বিষয় জিজ্ঞাসা করেন নিরর্থক বিষয় নহে; নিরর্থক আলাপে তথাগতের সকল প্রবৃত্তি সমূলে বিনষ্ট হইয়াছে। বুদ্ধগণ দ্বিবিধ কারণে ভিক্ষুদিগকে প্রশ্ন জিজ্ঞাসা করেন : (১) ধর্মোপদেশ প্রদান করিবার উদ্দেশ্যে অথবা (২) শ্রাবকগণের জন্য শিক্ষাপদ নির্দিষ্ট করিবার উদ্দেশ্যে। ভগবান আয়ুত্মান বঙ্গান্তপুত্র উপসেনকে কহিলেন,—“ভিক্ষু! তোমার বয়স কত?” “ভগবন্! আমার বয়স দুই বৎসর হইয়াছে।” “এই ভিক্ষুর বয়স কত হইয়াছে?” “এক বৎসর।” “এই ভিক্ষু তোমার কে হয়?” “এ আমার সহবিহারী।”

ভগবান তাহা নিতান্ত গর্হিত বলিয়া প্রকাশ করিলেন :—“মোঘপুরুষ! তাহা তোমার পক্ষে অননুরূপ, অননুযায়ী, অপ্রতিকূপ, অশ্রমগোচিত, অবিধেয় এবং অকার্য্য হইয়াছে। তুমি নিজে উপদেশ এবং অনুশাসনের যোগ্য হইয়া কেন অপরকে উপদেশ ও অনুশাসন প্রদান করিতে অভিলাষী হইয়াছ? অতি শীঘ্রই যে তুমি দলপুষ্টিরূপ বাহুল্যে আবর্তিত হইয়াছ! মোঘপুরুষ! তোমার এই কার্য্যে অপসন্নদের মধ্যে প্রসাদ উৎপন্ন অথবা।” ভগবান এইভাবে নিন্দা করিয়া, ধর্মকথা উত্থাপন করিয়া, ভিক্ষুদিগকে আহ্বান করিলেন :—“হে ভিক্ষুগণ! দশবৎসরের কম বয়স্ক ভিক্ষু স্বয়ং উপাধ্যায় হইয়া অপরকে উপসম্পদা প্রদান করিতে পারিবে না, যদি কেহ উপসম্পদা প্রদান করে তাহার ‘দুষ্কট’ অপরাধ হইবে। আমি অনুজ্ঞা করিতেছি : দশ কিংবা দশাধিক বয়স্ক ভিক্ষুই স্বয়ং উপাধ্যায় হইয়া অপরকে উপসম্পদা প্রদান করিতে পারিবে।”

সেই সময়ে ‘আমার বয়স দশ বৎসর হইয়াছে’, ‘দশ বৎসর হইয়াছে’ ভাবিয়া অদক্ষ ও অসমর্থ ভিক্ষুগণ উপসম্পদা প্রদান করিতেছিলেন। দেখা গেল উপাধ্যায় অজ্ঞ, সহবিহারী পণ্ডিত; উপাধ্যায় অসমর্থ, সহবিহারী সমর্থ; উপাধ্যায় অল্পশ্রুত, সহবিহারী বহুশ্রুত; উপাধ্যায় অপ্রাজ্ঞ, সহবিহারী প্রাজ্ঞ। জনৈক তীর্থিক উপাধ্যায় কর্তৃক সহবিহারীর আচরণীয় ধর্ম উপদিষ্ট হইলে উপাধ্যায়ের উপর দোষারোপ করিয়া পূর্বতীর্থিক আশ্রমে চলিয়া গেল। ভিক্ষুদের মধ্যে যাঁহারা অল্লেখ্য তাঁহারা আন্দোলন, নিন্দা এবং প্রকাশ্যে আপত্তি করিতে লাগিলেন :—“আমার বয়স ‘দশ বৎসর হইয়াছে’, ‘দশ বৎসর হইয়াছে’ ভাবিয়া কেন অদক্ষ ও অসমর্থ ভিক্ষুগণ উপসম্পদা দিতেছে? দেখা যাইতেছে উপাধ্যায় অজ্ঞ, সহবিহারী পণ্ডিত; উপাধ্যায় অসমর্থ, সহবিহারী সমর্থ; উপাধ্যায় অল্পশ্রুত, সহবিহারী বহুশ্রুত; উপাধ্যায় অপ্রাজ্ঞ, সহবিহারী প্রাজ্ঞ।” তাঁহারা ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! সত্যই কি অদক্ষ ও অসমর্থ ভিক্ষুগণ ‘আমার বয়স দশ বৎসর হইয়াছে’, ‘দশ বৎসর হইয়াছে’ ভাবিয়া উপসম্পদা প্রদান করিতেছে,

^১। ভিন্ন সম্প্রদায়ের সন্ন্যাসী।

দেখা যাইতেছে উপাধ্যায় অজ্ঞ, সহবিহারী পণ্ডিত; উপাধ্যায় অবিশারদ, সহবিহারী বিশারদ; উপাধ্যায় অল্পশ্রুত, সহবিহারী বহুশ্রুত; উপাধ্যায় অপ্রাজ্ঞ, সহবিহারী প্রাজ্ঞ?”

“হাঁ, ভগবন্! তাহাই বটে।”

ভগবান তাহা নিতান্ত গর্হিত বলিয়া প্রকাশ করিলেন :—হে ভিক্ষুগণ! কেন অদক্ষ ও অসমর্থ মোঘপুরুষগণ ‘আমার বয়স দশ বৎসর হইয়াছে’, ‘দশ বৎসর হইয়াছে’ ভাবিয়া উপসম্পদা দিতেছে? দেখা যাইতেছে উপাধ্যায় অজ্ঞ অপ্রাজ্ঞ। হে ভিক্ষুগণ! এই কার্যে অপ্রসন্নদের মধ্যে প্রসাদ উৎপন্ন ভগবান এইভাবে নিন্দা করিয়া, ধর্মকথা উত্থাপন করিয়া ভিক্ষুদিগকে আহ্বান করিলেন :—

“হে ভিক্ষুগণ! অদক্ষ ও অসমর্থ ভিক্ষুগণ! উপাধ্যায় হইয়া কাহাকেও উপসম্পদা প্রদান করিতে পারিবে না, যদি কেহ উপসম্পদা প্রদান করে তাহার ‘দুষ্কট’ অপরাধ হইবে। হে ভিক্ষুগণ! আমি অনুজ্ঞা করিতেছি : দক্ষ ও সমর্থ দশ কিংবা দশাধিক বৎসর বয়স্ক ভিক্ষুই উপসম্পদা প্রদান করিবে।”

(৮) আচার্যের ব্রত

সেই সময়ে উপাধ্যায় বিহার হইতে অন্যত্র প্রস্থান করিলেও, ভিক্ষুত্ব পরিত্যাগ করিলেও, কালপ্রাপ্ত হইলেও, তীর্থিকাশ্রমে চলিয়া গেলেও, ভিক্ষুগণ আচার্য্য অভাবে উপদেশ ও অনুশাসনের অভাবে, অশোভনভাবে চীবর পরিধান করিয়া, অশোভনভাবে দেহ আচ্ছাদিত করিয়া, অসৌষ্ঠবভাবে ভিক্ষান্নের জন্য বিচরণ করিতেন। যখন লোকেরা ভোজনে রত তখন তাহাদের ভোজনের উপরে, খাদ্য-ভোজ্য লেহ্যপেয়ের উপর ‘উত্তিট্ট’ পাত্র উপনমিত করিতেন। স্বয়ং অন্ন ব্যঞ্জন যাচঞা করিয়া ভোজন করিতেন। ভোজনের সময়ও উচ্চশব্দ মহাশব্দ করিতেন। জনসাধারণ এই বিষয়ে আন্দোলন, নিন্দা এবং প্রকাশ্যে দুর্নাম প্রচার করিতে লাগিল :—“কেন শাক্যপুত্রীয় শ্রমণগণ অশোভনভাবে চীবর পরিধান করিয়া, অশোভনভাবে দেহ আচ্ছাদিত করিয়া, অসৌষ্ঠবভাবে ভিক্ষান্নের জন্য বিচরণ করে, কেনই বা তাহারা যখন লোকেরা ভোজনে রত তখন তাহাদের ভোজনের উপর, খাদ্য-ভোজ্য লেহ্যপেয়ের উপর ‘উত্তিট্ট’ পাত্র উপনমিত করে, কেনই বা স্বয়ং অন্ন ব্যঞ্জন যাচঞা করিয়া ভোজন করে, কেনই বা ভোজনের সময় উচ্চশব্দ মহাশব্দ করে, যেমন ব্রাহ্মণ ভোজনের সময় ব্রাহ্মণেরা করিয়া থাকে?”

ভিক্ষুগণ! শুনিতে পাইলেন যে, জনসাধারণ এইরূপ আন্দোলন, নিন্দা এবং দুর্নাম প্রচার করিতেছে। ভিক্ষুদের মধ্যে যাহারা অল্পেচ্ছু সন্তুষ্টচিত্ত লজ্জাসঙ্কোচশীল এবং শিশিক্ষু তাহারাও আন্দোলন, নিন্দা এবং প্রকাশ্যে আপত্তি করিতে লাগিলেন :—“কেন ভিক্ষুগণ অশোভনভাবে চীবর পরিধান করিয়া, অশোভনভাবে

দেহ আচ্ছাদিত করিয়া, অসৌষ্ঠবভাবে ভিক্ষান্নের জন্য বিচরণ করে, কেনই বা তাহারা যখন লোকেরা ভোজনে রত, তখন তাহাদের ভোজনের উপর, খাদ্য-ভোজ্য লেহ্যপেয়ের উপর ‘উত্তিষ্ঠ’ পাত্র উপনমিত করে, কেনই বা স্বয়ং অন্ন ব্যঞ্জন যাচঞা করিয়া ভোজন করে এবং কেনই বা ভোজনের সময় উচ্চশব্দ মহাশব্দ করে?” তখন তাহারা ভগবানকে এই বিষয় জানাইলেন।

ভগবান এই নিদানে (সম্বন্ধে) এবং এই প্রকরণে (প্রসঙ্গে) ভিক্ষু-সঙ্ঘকে সমবেত করাইয়া ভিক্ষুদিগকে জিজ্ঞাসা করিলেন :—“হে ভিক্ষুগণ! সত্যই কি ভিক্ষু অশোভন পরিহিত হইয়া, অশোভনভাবে দেহ আচ্ছাদিত করিয়া, অসৌষ্ঠবভাবে ভিক্ষান্নের জন্য বিচরণ করে, সত্যই কি তাহারা যখন লোকেরা ভোজনে রত তখন তাহাদের ভোজনের উপর, খাদ্য-ভোজ্য লেহ্যপেয়ের উপর ‘উত্তিষ্ঠ’ পাত্র উপনমিত করে, সত্যই কি স্বয়ং অন্নব্যঞ্জন যাচঞা করিয়া ভোজন করে, সত্যই কি ভোজনের সময় উচ্চশব্দ মহাশব্দ করে?”

“প্রভো! তাহা সত্য বটে।”

ভগবান তাহা নিতান্ত গর্হিত বলিয়া প্রকাশ করিলেন :—“হে ভিক্ষুগণ! ঐ মোঘপুরুষগণের পক্ষে তাহা অননুরূপ, অননুযায়ী, অপ্রতিরূপ, অশ্রমগোচিত, অবিধেয় এবং অকার্য্য হইয়াছে। কেন মোঘপুরুষগণ অশোভনভাবে চীবর পরিধান করিয়া, অশোভনভাবে দেহ আচ্ছাদিত করিয়া, অসৌষ্ঠবভাবে ভিক্ষান্নের জন্য বিচরণ করে, কেনই বা তাহারা যখন লোকেরা ভোজনে রত, তখন তাহাদের ভিক্ষান্নের উপর, খাদ্য-ভোজ্য লেহ্যপেয়ের উপর ‘উত্তিষ্ঠ’ পাত্র উপনমিত করে, কেনই বা স্বয়ং অন্নব্যঞ্জন যাচঞা করিয়া ভোজন করে এবং কেনই বা ভোজনের সময় উচ্চশব্দ মহাশব্দ করে?” হে ভিক্ষুগণ! তাহাদের এই কার্য্যে অপ্রসন্নদের মধ্যে প্রসাদ উৎপন্ন অথবা প্রসন্নের প্রসাদ বর্দ্ধিত করিতে পারে না বরং তাহাতে অপ্রসন্নের মধ্যে অধিকতর প্রসাদহীনতা এবং কোন কোন প্রসন্নের মধ্যে ভাবান্তর আনয়ন করিবে।”

ভগবান বিবিধ প্রকারে ঐ ভিক্ষুগণের নিন্দা করিয়া, ধর্ম্মকথা উত্থাপন করিয়া, ভিক্ষুদিগকে আহ্বান করিলেন :—“হে ভিক্ষুগণ! আমি আচার্য্য গ্রহণের অনুজ্ঞা দিতেছি। আচার্য্য অস্ত্রবাসীর প্রতি পুত্রচিন্ত্ত (অপত্যশ্লেহ) উপস্থাপিত করিবে, অস্ত্রবাসী আচার্য্যের প্রতি পিতৃচিন্ত্ত (বাৎসল্য) উপস্থাপিত করিবে। এইরূপে তাহারা পরস্পর সর্গৌরবে, সসম্মুখে এবং সমজীবী হইয়া অবস্থান করিলে এই ধর্ম্মবিনয়ে (বুদ্ধ-শাসনে) বৃদ্ধি, সমৃদ্ধি এবং বিপুলতা লাভ করিবে।

“হে ভিক্ষুগণ! আমি অনুজ্ঞা করিতেছি : দশ বৎসর অন্যের আশ্রয়ে (অধীনে) থাকিবে এবং অন্যান্য দশ বৎসর বয়স্ক ভিক্ষু অপরকে আশ্রয় প্রদান করিবে।”

হে ভিক্ষুগণ! এইরূপে আচার্য্য গ্রহণ করিতে হইবে,—উত্তরাসঙ্গ একাংশে স্থাপন করিয়া, পাদ বন্দনা করিয়া, পদাগ্রে ভার দিয়া বসিয়া, কৃতাজলি হইয়া এইরূপ

বলিতে হইবে—“প্রভো! আপনি আমার আচার্য্য হউন, আমি আপনার আশ্রয়ে বাস করিব।” [দ্বিতীয়বার, তৃতীয়বারও এইরূপ বলিবে।]

যদি আচার্য্য ‘সাদু’, ‘লঘু’, ‘সদুপায়’, ‘প্রতিরূপ’ অথবা ‘শোভন ভাবে সম্পাদন কর’—এই পঞ্চবিধ উক্তির যে কোনটি দ্বারা ইঙ্গিতে বিজ্ঞাপিত করে, বাক্যে বিজ্ঞাপিত করে, অথবা ইঙ্গিতে বা বাক্যে বিজ্ঞাপিত করে, তবে আচার্য্য গৃহীত হয়। যদি ইঙ্গিতে বিজ্ঞাপিত না করে, বাক্যে বিজ্ঞাপিত না করে, ইঙ্গিতে এবং বাক্যে বিজ্ঞাপিত না করে, সেক্ষেত্রে আচার্য্য গৃহীত হয় না।

“হে ভিক্ষুগণ! অস্তেবাসীকে আচার্য্যের সম্যক্ অনুবর্তী হইতে হইবে। সম্যক্ অনুবর্তী হইবার বিধি এই :—প্রত্যুষে শয্যা ত্যাগ করিয়া, উপানহ খুলিয়া, উত্তরাসঙ্গ একাংশে স্থাপন করিয়া তাঁহাকে দন্তকাষ্ঠ দিতে হইবে, মুখোদক দিতে হইবে, তাঁহার জন্য আসন প্রস্তুত করিতে হইবে। [অবশিষ্টাংশ উপাধ্যায়ের ব্রত সদৃশ।]

(৯) অস্তেবাসীর ব্রত

হে ভিক্ষুগণ! আচার্য্যকে অস্তেবাসীর সম্যক্ অনুবর্তী হইতে হইবে। সম্যক্ অনুবর্তী হইবার নিয়ম এই :—হে ভিক্ষুগণ! আচার্য্য অস্তেবাসীকে পাঠোদ্দেশ্য, পরিপৃচ্ছা, উপদেশ এবং অনুশাসন দ্বারা উপকৃত ও অনুগৃহীত করিবেন। যদি আচার্য্যের নিকট ভিক্ষাপাত্র থাকে এবং অস্তেবাসীর নিকট না থাকে, তাহা হইলে আচার্য্য অস্তেবাসীকে ভিক্ষাপাত্র দিবে অথবা যাহাতে অস্তেবাসী পাত্র পাইতে পারে তদ্বিষয়ে ঔৎসুক্য প্রকাশ করিবে। যদি আচার্য্যের নিকট পরিধেয় চীবর থাকে এবং অস্তেবাসীর নিকট না থাকে, তাহা হইলে আচার্য্য অস্তেবাসীকে চীবর দিবে অথবা যাহাতে অস্তেবাসী চীবর পাইতে পারে তদ্বিষয়ে ঔৎসুক্য প্রকাশ করিবে। যদি আচার্য্যের নিকট ‘পরিক্খার’ (নিত্য ব্যবহার্য্য বস্ত্র) থাকে এবং অস্তেবাসীর নিকট না থাকে, তাহা হইলে আচার্য্য অস্তেবাসীকে ‘পরিক্খার’ দিবে অথবা যাহাতে অস্তেবাসী ‘পরিক্খার’ পাইতে পারে তদ্বিষয়ে ঔৎসুক্য প্রকাশ করিবে। যদি অস্তেবাসী পীড়িত হয়, তাহা হইলে প্রত্যুষে উঠিয়া তাহাকে দন্তকাষ্ঠ প্রদান করিতে হইবে, মুখোদক দিতে হইবে, তাহার জন্য আসন প্রস্তুত করিতে হইবে। [অবশিষ্টাংশ সহবিহারীর ব্রত সদৃশ।]

॥ ষষ্ঠ ভগিতা সমাপ্ত ॥

(১০) অস্তেবাসীকে ‘প্রণমিত’ করিবার নিয়ম

সেই সময়ে অস্তেবাসীগণ আচার্য্যের সম্যক্ অনুবর্তী হইত না। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! অস্তেবাসিগণ সম্যকভাবে আচার্য্যগণের অনুবর্তী না হইয়া পারিবে না, যদি কেহ সম্যকভাবে অনুবর্তী না হয়, তাহার ‘দুষ্কট’ অপরাধ হইবে।”

তথাপি তাহারা সম্যকভাবে আচার্য্যগণের অনুবর্তী হইল না। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : যে সম্যকভাবে আচার্য্যগণের অনুবর্তী হইবে না তাহাকে ‘প্রণমিত’ করিবে।”

হে ভিক্ষুগণ! এইভাবে প্রণমিত (সাময়িক দণ্ড দান) করিতে হইবে,—‘তোমাকে ‘প্রণমিত করিতেছি’, ‘এইস্থানে আসিও না’, ‘তোমার পাত্র চীবর বাহির কর’ অথবা ‘তুমি আমার পরিচর্যা করিও না।’ যদি এইভাবে ইঙ্গিত বিজ্ঞাপিত করে, বাক্যে বিজ্ঞাপিত করে অথবা ইঙ্গিতে ও বাক্যে বিজ্ঞাপিত করে, তাহা হইলে অস্তেবাসীকে ‘প্রণমিত’ করা হয়। যদি ইঙ্গিতে বিজ্ঞাপিত না করে, বাক্যে বিজ্ঞাপিত না করে, অথবা ইঙ্গিতে ও বাক্যে বিজ্ঞাপিত না করে, তাহা হইলে অস্তেবাসীকে ‘প্রণমিত’ করা হয় না। [অবশিষ্টাংশ সহবিহারী ‘প্রণমিত’ করা সদৃশ।]

(১১) আশ্রয়দানের অযোগ্য আচার্য্য

সেই সময়ে অজ্ঞ ও অবিশারদ ভিক্ষুগণ ‘আমার বয়স দশ বৎসর হইয়াছে’, ‘দশ বৎসর হইয়াছে’ ভাবিয়া (অস্তেবাসীকে) আশ্রয় প্রদান করিতেছিলেন। দেখা গেল আচার্য্য অজ্ঞ, অস্তেবাসী পণ্ডিত; আচার্য্য অদক্ষ, অস্তেবাসী দক্ষ; আচার্য্য অল্পশ্রুত, অস্তেবাসী বহুশ্রুত; আচার্য্য অপ্রাজ্ঞ, অস্তেবাসী প্রাজ্ঞ। ভিক্ষুদের মধ্যে যাহারা অল্লেখ্য তাহারা আন্দোলন, নিন্দা এবং প্রকাশ্যে আপত্তি করিতে লাগিলেন :—“কেন ‘আমার বয়স দশ বৎসর হইয়াছে’, ‘দশ বৎসর হইয়াছে’, ভাবিয়া অজ্ঞ ও অদক্ষ ভিক্ষুগণ অন্য ভিক্ষুকে আশ্রয় দিতেছে? দেখা যাইতেছে আচার্য্য অজ্ঞ, অস্তেবাসী পণ্ডিত। [অবশিষ্টাংশ উপসম্পদা দানের অযোগ্য উপাধ্যায় সদৃশ।]

(১২) আশ্রয় রহিত হইবার কারণ

সেই সময়ে ভিক্ষুগণ আচার্য্য ও উপাধ্যায় বিহার হইতে প্রস্থান করিলেও, ভিক্ষুত্ব ত্যাগ করিলেও, কালগত হইলেও, তীর্থিক পক্ষে চলিয়া গেলেও কিরূপে আশ্রয় রহিত হয় তাহা জানিতেন না। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

১—হে ভিক্ষুগণ! উপাধ্যায়ের আশ্রয় রহিত হইবার পাঁচটি কারণ আছে। যথা :—(১) উপাধ্যায় বিহার হইতে প্রস্থান করিয়া থাকেন, (২) ভিক্ষুত্ব পরিত্যাগ করিয়া থাকেন, (৩) কালকবলিত হইয়া থাকেন, (৪) তীর্থিকাশ্রমে প্রস্থান করিয়া

থাকেন, অথবা (৫) তাকে আশ্রয় হইতে ‘প্রণমিত’^১ করা হয়। হে ভিক্ষুগণ! এই পঞ্চ কারণে উপাধ্যায়ের আশ্রয় রহিত হইয়া যায়।

২—হে ভিক্ষুগণ! ষড়বিধ কারণে আচার্য্যের আশ্রয় রহিত হইয়া যায়। যথা :—(১) আচার্য্য বিহার হইতে প্রস্থান করিয়া থাকেন, (২) ভিক্ষুত্ব পরিত্যাগ করিয়া থাকেন, (৩) কালগত হইয়া থাকেন, (৪) তীর্থিকাশ্রমে প্রস্থান করিয়া থাকেন, (৫) তাকে আশ্রয় হইতে ‘প্রণমিত’ করা হয়, (৬) সে উপাধ্যায়ের সহিত সম্মিলিত^২ হয়। হে ভিক্ষুগণ! এই ষড়বিধ কারণে আচার্য্যের আশ্রয় রহিত হইয়া যায়।

উপসম্পদা ও প্রবজ্যা-বিধি

(১) উপসম্পদা দানের যোগ্য এবং অযোগ্য উপাধ্যায়

১—হে ভিক্ষুগণ! পঞ্চগঙ্গ-বিকল^৩ ভিক্ষু অন্যকে উপসম্পদা দিতে পারিবে না, আশ্রয় দিতে পারিবে না এবং শ্রামণের সঙ্গে রাখিতে পারিবে না। যথা :—(১) যাহার অশৈক্ষ্য^৪ শীলের অপূর্ণতা, (২) সমাধির অপূর্ণতা, (৩) প্রজ্ঞার অপূর্ণতা, (৪) বিমুক্তির অপূর্ণতা, (৫) বিমুক্তিজ্ঞানদর্শনের অপূর্ণতা আছে। হে ভিক্ষুগণ! এই পঞ্চগঙ্গ-বিকল ভিক্ষু উপসম্পদা দিতে পারিবে না, আশ্রয় দিতে পারিবে না, শ্রামণের সঙ্গে রাখিতে পারিবে না।

২—হে ভিক্ষুগণ! পঞ্চগঙ্গ-সম্পন্ন ভিক্ষু অন্যকে উপসম্পদা দিতে পারিবে, আশ্রয় দিতে পারিবে, শ্রামণের সঙ্গে রাখিতে পারিবে। যথা :—(১) যাহার অশৈক্ষ্য শীলের

^১। যদি উপাধ্যায় বলেন, ‘তোমাকে প্রণমিত করিতেছি’, ‘এখানে আসিও না,’ ‘তোমার পাত্রটীবর বাহির কর’ অথবা ‘তুমি আমার সেবা করিও না’ ... তাহা হইলে আশ্রয় হইতে ‘প্রণমিত’ করা হয়। যদি ক্ষমা প্রার্থনা না করে এবং উপাধ্যায়ও ক্ষমা না করেন, তাহা হইলে আশ্রয় রহিত হইয়া যায়।—সম-পাসা।

^২। উপাধ্যায়কে দর্শন করিলে কিংবা উপাধ্যায়ের শব্দ শ্রবণ করিলেও মিলিত হয় বুঝিতে হইবে। যদি আচার্য্যের আশ্রয়স্থিত অন্তবাসী চৈত্যবন্দনায় রত অথবা ভিক্ষাচার্য্যায় রত উপাধ্যায়কে দেখিতে পায়, তাহা হইলে আচার্য্যের আশ্রয় রহিত হইয়া যায়। উপাধ্যায় বিহারে বা গ্রামে ধর্ম্মদেশনা করিবার সময় যদি তাঁহার শব্দ আচার্য্যের অন্তবাসী শ্রবণ করিতে পায় এবং শ্রবণ করিয়া বুঝিতে পারে যে তাহার উপাধ্যায়ের শব্দ, তাহা হইলেও আচার্য্যের আশ্রয় রহিত হইয়া যায়।—সম-পাসা।

^৩। পঞ্চবিধ গুণহীন অঙ্গ। শীলরাশিতে অপূর্ণ হেতু পঞ্চগঙ্গ-বিকল নামে কথিত হয়।—সম-পাসা।

^৪। অর্হতফলে প্রতিষ্ঠিত আর্য্যপুরুষকে অশৈক্ষ্য বলে অথবা যাঁহার করণীয়ও নাই এবং কৃতের বৃদ্ধিও নাই তাঁহাকে অশৈক্ষ্য বলে।

পূর্ণতা, (২) সমাধির পূর্ণতা, (৩) প্রজ্ঞার পূর্ণতা, (৪) বিমুক্তির পূর্ণতা, (৫) বিমুক্তিজ্ঞানদর্শনের পূর্ণতা আছে। হে ভিক্ষুগণ! এই পঞ্চগঙ্গ-সম্পন্ন ভিক্ষু উপসম্পদা দিতে পারিবে, আশ্রয় দিতে পারিবে, শ্রামণের সঙ্গে রাখিতে পারিবে।

৩—হে ভিক্ষুগণ! পঞ্চগঙ্গ-বিকল ভিক্ষু অন্যকে উপসম্পদা দিতে পারিবে না, আশ্রয় দিতে পারিবে না এবং শ্রামণের সঙ্গে রাখিতে পারিবে না। যথা :—(১) যে নিজেও অশৈক্ষ্য শীলে পূর্ণ নহে, অপরকেও অশৈক্ষ্য শীলে নিয়োগ করিতে সমর্থ নহে; (২) নিজেও অশৈক্ষ্য সমাধিতে পূর্ণ নহে, অপরকেও অশৈক্ষ্য সমাধিতে নিয়োগ করিতে সমর্থ নহে; (৩) নিজেও অশৈক্ষ্য প্রজ্ঞায় পূর্ণ নহে, অপরকেও অশৈক্ষ্য প্রজ্ঞায় নিয়োগ করিতে সমর্থ নহে; (৪) নিজেও অশৈক্ষ্যবিমুক্তিসম্পন্ন নহে, অপরকেও অশৈক্ষ্যবিমুক্তিতে নিয়োগ করিতে সমর্থ নহে; (৫) নিজেও অশৈক্ষ্যবিমুক্তিজ্ঞানদর্শনসম্পন্ন নহে, অপরকেও অশৈক্ষ্যবিমুক্তিজ্ঞানদর্শনে নিয়োগ করিতে সমর্থ নহে। হে ভিক্ষুগণ! এই পঞ্চগঙ্গ-বিকল ভিক্ষু অন্যকে উপসম্পদা দিতে পারিবে না, আশ্রয় দিতে পারিবে না এবং শ্রামণের সঙ্গে রাখিতে পারিবে না।

৪—হে ভিক্ষুগণ! পঞ্চগঙ্গ-সম্পন্ন ভিক্ষু অন্যকে উপসম্পদা দিতে পারিবে, আশ্রয় দিতে পারিবে এবং শ্রামণের সঙ্গে রাখিতে পারিবে। যথা :—(১) নিজেও অশৈক্ষ্যশীলে পরিপূর্ণ, অপরকেও অশৈক্ষ্যশীলে নিয়োগ করিতে সমর্থ; (২) নিজেও অশৈক্ষ্যসমাধিতে পরিপূর্ণ, অপরকেও অশৈক্ষ্যসমাধিতে নিয়োগ করিতে সমর্থ; (৩) নিজেও অশৈক্ষ্য প্রজ্ঞায় পরিপূর্ণ, অপরকেও অশৈক্ষ্য প্রজ্ঞায় নিয়োগ করিতে সমর্থ; (৪) নিজেও অশৈক্ষ্যবিমুক্তিতে পরিপূর্ণ, অপরকেও অশৈক্ষ্যবিমুক্তিতে নিয়োগ করিতে সমর্থ; (৫) নিজেও অশৈক্ষ্যবিমুক্তিজ্ঞানদর্শনে পরিপূর্ণ, অপরকেও অশৈক্ষ্যবিমুক্তিজ্ঞান দর্শনে নিয়োগ করিতে সমর্থ। হে ভিক্ষুগণ! এই পঞ্চগঙ্গসম্পন্ন ভিক্ষু অন্যকে উপসম্পদা দিতে পারিবে, আশ্রয় দিতে পারিবে এবং শ্রামণের সঙ্গে রাখিতে পারিবে।

৫—হে ভিক্ষুগণ! পঞ্চগঙ্গ-বিকল ভিক্ষু অন্যকে উপসম্পদা দিতে পারিবে না, আশ্রয় দিতে পারিবে না এবং শ্রামণের সঙ্গে রাখিতে পারিবে না। যথা :—(১) যে শ্রদ্ধাহীন হয়, (২) হ্রীবিহীন হয়, (৩) সঙ্কোচশূন্য হয়, (৪) অলস হয়, (৫) স্মৃতিহীন হয়। হে ভিক্ষুগণ! এই পঞ্চগঙ্গ-বিকল ভিক্ষু অন্যকে উপসম্পদা দিতে পারিবে না, আশ্রয় দিতে পারিবে না এবং শ্রামণের সঙ্গে রাখিতে পারিবে না।

৬—হে ভিক্ষুগণ! পঞ্চগঙ্গ-সম্পন্ন ভিক্ষু অন্যকে উপসম্পদা দিতে পারিবে, আশ্রয় দিতে পারিবে এবং শ্রামণের সঙ্গে রাখিতে পারিবে। যথা :—(১) যে শ্রদ্ধাসম্পন্ন হয়, (২) হ্রীসম্পন্ন হয়, (৩) সঙ্কোচশীল হয়, (৪) বীর্যবান হয়, (৫) স্মৃতিমান হয়। হে ভিক্ষুগণ! এই পঞ্চগঙ্গ-সম্পন্ন ভিক্ষু অন্যকে উপসম্পদা দিতে পারিবে, আশ্রয় দিতে পারিবে এবং শ্রামণের সঙ্গে রাখিতে পারিবে।

৭—হে ভিক্ষুগণ! পঞ্চগঙ্গ-বিকল ভিক্ষু অন্যকে উপসম্পদা দিতে পারিবে না, আশ্রয় দিতে পারিবে না এবং শ্রামণের সঙ্গে রাখিতে পারিবে না। যথা :—(১) যে অধিশীলে^১ শীলবিপন্ন হয়, (২) অধিআচারে^২ আচারবিপন্ন হয়, (৩) অতিদৃষ্টিতে^৩ দৃষ্টিবিপন্ন হয়, (৪) অল্পশ্রুত^৪ হয়, (৫) প্রজ্ঞাহীন^৫ হয়। হে ভিক্ষুগণ! এই পঞ্চগঙ্গ-বিকল ভিক্ষু অন্যকে উপসম্পদা দিতে পারিবে না, আশ্রয় দিতে পারিবে না এবং শ্রামণের সঙ্গে রাখিতে পারিবে না।

৮—হে ভিক্ষুগণ! পঞ্চগঙ্গ-সম্পন্ন ভিক্ষু অন্যকে উপসম্পদা দিতে পারিবে, আশ্রয় দিতে পারিবে এবং শ্রামণের সঙ্গে রাখিতে পারিবে। যথা :—(১) যে অধিশীলে শীলবিপন্ন নহে, (২) অধিআচারে আচারবিপন্ন নহে, (৩) অতিদৃষ্টিতে দৃষ্টিবিপন্ন নহে, (৪) বহুশ্রুত হয়, (৫) প্রজ্ঞাবান হয়। হে ভিক্ষুগণ! এই পঞ্চগঙ্গ-সম্পন্ন ভিক্ষু অন্যকে উপসম্পদা দিতে পারিবে, আশ্রয় দিতে পারিবে এবং শ্রামণের সঙ্গে রাখিতে পারিবে।

৯—হে ভিক্ষুগণ! পঞ্চগঙ্গ-বিকল ভিক্ষু অন্যকে উপসম্পদা দিতে পারিবে না, আশ্রয় দিতে পারিবে না এবং শ্রামণের সঙ্গে রাখিতে পারিবে না। যথা :—(১) যে রংগু অন্তেবাসী অথবা সহবিহারীর সেবা করিতে কিংবা সেবা করাইতে অসমর্থ, (২) অনভিরতি উপশম করিতে বা করাইতে অসমর্থ, (৩) উৎপন্ন সন্দেহ ধৰ্ম্মানুসারে নিরসন করিতে বা করাইতে অসমর্থ, (৪) অপরাধ জানে না,^৬ (৫) অপরাধ হইতে উত্থান^৭ (মুক্তি) জানে না। হে ভিক্ষুগণ! এই পঞ্চগঙ্গ-বিকল ভিক্ষু অন্যকে উপসম্পদা দিতে পারিবে না, আশ্রয় দিতে পারিবে না এবং শ্রামণের সঙ্গে রাখিতে পারিবে না।

১০—হে ভিক্ষুগণ! পঞ্চগঙ্গ-সম্পন্ন ভিক্ষু অন্যকে উপসম্পদা দিতে পারিবে, আশ্রয় দিতে পারিবে এবং শ্রামণের সঙ্গে রাখিতে পারিবে। যথা :—(১) যে পীড়িত অন্তেবাসী অথবা সহবিহারীর পরিচর্যা করিতে অথবা করাইতে সমর্থ, (২) অনভিরতি উপশম করিতে অথবা করাইতে সমর্থ, (৩) উপস্থিত সন্দেহ ধৰ্ম্মত নিরসন করিতে অথবা করাইতে সমর্থ, (৪) আপত্তি (অপরাধ) বিষয়ে অভিজ্ঞ, (৫) আপত্তি (অপরাধ) মুক্তি বিষয়ে অভিজ্ঞ। হে ভিক্ষুগণ! এই পঞ্চগঙ্গ-সম্পন্ন ভিক্ষু

১। পারাজিক, সজ্ঞাদিশেষ অপরাধে অপরাধী হওয়া।

২। খুল্লচয়, অনিয়ত, পাচিভিয়, দুষ্কট, দুবভাসিত অপরাধে অপরাধী হওয়া।

৩। শাস্বত ও উচ্ছেদবাদী হওয়া।

৪। পারিষদ পরিচালনে যেরূপ জ্ঞানের প্রয়োজন তাহার অভাব হওয়া।

৫। অবশ্য জ্ঞাতব্য আপত্তি আদি (অপরাধাদি) সম্বন্ধে অনভিজ্ঞতা।

৬। কি কাজে কি আপত্তি (অপরাধ) হয় তদ্বিষয় জ্ঞাত না থাকা।

৭। উত্থানগামী (মুক্তিযোগ্য) আপত্তি (সজ্ঞাদিশেষ অপরাধে) এবং দেশনাগামী (প্রকাশ করিয়া পরিশুদ্ধ হওয়া) আপত্তি (খুল্লচয়াদি পঞ্চ অপরাধ) হইতে মুক্তি সম্বন্ধে জ্ঞানের অভাব।

অন্যকে উপসম্পদা দিতে পারিবে, আশ্রয় দিতে পারিবে এবং শ্রামণের সঙ্গে রাখিতে পারিবে।

১১—হে ভিক্ষুগণ! আরও পঞ্চগঙ্গ-বিকল ভিক্ষু অন্যকে উপসম্পদা দিতে পারিবে না, আশ্রয় দিতে পারিবে না এবং শ্রামণের সঙ্গে রাখিতে পারিবে না। যথা :—(১) অন্তেবাসী বা সহবিহারীকে অভিসমাচার^১ শিক্ষাদ্বারা শিক্ষা দিতে অসমর্থ, (২) আদিব্রহ্মচার্য^২ শিক্ষাদ্বারা শিক্ষা দিতে অসমর্থ, (৩) অধিধর্মো^৩ বিনীত করিতে অসমর্থ, (৪) অভিবিনয়ে^৪ বিনীত করিতে অসমর্থ, (৫) উৎপন্ন মিথ্যাদৃষ্টি ধর্মত পরিত্যাগ করাইতে অসমর্থ। হে ভিক্ষুগণ! এই পঞ্চগঙ্গ-বিকল ভিক্ষু অন্যকে উপসম্পদা দিতে পারিবে না, আশ্রয় দিতে পারিবে না এবং শ্রামণের সঙ্গে রাখিতে পারিবে না।

১২—হে ভিক্ষুগণ! পঞ্চগঙ্গ-সম্পন্ন ভিক্ষু অন্যকে উপসম্পদা দিতে পারিবে, আশ্রয় দিতে পারিবে এবং শ্রামণের সঙ্গে রাখিতে পারিবে। যথা :—(১) যে অন্তেবাসী বা সহবিহারীকে অভিসমাচার শিক্ষাদ্বারা শিক্ষা দিতে সমর্থ, (২) আদিব্রহ্মচার্য শিক্ষাদ্বারা শিক্ষা দিতে সমর্থ, (৩) অধিধর্মো বিনীত করিতে সমর্থ, (৪) অভিবিনয়ে বিনীত করিতে সমর্থ, (৫) উৎপন্ন মিথ্যাদৃষ্টি ধর্মত পরিত্যাগ করাইতে সমর্থ। হে ভিক্ষুগণ! এই পঞ্চগঙ্গ-সম্পন্ন ভিক্ষু অন্যকে উপসম্পদা দিতে পারিবে, আশ্রয় দিতে পারিবে এবং শ্রামণের সঙ্গে রাখিতে পারিবে।

১৩—হে ভিক্ষুগণ! পঞ্চগঙ্গ-বিকল ভিক্ষু অন্যকে উপসম্পদা দিতে পারিবে না, আশ্রয় দিতে পারিবে না এবং শ্রামণের সঙ্গে রাখিতে পারিবে না। যথা :—(১) যে আপত্তি (অপরাধ) কাহাকে বলে জানে না, (২) অনাপত্তি (অপরাধহীনতা) কাহাকে বলে জানে না, (৩) লঘু অপরাধ কাহাকে বলে জানে না, (৪) গুরু অপরাধ কাহাকে বলে জানে না, (৫) সূত্র ও অনুব্যঞ্জন (ব্যাখ্যা) অনুসারে উভয় প্রাতিমোক্ষ (ভিক্ষু ও ভিক্ষুণী প্রাতিমোক্ষ) যাহার বিজ্ঞতভাবে হৃদয়ঙ্গম, সুবিভক্ত, সুপ্রবর্তিত এবং সুনির্লীত হয় নাই। হে ভিক্ষুগণ! এই পঞ্চগঙ্গ-বিকল ভিক্ষু অন্যকে উপসম্পদা দিতে পারিবে না, আশ্রয় দিতে পারিবে না এবং শ্রামণের সঙ্গে রাখিতে পারিবে না।

১৪—হে ভিক্ষুগণ! পঞ্চগঙ্গ-সম্পন্ন ভিক্ষু অন্যকে উপসম্পদা দিতে পারিবে, আশ্রয় দিতে পারিবে এবং শ্রামণের সঙ্গে রাখিতে পারিবে। যথা :—(১) যে আপত্তি (অপরাধ) কাহাকে বলে জানে, (২) অনাপত্তি (অপরাধহীনতা) কাহাকে বলে জানে, (৩) লঘু অপরাধ কাহাকে বলে জানে, (৪) গুরু অপরাধ কাহাকে বলে জানে, (৫) সূত্র ও অনুব্যঞ্জন অনুসারে উভয় প্রাতিমোক্ষ যাহার বিজ্ঞতভাবে হৃদয়ঙ্গম,

^১। স্কন্ধে (মহাবর্গ ও চূলবর্গে) বর্ণিত ব্রত শিক্ষাদানে অসমর্থ।

^২। ক্ষুদ্রানুক্ষুদ্র নিয়ম ব্যতীত অবশিষ্ট নিয়ম শিক্ষাদানে অসমর্থ।

^৩। নাম-রূপ পরিচ্ছেদ শিক্ষাদানে অসমর্থ।

^৪। সমস্ত বিনয়-পিটক শিক্ষাদানে অসমর্থ।

সুবিভক্ত, সুপ্রবর্তিত এবং সুনির্গীত হইয়াছে । হে ভিক্ষুগণ! এই পঞ্চাঙ্গ-সম্পন্ন ভিক্ষু অন্যকে উপসম্পদা দিতে পারিবে, আশ্রয় দিতে পারিবে এবং শ্রামণের সঙ্গে রাখিতে পারিবে ।

১৫—হে ভিক্ষুগণ! পঞ্চাঙ্গ-বিকল ভিক্ষু অন্যকে উপসম্পদা দিতে পারিবে না, আশ্রয় দিতে পারিবে না এবং শ্রামণের সঙ্গে রাখিতে পারিবে না । যথা :—(১) যে আপত্তি জানে না, (২) অনাপত্তি জানে না, (৩) লঘু আপত্তি জানে না, (৪) গুরুতর আপত্তি জানে না, (৫) যাহার বয়স দশ বৎসরের কম হইয়াছে । হে ভিক্ষুগণ! এই পঞ্চাঙ্গ-বিকল ভিক্ষু অন্যকে উপসম্পদা দিতে পারিবে না, আশ্রয় দিতে পারিবে না এবং শ্রামণের সঙ্গে রাখিতে পারিবে না ।

১৬—হে ভিক্ষুগণ! পঞ্চাঙ্গ-সম্পন্ন ভিক্ষু অন্যকে উপসম্পদা দিতে পারিবে, আশ্রয় দিতে পারিবে এবং শ্রামণের সঙ্গে রাখিতে পারিবে । যথা :—(১) যে আপত্তি জানে, (২) অনাপত্তি জানে, (৩) লঘু আপত্তি জানে, (৪) গুরুতর আপত্তি জানে, (৫) যাহার বয়স দশ বৎসর বা দশ বৎসরের অধিক হইয়াছে । হে ভিক্ষুগণ! এই পঞ্চাঙ্গ-সম্পন্ন ভিক্ষু অন্যকে উপসম্পদা দিতে পারিবে, আশ্রয় দিতে পারিবে এবং শ্রামণের সঙ্গে রাখিতে পারিবে ।

॥ উপসম্পদা দাতব্য পঞ্চক ষোড়শবার সমাপ্ত ॥

১—হে ভিক্ষুগণ! ষড়ঙ্গ-বিকল ভিক্ষু অন্যকে উপসম্পদা দিতে পারিবে না, আশ্রয় দিতে পারিবে না এবং শ্রামণের সঙ্গে রাখিতে পারিবে না । যথা :—(১) যাহার অশৈক্ষ্য শীলের অপূর্ণতা, (২) অশৈক্ষ্য সমাধির অপূর্ণতা, (৩) অশৈক্ষ্য প্রজ্ঞার অপূর্ণতা, (৪) অশৈক্ষ্য বিমুক্তির অপূর্ণতা, (৫) অশৈক্ষ্য বিমুক্তিজ্ঞানদর্শনের অপূর্ণতা আছে এবং (৬) যাহার বয়স দশ বৎসরের কম । হে ভিক্ষুগণ! এই ষড়ঙ্গ-বিকল ভিক্ষু অন্যকে উপসম্পদা দিতে পারিবে না, আশ্রয় দিতে পারিবে না এবং শ্রামণের সঙ্গে রাখিতে পারিবে না ।

২—হে ভিক্ষুগণ! ষড়ঙ্গ-সম্পন্ন ভিক্ষু অন্যকে উপসম্পদা দিতে পারিবে, আশ্রয় দিতে পারিবে এবং শ্রামণের সঙ্গে রাখিতে পারিবে । যথা :—(১) যাহার অশৈক্ষ্যশীলের পূর্ণতা, (২) অশৈক্ষ্য সমাধির পূর্ণতা, (৩) অশৈক্ষ্য প্রজ্ঞার পূর্ণতা, (৪) অশৈক্ষ্য বিমুক্তির পূর্ণতা, (৫) অশৈক্ষ্য বিমুক্তিজ্ঞানদর্শনের পূর্ণতা আছে এবং (৬) যাহার বয়স দশ বৎসর কিংবা দশ বৎসরের অধিক হইয়াছে । হে ভিক্ষুগণ! এই ষড়ঙ্গ-সম্পন্ন ভিক্ষু অন্যকে উপসম্পদা দিতে পারিবে, আশ্রয় দিতে পারিবে এবং শ্রামণের সঙ্গে রাখিতে পারিবে । [৩ নম্বর হইতে ১৬ নম্বর পর্য্যন্ত পূর্ব পঞ্চকের ৩ নম্বর হইতে ১৬ নম্বরের পাঁচ পাঁচটি বাক্য সদৃশ । ষষ্ঠ বাক্যটি দশ বা দশাধিক বৎসরের ‘অপূর্ণতা’ ও ‘পূর্ণতা’ বলিয়া জ্ঞাতব্য ।]

॥ উপসম্পদা প্রদান বিষয়ে ষষ্ঠ ষোড়শবার সমাপ্ত ॥

(২) পূর্বতীর্থিকের কথা

(ক) প্রত্যাভূত ব্যক্তির উপসম্পদা

সেই সময়ে জনৈক পূর্বতীর্থিক উপাধ্যায় কর্তৃক সহআচরণীয় ধর্ম উপদিষ্ট হইলে উপাধ্যায়ের সহিত তর্কবাদ উপস্থিত করিয়া পূর্বতীর্থিক আশ্রমে চলিয়া গেল। সে পুনরায় আসিয়া ভিক্ষুদিগের নিকট উপসম্পদা যাচঞা করিল। ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

হে ভিক্ষুগণ! যে পূর্বতীর্থিক উপাধ্যায় কর্তৃক সহআচরণীয় ধর্ম উপদিষ্ট হইয়া, উপাধ্যায়ের সহিত তর্কবাদ উপস্থিত করিয়া পূর্বতীর্থিক আশ্রমে চলিয়া যায়, সে পুনরায় আসিলে তাহাকে উপসম্পদা প্রদান করিবে না। হে ভিক্ষুগণ! যদি অপর কোনও পূর্বতীর্থিক এই ধর্ম-বিনয়ে (বুদ্ধ-শাসনে) প্রব্রজ্যা আকাজক্ষা করে, উপসম্পদা আকাজক্ষা করে তাহা হইলে তাহাকে চারিমাस ‘পরিবাস’ (প্রার্থীর প্রতীক্ষা) প্রদান করিবে।

হে ভিক্ষুগণ! এইভাবে পরিবাস প্রদান করিতে হইবে :—সর্বপ্রথম কেশশাশ্রু অপহৃত (মুণ্ডিত) করাইয়া, কাষায় বস্ত্রে দেহ আচ্ছাদিত করাইয়া, একাংশ আবৃত করিবার ভাবে উত্তরাসঙ্গ (উত্তরীয়) পরিধান করাইয়া, সমবেত ভিক্ষুগণের পাদবন্দনা করাইয়া, ‘উৎকট’ ভাবে বসাইয়া, হস্তদ্বয় অঞ্জলিবদ্ধ করাইয়া তাহাকে বলিবে : তুমি আমার সঙ্গে সঙ্গে এইরূপ বল :—“আমি বুদ্ধের শরণাগত হইতেছি, ধর্মের শরণাগত হইতেছি, সজ্ঞের শরণাগত হইতেছি।” [দ্বিতীয়, তৃতীয়বারও এইরূপ বলিবে।]

হে ভিক্ষুগণ! সেই পূর্বতীর্থিক সজ্ঞের নিকট উপস্থিত হইয়া, একাংশে আবৃত করিবার ভাবে উত্তরাসঙ্গ পরিধান করিয়া, ভিক্ষুদিগের পাদবন্দনা করিয়া, পদাগ্রে ভার দিয়া বসিয়া, হস্তদ্বয় অঞ্জলিবদ্ধ করিয়া এইরূপ বলিবে :—

প্রার্থনা—“প্রভো! আমি (অমুক) পূর্বতীর্থিক এই ধর্মবিনয়ে উপসম্পদা আকাজক্ষা করিতেছি। প্রভো! আমি সজ্ঞের নিকট চারিমাस পরিবাস যাচঞা করিতেছি।” [দ্বিতীয়, তৃতীয়বারও এইরূপ যাচঞা করিতে হইবে।]

দক্ষ ও সমর্থ ভিক্ষু সজ্ঞকে এইরূপে প্রস্তাব জ্ঞাপন করিবে :—

জ্ঞপ্তি—“মাননীয় সজ্ঞ! আমার প্রস্তাব শ্রবণ করুন। অমুক নামীয় এই পূর্বতীর্থিক, এই ধর্মবিনয়ে উপসম্পদা আকাজক্ষা করিতেছেন। তিনি সজ্ঞের নিকট চারিমাस ‘পরিবাস’ যাচঞা করিতেছেন। যদি সজ্ঞ উচিত মনে করেন, তাহা হইলে সজ্ঞ অমুক পূর্বতীর্থিককে পরিবাস দিতে পারেন। ইহাই জ্ঞপ্তি।”

অনুশ্রাবণ—“মাননীয় সজ্ঞ! আমার প্রস্তাব শ্রবণ করুন। অমুক নামীয় এই পূর্বতীর্থিক এই ধর্মবিনয়ে উপসম্পদা আকাজক্ষা করিতেছেন। তিনি সজ্ঞের নিকট

চারিমাস পরিবাস যাচঞা করিতেছেন। সজ্ঞ অমুক নামীয় পূর্ববর্তীর্থিককে চারিমাস পরিবাস দিতেছেন। অমুক নামীয় পূর্ববর্তীর্থিককে পরিবাস দান করা যেই আয়ুত্মান উচিৎ মনে করেন, তিনি মৌন থাকিবেন, যিনি উচিৎ মনে করেন না তিনি তাঁহার বক্তব্য ভাষায় প্রকাশ করিবেন।”

ধারণা—“সজ্ঞ অমুক নামীয় পূর্ববর্তীর্থিককে চারিমাস পরিবাস প্রদান করিলেন। সজ্ঞ এই প্রস্তাব উচিৎ মনে করিয়া মৌন রহিয়াছেন,—আমি এইরূপ ধারণা করিতেছি।”

(খ) অনারাদক

হে ভিক্ষুগণ! পূর্ববর্তীর্থিক এইরূপে আরাধক এবং এইরূপে অনারাদক হয়। কি প্রকারে পূর্ববর্তীর্থিক অনারাদক হয়?

(১) হে ভিক্ষুগণ! যে পূর্ববর্তীর্থিক অতি প্রত্যাশে গ্রামে প্রবেশ করে, অতি বিলম্বে প্রত্যাবর্তন করে, সে অনারাদক হয়।

(২) পুনশ্চ, হে ভিক্ষুগণ! যে পূর্ববর্তীর্থিক বেশ্যাগোচর হয়, বিধবাগোচর হয়, অধিক বয়স্কাবুসারীগোচর^১ হয়, পণ্ডকগোচর^২ হয় অথবা ভিক্ষুণীগোচর হয়, সে অনারাদক হয়।

(৩) পুনশ্চ, হে ভিক্ষুগণ! যে পূর্ববর্তীর্থিক সর্বস্বাচারীদের ছোটবড় কার্যে দক্ষ এবং অনলস হয় না, তদুপায় চিন্তায় প্রত্যাশপন্থমতিত্বের পরিচয় দেয় না, স্বহস্তে করিতে অথবা করাইতে সমর্থ হয় না, সে এইভাবেও অনারাদক হয়।

(৪) পুনশ্চ, হে ভিক্ষুগণ! যে পূর্ববর্তীর্থিক অধিশীল, অধিচিত্ত ও অধিপ্রজ্ঞা শিক্ষায় এবং পরিপূচ্ছায় তীব্রহৃদসম্পন্ন নহে, সে এইভাবেও অনারাদক হয়।

(৫) পুনশ্চ, হে ভিক্ষুগণ! যে পূর্ববর্তীর্থিক যেই তীর্থীকাক্রম হইতে সংক্রমিত হয় সেই তীর্থগুরু, তাঁহার দৃষ্টির (মতের), তাঁহার স্বীকৃতির, তাঁহার অভিরুচির এবং তাঁহার দৃঢ়বিশ্বাসের দোষ বর্ণনা করিলে কোপান্বিত, অসন্তুষ্ট, অপ্রসন্নচিত্ত হয়, বুদ্ধ, ধর্ম অথবা সজ্ঞের দোষ বর্ণনা করিলে সন্তুষ্ট, উদগ্র (প্রফুল্ল), প্রসন্নচিত্ত হয়, অথবা যেই তীর্থীকাক্রম হইতে সংক্রমিত হয় সেই তীর্থগুরু, তাঁহার দৃষ্টির, তাঁহার স্বীকৃতির, তাঁহার অভিরুচির এবং তাঁহার দৃঢ়বিশ্বাসের গুণ বর্ণনা করিলে সন্তুষ্ট, উদগ্র এবং প্রসন্নচিত্ত হয়, বুদ্ধ, ধর্ম অথবা সজ্ঞের গুণ বর্ণনা করিলে কোপান্বিত, অসন্তুষ্ট, অপ্রসন্নচিত্ত হয়। হে ভিক্ষুগণ! সেই পূর্ববর্তীর্থিকের অনারাদনীয় বিষয়ে ইহা সাক্ষাতিক।

^১। বেশ্যা-গোচর, বিধবা-গোচর ইত্যাদি শব্দের অর্থ বেশ্যা ও বিধবা প্রভৃতির সান্নিধ্যে গমন, যাহার ফলে তীর্থীকের চরিত্রহানির সম্ভাবনা হইতে পারে।—সম-পাসা।

^২। পণ্ডক=নপুংসক।

হে ভিক্ষুগণ! পূর্বতীর্থিক এইভাবে অনাৱাধক হয়। এইরূপ অনাৱাধক পূর্বতীর্থিক আসিলে উপসম্পদা দান করিবে না।

(গ) আৱাধক

হে ভিক্ষুগণ! কিরূপে পূর্বতীর্থিক আৱাধক হয়?

(১) হে ভিক্ষুগণ! যে পূর্বতীর্থিক অতি প্রত্যাষে গ্রামে প্রবেশ করে না, অতিবিলম্বে প্রত্যাবর্তন করে না, সে এইভাবেও আৱাধক হয়।

(২) পুনশ্চ, যে পূর্বতীর্থিক বেশ্যাগোচর হয় না, বিধবাগোচর হয় না, অধিক বয়স্হাকুমারীগোচর হয় না, পঙ্কগোচর হয় না, ভিক্ষুণীগোচর হয় না, সে এইভাবেও আৱাধক হয়।

(৩) পুনশ্চ, হে ভিক্ষুগণ! যে পূর্বতীর্থিক সৱক্ষচারীদের যেই ছোটবড় কর্তব্যাদি আছে তাহাতে দক্ষ ও অনলস হয়, তদুপায় চিন্তায় প্রতুৎপন্নমতিকের পরিচয় দেয়, স্বহস্তে করিতে অথবা করাইতে সমর্থ হয়, সে এইভাবেও আৱাধক হয়।

(৪) পুনশ্চ, হে ভিক্ষুগণ! যে পূর্বতীর্থিক অধিশীল, অধিচিন্ত, অধিপ্রজ্ঞা শিক্ষায় এবং পরিপুচ্ছায় তীব্রহৃদসম্পন্ন হয়, সে এইভাবেও আৱাধক হয়।

(৫) পুনশ্চ, হে ভিক্ষুগণ! যে পূর্বতীর্থিক যেই তীর্থিকাশ্রম হইতে সংক্রমিত হয়, সেই তীর্থগুরুর, তাঁহার দৃষ্টির, তাঁহার স্বীকৃতির, তাঁহার অভিরুচির এবং তাঁহার দৃঢ়বিশ্বাসের দোষ বর্ণনা করিলে সন্তুষ্ট, উদগ্র, প্রসন্নচিত্ত হয়; বুদ্ধ, ধর্ম বা সঞ্জের দোষ বর্ণনা করিলে কোপান্বিত, অসন্তুষ্ট, অপ্রসন্নচিত্ত হয়, অথবা যেই তীর্থিকাশ্রম হইতে সংক্রমিত হয়, সেই তীর্থগুরুর, তাঁহার দৃষ্টির, তাঁহার স্বীকৃতির, তাঁহার অভিরুচির, তাঁহার দৃঢ়ধারণার গুণ বর্ণনা করিলে কোপান্বিত, অসন্তুষ্ট, অপ্রসন্নচিত্ত হয় এবং বুদ্ধ, ধর্ম কিংবা সঞ্জের গুণ বর্ণনা করিলে সন্তুষ্ট, উদগ্র, প্রসন্নচিত্ত হয়। হে ভিক্ষুগণ! সেই পূর্বতীর্থিকের আৱাধনীয় বিষয়ে ইহা সাজাতিক।

হে ভিক্ষুগণ! পূর্বতীর্থিক এইভাবে আৱাধক হয়। এইরূপ আৱাধক পূর্বতীর্থিক আসিলে উপসম্পদা প্রদান করিবে।

(৩) নগ্নবেশের বিশেষ বিধান

হে ভিক্ষুগণ! যদি পূর্বতীর্থিক নগ্নবেশে আসে তাহা হইলে উপাধ্যায়কে মুখা করিয়া চীবর অশ্বেষণ করিতে হইবে। যদি অচ্ছিন্নকেশে আসে, তাহা হইলে কেশচ্ছেদনের নিমিত্ত সঞ্জের সম্মতি গ্রহণ করিতে হইবে। হে ভিক্ষুগণ! যাহারা অগ্নিহোত্রী জটিল তাহারা আসিলেই উপসম্পদা প্রদান করিবে, তাহাদিগকে পরিবাস দিবে না। তাহার কারণ কি? হে ভিক্ষুগণ! তাহারা কর্মবাদী, ক্রিয়াবাদী, এইজন্য তাহাদিগকে পরিবাস দিতে হয় না।

হে ভিক্ষুগণ! যদি শাক্যজাতীয়^১ কোন পূর্বতীর্থিক আসে, তাহা হইলে আসামাত্র কাহাকে উপসম্পদা দান করিবে, তাহাকে পরিবাস দিবে না। হে ভিক্ষুগণ! এই সম্বন্ধে আমি জ্ঞাতিদিগকে কুলগত ‘পরিহার’ (সুবিধা) দিতেছি।

॥ পূর্বতীর্থিকের কথা সমাপ্ত ॥

॥ সপ্তম ভণিতা সমাপ্ত ॥

(৪) প্রব্রজ্য লাভের অযোগ্য ব্যক্তি

১—সেই সময়ে মগধে পাঁচ প্রকার রোগ বিস্তার লাভ করিয়াছিল। যথা :—
(১) কুষ্ঠ, (২) গণ্ড (ফোড়া), (৩) কিলাস (চর্মরোগ), (৪) ক্ষয়রোগ ও (৫) অপস্মার। জনসাধারণ পঞ্চবিধ রোগে স্পৃষ্ট হইয়া, কৌমারভৃত্য জীবকের নিকট উপস্থিত হইয়া এইরূপ বলিল, “আচার্য্য! আমাদের চিকিৎসা করুন।” “আর্য্যগণ! আমার বহুকার্য্য, বহুকরণীয় বিষয় আছে, আমাকে মগধরাজ শ্রেণিক বিম্বিসার, রাণিগণ এবং বুদ্ধপ্রমুখ ভিক্ষুসঙ্ঘের সেবা করিতে হয়, আমি আপনাদের চিকিৎসা করিতে পারিব না।” “আচার্য্য! আমাদের সমস্ত সম্পত্তি আপনার হউক, আমরাও আপনার দাস হইব, অনুগ্রহ করিয়া আমাদের চিকিৎসা করুন।” আর্য্যগণ! আমি বহুকার্য্যে, বহুকরণীয় বিষয়ে ব্যাপ্ত; আমাকে মগধরাজ শ্রেণিক বিম্বিসার, রাণিগণ এবং বুদ্ধপ্রমুখ ভিক্ষুসঙ্ঘের সেবা করিতে হয়, এইজন্য আমি আপনাদের চিকিৎসা করিতে পারিব না।”

তখন তাহাদের মনে এই চিন্তা উদিত হইল : “এই শাক্যপুত্রীয় শ্রমণগণ সুখশীলী, সুখবিহারী এবং সুভোজন ভোজন করিয়া নিরুদ্বেগে শয্যায় শয়ন করেন, ভালই, আমরা শাক্যপুত্রীয় শ্রমণদের মধ্যে প্রব্রজিত হইব। তথায় ভিক্ষুগণও আমাদের সেবা করিবেন এবং কৌমারভৃত্য জীবকও চিকিৎসা করিবেন।” অনন্তর তাহারা ভিক্ষুদের নিকট উপস্থিত হইয়া প্রব্রজ্য যাচঞা করিল, ভিক্ষুগণ তাহাদিগকে প্রব্রজিত করিলেন, উপসম্পদাও দান করিলেন। তখন ভিক্ষুগণও তাহাদের সেবা করিতে লাগিলেন এবং কৌমারভৃত্য জীবকও চিকিৎসা করিলেন।

সেই সময়ে ভিক্ষুগণ অধিকসংখ্যক রুগ্ন ভিক্ষুর সেবা করিতে যাইয়া বহুল যাচঞাপরায়ণ, বহুল বিজ্ঞপ্তিপরায়ণ হইয়া পড়িলেন,—‘রোগীর আহার্য্য দাও’, ‘রোগী পরিচারকের আহার্য্য দাও’, ‘রোগীর ভৈষজ্য দাও।’ কৌমারভৃত্য জীবকও

^১। শাক্যবংশীয় লোক অন্যতীর্থিকাশ্রমে প্রব্রজ্যাবলম্বন করিলেও তাহাদের জ্ঞাতিশ্রেষ্ঠের প্রবর্তিত ধর্ম বলিয়া তাহারা বুদ্ধ-শাসনের নিন্দা করে না, প্রশংসাই করে, এইজন্য ভগবান শাক্যদের জন্য স্বতন্ত্র ব্যবস্থা দিয়াছেন।—সম-পাসা।

বহু রুগ্ন ভিক্ষুর চিকিৎসায় রত থাকায় কোনও এক রাজকার্য্য পরিত্যাগ করিতে বাধ্য হইলেন।^১ অন্য একজন লোকও পঞ্চবিধ রোগে স্পৃষ্ট হইয়া কৌমারভৃত্য জীবকের নিকট উপস্থিত হইয়া বলিল :—“আচার্য্য! অনুগ্রহ করিয়া আমার চিকিৎসা করুন।” “আর্য্য! আমি বহুকার্য্যে, বহুকরণীয় বিষয়ে ব্যাপ্ত; আমাকে মগধরাজ শ্রেণিক বিম্বিসার, রাণিগণ এবং বুদ্ধপ্রমুখ ভিক্ষুসঙ্ঘের সেবা করিতে হয়। আমি আপনার চিকিৎসা করিতে পারিব না।” “আচার্য্য! আমার সমস্ত সম্পত্তি আপনার হউক, আমিও আপনার দাস হইব। অতএব আপনি আমার চিকিৎসা করুন।” “আর্য্য! আমার বহুকার্য্য, বহুকরণীয় বিষয় আছে, আমাকে মগধরাজ শ্রেণিক বিম্বিসার, রাণিগণ এবং বুদ্ধপ্রমুখ ভিক্ষুসঙ্ঘের চিকিৎসা করিতে হয়, আমি আপনার চিকিৎসা করিতে পারিব না।”

তখন তাহার মনে এই চিন্তা উদিত হইল—“সুখশীলী, সুখবিহারী এই শাক্যপুত্রীয় শ্রমণগণ সুস্বাদুভোজন ভোজন করিয়া নিরুদ্বেগে শয্যায় শয়ন করেন। অতএব আমিও শাক্যপুত্রীয় শ্রমণগণের নিকট প্রব্রজ্যা গ্রহণ করিব। তথায় ভিক্ষুগণও আমার সেবা করিবেন এবং কৌমারভৃত্য জীবকও চিকিৎসা করিবেন। আমি আরোগ্য লাভের পর গৃহী হইয়া যাইব।” এই ভাবিয়া সে ভিক্ষুদের নিকট উপস্থিত হইয়া প্রব্রজ্যা যাচঞা করিল। তাহাকে ভিক্ষুগণ প্রব্রজ্যা প্রদান করিলেন, উপসম্পদাও প্রদান করিলেন। তখন ভিক্ষুগণও তাহার সেবা করিলেন, কৌমারভৃত্য জীবকও চিকিৎসা করিলেন। সে আরোগ্যলাভের পর গৃহী হইয়া গেল। কৌমারভৃত্য জীবক একদিন সেই ব্যক্তিকে গৃহী-অবস্থায় দেখিতে পাইলেন, দেখিয়া তাহাকে কহিলেন,—“আর্য্য! আপনি ভিক্ষুর মধ্যে ভিক্ষুরূপে প্রব্রজিত ছিলেন কি?” “আচার্য্য! হাঁ, ছিলাম।” “আর্য্য! আপনি কেন এরূপ করিয়াছেন?”

অনন্তর সে কৌমারভৃত্য জীবকের নিকট ইহার কারণ প্রকাশ করিল। জীবক এবিষয়ে আন্দোলন, নিন্দা এবং প্রকাশ্যে দুর্নাম প্রচার করিতে লাগিলেন :—“কেন মাননীয় ভিক্ষুগণ পঞ্চবিধ রোগে স্পৃষ্ট ব্যক্তিকে প্রব্রজ্যা দান করিতেছেন?” অতঃপর জীবক ভগবানের নিকট উপস্থিত হইলেন, উপস্থিত হইয়া ভগবানকে অভিবাদন করিয়া একান্তে উপবেশন করিলেন। একান্তে উপবেশন করিয়া তিনি ভগবানকে কহিলেন :—“প্রভো! আর্য্যগণ যেন পঞ্চবিধ রোগে স্পৃষ্ট ব্যক্তিকে প্রব্রজিত না করেন।” ভগবান তাঁহাকে ধর্ম্মকথায় প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট করিলেন। জীবক ভগবানের ধর্ম্মকথায় প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট হইয়া, আসন হইতে উঠিয়া, ভগবানকে অভিবাদন করিয়া, দক্ষিণপার্শ্ব ভগবানের পুরোভাগে রাখিয়া প্রস্থান করিলেন। ভগবান এই নিদানে এবং এই প্রকরণে ধর্ম্মকথা

^১। অর্থাৎ, কোনও এক রাজকৃত্য সম্পাদন করিতে পারিবেন না। এস্থলে রাজকার্য্য পরিত্যাগ অর্থে পদত্যাগ বুঝাইতেছে না।

উত্থাপন করিয়া ভিক্ষুদিগকে আহ্বান করিলেন :—“হে ভিক্ষুগণ! পঞ্চবিধ রোগে স্পৃষ্ট ব্যক্তিকে প্রব্রজ্যা দান করিবে না, যে প্রব্রজ্যা দান করিবে তাহার ‘দুকট’ অপরাধ হইবে।”

২—সেই সময়ে মগধরাজ শ্রেণিক বিম্বিসারের প্রত্যন্তে (রাজ্য-সীমান্তে) বিদ্রোহ উপস্থিত হইয়াছিল। মগধরাজ সেনানায়ক মহামাত্যকে আদেশ করিলেন : “আপনি প্রত্যন্তে যাইয়া বিদ্রোহ প্রশমিত করিয়া আসুন।”

“যথা আজ্ঞা, দেব!” বলিয়া সেনানায়ক প্রত্যন্তের সম্মতি জানাইলেন। অনন্তর অভিজ্ঞ অভিজ্ঞ যোদ্ধগণের মনে এই চিন্তা উদিত হইল : “আমরা যুদ্ধাভিনন্দী (রণেপ্লান্সী) হইয়া প্রত্যন্তে গমন করিয়া পাপ করিব, বহু অপুণ্য সঞ্চয় করিব; কোন্ উপায়ে আমরা পাপ হইতেও বিরত থাকিতে পারিব এবং কল্যাণকর্মও করিতে পারিব?” তখন তাঁহাদের মনে এই চিন্তা উদিত হইল : “এই শাক্যপুত্রীয় শ্রমণগণ ধর্মচারী, শমচারী, ব্রহ্মচারী, সত্যবাদী, শীলবান, কল্যাণধর্মী; যদি আমরা শাক্যপুত্রীয় শ্রমণগণের নিকট প্রব্রজিত হই, তাহা হইলে পাপ হইতেও বিরত থাকিতে পারিব এবং কল্যাণধর্মও করিতে পারিব।”

অনন্তর সেই যোদ্ধগণ ভিক্ষুদিগের নিকট উপস্থিত হইয়া প্রব্রজ্যা যাচঞা করিলেন। ভিক্ষুগণ তাঁহাদিগকে প্রব্রজ্যা দান করিলেন, উপসম্পদাও প্রদান করিলেন। সেনানায়ক মহামাত্যগণ রাজকর্মচারিগণকে জিজ্ঞাসা করিলেন, “অমুক নামীয়, অমুক নামীয় যোদ্ধাকে দেখা যাইতেছে না কেন?” “স্বামি! অমুক নামীয়, অমুক নামীয় যোদ্ধা ভিক্ষুদিগের নিকট প্রব্রজিত হইয়াছে।”

সেনানায়ক মহামাত্যগণ আন্দোলন, নিন্দা এবং প্রকাশ্যে দুর্নাম প্রচার করিয়া বলিতে লাগিলেন :—“কেন শাক্যপুত্রীয় শ্রমণগণ রাজভৃত্যকে প্রব্রজ্যা দিতেছেন?” সেনানায়ক মহামাত্যগণ মগধরাজ শ্রেণিক বিম্বিসারকে এই বিষয় জ্ঞাপন করিলেন। মগধরাজ শ্রেণিক বিম্বিসার ব্যবহারিক মহামাত্যগণকে (ব্যবহারজীবী মন্ত্রীবর্গকে) জিজ্ঞাসা করিলেন, “যিনি রাজভৃত্যকে প্রব্রজ্যা দান করেন তাঁহার কি দণ্ডবিধান করা কর্তব্য?”

“দেব! উপাধ্যায়ের শিরশ্চেদ, অনুশাসকের (আচার্য্যের) জিহ্বা উৎপাটন এবং ‘গণ’ভিক্ষুদের অর্দ্ধেক পর্শকা (পাঁজরার হাড়) ভাঙ্গিয়া দেওয়া কর্তব্য।”

মগধরাজ শ্রেণিক বিম্বিসার ভগবানের নিকট উপস্থিত হইলেন; উপস্থিত হইয়া, ভগবানকে অভিবাদন করিয়া একান্তে উপবেশন করিলেন, একান্তে উপবেশন করিয়া তিনি ভগবানকে কহিলেন :—“প্রভো! বুদ্ধশাসনের প্রতি শ্রদ্ধাহীন, অপ্রসন্ন রাজাও আছেন। তাঁহারা সামান্য কারণেও ভিক্ষুদিগকে উৎপীড়ন করিতে পারেন, অতএব আর্য্যগণ রাজভৃত্যকে প্রব্রজ্যা দানে বিরত থাকিলে ভাল হয়।”

ভগবান মগধরাজ শ্রেণিক বিম্বিসারকে ধর্মকথায় প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট করিলেন। মগধরাজ শ্রেণিক বিম্বিসার ভগবানের ধর্মকথায় প্রবুদ্ধ,

সন্দীপ্ত, সমুত্তেজিত এবং সম্প্রহৃষ্ট হইয়া আসন হইতে উঠিয়া, ভগবানকে অভিবাদন করিয়া এবং ভগবানকে পুরোভাগে দক্ষিণপার্শ্বে রাখিয়া প্রস্থান করিলেন। ভগবান এই নিদানে এবং এই প্রকরণে ধর্মকথা উত্থাপন করিয়া ভিক্ষুদিগকে আহ্বান করিলেন :—“হে ভিক্ষুগণ! রাজভৃত্যকে প্রব্রজ্যা দান করিতে পারিবে না, যে প্রব্রজ্যা দান করিবে তাহার ‘দুষ্কট’ অপরাধ হইবে।”

৩—সেই সময়ে অঙ্গুলিমাল নামক চোর ভিক্ষুদের মধ্যে প্রব্রজিত হইয়াছিল। জনসাধারণ তাহাকে দেখিয়া উদ্ভিগ্ন হইতে লাগিল, উদ্ভ্রস্ত হইতে লাগিল, পলায়ন করিতে লাগিল, অন্যদিকে গমন করিতে লাগিল, অন্যদিকে মুখ ফিরাইতে লাগিল এবং গৃহদ্বারও রুদ্ধ করিতে লাগিল। তখন জনসাধারণ আন্দোলন, নিন্দা এবং প্রকাশ্যে দুর্নাম প্রচার করিয়া বলিতে লাগিল :—“কেন শাক্যপুত্রীয় শ্রমণগণ ‘ধ্বজবদ্ধ’ (নামজাদা, প্রসিদ্ধ) চোরকে প্রব্রজিত করিতেছেন?” ভিক্ষুগণ! জনসাধারণের আন্দোলন, নিন্দা এবং প্রকাশ্যে দুর্নাম প্রচার শুনিতে পাইলেন। তাঁহারা ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! ধ্বজবদ্ধ চোরকে প্রব্রজ্যা দান করিতে পারিবে না, যে প্রব্রজ্যা দান করিবে তাহার ‘দুষ্কট’ অপরাধ হইবে।”

৪—সেই সময়ে মগধরাজ শ্রেণিক বিম্বিসার কর্তৃক এই অনুজ্ঞা (ঘোষণা) প্রচারিত হইয়াছিল : “যে শাক্যপুত্রীয় শ্রমণদের নিকট প্রব্রজিত হয় তাহাকে কেহ কিছু করিতে পারিবে না। সুআখ্যাত ধর্ম, ব্রহ্মচর্য্য আচরণ করুক সম্যকপ্রকারে দুঃখের অন্তসাধনের জন্য।”

সেই সময়ে জনৈক ব্যক্তি চৌর্য্যাপরাধে কারারুদ্ধ ছিল। সে কারা ভঙ্গিয়া পলায়ন করিয়া ভিক্ষুদের মধ্যে প্রব্রজিত হইল। জনসাধারণ তাহাকে দেখিয়া বলিল :—“এই সেই কারাভেদী চোর, অতএব তাহাকে লইয়া যাইব।” কেহ কেহ বলিল, আর্য্যগণ! এরূপ কহিবেন না, কেননা মগধরাজ শ্রেণিক বিম্বিসার কর্তৃক আদেশ প্রচারিত হইয়াছে : “যাহারা শাক্যপুত্রীয় শ্রমণদের মধ্যে প্রব্রজিত হয় তাহাদিগকে কেহ কিছু করিতে পারিবে না; সুআখ্যাত ধর্ম, ব্রহ্মচর্য্য আচরণ করুক সম্যকপ্রকারে দুঃখের অন্তসাধনের জন্য।” তখন জনসাধারণ আন্দোলন, নিন্দা এবং প্রকাশ্যে দুর্নাম প্রচার করিতে লাগিল :—“এই শাক্যপুত্রীয় শ্রমণগণ ভয়বিরত নহেন, ইহাদিগকে কিছু করিতে পারা যায় না; কেন কারাভেদী চোরকে তাঁহারা প্রব্রজিত করেন?” ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! কারাভেদী চোরকে প্রব্রজ্যা দান করিতে পারিবে না, যে প্রব্রজ্যা দান করিবে তাহার ‘দুষ্কট’ অপরাধ হইবে।”

৫—সেই সময়ে জনৈক ব্যক্তি চুরি করিয়া, পলায়ন করিয়া ভিক্ষুদের মধ্যে প্রব্রজিত হইয়াছিল। তাহার সম্বন্ধে রাজান্তঃপুরে লিখিত ছিল : অমুককে যেখানে

দেখিবে সেখানে হত্যা করিবে। একদিন জনসাধারণ তাহাকে দেখিয়া কহিল, “এই সেই ‘লিখিতক’ চোর, অতএব তাহাকে লইয়া যাইব।” কেহ কেহ বলিল, আর্য্যগণ! এইরূপ বলিবেন না, কেননা মগধরাজ শ্রেণিক বিম্বিসার কর্তৃক আদেশ প্রচারিত হইয়াছে : “যাহারা শাক্যপুত্রীয় শ্রমণদের মধ্যে প্রব্রজিত হয় তাহাদিগকে কেহ কিছু করিতে পারিবে না; সুআখ্যাত ধর্ম্ম, ব্রহ্মচর্য্য আচরণ করুক সম্যকপ্রকারে দুঃখের অন্তসাধনের জন্য।” জনসাধারণ আন্দোলন, নিন্দা এবং প্রকাশ্যে দুর্নাম প্রচার করিতে লাগিল :—“এই শাক্যপুত্রীয় শ্রমণগণ ভয়বিরত নহেন, ইহাদিগকে কিছু করিতে পারা যায় না, কেন তাঁহারা ‘লিখিতক’ চোরকে প্রব্রজিত করেন?” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! ‘লিখিতক’ চোরকে প্রব্রজ্যা দান করিতে পারিবে না, যে প্রব্রজ্যা দান করিবে তাহার ‘দুষ্কট’ অপরাধ হইবে।”

৬—সেই সময়ে জনৈক ব্যক্তি কশাহত (বেদ্রাঘাত দণ্ডপ্রাপ্ত) হইয়া ভিক্ষুদের মধ্যে প্রব্রজিত হইয়াছিল। জনসাধারণ আন্দোলন, নিন্দা এবং প্রকাশ্যে দুর্নাম প্রচার করিয়া বলিতে লাগিল :—“কেন শাক্যপুত্রীয় শ্রমণগণ কশাহত (বেদ্রাঘাত দণ্ডপ্রাপ্ত) ব্যক্তিকে প্রব্রজিত করিতেছেন?” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! কশাহতদণ্ডে দণ্ডিত ব্যক্তিকে প্রব্রজ্যা দান করিতে পারিবে না, যে প্রব্রজ্যা দান করিবে তাহার ‘দুষ্কট’ অপরাধ হইবে।”

৭—সেই সময়ে জনৈক ব্যক্তি ‘লক্ষণাহত দণ্ড’ (উত্তপ্ত লৌহ দ্বারা চিহ্নিত হইবার শাস্তি) লাভ করিয়া ভিক্ষুদের মধ্যে প্রব্রজিত হইয়াছিল। জনসাধারণ আন্দোলন, নিন্দা এবং প্রকাশ্যে দুর্নাম প্রচার করিতে লাগিল :—“কেন শাক্যপুত্রীয় শ্রমণগণ লক্ষণাহত দণ্ডে দণ্ডিত ব্যক্তিকে প্রব্রজিত করিতেছেন?” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! ‘লক্ষণাহত’ দণ্ডে দণ্ডিত ব্যক্তিকে প্রব্রজ্যা দান করিতে পারিবে না, যে প্রব্রজ্যা দান করিবে তাহার ‘দুষ্কট’ অপরাধ হইবে।”

৮—সেই সময়ে একজন ঋণগ্রাহী লোক পলায়ন করিয়া ভিক্ষুদের মধ্যে প্রব্রজিত হইয়াছিল। উত্তমর্গগণ তাহাকে দেখিতে পাইয়া বলিতে লাগিল, “এইত আমাদের ঋণগ্রাহী (খাতক), অতএব ইহাকে লইয়া যাইব।” কেহ কেহ বলিল, আর্য্যগণ! এইরূপ বলিবেন না, কেননা মগধরাজ শ্রেণিক বিম্বিসার আদেশ প্রচার করিয়াছেন : “যাহারা শাক্যপুত্রীয় শ্রমণদের মধ্যে প্রব্রজিত হয় তাহাদিগকে কেহ কিছু করিতে পারিবে না; সুআখ্যাত ধর্ম্ম, ব্রহ্মচর্য্য আচরণ করুক সম্যকপ্রকারে দুঃখের অন্তসাধনের জন্য।” জনসাধারণ আন্দোলন, নিন্দা এবং প্রকাশ্যে দুর্নাম প্রচার

১। যাহাকে হত্যার জন্য রাজার পরোয়ানা জারি হইয়াছে।

করিয়া বলিতে লাগিল :—“এই শাক্যপুত্রীয় শ্রমণগণ ভয়বিরত নহেন, ইহাদিগকে কিছু করিতে পারা যায় না। কেন তাঁহারা ঋণগ্রাহীকে প্রব্রজ্যা দিতেছেন?” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! ঋণগ্রস্তকে প্রব্রজ্যা দান করিতে পারিবে না, যে প্রব্রজ্যা দান করিবে তাহার ‘দুষ্কট’ অপরাধ হইবে।”

৯—সেই সময়ে জনৈক দাস পলায়ন করিয়া ভিক্ষুদের মধ্যে প্রব্রজিত হইয়াছিল। মনিবগণ তাহাকে দেখিয়া বলিতে লাগিল, “এইত আমাদের দাস, অতএব ইহাকে লইয়া যাইব।” কেহ কেহ বলিল, আর্যগণ! আর্যগণ! এইরূপ বলিবেন না, কেননা মগধরাজ শ্রেণিক বিম্বিসার আদেশ প্রচার করিয়াছেন : “যাহারা শাক্যপুত্রীয় শ্রমণদের মধ্যে প্রব্রজিত হয় তাহাদের কেহ কিছু করিতে পারিবে না; সুআখ্যাত ধর্ম, ব্রহ্মচর্য্য আচরণ করণক সম্যকভাবে দুঃখের অন্তসাধনের জন্য।” জনসাধারণ আন্দোলন, নিন্দা এবং প্রকাশ্যে দুর্নাম প্রচার করিতে লাগিল :—“এই শাক্যপুত্রীয় শ্রমণগণ ভয়বিরত নহেন, ইহাদিগকে কিছু করিতে পারা যায় না, কেন তাঁহারা দাসকে প্রব্রজিত করিতেছেন?” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! দাসকে প্রব্রজ্যা দান করিতে পারিবে না, যে প্রব্রজ্যা দান করিবে তাহার ‘দুষ্কট’ অপরাধ হইবে।”

(৫) কেশমুণ্ডনের জন্য সঙ্ঘ-সম্মতি

সেই সময়ে জনৈক ‘কম্মারভণ্ডু’^১ মাতাপিতার সহিত ঝগড়া করিয়া, আরামে (বিহারে) যাইয়া, ভিক্ষুদের মধ্যে প্রব্রজিত হইয়াছিল। কম্মারভণ্ডুর মাতাপিতা তাহার অনুসন্ধানে আরামে যাইয়া ভিক্ষুদের নিকট জিজ্ঞাসা করিল :—“প্রভো! এইরূপ একটি বালকের কি দেখা পাইয়াছেন?” ভিক্ষুগণ না জানিয়াই বলিলেন, “জানি না।” না দেখিয়াই বলিলেন, “দেখি নাই।” সেই কম্মারভণ্ডুর মাতাপিতা সেই ‘কম্মারভণ্ডু’কে অনুসন্ধান করিতে করিতে ভিক্ষুদের মধ্যে প্রব্রজিত দেখিয়া আন্দোলন, নিন্দা এবং প্রকাশ্যে দুর্নাম প্রচার করিয়া বলিতে লাগিল :—“এই শাক্যপুত্রীয় শ্রমণগণ নির্লজ্জ, দুঃশীল, মিথ্যাবাদী এবং জানিয়াই বলিয়াছে—‘জানি না’, দেখিয়াই বলিয়াছে—‘দেখি নাই।’ এই বালক ত তাহাদের মধ্যেই প্রব্রজিত।” ভিক্ষুগণ সেই ‘কম্মারভণ্ডু’র মাতাপিতার আন্দোলন, নিন্দা এবং প্রকাশ্যে দুর্নাম প্রচার শ্রবণ করিলেন। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

^১। পঞ্চটিকিয়ুক্ত স্বর্ণকার পুত্র।—সম-পাসা।

“হে ভিক্ষুগণ! আমি অনুজ্ঞা করিতেছি : কেশমুণ্ডনের জন্য সজ্জের সম্মতি গ্রহণ করিবে।”

(৬) ঊনবিংশতি বৎসর বয়স্কের উপসম্পদা নিষিদ্ধ

সেই সময়ে রাজগৃহে সপ্তদশবর্গীয় বালকগণ পরস্পর বন্ধুতাসূত্রে আবদ্ধ ছিল। উপালি ছিল তাহাদের মধ্যে প্রধান। উপালির মাতাপিতার মনে এই চিন্তা উদিত হইল : “কোন উপায়ে উপালি আমাদের অবর্তমানে সুখে থাকিবে এবং ক্লেশ পাইবে না?” অনন্তর উপালির মাতাপিতার মনে এই চিন্তা উদিত হইল : “যদি উপালি লিপি^১ শিক্ষা করে, তাহা হইলে সে আমাদের অবর্তমানে সুখে থাকিবে এবং ক্লেশ পাইবে না।” পুনরায় উপালির মাতাপিতার মনে এই চিন্তা উদিত হইল : “যদি উপালি লিপি শিক্ষা করে তাহা হইলে তাহার অঙ্গুলি ক্লিষ্ট হইবে। যদি উপালি গণনা^২ শিক্ষা করে, তাহা হইলে সে আমাদের অবর্তমানে সুখে থাকিবে এবং ক্লেশ পাইবে না।” পুনরায় উপালির মাতাপিতার মনে এই চিন্তা উদিত হইল : “যদি উপালি গণনা শিক্ষা করে, তাহা হইলে তাহার হৃদয় ক্লিষ্ট হইবে। যদি উপালি রূপ^৩ শিক্ষা করে, তাহা হইলে উপালি আমাদের অবর্তমানে সুখে থাকিবে এবং ক্লেশ পাইবে না।” আবার উপালির মাতাপিতার মনে এই চিন্তা উদিত হইল :—“উপালি যদি রূপ শিক্ষা করে, তাহা হইলে তাহার চক্ষু ক্লিষ্ট হইবে। এই শাক্যপুত্রীয় শ্রমণগণ সুখশীলী, সুখবিহারী এবং সুস্বাদুভোজন ভোজন করিয়া নিরুদ্ধেগে শয্যা শয়ন করেন, যদি উপালি শাক্যপুত্রীয় শ্রমণদিগের মধ্যে প্রব্রজিত হয়, তাহা হইলে সে আমাদের অবর্তমানে সুখে থাকিতে পারিবে এবং ক্লেশ পাইবে না।” বালক উপালি মাতাপিতার এই কথোপকথন শ্রবণ করিল। অতঃপর সে তাহার সমবয়স্ক বন্ধুগণের নিকট উপস্থিত হইল, উপস্থিত হইয়া সেই বালকদিগের কহিল :—“আর্য্যগণ এস, আমরা শাক্যপুত্রীয় শ্রমণদিগের নিকট প্রব্রজিত হই।” “আর্য্য! যদি তুমি প্রব্রজিত হও, তাহা হইলে আমরাও প্রব্রজিত হইব।”

^১। অক্ষর।—সম-পাসা। লিপি=লেখ (হাথিগুফা অনুশাসন)। অশোকের অনুশাসন সমূহে লিপি, দিপি শব্দের ব্যবহার আছে। লিপি অর্থে লিপিবিদ্যা, লিপিকরের কাজ, লেখকের কাজ। পত্রলেখা, পত্রাদির গায়ে লিপি উৎকীর্ণ করা, গাথাদি রচনা, এই সমস্তই লিপিবিদ্যার অন্তর্গত।—ডক্টর বড়ুয়া।

^২। কৌটিল্য অর্থশাস্ত্র মতে ‘গণনা’ অর্থে হিসাব রাখা সম্বন্ধে যাবতীয় কাজ। অশোকের তৃতীয় শিলালিপিতে ‘গণনা’ শব্দে হিসাব সংক্রান্ত বিষয়কেই নির্দেশ করে। হাথিগুফা অনুশাসনেও সম্ভবত এই অর্থেই ‘গণনা’, শব্দ প্রযুক্ত হইয়াছে।—ডক্টর বড়ুয়া।

^৩। রূপ সুত্তং।—সম-পাসা; ‘রূপসুত্ততি’ হেরাট্রিকানং সুত্তং।—সা-দী। ‘রূপ’ ও বিদ্যা বিশেষের নাম। হাথিগুফা অনুশাসনেও ইহার উল্লেখ আছে। লেখ, রূপ ও গণনা রাজকুমারগণের শিক্ষণীয় ছিল। রূপ শব্দে মুদ্রা পরীক্ষা, চিত্রবিদ্যা ইত্যাদি নির্দেশ করে।—ডক্টর বড়ুয়া।

অনন্তর সেই বালকগণ স্ব স্ব মাতাপিতার নিকট উপস্থিত হইয়া কহিল :—“মা ও বাবা! আমাকে আগার হইতে অনাগারে প্রব্রজ্যার অনুমতি প্রদান করুন।” সেই বালকদের মাতাপিতা ‘এই সকল বালক সমচ্ছন্দ সম্পন্ন এবং কল্যাণাভিলাষী’ এই ভাবিয়া অনুমতি প্রদান করিল। তাহারা ভিক্ষুদের নিকট উপস্থিত হইয়া প্রব্রজ্যা যাচঞা করিল, ভিক্ষুগণ তাহাদিগকে প্রব্রজ্যা দান করিলেন, উপসম্পদাও দান করিলেন। তাহারা রাত্রিশেষে প্রত্যুষে শয্যা ত্যাগ করিয়া এই বলিয়া রোদন করিতে লাগিল :—“যবাগু দাও, ভাত দাও, খাদ্য দাও।” ভিক্ষুগণ কহিলেন :—“বন্ধুগণ! প্রভাত হওয়া পর্যন্ত অপেক্ষা কর, যদি যবাগু হয় পান করিতে পাইবে, যদি ভাত হয় ভোজন করিতে পাইবে, যদি খাদ্য প্রস্তুত হয় খাইতে পাইবে, যদি যবাগু, ভাত কিংবা খাদ্য প্রস্তুত না হয় তাহা হইলে ভিক্ষান্ন সংগ্রহে বিচরণ করিয়া ভোজন করিতে পারিবে।” সেই বালক প্রব্রজিতগণ ভিক্ষুগণ কর্তৃক এইরূপে আশ্বস্ত হইয়াও “যবাগু দাও, ভাত দাও, খাদ্য দাও” বলিয়া রোদন করিতে লাগিল এবং শয্যাসন মলমূত্রে কলুষিত করিতে লাগিল।

ভগবান রাত্রিশেষে প্রত্যুষে উঠিয়া বালকের শব্দ শুনিতে পাইলেন, শুনিতে পাইয়া আয়ুত্মান আনন্দকে আহ্বান করিলেন :—“আনন্দ! বালকের শব্দ কেন শোনা যাইতেছে?” আয়ুত্মান আনন্দ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! সত্যই কি ভিক্ষুগণ জ্ঞাতসারে ঊনবিংশতি বৎসর বয়স্ক ব্যক্তিকে উপসম্পদা দিতেছে?”

“হাঁ, ভগবন! তাহা সত্য বটে।”

বুদ্ধ ভগবান তাহা নিতান্ত গর্হিত বলিয়া প্রকাশ করিলেন :—“হে ভিক্ষুগণ! কেন সেই মোঘপুরুষগণ (মূর্খগণ) জ্ঞাতসারে ঊনবিংশতি বৎসর বয়স্ক ব্যক্তিকে উপসম্পদা দিতেছে? হে ভিক্ষুগণ! ঊনবিংশতি বৎসর বয়স্ক ব্যক্তি অক্ষম হয় শীত, উষ্ণ, বুভুক্ষা, পিপাসা, দংশ, মশক, বাতাতপ ও সরীসৃপ-সংস্পর্শ এবং দুরুক্ত দুরূচ্চারিত বাক্য, দুঃখপ্রদ তীব্র প্রখর কটু প্রতিকূল অপ্রিয় প্রাণহর শারীরিক বেদনা সহ্য করিতে। হে ভিক্ষুগণ! বিংশতি বৎসর বয়স্ক ব্যক্তি সক্ষম হয় শীত, উষ্ণ, বুভুক্ষা, পিপাসা, দংশ, মশক, বাতাতপ ও সরীসৃপ-সংস্পর্শ এবং দুরুক্ত দুরূচ্চারিত বাক্য, দুঃখপ্রদ তীব্র প্রখর কটু প্রতিকূল অপ্রিয় প্রাণহর শারীরিক ব্যাধি সহ্য করিতে। হে ভিক্ষুগণ! তাহাদের এই কার্যে অগ্রসরদের প্রসাদ উৎপন্ন এইভাবে নিন্দা করিয়া, ধর্মকথা উত্থাপন করিয়া ভিক্ষুদিগকে আহ্বান করিলেন :—

“হে ভিক্ষুগণ! ঊনবিংশতি বৎসর বয়স্ক ব্যক্তিকে উপসম্পদা দান করিতে পারিবে না, যে উপসম্পদা দান করিবে ধর্মানুসারে তাহার দণ্ডবিধান করিতে হইবে।”

(৭) পঞ্চদশ বৎসরের কম বয়স্কের প্রব্রজ্যা নিষিদ্ধ

১—সেই সময়ে এক পরিবারের সকলে (বংশ) অহিবাতে (মহামারী) রোগে কালগত হইয়াছিল, কেবল মাত্র পিতাপুত্র দুইজন রক্ষা পাইয়াছিল। তাহারা ভিক্ষুদের মধ্যে প্রব্রজিত হইয়া একসঙ্গেই ভিক্ষাচার্য্য বিচরণ করিত। পুত্র তাহার পিতাকে ভিক্ষা দিবার সময় দৌড়িয়া গিয়া বলিত :—“তাত! আমাকেও দাও, তাত! আমাকেও দাও!” জনসাধারণ আন্দোলন, নিন্দা এবং প্রকাশ্যে দুর্নাম প্রচার করিতে লাগিল :—“এই শাক্যপুত্রীয় শ্রমণগণ ব্রহ্মচারী নহে। এই বালক ভিক্ষুণী গর্ভে উৎপন্ন হইয়াছে!” ভিক্ষুগণ সেই আন্দোলন, নিন্দা এবং দুর্নাম প্রচার শ্রবণ করিলেন। অনন্তর সেই ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! পঞ্চদশ বৎসরের কম বয়স্ক বালককে প্রব্রজ্যা দান করিতে পারিবে না, যে প্রব্রজ্যা দান করিবে তাহার ‘দুষ্কট’ অপরাধ হইবে।”

২—সেই সময়ে আয়ুত্মান আনন্দের প্রতি শ্রদ্ধান্বিত ও প্রসন্ন এক পরিবারের সকলে অহিবাতে রোগে কালগত হইয়াছিল, কেবল মাত্র দুইটি বালক অবশিষ্ট ছিল। তাহারা পূর্বের অভ্যাসবশত ভিক্ষুদিগকে দেখিয়া তাঁহাদের নিকট ধাবিত হইত। ভিক্ষুগণ তাহাদিগকে বাধা প্রদান করিতেন। তাহারা ভিক্ষুদের দ্বারা বাধা প্রাপ্ত হইয়া রোদন করিত। আয়ুত্মান আনন্দের মনে এই চিন্তা উদিত হইল : “ভগবান ব্যবস্থা দিয়াছেন : পঞ্চদশ বৎসরের কমবয়স্ক বালককে প্রব্রজ্যা দান করিতে পারিবে না, এই বালকগণের বয়স কিন্তু পঞ্চদশ বৎসর পূর্ণ হয় নাই, কোন্ উপায়ে এই বালকগণ রক্ষা পাইবে?” আয়ুত্মান আনন্দ ভগবানকে এই বিষয় নিবেদন করিলেন। (ভগবান কহিলেন :—)

“হে আনন্দ! সেই বালকগণ কাক উড়াইতে^১ (তাড়াইতে) সমর্থ হইবে কি?”

“হাঁ, ভগবন! সমর্থ হইবে।”

ভগবান এই নিদানে, এই প্রকরণে ধর্মকথা উত্থাপন করিয়া ভিক্ষুদিগকে আহ্বান করিলেন :—“হে ভিক্ষুগণ! আমি অনুজ্ঞা করিতেছি : কাক তাড়াইতে সমর্থ পঞ্চদশ বৎসরের কমবয়স্ক বালককে প্রব্রজ্যা দান করিবে।”

(৮) শ্রামণের সংখ্যা

সেই সময়ে আয়ুত্মান উপনন্দ শাক্যপুত্রের সঙ্গে কণ্টক ও মহক নামে দুইজন শ্রামণের ছিল। তাহারা পরস্পরকে দূষিত করিয়াছিল। ভিক্ষুগণ আন্দোলন, নিন্দা

^১। যেই বালক বামহস্তে যষ্টি ধারণ করিয়া উপস্থিত কাক বিতাড়িত করিয়া সম্মুখে স্থাপিত অন্ন ভোজন করিতে পারে।—সম-পাসা।

এবং প্রকাশ্যে আলোচনা করিলেন :—“কেন শ্রামণেরগণ এইরূপ অনাচার আচরণ করিতেছে?” ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! এক ভিক্ষু দুইজন শ্রামণের সঙ্গে রাখিতে পারিবে না, যে সঙ্গে রাখিবে তাহার ‘দুক্কট’ অপরাধ হইবে।”

(৯) আশ্রয়ের সীমা

সেই সময়ে ভগবান সেই রাজগৃহেই বর্ষাঋতু অতিবাহিত করিলেন, তথায় হেমন্ত এবং গ্রীষ্মঋতুও অতিবাহিত করিলেন। জনসাধারণ আন্দোলন, নিন্দা এবং প্রকাশ্যে দুর্নাম প্রচার করিয়া বলিতে লাগিল :—“এই শাক্যপুত্রীয় শ্রমণদের জন্য চতুর্দিক শূন্য এবং অন্ধকারময় হইয়াছে, ইহাদের কোন দিক্ দেখা যাইতেছে না।” ভিক্ষুগণ জনসাধারণের আন্দোলন, নিন্দা এবং প্রকাশ্যে দুর্নাম প্রচার শুনিতে পাইলেন। ভিক্ষুগণ ভগবানকে এই বিষয় নিবেদন করিলেন। ভগবান আয়ুষ্মান আনন্দকে আহ্বান করিলেন :—“হে আনন্দ! যাও, চাবি লইয়া প্রতি পরিবেশে ভিক্ষুদিগকে জ্ঞাপন কর : ‘বন্ধুগণ! ভগবান দক্ষিণাগিরি পর্য্যটন যাইতে ইচ্ছা করিয়াছেন, যাঁহার যাওয়ার প্রয়োজন আছে তিনি আগমন করুন।’”

আয়ুষ্মান আনন্দ “তথাস্তু, প্রভো!” বলিয়া চাবি লইয়া, প্রতি পরিবেশে ভিক্ষুদিগকে জ্ঞাপন করিলেন, “বন্ধুগণ! ভগবান দক্ষিণাগিরি পর্য্যটনে যাইতে ইচ্ছা করিতেছেন, যাঁহার যাওয়ার প্রয়োজন আছে তিনি আসুন।”

ভিক্ষুগণ কহিলেন :—“বন্ধু আনন্দ! ভগবান ব্যবস্থা দিয়াছেন : দশবৎসর অন্যের আশ্রয়ে (অধীনে) বাস করিতে হইবে এবং দশ বৎসর বয়স্ক ভিক্ষু অন্যকে আশ্রয় দিতে পারিবে। যদি আমাদের তথায় যাইতে হয়, তাহা হইলে পুনরায় অন্যের আশ্রয় (অধীনতা) গ্রহণ (স্বীকার) করিতে হইবে, সেই আশ্রয়গ্রহণও মাত্র কয়েকদিনের জন্য হইবে; পুনরায় প্রত্যাগমন করিয়া পুনরায় আশ্রয় গ্রহণ করিতে হইবে। যদি আমাদের আচার্য্য-উপাধ্যায়গণ গমন করেন, তাহা হইলে আমরাও গমন করিব, যদি আমাদের আচার্য্য-উপাধ্যায়গণ গমন না করেন তাহা হইলে আমরাও গমন করিব না। বন্ধু আনন্দ! অন্যথা আমরা সাধারণের চক্ষে লঘুচেতা বলিয়া পরিদৃষ্ট হইব।”

ভগবান অল্পসংখ্যক ভিক্ষু সঙ্গে লইয়া দক্ষিণাগিরি পর্য্যটনে প্রস্থান করিলেন। ভগবান দক্ষিণাগিরিতে যথারূচি অবস্থান করিয়া পুনরায় রাজগৃহে প্রত্যাবর্তন করিলেন। ভগবান আয়ুষ্মান আনন্দকে আহ্বান করিলেন :—“হে আনন্দ! তথাগতকে অল্পসংখ্যক ভিক্ষুসহ দক্ষিণাগিরি পর্য্যটনে যাইতে হইয়াছিল কেন?”

আয়ুত্মান আনন্দ ভগবানকে এই বিষয় নিবেদন করিলেন। তখন ভগবান এই নিদানে, এই প্রকরণে ধর্মকথা উত্থাপন করিয়া ভিক্ষুদিগকে আহ্বান করিলেন :—

“হে ভিক্ষুগণ! আমি অনুজ্ঞা করিতেছি : যেই ভিক্ষু দক্ষ এবং সমর্থ তাহাকে পাঁচ বৎসর অন্যের আশ্রয়ে (অধীনে) বাস করিতে হইবে এবং যেই ভিক্ষু অদক্ষ ও অসমর্থ তাহাকে আজীবন অন্যের আশ্রয়ে বাস করিতে হইবে।”

(১০) আশ্রয় কাহার আবশ্যিক?

ক—হে ভিক্ষুগণ! পঞ্চগঙ্গ-বিকল ভিক্ষু বিনাশ্রয়ে (স্বাধীনভাবে) বাস করিতে পারিবে না। যথা :—(১) যাহার অশৈক্ষ্য শীলের অপূর্ণতা, (২) অশৈক্ষ্য সমাধির অপূর্ণতা, (৩) অশৈক্ষ্য প্রজ্ঞার অপূর্ণতা, (৪) অশৈক্ষ্য বিমুক্তির অপূর্ণতা, ও (৫) অশৈক্ষ্য বিমুক্তিজ্ঞানদর্শনের অপূর্ণতা আছে। হে ভিক্ষুগণ! এই পঞ্চগঙ্গ-বিকল ভিক্ষু বিনাশ্রয়ে বাস করিতে পারিবে না।

খ—হে ভিক্ষুগণ! পঞ্চগঙ্গ-সম্পন্ন ভিক্ষু বিনাশ্রয়ে (স্বাধীনভাবে) বাস করিতে পারিবে। যথা :—(১) যাহার অশৈক্ষ্য শীলের পূর্ণতা, (২) অশৈক্ষ্য সমাধির পূর্ণতা, (৩) অশৈক্ষ্য প্রজ্ঞার পূর্ণতা, (৪) অশৈক্ষ্য বিমুক্তির পূর্ণতা, ও (৫) অশৈক্ষ্য বিমুক্তিজ্ঞানদর্শনের পূর্ণতা আছে। হে ভিক্ষুগণ! এই পঞ্চগঙ্গ-সম্পন্ন ভিক্ষু বিনাশ্রয়ে বাস করিতে পারিবে।

গ—হে ভিক্ষুগণ! আরও পঞ্চগঙ্গ-বিকল ভিক্ষু বিনাশ্রয়ে বাস করিতে পারিবে না। যথা :—(১) যাহার শ্রদ্ধার অপূর্ণতা, (২) হীর অপূর্ণতা আছে, (৩) যে সঙ্কোচহীন, (৪) অলস ও (৫) স্মৃতিবিহীন। হে ভিক্ষুগণ! এই পঞ্চগঙ্গ-বিকল ভিক্ষু বিনাশ্রয়ে বাস করিতে পারিবে না।

ঘ—হে ভিক্ষুগণ! পঞ্চগঙ্গ-সম্পন্ন ভিক্ষু বিনাশ্রয়ে বাস করিতে পারিবে। যথা :—(১) যাহার শ্রদ্ধার পূর্ণতা, (২) হীর পূর্ণতা আছে, (৩) যে সঙ্কোচশীল, (৪) আলস্যহীন ও (৫) স্মৃতিসম্পন্ন। হে ভিক্ষুগণ! এই পঞ্চগঙ্গ-সম্পন্ন ভিক্ষু বিনাশ্রয়ে বাস করিতে পারিবে।

ঙ—হে ভিক্ষুগণ! পঞ্চগঙ্গ-বিকল ভিক্ষু বিনাশ্রয়ে বাস করিতে পারিবে না। যথা :—(১) যাহার অধিশীলে শীলের অপূর্ণতা, (২) অধিআচারে আচারের অপূর্ণতা, (৩) অতিদৃষ্টিতে দৃষ্টির অপূর্ণতা আছে, (৪) যে অল্পশ্রুত ও (৫) অপ্রাজ্ঞ। হে ভিক্ষুগণ! এই পঞ্চগঙ্গ-বিকল ভিক্ষু বিনাশ্রয়ে বাস করিতে পারিবে না।

চ—হে ভিক্ষুগণ! পঞ্চগঙ্গ-সম্পন্ন ভিক্ষু বিনাশ্রয়ে বাস করিতে পারিবে। যথা :—(১) যাহার শীলের পূর্ণতা, (২) আচারের পূর্ণতা, (৩) সৎদৃষ্টির পূর্ণতা আছে, (৪) যে বহুশ্রুত ও (৫) প্রজ্ঞাবান। হে ভিক্ষুগণ! এই পঞ্চগঙ্গ-সম্পন্ন ভিক্ষু বিনাশ্রয়ে বাস করিতে পারিবে।

ছ—হে ভিক্ষুগণ! পঞ্চাঙ্গ-বিকল ভিক্ষু বিনাশ্রয়ে বাস করিতে পারিবে না।
 যথা :—(১) যাহার আপত্তি (অপরাধ) সম্বন্ধে অনভিজ্ঞতা, (২) অনাপত্তি (নিরপরাধ) সম্বন্ধে অনভিজ্ঞতা, (৩) লঘু আপত্তি সম্বন্ধে অনভিজ্ঞতা, (৪) গুরু আপত্তি সম্বন্ধে অনভিজ্ঞতা আছে, এবং যাহার (৫) উভয়বিধ প্রাতিমোক্ষ হৃদয়ঙ্গম হয় নাই, সূত্র ও অনুব্যঞ্জন সহ সুবিভক্ত, সুপ্রবর্তিত এবং সুনির্ণীত হয় নাই। হে ভিক্ষুগণ! এই পঞ্চাঙ্গ-বিকল ভিক্ষু বিনাশ্রয়ে বাস করিতে পারিবে না।

জ—হে ভিক্ষুগণ! পঞ্চাঙ্গ-সম্পন্ন ভিক্ষু বিনাশ্রয়ে বাস করিতে পারিবে।
 যথা :—(১) যাহার আপত্তি সম্বন্ধে অভিজ্ঞতা, (২) অনাপত্তি সম্বন্ধে অভিজ্ঞতা, (৩) লঘু আপত্তি সম্বন্ধে অভিজ্ঞতা, (৪) গুরু আপত্তি সম্বন্ধে অভিজ্ঞতা আছে এবং যাহার (৫) উভয়বিধ প্রাতিমোক্ষ বিস্তৃতভাবে হৃদয়ঙ্গম হইয়াছে, সূত্র ও অনুব্যঞ্জন সহ সুবিভক্ত, সুপ্রবর্তিত এবং সুনির্ণীত হইয়াছে। হে ভিক্ষুগণ! এই পঞ্চাঙ্গ-সম্পন্ন ভিক্ষু বিনাশ্রয়ে বাস করিতে পারিবে।

ঝ—হে ভিক্ষুগণ! পঞ্চাঙ্গ-বিকল ভিক্ষু বিনাশ্রয়ে বাস করিতে পারিবে না।
 যথা :—(১) যাহার আপত্তি সম্বন্ধে অনভিজ্ঞতা, (২) অনাপত্তি সম্বন্ধে অনভিজ্ঞতা, (৩) লঘু আপত্তি সম্বন্ধে অনভিজ্ঞতা, (৪) গুরু আপত্তি সম্বন্ধে অনভিজ্ঞতা আছে এবং (৫) যাহার বয়স পাঁচ বৎসরের কম। হে ভিক্ষুগণ! এই পঞ্চাঙ্গ-বিকল ভিক্ষু বিনাশ্রয়ে বাস করিতে পারিবে না।

ঞ—হে ভিক্ষুগণ! পঞ্চাঙ্গ-সম্পন্ন ভিক্ষু বিনাশ্রয়ে বাস করিতে পারিবে।
 যথা :—(১) যাহার আপত্তি সম্বন্ধে অভিজ্ঞতা, (২) অনাপত্তি সম্বন্ধে অভিজ্ঞতা, (৩) লঘু আপত্তি সম্বন্ধে অভিজ্ঞতা, (৪) গুরু আপত্তি সম্বন্ধে অভিজ্ঞতা এবং (৫) পঞ্চ বৎসর বয়সের পূর্ণতা আছে। হে ভিক্ষুগণ! এই পঞ্চাঙ্গ-সম্পন্ন ভিক্ষু বিনাশ্রয়ে বাস করিতে পারিবে।

ট—হে ভিক্ষুগণ! ষড়ঙ্গ-বিকল ভিক্ষু বিনাশ্রয়ে বাস করিতে পারিবে না।
 যথা :—(১) যাহার অশৈক্ষ্য শীলের অপূর্ণতা, (২) অশৈক্ষ্য সমাধির অপূর্ণতা, (৩) অশৈক্ষ্য প্রজ্ঞার অপূর্ণতা, (৪) অশৈক্ষ্য বিমুক্তির অপূর্ণতা, (৫) অশৈক্ষ্য বিমুক্তিজ্ঞানদর্শনের অপূর্ণতা আছে এবং যাহার (৬) বয়স পাঁচ বৎসরের কম। হে ভিক্ষুগণ! এই ষড়ঙ্গ-বিকল ভিক্ষু বিনাশ্রয়ে বাস করিতে পারিবে না।

ঠ—হে ভিক্ষুগণ! ষড়ঙ্গ-সম্পন্ন ভিক্ষু বিনাশ্রয়ে বাস করিতে পারিবে।
 যথা :—(১) অশৈক্ষ্য শীলের পূর্ণতা, (২) অশৈক্ষ্য সমাধির পূর্ণতা, (৩) অশৈক্ষ্য প্রজ্ঞার পূর্ণতা, (৪) অশৈক্ষ্য বিমুক্তির পূর্ণতা, ও (৫) অশৈক্ষ্য বিমুক্তিজ্ঞানদর্শনের পূর্ণতা আছে এবং (৬) যাহার বয়স পাঁচ বৎসর বা তদতিরিক্ত বৎসর হইয়াছে। হে ভিক্ষুগণ! এই ষড়ঙ্গ-সম্পন্ন ভিক্ষু বিনাশ্রয়ে বাস করিতে পারিবে।

ড—হে ভিক্ষুগণ! ষড়ঙ্গ-বিকল ভিক্ষু বিনাশ্রয়ে বাস করিতে পারিবে না।
যথা :—(১) যে শ্রদ্ধাহীন, (২) হ্রীবিহীন, (৩) সঙ্কোচহীন, (৪) অলস, (৫) স্মৃতিহীন, এবং (৬) যাহার বয়স পাঁচ বৎসরের কম। হে ভিক্ষুগণ! এই ষড়ঙ্গ-বিকল ভিক্ষু বিনাশ্রয়ে বাস করিতে পারিবে না।

ঢ—হে ভিক্ষুগণ! ষড়ঙ্গ-সম্পন্ন ভিক্ষু বিনাশ্রয়ে বাস করিতে পারিবে।
যথা :—(১) যাহার শ্রদ্ধার পূর্ণতা, (২) হ্রীর পূর্ণতা আছে, (৩) যে সঙ্কোচশীল, (৪) উদ্যমশীল, (৫) স্মৃতিসম্পন্ন, এবং যাহার (৬) বয়স পাঁচ বৎসর বা তদধিক। হে ভিক্ষুগণ! এই ষড়ঙ্গ-সম্পন্ন ভিক্ষু বিনাশ্রয়ে বাস করিতে পারিবে।

ণ—হে ভিক্ষুগণ! ষড়ঙ্গ-বিকল ভিক্ষু বিনাশ্রয়ে বাস করিতে পারিবে না।
যথা :—(১) যে অধিশীলে শীলহীন, (২) অধিআচারে আচারহীন, (৩) অতিদৃষ্টিতে দৃষ্টিবিপন্ন, (৪) অল্পশ্রুত, (৫) প্রজ্ঞাহীন, এবং যাহার (৬) বয়স পাঁচ বৎসরের কম। হে ভিক্ষুগণ! এই ষড়ঙ্গ-বিকল ভিক্ষু বিনাশ্রয়ে বাস করিতে পারিবে না।

ত—হে ভিক্ষুগণ! ষড়ঙ্গ-সম্পন্ন ভিক্ষু বিনাশ্রয়ে বাস করিতে পারিবে।
যথা :—(১) যে অধিশীলে শীলপূর্ণ, (২) অধিআচারে আচারপূর্ণ, (৩) অতিদৃষ্টিতে দৃষ্টিবিপন্ন নহে, (৪) বহুশ্রুত, (৫) প্রজ্ঞাসম্পন্ন, এবং যাহার (৬) বয়স পাঁচ বৎসর বা তদধিক। হে ভিক্ষুগণ! এই ষড়ঙ্গ-সম্পন্ন ভিক্ষু বিনাশ্রয়ে বাস করিতে পারিবে।

থ—হে ভিক্ষুগণ! ষড়ঙ্গ-বিকল ভিক্ষু বিনাশ্রয়ে বাস করিতে পারিবে না।
যথা :—(১) আপত্তি সম্বন্ধে অনভিজ্ঞ, (২) অনাপত্তি সম্বন্ধে অনভিজ্ঞ, (৩) লঘু আপত্তি সম্বন্ধে অনভিজ্ঞ, (৪) গুরু আপত্তি সম্বন্ধে অনভিজ্ঞ, (৫) উভয়বিধ প্রাতিমোক্ষ বিস্তৃতভাবে সূত্র ও অনুব্যঞ্জন সহ হৃদয়ঙ্গম, সুবিভক্ত, সুপ্রবর্তিত ও সুনির্ণীত হয় নাই এবং যাহার (৬) বয়স পাঁচ বৎসরের কম। হে ভিক্ষুগণ! এই ষড়ঙ্গ-বিকল ভিক্ষু বিনাশ্রয়ে বাস করিতে পারিবে না।

দ—হে ভিক্ষুগণ! ষড়ঙ্গ-সম্পন্ন ভিক্ষু বিনাশ্রয়ে বাস করিতে পারিবে।
যথা :—(১) আপত্তি সম্বন্ধে অভিজ্ঞ, (২) অনাপত্তি সম্বন্ধে অভিজ্ঞ, (৩) লঘু আপত্তি সম্বন্ধে অভিজ্ঞ, (৪) গুরু আপত্তি সম্বন্ধে অভিজ্ঞ, (৫) উভয়বিধ প্রাতিমোক্ষ সূত্র ও অনুব্যঞ্জন সহ বিস্তৃতভাবে হৃদয়ঙ্গম, সুবিভক্ত, সুপ্রবর্তিত ও সুনির্ণীত হইয়াছে, এবং যাহার (৬) বয়স পাঁচ বৎসর বা তদধিক। হে ভিক্ষুগণ! এই ষড়ঙ্গ-সম্পন্ন ভিক্ষু বিনাশ্রয়ে বাস করিতে পারিবে।

॥ অষ্টম ভণিতা সমাপ্ত ॥

দণ্ডকর্ম-কথা

[স্থান :—কপিলবাস্ত্র]

(১) প্রব্রজ্যার্থ মাতাপিতার অনুমতি

রাহুলের প্রব্রজ্যা :—ভগবান রাজগৃহে যথারূপে অবস্থান করিয়া কপিলবাস্ত্র অভিমুখে প্রস্থান করিলেন। ক্রমান্বয়ে পর্যটন করিয়া কপিলবাস্ত্রতে গমন করিলেন। ভগবান সেই শাক্যরাজ্য কপিলবাস্ত্রতে অবস্থান করিতে লাগিলেন,—ন্যথোধারামে।

ভগবান পূর্বাহ্নে বহির্গমনবাস পরিধান করিয়া, পাত্রটীবর লইয়া, শুদ্ধোদন, শাক্যের নিবাসে উপস্থিত হইলেন, উপস্থিত হইয়া নির্দিষ্ট আসনে উপবেশন করিলেন। রাহুলের মাতৃদেবী কুমার রাহুলকে কহিলেন :—“রাহুল! উনিই তোমার পিতা, উঁহার নিকট যাইয়া দায়াদ (উত্তরাধিকার) যাচঞা কর।”

কুমার রাহুল ভগবানের নিকট উপস্থিত হইলেন, উপস্থিত হইয়া ভগবানের পুরোভাগে দাঁড়াইয়া কহিলেন :—

“মহানুভব শ্রমণ! আপনার ছায়া কতই না সুখদ!”

ভগবান আসন হইতে উঠিয়া প্রস্থান করিলেন। কুমার রাহুল ভগবানের পশ্চাৎ পশ্চাৎ অনুসরণ করিয়া বলিতে লাগিলেন :—“মহানুভব শ্রমণ! আমাকে দায়াদ (উত্তরাধিকার) প্রদান করুন, মহানুভব শ্রমণ! আমাকে দায়াদ প্রদান করুন।”

ভগবান আয়ুস্মান শারীপুত্রকে আহ্বান করিয়া কহিলেন :—“শারীপুত্র! কুমার রাহুলকে প্রব্রজ্যা দান কর।”

“প্রভো! আমি কুমার রাহুলকে কিভাবে প্রব্রজ্যা দান করিব?”

ভগবান এই নিদানে, এই প্রকরণে ধর্মকথা উত্থাপন করিয়া ভিক্ষুদিগকে আহ্বান করিলেন :—

শ্রামণের প্রব্রজ্যার বিধি :—“হে ভিক্ষুগণ! আমি অনুজ্ঞা করিতেছি : ত্রিশরণাগতি দ্বারা শ্রামণের-প্রব্রজ্যা দান করিবে।”

হে ভিক্ষুগণ! এইভাবে প্রব্রজ্যা দান করিতে হইবে : প্রথম প্রার্থীর কেশশূশ্রু মুণ্ডন করাইয়া, কাষায়বস্ত্রে দেহ আচ্ছাদিত করাইয়া, একাংশ আবৃত করিবার ভাবে উত্তরাসঙ্গ (উত্তরীয়) পরিধান করাইয়া, ভিক্ষুদের পাদবন্দনা করাইয়া, পদাঞ্জে ভর দিয়া বসাইয়া, উভয় হস্ত অঞ্জলিবদ্ধ করাইয়া ‘এইরূপ বল’ বলিতে হইবে : “বুদ্ধের শরণ গমন করিতেছি, ধর্মের শরণ গমন করিতেছি, সঞ্জের শরণ গমন করিতেছি।” [দ্বিতীয়, তৃতীয়বারও এইরূপ বলিবে।]

“হে ভিক্ষুগণ! আমি অনুজ্ঞা করিতেছি : এই ত্রিবিধ শরণাগতি দ্বারা শ্রামণের প্রব্রজ্যা দান করিবে।”

আয়ুষ্মান শারীপুত্র কুমার রাহুলকে প্রব্রজ্যা দান করিলেন। শুদ্ধোদন শাক্য ভগবানের নিকট উপস্থিত হইলেন, উপস্থিত হইয়া ভগবানকে অভিবাদন করিয়া একান্তে উপবেশন করিলেন, একান্তে উপবেশন করিয়া শুদ্ধোদন শাক্য ভগবানকে কহিলেন :—“প্রভো! আমি ভগবানের নিকট একটি বর যাচঞা করিতেছি।”

“হে গৌতম! তথাগতগণ বরদানের অতীত হইয়াছেন।”

“প্রভো! যাহা বিহিত এবং অনবদ্য সেইরূপ বরই আমার প্রার্থনীয়।”

“হে গৌতম! তাহা হইলে আপনি আপনার মনোভাব ব্যক্ত করুন।”

“প্রভো! ভগবান প্রব্রজ্যা গ্রহণ করিলে এবং পরে নন্দ প্রব্রজিত হইলে, আমার অল্প দুঃখ হয় নাই, রাহুল প্রব্রজ্যা গ্রহণ করায় আমার সর্বাপেক্ষা অধিক দুঃখ হইয়াছে। প্রভো! পুত্রপ্রেম দেহচ্ছবি ছেদ করে, দেহচ্ছবি ছেদ করিয়া চর্মচ্ছেদ করে, চর্মচ্ছেদ করিয়া মাংসচ্ছেদ করে, মাংসচ্ছেদ করিয়া স্নায়ুচ্ছেদ করে, স্নায়ুচ্ছেদ করিয়া অস্থিচ্ছেদ করে এবং অস্থিচ্ছেদ করিয়া অস্থিমজ্জা বিদ্ধ করিয়া স্থিত থাকে। অতএব যেন আর্যগণ মাতাপিতা কর্তৃক অননুজ্ঞাত পুত্রকে প্রব্রজ্যা প্রদান না করেন।”

মাতৃপিতৃ অনুমতিতে প্রব্রজ্যা :—ভগবান শুদ্ধোদন শাক্যকে ধর্মকথায় প্রবুদ্ধ, সন্দীপ্ত, সমুত্তেজিত, সম্প্রহৃষ্ট করিলেন। শুদ্ধোদন শাক্য ভগবানের ধর্মকথায় প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট হইয়া, আসন হইতে উঠিয়া, ভগবানকে অভিবাদন করিয়া, এবং তাঁহাকে দক্ষিণপার্শ্বে পুরোভাগে রাখিয়া প্রস্থান করিলেন।

ভগবান এই নিদানে, এই প্রকরণে ধর্মকথা উত্থাপন করিয়া ভিক্ষুদিগকে আহ্বান করিলেন :—“হে ভিক্ষুগণ! মাতাপিতা কর্তৃক অননুজ্ঞাত পুত্রকে প্রব্রজ্যা দান করিতে পারিবে না, যে প্রব্রজ্যা দান করিবে তাহার ‘দুষ্কট’ অপরাধ হইবে।”

[স্থান :—শ্রাবস্তী]

(২) শ্রামণের সম্বন্ধে বিধান

শ্রামণের সংখ্যা :—অনন্তর ভগবান কপিলবাস্তুতে যথারূচি অবস্থান করিয়া শ্রাবস্তী অভিমুখে যাত্রা করিলেন, ক্রমান্বয়ে পর্যটন করিয়া শ্রাবস্তীতে গমন করিলেন। ভগবান শ্রাবস্তী-সমীপে অবস্থান করিতে লাগিলেন,—জেতবনে, অনাথপিণ্ডদের আরামে। সেই সময়ে আয়ুষ্মান শারীপুত্রের সেবককুল আয়ুষ্মান শারীপুত্রের নিকট এই বলিয়া একটি বালক প্রেরণ করিল :—“স্থবির এই বালককে প্রব্রজিত করুন।” আয়ুষ্মান শারীপুত্রের মনে এই চিন্তা উদিত হইল : “ভগবান ব্যবস্থা দিয়াছেন : এক ভিক্ষু দুইজন শ্রামণের সঙ্গে রাখিতে পারিবে না, আমার সঙ্গে রাহুল শ্রামণের আছে, এখন আমার কি করিতে হইবে?” ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : দক্ষ এবং সমর্থ ভিক্ষু দুইজন শ্রামণের সঙ্গে রাখিতে পারিবে, অথবা যতজনকে উপদেশ অনুশাসন করিতে সমর্থ ততজন শ্রামণের সঙ্গে রাখিতে পারিবে।”

শ্রামণের শিক্ষাপদ :—শ্রামণেরগণের মনে এই চিন্তা উদিত হইল : “আমাদের শিক্ষাপদ কয়টি এবং আমাদের কি-ই বা শিক্ষা করিতে হইবে?” ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : শ্রামণেরগণের শিক্ষাপদ দশটি এবং তাহাই শ্রামণেরদিগকে শিক্ষা করিতে হইবে। যথা :—(১) প্রাণীহত্যা হইতে বিরতি, (২) অদত্তাদান হইতে বিরতি, (৩) অব্রহ্মচর্য্য হইতে বিরতি, (৪) মিথ্যাকথনাদি হইতে বিরতি, (৫) সুরা, মৈরেয় ও মদ্যাদি প্রমাদকর দ্রব্য হইতে বিরতি, (৬) বিকালভোজন হইতে বিরতি, (৭) নৃত্য, গীত ও বাদ্যাদি কৌতুকাবহ দর্শন হইতে বিরতি, (৮) মালা, গন্ধ, বিলেপনাদি ধারণ, মণ্ডন ও বিভূষণ হইতে বিরতি, (৯) উচ্চশয্যা মহাশয্যা হইতে বিরতি, (১০) জাতরূপ-রজত প্রতিগ্রহণ হইতে বিরতি। হে ভিক্ষুগণ! আমি অনুজ্ঞা করিতেছি : শ্রামণেরগণের এই দশটি শিক্ষাপদ এবং ইহাই শ্রামণেরদিগকে শিক্ষা করিতে হইবে।”

(৩) দণ্ডনীয় শ্রামণেরের দণ্ড-বিধান

দণ্ডনীয় শ্রামণের :—সেই সময়ে শ্রামণেরগণ ভিক্ষুদের প্রতি অগৌরব, অসম্মম প্রদর্শন করিয়া, অসঙ্গতাচারী হইয়া অবস্থান করিতেছিল। ভিক্ষুগণ আন্দোলন, নিন্দা এবং প্রকাশ্যে আলোচনা করিতে লাগিলেন :—“কেন শ্রামণেরগণ ভিক্ষুদের প্রতি অগৌরব, অসম্মম প্রদর্শন করিয়া, অসঙ্গতাচারী হইয়া অবস্থান করিতেছে?” ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : পঞ্চগঙ্গ-বিকল শ্রামণেরকে দণ্ডদান করিবে। যথা :—(১) ভিক্ষুদের অলাভের জন্য চেষ্টা করে, (২) ভিক্ষুদের অনর্থের জন্য চেষ্টা করে, (৩) ভিক্ষুদিগকে বাসভট্ট করিবার জন্য চেষ্টা করে, (৪) ভিক্ষুদিগের প্রতি আক্রোশ এবং কটুক্তি করে, (৫) ভিক্ষু হইতে ভিক্ষুকে বিচ্ছেদ করে। হে ভিক্ষুগণ! আমি অনুজ্ঞা করিতেছি : এই পঞ্চগঙ্গ-বিকল শ্রামণেরকে দণ্ডদান (শাস্তি প্রদান) করিবে।”

দণ্ড :—ভিক্ষুদের মনে এই চিন্তা উদিত হইল : “শ্রামণেরকে কিরূপ দণ্ড দান করিতে হইবে?” ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : “দণ্ডনীয় শ্রামণেরকে ‘বারণ’ দণ্ড প্রদান করিবে।”

দণ্ডদানের নিয়ম :—(a) সেই সময়ে ভিক্ষুগণ দণ্ডনীয় শ্রামণেরদিগকে সমগ্র সঙ্ঘারাম সম্পর্কেই ‘বারণ’ দণ্ড প্রদান করিতে লাগিলেন। শ্রামণেরগণ আরামে প্রবেশ করিতে না পারিয়া প্রস্থানও করিতে লাগিল, শ্রামণেরত্ব পরিত্যাগ করিতে লাগিল, তীর্থিকদের মধ্যেও চলিয়া যাইতে লাগিল। ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! সমগ্র সঙ্ঘারাম প্রবেশে বারণ করিতে পারিবে না, যে বারণ করিবে তাহার ‘দুষ্কট’ অপরাধ হইবে।”

“হে ভিক্ষুগণ! আমি অনুজ্ঞা করিতেছি : শ্রামণের যেস্থানে বাস করে অথবা যেস্থানে প্রবেশ করে মাত্র সেইস্থান সম্পর্কে বারণ করিবে।”

(b) সেই সময়ে ভিক্ষুগণ শ্রামণেরদিগের সম্মুখে আনীত আহার সম্পর্কে বারণ (নিষেধ) দণ্ড প্রদান করিতে লাগিলেন। জনসাধারণ যবাগু, পানীয় এবং সঙ্ঘভোজন প্রস্তুত করিয়া শ্রামণেরদিগকে বলিল :—“প্রভো! আসুন, যবাগু পান করুন, অন্ন ভোজন করুন।” শ্রামণেরগণ বলি :—“বন্ধুগণ! ভিক্ষুগণ বারণ করায় আমরা পানভোজন করিতে পারিব না।” জনসাধারণ আন্দোলন, নিন্দা এবং প্রকাশ্যে দুর্নাম প্রচার করিতে লাগিল :—“কেন মাননীয় ভিক্ষুগণ শ্রামণেরদিগের সম্মুখে আনীত আহার সম্পর্কে বারণ করিতেছেন?” ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! সম্মুখে আনীত আহার সম্পর্কে বারণ করিতে পারিবে না, যে বারণ করিবে তাহার ‘দুষ্কট’ অপরাধ হইবে।”

॥ দণ্ডকর্ম-কথা সমাপ্ত ॥

॥ উপসম্পদা প্রদান বিষয়ক একবিংশতিবার সমাপ্ত ॥

(c) সেই সময়ে ষড়্বর্গীয় ভিক্ষুগণ উপাধ্যায়ের অনুমতি না লইয়া শ্রামণেরগণকে বারণ দণ্ড প্রদান করিতেছিল। উপাধ্যায়গণ ‘কেন আমাদের শ্রামণেরদিগকে দেখিতে পাইতেছি না’ এই বলিয়া অনুসন্ধান করিতে লাগিলেন! ভিক্ষুগণ কহিলেন :—“বন্ধুগণ! ষড়্বর্গীয় ভিক্ষু শ্রামণেরদিগকে বারণ করিয়াছে।” উপাধ্যায়গণ আন্দোলন, নিন্দা এবং প্রকাশ্যে আলোচনা করিতে লাগিলেন :—“কেন ষড়্বর্গীয় ভিক্ষু আমাদেরদিগকে জিজ্ঞাসা না করিয়া আমাদের শ্রামণেরদিগকে বারণ করিতেছে?” ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! উপাধ্যায়ের অনুমতি না লইয়া বারণ করিতে পারিবে না, যে বারণ করিবে তাহার ‘দুষ্কট’ অপরাধ হইবে।”

(d) সেই সময়ে ষড়বর্গীয় ভিক্ষুগণ স্থবির ভিক্ষুর শ্রামণেরদিগকে প্রলোভন দিয়া লইয়া যাইতে লাগিল। স্থবিরগণ স্বয়ং দন্তকাষ্ঠ এবং মুখোদক (আচমন জল) সংগ্রহে ক্রেশ পাইতে লাগিলেন। ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! অন্যের পারিষদকে প্রলোভন দেখাইয়া লইয়া যাইতে পারিবে না, যে প্রলোভন দিয়া লইয়া যাইবে তাহার ‘দুষ্কট’ অপরাধ হইবে।”

সেই সময়ে আয়ুত্থান উপনন্দ শাক্যপুত্রের (বৌদ্ধ ভিক্ষুর) কণ্টক নামক শ্রামণের কণ্টকী নাম্নী ভিক্ষুণীকে কলুষিত করিয়াছিল। ভিক্ষুগণ আন্দোলন, নিন্দা এবং প্রকাশ্যে আলোচনা করিতে লাগিলেন :—“কেন শ্রামণের এতাদৃশ অনাচার আচরণ করিতেছে?” ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ আমি অনুজ্ঞা করিতেছি : দশাঙ্গ-বিকল শ্রামণেরকে বহিষ্কৃত করিবে। যথা :—(১) প্রাণীহত্যা রত হয়, (২) অদত্তাদায়ী হয়, (৩) অব্রক্ষচারী হয়, (৪) মিথ্যাবাদী হয়, (৫) মদ্যপায়ী হয়, (৬) বুদ্ধের অগুণ বর্ণনা করে, (৭) ধর্মের অগুণ বর্ণনা করে, (৮) সজ্ঞের অগুণ বর্ণনা করে, (৯) মিথ্যাদৃষ্টি-পরায়ণ হয়, (১০) ভিক্ষুণী-দুষক হয়। হে ভিক্ষুগণ, আমি অনুজ্ঞা করিতেছি : এই দশাঙ্গ-বিকল শ্রামণেরকে বহিষ্কৃত করিবে।”

(৪) উপসম্পদার অযোগ্য ব্যক্তি

১—সেই সময়ে জনৈক পণ্ডক (নপুংসক) ভিক্ষুদের মধ্যে প্রব্রজিত হইয়াছিল। সে তরুণ ভিক্ষুদের নিকট উপস্থিত হইয়া বলিল, “আয়ুত্থানগণ! আসুন, আমাকে কলুষিত করুন।” ভিক্ষুগণ তাহাকে বাধা দিয়া বলিলেন, “রে পণ্ডক! চলিয়া যাও, দূর হইয়া যাও, তোমায় কি প্রয়োজন?” সে ভিক্ষুগণ কর্তৃক বাধা প্রাপ্ত হইয়া বয়স্ক স্থলাকায় শ্রামণেরদিগের নিকট উপস্থিত হইয়া কহিল :—“আয়ুত্থানগণ! আসুন, আমাকে কলুষিত করুন।” শ্রামণেরগণ বাধা দিয়া বলিল :—“রে পণ্ডক! চলিয়া যাও, দূর হইয়া যাও, তোমায় কি প্রয়োজন?” সে শ্রামণেরগণ কর্তৃক বাধা প্রাপ্ত হইয়া হস্তীরক্ষক, অশ্বরক্ষকদের নিকট উপস্থিত হইয়া বলিল :—“বন্ধুগণ! এস, আমাকে কলুষিত কর।” হস্তীরক্ষক ও অশ্বরক্ষকগণ তাহাকে কলুষিত করিল। অনন্তর তাহারা আন্দোলন, নিন্দা এবং প্রকাশ্যে দুর্নাম প্রচার করিতে লাগিল :—“এই শাক্যপুত্রীয় শ্রমণগণ পণ্ডক! ইহাদের মধ্যে যাহারা পণ্ডক নহে তাহারাও পণ্ডককে কলুষিত করিয়া থাকে। এইরূপে ইহারা সকলেই অব্রক্ষচারী।” ভিক্ষুগণ সেই হস্তীরক্ষক, অশ্বরক্ষকদের আন্দোলন, নিন্দা এবং প্রকাশ্যে দুর্নাম প্রচার শুনিতে পাইলেন। অনন্তর সেই ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! অনুপসম্পন্ন পণ্ডকে উপসম্পদা দান করিবে না, এবং উপসম্পন্ন পণ্ডকে বহিষ্কৃত করিবে।”

২—সেই সময়ে প্রাচীনবংশের জনৈক সন্তান আত্মীয়স্বজনহীন এবং সুকোমল ছিল। সেই আত্মীয়স্বজনবিহীন প্রাচীন কুলপুত্রের মনে এই চিন্তা উদিত হইল : “আমি সুকোমল বিধায় অনর্জিত ধন অর্জন করিতে অথবা অর্জিত ধন বৃদ্ধি করিতে সমর্থ হইতেছি না; কোন উপায় অবলম্বন করিলে সুখে জীবন ধারণ করিতে পারিব এবং ক্লিষ্ট হইব না?” আবার সেই আত্মীয়স্বজনবিহীন প্রাচীন কুলপুত্রের মনে এই চিন্তা উদিত হইল : “এই শাক্যপুত্রীয় শ্রমণগণ সুখশীলী, সুখবিহারী এবং সুস্বাদুভোজন ভোজন করিয়া নিরুদ্ধেগে শয্যায় শয়ন করেন। অতএব আমি স্বয়ং পাত্রচীবর সংগ্রহ করিয়া, কেশশাশ্রু মুণ্ডিত করিয়া, কাষায় বস্ত্রে দেহ আচ্ছাদিত করিয়া, আরামে (বিহারে) যাইয়া, ভিক্ষুদের সহিত বাস করিব।” এই ভাবিয়া সেই আত্মীয়স্বজনবিহীন প্রাচীন কুলপুত্র স্বয়ং পাত্রচীবর সংগ্রহ করিয়া, কেশশাশ্রু মুণ্ডিত করিয়া, কাষায় বস্ত্রে দেহ আচ্ছাদিত করিয়া, আরামে যাইয়া ভিক্ষুদিগকে অভিবাদন করিতে লাগিল। ভিক্ষুগণ কহিলেন :—“বন্ধো! আপনি কয় বর্ষ হইয়াছেন?” “বন্ধো! ‘কয় বর্ষ’ ইহার অর্থ কি?” “বন্ধো! আপনার উপাধ্যায় কে?” “বন্ধো! ‘উপাধ্যায়’ ইহার অর্থ কি?”

ভিক্ষুগণ আয়ুত্মান উপালিকে কহিলেন :—“বন্ধু উপালি! এই প্রব্রজিতকে পরীক্ষা করুন।” অনন্তর সেই আত্মীয়স্বজনবিহীন প্রাচীন কুলপুত্র উপালি কর্তৃক সত্যাসত্য নির্ণয়ে প্রশ্ন জিজ্ঞাসিত হইয়া সময় বিষয় প্রকাশ করিল। আয়ুত্মান উপালি ভিক্ষুদিগকে এই বিষয় জ্ঞাপন করিলেন। ভিক্ষুগণ ভগবানকে সেই বিষয় নিবেদন করিলেন। (ভগবান কহিলেন :—)

“হে ভিক্ষুগণ! অনুপসম্পন্ন স্তেয়সংবাসককে (চোরাবশে আগত ব্যক্তিকে)^১ উপসম্পদা দান করিতে পারিবে না, উপসম্পদা প্রাপ্ত হইলেও তাহাকে বহিষ্কৃত করিবে।”

^১। স্তেয়সংবাসক ত্রিবিধ; যথা :—(১) লিঙ্গ (চিহ্ন) স্তেনক, (২) সংবাস স্তেনক, (৩) উভয় স্তেনক। যে স্বয়ং প্রব্রজিত হইয়া, বিহারে যাইয়া, ভিক্ষু-বর্ষ গণনা করে না, জ্যেষ্ঠানুক্রমে বন্দনা গ্রহণ করে না, ভিক্ষুকে আসনচ্যুত করে না, উপবসথ প্রবারণাদি কার্যে উপস্থিত হয় না তাহাকে লিঙ্গ স্তেনক কহে। যে ভিক্ষুদ্বারা শ্রামণেররূপে প্রব্রজিত হইয়া বিদেশে গমন করিয়া ‘আমি দশবর্ষ হইয়াছি’, ‘আমি বিংশতিবর্ষ হইয়াছি’ বলিয়া মিথ্যাকথা বলিয়া ভিক্ষু-বর্ষ গণনা করে, জ্যেষ্ঠানুসারে বন্দনা গ্রহণ করে, ভিক্ষুকে আসনচ্যুত করে, উপবসথ প্রবারণাদি কার্যে উপস্থিত হয় তাহাকে সংবাস স্তেনক কহে। যে স্বয়ং প্রব্রজিত হইয়া, বিহারে যাইয়া, ভিক্ষু-বর্ষ গণনা করে, জ্যেষ্ঠানুসারে বন্দনা গ্রহণ করে, ভিক্ষুকে আসনচ্যুত করে, উপবসথ প্রবারণাদি কার্যে উপস্থিত হয় তাহাকে উভয় (লিঙ্গ ও সংবাস) স্তেনক কহে। এই ত্রিবিধ স্তেয়সংবাসক অনুপসম্পন্ন থাকিলে উপসম্পদা দিতে পারিবে না, উপসম্পন্ন হইলে বিতাড়িত করিবে। পুনরায় প্রব্রজ্যা যাচঞা করিলেও প্রব্রজ্যা দিতে পারিবে না।—সম-পাসা।

“হে ভিক্ষুগণ! অনুপসম্পন্ন তীর্থিকপ্রস্থানককে (অন্যাশ্রয়ে প্রস্থানকারীকে)^১ উপসম্পদা দান করিতে পারিবে না, উপসম্পদা প্রাপ্ত হইলেও তাহাকে বহিষ্কৃত করিবে।”

৩—সেই সময়ে একটি নাগের নাগযোনিতে জন্মহেতু দুঃখ উপস্থিত হইল, লজ্জা উপস্থিত হইল, এবং ঘৃণা উপস্থিত হইল। অনন্তর সেই নাগের মনে এই চিন্তা উদিত হইল : “আমি কোন্ উপায়ে নাগযোনি হইতে মুক্তি লাভ করিতে পারিব, এবং শীঘ্র মানবত্ব লাভে সমর্থ হইব?” আবার সেই নাগের মনে এই চিন্তা উদিত হইল : “এই শাক্যপুত্রীয় শ্রমণগণ ধর্মচারী, শমচারী, ব্রহ্মচারী, সত্যবাদী, শীলবান এবং কল্যাণধর্মী। যদি আমি শাক্যপুত্রীয় শ্রমণদিগের মধ্যে প্রব্রজিত হই, তাহা হইলে আমি নাগযোনি হইতেও মুক্তিলাভ করিতে পারিব এবং শীঘ্র মানবত্ব লাভেও সমর্থ হইব।” অনন্তর সেই নাগ মানববেশে (ব্রাহ্মণ যুবকের বেশে) ভিক্ষুদিগের নিকট উপস্থিত হইয়া প্রব্রজ্যা যাচঞা করিল, ভিক্ষুগণ তাহাকে প্রব্রজ্যা দান করিলেন, উপসম্পদাও দান করিলেন। সেই সময়ে সেই নাগ একজন ভিক্ষুর সহিত প্রত্যন্তদেশের বিহারে অবস্থান করিতেছিল। একদিন সেই ভিক্ষু রাত্রির প্রত্যুষ সময়ে উঠিয়া খোলা জায়গায় পাদচারণ করিতেছিলেন। সেই নাগ সেই ভিক্ষু বাহির হইবার পর গাঢ়নিদ্রায় অভিভূত হইল। তখন সমস্ত বিহার অহিতে পরিপূর্ণ হইল, বাতায়ন দিয়া দেহকুণ্ডল বাহির হইয়া পড়িল। সেই ভিক্ষু ‘বিহারে প্রবেশ করিব’ এই ভাবিয়া কপাট উন্মুক্ত করা মাত্র দেখিতে পাইলেন : সমগ্র বিহার অহিতে পরিপূর্ণ এবং বাতায়ন দিয়া দেহ-কুণ্ডল বাহির হইয়া পড়িয়াছে; দেখিয়া ভয়ে বিকট শব্দ করিয়া উঠিলেন। অন্যান্য ভিক্ষুগণ দৌড়িয়া আসিয়া সেই ভিক্ষুকে কহিলেন :—“বন্ধো! আপনি বিকটশব্দ করিলেন কেন?” “বন্ধো! এই সমগ্র বিহার অহিতে পরিপূর্ণ, বাতায়ন দিয়া দেহকুণ্ডল বাহির হইয়া পড়িয়াছে!” সেই নাগ সেই শব্দে জাগ্রত হইয়া স্ব আসনে উপবেশন করিল। ভিক্ষুগণ কহিলেন :—“বন্ধো! তুমি কে?”

“প্রভো! আমি নাগ।”

“বন্ধো! কেন তুমি এইরূপ করিয়াছ?”

সেই নাগ ভিক্ষুদের নিকট সমস্ত বিষয় প্রকাশ করিল। ভিক্ষুগণ ভগবানকে সেই বিষয় জানাইলেন। ভগবান এই নিদানে, এই প্রকরণে ভিক্ষুসঙ্ঘকে সমবেত করাইয়া সেই নাগকে কহিলেন :—“নাগ! তোমরা নাগত্ব-হেতু এই ধর্মবিনয়ে শ্রীবৃদ্ধি প্রাপ্ত হইতে পার না। নাগ! তুমি স্বভবনে চলিয়া যাও, তথায় চতুর্দশী,

^১। তীর্থিকদের নিকট ভিক্ষু অবস্থায় যে গমন করে তাহাকে তীর্থিক-প্রস্থানক কহে। তাহাকে যে কেবল পুনরায় উপসম্পদা দিতে পারিবে না তাহা নহে, প্রব্রজ্যাও দিতে পারিবে না।—সম-পাসা।

পঞ্চদশী এবং পক্ষের অষ্টমী তিথিতে উপবসথ প্রতিপালন কর, এইরূপে তুমি নাগযোনি হইতেও মুক্তি লাভ করিতে পারিবে এবং শ্রীম্ন মনুষ্যত্ব (মানবযোনি) লাভেও সমর্থ হইবে।” সেই নাগ “আমি নাকি এই ধর্মবিনয়ে শ্রীবুদ্ধি লাভে সমর্থ হইব না” এই ভাবিয়া, দুঃখী ও দুর্ম্মনা হইয়া অশ্রুপাত করিতে করিতে বিকট শব্দ করিয়া প্রস্থান করিল। ভগবান ভিক্ষুদিগকে আহ্বান করিলেন :—

“হে ভিক্ষুগণ! নাগের স্বভাব প্রকটিত হইবার দ্বিবিধ হেতু আছে। যথা :—
(১) যখন স্বজাতীয়া স্ত্রীর সহিত মৈথুন সেবন করে এবং (২) যখন গাঢ় নিদ্রায় অভিভূত হয়। হে ভিক্ষুগণ! নাগের স্বভাব প্রকটিত হইবার এই দ্বিবিধ কারণ।

“হে ভিক্ষুগণ! অনুপসম্পন্ন মানবের প্রাণিকে উপসম্পদা দান করিতে পারিবে না, উপসম্পদা প্রাপ্ত হইলেও বহিষ্কৃত করিবে।”

৪—সেই সময়ে এক মানব (ব্রাহ্মণ যুবক) মাতৃহত্যা করিয়াছিল। সে সেই পাপকার্য্যে দুঃখিত হইল, লজ্জিত হইল এবং ঘৃণাবোধ করিতে লাগিল। সেই মানবের মনে এই চিন্তা উদিত হইল : “আমি কোন উপায়ে এই পাপকর্ম্মের অবসান করিব?” আবার তাহার মনে এই চিন্তা উদিত হইল : “এই শাক্যপুত্রীয় শ্রমণগণ ধর্ম্মচারী, শমচারী, ব্রহ্মচারী, সত্যবাদী, শীলবান এবং কল্যাণধর্ম্মী। যদি আমি শাক্যপুত্রীয় শ্রমণদিগের মধ্যে প্রব্রজিত হইতে পারি তাহা হইলে এই পাপকর্ম্মের অবসান করিতে পারিব।” সেই মানব ভিক্ষুদের নিকট উপস্থিত হইয়া প্রব্রজ্যা যাচঞা করিল। ভিক্ষুগণ আয়ুত্থান উপালিকে কহিলেন :—“বন্ধু উপালি! পূর্বেও একটি নাগ মানববেশে ভিক্ষুদের মধ্যে প্রব্রজিত হইয়াছিল। অতএব এই মানবকে পরীক্ষা করুন।” সেই মানব আয়ুত্থান উপালি কর্তৃক প্রশ্ন জিজ্ঞাসিত হইয়া সমস্ত বিষয় প্রকাশ করিল। আয়ুত্থান উপালি ভিক্ষুদিগকে এই বিষয় জ্ঞাপন করিলেন। ভিক্ষুগণ ভগবানকে সেই বিষয় জানাইলেন। (ভগবান কহিলেন :—)

“হে ভিক্ষুগণ! অনুপসম্পন্ন মাতৃহন্তাকে উপসম্পদা দান করিবে না, উপসম্পদাপ্রাপ্ত মাতৃহন্তাকে বহিষ্কৃত করিবে।”

৫—সেই সময়ে এক মানব পিতৃহত্যা করিয়াছিল।

“হে ভিক্ষুগণ! অনুপসম্পন্ন পিতৃহন্তাকে উপসম্পদা দান করিবে না, উপসম্পদাপ্রাপ্ত পিতৃহন্তাকে বহিষ্কৃত করিবে।”

৬—সেই সময়ে বহুসংখ্যক ভিক্ষু সাকেত হইতে শ্রাবস্তী-অভিযুখে দীর্ঘপথ পর্য্যটনে রত ছিলেন। রাস্তার মধ্যে বহু চোর বাহির হইয়া কোন কোন ভিক্ষুর সামগ্রী লুণ্ঠন করিল আবার কোন কোন ভিক্ষুকে হত্যা করিল। শ্রাবস্তী হইতে রাজকর্ম্মচারিগণ আসিয়া কোন কোন চোরকে ধৃত করিল, কোন কোন চোর পলায়ন করিল। যাহারা পলায়ন করিল তাহারা ভিক্ষুদের মধ্যে প্রব্রজিত হইল। যাহারা ধৃত হইল তাহারা বধের জন্য নীত হইতেছিল। সেই প্রব্রজিতগণ ধৃত চোরদিগকে বধ্যভূমিতে লইয়া যাইতে দেখিতে পাইল, দেখিয়া পরস্পর এইরূপ বলিতে

লাগিল :—“আমরা পলাইয়া ভাল করিয়াছি, যদি আমরা ধৃত হইতাম তাহা হইলে আমরাও এইরূপে নিহত হইতাম।” ভিক্ষুগণ জিজ্ঞাসা করিলেন :—“বন্ধুগণ! আপনারা কি করিয়াছিলেন?” অনন্তর সেই প্রব্রজিতগণ ভিক্ষুদের নিকট সত্য বিষয় প্রকাশ করিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! সেই ভিক্ষুগণ (পথে নিহত ভিক্ষুগণ) অর্হৎ ছিল। হে ভিক্ষুগণ! অনুপসম্পন্ন অর্হৎহস্তাকে উপসম্পদা দান করিবে না, উপসম্পদাপ্রাপ্ত হইলেও বহিষ্কৃত করিবে।”

৭—সেই সময়ে সাকেত হইতে বহুসংখ্যক ভিক্ষুগণী শ্রাবস্তী-অভিমুখে দীর্ঘপথ পর্য্যটনে রত ছিলেন। পথের মধ্যে বহু চোর বাহির হইয়া কোন কোন ভিক্ষুগণীর সামগ্রী লুণ্ঠন করিল এবং কোন কোন ভিক্ষুগণীকে কলুষিত করিল। শ্রাবস্তী হইতে রাজকর্মচারিগণ আসিয়া কোন কোন চোরকে ধৃত করিল, কোন কোন চোর পলায়ন করিল। যাহারা পলায়ন করিল তাহারা ভিক্ষুদের মধ্যে প্রব্রজিত হইল; যাহারা ধৃত হইয়াছিল তাহারা বন্দের জন্য নীত হইতেছিল। সেই প্রব্রজিতগণ ধৃত চোরদিগকে বন্দের জন্য লইয়া যাইতে দেখিয়া পরস্পর এইরূপ কহিতে লাগিল :—“আমরা পলাইয়া ভালই করিয়াছি, যদি আমরা ধৃত হইতাম তাহা হইলে আমরাও এইরূপে নিহত হইতাম।” ভিক্ষুগণ জিজ্ঞাসা করিলেন :—“বন্ধুগণ! আপনারা কি করিয়াছিলেন?” অনন্তর সেই প্রব্রজিতগণ ভিক্ষুদিগকে সত্য বিষয় জ্ঞাপন করিল। ভিক্ষুগণ ভগবানকে এই নিবেদন করিলেন। (ভগবান কহিলেন :—)

“হে ভিক্ষুগণ! অনুপসম্পন্ন ভিক্ষুগণীদূষককে উপসম্পদা দান করিবে না, উপসম্পদাপ্রাপ্ত ভিক্ষুগণীদূষককে বিতাড়িত করিবে।”

“হে ভিক্ষুগণ! অনুপসম্পন্ন সঙ্ঘভেদককে উপসম্পদা দান করিবে না, উপসম্পদাপ্রাপ্ত সঙ্ঘভেদককে বিতাড়িত করিবে।”

“হে ভিক্ষুগণ! অনুপসম্পন্ন রক্তোৎপাদককে^১ উপসম্পদা দান করিবে না, উপসম্পদাপ্রাপ্ত রক্তোৎপাদককে বিতাড়িত করিবে।”

৮—সেই সময়ে জনৈক স্ত্রী-পুরুষ উভয়ব্যঞ্জন বিশিষ্ট ব্যক্তি ভিক্ষুদের মধ্যে প্রব্রজিত হইয়াছিল। সে ব্যভিচার করিতেছিল, ভিক্ষুগণ ভগবানকে এই বিষয় জ্ঞাপন করিলেন। (ভগবান কহিলেন :—)

“হে ভিক্ষুগণ! অনুপসম্পন্ন স্ত্রী-পুরুষ উভয় লক্ষণবিশিষ্ট ব্যক্তিকে উপসম্পদা দান করিবে না, উপসম্পদাপ্রাপ্ত হইলেও বিতাড়িত করিবে।”

৯—সেই সময়ে উপাধ্যায়বিহীন ব্যক্তিকে ভিক্ষুগণ উপসম্পদা দিতেছিলেন। ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

^১। যে দেবদত্তের ন্যায় নিহত করিবার ইচ্ছায় তথাগতের জীবন্ত দেহ হইতে ক্ষুদ্র মক্ষিকা পানের যোগ্য রক্তপাতও করে সে রক্তোৎপাদক নামে অভিহিত হয়।—সম-পাসা।

“হে ভিক্ষুগণ! উপাধ্যায়বিহীন ব্যক্তিকে উপসম্পদা দান করিবে না, যে উপসম্পদা দান করিবে তাহার ‘দুষ্কট’ অপরাধ হইবে।”

১০—সেই সময়ে ভিক্ষুগণ সঙ্ঘের উপাধ্যায়ত্বে অন্যকে উপসম্পদা দিতেছিলেন। ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! সঙ্ঘের উপাধ্যায়ত্বে অন্যকে উপসম্পদা দান করিতে পারিবে না, যে উপসম্পদা দান করিবে তাহার ‘দুষ্কট’ অপরাধ হইবে।”

১১—সেই সময়ে ভিক্ষুগণ গণের (পাঁচজনের কম এবং একজনের অধিক সংখ্যক ভিক্ষুর) উপাধ্যায়ত্বে অন্যকে উপসম্পদা দিতেছিলেন। ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! গণের উপাধ্যায়ত্বে অন্যকে উপসম্পদা দান করিতে পারিবে না, যে উপসম্পদা দান করিবে তাহার ‘দুষ্কট’ অপরাধ হইবে।”

১২—সেই সময়ে ভিক্ষুগণ পণ্ডকের (ক্লীবের) উপাধ্যায়ত্বে অন্যকে উপসম্পদা দিতেছিলেন। ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! পণ্ডকের উপাধ্যায়ত্বে অন্যকে উপসম্পদা দান করিতে পারিবে না, যে উপসম্পদা দান করিবে তাহার ‘দুষ্কট’ অপরাধ হইবে।”

১৩—সেই সময়ে ভিক্ষুগণ স্তেয়সংবাসকের উপাধ্যায়ত্বে উপসম্পদা দিতেছিলেন; ১৪—তীর্থিক-প্রস্থানকের উপাধ্যায়ত্বে উপসম্পদা দিতেছিলেন; ১৫—মানবেতর জীবের উপাধ্যায়ত্বে উপসম্পদা দিতেছিলেন; ১৬—মাতৃহন্তার উপাধ্যায়ত্বে উপসম্পদা দিতেছিলেন; ১৭—পিতৃহন্তার উপাধ্যায়ত্বে উপসম্পদা দিতেছিলেন; ১৮—অর্হৎহন্তার উপাধ্যায়ত্বে উপসম্পদা দিতেছিলেন; ১৯—ভিক্ষুদূষকের উপাধ্যায়ত্বে উপসম্পদা দিতেছিলেন; ২০—সঙ্ঘভেদকের উপাধ্যায়ত্বে উপসম্পদা দিতেছিলেন; ২১—(বুদ্ধের দেহ হইতে) রক্তোৎপাদকের উপাধ্যায়ত্বে উপসম্পদা দিতেছিলেন; ২২—উভয়ব্যঞ্জনকের উপাধ্যায়ত্বে উপসম্পদা দিতেছিলেন। ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! স্তেয়সংবাসকের উপাধ্যায়ত্বে অন্যকে উপসম্পদা দিতে পারিবে না; তীর্থিক-প্রস্থানকের উপাধ্যায়ত্বে উপসম্পদা দিতে পারিবে না; মানবেতর জীবের উপাধ্যায়ত্বে উপসম্পদা দিতে পারিবে না; মাতৃহন্তার উপাধ্যায়ত্বে উপসম্পদা দিতে পারিবে না; পিতৃহন্তার উপাধ্যায়ত্বে উপসম্পদা দিতে পারিবে না; অর্হৎহন্তার উপাধ্যায়ত্বে উপসম্পদা দিতে পারিবে না; ভিক্ষুদূষকের উপাধ্যায়ত্বে উপসম্পদা দিতে পারিবে না; সঙ্ঘভেদকের উপাধ্যায়ত্বে উপসম্পদা দিতে পারিবে না;

রক্তোৎপাদকের উপাধ্যায়কে উপসম্পদা দিতে পারিবে না; উভয়ব্যঞ্জনকের উপাধ্যায়কে উপসম্পদা দিতে পারিবে না, যে উপসম্পদা দান করিবে তাহার ‘দুষ্কট’ অপরাধ হইবে।

২৩—সেই সময়ে ভিক্ষুগণ ভিক্ষাপাত্রবিহীন ব্যক্তিকে উপসম্পদা দিতেছিলেন। তাহারা বিনাপাত্রে করপুটে করিয়া ভিক্ষা সংগ্রহ করিতেছিল। জনসাধারণ আন্দোলন, নিন্দা এবং প্রকাশ্যে অপযশ প্রচার করিতে লাগিল :—“কেন ভিক্ষু বিনাপাত্রে ভিক্ষান্ন সংগ্রহ করিতেছে, যেমন তীর্থিকগণ করিয়া থাকে!” ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! ভিক্ষাপাত্রবিহীন ব্যক্তিকে উপসম্পদা দান করিতে পারিবে না, যে উপসম্পদা দান করিবে তাহার ‘দুষ্কট’ অপরাধ হইবে।”

২৪—সেই সময়ে ভিক্ষুগণ চীবরবিহীন ব্যক্তিকে উপসম্পদা দিতেছিলেন। তাহারা নগ্নাবস্থায় ভিক্ষান্ন সংগ্রহ করিতেছিল। জনসাধারণ আন্দোলন, নিন্দা এবং প্রকাশ্যে অপযশ প্রচার করিতে লাগিল :—“কেন নগ্নাবস্থায় ভিক্ষু ভিক্ষান্ন সংগ্রহ করিতেছে, যেমন তীর্থিকগণ করিয়া থাকে!” ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! চীবরবিহীন ব্যক্তিকে উপসম্পদা দান করিতে পারিবে না, যে উপসম্পদা দান করিবে তাহার ‘দুষ্কট’ অপরাধ হইবে।”

২৫—সেই সময়ে ভিক্ষুগণ ভিক্ষাপাত্র ও চীবরবিহীন ব্যক্তিকে উপসম্পদা দিতেছিলেন। তাহারা নগ্নাবস্থায় করপুটে করিয়া ভিক্ষান্ন সংগ্রহ করিতে লাগিল। জনসাধারণ আন্দোলন, নিন্দা এবং প্রকাশ্যে অপযশ প্রচার করিতে লাগিল :—“কেন ভিক্ষু নগ্নাবস্থায় করপুটে ভিক্ষান্ন সংগ্রহ করিতেছে, যেমন তীর্থিকগণ করিয়া থাকে!” ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! ভিক্ষাপাত্র এবং চীবরবিহীন ব্যক্তিকে উপসম্পদা দান করিতে পারিবে না, যে উপসম্পদা দান করিবে তাহার ‘দুষ্কট’ অপরাধ হইবে।”

২৬—সেই সময়ে ভিক্ষুগণ ধার করা পাত্রদ্বারা উপসম্পদা দিতেছিলেন। উপসম্পদার পর মালিক ভিক্ষাপাত্র প্রত্যাহরণ করিল। তাহারা অগত্যা করপুটে ভিক্ষান্ন সংগ্রহ করিতে লাগিল। জনসাধারণ আন্দোলন, নিন্দা এবং প্রকাশ্যে অপযশ প্রচার করিতে লাগিল :—“কেন ভিক্ষু বিনাপাত্রে করপুটে ভিক্ষান্ন সংগ্রহ করিতেছে, যেমন তীর্থিকগণ ভিক্ষান্ন সংগ্রহ করিয়া থাকে!” ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! ধার করা ভিক্ষাপাত্র দ্বারা উপসম্পদা দান করিতে পারিবে না, যে উপসম্পদা দান করিবে তাহার ‘দুষ্কট’ অপরাধ হইবে।”

২৭—সেই সময়ে ভিক্ষুগণ ধার করা চীবর দ্বারা উপসম্পদা দিতেছিলেন। উপসম্পদার পর মালিক চীবর প্রত্যাহরণ করিল। অগত্যা তাহারা নগ্নাবস্থায় ভিক্ষান্ন সংগ্রহে রত হইল। জনসাধারণ আন্দোলন, নিন্দা এবং প্রকাশ্যে অপযশ প্রচার করিতে লাগিল :—“কেন ভিক্ষুগণ নগ্নাবস্থায় ভিক্ষাচর্যা করিতেছে, যেমন তীর্থিকগণ করিয়া থাকে!” ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! ধার করা চীবর দ্বারা উপসম্পদা দান করিতে পারিবে না, যে উপসম্পদা দান করিবে তাহার ‘দুষ্কট’ অপরাধ হইবে।”

২৮—সেই সময়ে ভিক্ষুগণ ধার করা ভিক্ষাপাত্র এবং চীবর দ্বারা উপসম্পদা দিতেছিলেন। উপসম্পদার পর মালিক ভিক্ষাপাত্র এবং চীবর প্রত্যাহরণ করিল। অগত্যা তাহারা নগ্নাবস্থায় করপুটে ভিক্ষাচর্যা করিতে লাগিল। জনসাধারণ আন্দোলন, নিন্দা এবং প্রকাশ্যে অপযশ প্রচার করিতে লাগিল :—“কেন ভিক্ষু নগ্নাবস্থায় করপুটে ভিক্ষাচর্যা করিতেছে? যেমন তীর্থিকগণ ভিক্ষান্ন সংগ্রহ করিয়া থাকে!” ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! ধার করা ভিক্ষাপাত্র এবং চীবর দ্বারা উপসম্পদা দান করিতে পারিবে না, যে উপসম্পদা দান করিবে তাহার ‘দুষ্কট’ অপরাধ হইবে।”

(৫) প্রব্রজ্যার অযোগ্য ব্যক্তি

১—সেই সময় ভিক্ষুগণ হস্তচ্ছিন্ন ব্যক্তিকে প্রব্রজ্যা দিতেছিলেন। জনসাধারণ আন্দোলন, নিন্দা এবং প্রকাশ্যে অপযশ প্রচার করিতে লাগিল :—“কেন শাক্যপুত্রীয় শ্রমণগণ হস্তচ্ছিন্ন ব্যক্তিকে প্রব্রজ্যা দিতেছেন?” ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

হে ভিক্ষুগণ! হস্তচ্ছিন্ন ব্যক্তিকে প্রব্রজ্যা দান করিতে পারিবে না, যে প্রব্রজ্যা দান করিবে তাহার ‘দুষ্কট’ অপরাধ হইবে।”

২—সেই সময়ে ভিক্ষুগণ পদচ্ছিন্ন ব্যক্তিকে প্রব্রজ্যা দিতেছিলেন;
৩—হস্তপদচ্ছিন্ন ব্যক্তিকে প্রব্রজ্যা দিতেছিলেন; ৪—কর্ণচ্ছিন্ন ব্যক্তিকে প্রব্রজ্যা দিতেছিলেন; ৫—নাসিকাচ্ছিন্ন ব্যক্তিকে প্রব্রজ্যা দিতেছিলেন; ৬—কর্ণনাসিকাচ্ছিন্ন ব্যক্তিকে প্রব্রজ্যা দিতেছিলেন; ৭—অঙ্গুলিচ্ছিন্ন ব্যক্তিকে প্রব্রজ্যা দিতেছিলেন; ৮—অঙ্গুষ্ঠচ্ছিন্ন ব্যক্তিকে প্রব্রজ্যা দিতেছিলেন; ৯—স্নায়ুচ্ছিন্ন ব্যক্তিকে প্রব্রজ্যা দিতেছিলেন; ১০—বাদুড়ের ডানার ন্যায় হস্তবিশিষ্ট ব্যক্তিকে প্রব্রজ্যা দিতেছিলেন; ১১—কুজকে প্রব্রজ্যা দিতেছিলেন; ১২—বামনকে প্রব্রজ্যা দিতেছিলেন; ১৩—গলগণ্ডবিশিষ্ট ব্যক্তিকে প্রব্রজ্যা দিতেছিলেন; ১৪—লক্ষণাহত (জ্বলন্ত লৌহ দ্বারা চিহ্নিত) ব্যক্তিকে প্রব্রজ্যা দিতেছিলেন; ১৫—কশাহত (বেত্রদণ্ডে দণ্ডিত)

ব্যক্তিকে প্রব্রজ্যা দিতেছিলেন; ১৬—লিখিতক (হত্যা করিবার পরোয়ানা জারি হইয়াছে) ব্যক্তিকে প্রব্রজ্যা দিতেছিলেন; ১৭—স্লীপদকে প্রব্রজ্যা দিতেছিলেন; ১৮—দুরারোগ্য রোগীকে প্রব্রজ্যা দিতেছিলেন; ১৯—পারিষদ-দুষককে (বিকটাকৃতি ব্যক্তিকে) প্রব্রজ্যা দিতেছিলেন; ২০—কাণাকে প্রব্রজ্যা দিতেছিলেন; ২১—কুণীকে^১ প্রব্রজ্যা দিতেছিলেন; ২২—খঞ্জকে প্রব্রজ্যা দিতেছিলেন; ২৩—পক্ষাঘাত রোগীকে প্রব্রজ্যা দিতেছিলেন; ২৪—ঈর্ষাপথরহিত (চলচ্ছক্তিহীন) ব্যক্তিকে প্রব্রজ্যা দিতেছিলেন; ২৫—জরাগ্রস্থ দুর্বল ব্যক্তিকে প্রব্রজ্যা দিতেছিলেন; ২৬—অন্ধকে প্রব্রজ্যা দিতেছিলেন; ২৭—মূককে প্রব্রজ্যা দিতেছিলেন; ২৮—বধিরকে প্রব্রজ্যা দিতেছিলেন; ২৯—অন্ধ ও মূককে প্রব্রজ্যা দিতেছিলেন; ৩০—অন্ধ ও বধিরকে প্রব্রজ্যা দিতেছিলেন; ৩১—মূক ও বধিরকে প্রব্রজ্যা দিতেছিলেন এবং ৩২—অন্ধ, মূক ও বধিরকে প্রব্রজ্যা দিতেছিলেন। জনসাধারণ আন্দোলন, নিন্দা এবং প্রকাশ্যে দুর্নাম প্রচার করিতে লাগিল :—‘কেন শাক্যপুত্রীয় শ্রমণগণ অন্ধ, মূক ও বধিরকে প্রব্রজ্যা দিতেছেন?’ ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

হে ভিক্ষুগণ! অন্ধ, মূক ও বধিরকে প্রব্রজ্যা দান করিতে পারিবে না, যে প্রব্রজ্যা দান করিবে তাহার ‘দুষ্কট’ অপরাধ হইবে।”

॥ দায়াদ ভণিতা সমাপ্ত ॥

উপসম্পদা-বিধি

(১) আশ্রয়ের নিয়ম

১—সেই সময়ে ষড়বর্গীয়^২ ভিক্ষু নির্লজ্জকে^৩ আশ্রয় দিতেছিলেন। ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

হে ভিক্ষুগণ! নির্লজ্জকে আশ্রয় দিতে পারিবে না, যে আশ্রয় দিবে তাহার ‘দুষ্কট’ অপরাধ হইবে।”

^১। যাহার হস্ত, পদ কিংবা অঙ্গুলি বক্র।—সম-পাসা।

^২। পাণ্ডুক, লোহিতক, অশ্বজিৎ, পুনর্ব্বসু, মৈত্রেয় ও ভৌম্যজক এই ছয় ব্যক্তি এবং তাহাদের শিষ্যবর্গ ষড়বর্গীয় নামে অভিহিত।

^৩। যে ব্যক্তি সজ্ঞানে অপরাধ করে, অপরাধ গোপন করে এবং স্বেচ্ছাচারের বশীভূত হয় তাহাকে নির্লজ্জ বলে।—সম-পাসা।

২—সেই সময়ে ভিক্ষুগণ নির্লজ্জদিগের আশ্রয়ে বাস করায় তাঁহারাও অচিরেই লজ্জাহীন, পাপী ভিক্ষু হইয়া পড়িতেছিলেন। ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! নির্লজ্জদিগের আশ্রয়ে অবস্থান করিতে পারিবে না, যে অবস্থান করিবে তাহার ‘দুষ্কট’ অপরাধ হইবে।”

৩—অনন্তর ভিক্ষুদের মনে এই চিন্তা উদিত হইল : “ভগবান নির্দেশ দিয়াছেন : নির্লজ্জদিগকে আশ্রয় দিতে কিংবা নির্লজ্জদিগের আশ্রয়ে বাস করিতে পারিবে না। কে সলজ্জ এবং কে নির্লজ্জ আমরা তাহা কিরূপে জানিতে পারিব?” ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : ভিক্ষুর স্বভাব অবগত হইবার জন্য চারি কিংবা পাঁচ দিন প্রতীক্ষা করিবে।”

৪—সেই সময়ে জনৈক ভিক্ষু কোশল জনপদে দীর্ঘপথ পর্য্যটনে রত ছিলেন। অনন্তর সেই ভিক্ষুর মনে এই চিন্তা উদিত হইল : “ভগবান ব্যবস্থা দিয়াছেন : বিনাশ্রয়ে বাস করিতে পারিবে না। আমি কিম্বা আশ্রয় গ্রহণের যোগ্য হইয়াও দীর্ঘ পথ পর্য্যটনে রত আছি, এখন আমায় কি করিতে হইবে?” ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : দীর্ঘপথ পর্য্যটনে রত ভিক্ষু আশ্রয়দাতার অভাবে বিনাশ্রয়ে বাস করিতে পারিবে।”

৫—সেই সময়ে দুইজন ভিক্ষু কোশল জনপদে দীর্ঘপথ পর্য্যটনে রত ছিলেন। তাঁহারা একটি আবাসে উপস্থি হইলেন। সেই আবাসে একজন পীড়িত হইয়া পড়িলেন। সেই পীড়িত ভিক্ষুর মনে এই চিন্তা উদিত হইল : “ভগবান ব্যবস্থা দিয়াছেন : বিনাশ্রয়ে বাস করিতে পারিবে না, অথচ আমি আশ্রয় গ্রহণের যোগ্য হইয়াও পীড়িত হইয়া পড়িয়াছি, এখন আমায় কি করিতে হইবে?” ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : পীড়িত ভিক্ষু আশ্রয়দাতার অভাবে বিনাশ্রয়ে বাস করিতে পারিবে।”

৬—সেই রোগীপরিচারক ভিক্ষুর মনে এই চিন্তা উদিত হইল : “ভগবান ব্যবস্থা দিয়াছেন : বিনাশ্রয়ে বাস করিতে পারিবে না; অথচ আমি আশ্রয় গ্রহণ-যোগ্য এবং এই ভিক্ষুও পীড়িত; অতএব আমায় কি করিতে হইবে?” ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : রোগীপরিচারক ভিক্ষু যাচঞা করিয়াও আশ্রয়দাতা না পাইলে বিনাশ্রয়ে বাস করিতে পারিবে।”

৭—সেই সময় জনৈক ভিক্ষু অরণ্যে বাস করিতেছিলেন। সেই শয্যাসন (বাসস্থান) তাঁহার অনুকূল হইয়াছিল। সেই ভিক্ষুর মনে এই চিন্তা উদিত হইল :

“ভগবান ব্যবস্থা দিয়াছেন : বিনাশ্রয়ে বাস করিতে পারিবে না, আমি কিন্তু আশ্রয় গ্রহণযোগ্য হইয়াও অরণ্যে বাস করিতেছি, এই শয্যাসন আমার অনুকূল হইয়াছে। অতএব আমায় কি করিতে হইবে?” ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : অরণ্যবাসী ভিক্ষুর বাসস্থান (শয্যাসন) অনুকূল বোধ হইলে ‘যখন উপযুক্ত আশ্রয়দাতা আসিবেন তখন তাঁহার আশ্রয়ে বাস করিব’ মনে এইরূপ সঙ্কল্প পোষণ করিয়া আশ্রয় দাতার অভাবে বিনাশ্রয়ে বাস করিবে।”

(২) জ্যেষ্ঠের গোত্র-নাম উচ্চারণ

সেই সময়ে আয়ুষ্মান মহাকাশ্যপের নিকট জনৈক ব্যক্তি উপসম্পদাপ্রার্থী ছিল। আয়ুষ্মান মহাকাশ্যপ আনন্দের নিকট সংবাদ প্রেরণ করিলেন,—“আনন্দ! আসিয়া ইহার অনুশ্রাবণ^১ কর।” আয়ুষ্মান আনন্দ কহিলেন :—“আমি স্থবিরের (মহাকাশ্যপের) নাম উচ্চারণ করিতে পারিব না, কেননা স্থবির আমার গুরু।” ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : গোত্রের নামোল্লেখ করিয়া অনুশ্রাবণ করিবে।”

(৩) অনুশ্রাবণের নিয়ম

১—সেই সময়ে আয়ুষ্মান মহাকাশ্যপের নিকট দুইজন উপসম্পদাকামী ছিল। তাহারা ‘আমি প্রথম উপসম্পন্ন হইব’, ‘আমি প্রথম উপসম্পন্ন হইব’ এই বলিয়া পরস্পর বিবাদ করিতে লাগিল। ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : দুইজনকেই এক অনুশ্রাবণ দ্বারা উপসম্পদা দান করিবে।”

২—সেই সময়ে বহু স্থবিরের নিকট বহু উপসম্পদাকামী ছিল। তাহারা ‘আমি প্রথম উপসম্পন্ন হইব’, ‘আমি প্রথম উপসম্পন্ন হইব’ এই বলিয়া বিবাদ করিতে লাগিল। স্থবিরগণ কহিলেন :—“বন্ধুগণ! আমরা সকলকেই এক অনুশ্রাবণ দ্বারা উপসম্পদা প্রদান করিব।” ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

^১। উপসম্পদা দানের সময় উপসম্পদা দানের সম্মতি এবং উপাধ্যায়ের নাম উচ্চেষ্ট্রে সজ্ঞকে তিনবার শ্রবণ করাইবার নাম অনুশ্রাবণ।

“হে ভিক্ষুগণ! আমি অনুজ্ঞা করিতেছি : দুই কিংবা তিন জনকে এক অনুশ্রাবণ দ্বারা উপসম্পদা প্রদান করিবে। তাহাও আবার একজনের উপাধ্যায়ত্বে, বহুজনের উপাধ্যায়ত্বে নহে।”

(৪) গর্ভ হইতে বিংশতি বৎসর বয়স্কের উপসম্পদা

সেই সময়ে আয়ুষ্মান কুমারকাশ্যপ গর্ভ হইতে বিংশতি বৎসর বয়সে উপসম্পন্ন হইয়াছিলেন। আয়ুষ্মান কুমারকাশ্যপের মনে এইরূপ চিন্তা উদিত হইল : “ভগবান ব্যবস্থা দিয়াছেন : ‘উনবিংশতি বৎসর বয়স্ক ব্যক্তিকে উপসম্পদা দিতে পারিবে না।’ আমি কিন্তু গর্ভ হইতে বিংশতি বৎসর বয়সে উপসম্পদা লাভ করিয়াছি। আমি কি উপসম্পন্ন হইয়াছি, না হই নাই?” ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! যখনই মাতৃগর্ভে প্রথম চিত্ত উৎপন্ন হয়, প্রথম বিজ্ঞান প্রাদুর্ভূত হয় তখনই তাহার জন্ম।”

“হে ভিক্ষুগণ! আমি অনুজ্ঞা করিতেছি : গর্ভ হইতে বিংশতি বৎসর বয়স্ক ব্যক্তিকে উপসম্পদা দান করিবে।”

(৫) উপসম্পদার অন্তরায়কর বিষয়

সেই সময়ে উপসম্পন্নদের মধ্যে দেখা যাইতে লাগিল, কুষ্ঠরোগী, গণ্ড (ফোড়া) রোগী, চর্মরোগী, ক্ষয়রোগী এবং অপস্মার (মৃগী) রোগী। ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : উপসম্পদা দিবার সময় ত্রয়োদশ অন্তরায় (বাধক) কর বিষয় জিজ্ঞাসা করিবে।”

হে ভিক্ষুগণ! এইভাবে জিজ্ঞাসা করিবে : তোমার নিকট এইরূপ কোন রোগ আছে কি? যথা :—(১) কুষ্ঠ? (২) গণ্ড (এক প্রকার বিষাক্ত ব্রণ)? (৩) কিলাস (ছুলি, এক প্রকার বিষাক্ত চর্ম রোগ)? (৪) ক্ষয়রোগ? (৫) অপস্মার? (৬) তুমি মানুষ ত? (৭) তুমি পুরুষ ত?? (৮) তুমি কাহারও দাস নও ত? (৯) তুমি অশ্বলী ত? (১০) তুমি রাজসেবক নও ত? (১১) তুমি তোমার মাতাপিতার অনুমতি পাইয়াছ ত? (১২) তোমার বয়স বিংশতি বৎসর পূর্ণ হইয়াছে ত? (১৩) তোমার নিকট পাত্রচীবর পরিপূর্ণ আছে ত? তোমার নাম কি? তোমার উপাধ্যায়ের নাম কি?”

(৬) অনুশাসন বিধি

(ক) ১—অনুশাসন :—সেই সময়ে ভিক্ষুগণ অননুশাসিত (অনুপদিষ্ট) উপসম্পদাকামীদিগকে অন্তরায়জনক বিষয়সমূহ জিজ্ঞাসা করিতেছিলেন। উপসম্পদাকামিগণের মধ্যে কেহ বিস্তৃতভাবে উত্তর দিতে লাগিল, কেহ নীরব হইল এবং কেহবা উত্তরদানে অসমর্থ হইল। ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : প্রথম অনুশাসন প্রদান করিয়া (উপদেশ দিয়া) পরে অন্তরায়কর বিষয় সমূহ জিজ্ঞাসা করিবে।”

২—ভিক্ষুগণ সজ্জ সভায়ই অনুশাসন প্রদান করিতে লাগিলেন। ইহাতে উপসম্পদাকামিগণের মধ্যে কেহ পূর্ববৎ বিস্তৃতভাবে উত্তর দিতে লাগিল, কেহ নীরব হইল এবং কেহবা উত্তর দিতে অসমর্থ হইল। ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : একান্তে (সামান্য ব্যবধানে) অনুশাসন প্রদান করিয়া সজ্জ সভায় অন্তরায়জনক বিষয়সমূহ জিজ্ঞাসা করিবে।”

হে ভিক্ষুগণ! এইভাবে অনুশাসন প্রদান করিতে হইবে : প্রথম উপাধ্যায় গ্রহণ করাইতে হইবে, উপাধ্যায় গ্রহণ (স্বীকার) করাইয়া পাত্রচীবর সম্বন্ধে বলিতে হইবে : ‘এই তোমার পাত্র’, ‘এই তোমার সজ্জাটি’, ‘এই তোমার উত্তরাসজ্জ’ এবং ‘এই তোমার অন্তরীস’। ‘যাও, অমুক স্থানে দণ্ডায়মান হও।’

৩—অজ্ঞ এবং অদক্ষ ভিক্ষুগণ অনুশাসন প্রদান করিতে লাগিল। অযথার্থভাবে অনুশাসিত উপসম্পদাকামিগণের মধ্যে কেহ বিস্তৃতভাবে উত্তর দিতে লাগিল, কেহ নীরব রহিল এবং কেহবা উত্তরদানে অসমর্থ হইল। ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! অজ্ঞ এবং অদক্ষ ভিক্ষুগণ অনুশাসন প্রদান করিতে পারিবে না, যে অনুশাসন করিবে তাহার ‘দুষ্কট’ অপরাধ হইবে।

“হে ভিক্ষুগণ! আমি অনুজ্ঞা করিতেছি : দক্ষ এবং সমর্থ ভিক্ষু অনুশাসন প্রদান করিবে।”

(খ) অনুশাসকের অধিকার লাভ :—অনির্ব্বাচিত ভিক্ষুগণ অনুশাসন প্রদান করিতে লাগিলেন। ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

“হে ভিক্ষুগণ! অনির্ব্বাচিত ভিক্ষু অনুশাসন করিতে পারিবে না, যে নির্ব্বাচিত না হইয়া অনুশাসন প্রদান করিবে তাহার ‘দুষ্কট’ অপরাধ হইবে।

“হে ভিক্ষুগণ! আমি অনুজ্ঞা করিতেছি : নির্ব্বাচিত ভিক্ষুই অনুশাসন প্রদান করিবে।”

“হে ভিক্ষুগণ! এইভাবে নির্বাচন করিতে হইবে। নিজেকে নিজে নির্বাচন করিবে অথবা অন্যকে অন্য দ্বারা নির্বাচন করিবে। নিজেকে নিজে কিভাবে নির্বাচন করিতে হয়? দক্ষ এবং সমর্থ ভিক্ষু সঙ্ঘকে এইরূপ প্রস্তাব জ্ঞাপন করিবে :—

“মাননীয় সঙ্ঘ! আমার প্রস্তাব শ্রবণ করুন :—অমুকনামীয় ব্যক্তি অমুকনামীয় আয়ুস্মানের নিকট উপসম্পদাকামী। যদি সঙ্ঘ উচিৎ মনে করেন তাহা হইলে আমি অমুকনামীয় ব্যক্তিকে অনুশাসন প্রদান করিতে পারি।” এইভাবে নিজেকে নিজে নির্বাচিত করিবে।

কিভাবে অন্য দ্বারা অন্যকে নির্বাচিত করিবে? দক্ষ এবং সমর্থ ভিক্ষু সঙ্ঘকে এইরূপ প্রস্তাব জ্ঞাপন করিবে :—

জ্ঞপ্তি—“মাননীয় সঙ্ঘ! আমার প্রস্তাব শ্রবণ করুন। অমুকনামীয় ব্যক্তি অমুকনামীয় আয়ুস্মানের নিকট উপসম্পদাপ্রার্থী হইয়াছেন। যদি সঙ্ঘ উচিৎ মনে করেন, তাহা হইলে অমুক ভিক্ষু অমুক উপসম্পদাপ্রার্থীকে অনুশাসন প্রদান করিতে পারেন।” এইভাবে অন্য দ্বারা অন্যকে নির্বাচিত করিবে।

সেই নির্বাচিত (সম্মতেন) ভিক্ষু উপসম্পদাকামী ব্যক্তির নিকট উপস্থিত হইয়া এইরূপ বলিবে :

অনুশাসন—“অমুক! আমার প্রস্তাব শ্রবণ কর : এখন তোমার সত্যকথা বলিবার সময়, যথার্থকথা বলিবার সময়, যাহা তোমার নিকট আছে তৎসম্বন্ধে তুমি সঙ্ঘসভায় জিজ্ঞাসিত হইয়া, থাকিলে ‘আছে’ বলিয়া প্রকাশ করিবে, না থাকিলে ‘নাই’ বলিয়া প্রকাশ করিবে। বাক্য দীর্ঘ করিও না, কিংবা নীরব থাকিও না। তোমাকে এইরূপ জিজ্ঞাসা করিবেন : ‘তোমার নিকট কি এইরূপ কোন রোগ আছে? যথা :—কুষ্ঠ? গণ্ড? কিলাস (চর্ম রোগ বিশেষ)? ক্ষয়রোগ?’ অপস্মার? তুমি মানব ত? তুমি পুরুষ ত? কাহারও দাস নও ত? অশ্বাশী ত? রাজসেবক নও ত? তোমার মাতাপিতার অনুমতি পাইয়াছ ত? তোমার বয়স বিংশতি বৎসর পূর্ণ হইয়াছে ত? তোমার নিকট পাত্রচীবর পূর্ণ আছে ত? তোমার নাম কি? তোমার উপাধ্যায়ের নাম কি?”

(অনুশাসক ও উপসম্পদাকামী উভয়ে) একসঙ্গে আসিতে লাগিলেন। (ভিক্ষুগণ ভগবানকে এই বিষয় জ্ঞাপন করিলেন। (ভগবান কহিলেন :—) “এক সঙ্গে আসিতে পারিবে না।”

উপসম্পদায় জ্ঞপ্তি, অনুশ্রাবণ এবং ধারণা—অনুশাসক প্রথমে আসিয়া সঙ্ঘকে এইরূপ প্রস্তাব জ্ঞাপন করিবে :

“মাননীয় সঙ্ঘ! আমার প্রস্তাব শ্রবণ করুন। অমুকনামীয় ব্যক্তি অমুকনামীয় আয়ুস্মানের নিকট উপসম্পদাপ্রার্থী হইয়াছেন। আমি তাঁহাকে অনুশাসন প্রদান

১। সোসো—ক্ষয়রোগ।—সা-দী।

করিয়াছি, যদি সজ্ঞ উচিত মনে করেন তাহা হইলে অমুক (উপসম্পদাকামী) আসিতে পারেন।” “এস’ বলিতে হইবে। (পুনরায়) উত্তরাসঙ্গ দ্বারা দেহের একাংশ আবৃত করাইয়া, ভিক্ষুদের পাদবন্দনা করাইয়া, পদাশ্রো ভর দিয়া উপবেশন করাইয়া, হস্ত অঞ্জলিবদ্ধ করাইয়া, (এইভাবে) উপসম্পদা যাচঞা করাইতে হইবে :—

“মাননীয় সজ্ঞের নিকট উপসম্পদা যাচঞা করিতেছি, মাননীয় সজ্ঞ অনুকম্পাপূর্বক আমাকে উদ্ধার করুন।” [দ্বিতীয় এবং তৃতীয়বারও এইরূপ প্রার্থনা জ্ঞাপন করিবে।]

দক্ষ এবং সমর্থ ভিক্ষু সজ্ঞকে (এইরূপ) প্রস্তাব জ্ঞাপন করিবে :

মাননীয় সজ্ঞ! আমার প্রস্তাব শ্রবণ করুন : অমুকনামীয় ব্যক্তি অমুকনামীয় আয়ুত্মানের নিকট উপসম্পদাপ্রার্থী হইয়াছেন। যদি সজ্ঞ উচিত মনে করেন তাহা হইলে আমি অমুক উপসম্পদাকামীকে অন্তরায়কর বিষয়সমূহ জিজ্ঞাসা করিতে পারি।

“অমুক! এখন তোমার সত্যকথা এবং যথার্থকথা বলিবার সময় উপস্থিত, যাহা আছে তাহা জিজ্ঞাসা করিতেছি, থাকিলে ‘আছে’ বলিয়া বলিবে, না থাকিলে ‘নাই’ বলিয়া বলিবে। তোমার নিকট কি এইরূপ রোগসমূহ আছে? যথা :—কুষ্ঠ? গণ্ড? কিলাস? ক্ষয়রোগ? অপস্মার? তুমি মানব ত? তুমি পুরুষ ত? তুমি কাহারও দাস নও ত? তুমি অশ্বীণী ত? তুমি রাজসেবক নও ত? তোমার মাতাপিতার অনুমতি পাইয়াছ ত? তোমার বয়স বিংশতি বৎসর পরিপূর্ণ হইয়াছে ত? তোমার নিকট পাত্রচীবর পূর্ণ আছে ত? তোমার নাম কি? তোমার উপাধ্যায়ের নাম কি?”

(পুনরায়) দক্ষ এবং সমর্থ ভিক্ষু সজ্ঞকে (এইরূপ) প্রস্তাব জ্ঞাপন করিবে :

জ্ঞপ্তি—“মাননীয় সজ্ঞ আমার প্রস্তাব শ্রবণ করুন। অমুক নামীয় ব্যক্তি অমুকনামীয় আয়ুত্মানের নিকট উপসম্পদাপ্রার্থী হইয়াছেন। তিনি অন্তরায়কর বিষয়সমূহে পরিশুদ্ধ (নির্দোষ) আছেন এবং তাঁহার পাত্রচীবরও পরিপূর্ণ আছে। তিনি সজ্ঞের নিকট উপসম্পদা যাচঞা করিতেছেন অমুকনামীয় আয়ুত্মানের উপাধ্যায়ত্বে। যদি সজ্ঞ উচিত মনে করেন তাহা হইলে সজ্ঞ অমুকনামীয় ব্যক্তিকে উপসম্পদা দিতে পারেন অমুকনামীয় আয়ুত্মানের উপাধ্যায়ত্বে। ইহাই জ্ঞপ্তি।”

অনুশ্রাবণ—“মাননীয় সজ্ঞ! আমার প্রস্তাব শ্রবণ করুন। অমুক নামীয় ব্যক্তি অমুকনামীয় আয়ুত্মানের নিকট উপসম্পদাপ্রার্থী হইয়াছেন। তিনি অন্তরায়কর বিষয়সমূহে পরিশুদ্ধ এবং তাঁহার পাত্রচীবর পরিপূর্ণ আছে। অমুকনামীয় ব্যক্তি সজ্ঞের নিকট উপসম্পদা যাচঞা করিতেছেন অমুকনামীয় আয়ুত্মানের উপাধ্যায়ত্বে। সজ্ঞ এই নামীয় ব্যক্তিকে উপসম্পদা প্রদান করিতেছেন অমুকনামীয় আয়ুত্মানের উপাধ্যায়ত্বে। অমুকনামীয় আয়ুত্মানের উপাধ্যায়ত্বে এই নামীয় ব্যক্তির উপসম্পদা লাভ যে আয়ুত্মান কর্তৃক যোগ্য বিবেচিত হয় তিনি মৌন থাকিবেন এবং যিনি যোগ্য

বিবেচিত না করেন তিনি তাঁহার বক্তব্য ভাষায় প্রকাশ করিবেন।” [দ্বিতীয় এবং তৃতীয়বারও এইরূপ বলিতে হইবে।]

ধারণা—“সজ্জকর্তৃক এই নামীয় ব্যক্তি উপসম্পন্ন হইলেন অমুকনামীয় আয়ুশ্মানের উপাধ্যায়ত্বে। প্রস্তাব সঙ্গত মনে করিয়া সজ্জ মৌন আছেন,—আমি এইরূপ ধারণা করিতেছি।”

॥ উপসম্পদা-কর্ম সমাপ্ত ॥

(৭) চতুর্বিধ অবলম্বন

সময় নির্ধারণের জন্য ছায়া পরিমাপ করিবে, ঋতুর উল্লেখ করিবে, দিবসের অংশ উল্লেখ করিবে, সঙ্গীতির^১ উল্লেখ করিবে এবং নিম্নোক্ত চারি আশ্রয়ের কথা উল্লেখ করিবে। (১) ভিক্ষান্নমাত্র সম্বলস্বরূপ করিবার জন্যই তোমার প্রব্রজ্যা; এই বিষয়ে তুমি যাবজ্জীবন উৎসাহান্বিত থাকিবে। তোমার পক্ষে অতিরিক্ত ভোজন সম্বল হইতে পারে, যথা :—সজ্জভোজন, উদ্দিষ্টভোজন, নিমন্ত্রণ, শলাকাভোজন, পান্নিকভোজন, উপোষথভোজন এবং প্রাতিপদিকভোজন। (২) ‘পাংশুকূল’ চীবরমাত্র আচ্ছাদন সম্বল করিবার জন্যই তোমার প্রব্রজ্যা; এই বিষয়ে যাবজ্জীবন উৎসাহান্বিত থাকিবে। তোমার পক্ষে অতিরিক্ত আচ্ছাদন সম্বল হইতে পারে, যথা :—ক্ষৌমবস্ত্র, কার্পাসবস্ত্র, কৌষেয়বস্ত্র, কমল, পটবস্ত্র এবং বৃক্ষ-ত্বকে প্রস্তুত বস্ত্র। (৩) বৃক্ষমূল (তরুতল) মাত্র শয্যাসন সম্বল করিবার জন্যই তোমার প্রব্রজ্যা; এই বিষয়ে তুমি আজীবন উৎসাহান্বিত থাকিবে। তোমার পক্ষে অতিরিক্ত শয্যাসন সম্বল হইতে পারে, যথা :—বিহার অর্দ্ধযোগ, প্রাসাদ, হর্ম্য এবং গুহা। (৪) পুতিমূত্র মাত্র ভৈষজ্য সম্বল করিবার জন্যই তোমার প্রব্রজ্যা; এই বিষয়ে তোমাকে আজীবন উৎসাহান্বিত থাকিতে হইবে। তোমার পক্ষে অতিরিক্ত ভৈষজ্য সম্বল হইতে পারে, যথা :—চর্বি, তৈল, নবনীত, মধু এবং খাঁড় (শক্ত গুড়)।

(৮) চতুর্বিধ অকরণীয় বিষয়

সেই সময়ে ভিক্ষুগণ জনৈক ভিক্ষুকে উপসম্পদা প্রদান করিয়া একাকী পরিত্যাগ করিয়া প্রস্থান করিয়াছিলেন। নূতন উপসম্পন্ন পরে একাকী আসিবার সময় রাত্তার মধ্যে তাহার পূর্বের বিবাহিতা পত্নীর সাক্ষাৎ পাইল। সেই পত্নী তাহাকে জিজ্ঞাসা করিল :—“তুমি কি এখন প্রব্রজিত হইয়াছ?” “হাঁ, আমি প্রব্রজিত হইয়াছি।” “প্রব্রজিতগণের পক্ষে নারী সঙ্গোগ বড় দুর্লভ, অতএব এস, রতি সঙ্গোগ কর।”

^১ ছায়া, ঋতু এবং দিবসের অংশ এই তিনটির সমষ্টির নাম সঙ্গীতি। সম-পাসা।

সেই নব উপসম্পন্ন ভিক্ষু রতি সঙ্ভোগ করিয়া বিলম্বে আগমন করিল। ভিক্ষুগণ তাকে কহিলেন :—“বন্ধো! তোমার আসিতে বিলম্ব হইল কেন?” সে ভিক্ষুগণের নিকট এই বিষয় প্রকাশ করিল। ভিক্ষুগণ ভগবানকে এই বিষয় নিবেদন করিলেন। ভগবান এই নিদানে, এই প্রকরণে ধর্মকথা উত্থাপন করিয়া ভিক্ষুদিগকে আহ্বান করিলেন :—

“হে ভিক্ষুগণ! আমি অনুজ্ঞা করিতেছি : নূতন উপসম্পন্নকে সঙ্গী প্রদান করিবে এবং চতুর্বিধ অকরণীয় বিষয় বলিয়া দিবে।” (চতুর্বিধ অকরণীয় বিষয় এই :—)

(১) উপসম্পন্ন ভিক্ষু মৈথুন সেবন করিতে পারিবে না, এমন কি মানবেতর জীবের সঙ্গেও নহে। যেই ভিক্ষু মৈথুন সেবন করে সে অশ্রমণ, অশাক্যপুত্রীয়। যেমন শিরচ্ছিন্ন পুরুষ স্বদেহে জীবন ধারণে অসমর্থ হয় তেমন ভিক্ষু মৈথুন সেবন করিলে অশ্রমণ, অশাক্যপুত্রীয় মধ্যে পরিগণিত হয়। তাহা তুমি আজীবন করিতে পারিবে না।

(২) উপসম্পন্ন ভিক্ষু অদন্ত, অপহরণ মধ্যে গণ্য কোন দ্রব্য লইতে পারিবে না, এমন কি তৃণগাছিও নহে। যেই ভিক্ষু একপাদ^১ বা এক পাদের সমমূল্য অথবা এক পাদের চেয়ে অধিক মূল্যবান অপহরণে গণ্য কোন অদন্ত দ্রব্য গ্রহণ করে তাহা হইলে সে অশ্রমণ, অশাক্যপুত্রীয় মধ্যে পরিগণিত হয়। যেমন বৃন্তচ্যুত পাণ্ডুরবর্ণ পত্র পুনরায় হরিদ্বর্ণ হইতে পারে না তেমন যেই ভিক্ষু একপাদ বা একপাদসম মূল্যের অথবা এক পাদের চেয়ে অধিক মূল্যের অপহরণ মধ্যে গণ্য কোন অদন্ত দ্রব্য গ্রহণ করে সেই ভিক্ষু অশ্রমণ, অশাক্যপুত্রীয় মধ্যে পরিগণিত হয়। তাহা তুমি আজীবন করিতে পারিবে না।

(৩) উপসম্পন্ন ভিক্ষু সজ্ঞানে কোন জীবহত্যা করিতে পারিবে না, এমন কি পিপীলিকাও নহে। যেই ভিক্ষু সজ্ঞানে মনুষ্য হত্যা করে, এমন কি গর্ভপাতও করে বা করায় সে অশ্রমণ, অশাক্যপুত্রীয় মধ্যে পরিগণিত হয়। যেমন কোন বৃহৎ শিলাখণ্ড দুই ভাগে বিভক্ত হইলে পুনরায় সংলগ্ন হইতে পারে না তেমন যে ভিক্ষু জ্ঞাতসারে মনুষ্য হত্যা করে সেই ভিক্ষু অশ্রমণ, অশাক্যপুত্রীয় মধ্যে পরিগণিত হয়। তাহা তুমি আজীবন করিতে পারিবে না।

(৪) উপসম্পন্ন ভিক্ষু স্থায়ী অলৌকিক শক্তি সম্বন্ধে কাহাকেও বলিতে পারিবে না, এমন কি ‘আমি শূন্যাগারে প্রীতিলাভ করি’ তাহাও নহে। যেই ভিক্ষু পাপেচ্ছার বশীভূত হইয়া অবিদ্যমান, অসত্য, অলৌকিক শক্তি, ধ্যান, বিমোক্ষ, সমাধি, সমাপত্তি, মার্গ অথবা ফল স্বয়ং লাভ করিয়াছে বলিয়া প্রকাশ করে সেই ভিক্ষু অশ্রমণ, অশাক্যপুত্রীয় মধ্যে পরিগণিত হয়। যেমন মস্তকচ্ছিন্ন তালবৃক্ষ পুনরায় বৃদ্ধি পাইতে পারে না তেমন পাপেচ্ছার বশীভূত ভিক্ষু অবিদ্যমান, অসত্য,

^১। ৫ মাষকে ১ পাদ, ৪ পাদে ১ কার্ষাপণ (মুদ্রাবিশেষ)।

অলৌকিক শক্তি নিজের নিকট বিদ্যমান আছে বলিয়া প্রকাশ করিলে অশ্রমণ, অশাক্যপুত্রীয় মধ্যে পরিগণিত হয়। তাহা তুমি আজীবন করিতে পারিবে না।

(৯) উৎক্ষিপ্তের বিষয়

সেই সময়ে জনৈক ভিক্ষু কৃত অপরাধ অবলোকন (স্বীকার) না করায় (সম্বন্ধকর্তৃক) উৎক্ষেপনীয়^১ দণ্ডে দণ্ডিত হইয়া ভিক্ষুত্ব ত্যাগ করিয়াছিল। সে পুনরায় আসিয়া ভিক্ষুদিগের নিকট উপসম্পদা যাচঞা করিল। ভিক্ষুগণ ভগবানকে এই বিষয় নিবেদন করিলেন। (ভগবান কহিলেন :—)

১—“হে ভিক্ষুগণ! যদি কোন ভিক্ষু কৃত অপরাধ (আপত্তি) অবলোকন (স্বীকার) না করায় (সম্বন্ধকর্তৃক) উৎক্ষেপনীয় দণ্ডে দণ্ডিত হইয়া ভিক্ষুত্ব ত্যাগ করিয়া চলিয়া যায় এবং সে পুনরায় আসিয়া ভিক্ষুগণের নিকট উপসম্পদা যাচঞা করে তাহা হইলে তাহাকে এইরূপ বলিবে : ‘সেই (কৃত) অপরাধ অবলোকন (স্বীকার) করিবে কি?’ যদি সে বলে, ‘আমি অবলোকন করিব’ তাহা হইলে তাহাকে প্রব্রজ্যা দান করিবে। যদি বলে, ‘আমি অবলোকন করিব না’ তাহা হইলে তাহাকে প্রব্রজ্যা দান করিবে না। প্রব্রজ্যা দান করিয়া বলিবে, ‘সেই অপরাধ দেখিবে কি?’ যদি সে বলে, ‘আমি দেখিব’ তাহা হইলে তাহাকে উপসম্পদা দান করিবে; যদি বলে, ‘আমি দেখিব না’ তাহা হইলে তাহাকে উপসম্পদা দান করিবে না। উপসম্পদা দান করিয়া বলিবে, ‘সেই অপরাধ দেখিবে কি?’ যদি বলে, ‘আমি দেখিব’ তাহা হইলে দণ্ড প্রত্যাহার করিবে; যদি বলে, ‘আমি দেখিব না’ তাহা হইলে দণ্ড প্রত্যাহার করিবে না। দণ্ড প্রত্যাহার করিয়া বলিবে, ‘সেই অপরাধ দেখিতেছ কি?’ যদি সে দেখে তাহা হইলে ভাল, যদি না দেখে তাহা হইলে উপস্থিত ভিক্ষুসম্মত সমমতাবলম্বী হইতে পারিলে পুনরায় তাহাকে উৎক্ষেপনীয় দণ্ডে দণ্ডিত করিবে, সমমতাবলম্বী হইতে না পারিলে তাহার সহিত ভোজন কিংবা বাস করিলে অপরাধ হইবে না।

২—হে ভিক্ষুগণ! যদি কোন ভিক্ষু কৃত অপরাধের প্রতিকার না করায় সম্বন্ধকর্তৃক উৎক্ষিপ্ত হইয়া ভিক্ষুত্ব ত্যাগ করিয়া চলিয়া যায় এবং পুনরায় আসিয়া ভিক্ষুগণের নিকট উপসম্পদা যাচঞা করে তাহা হইলে তাহাকে এইরূপ বলিবে : ‘সেই কৃত অপরাধের প্রতিকার করিবে কি?’ যদি সে বলে, ‘আমি প্রতিকার করিব’ তাহা হইলে তাহাকে প্রব্রজ্যা দান করিবে, যদি বলে, ‘আমি প্রতিকার করিব না’ তাহা হইলে তাহাকে প্রব্রজ্যা দান করিবে না। প্রব্রজ্যা দান করিয়া বলিবে, ‘সেই কৃত অপরাধের প্রতিকার করিবে কি?’ যদি সে বলে, ‘আমি প্রতিকার করিব’ তাহা হইলে তাহাকে উপসম্পদা দান করিবে, যদি বলে, ‘আমি প্রতিকার করিব না’ তাহা হইলে তাহাকে উপসম্পদা দান করিবে না। উপসম্পদা দান করিয়া বলিবে, ‘সেই অপরাধের

^১। চুলবর্গের কৰ্ম্ম-স্বদ্ধ দ্রষ্টব্য।

প্রতিকার করিবে কি?’ যদি সে বলে, ‘আমি প্রতিকার করিব’ তাহা হইলে দণ্ড প্রত্যাহার করিবে, যদি বলে, ‘আমি প্রতিকার করিব না’ তাহা হইলে দণ্ড প্রত্যাহার করিবে না। দণ্ড প্রত্যাহার করিয়া বলিবে, ‘সেই কৃত অপরাধের প্রতিকার কর’, যদি সে প্রতিকার করে তাহা হইলে ভাল; যদি প্রতিকার না করে তাহা হইলে সজ্ঞ সমমতাবলম্বী হইতে পারিলে তাহাকে পুনরায় উৎক্ষেপনীয় দণ্ডে দণ্ডিত করিবে। সজ্ঞ সমমতাবলম্বী হইতে না পারিলে তাহার সহিত ভোজন কিংবা বাস করিলে অপরাধ হইবে না।

৩—হে ভিক্ষুগণ! যদি কোন ভিক্ষু হীনধারণা পরিত্যাগ না করায় সজ্ঞকর্তৃক উৎক্ষিপ্ত হইয়া, ভিক্ষুত্ব পরিত্যাগ করিয়া চলিয়া যায় এবং সে পুনরায় আসিয়া ভিক্ষুগণের নিকট উপসম্পদা যাচঞা করে তাহা হইলে তাহাকে এইরূপ বলিবে : ‘তুমি সেই হীন ধারণা পরিত্যাগ করিবে কি?’ যদি সে বলে, ‘আমি পরিত্যাগ করিব’ তাহা হইলে তাহাকে প্রব্রজ্যা দান করিবে, যদি বলে, ‘আমি পরিত্যাগ করিব না’ তাহা হইলে তাহাকে প্রব্রজ্যা দান করিবে না। প্রব্রজ্যা করিয়া বলিবে, ‘তুমি সেই হীন ধারণা পরিত্যাগ করিবে কি?’ যদি বলে, ‘আমি পরিত্যাগ করিব’ তাহা হইলে তাহাকে উপসম্পদা দান করিবে, যদি বলে, ‘আমি পরিত্যাগ করিব না’ তাহা হইলে তাহাকে উপসম্পদা দান করিবে না। উপসম্পদা দান করিয়া বলিবে, ‘সেই মিথ্যাধারণা পরিত্যাগ করিবে কি?’ যদি সে বলে, ‘পরিত্যাগ করিব’ তাহা হইলে দণ্ড প্রত্যাহার করিবে, যদি বলে, ‘আমি পরিত্যাগ করিব না’ তাহা হইলে দণ্ড প্রত্যাহার করিবে না। দণ্ড প্রত্যাহার করিয়া বলিবে, ‘সেই হীন ধারণা পরিত্যাগ কর’, যদি সে পরিত্যাগ করে তাহা হইলে ভাল; যদি পরিত্যাগ না করে তাহা হইলে সজ্ঞ সমমতাবলম্বী হইতে পারিলে পুনরায় তাহাকে উৎক্ষেপনীয় দণ্ডে দণ্ডিত করিবে। সমমতাবলম্বী হইতে না পারিলে তাহার সহিত ভোজন কিংবা বাস করিলে অপরাধ হইবে না।

॥ মহাস্কন্ধ সমাপ্ত ॥

২—উপোষথ-স্কন্ধ

প্রাতিমোক্ষ-আবৃত্তি

[স্থান :—রাজগৃহ]

(১) উপোষথের বিধান

সেই সময়ে বুদ্ধ ভগবান রাজগৃহে অবস্থান করিতেছিলেন,—গৃধ্রকূট পর্বতে । সেই সময়ে অন্যতীর্থিক পরিব্রাজকগণ চতুর্দশী, পঞ্চদশী এবং পক্ষের অষ্টমী তিথিতে সমবেত হইয়া ধর্মালোচনা করিতেন । জনসাধারণ তাঁহাদের নিকট ধর্মশ্রবণ করিবার জন্য উপস্থিত হইত । অন্যতীর্থিক পরিব্রাজকগণের প্রতি তাহারা প্রেম ও প্রসাদ (শ্রদ্ধা) লাভ করিত, অন্যতীর্থিক পরিব্রাজকগণ তাহাদিগকে স্বপক্ষে (আনিবার সুযোগ) লাভ করিত । মগধরাজ শ্রেণিক বিম্বিসার নিজ্জনে ধ্যানাবিষ্ট থাকিবার সময় তাঁহার মনে এইরূপ পরিবর্তক (চিন্তা) উদিত হইল : ‘এখন অন্যতীর্থিক পরিব্রাজকগণ চতুর্দশী, পঞ্চদশী এবং পক্ষের অষ্টমী তিথিতে সমবেত হইয়া ধর্মালোচনা করিতেছেন, তাঁহাদের নিকট জনসাধারণ ধর্মশ্রবণের নিমিত্ত উপস্থিত হইতেছে । তাহারা অন্যতীর্থিক পরিব্রাজকগণের প্রতি প্রেম লাভ করে, প্রসাদ লাভ করে । অন্যতীর্থিক পরিব্রাজকগণ তাহাদিগকে স্বপক্ষে পাইতে সমর্থ হন । অতএব আর্য্যগণও (ভিক্ষুগণও) চতুর্দশী, পঞ্চদশী এবং পক্ষের অষ্টমী তিথিতে সমবেত হইলে ভাল হয়’ । এই ভাবিয়া মগধরাজ শ্রেণিক বিম্বিসার ভগবানের নিকট উপস্থিত হইলেন, উপস্থিত হইয়া ভগবানকে অভিবাদন করিয়া একান্তে উপবেশন করিলেন । একান্তে উপবিষ্ট হইয়া মগধরাজ শ্রেণিক বিম্বিসার ভগবানকে কহিলেন :—“প্রভো! আমি নিজ্জনে ধ্যানাবিষ্ট থাকিবার সময় আমার মনে এই চিন্তা উদিত হইয়াছে : ‘এখন অন্যতীর্থিক পরিব্রাজকগণ চতুর্দশী, পঞ্চদশী এবং পক্ষের অষ্টমী তিথিতে সমবেত হইয়া ধর্মালোচনা করিতেছেন, জনসাধারণ তাঁহাদের নিকট ধর্মশ্রবণের নিমিত্ত উপস্থিত হইতেছে । তাহারা অন্যতীর্থিক পরিব্রাজকগণের প্রতি প্রেম লাভ করে, প্রসাদ লাভ করে । অন্যতীর্থিক পরিব্রাজকগণ তাহাদিগকে স্বপক্ষে আনিতে সমর্থ হইতেছেন । অতএব আর্য্যগণও চতুর্দশী, পঞ্চদশী এবং পক্ষের অষ্টমী তিথিতে সমবেত হইলে লাভ হয় ।”

ভগবান মগধরাজ শ্রেণিক বিম্বিসারকে ধর্মকথায় প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট করিলেন । মগধরাজ শ্রেণিক বিম্বিসার ভগবানের ধর্মকথায়, প্রবুদ্ধ,

সন্দীপ্ত, সমুত্তেজিত এবং সম্প্রহৃষ্ট হইয়া, আসন হইতে উঠিয়া, ভগবানকে অভিবাদন করিয়া, ভগবানের পুরোভাগে দক্ষিণপার্শ্ব রাখিয়া প্রস্থান করিলেন। ভগবান এই নিদানে, এই প্রকরণে ধর্মকথা উত্থাপন করিয়া ভিক্ষুদিগকে আহ্বান করিলেন :—

“হে ভিক্ষুগণ! আমি অনুজ্ঞা করিতেছি : চতুর্দশী, পঞ্চদশী এবং পক্ষের অষ্টমী তিথিতে সমবেত হইবে।”

(২) উপোষথ দিবসে ধর্মোপদেশ

সেই সময়ে ভিক্ষুগণ ভগবান ‘চতুর্দশী, পঞ্চদশী এবং পক্ষের অষ্টমীতে সমবেত হইবার জন্য আদেশ দিয়াছেন’ এই ভাবিয়া চতুর্দশী, পঞ্চদশী এবং পক্ষের অষ্টমী তিথিতে সমবেত হইয়া নীরবে বসিয়া থাকিতেন। তাঁহাদিগের নিকট জনসাধারণ ধর্মশ্রবণের নিমিত্ত উপস্থিত হইয়া, তাঁহাদিগকে নীরবে বসিয়া থাকিতে দেখিয়া আন্দোলন, নিন্দা এবং প্রকাশ্যে দুর্নাম প্রচার করিতে লাগিল :—“কেন শাক্যপুত্রীয় শ্রমণগণ চতুর্দশী, পঞ্চদশী এবং পক্ষের অষ্টমীতে সমবেত হইয়া নীরবে বসিয়া থাকে, যেমন নিব্বাক শূকরের পাল। সমবেত হইয়া ধর্মালোচনা করা কি উচিত নহে?” ভিক্ষুগণ জনসাধারণের আন্দোলন, নিন্দা এবং প্রকাশ্যে দুর্নাম প্রচার শুনিতে পাইলেন। অনন্তর সেই ভিক্ষুগণ ভগবানকে এই বিষয় জানাইলেন। ভগবান এই নিদানে, এই প্রকরণে ধর্মকথা উত্থাপন করিয়া ভিক্ষুদিগকে আহ্বান করিলেন :—

“হে ভিক্ষুগণ! আমি অনুজ্ঞা করিতেছি : চতুর্দশী, পঞ্চদশী এবং পক্ষের অষ্টমীতে সমবেত হইয়া ধর্মালোচনা করিবে।”

(৩) প্রাতিমোক্ষ আবৃত্তির নিয়ম

১—ভগবান নিজ্জনে ধ্যানাবিষ্ট থাকিবার সময় তাঁহার মনে এই পরিবর্তক (চিন্তা) উদিত হইল : ‘আমি ভিক্ষুগণের জন্য যেই শিক্ষাপদসমূহের ব্যবস্থা দিয়াছি তাহাই তাহাদের প্রাতিমোক্ষ উদ্দেশের (আবৃত্তির) জন্য অনুজ্ঞা দিলে ভাল হয়, তাহাই তাহাদের উপোষথ-কর্ম হইবে’। ভগবান সায়াহ্ন সময়ে ধ্যান হইতে উঠিয়া এই নিদানে, এই প্রকরণে ধর্মকথা উত্থাপন করিয়া ভিক্ষুদিগকে আহ্বান করিলেন :—

“হে ভিক্ষুগণ! আমি নিজ্জনে ধ্যানাবিষ্ট থাকিবার সময় আমার মনে এই পরিবর্তক উপস্থিত হইয়াছে : ‘আমি ভিক্ষুগণের জন্য যেই শিক্ষাপদসমূহের ব্যবস্থা দিয়াছি তাহাই তাহাদের প্রাতিমোক্ষ-উদ্দেশের জন্য অনুজ্ঞা দিলে ভাল হয়, তাহাই তাহাদের উপোষথ-কর্ম হইবে’।”

“হে ভিক্ষুগণ! আমি অনুজ্ঞা করিতেছি : প্রাতিমোক্ষ উদ্দেশ (আবৃত্তি) করিবে।”

হে ভিক্ষুগণ এইভাবে প্রাতিমোক্ষ উদ্দেশ্য করিবে। দক্ষ এবং সমর্থ ভিক্ষু সজ্ঞকে এইরূপ প্রস্তাব জ্ঞাপন করিবে :—

জ্ঞপ্তি—‘মাননীয় সজ্ঞ! আমার প্রস্তাব শ্রবণ করুন। যদি সজ্ঞ উচিত মনে করেন তাহা হইলে সজ্ঞ উপোষথ^১ করিতে পারেন এবং প্রাতিমোক্ষ আবৃত্তি করিতে পারেন।’

সজ্ঞের পূর্বকৃত্য কি? আয়ুস্মানগণ স্বীয় পরিশুদ্ধতা প্রকাশ করুন, প্রাতিমোক্ষ আবৃত্তি করিব, তাহা আমরা সকল সৎপুরুষগণই সম্যকভাবে শ্রবণ করিব এবং হৃদয়ে গ্রহিত করিব। যাঁহার অপরাধ আছে তিনি প্রকাশ করুন এবং যাঁহার অপরাধ নাই তিনি মৌন থাকুন। মৌন থাকিলে আয়ুস্মানদিগকে পরিশুদ্ধ বলিয়া ধারণা করিব। যেমন প্রত্যেককে জিজ্ঞাসা করিলে উত্তর দিতে হয় তেমন এই পরিষদে তিনবার পর্য্যন্ত শুনান যাইতেছে, যেই ভিক্ষু তিনবার পর্য্যন্ত শুনান সত্ত্বেও স্মৃতিপথাগত বিদ্যমান অপরাধ প্রকাশ না করিবেন তাঁহার সজ্ঞানে মিথ্যা বলা হইবে। আয়ুস্মানগণ! জ্ঞাতসারে মিথ্যা বলাকে ভগবান অন্তরায়কর বলিয়াছেন। এইজন্য যাঁহার কৃত অপরাধ স্মরণ হয় তাঁহার উচিত পরিশুদ্ধ হইবার কামনায় বিদ্যমান অপরাধ প্রকটিত করা। প্রকটিত করিলে তাঁহার পক্ষে নিরাপদ হয়।

[‘প্রাতিমোক্ষ’ অর্থে যাহা কুশল ধর্মসমূহের আদি (প্রথম), মুখ (দ্বার), প্রমুখ (পুরোভাগ)। ‘আয়ুস্মান’ একটি প্রিয়বচন গৌরবসূচক বচন, সম্ভ্রমার্থেই ‘আয়ুস্মানগণ’ এই সম্বোধন। ‘উদ্দেশ্য করিব’ অর্থে বলিব, দেশনা করিব, প্রজ্ঞাপন করিব, স্থাপন করিব, বিবৃত করিব, বিভাগ করিব, উন্মুক্ত করিব, প্রকাশ করিব। ‘সকল সৎগণ’ সেই পরিষদে স্থবির, মধ্যম ও নূতন যত ভিক্ষু উপস্থিত আছেন তাঁহারা। ‘উত্তমরূপে শ্রবণ করিব’ অর্থে স্থিরভাবে, মনোযোগ সহকারে একাগ্রতার সহিত মনে ধারণ করিব। ‘মনে করিব’ অর্থে একাগ্রচিত্তে, অবিক্ষিপ্তচিত্তে, অচঞ্চলচিত্তে, মনোযোগ দিব। ‘যাঁহার অপরাধ আছে’ অর্থে স্থবির, নব বা মধ্যম ভিক্ষুর পঞ্চবিধ অপরাধের অন্যতম অপরাধ বা সপ্তবিধ অপরাধের অন্যতম অপরাধ বিদ্যমান আছে। ‘তিনি প্রকাশ করিবেন’ অর্থে তিনি দেশনা করিবেন, বিবৃত করিবেন, উন্মুক্ত করিবেন, ব্যক্ত করিবেন সজ্ঞের নিকট বা গণের নিকট অথবা এক ব্যক্তির নিকট। ‘অপরাধ না থাকিলে’ অর্থে দোষ প্রাপ্ত না হইলে অথবা প্রাপ্ত হইয়াও উদ্ধৃত (দোষ মুক্ত) হইলে। ‘নীরব থাকিতে হইবে’ অর্থে চুপ থাকিতে হইবে, নিরন্তর থাকিতে হইবে। ‘পরিশুদ্ধ বলিয়া অবগত হইব’ অর্থে জ্ঞাত হইব, ধারণা করিব। ‘যেমন প্রত্যেককে জিজ্ঞাসা করিলে উত্তর দিতে হয়’ অর্থে যেমন একব্যক্তি

^১। উপোষথ বা উপবসথ জনসাধারণের পক্ষে উপবাস ও ব্রতনিয়মাদি পালন করিবার দিন। তাহা পরিব্রাজকগণের পক্ষে ধর্ম্মালোচনা ও ধর্ম্মোপদেশ প্রদানের উপযুক্ত সময়। বৌদ্ধভিক্ষুদিগের পক্ষে তাহা প্রাতিমোক্ষের নিয়মসমূহ পর পর উল্লেখ করিয়া পাপখ্যাপন ও পরিশুদ্ধতা জ্ঞাপনের জন্য নির্দিষ্ট হয়।

দ্বারা জিজ্ঞাসিত হইয়া অন্যব্যক্তি উত্তর দান করে তেমন সেই পরিষদের জ্ঞাতব্য বিষয় আমাকে জিজ্ঞাসা করিতেছেন ভাবিয়া উত্তর প্রদান করিতে হয়। ‘এইরূপ পরিষদ’ অর্থে ভিক্ষু পরিষদ। ‘তিনবার অনুশ্রাবণ করা হয়’ অর্থে একবারও শুনান হয়, দুইবারও শুনান হয়, তিনবারও শুনান হয়। ‘স্মরণ করিয়া’ অর্থে জানিয়া, জ্ঞাত হইয়া। ‘বিদ্যমান অপরাধ’ অর্থে দোষগ্ৰস্ত হইলে অথবা কৃত অপরাধ হইতে মুক্ত না হইলে। ‘প্রকাশ করে না’ অর্থে দেশনা করে না, বিবৃত করে না, উন্মুক্ত করে না, ব্যক্ত করে না, সঙ্ঘের নিকট বা গণের নিকট অথবা একজনের নিকট। ‘সজ্ঞানে মিথ্যা বলা হয়’। সজ্ঞানে মিথ্যা বলিলে কি হয়? দুষ্কট অপরাধ হয়। ভগবান অন্তরায়কর বলিয়াছেন এস্থলে কিসের অন্তরায়? প্রথম ধ্যান, দ্বিতীয় ধ্যান, তৃতীয় ধ্যান, চতুর্থ ধ্যান লাভের অন্তরায়, ধ্যান, বিমোক্ষ, সমাধি, সমাপত্তি, নৈষ্কম্য, নিঃসরণ, বিবেক, কুশলধর্মসমূহ লাভের অন্তরায়। ‘তদ্ব্যেত’ অর্থে সেই কারণে। ‘স্মরণকারী’ অর্থে যে জ্ঞাত, অবগত। ‘বিশুদ্ধি-প্রত্যাশী’ অর্থে মুক্তিকামী, বিশুদ্ধিকামী। ‘প্রাপ্ত অপরাধ’ অর্থে প্রাপ্ত বা প্রাপ্ত হইয়া অমুক্ত। ‘প্রকাশ করিতে হইবে’ অর্থে সজ্ঞ, গণ অথবা একজনের নিকট প্রকাশ করিতে হইবে। ‘ব্যক্ত করিলে অনুকূল হয়’। কিসের অনুকূল হয়? প্রথমধ্যান, দ্বিতীয়ধ্যান, তৃতীয়ধ্যান, চতুর্থধ্যান লাভের অনুকূল হয়, ধ্যান, বিমোক্ষ, সমাধি, সমাপত্তি, নৈষ্কম্য, নিঃসরণ, প্রবিবেক এবং কুশল ধর্মসমূহ লাভের অনুকূল হয়।]

(৪) প্রাতিমোক্ষ আবৃত্তি করিবার দিন

সেই সময়ে ভিক্ষুগণ ‘ভগবান প্রাতিমোক্ষ আবৃত্তি করিবার অনুজ্ঞা করিয়াছেন’ এই ভাবিয়া প্রত্যহ প্রাতিমোক্ষ আবৃত্তি করিতে লাগিলেন। ভিক্ষুগণ এই বিষয় ভগবানকে জানাইলেন। (ভগবান কহিলেন :—)

“হে ভিক্ষুগণ! প্রত্যহ প্রাতিমোক্ষ আবৃত্তি করিতে পারিবে না, যে করিবে তাহার ‘দুষ্কট’ অপরাধ হইবে।

“হে ভিক্ষুগণ! আমি অনুজ্ঞা করিতেছি : উপোষথ দিবসেই প্রাতিমোক্ষ আবৃত্তি করিবে।”

সেই সময়ে ভিক্ষুগণ “ভগবান প্রাতিমোক্ষ আবৃত্তি করিতে আদেশ দিয়াছেন” এইজন্য একপক্ষে তিনবার, চতুর্দশী, পঞ্চদশী এবং পক্ষের অষ্টমীতে প্রাতিমোক্ষ আবৃত্তি করিতে লাগিলেন। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! পক্ষে তিনবার প্রাতিমোক্ষ আবৃত্তি করিতে পারিবে না, যে করিবে তাহার ‘দুষ্কট’ অপরাধ হইবে।

“হে ভিক্ষুগণ! আমি অনুজ্ঞা করিতেছি : পক্ষে একবার চতুর্দশী অথবা পঞ্চদশীতে প্রাতিমোক্ষ আবৃত্তি করিবে।”

(৫) প্রাতিমোক্ষ আবৃত্তির জন্য সমবেত হইবার নিয়ম

১—সেই সময়ে ষড়বর্গীয় ভিক্ষু পারিষদানুক্রমে স্ব স্ব পারিষদ লইয়া প্রাতিমোক্ষ আবৃত্তি করিতেছিলেন। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! পারিষদানুক্রমে স্ব স্ব পারিষদ লইয়া প্রাতিমোক্ষ আবৃত্তি করিতে পারিবে না, যে করিবে তাহার ‘দুষ্কট’ অপরাধ হইবে।

“হে ভিক্ষুগণ! আমি অনুজ্ঞা করিতেছি : সকলে সমবেত হইয়া উপোষথ-কর্ম করিবে।”

অনন্তর ভিক্ষুগণের মনে এই চিন্তা উদিত হইল,—“ভগবান অনুজ্ঞা করিয়াছেন : সমগ্র সঙ্ঘ (সকলে সম্মিলিত হইয়া) উপোষথ-কর্ম করিবে। এখন সমগ্র সংজ্ঞায় কতদূর পর্য্যন্ত বুঝিতে হইবে, এক আবাসে অবস্থিত সকলের অথবা সমস্ত পৃথিবীতে অবস্থিত সকলের?” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : এক আবাসে অবস্থিত সকলকে ‘সমগ্র’ বলিয়া মনে করিবে।”

২—সেই সময়ে আয়ুষ্মান মহাকপ্পিন রাজগৃহে অবস্থান করিতেছিলেন,—‘মর্দকুক্ষি মৃগদাবে’। আয়ুষ্মান মহাকপ্পিন নিজ্জনে ধ্যানাবিষ্ট থাকিবার সময় তাঁহার চিত্তে এইরূপ পরিবর্তক উদিত হইল : ‘আমি উপোষথে যাইব, না যাইব না? সঙ্ঘকর্মে যাইব, না যাইব না? আমিত পরম বিশুদ্ধিতে বিশুদ্ধি আছি।’ ভগবান স্বচিত্তে আয়ুষ্মান মহাকপ্পিনের চিত্ত-পরিবর্তক জানিয়া যেমন বলবান পুরুষ সঙ্কুচিত বাহু প্রসারিত করে, অথবা প্রসারিত বাহু সঙ্কুচিত করে তেমনভাবেই গৃধ্রকূট পর্বত হইতে অন্তর্হিত হইয়া মর্দকুক্ষি মৃগদাবে আয়ুষ্মান মহাকপ্পিনের সম্মুখে আবির্ভূত হইলেন। আবির্ভূত হইয়া ভগবান নির্দিষ্ট আসনে উপবেশন করিলেন। আয়ুষ্মান মহাকপ্পিনও ভগবানকে অভিবাদন করিয়া একান্তে উপবেশন করিলেন। ভগবান একান্তে উপবিষ্ট আয়ুষ্মান মহাকপ্পিনকে কহিলেন :—“কপ্পিন! তুমি নিজ্জনে ধ্যানাবিষ্ট থাকিবার সময় তোমার মনে কি এই চিন্তা উপস্থিত হয় নাই, ‘আমি উপোষথে যাইব, না যাইব না; সঙ্ঘকর্মে যাইব, না যাইব না? আমিত পরম বিশুদ্ধিতে বিশুদ্ধি আছি।’?”

“হাঁ, ভগবন! আমার ঐরূপ-চিন্তা উপস্থিত হইয়াছিল।”

১। এই স্থানের নাম কেবল মৃগদাব ছিল। মগধরাজ বিম্বিসার মহিষী অজাতশত্রু পিতৃহত্যা হইবে এই কথা দৈবজ্ঞের নিকট জানিতে পারিয়া গর্ভপাতের জন্য এইস্থানে কুক্ষি (উদর) মর্দন করায় পরে এই স্থানের নাম হয় ‘মর্দকুক্ষি মৃগদাব’।—সু-বি।

“ব্রাহ্মণ! যদি তোমরা উপোষথকে সমীহ, সৎকার, গৌরবযুক্ত, সম্মান এবং পূজা না কর তাহা হইলে কে-ই বা উপোষথকে তাহা করিবে? ব্রাহ্মণ! তুমি উপোষথে গমন কর, গমন না করা তোমার উচিত নহে, সজ্জকর্মে গমন কর, গমন না করা তোমার উচিত নহে।”

“তথাস্তু, প্রভো! বলিয়া আয়ুষ্মান মহাকপ্লিন ভগবানকে প্রত্যুত্তর প্রদান করিলেন।

ভগবান আয়ুষ্মান মহাকপ্লিনকে ধর্মকথায় প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট করিয়া যেমন বলবান পুরুষ সঙ্কুচিত বাহু প্রসারিত করে অথবা প্রসারিত বাহু সঙ্কুচিত করে তেমনভাবেই মর্দকৃষ্ণি মৃগদাবে আয়ুষ্মান মহাকপ্লিনের সম্মুখে অন্তর্হিত হইয়া গৃধ্রকূট পর্বতে আবির্ভূত হইলেন।

উপোষথ কেন্দ্রের সীমা ও উপোষথের সংখ্যা

(১) সীমা নির্ণয়

১—ভিক্ষুগণের মনে এই চিন্তা উদিত হইল : “ভগবান ব্যবস্থা দিয়াছেন : এক আবাসে যতজন ভিক্ষু বাস করে ততজন ভিক্ষুকে ‘সমগ্র’ বলিয়া মনে করিবে; কিন্তু কতদূর পর্য্যন্ত এক আবাস বুঝাইবে?” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি সীমা নির্ণয় করিবার আদেশ দিতেছি।”

হে ভিক্ষুগণ! এইভাবে সীমা নির্ণয় করিবে : প্রথম নিমিত্ত (চিহ্ন) সমূহের উল্লেখ করিবে, যথা :—পর্বতনিমিত্ত, পাষণনিমিত্ত, বননিমিত্ত, বৃক্ষনিমিত্ত, মার্গনিমিত্ত, বল্লীকনিমিত্ত, নদীনিমিত্ত, এবং উদকনিমিত্ত। নিমিত্তের (চিহ্নের) উল্লেখ করিয়া দক্ষ এবং সমর্থ ভিক্ষু সজ্জকে এইরূপ প্রস্তাব জ্ঞাপন করিবে :—

জ্ঞপ্তি—মাননীয় সজ্জ! আমার প্রস্তাব শ্রবণ করুন। চতুর্দিকে যেই পর্য্যন্ত নিমিত্তসমূহ (চিহ্ন সকল) কীর্তিত (বর্ণিত) হইল, যদি সজ্জ উচিত মনে করেন তাহা হইলে সজ্জ এই নিমিত্তসমূহ দ্বারা ‘সমানসংবাস একুপোসথ’ সীমা নির্ণয় করিতে পারেন। ইহাই জ্ঞপ্তি।

অনুশ্রাবণ—মাননীয় সজ্জ! আমার প্রস্তাব শ্রবণ করুন। চতুর্দিকে যেই পর্য্যন্ত

১। যাহাদের সঙ্গে বিনয়-কার্য্য এবং আহালাদি করিতে পারা যায় তাহারা ‘সমানসংবাসক’ নামে অভিহিত। তেমন সমানসংবাসক ভিক্ষুগণ যেই স্থানে একটি উপোষথ করেন তাহা ‘একুপোসথ সীমা’ বলিয়া কথিত হয়।

নিমিত্তসমূহ কীর্তিত হইল, সজ্ঞ এই নিমিত্তসমূহ দ্বারা ‘সমানসংবাস একুপোসথ’ সীমা নির্ণয় করিতেছেন। যেই আয়ুত্মান উচিৎ মনে করেন এই নিমিত্তসমূহ দ্বারা ‘সমানসংবাস একুপোসথ’ সীমা নির্ণয় করা, তিনি মৌন থাকিবেন এবং যিনি উচিৎ মনে না করেন তিনি তাঁহার বক্তব্য ভাষায় প্রকাশ করিবেন।

ধারণা—সজ্ঞ কর্তৃক এই নিমিত্তসমূহ দ্বারা ‘সমানসংবাস একুপোসথ’ সীমা নির্ণীত হইল। সজ্ঞ এই প্রস্তাব উচিৎ মনে করিয়া মৌন রহিয়াছেন,—আমি এইরূপ ধারণা করিতেছি।

২—সেই সময়ে ষড়বর্গীয় ভিক্ষু ‘ভগবান সীমা নির্ণয় করিতে অনুজ্ঞা করিয়াছেন’ এই ভাবিয়া অতি বৃহৎ সীমা, চারিযোজন, পাঁচযোজন এবং ছয়যোজন পরিমিত সীমাও নির্ণয় করিতে লাগিল। ভিক্ষুগণ উপোষথ করিতে আসিয়া কেহ প্রাতিমোক্ষ আবৃত্তি করিবার সময় উপস্থিত হইতে লাগিলেন, কেহ প্রাতিমোক্ষ আবৃত্তি সমাপ্তির পরও উপস্থিত হইতে লাগিলেন, কেহ সীমার মধ্যস্থলেও রহিয়া গেলেন। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! অতিবৃহৎ সীমা, চারিযোজন, পাঁচযোজন অথবা ছয়যোজন পরিমিত সীমা নির্ণয় করিতে পারিবে না, যে নির্ণয় করিবে তাহার ‘দুষ্কট’ অপরাধ হইবে।

“হে ভিক্ষুগণ! আমি অনুজ্ঞা করিতেছি : তিন যোজন পরিমিত সীমা নির্ণয় করিবে।”

৩—সেই সময়ে ষড়বর্গীয় ভিক্ষু নদীতটে সীমা নির্ণয় করিতে লাগিলেন। উপোষথে আসিবার সময় ভিক্ষুগণ জলে সিক্ত হইলেন, তাঁহাদের ভিক্ষাপাত্রও সিক্ত হইল এবং চীবরও সিক্ত হইল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! নদীতীরে সীমা নির্ণয় করিতে পারিবে না, যে নির্ণয় করিবে তাহার ‘দুষ্কট’ অপরাধ হইবে।”

“হে ভিক্ষুগণ! আমি অনুজ্ঞা করিতেছি : যেস্থানে নীচা অথবা সেতু আছে সেইরূপ নদীতীরে সীমা নির্ণয় করিবে।”

(২) উপোষথাগার নির্ণয় করা

১—সেই সময়ে ভিক্ষুগণ পূর্বের সঙ্কেত না করিয়া প্রতিপরিবেশে প্রাতিমোক্ষ আবৃত্তি করিতেছিলেন। আগন্তুক ভিক্ষুগণ জানিতে পারিতেন না অদ্য উপোষথ কোথায় করিবেন। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! পূর্বের সঙ্কেত না করিয়া প্রতিপরিবেশে প্রাতিমোক্ষ আবৃত্তি

করিতে পারিবে না, যে আবৃত্তি করিবে তাহার ‘দুর্কট’ অপরাধ হইবে।

“হে ভিক্ষুগণ! আমি অনুজ্ঞা করিতেছি : উপোষথাগার নির্ণয় করিয়া উপোষথ করিবে। সজ্ঞ বিহার, আচ্যযোগ, প্রাসাদ অথবা হর্ম্যের মধ্যে যেইটি ইচ্ছা করে সেইটিই উপোষথাগার নির্ণয় করুক।”

হে ভিক্ষুগণ! এইভাবে উপোষথাগার নির্ণয় করিবে : দক্ষ এবং সমর্থ ভিক্ষু সজ্ঞকে এইরূপ প্রস্তাব জ্ঞাপন করিবে :—

জ্ঞপ্তি—মাননীয় সজ্ঞ! আমার প্রস্তাব শ্রবণ করুন। সজ্ঞ যদি উচিৎ মনে করেন তাহা হইলে অমুক বিহার উপোষথাগারের জন্য নির্ণয় করিতে পারেন। ইহাই জ্ঞপ্তি।

অনুশ্রাবণ—মাননীয় সজ্ঞ! আমার প্রস্তাব শ্রবণ করুন। সজ্ঞ অমুক বিহার উপোষথাগারের জন্য নির্ণয় করিতেছেন। যেই আয়ুত্মান অমুক বিহার উপোষথাগার নির্ণয় করা উচিৎ মনে করেন তিনি মৌন থাকিবেন এবং যিনি উচিৎ মনে না করেন তিনি তাঁহার বক্তব্য ভাষায় প্রকাশ করিবেন।

ধারণা—সজ্ঞ অমুক বিহার উপোষথাগার নির্ণয় করিলেন। সজ্ঞ এই প্রস্তাব উচিৎ মনে করিয়া মৌন রহিয়াছেন,—আমি এইরূপ ধারণা করিতেছি।

২—সেই সময়ে একটি আবাসে দুইটি উপোষথাগার নির্ণয় করা হইয়াছিল। ভিক্ষুগণ ‘এইস্থানে উপোষথ করিবেন’, ‘এইস্থানে উপোষথ করিবেন’ এই ভাবিয়া উভয়স্থানেই সমবেত হইতে লাগিলেন। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! এক আবাসে দুইটি উপোষথাগার নির্ণয় করিতে পারিবে না, যে নির্ণয় করিবে তাহার ‘দুর্কট’ অপরাধ হইবে।

“হে ভিক্ষুগণ! আমি অনুজ্ঞা করিতেছি : একটি বিনষ্ট করিয়া অপরটিতে উপোষথ করিবে।”

হে ভিক্ষুগণ! এইভাবে বিনষ্ট করিবে : দক্ষ এবং সমর্থ ভিক্ষু সজ্ঞকে এইরূপ প্রস্তাব জ্ঞাপন করিবে :—

জ্ঞপ্তি—মাননীয় সজ্ঞ! আমার প্রস্তাব শ্রবণ করুন। সজ্ঞ যদি উচিৎ মনে করেন তাহা হইলে সজ্ঞ অমুক উপোষথাগার বিনষ্ট (ত্যাগ) করিতে পারেন। ইহাই জ্ঞপ্তি।

অনুশ্রাবণ—মাননীয় সজ্ঞ! আমার প্রস্তাব শ্রবণ করুন। সজ্ঞ অমুক উপোষথাগার সমুহনন (পরিত্যাগ) করিতেছেন। যেই আয়ুত্মান অমুক উপোষথাগার পরিত্যাগ করা উচিৎ মনে করেন তিনি মৌন থাকিবেন, এবং যিনি উচিৎ মনে না করেন তিনি তাঁহার বক্তব্য ভাষায় প্রকাশ করিবেন।

ধারণা—সজ্ঞ অমুক উপোষথাগার পরিত্যাগ করিলেন। সজ্ঞ এই প্রস্তাব উচিৎ মনে করিয়া মৌন রহিয়াছেন,—আমি এইরূপ ধারণা করিতেছি।

৩—সেই সময়ে একটি আবাসে অতিক্ষুদ্র উপোষথাগার নির্ণীত হইয়াছিল। এক

উপোষথ দিবসে তথায় বহুসংখ্যক ভিক্ষুসঙ্ঘ সমবেত হইয়াছিলেন। স্থানাভাবে ভিক্ষুগণ অননুমোদিত ভূমিতে বসিয়া প্রাতিমোক্ষ আবৃত্তি শ্রবণ করিলেন। অতঃপর সেই ভিক্ষুগণের মনে এই চিন্তা উদিত হইল : “ভগবান ব্যবস্থা দিয়াছেন : উপোষথাগার নির্ণয় করিয়া উপোষথ করিবে। অথচ আমরা অননুমোদিত ভূমিতে বসিয়া প্রাতিমোক্ষ-আবৃত্তি শ্রবণ করিলাম, আমাদের উপোষথ করা হইল, না হইল না?” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

হে ভিক্ষুগণ! নির্ণীত ভূমিতে অথবা অনির্ণীত ভূমিতে বসিয়া যেখানেই প্রাতিমোক্ষ শ্রবণ করা যাউক না কেন উপোষথ করা হইয়া থাকে। ভিক্ষুগণ! তাহা হইলে সঙ্ঘ উপোষথাগারের যত বড় বারান্দা ইচ্ছা করে ততবড় বারান্দা^১ নির্ণীত করুক।

হে ভিক্ষুগণ! এইভাবে নির্ণয় করিবে : প্রথম নিমিত্ত (চিহ্ন) কীর্তন (বর্ণনা) করিবে, নিমিত্ত কীর্তন করিয়া দক্ষ এবং সমর্থ ভিক্ষু সঙ্ঘকে এইরূপ প্রস্তাব জ্ঞাপন করিবে :—

জ্ঞপ্তি—মাননীয় সঙ্ঘ! আমার প্রস্তাব শ্রবণ করুন। চতুর্দিকে যেই পর্য্যন্ত নিমিত্ত কীর্তন করা হইল, সঙ্ঘ যদি উচিৎ মনে করেন তাহা হইলে সঙ্ঘ এই নিমিত্তসমূহ দ্বারা উপোষথাগারের বারান্দা নির্ণয় করিতে পারেন। ইহাই জ্ঞপ্তি।

অনুশ্রাবণ—মাননীয় সঙ্ঘ! আমার প্রস্তাব শ্রবণ করুন। চতুর্দিকে যেই পর্য্যন্ত নিমিত্ত সমূহ কীর্তন করা হইল, সঙ্ঘ এই নিমিত্তসমূহ দ্বারা উপোষথাগারের বারান্দা নির্ণয় করিতেছেন। যেই আয়ুস্মান উচিৎ মনে করেন এই নিমিত্ত সমূহ দ্বারা উপোষথাগারের বারান্দা নির্ণয় করা, তিনি মৌন থাকিবেন এবং যিনি উচিৎ মনে না করেন তিনি তাঁহার বক্তব্য ভাষায় প্রকাশ করিবেন।

ধারণা—সঙ্ঘ এই নিমিত্তসমূহ দ্বারা উপোষথাগারের বারান্দা নির্ণয় করিলেন। সঙ্ঘ এই প্রস্তাব উচিৎ মনে করিয়া মৌন রহিয়াছেন,—আমি এইরূপ ধারণা করিতেছি।

৪—সেই সময়ে একটি আবাসে উপোষথ দিবসে নূতন ভিক্ষুগণ প্রথম সমবেত হইয়া ‘স্থবিরগণ এখনও আসিতেছেন না’ এই বলিয়া প্রশ্ন করিয়াছিল। উপোষথ অপূর্ণ রহিয়া গেল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : উপোষথ দিবসে স্থবির ভিক্ষুগণকে সর্বপ্রথম সমবেত হইতে হইবে।”

^১। ঘরের সম্মুখের চাতাল।

(৩) একটি আবাসে উপোষথাগারের সংখ্যা এবং স্থান

১—সেই সময়ে রাজগৃহে অনেকগুলি আবাস এক সীমান্তবর্ত্তের অবস্থিত (সমসীম) ছিল। সেখানে ভিক্ষুগণ ‘আমাদের আবাসে উপোষথ করা হউক’, ‘আমাদের আবাসে উপোষথ করা হউক’ এই বলিয়া বিবাদ করিতেছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! যদি বহু আবাস সমসীম হয় এবং তথায় ভিক্ষুগণ ‘আমাদের আবাসে উপোষথ করা হউক’, ‘আমাদের আবাসে উপোষথ করা হউক’ এই বলিয়া বিবাদ করিতে থাকে তাহা হইলে সেই সমস্ত ভিক্ষুকেই একস্থানে সমবেত হইয়া উপোষথ করিতে হইবে অথবা যেখানে স্থবির ভিক্ষু বাস করে তথায় সকলে সমবেত হইয়া উপোষথ করিবে; কিন্তু কোন প্রকারেই দল (বগ্গেন) বাঁধিয়া পৃথকভাবে উপোষথ করিতে পারিবে না; যে করিবে তাহার ‘দুষ্কট’ অপরাধ হইবে।”

২—সেই সময়ে আয়ুস্মান মহাকাশ্যপ অন্ধকবিন্দ হইতে রাজগৃহে উপোষথে আসিবার সময় পথের মধ্যে নদী পার হইতে যাইয়া তাঁহার দেহে ঈষৎ জল ছিটকাইয়া পড়ায় তাঁহার চীবর সিক্ত হইল। ভিক্ষুগণ আয়ুস্মান মহাকাশ্যপকে কহিলেন :—“বন্ধো! আপনার চীবর কেন সিক্ত হইয়াছে?”

“বন্ধুগণ! আমি অন্ধকবিন্দ হইতে রাজগৃহে উপোষথে আসিবার সময় পথে নদী অতিক্রম করিতে যাইয়া দেহে ঈষৎ জল ছিটকাইয়া পড়িয়াছিল এই হেতু আমার চীবর সিক্ত হইয়াছে।” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! সজ্জ যেই ‘সমানসংবাস একুপোষথ’ সীমা নির্ণয় করিয়াছে সজ্জ সেই সীমা বিনা ত্রিচীবরে বাসের জন্য অনুমোদন করুক।”

হে ভিক্ষুগণ! এইভাবে অনুমোদন করিবে। দক্ষ ও সমর্থ ভিক্ষু সজ্জকে এইরূপ প্রস্তাব জ্ঞাপন করিবে :—

জ্ঞপ্তি—মাননীয় সজ্জ! আমার প্রস্তাব শ্রবণ করুন। সজ্জ যেই ‘সমানসংবাস একুপোষথ’ সীমা নির্ণয় করিয়াছেন সজ্জ যদি উচিৎ মনে করেন তাহা হইলে সজ্জ সেই সীমা বিনা ত্রিচীবরে বাসের জন্য অনুমোদন করিতে পারেন। ইহাই জ্ঞপ্তি।

অনুশ্রাবণ—মাননীয় সজ্জ! আমার প্রস্তাব শ্রবণ করুন। সজ্জ যেই ‘সমানসংবাস একুপোষথ’ সীমা নির্ণয় করিয়াছেন সজ্জ সেই সীমা বিনা ত্রিচীবরে বাসের জন্য অনুমোদন করিতেছেন। যেই আয়ুস্মান উচিৎ মনে করেন সেই সীমা বিনা ত্রিচীবরে বাসের জন্য অনুমোদন করা, তিনি মৌন থাকিবেন এবং যিনি উচিৎ মনে না করেন তিনি তাঁহার বক্তব্য ভাষায় প্রকাশ করিবেন।

ধারণা—সজ্জ সেই সীমা বিনা ত্রিচীবরে বাসের জন্য অনুমোদন করিলেন। সজ্জ এই প্রস্তাব উচিৎ মনে করিয়া মৌন রহিয়াছেন,—আমি এইরূপ ধারণা করিতেছি।

(৪) উপোষথে আসিবার সময় চীবরের বিধান

১—সেই সময়ে ভিক্ষুগণ ‘ভগবান বিনা ত্রিচীবরে বাসের জন্য অনুজ্ঞা দিয়াছেন’ এই ভাবিয়া গ্রামের মধ্যে চীবর রাখিতে লাগিলেন। সেই স্থানে চীবর নষ্ট হইতে লাগিল, অগ্নিদন্ধ হইতে লাগিল এবং ইন্দুরে কাটিতে লাগিল। এইহেতু ভিক্ষুগণের চীবর নিকৃষ্ট এবং রক্ষ হইয়া গেল। অন্য ভিক্ষুগণ তাহাদিগকে কহিলেন :—“বন্ধুগণ! আপনাদের চীবর নিকৃষ্ট এবং রক্ষ কেন হইয়াছে?”

“বন্ধুগণ! আমরা ভগবান ‘বিনা ত্রিচীবরে বাসের জন্য অনুজ্ঞা দিয়াছেন’ এই ভাবিয়া গ্রামাভ্যন্তরে চীবর রাখিয়াছিলাম, কিন্তু সেখানে সেই চীবরগুলি বিনষ্ট হইয়া গিয়াছে, অগ্নিদন্ধ হইয়া গিয়াছে এবং ইন্দুরে কাটিয়া ফেলিয়াছে, এইহেতু আমাদের চীবর নিকৃষ্ট ও রক্ষ হইয়া পড়িয়াছে। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! সজ্জ যেই ‘সমানসংবাস একুপোসথ’ সীমা নির্ণয় করিয়াছে সজ্জ সেই সীমা কেবল গ্রাম এবং গ্রামোপান্ত ব্যতীত বিনা ত্রিচীবরে বাসের জন্য অনুমোদন করুক।”

হে ভিক্ষুগণ! এইভাবে অনুমোদন করিবে : দক্ষ এবং সমর্থ ভিক্ষু সজ্জকে এইরূপ প্রস্তাব জ্ঞাপন করিবে :—

জ্ঞপ্তি—মাননীয় সজ্জ! আমার প্রস্তাব শ্রবণ করুন। সজ্জ যেই ‘সমানসংবাস একুপোসথ’ সীমা নির্ণয় করিয়াছেন সজ্জ যদি উচিত মনে করেন তাহা হইলে সজ্জ সেই সীমা কেবল গ্রাম এবং গ্রামোপান্ত ব্যতীত বিনা ত্রিচীবরে বাসের জন্য অনুমোদন করিতে পারেন। ইহাই জ্ঞপ্তি।

অনুশ্রাবণ—মাননীয় সজ্জ! আমার প্রস্তাব শ্রবণ করুন। সজ্জ যেই ‘সমানসংবাস একুপোসথ’ সীমা নির্ণয় করিয়াছেন সজ্জ সেই সীমা কেবল গ্রাম এবং গ্রামোপান্ত ব্যতীত বিনা ত্রিচীবরে বাসের জন্য অনুমোদন করিতেছেন। যেই আয়ুত্মান এই সীমা কেবল গ্রাম এবং গ্রামোপান্ত ব্যতীত বিনা ত্রিচীবরে বাস করা সম্বন্ধে উচিত মনে করেন তিনি মৌন থাকিবেন এবং যিনি উচিত মনে না করেন তিনি তাঁহার বক্তব্য ভাষায় প্রকাশ করিবেন।

ধারণা—সজ্জ এই সীমা কেবল গ্রাম এবং গ্রামোপান্ত ব্যতীত বিনা ত্রিচীবরে বাসের জন্য অনুমোদন করিলেন। সজ্জ এই প্রস্তাব উচিত মনে করিয়া মৌন রহিয়াছেন,—আমি এইরূপ ধারণা করিতেছি।

(৫) সীমা এবং চীবরের বিধান

১—হে ভিক্ষুগণ! সীমা নির্ণয় করিবার সময় প্রথম ‘সমানসংবাস’ সীমা নির্ণয় করিবে এবং পরে বিনা ত্রিচীবরে বাসের জন্য অনুমোদন করিবে। হে ভিক্ষুগণ! সীমা পরিত্যাগ করিবার সময় প্রথম বিনা ত্রিচীবরে বাসের বিধান রহিত করিবে এবং পরে ‘সমানসংবাস’ সীমা পরিত্যাগ করিবে।

হে ভিক্ষুগণ! এইভাবে বিনা ত্রিচীবরে বাসের বিধান প্রত্যাখ্যান করিবে। দক্ষ ও এবং সমর্থ ভিক্ষু সঙ্ঘকে এইরূপ প্রস্তাব জ্ঞাপন করিবে :—

জ্ঞপ্তি—মাননীয় সঙ্ঘ! আমার প্রস্তাব শ্রবণ করুন। সঙ্ঘ বিনা ত্রিচীবরে বাসের যেই বিধান দিয়াছেন সঙ্ঘ যদি উচিৎ মনে করেন তাহা হইলে সঙ্ঘ বিনা ত্রিচীবরে বাসের সেই বিধান প্রত্যাখ্যান করিতে পারেন। ইহাই জ্ঞপ্তি।

অনুশ্রাবণ—মাননীয় সঙ্ঘ! আমার প্রস্তাব শ্রবণ করুন। সঙ্ঘ বিনা ত্রিচীবরে বাসের যেই বিধান দিয়াছেন সঙ্ঘ সেই বিধান প্রত্যাখ্যান করিতেছেন। যেই আয়ুত্মান উচিৎ মনে করেন বিনা ত্রিচীবরে বাসের বিধান প্রত্যাখ্যান করা, তিনি মৌন থাকিবেন এবং যিনি উচিৎ মনে না করেন তিনি তাঁহার বক্তব্য ভাষায় প্রকাশ করিবেন।

ধারণা—সঙ্ঘ বিনা ত্রিচীবরে বাসের বিধান প্রত্যাখ্যান করিলেন। সঙ্ঘ এই প্রস্তাব উচিৎ মনে করিয়া মৌন রহিয়াছেন,—আমি এইরূপ ধারণা করিতেছি।

২—হে ভিক্ষুগণ! এইভাবে ‘সমানসংবাস’ সীমা পরিত্যাগ করিবে : দক্ষ এবং সমর্থ ভিক্ষু সঙ্ঘকে এইরূপ প্রস্তাব জ্ঞাপন করিবে :—

জ্ঞপ্তি—মাননীয় সঙ্ঘ! আমার প্রস্তাব শ্রবণ করুন। সঙ্ঘ যেই ‘সমানসংবাস একুপোসথ’ সীমা নির্ণয় করিয়াছেন সঙ্ঘ যদি উচিৎ মনে করেন তাহা হইলে সঙ্ঘ সেই সীমা পরিত্যাগ করিতে পারেন। ইহাই জ্ঞপ্তি।

অনুশ্রাবণ—মাননীয় সঙ্ঘ! আমার প্রস্তাব শ্রবণ করুন। সঙ্ঘ যেই ‘সমানসংবাস একুপোসথ’ সীমা নির্ণয় করিয়াছেন সঙ্ঘ সেই সীমা প্রত্যাখ্যান করিতেছেন। যেই আয়ুত্মান উচিৎ মনে করেন এই ‘সমানসংবাস একুপোসথ’ সীমা পরিত্যাগ করা, তিনি মৌন থাকিবেন এবং যিনি উচিৎ মনে না করেন তিনি তাঁহার বক্তব্য ভাষায় প্রকাশ করিবেন।

ধারণা—সঙ্ঘ সেই ‘সমানসংবাস একুপোসথ’ সীমা পরিত্যাগ করিলেন। সঙ্ঘ এই প্রস্তাব উচিৎ মনে করিয়া মৌন রহিয়াছেন,—আমি এইরূপ ধারণা করিতেছি।

৩—হে ভিক্ষুগণ! সীমা নির্ণীত এবং স্থাপিত হইবার পূর্বে যেই গ্রাম বা জনপদ আশ্রয় করিয়া (ভিক্ষু) বাস করে সেই গ্রামের যেই গ্রাম-সীমা অথবা সেই জনপদের যেই জনপদ-সীমা তাহাই সেখানে ‘সমানসংবাস একুপোসথ’ সীমা নামে অভিহিত।

ভিক্ষুগণ! গ্রামের বহির্ভূত অরণ্যের চতুর্দিকে ‘সত্তবভন্তর’^১ স্থান ‘সমানসংবাস একুপোসথ’ সীমা নামে অভিহিত। হে ভিক্ষুগণ! সমস্ত নদী অসীম, সমস্ত সমুদ্র অসীম এবং সমগ্র স্বাভাবিক সরোবর অসীম। ভিক্ষুগণ, নদী, সমুদ্র অথবা স্বাভাবিক সরোবরে দাঁড়াইয়া মাঝারি রকম ব্যক্তি চতুর্দিকে জল নিক্ষেপ করিলে জল পতিত স্থানের যেই অভ্যন্তর ভাগ^২ তাহাই সেখানে ‘সমানসংবাস একুপোসথ’ সীমা নামে অভিহিত।

(৬) এক সীমাত্তরে অন্য সীমা নির্ণয় অবিধেয়

১—সেই সময়ে ষড়বর্গীয় ভিক্ষু এক সীমাত্তরে অন্য সীমা নির্ণয় করিতেছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

হে ভিক্ষুগণ! যাহাদের সীমা প্রথম নির্ণীত হইয়াছে তাহাদের সেই কার্য্য ধর্মানুকূল, নিখুঁত এবং যথোচিত। যাহাদের সীমা পরে নির্ণীত হইয়াছে তাহাদের সেই কার্য্য ধর্ম্মবিরুদ্ধ হইয়াছে এবং নিখুঁত ও যথোচিত হয় নাই।

“হে ভিক্ষুগণ! এক সীমাত্তরে অন্য সীমা নির্ণয় করিতে পারিবে না। যে নির্ণয় করিবে তাহার ‘দুষ্কট’ অপরাধ হইবে।”

২—সেই সময়ে ষড়বর্গীয় ভিক্ষু এক সীমার সঙ্গে অন্য সীমা সংলগ্ন করিতেছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

হে ভিক্ষুগণ! যাহাদের সীমা প্রথম নির্ণীত হইয়াছে তাহাদের কার্য্য ধর্মানুকূল, নিখুঁত এবং যথোচিত হইয়াছে। যাহাদের সীমা পরে নির্ণীত হইয়াছে তাহাদের সেই কার্য্য ধর্ম্মবিরুদ্ধ হইয়াছে এবং নিখুঁত ও যথোচিত হয় নাই।

হে ভিক্ষুগণ! এক সীমার সঙ্গে অন্য সীমা সংলগ্ন করিতে পারিবে না, যে সংলগ্ন করিবে তাহার ‘দুষ্কট’ অপরাধ হইবে।

“হে ভিক্ষুগণ! আমি অনুজ্ঞা করিতেছি : সীমা নির্ণয় করিবার সময় ব্যবধান^৩ রাখিয়া সীমা নির্ণয় করিবে।”

^১। অরণ্যের যেই স্থানে ভিক্ষু বাস করে তাহার বাসস্থানের চতুর্দিকে ১৯৬ হাতের অভ্যন্তর ভাগ ‘সত্তবভন্তর’ সীমা নামে কথিত হয়।—সম-পাসা।

^২। যেমন অক্ষত্রৌড়ক কাষ্ঠগোলক নিক্ষেপ করে এইরূপ জল বা বালুকা মাঝারি রকমের ব্যক্তি সামর্থ্যানুযায়ী চতুর্দিকে নিক্ষেপ করিলে যেখানে জল বা বালুকা পতিত হয় তাহার অভ্যন্তর ভাগ ‘উদক উক্ষেপ’ সীমা নামে কথিত হয়।—সম-পাসা।

^৩। যদি প্রথম প্রস্তত বিহারের সীমা অনির্ণীত থাকে তাহা হইলে সীমার উপচার (উপকর্ষ) রাখিতে হইবে। যদি সীমা নির্ণয় করা হয় তাহা হইলে অন্ততঃ এক হাত প্রমাণ স্থান সীমার উপকর্ষ রাখিতে হইবে।—সম-পাসা।

(৭) উপোষথের সংখ্যা

১—সেই সময়ে ভিক্ষুদিগের মনে এই চিন্তা উদিত হইল : “উপোষথ কয়টি?” তাঁহারা ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! উপোষথ দুইটি,—চতুর্দশী ও পঞ্চদশী। ভিক্ষুগণ! উপোষথ এই দুইটি।”

২—অনন্তর ভিক্ষুগণের মনে এই চিন্তা উদিত হইল : “উপোষথ-কর্ম কয় প্রকার?” তাঁহারা ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! উপোষথ-কর্ম চারি প্রকার। যথা :—(১) সজ্জের একাংশের কৃত ধর্মবিরুদ্ধ উপোষথ-কর্ম; (২) সমগ্র সজ্জের কৃত ধর্মবিরুদ্ধ উপোষথ-কর্ম; (৩) সজ্জের একাংশের কৃত ধর্মানুকূল উপোষথ-কর্ম; (৪) সমগ্র সজ্জের কৃত ধর্মানুকূল উপোষথ-কর্ম।”

হে ভিক্ষুগণ! তন্মধ্যে এই যে সজ্জের একাংশের ধর্মবিরুদ্ধ উপোষথ-কর্ম, এইরূপ উপোষথ-কর্ম করিতে পারিবে না, আমি এইরূপ উপোষথ-কর্ম করিবার অনুজ্ঞা প্রদান করি নাই। এই যে সমগ্র সজ্জের ধর্মবিরুদ্ধ উপোষথ-কর্ম, তাহা করিতে পারিবে না, আমি এইরূপ উপোষথ-কর্ম করিবার অনুজ্ঞা প্রদান করি নাই। এই যে সজ্জের কিয়দংশের ধর্মানুকূল উপোষথ-কর্ম তাহা করিতে পারিবে না, আমি এইরূপ উপোষথ-কর্ম করিবার অনুজ্ঞা প্রদান করি নাই। এই যে সমগ্র সজ্জের ধর্মানুকূল উপোষথ-কর্ম তাহা করিবে, আমি এইরূপ উপোষথ-কর্ম করিবারই অনুজ্ঞা প্রদান করিয়াছি।

“হে ভিক্ষুগণ! তদ্ব্যতীত ‘ধর্মানুকূল সমগ্র সজ্জের উপোষথ-কর্মই করিব’ এইরূপ তোমাদিগকে শিক্ষা করিতে হইবে।”

প্রাতিমোক্ষ আবৃত্তি এবং পূর্বকৃত্য

(১) আবৃত্তি-পদ্ধতি

অনন্তর ভিক্ষুগণের মনে এই চিন্তা উদিত হইল : “প্রাতিমোক্ষ-আবৃত্তি-পদ্ধতি কয় প্রকার?” তাঁহারা ভগবানকে এই বিষয় জানাইলেন। (ভগবান কহিলেন :—)

হে ভিক্ষুগণ! প্রাতিমোক্ষ-আবৃত্তি-পদ্ধতি পাঁচ প্রকার। যথা :—(১) নিদান আবৃত্তি করিয়া অবশিষ্টাংশ সজ্জেক্ষেপে শ্রবণ করাইবে, ইহা প্রথম প্রাতিমোক্ষ-আবৃত্তি-পদ্ধতি; (২) নিদান আবৃত্তি করিয়া, চারি পারাজিক আবৃত্তি করিয়া অবশিষ্টাংশ সংক্ষেপে শ্রবণ করাইবে, ইহা দ্বিতীয় প্রাতিমোক্ষ-আবৃত্তি-পদ্ধতি; (৩) নিদান আবৃত্তি করিয়া, চারি পারাজিক আবৃত্তি করিয়া এবং ত্রয়োদশ সজ্জাদিশেষ আবৃত্তি

করিয়া অবশিষ্টাংশ সংক্ষেপে শ্রবণ করাইবে, ইহা তৃতীয় প্রাতিমোক্ষ-আবৃত্তি-পদ্ধতি; (৪) নিদান, চারি পারাজিক, ত্রয়োদশ সজ্জাদিশেষ এবং দুই অনিয়ত আবৃত্তি করিয়া অবশিষ্টাংশ সংক্ষেপে শ্রবণ করাইবে, ইহা চতুর্থ প্রাতিমোক্ষ-আবৃত্তি-পদ্ধতি এবং (৫) সমগ্র প্রাতিমোক্ষ আবৃত্তি করা। হে ভিক্ষুগণ! এইরূপে প্রাতিমোক্ষ-আবৃত্তি-পদ্ধতি পাঁচ প্রকার।

সেই সময়ে ভিক্ষুগণ ‘ভগবান সংক্ষেপে প্রাতিমোক্ষ আবৃত্তির অনুজ্ঞা দিয়াছেন’ এই ভাবিয়া সর্বদা সংক্ষেপে প্রাতিমোক্ষ আবৃত্তি করিতে লাগিলেন। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! সংক্ষেপে প্রাতিমোক্ষ আবৃত্তি করিতে পারিবে না, যে আবৃত্তি করিবে তাহার ‘দুষ্কট’ অপরাধ হইবে।”

(২) বিপদের সময় সঙ্ক্ষিপ্ত আবৃত্তি

১—সেই সময়ে কোশল জনপদের একটি আবাসে উপোষথ-দিবসে শবরের (বন্যলোকের) উপদ্রব উপস্থিত হইয়াছিল। এইজন্য ভিক্ষুগণ বিস্তৃতভাবে প্রাতিমোক্ষ আবৃত্তি করিতে পারিলেন না। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : কোন বিঘ্ন উপস্থিত হইলে সংক্ষেপে প্রাতিমোক্ষ আবৃত্তি করিবে।”

২—সেই সময়ে ষড়বর্গীয় ভিক্ষু কোন বিঘ্ন না থাকিলেও সংক্ষেপে প্রাতিমোক্ষ আবৃত্তি করিতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! কোন বিঘ্ন উপস্থিত না হইলে সংক্ষেপে প্রাতিমোক্ষ আবৃত্তি করিতে পারিবে না, যে আবৃত্তি করিবে তাহার ‘দুষ্কট’ অপরাধ হইবে।”

“হে ভিক্ষুগণ! আমি অনুজ্ঞা করিতেছি : বিঘ্ন উপস্থিত হইলে সংক্ষেপে প্রাতিমোক্ষ আবৃত্তি করিবে। বিঘ্ন এই :—(১) রাজার উপদ্রব, (২) চোরের উপদ্রব, (৩) অগ্নির ভয়, (৪) জলের ভয়, (৫) মনুষ্যের উপদ্রব, (৬) অমনুষ্যের উপদ্রব, (৭) হিংস্রজন্তুর উপদ্রব, (৮) সরীসৃপের উপদ্রব, (৯) জীবননাশের আশঙ্কা, এবং (১০) ব্রহ্মচর্য্যচ্যুতির আশঙ্কা।

“হে ভিক্ষুগণ! আমি অনুজ্ঞা করিতেছি : এইরূপ যে কোন আশঙ্কা থাকিলে সংক্ষেপে প্রাতিমোক্ষ আবৃত্তি করিবে এবং আশঙ্কা না থাকিলে বিস্তৃতভাবে আবৃত্তি করিবে।”

(৩) অযাচিতভাবে উপদেশ দান অবিধেয়

সেই সময়ে ষড়বর্গীয় ভিক্ষু সঙ্ঘসভায় অযাচিতভাবে ধর্মোপদেশ দিতেছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! সঙ্ঘসভায় অযাচিতভাবে ধর্মোপদেশ দিতে পারিবে না, যে দিবে তাহার ‘দুষ্কট’ অপরাধ হইবে।”

“হে ভিক্ষুগণ! আমি অনুজ্ঞা করিতেছি : স্থবির ভিক্ষু স্বয়ং ধর্মোপদেশ প্রদান করিবে অথবা অপরের দ্বারা প্রদান করাইবে।”

(৪) অনির্বাচিতের ‘বিনয়’ জিজ্ঞাসা অবিধেয়

১—সেই সময়ে ষড়বর্গীয় ভিক্ষু নির্বাচিত না হইয়া সঙ্ঘসভায় বিনয়সম্বন্ধীয় প্রশ্ন জিজ্ঞাসা করিতেছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! অনির্বাচিত ব্যক্তি সঙ্ঘসভায় বিনয় সম্বন্ধে প্রশ্ন করিতে পারিবে না, যে প্রশ্ন করিবে তাহার ‘দুষ্কট’ অপরাধ হইবে।”

“হে ভিক্ষুগণ! আমি অনুজ্ঞা করিতেছি : নির্বাচিত ব্যক্তিই সঙ্ঘসভায় বিনয় সম্বন্ধে প্রশ্ন করিবে।”

হে ভিক্ষুগণ! এইভাবে নির্বাচিত করিবে। নিজে নিজে নির্বাচিত করিবে অথবা একজন অন্যজনকে নির্বাচিত করিবে। কিরূপে নিজেকে নির্বাচিত করিতে হয়? দক্ষ এবং সমর্থ ভিক্ষু সঙ্ঘের এইরূপ প্রস্তাব জ্ঞাপন করিবে :—‘মাননীয় সঙ্ঘ! আমার প্রস্তাব শ্রবণ করুন। যদি সঙ্ঘ উচিত মনে করেন তাহা হইলে আমি অমুকনামীয় আয়ুত্থানকে বিনয় সম্বন্ধে প্রশ্ন করিব।’ এইভাবে নিজেকে নিজে নির্বাচিত করিবে। কিরূপে একজন অন্যজনকে নির্বাচন করিবে? দক্ষ এবং সমর্থ ভিক্ষু সঙ্ঘের নিকট এইরূপ প্রস্তাব জ্ঞাপন করিবে :—‘মাননীয় সঙ্ঘ! আমার প্রস্তাব শ্রবণ করুন। যদি সঙ্ঘ উচিত মনে করেন তাহা হইলে অমুকনামীয় ভিক্ষু অমুকনামীয় আয়ুত্থানকে বিনয় সম্বন্ধে প্রশ্ন করিতে পারেন।’ এইভাবে একজন অন্যজনকে নির্বাচিত করিবে।

২—সেই সময়ে নির্বাচিত সুশীল ভিক্ষু সঙ্ঘসভায় বিনয় সম্বন্ধে প্রশ্ন করিতেছিলেন তাহাতে ষড়বর্গীয় ভিক্ষু মনে আঘাত পাইল, অসন্তোষ লাভ করিল। এইজন্য তাহারা হত্যার ভয় প্রদর্শন করিতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : নির্বাচিত ভিক্ষুও সঙ্ঘসভায় পারিষদের অবস্থা বুঝিয়া এবং লোক যাচাই করিয়া বিনয় সম্বন্ধে প্রশ্ন করিবে।”

৩—সেই সময়ে ষড়বর্গীয় ভিক্ষু নির্ব্বাচিত না হইয়া সজ্জসভায় বিনয় সম্বন্ধীয় প্রশ্নোত্তর দিতেছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! নির্ব্বাচিত না হইয়া সজ্জসভায় বিনয় সম্বন্ধে প্রশ্নোত্তর দিতে পারিবে না, যে উত্তর দিবে তাহার ‘দুষ্কট’ অপরাধ হইবে।”

“হে ভিক্ষুগণ! আমি অনুজ্ঞা করিতেছি : নির্ব্বাচিত হইয়া সজ্জসভায় বিনয় সম্বন্ধে প্রশ্নোত্তর প্রদান করিবে।”

হে ভিক্ষুগণ! এইভাবে নির্ব্বাচন করিবে : নিজেকে নিজে নির্ব্বাচিত করিবে অথবা অন্য অন্যকে নির্ব্বাচিত করিবে। কিরূপে নিজেকে নিজে নির্ব্বাচিত করিবে? দক্ষ এবং সমর্থ ভিক্ষু সজ্জকে এইরূপ প্রস্তাব জ্ঞাপন করিবে :—“মাননীয় সজ্জ! আমার প্রস্তাব শ্রবণ করুন। সজ্জ যদি উচিৎ মনে করেন তাহা হইলে আমি অমুক কর্তৃক বিনয় সম্বন্ধে প্রশ্ন জিজ্ঞাসিত হইলে উত্তর প্রদান করিতে পারি।” এইভাবে নিজেকে নিজে নির্ব্বাচিত করিবে। কিরূপে একজন অন্যজনকে নির্ব্বাচিত করিবে? দক্ষ এবং সমর্থ ভিক্ষু সজ্জকে এইরূপ প্রস্তাব জ্ঞাপন করিবে :—“মাননীয় সজ্জ! আমার প্রস্তাব শ্রবণ করুন। সজ্জ যদি উচিৎ মনে করেন তাহা হইলে অমুক আয়ুস্মান অমুক আয়ুস্মান কর্তৃক বিনয় সম্বন্ধে প্রশ্ন জিজ্ঞাসিত হইলে উত্তর প্রদান করিতে পারেন।” এইভাবে একজন একজনকে নির্ব্বাচিত করিবে।

৪—সেই সময়ে সুশীল ভিক্ষুগণ নির্ব্বাচিত হইয়া সজ্জসভায় বিনয় সম্বন্ধে প্রশ্নোত্তর দিতেছিলেন তাহাতে ষড়বর্গীয় ভিক্ষু মনে আঘাত এবং পীড়া বোধ করিল। এইজন্য তাহারা হত্যার ভয় প্রদর্শন করিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : নির্ব্বাচিত ভিক্ষুকেও পারিষদ এবং লোকের অবস্থা যাচাই করিয়া বিনয় সম্বন্ধে প্রশ্নের উত্তর দিতে হইবে।”

(৫) অবকাশ করাইয়া দোষারোপ করা

১—সেই সময়ে ষড়বর্গীয় ভিক্ষু অবকাশ না করাইয়া অন্য ভিক্ষুর উপর দোষারোপ করিতেছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! অবকাশ না করাইয়া কোন ভিক্ষুর উপর দোষারোপ করিতে পারিবে না, যে করিবে তাহার ‘দুষ্কট’ অপরাধ হইবে।”

“হে ভিক্ষুগণ! আমি অনুজ্ঞা করিতেছি : ‘আয়ুস্মান অবকাশ করুন, আমি আপনাকে কিছু বলিতে চাই’ এই বলিয়া অবকাশ করাইয়া দোষারোপ করিবে।”

২—সেই সময়ে সুশীল ভিক্ষু অবকাশ করাইয়া ষড়বর্গীয় ভিক্ষুর দোষারোপ করিতেছিলেন তাহাতে ষড়বর্গীয় ভিক্ষু মনে আঘাত এবং পীড়া পাইতে লাগিল।

এইজন্য তাহারা হত্যার ভয় প্রদর্শন করিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : অবকাশ করা হইলেও লোকের অবস্থা বুঝিয়া দোষারোপ করিবে।”

৩—সেই সময় ষড়বর্গীয় ভিক্ষু ‘সুশীল ভিক্ষুগণ পূর্বেই আমাদের অবকাশ করাইতেছেন’ এই ভাবিয়া তাহারাই অকারণে প্রথম নিরপরাধ ও পরিশুদ্ধ ভিক্ষুগণের অবকাশ করাইতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! অকারণে নিরপরাধ পরিশুদ্ধ ভিক্ষুগণের অবকাশ করাইতে পারিবে না, যে করাইবে তাহার ‘দুষ্কট’ অপরাধ হইবে।”

“হে ভিক্ষুগণ! আমি অনুজ্ঞা করিতেছি : লোক যাচাই করিয়া অবকাশ করাইবে।”

(৬) নিয়মবিরুদ্ধ কার্য্যে বাধা দান

১—সেই সময়ে ষড়বর্গীয় ভিক্ষু সঙ্ঘসভায় নীতিবিরুদ্ধ কার্য্য করিতেছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! সঙ্ঘসভায় নীতিবিরুদ্ধ কার্য্য করিতে পারিবে না, যে করিবে তাহার ‘দুষ্কট’ অপরাধ হইবে।”

তথাপি তাহারা নীতিবিরুদ্ধ কার্য্যই করিতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি :—নীতিবিরুদ্ধ কার্য্য করিলে বাধাদান করিবে।”

২—সেই সময়ে সুশীল ভিক্ষুগণ ষড়বর্গীয় ভিক্ষু নীতিবিরুদ্ধ কার্য্য করিবার সময় বাধা দিতে লাগিলেন। তাহাতে ষড়বর্গীয় ভিক্ষু মনে আঘাত এবং অসন্তোষ প্রাপ্ত হইল। এইজন্য তাহারা হত্যার ভয় দেখাইতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : স্বীয় অভিমতও প্রকাশ করিবে।”

ভিক্ষুগণ ষড়বর্গীয় ভিক্ষুর নিকট অভিমত প্রকাশ করিতে লাগিলেন। তাহাতে ষড়বর্গীয় ভিক্ষু মনে আঘাত এবং পীড়া লাভ করিল। এইজন্য তাহারা হত্যার ভয় দেখাইতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : চারি কিংবা পাঁচজনে মিলিয়া বাধা দান দিবে, দুই কিংবা তিনজনে অভিমত প্রকাশ করিবে এবং একজনে ‘ইহা আমি উচিত বোধ করি না’ বলিয়া মন্তব্য প্রকাশ করিবে।”

(৭) মনোযোগ সহকারে প্রাতিমোক্ষ-আবৃত্তি

সেই সময়ে ষড়বর্গীয় ভিক্ষু সঙ্ঘসভায় প্রাতিমোক্ষ আবৃত্তি করিবার সময় ইচ্ছাপূর্বক শ্রবণ করাইত না। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! প্রাতিমোক্ষ আবৃত্তিকারী ইচ্ছাপূর্বক শ্রবণ না করাইতে পারিবে না, যে না করাইবে তাহার ‘দুষ্কট’ অপরাধ হইবে।”

(৮) প্রাতিমোক্ষ আবৃত্তিতে স্বর সম্বন্ধীয় নিয়ম

সেই সময়ে কাকের ন্যায় স্বরবিশিষ্ট আয়ুত্মান উদায়ি সঙ্ঘের প্রাতিমোক্ষ আবৃত্তিকারী ছিলেন। আয়ুত্মান উদায়ির মনে এই চিন্তা উদিত হইল : “ভগবান ব্যবস্থা দিয়াছেন : প্রাতিমোক্ষ আবৃত্তিকারী (প্রাতিমোক্ষ উচ্চৈঃস্বরে) শ্রবণ করাইবে’ কিন্তু আমার কণ্ঠস্বর কাকের ন্যায়। এখন আমায় কি করিতে হইবে?” ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : প্রাতিমোক্ষ আবৃত্তিকারী ‘কিরূপে শ্রবণ করাইবে’ এই বিষয়ে উদ্যম করিবে। উদ্যোগীর অপরাধ হইবে না।”

(৯) কোথায় এবং কখন প্রাতিমোক্ষ আবৃত্তি নিষিদ্ধ?

১—সেই সময়ে দেবদত্ত গৃহীসহ উপবিষ্ট ভিক্ষু-পরিষদে প্রাতিমোক্ষ আবৃত্তি করিতেছিলেন। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! গৃহীসহ উপবিষ্ট ভিক্ষু-পরিষদে প্রাতিমোক্ষ আবৃত্তি করিতে পারিবে না, যে আবৃত্তি করিবে তাহার ‘দুষ্কট’ অপরাধ হইবে।”

২—সেই সময়ে ষড়বর্গীয় ভিক্ষু সঙ্ঘসভায় অযাচিতভাবে প্রাতিমোক্ষ আবৃত্তি করিতেছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! অযাচিতভাবে সঙ্ঘসভায় প্রাতিমোক্ষ আবৃত্তি করিতে পারিবে না, যে আবৃত্তি করিবে তাহার ‘দুষ্কট’ অপরাধ হইবে।

“হে ভিক্ষুগণ! আমি অনুজ্ঞা করিতেছি : প্রাতিমোক্ষ আবৃত্তি স্থানীয় বয়োজ্যেষ্ঠ স্থবিরের কর্তৃত্বাধীন।”

[স্থান :—চোদনাবাস্ত]

(১০) কি জাতীয় ভিক্ষু প্রাতিমোক্ষ আবৃত্তি করিবে?

অনন্তর ভগবান রাজগৃহে যথারূচি অবস্থান করিয়া চোদনাবাস্ত অভিমুখে যাত্রা করিলেন। তিনি ক্রমাশয়ে পর্য্যটন করিয়া চোদনাবাস্ততে গমন করিলেন।

১—সেই সময়ে একটি আবাসে বহুসংখ্যক ভিক্ষু অবস্থান করিতেছিলেন। সেইস্থানে অবস্থিত স্থবির ভিক্ষু অজ্ঞ এবং অদক্ষ ছিলেন। তিনি জানিতেন না উপোষথ অথবা উপোষথ-কর্ম এবং প্রাতিমোক্ষ অথবা প্রাতিমোক্ষ-আবৃত্তি কাহাকে বলে। সেই ভিক্ষুগণের মনে এই চিন্তা উদিত হইল : ‘ভগবান ব্যবস্থা দিয়াছেন : প্রাতিমোক্ষ (আবৃত্তি) স্থানীয় বয়োজ্যেষ্ঠ স্থবিরের কর্তৃত্বাধীন; কিন্তু আমাদের এই স্থবির অজ্ঞ এবং অদক্ষ। তিনি জানেন না উপোষথ অথবা উপোষথ-কর্ম এবং প্রাতিমোক্ষ অথবা প্রাতিমোক্ষ-আবৃত্তি কাহাকে বলে। এখন আমাদেরকে কিরূপ ব্যবস্থা অবলম্বন করিতে হইবে?’ তাহারা ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : তথায় যেই ভিক্ষু দক্ষ এবং সমর্থ প্রাতিমোক্ষ (আবৃত্তি) তাহারই অধীন।”

২—সেই সময়ে একটি আবাসে উপোষথ দিবসে অনেক অজ্ঞ এবং অদক্ষ ভিক্ষু অবস্থান করিতেছিল। তাহারা জানিত না উপোষথ অথবা উপোষথ-কর্ম এবং প্রাতিমোক্ষ অথবা প্রাতিমোক্ষ-আবৃত্তি কাহাকে বলে। তাহারা স্থবিরকে নিবেদন করিল, ‘মাননীয় স্থবির! প্রাতিমোক্ষ-আবৃত্তি করুন।’ স্থবির কহিলেন, ‘বন্ধুগণ! প্রাতিমোক্ষ আমার মুখস্থ নাই।’ তাহারা দ্বিতীয় স্থবিরকে নিবেদন করিল, ‘মাননীয় স্থবির! প্রাতিমোক্ষ আবৃত্তি করুন।’ তিনি কহিলেন, ‘বন্ধুগণ! প্রাতিমোক্ষ আমার কণ্ঠস্থ নাই।’ তাহারা তৃতীয় স্থবিরকে নিবেদন করিল, ‘মাননীয় স্থবির! প্রাতিমোক্ষ আবৃত্তি করুন।’ তিনিও কহিলেন, ‘বন্ধুগণ! প্রাতিমোক্ষ আমার কণ্ঠস্থ নাই।’ এই নিয়মে ক্রমাশয়ে যে সজ্জের মধ্যে সর্বকনিষ্ঠ ছিল তাহারা তাহাকে বলিল, ‘আয়ুস্মান প্রাতিমোক্ষ আবৃত্তি করুন।’ সেও কহিল, ‘প্রভো! আমার কণ্ঠস্থ নাই।’ ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! যদি কোন একটি আবাসে উপোষথ দিবসে অনেক অজ্ঞ এবং অদক্ষ ভিক্ষু অবস্থান করে। তাহারা জানে না যে উপোষথ অথবা উপোষথ-কর্ম এবং প্রাতিমোক্ষ অথবা প্রাতিমোক্ষ আবৃত্তি কাহাকে বলে। তাহারা স্থবিরকে নিবেদন করে, ‘মাননীয় স্থবির! প্রাতিমোক্ষ-আবৃত্তি করুন।’ সে বলে, ‘বন্ধুগণ! প্রাতিমোক্ষ আমার কণ্ঠস্থ নাই।’ তাহারা দ্বিতীয় স্থবিরকেও নিবেদন করে, ‘মাননীয়

স্ববির! প্রাতিমোক্ষ আবৃত্তি করুন।’ সেও বলে, ‘বন্ধুগণ! আমার কণ্ঠস্থ নাই।’ তাহারা তৃতীয় স্ববিরকেও নিবেদন করে, ‘মাননীয় স্ববির! প্রাতিমোক্ষ আবৃত্তি করুন।’ সেও বলে, ‘বন্ধুগণ! প্রাতিমোক্ষ আমার কণ্ঠস্থ নাই।’ এইভাবে তাহারা সঙ্ঘের মধ্যে যে সর্বকনিষ্ঠ তাহাকে বলে, ‘আয়ুত্মান প্রাতিমোক্ষ আবৃত্তি করুন।’ সেও বলে, ‘প্রভো! প্রাতিমোক্ষ আমার কণ্ঠস্থ নাই।’ হে ভিক্ষুগণ! তাহা হইলে সেই ভিক্ষুগণ সদ্য প্রত্যাবর্তনে সমর্থ এমন একজন ভিক্ষুকে চতুর্দিকে অবস্থিত যে কোন আবাসে এই বলিয়া পাঠাইবে : “বন্ধো! আপনি যে কোন আবাসে যাইয়া সংক্ষেপে অথবা বিস্তৃতভাবে প্রাতিমোক্ষ কণ্ঠস্থ করিয়া আসুন।”

ভিক্ষুগণের মনে এই চিন্তা উদিত হইল : “কাহাকে প্রেরণ করিতে হইবে?” তাহারা ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : স্ববির ভিক্ষু নূতন ভিক্ষুকে আদেশ করিবে।”

৩—স্ববিরের আদেশে নূতন ভিক্ষু গমন করিল না। তাহারা ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! স্ববিরের আদেশে সুস্থ নূতন ভিক্ষু না যাইতে পারিবে না, যে যাইবে না তাহার ‘দুষ্কট’ অপরাধ হইবে।”

[স্থান :—রাজগৃহ]

(১১) সময় এবং গণনা শিক্ষা করা

১—ভগবান চোদনাবাস্ততে যথারূচি অবস্থান করিয়া পুনরায় রাজগৃহে প্রত্যাগমন করিলেন। সেই সময়ে জনসাধারণ ভিক্ষুদিগকে ভিক্ষান্ন সংগ্রহে বিচরণের সময় জিজ্ঞাসা করিল : “প্রভো! আজ পক্ষের কোন্ তিথি?” ভিক্ষুগণ কহিলেন : “বন্ধুগণ! আমরা তাহা জানি না।” জনসাধারণ এই বলিয়া আন্দোলন, নিন্দা এবং প্রকাশ্যে দুর্নাম প্রচার করিতে লাগিল : “যেই শাক্যপুত্রীয় শ্রমণগণ পক্ষগণনা মাত্রও জানে না, তাহারা আবার অন্য ভাল বিষয় কি জানিবে?” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : পক্ষগণনা শিক্ষা করিবে।”

ভিক্ষুগণের মনে এই চিন্তা উদিত হইল : পক্ষগণনা কাহাকে শিখিতে হইবে?” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : সকলকেই পক্ষগণনা শিখিতে হইবে।”

২—সেই সময়ে জনসাধারণ ভিক্ষুদিগকে ভিক্ষান্ন সংগ্রহে বিচরণের সময় জিজ্ঞাসা করিল : “প্রভো! বিহারে ভিক্ষু কয়জন আছেন?” ভিক্ষুগণ কহিলেন : “বন্ধুগণ! আমরা ত তাহা জানি না।” জনসাধারণ এই বলিয়া আন্দোলন, নিন্দা এবং প্রকাশ্যে দুর্নাম প্রচার করিতে লাগিল : “যেই শাক্যপুত্রীয় শ্রমণগণ একজন অন্যজনকে চিনে না, তাহারা আবার কি ভাল বিষয় জানিতে পারিবে?” ভিক্ষুগণ ভগবানকে এই বিষয় জানাইল। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : ভিক্ষুদিগকে গণনা শিক্ষা করিতে হইবে।”

৩—ভিক্ষুদিগের মনে এই চিন্তা উদিত হইল : “কখন বিহারে অবস্থিত ভিক্ষুদিগকে গণিতে হইবে?” তাহারা ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : উপস্থিত উপোষথ দিবসে নামোল্লেখ করিয়া অথবা শলাকা বণ্টন করিয়া গণিবে।”

(১২) পূর্বের উপোষথের সময় জ্ঞাপন

১—সেই সময়ে ভিক্ষুগণ ‘অদ্য উপোষথ’ এই বিষয় না জানিয়া দূরবর্তী গ্রামে ভিক্ষান্ন সংগ্রহে বিচরণ করিতেন। তাহারা প্রাতিমোক্ষ আবৃত্তি হইতেছে এমন সময়ও আসিয়া উপস্থিত হইতেন এবং প্রাতিমোক্ষ আবৃত্তি সমাপ্ত হইয়াছে এমন সময়ও আসিয়া উপস্থিত হইতেন। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : ‘অদ্য উপোষথ-দিবস’ এই কথা পূর্বের জানাইতে হইবে।”

২—ভিক্ষুদিগের মনে এই চিন্তা উদিত হইল : “কাহাকে বলিতে হইবে?” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : স্থবির ভিক্ষু কর্তৃক প্রত্যুষে সকলকে বলিতে হইবে।”

৩—সেই সময়ে জনৈক স্থবিরের প্রত্যুষে স্মরণ হইল না। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : ভোজনের সময় জ্ঞাপন করিবে।”

৪—ভোজনের সময়ও স্মরণ হইল না। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : যখন স্মরণ হয় তখন বলিবে।”

(১৩) উপোষথাগার সম্মার্জনাদি কর্তব্য কর্ম

১—(ক) সেই সময়ে একটি আবাসে উপোষথাগার অপরিচ্ছন্ন ছিল। অভ্যাগত ভিক্ষুগণ এই বলিয়া আন্দোলন, নিন্দা এবং প্রকাশ্যে আলোচনা করিতে লাগিলেন : “কেন আবাসস্থ ভিক্ষুগণ উপোষথাগার ঝাঁট দেন না?” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : উপোষথাগার ঝাঁট দিবে।”

(খ) অতঃপর ভিক্ষুগণের মনে এই চিন্তা উদিত হইল : “কে উপোষথাগার ঝাঁট দিবে?” তাহারা ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : স্থবির ভিক্ষু নূতন ভিক্ষুকে আদেশ দিবে।”

(গ) স্থবিরের আদেশে নূতন ভিক্ষু ঝাঁট দিল না। ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! স্থবিরের আদেশে সুস্থ নূতন ভিক্ষু ঝাঁট না দিতে পারিবে না, যে দিবে না তাহার ‘দুষ্কট’ অপরাধ হইবে।”

২—(ক) সেই সময়ে উপোষথাগারে আসন প্রস্তুত থাকিত না। ভিক্ষুগণ ভূমিতে উপবেশন করিতেন, তাহাতে ভিক্ষুগণের গাত্র এবং চীবর পাংশুলিঙ্গ হইয়া যাইত। তাহারা ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : উপোষথাগারে আসন প্রস্তুত রাখিবে।”

(খ) ভিক্ষুগণের মনে এই চিন্তা উদিত হইল : “উপোষথাগারে কাহাকে আসন প্রস্তুত করিতে হইবে?” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : স্থবির ভিক্ষু নূতন ভিক্ষুকে আদেশ করিবে।”

(গ) স্থবিরের আদেশে নূতন ভিক্ষু আসন প্রস্তুত রাখিল না। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! স্থবিরের আদেশে সুস্থ নূতন ভিক্ষু আসন প্রস্তুত না রাখিতে পারিবে না, যে প্রস্তুত রাখিবে না তাহার ‘দুষ্কট’ অপরাধ হইবে।”

৩—(ক) সেই সময়ে উপোষথাগারে প্রদীপ থাকিত না। ভিক্ষুগণ অন্ধকারে অন্যের দেহ এবং চীবর মাড়াইতে লাগিলেন। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : উপোষথাগারে প্রদীপ জ্বালিবে।”

(খ) ভিক্ষুগণের মনে এই চিন্তা উদিত হইল : “কে উপোষথাগারে প্রদীপ জ্বালিবে?” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : স্থবির ভিক্ষু নূতন ভিক্ষুকে আদেশ করিবে।”

(গ) স্থবিরের আদেশে নূতন ভিক্ষু প্রদীপ জ্বালিল না। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! স্থবিরের আদেশে সুস্থ নূতন ভিক্ষু প্রদীপ না জ্বালিতে পারিবে না, যে জ্বালিবে না তাহার ‘দুষ্কট’ অপরাধ হইবে।”

৪—(ক) সেই সময়ে একটি আবাসে আবাসবাসী ভিক্ষুগণ পানীয় কিংবা পরিভোগ্য জল রাখিত না। অভ্যাগত ভিক্ষুগণ আন্দোলন, নিন্দা এবং প্রকাশ্যে আলোচনা করিতে লাগিলেন : “কেন আবাসবাসী ভিক্ষুগণ পানীয় জলও রাখিতেছেন না, পরিভোগ্য জলও রাখিতেছেন না?” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : পানীয় এবং পরিভোগ্য জল রাখিবে।”

(খ) ভিক্ষুগণের মনে এই চিন্তা উদিত হইল :) “কে পানীয় এবং পরিভোগ্য জল রাখিবে?” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : স্থবির ভিক্ষু নূতন ভিক্ষুকে আদেশ প্রদান করিবে।”

(গ) স্থবিরের আদেশে নূতন ভিক্ষু (জল) রাখিল না। তাঁহারা ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! স্থবিরের আদেশে সুস্থ নূতন ভিক্ষু জল না রাখিতে পারিবে না, যে রাখিবে না তাহার ‘দুষ্কট’ অপরাধ হইবে।”

অসাধারণাবস্থায় উপোষ্য

(১) দীর্ঘ পর্যটনের অনুমতি গ্রহণ

সেই সময়ে অনেক অজ্ঞ ও অদক্ষ ভিক্ষু দীর্ঘ পর্যটনের জন্য আচার্য্য-উপাধ্যায়ের অনুমতি লইত না। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

হে ভিক্ষুগণ! দীর্ঘ পর্যটনোচ্ছুক অনেক অজ্ঞ ও অদক্ষ ভিক্ষু আচার্য্য, উপাধ্যায়ের নিকট দীর্ঘ পর্যটনের জন্য অনুমতি লইতেছে না। ভিক্ষুগণ! তাহাদিগকে আচার্য্য উপাধ্যায়ের জিজ্ঞাসা করিতে হইবে : ‘কোথায় যাইবে?’ ‘কাহার সঙ্গে যাইবে?’ ভিক্ষুগণ! যদি সেই অজ্ঞ ও অদক্ষ ভিক্ষুগণ অন্য অজ্ঞ ও অদক্ষ ভিক্ষুদিগকে সঙ্গী বলিয়া দেখাইয়া দেয় তাহা হইলে আচার্য্য, উপাধ্যায় অনুমতি দিতে পারিবে না, যদি অনুমতি প্রদান করে তাহা হইলে তাহাদের ‘দুষ্কট’

অপরাধ হইবে। সেই অজ্ঞ ও অদক্ষ ভিক্ষুগণ যদি আচার্য্য-উপাধ্যায়ের বিনানুমতিতে গমন করে তাহা হইলে তাহাদেরও ‘দুষ্কট’ অপরাধ হইবে।”

(২) প্রাতিমোক্ষ অনভিজ্ঞ ভিক্ষু আবাসে বাস করিতে পারিবে না

(ক) হে ভিক্ষুগণ! কোন আবাসে অনেক অজ্ঞ ও অদক্ষ ভিক্ষুগণ বাস করে। তাহারা জানে না উপোষথ অথবা উপোষথ-কর্ম, প্রাতিমোক্ষ অথবা প্রাতিমোক্ষ-আবৃত্তি কাহাকে বলে। তথায় যদি অন্য একজন বহুশ্রুত, আগমজ্ঞ (বুদ্ধোপদেশে অভিজ্ঞ), ধর্মধর (বুদ্ধোপদিষ্ট সূত্রে অভিজ্ঞ), বিনয়ধর (ভিক্ষু-নিয়মে অভিজ্ঞ), মাতৃকাধর (সূত্রে উপদিষ্ট দর্শন সম্বন্ধে অভিজ্ঞ), পণ্ডিত, নিপুণ, মেধাবী, লজ্জাশীল, সঙ্কোচশীল ও শিশিষ্কু ভিক্ষু আসিয়া উপস্থিত হয় তাহা হইলে সেই ভিক্ষুগণের এই ভিক্ষুর উপকার করিতে হইবে, তাহার প্রতি অনুগ্রহ প্রদর্শন করিতে হইবে, তাহার সহিত মধুর আলাপ করিতে হইবে, স্নানচূর্ণ, মৃত্তিকা, দন্তকাষ্ঠ এবং মুখোদক দানে পরিচর্যা করিতে হইবে। যদি তাহার উপকার না করে, তাহার প্রতি অনুগ্রহ প্রদর্শন না করে, তাহার সহিত মিষ্টালাপ না করে, এবং তাহাকে স্নানচূর্ণ, মৃত্তিকা, দন্তকাষ্ঠ ও মুখোদক দানে পরিচর্যা না করে তাহা হইলে তাহাদের ‘দুষ্কট’ অপরাধ হইবে।

(খ) হে ভিক্ষুগণ! কোন আবাসে উপোষথ দিবসে অনেক অজ্ঞ এবং অদক্ষ ভিক্ষুগণ বাস করে। তাহারা জানে না উপোষথ অথবা উপোষথ-কর্ম, প্রাতিমোক্ষ অথবা প্রাতিমোক্ষ-আবৃত্তি কাহাকে বলে। হে ভিক্ষুগণ! তাহাদিগকে সদ্য প্রত্যাবর্তনে সমর্থ এমন একজন ভিক্ষুকে ‘বন্ধো! আপনি যান, সংক্ষেপে অথবা বিস্তৃতভাবে প্রাতিমোক্ষ কণ্ঠস্থ করিয়া আসুন’ এই বলিয়া চতুর্দিকের কোনও এক আবাসে প্রেরণ করিতে হইবে। তাহা করিতে পারিলে ভাল, যদি পারা না যায় তাহা হইলে সেই সমগ্র ভিক্ষুদিগকেই যেখানে জানে উপোষথ বা উপোষথ-কর্ম, প্রাতিমোক্ষ অথবা প্রাতিমোক্ষ-আবৃত্তি সেরূপ আবাসে যাইতে হইবে। যদি গমন না করে তাহা হইলে তাহাদের ‘দুষ্কট’ অপরাধ হইবে।

(গ) হে ভিক্ষুগণ! কোন আবাসে অনেক অজ্ঞ এবং অদক্ষ ভিক্ষুগণ বর্ষাবাস করে। তাহারা জানে না উপোষথ অথবা উপোষথ-কর্ম, প্রাতিমোক্ষ অথবা প্রাতিমোক্ষ-আবৃত্তি কাহাকে বলে। হে ভিক্ষুগণ! সেই ভিক্ষুদিগকে সদ্য প্রত্যাবর্তনে সমর্থ এমন একজন ভিক্ষুকে ‘বন্ধো! আপনি যান, সংক্ষেপে অথবা বিস্তৃতভাবে প্রাতিমোক্ষ কণ্ঠস্থ করিয়া আসুন’ এই বলিয়া চতুর্দিকের কোনও এক আবাসে প্রেরণ করিতে হইবে। তাহা করিতে পারিলে ভাল, যদি পারা না যায় তাহা হইলে একজন ভিক্ষুকে ‘বন্ধো! আপনি যান, সংক্ষেপে অথবা বিস্তৃতভাবে প্রাতিমোক্ষ কণ্ঠস্থ করিয়া আসুন’ এই বলিয়া সপ্তাহের জন্য অন্যত্র প্রেরণ করিতে হইবে। তাহা করিতে পারিলে ভাল, যদি পারা না যায় তাহা হইলে সেই ভিক্ষুগণ সেই আবাসে বর্ষাবাস করিতে পারিবে না, যদি বর্ষাবাস করে তাহা হইলে তাহাদের ‘দুষ্কট’ অপরাধ

হইবে।

(৩) উপোষথ কিংবা সজ্ঞ-কর্মে অনুপস্থিত ভিক্ষুর কর্তব্য

১—ভগবান ভিক্ষুদিগকে আহ্বান করিলেন :—“হে ভিক্ষুগণ! সমবেত হও, সজ্ঞ উপোষথ করিবে।” ভগবান এইরূপ বলিলে জনৈক ভিক্ষু ভগবানকে কহিলেন : “প্রভো! একজন ভিক্ষু পীড়িত হইয়াছেন, তিনি আসিতে পারেন নাই।” (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : রুগ্ন ভিক্ষুকে পরিশুদ্ধি প্রদান করিতে হইবে।”

হে ভিক্ষুগণ! এইভাবে পরিশুদ্ধি দিতে হইবে; সেই রুগ্ন ভিক্ষুকে একজন ভিক্ষুর নিকট উপস্থিত হইয়া, দেহের একাংশ উত্তরাসঙ্গ (উত্তরীয়) দ্বারা আবৃত করিয়া, পদাঙ্গে ভর দিয়া, বসিয়া, কৃতাজ্জলি হইয়া এইরূপ বলিতে হইবে : ‘আমার পরিশুদ্ধি দিতেছি (জ্ঞাপন করিতেছি), আমার পরিশুদ্ধি লইয়া গমন করুন এবং আমার পরিশুদ্ধি [সজ্ঞকে] জ্ঞাপন করুন।’ এইভাবে ইসারায় জ্ঞাপন করিলে, বাক্যে জ্ঞাপন করিলে কিংবা ইসারা ও বাক্যে জ্ঞাপন করিলে পরিশুদ্ধি প্রদত্ত হইয়া থাকে। ইসারায় জ্ঞাপন না করিলে, বাক্যে জ্ঞাপন না করিলে কিংবা ইসারা ও বাক্যে জ্ঞাপন না করিলে পরিশুদ্ধি প্রদত্ত হয় না। যদি এরূপ পারা যায় তাহা হইলে ভাল, যদি পারা না যায় তাহা হইলে সেই রুগ্ন ভিক্ষুকে মঞ্চে অথবা চৌকিতে করিয়া সজ্ঞসভায় আনিয়া উপোষথ করিতে হইবে।

হে ভিক্ষুগণ! যদি রোগীপরিচারক ভিক্ষুগণের মনে এইরূপ চিন্তা উদ্ভূত হয় : ‘আমরা এই ভিক্ষুকে স্থানচ্যুত করিলে তাঁহার রোগ বৃদ্ধি পাইতে কিংবা মৃত্যু হইতে পারে’, তাহা হইলে রোগীকে স্থানচ্যুত করিবে না, সজ্ঞকে সেই স্থানে (রোগীর বাসস্থানে) যাইয়া উপোষথ করিতে হইবে; কিন্তু কোন অবস্থাতেই সজ্ঞের একাংশ পৃথকভাবে (বগ্গেন) উপোষথ করিতে পারিবে না, যদি করে ‘দুষ্কট’ অপরাধ হইবে।

হে ভিক্ষুগণ! পরিশুদ্ধি বাহক (হারক) যদি পরিশুদ্ধি প্রদানের পর সেই স্থান হইতে অন্যত্র প্রস্থান করে তাহা হইলে অন্যকে (পুনরায়) পরিশুদ্ধি দিতে হইবে।

হে ভিক্ষুগণ! যদি পরিশুদ্ধি বাহক পরিশুদ্ধি প্রদানের পর সেই স্থানেই ভিক্ষুত্ব পরিত্যাগ করে, কালগত হয়, শ্রামণের হইয়া যায়, ভিক্ষু-শিক্ষা প্রত্যাখ্যাতক হইয়া যায়, অস্তিমবস্ত্র (পারাজিক অপরাধ) প্রাপ্ত হয়, উন্মাদ হইয়া যায়, বিক্ষিপ্ত চিত্ত হইয়া যায়, বেদনার্ত হইয়া যায়, অপরাধ স্বীকার না করায় উৎক্ষিপ্ত হইয়া যায়, অপরাধের প্রতিকার না করায় উৎক্ষিপ্ত হইয়া যায়, মিথ্যাধারণা পরিত্যাগ না করায় উৎক্ষিপ্ত হইয়া যায়, পণ্ডক (ক্লীব) হইয়া যায়, স্তেয়সংবাসক হইয়া যায়, তীর্থিকপ্রস্থানক হইয়া যায়, মানবেতরজীব হইয়া যায়, মাতৃহন্তা হইয়া যায়, পিতৃহন্তা হইয়া যায়, অর্হৎহন্তা হইয়া যায়, ভিক্ষুদীদুষক হইয়া যায়, সজ্ঞভেদক হইয়া যায়, রক্তোৎপাদক

হইয়া যায়, উভয়লক্ষণবিশিষ্ট হইয়া যায় তাহা হইলে পুনরায় অন্যকে পরিশুদ্ধি প্রদান করিতে হইবে।

হে ভিক্ষুগণ! পরিশুদ্ধি বাহক যদি পরিশুদ্ধি প্রদানের পর রাস্তার মধ্যে প্রস্থান করে তাহা হইলেও পরিশুদ্ধি অনাহত হইয়া থাকে।

হে ভিক্ষুগণ! পরিশুদ্ধি বাহক যদি পরিশুদ্ধি প্রদানের পর সজ্জ সান্নিধ্য লাভ করিয়া প্রস্থান করে তাহা হইলেও পরিশুদ্ধি আহত হইয়া থাকে।

হে ভিক্ষুগণ! পরিশুদ্ধি বাহক যদি পরিশুদ্ধি প্রদানের পর সজ্জ সান্নিধ্য লাভ করিয়া ভিক্ষুত্ব পরিত্যাগ করে উভয়লক্ষণবিশিষ্ট হইয়া যায় তাহা হইলেও পরিশুদ্ধি আহত হইয়া থাকে।

হে ভিক্ষুগণ! পরিশুদ্ধি বাহক যদি পরিশুদ্ধি প্রদানের পর সজ্জ সান্নিধ্য লাভ করিয়া নিন্দা বশত না জানায়, অপরাধী হইয়া না জানায় তাহা হইলেও পরিশুদ্ধি আহত হইয়া থাকে। তজ্জন্য পরিশুদ্ধি বাহকের অপরাধ হয় না।

হে ভিক্ষুগণ! পরিশুদ্ধি বাহক যদি পরিশুদ্ধি প্রদানের পর সজ্জ সান্নিধ্য লাভ করিয়া ইচ্ছাপূর্বক না জানায় তাহা হইলেও পরিশুদ্ধি আহত হইয়া থাকে, কিন্তু পরিশুদ্ধি বাহকের ‘দুষ্কট’ অপরাধ হয়।

২—ভগবান ভিক্ষুদিগকে আহ্বান করিলেন :—“হে ভিক্ষুগণ! সমবেত হও, সজ্জকর্ম (বিবাদ নিষ্পত্তি ইত্যাদি) করিবে।” ভগবান এইরূপ বলিলে জনৈক ভিক্ষু ভগবানকে কহিলেন : “প্রভো! জনৈক ভিক্ষু পীড়িত হইয়াছেন, তিনি আসিতে পারেন নাই।” ভগবান কহিলেন :—

“হে ভিক্ষুগণ! আমি অনুজ্ঞা করিতেছি : পীড়িত ভিক্ষুকে ছন্দ (স্বীয় অভিমত) জ্ঞাপন করিতে হইবে।”

হে ভিক্ষুগণ! এইভাবে ছন্দ দিতে হইবে : সেই পীড়িত ভিক্ষুকে জনৈক ভিক্ষুর নিকট উপস্থিত হইয়া, দেহের একাংশ উত্তরাসঙ্গ দ্বারা আবৃত করিয়া, পদাঞ্চে ভর দিয়া বসিয়া, কৃতাজ্জলি হইয়া এইরূপ বলিতে হইবে : “আমি ছন্দ দিতেছি, আমার ছন্দ লইয়া গমন করুন, আমার ছন্দ (সজ্জকে) জ্ঞাপন করুন।” এইরূপ ইসারায় জ্ঞাপন করে, বাক্যে জ্ঞাপন করে, ইসারা ও বাক্যে জ্ঞাপন করে, ছন্দ প্রদত্ত হইয়া থাকে। ইসারায় জ্ঞাপন না করিলে, বাক্যে জ্ঞাপন না করিলে, কিংবা ইসারায় ও বাক্যে জ্ঞাপন না করিলে ছন্দ প্রদত্ত হয় না এরূপে যদি পারা যায় তবে ভাল, যদি পারা না যায় তাহা হইলে সেই পীড়িত ভিক্ষুকে মঞ্চ অথবা চৌকিতে করিয়া সজ্জসভায় আনিয়া কর্ম (বিবাদ নিষ্পত্তি আদি) করিতে হইবে। [অবশিষ্টাংশ পরিশুদ্ধি প্রদান সদৃশ।]

“হে ভিক্ষুগণ! আমি অনুজ্ঞা করিতেছি : উপোষথ দিবসে পরিশুদ্ধি দিবার সময় ‘সজ্জের করণীয় আছে’ এই ভাবিয়া ছন্দও (অভিমত) প্রদান করিবে।”

৩—সেই সময়ে জনৈক ভিক্ষুকে উপোষথ দিবসে তাঁহার জ্ঞাতিগণ আবদ্ধ

করিয়াছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

হে ভিক্ষুগণ! যদি উপোষথ দিবসে কোন ভিক্ষুকে তাহার জ্ঞাতিগণ আবদ্ধ করে তাহা হইলে সেই জ্ঞাতিদিগকে ভিক্ষুগণের এরূপ বলিতে হইবে : “আয়ুস্মানগণ! আপনারা এই ভিক্ষুকে মুহূর্তের জন্য মুক্তিদান করুন যাবত এই ভিক্ষু উপোষথ করেন।” এইভাবে মুক্ত করিতে পারিলে ভাল, যদি মুক্ত করিতে পারা না যায় তাহা হইলে সেই জ্ঞাতিগণকে ভিক্ষুগণের এইরূপ কহিতে হইবে : “আয়ুস্মানগণ! আপনারা মুহূর্তের জন্য একান্তে অপসৃত হউন যাবত এই ভিক্ষু পরিশুদ্ধি প্রদান করেন।” এরূপ পারিলে ভাল, যদি পারা না যায় তাহা হইলে সেই জ্ঞাতিগণকে ভিক্ষুগণের এইরূপ বলিতে হইবে : “আয়ুস্মানগণ! আপনারা এই ভিক্ষুকে মুহূর্তের জন্য সীমার বাহিরে লইয়া গমন করুন যাবত সজ্ঞ উপোষথ করেন।” এরূপে পারা গেলে ভাল, যদি পারা না যায় তাহা হইলে কোন প্রকারেই সজ্ঞের একাংশ উপোষথ করিতে পারিবে না, যদি করে তাহা হইলে ‘দুষ্কট’ অপরাধ হইবে।”

৪—হে ভিক্ষুগণ! যদি উপোষথ দিবসে কোন ভিক্ষুকে রাজা, ৫—চোর, ৬—ধূর্ত, ৭—ভিক্ষুশত্রু আবদ্ধ করে তাহা হইলে তাহাদিগকে ভিক্ষুগণের এরূপ বলিতে হইবে। [অবশিষ্টাংশ জ্ঞাতির দ্বারা আবদ্ধ হওয়া সদৃশ।]

(৪) উন্মাদের জন্য সজ্ঞের অনুমোদন

ভগবান ভিক্ষুদিগকে আহ্বান করিলেন :—“হে ভিক্ষুগণ! সমবেত হও, সজ্ঞের করণীয় আছে।” ভগবান এরূপ বলিলে জনৈক ভিক্ষু ভগবানকে কহিলেন :—“প্রভো! গর্গ নামে জনৈক উন্মাদ ভিক্ষু আছে, সে আসে নাই।” (ভগবান কহিলেন :—)

হে ভিক্ষুগণ! উন্মাদ দ্বিবিধ। যথা :—(১) এমন উন্মাদ ভিক্ষু আছে যে সময়ে উপোষথ স্মরণ করে, সময়ে স্মরণ করে না, সজ্ঞকর্ম সময়ে স্মরণ করে, সময়ে স্মরণ করে না; এমনও আছে মোটেই স্মরণ করে না; (২) এমন উন্মাদ ভিক্ষু আছে যে সময়ে উপোষথে আসে, সময়ে উপোষথে আসে না, সময়ে সজ্ঞকর্মে আসে, সময়ে সজ্ঞকর্মে আসে না; এমনও আছে মোটেই আসে না।

হে ভিক্ষুগণ! তন্মধ্যে যেই উন্মাদ ভিক্ষু উপোষথ সময়ে স্মরণ করে, সময়ে স্মরণ করে না, সজ্ঞকর্ম সময়ে স্মরণ করে, সময়ে স্মরণ করে না, সময়ে উপোষথে আসে, সময়ে আসে না, সজ্ঞকর্মে সময়ে আসে, সময়ে আসে না, হে ভিক্ষুগণ! আমি অনুজ্ঞা করিতেছি : এরূপ উন্মাদ ভিক্ষুকে উন্মাদ সম্মতি (উন্মাদ বলিয়া অনুমোদন) প্রদান করিবে।

হে ভিক্ষুগণ! এইভাবে অনুমোদন করিবে। দক্ষ এবং সমর্থ ভিক্ষু সজ্ঞকে এরূপ

প্রস্তাব জ্ঞাপন করিবে :—

জ্ঞপ্তি—মাননীয় সজ্ঞ! আমার প্রস্তাব শ্রবণ করুন। গর্গ নামক ভিক্ষু উন্মাদ হইয়াছে, সে সময়ে উপোষথ স্মরণ করে, সময়ে স্মরণ করে না; সজ্ঞকর্ম্ম সময়ে স্মরণ করে, সময়ে স্মরণ করে না; উপোষথে সময়ে আসে, সময়ে আসে না; সজ্ঞকর্ম্ম সময়ে আসে, সময়ে আসে না। যদি সজ্ঞ উচিৎ মনে করেন তাহা হইলে সজ্ঞ উন্মাদ গর্গ ভিক্ষুকে উন্মাদ বলিয়া সম্মতি দান (অনুমোদন) করিতে পারেন। গর্গ ভিক্ষু উপোষথ স্মরণ করুক বা না করুক, সজ্ঞকর্ম্ম করুক বা না করুক, উপোষথে আসুক বা না আসুক, সজ্ঞকর্ম্ম আসুক বা না আসুক, সজ্ঞ গর্গ ভিক্ষুর সঙ্গে অথবা তাহাকে বাদ দিয়া উপোষথ করিতে পারেন, সজ্ঞকর্ম্ম করিতে পারেন। ইহাই জ্ঞপ্তি।

অনুশ্রাবণ—মাননীয় সজ্ঞ! আমার প্রস্তাব শ্রবণ করুন। গর্গ নামক ভিক্ষু উন্মাদ হইয়াছে, সে সময়ে উপোষথ স্মরণ করে, আবার সময়ে স্মরণ করে না; সজ্ঞকর্ম্ম সময়ে স্মরণ করে, আবার সময়ে স্মরণ করে না; উপোষথে সময়ে উপস্থিত হয়, আবার সময়ে উপস্থিত হয় না; সজ্ঞকর্ম্ম সময়ে উপস্থিত হয়, আবার সময়ে উপস্থিত হয় না। সজ্ঞ উন্মাদ গর্গ ভিক্ষুকে উন্মাদ সম্মতি দান (উন্মাদ বলিয়া অভিমত জ্ঞাপন) করিতেছেন। গর্গ ভিক্ষু সময়ে উপোষথ স্মরণ করুক বা না করুক, সজ্ঞকর্ম্ম সময়ে স্মরণ করুক বা না করুক, উপোষথে সময়ে আসুক বা না আসুক, সজ্ঞকর্ম্ম সময়ে আসুক বা না আসুক, সজ্ঞ গর্গ ভিক্ষুর সঙ্গে অথবা গর্গ ভিক্ষুকে বাদ দিয়া উপোষথ করিবেন, সজ্ঞকর্ম্ম করিবেন। যেই আয়ুত্মান উচিৎ মনে করেন উন্মাদ গর্গ ভিক্ষুকে উন্মাদ সম্মতি দান, [গর্গ ভিক্ষু উপোষথ স্মরণ করুক বা না করুক, সজ্ঞকর্ম্ম স্মরণ করুক বা না করুক, উপোষথে আসুক বা না আসুক, সজ্ঞকর্ম্ম আসুক বা না আসুক সজ্ঞ গর্গের সঙ্গে বা গর্গকে ব্যতীত উপোষথ করিবেন, সজ্ঞ কর্ম্ম করিবেন,] তিনি মৌন থাকিবেন এবং যিনি উচিৎ মনে না করেন তিনি তাঁহার বক্তব্য ভাষায় প্রকাশ করিবেন।

ধারণা—সজ্ঞ উন্মাদ গর্গ ভিক্ষুকে উন্মাদ সম্মতি দান করিলেন। গর্গ ভিক্ষু উপোষথ সময়ে স্মরণ করুক বা না করুক, সজ্ঞকর্ম্ম সময়ে স্মরণ করুক বা না করুক, উপোষথে সময়ে আসুক বা না আসুক, সজ্ঞকর্ম্ম সময়ে আসুক বা না আসুক, সজ্ঞ গর্গের সঙ্গে বা গর্গকে বা দিয়া উপোষথ করিবেন, সজ্ঞকর্ম্ম করিবেন। সজ্ঞ [এই প্রস্তাব] উচিৎ মনে করিয়া মৌন রহিয়াছেন,—আমি এইরূপ ধারণা করিতেছি।

(৫) সূত্রোদ্দেশোপোষথ

সেই সময়ে একটি আবাসে উপোষথ দিবসে চারিজন ভিক্ষু অবস্থান করিতেছিলেন। সেই ভিক্ষুগণের মনে এই চিন্তা উদিত হইল : “ভগবান ব্যবস্থা দিয়াছেন : ‘উপোষথ করিতে হইবে।’ অথচ আমরা চারিজন মাত্র, আমাদেরকে কিরূপ উপোষথ করিতে হইবে?” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : চারিজনকে প্রাতিমোক্ষ আবৃত্তি করিতে হইবে।”

(৬) পরিশুদ্ধি-উপোষথ

১—সেই সময়ে এক আবাসে উপোষথ-দিবসে তিনজন ভিক্ষু অবস্থান করিতেছিলেন। সেই ভিক্ষুগণের মনে এই চিন্তা উদিত হইল : “ভগবান ‘চারিজনকে প্রাতিমোক্ষ আবৃত্তি করিতে অনুজ্ঞা’ দিয়াছেন অথচ আমরা তিনজন মাত্র, অতএব আমাদেরকে কিরূপ উপোষথ করিতে হইবে?” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

হে ভিক্ষুগণ! আমি অনুজ্ঞা করিতেছি : তিনজনকে পরস্পর পরিশুদ্ধি-উপোষথ করিতে হইবে।”

হে ভিক্ষুগণ! এইভাবে পরিশুদ্ধি-উপোষথ করিবে : দক্ষ এবং সমর্থ ভিক্ষু উপস্থিত ভিক্ষুদিগকে এইরূপ প্রস্তাব জ্ঞাপন করিবে :—

জ্ঞপ্তি—আয়ুস্মানগণ! আমার প্রস্তাব শ্রবণ করুন। অদ্য পঞ্চদশী^১ উপোষথ, যদি আয়ুস্মানগণ উচিৎ মনে করেন তাহা হইলে আমরা পরস্পর পরিশুদ্ধি-উপোষথ করিব।

স্থবির ভিক্ষু উত্তরাসঙ্গ দ্বারা দেহের একাংশ আবৃত্ত করিয়া, পদাগ্রো ভর দিয়া বসিয়া এবং কৃতাজ্জলি হইয়া সেই ভিক্ষুদিগকে এরূপ বলিবে : “বন্ধুগণ! আমি পরিশুদ্ধি আছি, আপনারা আমাকে পরিশুদ্ধি বলিয়া ধারণা করুন।” [এইরূপ তিনবার বলিবে।] (অনন্তর) কনিষ্ঠ ভিক্ষু উত্তরাসঙ্গ দ্বারা দেহের একাংশ আবৃত্ত করিয়া, পদাগ্রো ভর দিয়া বসিয়া এবং কৃতাজ্জলি হইয়া সেই ভিক্ষুদিগকে এইরূপ বলিবে : “আয়ুস্মানগণ! আমি পরিশুদ্ধি আছি, আপনারা আমাকে পরিশুদ্ধি বলিয়া ধারণা করুন।” [এইরূপ তিনবার বলিবে।]

২—সেই সময়ে এক আবাসে উপোষথ-দিবসে দুইজন ভিক্ষু অবস্থান করিতেছিলেন। সেই ভিক্ষুগণের মনে এই চিন্তা উদিত হইল : “ভগবান ‘চারিজন

^১। যদি চতুর্দশী হয় তাহা হইলে ‘চতুর্দশী উপোষথ’ এই কথা বলিতে হইবে।

ভিক্ষুকে প্রাতিমোক্ষ আবৃত্তি করিতে এবং তিনজন ভিক্ষুকে পরস্পর পরিশুদ্ধি-উপোষথ করিতে অনুজ্ঞা^১ দিয়াছেন অথচ আমরা দুইজন মাত্র, অতএব আমাদেরকে কিরূপ উপোষথ করিতে হইবে?” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : দুইজনে পরিশুদ্ধি^১-উপোষথ করিবে।”

হে ভিক্ষুগণ! এইভাবে করিতে হইবে : স্থবির ভিক্ষু উত্তরাসঙ্গ দ্বারা দেহের একাংশ আবৃত্ত করিয়া, পদাঙ্গে ভর দিয়া বসিয়া এবং কৃতাজ্জলি হইয়া কনিষ্ঠ ভিক্ষুকে এরূপ বলিবে :—‘বন্ধো! আমি পরিশুদ্ধ আছি, আমাকে পরিশুদ্ধ বলিয়া ধারণা করুন।’ দ্বিতীয়, তৃতীয়বারও এরূপ বলিবে।] (অনন্তর) কনিষ্ঠ ভিক্ষু উত্তরাসঙ্গ দ্বারা দেহের একাংশ আবৃত্ত করিয়া, পদাঙ্গে ভর দিয়া বসিয়া এবং কৃতাজ্জলি হইয়া স্থবির ভিক্ষুকে এরূপ বলিবে :—‘প্রভো! আমি পরিশুদ্ধ আছি, আমাকে পরিশুদ্ধ বলিয়া ধারণা করুন।’ [দ্বিতীয়, তৃতীয়বারও এরূপ বলিবে।]

(৭) অধিষ্ঠানোপোষথ

সেই সময়ে এক আবাসে উপোষথ-দিবসে একজন মাত্র ভিক্ষু অবস্থান করিতেছিলেন। সেই ভিক্ষুর মনে এই চিন্তা উদিত হইল : “ভগবান অনুজ্ঞা দিয়াছেন : “চারিজন ভিক্ষু প্রাতিমোক্ষ-আবৃত্তি করিবে, তিনজন ভিক্ষু পরস্পর পরিশুদ্ধি-উপোষথ করিবে এবং দুইজন ভিক্ষুও পরিশুদ্ধি-উপোষথ করিবে”, অথচ আমি একজন মাত্র, অতএব আমাকে কিরূপ উপোষথ করিতে হইবে?” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

হে ভিক্ষুগণ! যদি এক আবাসে উপোষথ-দিবসে একজন মাত্র ভিক্ষু অবস্থান করে, তাহা হইলে সেই ভিক্ষুকে যেই উপস্থানশালা, মণ্ডপ অথবা তরুমূলে ভিক্ষুগণ (বিশ্রামের জন্য) আগমন করে সেই স্থান বাঁট দিয়া, পানীয় ও পরিভোগ্য জল স্থাপন করিয়া, আসন প্রস্তুত করিয়া এবং প্রদীপ জ্বালিয়া বসিয়া থাকিতে হইবে। যদি সেস্থানে অন্য কোন ভিক্ষু আগমন করে তাহা হইলে তাহাদের সহিত উপোষথ করিতে হইবে, যদি কোন ভিক্ষু না আসে তাহা হইলে তাহাকে “অদ্য আমার উপোষথ” এই বলিয়া অধিষ্ঠান (দৃঢ় সঙ্কল্প) করিতে হইবে। যদি অধিষ্ঠান না করে তাহা হইলে তাহার ‘দুষ্কট’ অপরাধ হইবে।

হে ভিক্ষুগণ! যেখানে চারিজন ভিক্ষু অবস্থান করে তন্মধ্যে একজনের পরিশুদ্ধি আহরণ করিয়া তিনজনে প্রাতিমোক্ষ-আবৃত্তি করিতে পারিবে না, যদি আবৃত্তি করে তাহা হইলে তাহাদের ‘দুষ্কট’ অপরাধ হইবে।

^১। তিনজনে পরিশুদ্ধি-উপোষথ করিলে জগতি স্থাপন করিতে হয়, কিন্তু দুইজনে জগতি স্থাপন করিতে হয় না।

হে ভিক্ষুগণ! যেখানে তিনজন ভিক্ষু অবস্থান করে তন্মধ্যে একজনের পরিশুদ্ধি আহরণ করিয়া দুইজনে পরিশুদ্ধি উপোষথ করিতে পারিবে না, যদি করে তাহা হইলে তাহাদের ‘দুষ্কট’ অপরাধ হইবে।

হে ভিক্ষুগণ! যেখানে দুইজন ভিক্ষু অবস্থান করে তন্মধ্যে একজনের পরিশুদ্ধি আহরণ করিয়া অন্যজনে অধিষ্ঠানোপোষথ করিতে পারিবে না, যদি করে তাহা হইলে তাহার ‘দুষ্কট’ অপরাধ হইবে।

(৮) উপোষথ-দিবসে অপরাধের প্রতিকার

সেই সময়ে জনৈক ভিক্ষু উপোষথ-দিবসে অপরাধ (আপত্তি) প্রাপ্ত হইয়াছিল। সেই ভিক্ষুর মনে এই চিন্তা উদিত হইল : “ভগবান অনুজ্ঞা দিয়াছেন : ‘অপরাধী উপোষথ করিতে পারিবে না’, অথচ আমি অপরাধী হইয়াছি, এখন আমায় কি করিতে হইবে?” ভগবানকে এই বিষয় জানাইলেন। (ভগবান কহিলেন :—)

১—হে ভিক্ষুগণ! যদি উপোষথ-দিবসে কোন ভিক্ষু অপরাধী হইয়া থাকে তাহা হইলে সেই ভিক্ষুকে জনৈক ভিক্ষুর নিকট উপস্থিত হইয়া, উত্তরাসঙ্গ দ্বারা দেহের একাংশ আবৃত করিয়া, পদাঞ্চে ভর দিয়া বসিয়া এবং কৃতাজ্জলি হইয়া এইরূপ বলিতে হইবে : “বন্ধো! আমি অমুক অপরাধে অপরাধী হইয়াছি, তাহা আপনার নিকট প্রতিদেশনা (স্বীকার) করিতেছি।” দ্বিতীয় ভিক্ষুকে বলিতে হইবে : আপনি কৃত অপরাধ দেখিতেছেন (স্বীকার করিতেছেন) কি?” “হাঁ, আমি দেখিতেছি।” “তাহা হইলে আপনি এবিষয়ে ভবিষ্যতে সাবধান হইবেন।”

২—হে ভিক্ষুগণ! যদি উপোষথ-দিবসে কোন ভিক্ষু স্থায়ী অপরাধ সম্বন্ধে সন্দিহান হয় তাহা হইলে সেই ভিক্ষুকে জনৈক ভিক্ষুর নিকট উপস্থিত হইয়া, উত্তরাসঙ্গ দ্বারা দেহের একাংশ আবৃত করিয়া, পদাঞ্চে ভর দিয়া বসিয়া এবং কৃতাজ্জলি হইয়া এইরূপ বলিতে হইবে : “বন্ধো! অমুক অপরাধ সম্বন্ধে আমার সন্দেহ আছে। যখন এবিষয়ে সন্দেহমুক্ত হইব তখন সেই অপরাধের প্রতিকার করিব।” এই বলিয়া উপোষথ করিতে হইবে, প্রাতিমোক্ষ-আবৃত্তি শ্রবণ করিতে হইবে। কিন্তু তজ্জন্য উপোষথ বন্ধ রাখিতে পারিবে না।

(৯) অপরাধের প্রতিবিধান

১—(ক) সেই সময়ে ষড়বর্গীয় ভিক্ষু সমঅপরাধ সমঅপরাধীর নিকট দেশনা (স্বীকার) করিতেছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! সমঅপরাধ সমঅপরাধীর নিকট দেশনা (স্বীকার) করিতে পারিবে না, যে দেশনা করিবে তাহার ‘দুষ্কট’ অপরাধ হইবে।”

(খ) সেই সময়ে ষড়বর্গীয় ভিক্ষু সমঅপরাধ প্রতিগ্রহণ করিতেছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! সমঅপরাধ প্রতিগ্রহণ করিতে পারিবে না, যে প্রতিগ্রহণ করিবে তাহার ‘দুৰ্দ্ধট’ অপরাধ হইবে।”

২—(ক) সেই সময়ে জনৈক ভিক্ষুর প্রাতিমোক্ষ-আবৃত্তির সময় অপরাধ স্মরণ হইল। অনন্তর সেই ভিক্ষুর মনে এই চিন্তা উদিত হইল : “ভগবান ব্যবস্থা দিয়াছেন : ‘অপরাধী উপোষথ করিতে পারিবে না’, অথচ আমি অপরাধী হইয়াছি, অতএব আমায় কি করিতে হইবে?” ভগবানকে এই বিষয় জানাইলেন। (ভগবান কহিলেন :—)

হে ভিক্ষুগণ! যদি কোন ভিক্ষুর প্রাতিমোক্ষ-আবৃত্তির সময় অপরাধ স্মরণ হয় তাহা হইলে সেই ভিক্ষু পার্শ্বে উপবিষ্ট ভিক্ষুকে এরূপ বলিবে : “বন্ধো! আমি অমুক অপরাধে অপরাধী হইয়াছি, আমি এই স্থান হইতে উঠিয়া সেই অপরাধের প্রতিকার করিব” এই বলিয়া উপোষথ করিতে হইবে, প্রাতিমোক্ষ-আবৃত্তি শ্রবণ করিতে হইবে; কিন্তু তজ্জন্য উপোষথ বন্ধ রাখিতে পারিবে না।

(খ) হে ভিক্ষুগণ! যদি প্রাতিমোক্ষ-আবৃত্তির সময় কোন ভিক্ষুর অপরাধ সন্দেশ উপস্থিত হয় তাহা হইলে সেই ভিক্ষুর পার্শ্বে উপবিষ্ট ভিক্ষুকে এরূপ বলিতে হইবে : “বন্ধো! অমুক অপরাধ সন্দেশ আমার সন্দেশ আছে, যখন সন্দেশমুক্ত হইবে তখন সেই অপরাধের প্রতিকার করিব।” এই বলিয়া উপোষথ করিতে হইবে, প্রাতিমোক্ষ-শ্রবণ করিতে হইবে। কিন্তু তজ্জন্য উপোষথ বন্ধ রাখিতে পারিবে না।

৩—(ক) সেই সময়ে এক আবাসে উপোষথ-দিবসে উপস্থিত সমস্ত সঙ্ঘ সমঅপরাধে অপরাধী হইয়াছিলেন। সেই ভিক্ষুগণের মনে এই চিন্তা উদিত হইল : “ভগবান ব্যবস্থা দিয়াছেন ‘সমঅপরাধ সমঅপরাধীর নিকট দেশনা (স্বীকার) করিতে পারিবে না এবং সমঅপরাধ সমঅপরাধী প্রতিগ্রহণ করিতে পারিবে না।’ কিন্তু এই স্থানে উপস্থিত সমস্ত সঙ্ঘ সমঅপরাধে অপরাধী হইয়াছেন, অতএব এখন আমাদের কি করিতে হইবে?” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

হে ভিক্ষুগণ! যদি কোন আবাসে উপোষথ-দিবসে সমস্ত সঙ্ঘ সমঅপরাধে অপরাধী হয় তাহা হইলে তাহাদিগকে ‘বন্ধো! আপনি যান, নিজে সেই অপরাধের প্রতিকার করিয়া আসুন, পরে আমরা আপনার নিকট আমাদের অপরাধের প্রতিকার করিব’ এই বলিয়া সদ্য প্রত্যাবর্তনে সমর্থ এমন একজন ভিক্ষুকে চতুর্দিকের কোনও এক আবাসে প্রেরণ করিতে হইবে। তাহা করিতে পারিলে ভাল, যদি পারা না যায় তাহা হইলে দক্ষ ও সমর্থ ভিক্ষু সঙ্ঘকে এভাবে প্রস্তাব জ্ঞাপন করিবে :—‘মাননীয় সঙ্ঘ! আমার প্রস্তাব শ্রবণ করুন। এই স্থানে উপস্থিত সমস্ত সঙ্ঘ সমঅপরাধে অপরাধী হইয়াছেন, যখন অন্য পরিশুদ্ধ নিরপরাধ ভিক্ষুর দেখা পাওয়া যাইবে তখন

তাঁহার নিকট সেই অপরাধের প্রতিকার করিবেন।’ এই বলিয়া উপোষথ করিতে হইবে এবং প্রাতিমোক্ষ আবৃত্তি করিতে হইবে। কিন্তু তজ্জন্য উপোষথ বন্ধ রাখিতে পারিবে না।

(খ) হে ভিক্ষুগণ! যদি কোন আবাসে উপোষথ-দিবসে উপস্থিত সমগ্র সঙ্ঘ সমঅপরাধ সম্বন্ধে সন্দিগ্ধ হয় তাহা হইলে দক্ষ এবং সমর্থ ভিক্ষু সঙ্ঘকে এরূপ প্রস্তাব জ্ঞাপন করিবে : ‘মাননীয় সঙ্ঘ আমার প্রস্তাব শ্রবণ করুন। এখানে উপস্থিত সমস্ত সঙ্ঘ সমঅপরাধ সম্বন্ধে সন্দিগ্ধ হইয়াছেন, যখন তাঁহারা সন্দেহমুক্ত হইবেন তখন সেই অপরাধের প্রতিকার করিবেন।’ এই বলিয়া উপোষথ করিবে এবং প্রাতিমোক্ষ আবৃত্তি করিবে, কিন্তু তজ্জন্য উপোষথ বন্ধ রাখিতে পারিবে না।

(খ) হে ভিক্ষুগণ! যদি কোন আবাসে বর্ষাবাসে নিরত ভিক্ষুসঙ্ঘ সমঅপরাধে অপরাধী হয় তাহা হইলে সেই ভিক্ষুদিগকে ‘বন্ধো! আপনি যান, নিজে সেই অপরাধের প্রতিকার করিয়া আসুন, পরে আমরা আপনার নিকট আমাদের অপরাধের প্রতিকার করিব’ এই বলিয়া সদ্য প্রত্যাবর্তনে সমর্থ এমন একজন ভিক্ষুকে চতুর্দিকে অবস্থিত যে কোনও আবাসে প্রেরণ করিতে হইবে। ইহা করিতে পারিলে ভাল, যদি পারা না যায় তাহা হইলে জনৈক ভিক্ষুকে ‘বন্ধো! আপনি যান, নিজে সেই অপরাধের প্রতিকার করিয়া আসুন, আমরা আপনার নিকট আমাদের অপরাধের প্রতিকার করিব’ এই বলিয়া চারিদিকের আবাসে সপ্তাহের জন্য প্রেরণ করিতে হইবে।

৪—সেই সময়ে এক আবাসে সমস্ত ভিক্ষুসঙ্ঘ সমঅপরাধে অপরাধী হইয়াছিলেন। কিন্তু সেই সঙ্ঘ সেই অপরাধের নাম গোত্র (কোন বিষয়ে অপরাধী) জানিতেন না। তথায় একজন বহুশ্রুত, আগমজ্ঞ, ধর্মধর, বিনয়ধর, মাতৃকাধর, পণ্ডিত, দক্ষ, মেধাবী, লজ্জাশীল, সঙ্কোচশীল এবং শিষ্য ভিক্ষু আসিয়া উপস্থিত হইলেন। জনৈক বিহারবাসী ভিক্ষু তাঁহার নিকট উপস্থিত হইলেন, উপস্থিত হইয়া সেই ভিক্ষুকে কহিলেন : ‘বন্ধো! যেই ভিক্ষু এই এই কার্য করেন তাঁহার কোন অপরাধ হয়?’ তিনি কহিলেন : ‘বন্ধো! যিনি এই এই কার্য করেন তিনি অমুক অপরাধে অপরাধী হন। বন্ধো! আপনি অমুক অপরাধে অপরাধী হইয়াছেন, অতএব সেই অপরাধের প্রতিকার করুন।’ সেই আবাসবাসী ভিক্ষু কহিলেন : ‘বন্ধো! আমি একাকীই এই অপরাধে অপরাধী নহি, এই আবাসের সমস্ত সঙ্ঘই এই অপরাধে অপরাধী হইয়াছেন।’ তিনি (আগমজ্ঞ ভিক্ষু) কহিলেন : ‘বন্ধো! অন্য ব্যক্তি অপরাধী হউন বা না হউন তাহাতে আপনার কি আসে যায়? আসুন, আপনি স্বীয় অপরাধ হইতে মুক্ত হউন।’

অতঃপর সেই আবাসবাসী ভিক্ষু সেই আগমজ্ঞ ভিক্ষুর বাক্যে সেই অপরাধের প্রতিকার করিয়া তাঁহাদের (আবাসবাসী অন্যান্য ভিক্ষুগণের) নিকট উপস্থিত হইলেন, উপস্থিত হইয়া সেই ভিক্ষুদিগকে কহিলেন : ‘বন্ধো! যেই ব্যক্তি এই এই

কার্য করেন তিনি অমুক অপরাধে অপরাধী হইয়া থাকেন। আপনারা অমুক অপরাধে অপরাধী, অতএব সেই অপরাধের প্রতিকার করুন।”

সেই (আবাসবাসী) ভিক্ষুগণ ইচ্ছা করিলেন না সেই ভিক্ষুর বাক্যে সেই অপরাধের প্রতিকার করিতে। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

হে ভিক্ষুগণ! কোন আবাসে সমগ্র সঙ্ঘ সমঅপরাধে অপরাধী হইয়া থাকে। সেই সঙ্ঘ জানে না সেই অপরাধের নাম, জানে না গোত্র। তথায় অন্য বহুশ্রুত, আগমজ্ঞ, ধর্মধর, বিনয়ধর, মাতৃকাধর, পণ্ডিত, দক্ষ, মেধাবী, লজ্জাশীল, সঙ্কোচশীল এবং শিশিক্ষু ভিক্ষু আসিয়া উপস্থিত হয়। তাহার নিকট জনৈক আবাসবাসী ভিক্ষু উপস্থিত হয়, উপস্থিত হইয়া সেই আগন্তুক ভিক্ষুকে কহে। [পূর্ববৎ।]

“হে ভিক্ষুগণ! যদি সেই আবাসবাসী ভিক্ষুগণ সেই ভিক্ষুর বাক্যে সেই অপরাধের প্রতিকার করে তাহা হইলে ভাল, যদি প্রতিকার না করে তাহা হইলে সেই অনিচ্ছুক ভিক্ষুদিগকে সেই আবাসবাসী ভিক্ষুর কিছু বলা উচিত নহে।”

॥ চোদনাবাস্তু ভণিতা সমাপ্ত ॥

কোন ভিক্ষুর অনুপস্থিতিতে কৃত নীতিবিরুদ্ধ উপোষথ

(১) আবাসস্থ অন্য ভিক্ষুর অনুপস্থিতিতে কৃত আবাসস্থের উপোষথ

ক (a) আবাসস্থ অবশিষ্ট ভিক্ষুর অনুপস্থিতি না জানিয়া
কৃত নির্দোষ উপোষথ

সেই সময়ে এক আবাসে উপোষথ-দিবসে অনেক ভিক্ষু, চারিজন বা তদধিক ভিক্ষু সমবেত হইয়াছিলেন। তাঁহারা জানিতেন না আবাসস্থ অন্য ভিক্ষুগণ উপস্থিত হন নাই। তাঁহারা ধর্ম ও বিনয়সঙ্গত মনে করিয়া, সঙ্ঘের একাংশ হইয়াও (আপনাদিগকে) সমগ্র জ্ঞান করিয়া উপোষথ করিতেছিলেন এবং প্রাতিমোক্ষ-আবৃত্তি করিতেছিলেন। তাঁহারা প্রাতিমোক্ষ-আবৃত্তি করিবার সময়ে আবাসবাসী অবশিষ্ট ভিক্ষুগণ আসিয়া উপস্থিত হইলেন, সংখ্যায় তাঁহারা গরিষ্ঠ। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

১—(১) হে ভিক্ষুগণ! এক আবাসে উপোষথ-দিবসে আবাসবাসী বহু ভিক্ষু সমবেত হয়, তাহারা সংখ্যায় চারিজন বা তদধিক। তাহারা জানে না যে

আবাসবাসী অবশিষ্ট ভিক্ষুগণ উপস্থিত হয় নাই। তাহারা ধর্ম ও বিনয়সঙ্গত মনে করিয়া সঙ্ঘের একাংশ হইয়াও, আপনাদিগকে সমগ্র জ্ঞান করিয়া উপোষথ করিতে থাকে এবং প্রাতিমোক্ষ-আবৃত্তি করিতে থাকে। তাহাদের প্রাতিমোক্ষ-আবৃত্তি করিবার সময় আবাসবাসী অবশিষ্ট ভিক্ষুগণ আসিয়া উপস্থিত হয়, তাহারা সংখ্যায় পূর্বগামীদের অপেক্ষা অধিক। হে ভিক্ষুগণ! সেই ভিক্ষুদিগকে (পূর্বগামীদিগকে) পুনরায় প্রাতিমোক্ষ-আবৃত্তি করিতে হইবে। ইহাতে আবৃত্তিকারীদের অপরাধ হইবে না।

(২) হে ভিক্ষুগণ! এক আবাসে উপোষথ-দিবসে আবাসবাসী বহু ভিক্ষু সমবেত হয়, তাহারা সংখ্যায় চারিজন বা তদধিক। তাহারা জানে না যে আবাসস্থ অবশিষ্ট ভিক্ষুগণ উপস্থিত হয় নাই। তাহারা ধর্ম ও বিনয়সঙ্গত মনে করিয়া সঙ্ঘের একাংশ হইয়াও আপনাদিগকে সমগ্র জ্ঞান করিয়া উপোষথ করিতে থাকে এবং প্রাতিমোক্ষ-আবৃত্তি করিতে থাকে। তাহারা প্রাতিমোক্ষ-আবৃত্তি করিবার সময় আবাসস্থ অবশিষ্ট ভিক্ষুগণ আসিয়া উপস্থিত হয়, তাহারা সংখ্যায় পূর্বগামীদের সমান। প্রাতিমোক্ষ-আবৃত্তি যথার্থ হইয়াছে, অবশিষ্টাংশ পশ্চাদাগতদিগকে শ্রবণ করিতে হইবে। ইহাতে আবৃত্তিকারীদের (পূর্বগামীদের) অপরাধ হইবে না।

(৩) হে ভিক্ষুগণ! এক আবাসে উপোষথ-দিবসে আবাসবাসী বহু ভিক্ষু সমবেত হয়, তাহারা সংখ্যায় চারিজন বা ততোধিক। তাহারা জানে না যে আবাসবাসী অবশিষ্ট ভিক্ষুগণ উপস্থিত হয় নাই। তাহারা ধর্ম ও বিনয়সঙ্গত মনে করিয়া সঙ্ঘের একাংশ হইয়াও, আপনাদিগকে সমগ্র জ্ঞান করিয়া উপোষথ করিতে থাকে এবং প্রাতিমোক্ষ-আবৃত্তি করিতে থাকে। তাহারা প্রাতিমোক্ষ-আবৃত্তি করিবার সময় আবাসবাসী অবশিষ্ট ভিক্ষুগণ আসিয়া উপস্থিত হয়, তাহারা সংখ্যায় পূর্বগামীদের অপেক্ষা অল্পতর। প্রাতিমোক্ষ যাহা আবৃত্তি হইয়াছে তাহা যথার্থ, অবশিষ্টাংশ পশ্চাদাগতদিগকে শ্রবণ করিতে হইবে। ইহাতে আবৃত্তিকারীদিগের (পূর্বগতদিগের) অপরাধ হইবে না।

২—(৪) হে ভিক্ষুগণ! এক আবাসে উপোষথ-দিবসে আবাসবাসী বহু ভিক্ষু সমবেত হয়, তাহারা সংখ্যায় চারিজন বা ততোধিক। তাহারা জানে না যে আবাসবাসী অবশিষ্ট ভিক্ষুগণ উপস্থিত হয় নাই। তাহারা ধর্মসঙ্গত এবং বিনয়সঙ্গত মনে করিয়া সঙ্ঘের একাংশ হইয়াও আপনাদিগকে সমগ্র জ্ঞান করিয়া উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপ্ত হইয়াছে এমন সময় আবাসবাসী অবশিষ্ট ভিক্ষুগণ আসিয়া উপস্থিত হয়, তাহারা সংখ্যায় পূর্বগতদের অপেক্ষা অধিক। হে ভিক্ষুগণ! পুনরায় তাহাদিগকে (পূর্বগতদিগকে) প্রাতিমোক্ষ-আবৃত্তি করিতে হইবে। ইহাতে আবৃত্তিকারীদিগের (পূর্বগতদিগের) অপরাধ হইবে না।

(৫) হে ভিক্ষুগণ! এক আবাসে উপোষথ-দিবসে আবাসস্থ বহু ভিক্ষু সমবেত হয়, তাহারা সংখ্যায় চারিজন বা ততোধিক। তাহারা জানে না যে আবাসস্থ অবশিষ্ট ভিক্ষুগণ উপস্থিত হয় নাই। তাহারা ধর্মসঙ্গত এবং বিনয়সঙ্গত মনে করিয়া আপনারা সঙ্ঘের একাংশ হইয়াও আপনাদিগকে সমগ্র জ্ঞান করিয়া উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপ্ত হইয়াছে এমন সময় আবাসবাসী অবশিষ্ট ভিক্ষুগণ আসিয়া উপস্থিত হয়, তাহারা সংখ্যায় পূর্বাগতদের সমান। প্রাতিমোক্ষ-আবৃত্তি যথার্থ হইয়াছে। তাহাদের নিকট (পশ্চাদাগতদিগকে) পরিশুদ্ধি প্রকাশ করিতে হইবে। ইহাতে আবৃত্তিকারীদিগের অপরাধ হইবে না।

(৬) হে ভিক্ষুগণ! এক আবাসে উপোষথ-দিবসে আবাসস্থ বহু ভিক্ষু সমবেত হয়, তাহারা সংখ্যায় চারিজন বা ততোধিক। তাহারা জানে না যে আবাসস্থ অবশিষ্ট ভিক্ষুগণ উপস্থিত হয় নাই। তাহারা ধর্মসঙ্গত এবং বিনয়সঙ্গত মনে করিয়া আপনারা সঙ্ঘের একাংশ হইয়াও আপনাদিগকে সমগ্র জ্ঞান করিয়া উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপ্ত হইয়াছে এমন সময় আবাসবাসী অবশিষ্ট ভিক্ষুগণ আসিয়া উপস্থিত হয়, তাহারা সংখ্যায় অল্পতর। প্রাতিমোক্ষ-আবৃত্তি যথার্থ হইয়াছে। তাহাদের নিকট (পশ্চাদাগতদিগকে) পরিশুদ্ধি প্রকাশ করিতে হইবে। ইহাতে আবৃত্তিকারীদিগের অপরাধ হইবে না।

৩—(৭) হে ভিক্ষুগণ! এক আবাসে উপোষথ-দিবসে আবাসস্থ বহু ভিক্ষু সমবেত হয়, তাহারা সংখ্যায় চারিজন বা ততোধিক। তাহারা জানে না যে আবাসবাসী অবশিষ্ট ভিক্ষুগণ উপস্থিত হয় নাই। তাহারা ধর্মসঙ্গত এবং বিনয়সঙ্গত মনে করিয়া আপনারা সঙ্ঘের একাংশ হইয়াও আপনাদিগকে সমগ্র জ্ঞান করিয়া উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপ্ত হইয়াছে কিন্তু পারিষদবর্গ আসন হইতে উঠে নাই এমন সময়ে আবাসবাসী অবশিষ্ট ভিক্ষুগণ আসিয়া উপস্থিত হয়, তাহারা সংখ্যায় অধিক। হে ভিক্ষুগণ! তাহাদিগকে (পূর্বাগতদিগকে) পুনরায় প্রাতিমোক্ষ-আবৃত্তি করিতে হইবে। ইহাতে আবৃত্তিকারীদিগের (পূর্বাগতদিগের) অপরাধ হইবে না।

(৮) হে ভিক্ষুগণ! এক আবাসে উপোষথ-দিবসে আবাসস্থ বহু ভিক্ষু সমবেত হয়, তাহারা সংখ্যায় চারিজন বা ততোধিক। তাহারা জানে না যে আবাসবাসী অবশিষ্ট ভিক্ষুগণ উপস্থিত হয় নাই। তাহারা ধর্মসঙ্গত এবং বিনয়সঙ্গত মনে করিয়া আপনারা সঙ্ঘের একাংশ হইয়াও আপনাদিগকে সমগ্র জ্ঞান করিয়া উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপ্ত হইয়াছে কিন্তু পারিষদবর্গ আসন হইতে উঠে নাই এমন সময় আবাসস্থ অবশিষ্ট ভিক্ষুগণ আসিয়া

উপস্থিত হয়, তাহারা সংখ্যায় সমান। তাহাদের প্রাতিমোক্ষ-আবৃত্তি যথার্থ। তাহাদিগকে (পশ্চাদাগতদিগকে) তাহাদের (পূর্বাগতদিগের) নিকট স্বীয় পরিশুদ্ধি প্রকাশ করিতে হইবে। আবৃত্তিকারীদিগের (পূর্বাগতদিগের) অপরাধ হইবে না।

(৯) হে ভিক্ষুগণ! একটি আবাসে উপোষথ-দিবসে আবাসস্থ বহু ভিক্ষু সমবেত হয়, তাহারা সংখ্যায় চারিজন বা ততোধিক। তাহারা জানে না যে আবাসে আরও অন্য ভিক্ষু আছে এবং তাহারা উপস্থিত হয় নাই। তাহারা ধর্মসঙ্গত এবং বিনয়সঙ্গত মনে করিয়া, সঙ্ঘের একাংশ হইয়াও নিজেকে সমগ্র জ্ঞান করিয়া উপোষথ করে এবং প্রাতিমোক্ষ-আবৃত্তি করে। তাহাদিগের প্রাতিমোক্ষ-আবৃত্তি সমাপ্ত হইয়াছে কিন্তু পারিষদবর্গ আসন হইতে উঠে নাই এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অল্পতর। তাহাদের প্রাতিমোক্ষ-আবৃত্তি যথার্থ। তাহাদিগকে (পশ্চাদাগতদিগকে) তাহাদের (পূর্বাগতদিগের) নিকট স্বীয় পরিশুদ্ধি প্রকাশ করিতে হইবে। আবৃত্তিকারীদিগের (পূর্বাগতদিগের) অপরাধ হইবে না।

৪—(১০) হে ভিক্ষুগণ! এক আবাসে উপোষথ-দিবসে আবাসস্থ বহু ভিক্ষু সমবেত হয়, তাহারা সংখ্যায় চারিজন বা ততোধিক। তাহারা জানে না যে আবাসে আরও অন্য ভিক্ষু আছে এবং তাহারা উপস্থিত হয় নাই। তাহারা ধর্মসঙ্গত এবং বিনয়সঙ্গত মনে করিয়া সঙ্ঘের একাংশ হইয়াও নিজেকে সমগ্র জ্ঞান করিয়া উপোষথ এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপ্ত হইয়াছে এবং পারিষদের কেহ কেহ আসন হইতে উঠিয়াছে এমন সময় আবাসবাসী অন্য ভিক্ষুগণ আসিয়া উপস্থিত হয়, তাহারা সংখ্যায় অধিক। পূর্বাগতদিগকে পুনরায় প্রাতিমোক্ষ-আবৃত্তি করিতে হইবে। আবৃত্তিকারীদিগের (পূর্বাগতদিগের) অপরাধ হইবে না।

(১১) হে ভিক্ষুগণ! এক আবাসে উপোষথ-দিবসে বহু ভিক্ষু সমবেত হয়, তাহারা সংখ্যায় চারিজন বা ততোধিক। তাহারা জানে না যে আবাসে আরও অন্য ভিক্ষু আছে এবং তাহারা আসে নাই। তাহারা ধর্মসঙ্গত এবং বিনয়সঙ্গত মনে করিয়া, সঙ্ঘের একাংশ হইয়াও নিজেকে সমগ্র জ্ঞান করিয়া উপোষথ এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপ্ত হইয়াছে এবং পারিষদের কেহ কেহ আসন হইতে উঠিয়াছে এমন সময় আবাসবাসী অন্য ভিক্ষুগণ আসিয়া উপস্থিত হয়, তাহারা সংখ্যায় সমান। তাহাদের প্রাতিমোক্ষ-আবৃত্তি যথার্থ। তাহাদিগকে (পশ্চাদাগতদিগকে) তাহাদের (পূর্বাগতদিগের) নিকট স্বীয় পরিশুদ্ধি প্রকাশ করিতে হইবে। আবৃত্তিকারীদিগের (পূর্বাগতদিগের) অপরাধ হইবে না।

(১২) হে ভিক্ষুগণ! এক আবাসে উপোষথ-দিবসে বহু ভিক্ষু সমবেত হয়, তাহারা সংখ্যায় চারিজন বা ততোধিক। তাহারা জানে না যে আবাসে আরও অন্য ভিক্ষু আছে এবং তাহারা আসে নাই। তাহারা ধর্মসঙ্গত এবং বিনয়সঙ্গত মনে

করিয়া, সজ্জের একাংশ হইয়াও নিজেকে সমগ্র জ্ঞান করিয়া উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপ্ত হইয়াছে এবং পারিষদের কেহ কেহ আসন হইতে উঠিয়াছে এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অল্পতর। তাহাদের প্রাতিমোক্ষ-আবৃত্তি যথার্থ। পশ্চাদাগতদিগকে তাহাদের নিকট স্বীয় পরিশুদ্ধি প্রকাশ করিতে হইবে। আবৃত্তিকারীদিগের (পূর্বাগতদিগের) অপরাধ হইবে না।

৫—(১৩) হে ভিক্ষুগণ! এক আবাসে উপোষথ-দিবসে বহু ভিক্ষু সমবেত হয়, তাহারা সংখ্যায় চারিজন বা ততোধিক। তাহারা জানে না যে আবাসে অন্য ভিক্ষু আছে এবং তাহারা আসে নাই। তাহারা ধর্মসঙ্গত এবং বিনয়সঙ্গত মনে করিয়া, সজ্জের একাংশ হইয়াও নিজেকে সমগ্র জ্ঞান করিয়া উপোষথ এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপ্ত হইয়াছে এবং সমস্ত পারিষদ আসন হইতে উঠিয়াছে এমন সময় আবাসস্থ অবশিষ্ট ভিক্ষুগণ আসিয়া উপস্থিত হয়, তাহারা সংখ্যায় অধিক। তাহাদিগকে (পূর্বাগতদিগকে) পুনরায় প্রাতিমোক্ষ-আবৃত্তি করিতে হইবে। আবৃত্তিকারীদিগের (পূর্বাগতদিগের) অপরাধ হইবে না।

(১৪) হে ভিক্ষুগণ! এক আবাসে উপোষথ-দিবসে বহু ভিক্ষু সমবেত হয়, তাহারা সংখ্যায় চারিজন বা ততোধিক। তাহারা জানে না যে আবাসস্থ আরও অন্য ভিক্ষু আছে এবং তাহারা আসে নাই। তাহারা ধর্মসঙ্গত এবং বিনয়সঙ্গত মনে করিয়া, সজ্জের একাংশ হইয়াও নিজেকে সমগ্র জ্ঞান করিয়া উপোষথ এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপ্ত হইয়াছে এবং পারিষদের সকলে আসন হইতে উঠিয়াছে এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় সমান। তাহাদের প্রাতিমোক্ষ-আবৃত্তি যথার্থ। তাহাদিগকে (পশ্চাদাগতদিগকে) তাহাদের (পূর্বাগতদিগের) নিকট স্বীয় পরিশুদ্ধি প্রকাশ করিতে হইবে। আবৃত্তিকারীদিগের (পূর্বাগতদিগের) অপরাধ হইবে না।

(১৫) হে ভিক্ষুগণ! এক আবাসে উপোষথ-দিবসে বহু ভিক্ষু সমবেত হয়, তাহারা সংখ্যায় চারিজন বা ততোধিক। তাহারা জানে না যে আবাসস্থ আরও অন্য ভিক্ষু আছে এবং তাহারা আসে নাই। তাহারা ধর্মসঙ্গত এবং বিনয়সঙ্গত মনে করিয়া, সজ্জের একাংশ হইয়াও নিজেকে সমগ্র জ্ঞান করিয়া উপোষথ এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপ্ত হইয়াছে এবং পারিষদের সকলে আসন হইতে উঠিয়াছে এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অল্পতর। তাহাদের প্রাতিমোক্ষ-আবৃত্তি যথার্থ। পশ্চাদাগতদিগকে তাহাদের (পূর্বাগতদিগের) নিকট স্বীয় পরিশুদ্ধি প্রকাশ করিতে হইবে। ইহাতে আবৃত্তিকারীদিগের (পূর্বাগতদিগের) অপরাধ হইবে না।

(b) আবাসস্থ অন্য ভিক্ষুর অনুপস্থিতি জানিয়া কৃত সদোষ উপোষথ

৬—(১) হে ভিক্ষুগণ! এক আবাসে উপোষথ-দিবসে আবাসস্থ বহুসংখ্যক ভিক্ষু সমবেত হয়, তাহারা সংখ্যায় চারিজন বা ততোধিক। তাহারা জানে যে আবাসস্থ অন্য ভিক্ষু আরও আছে এবং তাহারা উপস্থিত হয় নাই। তাহারা ধর্মসঙ্গত এবং বিনয়সঙ্গত মনে করিয়া, সজ্জের একাংশ হইয়াও নিজেকে সমগ্র জ্ঞান করিয়া উপোষথ এবং প্রাতিমোক্ষ-আবৃত্তি করে। তাহারা প্রাতিমোক্ষ-আবৃত্তি করিবার সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অধিক। তাহাদিগকে (পূর্বাগতদিগকে) পুনরায় প্রাতিমোক্ষ-আবৃত্তি করিতে হইবে। আবৃত্তিকারীদিগের (পূর্বাগতদিগের) ‘দুষ্কট’ অপরাধ হইবে।

(২) হে ভিক্ষুগণ! এক আবাসে উপোষথ-দিবসে আবাসস্থ বহু ভিক্ষু সমবেত হয়, তাহারা সংখ্যায় চারিজন বা ততোধিক। তাহারা জানে যে আবাসস্থ আরও অন্য ভিক্ষু আছে এবং তাহারা উপস্থিত হয় নাই। তাহারা ধর্মসঙ্গত এবং বিনয়সঙ্গত মনে করিয়া, সজ্জের একাংশ হইয়াও নিজেকে সমগ্র জ্ঞান করিয়া উপোষথ এবং প্রাতিমোক্ষ-আবৃত্তি করে। তাহারা প্রাতিমোক্ষ-আবৃত্তি করিবার সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় সমান। তাহাদের প্রাতিমোক্ষ-আবৃত্তি যথার্থ। অবশিষ্টাংশ তাহাদিগকে (পশ্চাদাগতদিগকে) শ্রবণ করিতে হইবে। আবৃত্তিকারীদিগের (পূর্বাগতদিগের) ‘দুষ্কট’ অপরাধ হইবে।

(৩) হে ভিক্ষুগণ! এক আবাসে উপোষথ-দিবসে আবাসস্থ বহু ভিক্ষু সমবেত হয়, তাহারা সংখ্যায় চারিজন বা ততোধিক। তাহারা জানে যে আবাসস্থ আরও অন্য ভিক্ষু আছে এবং তাহারা উপস্থিত হয় নাই। তাহারা ধর্মসঙ্গত এবং বিনয়সঙ্গত মনে করিয়া সজ্জের একাংশ হইয়াও নিজেকে সমগ্র জ্ঞান করিয়া উপোষথ এবং প্রাতিমোক্ষ-আবৃত্তি করে। তাহারা প্রাতিমোক্ষ-আবৃত্তি করিবার সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অল্পতর। তাহাদের প্রাতিমোক্ষ-আবৃত্তি যথার্থ। অবশিষ্টাংশ তাহাদিগকে (পশ্চাদাগতদিগকে) শ্রবণ করিতে হইবে। আবৃত্তিকারীদিগের (পূর্বাগতদিগের) ‘দুষ্কট’ অপরাধ হইবে।

৭—(৪) হে ভিক্ষুগণ! এক আবাসে উপোষথ-দিবসে আবাসস্থ বহুসংখ্যক ভিক্ষু সমবেত হয়, তাহারা সংখ্যায় চারিজন বা ততোধিক। তাহারা জানে যে আবাসস্থ আরও অন্য ভিক্ষু আছে এবং তাহারা উপস্থিত হয় নাই। তাহারা ধর্মসঙ্গত এবং বিনয়সঙ্গত মনে করিয়া আপনারা সজ্জের একাংশ হইয়াও আপনাদিগকে সমগ্র জ্ঞান করিয়া উপোষথ এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপ্ত হইয়াছে এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অধিক। তাহাদিগকে (পূর্বাগতদিগকে) পুনরায় প্রাতিমোক্ষ-আবৃত্তি করিতে হইবে। আবৃত্তিকারীদিগের (পূর্বাগতদিগের) ‘দুষ্কট’ অপরাধ হইবে।

(৫) হে ভিক্ষুগণ! তাহাদের প্রাতিমোক্ষ-আবৃত্তি সমাপ্ত হইয়াছে এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় সমান। তাহাদের প্রাতিমোক্ষ-আবৃত্তি যথার্থ। তাহাদিগকে (পশ্চাদাগতদিগকে) তাহাদের (পূর্বাগতদিগের) নিকট স্বীয় পরিশুদ্ধি প্রকাশ করিতে হইবে। আবৃত্তিকারীদিগের (পূর্বাগতদিগের) ‘দুষ্কট’ অপরাধ হইবে।

(৬) হে ভিক্ষুগণ! তাহাদের প্রাতিমোক্ষ-আবৃত্তি সমাপ্ত হইয়াছে এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অল্পতর। তাহাদের প্রাতিমোক্ষ-আবৃত্তি যথার্থ। তাহাদিগকে (পশ্চাদাগতদিগকে) তাহাদের (পূর্বাগতদিগের) নিকট স্বীয় পরিশুদ্ধি প্রকাশ করিতে হইবে। আবৃত্তিকারীদিগের (পূর্বাগতদিগের) ‘দুষ্কট’ অপরাধ হইবে।

৮—(৭) হে ভিক্ষুগণ! এক আবাসে উপোষথ-দিবসে আবাসবাসী বহু ভিক্ষু সমবেত হয়, তাহারা সংখ্যায় চারিজন বা ততোধিক। তাহারা জানে যে আবাসস্থ আরও অন্য ভিক্ষু আছে এবং তাহারা উপস্থিত হয় নাই। তাহারা ধর্মসঙ্গত এবং বিনয়সঙ্গত মনে করিয়া সঙ্ঘের একাংশ হইয়াও নিজেকে সমগ্র জ্ঞান করিয়া উপোষথ এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপ্ত হইয়াছে কিন্তু পারিষদবর্গ আসন হইতে উঠে নাই এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অধিক। তাহাদিগকে (পূর্বাগতদিগকে) পুনরায় প্রাতিমোক্ষ-আবৃত্তি করিতে হইবে। আবৃত্তিকারীদিগের (পূর্বাগতদিগের) ‘দুষ্কট’ অপরাধ হইবে।

(৮) হে ভিক্ষুগণ! তাহাদের প্রাতিমোক্ষ-আবৃত্তি সমাপ্ত হইয়াছে কিন্তু পারিষদবর্গ আসন হইতে উঠে নাই এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় সমান। তাহাদের প্রাতিমোক্ষ-আবৃত্তি যথার্থ। তাহাদিগকে (পশ্চাদাগতদিগকে) তাহাদের (পূর্বাগতদিগের) নিকট স্বীয় পরিশুদ্ধি প্রকাশ করিতে হইবে। আবৃত্তিকারীদিগের (পূর্বাগতদিগের) ‘দুষ্কট’ অপরাধ হইবে।

(৯) হে ভিক্ষুগণ! তাহাদের প্রাতিমোক্ষ-আবৃত্তি সমাপ্ত হইয়াছে কিন্তু পারিষদবর্গ আসন হইতে উঠে নাই এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অল্পতর। তাহাদের প্রাতিমোক্ষ-আবৃত্তি যথার্থ। তাহাদিগকে (পশ্চাদাগতদিগকে) তাহাদের (পূর্বাগতদিগের) নিকট স্বীয় পরিশুদ্ধি প্রকাশ করিতে হইবে। আবৃত্তিকারীদিগের (পূর্বাগতদিগের) ‘দুষ্কট’ অপরাধ হইবে।

৯—(১০) হে ভিক্ষুগণ! এক আবাসে উপোষথ-দিবসে বহুসংখ্যক ভিক্ষু সমবেত হয়, তাহারা সংখ্যায় চারিজন বা ততোধিক। তাহারা জানে যে আবাসস্থ আরও অন্য ভিক্ষু আছে এবং তাহারা উপস্থিত হয় নাই। তাহারা ধর্মসঙ্গত এবং

বিনয়সঙ্গত মনে করিয়া সজ্জের একাংশ হইয়াও নিজেকে সমগ্র জ্ঞান করিয়া উপোষ্য এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপ্ত হইয়াছে এবং পারিষদবর্গের মধ্যেও কেহ কেহ আসন হইতে উঠিয়াছে এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অধিক। তাহাদিগকে (পূর্বগতদিগকে) পুনরায় প্রাতিমোক্ষ-আবৃত্তি করিতে হইবে। আবৃত্তিকারীদিগের (পূর্বগতদিগের) ‘দুষ্কট’ অপরাধ হইবে।

(১১) হে ভিক্ষুগণ! ... তাহাদের প্রাতিমোক্ষ-আবৃত্তি সমাপ্ত হইয়াছে এবং পারিষদবর্গেরও কেহ কেহ আসন হইতে উঠিয়াছে এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় সমান। তাহাদের প্রাতিমোক্ষ-আবৃত্তি যথার্থ। তাহাদিগকে (পশ্চাদাগতদিগকে) তাহাদের (পূর্বগতদিগের) নিকট স্বীয় পরিশুদ্ধি প্রকাশ করিতে হইবে। আবৃত্তিকারীদিগের (পূর্বগতদিগের) ‘দুষ্কট’ অপরাধ হইবে।

(১২) হে ভিক্ষুগণ! ... তাহাদের প্রাতিমোক্ষ-আবৃত্তি সমাপ্ত হইয়াছে এবং পারিষদবর্গেরও কেহ কেহ আসন হইতে উঠিয়াছে এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অল্পতর। তাহাদের প্রাতিমোক্ষ-আবৃত্তি যথার্থ। তাহাদিগকে (পশ্চাদাগতদিগকে) তাহাদের (পূর্বগতদিগের) নিকট স্বীয় পরিশুদ্ধি প্রকাশ করিতে হইবে। আবৃত্তিকারীদিগের (পূর্বগতদিগের) ‘দুষ্কট’ অপরাধ হইবে।

১০—(১৩) হে ভিক্ষুগণ! এক আবাসে উপোষ্য-দিবসে বহুসংখ্যক ভিক্ষু সমবেত হয়, তাহারা সংখ্যায় চারিজন বা ততোধিক। তাহারা জানে যে আবাসস্থ আরও অন্য ভিক্ষু আছে এবং তাহারা উপস্থিত হয় নাই। তাহারা ধর্মসঙ্গত এবং বিনয়সঙ্গত মনে করিয়া সজ্জের একাংশ হইয়াও নিজেকে সমগ্র জ্ঞান করিয়া উপোষ্য করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপ্ত হইয়াছে এবং সমগ্র পারিষদ আসন হইতে উঠিয়াছে এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় গরিষ্ঠ। তাহাদিগকে (পূর্বগতদিগকে) পুনরায় প্রাতিমোক্ষ-আবৃত্তি করিতে হইবে। আবৃত্তিকারীদিগের (পূর্বগতদিগের) ‘দুষ্কট’ অপরাধ হইবে।

(১৪) হে ভিক্ষুগণ! ... তাহাদের প্রাতিমোক্ষ-আবৃত্তি সমাপ্ত হইয়াছে এবং পারিষদবর্গ আসন হইতে উঠিয়াছে এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় সমান। তাহাদের প্রাতিমোক্ষ-আবৃত্তি যথার্থ। তাহাদের (পূর্বগতদিগের) নিকট তাহাদিগকে (পশ্চাদাগতদিগকে) স্বীয় পরিশুদ্ধি প্রকাশ করিতে হইবে। আবৃত্তিকারীদিগের (পূর্বগতদিগের) ‘দুষ্কট’ অপরাধ হইবে।

(১৫) হে ভিক্ষুগণ! ... তাহাদের প্রাতিমোক্ষ-আবৃত্তি সমাপ্ত হইয়াছে এবং পারিষদবর্গ আসন হইতে উঠিয়াছে এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় লঘিষ্ঠ। তাহাদের প্রাতিমোক্ষ-আবৃত্তি যথার্থ। তাহাদের (পূর্বগতদিগের) নিকট তাহাদিগকে (পশ্চাদাগতদিগকে) স্বীয় পরিশুদ্ধি প্রকাশ করিতে হইবে। আবৃত্তিকারীদিগের (পূর্বগতদিগের) ‘দুষ্কট’ অপরাধ হইবে।

॥ সঙ্ঘের একাংশ হইয়া সম্প্রজ্ঞান পঞ্চদশ সমাপ্ত ॥

(c) আবাসস্থ অন্যের অনুপস্থিতিতে সন্দিগ্ধভাবে কৃত সদোষ উপোষথ

১১—(১) হে ভিক্ষুগণ! এক আবাসে উপোষথ-দিবসে আবাসস্থ বহুসংখ্যক ভিক্ষু সমবেত হয়, তাহারা সংখ্যায় চারিজন বা ততোধিক। তাহারা জানে যে আবাসস্থ আরও অন্য ভিক্ষু আছে এবং তাহারা উপস্থিত হয় নাই। তাহারা ‘আমাদের উপোষথ করা বিধিসম্মত হইবে, না বিধিবহির্ভূত হইবে’ এই ভাবিয়া, সন্দিগ্ধ হইয়া উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তির সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় গরিষ্ঠ। তাহাদিগকে (পূর্বগতদিগকে) পুনরায় প্রাতিমোক্ষ-আবৃত্তি করিতে হইবে। আবৃত্তিকারীদিগের (পূর্বগতদিগের) ‘দুষ্কট’ অপরাধ হইবে।

(২) হে ভিক্ষুগণ! ... তাহারা ‘আমাদের উপোষথ করা বিধিসম্মত হইবে, না বিধিবহির্ভূত হইবে’ এই ভাবিয়া, সন্দিগ্ধ হইয়া উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তির সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় সমান। তাহাদের প্রাতিমোক্ষ-আবৃত্তি যথার্থ। অবশিষ্টাংশ তাহাদিগকে (পশ্চাদাগতদিগকে) শ্রবণ করিতে হইবে। আবৃত্তিকারীদিগের (পূর্বগতদিগের) ‘দুষ্কট’ অপরাধ হইবে।

(৩) হে ভিক্ষুগণ! ... তাহারা ‘আমাদের উপোষথ করা বিধিসম্মত হইবে, না বিধিবহির্ভূত হইবে’ এইভাবে সন্দিগ্ধ হইয়া উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তির সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় লঘিষ্ঠ। তাহাদের প্রাতিমোক্ষ-আবৃত্তি যথার্থ। অবশিষ্টাংশ তাহাদিগকে (পশ্চাদাগতদিগকে) শ্রবণ করিতে হইবে। আবৃত্তিকারীদিগের (পূর্বগতদিগের) ‘দুষ্কট’ অপরাধ হইবে।

১২—(৪) হে ভিক্ষুগণ! ... তাহারা ‘আমাদের উপোষথ করা বিধিসম্মত, না বিধিবহির্ভূত হইবে’ এইভাবে সন্দিগ্ধ হইয়া উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপ্ত হইয়াছে এমন সময় আবাসস্থ অন্য

ভিক্ষুগণ আসিয়া উপস্থিত হয়, তাহারা সংখ্যায় গরিষ্ঠ। তাহাদিগকে (পূর্বাগতদিগকে) পুনরায় প্রাতিমোক্ষ-আবৃত্তি করিতে হইবে। আবৃত্তিকারীদিগের (পূর্বাগতদিগের) ‘দুষ্কট’ অপরাধ হইবে।

(৫) হে ভিক্ষুগণ! ... তাহারা ‘আমাদের উপোষথ করা বিধিসম্মত, না বিধিবহির্ভূত হইবে’ এইভাবে সন্দিগ্ধ হইয়া উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপ্ত হইয়াছে এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় সমান। তাহাদের প্রাতিমোক্ষ-আবৃত্তি সমাপন যথার্থ। তাহাদের (পূর্বাগতদিগের) নিকট তাহাদিগকে (পশ্চাদাগতদিগকে) স্বীয় পরিশুদ্ধি প্রকাশ করিতে হইবে। আবৃত্তিকারীদিগের (পূর্বাগতদিগের) ‘দুষ্কট’ অপরাধ হইবে।

(৬) হে ভিক্ষুগণ! ... তাহারা ‘আমাদের উপোষথ করা বিধিসম্মত, না বিধিবহির্ভূত হইবে’ এইভাবে সন্দিগ্ধ হইয়া উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপ্ত হইয়াছে এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় লঘিষ্ঠ। তাহাদের প্রাতিমোক্ষ-আবৃত্তি সমাপন যথার্থ। তাহাদের (পূর্বাগতদিগের) নিকট তাহাদিগকে (পশ্চাদাগতদিগকে) স্বীয় পরিশুদ্ধি প্রকাশ করিতে হইবে। আবৃত্তিকারীদিগের (পূর্বাগতদিগের) ‘দুষ্কট’ অপরাধ হইবে।

১৩—(৭) হে ভিক্ষুগণ! ... তাহারা ‘আমাদের উপোষথ করা বিধিসম্মত, না বিধিবহির্ভূত হইবে’ এইভাবে সন্দিগ্ধ হইয়া উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপ্ত হইয়াছে কিন্তু পারিষদবর্গ আসন হইতে উঠে নাই এমন সময় আবাসবাসী অন্য ভিক্ষুগণ আসিয়া উপস্থিত হয়, তাহারা সংখ্যায় অধিক। তাহাদিগকে (পূর্বাগতদিগকে) পুনরায় প্রাতিমোক্ষ-আবৃত্তি করিতে হইবে। আবৃত্তিকারীদিগের (পূর্বাগতদিগের) ‘দুষ্কট’ অপরাধ হইবে।

(৮) হে ভিক্ষুগণ! ... তাহারা ‘আমাদের উপোষথ করা বিধিসম্মত হইবে, না বিধিবহির্ভূত হইবে’ এইভাবে সন্দিগ্ধ হইয়া উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপ্ত হইয়াছে কিন্তু পারিষদবর্গ আসন হইতে উঠি নাই এমন সময় আবাসবাসী অন্য ভিক্ষুগণ আসিয়া উপস্থিত হয়, তাহারা সংখ্যায় সমান। তাহাদের প্রাতিমোক্ষ-আবৃত্তি সমাপন যথার্থ। তাহাদের (পূর্বাগতদিগের) নিকট তাহাদিগকে (পশ্চাদাগতদিগকে) স্বীয় পরিশুদ্ধি প্রকাশ করিতে হইবে। প্রাতিমোক্ষ-আবৃত্তিকারীদিগের (পূর্বাগতদিগের) ‘দুষ্কট’ অপরাধ হইবে।

(৯) হে ভিক্ষুগণ! ... তাহারা ‘আমাদের উপোষথ করা বিধিসম্মত, না বিধিবহির্ভূত হইবে’ এইভাবে সন্দিগ্ধ হইয়া উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপ্ত হইয়াছে কিন্তু পারিষদবর্গ আসন হইতে

উঠে নাই এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অল্পতর। তাহাদের প্রাতিমোক্ষ-আবৃত্তি সমাপন যথার্থ। তাহাদের (পূর্বাগতদিগের) নিকট তাহাদিগকে (পশ্চাদাগতদিগকে) স্বীয় পরিশুদ্ধি প্রকাশ করিতে হইবে। আবৃত্তিকারীদিগের (পূর্বাগতদিগের) ‘দুষ্কট’ অপরাধ হইবে।

১৪—(১০) হে ভিক্ষুগণ! ... তাহারা ‘আমাদের উপোষথ করা বিধিসম্মত, না বিধিবহির্ভূত হইবে’ এইভাবে সন্দিগ্ধ হইয়া উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপ্ত হইয়াছে এবং পারিষদবর্গেরও কেহ কেহ আসন হইতে উঠিয়াছে এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অধিক। তাহাদিগকে (পূর্বাগতদিগকে) পুনরায় প্রাতিমোক্ষ-আবৃত্তি করিতে হইবে। প্রাতিমোক্ষ-আবৃত্তিকারীদিগের (পূর্বাগতদিগের) ‘দুষ্কট’ অপরাধ হইবে।

(১১) হে ভিক্ষুগণ! ... তাহারা ‘আমাদের উপোষথ করা বিধিসম্মত, না বিধিবহির্ভূত হইবে’ এইভাবে সন্দিগ্ধ হইয়া উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপ্ত হইয়াছে এবং পারিষদবর্গেরও কেহ কেহ আসন হইতে উঠিয়াছে এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় সমান। তাহাদের প্রাতিমোক্ষ-আবৃত্তি সমাপন যথার্থ। তাহাদের (পূর্বাগতদিগের) নিকট তাহাদিগকে (পশ্চাদাগতদিগকে) স্বীয় পরিশুদ্ধি প্রকাশ করিতে হইবে। প্রাতিমোক্ষ-আবৃত্তিকারীদিগের (পূর্বাগতদিগের) ‘দুষ্কট’ অপরাধ হইবে।

(১২) হে ভিক্ষুগণ! ... তাহারা ‘আমাদের উপোষথ করা বিধিসম্মত, না বিধিবহির্ভূত হইবে’ এইভাবে সন্দিগ্ধ হইয়া উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপ্ত হইয়াছে এবং পারিষদবর্গের মধ্যেও কেহ কেহ আসন হইতে উঠিয়াছে এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অল্পতর। তাহাদের প্রাতিমোক্ষ-আবৃত্তি সমাপন যথার্থ। তাহাদিগকে (পশ্চাদাগতদিগকে) তাহাদের (পূর্বাগতদিগের) নিকট স্বীয় পরিশুদ্ধি প্রকাশ করিতে হইবে। প্রাতিমোক্ষ-আবৃত্তিকারীদিগের (পূর্বাগতদিগের) ‘দুষ্কট’ অপরাধ হইবে।

১৫—(১৩) হে ভিক্ষুগণ! ... তাহারা ‘আমাদের উপোষথ করা বিধিসম্মত, না বিধিবহির্ভূত হইবে’ এইভাবে সন্দিগ্ধ হইয়া উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপন হইয়াছে এবং পারিষদবর্গেরও সকলে আসন হইতে উঠিয়াছে এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অধিক। তাহাদিগকে (পূর্বাগতদিগকে) পুনরায় প্রাতিমোক্ষ-আবৃত্তি করিতে হইবে। প্রাতিমোক্ষ-আবৃত্তিকারীদিগের (পূর্বাগতদিগের) ‘দুষ্কট’ অপরাধ হইবে।

(১৪) হে ভিক্ষুগণ! ... তাহারা ‘আমাদের উপোষথ করা বিধিসম্মত, না বিধিবহির্ভূত হইবে’ এইভাবে সন্দিগ্ধ হইয়া উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপন হইয়াছে এবং পারিষদবর্গেরও সকলে আসন হইতে উঠিয়াছে এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় সমান। তাহাদের প্রাতিমোক্ষ-আবৃত্তি সমাপন যথার্থ। তাহাদিগকে (পশ্চাদাগতদিগকে) তাহাদের (পূর্বাগতদিগের) নিকট স্বীয় পরিশুদ্ধি প্রকাশ করিতে হইবে। প্রাতিমোক্ষ-আবৃত্তিকারীদিগের (পূর্বাগতদিগের) ‘দুষ্কট’ অপরাধ হইবে।

(১৫) হে ভিক্ষুগণ! ... তাহারা ‘আমাদের উপোষথ করা বিধিসম্মত, না বিধিবহির্ভূত হইবে’ এইভাবে সন্দিগ্ধ হইয়া উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপন হইয়াছে এবং পারিষদবর্গেরও সকলে আসন হইতে উঠিয়াছে এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অল্পতর। তাহাদের প্রাতিমোক্ষ-আবৃত্তি সমাপন যথার্থ। তাহাদিগকে (পশ্চাদাগতদিগকে) তাহাদের (পূর্বাগতদিগের) নিকট স্বীয় পরিশুদ্ধি প্রকাশ করিতে হইবে। প্রাতিমোক্ষ-আবৃত্তিকারীদিগের (পূর্বাগতদিগের) ‘দুষ্কট’ অপরাধ হইবে।

॥ সন্দিগ্ধভাব পঞ্চদশ সমাপ্ত ॥

(d) আবাসস্থ অন্যের অনুপস্থিতিতে সসঙ্কোচে

কৃত সদোষ উপোষথ

১৬—(১) হে ভিক্ষুগণ! এক আবাসে উপোষথ-দিবসে আবাসবাসী বহুসংখ্যক ভিক্ষু সমবেত হয়, তাহারা সংখ্যায় চারিজন বা ততোধিক। তাহারা জানে যে আবাসস্থ অন্য ভিক্ষু আরও আছে এবং তাহারা উপস্থিত হয় নাই। তাহারা ‘আমাদের উপোষথ করা বোধ হয় বিধিসম্মত হইবে, বিধিবহির্ভূত হইবে না’ এই ভাবিয়া সসঙ্কোচে উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তির সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অধিক। তাহাদিগকে (পূর্বাগতদিগকে) পুনরায় প্রাতিমোক্ষ-আবৃত্তি করিতে হইবে। আবৃত্তিকারীদিগের (পূর্বাগতদিগের) ‘দুষ্কট’ অপরাধ হইবে।

(২) হে ভিক্ষুগণ! ... তাহারা ‘আমাদের উপোষথ করা বোধ হয় বিধিসম্মত হইবে, বিধিবহির্ভূত হইবে না’ এই ভাবিয়া, সসঙ্কোচে উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তির সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় সমান। তাহাদের আবৃত্তি যথার্থ। অবশিষ্টাংশ তাহাদিগকে (পশ্চাদাগতদিগকে) শ্রবণ করিতে হইবে। আবৃত্তিকারীদিগের (পূর্বাগতদিগের) ‘দুষ্কট’ অপরাধ হইবে।

(৩) হে ভিক্ষুগণ! তাহারা ‘আমাদের উপোষথ করা বোধ হয় বিধিসম্মত হইবে, বিধিবহির্ভূত হইবে না’ এই ভাবিয়া সসঙ্কোচে উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তির সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অল্পতর। তাহাদের প্রাতিমোক্ষ-আবৃত্তি যথার্থ। অবশিষ্টাংশ তাহাদিগকে (পশ্চাদাগতদিগকে) শ্রবণ করিতে হইবে। আবৃত্তিকারীদিগের (পূর্বাগতদিগের) ‘দুষ্কট’ অপরাধ হইবে।

১৭—(৪) হে ভিক্ষুগণ! তাহারা ‘আমাদের উপোষথ করা বোধ হয় বিধিসম্মত হইবে, বিধিবহির্ভূত হইবে না’ এই ভাবিয়া সসঙ্কোচে উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপন হইয়াছে এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অধিক। তাহাদিগকে (পূর্বাগতদিগকে) পুনরায় প্রাতিমোক্ষ-আবৃত্তি করিতে হইবে। আবৃত্তিকারীদিগের (পূর্বাগতদিগের) ‘দুষ্কট’ অপরাধ হইবে।

(৫) হে ভিক্ষুগণ! তাহারা ‘আমাদের উপোষথ করা বোধ হয় বিধিসম্মত হইবে, বিধিবহির্ভূত হইবে না’ এই ভাবিয়া, সসঙ্কোচে উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপন হইয়াছে এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় সমান। তাহাদিগের আবৃত্তি যথার্থ। তাহাদিগকে (পশ্চাদাগতদিগকে) তাহাদের (পূর্বাগতদিগের) নিকট স্বীয় পরিশুদ্ধি প্রকাশ করিতে হইবে। প্রাতিমোক্ষ-আবৃত্তিকারীদিগের (পশ্চাদাগতদিগের) ‘দুষ্কট’ অপরাধ হইবে।

(৬) হে ভিক্ষুগণ! তাহারা ‘আমাদের উপোষথ করা বোধ হয় বিধিসম্মত হইবে, বিধিবহির্ভূত হইবে না’ এইভাবে সসঙ্কোচে উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপন হইয়াছে এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অল্পতর। তাহাদের প্রাতিমোক্ষ-আবৃত্তি যথার্থ। তাহাদিগকে (পশ্চাদাগতদিগকে) তাহাদের (পূর্বাগতদিগের) নিকট স্বীয় পরিশুদ্ধি প্রকাশ করিতে হইবে। প্রাতিমোক্ষ-আবৃত্তিকারীদিগের (পূর্বাগতদিগের) ‘দুষ্কট’ অপরাধ হইবে।

১৮—(৭) হে ভিক্ষুগণ! তাহারা ‘আমাদের উপোষথ করা বোধ হয় বিধিসম্মত হইবে, বিধিবহির্ভূত হইবে না’ এই ভাবিয়া সসঙ্কোচে উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপ্ত হইয়াছে কিন্তু পারিষদবর্গ আসন হইতে উঠে নাই এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অধিক। তাহাদিগকে (পূর্বাগতদিগকে) পুনরায় প্রাতিমোক্ষ-আবৃত্তি করিতে হইবে। আবৃত্তিকারীদিগের (পূর্বাগতদিগের) ‘দুষ্কট’ অপরাধ হইবে।

(৮) হে ভিক্ষুগণ! ... তাহারা ‘আমাদের উপোষথ করা বোধ হয় বিধিসম্মত হইবে, বিধিবহির্ভূত হইবে না’ এই ভাবিয়া, সসঙ্কোচে উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপ্ত হইয়াছে কিন্তু পারিষদবর্গ আসন হইতে উঠে নাই এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় সমান। তাহাদের আবৃত্তি যথার্থ। তাহাদিগকে (পশ্চাদাগতদিগকে) তাহাদের (পূর্বাগতদিগের) নিকট স্বীয় পরিশুদ্ধ প্রকাশ করিতে হইবে। প্রাতিমোক্ষ-আবৃত্তিকারীদিগের (পূর্বাগতদিগের) ‘দুষ্কট’ অপরাধ হইবে।

(৯) হে ভিক্ষুগণ! ... তাহারা ‘আমাদের উপোষথ করা বোধ হয় বিধিসম্মত হইবে (বিধিবহির্ভূত হইবে না’ এই ভাবিয়া সসঙ্কোচে উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপ্ত হইয়াছে কিন্তু পারিষদবর্গ আসন হইতে উঠে নাই এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অল্পতর। তাহাদের প্রাতিমোক্ষ-আবৃত্তি যথার্থ। তাহাদের (পূর্বাগতদিগের) নিকট তাহাদিগকে (পশ্চাদাগতদিগকে) স্বীয় পরিশুদ্ধ প্রকাশ করিতে হইবে। প্রাতিমোক্ষ-আবৃত্তিকারীদিগের (পূর্বাগতদিগের) ‘দুষ্কট’ অপরাধ হইবে।

১৯—(১০) হে ভিক্ষুগণ! ... তাহারা ‘আমাদের উপোষথ করা বোধ হয় বিধিসম্মত হইবে, বিধিবহির্ভূত হইবে না’ এই ভাবিয়া সসঙ্কোচে উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপন হইয়াছে এবং পারিষদবর্গের মধ্যে কেহ কেহ আসন হইতে উঠিয়াছে এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অধিক। আবৃত্তিকারীদিগকে (পূর্বাগতদিগকে) পুনরায় প্রাতিমোক্ষ-আবৃত্তি করিতে হইবে। আবৃত্তিকারীদিগের (পূর্বাগতদিগের) ‘দুষ্কট’ অপরাধ হইবে।

(১১) হে ভিক্ষুগণ! ... তাহারা ‘আমাদের উপোষথ করা বোধ হয় বিধিসম্মত হইবে, বিধিবহির্ভূত হইবে না’ এই ভাবিয়া সসঙ্কোচে উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপন হইয়াছে এবং পারিষদবর্গের মধ্যেও কেহ কেহ আসন হইতে উঠিয়াছে এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় সমান। তাহাদিগের (পূর্বাগতদিগের) প্রাতিমোক্ষ-আবৃত্তি যথার্থ। তাহাদের (পূর্বাগতদিগের) নিকট তাহাদিগকে (পশ্চাদাগতদিগকে) স্বীয় পরিশুদ্ধ প্রকাশ করিতে হইবে। আবৃত্তিকারীদিগের (পূর্বাগতদিগের) ‘দুষ্কট’ অপরাধ হইবে।

(১২) হে ভিক্ষুগণ! ... তাহারা ‘আমাদের উপোষথ করা বোধ হয় বিধিসম্মত হইবে, বিধিবহির্ভূত হইবে না’ এই ভাবিয়া সসঙ্কোচে উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপন হইয়াছে এবং পারিষদবর্গের মধ্যেও কেহ কেহ আসন হইতে উঠিয়াছে এমন সময় আবাসস্থ অন্য

ভিক্ষুগণ আসিয়া উপস্থিত হয়, তাহারা সংখ্যায় অল্পতর। তাহাদের প্রাতিমোক্ষ-আবৃত্তি যথার্থ। তাহাদের (পূর্বাগতদিগের) নিকট তাহাদিগকে (পশ্চাদাগতদিগকে) স্বীয় পরিশুদ্ধি প্রকাশ করিতে হইবে। আবৃত্তিকারীদিগের (পূর্বাগতদিগের) ‘দুষ্কট’ অপরাধ হইবে।

২০—(১৩) হে ভিক্ষুগণ! ... তাহারা ‘আমাদের উপোষথ করা বোধ হয় বিধিসম্মত হইবে, বিধিবহির্ভূত হইবে না’ এই ভাবিয়া সসঙ্কোচে উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপন হইয়াছে এবং সমগ্র পারিষদ আসন হইতে উঠিয়াছে এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অধিক। তাহাদিগকে পুনরায় প্রাতিমোক্ষ-আবৃত্তি করিতে হইবে। আবৃত্তিকারীদিগের (পূর্বাগতদিগের) ‘দুষ্কট’ অপরাধ হইবে।

(১৪) হে ভিক্ষুগণ! ... তাহারা ‘আমাদের উপোষথ করা বোধ হয় বিধিসম্মত হইবে, বিধিবহির্ভূত হইবে না’ এই ভাবিয়া সসঙ্কোচে উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপন হইয়াছে এবং সমগ্র পারিষদ আসন হইতে উঠিয়াছে এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় সমান। তাহাদের প্রাতিমোক্ষ-আবৃত্তি যথার্থ। তাহাদের (পূর্বাগতদিগের) নিকট তাহাদিগকে (পশ্চাদাগতদিগকে) স্বীয় পরিশুদ্ধি প্রকাশ করিতে হইবে। আবৃত্তিকারীদিগের (পূর্বাগতদিগের) ‘দুষ্কট’ অপরাধ হইবে।

(১৫) হে ভিক্ষুগণ! ... তাহারা ‘আমাদের উপোষথ করা বোধ হয় বিধিসম্মত হইবে, বিধিবহির্ভূত হইবে না’ এই ভাবিয়া সসঙ্কোচে উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপন হইয়াছে এবং সমগ্র পারিষদ আসন হইতে উঠিয়াছে এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অল্পতর। তাহাদের প্রাতিমোক্ষ-আবৃত্তি যথার্থ। তাহাদের (পূর্বাগতদিগের) নিকট তাহাদিগকে (পশ্চাদাগতদিগকে) স্বীয় পরিশুদ্ধি প্রকাশ করিতে হইবে। আবৃত্তিকারীদিগের (পূর্বাগতদিগের) ‘দুষ্কট’ অপরাধ হইবে।

॥ সসঙ্কোচে পঞ্চদশ সমাপ্ত ॥

(e) আবাসস্থ অন্যের অনুপস্থিতিতে ভেদেছায় কৃত সদোষ উপোষথ

২১—(১) হে ভিক্ষুগণ! এক আবাসে উপোষথ-দিবসে আবাসস্থ বহুসংখ্যক ভিক্ষু সমবেত হয়, তাহারা সংখ্যায় চারিজন বা ততোধিক। তাহারা জানে যে আবাসে আরও অন্য ভিক্ষু আছে এবং তাহারা আসে নাই। তাহারা (পূর্বাগতগণ) ‘তাহারা নাশ হউক, তাহারা বিনাশ হউক এবং তাহাদের কি প্রয়োজন?’ এই বলিয়া বিচ্ছেদ

করিবার ইচ্ছায় পৃথকভাবে উপোষথ করে এবং প্রাতিমোক্ষ-আবৃত্তি করে। তাহারা প্রাতিমোক্ষ-আবৃত্তি করিবার সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অধিক। তাহাদিগকে (পূর্বগতদিগকে) পুনরায় প্রাতিমোক্ষ-আবৃত্তি করিতে হইবে। আবৃত্তিকারীদিগের (পূর্বগতদিগের) ‘থুল্লচ্চয়’ অপরাধ হইবে।

(২) হে ভিক্ষুগণ! ... তাহারা পূর্বগতগণ ‘তাহারা নাশ হউক, তাহারা বিনাশ হউক এবং তাহাদের কি প্রয়োজন?’ এই বলিয়া বিচ্ছেদ করিবার ইচ্ছায় পৃথকভাবে উপোষথ করে এবং প্রাতিমোক্ষ-আবৃত্তি করে। তাহারা প্রাতিমোক্ষ-আবৃত্তি করিবার সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় সমান। তাহাদের প্রাতিমোক্ষ-আবৃত্তি যথার্থ। অবশিষ্টাংশ তাহাদিগকে (পশ্চাদাগতদিগকে) শ্রবণ করিতে হইবে। আবৃত্তিকারীদিগের (পূর্বগতদিগের) ‘থুল্লচ্চয়’ অপরাধ হইবে।

(৩) হে ভিক্ষুগণ! ... তাহারা পূর্বগতগণ ‘তাহারা নাশ হউক, তাহারা বিনাশ হউক এবং তাহাদের কি প্রয়োজন?’ এই বলিয়া বিচ্ছেদ করিবার ইচ্ছায় পৃথকভাবে উপোষথ করে এবং প্রাতিমোক্ষ-আবৃত্তি করে। তাহারা প্রাতিমোক্ষ-আবৃত্তি করিবার সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অল্পতর। তাহাদের (পূর্বগতদের) প্রাতিমোক্ষ-আবৃত্তি যথার্থ। অবশিষ্টাংশ তাহাদিগকে (পশ্চাদাগতদিগকে) শ্রবণ করিতে হইবে। আবৃত্তিকারীদিগের (পূর্বগতদিগের) ‘থুল্লচ্চয়’ অপরাধ হইবে।

২২—(৪) হে ভিক্ষুগণ! ... তাহারা পূর্বগতগণ ‘তাহারা নাশ হউক, তাহারা বিনাশ হউক এবং তাহাদের কি প্রয়োজন?’ এই বলিয়া বিচ্ছেদ করিবার ইচ্ছায় উপোষথ করে এবং প্রাতিমোক্ষ-আবৃত্তি করে। তাহারা প্রাতিমোক্ষ-আবৃত্তি সমাপ্ত করিবার পর আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অধিক। তাহাদিগকে (পূর্বগতদিগকে) পুনরায় প্রাতিমোক্ষ-আবৃত্তি করিতে হইবে। আবৃত্তিকারীদিগের (পূর্বগতদিগের) ‘থুল্লচ্চয়’ অপরাধ হইবে।

(৫) হে ভিক্ষুগণ! ... তাহারা পূর্বগতগণ ‘তাহারা নাশ হউক, তাহারা বিনাশ হউক এবং তাহাদের কি প্রয়োজন?’ এই বলিয়া বিচ্ছেদ করিবার ইচ্ছায় উপোষথ করে এবং প্রাতিমোক্ষ-আবৃত্তি করে। তাহারা প্রাতিমোক্ষ-আবৃত্তি সমাপ্ত করিবার পর আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় সমান। তাহাদের প্রাতিমোক্ষ-আবৃত্তি যথার্থ। তাহাদিগকে (পশ্চাদাগতদিগকে) তাহাদের (পূর্বগতদিগের) নিকট স্থায় পরিশুদ্ধি প্রকাশ করিতে হইবে। আবৃত্তিকারীদিগের (পূর্বগতদিগের) ‘থুল্লচ্চয়’ অপরাধ হইবে।

(৬) হে ভিক্ষুগণ! ... তাহারা পূর্বগতগণ ‘তাহারা নাশ হউক, তাহারা বিনাশ হউক এবং তাহাদের কি প্রয়োজন?’ এই বলিয়া বিচ্ছেদের ইচ্ছায় উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপ্ত হইবার

পর আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অল্পতর। তাহাদের (পূর্বাগতদিগের) প্রাতিমোক্ষ-আবৃত্তি যথার্থ। তাহাদিগকে (পশ্চাদাগতদিগকে) তাহাদের (পূর্বাগতদিগের) নিকট স্বীয় পরিশুদ্ধি প্রকাশ করিতে হইবে। আবৃত্তিকারীদিগের (পূর্বাগতদিগের) ‘খুল্লচ্চয়’ অপরাধ হইবে।

২৩—(৭) হে ভিক্ষুগণ! ... তাহারা পূর্বাগতগণ ‘তাহারা নাশ হউক, তাহারা বিনাশ হউক এবং তাহাদের কি প্রয়োজন?’ এই বলিয়া বিচ্ছেদের ইচ্ছায় উপোষথ করে এবং প্রাতিমোক্ষ-আবৃত্তি করে। তাহাদের আবৃত্তি সমাপ্ত হইয়াছে কিন্তু পারিষদবর্গ আসন হইতে উঠে নাই এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অধিক। তাহাদিগকে (পূর্বাগতদিগকে) পুনরায় প্রাতিমোক্ষ-আবৃত্তি করিতে হইবে। আবৃত্তিকারীদিগের (পূর্বাগতদিগের) ‘খুল্লচ্চয়’ অপরাধ হইবে।

(৮) হে ভিক্ষুগণ! ... তাহারা পূর্বাগতগণ ‘তাহারা নাশ হউক, তাহারা বিনাশ হউক এবং তাহাদের কি প্রয়োজন?’ এই বলিয়া বিচ্ছেদের ইচ্ছায় উপোষথ করে এবং প্রাতিমোক্ষ-আবৃত্তি করে। তাহাদের আবৃত্তি সমাপ্ত হইয়াছে কিন্তু পারিষদবর্গ আসন হইতে উঠে নাই এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় সমান। তাহাদের প্রাতিমোক্ষ-আবৃত্তি যথার্থ। তাহাদিগকে (পশ্চাদাগতদিগকে) তাহাদের (পূর্বাগতদিগের) নিকট স্বীয় পরিশুদ্ধি প্রকাশ করিতে হইবে। আবৃত্তিকারীদিগের (পূর্বাগতদিগের) ‘খুল্লচ্চয়’ অপরাধ হইবে।

(৯) হে ভিক্ষুগণ! ... তাহারা পূর্বাগতগণ ‘তাহারা নাশ হউক, তাহারা বিনাশ হউক এবং তাহাদের কি প্রয়োজন?’ এই বলিয়া বিচ্ছেদের ইচ্ছায় উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপ্ত হইয়াছে কিন্তু পারিষদবর্গ আসন হইতে উঠে নাই এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অল্পতর। তাহাদের প্রাতিমোক্ষ-আবৃত্তি যথার্থ। তাহাদিগকে (পশ্চাদাগতদিগকে) তাহাদের (পূর্বাগতদিগের) নিকট স্বীয় পরিশুদ্ধি প্রকাশ করিতে হইবে। আবৃত্তিকারীদিগের (পূর্বাগতদিগের) ‘খুল্লচ্চয়’ অপরাধ হইবে।

২৪—(১০) হে ভিক্ষুগণ! ... তাহারা পূর্বাগতগণ ‘তাহারা নাশ হউক, তাহারা বিনাশ হউক এবং তাহাদের কি প্রয়োজন?’ এই বলিয়া বিচ্ছেদের ইচ্ছায় উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপ্ত হইয়াছে এবং পারিষদবর্গেরও কেহ কেহ আসন হইতে উঠিয়াছে এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অধিক। তাহাদিগকে (পূর্বাগতদিগকে) পুনরায় প্রাতিমোক্ষ-আবৃত্তি করিতে হইবে। আবৃত্তিকারীদিগের (পূর্বাগতদিগের) ‘খুল্লচ্চয়’ অপরাধ হইবে।

(১১) হে ভিক্ষুগণ! ... তাহারা পূর্বাগতগণ ‘তাহারা নাশ হউক, তাহারা বিনাশ হউক এবং তাহাদের কি প্রয়োজন?’ এই বলিয়া বিচ্ছেদের ইচ্ছায় উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপ্ত হইয়াছে এবং পারিষদবর্গেরও কেহ কেহ আসন হইতে উঠিয়াছে এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় সমান। তাহাদের প্রাতিমোক্ষ-আবৃত্তি যথার্থ। তাহাদিগকে (পশ্চাদাগতদিগকে) তাহাদের (পূর্বাগতদিগের) নিকট স্বীয় পরিশুদ্ধি প্রকাশ করিতে হইবে। আবৃত্তিকারীদিগের (পূর্বাগতদিগের) ‘থুল্লচ্চয়’ অপরাধ হইবে।

(১২) হে ভিক্ষুগণ! ... তাহারা পূর্বাগতগণ ‘তাহারা নাশ হউক, তাহারা বিনাশ হউক এবং তাহাদের কি প্রয়োজন?’ এই বলিয়া বিচ্ছেদের ইচ্ছায় উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপ্ত হইয়াছে এবং পারিষদবর্গেরও কেহ কেহ আসন হইতে উঠিয়াছে এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অল্পতর। তাহাদের (পূর্বাগতদিগের) প্রাতিমোক্ষ-আবৃত্তি যথার্থ। তাহাদের (পূর্বাগতদিগের) নিকট তাহাদিগকে (পশ্চাদাগতদিগকে) স্বীয় পরিশুদ্ধি প্রকাশ করিতে হইবে। আবৃত্তিকারীদিগের (পূর্বাগতদিগের) ‘থুল্লচ্চয়’ অপরাধ হইবে।

২৫—(১৩) হে ভিক্ষুগণ! ... তাহারা পূর্বাগতগণ ‘তাহারা নাশ হউক, তাহারা বিনাশ হউক এবং তাহাদের কি প্রয়োজন?’ এই বলিয়া বিচ্ছেদের ইচ্ছায় উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপ্ত হইয়াছে এবং পারিষদবর্গেরও সকলে আসন হইতে উঠিয়াছে এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অধিক। তাহাদিগকে (পূর্বাগতদিগকে) পুনরায় প্রাতিমোক্ষ-আবৃত্তি করিতে হইবে। আবৃত্তিকারীদিগের (পূর্বাগতদিগের) ‘থুল্লচ্চয়’ অপরাধ হইবে।

(১৪) হে ভিক্ষুগণ! ... তাহারা পূর্বাগতগণ ‘তাহারা নাশ হউক, তাহারা বিনাশ হউক এবং তাহাদের কি প্রয়োজন?’ এই বলিয়া বিচ্ছেদের ইচ্ছায় উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপ্ত হইয়াছে এবং সমগ্র পারিষদও আসন হইতে উঠিয়াছে এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় সমান। তাহাদের প্রাতিমোক্ষ-আবৃত্তি যথার্থ। তাহাদিগকে (পশ্চাদাগতদিগকে) তাহাদের (পূর্বাগতদিগের) নিকট স্বীয় পরিশুদ্ধি প্রকাশ করিতে হইবে। আবৃত্তিকারীদিগের (পূর্বাগতদিগের) ‘থুল্লচ্চয়’ অপরাধ হইবে।

(১৫) হে ভিক্ষুগণ! ... তাহারা পূর্বাগতগণ ‘তাহারা নাশ হউক, তাহারা বিনাশ হউক এবং তাহাদের কি প্রয়োজন?’ এই বলিয়া বিচ্ছেদের ইচ্ছায় উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি সমাপ্ত হইয়াছে

এবং সমগ্র পারিষদ আসন হইতে উঠিয়াছে এমন সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অল্পতর। তাহাদের প্রাতিমোক্ষ-আবৃত্তি যথার্থ। তাহাদিগকে (পশ্চাদাগতদিগকে) তাহাদের (পূর্বাগতদিগের) নিকট স্বীয় পরিশুদ্ধি প্রকাশ করিতে হইবে। আবৃত্তিকারীদিগের (পূর্বাগতদিগের) ‘খুল্লচ্চয়’ অপরাধ হইবে।

॥ ভেদের ইচ্ছা পঞ্চদশ সমাপ্ত ॥

॥ পঞ্চবিংশতি তিক সমাপ্ত ॥

খ, আবাসস্থ অন্যের অনুপস্থিতি না জানিয়া কৃত উপোষথ

২৬ হইতে ৫০—হে ভিক্ষুগণ! এক আবাসে উপোষথ-দিবসে আবাসস্থ বহুসংখ্যক ভিক্ষু সমবেত হয়, তাহারা সংখ্যায় চারিজন বা ততোধিক। তাহারা জানিতে পাইল না যে আবাসস্থ অন্য ভিক্ষুগণ সীমাভ্যন্তরে প্রবেশ করিতেছে। তাহারা ধর্মসঙ্গত এবং বিনয়সঙ্গত মনে করিয়া সঙ্ঘের একাংশ হইয়াও নিজে কে সমগ্র জ্ঞান করিয়া উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি করিবার সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় (পূর্বাগতদিগের অপেক্ষা) অধিক। তাহাদিগকে (পূর্বাগতদিগকে) পুনরায় প্রাতিমোক্ষ-আবৃত্তি করিতে হইবে। আবৃত্তিকারীদিগের (পূর্বাগতদিগের) অপরাধ হইবে না।

[পূর্বোক্ত পঞ্চবিংশতি তিকের ন্যায় এখানেও উপোষথ করিবার সময়, উপোষথ সমাপনের পর, পারিষদবর্গ আসন হইতে উঠিবার পূর্বে, পারিষদবর্গের কেহ কেহ আসন হইতে উঠিবার পর এবং পারিষদবর্গের সকলে আসন হইতে উঠিবার পর এই পাঁচটিকে না জানা, জানা, সন্দিগ্ধভাব, সসঙ্কোচ এবং বিচ্ছেদের সহিত মিলাইয়া পড়িলে পঞ্চবিংশতি তিক হইবে।]

৫১ হইতে ৭৫—হে ভিক্ষুগণ! এক আবাসে উপোষথ-দিবসে আবাসস্থ বহুসংখ্যক ভিক্ষু সমবেত হয়, তাহারা সংখ্যায় চারিজন বা ততোধিক। তাহারা জানিতে পাইল না যে আবাসস্থ অন্য ভিক্ষুগণ সীমাভ্যন্তরে প্রবেশ করিয়াছে। তাহারা ধর্মসঙ্গত এবং বিনয়সঙ্গত মনে করিয়া সঙ্ঘের একাংশ হইয়াও নিজে কে সমগ্র জ্ঞান করিয়া উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি করিবার সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় (পূর্বাগতদিগের অপেক্ষা) অধিক। তাহাদিগকে (পূর্বাগতদিগকে) পুনরায় প্রাতিমোক্ষ-আবৃত্তি করিতে হইবে। আবৃত্তিকারীদিগের (পূর্বাগতদিগের) অপরাধ হইবে না।

[পূর্বোক্ত পঞ্চবিংশতি তিকের ন্যায় এখানেও উপোষথ করিবার সময়, উপোষথ সমাপনের পর, পারিষদবর্গ আসন হইতে উঠিবার পূর্বে, পারিষদবর্গের কেহ কেহ আসন হইতে উঠিবার পর এবং সমগ্র পারিষদ আসন হইতে উঠিবার পর এই পাঁচটিকে না জানা, জানা, সন্দিগ্ধভাব, সসঙ্কোচ এবং ভেদেচ্ছার সহিত মিলাইয়া পড়িলে পঞ্চবিংশতি তিক হইবে।]

গ, আবাসস্থ অন্যের অনুপস্থিতি না দেখিয়া কৃত উপোষথ

৭৬ হইতে ১০০—হে ভিক্ষুগণ! এক আবাসে উপোষথ-দিবসে আবাসস্থ বহুসংখ্যক ভিক্ষু সমবেত হয়, তাহারা সংখ্যায় চারিজন বা ততোধিক। তাহারা জানিতে পাইল না যে আবাসস্থ অন্য ভিক্ষুগণ সীমাভ্যন্তরে প্রবেশ করিতেছে। তাহারা ধর্মসঙ্গত এবং বিনয়সঙ্গত মনে করিয়া, সজ্জের একাংশ হইয়াও নিজেকে সমগ্র জ্ঞান করিয়া উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি করিবার সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় (পূর্বাগতের অপেক্ষা) অধিক। হে ভিক্ষুগণ! তাহাদিগকে (পূর্বাগতদিগকে) পুনরায় প্রাতিমোক্ষ-আবৃত্তি করিতে হইবে। আবৃত্তিকারীদিগের (পূর্বাগতদিগের) অপরাধ হইবে না। [পূর্ববৎ।]

১০১ হইতে ১২৫—হে ভিক্ষুগণ! এক আবাসে উপোষথ-দিবসে আবাসস্থ বহুসংখ্যক ভিক্ষু সমবেত হয়, তাহারা সংখ্যায় চারিজন বা ততোধিক। তাহারা দেখিতে পাইল না যে আবাসস্থ অন্য ভিক্ষুগণ সীমাভ্যন্তরে প্রবেশ করিয়াছে। তাহারা ধর্মসঙ্গত এবং বিনয়সঙ্গত মনে করিয়া, সজ্জের একাংশ হইয়াও নিজেকে সমগ্র জ্ঞান করিয়া উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি করিবার সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় (পূর্বাগতের অপেক্ষা) অধিক। তাহাদিগকে পুনরায় প্রাতিমোক্ষ-আবৃত্তি করিতে হইবে। আবৃত্তিকারীদিগের (পূর্বাগতের) অপরাধ হইবে না। [পূর্ববৎ।]

ঘ, আবাসস্থ অন্যের অনুপস্থিতি না শুনিয়া কৃত উপোষথ

১২৬ হইতে ১৫০—হে ভিক্ষুগণ! এক আবাসে উপোষথ-দিবসে আবাসস্থ বহুসংখ্যক ভিক্ষু সমবেত হয়, তাহারা সংখ্যায় চারিজন বা ততোধিক। তাহারা শুনিতে পাইল না যে আবাসস্থ অন্য ভিক্ষুগণ সীমাভ্যন্তরে প্রবেশ করিতেছে। তাহারা ধর্মসঙ্গত এবং বিনয়সঙ্গত মনে করিয়া, সজ্জের একাংশ হইয়াও নিজেকে সমগ্র জ্ঞান করিয়া উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি করিবার সময় আবাসস্থ অন্য ভিক্ষুগণ আসিয়া উপস্থিত হয়,

তাহারা সংখ্যায় অধিক। তাহাদিগকে (পূর্বাগতদিগকে) পুনরায় প্রাতিমোক্ষ-আবৃত্তি করিতে হইবে। আবৃত্তিকারীদিগের (পূর্বাগতদিগের) অপরাধ হইবে না। [পূর্ববৎ।]

১৫১ হইতে ১৭৫—হে ভিক্ষুগণ! এক আবাসে উপোষথ-দিবসে আবাসস্থ বহুসংখ্যক ভিক্ষু সমবেত হয়, তাহারা সংখ্যায় চারিজন বা ততোধিক। তাহারা শুনিতে পাইল না যে আবাসস্থ অন্য ভিক্ষুগণ সীমান্তের প্রবেশ করিয়াছে। তাহারা ধর্মসঙ্গত এবং বিনয়সঙ্গত মনে করিয়া, সজ্জের একাংশ হইয়াও নিজেকে সমগ্র জ্ঞান করিয়া উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি করিবার সময় আবাসস্থ অন্য ভিক্ষুগণ আসিয়া উপস্থিত হয়, তাহারা সংখ্যায় অধিক। তাহাদিগকে (পূর্বাগতদিগকে) পুনরায় প্রাতিমোক্ষ-আবৃত্তি করিতে হইবে। আবৃত্তিকারীদিগের (পূর্বাগতদিগের) অপরাধ হইবে না। [পূর্ববৎ।]

(২) অভ্যাগতের অনুপস্থিতি না জানিয়া, না দেখিয়া, না শুনিয়া আবাসস্থদিগের কৃত উপোষথ

১৭৬ হইতে ৩৫০—হে ভিক্ষুগণ! এক আবাসে উপোষথ-দিবসে আবাসস্থ বহুসংখ্যক ভিক্ষু সমবেত হয়, তাহারা সংখ্যায় চারিজন বা ততোধিক। তাহারা জানিতে পারিল না যে অভ্যাগত ভিক্ষুগণ উপস্থিত হয় নাই। তাহারা ধর্মসঙ্গত এবং বিনয়সঙ্গত মনে করিয়া, সজ্জের একাংশ হইয়াও নিজেকে সমগ্র জ্ঞান করিয়া উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি করিবার সময় অভ্যাগত ভিক্ষুগণ আসিয়া উপস্থিত হয়, তাহারা সংখ্যায় অধিক। তাহাদিগকে (আবাসস্থদিগকে) পুনরায় প্রাতিমোক্ষ-আবৃত্তি করিতে হইবে। আবৃত্তিকারীদিগের (আবাসস্থদিগের) অপরাধ হইবে না। [পূর্ববৎ।]

(৩) আবাসস্থের অনুপস্থিতি না জানিয়া, না দেখিয়া, না শুনিয়া অভ্যাগতদিগের কৃত উপোষথ

৩৫১ হইতে ৫২৫—হে ভিক্ষুগণ! এক আবাসে উপোষথ-দিবসে বহুসংখ্যক অভ্যাগত ভিক্ষু সমবেত হয়, তাহারা সংখ্যায় চারিজন বা ততোধিক। তাহারা জানিতে পারিল না যে আবাসস্থ ভিক্ষুগণ উপস্থিত হয় নাই। তাহারা ধর্মসঙ্গত এবং বিনয়সঙ্গত মনে করিয়া সজ্জের একাংশ হইয়াও নিজেকে সমগ্র জ্ঞান করিয়া উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি করিবার সময় আবাসস্থ ভিক্ষুগণ আসিয়া উপস্থিত হয়, তাহারা সংখ্যায় অধিক। তাহাদিগকে (অভ্যাগতদিগকে) পুনরায় প্রাতিমোক্ষ-আবৃত্তি করিতে হইবে। আবৃত্তিকারীদিগের (অভ্যাগতদিগের) অপরাধ হইবে না। [পূর্ববৎ।]

(৪) অভ্যাগতের অনুপস্থিতি না জানিয়া, না দেখিয়া, না শুনিয়া অভ্যাগতের কৃত উপোষথ

৫২৬ হইতে ৭০০—হে ভিক্ষুগণ! এক আবাসে উপোষথ-দিবসে বহুসংখ্যক অভ্যাগত ভিক্ষু সমবেত হয়, তাহারা সংখ্যায় চারিজন বা ততোধিক। তাহারা জানিতে পারিল না যে অন্য অভ্যাগত ভিক্ষুগণ উপস্থিত হয় নাই। তাহারা ধর্মসঙ্গত এবং বিনয়সঙ্গত মনে করিয়া সঙ্ঘের একাংশ হইয়াও নিজেকে সমগ্র জ্ঞান করিয়া উপোষথ করে এবং প্রাতিমোক্ষ-আবৃত্তি করে। তাহাদের প্রাতিমোক্ষ-আবৃত্তি করিবার সময় অন্য অভ্যাগত ভিক্ষুগণ আসিয়া উপস্থিত হয়, তাহারা সংখ্যায় অধিক। তাহাদিগকে (পূর্বাগত অভ্যাগতদিগকে) পুনরায় প্রাতিমোক্ষ-আবৃত্তি করিতে হইবে। আবৃত্তিকারীদিগের (পূর্বাগতদিগের) অপরাধ হইবে না। [পূর্ববৎ।]

উপোষথের কাল, স্থান এবং ব্যক্তি সম্বন্ধে নিয়ম

(১) দুই তিথিতে উপোষথ

১—হে ভিক্ষুগণ! যদি আবাসবাসী ভিক্ষুগণের চতুর্দশী উপোষথ হয়, আগন্তুক ভিক্ষুদিগের পঞ্চদশী উপোষথ হয় এবং আবাসবাসী ভিক্ষুগণের সংখ্যা অধিক হয় তাহা হইলে আগন্তুকগণকে আবাসবাসীদিগের অনুবর্তী হইতে হইবে। যদি উভয় পক্ষ সমান হয়, তাহা হইলেও আগন্তুকগণকে আবাসবাসীদিগের অনুবর্তী হইতে হইবে। যদি আগন্তুকগণ সংখ্যায় গরিষ্ঠ হয় তাহা হইলে আবাসবাসীদিগকে আগন্তুকগণের অনুবর্তী হইতে হইবে।

২—হে ভিক্ষুগণ! যদি আবাসবাসী ভিক্ষুদিগের পঞ্চদশী উপোষথ হয়, আগন্তুকগণের চতুর্দশী উপোষথ হয় এবং আবাসবাসী ভিক্ষুগণ সংখ্যায় গরিষ্ঠ হয় তাহা হইলে আগন্তুকগণকে আবাসবাসীদিগের অনুবর্তী হইতে হইবে। যদি উভয় পক্ষ সমান হয় তাহা হইলেও আগন্তুকদিগকে আবাসবাসীদিগের অনুবর্তী হইতে হইবে। যদি আগন্তুকগণ সংখ্যায় গরিষ্ঠ হয় তাহা হইলে আবাসবাসীদিগকে আগন্তুকগণের অনুবর্তী হইতে হইবে।

৩—হে ভিক্ষুগণ! যদি আবাসবাসী ভিক্ষুগণের প্রতিপদ হয়, আগন্তুকদিগের পঞ্চদশী হয় এবং আবাসবাসীগণ সংখ্যায় গরিষ্ঠ হয় তাহা হইলে অনিচ্ছায় আবাসবাসী ভিক্ষুগণের (আপনাদিগকে দিয়া) আগন্তুকগণের সঙ্ঘের পূর্ণতা সাধন করা উচিত নহে, আগন্তুকদিগের সীমার বাহিরে যাইয়া উপোষথ করা উচিত। যদি উভয় পক্ষ সমান হয় তাহা হইলে অনিচ্ছায় আবাসবাসী ভিক্ষুগণের (আপনাদিগকে দিয়া) আগন্তুকগণের সঙ্ঘের পূর্ণতা সাধন করা উচিত নহে, আগন্তুকদিগের সীমার

বাহিরে যাইয়া উপোষথ করা উচিত। যদি আগন্তুকগণ সংখ্যায় গরিষ্ঠ হয় তাহা হইলে আবাসবাসিগণের আগন্তুকদিগের সহিত যোগ দেওয়া উচিত অথবা সীমার বাহিরে যাওয়া উচিত।

৪—হে ভিক্ষুগণ! যদি আবাসবাসী ভিক্ষুগণের পঞ্চদশী হয়, আগন্তুকগণের প্রতিপদ হয় এবং আবাসবাসিগণ সংখ্যায় গরিষ্ঠ হয় তাহা হইলে আগন্তুকদিগের আবাসবাসীদিগের সঙ্গে যোগ দেওয়া উচিত অথবা সীমার বাহিরে যাওয়া উচিত। যদি উভয় পক্ষ সমান হয় তাহা হইলেও আগন্তুকগণের আবাসবাসিগণের সঙ্গে যোগ দেওয়া উচিত অথবা সীমার বাহিরে যাইয়া উপোষথ করা উচিত। যদি আগন্তুকগণ সংখ্যায় গরিষ্ঠ হয় তাহা হইলে অনিচ্ছায় আগন্তুকগণের আবাসবাসিগণের সঙ্গে যোগ দেওয়া উচিত নহে, আবাসবাসিগণের সীমার বাহিরে যাইয়া উপোষথ করা উচিত।

(২) আবাসিক এবং অভ্যাগতের পৃথক উপোষথ হইতে পারে না

১—হে ভিক্ষুগণ! আগন্তুক ভিক্ষুগণ দেখিতে পায় : আবাসবাসী ভিক্ষুদিগের আবাসের আকার, আবাসের চিহ্ন, আবাসের নিমিত্ত, আবাসের উদ্দেশ্য, সুশৃঙ্খলভাবে পাতা মঞ্চ, চৌকি, মাদুর, বালিস, উপস্থাপিত পানীয় পরিভোগ্য জল, সুসম্মার্জিত পরিবেশ। তাহা দেখিয়া আগন্তুকগণ সন্দিগ্ধ হয় : ‘আবাসবাসী ভিক্ষুগণ উপস্থিত আছে কি নাই।’ তাহারা যদি সন্দিগ্ধ হইয়া অনুসন্ধান না করে, অনুসন্ধান না করিয়া উপোষথ করে, তাহা হইলে তাহাদের ‘দুক্কট’ অপরাধ হইবে। যদি তাহারা সন্দিগ্ধ হইয়া অনুসন্ধান করে, অনুসন্ধান করিয়া দেখিতে না পায়, দেখিতে না পাইয়া উপোষথ করে, তাহা হইলে তাহাদের অপরাধ হইবে না। যদি তাহারা সন্দিগ্ধ হইয়া অনুসন্ধান করে, অনুসন্ধান করিয়া দেখিতে পায়, দেখিতে পাইয়া একসঙ্গে উপোষথ করে, তাহা হইলে তাহাদের অপরাধ হইবে না। যদি তাহারা সন্দিগ্ধ হইয়া অনুসন্ধান করে, অনুসন্ধান করিয়া দেখিতে পায়, দেখিতে পাইয়া পৃথকভাবে উপোষথ করে, তাহা হইলে তাহাদের ‘দুক্কট’ অপরাধ হইবে। যদি তাহারা সন্দিগ্ধ হইয়া বারম্বার অনুসন্ধান করিয়া দেখিতে পায়, দেখিতে পাইয়া ‘ইহারা নাশ হউক, ইহারা বিনাশ হউক এবং তাহাদের কি প্রয়োজন?’ এই বলিয়া বিচ্ছেদ কামনায় পৃথকভাবে উপোষথ করে, তাহা হইলে তাহাদের ‘খুল্লচ্ছয়’ অপরাধ হইবে।

২—হে ভিক্ষুগণ! আগন্তুক ভিক্ষুগণ শুনিতে পায় : আবাসবাসী ভিক্ষুগণের আবাসের আকার, আবাসের চিহ্ন, আবাসের নিমিত্ত, আবাসের উদ্দেশ্য, চক্রমনকারীদিগের পদশব্দ, স্বাধ্যায়-শব্দ, কাসির শব্দ এবং হাঁচির শব্দ। তাহা শ্রবণ করিয়া ‘আবাসবাসী ভিক্ষুগণ আছে কি নাই’ এই সম্বন্ধে সন্দিগ্ধ হয়। যদি তাহারা

সন্দিগ্ধ হইয়া অনুসন্ধান না করে, অনুসন্ধান না করিয়া উপোষথ করে, তাহা হইলে তাহাদের ‘দুষ্কট’ অপরাধ হইবে। [অবশিষ্টাংশ পূর্ববৎ।]

৩—হে ভিক্ষুগণ! আবাসবাসী ভিক্ষুগণ দেখিতে পায় : আগন্তুক ভিক্ষুগণের আগন্তুকাকার, আগন্তুক-চিহ্ন, আগন্তুক-নিমিত্ত, আগন্তুক-উদ্দেশ, অজানা পাত্র, অজানা চীবর, অজানা বসিবার আসন, পদধৌতের চিহ্ন এবং জলের দাগ। তাহা দেখিয়া ‘আগন্তুক ভিক্ষুগণ আছে কি নাই’ এই সম্বন্ধে সন্দিগ্ধ হয়, যদি সন্দিগ্ধ হইয়া তাহারা অনুসন্ধান না করে, অনুসন্ধান না করিয়া উপোষথ করে, তাহা হইলে তাহাদের ‘দুষ্কট’ অপরাধ হইবে। যদি তাহারা সন্দিগ্ধ হইয়া অনুসন্ধান করে, অনুসন্ধান করিয়া দেখিতে না পায়, দেখিতে না পাইয়া উপোষথ করে, তাহা হইলে তাহাদের অপরাধ হইবে না। [অবশিষ্টাংশ পূর্ববৎ।]

৪—হে ভিক্ষুগণ! আবাসবাসী ভিক্ষুগণ শ্রুতিতে পায় : আগন্তুক ভিক্ষুদিগের আগন্তুকাকার, আগন্তুক-চিহ্ন, আগন্তুক-নিমিত্ত, আগন্তুক-উদ্দেশ, আগন্তুকদিগের পদশব্দ, জুতার ফট্ ফট্ শব্দ, কাসির শব্দ, হাঁচির শব্দ। তাহা শ্রুতিয়া ‘আগন্তুক ভিক্ষু আছে কি নাই’ এই সম্বন্ধে সন্দেহে পতিত হয়। যদি তাহারা সন্দিগ্ধ হইয়া অনুসন্ধান না করে, অনুসন্ধান না করিয়া উপোষথ করে, তাহা হইলে তাহাদের ‘দুষ্কট’ অপরাধ হইবে। [অবশিষ্টাংশ পূর্ববৎ।]

৫—হে ভিক্ষুগণ! আগন্তুক ভিক্ষুগণ দেখিতে পায় : আবাসবাসী ভিক্ষুগণ ‘নানাসংবাসক’^১। তাহা দেখিয়া তাহাদিগকে ‘সমানসংবাসক’^২ বলিয়া ধারণা করে, ‘সমানসংবাসক’ ধারণা করিয়া (আবাসবাসিগণের নিকট) জিজ্ঞাসা না করে, যদি জিজ্ঞাসা না করিয়া একসঙ্গে উপোষথ করে তাহা হইলে অপরাধ হইবে না। যদি তাহারা জিজ্ঞাসা করে, জিজ্ঞাসা করিয়া নিঃসন্দেহ না হয়, নিঃসন্দেহ না হইয়া একসঙ্গে উপোষথ করে, তাহা হইলে তাহাদের ‘দুষ্কট’ অপরাধ হইবে। যদি তাহারা জিজ্ঞাসা করে, জিজ্ঞাসা করিয়া নিঃসন্দেহ না হয়, নিঃসন্দেহ না হইয়া পৃথক উপোষথ করে, তাহা হইলে তাহাদের অপরাধ হইবে না।

৬—হে ভিক্ষুগণ! আগন্তুক ভিক্ষুগণ দেখিতে পায় : আবাসিক ভিক্ষুগণ ‘সমানসংবাসক’। তাহা দেখিয়া তাহাদিগকে (আগন্তুকগণ) ‘নানাসংবাসক’ বলিয়া ধারণা করে, ‘নানাসংবাসক’ ধারণা করিয়া জিজ্ঞাসা না করে, জিজ্ঞাসা না করিয়া একসঙ্গে উপোষথ করে, তাহাদের ‘দুষ্কট’ অপরাধ হইবে। তাহারা জিজ্ঞাসা করে, জিজ্ঞাসা করিয়া নিঃসন্দেহ হয়, নিঃসন্দেহ হইয়া পৃথক উপোষথ করে, তাহাদের

^১। যাহাদের সঙ্গে বিনয়ের কার্য্য এবং আহালাদি করা চলে না তাহাদিগকে ‘নানাসংবাসক’ বলে।

^২। যাহাদের সঙ্গে বিনয়ের কার্য্য এবং আহালাদি করা চলে তাহাদিগকে ‘সমানসংবাসক’ বলে।

(আগন্তুকদিগের) ‘দুষ্কট’ অপরাধ হইবে। যদি তাহারা জিজ্ঞাসা করে, জিজ্ঞাসা করিয়া নিঃসন্দেহ হয়, নিঃসন্দেহ হইয়া একসঙ্গে উপোষথ করে, তাহা হইলে তাহাদের অপরাধ হইবে না।

৭। হে ভিক্ষুগণ! আবাসবাসী ভিক্ষুগণ দেখিতে পায় : আগন্তুক ভিক্ষুগণ ‘নানাসংবাসক’। তাহা দেখিয়া তাহাদিগকে ‘সমানসংবাসক’ বলিয়া ধারণা করে, ‘সমানসংবাসক’ ধারণা করিয়া জিজ্ঞাসা না করে, জিজ্ঞাসা না করিয়া একসঙ্গে উপোষথ করে, তাহাদের অপরাধ হইবে না। যদি তাহারা জিজ্ঞাসা করে, জিজ্ঞাসা করিয়া নিঃসন্দেহ না হয়, নিঃসন্দেহ না হইয়া একসঙ্গে উপোষথ করে, তাহাদের ‘দুষ্কট’ অপরাধ হইবে। যদি তাহারা জিজ্ঞাসা করে, জিজ্ঞাসা করিয়া নিঃসন্দেহ না হয়, নিঃসন্দেহ না হইয়া পৃথকভাবে উপোষথ করে, তাহা হইলে তাহাদের অপরাধ হইবে না।

৮—হে ভিক্ষুগণ! আবাসবাসী ভিক্ষুগণ দেখিতে পায় : আগন্তুক ভিক্ষুগণ ‘সমানসংবাসক’। তাহা দেখিয়া তাহাদিগকে ‘নানাসংবাসক’ বলিয়া ধারণা করে, ‘নানাসংবাসক’ ধারণা করিয়া জিজ্ঞাসা না করে, জিজ্ঞাসা না করিয়া একসঙ্গে উপোষথ করে, তাহাদের ‘দুষ্কট’ অপরাধ হইবে। যদি তাহারা জিজ্ঞাসা করে, জিজ্ঞাসা করিয়া নিঃসন্দেহ হয়, নিঃসন্দেহ হইয়া পৃথকভাবে উপোষথ করে, তাহা হইলে তাহাদের ‘দুষ্কট’ অপরাধ হইবে। যদি তাহারা জিজ্ঞাসা করে, জিজ্ঞাসা করিয়া নিঃসন্দেহ হয়, নিঃসন্দেহ হইয়া একসঙ্গে উপোষথ করে, তাহা হইলে তাহাদের অপরাধ হইবে না।

(৩) উপোষথ-দিবসে আবাসত্যাগের নিয়ম

১—হে ভিক্ষুগণ! উপোষথ-দিবসে সঙ্ঘের সঙ্গ অথবা কোন অন্তরায় ব্যতীত ভিক্ষুযুক্ত আবাস হইতে ভিক্ষুহীন আবাসে যাইতে পারিবে না।

২—হে ভিক্ষুগণ! উপোষথ-দিবসে সঙ্ঘের সহিত অথবা কোন অন্তরায় ব্যতীত ভিক্ষুযুক্ত আবাস হইতে ভিক্ষুহীন অনাবাসে^১ যাইতে পারিবে না।

৩—হে ভিক্ষুগণ! উপোষথ-দিবসে সঙ্ঘের সহিত অথবা কোন অন্তরায় ব্যতীত ভিক্ষুযুক্ত আবাস হইতে ভিক্ষুহীন আবাসে বা অনাবাসে যাইতে পারিবে না।

৪—হে ভিক্ষুগণ! উপোষথ-দিবসে ভিক্ষুযুক্ত অনাবাস হইতে ভিক্ষুহীন আবাসে যাইতে পারিবে না। [পূর্ববৎ]

৫—হে ভিক্ষুগণ! উপোষথ-দিবসে ভিক্ষুযুক্ত অনাবাস হইতে ভিক্ষুহীন অনাবাসে যাইতে পারিবে না। [পূর্ববৎ]

^১। বোধিগৃহ, সীমাগৃহ, চৈত্য ইত্যাদি।—সম-পাসা।

৬—হে ভিক্ষুগণ! উপোষথ-দিবসে ভিক্ষুযুক্ত অনাবাস হইতে ভিক্ষুহীন আবাসে অথবা অনাবাসে যাইতে পারিবে না । [পূর্ববৎ]

৭—হে ভিক্ষুগণ! উপোষথ-দিবসে ভিক্ষুযুক্ত আবাস অথবা অনাবাস হইতে ভিক্ষুহীন আবাসে যাইতে পারিবে না । [পূর্ববৎ]

c—হে ভিক্ষুগণ! উপোষথ-দিবসে ভিক্ষুযুক্ত আবাস অথবা অনাবাস হইতে ভিক্ষুহীন অনাবাসে যাইতে পারিবে না । [পূর্ববৎ]

৯—হে ভিক্ষুগণ! উপোষথ-দিবসে ভিক্ষুযুক্ত আবাস অথবা অনাবাস হইতে ভিক্ষুহীন আবাস অথবা অনাবাসে যাইতে পারিবে না। [পূর্ববৎ]

১০—হে ভিক্ষুগণ! উপোষথ-দিবসে সঞ্জের সঙ্গ অথবা আকস্মিক অন্তরায় ব্যতীত ভিক্ষুযুক্ত আবাস হইতে ভিক্ষুহীন এমন কোনও আবাসে যাইতে পারিবে না যেখানে ভিক্ষুগণ ‘নানাসংবাসক’।

১১—হে ভিক্ষুগণ! উপোষথ-দিবসে সঙ্ঘের সঙ্গ অথবা আকস্মিক কোন অন্তরায় ব্যতীত ভিক্ষুযুক্ত আবাস হইতে ভিক্ষুযুক্ত এমন অনাবাসে যাইতে পারিবে না যেখানে ভিক্ষুগণ ‘নানাসংবাসক’।

১২—হে ভিক্ষুগণ! উপোষথ-দিবসে সঙ্ঘের সঙ্গ অথবা আকস্মিক কোন অন্তরায় ব্যতীত ভিক্ষুযুক্ত আবাস হইতে ভিক্ষুযুক্ত এমন আবাসে অথবা অনাবাসে যাইতে পারিবে না যেখানে ভিক্ষুগণ ‘নানাসংবাসক’।

১৩—হে ভিক্ষুগণ! উপোষথ-দিবসে সজ্জের সঙ্গ অথবা কোন অন্তরায় ব্যতীত ভিক্ষুযুক্ত অনাবাস হইতে ভিক্ষুযুক্ত এমন আবাসে যাইতে পারিবে না । [পূর্ববৎ]

১৪—হে ভিক্ষুগণ! উপোষথ-দিবসে সঙ্ঘের সঙ্গ অথবা কোন অন্তরায় ব্যতীত ভিক্ষুযুক্ত অনাবাস হইতে ভিক্ষুযুক্ত এমন আবাস বা অনাবাসে যাইতে পারিবে না। [পূর্ববৎ]

১৫—হে ভিক্ষুগণ! উপোষথ-দিবসে সঙ্ঘের সঙ্গ অথবা কোন অন্তরায় ব্যতীত ভিক্ষুযুক্ত আবাস বা অনাবাস হইতে ভিক্ষুযুক্ত এমন আবাসে যাইতে পারিবে না যেখানে ভিক্ষুগণ ‘নানাসংবাসক’।

১৬—হে ভিক্ষুগণ! উপোষথ-দিবসে সন্ধ্যের সঙ্গ অথবা কোন অন্তরায় ব্যতীত ভিক্ষুযুক্ত আবাস বা অনাবাস ইহাতে ভিক্ষুযুক্ত এমন অনাবাসে যাইতে পারিবে না যেখানে ভিক্ষুগণ ‘নানাসংবাসক’।

১৭—হে ভিক্ষুগণ! উপোষথ-দিবসে সঙ্ঘের সঙ্গ অথবা কোন অন্তরায় ব্যতীত ভিক্ষুযুক্ত আবাস বা অনাবাস হইতে ভিক্ষুযুক্ত এমন আবাসে অথবা অনাবাসে যাইতে পারিবে না যেখানে ভিক্ষুগণ ‘নানাসংবাসক’।

১৮—হে ভিক্ষুগণ! উপোষথ-দিবসে ভিক্ষুযুক্ত আবাস হইতে ভিক্ষুযুক্ত এমন আবাসে যাওয়া উচিত যেখানে ভিক্ষুগণ ‘সমানসংবাসক’ এবং সেইদিনই যেখানে পৌঁছিতে পারা যায়।

১৯—হে ভিক্ষুগণ! উপোষথ-দিবসে ভিক্ষুযুক্ত অনাবাস হইতে এমন ভিক্ষুযুক্ত আবাসে যাওয়া উচিত যেখানে ভিক্ষুগণ ‘সমানসংবাসক’ এবং সেইদিনই যেখানে পৌছিতে পারা যায়।

২০—হে ভিক্ষুগণ! উপোষথ-দিবসে ভিক্ষুযুক্ত অনাবাস হইতে ভিক্ষুযুক্ত এমন আবাসে বা অনাবাসে যাওয়া উচিত যেখানে ভিক্ষুগণ ‘সমানসংবাসক’ এবং সেইদিনই যেখানে পৌছিতে পারা যায়।

২১—হে ভিক্ষুগণ! উপোষথ-দিবসে ভিক্ষুযুক্ত অনাবাস হইতে ভিক্ষুযুক্ত এমন আবাসে যাওয়া উচিত যেখানে ভিক্ষুগণ ‘সমানসংবাসক’ এবং সেইদিনই যেখানে পৌছিতে পারা যায়।

২২—হে ভিক্ষুগণ! উপোষথ-দিবসে ভিক্ষুযুক্ত অনাবাস হইতে ভিক্ষুযুক্ত এমন অনাবাসে যাওয়া উচিত যেখানে ভিক্ষুগণ ‘সমানসংবাসক’ এবং সেইদিনই যেখানে পৌছিতে পারা যায়।

২৩—হে ভিক্ষুগণ! উপোষথ-দিবসে ভিক্ষুযুক্ত অনাবাস হইতে ভিক্ষুযুক্ত এমন আবাসে বা অনাবাসে যাওয়া উচিত যেখানে ভিক্ষুগণ ‘সমানসংবাসক’ এবং সেইদিনই যেখানে পৌছিতে পারা যায়।

২৪—হে ভিক্ষুগণ! উপোষথ-দিবসে ভিক্ষুযুক্ত আবাস বা অনাবাস হইতে ভিক্ষুযুক্ত এমন আবাসে যাওয়া উচিত। [পূর্ববৎ]

২৫—হে ভিক্ষুগণ! উপোষথ-দিবসে ভিক্ষুযুক্ত আবাস বা অনাবাস হইতে ভিক্ষুযুক্ত এমন অনাবাসে যাওয়া উচিত। [পূর্ববৎ]

২৬—হে ভিক্ষুগণ! উপোষথ-দিবসে ভিক্ষুযুক্ত আবাস বা অনাবাস হইতে ভিক্ষুযুক্ত এমন আবাসে বা অনাবাসে যাওয়া উচিত যেখানে ভিক্ষুগণ ‘সমানসংবাসক’ এবং সেইদিনই যেখানে পৌছিতে পারা যায়।

(৪) প্রাতিমোক্ষ-আবৃত্তির জন্য নীতিবিরুদ্ধ সম্মিলন

১—হে ভিক্ষুগণ! যেই পরিষদে ভিক্ষুণী উপবিষ্ট আছে তেমন পরিষদে প্রাতিমোক্ষ-আবৃত্তি করিতে পারিবে না, যে আবৃত্তি করিবে তাহার ‘দুষ্কট’ অপরাধ হইবে।

২—শিক্ষমানা, ৩—শ্রামণের, ৪—শ্রামণেরী, ৫—শিক্ষাপ্রত্যাখ্যানকারী, ৬—অন্তিম (পারাজিক) অপরাধে অপরাধী, ৭—অপরাধ স্বীকার না করায় উৎক্ষিপ্ত ভিক্ষু, ৮—অপরাধের প্রতিকার না করায় উৎক্ষিপ্ত ভিক্ষু, ৯—মিথ্যাদৃষ্টি পরিত্যাগ না করায় উৎক্ষিপ্ত ভিক্ষু, ১০—পণ্ডক (ক্লীব), ১১—স্তেয়সংবাসক, ১২—তীর্থিকপ্রস্থানক, ১৩—মানবেতর জীব, ১৪—মাতৃহত্যা, ১৫—পিতৃহত্যা, ১৬—অর্হৎহত্যা, ১৭—ভিক্ষুণীদূষক, ১৮—সজ্ঞাভেদক, ১৯—রক্তোৎপাদক এবং

২০—উভয়লক্ষণবিশিষ্ট ব্যক্তি যেই পারিষদে উপবিষ্ট আছে তেমন পারিষদে প্রাতিমোক্ষ-আবৃত্তি করিতে পারিবে না, যে আবৃত্তি করিবে তাহার ‘দুষ্কট’ অপরাধ হইবে।”

২১—হে ভিক্ষুগণ! পারিষদ আসন হইতে উঠিবার পূর্বে ব্যতীত পারিবারিক^১ পরিশুদ্ধি দানে উপোষথ করিতে পারিবে না।

২২—হে ভিক্ষুগণ! সঙ্ঘ-সম্মিলন^২ এবং উপোষথ-দিবস ব্যতীত অন্য দিবসে উপোষথ করিতে পারিবে না।

॥ তৃতীয় ভণিতা সমাপ্ত ॥

॥ উপোষথ-স্কন্ধ সমাপ্ত ॥

^১। যেই ভিক্ষু পরিবাস ব্রত পালনে নিরত তাঁহাকে ‘পারিবারিক’ বলে। সঙ্ঘ আসন হইতে উঠিবার পূর্বে তিনি সঙ্ঘের নিকট স্থায় পরিশুদ্ধি জ্ঞাপন করিয়া ‘পরিশুদ্ধি উপোষথ’ করিতে পারিবেন। কিন্তু সঙ্ঘ আসন হইতে উঠিলে পারিবেন না। ইহার বিস্তৃত বর্ণনা ভিক্ষুণী-বিভঙ্গে পারিবারিক ছন্দদান বর্ণনায় দ্রষ্টব্য।—সম-পাসা।

^২। কোসম্ব-স্কন্ধে বর্ণিত দ্বিধা বিভক্ত সঙ্ঘ-সম্মিলনকে ‘সঙ্ঘ-সামগ্ধি’ বলে। এই উপোষথ করিতে হইলে “মাননীয় সঙ্ঘ! আমার প্রস্তাব শ্রবণ করুন : ‘অদ্য সম্মিলন-উপোষথ’ এই বলিয়া জগ্গি স্থাপন করিতে হয়। যাহারা কোন কারণবশত উপোষথ স্থগিত রাখিয়া পুনরায় সম্মিলিত হয় তাহাদিগকে এই উপোষথ করিতে হইবে।—সম-পাসা।

৩—বর্ষোপনায়ক-স্কন্ধ

বর্ষাবাস-বিধান এবং তাহার সময়

[স্থান :—রাজগৃহ]

(১) বর্ষাবাস-বিধান

সেই সময়ে বুদ্ধ ভগবান রাজগৃহে অবস্থান করিতেছিলেন,—বেণুবনে ‘কলম্বক-নিবাপে’। তখন পর্য্যন্ত ভগবান ভিক্ষুগণের জন্য বর্ষাবাসের বিধান করেন নাই। ভিক্ষুগণ হেমন্তঋতুতে, গ্রীষ্মঋতুতে এবং বর্ষাঋতুতে পর্য্যটন করিতেছিলেন। (তদর্শনে) জনসাধারণ আন্দোলন, নিন্দা এবং প্রকাশ্যে দুর্নাম প্রচার করিতে লাগিল :—“কেন শাক্যপুত্রীয় শ্রমণগণ হেমন্ত, গ্রীষ্ম এবং বর্ষায়ও সবুজ তৃণ দলিত করিয়া, একেন্দ্রিয়বিশিষ্ট জাব (বৃক্ষাদি) নিপীড়িত করিয়া এবং ক্ষুদ্রপ্রাণীসমূহ পদদলিত করিয়া পর্য্যটন করিতেছে? এই যে অন্যতীর্থিক পরিব্রাজকগণ যাঁহাদের ধর্ম দুরাখ্যাত, তাঁহারাও বর্ষাবাসে নিরত থাকেন, স্থায়ীভাবে (বর্ষাঋতুতে একস্থানে) অবস্থান করেন, এবং এই যে পক্ষী তাহারাও বৃক্ষের উপর বাসা প্রস্তুত করিয়া বর্ষাবাসে নিরত থাকে, স্থায়ীভাবে একস্থানে বর্ষাঋতু অতিবাহিত করে; কিন্তু এই শাক্যপুত্রীয় শ্রমণগণ কি হেমন্তে, কি গ্রীষ্মে এবং কি বর্ষায় সবুজ তৃণ দলিত করিয়া, একেন্দ্রিয়বিশিষ্ট জীব নিপীড়িত করিয়া, বহু ক্ষুদ্রপ্রাণী পদদলিত করিয়া পর্য্যটন করিতেছে!” ভিক্ষুগণ জনসাধারণের এইরূপ আন্দোলন, নিন্দা এবং প্রকাশ্যে দুর্নাম প্রচার শুনিতে পাইলেন। অনন্তর ভিক্ষুগণ ভগবানকে এই বিষয় জানাইলেন। ভগবান এই নিদানে, এই প্রকরণে ধর্মকথা উত্থাপন করিয়া ভিক্ষুদিগকে আহ্বান করিলেন :—“হে ভিক্ষুগণ! আমি অনুজ্ঞা করিতেছি : বর্ষাবাস করিবে।”

(২) বর্ষাবাসের সময়

১—ভিক্ষুগণের মনে এই চিন্তা উদিত হইল : “কখন বর্ষাবাস করিতে হইবে?” তাঁহারা ভগবানকে এই বিষয় জানাইলেন। (ভগবান কহিলেন :—)
“হে ভিক্ষুগণ! আমি অনুজ্ঞা করিতেছি : বর্ষাঋতুতে বর্ষাবাস করিবে।”

২—ভিক্ষুগণের মনে এই চিন্তা উদিত হইল : বর্ষোপনায়কতিথি^১ কয়টি?” তাঁহারা ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! ‘বর্ষোপনায়ক’ তিথি দুইটি, প্রথম এবং দ্বিতীয়। আষাঢ়ী পূর্ণিমার পরদিন হইতে প্রথম বর্ষাবাস আরম্ভ করিতে হইবে অথবা আষাঢ়ী পূর্ণিমার একমাস পরে দ্বিতীয় বর্ষাবাস আরম্ভ করিতে হইবে। ভিক্ষুগণ! (শ্রাবণ-কৃষ্ণপ্রতিপদ এবং ভাদ্র-কৃষ্ণ প্রতিপদ) বর্ষোপনায়ক এই দুই তিথি।”

(৩) বর্ষাবাসের মধ্যে বহির্গমন নিষিদ্ধ

১—সেই সময়ে ষড়বর্গীয় ভিক্ষু বর্ষাবাস আরম্ভ করিয়া বর্ষাভ্যন্তরে দেশ পর্য্যটন করিতেছিলেন। জনসাধারণ পূর্ববৎ আন্দোলন, নিন্দা এবং প্রকাশ্যে দুর্নাম প্রচার করিতে লাগিল : “কেন শাক্যপুত্রীয় শ্রমণগণ কি হেমন্তে, কি গ্রীষ্মে এবং কি বর্ষায় সবুজ তৃণ দলিত করিয়া, একেন্দ্রিয়বিশিষ্ট জীব নিপীড়িত করিয়া এবং বহু ক্ষুদ্রপ্রাণী পদদলিত করিয়া পর্য্যটন করিতেছে? এই যে অন্যতীর্থিক পরিব্রাজকগণ যাঁহাদের ধর্ম দুরাখ্যাত তাঁহারাও বর্ষাবাসে নিরত আছেন, একস্থানে স্থায়ীভাবে অবস্থান করিতেছেন, এই যে পক্ষী তাহারাও বৃক্ষের উপর বাসা প্রস্তুত করিয়া বর্ষাবাসে নিরত, স্থায়ীভাবে একস্থানে অবস্থান করিতেছে; কিন্তু এই শাক্যপুত্রীয় শ্রমণগণ কি হেমন্তে, কি গ্রীষ্মে এবং কি বর্ষায় সবুজ তৃণ দলিত করিয়া, একেন্দ্রিয়বিশিষ্ট জীব নিপীড়িত করিয়া এবং বহু ক্ষুদ্রপ্রাণী পদদলিত করিয়া বিচরণ করিতেছে!”

ভিক্ষুগণ জনসাধারণের আন্দোলন, নিন্দা এবং প্রকাশ্যে দুর্নাম প্রচার শুনিতে পাইলেন। যেই ভিক্ষুগণ অল্লেখ্যে তাঁহারাও আন্দোলন, নিন্দা এবং প্রকাশ্যে আলোচনা করিতে লাগিলেন : “কেন ষড়বর্গীয় ভিক্ষু বর্ষাবাস আরম্ভ করিয়া বর্ষাভ্যন্তরে বিচরণ করিতেছে?” অনন্তর সেই ভিক্ষুগণ ভগবানকে এই বিষয় জানাইলেন। ভগবান এই নিদানে, এই প্রকরণে ধর্মকথা উত্থাপন করিয়া ভিক্ষুদিগকে আহ্বান করিলেন :—

“হে ভিক্ষুগণ! বর্ষাবাস আরম্ভ করিয়া প্রথম তিনমাস (শ্রাবণ, ভাদ্র, আশ্বিন) অথবা শেষের তিনমাস (ভাদ্র, আশ্বিন, কার্তিক) একস্থানে বাস না করিয়া পর্য্যটনে গমন করিতে পারিবে না, যে গমন করিবে তাহার ‘দুষ্কট’ অপরাধ হইবে।”

২—সেই সময়ে ষড়বর্গীয় ভিক্ষু বর্ষাবাস করিতে অনিচ্ছা প্রকাশ করিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! বর্ষাবাস না করিয়া পারিবে না, যে বর্ষাবাস করিবে না তাহার ‘দুষ্কট’ অপরাধ হইবে।”

^১। যেই তিথি হইতে বর্ষাবাস আরম্ভ করা চলে।

(৪) বর্ষাবাসের দিন আবাসত্যাগ নিষিদ্ধ

সেই সময়ে ষড়বর্গীয় ভিক্ষু বর্ষাবাস না করিবার ইচ্ছায় বর্ষোপনায়ক তিথিতে সজ্ঞানে আবাস পরিত্যাগ করিতেছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! বর্ষাবাস না করিবার ইচ্ছায় বর্ষোপনায়ক তিথিতে সজ্ঞানে আবাস (বাসস্থান) ত্যাগ করিতে পারিবে না, যে ত্যাগ করিবে তাহার ‘দুষ্কট’ অপরাধ হইবে।”

(৫) রাজকীয় অধিমােস স্বীকার

সেই সময়ে মগধরাজ শৈবিক বিম্বিসার বর্ষাবাস পিছাইয়া নিবার মানসে ভিক্ষুগণের নিকট সংবাদ প্রেরণ করিলেন : “আর্য্যগণ আগামী শুক্লপক্ষে বর্ষাবাস আরম্ভ করিলে ভাল হয়।” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : রাজন্যবর্গের অনুবর্ত্তী হইবে।”

বর্ষাভ্যন্তরে সপ্তাহের নিমিত্ত বহির্গমন

[স্থান :—শ্রাবস্তী]

(১) সংবাদ পাইয়া সপ্তাহের জন্য বহির্গমন

ভগবান রাজগৃহে যথারূটি অবস্থান করিয়া শ্রাবস্তী-অভিযুখে যাত্রা করিলেন। ক্রমান্বয়ে বিচরণ করিয়া শ্রাবস্তীতে গমন করিলেন। ভগবান শ্রাবস্তীতে অবস্থান করিতে লাগিলেন,—জেতবনে অনাথপিণ্ডদের আরামে। সেই সময়ে কোশল জনপদে উদেন (উদয়ন) নামক জনৈক উপাসক সঙ্ঘের উদ্দেশে বিহার প্রস্তুত করাইয়াছিলেন। তিনি ভিক্ষুগণের নিকট সংবাদ প্রেরণ করিলেন : “মাননীয় ভিক্ষুগণের আগমন হউক, আমি দান দিতে, ধর্ম্ম শ্রবণ করিতে এবং ভিক্ষুর দর্শনলাভ করিতে কামনা করিয়াছি।” ভিক্ষুগণ কহিলেন : “বন্ধো! ভগবান ব্যবস্থা দিয়াছেন—‘বর্ষাবাস আরম্ভ করিয়া প্রথম তিনমাস অথবা শেষের তিনমাস একস্থানে বাস না করিয়া ভ্রমণে বাহির হইতে পারিবে না।’ অতএব উদেন উপাসক ভিক্ষুদিগের বর্ষাবাস সমাপ্ত না হওয়া পর্য্যন্ত অপেক্ষা করুন, বর্ষাবাস সমাপনের পর (ভিক্ষুগণ) গমন করিবেন। যদি অত্যধিক প্রয়োজন হয় তাহা হইলে স্থানীয় আবাসবাসী ভিক্ষুদিগের নিকট বিহার সমর্পণ করুন।”

উদেন উপাসক আন্দোলন, নিন্দা এবং প্রকাশ্যে দুর্নাম প্রচার করিতে লাগিলেন : “কেন মাননীয় ভিক্ষুগণ আমি সংবাদ প্রেরণ করা সত্ত্বেও আসিলেন না? আমি ত দান-দায়ক, কর্ম-কারক এবং সজ্ঞ-সেবক।” ভিক্ষুগণ উদেন উপাসকের আন্দোলন, নিন্দা এবং প্রকাশ্যে দুর্নাম প্রচার শুনিতে পাইলেন। (শ্রবণ করিয়া) ভিক্ষুগণ ভগবানকে এই বিষয় জানাইলেন। ভগবান এই নিদানে, এই প্রকরণে ধর্মকথা উত্থাপন করিয়া ভিক্ষুদিগকে আহ্বান করিলেন :—

১—হে ভিক্ষুগণ! আমি অনুজ্ঞা করিতেছি : নিম্নোক্ত সাতজনের মধ্যে যে কেহ সংবাদ প্রেরণ করিলে সপ্তাহের জন্য বহির্গমন করিবে, সংবাদ প্রেরণ না করিলে গমন করিবে না। সেই সাত ব্যক্তি এই :—(১) ভিক্ষু, (২) ভিক্ষুণী, (৩) শিক্ষমানা, (৪) শ্রামণের, (৫) শ্রামণেরী, (৬) উপাসক এবং (৭) উপাসিকা।

“হে ভিক্ষুগণ! আমি অনুজ্ঞা করিতেছি : এই সাতজনের যে কেহ সংবাদ প্রেরণ করিলে সপ্তাহের জন্য বহির্গমন করিবে, সংবাদ প্রেরণ না করিলে গমন করিবে না; কিন্তু সপ্তাহের মধ্যে প্রত্যাগমন করিবে।”

২—(ক) হে ভিক্ষুগণ! কোন উপাসক সজ্ঞের উদ্দেশে বিহার প্রস্তুত করাইয়া থাকে। যদি সে ভিক্ষুদিগের নিকট সংবাদ প্রেরণ করে : ‘মাননীয় ভিক্ষুগণ আসুন, আমি দান দিতে, ধর্ম শ্রবণ করিতে এবং ভিক্ষুর দর্শন লাভ করিতে কামনা করিতেছি।’ হে ভিক্ষুগণ! তাহা হইলে সপ্তাহের জন্য গমন করিবে, সংবাদ প্রেরণ না করিলে বহির্গমন করিবে না। কিন্তু সপ্তাহের মধ্যে প্রত্যাগমন করিবে।

(খ) হে ভিক্ষুগণ! কোন উপাসক সজ্ঞের উদ্দেশে ‘অডঢযোগ’ (গরুড়াকৃতি গৃহ) প্রস্তুত করাইয়া থাকে, প্রাসাদ প্রস্তুত করাইয়া থাকে, হর্ম্য প্রস্তুত করাইয়া থাকে, গুহা প্রস্তুত করাইয়া থাকে, পরিবেণ প্রস্তুত করাইয়া থাকে, প্রকোষ্ঠ প্রস্তুত করাইয়া থাকে, উপস্থানশালা প্রস্তুত করাইয়া থাকে, অগ্নিশালা (পাকগৃহ) প্রস্তুত করাইয়া থাকে, ‘কপ্পিয়কুটি’ (ভাণ্ডার ঘর) প্রস্তুত করাইয়া থাকে, পায়খানা প্রস্তুত করাইয়া থাকে, চক্রম প্রস্তুত করাইয়া থাকে, চক্রমশালা প্রস্তুত করাইয়া থাকে, উদপান (কূপ) প্রস্তুত করাইয়া থাকে, উদপান-শালা প্রস্তুত করাইয়া থাকে, স্নানাগার প্রস্তুত করাইয়া থাকে, স্নানাগার-শালা প্রস্তুত করাইয়া থাকে, পুষ্করিণী খনন করাইয়া থাকে, মণ্ডপ প্রস্তুত করাইয়া থাকে, আরাম (উদ্যান) প্রস্তুত করাইয়া থাকে, উদ্যানবাটিকা প্রস্তুত করাইয়া থাকে। যদি সে ভিক্ষুদিগের নিকট সংবাদ প্রেরণ করে : ‘মাননীয় ভিক্ষুগণ আসুন, আমি দান দিতে, ধর্ম শ্রবণ করিতে এবং ভিক্ষু-দর্শনলাভ করিতে ইচ্ছা করিয়াছি।’ হে ভিক্ষুগণ! তাহা হইলে সপ্তাহের জন্য বহির্গমন করিবে। সংবাদ প্রেরণ না করিলে গমন করিবে না; কিন্তু সপ্তাহের মধ্যে প্রত্যাগমন করিবে।

(গ) হে ভিক্ষুগণ! কোন উপাসক অনেক ভিক্ষুর উদ্দেশে বিহার প্রস্তুত করাইয়া থাকে, ‘অডঢযোগ’ প্রস্তুত করাইয়া থাকে, প্রাসাদ প্রস্তুত করাইয়া থাকে। [অবশিষ্টাংশ পূর্ববৎ]

(ঘ) জনৈক ভিক্ষুর উদ্দেশে, (ঙ) ভিক্ষুণীসঙ্ঘের উদ্দেশে, (চ) অনেক ভিক্ষুণীর উদ্দেশে, (ছ) এক ভিক্ষুণীর উদ্দেশে, (জ) অনেক শিক্ষমানার উদ্দেশে, (ঝ) এক শিক্ষমানার উদ্দেশে, (ঞ) অনেক শ্রামণের উদ্দেশে, (ট) এক শ্রামণের উদ্দেশে, (ঠ) অনেক শ্রামণেরীর উদ্দেশে, (ড) এক শ্রামণেরীর উদ্দেশে বিহার প্রস্তুত করাইয়া থাকে, ‘অড়চযোগ’ প্রস্তুত করাইয়া থাকে, প্রাসাদ প্রস্তুত করাইয়া থাকে। [পূর্ববৎ]

(ঢ) হে ভিক্ষুগণ! কোন উপাসক নিজের উদ্দেশে নিবেশন (আলয়) প্রস্তুত করাইয়া থাকে, শয়নগৃহ প্রস্তুত করাইয়া থাকে, ‘উদ্দোসিত’ (রাত্রিযাপনের গৃহ) প্রস্তুত করাইয়া থাকে, অট্টালিকা প্রস্তুত করাইয়া থাকে, পর্ণকুটির প্রস্তুত করাইয়া থাকে, আপণ (দোকান) প্রস্তুত করাইয়া থাকে, আপণ-শালা প্রস্তুত করাইয়া থাকে, প্রাসাদ প্রস্তুত করাইয়া থাকে, হর্ম্য প্রস্তুত করাইয়া থাকে, গুহা প্রস্তুত করাইয়া থাকে, পরিবেণ প্রস্তুত করাইয়া থাকে, প্রকোষ্ঠ প্রস্তুত করাইয়া থাকে, উপস্থান-শালা প্রস্তুত করাইয়া থাকে, অগ্নি-শালা প্রস্তুত করাইয়া থাকে, রসবতী (রান্নাঘর) প্রস্তুত করাইয়া থাকে, পায়খানা প্রস্তুত করাইয়া থাকে, চক্রম প্রস্তুত করাইয়া থাকে, চক্রম-শালা প্রস্তুত করাইয়া থাকে, উদপান (কূপ) প্রস্তুত করাইয়া থাকে, উদপান-শালা প্রস্তুত করাইয়া থাকে, স্নানগৃহ প্রস্তুত করাইয়া থাকে, স্নানগৃহ-শালা প্রস্তুত করাইয়া থাকে, পুষ্করিণী খনন করাইয়া থাকে, মণ্ডপ প্রস্তুত করাইয়া থাকে, আরাম (উদ্যান) প্রস্তুত করাইয়া থাকে, উদ্যান-বটিকা প্রস্তুত করাইয়া থাকে অথবা তাহার পুত্র বা কন্যার বিবাহ উপস্থিত হয়, সে পীড়িত হয় কিংবা কোন প্রসিদ্ধ সূত্র পাঠ করাইতে ইচ্ছুক হয়। যদি সে ভিক্ষুগণের নিকট সংবাদ প্রেরণ করে : ‘মাননীয় ভিক্ষুগণ আসুন, এই সূত্র লুপ্ত হইবার পূর্বে আমি শিক্ষা করিব’, অথবা তাহার জন্য কোন প্রয়োজন থাকায় সে ভিক্ষুদিগের নিকট সংবাদ প্রেরণ করে : ‘মাননীয় ভিক্ষুগণ আসুন, আমি দান দিতে চাই, ধর্ম্ম শুনিতে চাই, এবং ভিক্ষুর দর্শনলাভ করিতে চাই।’ ভিক্ষুগণ! এরূপ সংবাদ প্রেরণ করিলে সন্তোষের জন্য বহির্গমন করিবে, সংবাদ প্রেরণ না করিলে গমন করিবে না। কিন্তু সন্তোষের মধ্যে প্রত্যাগমন করিবে।

৩—(ক) হে ভিক্ষুগণ! কোন উপাসিকা সঙ্ঘের উদ্দেশে বিহার প্রস্তুত করাইয়া থাকে। সে যদি ভিক্ষুদিগের নিকট সংবাদ প্রেরণ করে : ‘আর্য্যগণ আসুন, আমি দান দিতে, ধর্ম্মশ্রবণ করিতে এবং ভিক্ষুর দর্শনলাভ করিতে ইচ্ছা করিয়াছি।’ ভিক্ষুগণ! এরূপ সংবাদ প্রেরণ করিলে সন্তোষের জন্য বহির্গমন করিবে, সংবাদ প্রেরণ না করিলে গমন করিবে না; কিন্তু সন্তোষের মধ্যে প্রত্যাগমন করিবে।

(খ) হে ভিক্ষুগণ! কোন উপাসিকা সঙ্ঘের উদ্দেশে ‘অড়চযোগ’ প্রস্তুত করাইয়া থাকে, প্রাসাদ প্রস্তুত করাইয়া থাকে, হর্ম্য প্রস্তুত করাইয়া থাকে। [পূর্ববৎ]

(গ) কোন উপাসিকা অনেক ভিক্ষুর উদ্দেশে, (ঘ) এক ভিক্ষুর উদ্দেশে, (ঙ) ভিক্ষুণীসঙ্ঘের উদ্দেশে, (চ) অনেক ভিক্ষুণীর উদ্দেশে, (ছ) এক ভিক্ষুণীর উদ্দেশে, (জ) অনেক শিক্ষমানার উদ্দেশে, (ঝ) এক শিক্ষমানার উদ্দেশে,

(এ৩) অনেক শ্রামণের উদ্দেশে, (ট) এক শ্রামণের উদ্দেশে, (ঠ) অনেক শ্রামণের উদ্দেশে, (ড) এক শ্রামণের উদ্দেশে বিহার প্রস্তুত করাইয়া থাকে, ‘অড়চযোগ’ প্রস্তুত করাইয়া থাকে, প্রাসাদ প্রস্তুত করাইয়া থাকে। [পূর্ববৎ]

(ঢ) হে ভিক্ষুগণ! কোন উপাসিকা নিজের উদ্দেশে নিবেশন (আলয়) প্রস্তুত করাইয়া থাকে, শয়নঘর প্রস্তুত করাইয়া থাকে, ‘উদোসিত’ (রাত্রি যাপনের গৃহ) প্রস্তুত করাইয়া থাকে। [পূর্ববৎ]

৪—(ক) হে ভিক্ষুগণ! কোন ভিক্ষু ভিক্ষুসঙ্ঘের উদ্দেশে, (খ) অনেক ভিক্ষুর উদ্দেশে, (গ) এক ভিক্ষুর উদ্দেশে, (ঘ) ভিক্ষুগণসঙ্ঘের উদ্দেশে, (ঙ) অনেক ভিক্ষুগণের উদ্দেশে, (চ) এক ভিক্ষুগণের উদ্দেশে, (ছ) অনেক শিক্ষমানার উদ্দেশে, (জ) এক শিক্ষমানার উদ্দেশে, (ঝ) অনেক শ্রামণের উদ্দেশে, (এ৩) এক শ্রামণের উদ্দেশে, (ট) অনেক শ্রামণের উদ্দেশে, (ঠ) এক শ্রামণের উদ্দেশে, (ড) নিজের উদ্দেশে বিহার প্রস্তুত করায়, ‘অড়চযোগ’ প্রস্তুত করায়, প্রাসাদ প্রস্তুত করায়। [পূর্ববৎ]

৫—(ক) হে ভিক্ষুগণ! কোন ভিক্ষুগণী ভিক্ষুসঙ্ঘের উদ্দেশে, (খ) অনেক ভিক্ষুর উদ্দেশে, (গ) এক ভিক্ষুর উদ্দেশে (ড) নিজের উদ্দেশে বিহার প্রস্তুত করায়, ‘অড়চযোগ’ প্রস্তুত করায়, প্রাসাদ প্রস্তুত করায়। [পূর্ববৎ]

৬—(ক) হে ভিক্ষুগণ! কোন শিক্ষমানা ভিক্ষুসঙ্ঘের উদ্দেশে, (খ) অনেক ভিক্ষুর উদ্দেশে, (গ) এক ভিক্ষুর উদ্দেশে (ড) নিজের উদ্দেশে বিহার প্রস্তুত করায়, ‘অড়চযোগ’ প্রস্তুত করায়, প্রাসাদ প্রস্তুত করায়। [পূর্ববৎ]

৭—(ক) হে ভিক্ষুগণ! কোন শ্রামণের ভিক্ষুসঙ্ঘের উদ্দেশে, (খ) অনেক ভিক্ষুর উদ্দেশে, (গ) এক ভিক্ষুর উদ্দেশে (ড) নিজের উদ্দেশে বিহার প্রস্তুত করায়, ‘অড়চযোগ’ প্রস্তুত করায়, প্রাসাদ প্রস্তুত করায়। [পূর্ববৎ]

৮—(ক) হে ভিক্ষুগণ! কোন শ্রামণেরী ভিক্ষুসঙ্ঘের উদ্দেশে, (খ) অনেক ভিক্ষুর উদ্দেশে, (গ) এক ভিক্ষুর উদ্দেশে বিহার প্রস্তুত করায়, ‘অড়চযোগ’ প্রস্তুত করায়, প্রাসাদ প্রস্তুত করায় (ড) নিজের উদ্দেশে বিহার প্রস্তুত করায়, ‘অড়চযোগ’ প্রস্তুত করায়, প্রাসাদ প্রস্তুত করায়। [পূর্ববৎ]

(২) বিনা সংবাদে সঙ্ঘাহের নিমিত্ত বহির্গমন

সেই সময়ে জনৈক ভিক্ষু পীড়িত হইয়াছিলেন। তিনি ভিক্ষুসঙ্ঘের নিকট সংবাদ প্রেরণ করিলেন : ‘আমি পীড়িত হইয়াছি অতএব ভিক্ষুগণ আসুন, আমি ভিক্ষুদিগের উপস্থিতি প্রত্যাশা করিতেছি।’ ভিক্ষুগণ ভগবানকে এই বিষয় জানাইলেন। (ভগবান কহিলেন :—)

১—হে ভিক্ষুগণ! আমি অনুজ্ঞা করিতেছি : সংবাদ প্রেরণ না করিলেও পাঁচজনের নিকট সপ্তাহের নিমিত্ত গমন করিবে, সংবাদ প্রেরণ করিলে ত কথাই নাই।

সেই পাঁচজন এই :—(১) ভিক্ষু, (২) ভিক্ষুণী, (৩) শিক্ষমানা, (৪) শ্রামণের, (৫) শ্রামণেরী।

“হে ভিক্ষুগণ! আমি অনুজ্ঞা করিতেছি : এই পাঁচজনের নিকট সংবাদ প্রেরণ না করিলেও সপ্তাহের নিমিত্ত গমন করিবে। সংবাদ প্রেরণ করিলে ত কথাই নাই। কিন্তু সপ্তাহের মধ্যে প্রত্যাগমন করিবে।”

২—(ক) হে ভিক্ষুগণ! যদি কোন ভিক্ষু পীড়িত হইয়া ভিক্ষুদিগের নিকট সংবাদ প্রেরণ করে : ‘আমি পীড়িত হইয়াছি অতএব ভিক্ষুগণ আসুন, আমি, ভিক্ষুগণের আগমন প্রত্যাশা করিতেছি।’ ভিক্ষুগণ! সংবাদ প্রেরণ করুক বা না করুক সপ্তাহের নিমিত্ত এই মনে করিয়া যাইবে : ‘রোগীর পথ্যের ব্যবস্থা করিব, রোগী-পরিচারকের আহাৰ্য্যের ব্যবস্থা করিব, রোগীর ঔষধের ব্যবস্থা করিব, রোগের অবস্থা জিজ্ঞাসা করিব অথবা পরিচর্যা করিব।’ কিন্তু সপ্তাহের মধ্যে প্রত্যাগমন করিবে।

(খ) হে ভিক্ষুগণ! যদি কোন ভিক্ষুর অনভিরতির (ভিক্ষুত্বে অনাসক্তি) সঞ্চগর হওয়ায় সে ভিক্ষুগণের নিকট সংবাদ প্রেরণ করে : ‘আমার অনভিরতির সঞ্চগর হইয়াছে অতএব ভিক্ষুগণ আসুন, আমি ভিক্ষুগণের আগমন প্রত্যাশা করিতেছি।’ তাহা হইলে সংবাদ প্রেরণ করুক বা না করুক সপ্তাহের জন্য এই মনে করিয়া যাইবে : ‘অনভিরতি উপশম করিব অথবা করাইব কিংবা তাহাকে ধর্মোপদেশ প্রদান করিব।’ কিন্তু সপ্তাহের মধ্যে প্রত্যাগমন করিবে।

(গ) হে ভিক্ষুগণ! যদি কোন ভিক্ষুর কোন বিষয়ে সন্দেহ উপস্থিত হয় এবং সে ভিক্ষুগণের নিকট সংবাদ প্রেরণ করে : ‘আমার সন্দেহের সঞ্চগর হইয়াছে অতএব ভিক্ষুগণ আগমন করুন, আমি ভিক্ষুগণের আগমন প্রত্যাশা করিতেছি।’ ভিক্ষুগণ! তাহা হইলে সংবাদ প্রেরণ করুক বা না করুক সপ্তাহের জন্য এই মনে করিয়া যাইবে : ‘সন্দেহ নিরসন করিব বা নিরসন করাইব অথবা তাঁহাকে ধর্মোপদেশ প্রদান করিব।’ কিন্তু সপ্তাহের মধ্যে প্রত্যাগমন করিবে।

(ঘ) হে ভিক্ষুগণ! যদি কোন ভিক্ষুর মিথ্যাদৃষ্টি উৎপন্ন হয় এবং সে ভিক্ষুদিগের নিকট সংবাদ প্রেরণ করে : ‘আমার মিথ্যাদৃষ্টি উৎপন্ন হইয়াছে অতএব ভিক্ষুগণ আসুন, আমি ভিক্ষুগণের আগমন প্রত্যাশা করিতেছি।’ ভিক্ষুগণ! তাহা হইলে সংবাদ প্রেরণ করুক বা না করুক সপ্তাহের নিমিত্ত এই মনে করিয়া যাইবে : ‘মিথ্যাদৃষ্টি বিবেচনা করিব বা বিবেচনা করাইব অথবা তাঁহাকে ধর্মোপদেশ প্রদান করিব।’ কিন্তু সপ্তাহের মধ্যে প্রত্যাগমন করিবে।

(ঙ) হে ভিক্ষুগণ! যদি কোন ভিক্ষু ‘পরিবাস’ যোগ্য গুরুতর অপরাধে অপরাধী হয় এবং সে ভিক্ষুগণের নিকট সংবাদ প্রেরণ করে : ‘আমি ‘পরিবাস’ যোগ্য গুরুতর

অপরাধে অপরাধী হইয়াছি অতএব ভিক্ষুগণ আসুন, আমি ভিক্ষুগণের আগমন প্রত্যাশা করিতেছি।’ ভিক্ষুগণ! তাহা হইলে সংবাদ প্রেরণ করুক বা না করুক সপ্তাহের জন্য এই মনে করিয়া যাইবে : ‘পরিবাস’^১ দানে ঔৎসুক্য প্রকাশ করিব বা ‘অনুশ্রাবণ’ করিব অথবা ‘গণপূরক’ হইব। কিন্তু সপ্তাহের মধ্যে প্রত্যাগমন করিবে।

(চ) হে ভিক্ষুগণ! যদি কোন ভিক্ষু ‘মূলেপ্রতিকর্ষণ’^২ যোগ্য হয় এবং সে ভিক্ষুগণের নিকট সংবাদ প্রেরণ করে : ‘আমি ‘মূলেপ্রতিকর্ষণ’ যোগ্য অপরাধে অপরাধী হইয়াছি অতএব ভিক্ষুগণ আসুন, আমি ভিক্ষুগণের আগমন প্রত্যাশা করিতেছি।’ ভিক্ষুগণ! তাহা হইলে সংবাদ প্রেরণ করুক বা না করুক সপ্তাহের নিমিত্ত এই মনে করিয়া যাইবে : ‘মূলেপ্রতিকর্ষণ’^৩র নিমিত্ত ঔৎসুক্য প্রকাশ করিব বা ‘অনুশ্রাবণ’ করিব অথবা ‘গণপূরক’ হইব। কিন্তু সপ্তাহের মধ্যে প্রত্যাগমন করিবে।

(ছ) হে ভিক্ষুগণ! যদি কোন ভিক্ষু ‘মানভূ’^৪ যোগ্য হয় এবং সে ভিক্ষুগণের নিকট সংবাদ প্রেরণ করে : ‘আমি ‘মানভূ’ যোগ্য অপরাধে অপরাধী হইয়াছি অতএব ভিক্ষুগণ আসুন, আমি ভিক্ষুগণের আগমন প্রত্যাশা করিতেছি।’ ভিক্ষুগণ! তাহা হইলে সংবাদ প্রেরণ করুক বা না করুক সপ্তাহের নিমিত্ত এই মনে করিয়া যাইবে : ‘মানভূ’ দানে ঔৎসুক্য প্রকাশ করিব বা ‘অনুশ্রাবণ’ করিব অথবা ‘গণপূরক’ হইব। কিন্তু সপ্তাহের মধ্যে প্রত্যাগমন করিবে।

(জ) হে ভিক্ষুগণ! যদি কোন ভিক্ষু ‘আহ্বান’^৫ যোগ্য হয় এবং সে ভিক্ষুগণের নিকট সংবাদ প্রেরণ করে : ‘আমি ‘আহ্বান’ যোগ্য হইয়াছি, অতএব ভিক্ষুগণ আসুন, আমি ভিক্ষুগণের আগমন প্রত্যাশা করিতেছি।’ ভিক্ষুগণ! তাহা হইলে সংবাদ প্রেরণ করুক বা না করুক সপ্তাহের জন্য এই মনে করিয়া যাইবে : ‘আহ্বান’ কার্যে ঔৎসুক্য প্রকাশ করিব বা ‘অনুশ্রাবণ’^৬ করিব অথবা ‘গণপূরক’^৭ হইব। কিন্তু সপ্তাহের মধ্যে প্রত্যাগমন করিবে।

(ঝ) হে ভিক্ষুগণ! যদি সজ্ঞ কোন ভিক্ষুর ‘তজ্জর্জনীয়’, ‘নির্যশ’, ‘প্রব্রাজনীয়’, ‘প্রতিস্মারণীয়’ কিংবা ‘উৎক্ষেপনীয়’ দণ্ড-বিধান করিতে চায় এবং সে ভিক্ষুগণের নিকট সংবাদ প্রেরণ করে : ‘সজ্ঞ আমার দণ্ডবিধান করিতে চাহিতেছেন, অতএব ভিক্ষুগণ আসুন, আমি ভিক্ষুগণের আগমন প্রত্যাশা করিতেছি।’ ভিক্ষুগণ! তাহা

১। যদি কোন ভিক্ষু ত্রয়োদশ সজ্ঞাদিশেষ অপরাধের মধ্যে যে কোন অপরাধে অপরাধী হয় তাহা হইলে অন্তত চারিজন ভিক্ষু সমবেত হইয়া অপরাধীকে সেই দণ্ড প্রদান করেন।

২। পরিবাস দণ্ড ভোগের সময় পুনরায় উক্ত অপরাধে অপরাধী হইলে যেই দণ্ড দেওয়া হয়।

৩। পরিবাস দণ্ড ভোগের পর সজ্ঞের সম্মানের জন্য অতিরিক্ত ছয়রাত্রি দণ্ড ভোগ করা।

৪। পরিবাস দণ্ডে দণ্ডিতকে অন্তত বিংশতি জন ভিক্ষুকর্তৃক সজ্ঞে প্রবেশাধিকার দেওয়া।

৫। দণ্ডদানের নিমিত্ত কর্ম্মবাক্য পাঠ করা।

৬। সজ্ঞের প্রয়োজনীয় অন্তত পঞ্চ সংখ্যা পূর্ণ করা।

হইলে সংবাদ প্রেরণ করুক বা না করুক সপ্তাহের নিমিত্ত এই মনে করিয়া যাইবে : ‘কিসে সজ্ঞ দণ্ডবিধান না করেন অথবা লঘুদণ্ড প্রদান করেন।’ কিন্তু সপ্তাহের মধ্যে প্রত্যাগমন করিবে।

(এ৩) হে ভিক্ষুগণ! যদি সজ্ঞ কোন ভিক্ষুর ‘তর্জ্জনীয়’, ‘নির্যশ’, ‘প্রব্রাজনীয়’, ‘প্রতিস্মারণীয়’ অথবা ‘উৎক্ষেপনীয়’ দণ্ডবিধান করিয়া থাকে এবং সেই ভিক্ষু ভিক্ষুগণের নিকট সংবাদ প্রেরণ করে : ‘সজ্ঞ আমার দণ্ডবিধান করিয়াছেন, অতএব ভিক্ষুগণ আসুন, আমি ভিক্ষুগণের আগমন প্রত্যাশা করিতেছি।’ ভিক্ষুগণ! তাহা হইলে সংবাদ প্রেরণ করুক বা না করুক সপ্তাহের নিমিত্ত এই মনে করিয়া যাইবে : ‘কিসে দণ্ডিত ভিক্ষু সম্যকভাবে অনুবর্তী হয়, মান ত্যাগ করে, মুক্তির যোগ্য আচরণ করে এবং সজ্ঞ সেই দণ্ড প্রত্যাহার করেন।’ কিন্তু সপ্তাহের মধ্যে প্রত্যাগমন করিবে।

৩—(ক) হে ভিক্ষুগণ! যদি কোন ভিক্ষুণী পীড়িতা হয় এবং সে ভিক্ষুগণের নিকট সংবাদ প্রেরণ করে : ‘আমি পীড়িতা হইয়াছি, অতএব আর্য্যগণ আসুন, আমি আর্য্যগণের আগমন প্রত্যাশা করিতেছি।’ ভিক্ষুগণ! তাহা হইলে সংবাদ প্রেরণ করুক বা না করুক সপ্তাহের নিমিত্ত এই মনে করিয়া যাইবে : ‘রোগীর পথ্যের ব্যবস্থা করিব, রোগী পরিচারকের আহাৰ্য্যের ব্যবস্থা করিব, রোগীর ঔষধের ব্যবস্থা করিব, তাহার রোগের বিষয় জিজ্ঞাসা করিব অথবা পরিচর্যা করিব।’ কিন্তু সপ্তাহের মধ্যে প্রত্যাগমন করিবে। [খ হইতে এ পর্য্যন্ত পূর্ববৎ]

৪—(ক) হে ভিক্ষুগণ! যদি কোন শিক্ষমানা^১ পীড়িতা হয় এবং সে ভিক্ষুগণের নিকট সংবাদ প্রেরণ করে : ‘আমি পীড়িতা হইয়াছি, অতএব আর্য্যগণ আসুন, আমি আর্য্যগণের আগমন প্রত্যাশা করিতেছি।’ ভিক্ষুগণ! তাহা হইলে সংবাদ প্রেরণ করুক বা না করুক সপ্তাহের নিমিত্ত এই মনে করিয়া যাইবে : ‘রোগীর পথ্যের ব্যবস্থা করিব, রোগী পরিচারকের আহাৰ্য্যের ব্যবস্থা করিব, রোগীর ঔষধের ব্যবস্থা করিব, রোগের বৃত্তান্ত জিজ্ঞাসা করিব অথবা তাহার পরিচর্যা করিব।’ কিন্তু সপ্তাহের মধ্যে প্রত্যাগমন করিবে। [খ হইতে ঘ পর্য্যন্ত পূর্ববৎ]

(ঙ) হে ভিক্ষুগণ! যদি কোন শিক্ষমানার শিক্ষাভঙ্গ হয় এবং সে ভিক্ষুগণের নিকট সংবাদ প্রেরণ করে : ‘আমার শিক্ষাভঙ্গ হইয়াছে, অতএব আর্য্যগণ আসুন, আমি আর্য্যগণের আগমন প্রত্যাশা করিতেছি।’ ভিক্ষুগণ! তাহা হইলে সংবাদ প্রেরণ করুক বা না করুক সপ্তাহের নিমিত্ত এই মনে করিয়া যাইবে : ‘তাহার শিক্ষা গ্রহণ কার্য্যে ঔৎসুক্য প্রকাশ করিব।’ কিন্তু সপ্তাহের মধ্যে প্রত্যাগমন করিবে।

^১। উপসম্পদা প্রাপ্তির পূর্বে যেই নারী প্রাণিহত্যা, অদত্তাদান, অব্রহ্মচর্য্য, মিথ্যাকথন, মাদকদ্রব্য সেবন এবং বিকালভোজন-বিরতি আদি ষড়বিধ শিক্ষাপদ (শিক্ষণীয় বিষয়) প্রতিপালনে নিরত থাকে, তাহাকে শিক্ষমানা বলে।

(চ) হে ভিক্ষুগণ! যদি কোন শিক্ষমানা উপসম্পদাকাজ্জিণী হয় এবং সে ভিক্ষুগণের নিকট সংবাদ প্রেরণ করে : ‘আমি উপসম্পদাকাজ্জিণী হইয়াছি, অতএব আর্য্যগণ আসুন, আমি আর্য্যগণের আগমন প্রত্যাশা করিতেছি।’ ভিক্ষুগণ! তাহা হইলে সংবাদ প্রেরণ করুক বা না করুক সপ্তাহের নিমিত্ত এই মনে করিয়া যাইবে : ‘উপসম্পদা প্রদান কার্য্যে ঔৎসুক্য প্রকাশ করিব, অনুশ্রাবণ করিব অথবা ‘গণপূরক’ হইব।’ কিন্তু সপ্তাহের মধ্যে প্রত্যাগমন করিবে।

৫—(ক) হে ভিক্ষুগণ! যদি কোন শ্রামণের পীড়িত হয় এবং সে ভিক্ষুদিগের নিকট সংবাদ প্রেরণ করে : ‘আমি পীড়িত হইয়াছি, অতএব ভিক্ষুগণ আসুন, আমি ভিক্ষুগণের আগমন প্রত্যাশা করিতেছি।’ ভিক্ষুগণ! তাহা হইলে সংবাদ প্রেরণ করুক বা না করুক সপ্তাহের নিমিত্ত এই মনে করিয়া যাইবে : ‘রোগীর পথ্যের ব্যবস্থা করিব, রোগী পরিচারকের আহাৰ্য্যের ব্যবস্থা করিব, রোগীর ঔষধের ব্যবস্থা করিব, রোগের বিবরণ জিজ্ঞাসা করিব অথবা পরিচর্যা করিব।’ কিন্তু সপ্তাহের মধ্যে প্রত্যাগমন করিবে। [খ হইতে ঘ পর্য্যন্ত পূর্ববৎ]

(ঙ) হে ভিক্ষুগণ! যদি কোন শ্রামণের নিজের (বয়স) জিজ্ঞাসা করিতে চায় এবং সে ভিক্ষুগণের নিকট সংবাদ প্রেরণ করে : ‘আমি আমার বয়স জানিতে চাই অতএব ভিক্ষুগণ আসুন, আমি ভিক্ষুগণের আগমন প্রত্যাশা করিতেছি।’ ভিক্ষুগণ! তাহা হইলে সংবাদ প্রেরণ করুক বা না করুক সপ্তাহের নিমিত্ত এই মনে করিয়া যাইবে : ‘বয়স জিজ্ঞাসা করিব অথবা জ্ঞাপন করিব।’ কিন্তু সপ্তাহের মধ্যে প্রত্যাগমন করিবে।

(চ) হে ভিক্ষুগণ! যদি কোন শ্রামণের উপসম্পদাকাজ্জী হয় এবং সে ভিক্ষুদিগের নিকট সংবাদ প্রেরণ করে : ‘আমি উপসম্পদা লাভের ইচ্ছা করিয়াছি অতএব ভিক্ষুগণ আসুন, আমি ভিক্ষুগণের আগমন প্রত্যাশা করিতেছি।’ ভিক্ষুগণ! তাহা হইলে সংবাদ প্রেরণ করুক বা না করুক সপ্তাহের নিমিত্ত এই মনে করিয়া যাইবে : ‘উপসম্পদা প্রদানে ঔৎসুক্য প্রকাশ করিব, ‘অনুশ্রাবণ’ করিব অথবা ‘গণপূরক’ হইব।’ কিন্তু সপ্তাহের মধ্যে প্রত্যাগমন করিবে।

৬—(ক) হে ভিক্ষুগণ! যদি কোন শ্রামণের পীড়িতা হয় এবং সে ভিক্ষুগণের নিকট সংবাদ প্রেরণ করে : ‘আমি পীড়িতা হইয়াছি, অতএব আর্য্যগণ আসুন, আমি আর্য্যগণের আগমন প্রত্যাশা করিতেছি।’ ভিক্ষুগণ! তাহা হইলে সংবাদ প্রেরণ করুক বা না করুক সপ্তাহের নিমিত্ত এই মনে করিয়া যাইবে : ‘রোগীর পথ্যের ব্যবস্থা করিব, রোগী পরিচারকের আহাৰ্য্যের ব্যবস্থা করিব, রোগীর ঔষধের ব্যবস্থা করিব, রোগের অবস্থা জিজ্ঞাসা করিব অথবা পরিচর্যা করিব।’ কিন্তু সপ্তাহের মধ্যে প্রত্যাগমন করিবে। [খ হইতে ঙ পর্য্যন্ত শ্রামণের পূর্ববৎ]

(চ) হে ভিক্ষুগণ! যদি কোন শ্রামণের শিক্ষাপদ গ্রহণ করিতে চায় এবং সে ভিক্ষুদিগের নিকট সংবাদ প্রেরণ করে : ‘আমি শিক্ষাপদ গ্রহণ করিতে ইচ্ছা

করিয়াছি, অতএব আৰ্য্যগণ আসুন, আমি আৰ্য্যগণের আগমন প্রত্যাশা করিতেছি।’ ভিক্ষুগণ! তাহা হইলে সংবাদ প্রেরণ করুক বা না করুক সপ্তাহের নিমিত্ত এই মনে করিয়া যাইবে : ‘শিক্ষাপদ প্রদানে উৎসুক্য প্রকাশ করিব।’ কিন্তু সপ্তাহের মধ্যে প্রত্যাগমন করিবে।

৭—সেই সময়ে জনৈক ভিক্ষুর মাতা পীড়িতা হইয়াছিল। সে পুত্রের নিকট সংবাদ প্রেরণ করিল : ‘আমি পীড়িতা হইয়াছি অতএব আমার পুত্র আসুক, আমি পুত্রের উপস্থিতি প্রত্যাশা করিতেছি।’ সেই ভিক্ষুর মনে এই চিন্তা উদিত হইল : ‘ভগবান ব্যবস্থা দিয়াছেন—সংবাদ প্রেরণ করিলে সাত ব্যক্তির নিকট সপ্তাহের নিমিত্ত গমন করিতে পারিবে, সংবাদ প্রেরণ না করিলে গমন করিতে পারিবে না এবং পাঁচ ব্যক্তির নিকট সংবাদ প্রেরণ করুক বা না করুক সপ্তাহের নিমিত্ত গমন করিতে পারিবে। এখন আমার মাতা পীড়িতা হইয়াছেন; কিন্তু তিনি ত উপাসিকা^১ নহেন। এখন আমায় কি করিতে হইবে?’ ভগবানকে এই বিষয় জানাইলেন। (ভগবান কহিলেন :—)

হে ভিক্ষুগণ! আমি অনুজ্ঞা করিতেছি : নিম্নোক্ত সাতব্যক্তির নিকট সংবাদ প্রেরণ করুক বা না করুক সপ্তাহের নিমিত্ত গমন করিবে। যথা : (১) ভিক্ষু, (২) ভিক্ষুণী, (৩) শিক্ষমানা, (৪) শ্রামণের, (৫) শ্রামণেরী, (৬) মাতা, (৭) পিতা।

“হে ভিক্ষুগণ! আমি অনুজ্ঞা করিতেছি : এই সাত ব্যক্তির নিকট সংবাদ প্রেরণ করুক বা না করুক সপ্তাহের নিমিত্ত গমন করিবে। কিন্তু সপ্তাহের মধ্যে প্রত্যাগমন করিবে।”

৮—হে ভিক্ষুগণ! যদি কোন ভিক্ষুর মাতা পীড়িতা হয় এবং সে তাহার পুত্রের নিকট সংবাদ প্রেরণ করে, ‘আমি পীড়িতা হইয়াছি অতএব আমার পুত্র আসুক, আমি পুত্রের উপস্থিতি প্রত্যাশা করিতেছি।’ ভিক্ষুগণ! তাহা হইলে সংবাদ প্রেরণ করুক বা না করুক সপ্তাহের নিমিত্ত এই মনে করিয়া যাইবে : ‘রোগীর পথ্যের ব্যবস্থা করিব, রোগী পরিচারকের আহাৰ্য্যের ব্যবস্থা করিব, রোগীর ঔষধের ব্যবস্থা করিব, রোগের অবস্থা জিজ্ঞাসা করিব অথবা পরিচর্যা করিব।’ কিন্তু সপ্তাহের মধ্যে প্রত্যাগমন করিবে।

৯—হে ভিক্ষুগণ! যদি কোন ভিক্ষুর পিতা পীড়িত হয় এবং সে তাহার পুত্রের নিকট সংবাদ প্রেরণ করে, ‘আমি পীড়িত হইয়াছি অতএব আমার পুত্র আসুক, আমি পুত্রের উপস্থিতি প্রত্যাশা করিতেছি।’ [পূর্ববৎ]

^১। বুদ্ধের ধৰ্ম্মাবলম্বী নহেন। যাঁহারা বুদ্ধের ধৰ্ম্মাবলম্বী তাঁহাদিগকেই উপাসিকা বলা হয়।—সম-পাসা।

(৩) সংবাদ প্রাপ্তিতে সপ্তাহের নিমিত্ত বহির্গমন

১—হে ভিক্ষুগণ! যদি কোন ভিক্ষুর ভ্রাতা পীড়িত হয় এবং সে ভ্রাতার নিকট সংবাদ প্রেরণ করে : ‘আমি পীড়িত হইয়াছি অতএব আমার ভ্রাতা আসুক, আমি ভ্রাতার উপস্থিতি প্রত্যাশা করিতেছি।’ ভিক্ষুগণ! তাহা হইলে সপ্তাহের নিমিত্ত গমন করিবে; কিন্তু সংবাদ প্রেরণ না করিলে গমন করিবে না। সপ্তাহের মধ্যে প্রত্যাগমন করিবে।

২—হে ভিক্ষুগণ! যদি কোন ভিক্ষুর ভগ্নী পীড়িতা হয় এবং সে ভ্রাতার নিকট সংবাদ প্রেরণ করে, ‘আমি পীড়িতা হইয়াছি অতএব আমার ভ্রাতা আসুক, আমি ভ্রাতার উপস্থিতি প্রত্যাশা করিতেছি।’ [পূর্ববৎ]

৩—হে ভিক্ষুগণ! যদি কোন ভিক্ষুর জ্ঞাতি পীড়িত হয় এবং সে ভিক্ষুর নিকট সংবাদ প্রেরণ করে, ‘আমি পীড়িত হইয়াছি অতএব মাননীয় ভিক্ষু আসুন, আমি আপনার উপস্থিতি প্রত্যাশা করিতেছি।’ ভিক্ষুগণ! তাহা হইলে সপ্তাহের নিমিত্ত গমন করিবে; কিন্তু সংবাদ প্রেরণ না করিলে গমন করিবে না। সপ্তাহের মধ্যে প্রত্যাগমন করিবে।

৪—হে ভিক্ষুগণ! যদি কোন ভিক্ষুর ভৃতিক^১ পীড়িত হয় এবং সে ভিক্ষুগণের নিকট সংবাদ প্রেরণ করে, ‘আমি পীড়িত হইয়াছি অতএব মাননীয় ভিক্ষুগণ আসুন, আমি ভিক্ষুগণের উপস্থিতি প্রত্যাশা করিতেছি।’ ভিক্ষুগণ! তাহা হইলে সপ্তাহের নিমিত্ত গমন করিবে; কিন্তু সংবাদ প্রেরণ না করিলে গমন করিবে না। সপ্তাহের মধ্যে প্রত্যাগমন করিবে।

৫—সেই সময়ে সজ্জের একটি বৃহৎ বিহার জীর্ণ হইয়া যাইতেছিল। জনৈক উপাসক অরণ্যে কাষ্ঠ ছেদন করাইয়া ভিক্ষুগণের নিকট সংবাদ প্রেরণ করিল : ‘যদি মাননীয় ভিক্ষুগণ এই কাষ্ঠ লইয়া যাইতে পারেন তাহা হইলে আমি তাহা প্রদান করিব।’ ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : সজ্জের কার্য্যোপলক্ষে গমন করিবে; কিন্তু সপ্তাহের মধ্যে প্রত্যাগমন করিতে হইবে।”

॥ বর্ষাবাস ভণিতা সমাপ্ত ॥

^১। এক বিহারে ভিক্ষুদিগের সহিত বাসকারী লোক।—সম-পাঙ্গ।

বর্ষাবাস করিবার স্থান

(১) বিশেষ পরিস্থিতিতে স্থানত্যাগ

সেই সময়ে কোশল জনপদে এক আবাসে বর্ষাবাসেরত ভিক্ষুগণ হিংস্রজন্তু দ্বারা উৎপীড়িত হইতেছিলেন। হিংস্রজন্তু ভিক্ষুদিগকে আক্রমণও করিতেছিল, নিহতও করিতেছিল। ভিক্ষুগণ ভগবানকে এই সংবাদ জানাইলেন। (ভগবান কহিলেন :—)

১—হে ভিক্ষুগণ! যদি বর্ষাবাসেনিরত ভিক্ষুগণ হিংস্রজন্তু দ্বারা উপদ্রুত হয়, তাহাদিগকে আক্রমণ করে এবং হত্যা করে তাহা হইলে ‘ইহা অন্তরায়’ এই মনে করিয়া তথা হইতে প্রস্থান করিবে। ইহাতে বর্ষাবাসভঙ্গজনিত অপরাধ হইবে না।

২—হে ভিক্ষুগণ! যদি বর্ষাবাসেনিরত ভিক্ষুগণ সরীসৃপ দ্বারা উপদ্রুত হয় তাহাদিগকে সরীসৃপ দংশনও করে, হত্যাও করে তাহা হইলে ‘ইহা অন্তরায়’ এই মনে করিয়া স্থানত্যাগ করিবে। ইহাতে বর্ষাবাসভঙ্গজনিত অপরাধ হইবে না।

৩—হে ভিক্ষুগণ! যদি বর্ষাবাসেনিরত ভিক্ষুগণ চোর দ্বারা উপদ্রুত হয়, তাহাদের সামগ্রী লুণ্ঠন করে এবং তাহাদিগকে প্রহার করে তাহা হইলে ‘ইহা অন্তরায়’ এই মনে করিয়া স্থানত্যাগ করিবে। ইহাতে বর্ষাবাসভঙ্গজনিত অপরাধ হইবে না।

৪—হে ভিক্ষুগণ! যদি বর্ষাবাসেনিরত ভিক্ষুগণ পিশাচ দ্বারা উপদ্রুত হয়, তাহারা পিশাচ দ্বারা আবিষ্ট হয় এবং পিশাচ তাহাদের জীবনীশক্তি হরণ করে তাহা হইলে ‘ইহা অন্তরায়’ এই মনে করিয়া স্থানত্যাগ করিবে। ইহাতে বর্ষাবাসভঙ্গজনিত অপরাধ হইবে না।

৫—হে ভিক্ষুগণ! যদি বর্ষাবাসেনিরত ভিক্ষুগণের গ্রাম অগ্নিদগ্ধ হয় এবং ভিক্ষুগণ ভিক্ষান্ন লাভে ক্লিষ্ট হয় তাহা হইলে ‘ইহা অন্তরায়’ এই মনে করিয়া স্থানত্যাগ করিবে। ইহাতে বর্ষাবাসভঙ্গজনিত অপরাধ হইবে না।

৬—হে ভিক্ষুগণ! যদি বর্ষাবাসেনিরত ভিক্ষুগণের শয্যাসন অগ্নিদগ্ধ হয় এবং ভিক্ষুগণ শয্যাসন অভাবে কষ্টে পতিত হয় তাহা হইলে ‘ইহা অন্তরায়’ এই মনে করিয়া স্থানত্যাগ করিবে। ইহাতে বর্ষাবাসভঙ্গজনিত অপরাধ হইবে না।

৭—হে ভিক্ষুগণ! যদি বর্ষাবাসেনিরত ভিক্ষুগণের গ্রাম জলমগ্ন হয় এবং ভিক্ষুগণ ভিক্ষান্ন লাভে ক্লিষ্ট হয় তাহা হইলে ‘ইহা অন্তরায়’ এই মনে করিয়া স্থানত্যাগ করিবে। ইহাতে বর্ষাবাসভঙ্গজনিত অপরাধ হইবে না।

৮—হে ভিক্ষুগণ! যদি বর্ষাবাসেনিরত ভিক্ষুগণের শয্যাসন জলমগ্ন হয় এবং ভিক্ষুগণ শয্যাসন অভাবে কষ্টে পতিত হয় তাহা হইলে ‘ইহা অন্তরায়’ এই মনে করিয়া স্থানত্যাগ করিবে। ইহাতে বর্ষাবাসভঙ্গজনিত অপরাধ হইবে না।

(২) গ্রাম পরিত্যক্ত হইলে গ্রামবাসীদিগের সঙ্গে গমন

১—সেই সময়ে এক আবাসে বর্ষাবাসেনিরত ভিক্ষুগণের গ্রাম চোরদ্বারা বিধ্বস্ত হইল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : তোমরা গ্রামের (গ্রামবাসীদিগের) অনুসরণ করিবে।”

২—গ্রাম (গ্রামবাসিগণ) দ্বিধা বিভক্ত হইল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : যেইদিকে গ্রামাবাসীর সংখ্যা অধিক সেইদিকে গমন করিবে।”

৩—সংখ্যাধিক্য (গ্রামবাসিগণ শ্রদ্ধা এবং প্রসন্নতা হীন। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : যেইদিকে লোক শ্রদ্ধাশীল এবং প্রসন্ন সেইদিকে গমন করিবে।”

(৩) স্থানের প্রতিকূলতায় গ্রামত্যাগ

১—সেই সময়ে কোশল জনপদে এক আবাসে বর্ষাবাসনিরত ভিক্ষুগণ পরিপূর্ণভাবে যথারূচি অপকৃষ্ট বা উৎকৃষ্ট ভোজন লাভে বঞ্চিত হইলেন। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! যদি বর্ষাবাসনিরত ভিক্ষুগণ পরিপূর্ণভাবে যথারূচি অপকৃষ্ট বা উৎকৃষ্ট ভোজন লাভে বঞ্চিত হয় তাহা হইলে ‘ইহা অন্তরায়’ এই মনে করিয়া স্থানত্যাগ করিতে পারিবে। ইহাতে বর্ষাবাসভঙ্গজনিত অপরাধ হইবে না।”

২—হে ভিক্ষুগণ! বর্ষাবাসনিরত ভিক্ষুগণ যথারূচি পরিপূর্ণভাবে অপকৃষ্ট বা উৎকৃষ্ট ভোজন প্রাপ্ত হয় বটে, যদি তাহা তাহাদের অনুকূল না হয় তাহা হইলে ‘ইহা অন্তরায়’ এই মনে করিয়া স্থানত্যাগ করিতে পারিবে। ইহাতে বর্ষাবাসভঙ্গজনিত অপরাধ হইবে না।

৩—হে ভিক্ষুগণ! বর্ষাবাসনিরত ভিক্ষুগণ পরিপূর্ণভাবে যথারূচি অপকৃষ্ট বা উৎকৃষ্ট ভোজনও লাভ করে এবং তাহা তাহাদের অনুকূলও হয়; যদি অনুকূল ভৈষজ্যলাভে বঞ্চিত হয় তাহা হইলে ‘ইহা অন্তরায়’ এই মনে করিয়া তাহারা স্থানত্যাগ করিতে পারিবে। ইহাতে বর্ষাবাসভঙ্গজনিত অপরাধ হইবে না।

৪—হে ভিক্ষুগণ! বর্ষাবাসনিরত ভিক্ষুগণ যদিও বা পরিপূর্ণভাবে যথারূচি অপকৃষ্ট বা উৎকৃষ্ট ভোজন লাভ করে, যদিও বা তাহা তাহাদের অনুকূল হয় এবং যদিও বা অনুকূল ভৈষজ্যলাভে বঞ্চিত না হয় তথাপি যদি উপযুক্ত সেবক না পায়

তাহা হইলে ‘ইহা অন্তরায়’ এই মনে করিয়া স্থানত্যাগ করিতে পারিবে। ইহাতে বর্ষাবাসভঙ্গজনিত অপরাধ হইবে না।

(৪) ব্যক্তি বিশেষের প্রতিকূলকায় স্থানত্যাগ

১—হে ভিক্ষুগণ! যদি বর্ষাবাসনিরত ভিক্ষুকে ‘প্রভো! আসুন, আপনাকে হীরক দিব, স্বর্ণ দিব, ক্ষেত্র দিব, জমি দিব, বলদ দিব, গাভী দিব, দাস দিব, দাসী দিব, আপনার ভাৰ্য্যা হইবার জন্য আমার কন্যা দিব, আমি আপনার ভাৰ্য্যা হইব অথবা আপনার জন্য অন্য ভাৰ্য্যা আনিব’ এইরূপ বলিয়া কোন নারী আহ্বান করে এবং (তাহা শ্রবণ করিয়া) ভিক্ষুর মনে এইরূপ চিন্তার উদয় হয় : “ভগবান বলিয়াছেন : চিত্ত লঘুপরিবর্তনশীল”, অতএব ইহাতে আমার ব্রহ্মচর্য্যের অন্তরায় উপস্থিত হইতে পারে।” তাহা হইলে প্রস্থান করিবে। ইহাতে বর্ষাবাসভঙ্গজনিত অপরাধ হইবে না।

২—হে ভিক্ষুগণ! যদি বর্ষাবাসনিরত ভিক্ষুকে কোন বেশ্যা আহ্বান করে, ৩—শূলকুমারী (অধিক বয়স্কা অবিবাহিতা নারী) আহ্বান করে, ৪—পণ্ডক (ক্লীব) আহ্বান করে, ৫—জ্ঞাতিগণ আহ্বান করে, ৬—রাজন্যবর্গ আহ্বান করে, ৭—চোরগণ আহ্বান করে, ৮—ধূর্তগণ আহ্বান করে : ‘প্রভো! আসুন, আপনাকে হীরক দিব, স্বর্ণ দিব, ক্ষেত্র দিব, বলদ দিব, গাভী দিব, দাস দিব, দাসী দিব, আপনার ভাৰ্য্যা হইবার জন্য আমার কন্যা দিব অথবা আপনার জন্য অন্য ভাৰ্য্যা আনিব।’ [পূর্ববৎ]

৯—হে ভিক্ষুগণ! যদি বর্ষাবাসনিরত ভিক্ষু কোন অস্বামিক ধন দেখিতে পায় এবং তদর্শনে তাহার মনে এই চিন্তা উদিত হয় : “ভগবান বলিয়াছেন : ‘চিত্ত লঘুপরিবর্তনশীল’, (এই ধন হেতু) আমার ব্রহ্মচর্য্যের অন্তরায়ও উপস্থিত হইতে পারে।” তাহা হইলে তথা হইতে প্রস্থান করিবে। ইহাতে বর্ষাবাসভঙ্গজনিত অপরাধ হইবে না।

(৫) সজ্ঞভেদ প্রতিরোধের নিমিত্ত স্থানত্যাগ

১—হে ভিক্ষুগণ! যদি বর্ষাবাসনিরত কোন ভিক্ষু অনেক ভিক্ষুকে সজ্ঞভেদের জন্য পরাক্রম প্রকাশ করিতে দেখে এবং তখন তাহার মনে এই চিন্তা উদিত হয় : ‘ভগবান সজ্ঞভেদ করা গুরুতর অপরাধ বলিয়াছেন, অতএব আমার উপস্থিতিতে সজ্ঞভেদ না হউক।’ তাহা হইলে তথা হইতে প্রস্থান করিতে পারিবে। ইহাতে বর্ষাবাসভঙ্গজনিত অপরাধ হইবে না।

২—হে ভিক্ষুগণ! যদি বর্ষাবাসনিরত কোন ভিক্ষু শুনিত পায় : অমুক আবাসে অনেক ভিক্ষু সজ্ঞভেদের নিমিত্ত পরাক্রম প্রকাশ করিতেছে এবং তখন তাহার মনে এই চিন্তা উদিত হয় : ‘ভগবান সজ্ঞভেদ করা গুরুতর অপরাধ বলিয়াছেন, অতএব

আমার উপস্থিতিতে সজ্ঞাভেদ না হউক।’ তাহা হইলে তথা হইতে প্রস্থান করিতে পারিবে। ইহাতে বর্ষাবাসভঙ্গজনিত অপরাধ হইবে না।

৩—হে ভিক্ষুগণ! যদি বর্ষাবাসনিরত কোন ভিক্ষু শূনিতে পায় : অমুক আবাসে অনেক ভিক্ষু সজ্ঞাভেদের নিমিত্ত পরাক্রম প্রকাশ করিতেছে এবং তখন তাহার মনে এইরূপ চিন্তা উদিত হয় : “সেই ভিক্ষুগণ আমার মিত্র, আমি তাঁহাদিগকে বলিব, ‘বন্ধুগণ! ভগবান সজ্ঞাভেদ করা গুরুতর অপরাধ বলিয়াছেন, অতএব আয়ুষ্মানদিগের সজ্ঞাভেদে রুচি না হউক।’ এরূপ বলিলে তাঁহারা আমার বাক্য রক্ষা করিবেন, একাগ্রতার সহিত শ্রবণ করিবেন এবং মনোযোগ দিবেন।” তাহা হইলে তথা হইতে প্রস্থান করিতে পারিবে। ইহাতে বর্ষাবাসভঙ্গজনিত অপরাধ হইবে না।

৪—হে ভিক্ষুগণ! যদি বর্ষাবাসনিরত কোন ভিক্ষু শূনিতে পায় : অমুক আবাসে অনেক ভিক্ষু সজ্ঞাভেদের নিমিত্ত পরাক্রম প্রকাশ করিতেছে এবং তখন তাহার মনে এইরূপ চিন্তা উদিত হয় : “সেই ভিক্ষুগণ (সজ্ঞাভেদে ইচ্ছুক ভিক্ষুগণ) আমার মিত্র নহেন বটে, কিন্তু যাঁহারা তাঁহাদের মিত্র তাঁহারা আমারও মিত্র, আমি তাঁহাদিগকে বলিব। আমি তাঁহাদিগকে (আমার মিত্রদিগকে) বলিলে তাঁহারা তাঁহাদিগকে (সজ্ঞাভেদে ইচ্ছুক ভিক্ষুদিগকে) বলিবেন ‘বন্ধুগণ! ভগবান সজ্ঞাভেদ করা গুরুতর অপরাধ বলিয়াছেন অতএব আয়ুষ্মানদের সজ্ঞাভেদে রুচি না হউক।’ এরূপ বলিলে তাঁহারা আমার বাক্য রক্ষা করিবেন, একাগ্রতার সহিত শ্রবণ করিবেন এবং মনোযোগ দিবেন।” তাহা হইলে তথা হইতে প্রস্থান করিতে পারিবে। ইহাতে বর্ষাবাসভঙ্গজনিত অপরাধ হইবে না।

৫—হে ভিক্ষুগণ! যদি বর্ষাবাসনিরত কোন ভিক্ষু শূনিতে পায় : অমুক আবাসে অনেক ভিক্ষুকর্তৃক সজ্ঞাভেদ করা হইয়াছে এবং তখন তাহার মনে এইরূপ চিন্তা উদিত হয় : “সেই ভিক্ষুগণ আমার মিত্র, আমি তাঁহাদিগকে বলিব, ‘বন্ধুগণ! ভগবান সজ্ঞাভেদ করা গুরুতর অপরাধ বলিয়াছেন অতএব আপনাদের সজ্ঞাভেদে রুচি না হউক।’ এরূপ বলিলে তাঁহারা আমার বাক্য রক্ষা করিবেন।” [পূর্ববৎ]

৬—হে ভিক্ষুগণ! যদি বর্ষাবাসনিরত কোন ভিক্ষু শূনিতে পায় : অমুক আবাসে অনেক ভিক্ষুকর্তৃক সজ্ঞাভেদ করা হইয়াছে এবং তখন সেই ভিক্ষুর মনে এই চিন্তা উদিত হয় : “সেই ভিক্ষুগণ আমার মিত্র নহেন বটে, কিন্তু যাঁহারা তাঁহাদের মিত্র তাঁহারা আমারও মিত্র, আমি তাঁহাদিগকে (আমার মিত্রদিগকে) বলিব। তাঁহারা আমার দ্বারা অনুবৃত্ত হইয়া তাঁহাদিগকে (সজ্ঞাভেদকারীদিগকে) বলিবেন : ‘বন্ধুগণ! ভগবান সজ্ঞাভেদ করা গুরুতর অপরাধ বলিয়াছেন অতএব আয়ুষ্মানদিগের সজ্ঞাভেদে রুচি না হউক।’ এরূপ বলিলে তাঁহারা আমার বাক্য রক্ষা করিবেন, একাগ্রতার সহিত শ্রবণ করিবেন এবং মনোযোগ প্রদান করিবেন।” তাহা হইলে তথা হইতে প্রস্থান করিবে। ইহাতে বর্ষাবাসভঙ্গজনিত অপরাধ হইবে না।

৭—হে ভিক্ষুগণ! যদি বর্ষাবাসনিরত কোন ভিক্ষু শুনিত পায় : অমুক আবাসে অনেক ভিক্ষুণী সজ্ঞভেদ করিবার জন্য পরাক্রম প্রকাশ করিতেছে এবং তখন তাহার মনে এইরূপ চিন্তা উদিত হয় : “সেই ভিক্ষুণিগণ আমার মিত্র, আমি তাঁহাদিগকে বলিব, ‘ভগ্নিগণ! ভগবান সজ্ঞভেদ করা গুরুতর অপরাধ বলিয়াছেন অতএব ভগ্নিগণের সজ্ঞভেদে রুচি না হউক।’ এরূপ বলিলে তাঁহারা আমার বাক্য রক্ষা করিবেন, একাগ্রতার সহিত শ্রবণ করিবেন এবং মনোযোগ প্রদান করিবেন।” তাহা হইলে তথা হইতে প্রস্থান করিবে। ইহাতে বর্ষাবাসভঙ্গজনিত অপরাধ হইবে না।

৮—হে ভিক্ষুগণ! যদি বর্ষাবাসনিরত কোন ভিক্ষু শুনিত পায় : অমুক আবাসে অনেক ভিক্ষুণী সজ্ঞভেদের নিমিত্ত পরাক্রম প্রকাশ করিতেছে এবং তখন তাঁহার মনে এই চিন্তা উদিত হয় : “সেই ভিক্ষুণিগণ আমার মিত্র নহেন বটে, কিন্তু যাঁহারা তাঁহাদের মিত্র তাঁহারা আমারও মিত্র। আমি তাঁহাদিগকে বলিব। তাঁহারা (আমার মিত্রগণ) আমার দ্বারা অনুরুদ্ধ হইয়া তাঁহাদিগকে (সজ্ঞভেদেচ্ছুকদিগকে) বলিবেন : ভগ্নিগণ! ভগবান সজ্ঞভেদ করা গুরুতর অপরাধ বলিয়াছেন অতএব ভগ্নিগণের সজ্ঞভেদে রুচি না হউক।’ এরূপ বলিলে তাঁহারা আমার বাক্য রক্ষা করিবেন, একাগ্রতার সহিত শ্রবণ করিবেন এবং মনোযোগ দিবেন।” তাহা হইলে তথা হইতে প্রস্থান করিবে। ইহাতে বর্ষাবাসভঙ্গজনিত অপরাধ হইবে না।

৯—হে ভিক্ষুগণ! যদি বর্ষাবাসনিরত কোন ভিক্ষু শুনিত পায় : অমুক আবাসে অনেক ভিক্ষুণীকর্তৃক সজ্ঞভেদ হইয়াছে এবং তখন তাহার মনে এই চিন্তা উদিত হয় : “সেই ভিক্ষুণিগণ আমার মিত্র, আমি তাঁহাদিগকে বলিব : ‘ভগ্নিগণ! ভগবান সজ্ঞভেদ করা গুরুতর অপরাধ বলিয়াছেন অতএব ভগ্নিগণের সজ্ঞভেদে রুচি না হউক।’ এরূপ বলিলে তাঁহারা আমার বাক্য রক্ষা করিবেন, একাগ্রতার সহিত শ্রবণ করিবেন এবং মনোযোগ দিবেন।” তাহা হইলে তথা হইতে প্রস্থান করিবে। ইহাতে বর্ষাবাসভঙ্গজনিত অপরাধ হইবে না।

১০—হে ভিক্ষুগণ! যদি বর্ষাবাসনিরত কোন ভিক্ষু শুনিত পায় : অমুক আবাসে অনেক ভিক্ষুণীকর্তৃক সজ্ঞভেদ হইয়াছে এবং তখন তাহার মনে এই চিন্তা উদিত হয় : “সেই ভিক্ষুণিগণ আমার মিত্র নহেন বটে, কিন্তু যাঁহারা তাঁহাদের মিত্র তাঁহারা আমারও মিত্র, আমি তাঁহাদিগকে (আমার মিত্রদিগকে) বলিব। তাঁহারা আমার দ্বারা অনুরুদ্ধ হইয়া তাঁহাদিগকে (সজ্ঞভেদকারিগণকে) বলিবেন : ‘ভগ্নিগণ! ভগবান সজ্ঞভেদ করা গুরুতর অপরাধ বলিয়াছেন অতএব ভগ্নিগণের সজ্ঞভেদে রুচি না হউক।’ এরূপ বলিলে তাঁহারা আমার বাক্য রক্ষা করিবেন, একাগ্রতার সহিত শ্রবণ করিবেন এবং মনোযোগ দিবেন।” তাহা হইলে তথা হইতে প্রস্থান করিবে। ইহাতে বর্ষাবাসভঙ্গজনিত অপরাধ হইবে না।

(৬) ভ্রাম্যমাণ গৃহীর সহিত বর্ষাবাস

১—(ক) সেই সময়ে জনৈক ভিক্ষু ব্রজে (গোপালকের বাসস্থানে) বর্ষাবাস করিবার সঙ্কল্প করিয়াছিলেন। ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : ব্রজে বর্ষাবাস করিতে পারিবে।”

(খ) ব্রজ স্থানচ্যুত হইল। ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : ব্রজের অনুসরণ করিবে।”

২—সেই সময়ে জনৈক ভিক্ষু আসন্ন বর্ষাবাসের সময় সার্থবাহের (শকট বণিকের) সহিত যাইবার সঙ্কল্প করিলেন। ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : সার্থে (শকটে) বর্ষাবাস করিতে পারিবে।”

৩—সেই সময়ে জনৈক ভিক্ষু আসন্ন বর্ষাবাসের সময় নৌকাযোগে যাইবার সঙ্কল্প করিলেন। ভগবানকে এই বিষয় জানাইলেন। ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : নৌকায় বর্ষাবাস করিতে পারিবে।”

(৭) বর্ষাবাসের অযোগ্য স্থান

১—সেই সময়ে ভিক্ষুগণ বৃক্ষ-কোটরে বর্ষাবাস করিতেছিলেন। (তদর্শনে) জনসাধারণ আন্দোলন, নিন্দা এবং প্রকাশ্যে দুর্নাম প্রচার করিতে লাগিল : “কেন শাক্যপুত্রীয় শ্রমণগণ বৃক্ষ-কোটরে বর্ষাবাস করিতেছে? যেন তাহারা পিশাচ!” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! বৃক্ষ-কোটরে বর্ষাবাস করিতে পারিবে না, যে করিবে তাহার ‘দুষ্কট’ অপরাধ হইবে।”

২—সেই সময়ে ভিক্ষুগণ বৃক্ষ-বিটপে (শাখায়) বর্ষাবাস করিতেছিলেন। (তদর্শনে) জনসাধারণ আন্দোলন, নিন্দা এবং প্রকাশ্যে দুর্নাম প্রচার করিতে লাগিল : “কেন শাক্যপুত্রীয় শ্রমণগণ বৃক্ষ-বিটপে বর্ষাবাস করিতেছে? যেন তাহারা শিকারি!” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! বৃক্ষ-বিটপে বর্ষাবাস করিতে পারিবে না, যে করিবে তাহার ‘দুষ্কট’ অপরাধ হইবে।”

৩—সেই সময়ে ভিক্ষুগণ উন্মুক্তস্থানে বর্ষাবাস করিতেছিলেন। তাহারা বারিবর্ষণের সময় বৃক্ষমূলে এবং ছাঁচের দিকে ধাবিত হইলেন। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! উন্মুক্তস্থানে (অনাচ্ছাদিত স্থানে) বর্ষাবাস করিতে পারিবে না, যে করিবে তাহার ‘দুষ্কট’ অপরাধ হইবে।”

৪—সেই সময়ে ভিক্ষুগণ শয্যাসনব্যতীত বর্ষাবাস করিতেছিলেন। (এইজন্য তাঁহারা) শীতেষু দ্বারা অভিভূত হইয়া পড়িলেন। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! শয্যাসনব্যতীত বর্ষাবাস করিতে পারিবে না, যে করিবে তাহার ‘দুষ্কট’ অপরাধ হইবে।”

৫—সেই সময়ে ভিক্ষুগণ মুর্দাখানায় বর্ষাবাস করিতেছিলেন। (তদর্শনে) জনসাধারণ আন্দোলন, নিন্দা এবং প্রকাশ্যে দুর্নাম প্রচার করিতে লাগিল : “কেন শাক্যপুত্রীয় শ্রমণগণ মুর্দাখানায় বর্ষাবাস করিতেছে? যেন তাহারা শবদাহক (মুর্দাফরাস)!” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! মুর্দাখানায় বর্ষাবাস করিতে পারিবে না, যে করিবে তাহার ‘দুষ্কট’ অপরাধ হইবে।”

৬—সেই সময়ে ভিক্ষুগণ ছত্র-তলে বর্ষাবাস করিতেছিলেন। (তদর্শনে) জনসাধারণ আন্দোলন, নিন্দা এবং প্রকাশ্যে দুর্নাম প্রচার করিতে লাগিল : “কেন শাক্যপুত্রীয় শ্রমণগণ ছত্র-তলে বর্ষাবাস করিতেছে? যেন তাহারা রাখাল!” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! ছত্র-তলে বর্ষাবাস করিতে পারিবে না, যে করিবে তাহার ‘দুষ্কট’ অপরাধ হইবে।”

৭—সেই সময়ে ভিক্ষুগণ জালায় (চাটিতে—বৃহৎ মন্ডায় পাত্রে) বর্ষাবাস করিতেছিলেন। (তদর্শনে) জনসাধারণ আন্দোলন, নিন্দা এবং প্রকাশ্যে দুর্নাম প্রচার করিতে লাগিল : “কেন শাক্যপুত্রীয় শ্রমণগণ জালায় বর্ষাবাস করিতেছে? যেন তাহারা অন্যতীর্থী!” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! জালায় বর্ষাবাস করিতে পারিবে না, যে করিবে তাহার ‘দুষ্কট’ অপরাধ হইবে।”

(৮) বর্ষাবাসের মধ্যে প্রব্রজ্যা

১—সেই সময়ে শ্রাবস্তীতে সঙ্ঘ পরস্পর পরামর্শ করিয়া প্রতিজ্ঞাবদ্ধ হইলেন : “বর্ষাভ্যন্তরে কাহাকেও প্রব্রজ্যা দান করা হইবে না।” মৃগারমাতা বিশাখার পৌত্র (বর্ষাভ্যন্তরে) ভিক্ষুগণের নিকট উপস্থিত হইয়া প্রব্রজ্যা যাচঞা করিল। ভিক্ষুগণ (তাহাকে) কহিলেন : “বন্ধো! সঙ্ঘ পরামর্শ করিয়া প্রতিজ্ঞাবদ্ধ হইয়াছেন : বর্ষাভ্যন্তরে কাহাকেও প্রব্রজ্যা দান করা হইবে না। অতএব আপনি ভিক্ষুগণের

বর্ষাবাস সমাপ্ত না হওয়া পর্যন্ত অপেক্ষা করুন, বর্ষাবাস সমাপনের পর আপনাকে প্রব্রজ্যা দিবেন।” অনন্তর সেই ভিক্ষুগণ বর্ষাবাস সমাপনের পর মৃগারমাতা বিশাখার পৌত্রকে কহিলেন : “বন্ধো! এখন আপনি আসুন, প্রব্রজিত হউন।” সে বলিল : “প্রভো! যদি আমি পূর্বের প্রব্রজিত হইতে পারিতাম তাহা হইলে অভিরমিত হইতাম, এখন কিন্তু আমি প্রব্রজিত হইব না।” (তাহা শ্রবণ করিয়া) মৃগারমাতা বিশাখা আন্দোলন, নিন্দা এবং প্রকাশ্যে আলোচনা করিতে লাগিলেন : “কেন আর্য্যগণ ‘বর্ষাবাসের মধ্যে প্রব্রজ্যা দান করা হইবে না’ বলিয়া প্রতিজ্ঞাবদ্ধ হইয়াছেন? কোন্ সময়ই বা ধর্মাচরণ করিতে পারা যায় না?” ভিক্ষুগণ মৃগারমাতা বিশাখার আন্দোলন, নিন্দা এবং প্রকাশ্যে আলোচনা শুনিতে পাইলেন। অনন্তর সেই ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! ‘বর্ষাভ্যন্তরে প্রব্রজ্যা দান করা হইবে না’ বলিয়া প্রতিজ্ঞাবদ্ধ হওয়া অনুচিত, যে প্রতিজ্ঞাবদ্ধ হইবে তাহার ‘দুষ্কট’ অপরাধ হইবে।”

স্থান পরিবর্তনে দোষী এবং নির্দোষী

(১) প্রথম বর্ষাবাসের প্রতিশ্রুতি দিয়া ব্যতিক্রম নিষিদ্ধ

১—সেই সময়ে আয়ুত্থান উপনন্দ শাক্যপুত্র কোশলরাজ প্রসেনজিৎকে প্রথম বর্ষাবাসের প্রতিশ্রুতি দিয়াছিলেন। তিনি সেই আবাসে যাইবার সময় পথের মধ্যে বহুচীবরসম্পন্ন দুইটি আবাস দেখিতে পাইলেন। তখন তাঁহার মনে এই চিন্তা উদ্ভিত হইল : “ভালই, আমি এই দুই আবাসে বর্ষাবাস করিব, এরূপ করিলে আমার বহু চীবর লাভ হইবে।” এই ভাবিয়া তিনি সেই দুই আবাসে বর্ষাযাপন করিতে লাগিলেন। (তদদর্শনে) কোশলরাজ প্রসেনজিৎ আন্দোলন, নিন্দা এবং প্রকাশ্যে দুর্নাম প্রচার করিতে লাগিলেন : “কেন আর্য্য উপনন্দ শাক্যপুত্র আমাকে বর্ষাবাসের প্রতিশ্রুতি দিয়া বিপরীত আচরণ করিতেছেন? ভগবান কি অনেক প্রকারে মিথ্যাকথনের নিন্দা এবং মিথ্যাবাক্যবিরতির প্রশংসা করেন নাই?” ভিক্ষুগণ কোশলরাজ প্রসেনজিৎের আন্দোলন, নিন্দা এবং প্রকাশ্যে দুর্নাম প্রচার শুনিতে পাইলেন। (তচ্ছবণে) যেই ভিক্ষুগণ অল্লেখ্যে তাঁহারাও আন্দোলন, নিন্দা এবং প্রকাশ্যে আলোচনা করিতে লাগিলেন : “কেন আয়ুত্থান উপনন্দ শাক্যপুত্র কোশলরাজ প্রসেনজিৎকে বর্ষাবাসের প্রতিশ্রুতি দিয়া অন্যথা আচরণ করিতেছেন? ভগবান কি অনেক প্রকারে মিথ্যাকথনের নিন্দা এবং সত্যভাষণের প্রশংসা করেন নাই?” অনন্তর সেই ভিক্ষুগণ ভগবানকে এই বিষয় জানাইলেন। ভগবান এই নিদানে, এই প্রকরণে ভিক্ষুসম্মুখে সমবেত করাইয়া আয়ুত্থান উপনন্দ শাক্যপুত্রকে জিজ্ঞাসা করিলেন :—“হে উপনন্দ! সত্যই কি তুমি কোশলরাজ প্রসেনজিৎকে

বর্ষাবাসের প্রতিশ্রুতি দিয়া বিপরীত আচরণ করিতেছ?” “হাঁ, ভগবন্! তাহা সত্য বটে।”

বুদ্ধ ভগবান নিন্দা করিয়া কহিলেন :—মোঘপুরুষ! কেন তুমি কোশলরাজ প্রসেনজিতকে বর্ষাবাসের প্রতিশ্রুতি দিয়া বিপরীত আচরণ করিতেছ? মোঘপুরুষ! আমি কি নানাভাবে মিথ্যাকথনের নিন্দা এবং সত্যভাষণের প্রশংসা করি নাই? তোমার এই কার্যে অপ্রসন্নদিগের (শ্রদ্ধাহীনের) প্রসন্নতা (শ্রদ্ধা) উৎপন্ন হইতে পারে না ... এইভাবে নিন্দা করিয়া, ধর্মকথা উত্থাপন করিয়া ভিক্ষুদিগকে আহ্বান করিলেন :—

“হে ভিক্ষুগণ! যদি কোন ভিক্ষু কাহারও নিকট প্রথম বর্ষাবাসের প্রতিশ্রুতি থাকে, সে সেই আবাসে যাইবার সময় রাস্তার মধ্যে বহুচীবর সম্পন্ন দুই আবাস দেখিতে পায় এবং তখন তাহার মনে এই চিন্তা উদিত হয় : ভালই, আমি এই দুই আবাসে বর্ষা যাপন করিব, এরূপে আমার বহুচীবর প্রাপ্তি হইবে। (এই ভাবিয়া) সে সেই দুই আবাসেই বর্ষাযাপন করিতে থাকে। ভিক্ষুগণ! (এরূপ করিলে) সেই ভিক্ষুর প্রথম (বর্ষাবাস) পরিদৃষ্ট হয় না বরং প্রতিশ্রুতিহেতু ‘দুষ্কট’ অপরাধ হয়।”

(২) প্রথম বর্ষাবাসের প্রতিশ্রুতি দিয়া আবাসে গমনাগমনে অপরাধ

১—(ক) হে ভিক্ষুগণ! যদি কোন ভিক্ষু কাহারও নিকট প্রথম বর্ষাবাসের জন্য প্রতিশ্রুতি হয়, সে সেই আবাসে যাইবার সময় বাহিরে উপোষথ করিয়া প্রতিপদতিথিতে বর্ষাবাস আরম্ভ করে, শয্যাসন বিস্তৃত করে, পানীয় পরিভোগ্য জল স্থাপন করে, পরিবেণ বাঁট দেয় এবং সেই দিনেই নিষ্প্রয়োজনে অন্যত্র প্রস্থান করে, তাহা হইলে সেই ভিক্ষুর প্রথম বর্ষাবাস পরিদৃষ্ট হয় না বরং প্রতিশ্রুতিহেতু ‘দুষ্কট’ অপরাধ হয়।

(খ) হে ভিক্ষুগণ! যদি কোন ভিক্ষু কাহারও নিকট প্রথম বর্ষাবাসের প্রতিশ্রুতি হয়, সে সেই আবাসে যাইবার সময় বাহিরে উপোষথ (উপবসথ) করে, প্রতিপদে বর্ষাবাস আরম্ভ করে, শয্যাসন বিস্তারিত করে, পানীয় পরিভোগ্য জল স্থাপন করে, পরিবেণ বাঁট দেয় এবং সেই দিবসেই প্রয়োজন বশত অন্যত্র প্রস্থান করে, তাহা হইলে সেই ভিক্ষুর প্রথম বর্ষাবাস পরিদৃষ্ট হয় না বরং প্রতিশ্রুতিহেতু ‘দুষ্কট’ অপরাধ হয়।

(গ) হে ভিক্ষুগণ! যদি কোন ভিক্ষু কাহারও নিকট প্রথম বর্ষাবাসের জন্য প্রতিশ্রুতি হয়, সে সেই আবাসে যাইবার সময় বাহিরে উপোষথ করে, প্রতিপদে বর্ষাবাস আরম্ভ করে, শয্যাসন বিস্তৃত করে, পানীয় পরিভোগ্য জল স্থাপন করে, পরিবেণ বাঁট দেয় এবং দুই তিনদিন অবস্থান করিয়া নিষ্প্রয়োজনে অন্যত্র প্রস্থান

করে, তাহা হইলে সেই ভিক্ষুর প্রথম বর্ষাবাস পরিদৃষ্ট হয় না বরং প্রতিশ্রুতিহেতু ‘দুষ্কট’ অপরাধ হয়।

(ঘ) হে ভিক্ষুগণ! যদি কোন ভিক্ষু কাহারও নিকট প্রথম বর্ষাবাসের জন্য প্রতিশ্রুত হয়, সে সেই আবাসে যাইবার সময় বাহিরে উপোষথ করে, প্রতিপদে বর্ষাবাস আরম্ভ করে, শয্যাসন পাতে, পানীয় পরিভোগ্য জল স্থাপন করে, পরিবেণে ঝাঁট দেয় এবং দুই তিন দিবস অবস্থান করিয়া প্রয়োজন বশত অন্যত্র প্রস্থান করে, তাহা হইলে সেই ভিক্ষুর প্রথম বর্ষাবাস পরিদৃষ্ট হয় না বরং প্রতিশ্রুতিহেতু ‘দুষ্কট’ অপরাধ হয়।

(ঙ) হে ভিক্ষুগণ! যদি কোন ভিক্ষু কাহারও নিকট প্রথম বর্ষাবাসের জন্য প্রতিশ্রুত হয়, সে সেই আবাসে যাইবার সময় বাহিরে উপোষথ করে, প্রতিপদে বর্ষাবাস আরম্ভ করে, শয্যাসন পাতে, পানীয় পরিভোগ্য জল স্থাপন করে, পরিবেণে ঝাঁট দেয় এবং দুই তিন দিবস অবস্থান করিয়া সপ্তাহের প্রয়োজনে অন্যত্র প্রস্থান করে এবং সেই সপ্তাহ বাহিরে অতিবাহিত করে, তাহা হইলে সেই ভিক্ষুর প্রথম বর্ষাবাস পরিদৃষ্ট হয় না বরং প্রতিশ্রুতিহেতু ‘দুষ্কট’ অপরাধ হয়।

(৩) কখন গমনাগমন উচিৎ এবং অনুচিৎ?

২—(ক) হে ভিক্ষুগণ! যদি কোন ভিক্ষু কাহারও নিকট প্রথম বর্ষাবাসের জন্য প্রতিশ্রুত হয়, সে সেই আবাসে যাইবার সময় বাহিরে উপোষথ করে, প্রতিপদে বর্ষাবাস আরম্ভ করে, শয্যাসন পাতে, পানীয় পরিভোগ্য জল স্থাপন করে, পরিবেণে ঝাঁট দেয় এবং দুই তিন দিবস অবস্থান করিয়া সপ্তাহের প্রয়োজনে অন্যত্র প্রস্থান করে এবং সেই সপ্তাহের অভ্যন্তরে প্রত্যাগমন করে, তাহা হইলে সেই ভিক্ষুর প্রথম বর্ষাবাস পরিদৃষ্ট হয় এবং প্রতিশ্রুতিহেতু অপরাধও হয় না।

(খ) হে ভিক্ষুগণ! যদি কোন ভিক্ষু কাহারও নিকট প্রথম বর্ষাবাসের জন্য প্রতিশ্রুত হয়, সে সেই আবাসে যাইবার সময় বাহিরে উপোষথ করে, প্রতিপদে বর্ষাবাস আরম্ভ করে, শয্যাসন পাতে, পানীয় পরিভোগ্য জল স্থাপন করে, পরিবেণে ঝাঁট দেয় এবং প্রবারণার সপ্তাহ পূর্বে প্রয়োজনবশত অন্যত্র প্রস্থান করে, তাহা হইলে সে (পুনরায়) সেই আবাসে প্রত্যাগমন করুক বা না করুক সেই ভিক্ষুর প্রথম বর্ষাবাস পরিদৃষ্ট হয় এবং প্রতিশ্রুতিহেতু অপরাধও হয় না।

৩—(ক) হে ভিক্ষুগণ! যদি কোন ভিক্ষু কাহারও নিকট প্রথম বর্ষাবাসের জন্য প্রতিশ্রুত হয়, সে সেই আবাসে যাইয়া উপোষথ করে, প্রতিপদে বর্ষাবাস আরম্ভ করে, শয্যাসন পাতে, পানীয় পরিভোগ্য জল স্থাপন করে, পরিবেণে ঝাঁট দেয় এবং সেই দিবসেই নিম্নপ্রয়োজনে অন্যত্র প্রস্থান করে, তাহা হইলে সেই ভিক্ষুর প্রথম বর্ষাবাস পরিদৃষ্ট হয় না বরং প্রতিশ্রুতিহেতু ‘দুষ্কট’ অপরাধ হয়।

(খ) হে ভিক্ষুগণ! যদি কোন ভিক্ষু কাহারও নিকট প্রথম বর্ষাবাসের প্রতিশ্রুত হয়, সে সেই আবাসে যাইয়া উপোষথ করে, প্রতিপদে বর্ষাবাস আরম্ভ করে, শয্যাসন পাতে, পানীয় পরিভোগ্য জল স্থাপন করে, পরিবেণে ঝাঁট দেয় এবং সেই দিবসেই প্রয়োজনবশত অন্যত্র প্রস্থান করে, তাহা হইলে সেই ভিক্ষুর প্রথম বর্ষাবাস পরিদৃষ্ট হয় না বরং প্রতিশ্রুতিহেতু ‘দুষ্কট’ অপরাধ হয়।

(গ) হে ভিক্ষুগণ! যদি কোন ভিক্ষু কাহারও নিকট প্রথম বর্ষাবাসের জন্য প্রতিশ্রুত হয়, সে সেই আবাসে যাইয়া উপোষথ করে, প্রতিপদে বর্ষাবাস আরম্ভ করে, শয্যাসন পাতে, পানীয় পরিভোগ্য জল স্থাপন করে, পরিবেণে ঝাঁট দেয় এবং দুই তিন দিবস অবস্থান করিয়া নিম্প্রয়োজনে অন্যত্র প্রস্থান করে, তাহা হইলে তাহার প্রথম বর্ষাবাস পরিদৃষ্ট হয় না, বরং প্রতিশ্রুতিহেতু ‘দুষ্কট’ অপরাধ হয়।

(ঘ) হে ভিক্ষুগণ! যদি কোন ভিক্ষু কাহারও নিকট প্রথম বর্ষাবাসের জন্য প্রতিশ্রুত হয়, সে সেই আবাসে যাইয়া উপোষথ করে, প্রতিপদে বর্ষাবাস আরম্ভ করে, শয্যাসন পাতে, পানীয় পরিভোগ্য জল স্থাপন করে, পরিবেণে ঝাঁট দেয় এবং দুই তিন দিবস অবস্থান করিয়া প্রয়োজন বশত অন্যত্র প্রস্থান করে, তাহা হইলে তাহার প্রথম বর্ষাবাস পরিদৃষ্ট হয় না বরং প্রতিশ্রুতিহেতু ‘দুষ্কট’ অপরাধ হয়।

(ঙ) হে ভিক্ষুগণ! যদি কোন ভিক্ষু কাহারও নিকট প্রথম বর্ষাবাসের জন্য প্রতিশ্রুত হয়, সে সেই আবাসে যাইয়া উপোষথ করে, প্রতিপদে বর্ষাবাস আরম্ভ করে, শয্যাসন পাতে, পানীয় পরিভোগ্য জল স্থাপন করে, পরিবেণে ঝাঁট দেয়, দুই তিন দিবস অবস্থান করিয়া সপ্তাহের প্রয়োজনে অন্যত্র প্রস্থান করে এবং সেই সপ্তাহ বাহিরে অতিবাহিত করে, তাহা হইলে সেই ভিক্ষুর প্রথম বর্ষাবাস পরিদৃষ্ট হয় না, বরং প্রতিশ্রুতিহেতু ‘দুষ্কট’ অপরাধ হয়।

(চ) হে ভিক্ষুগণ! যদি কোন ভিক্ষু কাহারও নিকট প্রথম বর্ষাবাসের জন্য প্রতিশ্রুত হয়, সে সেই আবাসে যাইয়া উপোষথ করে, প্রতিপদে বর্ষাবাস আরম্ভ করে, শয্যাসন পাতে, পানীয় পরিভোগ্য জল স্থাপন করে, পরিবেণে ঝাঁট দেয় এবং দুই তিন দিবস অবস্থান করিয়া সপ্তাহের প্রয়োজনে অন্যত্র প্রস্থান করে এবং সেই সপ্তাহের মধ্যে প্রত্যগমন করে, তাহা হইলে সেই ভিক্ষুর প্রথম বর্ষাবাস পরিদৃষ্ট হয় এবং প্রতিশ্রুতিহেতু অপরাধও হয় না।

৪—হে ভিক্ষুগণ! যদি কোন ভিক্ষু কাহারও নিকট প্রথম বর্ষাবাসের জন্য প্রতিশ্রুত হয়, সে সেই আবাসে যাইয়া উপোষথ করে, প্রতিপদে বর্ষাবাস আরম্ভ করে, শয্যাসন পাতে, পানীয় পরিভোগ্য জল স্থাপন করে, পরিবেণে ঝাঁট দেয় এবং প্রবারণার (আশ্বিনী পূর্ণিমার) সপ্তাহ পূর্বে প্রয়োজনবশত অন্যত্র প্রস্থান করে, তাহা হইলে সে সেই আবাসে (পুনরায়) আসুক বা না আসুক সেই ভিক্ষুর প্রথম বর্ষাবাস পরিদৃষ্ট হয় এবং প্রতিশ্রুতিহেতু অপরাধও হয় না।

(৪) দ্বিতীয় বর্ষাবাসের প্রতিশ্রুতি দিয়া গমনাগমনে দোষী-নির্দোষী

১—(ক) হে ভিক্ষুগণ! যদি কোন ভিক্ষু কাহারও নিকট দ্বিতীয় বর্ষাবাসের জন্য প্রতিশ্রুত হয়, সে সেই আবাসে যাইবার সময় বাহিরে উপোষথ করে, প্রতিপদে বর্ষাবাস আরম্ভ করে, শয্যাসন পাতে, পানীয় পরিভোগ্য জল স্থাপন করে, পরিবেণে ঝাঁট দেয় এবং সেই দিবসেই নিষ্প্রয়োজনে অন্যত্র প্রস্থান করে, তাহা হইলে সেই ভিক্ষুর দ্বিতীয় বর্ষাবাস পরিদৃষ্ট হয় না বরং প্রতিশ্রুতিহেতু ‘দুষ্কট’ অপরাধ হয়।

(খ) হে ভিক্ষুগণ! যদি কোন ভিক্ষু কাহারও নিকট দ্বিতীয় বর্ষাবাসের জন্য প্রতিশ্রুত হয়, সে সেই আবাসে যাইবার সময় বাহিরে উপোষথ করে, প্রতিপদে বর্ষাবাস আরম্ভ করে, শয্যাসন পাতে, পানীয় পরিভোগ্য জল স্থাপন করে, পরিবেণে ঝাঁট দেয় এবং সেই দিবসেই প্রয়োজনবশত অন্যত্র প্রস্থান করে, তাহা হইলে সেই ভিক্ষুর দ্বিতীয় বর্ষাবাস পরিদৃষ্ট হয় না বরং প্রতিশ্রুতিহেতু ‘দুষ্কট’ অপরাধ হয়।

(গ) হে ভিক্ষুগণ! যদি কোন ভিক্ষু কাহারও নিকট দ্বিতীয় বর্ষাবাসের জন্য প্রতিশ্রুত হয়, সে সেই আবাসে যাইবার সময় বাহিরে উপোষথ করে, প্রতিপদে বর্ষাবাস আরম্ভ করে, শয্যাসন পাতে, পানীয় পরিভোগ্য জল স্থাপন করে, পরিবেণে ঝাঁট দেয় এবং দুই তিন দিবস অবস্থান করিয়া নিষ্প্রয়োজনে অন্যত্র প্রস্থান করে, তাহা হইলে তাহার দ্বিতীয় বর্ষাবাস পরিদৃষ্ট হয় না, বরং প্রতিশ্রুতিহেতু ‘দুষ্কট’ অপরাধ হয়।

(ঘ) হে ভিক্ষুগণ! যদি কোন ভিক্ষু কাহারও নিকট দ্বিতীয় বর্ষাবাসের জন্য প্রতিশ্রুত হয়, সে সেই আবাসে যাইবার সময় বাহিরে উপোষথ করে, প্রতিপদে বর্ষাবাস আরম্ভ করে, শয্যাসন পাতে, পানীয় পরিভোগ্য জল স্থাপন করে, পরিবেণে ঝাঁট দেয় এবং দুই তিন দিবস অবস্থান করিয়া প্রয়োজন বশত অন্যত্র প্রস্থান করে, তাহা হইলে তাহার দ্বিতীয় বর্ষাবাস পরিদৃষ্ট হয় না বরং প্রতিশ্রুতিহেতু ‘দুষ্কট’ অপরাধ হয়।

(ঙ) হে ভিক্ষুগণ! যদি কোন ভিক্ষু কাহারও নিকট দ্বিতীয় বর্ষাবাসের জন্য প্রতিশ্রুত হয়, সে সেই আবাসে যাইবার সময় বাহিরে উপোষথ করে, প্রতিপদে বর্ষাবাস আরম্ভ করে, শয্যাসন পাতে, পানীয় পরিভোগ্য জল স্থাপন করে, পরিবেণে ঝাঁট দেয়, দুই তিন দিবস অবস্থান করিয়া সপ্তাহের প্রয়োজনে অন্যত্র প্রস্থান করে এবং সেই সপ্তাহ বাহিরে অতিবাহিত করে, তাহা হইলে সেই ভিক্ষুর দ্বিতীয় বর্ষাবাস পরিদৃষ্ট হয় না বরং প্রতিশ্রুতিহেতু ‘দুষ্কট’ অপরাধ হয়।

২—(ক) হে ভিক্ষুগণ! যদি কোন ভিক্ষু কাহারও নিকট দ্বিতীয় বর্ষাবাসের জন্য প্রতিশ্রুত হয়, সে সেই আবাসে যাইবার সময় বাহিরে উপোষথ করে, প্রতিপদে বর্ষাবাস আরম্ভ করে, শয্যাসন পাতে, পানীয় পরিভোগ্য জল স্থাপন করে, পরিবেণে

ঝাঁট দেয়, দুই তিন দিবস অবস্থান করিয়া সপ্তাহের প্রয়োজনে অন্যত্র প্রস্থান করে এবং সেই সপ্তাহের মধ্যে প্রত্যাগমন করে, তাহা হইলে সেই ভিক্ষুর দ্বিতীয় বর্ষাবাস পরিদৃষ্ট হয় বরং প্রতিশ্রুতিহেতু অপরাধও হয় না।

(খ) হে ভিক্ষুগণ! যদি কোন ভিক্ষু কাহারও নিকট দ্বিতীয় বর্ষাবাসের জন্য প্রতিশ্রুত হয়, সে সেই আবাসে যাইবার সময় বাহিরে উপোষথ করে, প্রতিপদে বর্ষাবাস আরম্ভ করে, শয্যাসন পাতে, পানীয় পরিভোগ্য জল স্থাপন করে, পরিবেণ ঝাঁট দেয় এবং কৌমুদি চাতুর্মাস্যের (কার্ত্তিকী পূর্ণিমার) সপ্তাহ পূর্বে প্রয়োজন বশত অন্যত্র প্রস্থান করে, তাহা হইলে সেই আবাসে পুনরায় আসুক বা না আসুক সেই ভিক্ষুর দ্বিতীয় বর্ষাবাস পরিদৃষ্ট হয় এবং প্রতিশ্রুতিহেতু অপরাধও হয় না।

৩—(ক) হে ভিক্ষুগণ! যদি কোন ভিক্ষু কাহারও নিকট দ্বিতীয় বর্ষাবাসের জন্য প্রতিশ্রুত হয়, সে সেই আবাসে যাইয়া সময় বাহিরে উপোষথ করে, প্রতিপদে বর্ষাবাস আরম্ভ করে, শয্যাসন পাতে, পানীয় পরিভোগ্য জল স্থাপন করে, পরিবেণ ঝাঁট দেয় এবং সেই দিবসেই নিশ্চয়োজনে অন্যত্র প্রস্থান করে, তাহা হইলে তাহার দ্বিতীয় বর্ষাবাস পরিদৃষ্ট হয় না বরং প্রতিশ্রুতিহেতু ‘দুষ্কট’ অপরাধ হয়।

(খ) হে ভিক্ষুগণ! যদি কোন ভিক্ষু কাহারও নিকট দ্বিতীয় বর্ষাবাসের জন্য প্রতিশ্রুত হয়, সে সেই আবাসে যাইয়া উপোষথ করে, প্রতিপদে বর্ষাবাস আরম্ভ করে, শয্যাসন পাতে, পানীয় পরিভোগ্য জল স্থাপন করে, পরিবেণ ঝাঁট দেয় এবং সেই দিবসেই প্রয়োজনবশত অন্যত্র প্রস্থান করে, তাহা হইলে তাহার দ্বিতীয় বর্ষাবাস পরিদৃষ্ট হয় না বরং প্রতিশ্রুতিহেতু ‘দুষ্কট’ অপরাধ হয়।

(গ) হে ভিক্ষুগণ! যদি কোন ভিক্ষু কাহারও নিকট দ্বিতীয় বর্ষাবাসের জন্য প্রতিশ্রুত হয়, সে সেই আবাসে যাইয়া উপোষথ করে, প্রতিপদে বর্ষাবাস আরম্ভ করে, শয্যাসন পাতে, পানীয় পরিভোগ্য জল স্থাপন করে, পরিবেণ ঝাঁট দেয় এবং দুই তিন দিন অবস্থান করিয়া নিশ্চয়োজনে অন্যত্র প্রস্থান করে, তাহা হইলে তাহার দ্বিতীয় বর্ষাবাস পরিদৃষ্ট হয় না বরং প্রতিশ্রুতিহেতু ‘দুষ্কট’ অপরাধ হয়।

(ঘ) হে ভিক্ষুগণ! যদি কোন ভিক্ষু কাহারও নিকট দ্বিতীয় বর্ষাবাসের জন্য প্রতিশ্রুত হয়, সে সেই আবাসে যাইয়া উপোষথ করে, প্রতিপদে বর্ষাবাস আরম্ভ করে, শয্যাসন পাতে, পানীয় পরিভোগ্য জল স্থাপন করে, পরিবেণ ঝাঁট দেয় এবং দুই তিন দিবস অবস্থান করিয়া প্রয়োজনবশত অন্যত্র প্রস্থান করে, তাহা হইলে তাহার দ্বিতীয় বর্ষাবাস পরিদৃষ্ট হয় না বরং প্রতিশ্রুতিহেতু ‘দুষ্কট’ অপরাধ হয়।

(ঙ) হে ভিক্ষুগণ! যদি কোন ভিক্ষু কাহারও নিকট দ্বিতীয় বর্ষাবাসের জন্য প্রতিশ্রুত হয়, সে সেই আবাসে যাইয়া উপোষথ করে, প্রতিপদে বর্ষাবাস আরম্ভ করে, শয্যাসন পাতে, পানীয় পরিভোগ্য জল স্থাপন করে, পরিবেণ ঝাঁট দেয় এবং দুই তিন দিবস অবস্থান করিয়া সপ্তাহের প্রয়োজনে অন্যত্র প্রস্থান করে এবং সেই

সপ্তাহ বাহিরে অতিবাহিত করে, তাহা হইলে সেই ভিক্ষুর দ্বিতীয় বর্ষাবাস পরিদৃষ্ট হয় না বরং প্রতিশ্রুতিহেতু ‘দুষ্কট’ অপরাধ হয়।

৪—(ক) হে ভিক্ষুগণ! যদি কোন ভিক্ষু কাহারও নিকট দ্বিতীয় বর্ষাবাসের জন্য প্রতিশ্রুত হয়, সে সেই আবাসে যাইয়া উপোষ্য করে, প্রতিপদে বর্ষাবাস আরম্ভ করে, শয্যাসন পাতে, পানীয় পরিভোগ্য জল স্থাপন করে, পরিবেণে বাঁট দেয় এবং দুই তিন দিবস অবস্থান করিয়া সপ্তাহের প্রয়োজনে অন্যত্র প্রস্থান করে এবং সেই সপ্তাহের মধ্যে প্রত্যাগমন করে, তাহা হইলে সেই ভিক্ষুর দ্বিতীয় বর্ষাবাস পরিদৃষ্ট হয় বরং প্রতিশ্রুতিহেতু অপরাধও হয় না।

(খ) হে ভিক্ষুগণ! যদি কোন ভিক্ষু কাহারও নিকট দ্বিতীয় বর্ষাবাসের জন্য প্রতিশ্রুত হয়, সে সেই আবাসে যাইয়া উপোষ্য করে, প্রতিপদে বর্ষাবাস আরম্ভ করে, শয্যাসন পাতে, পানীয় পরিভোগ্য জল স্থাপন করে, পরিবেণে বাঁট দেয় এবং কৌমুদী চাতুর্মাস্যের (কার্তিকী পূর্ণিমার) সপ্তাহ পূর্বে প্রয়োজন বশত অন্যত্র প্রস্থান করে, তাহা হইলে সেই ভিক্ষু পুনরায় সেই আবাসে আসুক বা না আসুক দ্বিতীয় বর্ষাবাস পরিদৃষ্ট হয় এবং প্রতিশ্রুতিহেতু অপরাধও হয় না।

॥ বর্ষোপনায়ক স্কন্ধ সমাপ্ত ॥

৪—প্রবারণা-স্কন্ধ

প্রবারণার স্থান, কাল এবং ব্যক্তি সম্বন্ধে নিয়ম

[স্থান :—শ্রাবস্তী]

(১) মৌনব্রত ধারণ অবিধেয়

১—সেই সময়ে বুদ্ধ ভগবান শ্রাবস্তী সমীপে অবস্থান করিতেছিলেন,—জেতবনে, অনাথপিণ্ডদের আরামে। সেই সময় বহুসংখ্যক সন্দৃষ্ট^১ এবং প্রগাঢ়মিত্রভাবাপন্ন ভিক্ষু কোশল জনপদের এক আবাসে বর্ষাবাস করিতেছিলেন। সেই ভিক্ষুগণের মনে এই চিন্তা উদিত হইল : “আমরা কোন উপায় অবলম্বন করিলে সমগ্রভাবে, মনানন্দে, নির্বিবাদে ও নিরাপদে বর্ষা যাপন করিতে পারিব এবং ভিক্ষান্ন সংগ্রহেও ক্লিষ্ট হইব না?” আবার তাঁহাদের মনে এই চিন্তা উদিত হইল : “যদি আমরা পরস্পর আলাপ-সালাপ না করি এবং যিনি প্রথম গ্রাম হইতে ভিক্ষান্ন সংগ্রহ করিয়া প্রত্যগমন করেন তিনি আসন পাতিয়া রাখেন, পাদোদক, পাদপীঠ, ‘পাদকথলিক’ স্থাপন করেন, ভিক্ষান্ন রাখিবার ভাণ্ড ধুইয়া স্থাপন করেন, পানীয়, পরিভোগ্য জলপাত্র স্থাপন করেন এবং যিনি পরে গ্রাম হইতে ভিক্ষান্ন লইয়া প্রত্যগমন করেন তিনি ইচ্ছা হইলে ভোজনাবশেষ ভোজন করেন, ইচ্ছা না হয়ত তৃণহীন ভূমিতে পরিত্যাগ করেন অথবা অল্পপ্রাণরহিত জলে নিক্ষেপ করেন, আসন উঠাইয়া রাখেন, পাদোদক, পাদপীঠ, ‘পাদকথলিক’ সামলাইয়া রাখেন, অনু-ভাণ্ড ধুইয়া সামলাইয়া রাখেন, পানীয়, পরিভোগ্য জলপাত্র সামলাইয়া রাখেন, ভোজন-শালা সম্মার্জন করেন, যিনি পানীয় জলের কলসী, পরিভোগ্য জলের কলসী অথবা পায়খানার জল-পাত্র জলশূন্য দেখিয়া তাহা জলপূর্ণ করিয়া রাখেন, যদি (জলপাত্র) অতিরিক্ত ভারী হয় তাহা হইলে হস্তসঙ্কেতে অন্যকে আহ্বান করিয়া ধরাধরি করিয়া স্থাপন করেন, কিন্তু তজ্জন্য বাক্যোচ্চারণ না করেন তাহা হইলে আমরা সমগ্রভাবে, মনানন্দে, নির্বিবাদে ও নির্বিঘ্নে বর্ষা যাপন করিতে পারিব এবং ভিক্ষান্ন সংগ্রহেও ক্লিষ্ট হইব না।”

অনন্তর সেই ভিক্ষুগণ পরস্পর আলাপসালাপে বিরত হইলেন। এই হইতে যিনি সর্বপ্রথম গ্রাম হইতে ভিক্ষান্ন লইয়া প্রত্যগমন করিলেন তিনি আসন পাতিয়া রাখিলেন, পাদোদক, পাদপীঠ, ‘পাদকথলিক’ স্থাপন করিলেন, অনু-ভাণ্ড ধুইয়া

^১। চক্ষু দেখিয়াছে অথচ আলাপ হয় নাই তাদৃশ ব্যক্তি সন্দৃষ্ট মিত্র নামে অভিহিত।

স্থাপন করিলেন, পানীয়, পরিভোগ্য জলপাত্র স্থাপন করিলেন এবং যিনি পরে গ্রাম হইতে ভিক্ষান্ন লইয়া প্রত্যাগমন করিলেন তিনি ইচ্ছা হইলে ভোজনাবশেষ ভোজন করিলেন, ইচ্ছা না হইলে তৃণহীন ভূমিতে পরিত্যাগ করিলেন, অথবা অল্পপ্রাণরহিত জলে নিক্ষেপ করিলেন। তিনি আসন উঠাইয়া রাখিলেন, পাদোদক, পাদপীঠ, ‘পাদকথলিক’ সামলাইয়া রাখিলেন, অন্ন-ভাণ্ড ধুইয়া সামলাইয়া রাখিলেন, পানীয়, পরিভোগ্য জলপাত্র সামলাইয়া রাখিলেন, ভোজন-শালা সম্মার্জন করিলেন, যিনি পানীয় জলের কলসী, পরিভোগ্য জলের কলসী অথবা পায়খানার জল-পাত্র জলশূন্য দেখিয়া তাহা জলপূর্ণ করিয়া রাখিলেন। যদি জলপাত্র অতিরিক্ত ভারী হইল তাহা হইলে হস্তসঙ্কেতে অন্যকে আহ্বান করিয়া জলপাত্র ধরাধরি করিয়া স্থাপন করিয়া জলপূর্ণ করিয়া রাখিলেন; তজ্জন্য বাক্যোচ্চারণ করিলেন না।

বর্ষাবাস সমাপ্ত করিয়া ভগবানকে দর্শন করিবার নিমিত্ত গমন করা ভিক্ষুগণের রীতি ছিল। সেই ভিক্ষুগণ বর্ষাবাস সমাপ্ত করিয়া তিনমাস পরে শয্যাসন তুলিয়া রাখিয়া, পাত্রচীবর লইয়া, শ্রাবস্তী-অভিমুখে যাত্রা করিলেন। ক্রমান্বয়ে পর্য্যটন করিয়া শ্রাবস্তীর উপকণ্ঠে জেতবনে অনাথপিণ্ডদের আরামে ভগবানের নিকট উপস্থিত হইলেন, উপস্থিত হইয়া ভগবানকে অভিবাদন করিয়া একান্তে উপবেশন করিলেন। আগন্তুকদিগকে কুশলপ্রশ্ন জিজ্ঞাসা করা ভগবানের রীতি ছিল। ভগবান সেই ভিক্ষুদিগকে কহিলেন :—ভিক্ষুগণ! নিরূপদ্রবে ছিলে ত, সমগ্রভাবে, মনানন্দে, নির্বিবাদে ও নির্বিঘ্নে বর্ষা যাপন করিয়াছ ত? ভিক্ষান্ন ক্লিষ্ট হও নাই ত?”

“ভগবন্! আমরা নিরুদ্ধেগে ছিলাম এবং সমগ্রভাবে, মনানন্দে, নির্বিবাদে ও সুখে বর্ষা যাপন করিয়াছি, ভিক্ষান্ন সংগ্রহেও ক্লিষ্ট পাই নাই।”

তথাগতগণ কোন কোন বিষয় জ্ঞাত থাকিয়াও জিজ্ঞাসা করেন, আবার কোন কোন বিষয় জ্ঞাত থাকিয়াও জিজ্ঞাসা করেন না, সময় বুঝিয়া জিজ্ঞাসা করেন, আবার সময় বুঝিয়া জিজ্ঞাসা করেন না। তথাগতগণ সার্থক বিষয় জিজ্ঞাসা করেন, নিরর্থক বিষয় জিজ্ঞাসা করেন না; তথাগতদিগের নিরর্থক বিষয়ের মূলোচ্ছেদ হইয়াছে। দ্বিবিধ কারণে বুদ্ধ ভগবান ভিক্ষুদিগকে জিজ্ঞাসা করেন : ‘ধর্মদেশনা করিব অথবা শ্রাবকগণের জন্য শিক্ষাপদ স্থাপন করিব।’

ভগবান সেই ভিক্ষুদিগকে কহিলেন :—“হে ভিক্ষুগণ! তোমরা কিরূপে সমগ্রভাবে, মনানন্দে, নির্বিবাদে ও নির্বিঘ্নে বর্ষাবাস করিয়াছ এবং কিরূপেই বা ভিক্ষান্ন সংগ্রহেও ক্লিষ্ট হও নাই?”

“প্রভো! আমরা সন্দৃষ্ট এবং প্রগাঢ়মিত্রভাবাপন্ন বহুসংখ্যক ভিক্ষু কোশল জনপদের এক আবাসে বর্ষাবাসনিরত ছিলাম। তখন আমাদের মনে এই চিন্তা উদিত হইয়াছিল : আমরা কোন্ উপায়ে সমগ্রভাবে, মনানন্দে, নির্বিবাদে ও নির্বিঘ্নে বর্ষাবাস যাপন করিতে পারিব এবং ভিক্ষান্নেও ক্লিষ্ট হইব না?” তখন আবার আমাদের মনে এই চিন্তা উদিত হইল : “যদি আমরা পরস্পর আলাপসলাপ

না করি এবং যিনি প্রথম গ্রাম হইতে ভিক্ষান্ন লইয়া প্রত্যাগমন করিবেন তিনি আসন পাতেন, পাদোদক, পাদপীঠ, পাদকথলিক স্থাপন করেন, অন্ন-ভাণ্ড দুইয়া রাখেন, পানীয়, পরিভোগ্য জলপাত্র স্থাপন করেন এবং যিনি পরে গ্রাম হইতে ভিক্ষান্ন লইয়া প্রত্যাগমন করিবেন তিনি ইচ্ছা হইলে ভোজনাবশেষ ভোজন করেন, ইচ্ছা না হইলে তৃণহীন ভূমিতে অথবা অল্পপ্রাণরহিত জলে নিক্ষেপ করেন, আসন তুলিয়া রাখেন, পাদোদক, পাদপীঠ, পাদকথলিক সামলাইয়া রাখেন, অন্ন-ভাণ্ড দুইয়া সামলাইয়া রাখেন, পানীয়, পরিভোগ্য জলপাত্র সামলাইয়া রাখেন, ভোজন-শালা সম্মার্জন করেন এবং যিনি পানীয় জলের কলসী, পরিভোগ্য জলের কলসী অথবা পায়খানার জল-পাত্র জলশূন্য দেখিয়া তাহা জলপূর্ণ করিয়া রাখেন, যদি জলপাত্র অতিরিক্ত ভারী হয় তাহা হইলে অন্যকে হস্তসঙ্কেতে আহ্বান করিয়া ধরাধরি করিয়া পাত্র জলপূর্ণ করেন, তজ্জন্য বাক্যোচ্চারণ না করেন, তাহা হইলে আমরা সমগ্রভাবে, মনানন্দে, নির্বিবাদে ও সুখে বর্ষাবাস করিতে সমর্থ হইব এবং ভিক্ষান্ন সংগ্রহেও ক্লিষ্ট হইব না।’ প্রভো! এই চিন্তা করিয়া আমরা পরস্পর আলাপসলাপ করিলাম না। যিনি প্রথম গ্রাম হইতে ভিক্ষার্চ্যা করিয়া প্রত্যাগমন করিতেন তিনি আসন পাতিতেন, পাদোদক, পাদপীঠ, পাদকথলিক স্থাপন করিতেন, অন্ন-পাত্র দুইয়া স্থাপন করিতেন, পানীয়, পরিভোগ্য জলপাত্র স্থাপন করিতেন এবং যিনি পরে গ্রাম হইতে ভিক্ষার্চ্যা করিয়া প্রত্যাগমন করিতেন তিনি ইচ্ছা হইলে ভোজনাবশেষ ভোজন করিতেন, ইচ্ছা না হইলে তৃণহীন ভূমিতে পরিত্যাগ করিতেন অথবা অল্পপ্রাণরহিত জলে নিক্ষেপ করিতেন। তিনি আসন তুলিয়া রাখিতেন, পাদোদক, পাদপীঠ, পাদকথলিক সামলাইয়া রাখিতেন, অন্ন-পাত্র দুইয়া সামলাইয়া রাখিতেন, পানীয়, পরিভোগ্য জলপাত্র সামলাইয়া রাখিতেন, ভোজন-শালা সম্মার্জন করিতেন। যিনি পানীয়জলের কলসী, পরিভোগ্য জলের কলসী অথবা পায়খানার জলপাত্র জলশূন্য দেখিয়া তাহা জলপূর্ণ করিতেন। যদি জলপাত্র অতিরিক্ত ভারী হইত তাহা হইলে হাতের ইসারায় অন্যকে আহ্বান করিয়া জলপাত্র ধরাধরি করিয়া জলপূর্ণ করিতেন, তজ্জন্য বাক্যোচ্চারণ করিতেন না। আমরা এইরূপে সমগ্রভাবে, মনানন্দে, নির্বিবাদে ও নির্বিঘ্নে বর্ষাবাস করিয়াছি এবং ভিক্ষান্ন সংগ্রহেও ক্লিষ্ট হই নাই।”

ভগবান ভিক্ষুদিগকে আহ্বান করিলেন :—“হে ভিক্ষুগণ! এই মোঘপুরুষগণ প্রতিকূলভাবে বর্ষাবাস সমাপ্ত করিয়া অনুকূলভাবে সমাপ্ত করিয়াছে বলিয়া মনে করিতেছে! পশুর^১ ন্যায় বর্ষাবাস করিয়া সুখে করিয়াছে বলিয়া মনে করিতেছে! মেঘেরন্যায় বর্ষাবাস করিয়া সুখে করিয়াছে বলিয়া মনে করিতেছে! পরস্পর শত্রুর

^১। পশুরা যেমন নিজের সুখদুঃখের কথা অপরকে বলে না, কেহ কাহাকেও সাদরসম্ভাষণ করে না ইহারাও ঠিক তাহাই করিয়াছে।—সম-পাসা।

ন্যায় বর্ষাবাস করিয়া সুখে করিয়াছে বলিয়া মনে করিতেছে! কেন এই মোঘপুরুষগণ তীর্থিকগণের মৌনব্রত গ্রহণ করিল! হে ভিক্ষুগণ! তাহাদের এই কার্যে অপ্রসন্নদিগের প্রসন্নতা উৎপাদন করিবে না ... এইভাবে নিন্দা করিয়া, ধর্মকথা উত্থাপন করিয়া ভিক্ষুদিগকে আহ্বান করিলেন :-

“হে ভিক্ষুগণ! তীর্থিকগণের মৌনব্রত গ্রহণ করিতে পারিবে না, যে গ্রহণ করিবে তাহার ‘দুষ্কট’ অপরাধ হইবে।”

“হে ভিক্ষুগণ! আমি অনুজ্ঞা করিতেছি : বর্ষাবাসী ভিক্ষুগণ দৃষ্ট, শ্রুত অথবা আশঙ্কিত ত্রুটি বিষয়ে প্রবারণা^১ করিবে। তাহা তোমাদের পরস্পরের মধ্যে অনুকূলতা, অপরাধ হইতে উদ্ধার পাইবার উপায় ও বিনয়ানুবর্তিতা আনয়ন করিবে।”

হে ভিক্ষুগণ! এইভাবে প্রবারণা করিবে : দক্ষ এবং সমর্থ ভিক্ষু সজ্জকে এইরূপ প্রস্তাব জ্ঞাপন করিবে : “মাননীয় সজ্জ! আমার প্রস্তাব শ্রবণ করুন। অদ্য প্রবারণা। যদি সজ্জ উচিত মনে করেন তাহা হইলে সজ্জ প্রবারণা করিতে পারেন।” (তখন) স্থবির ভিক্ষু উত্তরাসঙ্গ দ্বারা দেহের একাংশ আবৃত করিয়া, পদের অগ্রভাগে ভর দিয়া বসিয়া, কৃতাজ্জলি হইয়া এইরূপ বলিবে : দৃষ্ট, শ্রুত অথবা আশঙ্কিত ত্রুটি সম্বন্ধে সজ্জকে প্রবারণা করিতেছি। আয়ুত্মানগণ দৃষ্ট, শ্রুত অথবা আশঙ্কিত, আমার এরূপ কোন ত্রুটি থাকিলে তাহা আপনারা অনুগ্রহপূর্বক আমাকে বলুন। নিজের মধ্যে কথিত ত্রুটি দেখিলে আমি তাহার প্রতিকার করিব।” [দ্বিতীয়, তৃতীয়বারও এইরূপ।] উক্ত নিয়মে নবীন ভিক্ষুগণও প্রবারণা করিবে।

(২) বয়োজ্যেষ্ঠের সম্মুখে বসিবার নিয়ম

১—সেই সময় ষড়বর্গীয় ভিক্ষু স্থবির ভিক্ষুগণ পদাগ্রে ভর দিয়া বসিয়া প্রবারণা করিবার সময় আসনে বসিয়া থাকিত। (তদর্শনে) অগ্লেচ্ছু ভিক্ষুগণ আন্দোলন, নিন্দা এবং প্রকাশ্যে আলোচনা করিতে লাগিলেন : ‘কেন ষড়বর্গীয় ভিক্ষু স্থবির ভিক্ষুগণ পদাগ্রে ভর দিয়া বসিয়া প্রবারণা করিবার সময় আসনে বসিয়া থাকে?’ সেই ভিক্ষুগণ ভগবানকে এই বিষয় জানাইলেন। (ভগবান কহিলেন :-)

“হে ভিক্ষুগণ! সত্যই কি ষড়বর্গীয় ভিক্ষু স্থবির ভিক্ষু পদাগ্রে ভর দিয়া বসিয়া প্রবারণা করিবার সময় আসনে বসিয়া থাকে?” “হাঁ, ভগবন্! তাহা সত্য বটে।”

^১। বাঙ্গালা প্রবারণা অর্থে বরণ করা, অভীষ্টদান, কাম্যদান; নিবারণ, মানা, নিষেধ। বিনয় বিধানে ‘প্রবারণ’ বা ‘প্রবারণা’ অর্থে ত্রুটি বা নৈতিকস্থলন নির্দেশ করিবার জন্য সানিবন্ধ অনুরোধ। প্রবারণা এইরূপ ত্রুটি বা নৈতিকস্থলন নির্দেশ করিবার উপযুক্ত অবকাশও বটে। প্রার্থী স্বীয় দোষ নির্দেশ করিবার জন্য অন্যকে অনুরোধ করেন এবং অনুরুদ্ধ ব্যক্তি প্রার্থীকে তাঁহার দোষ নির্দেশ করেন।

বুদ্ধ ভগবান তাহা নিতান্ত গর্হিত বলিয়া প্রকাশ করিলেন : হে ভিক্ষুগণ! কেন সেই মোঘপুরুষগণ স্থবির ভিক্ষু পদাঞ্চে ভর দিয়া বসিয়া প্রবারণা করিবার সময় আসনে বসিয়া থাকে? ভিক্ষুগণ! তাহাদের এই কার্য্যে অপ্রসন্নদিগের প্রসন্নতা উৎপাদন করিবে না ... এইভাবে নিন্দা করিয়া, ধর্মকথা উত্থাপন করিয়া ভিক্ষুদিগকে আহ্বান করিলেন :—

“হে ভিক্ষুগণ! স্থবির ভিক্ষুগণ পদাঞ্চে ভর দিয়া বসিয়া প্রবারণা করিবার সময় (অন্য ভিক্ষুগণ) আসনে বসিয়া থাকিতে পারিবে না, যে বসিয়া থাকিবে তাহার ‘দুষ্কট’ অপরাধ হইবে।”

“হে ভিক্ষুগণ! আমি অনুজ্ঞা করিতেছি : সকলকেই পদাঞ্চে ভর দিয়া বসিয়া প্রবারণা করিতে হইবে।”

২—সেই সময় জরাদূর্বল জনৈক স্থবির সকলের প্রবারণা সমাপ্তির প্রতীক্ষায় পদাঞ্চে ভর দিয়া বসিয়া থাকায় মূর্ছিত হইয়া ধরাশায়ী হইলেন। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : পার্শ্বে উপবিষ্ট ভিক্ষু প্রবারণা করিবার সময় পদাঞ্চে ভর দিয়া বসিবে এবং প্রবারণা সমাপ্ত হইলে আসবে বসিবে?”

(৩) প্রবারণার তিথি

ভিক্ষুগণের মনে এই চিন্তা উদ্ভিত হইল : “প্রবারণা-তিথি কয়টি?” ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! প্রবারণার দুই তিথি, চতুর্দশী এবং পঞ্চদশী। প্রবারণার এই দুই তিথি।”

(৪) প্রবারণা-কর্ম

ভিক্ষুগণের মনে এই চিন্তা উদ্ভিত হইল : “প্রবারণা-কর্ম বা কয় প্রকার?” তাহারা ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! প্রবারণা-কর্ম চারি প্রকার। যথা :—(১) ধর্মবিরুদ্ধ বর্গের (সজ্জের একাংশের) প্রবারণা-কর্ম, (২) ধর্মবিরুদ্ধ সমগ্রসজ্জের প্রবারণা-কর্ম, (৩) ধর্মানুকূল বর্গের প্রবারণা-কর্ম এবং (৪) ধর্মানুকূল সমগ্রসজ্জের প্রবারণা-কর্ম।”

হে ভিক্ষুগণ! তন্মধ্যে এই যে ধর্মবিরুদ্ধ সজ্জের একাংশের প্রবারণা-কর্ম, তাহা করা উচিত নহে, আমি এইরূপ প্রবারণা-কর্মের বিধান প্রদান করি নাই। এই যে ধর্মবিরুদ্ধ সমগ্রসজ্জের প্রবারণা-কর্ম, তাহা করা উচিত নহে, আমি এইরূপ প্রবারণা-কর্মের বিধান প্রদান করি নাই। এই যে ধর্মানুকূল বর্গের প্রবারণা-কর্ম

তাহা করা উচিত নহে, আমি এইরূপ প্রবারণা-কর্মের বিধান প্রদান করি নাই। এই যে ধর্ম্মানুকূল সমগ্রসংজ্ঞের প্রবারণা-কর্ম তাহাই করা উচিত, আমি এইরূপ প্রবারণা-কর্ম করিবার জন্যই বিধান প্রদান করিয়াছি। হে ভিক্ষুগণ! অতএব তোমাদের এইরূপ শিক্ষা করা উচিত : ধর্ম্মানুকূল সমগ্রসংজ্ঞের প্রবারণা-কর্ম করিব।

(৫) অনুপস্থিত ভিক্ষুর প্রবারণা

১—ভগবান, ভিক্ষুদিগকে আহ্বান করিলেন :—“হে ভিক্ষুগণ! সমবেত হও, সঙ্গ প্রবারণা করিবে।” তখন জনৈক ভিক্ষু কহিলেন :—“প্রভো! জনৈক ভিক্ষু পীড়িত হইয়াছেন, তিনি উপস্থিত হন নাই।” (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : রুগ্ন ভিক্ষুকে প্রবারণা দিতে হইবে।”

হে ভিক্ষুগণ! (প্রবারণা) এইভাবে দিতে হইবে : সেই রুগ্ন ভিক্ষুকে জনৈক ভিক্ষুর নিকট উপস্থিত হইয়া, উত্তরাসঙ্গ দ্বারা দেহের একাংশ আবৃত করিয়া, পদাঞ্চে ভর দিয়া বসিয়া, কৃতাজলি হইয়া এইরূপ বলিতে হইবে : ‘প্রবারণার ভার দিতেছি, আমার প্রবারণার ভার লইয়া আপনি গমন করুন, আমার পক্ষ হইয়া প্রবারণা করুন’ এইভাবে দৈহিক সঙ্কেতে জ্ঞাপন করিলে, বাক্যে জ্ঞাপন করিলে এবং সঙ্কেত ও বাক্যে জ্ঞাপন করিলে প্রবারণার ভার প্রদত্ত হয়। সঙ্কেতে জ্ঞাপন না করিলে, বাক্যে জ্ঞাপন না করিলে এবং সঙ্কেত ও বাক্যে জ্ঞাপন না করিলে প্রবারণার ভার প্রদত্ত হয় না। যদি এরূপে পারা যায় তাহা হইলে ভাল, যদি পারা না যায় তাহা হইলে সেই রুগ্ন ভিক্ষুকে মঞ্চের অথবা টোঁকিতে স্থাপন করিয়া সঙ্কসভায় আনিয়া প্রবারণা করিতে হইবে।

হে ভিক্ষুগণ! যদি রুগ্ন পরিচারক ভিক্ষুদিগের মনে এই চিন্তা উদ্ভিত হয় : ‘আমরা এই রুগ্ন ভিক্ষুকে স্থানচ্যুত করিলে তাঁহার রোগবৃদ্ধি অথবা মৃত্যু হইতে পারে।’ তাহা হইলে রোগীকে স্থানচ্যুত করিবে না, সঙ্ককে সেখানে (রোগীর বাসস্থানে) যাইয়া প্রবারণা করিতে হইবে। তজ্জন্য সংজ্ঞের একাংশ (পৃথক ভাবে) প্রবারণা করিতে পারিবে না, যদি করে তাহা হইলে ‘দুষ্কট’ অপরাধ হইবে।

২—হে ভিক্ষুগণ! যদি প্রবারণার ভার অর্পণ করিবার পর প্রবারণাবাহক সেস্থান হইতে প্রস্থান করে তাহা হইলে (পুনরায়) প্রবারণার ভার অন্যকে দিতে হইবে। ভিক্ষুগণ! যদি প্রবারণার ভার দিবার পর প্রবারণাবাহক সেইস্থানেই গৃহস্থ হইয়া যায়, কালগত হয়, শ্রামণের হইয়া যায়, শিক্ষাপ্রত্যাখ্যানকারী, অস্তিমবস্ত (পারাজিক অপরাধ) প্রাপ্ত হয়, উন্মাদগ্রস্ত হয়, বিক্ষিপ্তচিত্ত হয়, বেদনার্ত্ত হয়, অপরাধ অদর্শনহেতু উৎক্ষিপ্ত মধ্যে পরিগণিত হয়, অপরাধের প্রতিকার না করায়, উৎক্ষিপ্তমধ্যে গণ্য হয়, হীনদৃষ্টি পরিত্যাগ না করায় উৎক্ষিপ্ত মধ্যে গণ্য হয়, পণ্ডক মধ্যে গণ্য হয়, স্ত্যেসংবাসক মধ্যে গণ্য হয়, তীর্থিকপ্রস্থানক মধ্যে গণ্য হয়,

মানবেতরজীবমধ্যে গণ্য হয়, মাতৃহন্তারূপে গণ্য হয়, পিতৃহন্তারূপে গণ্য হয়, অর্হন্তারূপে গণ্য হয়, ভিক্ষুণীদূষকরূপে গণ্য হয়, সজ্ঞভেদকরূপে গণ্য হয়, রক্তপাতকরূপে গণ্য হয়, উভয়লক্ষণবিশিষ্টে গণ্য হয় তাহা হইলে প্রবারণার ভার অন্যকে প্রদান করিবে। [অবশিষ্টাংশ উপোষথ-স্কন্ধকে বর্ণিত ‘পরিশুদ্ধি’ প্রদান সদৃশ; কেবল ‘পরিশুদ্ধি’ স্থলে ‘প্রবারণা’ পড়িতে হইবে।]

৩—সেই সময়ে প্রবারণা-দিবসে জনৈক ভিক্ষুকে তাহার জ্ঞাতিগণ আবদ্ধ করিয়াছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

হে ভিক্ষুগণ! যদি প্রবারণা-দিবসে কোন ভিক্ষুকে তাহার জ্ঞাতিগণ আবদ্ধ করে তাহা হইলে সেই জ্ঞাতিগণকে ভিক্ষুগণের এরূপ বলিতে হইবে : “আয়ুস্মানগণ! আপনারা এই ভিক্ষুকে মুহূর্তের নিমিত্ত মুক্তিদান করণ যাহাতে প্রবারণা করিতে পারেন।” এইভাবে মুক্ত করিতে পারিলে ভাল, যদি মুক্ত করিতে পারা না যায় তাহা হইলে সেই জ্ঞাতিগণকে এরূপ বলিতে হইবে : “আয়ুস্মানগণ! আপনারা মুহূর্তের জন্য একান্তে অপসৃত হউন যাহাতে এই ভিক্ষু প্রবারণার ভার অপরকে প্রদান করিতে পারেন।” এরূপে পারিলে ভাল, যদি পারা না যায় তাহা হইলে সেই জ্ঞাতিগণকে এইরূপ বলিতে হইবে : “আয়ুস্মানগণ! আপনারা এই ভিক্ষুকে মুহূর্তের জন্য সীমার বাহিরে লইয়া গমন করণ যেন সজ্ঞ প্রবারণা করিতে পারেন।” এরূপে পারিলে ভাল, যদি পারা না যায় তাহা হইলে তজ্জন্য সজ্ঞের একাংশ (পৃথকভাবে) প্রবারণা করিতে পারিবে না, যদি করে তাহা হইলে ‘দুষ্কট’ অপরাধ হইবে।

৪—হে ভিক্ষুগণ! যদি প্রবারণা-দিবসে কোন ভিক্ষুকে রাজা, ৫—চোর, ৬—ধূর্ত, ৭—ভিক্ষুশত্রু আবদ্ধ করে তাহা হইলে তাহাদিগকে এরূপ বলিতে হইবে। [অবশিষ্টাংশ জ্ঞাতি দ্বারা আবদ্ধ হওয়া সদৃশ।]

(৬) সজ্ঞ-প্রবারণায় প্রত্যাশিত ভিক্ষুর সংখ্যা

সেই সময়ে এক আবাসে প্রবারণা-দিবসে পাঁচজন ভিক্ষু অবস্থান করিতেছিলেন। সেই ভিক্ষুদিগের মনে এই চিন্তা উদিত হইল : “ভগবান ব্যবস্থা দিয়াছেন : সজ্ঞ প্রবারণা করিতে হইবে’, অথচ আমরা পাঁচজন মাত্র, অতএব আমরা কিরূপ প্রবারণা করিব?” ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : পাঁচজনে সজ্ঞ প্রবারণা করিবে।”

(৭) অন্যান্য প্রবারণার বিষয়

১—সেই সময়ে এক আবাসে প্রবারণা-দিবসে চারিজন ভিক্ষু অবস্থান করিতেছিলেন। সেই ভিক্ষুদিগের মনে এই চিন্তা উদিত হইল : “ভগবান ব্যবস্থা

দিয়াছেন : ‘পাঁচজনে সজ্ঞ প্রবারণা করিবে’, অথচ আমরা চারিজন মাত্র, অতএব আমরা কিরূপ প্রবারণা করিব?” তাঁহারা ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : চারিজনে পরস্পর প্রবারণা করিবে।”

হে ভিক্ষুগণ! এইভাবে প্রবারণা করিবে : দক্ষ এবং সমর্থ ভিক্ষু উপস্থিত ভিক্ষুদিগকে এইরূপ প্রস্তাব জ্ঞাপন করিবে : “আয়ুস্মানগণ! আমার প্রস্তাব শ্রবণ করুন। অদ্য প্রবারণা। যদি আয়ুস্মানগণ উচিৎ বোধ করেন তাহা হইলে আমরা পরস্পর প্রবারণা করিতে পারি।” (অতঃপর) স্থবির ভিক্ষু উত্তরাসঙ্গ দ্বারা দেহের একাংশ আবৃত করিয়া পদাঞ্চে ভর দিয়া বসিয়া, কৃতাজ্জলি হইয়া সেই ভিক্ষুদিগকে এরূপ বলিবে : “বন্ধুগণ! আপনারা যদি আমার কোন অপরাধ দেখিয়া থাকেন, শ্রবণ করিয়া থাকেন অথবা আমার অপরাধ সম্বন্ধে কোন সন্দেহ করিয়া থাকেন তাহা হইলে আয়ুস্মানগণ অনুকম্পা করিয়া আমাকে জ্ঞাপন করুন (প্রদর্শন করুন), (আমি) দেখিলে (তাহার) প্রতিকার করিব। [দ্বিতীয়, তৃতীয়বারও এইরূপ বলিবে।] উক্ত নিয়মে নবীন ভিক্ষুগণ প্রবারণা করিবে।

২—সেই সময়ে প্রবারণা-দিবসে এক আবাসে তিনজন মাত্র ভিক্ষু অবস্থান করিতেছিলেন। সেই ভিক্ষুগণের মনে এই চিন্তা উদিত হইল : “ভগবান ব্যবস্থা দিয়াছেন : ‘পাঁচজনে সজ্ঞ প্রবারণা করিবে, চারিজনকে পরস্পর প্রবারণা করিতে হইবে’, অথচ আমরা তিনজন মাত্র, অতএব আমরা কিরূপ প্রবারণা করিব?” তাঁহারা ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : তিনজনে পরস্পর প্রবারণা করিবে।”

হে ভিক্ষুগণ! এইভাবে প্রবারণা করিবে : দক্ষ এবং সমর্থ ভিক্ষু সেই ভিক্ষুদিগকে এরূপ প্রস্তাব জ্ঞাপন করিবে : “আয়ুস্মানগণ! আমার প্রস্তাব শ্রবণ করুন। অদ্য প্রবারণা। যদি আয়ুস্মানগণ উচিৎ মনে করেন তাহা হইলে আমরা পরস্পর প্রবারণা করিতে পারি।” (অতঃপর) স্থবির ভিক্ষু দেহের একাংশ উত্তরাসঙ্গ দ্বারা আবৃত করিয়া, পদাঞ্চে ভর দিয়া বসিয়া এবং কৃতাজ্জলি হইয়া সেই ভিক্ষুদিগকে এরূপ বলিবে : “বন্ধুগণ! আপনারা যদি আমার কোন অপরাধ দেখিয়া থাকেন, শ্রবণ করিয়া থাকেন অথবা আমার অপরাধ সম্বন্ধে কোন সন্দেহ করিয়া থাকেন তাহা হইলে আয়ুস্মানগণ অনুকম্পা করিয়া আমাকে বলুন (প্রদর্শন করুন), (আমি) দেখিলে (সেই অপরাধের) প্রতিকার করিব।” [দ্বিতীয়, তৃতীয়বারও এইরূপ বলিবে।] উক্ত নিয়মে নবীন ভিক্ষুগণ প্রবারণা করিবে।

৩—সেই সময়ে এক আবাসে প্রবারণা-দিবসে দুইজন ভিক্ষু অবস্থান করিতেছিলেন। সেই ভিক্ষুগণের মনে এই চিন্তা উদিত হইল : “ভগবান পাঁচজন ভিক্ষুকে সজ্ঞ প্রবারণা করিতে, চারিজনকে পরস্পর প্রবারণা করিতে এবং তিনজনকে পরস্পর প্রবারণা করিতে ব্যবস্থা দিয়াছেন, অথচ আমরা দুইজন মাত্র,

অতএব আমাদিগকে কিরূপ প্রবারণা করিতে হইবে?” ভগবানকে এই বিষয় জানাইলেন। (ভগবান কহিলেন :—)

হে ভিক্ষুগণ! আমি অনুজ্ঞা করিতেছি : দুইজনে পরস্পর প্রবারণা করিবে।”

হে ভিক্ষুগণ! এইভাবে প্রবারণা করিবে : স্থবির ভিক্ষু দেহের একাংশ উত্তরাসঙ্গ দ্বারা আবৃত করিয়া, পদের অগ্রভাগে ভর করিয়া বসিয়া এবং কৃতাঞ্জলি হইয়া নূতন ভিক্ষুকে এরূপ বলিবে : “বন্ধো! আপনি যদি আমার কোন অপরাধ দেখিয়া থাকেন, শ্রবণ করিয়া থাকেন অথবা আমার অপরাধ সম্বন্ধে কোন সন্দেহ করিয়া থাকেন তাহা হইলে আয়ুষ্মান অনুকম্পা করিয়া আমাকে বলুন (প্রদর্শন করুন), (আমি) দেখিলে (সেই অপরাধের) প্রতিকার করিব।” [দ্বিতীয়, তৃতীয়বারও এইরূপ।] উক্ত নিয়মে নবীন ভিক্ষু প্রবারণা করিবে।

(৮) একজনের প্রবারণা

সেই সময়ে এক আবাসে প্রবারণা-দিবসে একজন ভিক্ষু অবস্থান করিতেছিলেন। সেই ভিক্ষুর মনে এই চিন্তা উদিত হইল : ভগবান ব্যবস্থা দিয়াছেন : ‘পাঁচজনে সজ্ঞ প্রবারণা করিবে, চারিজনকে পরস্পরে প্রবারণা করিবে, তিনজনে পরস্পরে প্রবারণা করিবে এবং দুইজনেও পরস্পরে প্রবারণা করিবে। অথচ আমি একজন মাত্র, অতএব এখন আমাকে কিরূপ প্রবারণা করিতে হইবে?’ ভগবানকে এই বিষয় জানাইলেন। (ভগবান কহিলেন :—)

হে ভিক্ষুগণ! প্রবারণা-দিবসে কোন আবাসে একজন মাত্র ভিক্ষু অবস্থান করে তাহা হইলে সেই ভিক্ষুকে যেই উপস্থানশালা, মণ্ডপ অথবা বৃক্ষমূলে ভিক্ষুগণ আগমন করে সেই স্থান সম্মার্জন করিয়া, তথায় পানীয় পরিভোগ্য জল স্থাপন করিয়া, আসন পাতিয়া, প্রদীপ জ্বালিয়া বসিয়া থাকিতে হইবে। যদি অপর ভিক্ষুগণ আসে তাহা হইলে তাহাদের সহিত প্রবারণা করিতে হইবে। যদি না আসে তাহা হইলে ‘অদ্য আমার প্রবারণা’ এই বলিয়া অধিষ্ঠান করিতে হইবে। যদি অধিষ্ঠান না করে তাহা হইলে তাহার ‘দুষ্কট’ অপরাধ হইবে। [অবশিষ্টাংশ ১৪০ পৃষ্ঠায় দ্রষ্টব্য। কেবল ‘উপোষথ’ ও ‘পরিশুদ্ধি’ স্থানে ‘প্রবারণা’ পড়িতে হইবে।]

(৯) প্রবারণা-সময়ে অপরাধের প্রতিকার

সেই সময়ে প্রবারণা করিবার সময় জনৈক ভিক্ষু অপরাধ প্রাপ্ত হইয়াছেন। তখন সেই ভিক্ষুর মনে এই চিন্তা উদিত হইল : “ভগবান ব্যবস্থা দিয়াছেন : ‘অপরাধী ভিক্ষু প্রবারণা করিতে পারিবে না’, আমি অপরাধী হইয়াছি, এখন আমায় কি করিতে হইবে?” তিনি ভগবানকে এই বিষয় জানাইলেন। (ভগবান কহিলেন :—)

হে ভিক্ষুগণ! যদি প্রবারণা-দিবসে কোন ভিক্ষু অপরাধী হয় তাহা হইলে সেই ভিক্ষুকে জনৈক ভিক্ষুর নিকট উপস্থিত হইয়া, উত্তরাসঙ্গ দ্বারা দেহের একাংশ আবৃত করিয়া, পদের অগ্রভাগে ভর দিয়া বসিয়া এবং কৃতাজ্জলি হইয়া এইরূপ বলিতে হইবে : “বন্ধো! আমি অমুক অপরাধে অপরাধী হইয়াছি তাহা (আপনার নিকট) প্রতিদেশনা (প্রকাশ) করিতেছি।” সেই ভিক্ষু বলিবে : “আপনি (কৃতঅপরাধ) দেখিতেছেন কি?” হাঁ, দেখিতেছি (স্বীকার করিতেছি)।” “তাহা হইলে আপনি এবিষয়ে ভবিষ্যতে সাবধান হইবেন।” [অবশিষ্টাংশ ১৪১ পৃষ্ঠায় দ্রষ্টব্য। কেবল ‘প্রাতিমোক্ষ-আবৃত্তির সময়’ স্থানে ‘প্রবারণা করিবার সময়’ পড়িতে হইবে।]

॥ প্রথম ভণিতা সমাপ্ত ॥

কোন ভিক্ষুর অনুপস্থিতিতে কৃত নীতিবিরুদ্ধ প্রবারণা

ক, (a) আবাসস্থ অবশিষ্ট ভিক্ষুর অনুপস্থিতি না জানিয়া
কৃত নির্দোষ প্রবারণা

সেই সময়ে এক আবাসে প্রবারণার সময় বহুসংখ্যক আবাসবাসী ভিক্ষু সমবেত হইয়াছিলেন, তাঁহারা সংখ্যায় পাঁচজন বা ততোধিক। তাঁহারা জানিতেন না আবাসস্থ অবশিষ্ট ভিক্ষুগণ অনুপস্থিত আছেন। তাঁহারা ধর্মসঙ্গত এবং বিনয়সঙ্গত মনে করিয়া সঙ্ঘের একাংশ হইয়াও নিজেকে সমগ্র জ্ঞান করিয়া প্রবারণা করিতেছিলেন। তাঁহাদের প্রবারণা করিবার সময় আবাসস্থ অন্য ভিক্ষুগণ আসিয়া উপস্থিত হইলেন, অথচ তাঁহারা সংখ্যায় (পূর্বাগতদিগের অপেক্ষা) অধিক। তাঁহারা ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! এক আবাসে প্রবারণার সময় আবাসস্থ বহুসংখ্যক ভিক্ষু সমবেত হয়, তাহারা সংখ্যায় পাঁচজন বা তদধিক। তাহারা জানে না যে আবাসস্থ অবশিষ্ট ভিক্ষুগণ উপস্থিত হয় নাই। তাহারা ধর্মসঙ্গত এবং বিনয়সঙ্গত মনে করিয়া আপনারা সঙ্ঘের একাংশ হইয়াও নিজেকে সমগ্র জ্ঞান করিয়া প্রবারণা করিতে থাকে। তাহারা প্রবারণা করিবার সময় আবাসস্থ অবশিষ্ট ভিক্ষুগণ আসিয়া উপস্থিত হয়; কিন্তু তাহারা সংখ্যায় (পূর্বাগতের অপেক্ষা) অধিক। ভিক্ষুগণ! সেই ভিক্ষুদিগকে (পূর্বাগতকে) পুনরায় প্রবারণা করিতে হইবে, ইহাতে প্রবারণাকারীর অপরাধ হইবে না। [অবশিষ্টাংশ ১৪৫ হইতে ১৬৮ পৃষ্ঠায় দ্রষ্টব্য। কেবল ‘উপোষথের’ স্থানে ‘প্রবারণা’ এবং ‘চারি ভিক্ষুর’ স্থানে ‘পাঁচ ভিক্ষু’ পড়িতে হইবে।]

॥ দ্বিতীয় ভণিতা সমাপ্ত ॥

অসাধারণাবস্থায় প্রবারণা

(১) বিশেষ অবস্থায় সংক্ষিপ্ত প্রবারণা

১—(ক) সেই সময়ে কোশল জনপদের এক আবাসে প্রবারণার সময় শবরের (বন্যজাতির) উপদ্রব উপস্থিত হইয়াছিল। ভিক্ষুগণ ত্রিবাক্যে^১ প্রবারণা করিতে পারিলেন না। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : দ্বিবাক্যে প্রবারণা করিবে।”

(খ) অধিকতর শবর-উপদ্রব হইল। ভিক্ষুগণ দ্বিবাক্যেও প্রবারণা করিতে পারিলেন না। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : একবাক্যে প্রবারণা করিবে।”

(গ) শবরের উপদ্রব বৃদ্ধি পাইল। ভিক্ষুগণ একবাক্যেও প্রবারণা করিতে পারিলেন না। ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : সমবয়স্ক^২ ভিক্ষুগণ একসঙ্গে প্রবারণা করিবে।”

২—সেই সময়ে এক আবাসে প্রবারণার সময় জনসাধারণ দান দিতে দিতে রাত্রির অধিকাংশ অতিবাহিত করিল। তখন সেই স্থানে উপস্থিত ভিক্ষুগণের মনে এই চিন্তা উদিত হইল : “এই জনসাধারণ দান দিতে দিতে রাত্রির অধিকাংশ অতিবাহিত হইয়া গিয়াছে। যদি সঙ্ঘ ত্রিবাক্যে প্রবারণা করেন তাহা হইলে সঙ্ঘ অপ্রবারিত থাকিবেন এবং রাত্রিও প্রভাত হইয়া যাইবে। এখন আমাদের কি করিতে হইবে?” ভগবানকে এই বিষয় জানাইলেন। (ভগবান কহিলেন :—)

হে ভিক্ষুগণ! যদি কোন আবাসে প্রবারণার সময় জনসাধারণ দান দিতে দিতে রাত্রির অধিকাংশ অতিবাহিত হইয়া যায় এবং সেখানের ভিক্ষুদিগের মনে এই চিন্তা উদিত হয় : “জনসাধারণ দান দিতে দিতে রাত্রির অধিকাংশ অতিবাহিত হইয়া গিয়াছে এই অবস্থায় সঙ্ঘ ত্রিবাক্যে প্রবারণা করিলে সঙ্ঘ অপ্রবারিতই থাকিবেন এবং রাত্রিও প্রভাত হইয়া যাইবে” তাহা হইলে দক্ষ এবং সমর্থ ভিক্ষু সঙ্ঘকে এইরূপ প্রস্তাব জ্ঞাপন করিবে : “মাননীয় সঙ্ঘ! আমার প্রস্তাব শ্রবণ করুন; জনসাধারণ দান দিতে দিতে রাত্রির অধিকাংশ অতিবাহিত হইয়া গিয়াছে, যদি সঙ্ঘ

^১। ‘মাননীয় সঙ্ঘের নিকট প্রবারণা করিব’ এই বাক্য তিনবার বলা।

^২। ‘মাননীয় সঙ্ঘের নিকট প্রবারণা করিব’ এই বাক্য সমবয়স্ক ভিক্ষুগণ একসঙ্গে সমন্বরে বলিবে।

ত্রিবাণ্ড্যে প্রবারণা করেন তাহা হইলে সজ্ঞ অপ্রবারিতই থাকিবেন এবং রাত্রিও প্রভাত হইয়া যাইবে। অতএব সজ্ঞ উচিৎ মনে করিলে দ্বিবাণ্ড্যে, একবাণ্ড্যে কিংবা সমবয়স্কের প্রবারণা করিতে পারেন।”

৩—হে ভিক্ষুগণ! যদি কোন আবাসে প্রবারণার সময় ভিক্ষুগণ ধর্মচর্চা করায়, সৌত্রান্তিকগণ সূত্র সঙ্গায়ন করায়, বিনয়ধরগণ বিনয় মীমাংসা করায়, ধর্মকথিকগণ ধর্মালোচনা করায় এবং ভিক্ষুগণ কলহে রত থাকায় রাত্রির অধিকাংশ অতিবাহিত হয় এবং আবাসবাসী ভিক্ষুদিগের মনে এই চিন্তা উদিত হয় : “ভিক্ষুগণের কলহ হেতু রাত্রির অধিকাংশ অতিবাহিত হইয়াছে, সজ্ঞ ত্রিবাণ্ড্যে প্রবারণা করিলে সজ্ঞ অপ্রবারিতই থাকিবেন এবং রাত্রিও প্রভাত হইয়া যাইবে।” তাহা হইলে দক্ষ এবং সমর্থ ভিক্ষু সজ্ঞকে এইরূপ প্রস্তাব জ্ঞাপন করিবে : “মাননীয় সজ্ঞ! আমার প্রস্তাব শ্রবণ করুন :—ভিক্ষুগণ কলহরত থাকায় রাত্রির অধিকাংশ অতিবাহিত হইয়াছে, যদি সজ্ঞ ত্রিবাণ্ড্যে প্রবারণা করেন তাহা হইলে সজ্ঞও অপ্রবারিতই থাকিবেন এবং রাত্রিও প্রভাত হইয়া যাইবে, অতএব সজ্ঞ উচিৎ মনে করিলে দ্বিবাণ্ড্যে, একবাণ্ড্যে কিংবা সমবয়স্কের প্রবারণা করিতে পারেন।”

৪—সেই সময়ে কোশল জনপদের এক আবাসে প্রবারণার সময় বৃহৎভিক্ষুসজ্ঞ সমবেত হইয়াছিলেন, সেখানে বৃষ্টি পড়ে না তেমন স্থান অল্পই ছিল এবং আকাশেও মেঘ উঠিয়াছিল। অনন্তর সেই ভিক্ষুদিগের মনে এই চিন্তা উদিত হইল : “এখানে বৃহৎভিক্ষুসজ্ঞ সমবেত হইয়াছেন, বৃষ্টি পড়ে না তেমন স্থানও অল্প এবং মহামেঘও উদ্ভিত হইয়াছে। যদি সজ্ঞ ত্রিবাণ্ড্যে প্রবারণা করেন তাহা হইলে সজ্ঞও অপ্রবারিত থাকিবেন এবং বৃষ্টিও বর্ষিত হইবে। অতএব এখন আমরা কি করিব?” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! যদি কোন আবাসে প্রবারণার সময় বৃহৎভিক্ষুসজ্ঞ সমবেত হয়, সেখানে বৃষ্টি পড়ে না তেমন স্থানেরও অভাব হয়, আকাশেও মেঘ উদ্ভিত হয় এবং সেখানের ভিক্ষুদিগের মনেও এই চিন্তা উদিত হয় : ‘এখানে এই বৃহৎভিক্ষুসজ্ঞ সমবেত হইয়াছেন, বৃষ্টি পড়ে না তেমন স্থানও অল্প এবং মহামেঘও উঠিয়াছে, সজ্ঞ ত্রিবাণ্ড্যে প্রবারণা করিলে সজ্ঞও অপ্রবারিত থাকিবেন, মেঘও বর্ষণ করিবে।’ তাহা হইলে দক্ষ এবং সমর্থ ভিক্ষু সজ্ঞকে এইরূপ প্রস্তাব জ্ঞাপন করিবে : “মাননীয় সজ্ঞ! আমার প্রস্তাব শ্রবণ করুন : এখানে বৃহৎভিক্ষুসজ্ঞ সমবেত হইয়াছেন, বৃষ্টি পড়ে না তেমন স্থানও অল্প এবং মহামেঘও উঠিয়াছে। যদি সজ্ঞ ত্রিবাণ্ড্যে প্রবারণা করেন তাহা হইলে সজ্ঞও অপ্রবারিত থাকিবেন এবং মেঘও বর্ষণ করিবে। অতএব সজ্ঞ উচিৎ মনে করিলে দ্বিবাণ্ড্যে, একবাণ্ড্যে অথবা সমবয়স্কের প্রবারণা করিতে পারেন।”

৫—হে ভিক্ষুগণ! যদি কোন আবাসে প্রবারণার সময় রাজার উপদ্রব,
৬—চোরের উপদ্রব, ৭—অগ্নির উপদ্রব, ৮—জলের উপদ্রব, ৯—মনুষ্যের উপদ্রব,

১০—অমনুষ্যের (ভূত, প্রেতের) উপদ্রব, ১১—হিংস্রজন্তুর উৎপাত, ১২—সরীসৃপের উৎপাত, ১৩—জীবননাশের আশঙ্কা, ১৪—ব্রহ্মচর্য্যচ্যুতির আশঙ্কা উপস্থিত হয় এবং সেখানের ভিক্ষুগণের মনে এই চিন্তা উদিত হয় : ‘এখন ব্রহ্মচর্য্যনাশের আশঙ্কা উপস্থিত হইয়াছে, যদি সঙ্ঘ দ্বিবাক্যে প্রবারণা করেন তাহা হইলে ব্রহ্মচর্য্যনাশের আশঙ্কা উপস্থিত হওয়ায় সঙ্ঘ অপ্রবারিতই থাকিবেন’ তাহা হইলে দক্ষ এবং সমর্থ ভিক্ষু সঙ্ঘকে এইরূপ প্রস্তাব জ্ঞাপন করিবে : “মাননীয় সঙ্ঘ! আমার প্রস্তাব শ্রবণ করুন : এখন এখানে ব্রহ্মচর্য্যনাশের আশঙ্কা উপস্থিত হইয়াছে, যদি সঙ্ঘ দ্বিবাক্যে প্রবারণা করেন তাহা হইলে ব্রহ্মচর্য্যনাশের আশঙ্কা উপস্থিত হওয়ায় সঙ্ঘ অপ্রবারিতই থাকিবেন। অতএব সঙ্ঘ উচিৎ মনে করিলে দ্বিবাক্যে, একবাক্যে অথবা সমবয়স্কের প্রবারণা করিতে পারেন।”

(২) অপরাধীর প্রবারণা নিষিদ্ধ

সেই সময়ে ষড়বর্গীয় ভিক্ষু অপরাধী হইয়া প্রবারণা করিতেছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! অপরাধী প্রবারণা করিতে পারিবে না, যে করিবে তাহার ‘দুষ্কট’ অপরাধ হইবে।”

“হে ভিক্ষুগণ! আমি অনুজ্ঞা করিতেছি : যে অপরাধী হইয়া প্রবারণা করিবে অবকাশ করাইয়া তাহার উপর দোষারোপ করিবে।”

প্রবারণা স্থগিত করা

(১) অবকাশ না করিলে স্থগিত করিবে

সেই সময়ে ষড়বর্গীয় ভিক্ষু অবকাশ করাইবার সময় অবকাশ করিতে ইচ্ছা করিত না। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : যে অবকাশ করিবে না তাহার প্রবারণা স্থগিত করিবে।”

হে ভিক্ষুগণ! এইভাবে স্থগিত করিবে : উপস্থিত প্রবারণা চতুর্দশী কিংবা পঞ্চদশীতে সেই ব্যক্তির (অপরাধীর) উপস্থিতিতে সঙ্ঘসভায় দক্ষ এবং সমর্থ ভিক্ষু বলিবে : “মাননীয় সঙ্ঘ! আমার প্রস্তাব শ্রবণ করুন : অমুকনামীয় ভিক্ষু অপরাধী হইয়া প্রবারণা করিতেছেন, অতএব আমি তাঁহার প্রবারণা স্থগিত করিতেছি। তিনি উপস্থিত থাকিলেও প্রবারণা করিতে পারিবেন না।” এইভাবে প্রবারণা স্থগিত করা হয়।

(২) অন্যায়ভাবে স্থগিত করা

সেই সময়ে ষড়বর্গীয় ভিক্ষু ‘প্রথমেই সুশীল ভিক্ষুগণ আমাদের প্রবারণা স্থগিত করেন’ এই ভাবিয়া তাহারা প্রথমেই অবিশয়ে অকারণে পরিশুদ্ধ নিরপরাধ ভিক্ষুগণের প্রবারণা স্থগিত করিতে লাগিল। প্রবারিতগণেরও প্রবারণা স্থগিত করিতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! অবিশয়ে, অকারণে পরিশুদ্ধ এবং নিরপরাধ ভিক্ষুদিগকে প্রবারণা স্থগিত করিতে পারিবে না, যে করিবে তাহার ‘দুষ্কট’ অপরাধ হইবে।

“হে ভিক্ষুগণ! প্রবারিতদিগের (যাহাদের প্রবারণা করা সমাপ্ত হইয়াছে) প্রবারণা স্থগিত করিতে পারিবে না, যে করিবে তাহার ‘দুষ্কট’ অপরাধ হইবে।”

(৩) প্রবারণা স্থগিত করিবার পদ্ধতি

হে ভিক্ষুগণ! এইভাবে প্রবারণা স্থগিত হয় এবং এইভাবে স্থগিত হয় না।

১—হে ভিক্ষুগণ! কিভাবে প্রবারণা স্থগিত হয় না? ভিক্ষুগণ! যদি কেহ দ্বিবােক্যে প্রবারণা কহিয়া বলিয়া সমাপ্ত করিবার পর অন্য ব্যক্তি তাহার প্রবারণা স্থগিত করে তাহা হইলে প্রবারণা স্থগিত হয় না। ভিক্ষুগণ! যদি দ্বিবােক্যে, একবােক্যে এবং সমবয়স্কগণ প্রবারণা কহিয়া বলিয়া সমাপ্ত করিবার পর অন্য ব্যক্তি তাহাদের প্রবারণা স্থগিত করে তাহা হইলেও প্রবারণা স্থগিত হয় না। ভিক্ষুগণ! এইভাবে প্রবারণা স্থগিত হয় না।

২—হে ভিক্ষুগণ! কিভাবে প্রবারণা স্থগিত হয়? ভিক্ষুগণ! যদি কেহ দ্বিবােক্যে প্রবারণা কহিয়া বলিয়া সমাপ্ত করিবার পূর্বে অন্য ব্যক্তি তাহার প্রবারণা স্থগিত করে তাহা হইলে প্রবারণা স্থগিত হয়। ভিক্ষুগণ! যদি দ্বিবােক্যে, একবােক্যে এবং সমবয়স্কগণ প্রবারণা কহিয়া বলিয়া সমাপ্ত করিবার পূর্বে অন্য ব্যক্তি তাহার প্রবারণা স্থগিত করে তাহা হইলে প্রবারণা স্থগিত হয়। ভিক্ষুগণ! এইভাবে প্রবারণা স্থগিত হয়।

(৪) বাধাদানে প্রবারণা পূর্ণ করা

১—হে ভিক্ষুগণ! যদি প্রবারণার সময় কোন ভিক্ষু অন্য ভিক্ষুর প্রবারণা স্থগিত করে এবং সেই ভিক্ষু সম্বন্ধে অন্য ভিক্ষুগণ এরূপ জানে—‘এই আয়ুত্মানের (যাঁহার প্রবারণা স্থগিত করে তাহার) কায়িক আচার অপরিশুদ্ধ, বাচনিক আচার অপরিশুদ্ধ, জীবিকা অপরিশুদ্ধ, সে মূর্খ, অদক্ষ এবং সত্যাসত্য নির্ণয়ে প্রশ্ন করিলে যথাযথ উত্তর দিতে পারিবে না।’ তাহা হইলে ‘ভিক্ষু! ঋগড়া, কলহ, বিত্ৰহ, বিবাদ না হউক’ এই বলিয়া স্থগিতকারীকে বাধা দিয়া সজ্জের প্রবারণা করা উচিত।

২—হে ভিক্ষুগণ! যদি প্রবারণার সময় কোন ভিক্ষু অন্য ভিক্ষুর প্রবারণা স্থগিত করে এবং সেই ভিক্ষু সম্বন্ধে অন্য ভিক্ষুগণ এরূপ জানে ‘এই আয়ুস্মানের (যাঁহার প্রবারণা স্থগিত করে তাঁহার) কায়িক আচার পরিশুদ্ধ, বাচনিক আচার অপরিশুদ্ধ, জীবিকা অপরিশুদ্ধ, সে মূর্খ, অদক্ষ এবং সত্যাসত্য নির্ণয়ে প্রশ্ন করিলে উত্তর দিতে সমর্থ নহে।’ তাহা হইলে ‘ভিক্ষু! ঝগড়া, কলহ, বিগ্রহ, বিবাদ না হউক’ এই বলিয়া স্থগিতকারীকে বাধা দিয়া সঙ্ঘের প্রবারণা করা উচিত।

৩—হে ভিক্ষুগণ! যদি প্রবারণার সময় কোন ভিক্ষু অন্য ভিক্ষুর প্রবারণা স্থগিত করে এবং সেই ভিক্ষু সম্বন্ধে অন্য ভিক্ষুগণ এরূপ জানে ‘এই আয়ুস্মানের (যাঁহার প্রবারণা স্থগিত করে তাঁহার) কায়িক আচার পরিশুদ্ধ, বাচনিক আচার পরিশুদ্ধ, জীবিকা অপরিশুদ্ধ, সে মূর্খ, অদক্ষ এবং সত্যাসত্য নির্ণয়ে প্রশ্ন করিলে উত্তর দিতে সমর্থ নহে।’ তাহা হইলে ‘ভিক্ষু! ঝগড়া, কলহ, বিগ্রহ এবং বিবাদ না হউক’ এই বলিয়া স্থগিতকারীকে বাধা দিয়া সঙ্ঘের প্রবারণা করা উচিত।

৪—হে ভিক্ষুগণ! যদি প্রবারণার সময় কোন ভিক্ষু অন্য ভিক্ষুর প্রবারণা স্থগিত করে এবং সেই ভিক্ষু সম্বন্ধে অন্য ভিক্ষুগণ এইরূপ জানে ‘এই আয়ুস্মানের (যাঁহার প্রবারণা স্থগিত করে তাঁহার) কায়িক আচার পরিশুদ্ধ, বাচনিক আচার পরিশুদ্ধ, জীবিকা পরিশুদ্ধ, কিন্তু সে মূর্খ, অদক্ষ এবং সত্যাসত্য নির্ণয়ে প্রশ্ন করিলে উত্তর দিতে সমর্থ নহে।’ তাহা হইলে ‘ভিক্ষু! ঝগড়া, কলহ, বিগ্রহ এবং বিবাদ না হউক’ এই বলিয়া স্থগিতকারীকে বাধা দিয়া সঙ্ঘের প্রবারণা করা উচিত।

(৫) দণ্ডদানে প্রবারণা করা

১—হে ভিক্ষুগণ! যদি প্রবারণার সময় কোন ভিক্ষু অন্য ভিক্ষুর প্রবারণা স্থগিত করে এবং সেই ভিক্ষু সম্বন্ধে অন্য ভিক্ষুগণ জানে ‘এই আয়ুস্মানের (যাঁহার প্রবারণা স্থগিত করে তাঁহার) কায়িক আচার, বাচনিক আচার ও জীবিকা পরিশুদ্ধ, তিনি পণ্ডিত, দক্ষ, মেধাবী এবং সত্যাসত্য নির্ণয়ে প্রশ্ন করিলে উত্তর দিতে সমর্থ।’ তাহাকে (যিনি প্রবারণা স্থগিত করেন) এরূপ জিজ্ঞাসা করা উচিত : ‘বন্ধো! আপনি যে এই ভিক্ষুর প্রবারণা স্থগিত করিতেছেন তাহা কোন্ বিষয়ে স্থগিত করিতেছেন? শীলসম্বন্ধীয় অপরাধে কি স্থগিত করিতেছেন? আচারসম্বন্ধীয় অপরাধে কি স্থগিত করিতেছেন? দৃষ্টিসম্বন্ধীয় অপরাধে কি স্থগিত করিতেছেন?’ যদি তিনি বলেন ‘শীলসম্বন্ধীয় অপরাধে স্থগিত করিতেছি অথবা আচারসম্বন্ধীয় অপরাধে স্থগিত করিতেছি কিংবা দৃষ্টিসম্বন্ধীয় অপরাধে স্থগিত করিতেছি’ তাহা হইলে তাহাকে জিজ্ঞাসা করিবে : ‘আয়ুস্মান শীলসম্বন্ধীয় অপরাধ কাহাকে বলে তাহা জানেন কি? আচার সম্বন্ধীয় অপরাধ কাহাকে বলে তাহা জানেন কি? এবং দৃষ্টিসম্বন্ধীয় অপরাধ কাহাকে বলে তাহা জানেন কি?’ তিনি যদি বলেন, ‘আমি শীলসম্বন্ধীয় অপরাধ

কাহাকে বলে তাহা জানি, আচারসম্বন্ধীয় অপরাধ কাহাকে বলে তাহা জানি এবং দৃষ্টিসম্বন্ধীয় অপরাধ কাহাকে বলে তাহাও জানি।’ তাহা হইলে তাঁহাকে এরূপ জিজ্ঞাসা করা উচিত : ‘বন্ধো! শীলসম্বন্ধীয় অপরাধ কাহাকে কহে? আচারসম্বন্ধীয় অপরাধ কাহাকে কহে এবং দৃষ্টিসম্বন্ধীয় অপরাধই বা কাহাকে কহে?’ যদি তিনি বলেন, ‘চতুর্বিধ ‘পারাজিকা’ এবং ত্রয়োদশ ‘সংঘাদিসেস’ ইহা শীলসম্বন্ধীয় অপরাধ; ‘থুল্লচ্চয়’, ‘পাচিন্তিয়’, ‘পাটিদেসনীয়’, ‘দুৰ্দ্ধট’ এবং ‘দুব্ভাসিত’ ইহা আচারসম্বন্ধীয় অপরাধ; মিথ্যাদৃষ্টি এবং অস্ত্রাহীদৃষ্টি (চরম মত)’ ইহা দৃষ্টিসম্বন্ধীয় অপরাধ।’ তাহা হইলে তাঁহাকে এরূপ জিজ্ঞাসা করিবে : ‘বন্ধো! আপনি যে এই ভিক্ষুর প্রবারণা স্থগিত করিতেছেন তাহা কোন দ্রুটি দেখিয়া কি স্থগিত করিতেছেন? শুনিয়া কি স্থগিত করিতেছেন? অথবা অনুমান করিয়া কি স্থগিত করিতেছেন?’ যদি তিনি এরূপ বলেন : ‘কোন দ্রুটি দেখিয়া স্থগিত করিতেছি, অথবা শুনিয়া স্থগিত করিতেছি, কিংবা অনুমান করিয়া স্থগিত করিতেছি।’ তাহা হইলে তাহাকে এরূপ জিজ্ঞাসা করিবে : ‘বন্ধো! আপনি যে এই ভিক্ষুর প্রবারণা দ্রুটি দেখিয়া স্থগিত করিতেছেন বলিয়া বলিলেন, আপনি কি দেখিয়াছেন? কিসে দেখিয়াছেন? কখন দেখিয়াছেন? কোথায় দেখিয়াছেন? তাঁহাকে কি ‘পারাজিকা’ অপরাধ করিতে দেখিয়াছেন? ‘সংঘাদিসেস’ অপরাধ করিতে কি দেখিয়াছেন? ‘থুল্লচ্চয়’ অপরাধ করিতে কি দেখিয়াছেন? ‘পাটিদেসনীয়’ অপরাধ করিতে কি দেখিয়াছেন? ‘দুৰ্দ্ধট’ অপরাধ করিতে কি দেখিয়াছেন? ‘দুব্ভাসিত’ অপরাধ করিতে কি দেখিয়াছেন? তখন আপনি কোথায় ছিলেন এবং এই ভিক্ষুই বা কোথায় ছিলেন? তখন আপনি কি করিতেছিলেন এবং এই ভিক্ষুই বা কি করিতেছিলেন?’ তিনি যদি তদুত্তরে কহেন : ‘বন্ধো! আমি এই ভিক্ষুর প্রবারণা (কোন অপরাধ) দেখিয়া স্থগিত করিতেছি না; কিন্তু (অপরাধের কথা) শুনিয়া স্থগিত করিতেছি।’ তাহা হইলে তাহাকে এরূপ জিজ্ঞাসা করিবে : ‘বন্ধো! আপনি যে শুনিয়া এই ভিক্ষুর প্রবারণা স্থগিত করিতেছেন, আপনি কি শুনিয়াছেন? কিসে শুনিয়াছেন? কখন শুনিয়াছেন? কোথায় শুনিয়াছেন? ‘পারাজিকা’ অপরাধ করিয়াছেন বলিয়া কি শুনিয়াছেন? ‘সংঘাদিসেস’ অপরাধ কি করিয়াছেন বলিয়া কি শুনিয়াছেন? ‘থুল্লচ্চয়’ অপরাধ করিয়াছেন বলিয়া কি শুনিয়াছেন? ‘পাটিদেসনীয়’ অপরাধ করিয়াছেন বলিয়া কি শুনিয়াছেন? ‘দুৰ্দ্ধট’ অপরাধ করিয়াছেন বলিয়া কি শুনিয়াছেন? ‘দুব্ভাসিত’ অপরাধ করিয়াছেন বলিয়া কি শুনিয়াছেন? ভিক্ষুর নিকট কি শুনিয়াছেন? ভিক্ষুণীর নিকট কি শুনিয়াছেন? শিক্ষমানার নিকট কি শুনিয়াছেন? শ্রামণেরের নিকট কি শুনিয়াছেন? শ্রামণেরীর নিকট কি শুনিয়াছেন? উপাসকের নিকট কি শুনিয়াছেন? উপাসিকার নিকট কি শুনিয়াছেন? রাজার নিকট কি শুনিয়াছেন? রাজার অমাত্যদিগের নিকট কি

^১। আত্মা নিত্য অথবা সন্ততি রহিত বলিয়া স্বীকার করা।

শুনিয়েছেন? তীর্থিকদিগের নিকট কি শুনিয়েছেন? তীর্থিক-শ্রাবকদিগের নিকট কি শুনিয়েছেন?’ তিনি যদি তদুত্তরে কহেন : ‘বন্ধো! আমি এই ভিক্ষুর প্রবারণা শুনিয়ে স্থগিত করিতেছি না; কিন্তু অনুমান করিয়া স্থগিত করিতেছি।’ তাহা হইলে তাকে এরূপ জিজ্ঞাসা করিবে : ‘বন্ধো! আপনি যে অনুমান করিয়া এই ভিক্ষুর প্রবারণা স্থগিত করিতেছেন, কি অনুমান করিতেছেন? কিসে অনুমান করিতেছেন? কখন হইতে অনুমান করিতেছেন? কোথায় অনুমান করিতেছেন? ‘পারাজিক’^১ অপরাধ করিয়াছেন বলিয়া কি অনুমান করিতেছেন? ‘সংঘাদিসেস’^২ অপরাধ করিয়াছেন বলিয়া কি অনুমান করিতেছেন? ‘থুল্লচ্চয়’^৩ অপরাধ করিয়াছেন বলিয়া কি অনুমান করিতেছেন? ‘পাটিদেসনীয়’^৪ অপরাধ করিয়াছেন বলিয়া কি অনুমান করিতেছেন? ‘পাচিভিয়’^৫ অপরাধ করিয়াছেন বলিয়া কি অনুমান করিতেছেন? ‘দুহট’^৬ অপরাধ করিয়াছেন বলিয়া কি অনুমান করিতেছেন? ‘দুব্ভাসিত’^৭ অপরাধ করিয়াছেন বলিয়া কি অনুমান করিতেছেন? ভিক্ষুর নিকট শুনিয়া কি অনুমান করিতেছেন? ভিক্ষুণীর নিকট শুনিয়া কি অনুমান করিতেছেন? শিক্ষমানার নিকট শুনিয়া কি অনুমান করিতেছেন? শ্রামণের নিকট শুনিয়া কি অনুমান করিতেছেন? শ্রামণের নিকট শুনিয়া কি অনুমান করিতেছেন? উপাসকের নিকট শুনিয়া কি অনুমান করিতেছেন? উপাসিকার নিকট শুনিয়া কি অনুমান করিতেছেন? রাজন্যবর্গের নিকট শুনিয়া কি অনুমান করিতেছেন? রাজার অমাত্যদিগের নিকট শুনিয়া কি অনুমান করিতেছেন? তীর্থিকদিগের নিকট শুনিয়া কি অনুমান করিতেছেন? তীর্থিক-শ্রাবকদিগের নিকট শুনিয়া কি অনুমান করিতেছেন?’ তদুত্তরে যদি তিনি বলেন : ‘বন্ধো! আমি এই ভিক্ষুর প্রবারণা অনুমান করিয়া স্থগিত করিতেছি না; কিন্তু আমিও জানি না যে কেন এই ভিক্ষুর প্রবারণা করিতেছি।’

^১। যেই অপরাধে অপরাধী হইলে ভিক্ষু ভিক্ষুত্ব হইতে ভ্রষ্ট হয়।

^২। যেই অপরাধ করিলে সঙ্ঘের নিকট ‘পরিবাস’ দণ্ড গ্রহণ করিতে হয়। সঙ্ঘই দণ্ডদান করেন আবার সঙ্ঘই দণ্ড হইতে মুক্তিদান করিয়া সঙ্ঘে প্রবেশাধিকার দান করেন। সঙ্ঘ আদিতে এবং অন্তে প্রয়োজন বলিয়া সঙ্ঘাদিশেষ।

^৩। দেশনা (প্রকাশ কিংবা স্বীকার) করিয়া যেই সব অপরাধ হইতে মুক্ত হওয়া যায় তন্মধ্যে ইহা স্থূল (গুরুতর)।

^৪। এই সমস্ত অপরাধ অন্যের নিকট স্বীকার করিলে এবং ভবিষ্যতে সাবধান হইবে বলিয়া স্বীকৃতি জ্ঞাপন করিলে তাহা হইতে মুক্ত হওয়া যায়।

^৫। এই সমস্ত অপরাধ অন্যের নিকট স্বীকার করিলে এবং ভবিষ্যতে সাবধান হইবে বলিয়া স্বীকৃতি জ্ঞাপন করিলে তাহা হইতে মুক্ত হওয়া যায়।

^৬। এই সমস্ত অপরাধ অন্যের নিকট স্বীকার করিলে এবং ভবিষ্যতে সাবধান হইবে বলিয়া স্বীকৃতি জ্ঞাপন করিলে তাহা হইতে মুক্ত হওয়া যায়।

^৭। এই সমস্ত অপরাধ অন্যের নিকট স্বীকার করিলে এবং ভবিষ্যতে সাবধান হইবে বলিয়া স্বীকৃতি জ্ঞাপন করিলে তাহা হইতে মুক্ত হওয়া যায়।

হে ভিক্ষুগণ! যদি সেই দোষারোপকারী ভিক্ষু প্রত্যুত্তর দানে বিজ্ঞ সত্রক্ষচারীদিগের (সতীর্থগণের) চিত্ত সম্ভ্রষ্ট করিতে না পারে তাহা হইলে বলা উচিত : যাহার উপর দোষারোপ করা হইয়াছে সেই ভিক্ষু নির্দোষী। হে ভিক্ষুগণ! যদি সেই দোষারোপকারী ভিক্ষু প্রত্যুত্তর দানে বিজ্ঞ সত্রক্ষচারীদিগের সম্ভ্রষ্ট করিতে পারে তাহা হইলে বলা উচিত : যাহার উপর দোষ আরোপিত হইয়াছে সেই ভিক্ষু দোষী। ভিক্ষুগণ! যদি সেই দোষারোপকারী ভিক্ষু (অন্যকে) অমূলক ‘পারাজিকা’ অপরাধে অপরাধী করিয়াছে বলিয়া স্বীকার করে তাহা হইলে তাহার উপর ‘সজ্ঞাদিসেস’^১ অপরাধ আরোপ করিয়া সজ্ঞের প্রবারণা করিতে হইবে। ভিক্ষুগণ! যদি সেই দোষারোপকারী ভিক্ষু (অন্যকে) অমূলক ‘সজ্ঞাদিসেস’ অপরাধে অপরাধী করিয়াছে বলিয়া স্বীকার করে তাহা হইলে ধর্ম্মানুসারে তাহার প্রতিকার করাইয়া সজ্ঞের প্রবারণা করিতে হইবে। ভিক্ষুগণ! যদি সেই দোষারোপকারী ভিক্ষু (অন্যকে) অমূলক ‘খুল্লচয়’ ‘পাচিত্তিয়’ ‘পাটিদেসনীয়’, ‘দুচ্ছট’ অথবা ‘দুবভাসিত’ অপরাধে অপরাধী করিয়াছে বলিয়া স্বীকার করে তাহা হইলে ধর্ম্মানুসারে তাহার প্রতিকার করাইয়া সজ্ঞের প্রবারণা করিতে হইবে। ভিক্ষুগণ! যদি সেই দোষারোপকারী ভিক্ষু ‘পারাজিক’ অপরাধে অপরাধী হইয়াছে বলিয়া স্বীকার করে তাহা হইলে তাহাকে বহিষ্কৃত করিয়া সজ্ঞের প্রবারণা করিতে হইবে। ভিক্ষুগণ! যদি সেই দোষারোপিত ভিক্ষু ‘সজ্ঞাদিসেস’ অপরাধে অপরাধী হইয়াছে বলিয়া স্বীকার করে তাহা হইলে তাহার উপর ‘সজ্ঞাদিসেস’ অপরাধ আরোপ করিয়া সজ্ঞের প্রবারণা করিতে হইবে। ভিক্ষুগণ! যদি সেই দোষারোপিত ভিক্ষু ‘খুল্লচয়’, ‘পাচিত্তিয়’, ‘পাটিদেসনীয়’, ‘দুচ্ছট’ অথবা ‘দুবভাসিত’ অপরাধ করিয়াছে বলিয়া স্বীকার করে তাহা হইলে ধর্ম্মানুসারে তাহার প্রতিকার করাইয়া সজ্ঞকে প্রবারণা করিতে হইবে।

২—হে ভিক্ষুগণ! যদি কোন ভিক্ষু প্রবারণার সময় ‘খুল্লচয়’ অপরাধে অপরাধী হয় এবং (সেই অপরাধকে) কোন কোন ভিক্ষু ‘খুল্লচয়’ মনে করে, আবার কোন কোন ভিক্ষু ‘সজ্ঞাদিসেস’ মনে করে তাহা হইলে যাহারা ‘খুল্লচয়’ মনে করে তাহাদিগকে একান্তে সেই ভিক্ষুকে (অপরাধীকে) লইয়া যাইয়া ধর্ম্মানুসারে অপরাধের প্রতিকার করাইয়া সজ্ঞের নিকট উপস্থিত হইয়া এরূপ বলিতে হইবে : ‘বন্ধুগণ! এই ভিক্ষু যেই অপরাধে অপরাধী হইয়াছিল ধর্ম্মানুসারে সেই অপরাধের প্রতিকার করা হইয়াছে অতএব সজ্ঞ উচিত মনে করিলে প্রবারণা করিতে পারেন।’

৩—হে ভিক্ষুগণ! যদি কোন ভিক্ষু প্রবারণা দিবসে ‘খুল্লচয়’ অপরাধ করিয়া থাকে এবং (তাহার সেই অপরাধকে) কেহ কেহ ‘খুল্লচয়’ মনে করে, আবার কেহ কেহ ‘পাচিত্তিয়’ মনে করে; কেহ কেহ ‘খুল্লচয়’ মনে করে আবার কেহ কেহ বা ‘পাটিদেসনীয়’ মনে করে; কেহ কেহ বা ‘খুল্লচয়’ মনে করে, আবার কেহ কেহ বা

^১। সূত্র বিভঙ্গে বর্ণিত অষ্টম সজ্ঞাদিশেষ শিক্ষাপদ দ্রষ্টব্য।

‘দুষ্কট’ মনে করে; কেহ কেহ বা ‘খুল্লচয়’ মনে করে, আবার কেহ কেহ বা ‘দুব্ভাসিত’ মনে করে, তাহা হইলে যাহারা ‘খুল্লচয়’ মনে করে তাহাদিগকে একান্তে সেই ভিক্ষুকে লইয়া যাইয়া ধৰ্ম্মানুসারে (অপরাধের) প্রতিকার করাইয়া সজ্জের নিকট উপস্থিত হইয়া এরূপ বলিতে হইবে : ‘বন্ধুগণ! সেই ভিক্ষু যেই অপরাধে অপরাধী হইয়াছিল ধৰ্ম্মানুসারে তাহার সেই অপরাধের প্রতিকার করা হইয়াছে, অতএব সজ্জ উচিৎ মনে করিলে প্রবারণা করিতে পারেন।’

৪—হে ভিক্ষুগণ! যদি কোন ভিক্ষু প্রবারণা দিবসে ‘পাচিন্তিয়’ অপরাধ করিয়া থাকে, ৫—‘পাটিদেসনীয়’ অপরাধ করিয়া থাকে, ৬—‘দুষ্কট’ অপরাধ করিয়া থাকে, অথবা ৭—‘দুব্ভাসিত’ অপরাধ করিয়া থাকে এবং (তাহার সেই অপরাধকে) কেহ কেহ ‘দুব্ভাসিত’ মনে করে আবার কেহ কেহ বা ‘সজ্জাদিসেস’ মনে করে তাহা হইলে যাহারা ‘দুব্ভাসিত’ মনে করে তাহাদিগকে সেই ভিক্ষুকে একান্তে লইয়া যাইয়া, ধৰ্ম্মানুসারে (অপরাধের) প্রতিকার করাইয়া, সজ্জের নিকট উপস্থিত হইয়া, এরূপ বলিতে হইবে : ‘বন্ধুগণ! সেই ভিক্ষু যেই অপরাধে অপরাধী হইয়াছিল সে ধৰ্ম্মানুসারে সেই অপরাধের প্রতিকার করিয়াছে, অতএব সজ্জ উচিৎ মনে করিলে প্রবারণা করিতে পারেন।’

হে ভিক্ষুগণ! যদি কোন ভিক্ষু প্রবারণার সময় ‘দুব্ভাসিত’ অপরাধ করিয়া থাকে এবং তাহার সেই অপরাধকে কেহ কেহ বা ‘দুব্ভাসিত’ মনে করে, আবার কেহ কেহ বা ‘খুল্লচয়’ মনে করে, কেহ কেহ বা ‘দুব্ভাসিত’ মনে করে, আবার কেহ কেহ বা ‘পাচিন্তিয়’ মনে করে, কেহ কেহ বা ‘দুব্ভাসিত’ মনে করে, আবার কেহ কেহ বা ‘পাটিদেসনীয়’ মনে করে; কেহ কেহ বা ‘দুব্ভাসিত’ মনে করে, আবার কেহ কেহ বা ‘পাটিদেসনীয়’ মনে করে; কেহ কেহ বা ‘দুব্ভাসিত’ মনে করে, আবার কেহ কেহ বা ‘দুষ্কট’ মনে করে তাহা হইলে যাহারা ‘দুব্ভাসিত’ মনে করে তাহাদিগকে একান্তে সেই ভিক্ষুকে লইয়া যাইয়া, ধৰ্ম্মানুসারে (অপরাধের) প্রতিকার করাইয়া, সজ্জের নিকট উপস্থিত হইয়া, এরূপ বলিতে হইবে : ‘বন্ধো! সেই ভিক্ষু যেই অপরাধে অপরাধী হইয়াছিল ধৰ্ম্মানুসারে সেই অপরাধের প্রতিকার করিয়াছে, অতএব সজ্জ উচিৎ মনে করিলে প্রবারণা করিতে পারেন।’

(৬) বস্ত্র বা ব্যক্তি স্তুগিত করা

১—হে ভিক্ষুগণ! যদি কোন ভিক্ষু প্রবারণার সময় সজ্জ-সভায় এইরূপ বলে : ‘মাননীয় সজ্জ! আমার প্রস্তাব শ্রবণ করুন : অপরাধের (বিচার্য্য বস্ত্র) পরিচয় পাওয়া যাইতেছে কিন্তু ব্যক্তির (অপরাধীর) পরিচয় পাওয়া যাইতেছে না’। অতএব

১। অরণ্যে অবস্থিত এক বিহারে পুষ্করিণী হইতে চোরগণ মৎস্য হত্যা করিয়া, পাক করিয়া, তাহা ভোজন করিয়া প্রস্থান করিয়াছিল। এই ভিক্ষু সেই কুকার্য্য দেখিয়া ‘বোধ হয় ভিক্ষুই এই

যদি সজ্ঞ উচিত মনে করেন তাহা হইলে সজ্ঞ বস্ত্ত স্থগিত রাখিয়া প্রবারণা করিতে পারেন।’ তাহা হইলে সেই ভিক্ষুকে (স্থগিতকারীকে) এরূপ জিজ্ঞাসা করিবে : ‘বন্ধো! ভগবান বিশুদ্ধ ভিক্ষুগণের জন্যই প্রবারণার বিধান দিয়াছেন, যদি বস্ত্তর (অপরাধের) পরিচয় পাওয়া যায় এবং ব্যক্তির (অপরাধীর) পরিচয় পাওয়া না যায় তাহা হইলে এখনই তাহাকে (সেই অপরাধীকে) দেখাইয়া দাও’।’

২—হে ভিক্ষুগণ! যদি কোন ভিক্ষু প্রবারণার সময় সজ্ঞ-সভায় এইরূপ বলে : ‘মাননীয় সজ্ঞ! আমার প্রস্তাব শ্রবণ করুন : ব্যক্তির (অপরাধীর) পরিচয় পাওয়া যাইতেছে কিন্তু বস্ত্তর (বিচার্য্য অপরাধের) পরিচয় পাওয়া যাইতেছে না^১, অতএব যদি সজ্ঞ উচিত মনে করেন তাহা হইলে সজ্ঞ ব্যক্তি স্থগিত রাখিয়া প্রবারণা করিতে পারেন।’ তাহা হইলে সেই ভিক্ষুকে (স্থগিতকারীকে) এইরূপ বলিবে : ‘বন্ধো! ভগবান বিশুদ্ধ সমগ্র সজ্ঞের জন্যই প্রবারণার বিধান দিয়াছেন, যদি ব্যক্তির (অপরাধীর) পরিচয় পাওয়া যায় এবং বস্ত্তর (অপরাধের) পরিচয় পাওয়া না যায় তাহা হইলে এখনই তাহা (সেই অপরাধ) বলিয়া দাও’।

৩—হে ভিক্ষুগণ! যদি কোন ভিক্ষু প্রবারণার সময় সজ্ঞ-সভায় এইরূপ বলে : ‘মাননীয় সজ্ঞ! আমার প্রস্তাব শ্রবণ করুন : এই বস্ত্তর (অপরাধ) এবং ব্যক্তির (অপরাধীর) পরিচয় পাওয়া যাইতেছে^২, অতএব যদি সজ্ঞ উচিত, মনে করিলে বস্ত্ত এবং ব্যক্তি উভয় স্থগিত রাখিয়া প্রবারণা করিতে পারেন।’ তাহা হইলে সেই ভিক্ষুকে (স্থগিতকারীকে) এইরূপ বলিবে : ‘বন্ধো! ভগবান বিশুদ্ধ এবং সমগ্র

কুকার্য্য করিয়াছে’ এই ধারণা করিয়াই বলিল : ‘অপরাধের পরিচয় পাওয়া যাইতেছে কিন্তু অপরাধীর পরিচয় পাওয়া যাইতেছে না।’—সম-পাসা।

^১। যদি এই অপরাধ সম্বন্ধে কাহারও উপর তোমার সন্দেহ হয় তবে তাহাকে দেখাইয়া দাও, দেখাইয়া দিলে সন্দেহযোগ্য অপরাধীকে প্রশ্ন করিয়া সজ্ঞকে প্রবারণা করিতে হইবে। দেখাইয়া না দিলে ‘অনুসন্ধান করিয়া দেখিব’ এই ধারণা করিয়া প্রবারণা করিবে।—সম-পাসা।

^২। জনৈক ভিক্ষু পুষ্পমাল্য এবং সুগন্ধ দ্রব্য দ্বারা চৈত্য পূজা করিয়াছিল অথবা অরিষ্ট (গুড়মিশ্রিত আয়ুর্বেদীয় ঔষধ বিশেষ) পান করিয়াছিল। ইহাতে তাহার দেহেও তদনুরূপ গন্ধ হইয়াছিল। এই ভিক্ষু তাহার গন্ধ লক্ষ্য করিয়া ‘এই ভিক্ষুরই এই সুগন্ধ’ এই বলিয়া দেখাইয়া দিয়া বলিল অপরাধীর পরিচয় পাওয়া যাইতেছে কিন্তু অপরাধের পরিচয় পাওয়া যাইতেছে না।—সম-পাসা।

^৩। যদি অপরাধ সম্বন্ধে কাহারও উপর তোমার সন্দেহ হয় তাহা হইলে সেই ব্যক্তির অপরাধ এখনই বল। ‘তাহার এই অপরাধ’ হইয়াছে বলিয়া বলিলে সেই অপরাধীর অপরাধের প্রতিকার করাইয়া প্রবারণা করিতে হইবে। যদি বলে ‘কোন অপরাধ হইয়াছে তাহা আমি জানি না’ তাহা হইলে ‘অনুসন্ধান জানিব’ এই বলিয়া সজ্ঞকে প্রবারণা করিতে হইবে।—সম-পাসা।

^৪। পূর্ব্বোক্ত নিয়মেই চোরদ্বারা মৎস্য হত্যা করিয়া, পাক করিয়া ভোজনের স্থান এবং সুগন্ধ দ্রব্যাদি দ্বারা স্নানের স্থান দেখিয়াই ‘ইহা প্রব্রজিতের কার্য্য’ এই মনে করিয়া সে এরূপ বলিল।—সম-পাসা।

সজ্জের জন্য প্রবারণার বিধান দিয়াছেন, যদি বস্ত্র এবং ব্যক্তি উভয়ের পরিচয় পাওয়া যায় তাহা হইলে এখনই সেই অপরাধ এবং অপরাধীকে দেখাইয়া দাও'।^১

৪—হে ভিক্ষুগণ! যদি প্রবারণার পূর্বে বস্ত্রের পরিচয় পাওয়া যায় এবং পরে ব্যক্তির পরিচয় পাওয়া যায় তাহা হইলে (অপরাধ) প্রকাশ করা উচিত। ভিক্ষুগণ যদি প্রবারণার পূর্বে ব্যক্তির পরিচয় পাওয়া যায় এবং পরে বস্ত্রের পরিচয় পাওয়া যায় তাহা হইলে (ব্যক্তিকে) প্রকাশ করা উচিত। ভিক্ষুগণ! যদি প্রবারণার পূর্বে বস্ত্র এবং ব্যক্তি উভয়ের পরিচয় পাওয়া যায় তাহা হইলে প্রবারণা সমাপ্ত করিবার পর অভিযোগ উত্থাপন করিলে (অভিযোক্তার) 'উল্লেখ্যক প্যাচিত্তিয়' অপরাধ হইবে^২।

(৭) কলহপ্রিয় হইতে রক্ষা পাইবার উপায়

সেই সময়ে কোশল জনপদের এক আবাসে বহুসংখ্যক সন্দৃষ্ট এবং প্রগাঢ়মিত্র ভাবাপন্ন ভিক্ষু বর্ষাবাস করিতেছিলেন। তাঁহাদের সন্নিহিতে ভগ্নকারী, কলহকারী, বিবাদ বিসম্বাদকারী এবং সজ্জের নিকট নিয়ত অভিযোগকারী অপর ভিক্ষুগণ বর্ষাবাস আরম্ভ করিল, উদ্দেশ্য তাঁহারা বর্ষাবাস সমাপ্ত করিয়া প্রবারণা করিবার সময় তাঁহাদের প্রবারণা স্থগিত করিবে। সেই ভিক্ষুগণ (পূর্বোক্ত ভিক্ষুগণ) শুনিতো পাইলেন : “আমাদের সন্নিহিতে ভগ্নকারী, কলহকারী, বিবাদবিসম্বাদকারী এবং নিয়ত সজ্জের নিকট অভিযোগকারী অন্য ভিক্ষুগণ ‘বর্ষাবাস সমাপ্ত করিয়া প্রবারণা করিবার সময় আমাদের প্রবারণা স্থগিত করিবে।’ এই মনে করিয়া বর্ষাবাস আরম্ভ করিয়াছে।” (তখন তাঁহারা ভাবিলেন :) ‘এখন আমাদের কি করিতে হইবে!?’ তাঁহারা ভগবানকে এই বিষয় জানাইলেন। (ভগবান কহিলেন :—)

হে ভিক্ষুগণ! কোন এক আবাসে সন্দৃষ্ট এবং প্রগাঢ় মিত্রভাবাপন্ন বহুসংখ্যক ভিক্ষু বর্ষাবাস করে এবং তাহাদের সন্নিহিতে ভগ্নকারী, কলহকারী, বিবাদবিসম্বাদকারী এবং নিয়ত সজ্জের নিকট অভিযোগকারী অন্য ভিক্ষুগণ ‘আমরা সেই ভিক্ষুগণ বর্ষাবাস সমাপ্ত করিয়া প্রবারণা করিবার সময় তাঁহাদের প্রবারণা স্থগিত করিব।’ এই মনে করিয়া বর্ষাবাস আরম্ভ করে।

“হে ভিক্ষুগণ! আমি অনুজ্ঞা করিতেছি : পূর্বোক্ত ভিক্ষুগণ চতুর্দশী তিথিতে দুই তিনটি উপোষথ করিতে পারিবে যাহাতে তাহারা শেষোক্ত (ভগ্নকারী) ভিক্ষুদিগের পূর্বে প্রবারণা করিতে পারে।”

^১। এখনই সেই দোষে সন্দেহযোগ্য ব্যক্তিকে দেখাইয়া দাও। উভয়ের (অপরাধের ও অপরাধীর) সন্ধান পাইলে বিচার করিয়াই প্রবারণা করা উচিত।—সম-পাসা।

^২। প্রবারণার পূর্বে উভয়ের পরিচয় পাইয়া বিচার করিয়াই ভিক্ষুগণ প্রবারণা করিয়াছেন। পুনরায় তাহার (মীমাংসিত বিষয়ের) পুনর্বিচারপ্রার্থী হইলে ‘মীমাংসিত বিষয়ের পুনর্বিচার’ সম্বন্ধে ‘প্যাচিত্তিয়’ অপরাধ হয়।—সম-পাসা।

হে ভিক্ষুগণ! যদি সেই ভগ্নকারী, কলহকারী, বিবাদবিসম্বাদকারী এবং নিয়ত সজ্জের নিকট অভিযোগকারী ভিক্ষুগণ সেই আবাসে (পূর্ববর্তী ভিক্ষুদিগের বাসস্থানে) আগমন করে তাহা হইলে সেই আবাসবাসী ভিক্ষুগণকে অতি শীঘ্র সমবেত হইয়া প্রবারণা সমাপ্ত করিতে হইবে এবং প্রবারণা সমাপ্ত করিয়া (ভগ্নকারী ভিক্ষুগণকে) বলিবে : ‘বন্ধুগণ! আমরা প্রবারণা সমাপ্ত করিয়াছি, অতএব আয়ুত্মানগণ এখন যাহা ভাল মনে করেন তাহা করুন।’ ভিক্ষুগণ! যদি সেই ভগ্নকারী, কলহকারী, বিবাদবিসম্বাদকারী এবং নিয়ত সজ্জের নিকট অভিযোগকারী ভিক্ষুগণ (আবাসবাসিগণের) অজ্ঞাতসারে সেই আবাসে আসিয়া উপস্থিত হয় তাহা হইলে সেই আবাসবাসী ভিক্ষুদিগকে আসন পাতিতে হইবে, পাদোদক, পাদপীঠ এবং পাদকথলিক স্থাপন করিতে হইবে, অগ্রসর হইয়া পাত্রচীবর প্রত্নগ্রহণ করিতে হইবে, পানীয় জলের প্রয়োজন কিনা জিজ্ঞাসা করিতে হইবে এবং মিষ্টবাক্যে মুগ্ধ করিয়া সীমার বাহিরে যাওয়া প্রবারণা করিতে হইবে। প্রবারণা সমাপ্ত করিয়া আসিয়া ভগ্নকারীদিগকে বলিতে হইবে : ‘বন্ধুগণ! আমরা প্রবারণা সমাপ্ত করিয়াছি অতএব আয়ুত্মানগণ এখন যাহা ভাল মনে করেন তাহা করুন।’ এরূপে পারা গেলে ভাল, যদি পারা না যায় তাহা হইলে ভিক্ষুগণ! দক্ষ এবং সমর্থ আবাসবাসী ভিক্ষু আবাসস্থ (অপর) ভিক্ষুদিগকে এইরূপ প্রস্তাব জ্ঞাপন করিবে : ‘আয়ুত্মান আবাসবাসিগণ! আমার প্রস্তাব শ্রবণ করুন। যদি আয়ুত্মানগণ উচিত মনে করেন তাহা হইলে এখন উপোষথ করিব, প্রাতিমোক্ষ আবৃত্তি করিব এবং আগামী কৃষ্ণপক্ষে প্রবারণা করিব।’ ভিক্ষুগণ! যদি সেই ভগ্নকারী, কলহকারী, বিবাদবিসম্বাদকারী এবং নিয়ত সজ্জের নিকট অভিযোক্তা ভিক্ষুগণ সেই ভিক্ষুদিগকে (আবাসবাসী ভিক্ষুগণকে) এরূপ বলে : ‘বন্ধুগণ! আপনারা এখনই প্রবারণা করুন।’ (তখন) তাহাদিগকে এরূপ বলিবে : ‘বন্ধুগণ! আপনারা আমাদের প্রবারণার অধিকারী নহেন, আমরা এখন প্রবারণা করিব না।’ ভিক্ষুগণ! যদি সেই ভগ্নকারী, কলহকারী, বিবাদবিসম্বাদকারী এবং সজ্জের নিকট নিয়ত অভিযোক্তা ভিক্ষুগণ সেই কৃষ্ণপক্ষ পর্যন্ত অপেক্ষা করিতে থাকে তাহা হইলে দক্ষ এবং সমর্থ ভিক্ষু আবাসবাসী (অপর) ভিক্ষুগণকে এইরূপ প্রস্তাব জ্ঞাপন করিবে : ‘আয়ুত্মান আবাসবাসিগণ! আপনারা আমার প্রস্তাব শ্রবণ করুন। যদি আয়ুত্মানগণ উচিত মনে করেন তাহা হইলে এখন (আমরা) উপোষথ করিব, প্রাতিমোক্ষ আবৃত্তি করিব এবং আগামী শুক্লপক্ষে (কার্ত্তিকী পূর্ণিমায়) প্রবারণা করিব।’ ভিক্ষুগণ! যদি সেই ভগ্নকারী, কলহকারী, বিবাদবিসম্বাদকারী এবং সজ্জের নিকট নিয়ত অভিযোক্তা ভিক্ষুগণ সেই ভিক্ষুগণকে (আবাসস্থ ভিক্ষুগণকে) এইরূপ বলে : ‘বন্ধুগণ! এখনই আপনারা প্রবারণা করুন।’ তাহা হইলে তাহাদিগকে (ভগ্নকারীদিগকে) এরূপ বলিবে : ‘বন্ধুগণ! আপনারা আমাদের প্রবারণার অধিকারী নহেন, আমরা এখন প্রবারণা করিব না।’ ভিক্ষুগণ! যদি সেই ভগ্নকারী, কলহকারী, বিবাদবিসম্বাদকারী

এবং সজ্জের নিকট নিয়ত অভিযোক্তা ভিক্ষুগণ সেই গুরুপক্ষ (কার্তিকী পূর্ণিমা) পর্য্যন্তও অপেক্ষা করে তাহা হইলে সেই সমগ্র ভিক্ষুগণকেই অনিচ্ছাসত্ত্বেও গুল্লাকৌমুদী চাতুর্মাস্যে প্রবারণা করিতে হইবে।

(৮) প্রবারণা স্থগিত করিবার অনধিকারী

১—হে ভিক্ষুগণ! যদি সেই ভিক্ষুগণ প্রবারণা করিবার সময় কোন রুগ্ন ভিক্ষু অন্য কোন সুস্থ ভিক্ষুর প্রবারণা স্থগিত করে তাহা হইলে তাহাকে এরূপ বলিবে : “আয়ুত্মান এখন সুস্থ নহেন। ভগবান বিধান দিয়াছেন : ‘রুগ্ন ভিক্ষু কাহারও উপর দোষারোপ করিবার উপযুক্ত পাত্র নহে।’, অতএব আপনি রোগমুক্ত না হওয়া পর্য্যন্ত প্রতীক্ষা করুন, আরোগ্য লাভের পর ইচ্ছা হইলে তাঁহার উপর দোষারোপ করিতে পারিবেন।” এরূপ বলা সত্ত্বেও যদি সে দোষারোপ করে তাহা হইলে তাহার অনাদর^১ সম্বন্ধে ‘পাচিভিয়’ অপরাধ হইবে।

২—হে ভিক্ষুগণ! যদি সেই ভিক্ষুগণ প্রবারণা করিবার সময় কোন সুস্থ ভিক্ষু কোন রুগ্ন ভিক্ষুর প্রবারণা স্থগিত করে তাহা হইলে তাহাকে এরূপ বলিবে : “বন্ধো! এই ভিক্ষু এখন সুস্থ নহেন। ভগবান বিধান দিয়াছেন : ‘রুগ্ন ভিক্ষু দোষারোপিত হইবার উপযুক্ত পাত্র নহে।’ বন্ধো! যাবৎ এই ভিক্ষু আরোগ্য লাভ না করেন তাবৎকাল অপেক্ষা করুন, আরোগ্য লাভের পর ইচ্ছা হইলে দোষারোপ করিতে পারিবেন।” যদি এরূপ বলা সত্ত্বেও দোষারোপ করে তাহা হইলে তাহার ‘অনাদর’ সম্বন্ধে ‘পাচিভিয়’ অপরাধ হইবে।

৩—হে ভিক্ষুগণ! যদি সেই ভিক্ষুগণ প্রবারণা করিবার সময় কোন রুগ্ন ভিক্ষু অন্য কোন রুগ্ন ভিক্ষুর প্রবারণা স্থগিত করে তাহা হইলে তাহাকে এরূপ বলিবে : “আয়ুত্মান এখন সুস্থ নহেন, ভগবান বিধান দিয়াছেন : ‘রুগ্ন ভিক্ষু দোষারোপ করিবার উপযুক্ত পাত্র নহে।’ অতএব বন্ধো! আপনারা আরোগ্য লাভ না করা পর্য্যন্ত অপেক্ষা করুন, আরোগ্য লাভের পর ইচ্ছা হইলে রোগমুক্ত ভিক্ষুর উপর দোষারোপ করিতে পারিবেন।” যদি এরূপ বলা সত্ত্বেও দোষারোপ করে তাহা হইলে তাহার ‘অনাদর’ সম্বন্ধে ‘পাচিভিয়’ অপরাধ হইবে।

৪—হে ভিক্ষুগণ! যদি সেই ভিক্ষুগণ প্রবারণা করিবার সময় কোন সুস্থ ভিক্ষু অন্য কোন সুস্থ ভিক্ষুর প্রবারণা স্থগিত করে তাহা হইলে উভয়কে সত্যাসত্য নির্ণয়ে প্রশ্ন করিয়া, বিশেষভাবে অনুসন্ধান করিয়া, আলাপ করিয়া এবং (তাহাদের) ধর্ম্মানুসারে প্রতিকার করাইয়া সজ্জকে প্রবারণা করিতে হইবে।

^১। যদি কোন ভিক্ষু অন্য ভিক্ষু বা ধর্ম্ম অথবা ভিক্ষুর উপদেশ বা ধর্ম্মের অনুশাসন অনাদর (অগ্রাহ্য) করে তাহা হইলে তাহার পাচিভিয় অপরাধ হয়।—সুত্ত-বিভঙ্গ।

প্রবারণার তিথি বৃদ্ধি করা

(১) ধ্যানাদির অনুকূলতা

সেই সময়ে অনেক সন্দৃষ্ট এবং প্রগাঢ় মিত্রভাবাপন্ন ভিক্ষু কোশল জনপদের এক আবাসে বর্ষাবাস করিতেছিলেন। তাঁহারা সমগ্রভাবে, মনানন্দ, নির্বিবাদ এবং নির্বিঘ্নে অবস্থান করায় তাঁহাদের অনুকূল বিহার (ধ্যানাদি লাভের সুযোগ) হইয়াছিল। সেই ভিক্ষুগণের মনে এই চিন্তা উদিত হইল : ‘আমরা সমগ্রভাবে, মনানন্দে, নির্বিবাদে এবং নির্বিঘ্নে অবস্থান করায় অন্যতম সুখবিহার লাভে সমর্থ হইয়াছি। যদি আমরা এখন প্রবারণা করি তাহা হইলে এমনও হইতে পারে ভিক্ষুগণ প্রবারণা সমাপ্ত করিয়া পর্য্যটনে প্রস্থান করিবেন, এইরূপে আমরা এই সুখবিহার হইতে বঞ্চিত হইব। অতএব এখন আমাদেরকে কি করিতে হইবে?’ তাঁহারা ভগবানকে এই বিষয় জানাইলেন। (ভগবান কহিলেন :—)

হে ভিক্ষুগণ! কোন আবাসে বহুসংখ্যক সন্দৃষ্ট এবং প্রগাঢ় মিত্রভাবাপন্ন ভিক্ষু বর্ষাবাস করিতে থাকে, তাহারা সমগ্রভাবে, মনানন্দে, নির্বিবাদে ও নির্বিঘ্নে অবস্থান করায় তাহাদের অন্যতম সুখবিহার (ধ্যানাদি লাভের সুযোগ) লাভ হয় এবং সেইখানে অবস্থিত ভিক্ষুগণের মনে এরূপ চিন্তা উদিত হয় : ‘আমরা সমগ্রভাবে, মনানন্দে, নির্বিবাদে ও নির্বিঘ্নে অবস্থান করায় আমাদের অন্যতম সুখবিহার লাভ হইয়াছে। যদি আমরা এখন প্রবারণা করি তাহা হইলে এমনও হইতে পারে ভিক্ষুগণ প্রবারণা সমাপ্ত করিয়া পর্য্যটনে প্রস্থান করিবেন, এরূপে আমরা এই সুখবিহার হইতে ভ্রষ্ট হইয়া পড়িব।’ (এইজন্য)

“হে ভিক্ষুগণ! আমি অনুজ্ঞা করিতেছি : সেই ভিক্ষুগণ প্রবারণা বন্ধ রাখিতে পারিবে।”

হে ভিক্ষুগণ! এইভাবে বন্ধ রাখিতে হইবে : সকলকেই সমমনোভাবে লইয়া একস্থানে সমবেত হইতে হইবে। সমবেত হইয়া দক্ষ এবং সমর্থ ভিক্ষু সঙ্ঘকে এরূপ প্রস্তাব জ্ঞাপন করিবে :

জ্ঞপ্তি—মাননীয় সঙ্ঘ! আমার প্রস্তাব শ্রবণ করুন। আমরা সমগ্রভাবে, মনানন্দে, নির্বিবাদে ও নির্বিঘ্নে অবস্থান করায় আমাদের অন্যতম সুখবিহার অধিগত হইয়াছে। যদি এখন আমরা প্রবারণা করি তাহা হইলে এমনও হইতে পারে, ভিক্ষুগণ প্রবারণা সমাপ্ত করিয়া পর্য্যটনে প্রস্থান করিবেন, এরূপে আমরা এই সুখবিহার (ধ্যানাদি লাভের সুযোগ) হইতে বঞ্চিত হইয়া পড়িব। যদি সঙ্ঘ উচিত মনে করেন তাহা হইলে সঙ্ঘ প্রবারণা বন্ধ রাখিতে পারেন; এখন উপোষথ করিতে পারেন, প্রাতিমোক্ষ আবৃত্তি করিতে পারেন এবং আগামী কৌমুদীচাতুর্মাস্যে প্রবারণা করিতে পারেন। ইহাই জ্ঞপ্তি।

অনুশ্রবণ—মাননীয় সজ্জ! আমার প্রস্তাব শ্রবণ করুন। আমরা সমগ্রভাবে, মননান্দে, নির্বিবাদে ও নির্বিষয়ে অবস্থান করায় আমাদের অন্যতম সুখবিহার অধিগত হইয়াছে। যদি এখন আমরা প্রবারণা করি তাহা হইলে এমনও হইতে পারে ভিক্ষুগণ প্রবারণা সমাপ্ত করিয়া পর্যটনে প্রস্থান করিবেন, এরূপে আমরা এই সুখবিহার (ধ্যানা দিলাভের সুযোগ) হইতে বঞ্চিত হইয়া পড়িব। (এই হেতু) সজ্জ প্রবারণা বন্ধ করিতেছেন, এখন উপোষথ করিবেন, প্রাতিমোক্ষ-আবৃত্তি করিবেন এবং আগামী কৌমুদীচাতুর্মাস্যে প্রবারণা করিবেন। যেই আয়ুস্মান প্রবারণা বন্ধ রাখা উচিত মনে করেন তিনি মৌন থাকিবেন এবং যিনি উচিত মনে না করেন তিনি তাঁহার বক্তব্য ভাষায় প্রকাশ করিবেন।

(গ) ধারণা—সজ্জ প্রবারণা বন্ধ করিবেন। (সজ্জ) এখন উপোষথ করিবেন, প্রাতিমোক্ষ আবৃত্তি করিবেন এবং আগামী কৌমুদীচাতুর্মাস্যে (কার্ত্তিকী পূর্ণিমায়) প্রবারণা করিবেন। সজ্জ এই প্রস্তাব উচিত মনে করিয়া মৌন রহিয়াছেন,—আমি এইরূপ ধারণা করিতেছি।

(২) প্রবারণা বন্ধ করার পর গমনেচ্ছুকের জন্য বিশেষ বিধান

হে ভিক্ষুগণ! যদি সেই ভিক্ষুগণ প্রবারণা বন্ধ করার পর কোন ভিক্ষু এইরূপ বলে : ‘বন্ধুগণ! আমি জনপদে পর্যটনে যাইবার ইচ্ছা করিয়াছি, জনপদে আমার বিশেষ কাজ আছে।’ তাহা হইলে তাহাকে এরূপ বলিবে : ‘বন্ধো! আপনি প্রবারণা করিয়া যাইতে পারেন।’ হে ভিক্ষুগণ! যদি সেই ভিক্ষু প্রবারণা করিতে যাইয়া অন্য কোন ভিক্ষুর প্রবারণা স্থগিত করে তাহা হইলে তাহাকে এরূপ বলিবে : ‘বন্ধো! আপনি আমার প্রবারণার অধিকারী নহেন, এখন আমি প্রবারণা করিব না।’ ভিক্ষুগণ! যদি সেই ভিক্ষু প্রবারণা করিবার সময় অন্য কোন ভিক্ষু তাহার প্রবারণা স্থগিত করে তাহা হইলে সজ্জ উভয়কে জিজ্ঞাসা করিয়া, বিশেষভাবে অনুসন্ধান করিয়া, উভয়ের সঙ্গে আলাপ করিয়া ধর্ম্মানুসারে প্রতিকার করাইতে হইবে।

হে ভিক্ষুগণ! সেই ভিক্ষু জনপদে তাহার করণীয় কার্য সমাপ্ত করিয়া পুনরায় কৌমুদী চাতুর্মাস্যের মধ্যে সেই আবাসে আসিয়া উপস্থিত হয়। যদি সেই ভিক্ষুগণ (আবাসে অবস্থিত ভিক্ষুগণ) প্রবারণা করিবার সময় অন্য কোন ভিক্ষু সেই ভিক্ষুর (প্রত্যাবৃত্ত ভিক্ষুর) প্রবারণা স্থগিত করে তাহা হইলে তাহাকে (যে স্থগিত করে সেই ভিক্ষুকে) এরূপ বলিবে : ‘বন্ধো! আপনি আমার প্রবারণার অধিকারী নহেন, বিশেষত আমি প্রবারণা সমাপ্ত করিয়াছি।’ ভিক্ষুগণ! যদি সেই ভিক্ষুগণ প্রবারণা করিবার সময় সেই ভিক্ষু (প্রত্যাবৃত্ত ভিক্ষু) অন্য কোন ভিক্ষুর প্রবারণা স্থগিত করে তাহা হইলে সজ্জ উভয়কে জিজ্ঞাসা করিয়া, বিশেষভাবে অনুসন্ধান করিয়া, উভয়ের সঙ্গে আলাপ করিয়া এবং ধর্ম্মানুসারে প্রতিকার করাইয়া সজ্জকে প্রবারণা করিতে হইবে।

৫—চর্ম-স্কন্ধ

উপানৎ সম্বন্ধে নিয়ম

[স্থান :—রাজগৃহ]

(১) শোণ কোটিবিশের প্রব্রজ্যা

১—সেই সময়ে বুদ্ধ ভগবান রাজগৃহ সমীপে অবস্থান করিতেছিলেন,—গুধুকূট পর্বতে। মগধরাজ শ্রেণিক বিম্বিসার সেই সময়ে অশীতিসহস্র গ্রামিকের উপর আধিপত্য বিস্তার করিয়া রাজত্ব করিতেছিলেন। সেই সময়ে চম্পায় শোণ কোটিবিশ^১ নামক শ্রেষ্ঠীপুত্র সুকোমল ছিলেন। তাঁহার দুই পায়ের তলায় রোম উৎপন্ন হইয়াছিল^২। একসময় মগধরাজ শ্রেণিক বিম্বিসার সেই অশীতি সহস্র গ্রামিককে কোন কার্য্যোপলক্ষে সমবেত করাইয়া শোণ কোটিবিশের নিকট ‘শোণ! এস, তোমার উপস্থিতি প্রত্যাশা করিতেছি’ এইরূপ সংবাদ প্রেরণ করিলেন। শোণ কোটিবিশের মাতাপিতা শোণ কোটিবিশকে কহিলেন : “বৎস শোণ! বোধ হয় রাজা তোমার পদতল দেখিতে ইচ্ছা করিতেছেন, অতএব সাবধান! তুমি রাজার অভিমুখে পদ প্রসারিত করিও না, রাজার সম্মুখে পদ্মাসনে উপবেশন করিও। এরূপে উপবেশন করিলে রাজা তোমার পদতল দেখিতে সমর্থ হইবেন।” অনন্তর শোণ কোটিবিশকে শিবিকায় করিয়া আনয়ন করিল। শোণ কোটিবিশ মগধরাজ শ্রেণিক বিম্বিসারের নিকট উপস্থিত হইলেন। উপস্থিত হইয়া মগধরাজ শ্রেণিক বিম্বিসারকে অভিবাদন করিয়া তাঁহার সম্মুখে পদ্মাসনে উপবেশন করিলেন। মগধরাজ শ্রেণিক বিম্বিসার শোণ কোটিবিশের পদতলে রোমরাজি দেখিতে সমর্থ হইলেন। অনন্তর মগধরাজ শ্রেণিক বিম্বিসার সেই অশীতিসহস্র গ্রামিককে ঐহিক (প্রত্যক্ষ জীবনে ফলপ্রসূ) বিষয়ে উপদেশদানে বিদায় করিয়া কহিলেন :—“মহাশয়গণ! আমি আপনাদিগকে ঐহিক বিষয়ে উপদেশ প্রদান করিলাম, এখন আপনারা ভগবানের নিকট উপস্থিত হউন, ভগবান আপনাদিগকে পারত্রিক (পরজন্মে ফলপ্রসূ) বিষয়ে উপদেশ প্রদান করিবেন।”

^১। শোণ তাঁহার নাম এবং কোটিবিশ তাঁহার গ্রামের নাম।—সম-পাসা।

^২। রক্তবর্ণ পদতলে অঙ্গনবর্ণ সূক্ষ্ম রোমরাজির উদ্ভব হইয়াছিল।—সম-পাসা।

অতঃপর সেই অশীতি সহস্র গ্রামিক গৃধ্রকূট পর্বতে যাইয়া উপস্থিত হইলেন। সেই সময় আয়ুত্মান স্বাগত ভগবানের সেবক-পদে অধিষ্ঠিত ছিলেন। সেই অশীতি সহস্র গ্রামিক আয়ুত্মান স্বাগতের নিকট উপস্থিত হইলেন; উপস্থিত হইয়া আয়ুত্মান স্বাগতকে কহিলেন :—“প্রভো! এই অশীতিসহস্র গ্রামিক ভগবানের দর্শন কামনায়া এখানে উপস্থিত হইয়াছেন। আমরা ভগবানের দর্শন পাইতে পারি কি?” “আয়ুত্মানগণ! তাহা হইলে আপনারা এখানেই মুহূর্ত্তকাল অপেক্ষা করুন আমি ভগবানকে নিবেদন করিয়া আসি।” এই বলিয়া আয়ুত্মান স্বাগত নিরীক্ষমান সেই অশীতিসহস্র গ্রামিকের পুরোভাগেই অর্দ্ধচন্দ্রাকৃতি পাষাণে ডুব দিয়া ভগবানের সম্মুখে (পাষাণ ভেদ করিয়া) উঠিয়া ভগবানকে কহিলেন :—“প্রভো! এই অশীতি সহস্র গ্রামিক ভগবানকে দর্শন করিবার জন্য এখানে উপস্থিত হইয়াছেন। ভগবান এখন যাহা উচিত মনে করেন (তাহা করিতে পারেন)।” “স্বাগত! তাহা হইলে তুমি বিহারের ছায়ায় আসন প্রস্তুত কর।”

আয়ুত্মান স্বাগত ‘তথাস্তু, প্রভো! বলিয়া প্রত্যুত্তরে সম্মতি জানাইয়া চৌকি লইয়া ভগবানের সম্মুখে (পাষাণে) ডুব দিয়া নিরীক্ষমান সেই অশীতিসহস্র গ্রামিকের সম্মুখে অর্দ্ধচন্দ্রাকার পাষাণ ভেদ করিয়া উঠিয়া বিহারের পশ্চাত্তাঙ্গে আসন প্রস্তুত করিলেন। অনন্তর ভগবান বিহার হইতে বাহির হইয়া বিহারের পশ্চাত্তাঙ্গে নির্দিষ্ট আসনে উপবেশন করিলেন। তখন সেই অশীতিসহস্র গ্রামিক ভগবানের নিকট উপস্থিত হইলেন; উপস্থিত হইয়া ভগবানকে অভিবাদন করিয়া একান্তে উপবেশন করিলেন। সেই অশীতিসহস্র গ্রামিক আয়ুত্মান স্বাগতের দিকেই দৃষ্টি নিক্ষেপ করিলেন, ভগবানের দিকে নহে। তখন ভগবান স্বচিন্তে সেই অশীতিসহস্র গ্রামিকের চিত্ত পরিবর্তক অবগত হইয়া আয়ুত্মান স্বাগতকে আহ্বান করিলেন :—

“হে স্বাগত! আরও প্রসন্নতার নিমিত্ত তুমি মানবের অলৌকিক ঋদ্ধিপ্রতিহার্য্য প্রদর্শন কর।”

“তথাস্তু, প্রভো!” বলিয়া আয়ুত্মান স্বাগত প্রত্যুত্তরে সম্মতি জানাইয়া আকাশে অভ্যুত্থিত হইয়া অন্তরীক্ষে পাদচারণ করিলেন, দণ্ডায়মান হইলেন, উপবেশন করিলেন, শয়ন করিলেন, ধূম নির্গত করিলেন, প্রজ্জ্বলিত হইলেন এবং অন্তর্দান হইতে লাগিলেন। অনন্তর তিনি আকাশে বিবিধপ্রকার অলৌকিক ঋদ্ধিপ্রতিহার্য্য প্রদর্শন করিয়া ভগবানের পদে শির নত করিয়া ভগবানকে কহিলেন :—“প্রভো! ভগবান আমার শাস্তা, আমি তাঁহার শ্রাবক; তিনি আমার শাস্তা, আমি তাঁহার শ্রাবক।”

সেই অশীতিসহস্র গ্রামিক ‘অহো! বড় আশ্চর্য্য! অহো! বড় অদ্ভুত! যদি শ্রাবক এরূপ মহাঋদ্ধিসম্পন্ন হইতে পারেন, এরূপ মহানুভব হইতে পারেন, তাহা হইলে না জানি ভগবান কি হইতে পারেন?’ এই বলিয়া ভগবানের দিকে দৃষ্টি নিক্ষেপ করিলেন, স্বাগতের দিকে নহে। অনন্তর ভগবান স্বচিন্তে সেই অশীতিসহস্র গ্রামিকের

চিত্তপরিবর্তক জানিয়া আনুপূর্বিককথা বলিতে লাগিলেন। যথা—দান-কথা, শীল-কথা, স্বর্গ-কথা। ভগবান কামের আদীনব, অবকার, সংক্লেশ এবং নৈক্লেম্যের আশংসা প্রকাশ করিলেন। যখনই ভগবান জানিতে পারিলেন তাঁহাদের চিত্ত কল্যা (সুস্থ), মৃদু, নীবরণমুক্ত, উদগ্র (প্রফুল্ল) ও প্রসন্ন হইয়াছে তখন তিনি বুদ্ধগণের সংক্ষিপ্ত সমুৎকৃষ্ট ধর্মদেশনা অভিব্যক্ত করিলেন—যথা : দুঃখ, দুঃখ-সমুদয়, দুঃখ-নিরোধ এবং দুঃখ-নিরোধের উপায়। যেমন শুদ্ধ ও কালিমারহিত বস্ত্র সম্যকভাবে রঙ প্রতিগ্রহণ করে, তেমনই সেই অশীতিসহস্র গ্রামিকের সেই আসনেই বিরজ, বিমল ধর্ম-চক্ষু উৎপন্ন হইল—‘যাহা কিছু সমুদয়ধর্মী তৎসমস্তই নিরোধধর্মী।’ তাঁহারা ধর্ম প্রত্যক্ষ করিয়া, ধর্মতত্ত্ব লাভ করিয়া, ধর্ম বিদিত হইয়া, ধর্মে প্রবৃষ্ট হইয়া, সংশয়মুক্ত হইয়া, ধর্মে বৈশারদ্য প্রাপ্ত হইয়া এবং শাস্তার শাসনে আত্মপ্রত্যয় লাভ করিয়া ভগবানকে কহিলেন—“প্রভো, অতি সুন্দর! অতি মনোহর! যেমন কেহ উল্টানকে সোজা করে, আবৃতকে অনাবৃত করে, বিমূঢ়কে পথ প্রদর্শন করে অথবা অন্ধকারে তৈলপ্রদীপ ধারণ করে যাহাতে চক্ষুস্থান ব্যক্তি রূপ (দৃশ্যবস্তু সমূহ) দেখিতে পায় তেমনভাবেই ভগবান বহুপর্য্যায় ধর্ম প্রকাশিত করিলেন। প্রভো! আমরা ভগবানের শরণাগত হইতেছি, ধর্মের শরণাগত হইতেছি এবং ভিক্ষুসঙ্ঘের শরণাগত হইতেছি, আজ হইতে আমাদের উপাসকরূপে অপধারণ করুন।”

২—অনন্তর শোণ কোটিবিশের চিত্তে এই চিন্তা উদিত হইল : ‘আমি যেই যেইভাবে ভগবানের উপদিষ্ট ধর্ম জানিতেছি (তাহাতে আমার মনে হইতেছে) আগারে অবস্থান করিয়া একান্তে পরিপূর্ণ, একান্তে পরিশুদ্ধ, শঙ্খলিখিত^১ ব্রহ্মচর্য্য পালন করা দুষ্কর। অতএব আমি কেশশূঙ্খ মুণ্ডিত করিয়া, কাষায়বস্ত্রে দেহ আচ্ছাদিত করিয়া আগার হইতে অনাগারে প্রব্রজিত হইব।’ সেই অশীতিসহস্র গ্রামিক ভগবানের বাক্য অনুমোদন করিয়া, আসন হইতে উঠিয়া, ভগবানকে অভিবাদন করিয়া, তাঁহাকে পুরোভাগে দক্ষিণপার্শ্বে রাখিয়া প্রস্থান করিলেন। শোণ কোটিবিশ সেই অশীতিসহস্র গ্রামিক প্রস্থান করিবার কিছু পরে ভগবানের নিকট উপস্থিত হইলেন; উপস্থিত হইয়া ভগবানকে অভিবাদন করিয়া একান্তে উপবেশন করিলেন; একান্তে উপবেশন করিয়া শোণ কোটিবিশ ভগবানকে কহিলেন :—“প্রভো! আমি যেই যেইভাবে ভগবানের নিকট উপদিষ্ট ধর্ম জানিতেছি (তাহাতে আমার ধারণা হইতেছে) আগারে অবস্থান করিয়া সুকর নহে এই একান্ত

^১। আচার্য্য বুদ্ধঘোষের মতে শঙ্খলিখিত অর্থে লিখিত শঙ্খ, এবং লিখিত অর্থে যাহা পরিষ্কৃত। তদনুসারে শঙ্খলিখিত ব্রহ্মচর্য্য অর্থ পরিশুদ্ধ ব্রহ্মচর্য্য। আচার্য্য বুদ্ধঘোষ লক্ষ্য করেন নাই যে শঙ্খ ও লিখিত নামে দুইজন প্রাচীন ধর্মসূত্রকার ছিলেন এবং শঙ্খলিখিত ব্রহ্মচর্য্য নামদ্বয় জনসমাজে প্রসিদ্ধি লাভ করিয়াছিল। শঙ্খলিখিত অর্থে শঙ্খলিখিত অর্থাৎ সমুৎকৃষ্ট ব্রহ্মচর্য্য।

পরিপূর্ণ, একান্ত পরিশুদ্ধ, শজ্জলিখিত ব্রহ্মচর্যাচরণ করা। প্রভো! আমি কেশশূন্য মুণ্ডন করিয়া, কষায় বস্ত্রে দেহ আচ্ছাদিত করিয়া, আগার হইতে অনাগারে প্রব্রজিত হইতে ইচ্ছা করিতেছি। অতএব প্রভু ভগবান আমাকে প্রব্রজিত করুন।”

শোণ কোটিবিশ ভগবানের নিকট যথাসময় প্রব্রজ্যা লাভ করিলেন এবং উপসম্পদাও লাভ করিলেন। অচিরউপসম্পন্ন আয়ুস্মান শোণ সীতবনে অবস্থান করিতে লাগিলেন। তিনি অত্যধিক বীৰ্য্য সহকারে পাদচারণ করায় তাঁহার পদতল^১ ক্ষতবিক্ষত হইয়া গেল। তাঁহার পাদচারণ করিবার স্থান কসাইখানার ন্যায় রক্তপ্লুত হইয়া পড়িল। অতঃপর আয়ুস্মান শোণ নির্জনে ধ্যানাবিষ্ট থাকিবার সময় তাঁহার চিত্তে এইরূপ পরিবর্তক উপস্থিত হইল : ‘ভগবানের যেই সকল শ্রাবক অত্যধিক বীৰ্য্যবান হইয়া অবস্থান করেন আমি তাঁহাদের অন্যতম; অথচ আমার চিত্ত অনাসক্তি হেতু আসব হইতে বিমুক্ত হইল না। আমার কুলে (গৃহে) ভোগ্যবস্তু বিদ্যমান আছে, আমি ভোগ্যবস্তু পরিভোগ এবং পুণ্য করিতে পারিব। অতএব আমি হীনস্তরে (গৃহী ভাবে) আবর্তিত হইয়া ভোগ্যবস্তু পরিভোগ এবং পুণ্য কার্য্য করিব।’

৩—ভগবান স্বচিত্তে আয়ুস্মান শোণের চিত্তপরিবর্তক অবগত হইয়া যেমন কোন বলবান ব্যক্তি সঙ্কুচিত বাহু প্রসারিত করে এবং প্রসারিত বাহু সঙ্কুচিত করে তেমন গৃধ্রকূট পর্বতে অন্তর্দ্বান করিয়া সীতবনে প্রাদুর্ভূত হইলেন। ভগবান বহুসংখ্যক ভিক্ষু সঙ্গে করিয়া শয়নাসন (বাসস্থান) হইতে শয়নাসনে বিচরণ করিতে করিতে আয়ুস্মান শোণের পাদচারণ করিবার স্থানে উপস্থিত হইলেন। ভগবান দেখিতে পাইলেন : আয়ুস্মান শোণের পাদচারণ স্থান রক্তরঞ্জিত। দেখিয়া ভিক্ষুদিগকে আহ্বান করিয়া কহিলেন : “হে ভিক্ষুগণ! এই রক্তরঞ্জিত পাদচারণের স্থান কাহার? যেন রক্তরঞ্জিত কসাইখানা!” “প্রভো! আয়ুস্মান শোণ অত্যধিক বীৰ্য্য সহকারে পাদচারণ করায় তাঁহার পদতল ক্ষতবিক্ষত হইয়াছে। কসাইখানার ন্যায় রক্তরঞ্জিত এই পাদচারণ স্থান তাঁহারই!”

(২) কঠোর সাধনা অবিধেয়

ভগবান শোণের বাসস্থানে উপস্থিত হইলেন; উপস্থিত হইয়া নির্দিষ্ট আসনে উপবেশন করিলেন। আয়ুস্মান শোণও ভগবানকে অভিবাদন করিয়া একান্তে উপবেশন করিলেন। একান্তে উপবিষ্ট আয়ুস্মান শোণকে ভগবান কহিলেন :—“হে শোণ! তুমি নির্জনে ধ্যানাবিষ্ট থাকিবার সময় তোমার চিত্তে ‘ভগবানের শ্রাবকগণের মধ্যে যাহারা অত্যধিক বীৰ্য্যবান হইয়া অবস্থান করেন আমি তাঁহাদের অন্যতম; অথচ অনাসক্তি হেতু আমার চিত্ত আসব হইতে বিমুক্ত হইল না, আমার কুলে

^১। শোণ পদতল ক্ষতবিক্ষত হওয়ায় অবশেষে হামাণ্ডি দিয়া পাদচারণ করিতে লাগিলেন। তাহাতে তাঁহার জানু এবং হস্ততলও ক্ষতবিক্ষত হইয়া গেল।—সার-দীপ।

ভোগ্যবস্তু বিদ্যমান আছে, ভোগ্যবস্তু পরিভোগ করিতে এবং পুণ্যকার্য্য করিতে সমর্থ হইব, অতএব আমি হীনস্তরে আবর্তিত হইয়া ভোগ্যবস্তু পরিভোগ এবং পুণ্যকার্য্য করিব’ এইরূপ পরিবিতর্ক কি তোমার মধ্যে উপস্থিত হয় নাই?” “হাঁ, প্রভো! উপস্থিত হইয়াছে।”

“হে শোণ! তুমি কি মনে কর,—তুমি পূর্ব্বে আগারিক অবস্থায় বীণার তন্ত্রীস্বরে (বীণা বাদনে) দক্ষ ছিলে কি?” “হাঁ, প্রভো! ছিলাম।” “শোণ! তুমি কি মনে কর,—যখন তোমার বীণার তন্ত্রীসমূহ অতিশয় কড়া হইত সেই সময় তোমার বীণা সুস্বরবিশিষ্ট এবং কর্ম্মক্ষম হইত কি?” “না, প্রভো! হইত না।” “শোণ! তুমি কি মনে কর,—যখন তোমার বীণার তন্ত্রীসমূহ অতি শিথিল হইত সেই সময় তোমার বীণা সুস্বরবিশিষ্ট এবং কর্ম্মক্ষম হইত কি?” “না, প্রভো! হইত না।” “শোণ! তাহা তুমি কি মনে কর,—যখন তোমার বীণার তন্ত্রীসমূহ অত্যধিক কড়া কিংবা অত্যধিক শিথিল হইত না সমভাবে প্রতিষ্ঠিত হইত সেই সময় তোমার বীণা সুস্বরবিশিষ্ট এবং কর্ম্মক্ষম হইত কি?” “হাঁ, প্রভো! হইত।”

“শোণ! এইরূপ অত্যধিক বীর্য্যবত্তা ঔদ্ধত্য উৎপাদন করে, অত্যন্ত বীর্য্যহীনতা কৌসীদ্য (আলস্য) উৎপাদন করে। এইজন্য তুমি বীর্য্যে (উদ্যমশীলতায়) সমতা অবলম্বন কর, ইন্দ্রিয়সমূহে সমতা অবলম্বন কর এবং তথায় মন নিবিষ্ট কর।” “তথাক্, প্রভো!” বলিয়া আয়ুষ্মান শোণ ভগবানকে প্রত্যুত্তর প্রদান করিলেন।

অনন্তর ভগবান আয়ুষ্মান শোণকে এই উপদেশ প্রদান করিয়া যেমন কোন বলবান পুরুষ সঙ্কুচিত বাহু প্রসারিত করে এবং প্রসারিত বাহু সঙ্কুচিত করে তেমনভাবে সীতবনে আয়ুষ্মান শোণের সম্মুখে অন্তর্দ্বন্দ্ব করিয়া গৃধ্রকূট পর্ব্বতে প্রাদুর্ভূত হইলেন। পরে আয়ুষ্মান শোণ বীর্য্যে সমতা অবলম্বন করিলেন, ইন্দ্রিয়সমূহে (শ্রদ্ধাদি ইন্দ্রিয়ে) সমতা অবলম্বন করিলেন এবং তাহাতে মন নিবিষ্ট করিলেন। অতঃপর আয়ুষ্মান শোণ একাকী, নির্জ্ঞাননিরত, প্রমাদহীন, উদ্যোগী এবং সমাধিপ্রবণ হইয়া বাস করায় অচিরেই যেই জন্য কুলপুত্রগণ আগার হইতে অনাগারে সম্যকভাবে প্রব্রজিত হয় (আয়ুষ্মান শোণ) সেই অনুত্তর ব্রহ্মচার্য্যের পরিসমাপ্তি প্রত্যক্ষজীবনে স্বয়ং অভিজ্ঞায় প্রত্যক্ষ এবং লাভ করিয়া তাহাতে অবস্থান করিতে লাগিলেন। ‘জন্মবীজ ক্ষীণ হইয়াছে, ব্রহ্মচার্য্যবাস উদ্যাপিত হইয়াছে, করণীয়কার্য্য কৃত হইয়াছে, অতঃপর অত্র পুনরাগমন হইবে না’ বলিয়া তিনি প্রকৃষ্টরূপে জানিতে পারিলেন। আয়ুষ্মান শোণ অর্হতের মধ্যে অন্যতম হইলেন।

(৩) অর্হত বর্ণনা

আয়ুষ্মান শোণ অর্হতলাভের পর তাঁহার চিন্তে এই চিন্তা উদিত হইল : ‘আমি ভগবানের নিকটে আমার অর্হতপ্রাপ্তি বর্ণনা করিব।’ এই ভাবিয়া আয়ুষ্মান শোণ ভগবানের নিকট উপস্থিত হইলেন; উপস্থিত হইয়া ভগবানকে অভিবাদন করিয়া

একান্তে উপবেশন করিলেন; একান্তে উপবেশন করিয়া আয়ুত্মান শোণ ভগবানকে কহিলেন :—“প্রভো! যে ভিক্ষু অর্হৎ ক্ষীণাস্রব, ব্রহ্মচর্য্যবাস উদ্যাপন করিয়াছেন, করণীয়কার্য্য সমাপ্ত করিয়াছেন, ভারমুক্ত, নিৰ্ব্বাণপ্রাপ্ত, যাঁহার ভববন্ধন পরিক্ষীণ হইয়াছে এবং যিনি সম্যক্জ্ঞানপ্রভাবে বিমুক্ত তিনি ষট্ স্থানাভিমুখী হন। ষট্স্থান যথা :—(১) নৈক্ৰম্য, (২) প্রবিবেক (বিবেক বৈরাগ্য), (৩) অবাধতা, (৪) উপাদানক্ষয়, (৫) তৃষ্ণাক্ষয়, (৬) অমোহ। প্রভো! হয়ত কোন আয়ুত্মান এই মনে করিতে পারেন : ‘এই আয়ুত্মান কেবলমাত্র শ্রদ্ধাপ্রভাবে নৈক্ৰম্যাভিমুখী হইয়াছেন।’ কিন্তু প্রভো! বিষয়টি এইভাবে দেখিলে চলিবে না। যেই ভিক্ষু ক্ষীণাস্রব হইয়াছেন, যাঁহার ব্রহ্মচর্য্যবাস উদ্যাপিত হইয়াছে, তিনি করণীয় কার্য্য সমাপ্ত করিয়াছেন, তিনি নিজের অন্য কোন করণীয় কার্য্য দেখিতে না পাইয়া এবং কৃতকার্য্যের বৃদ্ধির সম্ভাবনা নাই দেখিয়া, রাগক্ষয়ে রাগাভাবে নৈক্ৰম্যে রত থাকেন। দ্বেষক্ষয়ে দ্বেষাভাবে নৈক্ৰম্যে রত থাকেন, মোহক্ষয়ে মোহাভাবে নৈক্ৰম্যে রত থাকেন। প্রভো! হয়ত কোন আয়ুত্মান এরূপ মনে করিতে পারেন : ‘এই আয়ুত্মান লাভ, সৎকার, কীর্ত্তিলাভের (প্রশংসার) ইচ্ছায় নিৰ্জ্জনবাসে নিরত আছেন।’ কিন্তু বিষয়টি এইভাবে দেখা উচিত নহে। যাঁহার আসব ক্ষীণ হইয়াছে, ব্রহ্মচর্য্যবাস উদ্যাপিত হইয়াছে, যিনি করণীয়কার্য্য সমাপ্ত করিয়াছেন, তিনি নিজের অন্য কোন করণীয়কার্য্য অবশিষ্ট দেখিতে না পাইয়া এবং কৃতকার্য্যের বৃদ্ধির সম্ভাবনা নাই দেখিয়া রাগক্ষয়ে রাগাভাবে প্রবিবেকে রত থাকেন, দ্বেষক্ষয়ে দ্বেষাভাবে বীতদ্বেষ হইয়া প্রবিবেকে রত থাকেন, মোহক্ষয়ে মোহাভাবে প্রবিবেকে রত থাকেন। প্রভো! হয়ত কোন আয়ুত্মান এরূপ মনে করিতে পারেন : ‘এই আয়ুত্মান শীলব্রত’ অবলম্বন সার মনে করিয়া অবাধতায় (নির্দ্বন্দ্বে) রত আছেন।’ কিন্তু বিষয়টি এইভাবে দেখিলে চলিবে না। যাঁহার আসব ক্ষীণ হইয়াছে, ব্রহ্মচর্য্যবাস উদ্যাপিত হইয়াছে, যিনি করণীয়কার্য্য সমাপ্ত করিয়াছেন, তিনি নিজের অন্য কোন করণীয়কার্য্য অবশিষ্ট দেখিতে না পাইয়া এবং কৃতকার্য্যের বৃদ্ধির সম্ভাবনা নাই দেখিয়া রাগক্ষয়ে রাগাভাবে অবাধতায় রত থাকেন, দ্বেষক্ষয়ে দ্বেষাভাবে অবাধতায় রত থাকেন, মোহক্ষয়ে মোহাভাবে অবাধতায় রত থাকেন। রাগক্ষয়ে রাগাভাবে উপাদানক্ষয়ে রত থাকেন। রাগক্ষয়ে রাগাভাবে তৃষ্ণাক্ষয়ে রত থাকেন, দ্বেষক্ষয়ে দ্বেষাভাবে তৃষ্ণাক্ষয়ে রত থাকেন, মোহক্ষয়ে মোহাভাবে তৃষ্ণাক্ষয়ে রত থাকেন। রাগক্ষয়ে রাগাভাবে অমোহে রত থাকেন, দ্বেষক্ষয়ে দ্বেষাভাবে অমোহে রত থাকেন এবং মোহক্ষয়ে মোহাভাবে অমোহে রত থাকেন।

প্রভো! যদি এইরূপ সম্যক্ভাবে বিমুক্তচিত্ত ভিক্ষুর চক্ষুপথে প্রবল চক্ষুবিজ্ঞেয়রূপ আসিয়া উপস্থিত হয় তাহা হইলে তাহা তাঁহার চিত্ত অভিভূত করিতে

^১। গোব্রত, কুকুরব্রত প্রভৃতি প্রতিপালন করা।

পারে না, তাঁহার চিত্ত তাহাতে লিপ্ত হয় না, চিত্ত স্থির ও অনেজ (অকম্পিত) থাকে এবং তিনি তাহার (রূপের) পরিণাম (অবস্থান্তর প্রাপ্তি) অবলোকন করিতে থাকেন। যদি শ্রোত্রবিজ্ঞেয় শব্দ, ঘ্রাণবিজ্ঞেয় গন্ধ, জিহ্বাবিজ্ঞেয় রস, কায়বিজ্ঞেয় স্পর্শ এবং মনবিজ্ঞেয় ধর্ম (বিষয়) মনের গোচরীভূত হয় তাহা হইলে তাঁহার চিত্ত তাহাতে অভিভূত হয় না, লিপ্ত হয় না, চিত্ত স্থির ও অনেজ থাকে এবং তিনি ধর্মের পরিণাম অবলোকন করিতে থাকেন। প্রভো! যেমন নিশ্চিদ্র, নিরঙ্ক, নিখুঁত, (একঘন) পাষাণ-পর্বত পূর্বদিক হইতে আগত প্রবল বাড়বৃষ্টি সঙ্কম্পিত, সম্প্রকম্পিত অথবা সংবেপথুমান করিতে পারে না, পশ্চিমদিক, উত্তরদিক এবং দক্ষিণদিক হইতে আগত প্রবল বাড়বৃষ্টি সঙ্কম্পিত, সংপ্রকম্পিত অথবা সংবেপথুমান করিতে পারে না তেমন এই সম্যকভাবে বিমুক্তচিত্ত ভিক্ষুর চক্ষুপথে যদি প্রবল চক্ষুবিজ্ঞেয় রূপ আসিয়া উপস্থিত হয় তাহা হইলে তাঁহার চিত্ত তাহাতে অভিভূত হয় না, লিপ্ত হয় না, চিত্ত স্থির ও অনেজ থাকে এবং তিনি তাহার (রূপের) পরিণাম অবলোকন করিতে থাকেন। যদি প্রবল শ্রোত্রবিজ্ঞেয় শব্দ, ঘ্রাণবিজ্ঞেয় গন্ধ, জিহ্বাবিজ্ঞেয় রস, কায়বিজ্ঞেয় স্পর্শ এবং মনবিজ্ঞেয় ধর্ম মনের গোচরীভূত হয় তাহা হইলে তাঁহার চিত্ত তাহাতে অভিভূত হয় না, লিপ্ত হয় না, চিত্ত স্থির ও অনেজ থাকে এবং তিনি ধর্মের (মনগ্রাহ্য বিষয়ের) পরিণাম অবলোকন করিতে থাকেন।

নৈষ্কম্যের অভিমুখী হন যেইজন,
বিবেক-বৈরাগ্যে রত যাঁর চিত্ত মন,
অবাধের অভিমুখী বাধামুক্ত জন,
উপাদানক্ষয়ে মতি, অনাসক্ত মন,
তৃষ্ণাক্ষয়ে মতি যাঁর, তৃষ্ণাহীন জন,
সম্মোহ হইতে মুক্তি খোঁজে চিত্ত মন,
অনাগতে অনুৎপাদ হেরি অভিজ্ঞায়
সম্যক্‌বিমুক্তি লভে, চিত্ত মুক্তি পায়।
সম্যক্‌বিমুক্ত ভিক্ষু, শান্ত চিত্ত তাঁর,
কৃতের বর্দ্ধন নাই, কৃত্য নাহি আর।
নিখুঁৎ প্রস্তরে যদি পর্বত নির্মিত,
সমীরণে যথা তাহা না করে কম্পিত,
তথা রূপ, রস, শব্দ, গন্ধ, স্পর্শ আর,
ইষ্টানিষ্ট ধর্ম মনগ্রাহ্য আপনার
কম্পিত করে না কভু তাদৃশ যে জন,
স্থিরচিত্ত বিপ্রমুক্ত, রহিত কম্পন,
দেখে চিত্ত নিজ 'ব্যয়' নিরোধ আপন।

ভগবান ভিক্ষুদিগকে আহ্বান করিলেন :—“হে ভিক্ষুগণ! এইভাবেই কুলপুত্রগণ স্বীয় অর্হত্ত্বপ্রাপ্তি বর্ণনা করিয়া থাকে; এমনভাবে বর্ণনা করে যে অর্হত্ত্বপ্রাপ্তি বিভ্জাপিত হয় অথচ আত্মশ্লাঘা উপস্থিত হয় না; কিন্তু কোন কোন মূর্খ মান পরিহাস করার ন্যায় অর্হত্ত্বপ্রাপ্তি বর্ণনা করে, ইহার ফলে পরে সে বিনাশ প্রাপ্ত হয়।”

ভগবান আয়ুষ্মান শোণকে আহ্বান করিলেন : “হে শোণ! তুমি অতি সুকোমল, এই হেতু আমি তোমায় অনুজ্ঞা করিতেছি : তুমি একতলা বিশিষ্ট উপানৎ (চর্মপাদুকা) ব্যবহার করিবে।”

“প্রভো! আমি অশীতি শকট বাহ^১ পরিমাণ হীরক এবং সপ্ত অনীক^২ হস্তী পরিত্যাগ করিয়া আগার হইতে অনাগারে প্রব্রজিত হইয়াছি। (যদি আমি চর্মপাদুকা ব্যবহার করি) আমার সম্বন্ধে ‘শোণ কোটিবিশ অশীতি শকট বাহ পরিমাণ হীরক এবং সপ্ত অনীক হস্তী পরিত্যাগ করিয়া আগার হইতে অনাগারে প্রব্রজিত হইয়া এখন একতলার চর্মপাদুকায় আসক্ত হইয়া পড়িয়াছেন’ এই কথা বলিবার লোকের অভাব হইবে না। যদি ভগবান ভিক্ষুসঙ্ঘকেও (পাদুকা পরিধানে) অনুজ্ঞা প্রদান করেন তাহা হইলে আমিও (চর্মপাদুকা) ব্যবহার করিব; যদি ভগবান ভিক্ষুসঙ্ঘকে অনুজ্ঞা না দেন তাহা হইলে আমি ব্যবহার করিব না।”

(৪) একতলা উপানতের বিধান

ভগবান এই নিদানে, এই প্রকরণে ধর্মকথা উত্থাপন করিয়া ভিক্ষুগণকে আহ্বান করিলেন :—“হে ভিক্ষুগণ! আমি অনুজ্ঞা করিতেছি : একতলা উপানৎ (এক-পলাসিকং উপানহং) পরিধান করিবে।

“হে ভিক্ষুগণ! দুইতলা উপানৎ পরিধান করিতে পারিবে না, তিনতলা উপানৎ পরিধান করিতে পারিবে না। বহুতলা উপানৎ পরিধান করিতে পারিবে না। যে করিবে তাহার ‘দুষ্কট’ অপরাধ হইবে।”

সেই সময়ে ষড়বর্গীয় ভিক্ষু সারাগায়ে নীল চর্মপাদুকা পরিধান করিতেছিল, সারাগায়ে পীত চর্মপাদুকা পরিধান করিতেছিল, সারাগায়ে লাল চর্মপাদুকা পরিধান করিতেছিল, সারাগায়ে মঞ্জিষ্ঠা রঙের চর্মপাদুকা পরিধান করিতেছিল, সারাগায়ে কাল চর্মপাদুকা পরিধান করিতেছিল, সারাগায় ‘মহারঙে’ রঞ্জিত^৩ চর্মপাদুকা পরিধান করিতেছিল এবং সারাগায় ‘মহানাম’ রঞ্জিত^৪ চর্মপাদুকা পরিধান

^১। দুই শকট ভারে এক বাহ হয়।

^২। ছয় হস্তী এবং এক হস্তিনীতে এক অনীক হয়। ৪২টি হস্তী এবং ৭টি হস্তিনীতে সপ্ত অনীক হয়।—সম-পাসা।

^৩। শতপদীর পৃষ্ঠের ন্যায় রঙ বিশিষ্ট;

^৪। পাণ্ডুপত্রের ন্যায় রঙ বিশিষ্ট।

করিতেছিল। (তাহা দেখিয়া) জনসাধারণ আন্দোলন, নিন্দা এবং প্রকাশ্যে দুর্নাম প্রচার করিতে লাগিল :—“শাক্যপুত্রীয় শ্রমণগণ যেন কামভোগী গৃহী!” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! সারাগায়ে নীলরঙের চর্মপাদুকা পরিধান করিতে পারিবে না, সারাগায়ে পীতরঙের চর্মপাদুকা পরিধান করিতে পারিবে না, সারাগায়ে লালরঙের চর্মপাদুকা পরিধান করিতে পারিবে না, সারাগায়ে মঞ্জিষ্ঠা রঙের চর্মপাদুকা পরিধান করিতে পারিবে না, সারাগায়ে কালরঙের চর্মপাদুকা পরিধান করিতে পারিবে না, সারাগায়ে ‘মহারঙে’ রঞ্জিত চর্মপাদুকা পরিধান করিতে পারিবে না, সারাগায়ে ‘মহানাম রঙে’ রঞ্জিত চর্মপাদুকা পরিধান করিতে পারিবে না; যে পরিধান করিবে তাহার ‘দুষ্কট’ অপরাধ হইবে।”

(৫) চর্মপাদুকার রঙ এবং প্রভেদ

১—সেই সময়ে ষড়বর্গীয় ভিক্ষু নীলপটি চর্মপাদুকা পরিধান করিতেছিল, পীতপটি, লালপটি, মঞ্জিষ্ঠাপটি, কালপটি, মহারঙ-রঞ্জিতপটি এবং মহানামরঙ-রঞ্জিতপটি চর্মপাদুকা পরিধান করিতেছিল। (তাহা দেখিয়া) জনসাধারণ আন্দোলন, নিন্দা এবং প্রকাশ্যে দুর্নাম প্রচার করিতে লাগিল :—“শাক্যপুত্রীয় শ্রমণগণ যেন কামভোগী গৃহী!” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! নীলপটি চর্মপাদুকা পরিধান করিতে পারিবে না; পীতপটি, লালপটি, মঞ্জিষ্ঠাপটি, কালপটি, মহারঙ-রঞ্জিতপটি কিংবা মহানামরঙ-রঞ্জিতপটি চর্মপাদুকা পরিধান করিতে পারিবে না; যে পরিধান করিবে তাহার ‘দুষ্কট’ অপরাধ হইবে।

২—সেই সময় ষড়বর্গীয় ভিক্ষু গোড়ালি-আচ্ছাদক^১ চর্মপাদুকা পরিধান করিতেছিল, পুটবন্ধ^২ চর্মপাদুকা পরিধান করিতেছিল, ‘পালিগুপ্তম’^৩ চর্মপাদুকা পরিধান করিতেছিল, তুলাপূর্ণ^৪ চর্মপাদুকা পরিধান করিতেছিল, তিভির পাখীর পাখা সদৃশ চর্মপাদুকা পরিধান করিতেছিল, মেঘশৃঙ্গ^৫ সদৃশ চর্মপাদুকা পরিধান করিতেছিল, অজশৃঙ্গ সদৃশ চর্মপাদুকা পরিধান করিতেছিল, বৃশ্চিকের নঙ্গুষ্ঠ^৬ সদৃশ

^১। গোড়ালি আচ্ছাদনের নিমিত্ত তলায় চর্ম রজ্জু বন্ধন করিয়া প্রস্তুত জুতা।—সম-পাসা।

^২। যোনক (ফুনারি) দেশের জুতা, যাহা জঙ্ঘা পর্যন্ত সমস্ত পদ আবৃত করে।

^৩। বর্তমান কালের বুট জুতা সদৃশ; যাহা পায়ের উপরিভাগ আবৃত করে।

^৪। যাহার অভ্যন্তর ভাগে তুলার পিঞ্জিকা পূর্ণ করিয়া প্রস্তুত করে।

^৫। যেই জুতার সম্মুখভাগ মেঘের শৃঙ্গ সদৃশ করিয়া প্রস্তুত করে।

^৬। যেই জুতার সম্মুখভাগ বৃশ্চিকের লেজের ন্যায় করিয়া প্রস্তুত করে।

চর্মপাদুকা পরিধান করিতেছিল, ময়ূর পাখার ন্যায়^১ সেলাই করা চর্মপাদুকা পরিধান করিতেছিল, চিত্রবিচিত্র চর্মপাদুকা পরিধান করিতেছিল। (তাহা দেখিয়া) জনসাধারণ আন্দোলন, নিন্দা এবং প্রকাশ্যে দুর্নাম প্রচার করিতে লাগিল :—“শাক্যপুত্রীয় শ্রমণগণ যেন কামভোগী গৃহী!” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! গোড়ালি-আচ্ছাদক চর্মপাদুকা পরিধান করিতে পারিবে না, ‘পুটবন্ধ’ চর্মপাদুকা, ‘পালিগুপ্তিম’ চর্মপাদুকা, তুলাপূর্ণ চর্মপাদুকা, তিভির পাখীর পাখা সদৃশ চর্মপাদুকা, মেঘশৃঙ্গ সদৃশ চর্মপাদুকা, অজশৃঙ্গ সদৃশ চর্মপাদুকা, বৃশ্চিকনজ্জুট সদৃশ চর্মপাদুকা, ময়ূরের পালক সদৃশ সেলাই করা চর্মপাদুকা পরিধান করিতে পারিবে না; যে পরিধান করিবে তাহার ‘দুষ্কট’ অপরাধ হইবে।”

৩—সেই সময় ষড়বর্গীয় ভিক্ষু সিংহচর্মসংযুক্ত পাদুকা পরিধান করিতেছিল, ব্যাঘ্র চর্মসংযুক্ত পাদুকা পরিধান করিতেছিল, দ্বীপীচর্মসংযুক্ত পাদুকা পরিধান করিতেছিল, মৃগচর্মসংযুক্ত পাদুকা পরিধান করিতেছিল, উদেরচর্মসংযুক্ত পাদুকা পরিধান করিতেছিল, মার্জ্জার-চর্মসংযুক্ত পাদুকা পরিধান করিতেছিল, কাড়ক-চর্মসংযুক্ত পাদুকা পরিধান করিতেছিল, উলূকচর্ম-সংযুক্ত পাদুকা পরিধান করিতেছিল। (তদর্শনে) জনসাধারণ “শাক্যপুত্রীয় শ্রমণগণ যেন কামভোগী গৃহী!” এই বলিয়া আন্দোলন, নিন্দা এবং প্রকাশ্যে দুর্নাম প্রচার করিতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! সিংহচর্মসংযুক্ত পাদুকা, ব্যাঘ্রচর্মসংযুক্ত পাদুকা, দ্বীপীচর্মসংযুক্ত পাদুকা, মৃগচর্মসংযুক্ত পাদুকা, উদের চর্মসংযুক্ত পাদুকা, মার্জ্জার-চর্মসংযুক্ত পাদুকা, কাড়কচর্মসংযুক্ত পাদুকা এবং উলূকচর্মসংযুক্ত পাদুকা পরিধান করিতে পারিবে না; যে পরিধান করিবে তাহার ‘দুষ্কট’ অপরাধ হইবে।”

(৬) বহুতলার পুরাণ চর্মপাদুকা-বিধান

ভগবান বহির্গমনবাস পরিধান করিয়া, পূর্বাহ্ন সময় পাত্রটীবর লইয়া, জনৈক ভিক্ষুকে পশ্চাৎগামী শ্রমণ করিয়া ভিক্ষান্ন সংগ্রহের নিমিত্ত রাজগৃহে প্রবেশ করিলেন। সেই ভিক্ষু খোঁড়াইয়া খোঁড়াইয়া ভগবানের অনুসরণ করিতে লাগিলেন। তখন বহুতলার চর্মপাদুকা পরিহিত জনৈক উপাসক দূর হইতেই ভগবানকে আসিতে দেখিতে পাইলেন; দেখিয়া পাদুকা হইতে অবরোধ করিয়া (খুলিয়া) ভগবানের নিকট উপস্থিত হইলেন, উপস্থিত হইয়া ভগবানকে অভিবাদন করিয়া, সেই ভিক্ষুর নিকট উপস্থিত হইলেন, উপস্থিত হইয়া সেই ভিক্ষুকে অভিবাদন করিয়া কহিলেন :—“প্রভো! আপনি খোঁড়াইতেছেন কেন?” “বন্ধো! আমার পদদ্বয়

^১। যাহা ময়ূরের পালকসদৃশ সূতার দ্বারা সেলাই করা হয়।

ফাটিয়াছে।” “প্রভো! তাহা হইলে আমার এই চর্মপাদুকা গ্রহণ করুন।” “বন্ধো! প্রয়োজন নাই, কেননা ভগবান বহুতলাবিশিষ্ট চর্মপাদুকা পরিধান করিতে বারণ করিয়াছেন।” (তখন ভগবান কহিলেন :—) “হে ভিক্ষু! এই চর্মপাদুকা পরিধান করিতে পার।”

অতঃপর ভগবান এই নিদানে, এই প্রকরণে ধর্মকথা উত্থাপন করিয়া ভিক্ষুগণকে আহ্বান করিলেন :—“হে ভিক্ষুগণ! আমি অনুজ্ঞা করিতেছি : ব্যবহারের পর পরিত্যক্ত বহুতলাবিশিষ্ট চর্মপাদুকা পরিধান করিতে পারিবে। কিন্তু বহুতলাবিশিষ্ট নূতন চর্মপাদুকা পরিধান করিতে পারিবে না; যে পরিধান করিবে তাহার ‘দুষ্কট’ অপরাধ হইবে।”

(৭) গুরুজনের সম্মুখে চর্মপাদুকা ব্যবহার অবিধেয়

সেই সময়ে ভগবান উনুজ্ঞস্থানে নগ্নপদে পাদচারণ করিতেছিলেন। ভগবানকে নগ্নপদে পাদচারণ করিতে দেখিয়া স্থবির ভিক্ষুগণও নগ্নপদে পাদচারণ করিতে লাগিলেন; কিন্তু ষড়বর্গীয় ভিক্ষু ভগবান এবং স্থবির ভিক্ষুগণ নগ্নপদে পাদচারণ করিবার সময় চর্মপাদুকা পরিয়া পাদচারণ করিতে লাগিল। যেই সমস্ত ভিক্ষু অল্পেচু তঁাহারা ‘কেন ভগবান এবং স্থবির ভিক্ষুগণ নগ্নপদে পাদচারণ করিবার সময় ষড়বর্গীয় ভিক্ষু চর্মপাদুকা পরিয়া পাদচারণ করিতেছে!’ এই বলিয়া আন্দোলন, নিন্দা এবং প্রকাশ্যে আলোচনা করিতে লাগিলেন। সেই ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! সত্যই কি শাস্তা এবং স্থবির ভিক্ষুগণ নগ্নপদে পাদচারণ করিবার সময় ষড়বর্গীয় ভিক্ষু চর্মপাদুকা পরিয়া পাদচারণ করিতেছে?” “হাঁ, ভগবন্! তাহা সত্য বটে।”

বুদ্ধ ভগবান তাহা নিতান্ত গর্হিত বলিয়া প্রকাশ করিলেন :—“হে ভিক্ষুগণ! কেন সেই মোঘপুরুষগণ (মূর্খগণ) শাস্তা এবং স্থবির ভিক্ষুগণ নগ্নপদে পাদচারণ করিবার সময় চর্মপাদুকা পরিয়া পাদচারণ করিতেছে? ভিক্ষুগণ! এই শ্বেতবস্ত্র পরিহিত কামসেবী গৃহিগণও জীবিকানির্ব্বাহোপযোগী বৃত্তি শিক্ষার জন্য আচার্য্যগণের প্রতি গৌরবসম্পন্ন, আদরসম্পন্ন এবং সমজীবীপরায়ণ হইয়া অবস্থান করে। তোমরা এইরূপ সু-আখ্যাত ধর্মবিনয়ে (বুদ্ধের শাসনে) প্রব্রজিত হইয়া আচার্য্য এবং আচার্য্য সদৃশ, উপাধ্যায় এবং উপাধ্যায় সদৃশ ব্যক্তির প্রতি গৌরবহীন, আদরহীন এবং অসমজীবী হইয়া অবস্থান করা তোমাদের শোভা পায় কি? ভিক্ষুগণ! তোমাদের এই কার্য্যে শ্রদ্ধাহীনের শ্রদ্ধা উৎপাদন করিতে পারে না” এইভাবে নিন্দা করিয়া, ধর্মকথা উত্থাপন করিয়া, ভিক্ষুদিগকে আহ্বান করিলেন :—

“হে ভিক্ষুগণ! আচার্য্য বা আচার্য্যতুল্য এবং উপাধ্যায় বা উপাধ্যায়তুল্য ব্যক্তিগণ নগ্নপদে পাদচারণ করিবার সময় কেহ চর্মপাদুকা পরিয়া পাদচারণ করিতে পারিবে না; যে পাদচারণ করিবে তাহার ‘দুষ্কট’ অপরাধ হইবে।”

“হে ভিক্ষুগণ! আরামের (বিহারের) মধ্যে চর্মপাদুকা পরিধান করিতে পারিবে না, যে করিবে তাহার ‘দুষ্কট’ অপরাধ হইবে।”

(৮) অবস্থা বিশেষে আরামেও চর্মপাদুকা ব্যবহার বিধেয়

১—সেই সময় জনৈক ভিক্ষুর ‘পাদকীল’ রোগ^১ ছিল। ভিক্ষুগণ তাঁহাকে ধরাধরি করিয়া বাহ্য এবং প্রস্রাব করাইবার জন্য লইয়া যাইতেন। ভগবান শয়নাসন দেখিবার জন্য বিচরণ করিবার সময় সেই ভিক্ষুগণকে তাঁহাকে (রুগ্ন ভিক্ষুকে) বাহ্য এবং প্রস্রাব করাইবার নিমিত্ত ধরাধরি করিয়া বাহিরে লইয়া যাইতে দেখিতে পাইলেন; দেখিতে পাইয়া সেই ভিক্ষুগণের নিকট উপস্থিত হইলেন, উপস্থিত হইয়া তাঁহাদিগকে কহিলেন :—“হে ভিক্ষুগণ! এই ভিক্ষুর নিকট কোন্ রোগ হইয়াছে?” “প্রভো! এই আয়ুষ্মানের ‘পাদকীল’ রোগ হইয়াছে, আমরা তাঁহাকে ধরাধরি করিয়া বাহ্য এবং প্রস্রাব করাইবার জন্য লইয়া যাইতেছি।” ভগবান এই নিদানে, এই প্রকরণে ধর্মকথা উত্থাপন করিয়া ভিক্ষুগণকে আহ্বান করিলেন :—

“হে ভিক্ষুগণ! আমি অনুজ্ঞা করিতেছি : যাহার পদে বেদনা আছে অথবা যাহার পা ফাটিয়াছে কিংবা যাহার ‘পাদকীল’ রোগ আছে সে চর্মপাদুকা পরিধান করিতে পারিবে।”

২—সেই সময় ভিক্ষুগণ অধৌতপদে মঞ্চঃ এবং চৌকিতে আরোহণ করিতেছিলেন, তাহাতে চীবর এবং শয়নাসন অপরিষ্কার হইয়া যাইতেছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : মঞ্চঃ অথবা চৌকিতে আরোহণ করিবার সময় চর্মপাদুকা পরিধান করিবে।”

(৯) আরামে চর্মপাদুকা, মশাল, প্রদীপ এবং দণ্ড রাখিবার বিধান

সেই সময় ভিক্ষুগণ রাত্রিকালে উপোষথাগারে অথবা বসিবার স্থানে যাইবার সময় অন্ধকারে স্থাপু এবং কণ্টক পদদলিত করিতেন, তাহাতে পায়ে বেদনা হইত। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : আরামের সীমাভ্যন্তরে চর্মপাদুকা, মশাল, প্রদীপ এবং দণ্ড (যষ্ঠি) ব্যবহার করিবে।”

^১। এক প্রকার পদরোগ বিশেষ। এই রোগে পদে কীলকসদৃশ মাংসপিণ্ড বাহির হইয়া থাকে।

(১০) কাষ্ঠপাদুকা (খড়ম) পরিধান অবিধেয়

সেই সময় ষড়বর্গীয় ভিক্ষু রাত্রির প্রত্যুষ সময়ে গাত্রোত্থান করিয়া, কাষ্ঠপাদুকা পায়ে দিয়া, ‘খট্, খট্’ শব্দে রাজা-কথা, চোর-কথা, মহামাত্য-কথা, সৈন্য-কথা, ভয়ের-কথা, যুদ্ধ-কথা, অনু-কথা, পানীয়-কথা, বস্ত্র-কথা, শয়ন-কথা, মালার-কথা, গন্ধের-কথা, জ্ঞাতির-কথা, যানের-কথা, গ্রামের-কথা, নিগমের-কথা, নগরের-কথা, জনপদের-কথা, স্ত্রীর কথা, পুরুষের কথা, শূরের কথা, চৌরাস্তার কথা, জলঘাটের কথা, পূর্বপ্রেতের কথা, বিবিধরকমের কথা, লোক-আখ্যায়িকা, সমুদ্র-আখ্যায়িকা, ভবাভব কথা ইত্যাদি নিরর্থক কথা উচ্চশব্দে, মহাশব্দে বলিয়া উন্মুক্তস্থানে পাদচারণ করিতেছিল, কীটও পদদলিত করিয়া হত্যা করিতেছিল এবং ভিক্ষুগণকেও সমাধি দ্রষ্ট করিতেছিল। (তদর্শনে) অল্পেচ্ছু ভিক্ষুগণ ‘কেন ষড়বর্গীয় ভিক্ষু রাত্রির প্রত্যুষ সময়ে উঠিয়া, কাষ্ঠপাদুকা পরিয়া, খট্ খট্ শব্দ করিয়া রাজ-কথা, চোর-কথা, মহামাত্য-কথা, সৈন্য-কথা, ভয়ের-কথা, যুদ্ধের কথা, অন্নের কথা, পানীয়ের কথা, বস্ত্রের কথা, শস্যের কথা, মালার কথা, গন্ধের কথা, জ্ঞাতির কথা, যানের কথা, গ্রামের কথা, নিগমের কথা, নগরের কথা, জনপদের কথা, স্ত্রীর কথা, পুরুষের কথা, শূরের কথা, চৌরাস্তার কথা, জলঘাটের কথা, পূর্বপ্রেতের কথা, বিবিধ কথা, লোক-আখ্যায়িকা, সমুদ্র-আখ্যায়িকা এবং ভবাভব কথা ইত্যাদি উচ্চশব্দে, মহাশব্দে বলিয়া উন্মুক্ত স্থানে পাদচারণ করিতেছে?’ কেনই বা কীট পদদলিত করিয়া হত্যা করিতেছে ও ভিক্ষুদিগকে সমাধিচ্যুত করিতেছে?’ এই বলিয়া আন্দোলন, নিন্দা এবং প্রকাশ্যে আলোচনা করিতে লাগিলেন। সেই ভিক্ষুগণ ভগবানকে এই বিষয় জানাইলেন (ভগবান কহিলেন :—)

“হে ভিক্ষুগণ! সত্যই কি ষড়বর্গীয় ভিক্ষু রাত্রির প্রত্যুষে উঠিয়া কাষ্ঠপাদুকা পায়ে খট্ খট্ শব্দ করিয়া রাজ-কথা, চোর-কথা, ইত্যাদি ভবাভব কথা উচ্চশব্দে, মহাশব্দে বলিয়া উন্মুক্তস্থানে পাদচারণ করিতেছে, কীটও পদদলিত করিয়া হত্যা করিতেছে এবং ভিক্ষুগণকেও সমাধিচ্যুত করিতেছে?” “হাঁ, ভগবন্! তাহা সত্য বটে।” ভগবান তাহা নিতান্ত গর্হিত বলিয়া প্রকাশ করিয়া, ধর্মকথা উত্থাপন করিয়া, ভিক্ষুগণকে আহ্বান করিলেন :—

“হে ভিক্ষুগণ! কাষ্ঠপাদুকা পরিধান করিতে পারিবে না; যে করিবে তাহার ‘দুষ্কট’ অপরাধ হইবে।”

[স্থান :—বারাণসী]

(১১) নিষিদ্ধ পাদুকা

১—ভগবান রাজগৃহে যথারূপে অবস্থান করিয়া বারাণসী অভিমুখে যাত্রা করিলেন। ক্রমান্বয়ে পর্যটন করিয়া বারাণসীতে গমন করিলেন। ভগবান বারাণসী-সমীপে অবস্থান করিতে লাগিলেন,—ঋষিপুত্র মৃগদাবে। সেই সময় ষড়বর্গীয় ভিক্ষু ভগবান কাষ্ঠপাদুকা ব্যবহার করিতে বারণ করায় কচি তাল গাছ ছেদন করাইয়া, তাহার পাতায় পাদুকা প্রস্তুত করিয়া পরিধান করিতে লাগিল। ছেদন করায় তালগাছ ম্লান হইয়া গেল। (তদর্শনে) জনসাধারণ “কেন শাক্যপুত্রীয় শ্রমণগণ কচি তালগাছ ছেদন করাইয়া তালপাতার পাদুকা পরিধান করিতেছে? ছিন্ন করায় কচি তালগাছ যে ম্লান হইয়া যাইতেছে! কেনই বা শাক্যপুত্রীয় শ্রমণগণ একেন্দ্রিয় জীব (বৃক্ষ) পীড়ন করিতেছে?” এই বলিয়া আন্দোলন, নিন্দা এবং প্রকাশ্যে দুর্নাম প্রচার করিতে লাগিল। ভিক্ষুগণ জনসাধারণের আন্দোলন, নিন্দা এবং প্রকাশ্যে দুর্নাম প্রচার শুনিতে পাইলেন। অনন্তর ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! সত্যই কি কচি তালগাছ ছেদন করাইয়া ষড়বর্গীয় ভিক্ষু তালপাতার পাদুকা ব্যবহার করিতেছে এবং ছেদন করায় তালগাছ ম্লান হইয়া যাইতেছে?” “হাঁ, ভগবন্! তাহা সত্য বটে।” বুদ্ধ ভগবান তাহা নিতান্ত গর্হিত বলিয়া প্রকাশ করিলেন :—হে ভিক্ষুগণ! কেন সেই মোঘপুরুষগণ কচি তালগাছ ছেদন করাইয়া তালপাতার পাদুকা পরিধান করিতেছে? ছেদন করায় কচি তালগাছ যে ম্লান হইয়া যাইতেছে। জনসাধারণ যে বৃক্ষকে জীব মনে করিয়া থাকে! তাহাদের এই কার্য্যে শ্রদ্ধাহীনের শ্রদ্ধা উৎপাদন করিবে না ... এইভাবে নিন্দা করিয়া, ভিক্ষুগণের আহ্বান করিলেন :—

“হে ভিক্ষুগণ! তালপত্রে প্রস্তুত পাদুকা পরিধান করিতে পারিবে না, যে পরিধান করিবে তাহার ‘দুষ্কট’ অপরাধ হইবে।”

২—সেই সময় ষড়বর্গীয় ভিক্ষু ভগবান তালপাতার পাদুকা পরিধানে বারণ করায় কচি বাঁশ ছেদন করাইয়া বাঁশপাতার দ্বারা পাদুকা প্রস্তুত করাইয়া পরিধান করিতে লাগিল। সেই ছিন্ন কচি বাঁশ ম্লান হইয়া গেল। (তদর্শনে) জনসাধারণ ‘কেন শাক্যপুত্রীয় শ্রমণগণ কচি বাঁশ ছেদন করাইয়া বাঁশপাতার পাদুকা পরিধান করিতেছে? সেই ছিন্ন কচি বাঁশ যে ম্লান হইয়া যাইতেছে! কেনই বা শাক্যপুত্রীয় শ্রমণগণ একেন্দ্রিয়বিশিষ্ট জীব পীড়ন করিতেছে?’ এই বলিয়া আন্দোলন, নিন্দা এবং প্রকাশ্যে দুর্নাম প্রচার করিতে লাগিল। ভিক্ষুগণ জনসাধারণের আন্দোলন, নিন্দা এবং প্রকাশ্যে দুর্নাম প্রচার শুনিতে পাইলেন। অনন্তর তাঁহারা ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! বাঁশপাতায় প্রস্তুত পাদুকা পরিধান করিতে পারিবে না, যে পরিধান করিবে তাহার ‘দুষ্কট’ অপরাধ হইবে।”

[স্থান :—ভদ্রিকা]

৩—ভগবান বারাণসীতে যথারূচি অবস্থান করিয়া ভদ্রিকা অভিযুখে যাত্রা করিলেন। ক্রমান্বয়ে পর্যটন করিতে করিতে ভদ্রিকায় গমন করিলেন এবং ভদ্রিকা সমীপে অবস্থান করিতে লাগিলেন,—জাতীয়বনে। সেই সময় ভদ্রিকাবাসী ভিক্ষুগণ বিবিধ রকমের পাদুকা প্রস্তুতে ব্যস্ত ছিলেন। তাঁহারা তৃণপাদুকা প্রস্তুত করিতেছিলেন এবং করাইতেছিলেন; মুঞ্জতৃণে পাদুকা প্রস্তুত করিতেছিলেন এবং করাইতেছিলেন; বর্ষজতৃণে পাদুকা প্রস্তুত করিতেছিলেন এবং করাইতেছিলেন; হিষ্টাল (খেজুরপাতায়) পাদুকা প্রস্তুত করিতেছিলেন এবং করাইতেছিলেন; কমল তৃণে পাদুকা প্রস্তুত করিতেছিলেন এবং করাইতেছিলেন; কমলে পাদুকা প্রস্তুত করিতেছিলেন এবং করাইতেছিলেন। তাঁহারা পরিত্যাগ করিলেন, যথারীতি পাঠগ্রহণ, পরিপৃচ্ছা, অধিশীল, অধিচিত্ত এবং অধিপ্রজ্ঞা। (তদর্শনে) অল্পেচ্ছু ভিক্ষুগণ ‘কেন ভদ্রিকাবাসী ভিক্ষুগণ নানাবিধ পাদুকা প্রস্তুত কার্যে ব্যাপ্ত রহিয়াছেন এবং কেনই বা তাঁহারা তৃণপাদুকা প্রস্তুত করিতেছেন এবং করাইতেছেন ... তাঁহারা অধিশীল, অধিচিত্ত এবং অধিপ্রজ্ঞা’ এই বলিয়া আন্দোলন, নিন্দা এবং প্রকাশ্যে আলোচনা করিতে লাগিলেন। অতঃপর সেই ভিক্ষুগণ ভগবানকে এই বিষয়ে জানাইলেন। (ভগবান কহিলেন :—)

“হে ভিক্ষুগণ! সত্যই কি ভদ্রিকাবাসী ভিক্ষুগণ বিবিধরকমের পাদুকা প্রস্তুত কার্যে ব্যাপ্ত রহিয়াছে? সত্যই কি তাহারা তৃণপাদুকা প্রস্তুত করিতেছে এবং করাইতেছে? মুঞ্জতৃণে (মজ্জা ঘাসে) পাদুকা প্রস্তুত করিতেছে এবং করাইতেছে ...? সত্যই কি তাহারা যথারীতি পাঠগ্রহণ, পরিপৃচ্ছা, অধিশীল, অধিচিত্ত এবং অধিপ্রজ্ঞা শিক্ষা পরিত্যাগ করিয়াছে?” “হাঁ, ভগবন্! তাহা সত্য বটে।”

বুদ্ধ ভগবান তাহা নিতান্ত গর্হিত বলিয়া প্রকাশ করিলেন :—“হে ভিক্ষুগণ! কেন সেই মোঘপুরুষগণ নানাবিধ পাদুকা প্রস্তুত কার্যে ব্যাপ্ত রহিয়াছে? কেনই বা তাহারা তৃণপাদুকা প্রস্তুত করিতেছে এবং করাইতেছে ...? কেনই বা তাহারা যথারীতি পাঠগ্রহণ, পরিপৃচ্ছা, অধিশীল, অধিচিত্ত এবং অধিপ্রজ্ঞা শিক্ষা পরিত্যাগ করিয়াছে? ভিক্ষুগণ! তাহাদের এইকার্যে অপ্রসন্নদিগের প্রসন্নতা উৎপাদন করিতে পারে না ... এইভাবে নিন্দা করিয়া, ধর্মকথা উত্থাপন করিয়া ভিক্ষুদিগকে আহ্বান করিলেন :—

“হে ভিক্ষুগণ! তৃণপাদুকা পরিধান করিতে পারিবে না, মুঞ্জপাদুকা পরিধান করিতে পারিবে না, বর্ষজপাদুকা পরিধান করিতে পারিবে না, হিষ্টালপাদুকা

পরিধান করিতে পারিবে না, কমলপাদুকা পরিধান করিতে পারিবে না, কমলপাদুকা পরিধান করিতে পারিবে না, স্বর্ণপাদুকা পরিধান করিতে পারিবে না, রৌপ্যপাদুকা পরিধান করিতে পারিবে না, মণিপাদুকা পরিধান করিতে পারিবে না, বৈদ্যুতপাদুকা পরিধান করিতে পারিবে না, স্ফটিকপাদুকা পরিধান করিতে পারিবে না, কাংস্যপাদুকা পরিধান করিতে পারিবে না, কাঁচেরপাদুকা পরিধান করিতে পারিবে না, রাঙেরপাদুকা পরিধান করিতে পারিবে না, সীসারপাদুকা পরিধান করিতে পারিবে না, তাম্রলৌহের পাদুকা পরিধান করিতে পারিবে না; যে পরিধান করিবে তাহার ‘দুষ্কট’ অপরাধ হইবে।”

“হে ভিক্ষুগণ! যে কোন রকমের সংক্রমণীয় (স্থানান্তরকরণীয়) পাদুকা পরিধান করিতে পারিবে না; যে পরিধান করিবে তাহার ‘দুষ্কট’ অপরাধ হইবে।

“হে ভিক্ষুগণ! আমি অনুজ্ঞা করিতেছি : বাহ্যপাদুকা (পাইখানায় স্থাপিত পাদুকা), প্রস্রাবপাদুকা (প্রস্রাব করিবার স্থানে স্থাপিত পাদুকা) এবং আচমনপাদুকা (আঁচাইবার স্থানে স্থাপিত পাদুকা) এই ত্রিবিধ অসংক্রমণীয় (স্থানান্তর করিবার অযোগ্য) প্রবস্থানীয় (নিত্য একস্থানে স্থাপিত) পাদুকা ব্যবহার করিবে।”

[স্থান :—শ্রাবস্তী]

(১২) গাভী ও গোবৎস স্পর্শ এবং হত্যাদি করা অবিধেয়

ভগবান ভদ্রিকা-সমীপে যথার্থকি অবস্থান করিয়া শ্রাবস্তী অভিমুখে যাত্রা করিলেন। ক্রমান্বয়ে পর্যটন করিয়া শ্রাবস্তীতে গমন করিলেন। ভগবান শ্রাবস্তী সন্নিধানে অবস্থান করিতে লাগিলেন,—জেতবনে অনাথপিণ্ডদের আরামে। সেই সময় ষড়বর্গীয় ভিক্ষু অচিরবতী নদী (আধুনিক রাপ্তি) পার হইবার সময় গাভীর শৃঙ্গ ধারণ করিতেছিল, কর্ণ ধারণ করিতেছিল, গ্রীবা ধারণ করিতেছিল, পুচ্ছ ধারণ করিতেছিল, পৃষ্ঠে আরোহণ করিতেছিল, কামচিঙে গোযোনি স্পর্শ করিতেছিল এবং গোবৎসকে জলে চাপিয়া ধরিয়া হত্যা করিতেছিল। (তদর্শনে) জনসাধারণ ‘কেন শাক্যপুত্রীয় শ্রমণগণ গাভী নদী পার হইবার সময় তাহার শৃঙ্গ ধারণ করিতেছে, কর্ণ ধারণ করিতেছে, এবং গোবৎস জলে চাপিয়া ধরিয়া হত্যা করিতেছে? যেমন কামসেবী গৃহী!’ এই বলিয়া আন্দোলন, নিন্দা এবং প্রকাশ্যে দুর্নাম প্রচার করিতে লাগিল। ভিক্ষুগণ জনসাধারণের আন্দোলন, নিন্দা এবং প্রকাশ্যে দুর্নাম প্রচার শুনিতে পাইলেন। অতঃপর সেই ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! সত্য কি ষড়বর্গীয় ভিক্ষু গাভী নদী পার হইবার সময় গাভীর শৃঙ্গ ধারণ করিতেছে, কর্ণ ধারণ করিতেছে, গোবৎস জলে চাপিয়া ধরিয়া হত্যা করিতেছে?” “হাঁ, ভগবন্! তাহা সত্য বটে।”

ভগবান তাহা নিতান্ত গর্হিত বলিয়া প্রকাশ করিয়া, ধর্মকথা উত্থাপন করিয়া ভিক্ষুদিগকে আহ্বান করিলেন :—“হে ভিক্ষুগণ! গাভীর শৃঙ্গ ধারণ করিতে পারিবে না, কর্ণ ধারণ করিতে পারিবে না, গ্রীবা ধারণ করিতে পারিবে না, পুচ্ছ ধারণ করিতে পারিবে না, পৃষ্ঠে আরোহণ করিতে পারিবে না, যে আরোহণ করিবে তাহার ‘দুষ্কট’ অপরাধ হইবে। হে ভিক্ষুগণ! কামচিন্তে গোষোনি স্পর্শ করিতে পারিবে না, যে স্পর্শ করিবে, তাহার ‘থুল্লচ্চয়’ অপরাধ হইবে। গোবৎস হত্যা করিতে পারিবে না, যে হত্যা করিবে, তাহার ধর্মানুসারে প্রতিকার করিতে হইবে।”

যান, মঞ্চ এবং চৌকি সম্বন্ধে নিয়ম

(১) যান নিষিদ্ধ

সেই সময় ষড়বর্গীয় ভিক্ষু পুরুষচালিত গাভীশকটে এবং নারীচালিত বলীবদ্দশকটে আরোহণ করিয়া গমন করিতেছিল। (তদর্শনে) জনসাধারণ আন্দোলন, নিন্দা এবং প্রকাশ্যে দুর্নাম প্রচার করিতে লাগিল :—“এ যেন গঙ্গার মহাক্রীড়া!” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! যানারোহণে যাইতে পারিবে না; যে যাইবে তাহার ‘দুষ্কট’ অপরাধ হইবে।”

(২) রুগ্নের জন্য যানের বিধান

১—সেই সময় জনৈক ভিক্ষু কোশল জনপদ হইতে ভগবানকে দর্শন করিবার জন্য শ্রাবস্তীতে যাইবার সময়ে রাস্তার মধ্যে পীড়িত হইয়া পড়িলেন। তখন সেই ভিক্ষু গমনমার্গ হইতে অবতরণ করিয়া এক বৃক্ষমূলে উপবেশন করিলেন। জনসাধারণ সেই ভিক্ষুকে দেখিয়া কহিলেন :—“প্রভো! আর্য্য কোথায় যাইবেন?” “বন্ধুগণ! আমি ভগবানকে দর্শন করিবার জন্য শ্রাবস্তী যাইব।” “প্রভো! আসুন, আমরাও তথায় যাইব।” “বন্ধুগণ! আমি রোগের জন্য যাইতে সমর্থ হইতেছি না।” “প্রভো! আসুন, যানে আরোহণ করুন।” “বন্ধুগণ! প্রয়োজন নাই, কেননা ভগবান যানে আরোহণ করিতে নিষেধ করিয়াছেন।” এই বলিয়া সঙ্কোচ করিয়া যানে আরোহণ করিলেন না। অনন্তর সেই ভিক্ষু শ্রাবস্তীতে গমন করিয়া ভিক্ষুদিগকে এই বিষয় প্রকাশ করিলেন। ভিক্ষুগণ এই বিষয় ভগবানকে জ্ঞাপন করিলেন। (ভগবান কহিলেন :—)

১। ইহা একটি উৎসব। এই ক্রীড়া উৎসবে স্ত্রী পুরুষ উভয়ে একসঙ্গে যানে আরোহণ করিয়া জলক্রীড়ার নিমিত্ত গমন করিত।—বিম-বিনো।

“হে ভিক্ষুগণ! আমি অনুজ্ঞা করিতেছি : রুগ্নভিক্ষু যানে আরোহণ করিতে পারিবে।”

২—ভিক্ষুগণের মনে এই চিন্তা উদিত হইল : “পুরুষযুক্ত যানে আরোহণ করিতে হইবে, না-কি নারীযুক্ত যানে আরোহণ করিতে হইবে?” তাঁহারা ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : পুরুষযুক্ত ‘হথবট্টকে’ (হাতেটানা যানে) আরোহণ করিবে।”

(৩) বিহিত যান

সেই সময় যানের বাঁকনিতে জনৈক ভিক্ষুর গুরুতর রোগ উপস্থিত হইল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : শিবিকা এবং পাল্কাতে আরোহণ করিবে।”

(৪) মহার্ষ শয্যা নিষিদ্ধ

সেই সময় ষড়বর্গীয় ভিক্ষু উচ্চশয্যা মহাশয্যা ব্যবহার করিতেছিল। যথা :—‘আসন্দী’ (প্রমাণাতিরিক্ত আসন বিশেষ), পর্য্যঙ্ক, ‘গোণক’ (দীর্ঘরোমের গালিচা), ‘চিত্রক’ (হিংস্র জন্তু চিত্রিত উর্ণার চাদর), ‘পটিক’ (উর্ণাময় শ্বেত চাদর), ‘পটলিক’ (ঘনপুষ্প চিত্রিত উর্ণাময় চাদর), ‘তুলিক’ (তোষক), ‘বিকতিক’ (সিংহ ব্যাঘ্রাদি চিত্রে চিত্রিত উর্ণাময় চাদর), ‘উদ্দলোমি’ (এক পার্শ্বে ঝালর বিশিষ্ট উর্ণাময় চাদর), ‘একন্তলোমি’ (উভয় পার্শ্বে ঝালর বিশিষ্ট উর্ণার চাদর), ‘কট্টিসস’^১ (কৌশেয় সূত্রের মধ্যে স্বর্ণসূত্র প্রবেশ করাইয়া প্রস্তুত চাদর), কৌশেয় স্বর্ণলিপ্ত রেশমী চাদর), ‘কুন্তক’ (ষোলজন নাটিকাত্মীর নৃত্য করিবার যোগ্য উর্ণাময় চাদর), হস্তীপৃষ্ঠে পাতিবার গালিচা, অশ্বপৃষ্ঠে পাতিবার গালিচা, রথে পাতিবার গালিচা, ‘অজিনপ্রবেণী’ (কৃষ্ণসার মৃগচর্ম মঞ্চ প্রমাণ সেলাই করা আস্তরণ), কদলীমৃগ চর্ম প্রস্তুত আস্তরণ, ‘সউত্তরচ্ছদ’^২ (রক্ত বর্ণের চাঁদোয়া) এবং উভয় পার্শ্বে লাল রঙের উপাধান। জনসাধারণ বিহারে পর্য্যটন করিবার সময় এই সমস্ত দেখিয়া আন্দোলন, নিন্দা এবং প্রকাশ্যে দুর্নাম প্রচার করিয়া বলিতে লাগিল :—“শাকপুত্রীয় শ্রমণগণ যেন কামসেবী গৃহী!” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

^১। স্বর্ণসূত্রের নাম, ‘কট্টিসস’ অথবা ‘কস্‌সট’।—বিম-বিনো।

^২। উপরিভাগ আচ্ছাদিত করে বলিয়া এই চাঁদোয়ার নাম ‘সউত্তরচ্ছদ’ হইয়াছে।—সার-দীপ।

“হে ভিক্ষুগণ! উচ্চশয্যা মহাশয্যা ব্যবহার করিতে পারিবে না। তাহা এই :—‘আসন্দি’, পালঙ্ক, ‘গোণক’, ‘চিন্তক’, ‘পটিক’, ‘পটলিক’, ‘তুলিক’, ‘বিকতিক’, ‘উদ্দলোমী’, ‘একন্তলোমী’, ‘কট্টিস’, কোসেয্য’, ‘কুন্তক’, হস্তীর গালিচা, অশ্বের গালিচা, রথের গালিচা, কৃষ্ণসারমৃগচর্মের চাদর, কদলীমৃগচর্মের চাদর, লাল চাঁদোয়া, মঞ্চের উভয় পার্শ্বে লাল রঙের উপাধান। যে ব্যবহার করিবে তাহার ‘দুষ্কট’ অপরাধ হইবে।”

(৫) সিংহাদির চর্ম-নিষিদ্ধ

সেই সময় ষড়বর্গীয় ভিক্ষু ভগবান উচ্চশয্যা মহাশয্যা ব্যবহার করিতে বারণ করায় সিংহের চর্ম, ব্যাঘ্রের চর্ম, দ্বীপীর চর্ম, এই ত্রিবিধ মহাচর্ম ব্যবহার করিতে লাগিল। সেই চর্মসমূহ মঞ্চ প্রমাণও ছিল হইল, চৌকিপ্রমাণও ছিল হইল, মঞ্চের মধ্যেও পাতা হইল, মঞ্চের বাহিরেও পাতা হইল, চৌকির মধ্যেও পাতা হইল, চৌকির বাহিরেও পাতা হইল। জনসাধারণ বিহারে বিচরণ করিবার সময় এই সমস্ত দেখিয়া আন্দোলন, নিন্দা এবং প্রকাশ্যে দুর্নাম প্রচার করিয়া বলিতে লাগিল :—“শাক্যপুত্রীয় শ্রমণগণ যেন কামসেবী গৃহী!” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! সিংহ চর্ম, ব্যাঘ্র চর্ম এবং দ্বীপী-চর্ম আদি মহাচর্ম ব্যবহার করিতে পারিবে না; যে ব্যবহার করিবে তাহার ‘দুষ্কট’ অপরাধ হইবে।”

(৬) প্রাণিহিংসায় প্রেরণা দান ও চর্ম ব্যবহার নিষিদ্ধ

সেই সময় ষড়বর্গীয় ভিক্ষু ভগবান মহাচর্ম ব্যবহারে বারণ করায় গোচর্ম ব্যবহার করিতে লাগিল। তাহা মঞ্চ প্রমাণ ছিল হইল, চৌকিপ্রমাণ ছিল হইল, মঞ্চের মধ্যেও পাতা হইল, মঞ্চের বাহিরেও পাতা হইল, চৌকির মধ্যেও পাতা হইল, চৌকির বাহিরেও পাতা হইল।

সেই সময় জনৈক পাপিষ্ঠ ভিক্ষু জনৈক পাপিষ্ঠ উপাসকের ‘কুলোপগ’ (কুলপুরোহিত) ছিল। একদিন সেই পাপিষ্ঠ ভিক্ষু পূর্বাহ্নে বহির্গমনোপযোগী বাস পরিধান করিয়া, পাত্রটীবার লইয়া সেই পাপিষ্ঠ উপাসকের আলায়ে উপস্থিত হইল, উপস্থিত হইয়া নির্দিষ্ট আসনে উপবেশন করিল। পাপিষ্ঠ উপাসক সেই পাপিষ্ঠ ভিক্ষুর নিকট উপস্থিত হইল, উপস্থিত হইয়া পাপিষ্ঠ ভিক্ষুকে অভিবাদন করিয়া একান্তে উপবেশন করিল। সেই সময় সেই পাপিষ্ঠ উপাসকের তরুণবয়স্ক, অভিরূপ, দর্শনীয়, মনোজ্ঞ, চিত্রবিচিত্র একটি গোবৎস ছিল; দেখিতে যেন দ্বীপীশাবক। তখন সেই পাপিষ্ঠ ভিক্ষু সেই গোবৎসকে তীক্ষ্ণদৃষ্টিতে অবলোকন করিতে লাগিল। সেই পাপিষ্ঠ উপাসক পাপিষ্ঠ ভিক্ষুকে কহিল :—“প্রভো! আর্য্য

এই গোবৎসটিকে এরূপ তীক্ষ্ণদৃষ্টিতে দেখিতেছেন কেন?” “বন্ধো! আমার এই গোবৎসের চর্মের প্রয়োজন, এইজন্য দেখিতেছি।” তখন সেই পাপিষ্ঠ উপাসক সেই গোবৎসটিকে হত্যা করিয়া, চর্ম উৎপাটিত করিয়া সেই পাপিষ্ঠ ভিক্ষুকে প্রদান করিল। পাপিষ্ঠ ভিক্ষু চর্মখণ্ড সজ্জাটি দ্বারা ঢাকিয়া প্রস্থান করিল। তখন সেই গাভী বৎসের প্রতি স্নেহাসক্ত হইয়া সেই পাপিষ্ঠ ভিক্ষুর পশ্চাদ্ধাবন করিল। (তদর্শনে) ভিক্ষুগণ কহিলেন :—“বন্ধো! এই গাভী আপনার পশ্চাদ্ধাবন কেন করিতেছে?” “বন্ধো! আমিও জানি না যে এই গাভী কেন আমার পশ্চাদ্ধাবন করিতেছে।” সেই পাপিষ্ঠ ভিক্ষুর সজ্জাটি রক্তে রঞ্জিত হইয়াছিল। ভিক্ষুগণ তাহাকে কহিলেন :—“বন্ধো! আপনার এই সজ্জাটি কিরূপ করিয়াছেন?” তখন সেই পাপিষ্ঠ ভিক্ষু ভিক্ষুগণের নিকট এই বিষয় প্রকাশ করিল। (ভিক্ষুগণ কহিলেন :—) “বন্ধো! আপনি কি প্রাণিহত্যায় প্রেরণা দিয়াছেন?” “হাঁ, বন্ধো! দিয়াছি।” (তাহা শুনিয়া) অল্পেচ্ছু ভিক্ষুগণ ‘কেন ভিক্ষু প্রাণিহত্যায় প্রেরণা দিতেছেন, ভগবান কি নানাভাবে প্রাণিহত্যার নিন্দা এবং প্রাণিহত্যাবিরতির প্রশংসা করেন নাই?’ এই বলিয়া আন্দোলন, নিন্দা এবং প্রকাশ্যে আলোচনা করিতে লাগিলেন। সেই ভিক্ষুগণ ভগবানকে এই বিষয় জানাইলেন। তখন ভগবান এই নিদানে, এই প্রকরণে ভিক্ষুসঙ্ঘকে সমবেত করাইয়া সেই পাপিষ্ঠ ভিক্ষুকে জিজ্ঞাসা করিলেন :—“হে ভিক্ষু! সত্যই কি তুমি প্রাণিহত্যায় প্রেরণা দিয়াছ?” “হাঁ, ভগবন্! তাহা সত্য বটে।”

বুদ্ধ ভগবান নিন্দা করিলেন : মোঘপুরুষ! কেন তুমি প্রাণিহত্যায় প্রেরণা দিয়াছ? আমি কি নানাভাবে প্রাণিহত্যার নিন্দা এবং প্রাণিহত্যাবিরতির প্রশংসা করি নাই? তোমার এই কার্যে যে অপ্রসন্নদিগের প্রসন্নতা উৎপাদন করিবে না এইভাবে নিন্দা করিয়া, ধর্মকথা উত্থাপন করিয়া ভিক্ষুগণকে আহ্বান করিলেন :—

“হে ভিক্ষুগণ! প্রাণিহত্যায় প্রেরণা দিতে পারিবে না; যে প্রেরণা দিবে তাহার ধর্ম্মানুসারে প্রতিকার করিতে হইবে।”

“হে ভিক্ষুগণ! গোচর্ম্ম ব্যবহার করিতে পারিবে না; যে ব্যবহার করিবে, তাহার ‘দুষ্কট’ অপরাধ হইবে।”

“হে ভিক্ষুগণ! কোন রকমের চর্ম্ম ব্যবহার করিতে পারিবে না; যে ব্যবহার করিবে, তাহার ‘দুষ্কট’ অপরাধ হইবে।”

(৭) চর্ম্মাবৃত মঞ্চাদিতে বসা যায়

১—সেই সময় জনসাধারণের ব্যবহৃত মঞ্চ এবং চৌকি চর্ম্মাবৃত এবং চর্ম্মাবদ্ধ থাকিত। ভিক্ষুগণ সঙ্কোচ করিয়া তাহাতে উপবেশন করিতেন না। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : গৃহীর ব্যবহৃত আসনে বসিতে পারিবে, কিন্তু শুইতে পারিবে না।”

২—সেই সময় বিহারসমূহ চর্মখণ্ড দ্বারা বেষ্টিত থাকিত। ভিক্ষুগণ সঙ্কোচ করিয়া তাহাতে উপবেশন করিতেন না। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : বিহার চর্মদ্বারা বেষ্টিত থাকিলেও হেলান দিয়া বসিতে পারিবে।”

(৮) জুতা পায়ে গ্রামে গমন নিষিদ্ধ

১—সে সময় ষড়বর্গীয় ভিক্ষু চর্মপাদুকা পরিয়া গ্রামে গমন করিত। (তদর্শনে) জনসাধারণ আন্দোলন, নিন্দা এবং প্রকাশ্যে দুর্নাম প্রচার করিয়া বলিতে লাগিল :—“শাক্যপুত্রীয় শ্রমণগণ যেন কামসেবী গৃহী!” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! চর্মপাদুকা পরিয়া গ্রামাভ্যন্তরে যাইতে পারিবে না; যে যাইবে তাহার ‘দুষ্কট’ অপরাধ হইবে।”

২—সেই সময় জনৈক ভিক্ষু পীড়িত ছিলেন। তিনি চর্মপাদুকা ব্যতীত গ্রামে যাইতে সমর্থ হইতেছিলেন না। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : রুগ্ন ভিক্ষু চর্মপাদুকা পরিয়া গ্রামে যাইতে পারিবে।”

মধ্যদেশের বাহিরে বিশেষ বিধান

(১) শোণ কোটিকর্ণের প্রব্রজ্যা

সেই সময়ে আয়ুষ্মান মহাকাভ্যায়ন অবন্তীরাজ্যের কুররঘরে^১ প্রপাত পর্বতে^২ অবস্থান করিতেছিলেন। সেই সময় শোণ কোটিকর্ণ^৩ নামক উপাসক আয়ুষ্মান মহাকাভ্যায়নের উপস্থায়ক^৪ (সেবক) ছিলেন। একদিন শোণ কোটিকর্ণ উপাসক

^১। কুররঘর নামক নগরে;

^২। প্রপাত নামক পর্বতে।

^৩। এককোটি স্বর্ণমুদ্রা মূল্যের কর্ণাভরণ ধারণ করায় কোটিকর্ণ বা কুটিকর্ণ নামে অভিহিত।—সম-পাসা।

^৪। ইনি মহাকাভ্যায়নের নিকট ধর্ম শ্রবণ করিয়া, বুদ্ধের শাসনে প্রসন্ন হইয়া, ত্রিশ্রবণ এবং শীলে প্রতিষ্ঠিত হইয়া, প্রপাত পর্বতে ছায়া এবং জল সম্পন্ন স্থানে বিহার প্রস্তুত করিয়া,

আয়ুত্মান মহাকাভ্যায়নের নিকট উপস্থিত হইলেন, উপস্থিত হইয়া আয়ুত্মান মহাকাভ্যায়নকে অভিবাদন করিয়া একান্তে উপবেশন করিলেন; একান্তে উপবিষ্ট শোণ কোটিকর্ণ উপাসক আয়ুত্মান মহাকাভ্যায়নকে কহিলেন :—“প্রভো! আমি যেই যেইভাবে আৰ্য্য মহাকাভ্যায়ন উপদিষ্ট ধর্ম অবগত হইতে সমর্থ হইয়াছি, তাহাতে বুঝিতেছি আগারে বাস করিয়া একান্ত পরিপূর্ণ, বিশেষভাবে পরিশুদ্ধ, শঙ্খলিখিত ব্রহ্মচর্য্য আচরণ করা সহজ নহে। প্রভো! এইহেতু আমি কেশশাশ্রু মুগ্ধন করিয়া, কষায় বস্ত্রে দেহ আচ্ছাদিত করিয়া, আগার হইতে অনাগারে প্রব্রজিত হইতে ইচ্ছা করিয়াছি। অতএব প্রভু আৰ্য্য মহাকাভ্যায়ন আমাকে প্রব্রজিত করুন।” এইরূপ বলিলে আয়ুত্মান মহাকাভ্যায়ন শোণ কোটিকর্ণ উপাসককে কহিলেন :—

“হে শোণ! আজীবন একশয্যা এবং একাহার অবলম্বনে ব্রহ্মচর্য্য আচরণ করা দুষ্কর। শোণ! তুমি আগারে থাকিয়াই দৃঢ়তা সহকারে বুদ্ধের উপদেশ পালন কর এবং সময়ে সময়ে একশয্যা, একাহার অবলম্বনে ব্রহ্মচর্য্য আচরণ কর।” এই কথায় শোণ কোটিকর্ণ উপাসকের প্রব্রজ্যার জন্য যেই উৎকণ্ঠা ছিল তাহা উপশম হইল।

দ্বিতীয়, তৃতীয়বারও শোণ কোটিকর্ণ উপাসক ঐরূপ বলিলেন। আয়ুত্মান মহাকাভ্যায়ন শোণ কোটিকর্ণ উপাসককে প্রব্রজিত করিলেন। সেই সময়ে অবন্তী দক্ষিণাপথে অল্পসংখ্যক ভিক্ষু অবস্থান করিতেন। আয়ুত্মান মহাকাভ্যায়ন তিন বৎসর পরে অতি কষ্টে এখান সেখান হইতে দশবর্গ (দশজন) ভিক্ষুসঙ্ঘ সমবেত করাইয়া আয়ুত্মান শোণকে উপসম্পদা প্রদান করিলেন। আয়ুত্মান শোণ বর্ষাবাসের পর নিজ্জনে ধ্যানাবিষ্ট থাকিবার সময়ে তাঁহার চিত্তে এইরূপ পরিবর্তক উপস্থিত হইল : ‘আমি কেবলমাত্র ভগবান ‘এইরূপ’, ‘এইরূপ’ বলিয়া শুনিয়াছি; কিন্তু তাঁহাকে প্রত্যক্ষ করি নাই। আমি সেই ভগবান অর্হৎ সম্যকসম্বুদ্ধকে দর্শন করিবার জন্য গমন করিব যদি উপাধ্যায় এ বিষয়ে আমাকে অনুমতি প্রদান করেন।’ আয়ুত্মান শোণ সায়াহে ধ্যান হইতে উঠিয়া আয়ুত্মান মহাকাভ্যায়নের নিকট উপস্থিত হইলেন; উপস্থিত হইয়া আয়ুত্মান মহাকাভ্যায়নকে অভিবাদন করিয়া একান্তে উপবেশন করিলেন। একান্তে উপবিষ্ট আয়ুত্মান শোণ আয়ুত্মান মহাকাভ্যায়নকে কহিলেন :—“প্রভো! আমি নিজ্জনে ধ্যানাবিষ্ট থাকিবার সময় আমার চিত্তে এইরূপ পরিবর্তক উপস্থিত হইয়াছিল : “আমি কেবলমাত্র শুনিয়াছি : ‘ভগবান ‘এইরূপ’, ‘এইরূপ’; কিন্তু তাঁহাকে চক্ষু দেখি নাই। অতএব আমি সেই ভগবান অর্হৎ সম্যকসম্বুদ্ধকে দর্শন করিতে যাইব যদি এ বিষয়ে আমাকে উপাধ্যায় অনুমতি প্রদান করেন।’ প্রভো! উপাধ্যায়ের অনুমতি হইলে সেই ভগবান অর্হৎ সম্যকসম্বুদ্ধকে দর্শন করিবার জন্য আমি যাইতে পারি।”

কাভ্যায়নকে তথায় বাস করাইয়া, নিত্য চারি বস্ত্র দ্বারা সেবা করিতেন। এইহেতু কাভ্যায়নের উপস্থাপক নামে কথিত হইয়াছে।—সার-দীপ।

“সাধু, সাধু, শোণ! তুমি সেই ভগবান অর্হৎ সম্যকসম্বুদ্ধকে দর্শন করিবার নিমিত্ত গমন কর। শোণ! তুমি সেই প্রসাদযুক্ত, প্রসাদকর, শান্তেন্দ্রিয়, শান্তচিত্ত, উত্তম-দমথ শমথ প্রাপ্ত, দান্ত^১, গুপ্ত^২, সংযতেন্দ্রিয় ও নাগ-সদৃশ^৩ ভগবানকে দেখিতে সমর্থ হইবে। শোণ! তাহা হইলে তুমি আমার বাক্যে ভগবানের পদে ‘প্রভো! আমার উপাধ্যায় আয়ুষ্মান মহাকাভ্যায়ন ভগবানের পদে অবনতশিরে বন্দনা জ্ঞাপন করিতেছেন।’ এই বলিয়া অবনত মস্তকে ভগবানের পাদ বন্দনা করিবে। এই কথাও বলিবে : ‘প্রভো! অবন্তী দক্ষিণাপথে ভিক্ষুসংখ্যা অত্যল্প, তিনবৎসর পরে অতি কষ্টে এস্থান সেস্থান হইতে দশজন ভিক্ষু সমবেত করাইয়া আমি উপসম্পদা লাভে সমর্থ হইয়াছি। অতএব ভগবান অবন্তী দক্ষিণাপথে (১) অল্পসংখ্যক ভিক্ষু কর্তৃক উপসম্পদা প্রদানের^৪ অনুজ্ঞা প্রদান করুন। প্রভো! অবন্তী দক্ষিণাপথের ভূমি কৃষ্ণবর্ণ, কর্কশ এবং গরুর খুরাঘাতে কণ্টকসদৃশ, অতএব ভগবান অবন্তী দক্ষিণাপথে (২) চারিতলা চর্মপাদুকা ব্যবহারের অনুজ্ঞা প্রদান করুন। প্রভো! অবন্তী দক্ষিণাপথের জনসাধারণ স্নান-প্রিয়^৫ এবং জলদ্বারা পরিশুদ্ধ হয় মনে করিয়া থাকে, অতএব ভগবান অবন্তী দক্ষিণাপথে (৩) নিত্যস্নানের অনুজ্ঞা প্রদান করুন। প্রভো! মধ্যদেশে যেমন ‘এরগু’^৬ ‘মোরগু’^৭ ‘মজ্জর’^৮ এবং ‘জম্ব’^৯ মেঝে পাতিয়া রাখা হয় তেমনভাবে অবন্তী দক্ষিণাপথে ঘরের মেঝে মেঘচর্ম, অজচর্ম এবং মৃগচর্ম পাতিয়া রাখা হয়, অতএব ভগবান অবন্তী দক্ষিণাপথে (৪) মেঘচর্ম, অজচর্ম এবং মৃগচর্মের আন্তরণ ব্যবহারে অনুজ্ঞা প্রদান করুন। প্রভো! এখন জনসাধারণ সীমার বাহিরে প্রস্থিত ভিক্ষুগণকে ‘এই চীবর অমুককে প্রদান করুন’ বলিয়া চীবর দিতেছেন। তাঁহারা আসিয়া জ্ঞাপন করেন; “বন্ধো! অমুক ব্যক্তি আপনার জন্য চীবর প্রেরণ করিয়াছেন।’ তাঁহারা ‘আমাদের

^১। যাঁহার হস্তপদ দান্ত হইয়াছে।

^২। যাঁহার বাক্য সংযত হইয়াছে।

^৩। যিনি স্বেচ্ছাচারের বশে গমন করেন না অথবা যাঁহার প্রহীন তৃষ্ণা পুনরুৎপন্ন হয় না।—সম-পাসা।

^৪। মধ্যদেশে দশজনের কম ভিক্ষু উপসম্পদা দিতে পারে না।

^৫। মধ্যদেশে পঞ্চদশ দিনের মধ্যে বিনা প্রয়োজনে স্নান করিলে ‘পাচিণ্ডিয়’ অপরাধ হয়।—সুত্ত-বিভ।

^৬। এক জাতীয় তৃণ; ইহা স্থূল, ইহার দ্বারা মাদুর আদি প্রস্তুত হয়।

^৭। তৃণ বিশেষ; ইহা সূক্ষ্ম, মৃদু ও সুখ সংস্পর্শ; ইহাদ্বারাও মাদুরাদি প্রস্তুত হয়।

^৮। তৃণবিশেষ; ইহাদ্বারা কাপড়ও প্রস্তুত করা যায়।

^৯। তৃণবিশেষ; বর্ণ মণি সদৃশ। এইসব তৃণদ্বারা মধ্যদেশে মাদুর আদি প্রস্তুত করিয়া ঘরের মেঝে পাতিয়া রাখা হইত।—সম-পাসা।

‘নিস্‌সঙ্গিয়’^১ না হউক’ এই সঙ্কোচ করিয়া চীবর ব্যবহার করিতেছেন না; অতএব ভগবান (৫) চীবর-পর্য্যায় নির্দিষ্ট করুন’।”

শোণ ‘তথাস্তু, প্রভো! বলিয়া আয়ুত্মান মহাকাব্যায়নকে প্রত্যুত্তরে সম্মতি জ্ঞাপন করিয়া আসন হইতে উঠিয়া, আয়ুত্মান মহাকাব্যায়নকে অভিবাদন করিয়া, দক্ষিণাপার্শ্ব তাঁহার পুরোভাগে করিয়া, শয্যাসন সামলাইয়া এবং পাত্রচীবর লইয়া শ্রাবস্তী অভিমুখে প্রস্থান করিলেন; এবং ক্রমান্বয়ে বিচরণ করিয়া শ্রাবস্তী সন্নিধানে অবস্থিত জেতবনে, অনাথপিণ্ডদের আরামে ভগবানের নিকট উপস্থিত হইলেন; উপস্থিত হইয়া ভগবানকে অভিবাদন করিয়া একান্তে উপবেশন করিলেন। ভগবান আয়ুত্মান আনন্দকে আহ্বান করিলেন :—“আনন্দ! এই আগন্তুক ভিক্ষুর জন্য আসন নির্দিষ্ট কর।”

আয়ুত্মান আনন্দ ভাবিলেন : “যাহার জন্য ভগবান আমাকে এইরূপ আদেশ করেন : “আনন্দ! এই আগন্তুক ভিক্ষুর জন্য আসন নির্দিষ্ট কর।” ভগবান সেই ভিক্ষুর সহিত এক বিহারে রাত্রিযাপন করিতে ইচ্ছা করেন। এখন দেখিতেছি ভগবান আয়ুত্মান শোণের সহিত এক বিহারে রাত্রিযাপন করিবার সঙ্কল্প করিয়াছেন।” এই ভাবিয়া আয়ুত্মান আনন্দ যেই বিহারে ভগবান অবস্থান করেন সেই বিহারে আয়ুত্মান শোণের জন্য শয়নাসন নির্দিষ্ট করিলেন। ভগবান অধিক রাত্রি উন্মুক্ত স্থানে অতিবাহিত করিয়া বিহারে প্রবেশ করিলেন। আয়ুত্মান শোণও অধিক রাত্রি উন্মুক্ত স্থানে অতিবাহিত করিয়া বিহারে প্রবেশ করিলেন। ভগবান রাত্রির প্রত্যুষ সময়ে গাত্রোত্থান করিয়া আয়ুত্মান শোণকে বলিলেন :—“হে ভিক্ষু! তুমি ধর্ম্ম (সূত্র) আবৃত্তি করিতে কি সমর্থ?” “হাঁ, প্রভো! আমি সমর্থ।” এই বলিয়া আয়ুত্মান শোণ ভগবানের নিকট প্রত্যুত্তরে সম্মতি জানাইয়া সমস্ত অষ্টকবর্গের^২ গাথাসমূহ স্বরে আবৃত্তি করিলেন।

ভগবান আয়ুত্মান শোণের সুস্বরে আবৃত্তি সমাপ্ত হইবার পর ‘হে ভিক্ষু! তুমি অষ্টকবর্গ উত্তমরূপে গ্রহণ করিয়াছ, সম্যকভাবে হৃদয়ে গ্রথিত করিয়াছ, সম্যকপ্রকারে ধারণ করিতে সমর্থ হইয়াছ এবং তুমি সুন্দর, স্পষ্ট, সরল অর্থদ্যোতকে বাণী প্রকাশে নিপুণ’ এই বলিয়া, ‘সাদু’, ‘সাদু’ বলিয়া তাহা অনুমোদন করিলেন এবং জিজ্ঞাসা করিলেন : “ভিক্ষু! তোমার বয়স^৩ কত

^১। অতিরিক্ত চীবর দশদিন পর্য্যন্ত ব্যবহার করিতে পারে। দশদিন অতিবাহিত হইলে ‘নিস্‌সঙ্গিয় অপরাধ হয়। সেই চীবর পরিত্যাগ করিয়া, অপরাধ স্বীকার করিয়া (দোষ) মুক্ত হইতে হয়।—সুত্ত-বিভ।

^২। বর্তমানে অষ্টকবর্গ সুত্ত-নিপাতের ৪র্থ বর্গ। পূর্বে অষ্টকবর্গ পৃথকভাবে ছিল। তখন এই বর্গের সূত্রসংখ্যা কত ছিল জানি না। বস্তুত এই বর্গের মাত্র ৫টি সূত্রই অষ্টক নামের যোগ্য।

^৩। তুমি ভিক্ষুত্ব লাভ করিয়াছ কয় বৎসর?

হইয়াছে?” “প্রভো! আমার বয়স মাত্র একবৎসর হইয়াছে।” “ভিক্ষু! তুমি এত বিলম্ব করিলে?” “প্রভো! আমি দীর্ঘদিন পরে কামভোগের অপকারিতা হৃদয়ঙ্গম করিতে সমর্থ হইয়াছি, বিশেষত গৃহবাস বহুবাধ্যযুক্ত, গৃহীর বহুকর্য্য বহুকরণীয়।” তখন ভগবান এই তত্ত্বার্থ বিদিত হইয়া সেই শুভ মুহূর্ত্তে এই উদান গাথা উচ্চারণ করিলেন :—

হেরি লোকে আদীনব, যত উপদ্রব,
জানি ধর্ম্ম নিরুপাধি, মুক্তি অনাসব,
পাপে নাহি রমে আর্য্য সুগত সুজন,
পাপে নাহি থাকে কভু শুচি শুদ্ধ মন।

অতঃপর আয়ুত্মান শোণ ‘ভগবান আমার বাক্য অনুমোদন করিতেছেন, উপাধ্যায় আমাকে যেই সম্বন্ধে নির্দেশ দান করিয়াছেন তাহা বলিবার এখনই উপযুক্ত সময়’ এই ভাবিয়া, আসন হইতে উঠিয়া, দেহের একাংশ উত্তরাসঙ্গ দ্বারা আবৃত করিয়া, ভগবানের পদে প্রণত হইয়া ভগবানকে কহিলেন :—“প্রভো! আমার উপাধ্যায় আয়ুত্মান মহাকাব্যায়ন ভগবানের পদে অবনত মস্তকে বন্দনা জানাইয়াছেন এবং আরও বলিয়াছেন, ‘প্রভো! অবন্তী দক্ষিণাপথে ভিক্ষুর সংখ্যা অতি অল্প; তিন বৎসর পরে অতি কষ্টে এস্থান সেস্থান হইতে দশজন ভিক্ষু সমবেত করাইয়া আমি উপসম্পদা লাভ করিয়াছি; অতএব ভগবান অবন্তী দক্ষিণাপথে অল্পসংখ্যক ভিক্ষুদ্বারা উপসম্পদা দানের অনুজ্ঞা প্রদান করুন। প্রভো! অবন্তী দক্ষিণাপথের ভূমি কৃষ্ণবর্ণ, কর্কশ এবং গরুর খুরাঘাতে কণ্টক সদৃশ; অতএব ভগবান অবন্তী দক্ষিণাপথে চারিতলা চর্ম্মপাদুকা পরিধানের আদেশ প্রদান করুন। প্রভো! অবন্তী দক্ষিণাপথে জনসাধারণ স্নানপ্রিয় এবং জলদ্বারা পরিশুদ্ধ হয় মনে করিয়া থাকে; অতএব ভগবান অবন্তী দক্ষিণাপথে নিত্য স্নানের ব্যবস্থা প্রদান করুন। প্রভো! অবন্তী দক্ষিণাপথে ঘরের মেঝে ‘মেঘচর্ম্ম, অজচর্ম্ম এবং মৃগচর্ম্ম পাতা থাকে। মধ্যম জনপদে যেমন ঘরের মেঝে ‘এরগু’, ‘মোরগু’, ‘মজ্জার’ এবং ‘জম্ব’ পাতা থাকে; তেমন অবন্তী দক্ষিণাপথে ঘরের মেঝে মেঘচর্ম্ম, অজচর্ম্ম এবং মৃগচর্ম্ম পাতা থাকে; অতএব ভগবান অবন্তী দক্ষিণাপথে মেঘচর্ম্ম, অজচর্ম্ম এবং মৃগচর্ম্ম পাতিবার অনুজ্ঞা প্রদান করুন। প্রভো! এখন মনুষ্যগণ সীমার বাহিরে প্রস্থিত ভিক্ষুগণের জন্য ‘এই চীবর অমুককে প্রদান করুন’ বলিয়া চীবর অন্য দ্বারা প্রেরণ করেন। তাহারা (চীবরবাহকগণ) আসিয়া ‘বন্ধো! অমুক ব্যক্তি আপনার জন্য চীবর প্রেরণ করিয়াছেন’ বলিয়া জ্ঞাপন করেন। তাঁহারা (যাঁহাদের জন্য প্রেরণ করিয়াছেন তাঁহারা) ‘আমাদের ‘নিস্সঙ্গিয়’ অপরাধ হইবে’ এই সন্দেহ করিয়া চীবর গ্রহণ করেন না; অতএব ভগবান চীবর সম্বন্ধে পর্য্যায় নির্দিষ্ট করিয়া দিন।”

(২) প্রত্যন্ত দেশের জন্য বিশেষ বিধান

ভগবান এই নিদানে, এই প্রকরণে ধর্মকথা উত্থাপন করিয়া ভিক্ষুগণকে আহ্বান করিলেন :—“হে ভিক্ষুগণ! অবন্তী দক্ষিণাপথে অল্পসংখ্যক ভিক্ষু অবস্থান করে, এইজন্য “আমি অনুজ্ঞা করিতেছি : সমস্ত প্রত্যন্ত জনপদে (মধ্যেপ্রদেশের বহির্ভাগে) বিনয়ধর পাঁচজন ভিক্ষু উপসম্পদা প্রদান করিতে পারিবে।”

এই সমস্তই প্রত্যন্ত জনপদ। যথা :—পূর্বদিকে কজঙ্গল^১ নামক নিগম, তাহার পরে বৃহৎ শালবন, তাহার পরবর্তী স্থান প্রত্যন্তজনপদ, অভ্যন্তর ভাগ মধ্যদেশ। পূর্ব দক্ষিণ দিকে সলরবতী^২ নদী, তাহার পর প্রত্যন্তজনপদ, অভ্যন্তর ভাগ মধ্যদেশ। দক্ষিণদিকে শ্বেতকর্ণিক^৩ নামক নিগম, তাহার পর প্রত্যন্তজনপদ, অভ্যন্তর ভাগ মধ্যদেশ। পশ্চিমদিকে থুন^৪ (স্থুন) নামক ব্রাহ্মণগ্রাম, তাহার পর প্রত্যন্তজনপদ, অভ্যন্তরভাগ মধ্যদেশ। উত্তরদিকে উশীরধ্বজ^৫ নামক পর্বত, তাহার পর প্রত্যন্ত জনপদ, অভ্যন্তর ভাগ মধ্যদেশ।

“হে ভিক্ষুগণ! আমি অনুজ্ঞা করিতেছি : এইরূপ প্রত্যন্তজনপদে পাঁচজন বিনয়ধর ভিক্ষু উপসম্পদা প্রদান করিতে পারিবে।”

হে ভিক্ষুগণ! অবন্তী দক্ষিণাপথের ভূমি কৃষ্ণবর্ণ, কর্কশ এবং গরুর খুরাঘাতে কণ্টক সদৃশ; এই হেতু—

“হে ভিক্ষুগণ! আমি অনুজ্ঞা করিতেছি : সমস্ত প্রত্যন্ত জনপদে চারিতলা চর্ম পাদুকা পরিধান করিতে পারিবে।”

হে ভিক্ষুগণ! অবন্তী দক্ষিণাপথে জনসাধারণ স্নানপ্রিয় এবং জল দ্বারা শুদ্ধি লাভ হয় মনে করিয়া থাকে; এই হেতু—

“হে ভিক্ষুগণ! আমি অনুজ্ঞা করিতেছি : সমস্ত প্রত্যন্ত জনপদে নিত্য স্নান করিতে পারিবে।”

হে ভিক্ষুগণ! অবন্তী দক্ষিণাপথে ঘরের মেঝে মেঘচর্ম, অজচর্ম এবং মৃগচর্ম পাতা থাকে। মধ্যম জনপদে যেমন ‘এরগু’, ‘মোরগু’, ‘মজ্জার’ এবং ‘জম্বু’ ঘরের মেঝে পাতা থাকে তেমন অবন্তী দক্ষিণাপথে ঘরের মেঝে মেঘচর্ম, অজচর্ম এবং মৃগচর্ম পাতা থাকে; এই হেতু—

^১ বর্তমান কঁকজোল, জিলা সাঁওতাল পরগণা (বিহার প্রদেশ)।

^২ বর্তমান সিলই নদী, জিলা হাজারীবাগ এবং বীরভূম।

^৩ হাজারীবাগ জিলার স্থান বিশেষ।

^৪ আধুনিক স্থানেশ্বর।

^৫ হরিদ্বারের নিকটবর্তী পর্বত।

“হে ভিক্ষুগণ! আমি অনুজ্ঞা করিতেছি : সমস্ত প্রত্যন্ত জনপদে ঘরের মেঝে পাতা মেঘচর্ম, অজচর্ম এবং মৃগচর্ম ব্যবহার করিতে পারিবে।”

হে ভিক্ষুগণ! জনসাধারণ সীমার বাহিরে প্রস্থিত ভিক্ষুগণের জন্য ‘এই চীবর অমুককে প্রদান করিতেছি’ বলিয়া চীবর প্রেরণ করিয়া থাকে; এই হেতু—

“হে ভিক্ষুগণ! আমি অনুজ্ঞা করিতেছি : (এ চীবর) ব্যবহার করিবে। সেই চীবর যাবৎ হস্তগত না হয় তাবৎ (স্বীয় চীবরের) মধ্যে গণ্য হয় না।”^১

॥ চর্ম-স্কন্ধ সমাপ্ত ॥

^১। ‘আপনি চীবর পাইয়াছেন’ এই বলিয়া যাবৎ আনিয়া না দেয় অথবা প্রেরণ করিয়া সংবাদ না দেয় তাবৎ গণনায় গণ্য হয় না। যখন আনিয়া দেয় অথবা পাইয়াছে বলিয়া শ্রবণ করে সেই হইতে দশদিন পর্য্যন্ত বিনা অধিষ্ঠানে এবং বিনা বেনামায় রাখিতে পারে।—সম-পাসা।

৬—ভৈষজ্য-স্কন্ধ

ভৈষজ্য এবং তাহার প্রস্তুত প্রণালী

[স্থান :—শ্রাবস্তী]

(১) পঞ্চবিধ ভৈষজ্যের বিধান

১—সেই সময়ে বুদ্ধ ভগবান শ্রাবস্তী-সন্নিধানে অবস্থান করিতেছিলেন,—জেতবনে, অনাথপিণ্ডদের আরামে। সেই সময় ভিক্ষুগণ শারদীয় রোগে আক্রান্ত হওয়ায় তাঁহাদের ভুক্ত যবাগু এবং অন্ন বমি হইয়া যাইত। এইজন্য তাঁহারা কৃশ, রক্ষ, দুর্বর্ণ, পাণ্ডুবর্ণ হইয়া গেলেন এবং তাঁহাদের গাত্র ধমনিজালে আচ্ছন্ন হইয়া গেল। ভগবান সেই কৃশ, রক্ষ, দুর্বর্ণ, পাণ্ডুবর্ণ এবং ধমনিজালে আচ্ছন্নগাত্র ভিক্ষুদিগকে দেখিতে পাইলেন। দেখিয়া আয়ুষ্মান আনন্দকে আহ্বান করিলেন :—“হে আনন্দ! এখন ভিক্ষুগণ কেন কৃশ, রক্ষ, দুর্বর্ণ এবং পাণ্ডুবর্ণ হইয়াছে এবং কেনই বা তাহাদের গাত্র ধমনিজালে আচ্ছন্ন হইয়া পড়িয়াছে?”

“প্রভো! এখন ভিক্ষুগণ শারদীয় রোগে স্পৃষ্ট হওয়ায় তাঁহাদের ভুক্ত যবাগু বমি হইয়া যাইতেছে, ভুক্ত অন্ন বমি হইয়া যাইতেছে; এইজন্য তাঁহারা কৃশ, রক্ষ, দুর্বর্ণ এবং পাণ্ডুবর্ণ হইয়া গিয়াছেন এবং তাঁহাদের গাত্র ধমনিজালে আবৃত হইয়া পড়িয়াছে।”

ভগবান নিভূতে ধ্যানাবিষ্ট থাকিবার সময় তাঁহার চিত্তে এইরূপ পরিবর্তক উপস্থিত হইল : ‘এখন শারদীয় রোগে স্পৃষ্ট ভিক্ষুগণের ভুক্ত যবাগুও বমি হইয়া যাইতেছে, ভুক্ত অন্নও বমি হইয়া যাইতেছে, এইজন্য তাহারা কৃশ, রক্ষ, দুর্বর্ণ, পাণ্ডুবর্ণ হইয়া যাইতেছে এবং তাহাদের গাত্র ধমনিজালে আবৃত হইয়া পড়িয়াছে। আমি ভিক্ষুদিগের জন্য এমন কোন ঔষধের ব্যবস্থা করিব যাহা ঔষধও হয়, ঔষধরূপে গণ্যও হয় এবং আহারের কার্য্যও সম্পন্ন করে অথচ স্থূল আহারের মধ্যে পরিগণিত হয় না?’ অতঃপর ভগবানের মনে এই চিন্তা উদিত হইল : ‘এই যে পঞ্চবিধ ভৈষজ্য, যথা : চর্কি, নবনীত, তৈল, মধু এবং খাঁড় (শক্ত গুড়) ভৈষজ্যও বটে, জনসাধারণ তাহা ভৈষজ্যের মধ্যেও গণ্য করে এবং মনুষ্যের আহারের কার্য্যও সম্পন্ন করে অথচ স্থূল আহারের মধ্যে পরিগণিত হয় না। আমি এই পঞ্চবিধ মূল ভৈষজ্য ভিক্ষুগণকে সকালে (পূর্ব্বাহ্ণে) প্রতিগ্রহণ করিয়া সকালে (পূর্ব্বাহ্ণে) পরিভোগ করিবার অনুজ্ঞা প্রদান করিব।’

অনন্তর ভগবান সায়াহ্নে ধ্যান হইতে উঠিয়া এই নিদানে, এই প্রকরণে ধর্মকথা উত্থাপন করিয়া ভিক্ষুগণকে আহ্বান করিলেন :—হে ভিক্ষুগণ! আমি নিভূতে ধ্যানাবিষ্ট থাকিবার সময় আমার চিত্তে এইরূপ পরিবর্তক উপস্থিত হইয়াছে : ‘এখন শারদীয় রোগে আক্রান্ত ভিক্ষুগণের ভুক্ত যবাগু এবং ভুক্ত ann বমি হইয়া যাইতেছে, এইজন্য তাহারা কৃশ, রক্ষ, দুর্বর্ণ, পাণ্ডুবর্ণ হইয়া যাইতেছে এবং তাহাদের গাত্র ধমনিজালে আবৃত হইয়া পড়িয়াছে। আমি তাহাদের জন্য এমন কোন্ ঔষধের ব্যবস্থা করিব যাহা ঔষধও হয়, ঔষধের মধ্যেও গণ্য হয় এবং আহারের কার্য্যও সম্পন্ন করে অথচ স্থূল আহারের মধ্যে পরিগণিত হয় না?’ তখন আমার মনে এই চিন্তা উদিত হইল : ‘এই যে পঞ্চবিধ ভৈষজ্য, যথা : চর্বি, নবনীত, তৈল, মধু এবং খাঁড় ভৈষজ্যও বটে, জনসাধারণ তাহা ভৈষজ্যের মধ্যেও গণ্য করে এবং মনুষ্যের আহারের কার্য্যও সম্পন্ন করে, অথচ স্থূল আহারের মধ্যে পরিগণিত নহে। আমি এই পঞ্চবিধ ভৈষজ্য ভিক্ষুগণকে সকালে প্রতিগ্রহণ করিয়া সকালে পরিভোগ করিবার অনুজ্ঞা দিব।’

“হে ভিক্ষুগণ! আমি অনুজ্ঞা করিতেছি : এই পঞ্চবিধ ভৈষজ্য সকালে প্রতিগ্রহণ করিয়া সকালে পরিভোগ করিবে।”

১—সেই সময় ভিক্ষুগণ সেই পঞ্চ মূল ভৈষজ্য সকালে প্রতিগ্রহণ করিয়া সকালে সেবন করিতে লাগিলেন; কিন্তু যাহা স্বাভাবিক রক্ষ ভোজন তাহাও তাঁহারা পরিপাক করিতে পারিলেন না, স্নিগ্ধ ভোজনের ত কথাই নাই। সেই শারদীয় পীড়ায় আক্রান্ত ভিক্ষুগণ এই অজীর্ণরোগে আরও অধিকতর কৃশ, রক্ষ, দুর্বর্ণ, পাণ্ডুবর্ণ হইয়া পড়িলেন এবং তাঁহাদের গাত্র আরও অধিকতর ধমনিজালে আবৃত হইয়া গেল। ভগবান সেই ভিক্ষুগণকে আরও অধিকতর কৃশ, রক্ষ, দুর্বর্ণ, পাণ্ডুবর্ণ এবং তাঁহাদের গাত্র আরও অধিকতরভাবে ধমনিজালে বেষ্টিত দেখিতে পাইলেন; দেখিয়া আয়ুত্মান আনন্দকে আহ্বান করিলেন :—“আনন্দ! এখন ভিক্ষুগণ কেন অধিকতর কৃশ, রক্ষ, দুর্বর্ণ, পাণ্ডুবর্ণ হইয়া পড়িয়াছে এবং কেনই বা তাহাদের গাত্র আরও অধিকভাবে ধমনিজালে বেষ্টিত হইয়া গিয়াছে?”

“প্রভো! এখন ভিক্ষুগণ সেই পঞ্চবিধ ভৈষজ্য পূর্বাহ্নে প্রতিগ্রহণ করিয়া পূর্বাহ্নে সেবন করিতেছেন। যাহা স্বাভাবিক রক্ষ খাদ্য তাহাও তাঁহাদের পরিপাক হইতেছে না, স্নিগ্ধ খাদ্যের কথা আর কি বলিব। সেই শারদীয় রোগে আক্রান্ত ভিক্ষুগণ এই অজীর্ণরোগে অধিকভাবে কৃশ, রক্ষ, দুর্বর্ণ, পাণ্ডুবর্ণ হইয়া গিয়াছেন এবং তাঁহাদের গাত্র আর অধিকতর ভাবে ধমনিজালে আবৃত হইয়া পড়িয়াছে।”

ভগবান এই নিদানে, এই প্রকরণে ধর্মকথা উত্থাপন করিয়া ভিক্ষুগণকে আহ্বান করিলেন :—

“হে ভিক্ষুগণ! আমি অনুজ্ঞা করিতেছি : সেই পঞ্চবিধ ভৈষজ্য প্রতিগ্রহণ করিয়া সকালে এবং বিকালে সেবন করিবে।”

(২) চৰ্ব্বি সংযুক্ত ভৈষজ্য

সেই সময় পীড়িত ভিক্ষুগণের চৰ্ব্বিমিশ্রিত ভৈষজ্যের প্রয়োজন হইয়াছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : চৰ্ব্বিমিশ্রিত ভৈষজ্য সেবন করিবে।”

ভল্লকের চৰ্ব্বি, মৎস্যের চৰ্ব্বি, শিশুমারের চৰ্ব্বি, শূকরের চৰ্ব্বি, গর্দভের চৰ্ব্বি, সকালে (পূর্বাহ্ণে) প্রতিগ্রহণ করিয়া, সকালে পাক করিয়া এবং সকালে সংমিশ্রিত করিয়া তৈলবৎ সেবন করিবে। ভিক্ষুগণ! যদি বিকালে প্রতিগ্রহণ করিয়া, বিকালে পাক করিয়া এবং বিকালে সংমিশ্রিত করিয়া তাহা সেবন করে তাহা হইলে তিনটি ‘দুষ্কট’ অপরাধ হইবে। ভিক্ষুগণ! যদি সকালে প্রতিগ্রহণ করিয়া, বিকালে পাক করিয়া এবং বিকালে সংমিশ্রিত করিয়া তাহা সেবন করে তাহা হইলে দুইটি ‘দুষ্কট’ অপরাধ হইবে। ভিক্ষুগণ! যদি সকালে প্রতিগ্রহণ করিয়া, সকালে পাক করিয়া এবং বিকালে সংমিশ্রিত করিয়া তাহা সেবন করে তাহা হইলে (একটি) ‘দুষ্কট’ অপরাধ হইবে। ভিক্ষুগণ! যদি সকালে প্রতিগ্রহণ করিয়া সকালে পাক করিয়া এবং সকালে সংমিশ্রিত করিয়া তাহা সেবন করে তাহা হইলে অপরাধ হইবে না।

(৩) মূল-সংযুক্ত ভৈষজ্য

১—সেই সময় রুগ্ন ভিক্ষুগণের মূল (শিকর)-সংমিশ্রিত ভৈষজ্যের প্রয়োজন হইয়াছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : মূল সংমিশ্রিত ভৈষজ্য সেবন করিবে।”

হরিদ্রা, আর্দ্রক, বচ, বচস্থ, অতিবিষ, কটুকরোহিণি, উশীর (বেনারমূল), ভদ্রমুস্তক (নাগর মোথা) এবং খাদ্যে ভোজ্যে ব্যবহৃত হয় না এমন অন্যবিধ যেই সমস্ত মূল আছে তাহা প্রতিগ্রহণ করিয়া আজীবন সঙ্গে রাখিবে এবং প্রয়োজন হইলে সেবন করিবে। বিনা প্রয়োজনে সেবন করিলে ‘দুষ্কট’ অপরাধ হইবে।

২—সেই সময় রুগ্ন ভিক্ষুগণের পিষ্ট মূল ভৈষজ্যের প্রয়োজন হইয়াছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : খল ও নুড়ি ব্যবহার করিবে।”

(৪) কষায়-সংযুক্ত ভৈষজ্য

সেই সময় রুগ্ন ভিক্ষুগণের কষায়-সংমিশ্রিত ভৈষজ্যের প্রয়োজন হইয়াছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : কষায়-সংমিশ্রিত ভৈষজ্য সেবন করিবে।”

নিম্বের কষায়, গিরিমল্লিকার কষায়, পটোলের কষায়, পল্লবের কষায়, নন্তমালের কষায় এবং খাদ্যে ভোজ্যে ব্যবহৃত হয় না এমন অন্য যেই সব কষায় আছে তাহা প্রতিগ্রহণ করিয়া আজীবন সঙ্গে রাখিবে এবং প্রয়োজন হইলে সেবন করিবে; বিনা প্রয়োজনে সেবন করিলে ‘দুষ্কট’ অপরাধ হইবে।

(৫) পত্র-ভৈষজ্য

সেই সময়ে রুগ্ন ভিক্ষুগণের পত্র-ভৈষজ্যের প্রয়োজন হইয়াছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : পত্র-ভৈষজ্য সেবন করিবে।”

নিম্বপত্র, গিরিমল্লিকাপত্র, পটোলপত্র, তুলসীপত্র, কার্পাসপত্র এবং যাহা খাদ্যে ভোজ্যে ব্যবহৃত হয় না এমন অন্যান্য পত্র প্রতিগ্রহণ করিয়া আজীবন সঙ্গে রাখিবে এবং যদি প্রয়োজন হয় তাহা হইলে সেবন করিবে। বিনা প্রয়োজনে সেবন করিলে ‘দুষ্কট’ অপরাধ হইবে।

(৬) ফল-ভৈষজ্য

সেই সময়ে রুগ্ন ভিক্ষুগণের ফল-ভৈষজ্যের প্রয়োজন হইয়াছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : ফল-ভৈষজ্য সেবন করিবে।”

বিড়ঙ্গ, পিপ্পল, মরিচ, হরীতকী, বহেড়া, আমলকী, গোষ্ঠফল এবং অন্যান্য যেই সব ফল-ভৈষজ্য খাদ্যে ভোজ্যে ব্যবহৃত হয় না এমন ফল প্রতিগ্রহণ করিয়া আজীবন সঙ্গে রাখিবে এবং প্রয়োজন হইলে সেবন করিবে। বিনা প্রয়োজনে সেবন করিলে ‘দুষ্কট’ অপরাধ হইবে।

(৭) জতু-ভৈষজ্য

সেই সময়ে রুগ্ন ভিক্ষুগণের জতু (লাক্ষা) ভৈষজ্যের প্রয়োজন হইয়াছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : জতুসংশ্লিষ্ট ভৈষজ্য সেবন করিবে।”

হিঙ্গু, হিঙ্গুজতু, হিঙ্গুসিপাটিক, তক, তকপত্তি, তকপর্ণী, সর্জরস এবং যাহা খাদ্যে ভোজ্যে ব্যবহৃত হয় না এমন অন্যান্য জতু প্রতিগ্রহণ করিয়া আজীবন সঙ্গে রাখিবে এবং প্রয়োজন হইলে সেবন করিবে। কিন্তু বিনা প্রয়োজনে সেবন করিলে ‘দুষ্কট’ অপরাধ হইবে।

(৮) লবণের ভৈষজ্য

সেই সময়ে রুগ্ন ভিক্ষুগণের লবণ-সংমিশ্রিত ভৈষজ্যের প্রয়োজন হইয়াছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : লবণ-সংমিশ্রিত ভৈষজ্য সেবন করিবে।”

সামুদ্রিকলবণ, কাললবণ, সৈন্ধবলবণ, বানস্পতিকলবণ, বিটলবণ এবং খাদ্যে ভোজ্যে ব্যবহৃত হয় না এমন অন্য যত লবণ আছে তাহা প্রতিগ্রহণ করিয়া আজীবন সঙ্গে রাখিবে এবং প্রয়োজন হইলে সেবন করিবে; কিন্তু বিনা প্রয়োজনে সেবন করিলে ‘দুষ্কট’ অপরাধ হইবে।

(৯) চূর্ণসংমিশ্রিত ভৈষজ্য, উদুখল, মুষল এবং চালনী

১—সেই সময় আয়ুত্মান আনন্দের উপাধ্যায় আয়ুত্মান বরিষ্ঠশীর্ষের^১ খোস হইয়াছিল। খোস হইত নিঃসৃত ক্লেদে তাঁহার দেহে চীবর লাগিয়া থাকিত। ভিক্ষুগণ তাহা জলের দ্বারা বারম্বার সিক্ত করিয়া অপসারিত করিতেন। ভগবান শয়নাসন দেখিবার নিমিত্ত বিচরণ করিবার সময় সেই ভিক্ষুগণকে উক্ত চীবর বারম্বার জলে সিক্ত করিয়া অপসারণ করিতে দেখিতে পাইলেন। দেখিয়া সেই ভিক্ষুগণের নিকট উপস্থিত হইলেন; উপস্থিত হইয়া ভিক্ষুগণকে কহিলেন :—“হে ভিক্ষুগণ! এই ভিক্ষুর কোন্ রোগ হইয়াছে?”

“প্রভো! এই আয়ুত্মানের নিকট স্থূলকক্ষ (খোস) রোগ হইয়াছে। খোসের ক্লেদে তাঁহার দেহে চীবর লাগিয়া যাইতেছে, আমরা তাহা জলে সিক্ত করিয়া অপসারিত করিতেছি।”

অনন্তর ভগবান এই নিদানে, এই প্রকরণে ধর্মকথা উত্থাপন করিয়া ভিক্ষুগণকে আহ্বান করিলেন :—

“হে ভিক্ষুগণ! আমি অনুজ্ঞা করিতেছি : যাহার নিকট কণ্ডু (চুলকানি), স্ফোটক, আস্রাব (ক্ষরণশীল স্ফোটক) কিংবা খোসরোগ অথবা যাহার দেহে দুর্গন্ধ আছে সে চূর্ণ ভৈষজ্য ব্যবহার করিবে এবং যাহার নিকট কোন রোগ নাই সে গোময়, মৃত্তিকা এবং ‘রজন নিপক্ক’ (পাক করা রঙের চূর্ণ) ব্যবহার করিবে।

“হে ভিক্ষুগণ! আমি অনুজ্ঞা করিতেছি : উদুখল এবং মুষল ব্যবহার করিবে।”

২—সেই সময় রুগ্ন ভিক্ষুগণের ঔষধের চূর্ণ চালিবার জন্য চালনীর প্রয়োজন হইয়াছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : চূর্ণচালনী ব্যবহার করিবে।”

^১। বেলটর্চসীস।

সূক্ষ্ম চালনীর প্রয়োজন হইল। ভিক্ষুগণ ভগবানকে এই বিষয় জানাইলেন। ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : দূষ্যচালনী^১ ব্যবহার করিবে।”

(১০) সদ্যঃ মাংস ও রক্তের ভৈষজ্য

সেই সময় জনৈক ভিক্ষুর অমনুষ্য (ভূতে পাওয়া) রোগ ছিল। আচার্য্য উপাধ্যায়গণ পরিচর্যা করিয়াও তাঁহাকে রোগমুক্ত করিতে পারিলেন না। তিনি শূকরহত্যা করিবার স্থানে যাইয়া কাঁচামাংস ভক্ষণ করিলেন এবং টাটকারক্ত পান করিলেন। ইহাতে তাঁহার অমনুষ্য ব্যাধির উপশম হইল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : অমনুষ্য ব্যাধিতে কাঁচামাংস এবং টাটকারক্ত পান করিবে।”

(১১) অঞ্জন, অঞ্জনদানি শলাকা ইত্যাদি

১—সেই সময় জনৈক ভিক্ষুর চক্ষু-রোগ ছিল। ভিক্ষুগণ তাঁহাকে ধরাধরি করিয়া বাহ্য প্রস্রাব করাইবার জন্য লইয়া যাইতেন। ভগবান শয়নাসন পরিদর্শনার্থ বিচরণ করিবার সময় সেই ভিক্ষুগণকে রুগ্ন ভিক্ষুকে বাহ্য প্রস্রাব করাইবার নিমিত্ত ধরাধরি করিয়া বাহিরে লইয়া যাইতে দেখিতে পাইলেন; দেখিয়া সেই ভিক্ষুগণের নিকট উপস্থিত হইলেন; উপস্থিত হইয়া ভিক্ষুগণকে কহিলেন :—“হে ভিক্ষুগণ! এই ভিক্ষুর কোন্ রোগ হইয়াছে?” “প্রভো! এই আয়ুজ্ঞানের নিকট চক্ষুরোগ হইয়াছে, আমরা তাঁহাকে ধরাধরি করিয়া বাহ্য প্রস্রাব করাইবার জন্য লইয়া যাইতেছি।” ভগবান এই নিদানে, এই প্রকরণে ধর্মকথা উত্থাপন করিয়া ভিক্ষুগণকে আহ্বান করিলেন :—

“হে ভিক্ষুগণ! আমি অনুজ্ঞা করিতেছি : অঞ্জন, কৃষ্ণাঞ্জন, রসাজ্ঞন, স্রোতাঞ্জন (নদী স্রোতে প্রাপ্ত অঞ্জন), গেরিমাটি এবং ‘কপল্ল’ (কজ্জুল, প্রদীপ শিখা হইতে গৃহীত মসী) ব্যবহার করিবে।”

২—অঞ্জনের সঙ্গে পিষিবার দ্রব্যের প্রয়োজন হইল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : চন্দন, তগর, কালানুসারি, তালিশ এবং ভদ্রমুস্তক (নাগরমোখা) ব্যবহার করিবে।”

^১। দুস্ চালনী (কাপড়ের চালনী)।

৩—সেই সময় ভিক্ষুগণ পিষ্ট অঞ্জন থালায় এবং বাটিতে রাখিয়া দিতেন, তাহাতে তৃণচূর্ণ এবং ধূলা আদি নিপতিত হইত। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : অঞ্জনদানি (অঞ্জনাদার) ব্যবহার করিবে।”

৪—সেই সময় ষড়বর্গীয় ভিক্ষু স্বর্ণের ও রৌপ্যের অঞ্জনদানি ব্যবহার করিতেছিল। (তদর্শনে) জনসাধারণ আন্দোলন, নিন্দা এবং প্রকাশ্যে দুর্নাম প্রচার করিতে লাগিল : “শাক্যপুত্রীয় শ্রমণগণ যেন কামসেবী গৃহী!” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! বহুমূল্যের অঞ্জনদানি ব্যবহার করিতে পারিবে না; যে ব্যবহার করিবে তাঁহার ‘দুষ্কট’ অপরাধ হইবে।

“হে ভিক্ষুগণ! আমি অনুজ্ঞা করিতেছি : অস্থি, দন্ত, শৃঙ্গ, নল, বংশ, কাষ্ঠ, জতু, ফল, লৌহ এবং শঙ্খ দ্বারা প্রস্তুত অঞ্জনদানি ব্যবহার করিবে।”

৫—সেই সময় অঞ্জনদানি অনাবৃত থাকিত; এইহেতু তাহাতে তৃণ-চূর্ণ এবং ধূলা আদি নিপতিত হইত। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : ঢাকনি দ্বারা আবৃত করিবে।”

৬—ঢাকনি পড়িয়া যাইতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : (ঢাকনি) সূত্রদ্বারা অঞ্জনদানির সঙ্গে বাঁধিয়া রাখিবে।”

৭—অঞ্জনদানি ফাটিয়া যাইতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : (অঞ্জনদানি) সূত্রদ্বারা সেলাই করিবে (মুড়িয়া রাখিবে?)।”

৮—সেই সময় ভিক্ষুগণ অঙ্গুলিদ্বারা চক্ষু অঞ্জন দিতেছিলেন, তাহাতে চক্ষু বেদনা করিত। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : অঞ্জন-শলাকা ব্যবহার করিবে।”

৯—সেই সময় ষড়বর্গীয় ভিক্ষু স্বর্ণ-রৌপ্যময় অঞ্জনশলাকা ব্যবহার করিতেছিল। (তদর্শনে) জনসাধারণ আন্দোলন, নিন্দা এবং প্রকাশ্যে দুর্নাম প্রচার করিতে লাগিল :—“শাক্যপুত্রীয় শ্রমণগণ যেন কামসেবী গৃহী!” ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! মূল্যবান অঞ্জনশলাকা ব্যবহার করিতে পারিবে না; যে করিবে তাহার ‘দুষ্কট’ অপরাধ হইবে।”

“হে ভিক্ষুগণ! আমি অনুজ্ঞা করিতেছি : অস্থি, দন্ত, শৃঙ্গ, নল, বংশ, কাষ্ঠ, জতু, ফল, লৌহ এবং শঙ্খ দ্বারা প্রস্তুত অঞ্জনশলাকা ব্যবহার করিবে।

১০—সেই সময় অঞ্জনশলাকা ভূমিতে পড়িয়া যাইতেছিল; তাহাতে কর্কশ (অমসৃণ) হইয়া গেল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : শলাকাদানি (ছিদ্রযুক্ত দণ্ড বা থলিয়া) ব্যবহার করিবে।”

১১—সেই সময় ভিক্ষুগণ অঞ্জনদানি এবং অঞ্জনশলাকা হস্তে করিয়া লইয়া যাইতেন। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : অঞ্জনদানি রাখিবার স্থলী ব্যবহার করিবে।”

১২—‘অংসবন্ধন’ (স্কন্ধাবরণ) ছিল না। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : ‘অংসবন্ধন’ এবং বন্ধন-সূত্র ব্যবহার করিবে।”

(১২) মস্তকের তৈল

১—সেই সময় আয়ুস্মান পিলিন্দবৎসের শিররোগ ছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : শির-তৈল ব্যবহার করিবে।”

(১৩) নস্য এবং নস্যকরণী

১—তৈল ব্যবহারে আরোগ্য হইল না। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : নস্য ব্যবহার করিবে।”

২—নস্য গলিয়া পড়িতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : নস্যকরণী (নাসিকায় নস্য নিক্ষেপ করিবার নল) ব্যবহার করিবে।”

৩—সেই সময় ষড়বর্গীয় ভিক্ষু মূল্যবান স্বর্ণরৌপ্যময় নস্যকরণী ব্যবহার করিতে লাগিল। (তদর্শনে) জনসাধারণ আন্দোলন, নিন্দা এবং প্রকাশ্যে দুর্নাম প্রচার

করিতে লাগিল :—“শাক্যপুত্রীয় শ্রমণগণ যেন কামসেবী গৃহী!” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! মূল্যবান নস্যকরণী ব্যবহার করিতে পারিবে না; যে ব্যবহার করিবে তাহার ‘দুষ্কট’ অপরাধ হইবে।”

“হে ভিক্ষুগণ! আমি অনুজ্ঞা করিতেছি : অস্থি, দন্ত, শৃঙ্গ, বংশ, নল (খাকরা), কাষ্ঠ, জতু, ফল, লৌহ এবং শঙ্খে প্রস্তুত নস্যকরণী ব্যবহার করিবে।”

৪—নস্য সমভাবে পড়িত না। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : দুইটি নস্যকরণী ব্যবহার করিবে।”

(১৪) ধূমনেত্র

১—নস্য দ্বারাও আরোগ্য হইল না। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : (ঔষধের) ধূমপান করিবে।”

২—তাহাই পাত্রে লেপন করিয়া ধূমপান করিতে লাগিলেন। এরূপ করায় কাষ্ঠ জ্বালা করিতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : ধূমনেত্র (পাইপ) ব্যবহার করিবে।”

৩—সেই সময় ষড়বর্গীয় ভিক্ষু মূল্যবান স্বর্ণ-রৌপ্যময় ধূমনেত্র (পাইপ) ব্যবহার করিতে লাগিল। (তদর্শনে) জনসাধারণ আন্দোলন, নিন্দা এবং প্রকাশ্যে দুর্নাম প্রচার করিতে লাগিল :—“শাক্যপুত্রীয় শ্রমণগণ যেন কামসেবী গৃহী!” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! মূল্যবান ধূমনেত্র ব্যবহার করিতে পারিবে না; যে ব্যবহার করিবে তাহার ‘দুষ্কট’ অপরাধ হইবে।”

“হে ভিক্ষুগণ! আমি অনুজ্ঞা করিতেছি : অস্থি, দন্ত, শৃঙ্গ, বংশ, নল, কাষ্ঠ, জতু, ফল, লৌহ এবং শঙ্খে প্রস্তুত ধূমনেত্র ব্যবহার করিবে।”

৪—সেই সময় ধূমনেত্র অনাবৃত থাকায় তাহাতে কীট প্রবেশ করিত। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : (ধূমনেত্র) ঢাকনার দ্বারা আবৃত করিবে।”

৫—সেই সময় ভিক্ষুগণ ধূমনেত্র হস্তে করিয়া লইয়া যাইতেন। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : ধূমনেত্রের স্থলী ব্যবহার করিবে।”

৬—(ধূমনেত্র) একপার্শ্বে ঘর্ষিত হইতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : দোহারা স্থলী ব্যবহার করিবে।”

৭—‘অংসবন্ধন’ ছিল না। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : ‘অংসবন্ধন’ এবং বন্ধনসূত্র ব্যবহার করিবে।”

(১৫) বাতের তৈল

সেই সময় আয়ুজ্জান পিলিন্দবৎসের নিকট বাতরোগ ছিল, বৈদ্য তৈল পাক করিতে বলিলেন। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : তৈল পাক করিবে।”

(১৬) তৈলে মদ্য সংমিশ্রণ করা

১—সেই তৈলে মদ্য সংমিশ্রণের প্রয়োজন হইল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : তৈল পাক করিবার সময় তৈলে মদ্য প্রক্ষেপ করিতে পারিবে।”

২—সেই সময় ষড়্‌বর্গীয় ভিক্ষু অধিক পরিমাণ মদ্য প্রক্ষেপ করিয়া তৈল পাক করিতেছিল এবং তাহা পান করিয়া মত্ত হইতেছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! অধিক মদ্যসংযুক্ত তৈল পান করিতে পারিবে না; যে পান করিবে তাহার তাহার ধর্ম্মানুসারে প্রতিকার করিতে হইবে।”

“হে ভিক্ষুগণ! আমি অনুজ্ঞা করিতেছি : যেই পাকতৈলে মদ্যের বর্ণ, গন্ধ অথবা স্বাদ অনুভূত হয় না সেইরূপ মদ্যসংযুক্ত তৈল পান করিতে পারিবে।”

৩—সেই সময় ভিক্ষুগণের নিকটে অধিক পরিমাণ মদ্যসংযোগে পাক করা অনেক তৈল সঞ্চিত ছিল। তখন ভিক্ষুগণের মনে এই চিন্তা উদিত হইল : ‘অধিক পরিমাণ মদ্য সংযোগে পাক করা এই তৈল আমরা কি করিব?’ ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : সেই তৈল দেহে মালিশ করিবে।”

(১৭) তৈলপাত্র

সেই সময় আয়ুত্মান পিলিন্দবৎসের নিকট বহু পকু তৈল সঞ্চিওত ছিল; কিন্তু তৈল রাখিবার কোন পাত্র ছিল না। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : ত্রিবিধ তুম্ব (আধার) ব্যবহার করিবে।
যথা :—লৌহতুম্ব, কাষ্ঠতুম্ব এবং ফলতুম্ব।”

শ্বেদ মোচন এবং শস্ত্র চিকিৎসা

(১) শ্বেদ মোচন

১—সেই সময় আয়ুত্মান পিলিন্দবৎসের নিকট অঙ্গবাত রোগ ছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : শ্বেদ নিঃসারণ করিবে।”

২—তাহাতে আরোগ্য হইল না। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : ‘সম্ভারশ্বেদ’ (ঘর্মনিঃসারক নানাবিধ বৃক্ষপত্র পাতিয়া তন্মধ্যে শয়ন) করিবে।

৩—তথাপি আরোগ্য হইল না। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : ‘মহাশ্বেদের’^১ দ্বারা শ্বেদ নিঃসারণ করিবে।”

৪—তথাপি আরোগ্য হইল না। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : ‘ভঙ্গোদক’^২ দ্বারা শ্বেদ নিঃসারণ করিবে।

৫—তথাপি আরোগ্য হইল না। ভিক্ষুগণ ভগবানকে এই বিষয় জানাইলেন।

^১। এক পুরুষপ্রমাণ গর্ত খনন করিয়া, তাহা তপ্তঅঙ্গারপূর্ণ করিয়া বালি ও মাটির দ্বারা চাপা দিতে হইবে এবং তদুপরি বাতহর নানারকমের বৃক্ষপত্র বিস্তৃত করিয়া, দেহে তৈল মালিশ করিয়া, উহার উপরে শুইয়া, বারম্বার পার্শ্ব পরিবর্তন করিয়া ঘর্ম বাহির করা।—সম-পাসা।

^২। বিবিধ বাতহর বৃক্ষপত্রসিদ্ধ জল। দেহে পত্র ও জল নিক্ষেপ করিয়া শ্বেদ বাহির করা।—সম-পাসা।

(ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : ‘উদক-কোষ্ঠক’^১ দ্বারা শ্বেদ মোচন করিবে।”

(২) শিঙ্গার সাহায্যে রক্ত মোচন

১—সেই সময় আয়ুত্মান পিলিন্দবৎসের নিকট গাঁটরীবাত (পর্ববাত) রোগ ছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : রক্ত মোচন করিবে।”

২—তথাপি আরোগ্য হইল না। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : শিঙ্গার সাহায্যে রক্ত মোচন করিবে।”

(৩) পদে মালিশের তৈল এবং ভৈষজ্য

১—সেই সময় আয়ুত্মান পিলিন্দবৎসের পদতল ফাটিয়াছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : পদে তৈল মালিশ করিবে।”

২—তথাপি আরোগ্য হইল না। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : পায়ের জন্য ঔষধ প্রস্তুত করিবে।”

(৪) শস্ত্র-চিকিৎসা

সেই সময় জনৈক ভিক্ষুর নিকট গণ্ডরোগ (স্ফোটক) হইয়াছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : শস্ত্রচিকিৎসা (অস্ত্রোপচার) করিবে।”

(৫) মলমের প্রলেপ

১—কষায় জলের প্রয়োজন হইল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : কষায় জল ব্যবহার করিবে।”

২—তিলকঙ্কের (তিলের খইল) প্রয়োজন হইল। ভিক্ষুগণ ভগবানকে এই বিষয়

^১। গরম জল একটি কামড়ায় রাখিয়া, সেই স্থানে দ্বার রুদ্ধ করিয়া বসিয়া শ্বেদ বাহির করা।—সমা-পাসা।

জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : তিলকঙ্ক (তিলের খইল) ব্যবহার করিবে।

৩—কবড়িকার (তুলারপটির) প্রয়োজন হইল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : কবড়িকা (তুলারপটি) ব্যবহার করিবে।”

৪—ব্রণ আচ্ছাদন করিবার পটি প্রয়োজন হইল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : ব্রণ আচ্ছাদনের পটি ব্যবহার করিবে।”

৫—ব্রণ কণ্ঠয়ন করিতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : সর্ষপের খোসার দ্বারা সেকা দিবে।”

৬—ব্রণ ক্লেদাক্ত হইল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : ধূম প্রদান করিবে।”

৭—ব্রণের মাংস উপর দিকে বাড়িতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : লবণের কাঁকর দ্বারা ছেদন করিবে।”

৮—ব্রণের ক্ষত জনিত গর্ভ পূর্ণ হইল না। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : ব্রণে তৈল প্রদান করিবে।”

৯—তৈল পড়িয়া যাইতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : ন্যাকড়ার পটি ব্যবহার করিবে এবং ব্রণের সকল প্রকার চিকিৎসা করিবে।”

(৬) সর্প-চিকিৎসা

১—সেই সময় জনৈক ভিক্ষুকে সর্প দংশন করিয়াছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : বাহ্য, প্রস্রাব, ভস্ম এবং মৃত্তিকা এই

চতুর্বিধ উৎকট দ্রব্য সেবন করাইবে।”

২—ভিক্ষুগণের মনে এই চিন্তা উদিত হইল : “(এই সব দ্রব্য) স্বয়ং গ্রহণ করিতে হইবে, না অন্য দ্বারা গ্রহণ করিতে হইবে?” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : ‘কপ্লিয়কারক’^১ থাকিলে প্রতিগ্রহণ করাইয়া এবং না থাকিলে স্বয়ং গ্রহণ করিয়া সেবন করিবে।”

(৭) বিষ—চিকিৎসা

১—সেই সময় জনৈক ভিক্ষু বিষ পান করিয়াছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : মল ভক্ষণ করাইবে।”

২—ভিক্ষুগণের মনে এই চিন্তা উদিত হইল : “অন্য দ্বারা প্রতিগ্রহণ করাইয়া ভক্ষণ করিতে হইবে, না স্বয়ং গ্রহণ করিয়া ভক্ষণ করিতে হইবে?” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : যেরূপ করিলে প্রতিগৃহীত হয় তাহাই করিবে। কার্য্যশেষে পুনরায় প্রতিগ্রহণ করিতে পারিবে না।”

(৮) ঘরদিন্নক রোগ-চিকিৎসা

সেই সময় জনৈক ভিক্ষুর ঘর-দিন্নক^২ রোগ হইয়াছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : ‘সীতার মাটি’^৩ জলে সংমিশ্রিত করিয়া পান করাইবে।”

(৯) দুষ্টগ্রহ-চিকিৎসা

সেই সময় জনৈক ভিক্ষুকে দুষ্টগ্রহ আক্রমণ করিয়াছিল। পাণ্ডরোগ হইয়াছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

১। যে ভিক্ষুর সঙ্গে থাকিয়া কার্য্যাদি করে তাহাকে ‘কপ্লিয়কারক’ বা ভিক্ষু-সেবক বলা হয়। বৌদ্ধপ্রধান দেশে প্রত্যেক বিহারে বালকগণ থাকিয়া ভিক্ষুর সেবা করে এবং অবৈতনিক প্রাথমিক শিক্ষা লাভ করে।

২। বশীকরণ মন্ত্র কৃত পানীয় পানে উৎপন্ন রোগ।

৩। লাঙ্গলের ফালে লগ্ন মৃত্তিকা।

“হে ভিক্ষুগণ! আমি অনুজ্ঞা করিতেছি : ‘আমিষক্ষার’ জল পান করাইবে।”

(১০) পাণ্ডুরোগ-চিকিৎসা

সেই সময় জনৈক ভিক্ষুর পাণ্ডুরোগ হইয়াছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : গোমূত্রে হরীতকী ভিজাইয়া রাখিয়া পান করাইবে।”

(১১) বিরেচকাদি পান

১—সেই সময় জনৈক ভিক্ষুর চর্মরোগ হইয়াছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : গন্ধকের প্রলেপ প্রদান করিবে।”

২—সেই সময় জনৈক ভিক্ষুর শরীর দোষগ্রস্থ হইয়াছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : বিরেচক পান করিবে।”

৩—পরিস্রুত (চোয়ানো) কাঁজির (সজল ভাত হইতে প্রস্তুত সিকা) প্রয়োজন হইল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : পরিস্রুত কাঁজি সেবন করিবে।”

৪—‘অকটযুষের’ (স্বাভাবিক যুষের) প্রয়োজন হইল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : ‘অকট যুষ’ সেবন করিবে।”

৫—‘কটাকট’ (স্বাভাবিক, অস্বাভাবিক উভয়বিধ) যুষের প্রয়োজন হইল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : ‘কটাকট’ যুষ সেবন করিবে।”

৬—প্রতিচ্ছাদনীয়ের (মাংসের যুষের) প্রয়োজন হইল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : মাংসের যুষ সেবন করিবে।”

আরামে দ্রব্যাদি রাখা

(১) পিলিন্দবৎস কর্তৃক রাজগৃহে গুহা প্রস্তুত করা

১। শুষ্ক ভাত দধি করিয়া, চূর্ণ করিয়া, জলে মিশ্রিত করিয়া পান করা।—সম-পাসা।

সেই সময় আয়ুত্মান পিলিন্দবৎস রাজগৃহে গুহা প্রস্তুত করাইবার জন্য পাহার (পব্ভারং) পরিষ্কার করাইতেছিলেন। মগধরাজ শ্রেণিক বিম্বিসার পিলিন্দবৎসের নিকট উপস্থিত হইলেন; উপস্থিত হইয়া আয়ুত্মান পিলিন্দবৎসকে অভিবাদন করিয়া একান্তে উপবেশন করিলেন। একান্তে উপবিষ্ট হইয়া মগধরাজ শ্রেণিক বিম্বিসার আয়ুত্মান পিলিন্দবৎসকে কহিলেন : “প্রভো! স্থবির কি প্রস্তুত করাইতেছেন?” “মহারাজ! গুহা প্রস্তুত করিবার জন্য পাহার পরিষ্কার করিতেছি।” “প্রভো! আর্যের কি আরামিকের (কর্মকারকের) প্রয়োজন আছে?” “মহারাজ! ভগবান আরামিক রাখিবার ব্যবস্থা প্রদান করেন নাই।” “প্রভো! তাহা হইলে ভগবানের নিকট জিজ্ঞাসা করিয়া আমাকে কহিবেন।” তাহাই করিব, মহারাজ” এইরূপ বলিয়া আয়ুত্মান পিলিন্দবৎস মগধরাজ শ্রেণিক বিম্বিসারকে প্রত্যুত্তরে সম্মতি প্রদান করিলেন।

আয়ুত্মান পিলিন্দবৎস মগধরাজ শ্রেণিক বিম্বিসারকে ধর্মকথায় প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট করিলেন। মগধরাজ শ্রেণিক বিম্বিসার আয়ুত্মান পিলিন্দবৎস কর্তৃক ধর্মকথায় প্রবুদ্ধ, সন্দীপ্ত, সমুত্তেজিত এবং সম্প্রহৃষিত হইয়া, আসন হইতে উঠিয়া, আয়ুত্মান পিলিন্দবৎসকে অভিবাদন করিয়া এবং তাঁহার পুরোভাগে দক্ষিণপার্শ্ব রাখিয়া প্রস্থান করিলেন। অনন্তর আয়ুত্মান পিলিন্দবৎস ভগবানের নিকট এইরূপ সংবাদ প্রেরণ করিলেন : “প্রভো! মগধরাজ শ্রেণিক বিম্বিসার আরামিক প্রদানের সঙ্কল্প প্রকাশ করিতেছেন, অতএব এখন আমায় কি করিতে হইবে?”

(২) আরামে কর্মকারক রাখা

ভগবান এই নিদানে, এই প্রকরণে ধর্মকথা উত্থাপন করিয়া ভিক্ষুগণকে আহ্বান করিলেন :—“হে ভিক্ষুগণ! আমি অনুজ্ঞা করিতেছি : আরামিক (কর্মকারক) রাখিবে।”

আর একদিন মগধরাজ শ্রেণিক বিম্বিসার পিলিন্দবৎসের নিকট উপস্থিত হইলেন; উপস্থিত হইয়া আয়ুত্মান পিলিন্দবৎসকে অভিবাদন করিয়া একান্তে উপবেশন করিলেন। একান্তে উপবেশন করিয়া মগধরাজ শ্রেণিক বিম্বিসার আয়ুত্মান পিলিন্দবৎসকে কহিলেন :—“প্রভো! ভগবান কি আরামিকের ব্যবস্থা দান করিয়াছেন?” “হাঁ, মহারাজ!” প্রভো! তাহা হইলে আমি আর্যকে আরামিক প্রদান করিব।”

মগধরাজ শ্রেণিক বিম্বিসার আয়ুত্মান পিলিন্দবৎসকে আরামিক দানের প্রতিশ্রুতির কথা বিস্মৃত হইয়া গেলেন এবং দীর্ঘদিন পরে অকস্মাৎ স্মরণ হওয়ায়

জনৈক প্রধান অমাত্যকে আহ্বান করিয়া কহিলেন :—“ভণে! আমি আৰ্য্যকে আরামিক দানের প্রতিশ্রুত ছিলাম, তাহা দেওয়া হইয়াছে কি?” “দেব! আৰ্য্যকে আরামিক দেওয়া হয় নাই।” “ভণে! এখন কত রাত্রি অতিবাহিত হইয়াছে?”

অনন্তর সেই প্রধান অমাত্য রাত্রি গণনা করিয়া মগধরাজ শ্রেণিক বিম্বিসারকে কহিলেন :—“দেব! পঞ্চশত রাত্রি অতিবাহিত হইয়াছে।” “ভণে! তাহা হইলে আৰ্য্যকে পঞ্চশত আরামিক প্রদান করুন।” “তথাস্তু” বলিয়া সেই মহামাত্য মগধরাজ শ্রেণিক বিম্বিসারকে সম্মতি জানাইয়া আয়ুজ্ঞান পিলিন্দবৎসকে পঞ্চশত আরামিক প্রদান করিলেন। তাহার (আরামিকগণ) একস্থানে পৃথকভাবে বসতি স্থাপন করিল। তাহা কালক্রমে ‘আরামিকগ্রাম’ এবং ‘পিলিন্দবৎসগ্রাম’ উভয় নামে অভিহিত হইল।

(৩) পিলিন্দবৎসের ঋদ্ধিশক্তি

সেই সময়ে আয়ুজ্ঞান পিলিন্দবৎস সেই গ্রামের ‘কুলুপগ’ (কুলগুরু) ছিলেন। একদিন আয়ুজ্ঞান পিলিন্দবৎস পূর্বাহ্ন সময় বহির্গমনোপযোগী বাস পরিধান করিয়া, পাত্রচীবর লইয়া পিলিন্দবৎস গ্রামে ভিক্ষান্ন সংগ্রহে প্রবেশ করিলেন। সেই সময় সেই গ্রামে উৎসব হইতেছিল। বালকগণ অলঙ্কার এবং মালা পরিধান করিয়া ক্রীড়া করিতেছিল। আয়ুজ্ঞান পিলিন্দবৎস পিলিন্দবৎস গ্রামে গৃহ হইতে গৃহান্তরে ক্রমান্বয়ে ভিক্ষান্ন সংগ্রহ করিতে করিতে জনৈক আরামিকের গৃহে উপস্থিত হইলেন; উপস্থিত হইয়া নির্দিষ্ট আসনে উপবেশন করিলেন। সেই সময় সেই আরামিক পত্নীর কন্যা অন্য বালকদিগকে অলঙ্কার এবং মালা দ্বারা সুশোভিত দেখিয়া ‘আমাকে মালা দাও, আমাকে অলঙ্কার দাও’, এই বলিয়া রোদন করিতেছিল। আয়ুজ্ঞান পিলিন্দবৎস সেই আরামিক পত্নীকে কহিলেন :—“এই বালিকা রোতন করিতেছে কেন?” “প্রভো! এই বালিকা অন্য বালিকাদিগকে অলঙ্কার এবং মালা পরিহিত দেখিয়া ‘আমাকে মালা দাও, আমাকে মালা দাও’ বলিয়া রোদন করিতেছে; কিন্তু প্রভো! আমাদের ন্যায় দুর্গতলোক মালা এবং অলঙ্কার কোথাই পাইবে?” তখন আয়ুজ্ঞান পিলিন্দবৎস একখানা তৃণের পঁইছা লইয়া সেই আরামিক পত্নীকে কহিলেন : “ওহে! এই তৃণের পঁইছাখানা সেই বালিকার মস্তকে স্থাপন কর।” আরামিক পত্নী সেই তৃণের পঁইছাখানা বালিকার মস্তকে স্থাপন করিল। তখন তাহা অভিরূপ, মনোজ্ঞ, শ্রীতি উৎপাদক স্বর্ণমালায় পরিণত হইল। তাদৃশ স্বর্ণমালা রাজার অন্তঃপুরেও ছিল না। (তদর্শনে) জনসাধারণ মগধরাজ শ্রেণিক বিম্বিসারকে কহিল :—“দেব! অমুক আরামিকের গৃহে যেইরূপ অভিরূপ মনোজ্ঞ প্রসন্নতাদায়ক স্বর্ণমালা দেখা যাইতেছে, তাদৃশী স্বর্ণমালা মহারাজের অন্তঃপুরেও নাই। সেই দুর্গত

^১। পুরাকালে কনিষ্ঠকে এইরূপ সম্বোধন করা হইত।

এরূপ স্বর্ণমালা কোথাই পাইবে, নিশ্চয়ই চুরি করিয়া সংগ্রহ করিয়াছে।”

মগধরাজ শ্রেণিক বিম্বিসার সেই আরামিকের গৃহের সকলকে খেঁজার করাইলেন। অন্য একদিন আয়ুত্মান পিলিন্দবৎস পূর্বাহ্ন সময় বহির্গমনোপযোগী বাস পরিধান করিয়া, পাত্রচীবর লইয়া পিলিন্দবৎস গ্রামে ভিক্ষান্ন সংগ্রহে প্রবেশ করিলেন। পিলিন্দবৎস গ্রামে ক্রমান্বয়ে ভিক্ষান্ন সংগ্রহ করিতে করিতে সেই আরামিকের গৃহে উপস্থিত হইলেন; উপস্থিত হইয়া প্রতিবেশিগণকে জিজ্ঞাসা করিলেন : “এই আরামিক গৃহের লোকজন কোথায় গিয়াছে?” “প্রভো! সেই স্বর্ণমালার জন্য রাজা তাহাদিগকে খেঁজার করিয়াছেন।” অতঃপর আয়ুত্মান পিলিন্দবৎস মগধরাজ শ্রেণিক বিম্বিসারের প্রাসাদে উপস্থিত হইলেন; উপস্থিত হইয়া নির্দিষ্ট আসনে উপবেশন করিলেন। মগধরাজ শ্রেণিক বিম্বিসার আয়ুত্মান পিলিন্দবৎসের নিকট উপস্থিত হইলেন; উপস্থিত হইয়া আয়ুত্মান পিলিন্দবৎসকে অভিবাদন করিয়া একান্তে উপবেশন করিলেন; একান্তে উপবিষ্ট মগধরাজ শ্রেণিক বিম্বিসারকে আয়ুত্মান পিলিন্দবৎস কহিলেন :—“মহারাজ! আরামিক গৃহের লোকদিগকে খেঁজার করাইয়াছেন কেন?” “প্রভো! সেই আরামিকের গৃহে যেইরূপ অভিরূপ, মনোজ্ঞ, প্রসন্নতাদায়ক স্বর্ণমালা পাওয়া গিয়াছে, তাদৃশী স্বর্ণমালা আমাদের অন্তঃপুরেও নাই। সেই দুর্গত এরূপ স্বর্ণমালা কোথায় পাইবে, নিশ্চয়ই চুরি করিয়া সংগ্রহ করিয়াছে।” তখন আয়ুত্মান পিলিন্দবৎস ‘মগধরাজ শ্রেণিক বিম্বিসারের প্রাসাদ স্বর্ণময় হউক’—এইরূপ সঙ্কল্প করিলেন। বাস্তবিক তাহা স্বর্ণময় হইয়া গেল! “মহারাজ! আপনি এত অধিক স্বর্ণ কোথায় পাইলেন?” “প্রভো! আমি এখন বুঝিতে পারিলাম আপনার ঋদ্ধিশক্তি প্রভাবেই সম্ভব হইয়াছে।” এই বলিয়া আরামিক গৃহের সকলকে মুক্তিদান করাইলেন।

(৪) ভৈষজ্য সপ্তাহকাল রাখিতে পারা যায়

জনসাধারণ ‘আর্য্য পিলিন্দবৎস নাকি সপার্ষদ রাজাকে অলৌকিক ঋদ্ধিপ্রতিহার্য্য প্রদর্শন করিয়াছেন’ এই ভাবিয়া সন্তুষ্ট এবং অতিপ্রসন্ন হইয়া আয়ুত্মান পিলিন্দবৎসকে পঞ্চবিধ ভৈষজ্য প্রদান করিতে লাগিল। যথা :—চর্বি, নবনীত, তৈল, মধু এবং খাঁড়। আয়ুত্মান পিলিন্দবৎস স্বভাবত পঞ্চবিধ ভৈষজ্যলাভী ছিলেন। তিনি যাহা পাইতেন তাহা পারিষদকে দিয়া ফেলিতেন। ইহাতে তাঁহার পারিষদ দ্রব্যবহুল (সঞ্চয়ী) হইয়া পড়িল। তাঁহারা যাহা পাইতেন তাহা কোলম্ব (মৃৎপাত্র) এবং ঘট পূর্ণ করিয়া সামলাইয়া রাখিতেন; পরিশ্রাবন (জল ছাঁকিবার আধার বিশেষ) এবং স্থলীতে পূর্ণ করিয়া বাতায়নে বুলাইয়া রাখিতেন। তাহা পরিস্রুত (চোয়ানো) হইতে লাগিল, এই নিমিত্ত বিহার ইন্দুরে পূর্ণ হইয়া গেল। জনসাধারণ বিহার পরিদর্শনে ভ্রমণ করিবার সময় এইসব দেখিয়া ‘দেখিতেছি এই শাক্যপুত্রীয় শ্রমণগণ বিহারের অভ্যন্তরে গোলা (শয্যা) রাখিবার স্থান) বাঁধিয়াছে! যেন

মগধরাজ শ্রেণিক বিম্বিসার!’ এই বলিয়া আন্দোলন, নিন্দা এবং প্রকাশ্যে দুর্নাম প্রচার করিতে লাগিল। ভিক্ষুগণ জনসাধারণের এই প্রকার আন্দোলন, নিন্দা এবং প্রকাশ্যে দুর্নাম প্রচার শুনিতে পাইলেন। যেই ভিক্ষুগণ অল্লেখ্যে তাঁহারাও ‘কেন ভিক্ষুগণ এইরূপ সঞ্চয়ী হইবার চেষ্টা করিতেছেন’ এই বলিয়া আন্দোলন, নিন্দা এবং প্রকাশ্যে আলোচনা করিতে লাগিলেন। অনন্তর সেই ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! সত্যই কি ভিক্ষুগণ এইরূপ সঞ্চয়ে নিরত রহিয়াছে?” “হাঁ ভগবন্! তাহা সত্য বটে।”

ভগবান নিন্দা করিয়া, ধর্মকথা উত্থাপন করিয়া ভিক্ষুগণকে আহ্বান করিলেন :—“হে ভিক্ষুগণ! রুগ্ন ভিক্ষুগণের যেই সমস্ত ব্যবহার্য্য ভৈষজ্য, যথা :—চর্বি, নবনীত, তৈল, মধু এবং খাঁড়; তাহা প্রতিগ্রহণ করিয়া সপ্তাহ পর্য্যন্ত জমা রাখিয়া পরিভোগ করিতে পারিবে; তদতিরিক্ত রাখিলে ধর্ম্মানুসারে প্রতিকার করিতে হইবে।”

॥ ভৈষজ্যানুজ্ঞাত ভণিতা সমাপ্ত ॥

[স্থান :—রাজগৃহ]

(৫) গুড় খাইবার বিধান

অনন্তর ভগবান শ্রাবস্তীতে যথারূচি অবস্থান করিয়া রাজগৃহ অভিমুখে পর্য্যটনে যাত্রা করিলেন। আয়ুষ্মান কজ্জারবত রাস্তার মধ্যে দেখিতে পাইলেন : গুড় প্রস্তুত করিবার সময় তাহাতে আটা এবং ভস্ম প্রক্ষেপ করিতেছে। দেখিয়া “‘অবিহিত’ (বিকালে খাইবার অযোগ্য) আটা এবং ভস্মামিশ্রিত গুড় বিকালে পরিভোগ করা অবিধেয়” এইরূপ সন্দেহ পরবশ হইয়া সপার্ষদ গুড় পরিভোগে বিরত হইলেন এবং যাঁহারা তাঁহার আদেশানুবর্তী তাঁহারাও গুড় পরিভোগে বিরত হইলেন। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! গুড়ে কি জন্য আটা এবং ভস্ম প্রক্ষেপ করে?” “ভগবন্! শক্ত হইবার জন্য।” “হে ভিক্ষুগণ! যদি শক্ত হইবার জন্য গুড়ে আটা এবং ভস্ম নিক্ষেপ করে তাহা হইলে তাহাও গুড়ের মধ্যে পরিগণিত হয়।”

“হে ভিক্ষুগণ! আমি অনুজ্ঞা করিতেছি : যথারূচি গুড় পরিভোগ করিবে।”

(৬) মুগের বিধান

আয়ুষ্মান কজ্জারবত রাস্তার মধ্যে দেখিতে পাইলেন : বাহোর মধ্যে মুগের

অঙ্কুর উদ্যম হইয়াছে। দেখিয়া “মুগ খাওয়া উচিত নহে, কেননা পক্ক মুগ হইতেও অঙ্কুর উদ্যম হয়” এইরূপ সন্দেহ পরবশ হইয়া সপার্ষদ মুগ পরিভোগে বিরত হইলেন। যাঁহারা তাঁহার আদেশানুবর্তী তাঁহারাও মুগ পরিভোগে বিরত হইলেন। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : যদিও বা পক্ক মুগের অঙ্কুরোদ্যম হয় তথাপি যথারূচি মুগ পরিভোগ করিবে।”

(৭) বেণার মূলের বিধান

সেই সময় জনৈক ভিক্ষুর উদরে বায়ুরোগ ছিল। তিনি বেণারমূল (লোন সোবিরক) পান করিলেন, তাহাতে তাঁহার উদরের বায়ুরোগ উপশম হইল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : রোগী যথারূচি বেণারমূল সেবন করিতে পারিবে, নিরোগী জলে মিশ্রিত করিয়া পানীয়বৎ সেবন করিতে পারিবে।”

(৮) আরামের ভিতর দ্রব্য রাখা, পাক করা এবং স্বয়ং পাক করিয়া আহাৰ করা নিষেধ

১—অতঃপর ভগবান ক্রমান্বয়ে বিচরণ করিয়া রাজগৃহে গমন করিলেন। রাজগৃহে অবস্থান করিতে লাগিলেন,—বেণুবনে কলশুক নিবাপে। সেই সময় ভগবানের উদরে বায়ুরোগ উৎপন্ন হইল। আয়ুষ্মান আনন্দ ‘পূর্বেও ভগবানের উদরের বায়ুরোগ ত্রিকটু যবাগু পানে আরোগ্য হইয়াছিল’ এই ভাবিয়া স্বয়ং তিল, তণ্ডুল এবং মুগ যাচঞা করিয়া আনিয়া, আরামের অভ্যন্তরে রাখিয়া, স্বয়ং পাক করিয়া ভগবানের সম্মুখে উপস্থিত করিলেন : “ভগবন্! ত্রিকটু যবাগু পান করুন।”

কোন কোন বিষয় তথাগতগণ জ্ঞাত থাকিয়াও জিজ্ঞাসা করেন, আবার কোন কোন বিষয় জ্ঞাত থাকিয়া জিজ্ঞাসা করেন না; কোন কোন বিষয় সময় বুঝিয়া জিজ্ঞাসা করেন, আবার কোন কোন বিষয় সময় বুঝিয়া জিজ্ঞাসা করেন না; তথাগতগণ সার্থক বিষয় জিজ্ঞাসা করেন, নিরর্থক বিষয় জিজ্ঞাসা করেন না। তথাগতগণের নিরর্থক বিষয়ের মূলোচ্ছেদ হইয়া গিয়াছে। দ্বিবিধ কারণে বুদ্ধ ভগবানগণ ভিক্ষুগণকে জিজ্ঞাসা করেন : ‘ধর্ম দেশনা করিব অথবা শ্রাবকগণের জন্য শিক্ষাপদ স্থাপন করিব।’ অতঃপর ভগবান আয়ুষ্মান আনন্দকে আহ্বান করিলেন :—“হে আনন্দ! এই যবাগু কোথায় পাইয়াছ?” তখন আয়ুষ্মান আনন্দ ভগবানকে এই বিষয় জানাইলেন। বুদ্ধ ভগবান তাহা নিতান্ত গর্হিত বলিয়া প্রকাশ করিলেন :—হে আনন্দ! ইহা তোমার পক্ষে অননুরূপ, অননুলোম, অপ্রতিরূপ, অশ্রমগোচিত, অবিধেয় এবং অকার্য্য হইয়াছে। আনন্দ, কেন তুমি এইরূপ সঞ্চয়ে

চেষ্টিত হইয়াছে? যখন ভিতরে রাখিয়াছ তখনও অবিহিত হইয়াছে, যখন ভিতরে পাক করিয়াছ তখনও অবিহিত হইয়াছে এবং যখন স্বয়ং পাক করিয়াছ তখনও অবিহিত হইয়াছে। এই কার্যে অগ্রসন্নদিগের প্রসন্নতা উৎপাদন করিবে না এইভাবে নিন্দা করিয়া, ধর্মকথা উত্থাপন করিয়া ভিক্ষুগণকে আহ্বান করিলেন :—

“হে ভিক্ষুগণ! আরামের ভিতরে (কোন খাদ্যদ্রব্য) রাখিয়া, ভিতরে পাক করিয়া এবং স্বয়ং পাক করিয়া পরিভোগ করিতে পারিবে না; যে পরিভোগ করিবে তাহার ‘দুষ্কট’ অপরাধ হইবে।”

২—হে ভিক্ষুগণ! যদি আরামের অভ্যন্তরে রাখিয়া, অভ্যন্তরে পাক করিয়া এবং স্বয়ং পাক করিয়া তাহা পরিভোগ করে তাহা হইলে তিনটি ‘দুষ্কট’ অপরাধ হইবে।

হে ভিক্ষুগণ! যদি আরামের অভ্যন্তরে রাখিয়া এবং অভ্যন্তরে অন্য দ্বারা পাক করাইয়া তাহা পরিভোগ করে তাহা হইলে দুইটি ‘দুষ্কট’ অপরাধ হইবে।

হে ভিক্ষুগণ! যদি আরামের অভ্যন্তরে রাখিয়া এবং বাহিরে স্বয়ং পাক করিয়া তাহা পরিভোগ করে তাহা হইলে দুইটি ‘দুষ্কট’ অপরাধ হইবে।

হে ভিক্ষুগণ! যদি বাহিরে রাখিয়া আরামের অভ্যন্তরে পাক করিয়া এবং স্বয়ং পাক করিয়া তাহা পরিভোগ করে তাহা হইলে দুইটি ‘দুষ্কট’ অপরাধ হইবে।

হে ভিক্ষুগণ! যদি আরামের অভ্যন্তরে রাখিয়া এবং বাহিরে অন্য দ্বারা পাক করাইয়া তাহা স্বয়ং পরিভোগ করে তাহা হইলে (একটি) ‘দুষ্কট’ অপরাধ হইবে।

হে ভিক্ষুগণ! যদি বাহিরে রাখিয়া এবং আরামের অভ্যন্তরে অন্য দ্বারা পাক করাইয়া তাহা স্বয়ং পরিভোগ করে তাহা হইলে (একটি) ‘দুষ্কট’ অপরাধ হইবে।

হে ভিক্ষুগণ! যদি বাহিরে রাখিয়া এবং বাহিরে স্বয়ং পাক করিয়া তাহা পরিভোগ করে তাহা হইলে (একটি) ‘দুষ্কট’ অপরাধ হইবে।

হে ভিক্ষুগণ! যদি বাহিরে রাখিয়া এবং বাহিরে অন্য দ্বারা পাক করাইয়া তাহা পরিভোগ করে তাহা হইলে অপরাধ হইবে না।

৩—সেই সময় ভিক্ষুগণ ভগবান স্বয়ং পাক করিতে নিষেধ করিয়াছেন এই ভাবিয়া পুনঃ পাক করিতে (পকুদ্রব্য পাক করিতে) কুণ্ঠা বোধ করিতেছিলেন। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : পকুদ্রব্য পুনরায় পাক করিতে পারিবে।”

(৯) দুর্ভিক্ষের সময় বিহারে রাখা, পাককরা এবং স্বয়ং পাক করা বিহিত

১—সেই সময়ে রাজগৃহে দুর্ভিক্ষ উপস্থিত হইয়াছিল। জনসাধারণ লবণ, তৈল, তণ্ডুল এবং খাদ্যদ্রব্য আরামে লইয়া আসিতে লাগিল। ভিক্ষুগণ তাহা বাহিরে রাখিয়া দিলেন। সেখানে ইন্দুর ও বিড়ালে খাইতে লাগিল, চোরে অপহরণ করিতে লাগিল,

উচ্ছিষ্টভোজিগণও লইয়া যাইতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : অপকু খাদ্যদ্রব্য বিহারের ভিতরে রাখিবে।”

২—ভিতরে রাখিয়া বাহিরে পাক করিবার সময় উচ্ছিষ্টভোজী খাদ্যদ্রব্য ঘেরিয়া রহিল। ভিক্ষুগণ নিঃসঙ্কোচে ভোজন করিতে পারিলেন না। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : বিহারাভ্যন্তরে পাক করিবে।”

৩—দুর্ভিক্ষের সময় ভিক্ষুদিগের কর্মকারকেরা অধিকাংশ খাদ্যদ্রব্য লইয়া যাইতে লাগিল এবং ভিক্ষুগণকে সামান্য দিতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : খাদ্যদ্রব্য স্বয়ং পাক করিবে।”

“হে ভিক্ষুগণ! আমি অনুজ্ঞা করিতেছি : বিহারের ভিতরে রাখিবে, ভিতরে পাক করিবে এবং স্বয়ং পাক করিবে।”

(১০) নিভৃত অরণ্যে স্বয়ং ফলাদি গ্রহণ করা

সেই সময়ে বহুসংখ্যক ভিক্ষু কাশীতে বর্ষাবাস সমাপ্ত করিয়া ভগবানকে দর্শন করিবার জন্য রাজগৃহে যাইবার সময় রাস্তার মধ্যে অপকৃষ্ট বা উৎকৃষ্ট ভোজন যথারূপে পরিপূর্ণভাবে পাইলেন না যদিও খাদ্যোপযোগী অনেক ফল ছিল; কিন্তু কোন কার্যকারক সঙ্গে ছিল না। সেই ভিক্ষুগণ পরিশ্রান্ত হইয়া রাজগৃহে বেণুবনে কলস্কত নিবাপে ভগবানের নিকট উপস্থিত হইলেন। উপস্থিত হইয়া ভগবানকে অভিবাদন করিয়া একান্তে উপবেশন করিলেন। আগম্বক ভিক্ষুগণের সহিত প্রীত্যালাপচ্ছলে কুশল প্রশ্ন করা বুদ্ধভগবানগণের রীতি ছিল। অনন্তর ভগবান সেই ভিক্ষুগণকে কহিলেন :—

“হে ভিক্ষুগণ! তোমরা নিরুপদ্রবে ছিলে ত? সুখে বর্ষা যাপন করিয়াছ ত? অল্পকষ্টে দীর্ঘপথ অতিক্রম করিয়া আসিয়াছ ত? তোমরা কোথা হইতে আসিতেছ?” ভগবন্! আমরা নিরুপদ্রবে ছিলাম, সুখে বর্ষা যাপন করিয়াছিলাম বটে, কিন্তু প্রভো! আমরা কাশীতে বর্ষাবাস সমাপ্ত করিয়া ভগবানকে দর্শন করিবার জন্য রাজগৃহে আসিবার সময় রাস্তার মধ্যে অপকৃষ্ট বা উৎকৃষ্ট ভোজন যথারূপে পরিপূর্ণভাবে পাইতে পারি নাই; বহু খাদ্যোপযোগী ফল পাওয়া গিয়াছিল; কিন্তু কর্মকারক^১ সঙ্গে ছিল না। এইহেতু আমরাগকে পরিশ্রান্ত হইয়া দীর্ঘপথ অতিক্রম করিয়া আসিতে

^১। ভিক্ষু কোন খাদ্যদ্রব্য স্বহস্তে লইয়া খাইতে পারে না, অন্যকে ভিক্ষুর হাতে তুলিয়া দিতে হয়, যে তুলিয়া দেয় তাহাকে ‘কপ্লিয়কারক’ বা কার্যকারক বলে।

হইয়াছে।” অনন্তর ভগবান এই নিদানে, এই প্রকরণে ধর্মকথা উত্থাপন করিয়া ভিক্ষুগণকে আহ্বান করিলেন :—

“হে ভিক্ষুগণ! আমি অনুজ্ঞা করিতেছি : যদি কোন স্থানে খাদ্যোপযোগী ফল পাওয়া যায় এবং কর্মকারক সঙ্গে না থাকে তাহা হইলে স্বয়ং গ্রহণ করিয়া আনিয়া কার্য্যকারকের সম্মুখে ভূমিতে নিক্ষেপ করিবে এবং তাহার দ্বারা প্রতিগ্রহণ করাইয়া পরিভোগ করিবে।

“হে ভিক্ষুগণ! আমি অনুজ্ঞা করিতেছি : গৃহীত দ্রব্য প্রতিগ্রহণ করিতে পারিবে।”

(১১) ভোজনাবসানে আনীত ভিক্ষ্যের বিধান

১—সেই সময় জনৈক ব্রাহ্মণের নূতন তিল এবং নূতন মধু উৎপন্ন হইয়াছিল। সেই ব্রাহ্মণের মনে এই চিন্তা উদিত হইল : “ভালই আমি নূতন তিল এবং নূতন মধু বুদ্ধপ্রমুখ ভিক্ষুসঙ্ঘকে প্রদান করিব।” এই ভাবিয়া সেই ব্রাহ্মণ ভগবানের নিকট উপস্থিত হইলেন; উপস্থিত হইয়া ভগবানের সঙ্গে প্রীত্যালাপ করিলেন। প্রীত্যালাপ এবং স্মরণীয়বিষয় সমাপ্ত করিয়া একান্তে দাঁড়াইলেন, একান্তে দাঁড়াইয়া সেই ব্রাহ্মণ ভগবানকে কহিলেন :—“ভগবান গৌতম আগামী কল্যের জন্য ভিক্ষুসঙ্ঘসহ আমার অনু গ্রহণ করুন।” ভগবান মৌনভাবে সম্মতি জানাইলেন। ব্রাহ্মণ ভগবানের সম্মতি অবগত হইয়া প্রস্থান করিলেন। ব্রাহ্মণ সেই রাত্রি অবসানে উত্তম খাদ্যভোজ্য প্রস্তুত করাইয়া ভগবানকে সময় জ্ঞাপন করাইলেন :—“মহানুভব গৌতম! আহারের সময় উপস্থিত, আহার্য্য প্রস্তুত হইয়াছে।”

ভগবান পূর্বাহ্নে বহির্গমনোপযোগী বাস পরিধান করিয়া, পাত্রচীবর লইয়া সেই ব্রাহ্মণের আলয়ে উপস্থিত হইলেন; উপস্থিত হইয়া নির্দিষ্ট আসনে ভিক্ষুসঙ্ঘসহ উপবেশন করিলেন। ব্রাহ্মণ বুদ্ধপ্রমুখ ভিক্ষুসঙ্ঘকে স্বহস্তে উত্তম খাদ্যভোজ্য দানে সন্তুষ্ট করিলেন। ভিক্ষুসঙ্ঘ আর না দিবার জন্য বারণ করিলেন। ভগবান আহারের পর পাত্র হইতে হস্ত অপসারণ করিলে ব্রাহ্মণ একান্তে উপবেশন করিলেন। একান্তে উপবিষ্ট সেই ব্রাহ্মণকে ভগবান ধর্মকথায় প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট করিয়া আসন হইতে উঠিয়া প্রস্থান করিলেন। ভগবান প্রস্থান করিবার কিছুক্ষণ পরে সেই ব্রাহ্মণের মনে এই চিন্তা উদিত হইল : “আমি যেই নূতন তিল এবং নূতন মধু দিবার জন্য বুদ্ধপ্রমুখ ভিক্ষুসঙ্ঘকে নিমন্ত্রণ করিয়াছিলাম, তাহা দিতে ত ভুলিয়া গিয়াছি। ভাল, আমি নূতন তিল এবং নূতন মধু কোলম্ব এবং ঘটে করিয়া আরামে লইয়া যাইব।” এই ভাবিয়া সেই ব্রাহ্মণ নূতন তিল এবং নূতন মধু কোলম্ব এবং ঘটে করিয়া আরামে আনিয়া ভগবানের নিকট উপস্থিত হইলেন; উপস্থিত হইয়া একান্তে দাঁড়াইলেন। একান্তে দণ্ডায়মান হইয়া সেই ব্রাহ্মণ ভগবানকে কহিলেন :

“মহানুভব গৌতম! আমি যেই নূতন তিল এবং নূতন মধু দিবার জন্য বুদ্ধপ্রমুখ ভিক্ষুসঙ্ঘকে নিমন্ত্রণ করিয়াছিলাম তাহা দিতে ভুলিয়া গিয়াছি; অতএব মহানুভব গৌতম নূতন তিল এবং নূতন মধু প্রতিগ্রহণ করুন।” ব্রাহ্মণ! তাহা হইলে তুমি ভিক্ষুদিগকে দিতে পার।”

২—সেই সময়ে ভিক্ষুগণ দুর্ভিক্ষের কারণ অল্পমাত্র দ্রব্য দিলেও বারণ করিতেন এবং ইচ্ছা করিয়াও লইতে অস্বীকার করিতেন। ইহাতে সমস্ত সঙ্ঘ খাদ্যদ্রব্য গ্রহণে নিবারণিত হইয়া পড়িতেন। ভিক্ষুগণ সঙ্কোচ করিয়া গ্রহণ করিতেন না। (ভগবান কহিলেন :—)

“হে ভিক্ষুগণ! প্রতিগ্রহণ কর, পরিভোগ কর।

“হে ভিক্ষুগণ! আমি অনুজ্ঞা করিতেছি : ভোজনের সময় নিবারণিত হইলেও অন্য স্থান হইতে আনীত খাদ্য অনতিরিক্ত পরিভোগ করিতে পারিবে।”

৩—সেই সময় আয়ুষ্মান উপনন্দ শাক্যপুত্রের সেবক গৃহ হইতে ‘এই খাদ্য আর্য উপনন্দকে দেখাইয়া সঙ্ঘকে দিবে’ এই বলিয়া সঙ্ঘের জন্য খাদ্য প্রেরিত হইয়াছিল। সেই সময় কিম্ব আর্য উপনন্দ শাক্যপুত্র গ্রামে ভিক্ষান্নের জন্য গমন করিয়াছিলেন। অনন্তর সেই লোকেরা আরামে যাইয়া ভিক্ষুগণকে জিজ্ঞাসা করিল : ‘প্রভো! আর্য উপনন্দ কোথায়?’ ‘বন্ধুগণ! এই আয়ুষ্মান উপনন্দ শাক্যপুত্র ভিক্ষান্ন সংগ্রহের জন্য গ্রামে গমন করিয়াছেন।’ ‘প্রভো! এই খাদ্য আর্য উপনন্দকে দেখাইয়া সঙ্ঘকে দিতে হইবে।’ ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! তাহা হইলে প্রতিগ্রহণ করিয়া উপনন্দ না আসা পর্যন্ত রাখিয়া দাও।”

৪—আয়ুষ্মান উপনন্দ শাক্যপুত্র পূর্ব্বাহ্নে গৃহস্থ ঘরে উপস্থিত হইয়া মধ্যাহ্নে প্রত্যাগমন করিলেন। সেই সময় ভিক্ষুগণ দুর্ভিক্ষের কারণ অল্পমাত্র বস্ত্র দানেও বাধা দিতেন এবং ইচ্ছা করিয়াও প্রত্যাখ্যান করিতেন, এইরূপ করায় সমস্ত সঙ্ঘ (খাদ্য গ্রহণে) নিবারণিত হইয়া পড়িত। ভিক্ষুগণ সঙ্কোচ করিয়া প্রতিগ্রহণ করিতেন না। (ভগবান কহিলেন :—)

“হে ভিক্ষুগণ! প্রতিগ্রহণ এবং পরিভোগ করিতে পার।

“হে ভিক্ষুগণ! আমি অনুজ্ঞা করিতেছি : সকালে প্রতিগৃহীত (খাদ্যদ্রব্য) ভোজনের সময় বাধাদানকারী ভিক্ষু অনতিরিক্ত পরিভোগ করিতে পারিবে।”

১। যদি কোন ভিক্ষু ভোজনের সময় খাদ্য না দিবার জন্য পরিবেশনকারীকে বারণ করে তাহা হইলে হে ভিক্ষু পুনঃ খাদ্যদ্রব্য লইয়া ভোজন করিতে পারে না। ভোজন করিলে ‘পাচিভিয়’ অপরাধ হয়।

[স্থান :—শ্রাবস্তী]

৫—ভগবান রাজগৃহে যথারূচি অবস্থান করিয়া শ্রাবস্তী অভিমুখে যাত্রা করিলেন। ক্রমান্বয়ে পর্যটন করিয়া শ্রাবস্তীতে গমন করিলেন। ভগবান শ্রাবস্তী-উপকণ্ঠে অবস্থান করিতে লাগিলেন,—জেতবনে, অনাথপিশুদের আরামে। সেই সময় আয়ুষ্মান শারীপুত্রের নিকট কায়দাহ (শরীর জ্বালা) রোগ হইয়াছিল। আয়ুষ্মান মহামৌদাল্যায়ন শারীপুত্রের নিকট উপস্থিত হইলেন; উপস্থিত হইয়া আয়ুষ্মান শারীপুত্রকে কহিলেন :—“বন্ধু শারীপুত্র! পূর্বের আপনার কায়দাহরোগ কিরূপে আরোগ্য হইত?” “বন্ধো! পদ্মের মূল এবং মৃণাল ভক্ষণে আরোগ্য হইত।”

আয়ুষ্মান মহামৌদাল্যায়ন যেমন কোন বলবান পুরুষ সঙ্কুচিত বাহু প্রসারিত করে অথবা প্রসারিত বাহু সঙ্কুচিত করে তেমনভাবে জেতবন হইতে অন্তর্হিত হইয়া মন্দাকিনী পুষ্করিণী-তীরে প্রাদুর্ভূত হইলেন। একটি নাগ দূর হইতেন আয়ুষ্মান মহামৌদাল্যায়নকে আসিতে দেখিতে পাইল। দেখিয়া আয়ুষ্মান মহামৌদাল্যায়নকে কহিল :—“প্রভো! আর্য্য মহামৌদাল্যায়নের আগমন হউক, প্রভু আর্য্য মহামৌদাল্যায়ন! স্বাগতম্। আর্য্যের কিসের প্রয়োজন? কি দিব?” “বন্ধো! আমার পদ্মের মূল এবং মৃণালের প্রয়োজন।”

অনন্তর সেই নাগ অন্য একটি নাগকে আদেশ করিল : ‘ভণে! তাহা হইলে আর্য্যকে পদ্মের মূল এবং মৃণাল যথারূচি প্রদান কর।’ সেই নাগ মন্দাকিনী পুষ্করিণীতে অবগাহন করিয়া, শুণ্ডদ্বারা পদ্মের মূল এবং মৃণাল বাহির করিয়া উত্তমরূপে ধৌত করিয়া, পুঁটলি বাঁধিয়া আয়ুষ্মান মহামৌদাল্যায়নের নিকট উপস্থিত হইলেন। আয়ুষ্মান মহামৌদাল্যায়ন যেমন কোন বলবান পুরুষ সঙ্কুচিত বাহু প্রসারিত করে অথবা প্রসারিত বাহু সঙ্কুচিত করে সেইরূপ মন্দাকিনী পুষ্করিণী-তীরে অন্তর্হিত হইয়া জেতবনে প্রাদুর্ভূত হইলেন। সেই নাগ ও মন্দাকিনী পুষ্করিণী-তীরে অন্তর্হিত হইয়া জেতবনে প্রাদুর্ভূত হইল। অনন্তর সেই নাগ আয়ুষ্মান মহামৌদাল্যায়নকে পদ্মের মূল এবং মৃণাল প্রদান করিয়া জেতবনে অন্তর্হিত হইয়া মন্দাকিনী পুষ্করিণী-তীরে গিয়া আবির্ভূত হইল।

আয়ুষ্মান মহামৌদাল্যায়ন আয়ুষ্মান শারীপুত্রের সম্মুখে পদ্মের মূল এবং মৃণাল লইয়া উপস্থিত হইলেন। আয়ুষ্মান শারীপুত্র পদ্মের মূল এবং মৃণাল পরিভোগ করায় তাঁহার কায়দাহ রোগ উপশম হইল। অনেক পদ্মের মূল এবং মৃণাল অবশিষ্ট রহিল। সেই সময় ভিক্ষুগণ দুর্ভিক্ষের কারণ সামান্য দ্রব্যও না দিবার জন্য বারণ করিতেন, ইচ্ছা করিয়াও প্রত্যাখ্যান করিতেন; ইহাতে সমস্ত সঙ্ঘ খাদ্য গ্রহণে নিবারণিত হইয়া যাইতেন। ভিক্ষুগণ সঙ্কোচবশত খাদ্যদ্রব্য গ্রহণ করিতেন না। (ভগবান কহিলেন :—)

“হে ভিক্ষুগণ! প্রতিগ্রহণ করিয়া পরিভোগ কর।

“হে ভিক্ষুগণ! আমি অনুজ্ঞা করিতেছি : বনে এবং পুরুরিণীতে জাত খাদ্য দ্রব্য ভোজনের সময় নিবারণিত হইলেও অনতিরিক্ত পরিভোগ করিতে পারিবে।”

(১২) কর্মকারকের অভাবে ফল খাইবার বিধান

সেই সময়ে শ্রাবস্তীতে খাদ্যোপযোগী অনেক ফল পাওয়া গিয়াছিল; কিন্তু কর্মকারক ছিল না। ভিক্ষুগণ সঙ্কোচ করিয়া ফল আহারে বিরত হইলেন। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : বীজহীন এবং বীজবহিস্কৃত ফল বিহিত^১ বলিয়া কর্মকারক^২ না বলিলেও পরিভোগ করিতে পারিবে।”

[স্থান :—রাজগৃহ]

(১৩) গুপ্তস্থানে অশ্রোপচার এবং মূত্রস্থলী পীড়ন নিষিদ্ধ

১—ভগবান শ্রাবস্তীতে যথারূচি অবস্থান করিয়া রাজগৃহে অভিযুখে যাত্রা করিলেন। ক্রমশঃ পর্যটন করিতে করিতে রাজগৃহে গমন করিলেন; ভগবান রাজগৃহে অবস্থান করিতে লাগিলেন,—বেণুবনে, কলস্তুক নিবাপে। সেই সময় জনৈক ভিক্ষুর নিকট ভগবান রোগ হইয়াছিল। আকাশগোত্র নামীয় বৈদ্য অশ্রোপচার করিতেছিল। ভগবান শয়নাসন দর্শনের জন্য বিচরণ করিতে করিতে সেই ভিক্ষুর বাসস্থানে উপস্থিত হইলেন। আকাশগোত্র বৈদ্য দূর হইতেই দেখিতে পাইল : ভগবান সেই দিকে যাইতেছেন; দেখিয়া ভগবানকে কহিল : মহাত্মা গৌতমের আগমন হউক এবং গোসাপের মুখের সদৃশ এই ভিক্ষুর মলদ্বার অবলোকন করুন।”

ভগবান ‘এই মূর্থ আমাকে বিদ্রূপ করিতেছেন’ এই ভাবিয়া সেই স্থান হইতেই প্রতিনিবৃত্ত হইয়া এই নিদানে, এই প্রকরণে ভিক্ষুসঙ্ঘকে সমবেত করাইয়া ভিক্ষুগণের নিকট জিজ্ঞাসা করিলেন : “হে ভিক্ষুগণ! অমুক বিহারে কি কোন রুগ্ন ভিক্ষু আছে?” “হাঁ, ভগবন্! আছে।” “সেই ভিক্ষুর নিকট কোন্ রোগ হইয়াছে?” “প্রভো! সেই আয়ুস্মানের নিকট ভগবান রোগ হইয়াছে, আকাশগোত্র নামক বৈদ্য অশ্রোপচার করিতেছেন।”

বুদ্ধ ভগবান তাহা নিতান্ত গর্হিত বলিয়া প্রকাশ করিলেন : সেই মূর্থ ভিক্ষুর এইরূপ অশ্রোপচার করিতে দেওয়া অননুচিত, অননুলোম, অপ্রতিরূপ, অশ্রমগোচিত, অবিহিত এবং অকার্য্য হইয়াছে। কেন সেই মূর্থ গুপ্তস্থানে অশ্রোপচার করাইতেছে? হে ভিক্ষুগণ! গুপ্তস্থানের ত্বক কোমল হইয়া থাকে, ক্ষত সহজে আরোগ্য হয় না,

^১। কোন ফল পাইলে ভিক্ষুর সেবক বা কর্মকারককে বলিতে হয় ‘কপ্পিয়ং করোহি’ (খাইবার যোগ্য কর) কর্মকারককে ফলটি নখ বা ছুরিকা দ্বারা ছিন্ন করিতে করিতে ‘কপ্পিয়ং ভন্তে’ (প্রভু, খাদ্যোপযোগী হইয়াছে) এই কথা বলিতে হয়।

^২। যে ভিক্ষুর সেবা-পরিচর্যা করে তাহাকে ‘কপ্পিয়কারক’ (কর্মকারক বা সেবক) বলে।

অস্ত্রচালনা করা বড় কঠিন ব্যাপার। এই কার্যে অপ্রসন্নদিগের প্রসন্নতা উৎপাদন করে না ... এইভাবে নিন্দা করিয়া, ধর্মকথা উত্থাপন করিয়া ভিক্ষুগণকে আহ্বান করিলেন :—

“হে ভিক্ষুগণ! গুপ্তস্থানে অস্ত্রোপচার করাইতে পারিবে না; যে করাইবে তাহার ‘খুল্লাচয়’ অপরাধ হইবে।”

২—সেই সময় ষড়বর্গীয় ভিক্ষু ভগবান অস্ত্রোপচার করিতে নিষেধ করিয়াছেন এই ভাবিয়া মূত্রস্থলী পীড়ন করাইতে লাগিল। (তদদর্শনে) অল্লেখ্য ভিক্ষুগণ ‘কেন ষড়বর্গীয় ভিক্ষু মূত্রস্থলী পীড়ন করাইতেছে’ এই বলিয়া আন্দোলন, নিন্দা এবং প্রকাশ্যে আলোচনা করিতে লাগিলেন। অনন্তর সেই ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! সত্যই কি ষড়বর্গীয় ভিক্ষু মূত্রস্থলী পীড়ন করাইতেছে?” “ভগবন! তাহা সত্য বটে।” বুদ্ধ ভগবান নিন্দা করিয়া, ধর্মকথা উত্থাপন করিয়া ভিক্ষুগণকে আহ্বান করিলেন :—

“হে ভিক্ষুগণ! গুপ্তস্থানের চতুষ্পার্শ্বে দুই আঙ্গুল পরিমিত স্থানের মধ্যে অস্ত্রোপচার অথবা মূত্রস্থলী পীড়ন করাইতে পারিবে না; যে করাইবে তাহার ‘খুল্লাচয়’ অপরাধ হইবে।”

অভক্ষ্য মাংস

[স্থান :—বারাণসী]

(১) সুপ্রিয়া কর্তৃক স্বীয় মাংস দান

ভগবান রাজগৃহে যথারূচি অবস্থান করিয়া বারাণসী অভিমুখে প্রস্থান করিলেন। ক্রমান্বয়ে পর্যটন করিতে করিতে বারাণসীতে গমন করিলেন। ভগবান বারাণসীতে অবস্থান করিতে লাগিলেন,—ঋষিপুত্র মৃগদাবে। সেই সময় বারাণসীতে সুপ্রিয় নামক উপাসক এবং সুপ্রিয়া নাম্নী উপাসিকা উভয়ে শ্রদ্ধাসম্পন্ন, দাতা, কর্মকারক এবং সজ্ঞসেবক ছিলেন। একদিন উপাসিকা সুপ্রিয়া আরামে (বিহারে) যাইয়া বিহার হইতে বিহারে, পরিবেশ হইতে পরিবেশে উপস্থিত হইয়া ভিক্ষুগণকে জিজ্ঞাসা করিতে লাগিলেন : “প্রভো! কেহ পীড়িত আছেন কি? কাহারও কোন দ্রব্যের প্রয়োজন আছে কি?” সেই সময় জনৈক ভিক্ষু বিরেচক সেবন করিয়াছিলেন। সেই

১। সেই সময়েও বর্তমান কালের যুক্তপ্রদেশে এবং বিহারপ্রদেশের গ্রামসমূহের মাটির ঘরের ন্যায় মধ্যে অঙ্গন (উঠান) রাখিয়া চতুর্দিকে কামড়া প্রস্তুত হইত। এইরূপ অঙ্গনসংযুক্ত গৃহকে পরিবেশ বলে।

ভিক্ষু উপাসিকা সুপ্রিয়াকে কহিলেন : “ভগ্নি! আমি বিরেচক (জোলাপ) সেবন করিয়াছি, আমার প্রতিচ্ছাদনীরের (মাংসের যুষের) প্রয়োজন।” “আর্য্য! আনয়ন করা হইবে।” এই বলিয়া তিনি গৃহে যাইয়া কর্মচারীকে আদেশ করিলেন : “ভগ্নে! নিহত পশুর মাংস পাওয়া যাবে কি-না দেখ।” “তথাস্তু” বলিয়া সেই ব্যক্তি উপাসিকা সুপ্রিয়াকে প্রত্যুত্তরে সম্মতি দিয়া সমস্ত বারানসীতে অনুসন্ধান করিয়াও নিহত পশুর মাংস দেখিতে পাইল না। অনন্তর সেই ব্যক্তি উপাসিকা সুপ্রিয়ার নিকট উপস্থিত হইল; উপস্থিত হইয়া উপাসিকা সুপ্রিয়াকে কহিল :—“আর্য্যে! নিহত পশুর মাংস পাওয়া গেল না; কেননা অদ্য পশুবধ হয় নাই।”

সুপ্রিয়া উপাসিকার মনে এই চিন্তা উদ্ভিত হইল : “সেই রুগ্ন ভিক্ষু মাংসের যুষ না পাইলে তাঁহার রোগ বাড়িতেও পারে অথবা মৃত্যুও হইতে পারে। প্রতিশ্রুতি দিয়া প্রদান না করা আমার পক্ষে উচিত হইবে না।” এই ভাবিয়া তীক্ষ্ণ ছুরিকা দ্বারা স্বীয় উরু-মাংস ছেদন করিয়া দাসীকে প্রদান করিয়া কহিলেন :—“দাসি! এই মাংস পাক করিয়া অমুক বিহারে অবস্থিত রুগ্ন ভিক্ষুকে দিয়া আসিবে। যে আমার সম্বন্ধে কোন বিষয় জিজ্ঞাসা করে তাহাকে বলিবে : আমি পীড়িত হইয়াছি।” এই বলিয়া উত্তরীয় দ্বারা উরু পরিবেষ্টন করিয়া কামড়ায় প্রবেশ করিয়া মঞ্চ শয়ন করিলেন। উপাসক সুপ্রিয় গৃহে যাইয়া দাসীকে জিজ্ঞাসা করিলেন : “সুপ্রিয়া কোথায়?” “আর্য্য! তিনি কামড়ায় শুইয়া আছেন।” উপাসক সুপ্রিয় উপাসিকা সুপ্রিয়ার নিকট উপস্থিত হইলেন; উপস্থিত হইয়া উপাসিকা সুপ্রিয়াকে কহিলেন : “তুমি শুইয়া আছ কেন?” “আমার অসুখ হইয়াছে?” “তোমার কোন রোগ হইয়াছে?” তখন উপাসিকা সুপ্রিয়া উপাসক সুপ্রিয়কে এই বিষয় জানাইলেন। তখন উপাসক সুপ্রিয় “অহো, বড় আশ্চর্য্য! অহো, বড় অদ্ভুত ব্যাপার! সুপ্রিয়া কেমন শ্রদ্ধাসম্পন্না! যে স্বীয় মাংস পর্য্যন্ত দান দিতে পারে জগতে অদেয় আর কি থাকিতে পারে?” এই ভাবিয়া হৃষ্ট প্রহৃষ্ট হইয়া ভগবানের নিকট উপস্থিত হইলেন; উপস্থিত হইয়া ভগবানকে অভিবাদন করিয়া একান্তে উপবেশন করিলেন। একান্তে উপবেশন করিয়া উপাসক সুপ্রিয় ভগবানকে কহিলেন : “প্রভু, ভগবন! ভিক্ষুসঙ্ঘসহ আগামীকল্য আমার অনু গ্রহণ করুন।” ভগবান মৌনভাবে সম্মতি জ্ঞাপন করিলেন। উপাসক সুপ্রিয় ভগবানের সম্মতি অবগত হইয়া, আসন হইতে উঠিয়া, ভগবানকে অভিবাদন করিয়া এবং দক্ষিণ পার্শ্ব তাঁহার পুরোভাগে করিয়া প্রস্থান করিলেন। উপাসক সুপ্রিয় সেই রাত্রি অবসানে উত্তম খাদ ভোজ্য প্রস্তুত করাইয়া ভগবানকে সময় জ্ঞাপন করাইলেন : “প্রভো! ভোজনের সময় উপস্থিত; আহার্য্য প্রস্তুত হইয়াছে।” ভগবান পূর্ব্বাহ্ন সময় বহির্গমনোপযোগী বাস পরিধান করিয়া, পাট্টাচীঘর লইয়া উপাসক সুপ্রিয়ার আলয়ে উপস্থিত হইলেন; উপস্থিত হইয়া ভিক্ষুসঙ্ঘসহ নির্দিষ্ট আসনে উপবেশন করিলেন। উপাসক সুপ্রিয় ভগবানের নিকট উপস্থিত হইলেন, উপস্থিত হইয়া ভগবানকে অভিবাদন করিয়া একান্তে দণ্ডায়মান হইলেন।

একান্তে দণ্ডায়মান উপাসক সুপ্রিয়কে ভগবান কহিলেন : “সুপ্রিয়া কোথায়?” “ভগবন্! সে পীড়িত হইয়াছে।” “তাহা হইলে সে আসুক।” ভগবন্! আসিতে ইচ্ছা করে না।” “তাহা হইলে ধরাধরি করিয়া হইলেও তাহাকে লইয়া আস।” উপাসক সুপ্রিয় উপাসিকা সুপ্রিয়াকে ধরাধরি করিয়া আনিলেন। ভগবানের দৃষ্টিপথে আসিবামাত্র তাঁহার বৃহৎ ব্রণ শুষ্ক হইয়া গেল, ছবি স্বাভাবিক অবস্থা প্রাপ্ত হইল এবং তাহাতে রোম উদ্ভব হইল! তখন উপাসক সুপ্রিয় এবং উপাসিকা সুপ্রিয়া “অহো, বড় আশ্চর্য্য! অহো, বড় অদ্ভুত! তথাগতের দিব্যশক্তি এবং মহানুভবতা! ভগবানের দৃষ্টিপথে আসামাত্র বৃহৎ ব্রণ শুকাইয়া গেল! ছবি স্বাভাবিক অবস্থা প্রাপ্ত হইল এবং তাহাতে রোম উদ্ভব হইল!” এই ভাবিয়া হুট, প্রহুট হইয়া বুদ্ধ প্রমুখ ভিক্ষুসঙ্ঘকে স্বহস্তে উত্তম খাদ্যভোজ্যদানে সন্তুষ্ট করিলেন। এত অধিক পরিমাণ দিতে লাগিলেন যে ভিক্ষুগণ আর না দিবার জন্য বারণ করিলেন। ভগবান আহার সমাপ্ত করিয়া পাত্র হইতে হস্ত উঠাইয়া লইলে তাঁহারা একান্তে উপবেশন করিলেন। ভগবান উপাসক সুপ্রিয় এবং উপাসিকা সুপ্রিয়াকে ধর্ম্মকথায় প্রবুদ্ধ, সন্দীপ্ত, সমুত্তেজিত এবং সম্প্রহুট করিয়া আসন হইতে উঠিয়া প্রস্থান করিলেন। ভগবান এই নিদানে, এই প্রকরণে ভিক্ষুসঙ্ঘকে সমবেত করাইয়া ভিক্ষুগণকে জিজ্ঞাসা করিলেন : “হে ভিক্ষুগণ! উপাসিকা সুপ্রিয়ার নিকট কে মাংস যাচঞা করিয়াছিলে?” ভগবান এরূপ জিজ্ঞাসা করিলে সেই ভিক্ষু ভগবানকে কহিলেন : “প্রভো! আমি উপাসিকা সুপ্রিয়ার নিকট মাংস যাচঞা করিয়াছিলাম।” “ভিক্ষু! মাংস আনিয়াছিল কি?” “ভগবন্! আনিয়াছিল।” “ভিক্ষু! তুমি তাহা আহার করিয়াছ কি?” “হাঁ, ভগবন্! আমি তাহা আহার করিয়াছি।” “ভিক্ষু! তুমি বিচার করিয়া দেখিয়াছিলে কি?” “না, ভগবন্! আমি বিচার করিয়া দেখি নাই।”

বুদ্ধ ভগবান তাহা নিতান্ত গর্হিত বলিয়া প্রকাশ করিলেন : “মূর্খ! তুমি কেন বিচার না করিয়া মাংস আহার করিয়াছ? তুমি যে মনুষ্য মাংসই আহার করিয়াছ! তোমার এই কার্য্যে যে অপসন্নদিগের মধ্যে প্রসন্নতা উৎপন্ন হইবে না।”

(২) মনুষ্য এবং হস্তীআদির মাংস অভক্ষ্য

এইভাবে নিন্দা করিয়া, ধর্ম্মকথা উত্থাপন করিয়া, ভিক্ষুগণকে আহ্বান করিলেন :—“হে ভিক্ষুগণ! মনুষ্যের মধ্যে এমন শ্রদ্ধা, প্রসন্নতা সম্পন্ন লোক আছে যে তাহারা স্বীয় দেহ পর্য্যন্ত পরিত্যাগ করিয়াছে।

“হে ভিক্ষুগণ! মনুষ্য মাংস ভক্ষণ করিতে পারিবে না; যে করিবে তাহার ‘খুল্লচয়’ অপরাধ হইবে।

“হে ভিক্ষুগণ! বিচার না করিয়া কোন মাংস ভক্ষণ করিতে পারিবে না; যে করিবে তাহার ‘দুষ্কট’ অপরাধ হইবে।”

২—সেই সময়ে রাজার হস্তী মরিতেছিল। দুর্ভিক্ষের কারণ লোকে হস্তীমাংস ভক্ষণ করিতেছিল এবং ভিক্ষান্ন সংগ্রহে বিচরণ করিবার সময় ভিক্ষুদিগকে হস্তীমাংস দিতেছিল। ভিক্ষুগণ হস্তীমাংস ভক্ষণ করিতে লাগিলেন। (তদর্শনে) জনসাধারণ “কেন শাক্যপুত্রীয় শ্রমণগণ হস্তীমাংস ভক্ষণ করিতেছে? হস্তী যে রাজার অঙ্গবিশেষ। যদি এই বিষয়ে রাজা জানিতে পারেন তাহা হইলে তাঁহাদের প্রতি সম্ভ্রষ্ট হইবেন না।” এই বলিয়া আন্দোলন, নিন্দা এবং প্রকাশ্যে দুর্নাম প্রচার করিতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! হস্তীমাংস ভক্ষণ করিতে পারিবে না; যে করিবে তাহার ‘দুষ্কট’ অপরাধ হইবে।”

৩—সেই সময়ে রাজার অশ্ব মরিতেছিল। লোকে দুর্ভিক্ষের কারণ অশ্বমাংস ভক্ষণ করিতেছিল এবং ভিক্ষুগণ ভিক্ষান্ন সংগ্রহে বিচরণ করিবার সময় তাঁহাদিগকে অশ্বমাংস দিতেছিল। ভিক্ষুগণ অশ্বমাংস ভক্ষণ করিতে লাগিলেন। (তদর্শনে) জনসাধারণ “কেন শাক্যপুত্রীয় শ্রমণগণ অশ্বমাংস ভক্ষণ করিতেছে? অশ্ব যে রাজার অঙ্গবিশেষ। যদি রাজা এই বিষয় জানিতে পারেন তাহা হইলে তাঁহাদের প্রতি সম্ভ্রষ্ট হইবেন না” এই বলিয়া আন্দোলন, নিন্দা এবং প্রকাশ্যে দুর্নাম প্রচার করিতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! অশ্বমাংস ভক্ষণ করিতে পারিবে না; যে করিবে তাহার ‘দুষ্কট’ অপরাধ হইবে।”

৪—সেই সময়ে লোকে দুর্ভিক্ষের কারণ কুকুরের মাংস ভক্ষণ করিতেছিল এবং ভিক্ষুগণ ভিক্ষান্ন সংগ্রহে বিচরণ করিবার সময় তাঁহাদিগকে কুকুরের মাংস দিতেছিল। ভিক্ষুগণ কুকুরের মাংস ভক্ষণ করিতে লাগিলেন। (তদর্শনে) জনসাধারণ “কেন শাক্যপুত্রীয় শ্রমণগণ কুকুরের মাংস ভক্ষণ করিতেছে? কুকুর যে জুগুপ্সিত এবং ঘৃণার্য!” এই বলিয়া আন্দোলন, নিন্দা এবং প্রকাশ্যে দুর্নাম প্রচার করিতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! কুকুরের মাংস ভক্ষণ করিতে পারিবে না; যে করিবে তাহার ‘দুষ্কট’ অপরাধ হইবে।”

৫—সেই সময়ে লোকে দুর্ভিক্ষের কারণ অহিমাংস ভক্ষণ করিতেছিল এবং ভিক্ষুগণ ভিক্ষান্ন সংগ্রহে বিচরণের সময় তাঁহাদিগকে অহিমাংস দিতেছিল। ভিক্ষুগণ অহিমাংস ভক্ষণ করিতে লাগিলেন। (তদর্শনে) জনসাধারণ “কেন শাক্যপুত্রীয় শ্রমণগণ অহিমাংস ভক্ষণ করিতেছে? অহিমাংস যে জুগুপ্সিত ও ঘৃণার্য!” এই বলিয়া আন্দোলন, নিন্দা এবং প্রকাশ্যে দুর্নাম প্রচার করিতে লাগিল। নাগরাজ সুস্পর্শ ভগবানের নিকট উপস্থিত হইলেন; উপস্থিত হইয়া ভগবানকে অভিবাদন করিয়া

একান্তে দণ্ডায়মান হইলেন। একান্তে দণ্ডায়মান হইয়া নাগরাজ সুস্পর্শ ভগবানকে কহিলেন :—“প্রভো! (বুদ্ধ শাসনের প্রতি) শ্রদ্ধা এবং প্রসন্নতাহীন নাগও আছে, তাহারা সামান্য কারণেও ভিক্ষুগণকে পীড়ন করিতে পারে, অতএব প্রভো! আর্যগণ অহিমাংস ভক্ষণে বিরত থাকুন।” ভগবান নাগরাজ সুস্পর্শকে ধর্মকথায় প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট করিলেন। নাগরাজ সুস্পর্শ ভগবানের ধর্মকথায় প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট হইয়া, ভগবানকে অভিবাদন করিয়া তাহার পুরোভাগে দক্ষিণ পার্শ্ব রাখিয়া প্রস্থান করিলেন। অনন্তর ভগবান এই নিদানে, এই প্রকরণে ধর্মকথা উত্থাপন করিয়া ভিক্ষুগণকে আহ্বান করিলেন :—

“হে ভিক্ষুগণ! অহিমাংস ভক্ষণ করিতে পারিবে না; যে করিবে তাহার ‘দুক্কট’ অপরাধ হইবে।”

৬—সেই সময়ে শিকারিগণ সিংহ হত্যা করিয়া সিংহের মাংস ভক্ষণ করিতেছিল এবং ভিক্ষান্ন সংগ্রহে বিচরণের সময় ভিক্ষুগণকে সিংহমাংস দিতেছিল। ভিক্ষুগণ সিংহমাংস ভক্ষণ করিয়া অরণ্যে বাস করিতে লাগিলেন। সিংহ সিংহের গন্ধে^১ আকৃষ্ট হইয়া ভিক্ষুগণকে বধ করিতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! সিংহমাংস ভক্ষণ করিতে পারিবে না; যে করিবে তাহার ‘দুক্কট’ অপরাধ হইবে।”

৭—সেই সময়ে শিকারিগণ ব্যাঘ্র হত্যা করিয়া ব্যাঘ্রমাংস ভক্ষণ করিতেছিল এবং ভিক্ষান্ন সংগ্রহে বিচরণের সময় ভিক্ষুগণকে ব্যাঘ্রমাংস দিতেছিল। ভিক্ষুগণ ব্যাঘ্রমাংস ভক্ষণ করিয়া অরণ্যে বাস করিতে লাগিলেন। ব্যাঘ্র ব্যাঘ্রের গন্ধে আকৃষ্ট হইয়া ভিক্ষুগণকে বধ করিতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! ব্যাঘ্রমাংস ভক্ষণ করিতে পারিবে না; যে করিবে তাহার ‘দুক্কট’ অপরাধ হইবে।”

৮—সেই সময়ে শিকারিগণ দ্বীপী (চিতাবাঘ) হত্যা করিয়া দ্বীপীমাংস ভক্ষণ করিতেছিল এবং ভিক্ষান্ন সংগ্রহে বিচরণের সময় ভিক্ষুগণকে দ্বীপীমাংস দিতেছিল। ভিক্ষুগণ দ্বীপীমাংস ভক্ষণ করিয়া অরণ্যে বাস করিতে লাগিলেন। দ্বীপী দ্বীপীর গন্ধে আকৃষ্ট হইয়া ভিক্ষুগণকে বধ করিতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! দ্বীপীমাংস ভক্ষণ করিতে পারিবে না; যে করিবে তাহার ‘দুক্কট’ অপরাধ হইবে।”

^১। যেই জীবের মাংস ভক্ষণ করা যায় ভক্ষণের দেহ হইতেও সেই জীবের গন্ধ বাহির হয়।

৯—সেই সময়ে শিকারিগণ ভল্লুক হত্যা করিয়া ভল্লুকের মাংস ভক্ষণ করিতেছিল এবং ভিক্ষান্ন সংগ্রহে বিচরণের সময় ভিক্ষুগণকে ভল্লুকের মাংস দিতেছিল। ভিক্ষুগণ ভল্লুকের মাংস ভক্ষণ করিয়া অরণ্যে বাস করিতে লাগিলেন। ভল্লুক ভল্লুকের গন্ধে আকৃষ্ট হইয়া ভিক্ষুগণকে বধ করিতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! ভল্লুকের মাংস ভক্ষণ করিতে পারিবে না; যে করিবে তাহার ‘দুষ্কট’ অপরাধ হইবে।”

১০—সেই সময়ে শিকারিগণ তরক্ষু (নেকড়ে বাঘ) হত্যা করিয়া তরক্ষুর মাংস ভক্ষণ করিতেছিল এবং ভিক্ষান্ন সংগ্রহে বিচরণের সময় ভিক্ষুগণকে তরক্ষুমাংস দিতেছিল। ভিক্ষুগণ তরক্ষুমাংস ভক্ষণ করিয়া অরণ্যে বাস করিতে লাগিলেন। তরক্ষু তরক্ষুগন্ধে আকৃষ্ট হইয়া ভিক্ষুগণকে বধ করিতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! তরক্ষুমাংস ভক্ষণ করিতে পারিবে না; যে করিবে তাহার ‘দুষ্কট’ অপরাধ হইবে।”

॥ সুপ্রিয়া ভণিতা সমাপ্ত ॥

[স্থান :—অন্ধকবিন্দ]

(৩) যবাগু এবং লাডুর বিধান

১—ভগবান বারাণসীতে যথারূপে অবস্থান করিয়া অন্ধকবিন্দ অভিমুখে যাত্রা করিলেন, সঙ্গে সার্বদ্বাদশশত বৃহৎভিক্ষুসঙ্ঘ। সেই সময় জনপদবাসিগণ বহু লবণ, তৈল, চাউল এবং খাদ্যদ্রব্য শকটে আরোপণ (স্থাপন) করিয়া ‘যখন আমাদের পালা আসিবে তখন অন্ন প্রস্তুত করিয়া দান দিব’ এই ভাবিয়া বুদ্ধপ্রমুখ ভিক্ষুসঙ্ঘের অনুসরণ করিতেছিল। পঞ্চাশত উচ্ছিষ্টভোজীও তাঁহাদের অনুসরণ করিতেছিল। ভগবান ক্রমান্বয়ে পর্যটন করিয়া অন্ধকবিন্দে গমন করিলেন। জনৈক ব্রাহ্মণ পর্য্যায় লাভ করিতে না পারায় তাহার মনে এই চিন্তা উদিত হইল : “যখন পর্য্যায় লাভ করিব তখন অন্ন প্রস্তুত করিব, এই ভাবিয়া দুই মাসের অধিক কাল পর্য্যন্ত আমি বুদ্ধ প্রমুখ ভিক্ষুসঙ্ঘের অনুসরণ করিতেছি কিন্তু পর্য্যায় লাভ করিতে পারিলাম না; বিশেষত আমি একাকী হওয়ায় (আমার গৃহে অন্য পুরুষ না থাকায়) আমার সাংসারিক কার্যের যথেষ্ট ক্ষতি হইতেছে। অতএব আমি ভোজনশালা অবলোকন করিব, তথায় যেই দ্রব্য পরিলক্ষিত হইবে না আমি তাহাই প্রস্তুত করিব।” এই ভাবিয়া সেই ব্রাহ্মণ ভোজনশালা অবলোকন করিবার সময় দুইটি দ্রব্য দেখিতে

পাইলেন না, যবাগু এবং মধুগোলক (লাডু)। অনন্তর সেই ব্রাহ্মণ আয়ুত্মান আনন্দের নিকট উপস্থিত হইলেন; উপস্থিত হইয়া আয়ুত্মান আনন্দকে কহিলেন :—“মহানুভব আনন্দ! আমি পর্য্যায় লাভ করিতে না পারায় আমার মনে এই চিন্তা উদিত হইয়াছিল : ‘যখন পর্য্যায় লাভ করিব তখন অন্ন প্রস্তুত করিব’, এই ভাবিয়া আমি দুই মাসের অধিক কাল যাবৎ বুদ্ধপ্রমুখ ভিক্ষুসঙ্ঘের অনুসরণ করিতেছি; কিন্তু পর্য্যায় লাভ করিতে পারিলাম না। বিশেষত আমি একাকী হওয়ায় আমার সাংসারিক কার্যের যথেষ্ট ক্ষতি হইতেছে; অতএব আমি ভোজনশালা অবলোকন করিব, তথায় যেই দ্রব্যের অভাব পরিদৃষ্ট হইবে আমি তাহা প্রস্তুত করিয়া দিব।’ মহানুভব আনন্দ! আমি ভোজনশালা অবলোকন করিয়া তথায় দুইটি দ্রব্য দেখিতে পাইলাম না, যবাগু এবং মধুগোলক। যদি আমি যবাগু ও মধুগোলক প্রস্তুত করি তাহা হইলে মহাত্মা গৌতম তাহা প্রতিগ্রহণ করিবেন কি?” হে ব্রাহ্মণ! তাহা হইলে আমি ভগবানকে জিজ্ঞাসা করিয়া দেখিব।”

আয়ুত্মান আনন্দ ভগবানকে এই বিষয় জানাইলেন। (ভগবান কহিলেন :—) “হে আনন্দ! তাহা হইলে (ব্রাহ্মণ) প্রস্তুত করিতে পারে।” (আনন্দ ব্রাহ্মণকে কহিলেন :—) “ব্রাহ্মণ! তাহা হইলে প্রস্তুত করিতে পারেন।”

ব্রাহ্মণ সেই রাত্রি অবসানে বহু যবাগু এবং মধুগোলক প্রস্তুত করাইয়া ভগবানের সম্মুখে উপস্থিত করিলেন : “মহাত্মা গৌতম! আমার যবাগু এবং মধুগোলক প্রতিগ্রহণ করুন।” ব্রাহ্মণ! তাহা হইলে ভিক্ষুগণকে প্রদান কর।” (ব্রাহ্মণ প্রদান করায়) ভিক্ষুগণ সঙ্কোচ বশত প্রতিগ্রহণ করিতে চাহিলেন না। (ভগবান কহিলেন :—) “হে ভিক্ষুগণ! প্রতিগ্রহণ কর এবং ভোজন কর।” ব্রাহ্মণ বুদ্ধ প্রমুখ ভিক্ষুসঙ্ঘকে স্বহস্তে বহু যবাগু এবং মধুগোলক দানে সন্তুষ্ট করিলেন। ব্রাহ্মণ এত অধিক দিতে লাগিলেন যে ভিক্ষুগণ আর না দিবার জন্য ব্রাহ্মণকে বারণ করিতে বাধ্য হইলেন। ভগবান পাত্র হইতে হস্ত অপনয়ন করিয়া ধৌত করার পর ব্রাহ্মণ একান্তে উপবেশন করিলেন। একান্তে উপবিষ্ট সেই ব্রাহ্মণকে ভগবান কহিলেন :—

২—ব্রাহ্মণ! যবাগুর এই দশ প্রকার ফল আছে। যথা :—(১) যবাগু দাতা আয়ুদান করিয়া থাকে; (২) বর্ণ (রূপ) দান করিয়া থাকে; (৩) সুখ দান করিয়া থাকে; (৪) বল দান করিয়া থাকে; (৫) প্রতিভা দান করিয়া থাকে; (৬) যবাগু দ্বারা ক্ষুধা নিবারিত হয়; (৭) পিপাসা শান্ত হয়; (৮) বায়ু অনুকূল করে; (৯) মূত্রস্থলী শোধন করে এবং (১০) অপক্ব পরিপাক করে। ব্রাহ্মণ! যবাগুর এই দশ ফল।

সংযত জীবন, পরদত্তে ভোজন,
হেন জনে যথাকালে করে যেই জন
সমাদরে ভক্তিভরে যবাগু প্রদান,
এই পুণ্যকার্যে লভে এই দশস্থান :

আয়ু, বর্ণ, সুখ, আর বল—চারিস্থান,
 উপজে প্রতিভা তাহে বাগিতা মহান
 ক্ষুধা তৃষ্ণা করে দূর, অপনোদে ‘বাত’^১
 শোধে বস্তি মূত্রাশয়, জীর্ণ করে ভাত
 ভৈষজ্য বলিয়া করে সুগত বাখান,
 তাইত করিবে নিত্য যবাগু প্রদান।
 মানুষ-সুখের^২ লাগি’ প্রত্যাশী যে জন,
 কিংবা দিব্যসুখে প্রার্থী হন যেই জন,
 মানব-সৌভাগ্য ইচ্ছে অথবা যেজন,
 যবাগু প্রদানে যাপ্ত হয় সম্পূরণ।

ভগবান সেই ব্রাহ্মণকে এই গাথাযোগে অনুমোদন করিয়া, আসন হইতে উঠিয়া
 প্রস্থান করিলেন। ভগবান এই নিদানে, এই প্রকরণে ধর্মকথা উত্থাপন করিয়া
 ভিক্ষুগণকে আহ্বান করিলেন :—

“হে ভিক্ষুগণ! আমি অনুজ্ঞা করিতেছি : যবাগু এবং মধুগোলক পরিভোগ
 করিবে।”

(৪) একজনের নিমন্ত্রিত হইয়া অন্যের যবাগু গ্রহণ নিষিদ্ধ

জনসাধারণ শুনিতে পাইল : ভগবান ভিক্ষুগণকে যবাগু এবং মধুগোলক
 পরিভোগ করিবার অনুজ্ঞা দিয়াছেন। তাহারা প্রত্যুষেই ভোজ্যযবাগু এবং মধুগোলক
 প্রস্তুত করিতে লাগিল। ভিক্ষুগণ প্রত্যুষে ভোজ্য যবাগু (শক্ত যবাগু) এবং মধুগোলক
 আহার করায় ভোজনের সময় যথারূচি আহার্য গ্রহণ করিতেন না।

সেই সময় জনৈক নবীন শ্রদ্ধাবান মহামাত্য পর দিবসের জন্য বুদ্ধপ্রমুখ
 ভিক্ষুসঙ্ঘকে নিমন্ত্রণ করিয়াছিলেন। সেই নবীন শ্রদ্ধাবান মহামাত্যের মনে এই চিন্তা
 উদিত হইল : ‘আমি সার্বদ্বাদশশত ভিক্ষুর জন্য সার্বদ্বাদশশত পাত্র মাংস প্রস্তুত
 করিব, প্রত্যেক ভিক্ষুর সম্মুখে এক এক পাত্র মাংস উপস্থিত করিব।’ সেই নবীন
 শ্রদ্ধাবান মহামাত্য সেই রাত্রি অবসানে উত্তম খাদ্যভোজ্য এবং সার্বদ্বাদশশত পাত্র
 মাংস প্রস্তুত করাইয়া ভগবানকে সময় জ্ঞাপন করাইলেন : ‘প্রভো! ভোজনের সময়
 হইয়াছে; আহার্য প্রস্তুত।’

ভগবান পূর্বাহ্ন সময় বহির্গমনোপযোগী বাস পরিধান করিয়া, পাত্রচীবর লইয়া
 সেই নবীন শ্রদ্ধাবান মহামাত্যের আলয়ে উপস্থিত হইলেন; উপস্থিত হইয়া
 ভিক্ষুসঙ্ঘসহ নির্দিষ্ট আসনে উপবেশন করিলেন। সেই নবীন শ্রদ্ধাবান মহামাত্য

^১। মলাশয়স্থ বায়ু নিষ্কাশন করে;

^২। মানব জীবনের সুখস্বাচ্ছন্দ্যভিলাষী।

ভোজনশালায় ভিক্ষুগণকে পরিবেশন করিতে লাগিলেন। ভিক্ষুগণ কহিলেন—“বন্ধো! অল্প প্রদান করুন।” “প্রভো! ‘এই মহামাত্য নবীন শ্রদ্ধাবান’ এই মনে করিয়া যৎসামান্য গ্রহণ করিবেন না। আমি বহু খাদ্যভোজ্য এবং সার্কাদাদশত পাত্র মাংস প্রস্তুত করাইয়াছি, প্রত্যেক ভিক্ষুর সম্মুখে এক এক পাত্র মাংস উপস্থিত করিব; প্রভো! যথারূচি গ্রহণ করুন।” “বন্ধো! আমরা সেইজন্য যে যৎসামান্য গ্রহণ করিতেছি তাহা নহে; আমরা প্রত্যুষে ভোজ্যবাগু এবং মধুগোলক পরিপূর্ণভাবে আহার করিয়াছি, এইজন্য যৎসামান্য প্রতিগ্রহণ করিতেছি।”

অনন্তর সেই নবীন শ্রদ্ধাবান মহামাত্য ‘কেন মাননীয় ভিক্ষুগণ আমার নিমন্ত্রিত হইয়া অপরের ভোজ্যবাগু পরিভোগ করিতে পারেন! যথারূচি আহার্য্য দানের সামর্থ্য কি আমার নাই!’ এই বলিয়া অসম্ভট এবং কোপান্বিত হইয়া উদ্ভিগ্ন করিবার মানসে ভিক্ষুগণের পাত্র মাংসপূর্ণ করিয়া দিয়া ‘ভোজন করুন অথবা লইয়া গমন করুন! ভোজন করুন অথবা লইয়া গমন করুন!’ এই বলিয়া আন্দোলন, নিন্দা এবং প্রকাশ্যে দুর্নাম প্রচার করিয়া প্রস্থান করিলেন। সেই নবীন শ্রদ্ধাবান মহামাত্য বুদ্ধ প্রমুখ ভিক্ষুসঙ্ঘকে স্বহস্তে উত্তম খাদ্যভোজ্য দানে সন্তুষ্ট করিলেন এবং আর না দিবার জন্য ভিক্ষুসঙ্ঘ কর্তৃক নিবারিত হইলেন। ভগবান আহারের পর পাত্র হইতে হস্ত উত্তোলন করিলে মহামাত্য একান্তে উপবেশন করিলেন। একান্তে উপবিষ্ট সেই নবীন শ্রদ্ধাবান মহামাত্যকে ভগবান ধর্ম উপদেশ দানে প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট করিয়া আসন হইতে উঠিয়া প্রস্থান করিলেন।

সেই নবীন শ্রদ্ধাবান মহামাত্যের ভগবান প্রস্থান করিবার কিছুক্ষণ পরে সন্দেহ এবং অনুতাপ উপস্থিত হইল : “অহো! আমার লাভ হইল না, অলাভই হইল, আমার দুর্লাভই হইল, সুলাভ হইল না! আমি যে অসম্ভট এবং কোপান্বিত হইয়া উদ্ভিগ্ন করিবার মানসে ভিক্ষুগণের পাত্র মাংস পূর্ণ করিয়া দিয়া ‘ভক্ষণ করুন অথবা লইয়া গমন করুন’ এই বলিয়া চলিয়া গিয়াছিলাম! আমার কি অধিকপুণ্য সঞ্চয় হইল, না অপুণ্য?” এই ভাবিয়া সেই নবীন শ্রদ্ধাবান মহামাত্য ভগবানের নিকট উপস্থিত হইলেন, উপস্থিত হইয়া ভগবানকে অভিবাদন করিয়া একান্তে উপবেশন করিলেন। একান্তে উপবেশন করিয়া সেই নবীন শ্রদ্ধাবান মহামাত্য ভগবানকে কহিলেন : “প্রভো! ভগবান প্রস্থান করিবার কিছুক্ষণ পরে আমার মনে এইরূপ সন্দেহ এবং অনুতাপ উপস্থিত হইয়াছে : ‘আমার অলাভই হইল, লাভ হইল না, আমার দুর্লাভই হইল, সুলাভ হইল না; আমি যে অসম্ভট এবং কোপান্বিত হইয়া উদ্ভিগ্ন করিবার মানসে ভিক্ষুগণের পাত্র মাংস পূর্ণ করিয়া দিয়া ‘ভোজন করুন অথবা লইয়া গমন করুন’ বলিয়া চলিয়া আছিরাছি! আমার পুণ্য অধিক হইল, না অপুণ্য?’ প্রভো! আমার পুণ্য অধিক হইয়াছে, না অপুণ্য?” “বন্ধো! যখনই আপনি বুদ্ধপ্রমুখ ভিক্ষুসঙ্ঘকে নিমন্ত্রণ করিয়াছেন তখন হইতেই আপনার বহু পুণ্য সঞ্চয় হইয়াছে; যখনই প্রত্যেক ভিক্ষু আপনার এক একটি অন্ন গ্রহণ করিয়াছে তখনই আপনার

বহুপুণ্য সঞ্চয় হইয়াছে; আপনার জন্য স্বর্গের দ্বার উন্মুক্ত।” তখন সেই নবীন শ্রদ্ধাবান মহামাত্য ‘আমার নাকি লাভ হইয়াছে, আমার নাকি সুলাভই হইয়াছে, আমি নাকি বহুপুণ্য সঞ্চয় করিয়াছি, আমার জন্য স্বর্গেরদ্বার নাকি উন্মুক্ত’ এই ভাবিয়া হুট, প্রহুট হইয়া আসন হইতে উঠিয়া, ভগবানকে অভিবাদন করিয়া এবং দক্ষিণ পার্শ্ব তাঁহার পুরোভাগে করিয়া প্রস্থান করিলেন।

অনন্তর ভগবান এই নিদানে, এই প্রকরণে ভিক্ষুসঙ্ঘকে সমবেত করাইয়া ভিক্ষুগণকে জিজ্ঞাসা করিলেন : “হে ভিক্ষুগণ! সত্যই কি ভিক্ষুগণ এক ব্যক্তির নিমন্ত্রণ গ্রহণ করিয়া অপর ব্যক্তির ভোজ্যযবাগু ভোজন করিতেছে?” “হাঁ, ভগবন! তাহা সত্য বটে।” বুদ্ধ ভগবান তাহা নিতান্ত গর্হিত বলিয়া প্রকাশ করিলেন : “হে ভিক্ষুগণ! কেন সেই মোঘপুরুষগণ এক ব্যক্তির নিমন্ত্রণ গ্রহণ করিয়া অন্য ব্যক্তির ভোজ্যযবাগু পরিভোগ করিতেছে?” ভিক্ষুগণ! তাহাদের এই কার্য্যে অপ্রসন্নদিগের প্রসন্নতা উৎপাদন করিবে না নিন্দা করিয়া, ধর্ম্মকথা উত্থাপন করিয়া ভিক্ষুগণকে আহ্বান করিলেন :—

“হে ভিক্ষুগণ একব্যক্তির নিমন্ত্রণ গ্রহণ করিয়া অন্য ব্যক্তির প্রদত্ত ভোজ্যযবাগু ভোজন করিতে পারিবে না, যে করিবে তাহার ধর্ম্মানুসারে প্রতিকার করিবে।”

[স্থান :—রাজগৃহ]

(৫) বরিষ্ঠকাত্যায়নের গুড়ের ব্যবস্থা

ভগবান অন্ধকবিন্দে যথারূপে অবস্থান করিয়া রাজগৃহ অভিমুখে যাত্রা করিলেন, সঙ্গে সান্দ্রদ্বাদশশত মহাভিক্ষুসঙ্ঘ। সেই সময় বরিষ্ঠকাত্যায়ন রাজগৃহ হইতে অন্ধকবিন্দ অভিমুখে গুড়-কুণ্ডে পরিপূর্ণ পঞ্চাশত শকট সহ দীর্ঘপথ ভ্রমণে নিরত ছিলেন। ভগবান দূর হইতেই বরিষ্ঠকাত্যায়নকে আসিতে দেখিতে পাইলেন। দেখিয়া রাস্তা হইতে অবতরণ করিয়া এক বৃক্ষ-মূলে উপবেশন করিলেন। বরিষ্ঠকাত্যায়ন ভগবানের নিকট উপস্থিত হইলেন; উপস্থিত হইয়া ভগবানকে অভিবাদন করিয়া একান্তে দণ্ডায়মান হইলেন। একান্তে দণ্ডায়মান হইয়া ভগবানকে কহিলেন—“প্রভো! প্রত্যেক ভিক্ষুকে এক এক ঘট গুড় প্রদান করিতে আমি ইচ্ছা করিয়াছি।” “কাত্যায়ন! তাহা হইলে তুমি এক ঘট মাত্র গুড় লইয়া আস।” “তথাস্তু” বলিয়া বরিষ্ঠকাত্যায়ন ভগবানকে প্রত্যুত্তরে সম্মতি জ্ঞাপন করিয়া এক ঘট মাত্র গুড় লইয়া ভগবানের নিকট উপস্থিত হইলেন, উপস্থিত হইয়া ভগবানকে কহিলেন :—“প্রভো! গুড়ের ঘট আনিয়াছি, এখন আমায় কি করিতে হইবে?” “কাত্যায়ন! তাহা হইলে তুমি ভিক্ষুগণকে গুড় প্রদান করিতে পার।”

“তথাস্তু” বলিয়া বরিষ্ঠকাত্যায়ন ভিক্ষুগণকে গুড় প্রদান করিয়া ভগবানকে কহিলেন :—“প্রভো! ভিক্ষুগণের গুড় প্রদান করিয়াছি; বহু গুড় অবশিষ্ট আছে, তাহা

আমায় কি করিতে হইবে?” কাত্যায়ন! তাহা হইলে তুমি ভিক্ষুগণকে যথারূচি গুড় প্রদান করিতে পার।” “তথাস্তু” বলিয়া বরিষ্ঠকাত্যায়ন ভিক্ষুগণকে যথারূচি গুড় প্রদান করিয়া ভগবানকে কহিলেন : “প্রভো! ভিক্ষুগণকে যথারূচি গুড় দিয়াছি, তথাপি বহু গুড় অবশিষ্ট রহিয়াছে, তাহা আমায় কি করিতে হইবে?” “কাত্যায়ন! তাহা হইলে তুমি ভিক্ষুগণকে গুড়দ্বারা সন্তুষ্ট করিতে পার।” “তথাস্তু” বলিয়া বরিষ্ঠকাত্যায়ন ভিক্ষুগণকে গুড়দ্বারা সন্তুষ্ট করিলেন। কোন কোন ভিক্ষু পাত্র, পরিস্রাবণ (জল ছাঁকিবার পাত্র বিশেষ) এবং স্থলী পূর্ণ করিলেন। বরিষ্ঠকাত্যায়ন ভিক্ষুগণকে গুড় দ্বারা সন্তুষ্ট করিয়া ভগবানকে কহিলেন—“প্রভো! আমি ভিক্ষুগণকে গুড়দ্বারা সন্তুষ্ট করিয়াছি, তথাপি বহু গুড় অবশিষ্ট রহিয়াছে, তাহা আমি কি করিব?” “কাত্যায়ন! তাহা হইলে তুমি উচ্ছিষ্টভোজীদিগকে গুড় প্রদান করিতে পার।” “তথাস্তু” বলিয়া বরিষ্ঠকাত্যায়ন উচ্ছিষ্টভোজীদিগকে গুড় প্রদান করিয়া, ভগবানকে কহিলেন—“প্রভো! উচ্ছিষ্টভোজিগণকে গুড় দিয়াছি; তথাপি বহু গুড় অবশিষ্ট রহিয়াছে, এখন তাহা কি করিব?” “কাত্যায়ন! তাহা হইলে তুমি উচ্ছিষ্টভোজিগণকে যথারূচি গুড় প্রদান করিতে পার।” “তথাস্তু” বলিয়া বরিষ্ঠকাত্যায়ন উচ্ছিষ্টভোজিগণকে গুড় দিয়াছি, তথাপি বহু গুড় অবশিষ্ট রহিয়াছে, তাহা আমি কি করিব?” “কাত্যায়ন! তাহা হইলে তুমি উচ্ছিষ্টভোজিগণকে গুড় দ্বারা সন্তুষ্ট করিতে পার।” “তথাস্তু” বলিয়া বরিষ্ঠকাত্যায়ন উচ্ছিষ্টভোজিগণকে গুড় দ্বারা সন্তুষ্ট করিলেন। কোন কোন উচ্ছিষ্টভোজী কোলম্ব এবং ঘট পূর্ণ করিয়া লইল; কেহ বা ক্ষুদ্র চুপড়ি পূর্ণ করিল, কেহ বা উৎসঙ্গ পরিপূর্ণ করিল। বরিষ্ঠকাত্যায়ন উচ্ছিষ্টভোজিগণকে গুড় দ্বারা সন্তুষ্ট করিয়া ভগবানকে কহিলেন—“প্রভো! গুড় দ্বারা উচ্ছিষ্টভোজিগণকে সন্তুষ্ট করিয়াছি, তথাপি বহু গুড় অবশিষ্ট রহিয়াছে, তাহা আমি কি করিব?” “হে কাত্যায়ন! দেবলোক, মারলোক, ব্রহ্মলোক, শ্রমণ, ব্রাহ্মণ এবং দেব-মনুষ্যের মধ্যে এমন কাহাকেও আমি দেখিতেছি না তথাগত কিংবা তথাগত শ্রাবক ব্যতীত যে এই গুড় পরিভোগ করিয়া পরিপাক করিতে পারিবে। কাত্যায়ন! তাহা হইলে তুমি সেই গুড় তৃণহীন ভূমিতে পরিত্যাগ কর অথবা অল্পপ্রাণরহিত জলে নিক্ষেপ কর।” “প্রভো! তাহাই হউক” এই বলিয়া বরিষ্ঠকাত্যায়ন ভগবানকে প্রত্যুত্তরে সম্মতি জ্ঞাপন করিয়া সেই গুড় অল্পপ্রাণরহিত জলে নিক্ষেপ করিলেন। সেই গুড় জলে প্রক্ষিপ্ত হইয়া চি-চিট্ করিতে লাগিল, চিট্-চিট্ করিতে লাগিল, ধূম নিঃসারণ করিতে লাগিল, অধিক ধূম নিঃসারণ করিতে লাগিল। যেমন দিবসে রৌদ্র তপ্ত ফাল জলে প্রক্ষিপ্ত হইলে চি-চিট্ করে, চিট্-চিট্ করে, ধূম নিঃসারণ করে এবং অধিকতর ধূম নিঃসারণ করে তেমনভাবে সেই গুড় জলে প্রক্ষিপ্ত হইয়া চি-চিট্ করিতে লাগিল, চিট্-চিট্ করিতে লাগিল, ধূমনিঃসারণ করিতে লাগিল এবং অধিকতর ধূমনিঃসারণ করিতে লাগিল।

বরিষ্ঠকাত্যায়ণ (তদর্শনে) উদ্ভিগ্ন এবং রোমাঞ্চিত হইয়া ভগবানের নিকট উপস্থিত হইলেন; উপস্থিত হইয়া ভগবানকে অভিবাদন করিয়া একান্তে উপবেশন করিলেন। একান্তে উপবিষ্ট বরিষ্ঠকাত্যায়নকে ভগবান আনুপূর্বিক ধর্মকথা উপদেশ প্রদান করিলেন। যথা :—দান-কথা, শীল-কথা, স্বর্গ-কথা। কামের আদীনব, অবকার, সংক্লেশ এবং নৈক্রম্যের আশংসা প্রকাশ করিলেন। যখন ভগবান দেখিতে পাইলেন : বরিষ্ঠকাত্যায়নের চিত্ত সুস্থ, মৃদু, নীবরণমুক্ত, প্রফুল্ল, প্রসন্ন হইয়াছে তখন ভগবান বুদ্ধগণের সমুৎকৃষ্ট সংক্ষিপ্ত ধর্মদেশনা প্রকাশ করিলেন তেমনভাবে বরিষ্ঠকাত্যায়নের সেই আসনেই বিরজ, বিমল ধর্মচক্ষু উৎপন্ন হইল,—‘যাহা কিছু সমুদয়ধর্মী তৎসমস্তই নিরোধধর্মী।’

বরিষ্ঠকাত্যায়ন ধর্ম প্রত্যক্ষ করিয়া, ধর্ম অবগত হইয়া, ধর্মে অবগাহন করিয়া, ধর্মে সন্দেহ রহিত হইয়া, ধর্মে বাদবিবাদ রহিত হইয়া, ধর্মে বৈশারদ্য লাভ করিয়া এবং শাস্তার শাসনে আত্মপ্রত্যয় লাভ করিয়া ভগবানকে কহিলেন—“প্রভো! বড় সুন্দর! অতি সুন্দর! যেন উল্টানকে সোজা করে, আবৃতকে বিবৃত করে, বিমূঢ়কে রাস্তা প্রদর্শন করে, অন্ধকারে তৈল প্রদীপ ধারণ করে এবং চক্ষুস্মান রূপ (দৃশ্যবস্তু) দেখিতে পায় তেমনভাবে ভগবান বিবিধভাবে ধর্ম প্রকাশিত করিলেন। প্রভো! আমি ভগবানের শরণ গ্রহণ করিতেছি, ধর্মের শরণ গ্রহণ করিতেছি, ভিক্ষুসঙ্ঘের শরণ গ্রহণ করিতেছি। ভগবান আমাকে অদ্য হইতে আমরণ শরণাগত উপাসকরূপে অবধারণ করুন।”

(৬) রুগ্নের জন্য গুড় এবং সুস্থের জন্য গুড়ের জল

ভগবান ক্রমান্বয়ে পর্যটন করিয়া রাজগৃহে গমন করিলেন। ভগবান রাজগৃহে অবস্থান করিতে লাগিলেন,—বেণুবনে কলন্তক নিবাপে। সেই সময় রাজগৃহে অধিক পরিমাণ গুড় উৎপন্ন হইত। ‘ভগবান রুগ্নের জন্যই গুড়ের বিধান দিয়াছেন সুস্থের জন্য নহে’ এই মনে করিয়া ভিক্ষুগণ সঙ্কোচ করিয়া গুড় পরিভোগে বিরত হইলেন। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : রুগ্ন গুড় পরিভোগ করিবে এবং সুস্থ গুড় মিশ্রিত জল পরিভোগ করিবে।”

[স্থান :—পাটলিগ্রাম]

(৭) পাটলিগ্রামে দুর্গ নির্মাণ

ভগবান রাজগৃহে যথারূচি অবস্থান করিয়া পাটলিগ্রাম অভিমুখে যাত্রা করিলেন, সঙ্গে সার্বদ্বাদশশত মহাভিক্ষুসঙ্ঘ। ভগবান ক্রমান্বয়ে পর্যটন করিয়া পাটলিগ্রামে

গমন করিলেন। পাটলিগ্রামের উপাসকগণ শুনিতে পাইল : ভগবান পাটলিগ্রামে উপস্থিত হইয়াছেন। অনন্তর পাটলিগ্রামের উপাসকগণ ভগবানের নিকট উপস্থিত হইল; উপস্থিত হইয়া ভগবানকে অভিবাদন করিয়া একান্তে উপবেশন করিল। একান্তে উপবিষ্ট পাটলিগ্রামের উপাসকগণকে ভগবান ধর্মকথায় প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট করিলেন। তাহারা ভগবানের ধর্মকথায় প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট হইয়া ভগবানকে কহিল :—“প্রভো! ভিক্ষুসঙ্ঘসহ আমাদের আবসথাগার^১ গ্রহণ করুন।” ভগবান মৌনভাবে সম্মতি জ্ঞাপন করিলেন। পাটলিগ্রামের উপাসকগণ ভগবানের সম্মতি অবগত হইয়া, আসন হইতে উঠিয়া, ভগবানকে অভিবাদন করিয়া এবং দক্ষিণপার্শ্ব তাঁহার পুরোভাগে করিয়া আবসথাগারে উপস্থিত হইল। উপস্থিত হইয়া সমস্ত আবসথাগারে গালিচা পাতিল, আসন পাতিল, জলের কলসী স্থাপন করিল এবং তৈলপ্রদীপ আরোপণ করিয়া ভগবানের নিকট উপস্থিত হইল; উপস্থিত হইয়া ভগবানকে অভিবাদন করিয়া একান্তে দণ্ডায়মান হইল। একান্তে দণ্ডায়মান হইয়া তাহারা ভগবানকে কহিল :—“প্রভো! আবসথাগারের সর্বত্র গালিচা পাতা হইয়াছে, আসন পাতা হইয়াছে, জলের কলসী স্থাপিত হইয়াছে এবং তৈলপ্রদীপ আরোপিত হইয়াছে। এখন ভগবানের যাহা অভিপ্রেত হয়।”

ভগবান বহির্গমনোপযোগী বাস পরিধান করিয়া, পাত্র চীবর লইয়া ভিক্ষুসঙ্ঘসহ আবসথাগারে উপস্থিত হইলেন। উপস্থিত হইয়া পাদ প্রক্ষালন করিয়া, আবসথাগারে প্রবেশ করিয়া মধ্যমস্তম্ভ পৃষ্ঠদ্বারা আশ্রয় করিয়া পূর্বাভিমুখী উপবেশন করিলেন। ভিক্ষুসঙ্ঘও পাদ প্রক্ষালন করিয়া, আবসথাগারে প্রবেশ করিয়া পশ্চিম পার্শ্বের ভিত্তি পৃষ্ঠদ্বারা আশ্রয় করিয়া, ভগবানকে সম্মুখে রাখিয়া পূর্বাভিমুখী উপবেশন করিলেন। পাটলিগ্রামের উপাসকগণও পাদ প্রক্ষালন করিয়া, আবসথাগারে প্রবেশ করিয়া, পূর্ব পার্শ্বের ভিত্তি পৃষ্ঠদ্বারা আশ্রয় করিয়া, ভগবানকেই সম্মুখে রাখিয়া পশ্চিমাভিমুখী উপবেশন করিল। অনন্তর ভগবান পাটলিগ্রামের উপাসকগণকে আহ্বান করিলেন :—

হে গৃহপতিগণ! দুঃশীলের শীলভঙ্গ হেতু পাঁচটি আদীনব (মন্দ ফল) আছে। সেই পাঁচটি কি-কি? গৃহপতিগণ! দুঃশীল, শীলবিহীন ব্যক্তি প্রমাদের বশীভূত হইয়া স্বীয় সম্পত্তি চ্যুত হইয়া থাকে। দুঃশীলের শীলভঙ্গ হেতু এই প্রথম কুফল।

^১। পাটলিগ্রামে মগধরাজ অজাতশত্রু এবং লিচ্ছবিগণের কর্মচারীরা সময় সময় আসিয়া গৃহস্থদিগকে ঘর হইতে বাহির করিয়া দিয়া তাহাদের গৃহে মাস অর্দ্ধমাস বাস করিত। এইজন্য তাহারা উৎপীড়িত হইয়া ভাবিল : “আমরা একটি বাসগৃহ নির্মাণ করিব; রাজ কর্মচারিগণ আসিলে আমরা এইস্থানে বাস করিতে পারিব।” এই সঙ্কল্প করিয়া তাহারা নগরের মধ্যস্থলে বৃহৎ বাসগৃহ প্রস্তুত করিল। তাহারই নাম ‘আবসথাগার’। ভগবান যেইদিন পাটলিগ্রামে উপস্থিত হইলেন সেইদিনই এই গৃহ নির্মাণকার্য সমাপ্ত হয়।—উদানার্থকথা।

গৃহপতিগণ! পুনশ্চ, দুঃশীল, শীলবিহীন ব্যক্তির দুর্নাম অভ্যুত্থিত হইয়া থাকে।
দুঃশীলের শীলভঙ্গ হেতু এই দ্বিতীয় কুফল।

গৃহপতিগণ! পুনশ্চ, দুঃশীল, শীলবিহীন ব্যক্তি যেই যেই পরিষদে উপস্থিত হয়
ক্ষত্রিয়পরিষদ, ব্রাহ্মণপরিষদ, গৃহপতিপরিষদ অথবা শ্রমণপরিষদে অবিশারদ এবং
মৌন হইয়া উপস্থিত হয়। দুঃশীলের শীলভঙ্গ হেতু এই তৃতীয় কুফল।

গৃহপতিগণ! পুনশ্চ, দুঃশীল, শীলবিহীন ব্যক্তি মোহাবস্থায় মৃত্যুমুখে পতিত
হয়। দুঃশীলের শীলভঙ্গ হেতু এই চতুর্থ কুফল।

গৃহপতিগণ! পুনশ্চ, দুঃশীল, শীলবিহীন ব্যক্তি দেহত্যাগ, মৃত্যুর পর দুর্গতি
বিনিপাত নরকে উৎপন্ন হয়। দুঃশীলের শীলভঙ্গ হেতু এই পঞ্চম কুফল।

গৃহপতিগণ! দুঃশীলের শীলভঙ্গ হেতু এই পাঁচটি কুফল লাভ হইয়া থাকে।

গৃহপতিগণ! শীলবানের শীলপূর্ণতা হেতু পাঁচটি শুভফল লাভ হয়। সেই পাঁচটি
কি-কি? গৃহপতিগণ! শীলবান, শীলসম্পন্ন ব্যক্তি অপ্রমাদ বশত প্রভূত সম্পত্তির
অধিকারী হয়। শীলবানের শীল পরিপূর্ণতার এই প্রথম শুভফল।

গৃহপতিগণ! পুনশ্চ, শীলবান, শীলসম্পন্ন ব্যক্তির প্রশংসাধ্বনি অভ্যুত্থিত হয়।
শীলবানের শীলপরিপূর্ণতার এই দ্বিতীয় শুভফল।

গৃহপতিগণ! পুনশ্চ, শীলবান, শীলসম্পন্ন ব্যক্তি যেই যেই পরিষদে উপস্থিত হয়
ক্ষত্রিয়পরিষদ, ব্রাহ্মণপরিষদ, গৃহপতিপরিষদ অথবা শ্রমণপরিষদে বিশারদ এবং
সঙ্কোচহীন হইয়া উপস্থিত হয়। শীলবানের শীলপূর্ণতার এই তৃতীয় শুভফল।

গৃহপতিগণ! পুনশ্চ, শীলবান, শীলসম্পন্ন ব্যক্তি সজ্ঞানে মৃত্যুমুখে পতিত হয়।
শীলবানের শীলপূর্ণতার এই চতুর্থ শুভফল।

গৃহপতিগণ! পুনশ্চ, শীলবান, শীলসম্পন্ন ব্যক্তি দেহত্যাগ, মৃত্যুর পর সুগতি
স্বর্গলোকে জন্মগ্রহণ করে। শীলবানের শীলপূর্ণতার এই পঞ্চম শুভফল।

গৃহপতিগণ! শীলবানের শীলসম্পদ হেতু এই পাঁচটি শুভফল লাভ হয়।

ভগবান অধিকরাত্রি পর্যন্ত পাটলিগ্রামের উপাসকগণকে ধর্মকথায় প্রবুদ্ধ,
সন্দীপ্ত, সমুত্তেজিত এবং সম্প্রহৃষ্ট করিয়া বিদায় দিলেন : “গৃহপতিগণ! রাত্রি
অধিক হইয়াছে, এখন আপনারা যাহা উচিত মনে করেন।” “তাহাই হউক প্রভো!”
বলিয়া পাটলিগ্রামের উপাসকগণ ভগবানকে প্রত্যুত্তরে সম্মতি জ্ঞাপন করিয়া আসন
হইতে উঠিয়া, ভগবানকে অভিবাদন করিয়া এবং দক্ষিণপার্শ্ব তাঁহার পুরোভাগে
করিয়া প্রস্থান করিলেন। পাটলিগ্রামবাসী উপাসকগণ প্রস্থান করিবার কিছুক্ষণ পরে
ভগবান ‘শূন্যাগারে’ প্রবেশ করিলেন।

সেই সময় সুনীধ এবং বর্ষকার নামে মগধের দুই মহামাত্য বৃজিগণের আক্রমণ
প্রতিরোধ করিবার জন্য পাটলিগ্রামে নগর (দুর্গ) নির্মাণ করিতেছিলেন। ভগবান
রাত্রির প্রত্যুষ সময়ে শয্যা ত্যাগ করিয়া লোকাভীত বিস্কন্দ দিব্যনেত্রে অনেক
দেবতাকে পাটলিগ্রামে নিবাস গ্রহণ করিতে (বাসস্থান নির্বাচন করিতে) দেখিতে

পাইলেন। যেই প্রদেশে মহাশক্তি সম্পন্ন দেবগণ নিবাস স্থাপন করে, সেইস্থানে মহাশক্তি সম্পন্ন রাজা এবং রাজার অমাত্যগণের চিত্ত বাসস্থান নির্বাচনের জন্য আকৃষ্ট হয়। যেই প্রদেশে মধ্যম শ্রেণীর দেবগণ বাসস্থান গ্রহণ করে, সেই প্রদেশে মধ্যম শ্রেণীর রাজা এবং রাজার অমাত্যগণের চিত্ত বাসস্থান নির্বাচনে আকৃষ্ট হয়। যেই প্রদেশে নিম্ন শ্রেণীর দেবগণ বাসস্থান গ্রহণ করে, সেই প্রদেশে নিম্ন শ্রেণীর রাজা এবং রাজার অমাত্যগণের চিত্ত বাসস্থান নির্বাচনে আকৃষ্ট হয়। ভগবান আয়ুত্মান আনন্দকে আহ্বান করিলেন—“হে আনন্দ! পাটলিগ্রামে কাহারো দুর্গ প্রস্তুত করিতেছে?” “প্রভো! মগধের মহামাত্য সুনীধ এবং বর্ষকার বৃজিগণের আক্রমণ প্রতিরোধ করিবার জন্য পাটলিগ্রামে দুর্গ প্রস্তুত করিতেছেন।”

“আনন্দ! মগধের মহামন্ত্রী সুনীধ এবং বর্ষকার বৃজিগণের আক্রমণ প্রতিরোধ করিবার জন্য যেন ত্রয়স্বিংশ দেবগণের সহিত মন্ত্রণা করিয়াই পাটলিগ্রামে দুর্গ প্রস্তুত করিতেছেন। আনন্দ! আমি রাত্রির প্রত্যুষ সময়ে শয্যা ত্যাগ করিয়া লোকাভীত বিশুদ্ধ দিব্যনেত্রে অনেক দেবতাকে পাটলিগ্রামে বাসস্থান গ্রহণ করিতে দেখিতে পাইলাম। যেই প্রদেশে মহাশক্তি সম্পন্ন দেবগণ বাসস্থান গ্রহণ করে তথায় মহাশক্তি সম্পন্ন রাজা এবং রাজার অমাত্যগণের চিত্ত বাসস্থান নির্বাচন করিবার জন্য আকৃষ্ট হয়। যেই প্রদেশে মধ্যমশ্রেণীর দেবগণ বাসস্থান নির্বাচন করে তথায় মধ্যমশ্রেণীর রাজা এবং রাজার অমাত্যগণের চিত্ত বাসস্থান নির্বাচনের জন্য আকৃষ্ট হয়। যেই প্রদেশে নিম্নশ্রেণীর দেবগণ বাসস্থান নির্বাচন করে তথায় নিম্নশ্রেণীর রাজা এবং রাজার অমাত্যগণের চিত্ত বাসস্থান নির্বাচনের জন্য আকৃষ্ট হয়।

“আনন্দ! যেই পর্যন্ত আর্যদের বাসস্থান (আর্য্যাবর্ত) এবং বাণিজ্যকেন্দ্র আছে তন্মধ্যে এই পাটলিপুত্র^১ সর্বপ্রধান রাজধানী হইবে। কিন্তু তাহার তিনটি প্রতিবন্ধক উপস্থিত হইবে, জল, অগ্নি এবং অন্তর্বিবাদ।”

মগধের মহামন্ত্রী সুনীধ এবং বর্ষকার ভগবানের নিকট উপস্থিত হইলেন; উপস্থিত হইয়া ভগবানের সহিত প্রীত্যালাপচলে কুশলপ্রশ্ন জিজ্ঞাসা করিলেন। কুশলপ্রশ্ন এবং স্মরণীয় বিষয়ের আলোচনা সমাপ্ত করিয়া একান্তে দণ্ডায়মান হইলেন; একান্তে দণ্ডায়মান হইয়া মগধের মহামন্ত্রী সুনীধ এবং বর্ষকার ভগবানকে কহিলেন :—“মহাত্মা গৌতম ভিক্ষুসঙ্ঘসহ অদ্য আমাদের অন্ত গ্রহণ করুন।” ভগবান মৌনভাবে সম্মতি জ্ঞাপন করিলেন। মগধের মহামন্ত্রী সুনীধ এবং বর্ষকার ভগবানের সম্মতি জানিয়া আসন হইতে উঠিয়া প্রস্থান করিলেন। মগধের মহামন্ত্রী সুনীধ এবং বর্ষকার উত্তম খাদ্যভোজ্য প্রস্তুত করাইয়া ভগবানকে সময় জ্ঞাপন করাইলেন—“ভো গৌতম! ভোজনের সময় হইয়াছে, আহাৰ্য্য প্রস্তুত। ভগবান পূর্বাহ্ন সময় বহির্গমনোপযোগী বাস পরিধান করিয়া, পাত্রটীবর লইয়া মগধের

^১। ‘পাটলিপুত্র’ শব্দের উল্লেখ থাকায় এই অংশ প্রক্ষিপ্ত বোধ হইতেছে।

মহামন্ত্রী সুনীধ এবং বর্ষকারের শিবিরে উপস্থিত হইলেন; উপস্থিত হইয়া নির্দিষ্ট আসনে ভিক্ষুসঙ্ঘসহ উপবেশন করিলেন। মগধের মহামন্ত্রী সুনীধ এবং বর্ষকার বুদ্ধপ্রমুখ ভিক্ষুসঙ্ঘকে স্বহস্তে উত্তম খাদ্যভোজ্য দানে সন্তুষ্ট করিলেন। তাঁহারা এত অধিক পরিমাণ দিতে লাগিলেন যে ভিক্ষুসঙ্ঘ আর না দিবার জন্য বারণ করিলেন। ভগবান আহারের পর পাত্র হইতে হস্ত অপনয়ন করিলে তাঁহারা একান্তে উপবেশন করিলেন। একান্তে উপবিষ্ট মগধের মহামন্ত্রী সুনীধ এবং বর্ষকারকে ভগবান এই গাথাযোগে অনুমোদন করিলেন—

যে প্রদেশে করে বাস পণ্ডিত সৃজন
সমাদরে শ্রদ্ধাভরে করান ভোজন
শীলবান সুসংযত ব্রহ্মচারিগণ।
তথায় দেবতা যারা করে নিত্য বাস
তাদের প্রদানে পূজা বলি বারমাস।
পূজা লভি করে পূজা, মান পেয়ে মান,
অনুকম্পা করে নরে যিনি ভাগ্যবান,
যেমতি জননী করে পুত্রের কল্যাণ।
দেবতার অনুগ্রহ লভে যেই জন
সদা ভদ্র, সদা শুভ করেন দর্শন।

ভগবান মগধের মহামন্ত্রী সুনীধ এবং বর্ষকারকে এই গাথাযোগে অনুমোদন করিয়া, আসন হইতে উঠিয়া প্রস্থান করিলেন। সেই সময় মগধের মহামন্ত্রী সুনীধ এবং বর্ষকার ‘অদ্য শ্রমণ গৌতম যেই দ্বারা দিয়া নিষ্ক্রমণ করিবেন তাহার নাম হইবে গৌতমদ্বার এবং যেই তীর্থ (ঘাট) দিয়া গঙ্গানদী পার হইবেন তাহার নাম হইবে গৌতমতীর্থ’ এইরূপ মনে করিয়া ভগবানের অনুসরণ করিতে লাগিলেন। ভগবান যেই দ্বার দিয়া নিষ্ক্রমণ করিলেন তাহার নাম হইলে ‘গৌতমদ্বার।’ ভগবান গঙ্গানদীতে উপস্থিত হইলেন। সেই সময় গঙ্গানদী এমনভাবে পরিপূর্ণ ছিল যে তীরে বসিয়া কাকও জলপান করিতে সমর্থ হইত। মনুষ্যগণের মধ্যে পরপারে যাইবার জন্য কেহ নৌকা কেহ উড়ুপ অশ্বেষণ করিতেছিল এবং কেহ বা ভেলা^১ প্রস্তুত করিতেছিল। ভগবান দেখিতে পাইলেন : নদীর পরপারে যাইবার জন্য কেহ নৌকা, কেহ উড়ুপ অশ্বেষণ করিতেছে এবং কেহ বা ভেলা প্রস্তুত করিতেছে। তাহা দেখিয়া যেমন কোন বলবান পুরুষ সঙ্কুচিত বাহু প্রসারিত করে এবং প্রসারিত বাহু সঙ্কুচিত করে তেমনভাবে ভগবান ভিক্ষুসঙ্ঘসহ গঙ্গানদীর এই তীরে অন্তর্হিত হইয়া অন্য তীরে উপস্থিত হইলেন। অনন্তর ভগবান এই তত্ত্বার্থ বিদিত হইয়া সেই সময় এই উদানগাথা উচ্চারণ করিলেন :—

^১। চট্টগ্রামের ভাষায় ‘চালি’ বলে।

তরে যারা অনায়াসে সরিৎ সাগর
ধর্মেরে করিয়া সেতু, ছাড়িয়া ‘পল্লব’^১,
যথার্থ উত্তীর্ণ তারা সুপথিকগণ,
ভেলাই বাঁধিতে ব্যস্ত মূর্খ জগজন।

[স্থান :—কোটিগ্রাম]

ভগবান কোটিগ্রামে উপস্থিত হইলেন। ভগবান কোটিগ্রামে অবস্থান করিতে লাগিলেন। ভগবান সেই স্থানে ভিক্ষুগণকে আহ্বান করিলেন—“হে ভিক্ষুগণ! চতুর্বিধ আর্য্যসত্য অনুবোধ এবং প্রতিবেদ না হওয়ায় (সূক্ষ্মভাবে বুঝিতে না পারায়) আমায় এবং তোমাদিগকে এই দীর্ঘপথ ধাবিত হইতে হইয়াছে (বারম্বার জন্মগ্রহণ করিতে হইয়াছে), সংসরণ করিতে হইয়াছে। সেই চারি আর্য্যসত্য কি কি?

হে ভিক্ষুগণ! দুঃখ আর্য্যসত্যের অনুবোধ এবং প্রতিবেদ না হওয়ায় আমায় এবং তোমাদিগকে দীর্ঘপথ ধাবিত হইতে হইয়াছে, সংসরণ করিতে হইয়াছে। দুঃখ-সমুদয় আর্য্যসত্য, দুঃখ-নিরোধ আর্য্যসত্য এবং দুঃখ-নিরোধগামী প্রতিপদ আর্য্যসত্য অনুবোধ এবং প্রতিবেদ না হওয়ায় আমার এবং তোমাদিগকে বারম্বার ধাবিত হইতে হইয়াছে, সংসরণ করিতে হইয়াছে।

হে ভিক্ষুগণ! এখন সেই দুঃখ আর্য্যসত্য অনুবোধ এবং প্রতিবেদ করিতে পারিয়াছি, দুঃখ-সমুদয় আর্য্যসত্য অনুবোধ এবং প্রতিবেদ করিতে পারিয়াছি, দুঃখ-নিরোধ আর্য্যসত্য অনুবোধ এবং প্রতিবেদ করিতে পারিয়াছি এবং দুঃখ-নিরোধগামী প্রতিপদ আর্য্যসত্য অনুবোধ এবং প্রতিবেদ করিতে পারিয়াছি। ভবতৃষ্ণা উচ্ছিন্ন হইয়াছে, ভবনেত্রী ক্ষীণ হইয়াছে এবং আর পুনরুৎপত্তির সম্ভাবনা নাই।

না পেয়ে যথার্থ চারি সত্যের^২ দর্শন
দীর্ঘকাল বহুযোনি করেছি ভ্রমণ।
এবার পেয়েছি সেই সত্যের দর্শন,
ভবনেত্রী তৃষ্ণা এবে হয়েছে নিধন।
উৎপাটিত দুঃখ-মূল, দুঃখের কারণ,
পুনর্ভব, পুনর্জন্ম নাহিরে এখন।

গণিকা আম্রপালী শুনিতে পাইল : ভগবান নাকি কোটিগ্রামে^৩ আসিয়াছেন। গণিকা আম্রপালী উৎকৃষ্ট যানসমূহ সজ্জিত করিয়া, উৎকৃষ্ট যানে আরোহণ করিয়া, উৎকৃষ্ট যানে করিয়া ভগবানকে দর্শন করিবার জন্য যাত্রা করিল। যতদূর যান

^১। ডোবা, বিল।

^২। চতুরার্য্য সত্য।

^৩। দীর্ঘ-নিকয়ে বৈশালীতে বুদ্ধের সহিত আম্রপালীর সাক্ষাৎ বর্ণিত হইয়াছে।

যাইবার উপযুক্ত রাস্তা ততদূর যানে গমন করিয়া তৎপর যান হইতে অবতরণ করিয়া পদব্রজেই ভগবানের নিকট উপস্থিত হইল। উপস্থিত হইয়া ভগবানকে অভিবাদন করিয়া একান্তে উপবেশন করিল। একান্তে উপবিষ্ট গণিকা আম্রপালীকে ভগবান ধর্মকথায় প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট করিলেন। গণিকা আম্রপালী ভগবানের ধর্মকথায় প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট হইয়া ভগবানকে কহিল—“প্রভো! আগামীকল্য মমালয়ে অনুগ্রহণের সম্মতি জ্ঞাপন করুন।” ভগবান মৌনভাবে সম্মতি জ্ঞাপন করিলেন। গণিকা আম্রপালী ভগবানের সম্মতি বিদিত হইয়া, আসন হইতে উঠিয়া, ভগবানকে অভিবাদন করিয়া এবং তাঁহার পুরোভাগে দক্ষিণপার্শ্ব রাখিয়া প্রস্থান করিল।

বৈশালীর লিচ্ছবিগণ শুনিতে পাইলেন : ভগবান নাকি কোটিগ্রামে আসিয়াছেন। অনন্তর বৈশালীর লিচ্ছবিগণ উৎকৃষ্ট যানসমূহ সজ্জিত করিয়া, উৎকৃষ্ট যানে আরোহণ করিয়া, উৎকৃষ্ট যানে করিয়া বৈশালী হইতে ভগবানকে দেখিবার জন্য যাত্রা করিলেন। তাঁহাদের মধ্যে কোন কোন লিচ্ছবির দেহের বর্ণ নীল ছিল এবং নীলবর্ণের বস্ত্র ও নীলবর্ণের অলঙ্কার পরিধান করিয়াছিলেন। কোন কোন লিচ্ছবির দেহের বর্ণ পীত ছিল এবং পীতবর্ণের বস্ত্র ও অলঙ্কার পরিধান করিয়াছিলেন। কোন কোন লিচ্ছবির দেহের বর্ণ লোহিত ছিল এবং লোহিতবর্ণের বস্ত্র ও অলঙ্কার পরিধান করিয়াছিলেন। কোন কোন লিচ্ছবির দেহের বর্ণ শ্বেত ছিল এবং শ্বেতবর্ণের বস্ত্র ও অলঙ্কার পরিধান করিয়াছিলেন। গণিকা আম্রপালী তরুণ লিচ্ছবিগণের রথের ঈষের সঙ্গে ঈষ, যুগের সঙ্গে যুগ, চক্রের সঙ্গে চক্র, অক্ষের সঙ্গে অক্ষ সজ্জাটন করিয়া রথ চালাইতে লাগিল। তখন সেই লিচ্ছবিগণ গণিকা আম্রপালীকে কহিলেন—“রে আম্রপালি! কেন তুমি আমাদের অর্থাৎ এই তরুণ লিচ্ছবিগণের রথের ঈষের সঙ্গে ঈষ, যুগের সঙ্গে যুগ, চক্রের সঙ্গে চক্র এবং অক্ষের সঙ্গে অক্ষ সজ্জাটন করিয়া রথ চালনা করিতেছ?” “আর্য্যপুত্রগণ! আমি আগামী কল্যের জন্য বুদ্ধপ্রমুখ ভিক্ষুসজ্জাকে নিমন্ত্রণ করিয়াছি।” “রে আম্রপালি! তোমায় লক্ষটাকা দিব, আমাদিগকে আগামীকল্য বুদ্ধকে ভোজন করাইবার অবসর প্রদান কর।” “আর্য্যপুত্রগণ! যদি আপনারা আমাকে বৈশালী শহরও প্রদান করেন তথাপি আমি এই নিমন্ত্রণ আপনাদিগকে দিতে পারি না।”

সেই লিচ্ছবিগণ অঙ্গুলি স্ফোটন করিয়া কহিলেন—“অরে! আমাদিগকে আম্রপালী পরাজয় করিল! আমাদিগকে আম্রপালী পরাজয় করিল!!” অনন্তর সেই লিচ্ছবিগণ ভগবানের নিকট উপস্থিত হইলেন। ভগবান সেই লিচ্ছবিদিগকে দূর হইতেই আসিতে দেখিতে পাইলেন। দেখিয়া ভিক্ষুগণকে আহ্বান করিয়া কহিলেন :—“হে ভিক্ষুগণ! যেই ভিক্ষুগণ ত্রয়স্ত্রিংশ দেবলোক দেখে নাই তাহারা এই লিচ্ছবি-পরিষদ দেখিতে পার, অবলোকন করিতে পার এবং এই লিচ্ছবি-পরিষদকে ত্রয়স্ত্রিংশ-পরিষদ বলিয়া মনে করিতে পার।”

সেই লিচ্ছবিগণ যতদূর যানে যাওয়া সম্ভব ততদূর যানে যাইয়া তৎপর যান হইতে অবতরণ করিয়া পদব্রজেই ভগবানের নিকট উপস্থিত হইলেন; উপস্থিত হইয়া ভগবানকে অভিবাদন করিয়া একান্তে উপবেশন করিলেন। একান্তে উপবিষ্ট সেই লিচ্ছবিগণকে ভগবান ধর্মকথায় প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট করিলেন। সেই লিচ্ছবিগণ ভগবানের ধর্মকথায় প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট হইয়া ভগবানকে কহিলেন—“প্রভো! ভগবান ভিক্ষুসঙ্ঘসহ আগামীকালের জন্য আমাদের নিমন্ত্রণ গ্রহণ করুন।” “লিচ্ছবিগণ! আগামীকালের জন্য আমি গণিকা আম্রপালীর নিমন্ত্রণ গ্রহণ করিয়াছি।” তখন সেই লিচ্ছবিগণ “অরে, আম্রকা (আম্রপালী) দ্বারা পরাজিত হইলাম! অরে, আম্রকা দ্বারা পরাজিত হইলাম!” এই বলিয়া অঙ্গুলি স্ফোটন করিলেন। লিচ্ছবিগণ ভগবানের উপদেশ অভিনন্দন এবং অনুমোদন করিয়া, আসন হইতে উঠিয়া, ভগবানকে অভিবাদন করিয়া এবং তাঁহার পুরোভাগে দক্ষিণপার্শ্ব রাখিয়া প্রস্থান করিলেন।

[স্থান :—নাদিকা]

ভগবান কোটিগ্রামে যথারূপে অবস্থান করিয়া নাদিকায় উপস্থিত হইলেন; ভগবান নাদিকায় অবস্থান করিতে লাগিলেন,—গিঞ্জক-আবাসথে (ইষ্টক প্রাসাদে)। গণিকা আম্রপালী সেই রাত্রি অবসানে স্বীয় আরামে (প্রমোদোদ্যানে) উত্তম খাদ্যভোজ্য প্রস্তুত করাইয়া ভগবানকে সময় জ্ঞাপন করাইলেন—“প্রভো! ভোজনের সময় উপস্থিত, আহাৰ্য্য প্রস্তুত হইয়াছে।” ভগবান পূর্বাহ্নে বহির্গমনোপযোগী বাস পরিধান করিয়া, পাত্রচীবর লইয়া, গণিকা আম্রপালীর শিবিরে (খাদ্য পরিবেশন করিবার স্থানে) উপস্থিত হইলেন; উপস্থিত হইয়া ভিক্ষুসঙ্ঘসহ নির্দিষ্ট আসনে উপবেশন করিলেন। গণিকা আম্রপালী বুদ্ধপ্রমুখ ভিক্ষুসঙ্ঘকে স্বহস্তে উত্তম খাদ্যভোজ্যদানে সত্ত্বপ্ত করিল। ভিক্ষুসঙ্ঘ কর্তৃক আর না দিবার জন্য সে নিবারণিত হইল এবং ভগবান আহারের পর পাত্র হইতে হস্ত অপনয়ন করিলে একান্তে উপবেশন করিল। একান্তে উপবিষ্ট হইয়া গণিকা আম্রপালী ভগবানকে কহিল—“প্রভো! আমার এই আম্রোদ্যান বুদ্ধপ্রমুখ ভিক্ষুসঙ্ঘকে প্রদান করিলাম।” ভগবান আরাম (উদ্যানবাটিকা) গ্রহণ করিলেন। ভগবান গণিকা আম্রপালীকে ধর্মকথায় প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট করিয়া, আসন হইতে উঠিয়া মহাবনে উপস্থিত হইলেন। ভগবান বৈশালীতে অবস্থান করিতে লাগিলেন,—মহাবনের কূটাগারশালায়।

॥ লিচ্ছবি ভণিতা সমাপ্ত ॥

[স্থান :—বৈশালী]

(৮) সেনাপতি সিংহের ধর্মান্তর গ্রহণ

সেই সময়ে প্রসিদ্ধ লিচ্ছবিগণ মন্ত্রণাগারে উপবিষ্ট হইয়া, সমবেত হইয়া বিবিধ প্রকারে বুদ্ধের প্রশংসা কীর্তন করিতেছিলেন, তদুপদিষ্ট ধর্মের প্রশংসা কীর্তন করিতেছিলেন এবং ভিক্ষুসঙ্ঘের প্রশংসা কীর্তন করিতেছিলেন। নির্ঘৃষ্টশ্রাবক (উপাসক) সিংহ সেনাপতি সেই পরিষদে উপবিষ্ট ছিলেন। তখন সিংহ সেনাপতির মনে এই চিন্তা উদিত হইল : “এই প্রসিদ্ধ লিচ্ছবিগণ মন্ত্রণাগারে উপবিষ্ট হইয়া, সমবেত হইয়া যেইভাবে বুদ্ধের তদুপদিষ্ট ধর্মের এবং ভিক্ষুসঙ্ঘের প্রশংসা কীর্তন করিতেছেন তাহাতে নিঃসংশয়ে বুঝা যাইতেছে তিনি ভগবান অর্হৎ সম্যকসম্বুদ্ধ। আমি সেই ভগবান অর্হৎ সম্যকসম্বুদ্ধকে দর্শন করিবার জন্য উপস্থিত হইব।” এই ভাবিয়া সিংহ সেনাপতি নির্ঘৃষ্টজ্ঞাতপুত্রের নিকট উপস্থিত হইলেন; উপস্থিত হইয়া নির্ঘৃষ্টজ্ঞাতপুত্রকে অভিবাদন করিয়া একান্তে উপবেশন করিলেন। একান্তে উপবেশন করিয়া সিংহ সেনাপতি নির্ঘৃষ্টজ্ঞাতপুত্রকে কহিলেন—“প্রভো! আমি শ্রমণ গৌতমের দর্শন করিবার জন্য যাইতে ইচ্ছা করি।” “হে সিংহ! আপনি স্বয়ং ক্রিয়াবাদী (কর্মবাদী) হইয়া কি অক্রিয়াবাদী (অকর্মবাদী) শ্রমণ গৌতমের দর্শনে যাইবেন? সিংহ, শ্রমণ গৌতম যে অক্রিয়াবাদী, অক্রিয়ার জন্য ধর্মদেশনা করেন এবং তদ্বারা শ্রাবকগণকে বিনীত করিয়া থাকেন।” সিংহ সেনাপতির ভগবানকে দর্শন করিবার যেই প্রবল ইচ্ছা ছিল তাহা উপশমিত হইল। দ্বিতীয়বারও তাঁহার এইরূপে ইচ্ছার উৎপত্তি এবং উপশম হইল।

তৃতীয়বারও প্রসিদ্ধ লিচ্ছবিগণ মন্ত্রণাগারে উপবিষ্ট হইয়া, সমবেত হইয়া বিবিধ প্রকারে বুদ্ধ, ধর্ম এবং ভিক্ষুসঙ্ঘের প্রশংসা কীর্তন করিতেছিলেন। তৃতীয়বার সিংহ সেনাপতির মনে এই চিন্তা উদিত হইল : “এই প্রসিদ্ধ লিচ্ছবিগণ মন্ত্রণাগারে উপবিষ্ট হইয়া এবং সমবেত হইয়া যেইভাবে বুদ্ধ, ধর্ম এবং ভিক্ষুসঙ্ঘের প্রশংসা কীর্তন করিতেছেন তাহাতে নিঃসংশয়ে বুঝা যাইতেছে সেই ভগবান অর্হৎ সম্যকসম্বুদ্ধ। জিজ্ঞাসা করিলে বা না করিলে এই নির্ঘৃষ্টগণ আমায় কি করিতে পারেন? অতএব আমি নির্ঘৃষ্টদিগকে জিজ্ঞাসা না করিয়াই সেই ভগবান অর্হৎ সম্যকসম্বুদ্ধকে দর্শন করিবার জন্য যাইব।” এই ভাবিয়া সিংহ সেনাপতি ভগবানকে দর্শন করিবার জন্য পঞ্চাশত রথারোহণে মধ্যাহ্নে যাত্রা করিলেন। যতদূর যান গমনোপযোগী রাস্তা ততদূর যানে যাইয়া তৎপর যান হইতে অবতরণ করিয়া পদব্রজেই ভগবানের নিকট উপস্থিত হইলেন; উপস্থিত হইয়া ভগবানকে অভিবাদন করিয়া একান্তে উপবেশন করিলেন। একান্তে উপবেশন করিয়া সিংহ সেনাপতি ভগবানকে কহিলেন—“প্রভো! আমি শুনিয়াছি : শ্রমণ গৌতম অক্রিয়াবাদী,

অক্রিয়ার জন্য ধর্মদেশনা করেন এবং তদ্বারা শ্রাবকগণকে বিনীত করেন। প্রভো! যাহারা বলিতেছে ‘শ্রমণ গৌতম অক্রিয়াবাদী, অক্রিয়ার জন্য ধর্মদেশনা করেন এবং তদ্বারা শ্রাবকগণকে বিনীত করেন।’ তাহারা ভগবানের উপর মিথ্যা দোষারোপ করিতেছে না ত? যথার্থভাবে ধর্মের খুঁটিনাটি ব্যক্ত করিতেছে ত? কোন সহধর্মী বাদানুবাদে নিন্দিত হয় না ত? প্রভো! আমরা কিন্তু ভগবানের নিন্দা করিতে চাই না।”

সিংহ! এরূপ কারণ-পর্য্যায় আছে যাহাতে যে সত্যকথা বলিতে চায় সে আমার সম্বন্ধে বলিতে পারে : ‘শ্রমণ গৌতম অক্রিয়াবাদী, অক্রিয়ার জন্য ধর্মদেশনা করেন এবং তদ্বারা শ্রাবকগণকে বিনীত করেন।’

সিংহ! এরূপ কারণ-পর্য্যায় আছে যে সত্যকথা বলিতে চায় সে আমার সম্বন্ধে বলিতে পারে : ‘শ্রমণ গৌতম ক্রিয়াবাদী, ক্রিয়ার জন্য ধর্মদেশনা করেন এবং তদ্বারা শ্রাবকগণকে বিনীত করেন।’

সিংহ! এরূপ কারণ-পর্য্যায় আছে যে সত্যকথা বলিতে চায় সে আমার সম্বন্ধে বলিতে পারে : ‘শ্রমণ গৌতম উচ্ছেদবাদী, উচ্ছেদের নিমিত্ত ধর্মদেশনা করেন এবং তদ্বারা শ্রাবকগণকে বিনীত করেন।’

সিংহ! এরূপ কারণ-পর্য্যায় আছে যে সত্যকথা বলিতে চায় সে আমার সম্বন্ধে বলিতে পারে : ‘শ্রমণ গৌতম জুগুন্স, জুগুন্সতার জন্য ধর্মদেশনা করেন এবং তদ্বারা শ্রাবকগণকে বিনীত করেন।’

সিংহ! এরূপ কারণ-পর্য্যায় আছে যে সত্যকথা বলিতে চায় সে আমার সম্বন্ধে বলিতে পারে : ‘শ্রমণ গৌতম বৈনয়িক (বিনাশবাদী), বিনয়নের জন্য ধর্মদেশনা করেন এবং তদ্বারা শ্রাবকগণকে বিনীত করেন।’

সিংহ! এরূপ কারণ-পর্য্যায় আছে যে সত্যকথা বলিতে চায় সে আমার সম্বন্ধে বলিতে পারে : ‘শ্রমণ গৌতম তপস্বী, তপস্বিতার জন্য ধর্মদেশনা করেন এবং তদ্বারা শ্রাবকগণকে বিনীত করেন।’

সিংহ! এরূপ কারণ-পর্য্যায় আছে যে সত্যকথা বলিতে চায় সে আমার সম্বন্ধে বলিতে পারে : ‘শ্রমণ গৌতম অপগর্ভ, অপগর্ভতার জন্য ধর্মদেশনা করেন এবং তদ্বারা শ্রাবকগণকে বিনীত করেন।’

সিংহ! এরূপ কারণ-পর্য্যায় আছে যে সত্যকথা বলিতে চায় সে আমার সম্বন্ধে বলিতে পারে : ‘শ্রমণ গৌতম আশ্বস্ত, আশ্বাসের জন্য ধর্মদেশনা করেন এবং তদ্বারা শ্রাবকগণকে বিনীত করেন।’

সিংহ! কি কারণ-পর্য্যয়ে সত্যবাদী আমার সম্বন্ধে ‘শ্রমণ গৌতম অক্রিয়াবাদী অক্রিয়ার নিমিত্ত ধর্মদেশনা করেন এবং তদ্বারা শ্রাবকদিগকে বিনীত করেন’ একথা বলিতে পারে? সিংহ! আমি কায়িক, বাচনিক, মানসিক দুক্রিয়াকে এবং নানাবিধ পাপ অকুশল ধর্মকে অক্রিয়া (অকরণীয়) বলিয়া থাকি। সিংহ! এই কারণ-পর্য্যয়েই

যে সত্যকথা বলিতে চায় সে আমার সম্বন্ধে বলিতে পারে : ‘শ্রমণ গৌতম অক্রিয়াবাদী, অক্রিয়ার নিমিত্ত ধর্মদেশনা করেন এবং তদ্বারা শ্রাবকগণকে বিনীত করেন।’

সিংহ! কি কারণ-পর্য্যয়ে যে সত্যকথা বলিতে চায় সে আমার সম্বন্ধে ‘শ্রমণ গৌতম ক্রিয়াবাদী, ক্রিয়ার নিমিত্ত ধর্মদেশনা করেন এবং তদ্বারা শ্রাবকগণকে বিনীত করেন’ এই কথা বলিতে পারে? সিংহ! আমি কায়িক, বাচনিক, মানসিক সদাচার এবং নানাবিধ কুশল ধর্মকে ক্রিয়া (করণীয়) বলিয়া থাকি। সিংহ! এই কারণ-পর্য্যয়েই যে সত্যকথা বলিতে চায় সে আমার সম্বন্ধে বলিতে পারে : ‘শ্রমণ গৌতম ক্রিয়াবাদী, ক্রিয়ার নিমিত্ত ধর্মদেশনা করেন এবং তদ্বারা শ্রাবকগণকে বিনীত করেন।’

সিংহ! কি কারণ-পর্য্যয়ে যে সত্যকথা বলিতে চায় সে আমার সম্বন্ধে ‘শ্রমণ গৌতম উচ্ছেদবাদী, উচ্ছেদের নিমিত্ত ধর্মদেশনা করেন এবং তদ্বারা শ্রাবকগণকে বিনীত করেন’ এই কথা বলিতে পারে? সিংহ! আমি রাগ, দ্বেষ, মোহ এবং বিবিধ পাপ অকুশল ধর্মের উচ্ছেদ (বিনাশ) সাধন করিবার জন্য বলিয়া থাকি। সিংহ! এই কারণ-পর্য্যয়েই যে সত্যকথা বলিতে চায় সে আমার সম্বন্ধে বলিতে পারে : ‘শ্রমণ গৌতম উচ্ছেদবাদী, উচ্ছেদের নিমিত্ত ধর্মদেশনা করেন এবং তদ্বারা শ্রাবকগণকে বিনীত করেন।’

সিংহ! কি কারণ-পর্য্যয়ে যে সত্যকথা বলিতে চায় সে আমার সম্বন্ধে ‘শ্রমণ গৌতম জুগুন্স, জুগুন্সতার নিমিত্ত ধর্মদেশনা করেন এবং তদ্বারা শ্রাবকগণকে বিনীত করেন’ এই কথা বলিতে পারে? সিংহ! আমি কায়িক, বাচনিক, মানসিক এবং বিবিধ পাপ অকুশল ধর্ম সম্প্রাপ্তিকে জুগুন্সা (ঘৃণা) করিয়া থাকি। সিংহ! এই কারণ-পর্য্যয়ে যে সত্যকথা বলিতে চায় সে আমার সম্বন্ধে বলিতে পারে : ‘শ্রমণ গৌতম জুগুন্স, জুগুন্সতার নিমিত্ত ধর্মদেশনা করেন এবং তদ্বারা শ্রাবকগণকে বিনীত করেন।’

সিংহ! কি কারণ-পর্য্যয়ে যে সত্যকথা বলিতে চায় সে আমার সম্বন্ধে ‘শ্রমণ গৌতম বৈনয়িক, বিনয়নের জন্য ধর্মদেশনা করেন এবং তদ্বারা শ্রাবকগণকে বিনীত করেন’ এই কথা বলিতে পারে? সিংহ! আমি রাগ, দ্বেষ, মোহ এবং বিবিধ পাপ অকুশল ধর্ম বিনয়নের নিমিত্ত ধর্মদেশনা করিয়া থাকি। সিংহ! এই কারণ-পর্য্যয়েই যে সত্যকথা বলিতে চায় সে আমার সম্বন্ধে বলিতে পারে : ‘শ্রমণ গৌতম বৈনয়িক, বিনয়নের জন্য ধর্ম দেশনা করেন এবং তদ্বারা শ্রাবকগণকে বিনীত করেন।’

সিংহ! কি কারণ-পর্য্যয়ে যে সত্যকথা বলিতে চায় সে আমার সম্বন্ধে ‘শ্রমণ গৌতম তপস্বী, তপস্বিতার নিমিত্ত ধর্মদেশনা করেন এবং তদ্বারা শ্রাবকগণকে বিনীত করেন’ এই কথা বলিতে পারে? সিংহ! আমি কায়িক, বাচনিক, মানসিক পাপ অকুশল ধর্ম তাপনীয় বলিয়া থাকি। সিংহ যাঁহার তাপনীয় (সন্তাপদায়ক) পাপ

অকুশল ধর্মের মূল উচ্ছিন্ন হইয়াছে, তালবৃক্ষের ন্যায় উৎপাদিত হইয়াছে, বিলুপ্ত করা হইয়াছে এবং উৎপাদিকা শক্তি রহিত করা হইয়াছে আমি তাঁহাকেই তপস্বী বলিয়া থাকি। সিংহ! তথাগতের যে তাপনীয় পাপ অকুশল ধর্ম প্রহীন হইয়াছে, উচ্ছিন্নমূল হইয়াছে, তালবৃক্ষবৎ উৎপাদিত হইয়াছে, বিলুপ্ত করা হইয়াছে, ভাবী উৎপাদিকা শক্তি রহিত হইয়া গিয়াছে। সিংহ! এই কারণ-পর্য্যয়ে যে সত্যকথা বলিতে চায় সে আমার সম্বন্ধে বলিতে পারে : ‘শ্রমণ গৌতম তপস্বী, তপস্বিতার জন্য ধর্মদেশনা করেন এবং তদ্বারা শ্রাবকগণকে বিনীত করেন।’

সিংহ! কি কারণ-পর্য্যয়ে যে সত্যকথা বলিতে চায় সে আমার সম্বন্ধে ‘শ্রমণ গৌতম অপগর্ভ, অপগর্ভতার জন্য ধর্মদেশনা করেন এবং তদ্বারা শ্রাবকগণকে বিনীত করেন’ এই কথা বলিতে পারে? সিংহ! যাঁহার ভাবী গর্ভবাস, পুনর্ভব উৎপত্তি প্রহীন হইয়াছে, উচ্ছিন্নমূল হইয়াছে, তালবৃক্ষবৎ মূলোৎপাদিত হইয়াছে, বিলুপ্ত করা হইয়াছে এবং ভাবী উৎপাদিকা শক্তি রহিত হইয়াছে আমি তাঁহাকেই অপগর্ভ বলিয়া থাকি। সিংহ! তথাগতের যে ভাবী গর্ভবাস, পুনর্ভবে উৎপত্তি প্রহীন হইয়াছে, মূলোচ্ছিন্ন হইয়াছে, তালবৃক্ষবৎ মূলোৎপাদিত হইয়াছে, বিলুপ্ত করা হইয়াছে এবং ভাবী উৎপাদিকা শক্তি রহিত হইয়াছে। সিংহ! এই কারণ-পর্য্যয়ে যে সত্যকথা বলিতে চায় সে আমার সম্বন্ধে বলিতে পারে : ‘শ্রমণ গৌতম অপগর্ভ, অপগর্ভতার নিমিত্ত ধর্মদেশনা করেন এবং তদ্বারা শ্রাবকগণকে বিনীত করেন।’

সিংহ! কি কারণ-পর্য্যয়ে যে সত্যকথা বলিতে চায় সে আমার সম্বন্ধে ‘শ্রমণ গৌতম আশ্বস্ত, আশ্বাসের নিমিত্ত ধর্মদেশনা করেন এবং তদ্বারা শ্রাবকগণকে শাসন করেন’ এই কথা বলিতে পারে? সিংহ! আমি যে পরম আশ্বাসে আশ্বস্ত, আশ্বাসের নিমিত্ত ধর্মদেশনা করিয়া থাকি এবং তদ্বারা শ্রাবকগণকে বিনীত করিয়া থাকি। সিংহ! এই কারণ-পর্য্যয়ে যে সত্যকথা বলিতে চায় সে আমার সম্বন্ধে বলিতে পারে ‘শ্রমণ গৌতম আশ্বস্ত, আশ্বাসের নিমিত্ত ধর্মদেশনা করেন এবং তদ্বারা শ্রাবকগণকে বিনীত করেন।’

ভগবান এইরূপ বলিলে সিংহ সেনাপতি ভগবানকে কহিলেন :—“প্রভো, সুন্দর! অতি সুন্দর! প্রভো! যেমন কেহ উল্টানকে সোজা করে, আবৃতকে অনাবৃত করে, বিমূঢ়কে পথ প্রদর্শন করে, অন্ধকারে তৈলপ্রদীপ ধারণ করে যাহাতে চক্ষুস্মানব্যক্তি রূপ (দৃশ্যবস্তু) দেখিতে পায় সেইরূপ ভগবান বিবিধপ্রকারে ধর্ম প্রকাশিত করিলেন। প্রভো! আমি ভগবানের শরণ গ্রহণ করিতেছি। তদুপদিষ্ট ধর্মের এবং ভিক্ষুসঙ্ঘের শরণ গ্রহণ করিতেছি। ভগবান অদ্য হইতে আমারণ আমাকে উপাসকরূপে অবধারণ করুন।”

“সিংহ! বিবেচনা করিয়া কাজ করুন। আপনার ন্যায় জ্ঞানীর বিবেচনা করিয়া কাজ করা উচিত।” “প্রভো! ভগবান যে বলিলেন, ‘সিংহ! বিবেচনা করিয়া কাজ করুন। আপনার ন্যায় জ্ঞানীর বিবেচনা করিয়া কাজ করা উচিত’ আমি ভগবানের

এই বাক্যে অধিকতর প্রসন্ন হইলাম। প্রভো! যদি আমাকে অন্যতীর্থিকগণ তাঁহাদের শ্রাবকরূপে পাইতেন তাহা হইলে তাঁহারা সমস্ত বৈশালীতে পতাকাহস্তে বিচরণ করিয়া বলিতেন : ‘সিংহ সেনাপতি আমাদের শ্রাবকত্ব গ্রহণ করিয়াছেন’, অথচ ভগবান আমাকে বলিতেছেন—‘সিংহ! বিবেচনা করিয়া কাজ করুন; আপনার ন্যায়া জ্ঞানীর বিবেচনা করিয়া কাজ করা উচিত।’ এখন আমি দ্বিতীয়বার ভগবান, তদুপদিষ্ট ধর্ম এবং ভিক্ষুসঙ্ঘের শরণ গ্রহণ করিতেছি, ভগবান আমাকে অদ্য হইতে আমরণ শরণাগত উপাসকরূপে অবধারণ করুন।”

“সিংহ! আপনার গৃহ দীর্ঘকাল পর্য্যন্ত নির্ভ্রঙ্কণের আশ্রয়স্থল, অতএব তাহারা উপস্থিত হইলে তাহাদিগকে ভিক্ষান্ন দান করা কর্তব্য বলিয়া মনে করিবেন।”

“প্রভো! ভগবান যে কহিলেন ‘সিংহ! আপনার গৃহ দীর্ঘকাল পর্য্যন্ত নির্ভ্রঙ্কণের আশ্রয়স্থল, অতএব তাহারা উপস্থিত হইলে তাহাদিগকে ভিক্ষান্ন দান করা কর্তব্য বলিয়া মনে করিবেন।’ আমি ভগবানের এই বাক্যে আরও অধিক প্রসন্ন হইলাম। প্রভো! আমি পূর্বে শুনিয়াছি : ‘শ্রমণ গৌতম বলিয়া থাকেন : ‘আমাকেই দান দিবে, অন্যকে দান দিবে না; আমার শ্রাবকগণকেই দান দিবে, অন্যের শ্রাবকগণকে দান করিবে না; আমাকে করিলেই মহাফল হয়, অন্যকে করিলে মহাফল হয় না’ অথচ আমি এখন দেখিতেছি ভগবান নির্ভ্রঙ্কণকেও দান করিবার জন্য আমাকে নির্দেশ দান করিতেছেন। প্রভো! সেই সম্বন্ধে আমাদের যাহা উচিত বোধ হইবে তাহাই করিব। এখন আমি তৃতীয়বার ভগবান, তদুপদিষ্ট ধর্ম এবং ভিক্ষুসঙ্ঘের শরণ গ্রহণ করিতেছি; ভগবান আমাকে আজ হইতে আমরণ শরণাগত উপাসকরূপে অবধারণ করুন।”

ভগবান সিংহ সেনাপতিকে আনুপূর্ব্বিক ধর্মকথা বলিতে লাগিলেন। যথা—দান-কথা, শীল-কথা, স্বর্গ-কথা। ভগবান কামের আদীনব (উপদ্রব), অবকার (জঞ্জাল), সংক্লেশ (মালিন্য) এবং নৈষ্কম্যের আশংসা প্রকাশিত করিলেন। যখন ভগবান জানিতে পারিলেন : সিংহ সেনাপতির চিত্ত সুস্থ, মৃদু, কল্য, নীবরণমুক্ত, প্রফুল্ল এবং প্রসন্ন হইয়াছে তখন তিনি বুদ্ধগণের সৎক্ষিপ্ত সমুৎকৃষ্ট ধর্মদেশনা অভিব্যক্ত করিলেন,—দুঃখ, সমুদয়, নিরোধ এবং মার্গ। যেমন কালিমারহিত শুভ্রবস্ত্র উত্তমরূপে রঙ প্রতিগ্রহণ করে সেইরূপ সেই আসনেই সিংহ সেনাপতির বিরজ, বিমল ধর্মচক্ষু উৎপন্ন হইল,—‘যাহা কিছু সমুদয়ধর্ম তৎসমস্তই নিরোধধর্মী।’ সিংহ সেনাপতি ধর্ম প্রত্যক্ষ করিয়া, ধর্মতত্ত্ব লাভ করিয়া, ধর্ম বিদিত হইয়া, ধর্মে প্রবিষ্ট হইয়া, সংশয়মুক্ত হইয়া, ধর্মে বাদবিবাদরহিত হইয়া, ধর্মে বৈশারদ্য প্রাপ্ত হইয়া এবং শাস্তার শাসনে আত্মপ্রত্যয় লাভ করিয়া ভগবানকে কহিলেন—“প্রভো! ভিক্ষুসঙ্ঘসহ আগামীকল্য আমার অন্ত গ্রহণ করুন।” ভগবান মৌনভাবে সম্মতি জ্ঞাপন করিলেন।

সিংহ সেনাপতি ভগবানের সম্মতি জানিয়া, আসন হইতে উঠিয়া, ভগবানকে অভিবাদন করিয়া এবং তাঁহার পুরোভাগে দক্ষিণপার্শ্ব রাখিয়া প্রস্থান করিলেন। সিংহ সেনাপতি জনৈক কর্মচারীকে আদেশ করিলেন—“ওহে, নিহত পশুর মাংস পাওয়া যায় কি-না দেখিয়া আইস।” সিংহ সেনাপতি সেই রাত্রি অবসানে উত্তম খাদ্যভোজ্য প্রস্তুত করাইয়া ভগবানকে সময় জ্ঞাপন করাইলেন—“প্রভো! ভোজনের সময় উপস্থিত, আহার্য্য প্রস্তুত হইয়াছে।” ভগবান পূর্বাহ্নে বহির্গমনোপযোগী বাস পরিধান করিয়া, পাত্রচীবর লইয়া সিংহ সেনাপতির আলয়ে উপস্থিত হইলেন; উপস্থিত হইয়া ভিক্ষুসঙ্ঘসহ নির্দিষ্ট আসনে উপবেশন করিলেন। সেই সময় অনেক নির্ধন বৈশালীতে ‘অদ্য সিংহ সেনাপতি স্থূলপশু বধ করিয়া শ্রমণ গৌতমের জন্য আহার্য্য প্রস্তুত করিয়াছেন, শ্রমণ গৌতম স্বীয় উদ্দেশ্যে নিহত হইয়াছে জানিয়াও সেই পশুর মাংস ভোজন করিতেছেন’ এই বলিয়া এক রাস্তা হইতে অন্য রাস্তায়, এক চৌরাস্তা হইতে অন্য চৌরাস্তায় বাহু প্রসারিত করিয়া চীৎকার করিতেছিল। জনৈক লোক সিংহ সেনাপতির নিকট উপস্থিত হইল; উপস্থিত হইয়া সিংহ সেনাপতির কানে মুখ রাখিয়া চুপে চুপে কহিল, “প্রভো! এই যে অনেক নির্ধন বৈশালীর এক রাস্তা হইতে অন্য রাস্তায়, এক চৌরাস্তা হইতে অন্য চৌরাস্তায় বাহু প্রসারিত করিয়া, চীৎকার করিয়া বলিতেছে : ‘অদ্য সিংহ সেনাপতি স্থূলপশু বধ করিয়া শ্রমণ গৌতমের জন্য আহার্য্য প্রস্তুত করিয়াছেন; শ্রমণ গৌতম স্বীয় উদ্দেশ্যে নিহত হইয়াছে জানিয়াও সেই পশুর মাংস ভক্ষণ করিতেছেন!’ এই সংবাদ কি আপনি পাইয়াছেন?” “আর্য্য! তাঁহাদের কথায় কর্ণপাত করা নিষ্প্রয়োজন, কেননা সেই আয়ুস্মানগণ চিরকালই বুদ্ধের, তদুপদিষ্ট ধর্মের এবং ভিক্ষুসঙ্ঘের নিন্দা করিয়া আসিতেছেন। সেই আয়ুস্মানগণ অসৎ, তুচ্ছ, মিথ্যা এবং অসত্যবাক্য প্রয়োগে ভগবানের দুর্নাম প্রচার করিতে লজ্জানুভব করেন না। আমরা ত স্বীয় প্রাণরক্ষার নিমিত্তও সজ্ঞানে প্রাণিহত্যা করি না।”

সিংহ সেনাপতি বুদ্ধপ্রমুখ ভিক্ষুসঙ্ঘকে স্বহস্তে উত্তম খাদ্যভোজ্য দানে সন্তুষ্ট করিলেন। তিনি ভিক্ষুসঙ্ঘ কর্তৃক আর না দিবার জন্য নিবারিত হইলেন। ভগবান আহার সমাপ্ত করিয়া পাত্র হইতে হস্ত অপনয়ন করিলে তিনি একান্তে উপবেশন করিলেন। একান্তে উপবিষ্ট সিংহ সেনাপতিকে ভগবান ধর্মকথায় প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট করিয়া আসন হইতে উঠিয়া প্রস্থান করিলেন।

(৯) স্বীয় উদ্দেশ্যে নিহত জীবের মাংস জ্ঞাতসারে ভক্ষণ নিষিদ্ধ

ভগবান এই নিদানে, এই প্রকরণে ধর্মকথা উত্থাপন করিয়া ভিক্ষুগণকে আহ্বান করিলেন :—

“হে ভিক্ষুগণ! জ্ঞাতসারে স্বীয় উদ্দেশ্যে নিহত পশুর মাংস ভক্ষণ করিতে পারিবে না, যে ভক্ষণ করিবে তাহার ‘দুষ্কট’ অপরাধ হইবে।

“হে ভিক্ষুগণ! আমি অনুজ্ঞা করিতেছি : ত্রিকোটী-পরিশুদ্ধ, অর্থাৎ দর্শন, শ্রবণ এবং অনুমান মুক্ত মৎস্যমাংস ভক্ষণ করিবে।”

সজ্জারামে দ্রব্য রাখিবার স্থান

(১) দুর্ভিক্ষ সময়ের বিধান সুভিক্ষে নিষিদ্ধ

সেই সময়ে বৈশাখী সুভিক্ষা এবং শস্যশালী ছিল, অনায়াসে ভিক্ষান্ন লাভ হইত এবং অন্তত উষ্ণবৃত্তি দ্বারা জীবন যাপন করিতে পারা যাইত। ভগবান নিভৃতে ধ্যানাবিষ্ট থাকিবার সময় তাঁহারা মনে এই চিন্তা উদিত হইল : “আমি দুর্ভিক্ষ, দুঃশস্য এবং দুর্লভ ভিক্ষান্নের সময় ভিক্ষুদিগকে বিহারের ভিতরে রাখা, ভিতরে পাক করা, স্বহস্তে পাক করা, গৃহীত প্রতিগ্রহণ করা, সেই স্থান হইতে গৃহীত, পূর্বাহ্নে প্রতিগ্রহীত, বনজ এবং পুষ্করিণীজ দ্রব্য সম্বন্ধে যেই সমস্ত ব্যবস্থা দিয়াছিলাম অদ্যপি ভিক্ষুগণ সেই সমস্ত পরিভোগ করিতেছে কি?” ভগবান সায়াহ্নে ধ্যান হইতে উঠিয়া আয়ুত্মান আনন্দকে আহ্বান করিলেন :—“আনন্দ! আমি দুর্ভিক্ষ, দুঃশস্য এবং দুর্লভ ভিক্ষান্নের সময় ভিক্ষুদিগকে বিহারের ভিতরে রাখা, ভিতরে পাক করা, স্বহস্তে পাক করা, প্রতিগ্রহণ করা, সেইস্থান হইতে গৃহীত, পূর্বাহ্নে গৃহীত, বনজ এবং পুষ্করিণীজ দ্রব্য সম্বন্ধে যেই সমস্ত ব্যবস্থা দিয়াছিলাম ভিক্ষুগণ অদ্যপি সেই সমস্ত আহার করিতেছে কি?” “হাঁ, ভগবন! আহার করিতেছেন।

ভগবান এই নিদানে, এই প্রকরণে ধর্মকথা উত্থাপন করিয়া ভিক্ষুগণকে আহ্বান করিলেন :—“হে ভিক্ষুগণ! আমি দুর্ভিক্ষ, দুঃশস্য এবং দুর্লভ ভিক্ষান্নের সময় ভিক্ষুদিগকে বিহারের ভিতরে রাখা, ভিতরে পাক করা, স্বহস্তে পাক করা, গৃহীত প্রতিগ্রহণ করা, সেই স্থান হইতে গৃহীত, পূর্বাহ্নে গৃহীত, বনজ এবং পুষ্করিণীজ দ্রব্য সম্বন্ধে যেই সমস্ত ব্যবস্থা দিয়াছিলাম সেই সমস্তের ব্যবস্থা অদ্য হইতে প্রত্যাহার করিলাম।

“হে ভিক্ষুগণ! বিহারের অভ্যন্তরে রক্ষিত, অভ্যন্তরে পক্ক, স্বহস্তে পক্ক, গৃহীত-প্রতিগ্রহীত কোন দ্রব্য আহার করিতে পারিবে না, যে আহার করিবে তাহার ‘দুষ্কট’ অপরাধ হইবে।

“হে ভিক্ষুগণ! সেই স্থান হইতে গৃহীত, পূর্বাহ্নে প্রতিগ্রহীত, বনজ এবং পুষ্করিণীজ কোন দ্রব্য ভোজনের সময় নিবারণকারী^১ ভিক্ষু অতিরিক্ত আহার করিতে পারিবে না; যে আহার করিবে তাহার ধর্মানুসারে প্রতিকার করিতে হইবে।”

^১। আহারের সময় আহার্য পরিবেশনকারীকে কোন দ্রব্য দিবার জন্য নিষেধ করিয়া পুনরায় সেই দ্রব্য যাচঞা করিয়া আহার করিলে ‘পাচিভিয়’ অপরাধ হয়।—সুত্ত-বিভ।

(২) বিহিত স্থান (কপ্লিয় ভূমি)

সেই সময়ে জনপদবাসী জনসাধারণ বহু লবণ, তৈল, তণ্ডুল এবং খাদ্য শকটে করিয়া আনিয়া আরামের বাহিরে শকট উল্টাইয়া তাহার নীচে ‘যখন পর্য্যায় (বার, পালা) লাভ করিব তখন আহাৰ্য্য প্রস্তুত করিব’ এই ভাবিয়া রাখিয়া দিত। অকস্মাৎ মহামেঘ উত্থিত হইল। অনন্তর সেই ব্যক্তিগণ আয়ুত্মান আনন্দের নিকট উপস্থিত হইল; উপস্থিত হইয়া আয়ুত্মান আনন্দকে কহিল—“মহানুভব আনন্দ! বহু লবণ, তৈল, তণ্ডুল এবং খাদ্য শকটে আরোপিত আছে, মহামেঘও উত্থিত হইয়াছে; এখন আমরা কি করিব?” আয়ুত্মান আনন্দ ভগবানকে এই বিষয় জানাইলেন। (ভগবান কহিলেন :—)

“হে আনন্দ! তাহা হইলে সজ্ঞ সৰ্ব্ব পশ্চাতে অবস্থিত বিহার অথবা সজ্ঞ যেই বিহার, আঢ্যযোগ, প্রাসাদ, হর্ষ্য কিংবা গুহা ইচ্ছা করে তাহাই বিধিসম্মত ভূমি (কপ্লিয় ভূমি)’ রূপে নির্ণয় করিয়া তথায় (দ্রব্যাদি) রাখুক।”

হে ভিক্ষুগণ! এইভাবে নির্ণয় করিবে : দক্ষ এবং সমর্থ ভিক্ষু সজ্ঞকে এইরূপ প্রস্তাব জ্ঞাপন করিবে—

জ্ঞপ্তি—মাননীয় সজ্ঞ! আমার প্রস্তাব শ্রবণ করুন। যদি সজ্ঞ উচিৎ মনে করেন তাহা হইলে সজ্ঞ অমুক বিহার ‘কপ্লিয়ভূমি’ রূপে নির্ণয় করিতে পারেন। ইহাই জ্ঞপ্তি।

অনুশ্রাবণ—মাননীয় সজ্ঞ! আমার প্রস্তাব শ্রবণ করুন। সজ্ঞ অমুক বিহার ‘কপ্লিয়ভূমি’ রূপে নির্ণয় করিতেছেন। যেই আয়ুত্মান অমুক বিহার ‘কপ্লিয়ভূমি’ রূপে নির্ণয় করা উচিৎ মনে করেন তিনি মৌন থাকিবেন এবং যিনি উচিৎ মনে না করেন তিনি তাঁহার বক্তব্য ভাষায় প্রকাশ করিবে।

ধারণা—সজ্ঞ অমুক বিহার ‘কপ্লিয়ভূমি’ রূপে নির্ণয় করিলেন। সজ্ঞ এই প্রস্তাব উচিৎ মনে করিয়া মৌন রহিয়াছেন,—আমি এইরূপ ধারণা করিতেছি।

(৩) বিধিসম্মত ভূমিতে খাদ্য পাক করা নিষিদ্ধ

সেই সময়ে জনসাধারণ সেই নির্ণীত ‘কপ্লিয়ভূমি’তে যবাগ্নু পাক করিতেছিল, ভাত রান্না করিতেছিল, মাংস কুটিতেছিল, জ্বালানী কাষ্ঠ চিড়িতেছিল এবং উচ্চশব্দ মহাশব্দ করিতেছিল। ভগবান রাত্রি শেষে, প্রত্যুষে উঠিয়া উচ্চশব্দ মহাশব্দ এবং কাকের রব শুনিতে পাইলেন। শ্রবণ করিয়া আয়ুত্মান আনন্দকে আহ্বান করিলেন—“আনন্দ! উচ্চশব্দ মহাশব্দ এবং কাকের রব শোনা যাইতেছে কেন?”

১। ভাণ্ডার ঘর।

“প্রভো! এখন জনসাধারণ সেই নির্ণীত ‘কপ্লিয়ভূমি’তে যবাগু পাক করিতেছে, ভাত রান্না করিতেছে, সুপ প্রস্তুত করিতেছে, মাংস কুটিতেছে এবং কাষ্ঠ চিড়িতেছে। এইজন্যই উচ্চশব্দ মহাশব্দ এবং কাকের রব শোনা যাইতেছে।”

ভগবান এই নিদানে, এই প্রকরণে ধর্মকথা উত্থাপন করিয়া ভিক্ষুগণকে আহ্বান করিলেন :—

“হে ভিক্ষুগণ! নির্ণীত ‘কপ্লিয়ভূমি’ ব্যবহার করিতে পারিবে না; যে ব্যবহার করিবে তাহার ‘দুষ্কট’ অপরাধ হইবে।”

“হে ভিক্ষুগণ! আমি অনুজ্ঞা করিতেছি : ত্রিবিধ ‘কপ্লিয়ভূমি’,—‘উস্সাবনত্তিক’, ‘গোণিসাদিক’ এবং ‘গহপতিক’ ব্যবহার করিবে।”

(৪) চতুর্বিধ ‘কপ্লিয়’ভূমি

সেই সময়ে আয়ুত্থান যসোজ পীড়িত ছিলেন। তাঁহার জন্য ভৈষজ্য সংগৃহীত হইয়াছিল, ভিক্ষুগণ তাহা বাহিরে রাখিয়া দিলেন। সেখানে ইন্দুরে খাইতে লাগিল, চোরে হরণ করিতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : নির্ণীত ‘কপ্লিয়ভূমি’ ব্যবহার করিবে।

“হে ভিক্ষুগণ! আমি অনুজ্ঞা করিতেছি : চতুর্বিধ ‘কপ্লিয়ভূমি’,—‘উস্সাবনত্তিক’^১, ‘গোণিসাদিক’^২, ‘গহপতিক’^৩ এবং ‘সম্মুতিক’^৪ ব্যবহার করিবে।”

॥ সিংহ ভণিতা সমাপ্ত ॥

^১। যেই গৃহ স্তম্ভের উপর বা ভিত্তিমূল খনন করিয়া প্রস্তুত হয়, তাহার ভিত্তি স্থাপন করিবার সময় বহুসংখ্যক ভিক্ষু বারম্বার ‘কপ্লিয়কুটি (বিহিত কুটি) প্রস্তুত করিতেছি, কপ্লিয়কুটি প্রস্তুত করিতেছি’ এই বাক্য বলিয়া ভিত্তি প্রতিষ্ঠা করা।

^২। গোণিসাদিক দ্বিবিধ : আরাম গোণিসাদিক ও বিহার গোণিসাদিক। যেখানে আরাম কিংবা শয়নাসন ঘেরা না থাকে তাহা আরাম গোণিসাদিক। যেখানে সমস্ত শয়নাসন কিংবা কোন কোন শয়নাসন ঘেরা থাকে অথচ আরাম ঘেরা না থাকে তাহা বিহার গোণিসাদিক।

^৩। ‘গহপতি, কপ্লিয় কুটির প্রয়োজন’ এই কথা কোন গৃহস্থকে বলিলে সেই গৃহস্থ আবাস প্রস্তুত করিয়া ‘কপ্লিয়কুটি দিতেছি, ব্যবহার করুন’ বলিয়া প্রদত্ত বিহার।

^৪। কর্মবাক্য পাঠ করিয়া সঙ্ঘের সম্মতিতে নির্দিষ্ট বিহার।—সম-পাসা।

গোরস এবং ফলরসের বিধান

(১) মেণ্ডক শ্রেষ্ঠী এবং তাঁহার পরিজনবর্গের দিব্য বিভূতি

১—সেই সময়ে ভদ্রিকা^১ নগরে মেণ্ডক নামক গৃহপতি বাস করিতেন। তাঁহার এইরূপ দিব্য বিভূতি ছিল : তিনি মস্তক ধৌত করিয়া, ধ্যান্যাগার সম্মার্জন করাইয়া যখন বহির্দ্বারে উপবিষ্ট হইতেন তখন অন্তরীক্ষ হইতে ধান্যধারা পতিত হইয়া ধান্যাগার পরিপূর্ণ হইয়া যাইত। তাঁহার ভাৰ্য্যার এইরূপ দিব্য বিভূতি ছিল : তিনি মাত্র এক আড়ক^২ অন্নপূর্ণ থালা এবং এক বাটি মাত্র সূপ লইয়া বসিয়া দাস দাসী ও কর্মচারীবর্গকে অন্ন পরিবেশন করিতেন; যাবৎ তিনি আসন হইতে না উঠিতেন তাবৎ তাহা নিঃশেষ হইত না। তাঁহার পুত্রের এইরূপ দিব্য বিভূতি ছিল : তিনি এক সহস্র মুদ্রাপূর্ণ থলিয়া লইয়া দাস দাসী ও কর্মচারীবর্গকে ছয় মাসের বেতন প্রদান করিতেন; যাবৎ থলিয়া তাঁহার হস্তে থাকিত তাবৎ তাহা নিঃশেষ হইত না। তাঁহার স্নুষার (পুত্র-বধূর) এইরূপ দিব্য বিভূতি ছিল : তিনি চারি দ্রোণ শস্যপূর্ণ একটি পেটরা হস্তে বসিয়া দাস দাসী ও কর্মচারীবর্গের ছয় মাসের রসদ প্রদান করিতে পারিতেন; যাবৎ তিনি আসন হইতে না উঠিতেন তাবৎ তাহা নিঃশেষ হইত না। তাঁহার দাসের এইরূপ দিব্য বিভূতি ছিল : সে একটি মাত্র হল দ্বারা কর্ষণ করিবার সময় সাতটি হলরেখা (সীতা) উৎপন্ন হইত।

(২) মগধরাজ বিম্বিসার কর্তৃক পরীক্ষা

মগধরাজ শ্রেণিক বিম্বিসার শুনিতে পাইলেন : আমার রাজ্যধীন ভদ্রিকা নগরে মেণ্ডক নামে গৃহপতি বাস করেন। তাঁহার এইরূপ দিব্য বিভূতি আছে : তিনি মস্তক ধৌত করিয়া, ধান্যাগার সম্মার্জন করাইয়া যখন বহির্দ্বারে উপবেশন করেন তখন অন্তরীক্ষ হইতে ধান্যধারা পতিত হইয়া ধান্যাগার পরিপূর্ণ করে। তাঁহার ভাৰ্য্যার এইরূপ দিব্য বিভূতি আছে : তিনি এক আড়ক মাত্র অন্নপূর্ণ থালা এবং এক বাটি মাত্র সূপ লইয়া বসিয়া দাস দাসী ও কর্মচারীবর্গকে অন্ন পরিবেশন করিয়া থাকেন; কিন্তু তাবৎ তাহা নিঃশেষ হয় না যাবৎ তিনি আসন ত্যাগ না করেন। তাঁহার পুত্রের এইরূপ দিব্য বিভূতি আছে : তিনি এক সহস্র মুদ্রাপূর্ণ থলিয়া লইয়া দাস দাসী ও কর্মচারীবর্গকে ছয় মাসের বেতন প্রদান করেন; কিন্তু তাবৎ তাহা নিঃশেষ হয় না

^১। আধুনিক মুঙ্গের জেলা (?)

^২। ৪ কড়বে এক প্রস্থ, ৪ প্রস্থে ১ আড়ক, ৪ আড়কে ১ দ্রোণ, ৪ দ্রোণে ১ মাণি, ৪ মাণিতে ১ খারি।—অভিধান পদীপিকা।

যাবৎ থলিয়া তাঁহার হস্তে থাকে। তাঁহার সুষার এইরূপ দিব্য বিভূতি আছে : তিনি চারি দ্রোণ শস্যপূর্ণ একটি পেটরা হস্তে বসিয়া দাস দাসী ও কর্মচারীবর্গকে ছয়মাসের রসদ প্রদান করেন; কিন্তু তাবৎ তাহা নিঃশেষ হয় না যাবৎ তিনি আসন ত্যাগ না করেন। তাঁহার দাসের এইরূপ দিব্য বিভূতি আছে : সে একটিমাত্র হলদ্বারা কর্ষণ করিবার সময় সাতটি সীতা উৎপন্ন হয়। মগধরাজ শ্রেণিক বিম্বিসার অন্যতম সর্বার্থক মহামাত্যকে আহ্বান করিলেন :—“ভণে! আমাদের রাজ্যান্তর্গত ভদ্রিকা নগরে নাকি মেণ্ডক নামে গৃহপতি বাস করেন। তাঁহার এইরূপ দিব্য বিভূতি আছে : তিনি মস্তক ধৌত করিয়া ধান্যাগার সম্মার্জন করিয়া যখন বহির্দ্বারে উপবেশন করেন তখন অন্তরীক্ষ হইতে ধান্যধারা পতিত হইয়া ধান্যাগার পরিপূর্ণ হইয়া যায়। সাতটি হলরেখা উৎপন্ন হয়। আপনি যাইয়া অবগত হউন ঘটনাটি সত্য কি-না। আপনি দেখিলেই আমার দেখা হইবে।

“তাহাই হউক, দেব!” এই বলিয়া সেই মহামাত্য মগধরাজ শ্রেণিক বিম্বিসারকে সম্মতি জ্ঞাপন করিয়া চতুরঙ্গিনী সৈন্যসহ ভদ্রিকা অভিমুখে যাত্রা করিলেন। ক্রমান্বয়ে পর্য্যটন করিয়া ভদ্রিকা নগরে মেণ্ডক গৃহপতির নিকট উপস্থিত হইলেন; উপস্থিত হইয়া মেণ্ডক গৃহপতিকে কহিলেন :—“গৃহপতি! আমি রাজার দ্বারা আদিষ্ট হইয়াছি : ‘আমাদের রাজ্যান্তর্গত ভদ্রিকা নগরে নাকি মেণ্ডক নামে গৃহপতি বাস করেন। তাঁহার এইরূপ দিব্য বিভূতি আছে : তিনি মস্তক ধৌত করিয়া, ধান্যাগার সম্মার্জন করাইয়া যখন বহির্দ্বারে উপবেশন করেন তখন অন্তরীক্ষ হইতে ধান্যধারা পতিত হইয়া ধান্যাগার পরিপূর্ণ করে। তাঁহার দাসের এইরূপ দিব্য বিভূতি আছে : সে একটিমাত্র হল দ্বারা কর্ষণ করিবার সময় সাতটি হলরেখা উৎপন্ন হয়। আপনি যাইয়া অবগত হউন ঘটনাটি সত্য কি-না। আপনি দেখিলেই আমার দেখা হইবে।’ অতএব গৃহপতি! আমি আপনার দিব্য বিভূতি দেখিতে চাই।”

মেণ্ডক গৃহপতি মস্তক ধৌত করিয়া এবং ধান্যাগার সম্মার্জন করাইয়া বহির্দ্বারে উপবেশন করিলেন। তখন অন্তরীক্ষ হইতে ধান্যধারা পতিত হইয়া ধান্যাগার পরিপূর্ণ করিয়া ফেলিল। (মহামাত্য কহিলেন :—) “গৃহপতি! আপনার দিব্য বিভূতি দেখিলাম, এখন আপনার ভাৰ্য্যার দিব্য বিভূতি দেখিতে চাই।” মেণ্ডক গৃহপতি তাঁহার ভাৰ্য্যাকে আদেশ করিলেন—“তুমি চতুরঙ্গিনী সৈন্যকে অনু পরিবেশন কর।” মেণ্ডক গৃহপতির ভাৰ্য্যা এক আড়ক মাত্র অল্পের থালা এবং এক বাটি মাত্র সূপ দ্বারা চতুরঙ্গিনী সৈন্যকে অনু পরিবেশন করিলেন। তাবৎ তাহা নিঃশেষ হইল না যাবৎ তিনি আসন ত্যাগ না করিলেন। (মহামাত্য কহিলেন :—) “গৃহপতি! আপনার ভাৰ্য্যারও দিব্য বিভূতি দেখিলাম, এখন আপনার পুত্রের দিব্য বিভূতি দেখিতে চাই।” মেণ্ডক গৃহপতি পুত্রকে আদেশ করিলেন—“তুমি চতুরঙ্গিনী সৈন্যকে ছয় মাসের বেতন প্রদান কর।” মেণ্ডক গৃহপতির পুত্র সহস্র মুদ্রাপূর্ণ একটি মাত্র থলিয়া লইয়া চতুরঙ্গিনী সৈন্যকে ছয় মাসের বেতন প্রদান করিলেন; কিন্তু তাবৎ তাহা

নিঃশেষ হইল না যাবৎ থলিয়া তাঁহার হস্তে রহিল। (মহামাত্য কহিলেন :—) “গৃহপতি! আপনার পুত্রেরও দিব্য বিভূতি দেখিলাম, এখন আপনার সুষার দিব্য বিভূতি দেখিতে চাই।” মেণ্ডক গৃহপতি সুষাকে আদেশ করিলেন—“তুমি চতুরঙ্গিনী সৈন্যকে ছয় মাসের আহাৰ্য্য প্রদান কর।” তখন মেণ্ডক গৃহপতির সুষা চারি দ্রোণ পরিমাণের একটি মাত্র পেটরা লইয়া বসিয়া চতুরঙ্গিনী সৈন্যকে ছয় মাসের আহাৰ্য্য প্রদান করিলেন; কিন্তু তাবৎ তাহা নিঃশেষ হইল না যাবৎ তিনি আসন ত্যাগ না করিলেন। (মহামাত্য কহিলেন :—) “গৃহপতি! আপনার সুষারও দিব্য বিভূতি দেখিলাম, এখন আপনার দাসের দিব্য বিভূতি দেখিতে চাই।” “প্রভো! আমার দাসের দিব্য বিভূতি কৃষিক্ষেত্রে যাইয়া দেখিতে হইবে।” “গৃহপতি! যাক, আপনার দাসেরও দিব্য বিভূতি দেখিলাম।” এই বলিয়া সেই মহামাত্য চতুরঙ্গিনী সৈন্যসহ রাজগৃহে প্রত্যাগমন করিলেন। তিনি মগধরাজ শ্রেণিক বিম্বিসারের নিকট উপস্থিত হইলেন; উপস্থিত হইয়া মগধরাজ শ্রেণিক বিম্বিসারকে এই বিষয় জানাইলেন।

[স্থান :—ভদ্রিকা]

(৩) পঞ্চবিধ গোরস-বিধান

ভগবান বৈশালীতে যথারূচি অবস্থান করিয়া সার্কদ্বাদশশত মহাভিক্ষুসঙ্ঘসহ ভদ্রিকা অভিমুখে পর্য্যটনে প্রস্থান করিলেন। ভগবান ক্রমান্বয়ে বিচরণ করিতে করিতে ভদ্রিকায় গমন করিলেন। ভগবান ভদ্রিকায় জাতীয়বনে অবস্থান করিতে লাগিলেন। মেণ্ডক গৃহপতি শুনিতে পাইলেন : “শাক্যকুল হইতে প্রব্রজিত শাক্যপুত্র শ্রমণ গৌতম ভদ্রিকায় আসিয়াছেন এবং অবস্থান করিতেছেন,—ভদ্রিকার জাতীয় বনে। সেই ভগবান গৌতমের এইরূপ কল্যাণজনক কীর্তিরব অভ্যুত্থিত হইয়াছে : ‘সেই ভগবান অর্হৎ, সম্যকসম্বুদ্ধ, বিদ্যাচরণসম্পন্ন, সুগত, লোকবিদ, অনুত্তর, দম্য-পুরুষ সারথি, দেবমনুষ্যের শাস্তা, বুদ্ধ ভগবান।’ তিনি দেব, মার, ব্রহ্মা সহ এই জগৎ এবং শ্রমণ, ব্রাহ্মণ, দেবমনুষ্য সহ এই প্রজালোক স্বয়ং অবগত হইয়া এবং প্রত্যক্ষ করিয়া জ্ঞাপন করেন। তিনি ধর্মদেশনা করেন যাহার আদিত্তে কল্যাণ, মধ্যে কল্যাণ এবং অন্তে কল্যাণ; তিনি অর্থযুক্ত, ব্যঞ্জনযুক্ত, একান্ত পরিপূর্ণ, পরিপূর্ণ ব্রহ্মচার্য্য প্রকাশিত করেন। এহেন অর্হতের দর্শন মঙ্গলকর।”

মেণ্ডক গৃহপতি ভগবানকে দেখিবার জন্য অত্যুত্তম যানসমূহ সজ্জিত করাইয়া, অত্যুত্তম যানে আরোহণ করিয়া, অত্যুত্তম যানে ভদ্রিকা হইতে যাত্রা করিলেন। বহু তীর্থিক দূর হইতেই মেণ্ডক গৃহপতিকে আসিতে দেখিতে পাইলেন; দেখিয়া মেণ্ডক গৃহপতিকে কহিলেন—“গৃহপতি! আপনি কোথায় যাইতেছেন?” “প্রভো! আমি শ্রমণ গৌতমের দর্শনে যাইতেছি।” “গৃহপতি! আপনি স্বয়ং ক্রিয়াবাদী হইয়া কি

অক্রিয়াবাদী শ্রমণ গৌতমের দর্শনে উপস্থিত হইতেছেন? গৃহপতি! শ্রমণ গৌতম যে অক্রিয়াবাদী, অক্রিয়ার নিমিত্ত ধর্মদেশনা করেন এবং তদ্বারা শ্রাবককে বিনীত করেন।”

মেণ্ডক গৃহপতির মনে এই চিন্তা উদিত হইল : “এই তীর্থিকগণ যেইভাবে অসুয়া করিতেছেন তাহাতে বুঝা যাইতেছে নিশ্চয় সেই ভগবান অর্হৎ সম্যকসম্বুদ্ধ হইবেন।” তিনি যতদূর যানে গমন করা সম্ভব ততদূর যানে যাইয়া, তৎপর যান হইতে অবতরণ করিয়া, পদব্রজেই গমন করিয়া ভগবানের নিকট উপস্থিত হইলেন; উপস্থিত হইয়া ভগবানকে অভিবাদন করিয়া একান্তে উপবেশন করিলেন। একান্তে উপবিষ্ট মেণ্ডক গৃহপতিকে ভগবান আনুপূর্বিক ধর্মকথা কহিলেন। যথা :—দান-কথা, শীল-কথা, স্বর্গ-কথা। ভগবান কামের আদীনব, অবকার, সংক্লেশ এবং নৈক্কেম্যের আশংসা প্রকাশ করিলেন। যখন ভগবান জানিতে পারিলেন : মেণ্ডক গৃহপতির চিত্ত সুস্থ, মৃদু, কল্যা, নীবরণমুক্ত, প্রফুল্ল এবং প্রসন্ন হইয়াছে তখন তিনি বুদ্ধগণের যাহা সংক্ষিপ্ত সমুৎকৃষ্ট ধর্মদেশনা তাহা অভিব্যক্ত করিলেন,—দুঃখ, সমুদয়, নিরোধ এবং মার্গ। যেমন কালিমারহিত শুভ্রবস্ত্র সম্যকভাবে রঙ প্রতিগ্রহণ করে এইরূপ মেণ্ডক গৃহপতির সেই আসনেই বিরজ, বিমল ধর্মচক্ষু উৎপন্ন হইল,—‘যাহা কিছু সমুদয়ধর্মী তৎসমস্তই নিরোধধর্মী।’

মেণ্ডক গৃহপতি ধর্ম প্রত্যক্ষ করিয়া, ধর্মতত্ত্ব লাভ করিয়া, ধর্ম বিদিত হইয়া, ধর্মে প্রবিষ্ট হইয়া, সংশয়মুক্ত হইয়া, ধর্মে বাদবিবাদরহিত হইয়া, ধর্মে বৈশারদ্য প্রাপ্ত হইয়া এবং শাস্তার শাসনে আত্মপ্রত্যয় লাভ করিয়া ভগবানকে কহিলেন—“প্রভো! অতি সুন্দর, অতি মনোহর! যেমন কেহ উল্টানকে সোজা করে, আবৃতকে অনাবৃত করে, বিমূঢ়কে (পথভ্রষ্টকে) পথ প্রদর্শন করে, অন্ধকারে তৈলপ্রদীপ ধারণ করে যাহাতে চক্ষুস্মান রূপ (দৃশ্যবস্তু) দেখিতে পায় তেমনভাবেই ভগবান বিবিধপ্রকারে ধর্ম প্রকাশিত করিলেন। প্রভো! আমি ভগবানের শরণ গ্রহণ করিতেছি, তদুপদিষ্ট ধর্মের এবং ভিক্ষুসঙ্ঘের শরণ গ্রহণ করিতেছি। ভগবান আমায় আজ হইতে আমরণ উপাসকরূপে অবধারণ করুন। প্রভু ভগবান আগামীকল্য ভিক্ষুসঙ্ঘসহ আমার অনু গ্রহণে সম্মতি জ্ঞাপন করুন।” ভগবান মৌনভাবে সম্মতি জ্ঞাপন করিলেন। অনন্তর মেণ্ডক গৃহপতি ভগবানের সম্মতি জানিয়া, আসন হইতে উঠিয়া, ভগবানকে অভিবাদন করিয়া এবং তাঁহার পুরোভাগে দক্ষিণপার্শ্ব রাখিয়া প্রস্থান করিলেন। মেণ্ডক গৃহপতি সেই রাত্রি অবসানে উত্তম খাদ্যভোজ্য প্রস্তুত করাইয়া ভগবানকে সময় জ্ঞাপন করিলেন—“প্রভো! ভোজনের সময় উপস্থিত, আহাৰ্য্য প্রস্তুত হইয়াছে।” ভগবান পূর্বাঙ্কে বহির্গমনোপযোগী বাস পরিধান করিয়া, পাত্রটীবর লইয়া মেণ্ডকগৃহপতির আলয়ে উপস্থিত হইলেন; উপস্থিত হইয়া ভিক্ষুসঙ্ঘসহ নির্দিষ্ট আসনে উপবেশন করিলেন। তখন মেণ্ডকগৃহপতির ভার্য্যা, পুত্র, সূষা এবং দাস ভগবানের নিকট উপস্থিত হইলেন।

উপস্থিত হইয়া ভগবানকে অভিবাদন করিয়া একান্তে উপবেশন করিলেন। ভগবান তাঁহাদিগকে আনুপূর্ব্বিক ধর্মকথা উপদেশ প্রদান করিলেন। যথা—দান-কথা, শীল-কথা, স্বর্গ-কথা। ভগবান কামের আদীনব, অবকার, সংক্লেশ এবং নৈক্কেম্যের আশংসা প্রকাশিত করিলেন। যখন ভগবান জানিতে পারিলেন : তাঁহাদের চিত্ত সুস্থ, মৃদু, কল্যা, নীবরণমুক্ত, প্রফুল্ল এবং প্রসন্ন হইয়াছে তখন তিনি যাহা বুদ্ধগণের সমুৎকৃষ্ট সংক্ষিপ্ত ধর্মদেশনা তাহা অভিব্যক্ত করিলেন,—দুঃখ, সমুদয়, নিরোধ এবং মার্গ। যেমন কালিমারহিত শুভবস্ত্র সম্যকভাবে রঙ প্রতিগ্রহণ করে তেমনভাবেই সেই আসনে তাঁহাদের বিরজ, বিমল ধর্মচক্ষু উৎপন্ন হইল,—‘যাহা কিছু সমুদয়ধর্মী তৎসমস্তই নিরোধধর্মী।’ তাঁহারা ধর্ম প্রত্যক্ষ করিয়া, ধর্মতত্ত্ব লাভ করিয়া, ধর্ম বিদিত হইয়া, ধর্মে প্রবিষ্ট হইয়া, সংশয়মুক্ত হইয়া, ধর্মে বাদবিবাদরহিত হইয়া, ধর্মে বৈশারদ্য প্রাপ্ত হইয়া এবং শাস্তার শাসনে আত্মপ্রত্যয় লাভ করিয়া ভগবানকে কহিলেন :—“প্রভো, অতি সুন্দর! অতি মনোহর! যেমন কেহ উল্টানকে সোজা করে, আবৃতকে অনাবৃত করে, বিমূঢ়কে পথ প্রদর্শন করে, অন্ধকারে তৈলপ্রদীপ ধারণ করে যাহাতে চক্ষুস্মান রূপ দেখিতে পায় তেমনভাবেই ভগবান অনেকপ্রকারে ধর্ম প্রকাশিত করিলেন। প্রভো! আমরা সকলে ভগবানের শরণ গ্রহণ করিতেছি, তদুপদিষ্ট ধর্মের এবং ভিক্ষুসঙ্ঘের শরণ গ্রহণ করিতেছি। ভগবান আমাদের আজ হইতে আরম্ভে শরণাগত উপাসকরূপে অবধারণ করুন।”

মেণ্ডক গৃহপতি বুদ্ধপ্রমুখ ভিক্ষুসঙ্ঘকে বারণ না করা পর্য্যন্ত স্বহস্তে উত্তম খাদ্যভোজ্যদানে সন্তুষ্ট করিলেন। ভগবান আহার সমাপ্ত করিয়া পাত্র হইতে হস্ত অপনয়ন করিবার পর তিনি একান্তে উপবেশন করিলেন। একান্তে উপবিষ্ট মেণ্ডক গৃহপতি ভগবানকে কহিলেন : “প্রভু ভগবান যতদিন ভদ্রিকায় অবস্থান করিবেন আমি ততদিন বুদ্ধপ্রমুখ ভিক্ষুসঙ্ঘকে নিত্য আহাৰ্য্য প্রদান করিব।” ভগবান মেণ্ডক গৃহপতিকে ধর্মকথায় প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট করিয়া, আসন হইতে উঠিয়া প্রস্থান করিলেন।

ভগবান ভদ্রিকায় যথারূচি অবস্থান করিয়া মেণ্ডক গৃহপতিকে না জানাইয়া সার্কদ্বাদশশত মহাভিক্ষুসঙ্ঘসহ অঙ্গুত্তরাপ অভিমুখে প্রস্থান করিলেন। মেণ্ডক গৃহপতি শুনিতে পাইলেন : ভগবান সার্কদ্বাদশশত মহাভিক্ষুসঙ্ঘসহ অঙ্গুত্তরাপ অভিমুখে প্রস্থান করিয়াছেন। অতঃপর মেণ্ডক গৃহপতি দাস এবং কর্মচারীকে আদেশ করিলেন,—“ভণে! বহু লবণ, মধু, তণ্ডুল এবং খাদ্য শকটে আরোপন করিয়া লইয়া আইস। সার্কদ্বাদশশত গোপালক সার্কদ্বাদশশত ধেনু লইয়া আইস। আমরা যেখানে ভগবানকে দর্শন পাইব সেখানে উষঃক্ষীরধারা দ্বারা ভোজন প্রদান করিব।”

মেণ্ডক গৃহপতি রাস্তার মধ্যে এক বনের সন্নিধানে ভগবানের দর্শন লাভ করিলেন। তিনি ভগবানের নিকট উপস্থিত হইলেন; উপস্থিত হইয়া, ভগবানকে

অভিবাদন করিয়া একান্তে দণ্ডায়মান হইলেন। একান্তে দণ্ডায়মান হইয়া মেণ্ডক গৃহপতি ভগবানকে কহিলেন : “প্রভু ভগবন্! আগামীকল্য ভিক্ষুসঙ্ঘসহ আমার অনুগ্রহণে সম্মতি জ্ঞাপন করুন।” ভগবান মৌনভাবে সম্মতি জানাইলেন। মেণ্ডক গৃহপতি ভগবানের সম্মতি অবগত হইয়া, আসন হইতে উঠিয়া, ভগবানকে অভিবাদন করিয়া এবং তাঁহার পুরোভাগে দক্ষিণপার্শ্ব রাখিয়া প্রস্থান করিলেন। মেণ্ডক গৃহপতি সেই রাত্রি অবসানে উত্তম খাদ্যভোজ্য প্রস্তুত করাইয়া ভগবানকে সময় জ্ঞাপন করাইলেন : “প্রভো! ভোজনের সময় উপস্থিত হইয়াছে, আহাৰ্য্য প্রস্তুত।” ভগবান পূর্ববাহে বহির্গমনোপযোগী বাস পরিধান করিয়া, পাত্রচীবর লইয়া মেণ্ডক গৃহপতির শিবিরে (পরিবেশন করিবার স্থানে) উপস্থিত হইলেন; উপস্থিত হইয়া ভিক্ষুসঙ্ঘসহ নির্দিষ্ট আসনে উপবেশন করিলেন। মেণ্ডক গৃহপতি সান্নিধ্যদ্বাদশশত গোপালককে আদেশ করিলেন : “ভণে! প্রত্যেকে এক এক ধেনু সহ প্রত্যেক ভিক্ষুর পার্শ্বে দণ্ডায়মান হও, উষ্ণক্ষীরধারা দ্বারা ভোজন প্রদান করিব।” মেণ্ডক গৃহপতি বুদ্ধপ্রমুখ ভিক্ষুসঙ্ঘকে বারণ না করা পর্য্যন্ত স্বহস্তে উত্তম খাদ্যভোজ্য এবং উষ্ণক্ষীরধারা দানে সন্তুষ্ট করিলেন। ভিক্ষুগণ সঙ্কোচ করিয়া ক্ষীর প্রতিগ্রহণে বিরত হইলেন। (ভগবান কহিলেন :—) “হে ভিক্ষুগণ! প্রতিগ্রহণ কর, পরিভোগ কর।”

মেণ্ডক গৃহপতি বুদ্ধপ্রমুখ ভিক্ষুসঙ্ঘকে বারণ না করা পর্য্যন্ত স্বহস্তে খাদ্যভোজ্য এবং উষ্ণক্ষীরধারা দানে সন্তুষ্ট করিলেন। ভগবান আহার সমাপ্ত করিয়া পাত্র হইতে হস্ত অপনয়ন করিলে তিনি একান্তে উপবেশন করিলেন। একান্তে উপবেশন করিয়া ভগবানকে কহিলেন :—“প্রভো! জল এবং খাদ্যবিহীন এমন বনপথ আছে, যেই পথ দিয়া বিনা পাথেয়ে গমন সুকর নহে, অতএব ভগবান ভিক্ষুগণকে পাথেয় গ্রহণে অনুজ্ঞা প্রদান করুন।” ভগবান মেণ্ডক গৃহপতিকে ধর্ম কথায় প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট করিয়া, আসন হইতে উঠিয়া প্রস্থান করিলেন। ভগবান এই নিদানে, এই প্রকরণে ধর্মকথা উত্থাপন করিয়া ভিক্ষুগণকে আহ্বান করিলেন :—“হে ভিক্ষুগণ! আমি অনুজ্ঞা করিতেছি : পঞ্চবিধ গোরস, যথা—ক্ষীর, দধি, তক্র, নবনীত এবং চর্বি পরিভোগ করিবে।”

(৪) পাথেয়ের বিধান

হে ভিক্ষুগণ! যাহাতে বিনা-পাথেয়ে গমন করা সহজ নহে এমন পানীয় এবং খাদ্য বিহীন বনপথও আছে। (এই হেতু)

“হে ভিক্ষুগণ! আমি অনুজ্ঞা করিতেছি : পাথেয় অন্বেষণ করিবে :—তণ্ডুলার্থী তণ্ডুল, মুগার্থী মুগ, মাষার্থী মাষ, লবণার্থী লবণ, গুড়ার্থী গুড়, তৈলার্থী তৈল এবং চর্বি অর্থী চর্বি।”

(৫) স্বর্ণ, রৌপ্য গ্রহণ নিষিদ্ধ

হে ভিক্ষুগণ! মানবের মধ্যে শ্রদ্ধা ও প্রসন্নতাসম্পন্ন লোকও আছে তাহারা ‘কপ্পিয়কারকের’ (ভিক্ষু-সেবকের) হস্তে হীরক কিংবা সুবর্ণ প্রদান করিয়া বলিতে পারে : ‘ইহার বিনিময়ে আর্যের যাহা প্রয়োজন তাহা প্রদান করিবে।’

“হে ভিক্ষুগণ! আমি অনুজ্ঞা করিতেছি : তদ্বারা যাহা বিহিত তাহা ব্যবহার করিবে। কিন্তু আমি বলিতেছি—কোন প্রকারেই স্বর্ণ-রৌপ্য ব্যবহার কিংবা অশ্বেষণ করিতে পারিবে না।”

[স্থান :—আপণ]

(৬) অষ্টবিধ পানীয় এবং সমস্ত ফল-রসের বিধান

ভগবান ক্রমান্বয়ে পর্যটন করিকে করিতে আপণে গমন করিলেন। কেণিয় জটিল শ্বনিতে পাইলেন : “শাক্যকুল প্রব্রজিত শাক্যপুত্র শ্রমণ গৌতম আপণে উপস্থিত হইয়া আপণে অবস্থান করিতেছেন। সেই ভগবান গৌতমের এইরূপ কল্যাণ কীর্তিরব অভ্যুত্থিত হইয়াছে : ‘সেই ভগবান অর্হৎ, সম্যকসম্বুদ্ধ, বিদ্যাচরণ সম্পন্ন, সুগত, লোকবিদ, অনুত্তর, দম্যপুরুষ সারথি, দেব মনুষ্যের শাস্তা, বুদ্ধ ভগবান।’ তিনি এই সদেব, সমার, সত্রক্ষ জগৎ এবং শ্রমণ, ব্রাহ্মণ দেবমনুষ্য সহ প্রজালোক স্বয়ং অবগত হইয়া, প্রত্যক্ষ করিয়া জ্ঞাপন করেন। এহেন অর্হতের দর্শন মঙ্গলকর।”

কেণিয় জটিলের মনে এই চিন্তা উদিত হইল : “আমি শ্রমণ গৌতমের জন্য কি লইয়া যাইব?” আবার তাঁহার মনে এই চিন্তা উদিত হইল : “যাঁহারা ব্রাহ্মণগণের পূর্ব ঋষি, মন্ত্ররচয়িতা, মন্ত্রপ্রবর্তক ছিলেন, যাঁহাদের গীত, প্রবর্তিত, সমীহিত প্রাচীন মন্ত্রপদ আধুনিক ব্রাহ্মণগণ অনুগান, অনুভাষণ করিতেছেন, ভাষিতকে পুনর্ভাষণ করিতেছেন, কথিতকে পুনর্কথন করিতেছেন সেই অষ্টক, বামক, বামদেব, বিশ্বামিত্র, যমদগ্নি, অঙ্গিরা, ভরদ্বাজ, বশিষ্ঠ, কাশ্যপ এবং ভৃগু ইত্যাদি ঋষিগণ রাত্রি ভোজন এবং বিকালভোজনে বিরত ছিলেন। তাঁহারা পানীয় পান করিতেন। শ্রমণ গৌতমও রাত্রিভোজনে এবং বিকালভোজনে বিরত; কাজেই শ্রমণ গৌতমও এইরূপ পানীয় পান করিতে পারেন।” এই ভাবিয়া বিবিধ পানীয় প্রস্তুত করাইয়া, বাঁকে বহন করাইয়া ভগবানের নিকট উপস্থিত হইলেন। উপস্থিত হইয়া ভগবানকে প্রীত্যালাপচ্ছলে কুশলপ্রশ্ন বিনিময় করিলেন, কুশলপ্রশ্ন বিনিময় করিয়া একান্তে দণ্ডায়মান হইলেন; একান্তে দণ্ডায়মান হইয়া কেণিয় জটিল ভগবানকে কহিলেন : “মহানুভব গৌতম! আমার পানীয় প্রতিগ্রহণ করুন।” “কেণিয়! ভিক্ষুগণকেও প্রদান কর।” ভিক্ষুগণ সঙ্কোচ করিয়া প্রতিগ্রহণে বিরত হইলেন। (ভগবান কহিলেন :—) “হে ভিক্ষুগণ! প্রতিগ্রহণ এবং পান করিতে পার।”

কেণিয় জটিল বুদ্ধপ্রমুখ ভিক্ষুসঙ্ঘকে বারণ না করা পর্য্যন্ত স্বহস্তে বহু পানীয় দানে সন্তুষ্ট করিলেন। ভগবান পাত্র হইতে হস্ত অপনয়ন করিয়া ধুইবার পর কেণিয় জটিল একান্তে উপবেশন করিলেন। একান্তে উপবিষ্ট কেণিয় জটিলকে ভগবান ধর্মকথায় প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট করিলেন। কেণিয় জটিল ভগবানের ধর্মকথায় প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট হইয়া ভগবানকে কহিলেন :—“মহানুভব গৌতম! আপনি ভিক্ষুসঙ্ঘসহ আগামীকল্য আমার অন্ন গ্রহণে সম্মতি জ্ঞাপন করুন।” “কেণিয়! আমার সহিত সাদর্দ্বাদশশত মহাভিক্ষুসঙ্ঘ আছে; বিশেষত তুমিও ব্রাহ্মণদিগের প্রতি অতিশয় অনুরক্ত।” দ্বিতীয়বার কেণিয় জটিল ভগবানকে কহিলেন : “মহানুভব গৌতম! যদিও বা আপনার সহিত সাদর্দ্বাদশশত মহাভিক্ষুসঙ্ঘ এবং যদিও বা আমি ব্রাহ্মণদিগের প্রতি অত্যধিক অনুরক্ত তথাপি মহানুভব গৌতম আগামীকল্য ভিক্ষুসঙ্ঘসহ আমার অন্ন গ্রহণে সম্মতি জ্ঞাপন করুন।” “কেণিয়! আমার সহিত সাদর্দ্বাদশশত মহাভিক্ষুসঙ্ঘ আছে এবং তুমিও ব্রাহ্মণদিগের প্রতি অত্যধিক অনুরক্ত।” তৃতীয়বারও কেণিয় জটিল ভগবানকে কহিলেন : “মহানুভব গৌতম! যদিও বা আপনার সহিত সাদর্দ্বাদশশত মহাভিক্ষুসঙ্ঘ আছে এবং যদিও বা আমি ব্রাহ্মণদিগের প্রতি অত্যন্ত অনুরক্ত তথাপি মহানুভব গৌতম ভিক্ষুসঙ্ঘসহ আমার অন্ন গ্রহণে সম্মতি জ্ঞাপন করুন।” ভগবান মৌনভাবে সম্মতি জ্ঞাপন করিলেন। কেণিয় জটিল ভগবানের সম্মতি অবগত হইয়া, আসন হইতে উঠিয়া প্রস্থান করিলেন। ভগবান এই নিদানে, এই প্রকরণে ধর্মকথা উত্থাপন করিয়া ভিক্ষুগণকে আহ্বান করিলেন :—

“হে ভিক্ষুগণ! আমি অনুজ্ঞা করিতেছি : অষ্টবিধ পানীয়, যথা—আম, জাম, বন্যকদলী, গ্রাম্যকদলী, মধু, আঙ্গুর, শালুক এবং ফাল্সা (দাড়িম্ব) ইত্যাদির রস পান করিতে পারিবে।

“হে ভিক্ষুগণ! আমি অনুজ্ঞা করিতেছি : ধান্যের রস ব্যতীত সমস্ত ফলের রস পান করিতে পারিবে।

“হে ভিক্ষুগণ! আমি অনুজ্ঞা করিতেছি : পকুপাতার রস (পাক করা শাকের ঝোল) ব্যতীত সমস্ত পাতার রস পান করিতে পারিবে।

“হে ভিক্ষুগণ! আমি অনুজ্ঞা করিতেছি : মধুক পুষ্পের (মল্লয়া ফুলের) রস ব্যতীত সমস্ত পুষ্পের রস পান করিতে পারিবে।

“হে ভিক্ষুগণ! আমি অনুজ্ঞা করিতেছি : ইক্ষুর রস পান করিতে পারিবে।”

কেণিয় জটিল সেই রাত্রি অবসানে স্বীয় আশ্রমে উত্তম খাদ্যভোজ্য প্রস্তুত করাইয়া ভগবানকে সময় জ্ঞাপন করিলেন : “মহানুভব গৌতম! ভোজনের সময় হইয়াছে, আহাৰ্য্য প্রস্তুত।” ভগবান পূর্ব্বাহ্নে বহির্গমনোপযোগী বাস পরিধান করিয়া, পাত্রচীবর লইয়া কেণিয় জটিলের আশ্রমে উপস্থিত হইলেন; উপস্থিত হইয়া ভিক্ষুসঙ্ঘসহ নির্দিষ্ট আসনে উপবেশন করিলেন। অনন্তর কেণিয় জটিল বুদ্ধপ্রমুখ

ভিক্ষুসঙ্ঘকে বারণ না করা পর্য্যন্ত স্বহস্তে উত্তম খাদ্যভোজ্য দানে সমৃদ্ধ করিলেন। ভগবান আহার সমাপন করিয়া পাত্র হইতে হস্ত অপনয়ন করিলে একান্তে উপবেশন করিলেন। একান্তে উপবিষ্ট কৈণিয় জটিলকে ভগবান এই গাথাযোগে অনুমোদন করিলেন :—

যজ্ঞে অগ্নিহোত্র, মন্ত্রে সাবিত্রী^১ প্রধান,
নরে রাজা, নদী মধ্যে সাগর মহান।
নক্ষত্রে প্রধান চন্দ্র জানে সর্বজন,
তপনে আদিত্য শ্রেষ্ঠ করয়ে গণন।
পুণ্যকামী, পুণ্যকাজক্ষী আছ যতজন,
পূজ্য মধ্যে মুখ্য গণ্য জান ভিক্ষুগণ।

ভগবান এই গাথাযোগে কৈণিয় জটিলের দান অনুমোদন করিয়া, আসন হইতে উঠিয়া প্রস্থান করিলেন।

[স্থান :—কুশীনগর]

(৭) রোজমল্লের সংকার

ভগবান আপণে যথারূচি অবস্থান করিয়া সাদ্বর্দ্ধদ্বাদশশত মহাভিক্ষুসঙ্ঘসহ কুশীনগর অভিমুখে পর্য্যটনে প্রস্থান করিলেন। কুশীনগরবাসী মল্লগণ শুনিতে পাইল : ভগবান কুশীনগরে আসিতেছেন, সঙ্গে সাদ্বর্দ্ধদ্বাদশশত মহাভিক্ষুসঙ্ঘ। তাহারা বিধান করিল : ‘যে ভগবানের অভ্যর্থনা করিবে না তাহার পঞ্চাশত কার্ষাপণ দণ্ড।’ সেই সময় রোজ নামক মল্ল আয়ুষ্মান আনন্দের সহায় ছিলেন। ভগবান ক্রমান্বয়ে পর্য্যটন করিতে করিতে কুশীনগরে গমন করিলেন। কুশীনগরবাসী মল্লগণ ভগবানের অভ্যর্থনা করিল। রোজমল্ল ভগবানের অভ্যর্থনা করিয়া আয়ুষ্মান আনন্দের নিকট উপস্থিত হইলেন; উপস্থিত হইয়া আয়ুষ্মান আনন্দকে অভিবাদন করিয়া একান্তে দণ্ডায়মান হইলেন। একান্তে দণ্ডায়মান রোজমল্লকে আয়ুষ্মান আনন্দ কহিলেন : “বন্ধু রোজ! তুমি যে ভগবানের অভ্যর্থনা করিলে তোমার এই কার্য অতি উত্তম।” “প্রভু আনন্দ! আমি বুদ্ধ, ধর্ম অথবা সঙ্ঘের প্রতি সম্মান প্রদর্শন করি নাই; কিন্তু জ্ঞাতিগণ বিধান করিয়াছেন : ‘যে ভগবানের অভ্যর্থনা না করিবে তাহার পঞ্চাশত কার্ষাপণ দণ্ড হইবে।’ প্রভু আনন্দ! কেবল আমি জ্ঞাতিগণের দণ্ডভয়ে ভগবানের অভ্যর্থনায় যোগ দিয়াছি মাত্র।” আয়ুষ্মান আনন্দ অসন্তুষ্ট হইলেন : “কেন রোজমল্ল এরূপ বলিতেছে!” আয়ুষ্মান আনন্দ ভগবানের নিকট গমন করিলেন; গমন করিয়া ভগবানকে অভিবাদন করিয়া একান্তে উপবেশন করিলেন।

^১। সাবিত্রী প্রসিদ্ধ বৈদিক মন্ত্র বিশেষ।

একান্তে উপবেশন করিয়া আয়ুত্মান আনন্দ ভগবানকে কহিলেন : “প্রভো! এই রোজমল্ল প্রসিদ্ধ এবং সাধারণের পরিচিত লোক। সাধারণের পরিচিত এইরূপ ব্যক্তির এই ধর্মবিনয়ে (বুদ্ধের শাসনে) প্রসন্নতা উৎপাদন করা মঙ্গলকর। অতএব ভগবান সেইরূপ কোন ব্যবস্থা করুন যাহাতে রোজমল্ল এই ধর্মবিনয়ের প্রতি আকৃষ্ট হয়।” “আনন্দ! যাহাতে রোজমল্ল এই ধর্মবিনয়ের প্রতি আকৃষ্ট হয় তথাগতের পক্ষে তাহা করা কঠিন নহে।”

ভগবান রোজমল্লকে মৈত্রীচিহ্নে পরিপ্লাবিত করিয়া, আসন হইতে উঠিয়া বিহারে প্রবেশ করিলেন। রোজমল্ল ভগবানের মৈত্রীচিহ্নে পরিপ্লাবিত হইয়া সদ্যঃপ্রসূতা গাভীর ন্যায় বিহার হইতে বিহারান্তরে, পরিবেশ হইতে পরিবেশান্তরে উপস্থিত হইয়া ভিক্ষুগণকে জিজ্ঞাসা করিতে লাগিলেন : “প্রভো! এখন সেই ভগবান অর্হৎ সম্যকসম্বুদ্ধ কোথায় অবস্থান করিতেছেন? আমি সেই ভগবান অর্হৎ সম্যকসম্বুদ্ধকে দর্শন করিতে চাই।” “বন্ধু রোজ! এই যে রুদ্ধদ্বার বিহার দেখিতেছেন সেইস্থানে অল্পশব্দে উপস্থিত হইয়া, সন্তপণে বারাণ্ডায় প্রবেশ করিয়া, কাশিয়া, অর্গল (কপাট বন্ধন-কাঠ দণ্ড) সঞ্চালন করুন; ভগবান আপনাকে দ্বার উন্মুক্ত করিয়া দিবেন।”

রোজমল্ল রুদ্ধদ্বার বিহারে অল্পশব্দে উপস্থিত হইয়া, সন্তপণে বারাণ্ডায় প্রবেশ করিয়া, কাশিয়া, অর্গল সঞ্চালন করিলেন। ভগবান দ্বার উন্মুক্ত করিলেন। রোজমল্ল বিহারে প্রবেশ করিয়া, ভগবানকে অভিবাদন করিয়া একান্তে উপবেশন করিলেন। একান্তে উপবিষ্ট রোজমল্লকে ভগবান আনুপূর্বিক ধর্মকথা কহিলেন। যথা :—দান-কথা, শীল-কথা, স্বর্গকথা। ভগবান কামের আদীনব, অবকার, সংক্লেশ এবং নৈক্কেমের আশংসা প্রকাশিত করিলেন। যখন ভগবান জানিতে পারিলেন : রোজমল্লের চিত্ত সুস্থ, মৃদু, কল্যা, নীবরণমুক্ত, প্রফুল্ল এবং প্রসন্ন হইয়াছে তখন তিনি বুদ্ধগণের সংক্ষিপ্ত সমুৎকৃষ্ট ধর্মদেশনা অভিব্যক্ত করিলেন,—দুঃখ, সমুদয়, নিরোধ এবং মার্গ। যেমন কালিমারহিত শুভবস্ত্র সম্যকভাবে রঙ প্রতিগ্রহণ করে এইরূপ রোজমল্লের সেই আসনেই বিরজ এবং বিমল ধর্মচক্ষু উৎপন্ন হইল,—‘যাহা কিছু সমুদয়ধর্মী তৎসমস্তই নিরোধধর্মী।’ রোজমল্ল ধর্ম প্রত্যক্ষ করিয়া, ধর্মতত্ত্ব লাভ করিয়া, ধর্ম বিদিত হইয়া, ধর্মে প্রবিষ্ট হইয়া এবং সংশয়মুক্ত হইয়া, বাদবিবাদ রহিত হইয়া, বৈশারদ্য প্রাপ্ত হইয়া এবং শাস্তার শাসনে আত্মপ্রত্যয় লাভ করিয়া ভগবানকে কহিলেন :—

“প্রভো! আর্যগণ আমারই চীবর, পিণ্ডপাত, শয়নাসন এবং ভৈষজ্যদ্রব্য প্রতিগ্রহণ করুক, অন্যের গ্রহণ না করুক।” “রোজ! তোমার ন্যায় যাহাদের শৈক্ষ্যজ্ঞানে এবং শৈক্ষ্যদর্শনে ধর্ম প্রত্যক্ষ হইয়াছে তাহাদের মনেও এই চিন্তা উদিত হয় : ‘আর্যগণ আমাদেরই চীবর, পিণ্ডপাত, শয়নাসন এবং ভৈষজ্যদ্রব্য প্রতিগ্রহণ করুক অন্যের নহে।’ রোজ! তাহা হইলে তোমারও প্রতিগ্রহণ করিবে এবং অন্যেরও করিবে।”

সেই সময়ে কুশীনগরে উত্তম ভোজ্যের পর্য্যায় নির্দিষ্ট ছিল। রোজমল্ল পর্য্যায় লাভ করিতে না পারিয়া তাঁহার মনে এই চিন্তা উদিত হইল : ‘আমি ভোজনশালা অবলোকন করিব, ভোজন শালায় যেই দ্রব্যের অভাব হইবে আমি তাহা প্রস্তুত করিব।’ অনন্তর রোজমল্ল ভোজনশালা অবলোকন করিবার সময় দুইটি বস্ত্র দেখিতে পাইলেন না, শাক এবং পিষ্টক। অতঃপর রোজমল্ল আয়ুত্মান আনন্দের নিকট উপস্থিত হইলেন; উপস্থিত হইয়া আয়ুত্মান আনন্দকে কহিলেন : “প্রভু আনন্দ! আমি পর্য্যায় লাভ করিতে না পারায় আমার মনে এই চিন্তা উদিত হইয়াছিল : ‘আমি ভোজনশালা অবলোকন করিব, তথায় যেই বস্ত্র না থাকিবে আমি তাহা প্রস্তুত করিব।’ এই ভাবিয়া আমি ভোজনশালা অবলোকন করিয়া দুইটি দ্রব্য দেখিতে পাইলাম না, শাক এবং পিষ্টক। প্রভু আনন্দ! যদি আমি শাক এবং পিষ্টক প্রস্তুত করি তাহা হইলে ভগবান তাহা প্রতিগ্রহণ করিবেন কি?” “রোজ! তাহা হইলে ভগবানকে জিজ্ঞাসা করিয়া দেখিব।”

আয়ুত্মান আনন্দ ভগবানকে এই বিষয় জানাইলেন। (ভগবান কহিলেন :—) “আনন্দ! তাহা হইলে প্রস্তুত করুক।” (আনন্দ রোজমল্লকে কহিলেন—) রোজ! প্রস্তুত করিতে পার।” রোজমল্ল সেই রাত্রি অবসানে বহু শাক এবং পিষ্টক প্রস্তুত করাইয়া ভগবানের সম্মুখে উপস্থিত করিলেন : “প্রভু ভগবন্! আমার শাক এবং পিষ্টক প্রতিগ্রহণ করুন।” “রোজ! ভিক্ষুদিগকেও প্রদান কর।” ভিক্ষুগণ সঙ্কোচ করিয়া প্রতিগ্রহণে বিরত হইলেন। (ভগবান কহিলেন :—) “হে ভিক্ষুগণ! প্রতিগ্রহণ কর এবং পরিভোগ কর।” রোজমল্ল বুদ্ধপ্রমুখ ভিক্ষুসঙ্ঘকে বারণ না করা পর্য্যন্ত স্বহস্তে বহু শাক এবং পিষ্টক দানে সন্তুষ্ট করিলেন এবং ভগবান পাত্র হইতে হস্ত অপনয়ন করিয়া ধৌত করিবার পর একান্তে উপবেশন করিলেন। একান্তে উপবিষ্ট রোজমল্লকে ভগবান ধর্ম্মকথায় প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট করিয়া, আসন হইতে উঠিয়া প্রস্থান করিলেন।

(৮) শাক এবং পিষ্টক গ্রহণে অনুজ্ঞা

অনন্তর ভগবান এই নিদানে, এই প্রকরণে ধর্ম্মকথা উত্থাপন করিয়া ভিক্ষুগণকে আহ্বান করিলেন :—“হে ভিক্ষুগণ! আমি অনুজ্ঞা করিতেছি : সকল প্রকারের শাক এবং পিষ্টক পরিভোগ করিতে পারিবে।”

(৯) ক্ষুর-ভাণ্ড ধারণ নিষিদ্ধ

ভগবান কুশীনগরে যথারূচি অবস্থান করিয়া সার্বদ্বাদশশত মহাভিক্ষুসঙ্ঘসহ আতুমা অভিমুখে পর্য্যটনে প্রস্থান করিলেন।

[স্থান :—আতুমা]

সেই সময় জনৈক ভূতপূর্ব নাপিত বৃদ্ধকালে প্রব্রজিত হইয়া আতুমায় অবস্থান করিতেছিল। তাহার দুইটি সন্তান ছিল। তাহারা মধুরভাষী, প্রতিভাশালী, দক্ষ এবং স্বীয় ব্যবসায় নাপিতকর্মে পারদর্শী ছিল। সেই বৃদ্ধ প্রব্রজিত শুনিতে পাইল : ভগবান সাদ্ধদ্বাদশশত মহাভিক্ষুসঙ্ঘসহ আতুমায় আসিতেছেন। তখন সেই বৃদ্ধ প্রব্রজিত সেই বালকগণকে কহিল : “বৎসগণ! ভগবান সাদ্ধদ্বাদশশত মহাভিক্ষুসঙ্ঘসহ আতুমায় আসিতেছেন। অতএব বৎসগণ! তোমরা ক্ষুরভাণ্ড (ক্ষৌর করিবার সামগ্রী), ‘নালি’^১ এবং ‘আবাপক’^২ লইয়া প্রতিগৃহে ভ্রমণ কর এবং লবণ, তৈল, তণ্ডুল, খাদদ্রব্য সংগ্রহ কর, ভগবান আসিলে তাঁহাকে যবাগু প্রদান করিব।” “তথাস্তু” বলিয়া সেই বালকদ্বয় বৃদ্ধ প্রব্রজিতকে প্রত্যুত্তরে সম্মতি জানাইয়া ক্ষুরভাণ্ড, ‘নালি’ এবং ‘আবাপক’ লইয়া প্রতিগৃহে লবণ, তৈল, তণ্ডুল এবং খাদদ্রব্য সংগ্রহ করিয়া ভ্রমণ করিতে লাগিল। জনসাধারণ সেই বালকগণকে মিষ্টভাষী এবং প্রতিভাসম্পন্ন দেখিয়া যাহারা ক্ষৌর করাইতে ইচ্ছুক ছিল না তাহারাও ক্ষৌর করাইতে লাগিল এবং ক্ষৌর করাইয়াও বহু (পারিশ্রমিক) দিতে লাগিল। সেই বালকগণ বহু লবণ, তৈল, তণ্ডুল এবং খাদদ্রব্য সংগ্রহ করিতে সমর্থ হইল।

ভগবান ক্রমাশয়ে পর্যটন করিতে করিতে আতুমায় গমন করিলেন। ভগবান আতুমায় অবস্থান করিতে লাগিলেন,—ভূষাগারে। সেই বৃদ্ধ প্রব্রজিত সেই রাত্রি অবসানে বহু যবাগু প্রস্তুত করাইয়া ভগবানের সম্মুখে উপস্থিত করিল : “প্রভু ভগবন্! আমার যবাগু প্রতিগ্রহণ করুন।” (কোন কোন বিষয়) জানিয়াও তথাগতগণ জিজ্ঞাসা করেন, আবার (কোন কোন বিষয়) জানিয়াও জিজ্ঞাসা করেন না, সময় বুঝিয়া জিজ্ঞাসা করেন, আবার সময় বুঝিয়া জিজ্ঞাসা করেন না। অর্থসংযুক্ত বাক্যই তথাগতগণ জিজ্ঞাসা করেন, নিরর্থক নহে। তথাগতগণের নিরর্থক কথার মূলোৎপাটিত হইয়াছে। বুদ্ধ ভগবানগণ দুই কারণে ভিক্ষুগণের নিকট জিজ্ঞাসা করেন : ‘ধর্মদেশনা করিব অথবা শ্রাবকগণের জন্য শিক্ষাপদ স্থাপন করিব।’ ভগবান সেই বৃদ্ধ প্রব্রজিতকে কহিলেন :—“ভিক্ষু! এই যবাগু কোথায় পাইয়াছ?” সেই বৃদ্ধ প্রব্রজিত ভগবানকে এই বিষয় জানাইল। বুদ্ধ ভগবান তাহা নিতান্ত গর্হিত বলিয়া প্রকাশ করিলেন : “মোঘপুরুষ! তোমার এই কার্য অননুরূপ, অননুযায়ী, অপ্রতিরূপ, অশ্রমণোচিত, অবিহিত এবং অকরণীয় হইয়াছে। কেন তুমি প্রব্রজিত হইয়া অবিহিত বিষয়ের প্রেরণা দিয়াছ? তোমার এই কার্যে যে অপ্রসন্নদিগের মধ্যে প্রসন্নতা উৎপাদন করিবে না” ... এইভাবে নিন্দা করিয়া, ধর্মকথা উত্থাপন করিয়া ভিক্ষুগণকে আহ্বান করিলেন :—

^১। ওজন করিবার পাত্র বিশেষ;

^২। দ্রব্য রাখিবার ভাণ্ড বিশেষ।

“হে ভিক্ষুগণ! প্রব্রজিত অবিহিত বিষয়ের প্রেরণা দিতে পারিবে না; যে প্রেরণা দিবে তাহার ‘দুষ্কট’ অপরাধ হইবে।

“হে ভিক্ষুগণ! প্রব্রজিত হইবার পূর্বে নাপিতের কাজ করিত এহেন ভিক্ষু ক্ষুর-ভাণ্ড হস্তে ভ্রমণ করিতে পারিবে না; যে ভ্রমণ করিবে তাহার ‘দুষ্কট’ অপরাধ হইবে।”

[স্থান :—শ্রাবস্তী]

ভগবান আতুমায় যথারূচি অবস্থান করিয়া শ্রাবস্তী অভিমুখে পর্য্যটনে বাহির হইলেন। ক্রমান্বয়ে পর্য্যটন করিতে করিতে শ্রাবস্তীতে গমন করিলেন। ভগবান শ্রাবস্তীতে অবস্থান করিতে লাগিলেন,—জেতবনে, অনাথপিণ্ডদের আরামে। সেই সময় শ্রাবস্তীতে খাদ্যোপযোগী বহুবিধ ফল অধিক পরিমাণে উৎপন্ন হইয়াছিল। ভিক্ষুগণের মনে এই চিন্তা উদিত হইল : “ভগবান ফল খাইবার ব্যবস্থা দিয়াছেন কিংবা দেন নাই?” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : সর্ব প্রকারের ফল খাইতে পারিবে।”

(১০) সঙ্ঘের ভূমি এবং বীজাদি সম্বন্ধে নিয়ম

সেই সময় সঙ্ঘের বীজ ব্যক্তিবিশেষের ভূমিতে বপন করিত এবং ব্যক্তিবিশেষের বীজ সঙ্ঘের ভূমিতে বপন করিত। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! সঙ্ঘের বীজ ব্যক্তিবিশেষের ভূমিতে বপন করা হইলে ভাগ^১ দিয়া পরিভোগ করিবে এবং ব্যক্তিবিশেষের বীজ সঙ্ঘের ভূমিতে বপন করিলে ভাগ দিয়া পরিভোগ করিবে।”

(১১) বিধিসম্মত এবং বিধিবিরুদ্ধ

সেই সময়ে ভিক্ষুগণকে কোন কোন বিষয়ে সন্দেহ উৎপন্ন হইল : ভগবান কিসের অনুজ্ঞা দিয়াছেন এবং কিসেরই বা অনুজ্ঞা দেন নাই। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

হে ভিক্ষুগণ! আমি যাহা ‘বিহিত নহে’ বলিয়া প্রত্যাখ্যান করি নাই, যদি তাহা অবিহিতের অনুলোম (অনুযায়ী) হয় এবং বিহিতের বিরোধী হয় তাহা হইলে তাহা

^১। ভূমির মালিককে এক দশমাংশ দেওয়া প্রাচীন রীতি। এই হেতু দশভাগের এক ভাগ ভূমির মালিককে দিতে হইবে।—সম-পাশা।

তোমাদের পক্ষে অবিহিত। আমি যাহা ‘বিহিত নহে’ বলিয়া প্রত্যাখ্যান করি নাই যদি তাহা বিহিতের অনুলোম হয় এবং অবিহিতের বিরোধী হয় তাহা হইলে তাহা তোমাদের পক্ষে বিহিত। আমি যাহা ‘বিহিত’ বলিয়া ব্যবস্থা দিয়াছি যদি তাহা অবিহিতের অবিরোধী এবং বিহিতের বিরোধী হয় তাহা হইলে তাহা তোমাদের পক্ষে বিহিত নহে। আমি যাহা ‘বিহিত’ বলিয়া ব্যবস্থা দিই নাই যদি তাহা বিহিতের অনুলোম (অনুযায়ী) এবং অবিহিতের বিরোধী হয় তাহা হইলে তাহা তোমাদের পক্ষে বিহিত।

(১২) কোন্ সময়ে গৃহীত দ্রব্য কোন্ সময় পর্য্যন্ত বিহিত?

ভিক্ষুগণের মনে এই চিন্তা উদিত হইল : ‘যাবৎকালে’^১র সঙ্গে ‘যামিক’^২ বিহিত কি অবিহিত? ‘যাবৎকালে’র সঙ্গে ‘সাপ্তাহিক’^৩ বিহিত কি অবিহিত? ‘যাবৎকালে’র সঙ্গে ‘যাবজ্জীবক’^৪ বিহিত কি অবিহিত? ‘যামিকের’ সঙ্গে ‘সাপ্তাহিক’ বিহিত কি অবিহিত? ‘যামিকের’ সঙ্গে ‘যাবজ্জীবক’ বিহিত কি অবিহিত? ‘সাপ্তাহিকের’ সঙ্গে ‘যাবজ্জীবক’ বিহিত কি অবিহিত?” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

হে ভিক্ষুগণ! ‘যাবৎকালের’ সঙ্গে ‘যামিক’ সকালে প্রতিগৃহীত হইলে সকালে বিহিত; বিকালে বিহিত নহে। ‘যাবৎকালের’ সঙ্গে ‘সাপ্তাহিক’ সকালে প্রতিগৃহীত হইলে সকালে বিহিত; বিকালে বিহিত নহে। ‘যাবৎকালের’ সঙ্গে ‘যাবজ্জীবক’ সকালে প্রতিগৃহীত হইলে সকালে বিহিত; বিকালে বিহিত নহে। ‘যামিকের’ সঙ্গে ‘সাপ্তাহিক’ সকালে প্রতিগৃহীত হইলে প্রথম প্রহরে বিহিত; প্রহর অতিক্রমে বিহিত নহে। ‘যামিকের’ সঙ্গে ‘যাবজ্জীবক’ সকালে প্রতিগৃহীত হইলে প্রথম প্রহরে বিহিত; প্রহর অতিক্রমে বিহিত নহে। ‘সাপ্তাহিকের’ সঙ্গে ‘যাবজ্জীবক’ সকালে প্রতিগৃহীত হইলে সপ্তাহ পর্য্যন্ত বিহিত; সপ্তাহ অতিক্রমে বিহিত নহে।

॥ ভৈষজ্য-স্কন্ধ সমাপ্ত ॥

^১। পূর্ব্বাহ্নে খাদ্যভোজ্য প্রতিগ্রহণ করিয়া মধ্যহ্ন পর্য্যন্ত পরিভোগ করাকে ‘যাবকালিক’ (যাবৎকাল) বলে।

^২। পূর্ব্বাহ্নে অনুলোম পানীয় সহ পূর্ব্বোক্ত অষ্টবিধ পানীয় প্রতিগ্রহণ করিয়া রাত্রির অন্তিমযাম পর্য্যন্ত পরিভোগ করাকে ‘যামকালিক’ (যামিক) বলে।

^৩। চর্বি আদি পঞ্চবিধ ভৈষজ্য একবার প্রতিগ্রহণ করিয়া সাতদিন পর্য্যন্ত পরিভোগ করাকে ‘সপ্তাহকালিক’ (সাপ্তাহিক) বলে।

^৪। হরিদ্রা, অর্দ্রক, বচ, রসুন, উশীর, নাগরমোথা, ত্রিকুট, মঞ্জিষ্ঠালতা এবং পঞ্চমূলদির মূল রোগ থাকিলে একবার প্রতিগ্রহণ করিয়া আজীবন পরিভোগ করাকে ‘যাবজ্জীবক’ বলে।—খুদ্দ সিক্খা।

৭—কঠিন-স্কন্ধ

কঠিন চীবরের বিধান

[স্থান :—শ্রাবস্তী]

(১) কঠিন চীবরের অনুজ্ঞা দান

১—সেই সময়ে বুদ্ধ ভগবান শ্রাবস্তী-সন্নিধানে অবস্থান করিতেছিলেন,—জেতবনে, অনাথপিণ্ডদের আরামে। সেই সময় পাঠেয়বাসী^১ (পশ্চিম দেশীয়) ত্রিশজন ভিক্ষু সকলে অরণ্যবাসী, ভিক্ষান্নভোজী, পাংগুকূলচীবর এবং ত্রিচীবরধারী ছিলেন। তাঁহারা আসন্ন বর্ষীয় ভগবানকে দর্শন করিবার জন্য শ্রাবস্তীতে যাইবার সময় বর্ষাবাসের দিন শ্রাবস্তীতে পৌঁছিবার সম্ভাবনা নাই দেখিয়া পথের মধ্যে সাকেতে বর্ষাবাস আরম্ভ করিলেন। তাঁহারা ‘আমাদের সমীপেই, এস্থান হইতে ছয় যোজন মাত্র ব্যবধানে ভগবান অবস্থান করিতেছেন অথচ আমরা ভগবানের দর্শন লাভ করিতে পারিতেছি না’ এই ভাবিয়া উৎকণ্ঠিতভাবে বর্ষাবাস আরম্ভ করিলেন। অনন্তর সেই ভিক্ষুগণ বর্ষাবাস সমাপ্ত করিয়া, তিনমাস পরে প্রবারণা সমাপ্ত করিয়া, বর্ষার সজল কর্দম ঠিকরাইয়া পড়া আদ্রচীবরে ক্লান্ত হইয়া শ্রাবস্তী-সন্নিধানে জেতবন অনাথপিণ্ডদের আরামে ভগবানের নিকট উপস্থিত হইলেন; উপস্থিত হইয়া ভগবানকে অভিবাদন করিয়া, একান্তে উপবেশন করিলেন। আগন্তুক ভিক্ষুগণকে কুশলপ্রশ্ন জিজ্ঞাসা করা বুদ্ধ ভগবানের রীতি। ভগবান সেই ভিক্ষুগণকে কহিলেন—“হে ভিক্ষুগণ! তোমরা নিরুপদ্রবে ছিলে ত? সুখে দিন যাপন করিয়াছ ত? সমভাবে, মনানন্দে, নির্বিবাদে এবং নির্বিঘ্নে বর্ষাবাস করিয়াছ ত? ভিক্ষান্ন সংগ্রহে কষ্ট হয় নাই ত?”

“ভগবন্! আমরা নিরুপদ্রবে ছিলাম, সুখে দিন যাপন করিয়াছি। সমভাবে, মনানন্দে, নির্বিবাদে এবং নির্বিঘ্নে বর্ষাবাস করিয়াছি, ভিক্ষান্ন সংগ্রহেও আমাদের ক্লেশ পাইতে হয় নাই। প্রভো! আমরা ত্রিশজন পাঠেয়বাসী ভিক্ষু আসন্ন বর্ষীয় ভগবানকে দর্শন করিবার জন্য শ্রাবস্তীতে আসিবার সময় বর্ষাবাসের দিন শ্রাবস্তীতে পৌঁছিবার সম্ভাবনা নাই দেখিয়া পথের মধ্যে সাকেতে বর্ষা যাপন

^১। কোশল রাজ্যের পশ্চিম পার্শ্বে অবস্থিত এক দেশের নাম।—সম-পাসা।

করিয়াছিলাম। আমরা ‘আমাদের নাতিদূরে, এস্থান হইতে ছয় যোজন মাত্র ব্যবধানে ভগবান অবস্থান করিতেছেন অথচ আমরা ভগবানের দর্শন লাভ করিতে পারিতেছি না’ এই ভাবিয়া উৎকণ্ঠিতভাবে বর্ষাবাস আরম্ভ করিয়াছিলাম। আমরা তিনমাস অন্তে বর্ষাবাস সমাপ্ত করিয়া প্রবারণার পর বর্ষার সজলকর্দমক্লিন্ন আর্দ্র চীবরে ক্লান্ত হইয়া দীর্ঘপথ অতিক্রম করিয়া আসিয়াছি।”

ভগবান এই নিদানে, এই প্রকরণে ধর্মকথা উত্থাপন করিয়া ভিক্ষুগণকে আহ্বান করিলেন :—“হে ভিক্ষুগণ! আমি অনুজ্ঞা করিতেছি : বর্ষাবাসসমাপক ভিক্ষুগণ কঠিন চীবর আস্তীর্ণ করিবে।”

(২) কঠিনচীবরলাভী ভিক্ষুর জন্য বিশেষ বিধান

হে ভিক্ষুগণ! কঠিন^১ চীবর প্রসারিত করা হইলে তোমাদের পাঁচটি বিষয় বিহিত (কপ্পিসংস্টি) হইবে; যথা—(১) না বলিয়া গমন করা^২ (২) বিনা ত্রিচীবরে বিচরণ করা^৩ (৩) গণভোজন করা^৪ (৪) যথারূচি চীবর পরিভোগ করা^৫ (৫) সেই স্থানে যেই সব চীবর পাওয়া যাইবে সমস্তই তাহাদের হওয়া^৬। ভিক্ষুগণ! কঠিন চীবর প্রসারিত হইলে এই পাঁচটি বিষয় বিহিত হইবে।

হে ভিক্ষুগণ! এইভাবে কঠিন চীবর প্রসারিত করিবে। দক্ষ এবং সমর্থ ভিক্ষু সজ্ঞাকে এইরূপে প্রস্তাব জ্ঞাপন করিবে :—

জ্ঞপ্তি—মাননীয় সজ্ঞ! আমার প্রস্তাব শ্রবণ করুন : সজ্ঞের জন্য এই কঠিন বস্ত্র পাওয়া গিয়াছে। যদি সজ্ঞ উচিত মনে করেন তাহা হইলে সজ্ঞ এই কঠিন বস্ত্র, কঠিন চীবর প্রসারিত করিবার জন্য অমুক ভিক্ষুকে দিতে পারেন। ইহাই জ্ঞপ্তি।

অনুশ্রাবণ—মাননীয় সজ্ঞ! আমার প্রস্তাব শ্রবণ করুন : সজ্ঞের জন্য এই কঠিন বস্ত্র পাওয়া গিয়াছে, সজ্ঞ এই কঠিন বস্ত্র অমুক ভিক্ষুকে কঠিন চীবর প্রসারিত করিবার জন্য প্রদান করিতেছেন। যেই আয়ুত্মান এই কঠিন বস্ত্র কঠিন প্রসারিত

^১। পঞ্চবিধ আশংসা (ফল) অন্তর্ভুক্ত করিবার সামর্থ্যে স্থির থাকায় কঠিন নামে অভিহিত হয়।—বিম-বিনো এবং সার-দীপ।

^২। পূর্বাহ্নের জন্য নিমন্ত্রিত ভিক্ষু নিমন্ত্রণকর্তার বাড়ী হইতে সঙ্গী ভিক্ষুকে জিজ্ঞাসা না করিয়া অন্য বাড়ীতে গমন করা;

^৩। অধিষ্ঠিত ত্রিচীবর রাত্রিতে নিজের হস্ত পার্শ্বে (দেড় হাতের মধ্যে) না রাখিয়া অরুণোদয় করা;

^৪। ‘গণভোজন’ করা অর্থাৎ চারিজননের অনধিক ভিক্ষু নিমন্ত্রণ গ্রহণ করিয়া ভোজন করা;

^৫। অতিরিক্ত চীবর যত ইচ্ছা তত অধিষ্ঠান কিংবা বেনামা না করিয়া নিজের নিকট রাখা;

^৬। যেই বিহারে যাঁহারা কঠিন চীবর লাভ করেন সেই বিহারে ভিক্ষুসজ্ঞের উদ্দেশ্যে যত চীবর প্রদত্ত হয় তৎসমুদয় চীবর তাঁহাদের অধিকারে থাকা। তাহাতে কোন আগন্তুক ভিক্ষুর অধিকার না থাকা।—সম-পাসা।

করিবার জন্য অমুক ভিক্ষুকে প্রদান করা উচিত মনে করেন তিনি মৌন থাকিবেন এবং যিনি উচিত মনে করেন না তিনি তাঁহার বক্তব্য ভাষায় প্রকাশ করিবেন।

ধারণা—সঙ্ঘ এই কঠিন বস্ত্র অমুক ভিক্ষুকে কঠিন চীবর প্রসারিত করিবার জন্য প্রদান করিলেন। সঙ্ঘ এই প্রস্তাব উচিত মনে করিয়া মৌন রহিয়াছেন,—আমি এইরূপ ধারণা করিতেছি।

(৩) কঠিন চীবরের প্রসারণ এবং অপ্রসারণ

হে ভিক্ষুগণ! এইভাবে কঠিন চীবর প্রসারিত করা হয় এবং এইভাবে প্রসারিত করা হয় না। ভিক্ষুগণ! কিরূপে কঠিন চীবর প্রসারিত করা হয় না (অনর্থতঃ হোতি)? ‘উল্লিখিত’^১ (চিহ্নিত) করা মাত্র কঠিন প্রসারিত হয় না; ‘ধোবন’^২ (ধৌত) করা মাত্র কঠিন প্রসারিত হয় না; ‘চীবর বিচারণ’^৩ (নির্দ্ধারণ) করা মাত্র কঠিন প্রসারিত হয় না; ‘ছেদন’^৪ করা মাত্র কঠিন প্রসারিত হয় না; ‘বন্ধন’^৫ করা মাত্র কঠিন প্রসারিত হয় না; ‘ওবট্টিক’^৬ (অববর্তিত) করা মাত্র কঠিন প্রসারিত হয় না; ‘কণ্ডুস’^৭ করা মাত্র কঠিন প্রসারিত হয় না; ‘দুহীকম্ম’^৮ (দৃঢ়কম্ম) করা মাত্র কঠিন প্রসারিত হয় না; ‘অনুবাত’^৯ করা মাত্র কঠিন প্রসারিত হয় না; ‘পরিভণ্ড’^{১০} করা মাত্র কঠিন প্রসারিত হয় না; ‘ওবট্টেয়’^{১১} করা মাত্র কঠিন প্রসারিত হয় না; ‘কম্বলমদন’^{১২} মাত্র কঠিন প্রসারিত হয় না; ‘নিমিত্ত’^{১৩} করা মাত্র কঠিন প্রসারিত হয় না; ‘পরিকথা’^{১৪} করা মাত্র কঠিন প্রসারিত হয় না; ‘কুঙ্ক’^{১৫} করায় কঠিন প্রসারিত

^১। দৈর্ঘ্য প্রস্থ প্রমাণ গ্রহণ করা মাত্র অর্থাৎ প্রমাণ গ্রহণ করিবার সময় তৎ তৎ স্থান অবগত হইবার জন্য নখাদি দ্বারা অংশ করিয়া দাগ দেওয়া অথবা ললাটাদিতে ঘর্ষণ করা মাত্র।

^২। কঠিন চীবরের বস্ত্র ধৌত করা মাত্র।

^৩। পঞ্চ, সপ্ত, নয় বা একাদশ টুকরা হউক এইরূপ নির্দ্ধারণ করা মাত্র।

^৪। সিদ্ধান্তানুযায়ী বস্ত্র ছেদন করা মাত্র।

^৫। সুতার ‘খিল’ দেওয়া মাত্র।

^৬। সুতার ‘খিল’ অনুসারে দৈর্ঘ্যে সেলাই করা মাত্র।

^৭। সেলাইর যোগ্য ভাঁজ করা;

^৮। দুই খণ্ড মাত্র সেলাই করা।

^৯। চীবরের চতুষ্পার্শ্বে স্বতন্ত্র বস্ত্র খণ্ড সংযোগ করা।

^{১০}। চীবরের মধ্য ভাগ সংযোগ করা।

^{১১}। কঠিন চীবর হইতে কাপড়ের টুকরা লইয়া অকঠিন চীবরে সংযোগ করা।

^{১২}। একবার রঞ্জিত করিয়া দস্তবর্ণ বা পাণ্ডুবর্ণ করা।

^{১৩}। ‘এই বস্ত্র কঠিন চীবর প্রসারণ করিয়া’ এইরূপ অভিপ্রায় করা।

^{১৪}। কঠিন চীবর প্রদান করা উচিত, কঠিন চীবর দাতা বহু পুণ্য লাভ করে এইরূপ উপদেশে পাওয়া;

^{১৫}। ধার করা বস্ত্র দ্বারা;

হয় না; ‘সন্নিধি’^১ করায় কঠিন প্রসারিত হয় না; ‘নিস্‌সঙ্গি’^২ দ্বারা কঠিন প্রসারিত হয় না; ‘অকল্প’^৩ করা হইলে কঠিন প্রসারিত হয় না; সজ্জাটি ব্যতীত কঠিন চীবর প্রসারিত হয় না; উত্তরাসঙ্গ ব্যতীত কঠিন চীবর প্রসারিত হয় না; অন্তর্বাস^৪ ব্যতীত কঠিন চীবর প্রসারিত হয় না; পঞ্চ বা তদতিরিক্ত খণ্ডে সেই দিনই ছিন্ন এবং সমঞ্জসী^৫ করা ব্যতীত কঠিন চীবর প্রসারিত হয় না; একজনের জন্য ব্যতীত বহুজনের জন্য কঠিন চীবর প্রসারিত হয় না; সম্যকভাবে চীবর প্রস্তুত করা হইলেও যদি তাহা সীমার বহির্ভাগে স্থিত ভিক্ষু অনুমোদন করে তাহা হইলেও কঠিন চীবর প্রসারিত হয় না। হে ভিক্ষুগণ! এইভাবে কঠিন চীবর প্রসারিত হয় না।

হে ভিক্ষুগণ! কিভাবে কঠিন চীবর প্রসারিত হয়? ‘অহত’^৬ বস্ত্র দ্বারা কঠিন চীবর প্রসারিত হয়; ‘অহতকল্প’^৭ বস্ত্র দ্বারা কঠিন প্রসারিত হয়; ‘পিলোতিকা’ (নক্তক)^৮ দ্বারা কঠিন প্রসারিত হয়; ‘পাংশুকূল’^৯ দ্বারা কঠিন প্রসারিত হয়, দোকানের সম্মুখে পরিত্যক্ত বস্ত্র দ্বারা কঠিন প্রসারিত হয়; ‘নিমিত্ত’^{১০} করা না হইলে কঠিন প্রসারিত হয়; ‘পরিকথা’^{১১} করা না হইলে কঠিন প্রসারিত হয়; ‘কুক্কু’^{১২} করা ব্যতীত কঠিন প্রসারিত হয়; অসঞ্চিত বস্ত্র দ্বারা কঠিন প্রসারিত হয়; ‘নিস্‌সঙ্গি’^{১৩} বস্ত্র ব্যতীত অন্য বস্ত্রদ্বারা কঠিন প্রসারিত হয়; ‘বিন্দু’^{১৪} দেওয়া হইলে কঠিন প্রসারিত হয়;

১। সন্নিধি দ্বিবিধ—করণ সন্নিধি এবং নিচয় সন্নিধি। তখন প্রস্তুত না করিয়া রাখিয়া দিয়া মধ্যে মধ্যে সেলাই আদি করার নাম করণ সন্নিধি। সজ্জ অদ্য কঠিন বস্ত্র লাভ করিয়া পর দিবসে দেওয়ার নাম নিচয় সন্নিধি। সন্নিধি অর্থ জমা রাখা।

২। প্রস্তুত করিতে করিতে অরুণোদয় হওয়া

৩। নীল বা কাল বর্ণের বিন্দু না দেওয়া।

৪। সজ্জাটি, উত্তরাসঙ্গ এবং অন্তর্বাস এই দ্বিবিধ চীবর ব্যতীত প্রত্যাস্তরণ (বিছানার চাদর) আদি দ্বারা কঠিন চীবর প্রসারিত হয় না।

৫। পঞ্চ বা তদতিরিক্ত খণ্ড করিয়া প্রত্যেক খণ্ডকে আবার দুই বা তিন টুকরা করিতে হয়। তৎপর সংযোগ করিয়া সেলাই করা। তেমনভাবে ছিন্ন না করিয়া চীবর প্রস্তুত করিলে সেই বস্ত্র দ্বারা কঠিন চীবর প্রসারিত করা যায় না;

৬। নূতন বস্ত্র দ্বারা;

৭। একবার বা দুইবার ধৌত নূতন বস্ত্র দ্বারা;

৮। ছেঁড়া কাপড় দ্বারা;

৯। আবর্জনা স্তূপ হইতে কুড়ানো বস্ত্র দ্বারা;

১০। ‘এই বস্ত্র দ্বারা কঠিন চীবর প্রসারিত করিব’ এইরূপ অভিপ্রায় পোষণ না করিলে;

১১। ‘কঠিন চীবর প্রতান করা উচিত, কঠিন চীবর দাতা বহু পুণ্য লাভ করে’ এইরূপ উপদেশ দ্বারা লাভ না করিলে;

১২। ধার করা বস্ত্র না হইলে;

১৩। প্রাপ্ত বস্ত্র অরুণোদয়ের পূর্বে প্রস্তুত করা হইলে;

১৪। কাল বা নীলবর্ণের বিন্দু দেওয়া হইলে;

সজ্জাটি, উত্তরাসঙ্গ এবং অন্তর্বাস দ্বারা কঠিন প্রসারিত হয়; পঞ্চ বা তদতিরিক্ত খণ্ডে সেই দিনই ছিন্ন এবং সমঞ্জসী করা হইলে কঠিন প্রসারিত হয়; এক ব্যক্তির জন্য কঠিন চীবর প্রসারিত হয়; সম্যকভাবে প্রস্তুত চীবর সীমাভ্যন্তরস্থ ভিক্ষু অনুমোদন করিলে কঠিন চীবর প্রসারিত হয়। হে ভিক্ষুগণ! এইভাবে কঠিন চীবর প্রসারিত হয়^১।

কঠিন চীবর ধ্বংস

(১) কিরূপে কঠিন চীবরের ধ্বংস সাধিত হয়?

হে ভিক্ষুগণ! কিভাবে কঠিন চীবর বিধ্বংস হয়? ভিক্ষুগণ! কঠিন চীবর বিধ্বংস হইবার এই অষ্টবিধ মাতৃকা (প্রধান কারণ), যথা—‘পঙ্কমনস্তিকা’ (প্রস্থানান্তিকা), ‘নিট্ঠানস্তিকা’ (সমাপনস্তিকা), ‘সন্নিট্ঠানস্তিকা’ (অসমাপনান্তিকা), ‘নাসনস্তিকা’ (নাশান্তিকা), ‘সবনস্তিকা’ (শ্রবণান্তিকা), ‘আসাবচ্ছেদিকা’ (আশাবচ্ছেদিকা), সীমাতিক্তিক্তিকা’ (সীমাতিক্তিক্তিকা) এবং ‘সহব্ভরা’ (সহবিনাশিকা)।

(২) সপ্তবিধ আদায়

(১) যেই ভিক্ষু কঠিন চীবর প্রসারিত হইবার পর ‘প্রত্যাগমন করিব না’ সঙ্কল্প করিয়া, প্রস্তুত করা চীবর লইয়া প্রস্থান করে সেই ভিক্ষুর কঠিন চীবরের বিনাশ ‘পঙ্কমনস্তিক’ নামে অভিহিত হয়। (২) যেই ভিক্ষু কঠিন প্রসারিত হইবার পর (অপ্রস্তুত) চীবর লইয়া প্রস্থান করে এবং সীমার বাহিরে যাইবার পর ‘এখানেই এই চীবর প্রস্তুত করিব, প্রত্যাগমন করিব না’ এই ভাবিয়া সেই চীবর প্রস্তুত করে সেই ভিক্ষুর কঠিন চীবরের বিনাশ ‘নিট্ঠানস্তিক’ নামে অভিহিত হয়। (৩) যেই ভিক্ষু কঠিন প্রসারিত হইবার পর (অপ্রস্তুত) চীবর লইয়া প্রস্থান করে এবং সীমার বাহিরে যাইবার পর যাহার মনে ‘এই চীবর প্রস্তুতও করিব না এবং প্রত্যাগমনও করিব না’ এইরূপ চিন্তা উদ্ভিত হয় সেই ভিক্ষুর কঠিন চীবরের বিনাশ ‘সন্নিট্ঠানস্তিক’ নামে অভিহিত হয়। (৪) যেই ভিক্ষু কঠিন প্রসারিত হইবার পর চীবর লইয়া প্রস্থান করে এবং সীমার বাহিরে যাইবার পর ‘এখানেই এই চীবর প্রস্তুত করাইব এবং প্রত্যাগমন করিব না’ এই ভাবিয়া সেই চীবর প্রস্তুত করাইতে থাকে তাহার সেই চীবর প্রস্তুত করাইবার সময় যদি বিনষ্ট হইয়া যায়, তাহা হইলে সেই ভিক্ষুর কঠিন চীবরের বিনাশ ‘নাসনস্তিক’ নামে অভিহিত হয়। (৫) যেই ভিক্ষু কঠিন প্রসারিত

^১। প্রথমোক্ত চতুর্বিংশতি প্রকারে কঠিন চীবর প্রসারিত হয় না এবং শেষোক্ত সপ্তদশ প্রকারে কঠিন চীবর প্রসারিত হয়।—সম-পাসা।

হইবার পর চীবর লইয়া ‘প্রত্যাগমন করিব’ এই ভাবিয়া প্রস্থান করে এবং সীমার বাহিরে যাইয়া সেই চীবর প্রস্তুত করাইতে থাকে এবং চীবর প্রস্তুত হইবার পর যদি সে শ্রবণ করে : ‘সেই আবাসে কঠিনের বিনাশ সাধিত হইয়াছে।’ তাহা হইলে সেই ভিক্ষুর কঠিন চীবরের বিনাশ ‘সবনন্তিক’ নামে অভিহিত হয়।’ (৭) যেই ভিক্ষু কঠিন প্রসারিত হইবার পর ‘প্রত্যাগমন করিব’ এই ভাবিয়া চীবর লইয়া প্রস্থান করে ও সীমার বাহিরে যাইয়া সেই চীবর প্রস্তুত করায় এবং যদি সে চীবর প্রস্তুত হইবার পর ‘প্রত্যাগমন করিব, প্রত্যাগমন করিব’ এইরূপ ভাবিয়া (সীমার) বাহিরে কঠিন বিনাশের সময় অতিবাহিত করে তাহা হইলে সেই ভিক্ষুর কঠিন চীবরের বিনাশ ‘সীমাতিক্তিক’ নামে অভিহিত হয়। (৮) যেই ভিক্ষু কঠিন প্রসারিত হইবার পর ‘প্রত্যাগমন করিব’ এই ভাবিয়া চীবর লইয়া প্রস্থান করে এবং সীমার বাহিরে যাইয়া সেই চীবর প্রস্তুত করায় এবং সে চীবর প্রস্তুত হইবার পর ‘প্রত্যাগমন করিব, প্রত্যাগমন করিব’ এইরূপ ভাবিতে ভাবিতে কঠিন চীবরের বিনাশের প্রতীক্ষা করে, তাহার কঠিন চীবরের বিনাশ ভিক্ষুগণের সহিত হয় বলিয়া (সহুভার) অভিহিত হয়।

॥ আদায় সপ্তক সমাপ্ত ॥

(৩) সপ্তবিধ সমাদায়

(১) যেই ভিক্ষু কঠিন চীবর প্রসারিত হইবার পর ‘প্রত্যাগমন করিব না’ ভাবিয়া প্রস্তুত করা চীবর যথার্থভাবে লইয়া প্রস্থান করে সেই ভিক্ষুর কঠিনের বিনাশ ‘পঙ্কমনন্তিক’ (প্রস্থানান্তিক) নামে অভিহিত হয়। [পূর্বোক্তরূপে এখানেও সাতটি পাঠ আছে, কেবল পূর্বোক্ত ‘লইয়া প্রস্থান করে’ এই বাক্যের স্থানে ‘যথার্থভাবে লইয়া প্রস্থান করে’ এই বাক্যটি বলিতে হইবে।]

॥ সমাদায় সপ্তক সমাপ্ত ॥

(৪) ষড়বিধ আদায়

(১) যেই ভিক্ষু কঠিন চীবর প্রসারিত হইবার পর অসম্পূর্ণ চীবর লইয়া প্রস্থান করে এবং সীমার বাহিরে যাইবার পর যাহার মনে এই চিন্তা উদিত হয় : ‘এখানেই এই চীবর প্রস্তুত করাইব এবং প্রত্যাগমন করিব না।’ এই ভাবিয়া যে সেই চীবর প্রস্তুত করায়। সেই ভিক্ষুর কঠিন চীবরের বিনাশ ‘নিট্ঠানন্তিক’ (সমাপনান্তিক) নামে অভিহিত হয়। [পূর্বোক্ত আদায় সপ্তকের ‘পঙ্কমনন্তিক’ বাক্য ব্যতীত

^১। ৬নং ৩২৭ পৃষ্ঠায় দ্রষ্টব্য।

অবশিষ্টাংশ ‘প্রস্তুত চীবর’ স্থানে ‘অপ্রস্তুত চীবর’ শব্দ পাঠ করিতে হইবে; ইহাই পার্থক্য।]

॥ আদায় ঘটক সমাপ্ত ॥

(৫) ষড়বিধ সমাদায়

(১) যেই ভিক্ষু কঠিন চীবর প্রসারিত হইবার পর অসম্পূর্ণ চীবর যথার্থভাবে লইয়া প্রস্থান করে এবং সীমার বাহিরে যাইবার পর যাহার মনে এই চিন্তা উদিত হয় : ‘এখানেই এই চীবর প্রস্তুত করাইব এবং প্রত্যাগমন করিব না।’ এই ভাবিয়া সেই চীবর প্রস্তুত করায়, সেই ভিক্ষুর কঠিন চীবরের বিনাশ ‘নিট্ঠানন্তিক’ (সমাপনান্তিক) নামে অভিহিত হয়। [এখানের পাঠও পূর্বোক্ত ঘটকের ন্যায়; কেবল ‘আদায়’ স্থলে ‘সমাদায়’ শব্দটি পড়িতে হইবে।]

॥ সমাদায় ঘটক সমাপ্ত ॥

(৬) ‘আদায়’ কঠিন-বিনাশ

১—যেই ভিক্ষু কঠিন চীবর প্রসারিত হইবার পর চীবর লইয়া প্রস্থান করে এবং সীমার বাহিরে যাইবার পর যাহার মনে এই চিন্তা উদিত হয় : ‘এখানেই এই চীবর প্রস্তুত করাইব এবং প্রত্যাগমন করিব না’ এই ভাবিয়া চীবর প্রস্তুত করাইলে তাহার কঠিনের বিনাশ ‘নিট্ঠানন্তিক’ (সমাপনান্তিক) নামে অভিহিত হয়। যেই ভিক্ষু কঠিন প্রসারিত হইবার পর চীবর লইয়া প্রস্থান করে এবং সীমার বাহিরে যাইবার পর যাহার মনে এই চিন্তা উদিত হয় : ‘এই চীবর প্রস্তুতও করাইব না এবং প্রত্যাগমনও করিব না।’ সেই ভিক্ষুর কঠিনের বিনাশ ‘সন্নিট্ঠানন্তিক’ (অসমাপনান্তিক) নামে অভিহিত হয়। যেই ভিক্ষুর কঠিন প্রসারিত হইবার পর চীবর লইয়া প্রস্থান করে এবং সীমার বাহিরে যাইবার পর যাহার মনে এই চিন্তা উদিত হয় : ‘এখানেই এই চীবর প্রস্তুত করাইব এবং প্রত্যাগমন করিব না’ এই ভাবিয়া সেই চীবর প্রস্তুত করায়, তাহার সেই চীবর প্রস্তুত করাইবার সময় বিনষ্ট হইলে সেই ভিক্ষুর কঠিনের বিনাশ ‘নাসনন্তিক’ (নাশান্তিক) নামে অভিহিত হয়।

২—যেই ভিক্ষু কঠিন প্রসারিত হইবার পর ‘প্রত্যাগমন করিব না’ এই ভাবিয়া চীবর লইয়া প্রস্থান করে এবং সীমার বাহিরে যাইবার পর যাহার মনে এই চিন্তা উদিত হয় : ‘এখানেই এই চীবর প্রস্তুত করাইব।’ এই ভাবিয়া সেই চীবর প্রস্তুত করাইলে সেই ভিক্ষুর কঠিনের বিনাশ ‘নিট্ঠানন্তিক’ (সমাপনান্তিক) নামে অভিহিত হয়। যেই ভিক্ষু কঠিন প্রসারিত হইবার পর ‘প্রত্যাগমন করিব না’ এই ভাবিয়া চীবর লইয়া প্রস্থান করে এবং সীমার বাহিরে যাইবার পর যাহার মনে এই চিন্তা

উদিত হয় : ‘এই চীবর প্রস্তুত করিবই না।’ সেই ভিক্ষুর কঠিনের বিনাশ ‘সন্নিট্ঠানন্তিক’ (অসমাপনান্তিক) নামে অভিহিত হয়। যেই ভিক্ষুর কঠিন প্রসারিত হইবার পর ‘প্রত্যাগমন করিব না’ এই ভাবিয়া চীবর লইয়া প্রস্থান করে এবং সীমার বাহিরে যাইবার পর যাহার মনে এই চিন্তা উদিত হয় : ‘এখানেই এই চীবর প্রস্তুত করাইব।’ এই ভাবিয়া সেই চীবর প্রস্তুত করায়। তাহার সেই চীবর প্রস্তুত করাইবার সময় বিনষ্ট হইলে সেই ভিক্ষুর কঠিনের বিনাশ ‘নাসনন্তিক’ (নাশান্তিক) নামে অভিহিত হয়।

৩—যেই ভিক্ষু চীবর প্রসারিত হইবার পর অনধিষ্ঠিত চীবর লইয়া প্রস্থান করে এবং তখন তাহার মনে এইরূপ হয় না যে ‘প্রত্যাগমন করিব’ এবং এইরূপও হয় না যে ‘প্রত্যাগমন করিব না।’ কিন্তু সীমার বাহিরে যাইবার পর তাহার মনে এই চিন্তা উদিত হয় : ‘এখানেই এই চীবর প্রস্তুত করাইব কিন্তু প্রত্যাগমন করিব না’ এই ভাবিয়া সে সেই চীবর প্রস্তুত করায়। সেই ভিক্ষুর কঠিনের বিনাশ ‘নিট্ঠানন্তিক’ (সমাপনান্তিক) নামে অভিহিত হয়। যেই ভিক্ষু কঠিন প্রসারিত হইবার পর অনধিষ্ঠিত (অসঙ্কল্পিত) চীবর লইয়া প্রস্থান করে এবং তখন তাহার মনে এইরূপ হয় না : ‘প্রত্যাগমন করিব’ কিংবা ‘প্রত্যাগমন করিব না।’ কিন্তু সীমার বাহিরে যাইবার পর তাহার মনে এই চিন্তা উদিত হয় : ‘এই চীবর প্রস্তুতও করাইব না, প্রত্যাগমনও করিব না।’ সেই ভিক্ষুর কঠিনের বিনাশ ‘সন্নিট্ঠানন্তিক’ (অসমাপনান্তিক) নামে অভিহিত হয়। যেই ভিক্ষু কঠিন প্রসারিত হইবার পর অনধিষ্ঠিত চীবর লইয়া প্রস্থান করে এবং তখন তাহার মনে এইরূপ হয় না : ‘প্রত্যাগমন করিব’ কিংবা ‘প্রত্যাগমন করিব না।’ কিন্তু সীমার বাহিরে যাইবার পর তাহার মনে এই চিন্তা উদিত হয় : ‘এখানেই এই চীবর প্রস্তুত করাইব কিন্তু প্রত্যাগমন করিব না।’ এই ভাবিয়া সেই চীবর প্রস্তুত করায়। প্রস্তুত করাইবার সময় তাহার সেই চীবর বিনষ্ট হইয়া গেলে সেই ভিক্ষুর কঠিনের বিনাশ ‘নাসনন্তিক’ (নাশান্তিক) নামে অভিহিত হয়।

৪—যেই ভিক্ষু কঠিন আত্মত হইবার পর ‘প্রত্যাগমন করিব’ এইরূপ ভাবিয়া চীবর লইয়া প্রস্থান করে এবং সীমার বাহিরে যাইবার পর তাহার মনে এই চিন্তা উদিত হয় : ‘এখানেই এই চীবর প্রস্তুত করাইব কিন্তু প্রত্যাগমন করিব না।’ এই ভাবিয়া সে সেই চীবর প্রস্তুত করায়। সেই ভিক্ষুর কঠিনের বিনাশ ‘নিট্ঠানন্তিক’ নামে অভিহিত হয়। যেই ভিক্ষু কঠিন আত্মত হইবার পর ‘প্রত্যাগমন করিব’ এই ভাবিয়া চীবর লইয়া প্রস্থান করে এবং সীমার বাহিরে যাইবার পর তাহার মনে এই চিন্তা উদিত হয় : ‘এই চীবর প্রস্তুতও করাইব না, প্রত্যাগমনও করিব না।’ সেই ভিক্ষুর কঠিনের বিনাশ ‘সন্নিট্ঠানন্তিক’ নামে অভিহিত হয়। যেই ভিক্ষু কঠিন আত্মত হইবার পর ‘প্রত্যাগমন করিব’ এই ভাবিয়া চীবর লইয়া প্রস্থান করে এবং সীমার বাহিরে যাইবার পর তাহার মনে এই চিন্তা উদিত হয় : এখানেই এই চীবর

প্রস্তুত করাইব কিন্তু প্রত্যাগমন করিব না।’ এই ভাবিয়া সেই চীবর প্রস্তুত করায়। তাহার সেই চীবর প্রস্তুত করাইবার সময় বিনষ্ট হইয়া গেলে সেই ভিক্ষুর কঠিনের বিনাশ ‘নাসনস্তিক’ নামে অভিহিত হয়। যেই ভিক্ষু কঠিন আস্তৃত হইবার পর ‘প্রত্যাগমন করিব’ এই ভাবিয়া চীবর লইয়া প্রস্থান করে এবং সীমার বাহিরে যাইয়া সেই চীবর প্রস্তুত করায়, চীবর প্রস্তুত হইবার পর সে শুনিতে পায় : সেই বিহারে কঠিনের বিনাশ সাধিত হইয়াছে। সেই ভিক্ষুর কঠিনের বিনাশ ‘সবনস্তিক’ (শ্রবণান্তিক) নামে অভিহিত হয়। যেই ভিক্ষুর কঠিন আস্তৃত হইবার পর ‘প্রত্যাগমন করিব’ এই ভাবিয়া চীবর লইয়া প্রস্থান করে এবং সীমার বাহিরে যাইয়া সেই চীবর প্রস্তুত করায়, সে চীবর প্রস্তুত হইবার পর ‘প্রত্যাগমন করিব’, ‘প্রত্যাগমন করিব’ এই ভাবিয়া সীমার বাহিরে কঠিন বিনাশের সময় অতিবাহিত করে। সেই ভিক্ষুর কঠিনের বিনাশ ‘সীমাতিক্তিক’ (সীমাতিক্রান্তিক) নামে অভিহিত হয়। যেই ভিক্ষু কঠিন আস্তৃত হইবার পর ‘প্রত্যাগমন করিব’ এই ভাবিয়া চীবর লইয়া প্রস্থান করে এবং সীমার বাহিরে যাইয়া সেই চীবর প্রস্তুত করায়, সে চীবর প্রস্তুত হইবার পর ‘প্রত্যাগমন করিব’, ‘প্রত্যাগমন করিব’ এই ভাবিয়া কঠিন বিনাশের প্রতীক্ষা করিতে থাকে সেই ভিক্ষুর কঠিনের বিনাশ ‘সহ্ভার’ (অন্য ভিক্ষুর সহিত কঠিন-বিনাশ) নামে অভিহিত হয়।

(৭) ‘সমাদায়’ কঠিন-বিনাশ

১—যেই ভিক্ষু কঠিন আস্তৃত হইবার পর যথার্থভাবে চীবর লইয়া প্রস্থান করে। [পূর্বোক্ত (৬) ১ নম্বরের ন্যায়। কেবল ‘আদায়’ স্থলে ‘সমাদায়’ পড়িতে হইবে।]

২—যেই ভিক্ষু কঠিন আস্তৃত হইবার পর চীবর যথার্থভাবে লইয়া প্রস্থান করে। [পূর্বোক্ত (৬) ২ নম্বরের ন্যায়। কেবল ‘আদায়’ স্থলে ‘সমাদায়’ পড়িতে হইবে।]

৩—যেই ভিক্ষু কঠিন আস্তৃত হইবার পর চীবর যথার্থভাবে লইয়া প্রস্থান করে। [পূর্বোক্ত (৬) ৩ নম্বরের ন্যায়। কেবল ‘আদায়’ স্থলে ‘সমাদায়’ পড়িতে হইবে।]

৪—যেই ভিক্ষু কঠিন আস্তৃত হইবার পর চীবর যথার্থভাবে লইয়া প্রস্থান করে। [পূর্বোক্ত (৬) ৪ নম্বরের ন্যায়। কেবল ‘আদায়’ স্থলে ‘সমাদায়’ পড়িতে হইবে।]’

॥ আদায় ভণিতা সমাপ্ত ॥

১। অবশিষ্ট ‘আদায়’ কঠিন বিনাশের ন্যায়। কেবল ‘প্রস্তুত চীবর লইয়া প্রস্থান করে’ স্থলে ‘অসম্পূর্ণ চীবর যথার্থভাবে লইয়া প্রস্থান করে’ ইহাই পার্থক্য।

(৮) নিরাশায় কঠিনের বিনাশ

১—(১) যেই ভিক্ষু কঠিন আত্মত হইবার পর চীবরের আশায় প্রস্থান করে এবং সীমার বাহিরে যাইবার পর সেই চীবর প্রাপ্তির আশা পোষণ করে, কিন্তু অনাশায় প্রাপ্ত হয়, আশায় প্রাপ্ত হয় না। তখন তাহার মনে এই চিন্তা উদিত হয় : ‘এখানেই এই চীবর প্রস্তুত করাইব এবং প্রত্যাগমন করিব না।’ এই ভাবিয়া সে সেই চীবর প্রস্তুত করায়, সেই ভিক্ষুর কঠিনের বিনাশ ‘নিট্ঠানন্তিক’ নামে অভিহিত হয়। (২) যেই ভিক্ষু কঠিন আত্মত হইবার পর চীবরের আশায় প্রস্থান করে এবং সীমার বাহিরে যাইয়া সেই চীবর প্রাপ্তির আশা পোষণ করে; কিন্তু অনাশায় প্রাপ্ত হয়, আশায় প্রাপ্ত হয় না। তখন তাহার মনে এই চিন্তা উদিত হয় : ‘এই চীবর প্রস্তুতও করাইব না কিংবা প্রত্যাগমনও করিব না।’ সেই ভিক্ষুর কঠিনের বিনাশ ‘সন্নিট্ঠানন্তিক’ নামে অভিহিত হয়। (৩) যেই ভিক্ষু কঠিন আত্মত হইবার পর চীবর প্রাপ্তির আশায় প্রস্থান করে এবং সীমার বাহিরে যাইয়া সেই চীবর প্রাপ্তির আশা পোষণ করে; কিন্তু অনাশায় প্রাপ্ত হয়, আশায় প্রাপ্ত হয় না। তখন তাহার মনে এই চিন্তা উদিত হয় : ‘এখানেই এই চীবর প্রস্তুত করাইব এবং প্রত্যাগমন করিব না।’ এই ভাবিয়া সে সেই চীবর প্রস্তুত করায়। তাহার সেই চীবর প্রস্তুত করাইবার সময় বিনষ্ট হইয়া গেলে সেই ভিক্ষুর কঠিনের বিনাশ ‘নাসনন্তিক’ নামে অভিহিত হয়। (৪) যেই ভিক্ষু কঠিন আত্মত হইবার পর চীবর প্রাপ্তির আশায় প্রস্থান করে এবং সীমার বাহিরে যাইবার পর তাহার মনে এই চিন্তা উদিত হয় : ‘এখানেই এই চীবর প্রাপ্তির আশা পোষণ করিব এবং প্রত্যাগমন করিব না।’ এই ভাবিয়া সে সেই চীবর প্রাপ্তির আশা পোষণ করে; কিন্তু তাহার সেই চীবর প্রাপ্তির আশা উচ্ছিন্ন হইয়া যায়। সেই ভিক্ষুর কঠিনের বিনাশ ‘আসাবচ্ছেদিক’ (আশাবচ্ছেদিক) নামে অভিহিত হয়।

২—(১) যেই ভিক্ষু কঠিন চীবর আত্মত হইবার পর ‘প্রত্যাগমন করিব না’ এই ভাবিয়া চীবর প্রাপ্তির আশায় প্রস্থান করে এবং সীমার বাহিরে যাইয়া সেই চীবর প্রাপ্তির আশা পোষণ করিতে থাকে; কিন্তু অনাশায় প্রাপ্ত হয়, আশায় প্রাপ্ত হয় না। তখন তাহার মনে এই চিন্তা উদিত হয় : ‘এখানেই এই চীবর প্রস্তুত করাইব।’ এই ভাবিয়া সে সেই চীবর প্রস্তুত করায়। সেই ভিক্ষুর কঠিনের বিনাশ ‘নিট্ঠানন্তিক’ নামে অভিহিত হয়। (২) যেই ভিক্ষু কঠিন আত্মত হইবার পর চীবর প্রাপ্তির আশায় ‘প্রত্যাগমন করিব না’ এই ভাবিয়া প্রস্থান করে এবং সীমার বাহিরে যাইয়া সেই চীবর প্রাপ্তির আশা পোষণ করিতে থাকে; কিন্তু অনাশায় প্রাপ্ত হয়, আশায় প্রাপ্ত হয় না। তখন তাহার মনে এই চিন্তা উদিত হয় : ‘এই চীবর প্রস্তুত করাইব না।’ সেই ভিক্ষুর কঠিনের বিনাশ ‘সন্নিট্ঠানন্তিক’ নামে অভিহিত হয়। (৩) যেই ভিক্ষু কঠিন আত্মত হইবার পর চীবর প্রাপ্তির আশায় ‘প্রত্যাগমন করিব না’ এই ভাবিয়া প্রস্থান

করে এবং সীমার বাহিরে যাইয়া সেই চীবর প্রাপ্তির আশা পোষণ করিতে থাকে; কিন্তু অনাশায় প্রাপ্ত হয় আশায় প্রাপ্ত হয় না। তখন তাহার মনে এই চিন্তা উদিত হয় : ‘এখানেই এই চীবর প্রস্তুত করাইব।’ এই ভাবিয়া সে সেই চীবর প্রস্তুত করাইতে থাকে। তাহার সেই চীবর প্রস্তুত করাইবার সময় বিনষ্ট হইয়া গেলে সেই ভিক্ষুর কঠিনের বিনাশ ‘নাসনন্তিক’ নামে অভিহিত হয়। (৪) যেই ভিক্ষু কঠিন আত্মত হইবার পর চীবর প্রাপ্তির আশায় ‘প্রত্যাগমন করিব না’ এই ভাবিয়া প্রস্থান করে এবং সীমার বাহিরে যাইবার পর তাহার মনে এই চিন্তা উদিত হয় : ‘এখানেই এই চীবর প্রাপ্তির আশা পোষণ করিব।’ এই ভাবিয়া সে সেই চীবর প্রাপ্তির আশা পোষণ করিতে থাকে, কিন্তু তাহার সেই চীবর প্রাপ্তির আশা উচ্ছিন্ন হইয়া যায়। সেই ভিক্ষুর কঠিনের বিনাশ ‘আসাবচ্ছেদিক’ নামে অভিহিত হয়।

৩—(১) যেই ভিক্ষু কঠিন চীবর আত্মত হইবার পর বিনা অধিষ্ঠানেই চীবর প্রাপ্তির আশায় প্রস্থান করে। তখন তাহার মনে এইরূপ হয় না : ‘প্রত্যাগমন করিব’ কিংবা ‘প্রত্যাগমন করিব না।’ সীমার বাহিরে যাইয়া সেই চীবর প্রাপ্তির আশা পোষণ করিতে থাকে; কিন্তু অনাশায় লাভ করে, আশায় লাভ করে না। তখন তাহার মনে এই চিন্তা উদিত হয় : ‘এখানেই এই চীবর প্রস্তুত করাইব এবং প্রত্যাগমন করিব না।’ এই ভাবিয়া সে সেই চীবর প্রস্তুত করায়। সেই ভিক্ষুর কঠিনের বিনাশ ‘নির্টঠানন্তিক’ নামে অভিহিত হয়। (২) যেই ভিক্ষু কঠিন আত্মত হইবার পর বিনা অধিষ্ঠানে চীবর প্রাপ্তির আশায় প্রস্থান করে। তখন তাহার মনে এইরূপ হয় না ‘প্রত্যাগমন করিব’ কিংবা ‘প্রত্যাগমন করিব না।’ সীমার বাহিরে যাইয়া সেই চীবর প্রাপ্তির আশা পোষণ করিতে থাকে; কিন্তু সে অনাশায় লাভ করে, আশায় লাভ করে না। তখন তাহার মনে এই চিন্তা উদিত হয় : ‘এই চীবর প্রস্তুতও করাইব না এবং প্রত্যাগমনও করিব না।’ সেই ভিক্ষুর কঠিনের বিনাশ ‘সন্নির্টঠানন্তিক’ নামে অভিহিত হয়। (৩) যেই ভিক্ষু কঠিন আত্মত হইবার পর বিনা অধিষ্ঠানে চীবর প্রাপ্তির আশায় প্রস্থান করে। তখন তাহার মনে এইরূপ হয় না : ‘প্রত্যাগমন করিব’ কিংবা ‘প্রত্যাগমন করিব না।’ সে সীমার বাহিরে যাইয়া সেই চীবর প্রাপ্তির আশা পোষণ করিতে থাকে; কিন্তু অনাশায় লাভ করে, আশায় লাভ করে না। তখন তাহার মনে এই চিন্তা উদিত হয় : ‘এখানেই এই চীবর প্রস্তুত করাইব এবং প্রত্যাগমন করিব না।’ সে সেই চীবর প্রস্তুত করায়। তাহার সেই চীবর প্রস্তুত করাইবার সময় বিনষ্ট হইলে সেই ভিক্ষুর কঠিনের বিনাশ ‘নাসনন্তিক’ নামে অভিহিত হয়। (৪) যেই ভিক্ষু কঠিন আত্মত হইবার পর বিনা অধিষ্ঠানে চীবর প্রাপ্তির আশায় প্রস্থান করে। তখন তাহার মনে এইরূপ হয় না : ‘প্রত্যাগমন করিব’ কিংবা ‘প্রত্যাগমন করিব না।’ সীমার বাহিরে যাইবার পর তাহার মনে এই চিন্তা উদিত হয় : ‘এখানেই এই চীবর প্রাপ্তির আশা পোষণ করিব এবং প্রত্যাগমন করিব না।’ এই ভাবিয়া সে সেই চীবর প্রাপ্তির আশা পোষণ করিতে থাকে; কিন্তু তাহার

সেই চীবর প্রাপ্তির আশা উচ্ছিন্ন হইয়া যায়। সেই ভিক্ষুর কঠিনের বিনাশ ‘আসাবচ্ছেদিক’ নামে অভিহিত হয়।

॥ অনাশা দ্বাদশক সমাপ্ত ॥

(৯) আশায় কঠিনের বিনাশ

১—(১) যেই ভিক্ষু কঠিন আত্মত হইবার পর ‘প্রত্যাগমন করিব’ এই ভাবিয়া চীবর প্রাপ্তির আশায় প্রস্থান করে। সে সীমার বাহিরে যাইয়া সেই চীবর প্রাপ্তির আশা পোষণ করিতে থাকে। আশায় লাভ করে, অনাশায় লাভ করে না। তখন তাহার মনে এই চিন্তা উদিত হয় : ‘এখানেই এই চীবর প্রস্তুত করাইব এবং প্রত্যাগমন করিব না’ এই ভাবিয়া সে সেই চীবর প্রস্তুত করায়। সেই ভিক্ষুর কঠিনের বিনাশ ‘নিট্টানন্তিক’ নামে অভিহিত হয়। (২) যেই ভিক্ষু কঠিন আত্মত হইবার পর প্রত্যাগমন করিব’ এই ভাবিয়া চীবর প্রাপ্তির আশায় প্রস্থান করে। সে সীমার বাহিরে যাইয়া সেই চীবর প্রাপ্তির আশা পোষণ করিতে থাকে। আশায় লাভ করে, অনাশায় লাভ করে না। তখন তাহার মনে এই চিন্তা উদিত হয় : ‘এই চীবর প্রস্তুতও করাইব না এবং প্রত্যাগমনও করিব না।’ সেই ভিক্ষুর কঠিনের বিনাশ ‘সন্নিট্টানন্তিক’ নামে অভিহিত হয়। (৩) যেই ভিক্ষু কঠিন আত্মত হইবার পর ‘প্রত্যাগমন করিব’ এই ভাবিয়া চীবর প্রাপ্তির আশায় প্রস্থান করে; সে সীমার বাহিরে যাইয়া সেই চীবর প্রাপ্তির আশা পোষণ করিতে থাকে; আশায় লাভ করে, অনাশায় লাভ করে না। তখন তাহার মনে এই চিন্তা উদিত হয় : ‘এখানেই এই চীবর প্রস্তুত করাইব এবং প্রত্যাগমন করিব না।’ এই ভাবিয়া সে সেই চীবর প্রস্তুত করায়। তাহার সেই চীবর প্রস্তুত করাইবার সময় বিনষ্ট হইয়া গেলে সেই ভিক্ষুর কঠিনের বিনাশ ‘নাসনন্তিক’ নামে অভিহিত হয়। (৪) যেই ভিক্ষু কঠিন আত্মত হইবার পর ‘প্রত্যাগমন করিব’ এই ভাবিয়া চীবর প্রাপ্তির আশায় প্রস্থান করে, সীমার বাহিরে যাইবার পর তাহার মনে এই চিন্তা উদিত হয় : ‘এখানেই এই চীবর প্রাপ্তির আশা পোষণ করিব এবং প্রত্যাগমন করিব না।’ এই ভাবিয়া সে সেই চীবর প্রাপ্তির আশা পোষণ করিতে থাকে। তাহার সেই চীবর প্রাপ্তির আশা উচ্ছিন্ন হইলে সেই ভিক্ষুর কঠিনের বিনাশ ‘আসাবচ্ছেদিক’ নামে অভিহিত হয়।

২—(১) যেই ভিক্ষু কঠিন চীবর আত্মত হইবার পর ‘প্রত্যাগমন করিব’ এই ভাবিয়া চীবর প্রাপ্তির আশায় প্রস্থান করে, সে সীমার বাহিরে যাইয়া শূন্যে পায় : সেই আবাসে কঠিনের বিনাশ সাধিত হইয়াছে। তখন তাহার মনে এই চিন্তা উদিত হয় : ‘যেহেতু সেই আবাসে কঠিনের বিনাশ সাধিত হইয়াছে, এইজন্য এখানেই এই চীবর প্রাপ্তির আশা পোষণ করিয়া থাকিব।’ এই ভাবিয়া সে সেই চীবর প্রাপ্তির

আশা পোষণ করিতে থাকে। আশায় লাভ করে, অনাশায় লাভ করে না। তখন তাহার মনে এই চিন্তা উদিত হয় : ‘এখানেই এই চীবর প্রস্তুত করাইব এবং প্রত্যাগমন করিব না।’ এই ভাবিয়া সে সেই চীবর প্রস্তুত করায়। সেই ভিক্ষুর কঠিনের বিনাশ ‘নিট্টানন্তিক’ নামে অভিহিত হয়। (২) যেই ভিক্ষু কঠিন আত্মত হইবার পর প্রত্যাগমন করিব’ এই ভাবিয়া চীবর প্রাপ্তির আশায় প্রস্থান করে, সে সীমার বাহিরে যাইয়া শূন্যে পায় : সেই আবাসে কঠিনের বিনাশ সাধিত হইয়াছে। তখন তাহার মনে এই চিন্তা উদিত হয় : ‘যেহেতু সেই আবাসে কঠিনের বিনাশ সাধিত হইয়াছে, এইজন্য এখানেই এই চীবর প্রাপ্তির আশা পোষণ করিব’ এই ভাবিয়া সে সেই চীবর প্রাপ্তির আশা পোষণ করিতে থাকে। সে আশায় লাভ করে, অনাশায় লাভ করে না। তখন তাহার মনে এই চিন্তা উদিত হয় : ‘এই চীবর প্রস্তুতও করাইব না এবং প্রত্যাগমনও করিব না।’ সেই ভিক্ষুর কঠিনের বিনাশ ‘সন্নিট্টানন্তিক’ নামে অভিহিত হয়। (৩) যেই ভিক্ষু কঠিন আত্মত হইবার পর ‘প্রত্যাগমন করিব’ এই ভাবিয়া চীবর প্রাপ্তির আশায় প্রস্থান করে, সে সীমার বাহিরে যাইয়া শূন্যে পায় : সেই আবাসে কঠিনের বিনাশ সাধিত হইয়াছে। তখন তাহার মনে এই চিন্তা উদিত হয় : ‘যেহেতু সেই আবাসে কঠিনের বিনাশ সাধিত হইয়াছে, অতএব এখানেই এই চীবর প্রাপ্তির আশা পোষণ করিব।’ এই ভাবিয়া সে সেই চীবর প্রাপ্তির আশা পোষণ করিতে থাকে। আশায় লাভ করে, অনাশায় লাভ করে না। তখন তাহার মনে এই চিন্তা উদিত হয় : ‘এখানেই এই চীবর প্রস্তুত করাইব এবং প্রত্যাগমন করিব না।’ এই ভাবিয়া সে সেই চীবর প্রস্তুত করায়। তাহার সেই চীবর প্রস্তুত করাইবার সময় বিনষ্ট হইয়া গেলে সেই ভিক্ষুর কঠিনের বিনাশ ‘নাসনন্তিক’ নামে অভিহিত হয়। (৪) যেই ভিক্ষু কঠিন আত্মত হইবার পর ‘প্রত্যাগমন করিব’ এই ভাবিয়া চীবর প্রাপ্তির আশায় প্রস্থান করে, সে সীমার বাহিরে যাইয়া শূন্যে পায় : সেই আবাসে কঠিনের বিনাশ সাধিত হইয়াছে। তখন তাহার মনে এই চিন্তা উদিত হয় : ‘যেহেতু সেই আবাসে কঠিনের বিনাশ সাধিত হইয়াছে, অতএব এখানেই এই চীবর প্রাপ্তির আশা পোষণ করিব এবং প্রত্যাগমন করিব না।’ এই ভাবিয়া সে সেই চীবর প্রাপ্তির আশা পোষণ করিতে থাকে। তাহার সেই চীবর প্রাপ্তির আশা উচ্ছিন্ন হইলে সেই ভিক্ষুর কঠিনের বিনাশ ‘আসাবচ্ছেদিক’ নামে অভিহিত হয়।

৩—(১) যেই ভিক্ষু কঠিন চীবর আত্মত হইবার পর ‘প্রত্যাগমন করিব’ এই ভাবিয়া চীবর প্রাপ্তির আশায় প্রস্থান করে, সে সীমার বাহিরে যাইয়া সেই চীবর প্রাপ্তির আশা পোষণ করিতে থাকে। আশায় লাভ করে, অনাশায় লাভ করে না। সে সেই চীবর প্রস্তুত করায়। চীবর প্রস্তুত হইবার পর শূন্যে পায় : সেই আবাসে কঠিনের বিনাশ সাধিত হইয়াছে। সেই ভিক্ষুর কঠিনের বিনাশ ‘সবনন্তিক’ নামে অভিহিত হয়। (২) যেই ভিক্ষু কঠিন আত্মত হইবার পর প্রত্যাগমন করিব’ এই

ভাবিয়া চীবর প্রাপ্তির আশায় প্রস্থান করে, সীমার বাহিরে যাইবার পর তাহার মনে এই চিন্তা উদিত হয় : ‘এখানেই এই চীবর প্রাপ্তির আশা পোষণ করিব, প্রত্যাগমন করিব না।’ এই ভাবিয়া সে সেই চীবর প্রাপ্তির আশা পোষণ করিতে থাকে। তাহার সেই চীবর প্রাপ্তির আশা উচ্ছিন্ন হইলে সেই ভিক্ষুর কঠিনের বিনাশ ‘আসাবচ্ছেদিক’ নামে অভিহিত হয়। (৩) যেই ভিক্ষু কঠিন আত্মত হইবার পর ‘প্রত্যাগমন করিব’ এই ভাবিয়া প্রস্থান করে, সে সীমার বাহিরে যাইয়া সেই চীবর প্রাপ্তির আশা পোষণ করিতে থাকে। আশায় লাভ করে, অনাশায় লাভ করে না। সে সেই চীবর প্রস্তুত করায়। চীবর প্রস্তুত হইবার পর ‘প্রত্যাগমন করিব’, ‘প্রত্যাগমন করিব’ এরূপ ভাবিতে ভাবিতে সীমার বাহিরে কঠিন বিনাশের সময় অতিবাহিত করে। সেই ভিক্ষুর কঠিনের বিনাশ ‘সীমাতিক্তিক’ নামে অভিহিত হয়। (৪) যেই ভিক্ষু কঠিন আত্মত হইবার পর ‘প্রত্যাগমন করিব’ এই ভাবিয়া চীবর প্রাপ্তির আশায় প্রস্থান করে, সে সীমার বাহিরে যাইয়া সেই চীবর প্রাপ্তির আশা পোষণ করিতে থাকে। সে আশায় লাভ করে, অনাশায় লাভ করে না। সে সেই চীবর প্রস্তুত করায়। চীবর প্রস্তুত হইবার পর ‘প্রত্যাগমন করিব’, ‘প্রত্যাগমন করিব’ এইরূপ ভাবিতে ভাবিতে কঠিন বিনাশের প্রতীক্ষা করিতে থাকে। সেই ভিক্ষুর কঠিনের বিনাশ ‘সহুভার’ (সহ বিনাশ) নামে অভিহিত হয়।

॥ আশা দ্বাদশক সমাপ্ত ॥

(১০) করণীয় দ্বারা কঠিন বিনাশ

১—(১) যেই ভিক্ষু কঠিন চীবর আত্মত হইবার পর কোন কার্যবশত প্রস্থান করে, সীমার বাহিরে যাইবার পর তাহার চীবর প্রাপ্তির আশা উৎপন্ন হয়। তখন সে সেই চীবর প্রাপ্তির আশা পোষণ করিতে থাকে। অনাশায় লাভ করে, আশায় লাভ করে না। তাহার মনে এই চিন্তা উদিত হয় : ‘এখানেই এই চীবর প্রস্তুত করাইব, প্রত্যাগমন করিব না।’ এই ভাবিয়া সে সেই চীবর প্রস্তুত করায়। সেই ভিক্ষুর কঠিনের বিনাশ ‘নিট্টানতিক্তিক’ নামে অভিহিত হয়। (২) যেই ভিক্ষু কঠিন আত্মত হইবার পর কোন কার্যবশত প্রস্থান করে, সীমার বাহিরে যাইবার পর তাহার চীবর প্রাপ্তির আশা উৎপন্ন হয় এবং সে সেই চীবর প্রাপ্তির আশা পোষণ করিতে থাকে; অনাশায় লাভ করে, আশায় লাভ করে না। তখন তাহার মনে এই চিন্তা উদিত হয় : ‘এই চীবর প্রস্তুতও করাইব না, প্রত্যাগমনও করিব না।’ সেই ভিক্ষুর কঠিনের বিনাশ ‘সন্নিট্টানতিক্তিক’ নামে অভিহিত হয়। (৩) যেই ভিক্ষু কঠিন আত্মত হইবার পর কোন কার্যবশত প্রস্থান করে, সীমার বাহিরে যাইবার পর তাহার চীবর প্রাপ্তির আশা উৎপন্ন হয়। সে সেই চীবর প্রাপ্তির আশা পোষণ করিতে থাকে;

অনাশায় লাভ করে, আশায় লাভ করে না। তখন তাহার মনে এই চিন্তা উদিত হয় : ‘এখানেই এই চীবর প্রস্তুত করাইব এবং প্রত্যাগমন করিব না।’ এই ভাবিয়া সে সেই চীবর প্রস্তুত করায়। তাহার সেই চীবর প্রস্তুত করাইবার সময় বিনষ্ট হইলে সেই ভিক্ষুর কঠিনের বিনাশ ‘নাসনস্তিক’ নামে অভিহিত হয়। (৪) যেই ভিক্ষু কঠিন আস্তৃত হইবার পর কোন কার্যবশত প্রস্থান করে, সীমার বাহিরে যাইবার পর তাহার চীবর প্রাপ্তির আশা উৎপন্ন হয়। তখন তাহার মনে এই চিন্তা উদিত হয় : ‘এখানেই এই চীবর প্রাপ্তির আশা পোষণ করিব, প্রত্যাগমন করিব না।’ এই ভাবিয়া সে সেই চীবর প্রাপ্তির আশা পোষণ করিতে থাকে। তাহার সেই চীবর প্রাপ্তির আশা উচ্ছিন্ন হইলে সেই ভিক্ষুর কঠিনের বিনাশ ‘আসাবচ্ছেদিক’ নামে অভিহিত হয়।

২—(১) যেই ভিক্ষু কঠিন চীবর আস্তৃত হইবার পর কোন কার্যবশত ‘প্রত্যাগমন করিব না’ এই ভাবিয়া প্রস্থান করে, সীমার বাহিরে যাইবার পর তাহার চীবর প্রাপ্তির আশা উৎপন্ন হয়। সে সেই চীবর প্রাপ্তির আশা পোষণ করিতে থাকে। অনাশায় লাভ করে, আশায় লাভ করে না। তখন তাহার মনে এই চিন্তা উদিত হয় : ‘এখানেই এই চীবর প্রস্তুত করাইব।’ এই ভাবিয়া সে সেই চীবর প্রস্তুত করায়। সেই ভিক্ষুর কঠিনের বিনাশ ‘নিট্ঠানস্তিক’ নামে অভিহিত হয়। (২) যেই ভিক্ষু কঠিন আস্তৃত হইবার পর প্রত্যাগমন করিব, এই ভাবিয়া কোন কার্যবশত প্রস্থান করে, সীমার বাহিরে যাইবার পর তাহার চীবর প্রাপ্তির আশা উৎপন্ন হয়। তখন সে সেই চীবর প্রাপ্তির আশা পোষণ করিতে থাকে; অনাশায় লাভ করে, আশায় লাভ করে না। তখন তাহার মনে এই চিন্তা উদিত হয় : ‘এই চীবর প্রস্তুত করাইব না।’ সেই ভিক্ষুর কঠিনের বিনাশ ‘সন্নিট্ঠানস্তিক’ নামে অভিহিত হয়। (৩) যেই ভিক্ষু কঠিন আস্তৃত হইবার পর ‘প্রত্যাগমন করিব না’ এই ভাবিয়া কোন কার্যবশত প্রস্থান করে, সীমার বাহিরে যাইবার পর তাহার চীবর প্রাপ্তির আশা উৎপন্ন হয়; সে তখন সেই চীবর প্রাপ্তির আশা পোষণ করিতে থাকে; অনাশায় লাভ করে, আশায় লাভ করে না। তখন তাহার মনে এই চিন্তা উদিত হয় : ‘এই চীবর প্রস্তুত করাইবই না।’ এই ভাবিয়া সে সেই চীবর প্রস্তুত করায়। তাহার সেই চীবর প্রস্তুত করাইবার সময় বিনষ্ট হয়। সেই ভিক্ষুর কঠিনের বিনাশ ‘নাসনস্তিক’ নামে অভিহিত হয়। (৪) যেই ভিক্ষু কঠিন আস্তৃত হইবার পর ‘প্রত্যাগমন করিব না’ এই ভাবিয়া কোন কার্যবশত প্রস্থান করে সীমার বাহিরে যাইবার পর তাহার চীবর প্রাপ্তির আশা উৎপন্ন হয়। তখন তাহার মনে এই চিন্তা উদিত হয় : ‘এখানেই এই চীবর প্রাপ্তির আশা পোষণ করিব।’ এই ভাবিয়া সে সেই চীবর প্রাপ্তির আশা পোষণ করিতে থাকে। তাহার সেই চীবর প্রাপ্তির আশা উচ্ছিন্ন হইয়া গেলে সেই ভিক্ষুর কঠিনের বিনাশ ‘আসাবচ্ছেদিক’ নামে অভিহিত হয়।

৩—(১) যেই ভিক্ষু কঠিন চীবর আস্তৃত হইবার পর বিনা অধিষ্ঠানে কোন কার্যবশত প্রস্থান করে, তখন তাহার মনে এরূপ হয় না : ‘প্রত্যাগমন করিব’ কিংবা

‘প্রত্যাগমন করিব না।’ সীমার বাহিরে যাইবার পর তাহার চীবর প্রাপ্তির আশায় উৎপন্ন হয়। সে সেই চীবর প্রাপ্তির আশা পোষণ করিতে থাকে; অনাশায় লাভ করে, আশায় লাভ করে না। তখন তাহার মনে এই চিন্তা উদিত হয় : ‘এখানেই এই চীবর প্রস্তুত করাইব, প্রত্যাগমন গমন করিব না।’ এই ভাবিয়া সে সেই চীবর প্রস্তুত করায়। সেই ভিক্ষুর কঠিনের বিনাশ ‘নিট্টানন্তিক’ নামে অভিহিত হয়। (২) যেই ভিক্ষু কঠিন আস্তৃত হইবার পর বিনা অধিষ্ঠানে কোন কার্যবশত প্রস্থান করে, তখন তাহার মনে এইরূপ হয় না : ‘প্রত্যাগমন করিব’ কিংবা ‘প্রত্যাগমন করিব না।’ সীমার বাহিরে যাইবার পর তাহার চীবর প্রাপ্তির আশা উৎপন্ন হয়, সে সেই চীবর প্রাপ্তির আশা পোষণ করিতে থাকে; অনাশায় লাভ করে, আশায় লাভ করে না। তখন তাহার মনে এই চিন্তা উদিত হয় : ‘এই চীবর প্রস্তুতও করাইব না এবং প্রত্যাগমনও করিব না।’ সেই ভিক্ষুর কঠিনের বিনাশ ‘সন্নিট্টানন্তিক’ নামে অভিহিত হয়। (৩) যেই ভিক্ষু কঠিন আস্তৃত হইবার পর বিনা অধিষ্ঠানে কোন কার্যবশত প্রস্থান করে, তখন তাহার মনে এরূপ হয় না : ‘প্রত্যাগমন করিব’ কিংবা ‘প্রত্যাগমন করিব না।’ সীমার বাহিরে যাইবার পর তাহার চীবর প্রাপ্তির আশা উৎপন্ন হয়। সে সেই চীবর প্রাপ্তির আশা পোষণ করিতে থাকে; অনাশায় লাভ করে, আশায় লাভ করে না। তখন তাহার মনে এই চিন্তা উদিত হয় : ‘এখানেই এই চীবর প্রস্তুত করাইব এবং প্রত্যাগমন করিব না।’ এই ভাবিয়া সে সেই চীবর প্রস্তুত করায়। তাহার সেই চীবর প্রস্তুত করাইবার সময় বিনষ্ট হইয়া গেলে সেই ভিক্ষুর কঠিনের বিনাশ ‘নাসনন্তিক’ নামে অভিহিত হয়। (৪) যেই ভিক্ষু কঠিন আস্তৃত হইবার পর বিনা অধিষ্ঠানে কোন কার্যবশত প্রস্থান করে, তখন তাহার মনে এরূপ হয় না : ‘প্রত্যাগমন করিব’ কিংবা ‘প্রত্যাগমন করিব না।’ সীমার বাহিরে যাইবার পর তাহার চীবর প্রাপ্তির আশা উৎপন্ন হয়। তাহার মনে তখন এইরূপ চিন্তা উদিত হয় : ‘এখানেই এই চীবর প্রাপ্তির আশা পোষণ করিব, প্রত্যাগমন করিব না।’ এই ভাবিয়া সে সেই চীবর প্রাপ্তির আশা পোষণ করিতে থাকে। তাহার সেই চীবর প্রাপ্তির আশা উচ্ছিন্ন হইলে সেই ভিক্ষুর কঠিনের বিনাশ ‘আসাবচ্ছেদিক’ নামে অভিহিত হয়।

॥ করণীয় দ্বাদশক সমাপ্ত ॥

(১১) স্বত্ব ত্যাগ না করায় কঠিনের বিনাশ

১—(১) যেই ভিক্ষু কঠিন চীবর আস্তৃত হইবার পর চীবরে স্বীয় অংশের স্বত্ব ত্যাগ না করিয়া (অপবিনয়মানো) স্থানান্তরে প্রস্থান করে এবং স্থানান্তরে উপস্থিত হইলে ভিক্ষুগণ তাকে জিজ্ঞাসা করে : “বন্ধো! আপনি কোথায় বর্ষাবাস

করিয়াজেন এবং আপনার চীবরের ভাগ কোথায়?” তদুত্তরে সে বলে—“আমি অমুক আবাসে বর্ষাবাস করিয়াছি এবং সেই আবাসেই আমার চীবরের অংশ আছে।” তখন তাহারা বলে—“বন্ধো! যাইয়া সেই চীবর লইয়া আসুন, এখানে আমরা আপনাকে চীবর প্রস্তুত করিয়া দিব।” সে সেই আবাসে যাইয়া ভিক্ষুগণকে জিজ্ঞাসা করে, “বন্ধো! আমার চীবরের অংশ কোথায়?” তদুত্তরে তাহারা বলে—“বন্ধো! ইহাই আপনার চীবরের অংশ। আপনি কোথায় যাইবেন?” সে তদুত্তরে বলে—“আমি অমুক আবাসে যাইব, সেখানে ভিক্ষুগণ আমার চীবর প্রস্তুত করিয়া দিবেন।” তখন তাহারা বলে—“বন্ধো! যাইবার প্রয়োজন নাই, এখানে আমরা আপনার চীবর প্রস্তুত করিয়া দিব।” তখন তাহার মনে এই চিন্তা উদিত হয় : ‘এখানেই এই চীবর প্রস্তুত করাইব এবং প্রত্যাগমন করিব না।’ এই ভাবিয়া সে সেই চীবর প্রস্তুত করাইয়া লয়। সেই ভিক্ষুর কঠিনের বিনাশ ‘নিট্ঠানন্তিক’ নামে অভিহিত হয়। [২ ‘সন্নিট্ঠানন্তিক’ এবং ৩ ‘নাসনন্তিক’ পূর্ববৎ।]

২—(১) যেই ভিক্ষু কঠিন আশ্রিত হইবার পর চীবরে স্বীয় অংশের স্বত্ব ত্যাগ না করিয়া স্থানান্তরে প্রস্থান করে, স্থানান্তরে উপস্থিত হইলে সেখানের ভিক্ষুগণ তাহাকে জিজ্ঞাসা করে—“বন্ধো! আপনি কোথায় বর্ষাবাস করিয়াছেন এবং আপনার চীবরের অংশই বা কোথায়?” সে তদুত্তরে বলে—“আমি অমুক আবাসে বর্ষাবাস করিয়াছি, সেখানেই আমার চীবরের অংশ আছে।” তাহারা বলে—“বন্ধো! যাইয়া সেই চীবর লইয়া আসুন, এখানে আমরা আপনাকে চীবর প্রস্তুত করিয়া দিব।” সে সেই আবাসে যাইয়া ভিক্ষুগণের নিকট জিজ্ঞাসা করে—“বন্ধো! আমার চীবরের অংশ কোথায়?” তাহারা তদুত্তরে বলে—“বন্ধো! ইহাই আপনার চীবরের অংশ।” সে সেই চীবর লইয়া সেই আবাসে গমন করে : তাহাকে রাস্তার মধ্যে ভিক্ষুগণ জিজ্ঞাসা করে—“বন্ধো! আপনি কোথায় যাইবেন?” তদুত্তরে সে বলে—“আমি অমুক আবাসে যাইব, সেখানে ভিক্ষুগণ আমার চীবর প্রস্তুত করিয়া দিবেন।” তখন তাহারা বলে—“বন্ধো! যাইবার প্রয়োজন নাই, আমরা এখানে আপনার চীবর প্রস্তুত করিয়া দিব।” তখন তাহার মনে এই চিন্তা উদিত হয় : ‘এখানেই এই চীবর প্রস্তুত করাইব এবং প্রত্যাগমন করিব না।’ এই ভাবিয়া সে সেই চীবর প্রস্তুত করাইতে থাকে। সেই ভিক্ষুর কঠিনের বিনাশ ‘নিট্ঠানন্তিক’ নামে অভিহিত হয়। (২) যেই ভিক্ষু কঠিন আশ্রিত হইবার পর চীবরে স্বীয় অংশের স্বত্ব ত্যাগ না করিয়া স্থানান্তরে প্রস্থান করে এবং স্থানান্তরে উপস্থিত হইলে তাহাকে সেখানের ভিক্ষুগণ জিজ্ঞাসা করে : “বন্ধো! আপনি কোথায় বর্ষাবাস করিয়াছেন এবং আপনার চীবরের অংশই বা কোথায়?” তদুত্তরে সে বলে—“আমি অমুক আবাসে বর্ষাবাস করিয়াছি, সেখানে আমার চীবরের অংশ রহিয়াছে।” তখন তাহারা বলে—“বন্ধো! যাইয়া সেই চীবর লইয়া আসুন; আমরা এখানে আপনার চীবর প্রস্তুত করিয়া দিব।” সে সেই আবাসে

যাইয়া ভিক্ষুগণকে জিজ্ঞাসা করে—“বন্ধো! আমার চীবরের অংশ কোথায়?” তাহারা বলে—“বন্ধো! ইহাই আপনার চীবরের অংশ।” সে সেই চীবর লইয়া সেই আবাসে গমন করে। রাত্তার মধ্যে তাহাকে ভিক্ষুগণ জিজ্ঞাসা করে : ‘বন্ধো! আপনি কোথায় যাইবেন?’ তদুত্তরে সে বলে—“আমি অমুক আবাসে যাইব, সেখানে ভিক্ষুগণ আমার চীবর প্রস্তুত করিয়া দিবেন।” তদুত্তরে তাহারা বলে—“বন্ধো! যাইবার প্রয়োজন নাই, আমরা এখানে আপনার চীবর প্রস্তুত করিয়া দিব।” তখন তাহার মনে এই চিন্তা উদিত হয় : ‘এই চীবর প্রস্তুতও করাইব না এবং প্রত্যাগমনও করাইব না।’ সেই ভিক্ষুর কঠিনের বিনাশ ‘সন্নিট্টানন্তিক’ নামে অভিহিত হয়। [৩ ‘নাসনন্তিক’ পূর্ববৎ।]

৩—(১) যেই ভিক্ষু কঠিন চীবর আত্মত হইবার পর চীবরে স্থায় অংশের স্বত্ব ত্যাগ না করিয়া স্থানান্তরে প্রস্থান করে এবং স্থানান্তরে উপস্থিত হইলে তাহাকে ভিক্ষুগণ জিজ্ঞাসা করে : “বন্ধো! আপনি কোথায় বর্ষাবাস করিয়াছেন এবং আপনার চীবরের অংশই বা কোথায়?” তদুত্তরে সে বলে—“আমি অমুক আবাসে বর্ষাবাস করিয়াছি, সেখানে আমার চীবরের অংশ রহিয়াছে।” তখন তাহারা বলে—“বন্ধো! যাইয়া সেই চীবর লইয়া আসুন, আমরা এখানে আপনার চীবর প্রস্তুত করিয়া দিব।” সে সেই আবাসে যাইয়া ভিক্ষুগণকে জিজ্ঞাসা করে—“বন্ধুগণ! আমার চীবরের অংশ কোথায়?” তদুত্তরে তাহারা বলে—“ইহাই আপনার চীবরের অংশ।” সে সেই চীবর লইয়া সেই আবাসে গমন করে। সেই আবাসে উপস্থিত হইলে তাহারা মনে এই চিন্তা উদিত হয় : ‘এখানেই এই চীবর প্রস্তুত করাইব এবং প্রত্যাগমন করিব না।’ এই ভাবিয়া সে সেই চীবর প্রস্তুত করাইতে থাকে। সেই ভিক্ষুর কঠিনের বিনাশ ‘নিট্টানন্তিক’ নামে অভিহিত হয়। [২ ‘সন্নিট্টানন্তিক’ এবং ৩ ‘নাসনন্তিক’ পূর্ববৎ।]

॥ স্বত্বত্যাগ না করা নবক সমাপ্ত ॥

(১২) নিরাপদবাসে কঠিন চীবরের বিনাশ

১—যেই ভিক্ষু কঠিন চীবর আত্মত হইবার পর নিরাপদে বাসের নিমিত্ত এই মনে করিয়া চীবর লইয়া প্রস্থান করে : ‘অমুক আবাসে যাইব, সেখানে যদি আমি নিরাপদে থাকিতে পারি তাহা হইলে বাস করিব, যদি আমার নিরাপদ বোধ না হয় তাহা হইলে অমুক আবাসে যাইব। সেখানে আমার নিরাপদ বোধ হইলে তথায় থাকিব, যদি নিরাপদ বোধ না হয় তাহা হইলে অমুক আবাসে যাইব। সেখানে যদি আমার নিরাপদ বোধ হয় তাহা হইলে তথায় থাকিব, যদি নিরাপদ বোধ না হয় তাহা হইলে প্রত্যাগমন করিব।’ সীমার বাহিরে যাইবার পর তাহার মনে এই চিন্তা

উদিত হয় : ‘এখানেই এই চীবর প্রস্তুত করাইব এবং প্রত্যাগমন করিব না।’ এই ভাবিয়া সে সেই চীবর প্রস্তুত করায়। সেই ভিক্ষুর কঠিনের বিনাশ ‘নিট্ঠানন্তিক’ নামে অভিহিত হয়।

২—... ... যদি আমার নিরাপদ বোধ না হয় তাহা হইলে প্রত্যাগমন করিব। সীমার বাহিরে যাইবার পর তাহার মনে এই চিন্তা উদিত হয় : এই চীবর প্রস্তুতও করাইব না এবং প্রত্যাগমনও করিব না।’ সেই ভিক্ষুর কঠিনের বিনাশ ‘সন্নিট্ঠানন্তিক’ নামে অভিহিত হয়।

৩—... ... যদি আমার নিরাপদ না হয় তাহা হইলে প্রত্যাগমন করিব। সীমার বাহিরে যাইবার পর তাহার মনে এই চিন্তা উদিত হয় : ‘এখানেই এই চীবর প্রস্তুত করাইব এবং প্রত্যাগমন করিব না।’ এই ভাবিয়া সে সেই চীবর প্রস্তুত করায়। তাহার সেই চীবর প্রস্তুত করাইবার সময় বিনষ্ট হইয়া গেলে সেই ভিক্ষুর কঠিনের বিনাশ ‘নাসনন্তিক’ নামে অভিহিত হয়।

৪—... ... যদি আমার নিরাপদ না হয় তাহা হইলে প্রত্যাগমন করিব। সীমার বাহিরে যাইবার পর সে সেই চীবর প্রস্তুত করায়। সেই চীবর প্রস্তুত হইবার পর ‘প্রত্যাগমন করিব’, ‘প্রত্যাগমন করিব’ এইরূপ ভাবিতে ভাবিতে বাহিরে কঠিন বিনাশের সময় অতিবাহিত করে। সেই ভিক্ষুর কঠিনের বিনাশ ‘সীমাতিবন্ধক’ নামে অভিহিত হয়।

৫—... ... যদি আমার নিরাপদ না হয় তাহা হইলে প্রত্যাগমন করিব। সে সীমার বাহিরে যাইয়া সেই চীবর প্রস্তুত করায়। সে চীবর প্রস্তুত হইবার পর ‘প্রত্যাগমন করিব’, ‘প্রত্যাগমন করিব’ এইরূপ ভাবিতে ভাবিতে কঠিন বিনাশের প্রতীক্ষা করিতে থাকে। সেই ভিক্ষুর কঠিনের বিনাশ ‘সহুভার’ (সঙ্গে বিনাশ) নামে অভিহিত হয়।

॥পঞ্চম নিরাপদ বাস সমাপ্ত ॥

কঠিন চীবরের প্রতিবন্ধক

হে ভিক্ষুগণ! কঠিন চীবরের দ্বিবিধ প্রতিবন্ধক এবং দ্বিবিধ অপ্রতিবন্ধক আছে। ভিক্ষুগণ! কঠিনের দ্বিবিধ প্রতিবন্ধক কি-কি? আবাস-প্রতিবন্ধক এবং চীবর-প্রতিবন্ধক।

১—হে ভিক্ষুগণ! আবাস-প্রতিবন্ধক কিভাবে উপস্থিত হয়? ভিক্ষুগণ! যদি কোন ভিক্ষু কোন আবাসে বাস করিতে থাকে অথবা ‘প্রত্যাগমন করিব’ এরূপ ইচ্ছা পোষণ করিয়া স্থানান্তরে গমন করে তাহা হইলে সেই ভিক্ষুর আবাস-প্রতিবন্ধক উপস্থিত হয়। ভিক্ষুগণ! চীবর-প্রতিবন্ধক কিভাবে উপস্থিত হয়? ভিক্ষুগণ! যদি

কোন ভিক্ষুর চীবর প্রস্তুত না হয় অথবা চীবর অসম্পূর্ণ থাকে কিংবা চীবর লাভের আশা উচ্ছিন্ন না হয় তাহা হইলে সেই ভিক্ষুর এইরূপে চীবর-প্রতিবন্ধক উপস্থিত হয়। ভিক্ষুগণ! কঠিনের এই দ্বিবিধ প্রতিবন্ধক।

২—হে ভিক্ষুগণ! কঠিনের দ্বিবিধ অপ্রতিবন্ধক কি-কি? আবাস-অপ্রতিবন্ধক এবং চীবর-অপ্রতিবন্ধক।

হে ভিক্ষুগণ! আবাস-অপ্রতিবন্ধক কিভাবে উপস্থিত হয়? ভিক্ষুগণ! যদি কোন ভিক্ষু ‘প্রত্যাগমন করিব না’ এইরূপ ভাবিয়া সেই আবাস হইতে ত্যাগ করিয়া, বর্মির ন্যায় ত্যাগ করিয়া, মুক্ত হইয়া, প্রত্যাশা না রাখিয়া প্রস্থান করে তাহা হইলে আবাস-অপ্রতিবন্ধক উপস্থিত হয়। ভিক্ষুগণ! চীবর-অপ্রতিবন্ধক কিভাবে উপস্থিত হয়? ভিক্ষুগণ! যদি কোন ভিক্ষুর চীবর প্রস্তুত হইয়া থাকে অথবা নষ্ট, বিনষ্ট, দন্ধ কিংবা চীবর প্রাপ্তির আশা উচ্ছিন্ন হইয়া থাকে তাহা হইলে এরূপে চীবর-অপ্রতিবন্ধক উপস্থিত হয়। ভিক্ষুগণ! কঠিনের এই দ্বিবিধ অপ্রতিবন্ধক।

॥ কঠিন-স্কন্ধ সমাপ্ত ॥

৮—টীবর-স্কন্ধ

বিধিসম্মত টীবর এবং তাহার প্রভেদ

[স্থান :—রাজগৃহ]

(১) জীবক-চরিত

সেই সময়ে বুদ্ধ ভগবান রাজগৃহে অবস্থান করিতেছিলেন,—বেণুবনে, কলস্কন্ধ-নিবাপে। সেই সময় বৈশালী সমৃদ্ধ, স্ফীত (বিস্তৃত), বহুজনাকীর্ণ এবং সুভিক্ষ ছিল। তথায় ৭৭০৭ প্রাসাদ, ৭৭০৭ কূটাগার, ৭৭০৭ প্রমোদউদ্যান এবং ৭৭০৭ পুষ্করিণী ছিল। আম্রপালী নান্দী গণিকা অভিরূপা, দর্শনযোগ্যা, প্রসাদ-উৎপাদিকা, পরম রূপবতী এবং নৃত্যগীতবাদ্যে নিপুণা ছিল। সে অর্থীপ্রত্যর্থীগণ হইতে প্রতি রাত্রিতে পঞ্চাশ মুদ্রা লইয়া অভিসারে গমন করিত। তাহার উপস্থিতিতে বৈশালী অধিকভাবে শোভা পাইতেছিল। কোন কার্যোপলক্ষে রাজগৃহের নৈগম^১ বৈশালীতে আগমন করিয়াছিলেন। রাজগৃহের নৈগম দেখিতে পাইলেন : “বৈশালী সমৃদ্ধ, স্ফীত, বহু জনাকীর্ণ এবং সুভিক্ষ। সেইখানে ৭৭০৭ প্রাসাদ, ৭৭০৭ কূটাগার, ৭৭০৭ প্রমোদউদ্যান এবং ৭৭০৭ পুষ্করিণী বিরাজমান এবং আম্রপালী নান্দী গণিকা অভিরূপা, দর্শনযোগ্যা, প্রসাদ উৎপাদিকা, পরম রূপবতী এবং নৃত্য-গীত-বাদ্যে নিপুণা। সে অর্থীপ্রত্যর্থীগণ হইতে প্রতিরাত্রে পঞ্চাশ মুদ্রা লইয়া অভিসারে গমন করিতেছে। তাহার উপস্থিতিতে বৈশালী অধিকভাবে শোভা পাইতেছে।” রাজগৃহের নৈগম বৈশালীতে তাঁহার কার্য সমাপ্ত করিয়া পুনরায় রাজগৃহে প্রত্যাগমন করিলেন এবং মগধরাজ শ্রেণিক বিম্বিসারের নিকট উপস্থিত হইলেন; উপস্থিত হইয়া মগধরাজ শ্রেণিক বিম্বিসারকে কহিলেন :—

“দেব বৈশালী সমৃদ্ধ, স্ফীত, বহুজনাকীর্ণ এবং সুভিক্ষ। ঐ স্থানে ৭৭০৭ প্রাসাদ, ৭৭০৭ কূটাগার, ৭৭০৭ প্রমোদউদ্যান এবং ৭৭০৭ পুষ্করিণী বিরাজমান এবং আম্রপালী নান্দী গণিকা অভিরূপা, দর্শনযোগ্যা, প্রসাদ উৎপাদিকা, পরম রূপবতী এবং নৃত্যগীতবাদ্যে নিপুণা। সে অর্থীপ্রত্যর্থী হইতে প্রতিরাত্রে পঞ্চাশ মুদ্রা লইয়া অভিসারে গমন করে; তাহার উপস্থিতিতে বৈশালী অধিকতর শোভা পাইতেছে। অতএব দেব! আমরাও আমাদের রাজগৃহে গণিকা স্থাপন করিব।”

“তাহা হইলে আপনি তাদৃশী কুমারীর অনুসন্ধান করুন যাহাকে গণিকাবৃত্তিতে নিয়োগ করিতে পারা যাইবে।”

^১। মোড়ল।

সেই সময় রাজগৃহে শালবতী নানী কুমারী অভিরূপা, দর্শনযোগ্যা, প্রসাদ উৎপাদিকা এবং পরম রূপবতী ছিল। রাজগৃহের নৈগম শালবতী নানী কুমারীকে গণিকাবৃত্তিতে নিয়োগ করিলেন। গণিকা শালবতী অচিরেই নৃত্যগীতবাদ্যে নিপুণা হইয়া উঠিল এবং অর্থীপ্রত্যাগীণ হইতে শতমুদ্রা লইয়া রাত্রে অভিসারে যাইতে লাগিল। গণিকা শালবতী অচিরেই গর্ভবতী হইল। তখন শালবতী গণিকার মনে এই চিন্তা উদিত হইল : ‘গর্ভবতী নারী পুরুষের অপ্রিয়া হইয়া থাকে, যদি আমার সম্বন্ধে কেহ জানিতে পারে, শালবতী গণিকা গর্ভবতী হইয়াছে তাহা হইলে আমার সমস্ত সৎকার হ্রাস পাইয়া যাইবে, অতএব আমি পীড়ার ভাণ করিব।’ এই ভাবিয়া শালবতী গণিকা দৌবারিককে অনুজ্ঞা প্রদান করিল—“ভণে দৌবারিক! কোন পুরুষকে প্রবেশ করিতে দিও না, যদি কেহ আমার সম্বন্ধে জিজ্ঞাসা করে তাহা হইলে পীড়িত হইয়াছি বলিও।”

“তাহাই হউক, আর্যো!” বলিয়া সেই দৌবারিক শালবতী গণিকাকে প্রত্যুত্তরে সম্মতি জ্ঞাপন করিল।

গর্ভ পূর্ণতা লাভ করিবার পর শালবতী গণিকা পুত্র প্রসব করিল। তখন শালবতী গণিকা দাসীকে আদেশ করিল—“দাসি! এই বালককে, জীর্ণ শূর্পে স্থাপন করিয়া, বাহির করিয়া, আবর্জ্ঞানাস্তূপে পরিত্যাগ কর।” “তথাস্তু, আর্যো!” বলিয়া সেই দাসী শালবতী গণিকাকে প্রত্যুত্তরে সম্মতি জ্ঞাপন করিয়া সেই বালককে জীর্ণ শূর্পে স্থাপন করিয়া, বাহির করিয়া আবর্জ্ঞানাস্তূপে পরিত্যাগ করিল। সেই সময় অভয় নামক রাজকুমার প্রত্যুষে রাজ-সেবায় যাইবার সময় সেই বালককে কাকপরিকীর্ণ অবস্থায় দেখিতে পাইলেন। দেখিয়া লোকদিগকে জিজ্ঞাসা করিলেন—“ভণে! কাকপরিকীর্ণ উহা কি?” “দেব! একটি বালককে কাকপরিকীর্ণ অবস্থায় দেখা যাইতেছে।” “ভণে! বালক জীবিত আছে কি?” “হাঁ, দেব! জীবিত আছে।” “ভণে! তাহা হইলে বালককে আমাদের অন্তঃপুরে নিয়া ধাত্রীদিগকে পোষণ করিতে প্রদান কর।” “তাহাই হউক, দেব!” বলিয়া সেই মনুষ্যগণ রাজকুমার অভয়কে প্রত্যুত্তরে সম্মতি জ্ঞাপন করিয়া বালককে রাজকুমার অভয়ের অন্তঃপুরে লইয়া গিয়া ‘পোষণ কর’ বলিয়া ধাত্রীগণকে প্রদাণ করিল। ‘জীবিত আছে’ বলিয়া তাহার নাম রাখিলেন ‘জীবক’। কুমার কর্তৃক প্রতিপালিত বলিয়া কৌমারভৃত্য নাম রাখিলেন। কৌমারভৃত্য জীবক অচিরেই বিজ্ঞত্ব প্রাপ্ত হইল। কৌমারভৃত্য জীবক রাজকুমার অভয়ের নিকট উপস্থিত হইলেন; উপস্থিত হইয়া রাজকুমার অভয়কে কহিলেন—“দেব! আমার মাতা^১ কে এবং পিতাই বা কে?” “বৎস জীবক! আমিও তোমার মাতা কে তাহা জানি না, তবে নাকি আমিই তোমার পিতা; কেন না তুমি

^১। অন্য রাজপুত্রগণ খেলিবার সময় ঝগড়া উপস্থিত হইলে তাঁহাকে মাতৃ-পিতৃহীন বলিয়া উপহাস করিতেন।—সম-পাশা।

আমার দ্বারা প্রতিপালিত হইয়াছে।” কৌমারভৃত্য জীবকের মনে এই চিন্তা উদ্ভিত হইল : “এই রাজকুলে বিনা শিল্পে জীবন ধারণা করা সহজ নহে; অতএব আমি শিল্প^১ শিক্ষা করিব।”

সেই সময়ে তক্ষশিলায় জনৈক খ্যাতনামা ভিক্ষু বাস করিতেন। কৌমারভৃত্য জীবক রাজকুমার অভয়ের অনুমতি না লইয়া তক্ষশিলায় প্রস্থান করিলেন। তিনি ক্রমান্বয়ে পর্যটন করিয়া তক্ষশিলায় বৈদ্যের নিকট উপস্থিত হইলেন; উপস্থিত হইয়া বৈদ্যকে সসম্মুখে কহিলেন—“আচার্য্য! আমি শিল্প শিক্ষা করিতে চাই।” “ভণে! জীবক! তাহা হইলে শিক্ষা করিতে পার।” কৌমারভৃত্য জীবক অধিক পাঠ^২ গ্রহণ করিতে লাগিলেন, শীঘ্র অর্থবোধ করিতে লাগিলেন, সম্যকভাবে ধারণ করিতে লাগিলেন এবং অধিগত বিষয় স্মরণ রাখিতে সমর্থ হইলেন। সাত বৎসর পরে জীবকের মনে এই চিন্তা উদ্ভিত হইল : “আমি অধিক পাঠ গ্রহণ করিতেছি, শীঘ্র অর্থবোধ করিতেছি, সম্যকভাবে ধারণ করিতেছি এবং অধিগত বিষয় স্মরণ রাখিতে সমর্থ হইতেছি তথাপি সাত বৎসর অধ্যয়ন করিয়া এই বিদ্যার অবসান পরিদৃষ্ট হইতেছে না। কখন এই বিদ্যার অবসান পরিদৃষ্ট হইবে?” অতঃপর জীবক বৈদ্যের নিকট উপস্থিত হইলেন; উপস্থিত হইয়া বৈদ্যকে কহিলেন—“আচার্য্য আমি অধিক পাঠ গ্রহণ করিতেছি, শীঘ্র অর্থবোধ করিতেছি, সম্যকভাবে ধারণ করিতেছি এবং অধিগত বিষয় স্মরণ রাখিতে সমর্থ হইতেছি; কিন্তু সাত বৎসর অধ্যয়ন করিয়াও এই বিদ্যার অবসান হইতেছে না। কখন এই বিদ্যার অন্ত পরিদৃষ্ট হইবে?” “ভণে জীবক! তাহা হইলে তুমি খনিজ লইয়া তক্ষশিলার চতুর্দিকে যোজন পরিমিত স্থানে বিচরণ করিয়া ভৈষজ্যের অনুপযোগী যাহা দেখিতে পাইবে তাহা লইয়া আইস।” “তাহাই হউক, আচার্য্য!” বলিয়া জীবক সেই বৈদ্যকে প্রত্যুত্তরে সম্মতি জ্ঞাপন করিয়া, খনিজ হস্তে তক্ষশিলার চতুর্দিকে যোজন-পরিমিত স্থান বিচরণ করিয়াও ভৈষজ্যের অনুপযোগী কিছু দেখিতে পাইলেন না। অতঃপর জীবক বৈদ্যের নিকট উপস্থিত হইলেন; উপস্থিত হইয়া বৈদ্যকে কহিলেন—“আচার্য্য আমি তক্ষশিলার চতুর্দিকে যোজন-পরিমিত স্থান পর্যটন করিলাম, কিন্তু ভৈষজ্যের অনুপযোগী কিছু দেখিতে পাইলাম না।” ভণে জীবক! তুমি শিক্ষিত হইয়াছ, তোমার

^১। ‘আমি চিকিৎসাবিদ্যা শিক্ষা করিব’ বলিয়া চিন্তা করিলেন। তিনি ভাবিলেন : ‘এই হস্তী-বিদ্যা, অশ্ব-বিদ্যাদি পরপীড়াদায়ক; কিন্তু চিকিৎসাবিদ্যা মৈত্রী সংযুক্ত এবং প্রাণিগণের হিতসাধক।’ এইজন্য তিনি চিকিৎসাবিদ্যার প্রতি আকৃষ্ট হইলেন।

^২। অন্য ক্ষত্রিয় কুমারগণ আচার্য্যকে বেতন দিয়া আচার্য্যের কোন কাজ না করিয়া অধ্যয়ন করেন। কিন্তু জীবক তাহা করিতে পারিলেন না। তিনি আচার্য্যকে সামান্য বেতনও না দিয়া ধর্ম্মান্তবাসী (অবৈতনিক ছাত্র) হইয়া একবেলা আচার্য্যের কাজ করিয়া অন্য বেলায় অধ্যয়ন করিতে লাগিলেন। এরূপ হইলেও তিনি স্বীয় মেধাবলে অধিক পাঠ গ্রহণে সমর্থ হইলেন।—সম-পাশা।

জীবিকানির্বাহের পক্ষে ইহাই যথেষ্ট।” এই বলিয়া তিনি জীবককে সামান্য পাথেয় দিয়া বিদায় করিলেন। জীবক সামান্য পাথেয় লইয়া রাজগৃহে অভিমুখে প্রস্থান করিলেন। জীবকের সেই সামান্য মাত্র পাথেয় পথের মধ্যে সাকেতে নিঃশেষ হইয়া গেল। তখন জীবকের মনে এই চিন্তা উদিত হইল : ‘এই পথ বনের মধ্যস্থল ভেদ করিয়া গিয়াছে, তথায় পানীয় এবং ভক্ষ্য সুলভ নহে, বিনা পাথেয়ে গমন করা দুষ্কর; অতএব আমি পাথেয় অন্বেষণ করিব।’

সেই সময়ে সাকেতে শ্রেষ্ঠী-পত্নীর সাত বৎসরের শিররোগ ছিল। বহু মহা মহা বৈদ্য, খ্যাতনামা চিকিৎসক আসিয়া চিকিৎসা করিয়া রোগ আরোগ্য করিতে পারেন নাই। তাঁহারা বহু হীরক পারিশ্রমিকরূপে গ্রহণ করিয়া প্রস্থান করিয়াছিলেন। জীবক সাকেতে প্রবেশ করিয়া জনসাধারণকে জিজ্ঞাসা করিলেন—“আমি চিকিৎসা করিতে পারি তেমন রোগী এদেশে আছে কি?” “আচার্য্য! এই শ্রেষ্ঠী-পত্নীর নিকট সাত বৎসরের শিররোগ আছে, অতএব আপনি যাইয়া তাঁহার চিকিৎসা করিতে পারেন।”

অনন্তর জীবক শ্রেষ্ঠীর গৃহে উপস্থিত হইলেন; উপস্থিত হইয়া দৌবারিককে আদেশ করিলেন : “হে দৌবারিক! শ্রেষ্ঠী-পত্নীর নিকট যাইয়া তাঁহাকে বল, আর্য্যো! একজন চিকিৎসক আসিয়াছেন, তিনি আপনাকে দেখিতে চাহেন।” “আচার্য্য! তাহাই হউক” বলিয়া দৌবারিক জীবককে প্রত্যুত্তরে সম্মতি জানাইয়া শ্রেষ্ঠী-পত্নীর নিকট উপস্থিত হইল : উপস্থিত হইয়া শ্রেষ্ঠী-পত্নীকে কহিল—“আর্য্যো! জনৈক চিকিৎসক আসিয়াছেন, তিনি আপনাকে দেখিতে চাহেন।” “দ্বারপাল! চিকিৎসক কিরূপ?” “আর্য্যো! তিনি অল্পবয়স্ক।” “দৌবারিক! প্রয়োজন নাই; অল্পবয়স্ক চিকিৎসক আমার কি করিতে পারিবে? বহু মহা মহা বৈদ্য, খ্যাতনামা চিকিৎসক আসিয়া চিকিৎসা করিয়া আমাকে রোগমুক্ত করিতে পারেন নাই; কেবল মাত্র বহু হিরণ্য লইয়া প্রস্থান করিয়াছেন!”

দৌবারিক জীবকের নিকট উপস্থিত হইল; উপস্থিত হইয়া জীবককে কহিল—“আচার্য্য! শ্রেষ্ঠী-পত্নী বলিতেছেন, ‘প্রয়োজন নাই; অল্পবয়স্ক চিকিৎসক আমার কি করিতে পারিবে? বহু মহা মহা বৈদ্য, খ্যাতনামা চিকিৎসক আসিয়া, চিকিৎসা করিয়া আমায় রোগমুক্ত করিতে পারেন নাই, কেবলমাত্র বহু হীরক লইয়া প্রস্থান করিয়াছেন।’ “ভণে দৌবারিক! শ্রেষ্ঠী-পত্নীর নিকট যাইয়া তাঁহাকে বল : ‘আর্য্যো! বৈদ্য বলিতেছেন, পূর্বে কিছু প্রদান করিতে হইবে না, যখন আরোগ্য লাভ করিবেন তখন যাহা ইচ্ছা হয় তাহা দিলে চলিবে।’” “আচার্য্য! তাহাই হউক” বলিয়া সেই দৌবারিক জীবককে প্রত্যুত্তরে সম্মতি জানাইয়া শ্রেষ্ঠী-পত্নীর নিকট উপস্থিত হইল; উপস্থিত হইয়া শ্রেষ্ঠী-পত্নীকে কহিল—“আর্য্যো! বৈদ্য বলিতেছেন, “পূর্বে নাকি কিছু দিতে হইবে না, যখন আরোগ্য লাভ করিবেন তখন যাহা ইচ্ছা তাহা দিলে চলিবে।” “দৌবারিক! তাহা হইলে বৈদ্য আসিতে পারেন।” আর্য্যো! তথাস্তু” বলিয়া দৌবারিক শ্রেষ্ঠী-পত্নীকে প্রত্যুত্তরে সম্মতি জানাইয়া জীবকের নিকট

উপস্থিত হইল; উপস্থিত হইয়া জীবককে কহিল—“আচার্য্য! শ্রেষ্ঠী-পত্নী আপনাকে আহ্বান করিতেছেন।”

অতঃপর জীবক শ্রেষ্ঠী-পত্নীর নিকট উপস্থিত হইলেন; উপস্থিত হইয়া শ্রেষ্ঠী-পত্নীর বিকার (রোগলক্ষণ) পর্য্যবেক্ষণ করিয়া শ্রেষ্ঠী-পত্নীকে কহিলেন—“আর্য্যে! গণ্ডুষমাত্র চর্বি আমার প্রয়োজন।” শ্রেষ্ঠী-পত্নী জীবককে গণ্ডুষ পরিমাণ চর্বি প্রদান করিলেন। জীবক সেই গণ্ডুষ পরিমাণ চর্বি বিবিধ ভৈষজ্য সংযোগে পাক করিয়া শ্রেষ্ঠী-পত্নীকে উত্তানভাবে মঞ্চে শয়ন করাইয়া নাসিকায় প্রদান করিলেন। সেই চর্বি নাসিকায় প্রদত্ত হইবার পর মুখ দিয়া নিঃসৃত হইল। শ্রেষ্ঠী-পত্নী তাহা পিকদানিতে নিক্ষেপ করিয়া দাসীকে আদেশ করিলেন—“দাসি! এই চর্বি তুলা দ্বারা মুছিয়া লইয়া রাখিয়া দাও।” তাহা দেখিয়া জীবকের মনে এই চিন্তা উদিত হইল : “আশ্চর্য্য ব্যাপার! এই ঘরণী কেমন কৃপণা! যে এই পরিত্যজ্য চর্বি তুলা দ্বারা মুছিয়া গ্রহণ করাইতেছে সে আমায় কি প্রদান করিবে? আমাকে ত বহু মূল্যবান বহু ভৈষজ্য দিতে হইয়াছে!” শ্রেষ্ঠী-পত্নী জীবকের ভাবান্তর লক্ষ করিয়া জীবককে কহিলেন—“আচার্য্য! আপনি কি বিমনা (উদ্ভিগ্ন) হইলেন?” “হাঁ, আমার মনে এই চিন্তা উদিত হইয়াছে; বড় আশ্চর্য্য ব্যাপার! এই ঘরণী কেমন কৃপণা! যে এই পরিত্যজ্য চর্বি তুলা দ্বারা মুছিয়া গ্রহণ করাইতে পারে সে আমায় কি প্রদান করিবে? আমাকে ত বহুমূল্য বহু ভৈষজ্য প্রদান করিতে হইয়াছে!” “আচার্য্য! আমরা সংসারী লোক সঞ্চয়ের উপকারিতা বুঝিয়া থাকি। এই চর্বি দাস অথবা কর্মচারীগণের পদে মালিস করা যাইতে পারে অথবা এতদ্বারা প্রদীপ জ্বালা যাইতে পারে। আচার্য্য! আপনি বিমনা হইবেন না, আপনাকে যাহা দিতে হইবে তাহা অল্প হইবে না।”

জীবক শ্রেষ্ঠী-পত্নীর সাত বৎসরের শিররোগ একবার মাত্র নস্য প্রযোগে বিদূরিত করিলেন। শ্রেষ্ঠী-পত্নী আরোগ্য লাভ করিয়া জীবককে চারিসহস্র মুদ্রা প্রদান করিলেন। তাঁহার পুত্র ‘আমার মাতা নীরোগ হইয়াছেন।’ এই ভাবিয়া চারিসহস্র মুদ্রা প্রদান করিলেন। তাঁহার সূষা ‘আমার স্বর্গ আরোগ্য লাভ করিয়াছেন’ এই ভাবিয়া চারিসহস্র মুদ্রা প্রদান করিলেন। শ্রেষ্ঠী গৃহপতি ‘আমার পত্নী আরোগ্য লাভ করিয়াছে’ এই ভাবিয়া চারিসহস্র মুদ্রা, দাসদাসী এবং অশ্বরথ প্রদান করিলেন। জীবক সেই ষোড়শসহস্র মুদ্রা, দাসদাসী এবং অশ্বরথ লইয়া রাজগৃহ অভিমুখে প্রস্থান করিলেন। ক্রমান্বয়ে বিচরণ করিয়া রাজগৃহে রাজকুমার অভয়ের নিকট উপস্থিত হইলেন; উপস্থিত হইয়া রাজকুমার অভয়কে কহিলেন—“দেব! আমার সর্ব্বপ্রথম উপার্জিত এই ষোড়শসহস্র মুদ্রা, দাসদাসী এবং অশ্বরথ আমার প্রতিপালনের ব্যয়স্বরূপ আপনি প্রত্যাগ্রহণ করুন।” “বৎস জীবক! তাহাতে আমার কোন প্রয়োজন নাই, তাহা তোমারই হউক; তুমি আমাদের অন্তঃপুর সীমার মধ্যে গৃহ প্রস্তুত কর।” “তাহাই হউক, দেব!” বলিয়া জীবক রাজকুমার অভয়কে প্রত্যুত্তরে সম্মতি জানাইয়া তাঁহার অন্তঃপুর সীমার মধ্যে গৃহ প্রস্তুত করিলেন।

সেই সময়ে মগধরাজ শ্রেণিক বিম্বিসারের নিকট ভগন্দর রোগ হইয়াছিল। তাঁহার পরিহিত বস্ত্র রক্তরঞ্জিত হইয়া যাইত। তাহা দেখিয়া দেবিগণ ‘দেব এখন ঋতুমতী হইয়াছেন, দেবের পুষ্প উৎপন্ন হইয়াছে, দেব অচিরেই প্রসব করিবেন’ এই বলিয়া উপহাস করিতেন। তাহাতে রাজাকে মৌন থাকিতে হইত। মগধরাজ শ্রেণিক বিম্বিসার রাজকুমার অভয়কে কহিলেন—“অভয়! আমার তাদৃশ রোগ হইয়াছে যাহাতে পরিহিত বস্ত্র রক্তরঞ্জিত হইয়া যায়; দেবিগণ তদর্শনে ‘দেব এখন ঋতুমতী হইয়াছেন, দেবের পুষ্প উৎপন্ন হইয়াছে, অচিরেই দেব প্রসব করিবেন’ এই বলিয়া আমাকে উপহাস করিতেছেন। অভয়! আমাকে তাদৃশ বৈদ্যের সংবাদ প্রদান কর যিনি আমাকে চিকিৎসা করিতে পারেন।” “দেব! এই যে আমাদের সুশিক্ষিত তরুণ বৈদ্য জীবক সে আপনাকে চিকিৎসা করিতে পারে।” “অভয়! তাহা হইলে আমাকে চিকিৎসা করিতে জীবককে আদেশ কর।” রাজকুমার অভয় জীবককে আদেশ করিলেন—“বৎস জীবক! রাজার চিকিৎসা কর।” “তাহাই করিব, দেব!” বলিয়া জীবক রাজকুমার অভয়কে প্রত্যুত্তরে সম্মতি জানাইয়া নখে করিয়া ভৈষজ্য লইয়া মগধরাজ শ্রেণিক বিম্বিসারের নিকট উপস্থিত হইলেন; উপস্থিত হইয়া মগধরাজ শ্রেণিক বিম্বিসারকে কহিলেন—“দেব! আপনার রোগ দেখিতে চাই।” জীবক মগধরাজ শ্রেণিক বিম্বিসারের ভগন্দর রোগ একবারমাত্র প্রলেপ দানে বিদূরিত করিলেন। মগধরাজ শ্রেণিক বিম্বিসার আরোগ্য লাভ করিয়া পঞ্চাশত নারীকে সর্ব্বালঙ্কারে বিভূষিত করাইলেন এবং পুনরায় তাহা উন্মোচন করাইয়া, রাশি করাইয়া জীবককে কহিলেন—“জীবক! পঞ্চাশত নারীর এই সমুদয় অলঙ্কার তোমার হউক।” “দেব! তাহাতে আমার প্রয়োজন নাই; কেবলমাত্র দেব আমার উপকারটুকু স্মরণ রাখিলে আমি কৃতার্থ হইব।” “জীবক! তাহা হইলে তুমি আমার, রাণিগণের এবং বুদ্ধপ্রমুখ ভিক্ষুসঙ্ঘের সেবা করিতে পার।” “তাহাই হউক, দেব!” বলিয়া জীবক মগধরাজ শ্রেণিক বিম্বিসারকে প্রত্যুত্তরে সম্মতি জ্ঞাপন করিলেন।

সেই সময়ে রাজগৃহ-শ্রেষ্ঠীর সাতবৎসরের শিররোগ ছিল। বহু মহা মহা বৈদ্য আসিয়া চিকিৎসা করিয়াও আরোগ্য করিতে পারিলেন না, কেবল বহু হীরক লইয়া চলিয়া গেলেন। অপিচ বৈদ্যগণ কর্তৃক তিনি পরিত্যক্ত হইলেন। কোন কোন বৈদ্য কহিলেন—“পাঁচদিন পরে শ্রেষ্ঠী গৃহপতি কালগত হইবেন।” আবার কোন কোন বৈদ্য কহিলেন—“সাত দিন পরে শ্রেষ্ঠী কালগত হইবেন।” রাজগৃহ-নৈগমের মনে এই চিন্তা উদ্ভিত হইল—“এই শ্রেষ্ঠী গৃহপতি রাজা এবং নৈগমের বড় উপকারী; কিন্তু তিনি বৈদ্যগণ কর্তৃক পরিত্যক্ত হইয়াছেন। কোন কোন বৈদ্য বলিয়াছেন, পঞ্চমদিবসে শ্রেষ্ঠী গৃহপতি কালগত হইবেন; আবার কোন কোন বৈদ্য বলিয়াছেন সপ্তমদিবসে শ্রেষ্ঠী কালগত হইবেন। এই যে রাজবৈদ্য জীবক তরুণ এবং সুশিক্ষিত; অতএব আমরা জীবকের দ্বারা শ্রেষ্ঠী গৃহপতিকে চিকিৎসা করাইবার জন্য রাজার অনুমতি প্রার্থনা করিব।” এই ভাবিয়া রাজগৃহের নৈগম মগধরাজ শ্রেণিক

বিষিসারের নিকট উপস্থিত হইলেন; উপস্থিত হইয়া মগধরাজ শ্রেণিক বিষিসারকে কহিলেন—“দেব! এই শ্রেষ্ঠী গৃহপতি মহারাজ এবং নৈগমের বহু উপকারী; কিন্তু তিনি বৈদ্যগণ কর্তৃক পরিত্যক্ত হইয়াছেন। কোন কোন বৈদ্য বলিয়াছেন পঞ্চমদিবসে শ্রেষ্ঠী গৃহপতি কালগত হইবেন; আবার কোন কোন বৈদ্য বলিয়াছেন সপ্তমদিবসে শ্রেষ্ঠী গৃহপতি কালগত হইবেন। অতএব মহারাজ শ্রেষ্ঠী গৃহপতি চিকিৎসা করিবার জন্য জীবক বৈদ্যকে আদেশ করুন।”

মগধরাজ শ্রেণিক বিষিসার জীবককে আদেশ করিলেন—“জীবক! শ্রেষ্ঠী গৃহপতির চিকিৎসা কর।” “তথাস্তু, দেব!” বলিয়া জীবক মগধরাজ শ্রেণিক বিষিসারকে প্রত্যুত্তরে সম্মতি জানাইয়া শ্রেষ্ঠী গৃহপতির নিকট উপস্থিত হইলেন; উপস্থিত হইয়া শ্রেষ্ঠী গৃহপতি বিকার লক্ষ করিয়া শ্রেষ্ঠী গৃহপতিকে কহিলেন—“গৃহপতি! যদি আমি আপনাকে আরোগ্য করি তাহা হইলে আমাকে কি দিবেন?” “আচার্য্য! আমার সমস্ত সম্পত্তি আপনার হইবে এবং আমিও আপনার দাস হইব।” “গৃহপতি! আপনি একপার্শ্বে সাতমাস শয়ন করিয়া থাকিতে পারিবেন কি?” “আচার্য্য! আমি সাতমাস একপার্শ্বে শয়ন করিয়া থাকিতে পারিব।” “গৃহপতি! আপনি দ্বিতীয়পার্শ্বে সাতমাস শয়ন করিয়া থাকিতে পারিবেন কি?” “আচার্য্য! আমি দ্বিতীয়পার্শ্বে সাতমাস শয়ন করিয়া থাকিতে পারিব।” গৃহপতি! আপনি উত্তানভাবে সাতমাস শয়ন করিয়া থাকিতে পারিবেন কি?” “আচার্য্য! আমি উত্তানভাবেও সাতমাস শয়ন করিয়া থাকিতে পারিব।”

জীবক শ্রেষ্ঠী গৃহপতিকে মঞ্চের শয়ন করাইয়া, মঞ্চের সহিত দৃঢ়ভাবে বন্ধন করিয়া, মস্তকের চর্ম উৎপাটিত করিয়া, করোটি খুলিয়া, দুইটি কীট বাহির করিয়া জনতাকে প্রদর্শন করিয়া কহিলেন—“এই দুইটি কীট অবলোকন করুন; তন্মধ্যে একটি ক্ষুদ্র এবং একটি বৃহৎ। যেই চিকিৎসকগণ বলিয়াছিলেন : ‘পঞ্চম দিবসে শ্রেষ্ঠী গৃহপতি কালগত হইবেন।’ তাঁহারা এই বৃহৎ কীটটি দেখিতে পাইয়াছিলেন। পঞ্চমদিবসে শ্রেষ্ঠী গৃহপতির মগজ নিঃশেষ করিয়া ফেলিত। মগজ নিঃশেষ হইলে শ্রেষ্ঠী গৃহপতি কালগত হইতেন। সেই চিকিৎসকগণ তাহা যথার্থই দেখিয়াছিলেন। যেই চিকিৎসকগণ বলিয়াছিলেন : ‘সপ্তমদিবসে শ্রেষ্ঠী গৃহপতি কালগত হইবেন।’ তাঁহারা এই ক্ষুদ্র কীট দেখিতে পাইয়াছিলেন; সপ্তম দিবসে শ্রেষ্ঠী গৃহপতির মগজ নিঃশেষ করিয়া ফেলিত। মগজ নিঃশেষ হইলে শ্রেষ্ঠী গৃহপতি কালগত হইতেন। তাঁহারাও তাহা যথার্থই দেখিয়াছিলেন।” এই বলিয়া করোটি যথার্থভাবে সংস্থাপিত করিয়া, মস্তকের চর্ম সেলাই করিয়া প্রলেপ প্রদান করিলেন। সপ্তাহগতে শ্রেষ্ঠী গৃহপতি জীবককে কহিলেন—“আচার্য্য! আমি সাতমাস একপার্শ্বে শয়ন করিয়া থাকিতে পারিব না।” গৃহপতি একপার্শ্বে সাতমাস শয়ন করিয়া থাকিতে পারিবেন বলিয়া কি আপনি আমাকে প্রতিশ্রুতি প্রদান করেন নাই?” “আচার্য্য! আমি প্রতিশ্রুতি ছিলাম বটে, কিন্তু আমি মরিতে প্রস্তুত তথাপি সাতমাস একপার্শ্বে

শয়ন করিয়া থাকিতে পারিব না।” “গৃহপতি! তাহা হইলে আপনি দ্বিতীয় পার্শ্বে সাতমাস শয়ন করুন।” শ্রেষ্ঠী গৃহপতি সপ্তাহগতে জীবককে কহিলেন—“আচার্য্য! আমি দ্বিতীয়পার্শ্বে সাতমাস থাকিতে পারিব না।” “গৃহপতি! সাতমাস দ্বিতীয়পার্শ্বে শয়ন করিয়া থাকিতে পারিবেন বলিয়া কি আপনি আমার নিকট প্রতিশ্রুত ছিলেন না?” “আচার্য্য! আমি প্রতিশ্রুত ছিলাম সত্য; কিন্তু আমি মরিতে প্রস্তুত তথাপি দ্বিতীয়পার্শ্বে সাতমাস শয়ন করিয়া থাকিতে পারিব না।” “গৃহপতি! তাহা হইলে আপনি উত্তানভাবে সাতমাস শয়ন করুন।” শ্রেষ্ঠী গৃহপতি সপ্তাহগতে জীবককে কহিলেন—“আচার্য্য! আমি সাতমাস উত্তানভাবেও শয়ন করিয়া থাকিতে পারিব না।” “গৃহপতি! উত্তানভাবে সাতমাস শয়ন করিয়া থাকিবেন বলিয়া কি আপনি আমার নিকট প্রতিশ্রুত ছিলেন না?” “আচার্য্য! আমি প্রতিশ্রুত ছিলাম সত্য; কিন্তু আমি মরিতে প্রস্তুত তথাপি সাতমাস উত্তানভাবে শয়ন করিয়া থাকিতে পারিব না।” “গৃহপতি! যদি আমি আপনাকে এরূপ না বলিতাম তাহা হইলে আপনি এতদিনও শায়িত থাকিতেন না; আমি পূর্বেই জানিতাম যে তিন সপ্তাহের মধ্যে শ্রেষ্ঠীগৃহপতি আরোগ্য লাভ করিবেন। গৃহপতি! গাত্রোত্থান করুন, আপনি এখন আরোগ্য লাভ করিয়াছেন; আমাকে কি দিতে হইবে তাহা স্মরণ আছে কি?” “হাঁ, আচার্য্য! আমার সমস্ত সম্পত্তি আপনার হইবে এবং আমিও আপনার দাস হইব।” “গৃহপতি! নিম্প্রয়োজন; আমাকে আপনার সমস্ত সম্পত্তি দিবেন না এবং আপনিও আমার দাসত্ব স্বীকার করিবেন না। রাজাকে লক্ষমুদ্রা এবং আমাকে লক্ষমুদ্রা প্রদান করুন।” শ্রেষ্ঠীগৃহপতি আরোগ্যলাভ করিয়া রাজাকে লক্ষমুদ্রা এবং জীবককে লক্ষমুদ্রা প্রদান করিলেন।

সেই সময় ‘মোক্ষচিকা’ (ডিগবাজী) খেলিবার ফলে বারাণসীবাসী শ্রেষ্ঠীপুত্রের অন্ত্রগুরোগের সঞ্চার হইয়াছিল। ইহার কারণ তাহার ভুক্ত যবাগুও সম্যকরূপে পরিপাক হইত না, ভুক্ত অন্নও সম্যকরূপে পরিপাক হইত না, নিয়মিত বাহ্যপ্রস্রাবও হইত না। এইজন্য সে কৃশ, রক্ষ, দুর্বর্ণ, পাণ্ডুবর্ণ হইয়া গেল এবং তাহার গাত্রে ধমনি প্রকটিত হইল। বারাণসীবাসী শ্রেষ্ঠীর মনে এই চিন্তা উদ্ভিত হইল : “আমার পুত্রের নিকট তাদৃশ রোগ হইয়াছে তাহার ভুক্ত যবাগুও সম্যকরূপে পরিপাক হইতেছে না, ভুক্ত অন্নও সম্যকরূপে পরিপাক হইতেছে না, নিয়মিত বাহ্যপ্রস্রাবও হইতেছে না। এইজন্য সে কৃশ, রক্ষ, দুর্বর্ণ, পাণ্ডুবর্ণ হইয়া যাইতেছে এবং তাহার গাত্রে ধমনিসমূহ প্রকটিত হইয়া পড়িয়াছে; অতএব আমি রাজগৃহে যাইয়া আমার পুত্রের চিকিৎসার জন্য রাজার নিকট জীবক বৈদ্যকে আনিবার অনুমতি প্রার্থনা করিব।” এই ভাবিয়া বারাণসীবাসী শ্রেষ্ঠী রাজগৃহে যাইয়া মগধরাজ শ্রেণিক বিম্বিসারের নিকট উপস্থিত হইলেন; উপস্থিত হইয়া মগধরাজ শ্রেণিক বিম্বিসারকে কহিলেন—“দেব! আমার পুত্রের এইরূপ রোগ হইয়াছে : তাহার ভুক্ত যবাগুও পরিপাক হইতেছে না, ভুক্ত অন্নও পরিপাক হইতেছে না, বাহ্যপ্রস্রাবও নিয়মিত

হইতেছে না। এইজন্য সে কৃশ, রক্ষ, দুর্বর্ণ, পাণ্ডুবর্ণ হইয়া যাইতেছে এবং তাহার গাত্রে ধমনিসমূহ প্রকটিত হইয়া পড়িয়াছে। অতএব মহারাজ, আমার পুত্রকে চিকিৎসা করিবার নিমিত্ত জীবক বৈদ্যকে আসিতে অনুমতি প্রদান করুন।” মগধরাজ শ্রেণিক বিম্বিসার জীবককে আদেশ করিলেন—“জীবক! বারাণসীতে গমন করিয়া বারাণসীবাসী শ্রেষ্ঠপুত্রের চিকিৎসা কর।” “তথাস্তু, দেব!” বলিয়া জীবক মগধরাজ শ্রেণিক বিম্বিসারকে প্রত্যুত্তরে সম্মতি জানাইয়া বারাণসীতে যাইয়া বারাণসীবাসী শ্রেষ্ঠপুত্রের নিকট উপস্থিত হইলেন; উপস্থিত হইয়া বারাণসীবাসী শ্রেষ্ঠপুত্রের বিকার লক্ষ্য করিয়া, উপস্থিত জনতাকে বাহির করিয়া দিয়া, যবনিকার (পর্দার) দ্বারা পরিবেষ্টিত করিয়া, তাহাকে শুষ্ক দৃঢ়রূপে বন্ধন করিয়া, তাহার পত্নীকে সম্মুখে রাখিয়া, তাহার উদরের চর্ম উৎপাটিত করিয়া, অস্ত্রগ্রস্থি বাহির করিয়া তাহার পত্নীকে প্রদর্শন করিয়া কহিলেন—“আপনার স্বামীর রোগ অবলোকন করুন; ইহা দ্বারাই তাঁহার ভুক্ত যাবগুও সম্যকরূপে পরিপাক হইতেছে না, ভুক্ত অন্নও সম্যকভাবে পরিপাক হইতেছে না, নিয়মিত বাহ্যপ্রস্রাবও হইতেছে না। এইজন্যই তিনি কৃশ, রক্ষ, দুর্বর্ণ, পাণ্ডুবর্ণ হইয়াছেন এবং তাঁহার গাত্রে ধমনিসমূহ প্রকটিত হইয়াছে।” এই বলিয়া অস্ত্রগ্রস্থি পরিষ্কার করিয়া, অস্ত্রগুলি উদরের ভিতর প্রবেশ করাইয়া দিয়া, উদরের চর্ম সেলাই করিয়া প্রলেপ প্রদান করিলেন। ইহাতে বারাণসীবাসী শ্রেষ্ঠপুত্র অচিরেই আরোগ্য লাভ করিলেন। বারাণসী-শ্রেষ্ঠা ‘আমার পুত্র নীরোগ হইয়াছে’ এই ভাবিয়া জীবককে ষোড়শসহস্র মুদ্রা প্রদান করিলেন। জীবক সেই ষোড়শসহস্র মুদ্রা লইয়া রাজগৃহে প্রত্যাগমন করিলেন।

সেই সময়ে উজ্জয়িনীতে রাজা প্রদ্যোতের পাণ্ডুরোগ হইয়াছিল। বহু মহা মহা বৈদ্য, খ্যাতনামা চিকিৎসক আসিয়া, চিকিৎসা করিয়া আরোগ্য করিতে পারিলেন না, কেবল বহু হীরক লইয়া চলিয়া গেলেন। রাজা প্রদ্যোত মগধরাজ শ্রেণিক বিম্বিসারের নিকট সংবাদ প্রেরণ করিলেন : “মহারাজ! আমার এক দুশ্চিকিৎসা রোগ হইয়াছে। অতএব মহারাজ জীবক বৈদ্যকে আদেশ করুন—সে যেন আসিয়া আমার চিকিৎসা করে।” মগধরাজ শ্রেণিক বিম্বিসার জীবককে আদেশ করিলেন—“জীবক! উজ্জয়িনী যাইয়া রাজা প্রদ্যোতের চিকিৎসা কর।” “তথাস্তু, দেব!” বলিয়া জীবক মগধরাজ শ্রেণিক বিম্বিসারকে প্রত্যুত্তরে সম্মতি জানাইয়া উজ্জয়িনীতে গমন করিয়া রাজা প্রদ্যোতের নিকট উপস্থিত হইলেন; উপস্থিত হইয়া রাজা প্রদ্যোতের বিকার লক্ষ্য করিয়া রাজা প্রদ্যোতকে কহিলেন—“দেব! আমি চর্বি পাক করিব, মহারাজাকে তাহা পান করিতে হইবে।” “জীবক! চর্বির প্রয়োজন নাই, যাহাতে বিনা চর্বিতে আরোগ্য করিতে পার তাহাই কর। কেননা চর্বিতে আমার বড়ই ঘৃণা হয়।” তখন জীবকের মনে এই চিন্তা উদিত হইল : ‘এই রাজার যেই রোগ হইয়াছে তাহা চর্বি ব্যতীত আমি আরোগ্য করিতে পারিব না; অতএব আমি এমন চর্বি পাক করিব যাহার বর্ণ কষাটে, গন্ধ কষাটে এবং স্বাদ

কষাটে।” এই ভাবিয়া জীবক বিবিধ ভৈষজ্য সংমিশ্রণে চৰ্ৰি পাক করিলেন যাহার বর্ণ কষাটে, গন্ধ কষাটে এবং রস কষাটে। জীবকের মনে এই চিন্তা উদিত হইল : ‘এই রাজার চৰ্ৰি সেবনের পর পরিপাক হইবার সময় বমন-উদ্রেক দেখা দিবে, তখন তিনি আমায় হত্যা করাইতেও পারেন; অতএব, আমি পূর্বেই অনুমতি গ্রহণ করিয়া থাকিব।’ এই ভাবিয়া জীবক রাজা প্রদ্যোতের নিকট উপস্থিত হইলেন; উপস্থিত হইয়া রাজা প্রদ্যোতকে কহিলেন—“দেব! আমরা বৈদ্যগণকে শুভমুহূর্তে গাছ গাছড়ার মূল উৎপাটন করিতে হয় এবং ভৈষজ্য সংগ্রহ করিতে হয়। অতএব মহারাজ! বাহনশালার অধ্যক্ষগণকে এবং দ্বারাধ্যক্ষগণকে আদেশ প্রদান করুন, জীবক যেই বাহনে আরোহণ করিয়া গমন করিতে চায়, সেই বাহনে গমন করুক, যেই দ্বার দিয়া গমন করিতে চায় সেই দ্বার দিয়া গমন করুক, যেই সময়ে ইচ্ছা করে সেই সময়ে গমন করুক এবং যেই সময়ে ইচ্ছা করে, সেই সময়ে প্রবেশ করুক।” রাজা প্রদ্যোত বাহনশালার অধ্যক্ষগণকে এবং দ্বারাধ্যক্ষগণকে আদেশ করিলেন—“জীবক যেই বাহনে গমন করিতে চায় সেই বাহনে গমন করুক, যেই দ্বার দিয়া যাইতে চায় সেই দ্বার দিয়া যাউক, যেই সময়ে যাইতে ইচ্ছা করে সেই সময়ে যাউক এবং যেই সময়ে প্রবেশ করিতে ইচ্ছা করে সেই সময়ে প্রবেশ করুক।”

সেই সময়ে রাজা প্রদ্যোতের ভদ্রবতিকা নাম্নী হস্তিনী একদিনে পঞ্চাশ যোজন যাইতে পারিত। জীবক রাজা প্রদ্যোতের সম্মুখে চৰ্ৰি লইয়া উপস্থিত হইয়া কহিলেন—“দেব! কষাটে পান করুন।” এই বলিয়া জীবক রাজা প্রদ্যোতকে চৰ্ৰি পান করাইয়া, হস্তীশালায় যাইয়া ভদ্রবতিকা নাম্নী হস্তিনীর পৃষ্ঠে আরোহণ করিয়া নগর হইতে পলায়ন করিলেন। রাজা প্রদ্যোতের সেই ভুক্ত চৰ্ৰি পরিপাক হইবার সময় বমনোদ্রেক দেখা দিল। তখন রাজা প্রদ্যোত কর্মচারিগণকে কহিলেন—“ভণে! আমি দুষ্ট জীবক কর্তৃক চৰ্ৰি সেবন করিয়াছি; অতএব তোমরা জীবক বৈদ্যের অনুসন্ধান কর।” “দেব! তিনি ভদ্রবতিকা হস্তিনীতে আরোহণ করিয়া নগরের বাহিরে গিয়াছেন।”

সেই সময়ে রাজা প্রদ্যোতের অমনুষ্য সংশ্রবে জাত কাক নামধেয় দাস একদিনে ষাট যোজন গমন করিতে পারিত। রাজা প্রদ্যোত কাককে আদেশ করিলেন—“ভণে কাক! জীবক বৈদ্যকে ‘আচার্য্য! রাজা আপনাকে প্রত্যাবর্তন করিতে বলিয়াছেন’ এই বলিয়া ফিরাইয়া আন। কাক! বৈদ্যগণ বড় মায়াবী; তাহার নিকট হইতে কিছু গ্রহণ করিও না।” অনন্তর কাক জীবককে রাস্তার মধ্যে কৌশাঘ্নীতে প্রাতরাশ করিতে দেখিতে পাইল। তখন কাক জীবককে কহিল—“আচার্য্য! রাজা আপনাকে প্রত্যাবর্তন করাইতেছেন।” “কাক! আমি যাবৎ ভোজন করি তাবৎ অপেক্ষা কর। কাক, তুমিও ভোজন কর।” “আচার্য্য! প্রয়োজন নাই। রাজা আমায় বলিয়াছেন : কাক! বৈদ্য বড় মায়াবী হইয়া থাকে, এইজন্য তাহার নিকট হইতে কিছু প্রত্যাগ্রহণ করিও না।”

সেই সময়ে জীবক নখে ভৈষজ্য মাখিয়া আমলকী খাইতেছিলেন এবং পানীয় পান করিতেছিলেন। জীবক কাককে কহিলেন—“কাক! আমলকী খাও এবং পানীয় পান কর।” কাক ‘এই বৈদ্য স্বয়ং আমলকী খাইতেছেন এবং পানীয় পান করিতেছেন, কাজেই কোন অনিষ্ট হইবে না’ এই ভাবিয়া অর্দেক আমলকী খাইল এবং পানীয় পান করিল। সে অর্দেক আমলকী খাওয়ামাত্রই তথায় তাহার বিরচন (দান্ত) হইল। তখন সে জীবককে কহিল—“আচার্য্য! আমি বাঁচিব কি?” “কাক! ভীত হইও না, তুমিও আরোগ্য লাভ করিবে এবং রাজাও আরোগ্য লাভ করিবেন। সেই ক্রোধী রাজা আমাকে হত্যা করাইতেও পারেন, এইজন্য আমি প্রত্যাবর্তন করিব না।” এই বলিয়া ভদ্রবতিকা হস্তিনী কাককে অর্পণ করিয়া রাজগৃহে অভিমুখে প্রস্থান করিলেন। ক্রমান্বয়ে পর্যটন করিয়া রাজগৃহে মগধরাজ শ্রেণিক বিম্বিসারের নিকট উপস্থিত হইলেন। উপস্থিত হইয়া মগধরাজ শ্রেণিক বিম্বিসারকে এই বিষয় জ্ঞাপন করিলেন। (বিম্বিসার কহিলেন :—) “জীবক! তুমি না যাইয়া ভালই করিয়াছ, সেই ক্রোধী রাজা হয়ত তোমাকে হত্যা করাইতেও কুণ্ঠিত হইতেন না।”

রাজা প্রদ্যোত আরোগ্য লাভ করিয়া জীবকের নিকট সংবাদ প্রেরণ করিলেন—“জীবক! তোমার আগমন হউক! আমি বর প্রদান করিব।” “দেব! যাইবার প্রয়োজন নাই; কেবল আমার উপকার স্মরণ রাখিলেই যথেষ্ট হইবে।” সেই সময় রাজা প্রদ্যোত শিবি দেশে প্রস্তুত^১ একযোড়া বস্ত্র পাইয়াছিলেন। যাহা বহু বস্ত্রের মধ্যে, বহুযোড়া বস্ত্রের মধ্যে, বহু শত যোড়া বস্ত্রের মধ্যে, বহু সহস্র যোড়া বস্ত্রের মধ্যে এবং বহু শতসহস্র যোড়া বস্ত্রের মধ্যে, অর্ধ, শ্রেষ্ঠ, মুখ্য, উত্তম এবং প্রবর ছিল। অতঃপর রাজা প্রদ্যোত সেই শিবিদেশীয় বস্ত্র যোড়া জীবকের নিকট প্রেরণ করিলেন। তখন জীবকের মনে এই চিন্তা উদিত হইল—“আমার এই শিবিদেশীয় বস্ত্রযোড়া রাজা প্রদ্যোত কর্তৃক প্রেরিত, যাহা বহু বস্ত্রের মধ্যে, বহু যোড়া বস্ত্রের মধ্যে, বহু শত যোড়া বস্ত্রের মধ্যে, বহু সহস্র যোড়া বস্ত্রের মধ্যে এবং বহু শতসহস্র যোড়া বস্ত্রের মধ্যে অর্ধ, শ্রেষ্ঠ, মুখ্য, উত্তম এবং প্রবর। কেবল সেই ভগবান অর্হৎ সম্যকসমুদ্র অথবা মগধরাজ শ্রেণিক বিম্বিসার ব্যতীত এই বস্ত্রের অন্য কেহ উপযুক্ত নহেন।”

সেই সময়ে ভগবানের শরীর দোষগ্রস্থ^২ হইয়া পড়িয়াছিল। ভগবান আয়ুত্মান আনন্দকে আহ্বান করিলেন—“আনন্দ! তথাগতের দেহ দোষগ্রস্থ হইয়া পড়িয়াছে;

^১। উত্তরকুরু শিবখিক (শুশানের) অশুভস্ত্র। সেখানের লোকেরা শবদেহ যেই বস্ত্রে বেটন করিয়া পরিত্যাগ করে তাহা মাংসপেশী মনে করিয়া হস্তীশুণ্ড পক্ষী উঠাইয়া লইয়া হিমালয়-শিখরে বসিয়া বস্ত্র অপনয়ন করিয়া ভক্ষণ করে। বনচরগণ সেই বস্ত্র আনিয়া রাজাকে প্রদান করে, এক্ষেপে তাহা রাজা প্রদ্যোত পাইয়াছিলেন। অথবা শিবিদেশে সূতাকাটায় নিপুণা নারীরা ত্রিবিধ অংশু (তন্ত্র) দ্বারা সূতা কাটিয়া থাকে, তদ্বারা বোনা বস্ত্র।—সম-পাসা।

^২। পিত্তাধিকা।—বিম-বিনো।

এইজন্য তথাগত বিরোচক (জোলাপ) সেবন করিতে ইচ্ছা করেন।” আয়ুত্মান আনন্দ জীবকের নিকট উপস্থিত হইলেন; উপস্থিত হইয়া জীবককে কহিলেন—“বন্ধু জীবক! তথাগতের দেহ দোষগ্রস্থ হইয়াছে; এইজন্য তথাগত বিরোচক সেবন করিতে ইচ্ছা করিতেছেন।” “মহানুভব আনন্দ! তাহা হইলে ভগবানের দেহ কয়েকদিন স্নিগ্ধ^১ করুন।

আয়ুত্মান আনন্দ ভগবানের দেহ কতিপয় দিবস স্নিগ্ধ করিয়া জীবকের নিকট উপস্থিত হইলেন; উপস্থিত হইয়া জীবককে কহিলেন—“বন্ধু জীবক! ভগবানের দেহ স্নিগ্ধ করা হইয়াছে; এখন আপনার যাহা অভিপ্রেত হয়, তাহা করিতে পারেন।” জীবকের মনে এই চিন্তা উদ্ভিত হইল : “ভগবানকে তীক্ষ্ণ বিরোচক দেওয়া আমার পক্ষে উচিত হইবে না, আমি তিনটি সদণ্ড-উৎপল বিবিধ ভৈষজ্য সংযোগে ভাবন করিয়া (কোন দ্রবে ভিজাইয়া রাখিয়া) তথাগতের নিকট উপস্থিত করিব।” এই ভাবিয়া জীবক তিনটি সদণ্ড-উৎপল বিবিধ ভৈষজ্য সংযোগে ভাবন করিয়া ভগবানের নিকট উপস্থিত হইলেন; উপস্থিত হইয়া একটি সদণ্ড-উৎপল ভগবানকে প্রদান করিয়া কহিলেন—“প্রভো! এই প্রথম সদণ্ড-উৎপলটির ঘ্রাণ গ্রহণ করুন; ইহা দ্বারা ভগবানের দশবার বিরোচন (দান্ত) হইবে।” দ্বিতীয় সদণ্ড-উৎপলটি প্রদান করিয়া কহিলেন—“প্রভো! এই দ্বিতীয় সদণ্ড-উৎপলটি ঘ্রাণ গ্রহণ করুন; ইহা দ্বারা ভগবানের দশবার বিরোচন হইবে।” তৃতীয় সদণ্ড উৎপলটি প্রদান করিয়া কহিলেন—“প্রভো! এই তৃতীয় সদণ্ড-উৎপলটি ঘ্রাণ গ্রহণ করুন; ইহা দ্বারা দশবার বিরোচন হইবে। এইভাবে ভগবানের ত্রিশবার বিরোচন হইবে।”

জীবক ভগবানকে ত্রিশবারের বিরোচক (জোলাপ) প্রদান করিয়া, ভগবানকে অভিবাদন করিয়া এবং তাঁহার পুরোভাগে দক্ষিণপার্শ্ব রাখিয়া প্রস্থান করিলেন। দ্বারের বাহিরে যাইবার পর তাঁহার মনে এই চিন্তা উদ্ভিত হইল : “আমি ভগবানকে ত্রিশবারের বিরোচক দিয়াছি; তথাগতের দেহ দোষগ্রস্থ হইয়াছে, কাজেই তথাগতের ত্রিশবার বিরোচন হইবে না, ভগবানের ঊনত্রিশবার মাত্র বিরোচন হইবে। যদি ভগবান ঊনত্রিশবার বিরোচনের পর স্নান করেন তাহা হইলে ভগবানের একবার বিরোচন হইবে; এইভাবে ভগবানের ত্রিশবার বিরোচন হইবে।” ভগবান স্বচিন্তে জীবকের চিত্তপরিবর্তক জানিতে পারিয়া আয়ুত্মান আনন্দকে আহ্বান করিলেন—“আনন্দ! দ্বারের বাহিরে যাইবার পর জীবকের মনে এই চিন্তা উদ্ভিত হইয়াছে : ‘আমি ভগবানকে ত্রিশবারের বিরোচক দিয়াছি; কিন্তু তথাগতের দেহ দোষগ্রস্থ হওয়ায় তাঁহার ত্রিশবার বিরোচন হইবে না, ঊনত্রিশবার বিরোচন হইবে; ভগবান যদি ঊনত্রিশবার বিরোচনের পর স্নান করেন, তাহা হইলে স্নানের পর

^১। লঘুপাক খাদ্য প্রদান করুন।—সম-পাসা।

ভগবানের একবার বিরেচন হইবে; এইরূপে ভগবানের ত্রিশবার বিরেচন হইবে।’ আনন্দ! তাহা হইলে উষেদক প্রস্তুত রাখ।” “তথাস্তু, প্রভো!” বলিয়া আয়ুষ্মান আনন্দ ভগবানকে প্রত্যুত্তরে সম্মতি জানাইয়া উষেদক প্রস্তুত রাখিলেন।

অতঃপর জীবক ভগবানের নিকট উপস্থিত হইলেন; উপস্থিত হইয়া ভগবানকে অভিবাদন করিয়া একান্তে উপবেশন করিলেন। একান্তে উপবিষ্ট জীবক ভগবানকে কহিলেন—“প্রভু! ভগবানের বিরেচন হইয়াছে কি?” “জীবক! বিরেচন হইয়াছে।” “প্রভো! দ্বারের বাহির হইবার পর আমার মনে এই চিন্তা উদিত হইয়াছিল : ‘আমি ভগবানকে ত্রিশবারের বিরেচক দিয়াছি; কিন্তু তাঁহার দেহ দৌষগ্রস্থ থাকার ত্রিশবার বিরেচন হইবে না, ঊনত্রিশবার বিরেচন হইবে। ভগবান যদি ঊনত্রিশবার বিরেচনের পর স্নান করেন, তাহা হইলে স্নানের পর ভগবানের একবার বিরেচন হইবে; এইরূপে ভগবানের ত্রিশবার বিরেচন হইবে।’ অতএব, ভগবান স্নান করুন; সুগত স্নান করুন।” ভগবান উষেদকে স্নান করিলেন। স্নানের পর ভগবানের একবার বিরেচন হইল। এইভাবে ভগবানের ত্রিশবার বিরেচন হইল।

জীবক ভগবানকে কহিলেন—“প্রভো! যাবৎ ভগবানের দেহ স্বাভাবিক অবস্থা প্রাপ্ত না হয় তাবৎ যুষাহারের প্রয়োজন।” ভগবানের দেহ অচিরেই স্বাভাবিক অবস্থা প্রাপ্ত হইল। জীবক সেই শিবদেশীয় বস্ত্রযোড়া লইয়া ভগবানের নিকট উপস্থিত হইলেন; উপস্থিত হইয়া ভগবানকে অভিবাদন করিয়া একান্তে উপবেশন করিলেন। একান্তে উপবিষ্ট হইয়া জীবক ভগবানকে কহিলেন—“প্রভো! আমি ভগবানের নিকট একটি বর যাচঞা করিতে চাহি।” “জীবক! তথাগত বরদানের অতীত হইয়াছেন।” “প্রভো! যাহা বিধিসম্মত এবং অনবদ্য আমি তাহাই যাচঞা করিতে চাহি।” “জীবক! তাহা হইলে বলিতে পার।” “প্রভো! ভগবান পাংশুকূল বস্ত্র ব্যবহার করিয়া থাকেন, ভিক্ষুসঙ্ঘও তাহাই করিয়া থাকেন। প্রভো! আমার এই শিবদেশীয় বস্ত্রযোড়া রাজা প্রদ্যোত প্রেরণ করিয়াছেন, যাহা বহু যোড়া বস্ত্রের মধ্যে, বহুশত যোড়া বস্ত্রের মধ্যে, বহুসহস্র যোড়া বস্ত্রের মধ্যে এবং বহুশতসহস্র যোড়া বস্ত্রের মধ্যে অগ্র, শ্রেষ্ঠ, মুখ্য, উত্তম এবং প্রবর। প্রভু ভগবান আমার এই শিবদেশীয় বস্ত্রযোড়া প্রতিগ্রহণ করুন এবং ভিক্ষুসঙ্ঘকেও গৃহপতি প্রদত্ত চীবর ব্যবহারে অনুজ্ঞা প্রদান করুন।” ভগবান বস্ত্রযোড়া^১ প্রতিগ্রহণ করিলেন।

ভগবান জীবককে ধর্মকথায় প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট করিলেন। জীবক ভগবানের ধর্মকথায় প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট হইয়া, আসন

^১। ভগবানের বুদ্ধত্ব প্রাপ্তি হইতে বস্ত্র গ্রহণ পর্যন্ত বিংশতি বৎসর ভগবান কিংবা কোন ভিক্ষুই গৃহপতি প্রদত্ত চীবর ব্যবহার করেন নাই। সকলেই পাংশুকূল (আবর্জনা স্তুপ হইতে কুড়ানো বস্ত্র সেলাই করিয়া প্রস্তুত) চীবর ব্যবহার করিয়াছিলেন।—সম-পাশা।

হইতে উঠিয়া, ভগবানকে অভিবাদন করিয়া এবং তাঁহার পুরোভাগে দক্ষিণপার্শ্ব রাখিয়া প্রস্থান করিলেন। ভগবান এই নিদানে, এই প্রকরণে ধর্মকথা উত্থাপন করিয়া ভিক্ষুগণকে আহ্বান করিলেন—

(২) নূতন বস্ত্রে প্রস্তুত চীবরের বিধান

“হে ভিক্ষুগণ! আমি অনুজ্ঞা করিতেছি : গৃহপতি প্রদত্ত চীবর ব্যবহার কর। যাহার ইচ্ছা হয় পাংশুকূল চীবর ব্যবহার করিতে পার কিংবা যাহার ইচ্ছা হয় গৃহপতি প্রদত্ত চীবর ব্যবহার করিতে পার। ভিক্ষুগণ! আমি উভয়বিধ চীবর ব্যবহারে সন্তোষ প্রকাশ করিতেছি।”

(৩) প্রাবার ব্যবহারে আদেশ

১—রাজগৃহের জনসাধারণ শুনিতে পাইল : ভগবান নাকি ভিক্ষুদিগকে গৃহপতি প্রদত্ত চীবর ব্যবহারে অনুজ্ঞা দিয়াছেন। তখন তাঁহারা ‘এখন আমরা দান দিবার এবং পুণ্যকার্য্য করিবার অবসর পাইলাম, কেননা ভগবান ভিক্ষুগণকে গৃহপতি প্রদত্ত চীবর ব্যবহারে অনুজ্ঞা দিয়াছেন’ এই ভাবিয়া হুষ্ট এবং প্রফুল্ল হইল। একদিবসেই রাজগৃহে বহুসংখ্য চীবর পাওয়া গেল। জনপদের লোকগণ শুনিতে পাইল : ভগবান নাকি ভিক্ষুগণকে গৃহপতি প্রদত্ত চীবর ব্যবহারে অনুজ্ঞা দিয়াছেন। তখন সেই জনসাধারণও ‘এখন আমরা দান দিতে পারিব এবং পুণ্যকার্য্য করিতে পারিব, কেননা ভগবান ভিক্ষুগণকে গৃহপতি প্রদত্ত চীবর ব্যবহারের অনুজ্ঞা দিয়াছেন’ এই ভাবিয়া হুষ্ট এবং প্রফুল্ল হইল। জনপদেও এক দিবসেই বহু সংখ্য চীবর পাওয়া গেল।

২—সেই সময়ে ভিক্ষুসঙ্ঘ ‘প্রাবার’ (আবরণবস্ত্র) প্রাপ্ত হইলেন। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : প্রাবার ব্যবহার কর।”

‘কৌষেয় প্রাবার’ প্রাপ্ত হইলেন। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : কৌষেয় প্রাবার ব্যবহার কর।”

‘কোজব’ (দীর্ঘ রোমশ কম্বল) প্রাপ্ত হইলেন। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : ‘কোজব’ ব্যবহার কর।”

॥ প্রথম ভণিতা সমাপ্ত ॥

(৪) কমল ব্যবহারের আদেশ

সেই সময় কাশীরাজ^১ পঞ্চশত মুদ্রা মূল্যের ক্ষৌমমিশ্রিত কমল জীবকের নিকট প্রেরণ করিয়াছিলেন। জীবক সেই পঞ্চশত মুদ্রা মূল্যের ক্ষৌমমিশ্রিত কমল লইয়া ভগবানের নিকট উপস্থিত হইলেন; উপস্থিত হইয়া ভগবানকে অভিবাদন করিয়া একান্তে উপবেশন করিলেন। একান্তে উপবেশন করিয়া জীবক ভগবানকে কহিলেন—“প্রভো! আমার এই পঞ্চশত মুদ্রা মূল্যের ক্ষৌমমিশ্রিত কমল কাশীরাজ প্রেরণ করিয়াছেন। প্রভু ভগবান আমার কমল প্রতিগ্রহণ করণ, যেন আমার দীর্ঘকালের হিত সুখ সাধিত হয়।”

ভগবান কমল প্রতিগ্রহণ করিলেন। ভগবান জীবককে ধর্মকথায় প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট করিলেন। জীবক ভগবানকে ধর্মকথায় প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট হইয়া, আসন হইতে উঠিয়া, ভগবানকে অভিবাদন করিয়া এবং তাঁহার পুরোভাগে দক্ষিণপার্শ্ব রাখিয়া প্রস্থান করিলেন। ভগবান এই নিদানে, এই প্রকরণে ধর্মকথা উত্থাপন করিয়া ভিক্ষুগণকে আহ্বান করিলেন :—“হে ভিক্ষুগণ! আমি অনুজ্ঞা করিতেছি : কমল ব্যবহার কর।”

(৫) ষড়বিধ চীবরের বিধান

সেই সময়ে ভিক্ষুগণ বিবিধ মূল্যবান চীবর প্রাপ্ত হইতে লাগিলেন। ভিক্ষুগণের মনে এই চিন্তা উদিত হইল : ‘ভগবান কোন্ চীবর ব্যবহারের অনুজ্ঞা করিয়াছেন এবং কোন্ চীবর ব্যবহারেরই বা অনুজ্ঞা করেন নাই?’ ভিক্ষুগণ ভগবানকে এই বিষয় জ্ঞাপন করিলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : ষড়বিধ চীবর, যথা—ক্ষৌম, কার্পাস, কৌষেয়, কমল, শন এবং ভঙ্গ (পূর্বোক্ত পঞ্চবিধ সংমিশ্রণে প্রস্তুত চীবর) ব্যবহার কর।”

(৬) নূতন চীবরের সঙ্গে পাংশুকূল

১—সেই সময়ে যেই ভিক্ষুগণ গৃহপতি প্রদত্ত চীবর ব্যবহার করিতেন, তাঁহারা ‘ভগবান এক প্রকার চীবর ব্যবহারের অনুজ্ঞা করিয়াছেন দুই প্রকারের নহে’ এইরূপ সন্দেহের বশবর্তী হইয়া পাংশুকূল চীবর ব্যবহারে বিরত ছিলেন। ভিক্ষুগণ! ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : যাহারা গৃহপতি প্রদত্ত চীবর ব্যবহার করে, তাহারা পাংশুকূল চীবরও ব্যবহার করিতে পারিবে। আমি উভয়বিধ চীবর ব্যবহারেই সন্তোষ (ত্যাগশীলতা) প্রকাশ করিতেছি।”

^১। কোশলরাজ প্রসেনজিতের বৈমাথ্রেয় ভ্রাতা।—সম-পাসা।

২—(ক) সেই সময়ে বহুসংখ্যক ভিক্ষু কোশল জনপদ দিয়া দীর্ঘপথ পর্য্যটনে রত ছিলেন। তাঁহাদের মধ্যে কেহ কেহ পাংশুকূল বস্ত্র সংগ্রহের জন্য শ্মশানে প্রবেশ করিলেন, কেহ কেহ প্রবেশ করিলেন না। যেই ভিক্ষুগণ পাংশুকূল বস্ত্রের জন্য শ্মশানে প্রবেশ করিয়াছিলেন তাঁহারা পাংশুকূল বস্ত্র পাইলেন। যাঁহারা প্রবেশ করেন নাই, তাঁহারা (পূর্বোক্ত ভিক্ষুদিগকে) কহিলেন, “বন্ধুগণ! আমাদিগকে অংশ প্রদান করুন।” তাঁহারা (পূর্বোক্ত ভিক্ষুগণ) কহিলেন, “বন্ধুগণ! আমরা আপনাদিগকে অংশ দিতে পারি না, আপনারা গমন করেন নাই কেন?” ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : যাহারা গমন করে নাই, তাহাদিগকে ইচ্ছা না হইলে অংশ দিবে না।”

(খ) সেই সময়ে বহুসংখ্যক ভিক্ষু কোশল জনপদ দিয়া দীর্ঘপথভ্রমণে রত ছিলেন। তাঁহাদের মধ্যে কোন কোন ভিক্ষু পাংশুকূল বস্ত্রের জন্য শ্মশানে প্রবেশ করিলেন, কোন কোন ভিক্ষু (বাহিরে) প্রতীক্ষা করিতে লাগিলেন। যেই ভিক্ষুগণ পাংশুকূল বস্ত্রের জন্য শ্মশানে প্রবেশ করিয়াছিলেন, তাঁহারা পাংশুকূল বস্ত্র লাভ করিলেন। যাঁহারা প্রতীক্ষা করিয়াছিলেন, তাঁহারা কহিলেন, “বন্ধুগণ! আমাদিগকেও অংশ প্রদান করুন।” তাঁহারা (পূর্বোক্ত ভিক্ষুগণ) কহিলেন, “বন্ধুগণ! আমরা আপনাদিগকে অংশ দিব না; আপনারা গমন করেন নাই কেন?” ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : প্রতীক্ষাকারীদিগকে ইচ্ছা না হইলেও অংশ প্রদান করিবে।”

(গ) সেই সময়ে বহুসংখ্যক ভিক্ষু কোশল জনপদ দিয়া দীর্ঘপথ পর্য্যটনে রত ছিলেন। তন্মধ্যে কোন কোন ভিক্ষু পাংশুকূল বস্ত্রের জন্য প্রথমে শ্মশানে প্রবেশ করিয়াছিলেন, কোন কোন ভিক্ষু পরে প্রবেশ করিয়াছিলেন। যেই ভিক্ষুগণ পাংশুকূল বস্ত্রের জন্য প্রথমে শ্মশানে প্রবেশ করিয়াছিলেন, তাঁহারা পাংশুকূল বস্ত্র প্রাপ্ত হইলেন। যেই ভিক্ষুগণ পরে প্রবেশ করিয়াছিলেন তাঁহারা পাইলেন না। তাঁহারা (পূর্বোক্ত ভিক্ষুগণকে) কহিলেন, “বন্ধুগণ! আমাদিগকেও অংশ প্রদান করুন।” তাঁহারা কহিলেন, “বন্ধুগণ! আমরা আপনাদিগকে অংশ দিব না, আপনারা পরে গমন করিলেন কেন?” ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : যাহারা পরে গিয়াছে, ইচ্ছা না হইলে তাহাদিগকে অংশ দিবে না।”

(ঘ) সেই সময়ে বহুসংখ্যক ভিক্ষু কোশল জনপদ দিয়া দীর্ঘপথ পর্য্যটনে রত ছিলেন। তাঁহারা সকলে এক সঙ্গে পাংশুকূল বস্ত্রের জন্য শ্মশানে প্রবেশ করিয়াছিলেন। তন্মধ্যে কোন কোন ভিক্ষু পাংশুকূল বস্ত্র পাইলেন, কোন কোন ভিক্ষু পাইলেন না। যেই ভিক্ষুগণ পাইলেন না, তাঁহারা কহিলেন, “বন্ধুগণ! আমাদিগকেও অংশ প্রদান করুন।” তাঁহারা (পূর্বোক্ত ভিক্ষুগণ) কহিলেন, “আমরা আপনাদিগকে অংশ দিব না, আপনারা পান নাই কেন?” ভিক্ষুগণ ভগবানকে এই বিষয়

জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : একসঙ্গে গমন করিলে ইচ্ছা না হইলেও অংশ প্রদান করিবে।”

(ঙ) সেই সময়ে বহুসংখ্যক ভিক্ষু কোশল জনপদ দিয়া দীর্ঘপথ পর্য্যটনে রত ছিলেন। তাঁহারা পরামর্শ করিয়া পাংশুকূল বস্ত্রের জন্য শ্মশানে প্রবেশ করিলেন। তন্মধ্যে কোন কোন ভিক্ষু পাংশুকূল পাইলেন, কোন কোন ভিক্ষু পাইলেন না। যেই ভিক্ষুগণ পাইলেন না, তাঁহারা কহিলেন, “বন্ধুগণ! আমাদিগকেও অংশ প্রদান করুন।” তাঁহারা (যাঁহারা পাইয়াছেন) কহিলেন, “বন্ধুগণ! আমরা আপনাদিগকে অংশ দিব না, আপনারা পান নাই কেন? ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : পরামর্শ করিয়া গমন করিলে ইচ্ছা না হইলেও অংশ প্রদান করিবে।”

সঙ্ঘের কর্মকারক

(১) চীবর প্রতিগ্রাহক নির্বাচন

সেই সময়ে জনসাধারণ চীবর লইয়া আরামে (বিহারে) আসিত। কিন্তু তাহারা প্রতিগ্রাহক (গ্রহণকারী) না পাইয়া চীবর ফিরাইয়া লইয়া যাইত। এইজন্য চীবর অল্প পাওয়া যাইতেছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : পঞ্চগঙ্গ-সম্পন্ন ভিক্ষুকে চীবর-প্রতিগ্রাহক নির্বাচিত করিবে। (১) যে ছন্দগামী নহে, (২) যে দ্বেষগামী নহে, (৩) যে মোহগামী নহে, (৪) যে ভয়গামী নহে এবং (৫) যে গৃহীত-অগৃহীত জানিতে পারে।”

হে ভিক্ষুগণ! এইভাবে নির্বাচন করিবে। প্রথমে (পূর্বোক্ত গুণসম্পন্ন) ভিক্ষুর মত লইতে হইবে। মত লইয়া দক্ষ এবং সমর্থ ভিক্ষু সঙ্ঘকে এইরূপ প্রস্তাব জ্ঞাপন করিবে।

জ্ঞপ্তি—মাননীয় সঙ্ঘ! আমার প্রস্তাব শ্রবণ করুন। যদি সঙ্ঘ উচিত মনে করেন, তাহা হইলে সঙ্ঘ অমুক ভিক্ষুকে চীবর প্রতিগ্রাহক নির্বাচিত করিতে পারেন।—ইহাই জ্ঞপ্তি।

অনুশ্রাবণ—মাননীয় সঙ্ঘ! আমার প্রস্তাব শ্রবণ করুন। সঙ্ঘ অমুক ভিক্ষুকে চীবর প্রতিগ্রাহক নির্বাচিত করিতেছেন। অমুক ভিক্ষুকে চীবর প্রতিগ্রাহক নির্বাচিত করা যেই আয়ুস্মান উচিত মনে করেন, তিনি মৌন থাকিবেন, যিনি উচিত মনে না করেন তিনি তাঁহার বক্তব্য ভাষায় ব্যক্ত করিবেন।

ধারণা—অমুক ভিক্ষু সঙ্ঘকর্তৃক চীবরপ্রতিগ্রাহক নির্বাচিত হইলেন। সঙ্ঘ এই প্রস্তাব উচিত মনে করিয়া মৌন রহিয়াছেন,—আমি এইরূপ ধারণা করিতেছি।

(২) চীবর-রক্ষক নির্বাচন

সেই সময়ে চীবর-প্রতিগ্রাহক ভিক্ষু চীবর প্রতিগ্রহণ করিয়া সেই স্থানেই পরিত্যাগ করিয়া প্রস্থান করিতেন। এইজন্য চীবর নষ্ট হইয়া যাইত। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : পঞ্চগঙ্গ-সম্পন্ন ভিক্ষুকে চীবর-রক্ষক নির্বাচিত কর। (১) যে ছন্দগামী নহে, (২) যে দ্বেষগামী নহে, (৩) যে মোহগামী নহে, (৪) যে ভয়গামী নহে এবং (৫) যে রক্ষিত-অরক্ষিত জানিতে সমর্থ।”

হে ভিক্ষুগণ! এইভাবে নির্বাচিত করিবে। প্রথমে ভিক্ষুর মত গ্রহণ করিতে হইবে। মত গ্রহণ করিয়া দক্ষ এবং সমর্থ ভিক্ষু সজ্জকে এইরূপ প্রস্তাব জ্ঞাপন করিবে।

জ্ঞপ্তি—মাননীয় সজ্জ! আমার প্রস্তাব শ্রবণ করুন। যদি সজ্জ উচিত মনে করেন, তাহা হইলে সজ্জ অমুক ভিক্ষুকে চীবর-রক্ষক নির্বাচিত করিতে পারেন।—ইহাই জ্ঞপ্তি।

অনুশ্রাবণ—মাননীয় সজ্জ! আমার প্রস্তাব শ্রবণ করুন। সজ্জ অমুক ভিক্ষুকে চীবর-রক্ষক নির্বাচিত করিতেছেন। অমুক ভিক্ষুকে চীবর-রক্ষক নির্বাচিত করা যেই আয়ুস্মান উচিত মনে করেন, তিনি মৌন থাকিবেন, যিনি উচিত মনে করেন না, তিনি তাঁহার বক্তব্য ভাষায় প্রকাশ করিবেন।

ধারণা—সজ্জ অমুক ভিক্ষুকে চীবর-রক্ষক নির্বাচিত করিলেন। সজ্জ এই প্রস্তাব উচিত মনে করিয়া মৌন রহিয়াছেন,—আমি এইরূপ ধারণা করিতেছি।

(৩) ভাণ্ডারগৃহ নির্ণয়

সেই সময় চীবর-রক্ষক ভিক্ষু মণ্ডপে, বৃক্ষ-মূলে, ছাঁচে অথবা খোলা স্থানে চীবর রাখিয়া দিতেন। সেখানে চীবর ইন্দুরে এবং উইয়ে কাটিতে লাগিল : ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : ভাণ্ডারগৃহ নির্ণয় কর। বিহার, আদ্যযোগ, প্রাসাদ, হর্ম্য অথবা গুহা এই সবার মধ্যে সজ্জ যেইটি ইচ্ছা করে তাহা ভাণ্ডারগৃহরূপে নির্ণয় করুক।”

হে ভিক্ষুগণ! এইভাবে নির্ণীত করিবে। দক্ষ এবং সমর্থ ভিক্ষু সজ্জকে এইরূপ প্রস্তাব জ্ঞাপন করিবে।

জ্ঞপ্তি—মাননীয় সজ্জ! আমার প্রস্তাব শ্রবণ করুন। যদি সজ্জ উচিত মনে করেন, তাহা হইলে সজ্জ অমুক বিহার ভাণ্ডারগৃহের জন্য নির্ণয় করিতে পারেন।—ইহাই জ্ঞপ্তি।

অনুশ্রাবণ—মাননীয় সজ্জ! আমার প্রস্তাব শ্রবণ করুন। সজ্জ অমুক বিহার ভাণ্ডারগৃহের জন্য নির্ণীত করিতেছেন। অমুক বিহার ভাণ্ডারগৃহ নির্ণয় করা যেই

আয়ুত্মান উচিৎ মনে করেন, তিনি মৌন থাকিবেন, যিনি উচিৎ মনে না করেন, তিনি তাঁহার বক্তব্য ভাষায় প্রকাশ করিবেন।

ধারণা—অমুক বিহার ভাণ্ডারগৃহের জন্য নির্ণীত হইল। সজ্ঞ এই প্রস্তাব উচিৎ মনে করিয়া মৌন রহিয়াছেন,—আমি এইরূপ ধারণা করিতেছি।

(৪) ভাণ্ডারী নির্বাচন

১—সেই সময়ে সজ্ঞের ভাণ্ডারগৃহে চীবর অরক্ষিত অবস্থায় থাকিত। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : পঞ্চগঙ্গ-সম্পন্ন ভিক্ষুকে ভাণ্ডারী নির্বাচিত করিবে। (১) যে ছন্দগামী নহে, (২) যে দ্বেষগামী নহে, (৩) যে মোহগামী নহে, (৪) যে ভয়গামী নহে এবং (৫) যে রক্ষিত-অরক্ষিত জানিতে সমর্থ।”

“হে ভিক্ষুগণ! এইভাবে নির্বাচন করিবে। [অবশিষ্টাংশ পূর্ববৎ।]

২—সেই সময়ে ষড়বর্গীয় ভিক্ষু ভাণ্ডারীকে স্থানচ্যুত করিতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! ভাণ্ডারীকে স্থানচ্যুত করিতে পারিবে না, যে করিবে তাহার ‘দুষ্কট’ অপরাধ হইবে।”

(৫) সঞ্চিত চীবর ভাগ করা

সেই সময়ে সজ্ঞের ভাণ্ডাগারে চীবর স্তুপীকৃত হইয়াছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : সজ্ঞের সম্মুখে ভাগ করিবে।”

(৬) চীবর-ভাজক নির্বাচন

সেই সময়ে সমগ্র ভিক্ষুসজ্ঞ একত্রিত হইয়া চীবর ভাগ করায় কোলাহল হইতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : পঞ্চগঙ্গ-সম্পন্ন ভিক্ষুকে চীবরভাজক নির্বাচিত কর। (১) যে ছন্দগামী নহে, (২) যে দ্বেষগামী নহে, (৩) যে মোহগামী নহে, (৪) যে ভয়গামী নহে এবং (৫) যে ভাজিত-অভাজিত জানিতে সমর্থ।”

হে ভিক্ষুগণ! এইভাবে নির্বাচিত করিবে। [অবশিষ্টাংশ পূর্ববৎ।]

(৭) চীবর ভাগ করিবার নিয়ম

চীবর-ভাজক ভিক্ষুগণের মনে এই চিন্তা উদিত হইল : “কিরূপে চীবর ভাগ করিতে হইবে?” ভিক্ষুগণ ভগবানকে এই বিষয় জানাইলেন। (ভগবান

কহিলেন :—) “হে ভিক্ষুগণ! আমি অনুজ্ঞা করিতেছি : প্রথমে চীবর বাছিয়া^১, মূল্য নিরূপণ করিয়া^২, সমমূল্য করিয়া^৩, ভিক্ষু গণনা করিয়া^৪ এবং পুঁটলি বাঁধিয়া^৫ চীবরের ভাগ বসাইবে।”

(৮) শ্রামণেরকে অংশ প্রদান

১—ভিক্ষুগণের মনে এই চিন্তা উদিত হইল : “শ্রামণেরকে চীবর অংশ কিরূপ দিতে হইবে?” ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : শ্রামণেরকে^৬ অর্দ্ধেকাংশ প্রদান করিবে।”

২—সেই সময়ে জনৈক ভিক্ষু স্বীয় অংশ লইয়া উত্তীর্ণ হইবার ইচ্ছা প্রকাশ করিল^৭। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! আমি অনুজ্ঞা করিতেছি : স্থানান্তরে গমনকারীকে তাহার অংশ^৮ প্রদান করিবে।

৩—সেই সময়ে জনৈক ভিক্ষু অতিরিক্ত অংশ লইয়া স্থানান্তরে গমনের ইচ্ছা জ্ঞাপন করিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

^১। ইহা স্থূল, ইহা সূক্ষ্ম, ইহা ঘন, ইহা পাতলা, ইহা ব্যবহৃত, ইহা অব্যবহৃত ইহার দৈর্ঘ্য এত, প্রস্থ এত এইরূপে পৃথক করা;

^২। ইহার মূল্য এত এবং উহার মূল্য অত এরূপে মূল্য নির্ধারণ করা;

^৩। যদি সমস্ত চীবরই সমমূল্যের হয় তবে ভাল, যদি সমমূল্যের না হয়, তাহা হইলে অন্য চীবর পূরণ করিয়া দিয়া সমমূল্যের করিয়া পুঁটলি বাঁধিতে হইবে;

^৪। এক একজনকে দিতে গেলে দিবসে কুলাইবে না, এইজন্য দশ দশজন ভিক্ষু গণিয়া;

^৫। দশ দশ অংশ এক পুঁটলি বাঁধিয়া অংশ স্থাপন করিতে হইবে;

^৬। যেই শ্রামণের ভিক্ষুসঙ্ঘের কোন কার্য্য করে না কেবল শিক্ষাকার্য্যে এবং আচার্য্য উপাধ্যায়ের সেবায় রত থাকে, তাহাকে অর্দ্ধেকাংশ প্রদান করিতে হয়। যে সকালে এবং বিকালে ভিক্ষুসঙ্ঘের সেবা করে তাহাকে সমান অংশ দিতে হয়।—সম-পাসা।

^৭। যে নদী বা বনপথ অতিক্রম করিতে ইচ্ছা করে অথবা শকট পাইয়া স্থানান্তরে যাইতে ইচ্ছা করে।—সম-পাসা।

^৮। ভাণ্ডারগৃহ হইতে চীবর বাহির করিয়া, রাশি করিয়া ঘণ্টাধ্বনি করিবার পর ভিক্ষুসঙ্ঘ সমবেত হইলে, যে শকট পাইয়া যাইতে ইচ্ছুক হয় সে ‘শকট লাভে বঞ্চিত না হউক’ এইজন্য উক্ত আদেশ প্রদত্ত হইয়াছে। চীবর বাহির করা না হইলে, ঘণ্টাধ্বনি করা না হইলে এবং ভিক্ষুসঙ্ঘও সমবেত না হইলে অংশ দেওয়া উচিত নহে। চীবর বাহির করা হইলে এবং ঘণ্টাধ্বনিতে ভিক্ষুসঙ্ঘ সমবেত হইলে চীবর ভাজকের ‘এই ভিক্ষুর অংশ এত হইতে পারে’ এই অনুমান করিয়া চীবর দেওয়া উচিত। অনুমান করিয়া সমান অংশ দেওয়া সম্ভব নহে। এইজন্য অধিক হউক বা অল্প হউক অনুমানে যাহা প্রদত্ত হয় তাহা ন্যায়সম্মত। কম হইলে পুনঃ দিতে হয় না, কিংবা বেশী হইলে ফেরৎ লইতে হয় না।—সম-পাসা।

“হে ভিক্ষুগণ! আমি অনুজ্ঞা করিতেছি : প্রত্যর্পণ^১ করিলে অতিরিক্ত অংশ প্রদান করিবে।”

(৯) চীবরের উপর কুশ নিক্ষেপ

চীবর-ভাজক ভিক্ষুগণের মনে এই চিন্তা উদিত হইল : “চীবরের অংশ কিভাবে দিতে হইবে? হাতে যেইখানা উঠে সেইখানা দিতে হইবে, না পুরাতনক্রমে দিতে হইবে?” ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : অংশহীনকে তুষ্ট করিয়া (বিকলকে তোসেড়া)^২ কুশ নিক্ষেপ করিবে।”

চীবর রঞ্জনাদি করা

(১) চীবর রঞ্জিত করিবার রঙ

সেই সময়ে ভিক্ষুগণ গোময় এবং পাণ্ডুবর্ণ মৃত্তিকা দ্বারা চীবর রঞ্জিত করিতেন। তাহাতে চীবর দুর্বর্ণ হইয়া যাইত। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : ষড়বিধ রঙ, যথা—(১) বৃক্ষের শিকড়ের রঙ, (২) বৃক্ষের গুঁড়ির রঙ, (৩) বৃক্ষ-তৃকের রঙ, (৪) বৃক্ষ-পত্রের রঙ, (৫) পুষ্পের রঙ এবং (৬) ফলের রঙ।”

(২) রঙ পাক করা

১—সেই সময়ে ভিক্ষুগণ শীতলজল মিশ্রিত রঙ দ্বারা চীবর রঞ্জিত করায় তাঁহাদের চীবর দুর্গন্ধ হইতে লাগিল। ভিক্ষুগণ ভগবানকে এই বিষয় জানাইলেন।

^১। যদি ভিক্ষুও দশজন হয় কাপড়ও দশখানা হয় এবং তন্মধ্যে একটি কাপড়ের মূল্য অধিক হয় তাহা হইলে যেই ভিক্ষু সেই অধিক মূল্যের কাপড় পাইবে তাহাকে অতিরিক্ত মূল্যের কোন উপযুক্ত সামগ্রী যাহারা কমদামের পাইয়াছে, তাহাদিগকে দিতে হইবে।

^২। বিকলক দ্বিবিধ, যথা, চীবর ‘বিকলক’ এবং ব্যক্তি ‘বিকলক’ (বিকলক অর্থ অপূর্ণ)। প্রত্যেকে পাঁচখানা করিয়া কাপড় পাইবার পর কাপড় আরও জমা থাকে কিন্তু প্রত্যেককে আবার একখানা করিয়া দিলে যদি সঙ্কলান না হয় তাহা হইলে ছিঁড়িয়া দিতে হইবে। ছিঁড়িবার সময় ব্যবহারে লাগে মত ছিঁড়িতে হইবে। অব্যবহার্য্যভাবে ছেঁড়া উচিত নহে। চীবর অল্প হওয়ায় ইহাকে ‘চীবর বিকলক’ বলে। ছিঁড়িয়া দিলে গৃহীতাকে তুষ্ট করা হয়। অতঃপর কুশ নিক্ষেপ করিবে। চীবরে না কুলাইলে সমমূল্যের অন্য দ্রব্য দিয়াও তুষ্ট করা চলে। দশ দশজন ভিক্ষুকে এক একদলে বিভক্ত করিলে যদি দলে কম হয়, আট বা নয় দল হয় তাহা হইলে আট বা নয় ভাগ দিয়া বলিতে হয় : ইহা আপনারা গ্রহণ করুন। ইহাকে ‘ব্যক্তি বিকলক’ বলে।—সম-পাসা।

(ভগবান কহিলেন :—) “হে ভিক্ষুগণ! আমি অনুজ্ঞা করিতেছি : রঙ পাক কর এবং স্থলী (আধার) ব্যবহার কর।”

২—রঙ আধার প্লাবিত করিয়া গড়াইয়া যাইতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : ‘উত্তরালুম্প’^১ বন্ধন (স্থাপন) কর।”

৩—সেই সময়ে ভিক্ষুগণ জানতে পারিলেন না : রঙ পাক হইল কি হইল না। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : জলে অথবা নখ-পৃষ্ঠে রঙের ফোঁটা নিক্ষেপ করিয়া পরীক্ষা করিয়া দেখ।”

(৩) রঙ রাখিবার পাত্র

১—সেই সময়ে ভিক্ষুগণ রঙ নামাইবার সময় কুন্ডি আবর্তিত হওয়ায় (উল্টিয়া পড়ায়)। কুন্ডি ভগ্ন হইতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : ‘রজনুলুক’^২ এবং সদগু থালা ব্যবহার কর।”

২—সেই সময়ে ভিক্ষুগণের রঙ রাখিবার পাত্র ছিল না। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : রঙের চাটি এবং রঙের ঘট ব্যবহার কর।”

৩—সেই সময়ে ভিক্ষুগণ হাঁড়িতে এবং পাত্রে চীবর মর্দন করায় চীবর ছিঁড়িতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : রঙের দ্রোণি^৩ ব্যবহার কর।”

(৪) চীবর শুখাইবার সামগ্রী

১—সেই সময়ে ভিক্ষুগণ ভূমিতে চীবর প্রসারিত করায় চীবর ধূলিলিপ্ত হইত। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : তৃণের উপর প্রসারিত কর।”

২—তৃণে চীবর প্রসারিত করায় চীবর উইয়ে খাইতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : চীবর বাঁশে অথবা রজ্জুতে প্রসারিত কর।”

^১। পাকস্থলীর মধ্যস্থলে স্থাপন করিবার বংশাদিদ্ধারা নির্মিত চুপড়ি বিশেষ।

^২। সদগু নারিকেলের খোলা।

^৩। প্রস্তুত বা অন্য কোন দ্রব্য নির্মিত চীবর রঞ্জিত করিবার বিশাল পাত্র। তাহার নমুনা অদ্যাপি সাক্ষিতে বিদ্যমান আছে।

(৫) রঞ্জিত করিবার নিয়ম

১—চীবরের মধ্যস্থানে রঙ লাগিত না; রঙ উভয়পার্শ্ব দিয়া পড়িয়া যাইত। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : চীবরের কোণা বন্ধন কর।”

২—কোণা জীর্ণ হইতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : কোণা বাঁধিবার সূত্র ব্যবহার কর।”

৩—রঙ পার্শ্ব দিয়া ক্ষরিত হইতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : বারম্বার উল্টাইয়া পাল্টাইয়া রঞ্জিত করিবে এবং যাবৎ ক্ষরণ বন্ধ না হয় তাবৎ স্থান-ত্যাগ করিবে না।”

৪—সেই সময়ে (বারম্বার রঙ দেওয়ায়) চীবর শক্ত হইয়া যাইত। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : চীবর জলে ডুবাইয়া রাখিবে।”

৫—সেই সময়ে চীবর কর্কশ হইতেছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : হস্ত দ্বারা চীবর খাবড়াইবে।”

চীবর ছেদন, সংখ্যা এবং জীর্ণ সংস্কার

(১) ছিড়িয়া সেলাই করা চীবরের বিধান

সেই সময়ে ষড়্‌বর্গীয় ভিক্ষু ছেদন না করিয়া দন্তবর্ণ^১ চীবর ব্যবহার করিতেছিল। তাহা দেখিয়া জনসাধারণ ‘যেন কামভোগী গৃহী!’ এই বলিয়া আন্দোলন, নিন্দা এবং প্রকাশ্যে দুর্নাম প্রচার করিতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! ছেদন না করিয়া চীবর ব্যবহার করিতে পারিবে না; যে ব্যবহার করিবে তাহার ‘দুষ্কট’ অপরাধ হইবে।”

^১। একবার কিংবা রঞ্জিত করা চীবর।

[স্থান :—দক্ষিণাগিরি]

ভগবান রাজগৃহে যথারূচি অবস্থান করিয়া দক্ষিণাগিরি অভিমুখে পর্য্যটনে বাহির হইলেন। ভগবান মগধ-ক্ষেত্র ‘অচ্চিবদ্ধ’^১ ‘পালিবদ্ধ’^২ ‘মরিয়াদবদ্ধ’^৩ এবং ‘সিদ্ধাটক বদ্ধ’^৪ দেখিতে পাইলেন; দেখিতে পাইয়া আয়ুত্মান আনন্দকে আহ্বান করিলেন :—“হে আনন্দ! তুমি কি দেখিতেছ মগধ-ক্ষেত্র ‘অচ্চিবদ্ধ’, ‘পালিবদ্ধ’, ‘মরিয়াবদ্ধ’ এবং ‘সিদ্ধাটকবদ্ধ’?” “হাঁ, প্রভো! দেখিতেছি।” “আনন্দ! তুমি কি ভিক্ষুগণের জন্য এরূপ চীবর প্রস্তুত করিতে পারিবে?” “হাঁ, ভগবন্! পারিব।”

[স্থান :—রাজগৃহ]

ভগবান দক্ষিণাগিরিতে যথারূচি অবস্থান করিয়া পুনরায় রাজগৃহে প্রত্যাবর্তন করিলেন। আয়ুত্মান আনন্দ বহুসংখ্যক ভিক্ষুর চীবর প্রস্তুত করিয়া ভগবানের নিকট উপস্থিত হইলেন। উপস্থিত হইয়া ভগবানকে কহিলেন—“প্রভু ভগবন্ আমার তৈয়ারি চীবর অবলোকন করুন।”

ভগবান এই নিদানে, এই প্রকরণে ধর্ম্মকথা উত্থাপন করিয়া ভিক্ষুগণকে আহ্বান করিলেন :—“হে ভিক্ষুগণ! আনন্দ পণ্ডিত এবং প্রাজ্ঞ। কেননা সে আমার সংক্ষিপ্ত বাক্যের অর্থ বুঝিতে সমর্থ হইয়াছে। ‘কুসি’^৫ করিয়াছে, ‘অড্‌চকুসি’^৬ করিয়াছে, ‘মণ্ডল’^৭ করিয়াছে, ‘অড্‌চমণ্ডল’^৮ (অর্দ্ধমণ্ডল) করিয়াছে, ‘বিবট্ট’^৯ করিয়াছে, ‘অনুবিবট্ট’^{১০} করিয়াছে, ‘গীবেয়’^{১১} করিয়াছে, ‘জঙ্ঘেয়’^{১২} করিয়াছে, ‘বাহন্ত’^{১৩}

^১। জমির চতুঃপার্শ্বে ডাঙ্গা বাঁধা;

^২। দীর্ঘ ও প্রস্থ আইল দেওয়া;

^৩। মধ্যে মধ্যে হ্রস্ব আইল দেওয়া;

^৪। চারি কোণ মিলাইয়া বাঁধা।

^৫। চীবরের দীর্ঘপ্রস্থ প্রান্তে সংযুক্ত পাড়

^৬। মধ্যে মধ্যে যেই ছোট ছোট বস্ত্রখণ্ড লাগান হয়, অর্দ্ধকুশী।

^৭। পঞ্চাংখণ্ডযুক্ত চীবরের এক এক খণ্ড যে চৌকোণ করিয়া ‘ঘর’ করা হয়। ইহাকে মহামণ্ডলও বলা হয়।

^৮। অর্দ্ধমণ্ডল, ক্ষুদ্র মণ্ডল

^৯। উত্তমণ্ডলও অমণ্ডল এক সঙ্গে সেলাই কৃত মধ্যমণ্ডল, বিবর্ত।

^{১০}। মধ্যমণ্ডলের দুই পার্শ্বস্থিত খণ্ডদ্বয়।

^{১১}। গ্রীবা বেড়াইয়া চীবরের যেই পাড় পাড় সেই পাড়ের উপরে যে ক্ষুদ্র দীর্ঘবস্ত্রখণ্ড দৃঢ় করিবার জন্য লাগান হয়; গ্রীবেয়

^{১২}। জঙ্ঘা বেড়াইয়া যেই পাড় পড়ে, তদুপরি যে ক্ষুদ্র দীর্ঘ বস্ত্রখণ্ড লাগান হয়।

করিয়াছে, ছেদন করিয়া সেলাই করিয়াছে, শস্ত্রদ্বারা অপকৃষ্ট করিয়াছে, শ্রমণোপযোগী করিয়াছে এবং চোরের ব্যবহারের অযোগ্য করিয়াছে।

“হে ভিক্ষুগণ! আমি অনুজ্ঞা করিতেছি : সজ্জাটি, উত্তরাসঙ্গ এবং অন্তর্বাস ছেদন করিয়া ব্যবহার করিবে।”

[স্থান :—বৈশালী]

(২) চীবরের সংখ্যা

ভগবান রাজগৃহে যথারূচি অবস্থান করিয়া বৈশালী অভিমুখে পর্যটনে যাত্রা করিলেন। ভগবান রাজগৃহ এবং বৈশালীর মধ্যবর্তী রাস্তায় দীর্ঘপথযাত্রী অনেক ভিক্ষুকে দেখিতে পাইলেন : কেহ মাথায় করিয়া চীবরের পুঁটলি বহন করিয়া, কেহ স্কন্ধে করিয়া চীবরের পুঁটলি বহন করিয়া এবং কেহ বা কটিতে চীবরের পুঁটলি লইয়া আসিতেছে। দেখিয়া ভগবানের মনে এই চিন্তা উদিত হইল : “এই মূর্খগণ অতিশীঘ্র চীবরবাহুল্যে (চীবর সঞ্চয়ে) আবর্তিত হইয়াছে। অতএব আমি চীবরের সংখ্যা নির্দিষ্ট করিয়া দিব, মর্যাদা (সীমা) স্থাপন করিয়া দিব।” ভগবান ক্রমান্বয়ে পর্যটন করিয়া বৈশালী গমন করিলেন। ভগবান বৈশালীতে অবস্থান করিতে লাগিলেন,—গৌতমক চৈত্রে। সেই সময় ভগবান হেমন্তঋতুর শীত রাত্রিতে ‘অন্তর্যষ্টকায়’ হিমপাত সময়ে রাত্রিতে উনুজস্থানে একটিমাত্র চীবর লইয়া উপবেশন করিলেন। ভগবানের শৈত্যবোধ হইল না। প্রথম যাম অতিবাহিত হইবার পর ভগবানের শৈত্যবোধ হইল। ভগবান অন্য একখানা চীবরে দেহ আবৃত করিলেন, তখন ভগবানের শৈত্যবোধ হইল না। দ্বিতীয়যাম অতিবাহিত হইবার পর ভগবানের শৈত্যবোধ হইল, তখন ভগবান আর একখানা চীবরে দেহ আবৃত করিলেন, তখন ভগবানের শৈত্যবোধ হইল না। অস্তিমযাম অতিবাহিত হইতেছে, রাত্রি অবসানে অরুণালোক নিঃসৃত হইতেছে এমন সময় ভগবানের শৈত্যবোধ হইল, তখন ভগবান আর একখানা চীবরে দেহ আবৃত করিলেন। তাহাতে ভগবানের আর শৈত্যবোধ হইল না। অনন্তর ভগবানের মনে এই চিন্তা উদিত হইল : “যেই সব শীত ভীরা কুলপুত্র এই ধর্মবিনয়ে প্রব্রজিত হইয়াছে, তাহারাও ত্রিচীবরে সময় অতিবাহিত করিতে পারিবে। অতএব আমি ভিক্ষুগণের চীবরের সীমা নির্দিষ্ট করিয়া দিব, মর্যাদা স্থাপন করিব এবং ত্রিচীবরের অনুজ্ঞা দিব।”

ভগবান এই নিদানে, এই প্রকরণে ধর্মকথা উত্থাপন করিয়া ভিক্ষুগণকে আশ্বাসন করিলেন :—“হে ভিক্ষুগণ! আমি রাজগৃহ এবং বৈশালীর মধ্যবর্তী রাস্তা দিয়া দীর্ঘ

^১। মধ্য তিন খণ্ডের উভয়পার্শ্বে দুই খণ্ড বস্ত্র সংযোগ করিয়া যে চীবর সেলাই করা হয়, সেই সম্পূর্ণ চীবরের নাম।

পথযাত্রী হইয়া দেখিতে পাইলাম : অনেক ভিক্ষু চীবরের পুঁটলি মাথায় করিয়া, স্কন্ধে করিয়া, কটিতে করিয়া আসিতেছে। দেখিয়া আমার ভিক্ষু চীবরের পুঁটলি মাথায় করিয়া, স্কন্ধে করিয়া, কটিতে করিয়া আসিতেছে। দেখিয়া আমার মনে এই চিন্তা উদিত হইল : “অতিশীঘ্র এই মূৰ্খগণ চীবর সঞ্চয়ে রত হইয়া পড়িয়াছে! অতএব আমি ভিক্ষুগণের চীবরের সংখ্যা নির্দিষ্ট করিয়া দিব, মর্যাদা স্থাপন করিব।” হে ভিক্ষুগণ! আমি হেমন্ত ঋতুর শীত রাত্রিতে ‘অন্তঅষ্টকায়’ হিমবাতের সময় রাত্রিতে উন্মুক্তস্থানে একমাত্র চীবর পরিয়া উপবেশন করিলাম; আমার শৈত্যবোধ হইল না। প্রথম যাম অতিবাহিত হইবার পর আমার শৈত্যবোধ হইল; তখন আমি দ্বিতীয় চীবর পরিধান করিলাম, তখন আমার শৈত্যবোধ হইল না। মধ্যমযাম অতিবাহিত হইবার পর আমার শৈত্যবোধ হইল, আমি তৃতীয় চীবর পরিধান করিলাম, তখন আমার শৈত্যবোধ হইল না। অস্তিমযাম অতিবাহিত হইবার সময়, রাত্রি অবসানে অরুণোদয়ের প্রাক্কালে আমার শৈত্যবোধ হইল, তখন আমি চতুর্থ চীবর পরিধান করিলাম, তখন আমার শৈত্যবোধ হইল না। ভিক্ষুগণ! তখন আমার মনে এই চিন্তা উদিত হইল : যেই সব শীতভীরু কুলপুত্র এই ধর্মবিনয়ে প্রব্রজিত হইয়াছে তাহারাও ত্রিচীবরে কাল অতিবাহিত করিতে পারে; অতএব আমি চীবরের সংখ্যা নির্দিষ্ট করিয়া দিব, মর্যাদা স্থাপন করিব, ত্রিচীবরের অনুজ্ঞা প্রদান করিব।’

“হে ভিক্ষুগণ! আমি অনুজ্ঞা করিতেছি : ত্রিচীবর, যথা—দোহার (দ্বিগুণ) সজ্জাটি, একগুণ উত্তরাসঙ্গ এবং একগুণ অন্তর্বাস ব্যবহার কর।”

(৩) অতিরিক্ত চীবর সম্বন্ধে নিয়ম

১—সেই সময়ে ষড়বর্গীয় ভিক্ষু ‘ভগবান ত্রিচীবর ব্যবহারের অনুজ্ঞা দিয়াছেন’ এই ভাবিয়া অন্য একসেট ত্রিচীবরে গ্রামে গমন করিতেন, অন্য একসেট ত্রিচীবরে আরামে (বিহারে) অবস্থান করিতেন এবং অন্য একসেট ত্রিচীবরে স্নান করিতেন। অল্পেচ্ছু ভিক্ষুগণ আন্দোলন, নিন্দা এবং প্রকাশ্যে আলোচনা করিতে লাগিলেন : ‘কেন ষড়বর্গীয় ভিক্ষু অতিরিক্ত ত্রিচীবর ব্যবহার করিতেছেন?’ সেই ভিক্ষুগণ ভগবানকে এই বিষয় জানাইলেন। ভগবান এই নিদানে, এই প্রকরণে ধর্মকথা উত্থাপন করিয়া ভিক্ষুগণকে আহ্বান করিলেন :—“হে ভিক্ষুগণ! (ত্রিচীবরের) অতিরিক্ত চীবর ব্যবহার করিতে পারিবে না; যে ব্যবহার করিবে তাহার ধর্মানুসারে’ প্রতিকার করিতে হইবে।”

১। ভিক্ষু ত্রিচীবরের অতিরিক্ত চীবর অধিষ্ঠান কিংবা বোনামা করা ব্যতীত দশদিনের অধিক ব্যবহার করিলে তাহার নিসঙ্গীয় পাচিভিগ্ন অপরাধ হয়। তাহা সজ্জ, গণ বা এক ব্যক্তির নিকট ত্যাগ করিয়া অপরাধের প্রতিকার করিতে হয়।—সুত্ত-বিভ।

২—সেই সময়ে আয়ুষ্মান আনন্দের নিকট অতিরিক্ত চীবর ছিল। আয়ুষ্মান আনন্দ সেই চীবর আয়ুষ্মান শারীপুত্রকে দিবার সঙ্কল্প করিয়াছিলেন। তখন আয়ুষ্মান শারীপুত্র সাকেতে অবস্থান করিতেছিলেন। আয়ুষ্মান আনন্দের মনে এই চিন্তা উদিত হইল : ‘ভগবান বিধান দিয়াছেন : অতিরিক্ত চীবর ব্যবহার করিতে পারিবে না। আমি এই অতিরিক্ত চীবরখানা পাইয়াছি, এই চীবর আমি আয়ুষ্মান শারীপুত্রকে দিবার ইচ্ছা করিয়াছি, কিন্তু আয়ুষ্মান শারীপুত্র সাকেতে অবস্থান করিতেছেন, অতএব এখন আমায় কি করিতে হইবে?’ আয়ুষ্মান আনন্দ ভগবানকে এই বিষয় জানাইলেন। (ভগবান কহিলেন :—) “আনন্দ! কয়দিন পরে শারীপুত্র আগমন করিবে?” “ভগবন্! নয় কিংবা দশদিন পরে আসিবেন।” তখন ভগবান এই নিদানে, এই প্রকরণে ধর্মকথা উত্থাপন করিয়া ভিক্ষুগণকে আহ্বান করিলেন :—“হে ভিক্ষুগণ! আমি অনুজ্ঞা করিতেছি : দশদিন পর্য্যন্ত অতিরিক্ত চীবর ব্যবহার করিতে পারিবে।”

৩—সেই সময়ে ভিক্ষুগণ অতিরিক্ত চীবর প্রাপ্ত হইয়াছিলেন। ভিক্ষুগণের মনে এই চিন্তা উদিত হইল : ‘অতিরিক্ত চীবর আমাদিগকে কি করিতে হইবে?’ ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : অতিরিক্ত চীবর বেনামা (বিকল্পং)^১ করিবে।”

[স্থান :—বারাণসী]

(৪) চীবরে তালি দেওয়া

ভগবান বৈশালীতে যথারূপে অবস্থান করিয়া বারাণসী অভিমুখে পর্য্যটনে বাহির হইলেন। ক্রমান্বয়ে পর্য্যটন করিয়া বারাণসীতে গমন করিলেন। ভগবান বারাণসীতে অবস্থান করিতে লাগিলেন,—ঋষিপুত্রনে, মৃগদাবে। সেই সময় জনৈক ভিক্ষুর অন্তর্বাসে ছিদ্র হইয়াছিল। তখন সেই ভিক্ষুর মনে এই চিন্তা উদিত হইল : ‘ভগবান ত্রিচীবর ব্যবহারের বিধান দিয়াছেন : দ্বিগুণ সজ্জাটি, একগুণ উত্তরাসঙ্গ এবং একগুণ অন্তর্বাস। আমার এই অন্তর্বাসে ছিদ্র হইয়াছে; অতএব আমি তালি দিব। এরূপ করিলে চতুষ্পার্শ্বে দোহারা এবং মধ্যে একগুণ হইবে।’ এই ভাবিয়া সেই ভিক্ষু তালি দিতে আরম্ভ করিলেন। ভগবান শয়নাসন দর্শনার্থ বিচরণ করিবার সময় সেই ভিক্ষুকে তালি দিতে দেখিতে পাইলেন। দেখিয়া সেই ভিক্ষুর নিকট

^১। ইমং চীবরং তুযং বিকল্পেমি’ এইবাক্য তিনবার বলিয়া যে কোন ব্যক্তির নিকট বেনামা করিতে হয়। যাহার নামে বেনামা করা হয় তাহাকে ‘মযং সন্তকং বিসসজেহি বা পরিভুঞ্জহি বা যথাপচয়ং বা করোহি’ এইবাক্য তিনবার বলিয়া যাহার চীবর তাহাকে প্রতর্পণ করিতে হয়।

উপস্থিত হইলেন; উপস্থিত হইয়া কহিলেন :—“ভিক্ষু! তুমি কি করিতেছ?” “প্রভো! আমি অন্তর্বাস তালি দিতেছি।” “ভিক্ষু, সাধু, সাধু!! তুমি তালি দিয়া সাধুকার্য্য করিতেছ।”

অনন্তর ভগবান এই নিদানে, এই প্রকরণে ধর্ম্মকথা উত্থাপন করিয়া ভিক্ষুগণকে আহ্বান করিলেন :—“হে ভিক্ষুগণ! আমি অনুজ্ঞা করিতেছি : নূতন বা নূতন সদৃশ^১ বস্ত্রের দ্বিগুণ সজ্জাটি, একগুণ উত্তরাসঙ্গ এবং একগুণ অন্তর্বাস; পুরাতন^২ বস্ত্রের চতুর্গুণ সজ্জাটি, দ্বিগুণ উত্তরাসঙ্গ এবং দ্বিগুণ অন্তর্বাস; পাংশুকূল বস্ত্রে যথারূচি চীবর প্রস্তুত করিবে এবং দোকানের সম্মুখে পতিত বস্ত্র অনুসন্ধান করিবে।

“হে ভিক্ষুগণ! আমি অনুজ্ঞা করিতেছি : তালি, রিফু, ‘ওবট্টিক’ ‘কণ্ডুসক’ এবং ‘দল্হিকম্ম’^৩ করিবে।”

[স্থান :—শ্রাবস্তী]

(৫) বিশাখার বর

ভগবান বারাণসীতে যথারূচি অবস্থান করিয়া শ্রাবস্তী অভিমুখে পর্য্যটনে বাহির হইলেন। ক্রমান্বয়ে পর্য্যটন করিয়া শ্রাবস্তীতে গমন করিলেন। ভগবান শ্রাবস্তীতে অবস্থান করিতে লাগিলেন,—জেতবনে, অনাথপিণ্ডের আরামে। মৃগারমাতা বিশাখা ভগানের নিকট উপস্থিত হইলেন; উপস্থিত হইয়া ভগবানকে অভিবাদন করিয়া একান্তে উপবেশন করিলেন। ভগবান একান্তে উপবিষ্ট মৃগারমাতা বিশাখাকে ধর্ম্মকথায় প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট করিলেন। মৃগারমাতা বিশাখা ভগবানের ধর্ম্মকথায়, প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট হইয়া ভগবানকে কহিলেন :—“প্রভু ভগবান ভিক্ষুসঙ্ঘসহ আগামীকল্য আমার অন্ন গ্রহণে সম্মতি জ্ঞাপন করুন।” ভগবান মৌনভাবে সম্মতি জানাইলেন। মৃগারমাতা বিশাখা ভগবানের সম্মতি জানিয়া, আসন হইতে উঠিয়া, ভগবানকে অভিবাদন করিয়া এবং তাঁহার পুরোভাগে দক্ষিণপার্শ্ব রাখিয়া প্রস্থান করিলেন।

সেই সময়ে সেই রাত্রি অবসানে চতুর্দীপ প্রসারী^৪ মহামেঘ বর্ষণ করিল। ভগবান ভিক্ষুগণকে আহ্বান করিলেন :—“হে ভিক্ষুগণ! জেতবনে যেমন বর্ষিত হইতেছে এইরূপ চারিদীপে বর্ষিত হইতেছে। অতএব ভিক্ষুগণ! তোমরা দেহে বারিবর্ষণ করাও, ইহা চতুর্দীপ প্রসারী অন্তিম মহামেঘ।” “যথা আজ্ঞা, প্রভো!” বলিয়া সেই

^১। একবার ধৌত বস্ত্র;

^২। যেই বস্ত্র চারিমাসের অধিক কাল বাক্সে রাখা হইয়াছে।

^৩। এই সবের ব্যাখ্যা ৩৩৫ পৃষ্ঠার পাদটীকায় দ্রষ্টব্য।

^৪। যেই মেঘ একই সময় চারি দীপে বারি বর্ষণ করে।—সম-পাসা।

ভিক্ষুগণ ভগবানকে প্রত্যুত্তরে সম্মতি জানাইয়া চীবর খুলিয়া রাখিয়া (নগ্ন হইয়া) দেহে বারি বর্ষণ করাইতে লাগিলেন। মৃগারমাতা বিশাখা উত্তম খাদভোজ্য প্রস্তুত করাইয়া দাসীকে আদেশ করিলেন—“দাসি! আরামে (বিহারে) যাইয়া সময় জ্ঞাপন কর : ‘প্রভো! ভোজনের সময় উপস্থিত হইয়াছে, আহাৰ্য্য প্রস্তুত’।” “যথা আজ্ঞা, আর্য্যো!” বলিয়া সেই দাসী মৃগারমাতা বিশাখাকে প্রত্যুত্তরে সম্মতি জানাইয়া আরামে যাইয়া দেখিল : ভিক্ষুগণ চীবর খুলিয়া রাখিয়া দেহে বারিবর্ষণ করাইতেছেন। দেখিয়া ‘আরামে ভিক্ষু নাই আজীবকগণ দেহে বারিবর্ষণ করাইতেছেন’ এই ভাবিয়া মৃগারমাতা বিশাখার নিকট উপস্থিত হইয়া মৃগারমাতা বিশাখাকে কহিল—“আর্য্যো! আরামে ভিক্ষু নাই, আজীবকগণ দেহে বারিবর্ষণ করাইতেছেন।” মৃগারমাতা বিশাখা পণ্ডিতা, নিপুণা এবং মেধাবিনী ছিলেন, তাই তাঁহার মনে এই চিন্তা উদিত হইল : “নিশ্চয়ই আর্য্যগণ (ভিক্ষুগণ) চীবর ত্যাগ করিয়া (নগ্ন হইয়া) দেহে বারিবর্ষণ করাইতেছেন, তাহা দেখিয়া এই মূৰ্খা মনে করিয়াছে আরামে ভিক্ষু নাই, আজীবকগণ (নগ্ন সন্ন্যাসিগণ) দেহে বারিবর্ষণ করাইতেছে।” তিনি পুনরায় দাসীকে আদেশ করিলেন—“দাসি! আরামে যাইয়া জানাইয়া আস : ‘প্রভো! ভোজনের সময় হইয়াছে, আহাৰ্য্য প্রস্তুত’।”

সেই ভিক্ষুগণ গাত্র শীতল করিয়া, আর্দ্রদেহে চীবর গ্রহণ স্ব স্ব বিহারে প্রবেশ করিলেন। তখন সেই দাসী আরামে যাইয়া ভিক্ষু দেখিতে না পাইয়া ‘আরামে ভিক্ষু নাই, আরাম শূন্য’ এই মনে করিয়া মৃগারমাতা বিশাখার নিকট উপস্থিত হইল; উপস্থিত হইয়া মৃগারমাতা বিশাখাকে কহিল—“আর্য্যো! আরামে ভিক্ষু নাই, আরাম শূন্য।” মৃগারমাতা বিশাখা পণ্ডিতা, নিপুণা এবং মেধাবিনী ছিলেন, তাই তাঁহার মনে এই চিন্তা উদিত হইল : “নিশ্চয় আর্য্যগণ গাত্র শীতল করিয়া আর্দ্রদেহে চীবর গ্রহণ করিয়া স্ব স্ব বিহারে প্রবেশ করিয়াছেন। এইজন্য এই মূৰ্খা মনে করিয়াছে আরামে ভিক্ষু নাই, আরাম শূন্য।” পুনরায় তিনি দাসীকে আদেশ করিলেন—“দাসি! আরামে যাইয়া জানাইয়া আস : প্রভো! ভোজনের সময় উপস্থিত, আহাৰ্য্য প্রস্তুত হইয়াছে।”

ভগবান ভিক্ষুগণকে আহ্বান করিলেন—“হে ভিক্ষুগণ! পাত্রচীবর লইয়া প্রস্তুত হও, ভোজনের সময় হইয়াছে।” “যথা আজ্ঞা, প্রভো!” বলিয়া ভিক্ষুগণ ভগবানকে প্রত্যুত্তরে সম্মতি জ্ঞাপন করিলেন। ভগবান পূর্বাঙ্কে বহির্গমনোপযোগী বাস পরিধান করিয়া এবং পাত্রচীবর লইয়া যেমন কোন বলবান ব্যক্তি সঙ্কুচিত বাহু প্রসারিত করে, অথবা প্রসারিত বাহু সঙ্কুচিত করে সেইরূপ জেতবনে অন্তর্হিত হইয়া মৃগারমাতা বিশাখার প্রকোষ্ঠে প্রাদুর্ভূত হইলেন। ভগবান প্রস্তুত আসনে ভিক্ষুসঙ্ঘসহ উপবেশন করিলেন।

মৃগারমাতা বিশাখা ‘অহো, বড় আশ্চর্য্য! বড় অদ্ভুত! তথাগতের ঋদ্ধি এবং মহানুভাবতা! জানুপ্রমাণ এবং কটিপ্রমাণ জল-স্রোত বিদ্যমান সত্ত্বেও একজন ভিক্ষুরও পাদ বা চীবর সিক্ত হয় নাই!’ এই ভাবিয়া হ্রষ্ট এবং প্রফুল্ল হইয়া বুদ্ধপ্রমুখ

ভিক্ষুসঙ্ঘকে বারণ না করা পর্যন্ত স্বহস্তে খাদ্যভোজ্য দানে সন্তুষ্ট করিয়া ভগবান ভোজনাবসানে পাত্র হইতে হস্ত তুলিয়া লইলে একান্তে উপবেশন করিলেন।

(৬) স্নানবস্ত্রের বিধান

একান্তে উপবেশন করিয়া মৃগারমাতা বিশাখা ভগবানকে কহিলেন :—“প্রভো! আমি ভগবানের নিকট আটটি বর যাচঞা করিতে চাহি।” “বিশাখে! তথাগত বরদানের অতীত হইয়াছে।” “প্রভো! যাহা বিহিত এবং অনবদ্য আমি সেই বরই সেই বরই যাচঞা করিব।” “বিশাখে! তাহা হইলে বলিতে পার।”

“প্রভো! (১) আমি ভিক্ষুসঙ্ঘকে আজীবন স্নানবস্ত্র (বর্ষা সময়ে পরিধেয় বস্ত্র) প্রদান করিতে চাহি, (২) আগন্তুককে আহাৰ্য্য দান, (৩) গমনকারীকে আহাৰ্য্য দান, (৪) রুগ্নকে আহাৰ্য্য দান, (৫) রোগী-পরিচারককে আহাৰ্য্য দান, (৬) রোগীকে ভৈষজ্য দান, (৭) নিত্য যবাগু দান এবং (৮) ভিক্ষুণীসঙ্ঘকে স্নানবস্ত্র^১ দান করিতে চাহি।” “বিশাখে! তুমি কোন্ সুখদফল দেখিয়া তথাগতের নিকট আটটি বর যাচঞা করিতেছ?”

(১) প্রভো! আমি দাসীকে আদেশ করিয়াছিলাম : দাসি! আরামে যাইয়া সময় জ্ঞাপন কর, ভোজনের সময় হইয়াছে, আহাৰ্য্য প্রস্তুত। সেই দাসী আরামে যাইয়া দেখিতে পাইল, ভিক্ষুগণ চীবর পরিত্যাগ করিয়া দেহে বারিবর্ষণ করাইতেছেন। দেখিয়া ‘আরামে ভিক্ষু নাই, আজীবকগণ দেহে বারিবর্ষণ করাইতেছেন’ এই ভাবিয়া আমার নিকট উপস্থিত হইল; উপস্থিত হইয়া আমাকে কহিল :—‘আর্য্যো! আরামে ভিক্ষু নাই, আজীবকগণ দেহে বারিবর্ষণ করাইতেছেন!’ প্রভো! নগ্নতা বড় অপবিত্র, বড় জুগুপ্সিত এবং অতি ঘৃণিত। আমি এই কারণ দেখিয়া সঙ্ঘকে আজীবন বর্ষার স্নানবস্ত্র দিতে চাহিতেছি।

(২) পুনশ্চ, প্রভো! আগন্তুক ভিক্ষু রাস্তা এবং গ্রামের প্রত্যক্ষ পরিচয়ের অভাবে ভিক্ষান্ন সংগ্রহে ক্লেশ পাইয়া থাকেন। তাঁহারা আগন্তুকের উদ্দেশ্যে আমার প্রদত্ত অন্ন আহার করিয়া রাস্তা এবং গ্রামের পরিচয় লাভে সমর্থ হইয়া অক্লেশে ভিক্ষান্ন সংগ্রহ করিতে পারিবেন। প্রভো! আমি এই কারণ দেখিয়া আজীবন সঙ্ঘকে আগন্তুকভোজন দিতে চাহিতেছি।

(৩) পুনশ্চ, প্রভো! গমনকারী ভিক্ষু নিজের আহার সন্ধান করিতে করিতে শকট হইতে বঞ্চিত হইয়া পড়েন অথবা যেখানে যাইতে চাহেন সেখানে উপস্থিত হইতে বিকাল হইয়া যায়, ক্লান্ত হইয়া দীর্ঘপথ গমন করেন। তিনি যদি গমনকারীর উদ্দেশ্যে আমার প্রদত্ত ভোজন আহার করেন তাহা হইলে তাঁহাকে শকট লাভে বঞ্চিত হইতে হইবে না, যেখানে যাইতে চাহেন সেখানে বিকালে উপস্থিত হইতে

^১। ভিক্ষুণীদিগের মাসিক ঋতুর সময়ে ব্যবহার্য্য বস্ত্র।

হইবে না এবং অক্লেশে দীর্ঘপথ অতিক্রম করিতে পারিবেন। প্রভো! আমি এই কারণ দেখিয়া ভিক্ষুসঙ্ঘকে আজীবন গমনকারীর ভোজন প্রদান করিতে চাহিতেছি।

(৪) পুনশ্চ, প্রভো! রোগী ভিক্ষু অনুকূল ভোজন না পাইলে তাঁহার রোগ বাড়িতে পারে অথবা মৃত্যু হইতে পারে। তিনি রোগীর উদ্দেশ্যে আমার প্রদত্ত আহাৰ্য্য আহাৰ করিলে তাঁহার রোগ বাড়িবে না অথবা মৃত্যু হইবে না। প্রভো! আমি এই কারণ দেখিয়া আজীবন সঙ্ঘকে রোগীর ভোজন দিতে চাহিতেছি।

(৫) পুনশ্চ, প্রভো! রোগী-পরিচারক ভিক্ষু নিজের আহাৰ্য্য সংগ্রহে ব্যস্ত থাকিলে রোগীকে আহাৰ্য্য প্রদানে বিলম্ব করিবে অথবা রোগীকে অনাহারেও রাখিবে। তিনি যদি রোগী পরিচারকের উদ্দেশ্যে আমার প্রদত্ত অন্ন আহাৰ করেন, তাহা হইলে রোগীকে সকালে অন্ন প্রদান করিতে পারিবেন, রোগীকে উপবাসে রাখিবেন না। প্রভো! আমি এই কারণ দেখিয়া আজীবন সঙ্ঘকে রোগী-পরিচারকের ভোজন প্রদান করিতে চাহিতেছি।

(৬) পুনশ্চ, প্রভো! রোগী ভিক্ষু অনুকূল ভৈষজ্য না পাইলে তাঁহার রোগ বৃদ্ধি অথবা মৃত্যু হইতে পারে। তিনি যদি রোগীর উদ্দেশ্যে আমার প্রদত্ত ভৈষজ্য সেবন করেন, তাহা হইলে তাঁহার রোগ বৃদ্ধি কিংবা মৃত্যু হইবে না। প্রভো! আমি এই কারণ দেখিয়া সঙ্ঘকে আজীবন রোগীর ভৈষজ্য দিতে চাহিতেছি।

(৭) পুনশ্চ, প্রভো! ভগবান অন্ধকবিন্দে দশটি আশংসা (সুখদ ফল) দেখিয়া যবাগুর বিধান দিয়াছেন। আমি সেই সমস্ত আশংসা দেখিয়া আজীবন সঙ্ঘকে নিত্য যবাগুর দিতে চাহিতেছি।

(৮) পুনশ্চ, প্রভো! ভিক্ষুগণ অচিরবতী নদীতে বেশ্যার সঙ্গে এক ঘাটে নগ্ন হইয়া স্নান করিয়া থাকেন। বেশ্যাগণ ভিক্ষুগণকে ‘আর্য্যো! তোমরা যৌবনাবস্থায় কেন ব্রহ্মচর্য্য আচরণ করিতেছ, কামসেবা করা কি উচিত নহে? যখন বৃদ্ধা হইবে তখন ব্রহ্মচর্য্য পালন করিতে পারিবে। এরূপে তোমাদের উভয় কার্য্য সফল হইবে।’ এই বলিয়া বিদ্রূপ করিয়া থাকে। তখন ভিক্ষুগণ বেশ্যাদের দ্বারা উপহাসিত হইয়া নীরব থাকেন। প্রভো! নারীজাতির নগ্নতা বড় অপবিত্র, বড় জুগুপ্সিত, অতি ঘৃণার্হ। আমি এই কারণ দেখিয়া আজীবন ভিক্ষুগণকে স্নানবস্ত্র দিতে চাহিতেছি।”

“বিশাখে! তুমি কি আশংসা দেখিয়া তথাগতের নিকট আটটি বর যাচঞা করিতেছ?”

“প্রভো! নানাদিকে বর্ষবাস সমাপ্ত করিয়া ভিক্ষুগণ ভগবানকে দর্শন করিবার জন্য শ্রাবস্তীতে উপস্থিত হইবেন। তাঁহারা ভগবানের নিকট উপস্থিত হইয়া জিজ্ঞাসা করিবেন : ‘প্রভো! অমুক ভিক্ষুর কালক্রিয়া হইয়াছে, পরলোকে তাঁহার কিরূপ গতি লাভ হইল?’ তাঁহার সম্বন্ধে ভগবান ব্যক্ত করিবেন : ‘তিনি শ্রোতাপত্তিফল, স্কৃদাগামীফল, অনাগামীফল অথবা অর্হত্ত্বফল লাভ করিয়াছিলেন।’ তখন আমি

তাহাদের (জিজ্ঞাসাকারীদিগের) নিকট উপস্থিত হইয়া জিজ্ঞাসা করিব, ‘প্রভো! সেই আর্য্য কি কোনদিন শ্রাবস্তী আসিয়াছিলেন?’ যদি তাহারা আমায় বলেন, ‘সেই ভিক্ষু শ্রাবস্তীতে আসিয়াছিলেন।’ তাহা হইলে আমি নিঃসংশয়ে বিশ্বাস করিতে পারিব : সেই মৃত আর্য্য আমার প্রদত্ত বর্ষাকালের স্নান বস্ত্র, আগন্তুকভোজন, গমনকারীর ভোজন, রোগীরভোজন, রোগীপরিচারকের ভোজন, রোগীরভৈষজ্য অথবা নিত্য প্রদত্ত যবাগু গ্রহণ করিয়াছেন। তাহা স্মরণ করিলে আমার প্রমোদের সঞ্চর হইবে, প্রমোদ হইতে প্রীতির সঞ্চর হইবে, প্রীতিসম্পন্ন হইলে দেহ প্রশান্ত হইবে, প্রশান্তকায় সুখানুভূতি হইবে, সুখানুভূতিতে চিত্ত সমাধিপ্ৰাপ্ত হইবে এবং তাহাই হইবে আমার ইন্দ্রিয়-ভাবনা, বল-ভাবনা, বোধঙ্গ-ভাবনা। প্রভো! আমি এই আশংসা দেখিয়া তথাগতের নিকট আটটি বর যাচঞা করিতেছি।”

“বিশাখে! সাধু! সাধু!! তুমি এই অষ্টবিধ আশংসা দেখিয়া তথাগতের নিকট আটটি বর যাচঞা করিয়া উত্তমকার্য্য করিয়াছ। বিশাখে! আমি তোমাকে উক্ত আট বর প্রদান করিলাম।”

অতঃপর ভগবান মৃগারমাতা বিশাখাকে এই গাথাযোগে অনুমোদন করিলেন—

অন্ন জল করে দান মনানন্দে শীলবতী সুগত-তনয়া^১,
করে দান স্বস্তিকর শোকনোদ সুখাবহ ছাড়িয়া অসূয়া^২,
সেই লভে দিব্যবল আর আয়ু ধরি পথ শুদ্ধ নিরঞ্জন,
চিরসুখী পুণ্যকামী নিরাময় স্বর্গলোকে আনন্দিত মন।

ভগবান মৃগারমাতা বিশাখাকে এই গাথাযোগে অনুমোদন করিয়া, আসন হইতে উঠিয়া প্রস্থান করিলেন। ভগবান এই নিদানে, এই প্রকরণে ধর্ম্মকথা উত্থাপন করিয়া ভিক্ষুগণকে আহ্বান করিলেন—“হে ভিক্ষুগণ! আমি অনুজ্ঞা করিতেছি : বর্ষাসময়ের স্নানবস্ত্র, আগন্তুকভোজন, গমনকারীরভোজন, রোগীর ভোজন, রোগী পরিচারকের ভোজন, রোগীর ভৈষজ্য, নিত্য যবাগু এবং ভিক্ষুণীসঙ্ঘের স্নানবস্ত্র।”

॥ বিশাখা ভণিতা সমাপ্ত ॥

(৭) দেহ, চীবর এবং আসন রক্ষা করিয়া উপবেশন

সেই সময়ে ভিক্ষুগণ উত্তম ভোজ্যাদি ভোজন করিয়া স্মৃতি এবং সম্প্রজন্ম^৩ রহিত হইয়া নিদামগ্ন হইতেন। তাহারা স্মৃতি এবং সম্প্রজন্ম রহিত হইয়া নিদামগ্ন হওয়ায় স্বপ্নে তাহাদের অশুচিপাত হইত, শয্যাসন অশুচিতে মুষ্ণিত হইয়া যাইত। ভগবান আয়ুত্মান আনন্দকে পশ্চাৎগামী শ্রমণরূপে সঙ্গে লইয়া শয়নাসন দর্শনে

^১। যেই নরনারী মার্গফল লাভ করেন, ভগবান তাহাদিগকে ‘পুত্র কন্যা’ বলিতেন।

^২। মাৎসর্য্য।

^৩। কর্তব্য বিষয়ে সজাগ থাকা।

বিচরণ করিবার সময় দেখিতে পাইলেন : শয্যাসন অশুচিদ্বারা ম্রিক্তিত। দেখিয়া আয়ুত্মান আনন্দকে আহ্বান করিলেন—“আনন্দ! এ কি শয্যাসন ম্রিক্তিত কিসে?” “প্রভো! ভিক্ষুগণ উত্তম আহার্য্য আহার করিয়া স্মৃতি এবং সম্প্রজন্য রহিত হইয়া নিদ্রা যাইতেছেন। তাঁহারা স্মৃতি এবং সম্প্রজন্য রহিত হইয়া নিদ্রামগ্ন হওয়াতে স্বপ্নে তাঁহাদের অশুচিপাত হইতেছে। ভগবন্! এইহেতু শয্যাসন অশুচিদ্বারা ম্রিক্তিত হইয়াছে।” “হাঁ, আনন্দ! এরূপ হইয়া থাক। হাঁ, আনন্দ! এরূপ হইয়া থাকে। আনন্দ! যাহারা স্মৃতি এবং সম্প্রজন্য রহিত হইয়া নিদ্রামগ্ন হয় তাহাদের স্বপ্নে অশুচিপাত হইয়া থাকে। আনন্দ যাহারা স্মৃতিমান এবং সম্প্রজন্যযুক্ত হইয়া নিদ্রা যায় তাহাদের অশুচিপাত হয় না। আনন্দ! যেই সাধারণজন (পুথুজ্জন) কামাসক্ত নহে তাহারও স্বপ্নে অশুচিপাত হয় না। আনন্দ! অর্হতের অশুচিপাত হইতে পারে এই সম্বন্ধে কোন কারণ কিংবা হেতু নাই।”

ভগবান এই নিদানে, এই প্রকরণে ধর্ম্মকথা উত্থাপন করিয়া ভিক্ষুগণকে আহ্বান করিলেন :—“হে ভিক্ষুগণ! আমি একদিন আনন্দকে পশ্চাৎগামী শ্রমণরূপে সঙ্গে করিয়া শয়নাসন দর্শনে বিচরণ করিবার সময় দেখিতে পাইলাম : শয়নাসন অশুচিদ্বারা ম্রিক্তিত। দেখিয়া আনন্দকে আহ্বান করিয়া জিজ্ঞাসা করিলাম, ‘এ কি! শয্যাসন ম্রিক্তিত কেন?’ ‘প্রভো! এখন ভিক্ষুগণ! উত্তম আহার্য্য আহার করিয়া স্মৃতি এবং সম্প্রজন্য রহিত হইয়া নিদ্রামগ্ন হইতেছেন, তাঁহারা স্মৃতি এবং সম্প্রজন্য রহিত হইয়া নিদ্রামগ্ন হওয়ায় স্বপ্নে তাঁহাদের অশুচিপাত হইতেছে। ভগবন্ সেই অশুচিদ্বারা এই শয্যাসন ম্রিক্তিত হইয়াছে।’ ‘হাঁ, আনন্দ! এরূপ হইয়া থাকে! হাঁ, আনন্দ! এরূপ হইয়া থাকে! আনন্দ! তাহারা স্মৃতি এবং সম্প্রজন্য রহিত হইয়া নিদ্রামগ্ন হওয়াতে তাহাদের স্বপ্নে অশুচিপাত হইয়াছে। আনন্দ! যাহারা স্মৃতিমান এবং সম্প্রজন্যযুক্ত হইয়া নিদ্রামগ্ন হয় তাহাদের অশুচিপাত হয় না। আনন্দ! যেই সাধারণজন (পুথুজ্জন বা পুথগ্জন) কামাসক্ত নহে তাহারও অশুচিপাত হয় না। আনন্দ! এমন কোন একটা কারণ কিংবা হেতু নাই : অর্হতের অশুচিপাত হইতে পারে।’ ভিক্ষুগণ! স্মৃতি এবং সম্প্রজন্য রহিত হইয়া নিদ্রা যাইবার পাঁচটি আদীনব (দোষ) আছে। যথা—(১) সদুঃখে নিদ্রামগ্ন হয়, (২) সদুঃখে জাগ্রত হয়, (৩) দুঃস্বপ্ন দেখে, (৪) দেবতা রক্ষা করে না এবং (৫) অশুচিপাত হয়। ভিক্ষুগণ! স্মৃতি এবং সম্প্রজন্য রহিত হইয়া নিদ্রা যাইবার এই পাঁচটি আদীনব।

হে ভিক্ষুগণ! স্মৃতি এবং সম্প্রজন্যসম্পন্ন হইয়া নিদ্রামগ্ন হইবার পাঁচটি আশংসা আছে। যথা—(১) সুখে নিদ্রামগ্ন হয়, (২) সুখে জাগ্রত হয়, (৩) দুঃস্বপ্ন দেখে না, (৪) দেবতা রক্ষা করে এবং (৫) অশুচিপাত হয় না। ভিক্ষুগণ! স্মৃতিমান এবং সম্প্রজন্যযুক্ত হইয়া নিদ্রামগ্ন হইবার এই পাঁচটি আশংসা। (এই হেতু—)

“হে ভিক্ষুগণ! আমি অনুজ্ঞা করিতেছি : দেহ, চীবর এবং শয্যাসন রক্ষা করিয়া বসিবার জন্য বসিবার আসন ব্যবহার করিবে।”

অন্যান্য বস্ত্র এবং চীবর সম্বন্ধে বিধান

(১) বিছানার চাদর

সেই সময়ে বসিবার আসন অতিক্ষুদ্র হওয়ায় সমস্ত শয়নাসন আবৃত করিতে পারা যাইত না। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : যত বড় প্রত্যান্তরণ (বিছানার চাদর) প্রয়োজন হয়, ততবড় ব্যবহার করিবে।”

(২) কণ্ডু আচ্ছাদনের বস্ত্র

সেই সময়ে আয়ুত্মান আনন্দের উপাধ্যায় আয়ুত্মান বরিষ্ঠশিষ্যের নিকট স্থূলকক্ষ (খোস) রোগ হইয়াছিল। তাহার ক্রুদে তাঁহার চীবর দেহে জড়াইয়া যাইত, ভিক্ষুগণ তাহা জলে সিক্ত করিয়া মুক্ত করিতেন। ভগবান শয়নাসন দর্শনে বিচরণ করিবার সময়, সেই ভিক্ষুগণকে চীবর বারম্বার জলসিক্ত করিয়া দেহ হইতে মুক্ত করিতে দেখিতে পাইলেন। দেখিয়া সেই ভিক্ষুগণের নিকট উপস্থিত হইলেন, উপস্থিত হইয়া সেই ভিক্ষুগণকে জিজ্ঞাসা করিলেন—“হে ভিক্ষুগণ! এই ভিক্ষুর রোগ কি?” “প্রভো! এই আয়ুত্মানের স্থূলকক্ষরোগ হইয়াছে, ক্রুদে চীবর দেহে জড়াইয়া গিয়াছে, আমরা তাহা বারম্বার জলসিক্ত করিয়া মুক্ত করিতেছি।” ভগবান এই নিদানে, এই প্রকরণে ধর্মকথা উত্থাপন করিয়া ভিক্ষুগণকে আহ্বান করিলেন—“হে ভিক্ষুগণ! আমি অনুজ্ঞা করিতেছি : যাহার নিকট কণ্ডু, স্ফোটক, পাঁচড়া অথবা খোসরোগ আছে সে কণ্ডু আচ্ছাদনের বস্ত্র ব্যবহার করিবে।”

(৩) মুখ মুছিবার তোয়ালে

মৃগারমাতা বিশাখা মুখ মুছিবার তোয়ালে লইয়া ভগবানের নিকট উপস্থিত হইলেন; উপস্থিত হইয়া ভগবানকে অভিবাদন করিয়া একান্তে উপবেশন করিলেন। একান্তে উপবেশন করিয়া মৃগারমাতা বিশাখা ভগবানকে কহিলেন—“ভগবন! আমার মুখ মুছিবার তোয়ালে প্রতিগ্রহণ করুন, যেন সুদীর্ঘকাল আমার হিত-সুখ সাধিত হয়।” ভগবান মুখ মুছিবার তোয়ালে প্রতিগ্রহণ করিলেন। ভগবান মৃগারমাতা বিশাখাকে ধর্মকথায় প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট করিলেন। মৃগারমাতা বিশাখা ভগবানের ধর্মকথায় প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট হইয়া, আসন হইতে উঠিয়া, ভগবানকে অভিবাদন করিয়া তাঁহার পুরোভাগে দক্ষিণপার্শ্ব রাখিয়া প্রস্থান করিলেন। ভগবান এই নিদানে, এই প্রকরণে ধর্মকথা উত্থাপন করিয়া ভিক্ষুগণকে আহ্বান করিলেন—“হে ভিক্ষুগণ! আমি অনুজ্ঞা করিতেছি : মুখ মুছিবার তোয়ালে ব্যবহার করিবে।”

(৪) পঞ্চগঙ্গ-সম্পন্ন ব্যক্তি বিশ্বাসের যোগ্য

সেই সময়ে রোজ নামধেয় মল্ল আয়ুষ্মান আনন্দের সহায় ছিলেন। রোজমল্লের ক্ষৌমবস্ত্রখণ্ড আয়ুষ্মান আনন্দের নিকট জমা ছিল। আয়ুষ্মান আনন্দেরও ক্ষৌমবস্ত্রখণ্ডের প্রয়োজন ছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : পঞ্চগঙ্গ-সম্পন্ন ব্যক্তির দ্রব্য বিশ্বস্তরূপে গ্রহণ করিতে পার। যথা—(১) যে প্রত্যক্ষ হইয়াছে, (২) যাহার সহিত গাঢ় মিত্রতা হইয়াছে, (৩) যাহার সহিত আলাপ হইয়াছে, (৪) যে জীবিত আছে এবং (৫) যে স্থায়ী দ্রব্য গ্রহণ করিলে গ্রহীতার প্রতি সন্তুষ্ট হয়। ভিক্ষুগণ! আমি অনুজ্ঞা করিতেছি : এই পঞ্চগঙ্গ-সম্পন্ন ব্যক্তির দ্রব্য বিশ্বস্তরূপে গ্রহণ করিতে পারিবে।”

(৫) অন্যান্য বস্ত্রের বিধান

সেই সময়ে ভিক্ষুগণের ত্রিচীবর পরিপূর্ণ ছিল। তাঁহাদের জল ছাঁকিবার এবং খলিয়ার বস্ত্রের প্রয়োজন হইয়াছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : প্রয়োজনীয় বস্ত্রখণ্ড (পরিষ্কার চোল) ব্যবহার করিবে।”

(৬) বস্ত্রের মধ্যে কোন্টি নিত্য ব্যবহার্য্য এবং কোন্টি অব্যবহার্য্য?

তখন ভিক্ষুগণের মনে এই চিন্তা উদিত হইল : ‘ভগবান যেই সমস্ত চীবর ব্যবহারের আদেশ দিয়াছেন, যথা—ত্রিচীবর, বর্ষাকালের স্নানবস্ত্র, বসিবার কাপড়, বিছানার চাদর, কণ্ঠ প্রতিচ্ছাদনের বস্ত্র, মুখ মুছিবার তোয়ালে এবং প্রয়োজনীয় বস্ত্রখণ্ড। এই সমস্তই কি অধিষ্ঠান করিতে হইবে, না বেনামা করিতে হইবে?’ ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : ত্রিচীবর অধিষ্ঠান করিবে, বেনামা করিবে না; বর্ষার স্নানবস্ত্র বর্ষার চারিমাস অধিষ্ঠান করিবে, তৎপর বেনামা করিবে; বসিবার কাপড় অধিষ্ঠান করিবে, বেনামা করিবে না; বিছানার-চাদর অধিষ্ঠান করিবে, বেনামা করিবে না; কণ্ঠ প্রতিচ্ছাদনের বস্ত্র রোগের সময় অধিষ্ঠান করিবে, বেনামা করিবে না; মুখ মুছিবার তোয়ালে অধিষ্ঠান করিবে, বেনামা করিবে না এবং প্রয়োজনীয় বস্ত্রখণ্ড অধিষ্ঠান করিবে, বেনামা করিবে না।”

(৭) বেনামাযোগ্য বস্ত্রের প্রমাণ

ভিক্ষুগণের মনে এই চিন্তা উদিত হইল : ‘অন্তত কোন্ প্রমাণ বিশিষ্ট চীবর বেনামা করিতে হইবে?’ ভিক্ষুগণ ভগবানকে এই বিষয় জানাইলেন। (ভগবান

কহিলেন :—) “হে ভিক্ষুগণ! আমি অনুজ্ঞা করিতেছি : অন্তত বুদ্ধের আঙ্গুলে দৈর্ঘ্যে আট আঙ্গুল এবং প্রস্থে চারি আঙ্গুল প্রমাণ বিশিষ্ট^১ ক্ষুদ্র চীবর বেনামা করিবে।”

(৮) চীবর পাতলা, কোমল আদি করিবার নিয়ম

১—সেই সময়ে আয়ুস্মান মহাকাশ্যপের পাংশুকুল (আবজ্ঞানা স্তূপ হইতে কুড়ানো বস্ত্র) দ্বারা প্রস্তুত চীবর ভারী হইয়াছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : সূত্রাক্ষ^২ করিবে।”

২—কোণা খুলিয়া^৩ পড়িল। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : খুলানো কোণা বাহির করিয়া ফেলিবে।”

৩—সূতা ছাড়াইয়া পড়িল। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : ‘অনুবাত’ ও ‘পরিভণ্ড’^৪ আরোপ করিবে।”

৪—সেই সময়ে সজ্জাটির (পট্টা)^৫ ছিঁড়িতেছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : ‘অষ্টপদক’^৬ করিবে।”

(৯) বস্ত্র না কুলাইলে ত্রিচীবর ছিন্ন করিয়া প্রস্তুত না করা

১—সেই সময়ে জনৈক ভিক্ষু চীবর প্রস্তুত করিবার সময় সমগ্র বস্ত্র ছিন্ন করায় কাপড়ে সঙ্কুলান হইতেছিল না। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : দুইখানা ছিন্ন করিয়া এবং একখানা ছিন্ন না করিয়া চীবর প্রস্তুত করিবে।”

২। দুইখানা ছিন্ন করায় এবং একখানা ছিন্ন না করায়ও কাপড়ে সঙ্কুলান হইল না। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : দুইখানা ছিন্ন না করিয়া এবং একখানা ছিন্ন করিয়া চীবর প্রস্তুত করিবে।”

^১। দৈর্ঘ্যে একহাত এবং প্রস্থে এক বিতস্তি।

^২। সুত্তং অচ্ছেত্বা সিদ্ধন্তানং একো সংঘাটি কোণো দীঘো হোতি।—সম-পাসা।

^৩। ইহার ব্যাখ্যা ৩২০ পৃষ্ঠার পাদটীকায় দ্রষ্টব্য।

^৪। বড় বড় বস্ত্রখণ্ডের প্রান্তভাগে সেলাই করা সূতা খুলিয়া যাওয়ায় বস্ত্রখণ্ড ছিঁড়িয়া যায়।

^৫। সূতা দ্বারা তালি দিবে;

^৬। অষ্টপাদ ত্রীড়নকের ন্যায়।

৩—দুইখানা ছিন্ন না করায় এবং একখানা ছিন্ন করায়ও কাপড়ে সঙ্কুলান হইল না। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : জোড়া দিবে।”

“হে ভিক্ষুগণ! ছিন্ন না করিয়া সমগ্র চীবর ব্যবহার করিতে পারিবে না; যে করিবে তাহার ‘দুষ্কট’ অপরাধ হইবে।”

(১০) মাতাপিতাকে বস্ত্র দেওয়া যায়

সেই সময়ে জনৈক ভিক্ষুর নিকট বহু চীবর সঞ্চিত ছিল। তিনি সেই চীবর তাঁহার মাতাপিতাকে দিবার সঙ্কল্প করিয়াছিলেন। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! মাতাপিতার কথা বলিলে আমি কি বলিব? ভিক্ষুগণ! আমি অনুজ্ঞা করিতেছি : মাতাপিতাকে প্রদান করিবে। কিন্তু ভিক্ষুগণ! শ্রদ্ধাপ্রদত্ত দ্রব্যের অপব্যবহার^১ করিতে পারিবে না, যে করিবে তাহার ‘দুষ্কট’ অপরাধ হইবে।”

(১১) দুই চীবরে গ্রামে গমন অনুচিত্

সেই সময়ে জনৈক ভিক্ষু অন্ধবনে চীবর (সজ্জাটি) রাখিয়া অন্তর্বাস এবং উত্তরাসঙ্গ মাত্র পরিধান করিয়া গ্রামে ভিক্ষান্ন সংগ্রহে গমন করিয়াছিলেন। চোরেরা সেই চীবর হরণ করিল। এইজন্য তিনি জীর্ণ এবং ময়লা চীবর ব্যবহারে বাধ্য হইলেন। ভিক্ষুগণ তাঁহাকে কহিলেন, “বন্ধো! আপনি জীর্ণ এবং ময়লা চীবর কেন ব্যবহার করিতেছেন?” “বন্ধুগণ! আমি অন্ধবনে চীবর রাখিয়া অন্তর্বাস এবং উত্তরাসঙ্গ মাত্র পরিধান করিয়া গ্রামে ভিক্ষান্ন সংগ্রহে গমন করিয়াছিলাম, এই অবসরে চোরেরা সেই চীবর হরণ করিয়া লইয়া গিয়াছে, এই হেতু আমি জীর্ণ এবং ময়লা চীবর ব্যবহারে বাধ্য হইয়াছি।” ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! অন্তর্বাস এবং উত্তরাসঙ্গ মাত্র পরিধান করিয়া গ্রামে যাইতে পারিবে না; যে যাইবে তাহার ‘দুষ্কট’ অপরাধ হইবে।”

(১২) কোন একটি চীবর রাখিয়া যাইবার কারণ

সেই সময়ে আয়ুষ্মান আনন্দ ভুলবশত অন্তর্বাস এবং উত্তরাসঙ্গ মাত্র পরিধান করিয়া গ্রামে ভিক্ষান্ন সংগ্রহে গমন করিয়াছিলেন। ভিক্ষুগণ আয়ুষ্মান আনন্দকে

^১। মাতাপিতা অতি ধনী হইলেও যদি তাঁহারা যাচঞা করে তাহা হইলে তাঁহাদিগকে দিতে হইবে; কিন্তু অন্য কোন আত্মীয়কে প্রদান করিলে শ্রদ্ধা প্রদত্ত দ্রব্যের অপব্যবহার করা হইবে।—সম-পাশা।

কহিলেন :—“বন্ধু আনন্দ! অন্তর্বাস এবং উত্তরাসঙ্গ মাত্র পরিধান করিয়া গ্রামে যাইতে পারিবে না বলিয়া কি ভগবান বিধান প্রদান করেন নাই? বন্ধু! আপনি কেন অন্তর্বাস এবং উত্তরাসঙ্গ মাত্র পরিধান করিয়া গ্রামে প্রবেশ করিয়াছেন?” “বন্ধো! ভগবান যে অন্তর্বাস এবং উত্তরাসঙ্গ মাত্র পরিধান করিয়া গ্রামে গমন না করিবার বিধান দিয়াছেন তাহা সত্য; কিন্তু আমি ভুলবশত প্রবেশ করিয়াছি।” ভিক্ষুগণ ভগবানকে এই বিষয় জানাইলেন।

ভগবান এই নিদানে, এই প্রকরণে ধর্মকথা উত্থাপন করিয়া ভিক্ষুগণকে আহ্বান করিলেন :—“হে ভিক্ষুগণ! পাঁচ কারণে সজ্জাটি রাখিয়া যাইতে পারে। যথা—(১) রুগ্ন হয়, (২) বৃষ্টির আশঙ্কা থাকে, (৩) নদীর পরপারে যাইতে হয়, (৪) বিহারের দ্বার অর্গল দ্বারা বন্ধ করা যায় এবং (৫) কঠিন চীবর প্রসারিত হইয়া থাকে। হে ভিক্ষুগণ! এই পঞ্চ কারণে সজ্জাটি রাখিয়া যাইতে পারা যায়।

হে ভিক্ষুগণ! পাঁচ কারণে উত্তরাসঙ্গ রাখিয়া যাইতে পারে, যথা—(১) রুগ্ন হয়, (২) বৃষ্টির সম্ভাবনা থাকে, (৩) নদীর পরতীরে যাইবার প্রয়োজন হয়, (৪) বিহারের দ্বার বন্ধ করিতে পারা যায় অথবা (৫) কঠিন চীবর প্রসারিত হইয়া থাকে। ভিক্ষুগণ! এই পঞ্চ কারণে উত্তরাসঙ্গ রাখিয়া যাইতে পারা যায়।

“হে ভিক্ষুগণ! পঞ্চ কারণে অন্তর্বাস রাখিয়া যাইতে পারে, যথা—(১) রুগ্ন হয়, (২) বৃষ্টির আশঙ্কা থাকে, (৩) নদীর পরতীরে যাইবার প্রয়োজন হয়, (৪) বিহারের দ্বার বন্ধ করিতে পারা যায় অথবা (৫) কঠিন চীবর প্রসারিত হইয়া থাকে। ভিক্ষুগণ! এই পঞ্চ কারণে অন্তর্বাস রাখিয়া যাইতে পারা যায়।

“হে ভিক্ষুগণ! পঞ্চ কারণে বর্ষাকালের স্নানবস্ত্র রাখিয়া যাইতে পারে, যথা—(১) রুগ্ন হয়, (২) সীমার বাহিরে যাইতে হয়, (৩) নদীর পরতীরে যাইতে হয়, (৪) বিহারের দ্বার বন্ধ করিতে পারা যায় অথবা (৫) বর্ষাকালীন স্নানবস্ত্র অপ্রস্তুত থাকে। ভিক্ষুগণ! এই পঞ্চ কারণে বর্ষাকালের স্নানবস্ত্র রাখিয়া যাইতে পারা যায়।

চীবর ভাগ করা

(১) সজ্জোদ্দেশ্যে প্রদত্ত চীবরে অধিকার

১—সেই সময়ে জনৈক ভিক্ষু একাকী বর্ষাবাস করিয়াছিলেন। সেখানের জনসাধারণ ‘সজ্জোদ্দেশ্যে দিতেছি’ বলিয়া তাঁহাকে চীবর প্রদান করিয়াছিল। সেই ভিক্ষুর মনে এই চিন্তা উদিত হইল : “ভগবান বিধান দিয়াছেন : অন্ততঃ চারিজন হইলে সজ্জা হইতে পারে” অথচ আমি একজন মাত্র। এই জনসাধারণ ‘সজ্জাকে দিতেছি’ বলিয়া চীবর দিয়াছে। অতএব সজ্জোদ্দেশ্যে প্রদত্ত এই চীবর লইয়া আমি শ্রাবস্তী যাইব।” এই ভাবিয়া সেই ভিক্ষু চীবর লইয়া শ্রাবস্তীতে যাইয়া ভগবানকে

এই বিষয় জানাইলেন। (ভগবান কহিলেন :—) “হে ভিক্ষু! যাবৎ কঠিন চীবরের বিনাশ সাধিত না হয়, তাবৎ সেই চীবর তোমার অধিকারেই থাকিবে।”

হে ভিক্ষুগণ! যদি কোন ভিক্ষু একাকী বর্ষাবাস করিবার সময় তাকে জনসাধারণ ‘সঙ্ঘোদ্দেশ্যে দিতেছি’ বলিয়া চীবর প্রদান করে তাহা হইলে “হে ভিক্ষুগণ! আমি অনুজ্ঞা করিতেছি : যাবৎ কঠিন চীবরের বিনাশ সাধিত না হয়, তাবৎ সেই চীবর তাহার অধিকারেই থাকিবে।”

২—সেই সময়ে জনৈক ভিক্ষু একস্বত্ব যাবৎ একাকী বাস করিতেছিলেন। সেখানের অধিবাসিগণ ‘সঙ্ঘোদ্দেশ্যে দিতেছি’ বলিয়া তাঁহাকে চীবর প্রদান করিয়াছিল। সেই ভিক্ষুর মনে এই চিন্তা উদিত হইল : ‘ভগবান বিধান দিয়াছেন : অন্ততঃ চারিজন হইলে সঙ্ঘ হইতে পারে। অথচ আমি একজনমাত্র; এই জনসাধারণ ‘সঙ্ঘোদ্দেশ্যে দিতেছি’ বলিয়া চীবর দিয়াছে। অতএব আমি সঙ্ঘোদ্দেশ্যে প্রদত্ত এই চীবর শ্রাবস্তীতে লইয়া যাইব।’ এই ভাবিয়া সেই ভিক্ষু চীবর লইয়া শ্রাবস্তীতে গমন করিয়া ভিক্ষুগণকে এই বিষয় জানাইলেন। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : সঙ্ঘের উপস্থিতিতে ভাগ করিবে।”

৩—হে ভিক্ষুগণ! যদি কোন ভিক্ষু কোনস্থানে একস্বত্ব যাবৎ একাকী অবস্থান করে এবং সেখানের অধিবাসিগণ ‘সঙ্ঘোদ্দেশ্যে দিতেছি’ বলিয়া চীবর প্রদান করে তাহা হইলে “হে ভিক্ষুগণ! আমি অনুজ্ঞা করিতেছি : সেই ভিক্ষুকে ‘এই চীবর আমার’ এই বলিয়া অধিষ্ঠান করিতে হইবে।” ভিক্ষুগণ! যদি সেই ভিক্ষু সেই চীবর অধিষ্ঠান করিবার পূর্বে অন্য ভিক্ষু আসিয়া উপস্থিত হয় তাহা হইলে তাহাকে সমান অংশ দিতে হইবে। যদি তাহারা চীবর ভাগ করিতেছে কিন্তু ‘কুশপাত’ করে নাই এমন সময় অন্য ভিক্ষু আসিয়া উপস্থিত হয় তাহা হইলে তাহাকেও সমান অংশ দিতে হইবে। যদি তাহারা চীবর ভাগ করিয়াছে এবং কুশপাতও করিয়াছে এমন সময় অন্য ভিক্ষু আসিয়া উপস্থিত হয় তাহা হইলে ইচ্ছা না হইলে তাহাকে ভাগ প্রদান করিবে না।

৪—সেই সময়ে আয়ুষ্মান ঋষিদাস ও আয়ুষ্মান ঋষিভদ্র স্থবির নামে দুই ভ্রাতা শ্রাবস্তীতে বর্ষাবাস সমাপ্ত করিয়া অন্য এক গ্রাম্য আবাসে আগমন করিলেন। সেখানের অধিবাসিগণ ‘অনেকদিন পরে স্থবিরগণ আসিয়াছেন’ এই ভাবিয়া চীবর সহ ভোজন প্রদান করিলেন। আবাসবাসী ভিক্ষুগণ স্থবিরদিগের নিকট জিজ্ঞাসা করিলেন : “প্রভো! সঙ্ঘোদ্দেশ্যে প্রদত্ত এই চীবরগুলি স্থবিরগণের আগমন উপলক্ষে পাওয়া গিয়াছে; অতএব স্থবিরগণ ভাগ গ্রহণ করিবেন কি?” স্থবিরগণ কহিলেন, “বন্ধুগণ! ভগবানের উপদিষ্ট ধর্ম আমরা যতদূর অবগত আছি, তাহাতে বলিতে পারি : কঠিন চীবরের বিনাশ সাধিত না হওয়া পর্যন্ত সেই সব চীবর আপনাদের অধিকারেই থাকিবে।”

সেই সময়ে তিনজন ভিক্ষু রাজগৃহে বর্ষাবাস করিতেছিলেন। সেখানের অধিবাসিগণ ‘সঙ্ঘোদ্যে দিতেছি’ বলিয়া তাঁহাদিগকে চীবর প্রদান করিলেন। সেই ভিক্ষুগণের মনে এই চিন্তা উদিত হইল : “ভগবান বিধান দিয়াছেন : অন্তত চারিজন হইলে সঙ্ঘ হইতে পারে, অথচ আমরা তিনজন মাত্র। এই জনসাধারণ ‘সঙ্ঘকে দিতেছি’ বলিয়া চীবর দিতেছে; অতএব আমাদের কি করিতে হইবে?”

৫—সেই সময়ে বহু স্থবির আয়ুষ্মান নীলবাসী, আয়ুষ্মান সাণবাসী, আয়ুষ্মান গোপক, আয়ুষ্মান ভৃগু এবং আয়ুষ্মান স্ফলিকস্যান্দন পাটলিপুত্রে অবস্থান করিতেছিলেন,—কুঙ্কটারামে^১। সেই ভিক্ষুগণ (রাজগৃহবাসী ভিক্ষুগণ) পাটলিপুত্রে গমন করিয়া স্থবিরদিগকে উক্ত বিষয় জিজ্ঞাসা করিলেন। স্থবিরগণ (পাটলিপুত্রবাসী স্থবিরগণ) কহিলেন : “বন্ধুগণ! আমরা ভগবানের উপদিষ্ট ধর্ম যতদূর অবগত আছি, তাহাতে বলিতে পারি : কঠিন চীবরের বিনাশ সাধিত না হওয়া পর্যন্ত সেই সমস্ত চীবর আপনাদের অধিকারেই থাকিবে।”

(২) একস্থানে বর্ষাবাস করিয়া অন্যত্র চীবরাংশ গ্রহণ অনুচিৎ

সেই সময়ে আয়ুষ্মান উপনন্দ শাক্যপুত্র শ্রাবস্তীতে বর্ষাবাস সমাপ্ত করিয়া অন্য এক গ্রাম্যআবাসে গমন করিলেন। সেইখানে ভিক্ষুগণ চীবর ভাগ করিবার জন্য সমবেত হইয়াছিলেন। তাঁহারা (আয়ুষ্মান উপনন্দকে) কহিলেন : “বন্ধো! সঙ্ঘের এই চীবরগুলি ভাগ করা হইবে, আপনি ভাগ গ্রহণ করিবেন কি?” “হাঁ, বন্ধুগণ! গ্রহণ করিব।” এই বলিয়া সেইস্থান হইতে চীবরের ভাগ গ্রহণ করিয়া অন্য এক আবাসে গমন করিলেন। সেইস্থানেও ভিক্ষুগণ চীবর ভাগ করিবার জন্য সমবেত হইয়াছিলেন। সেখানের ভিক্ষুগণও (উপনন্দকে) কহিলেন, “বন্ধো! সঙ্ঘের এই চীবরগুলি ভাগ করা হইবে, আপনি কি ভাগ গ্রহণ করিবেন?” “হাঁ, বন্ধুগণ! গ্রহণ করিব।” এই বলিয়া সেখান হইতেও চীবরের ভাগ গ্রহণ করিয়া অন্য এক আবাসে গমন করিলেন। সেখানেও ভিক্ষুগণ চীবর ভাগ করিবার জন্য সমবেত হইয়াছিলেন। তাঁহারাও (উপনন্দকে) কহিলেন, “বন্ধো! সঙ্ঘের এই চীবরগুলি ভাগ করা হইবে, আপনি ভাগ গ্রহণ করিবেন কি?” “হাঁ, বন্ধুগণ! ভাগ গ্রহণ করিব।” এই বলিয়া সেখান হইতেও চীবরের ভাগ গ্রহণ করিয়া চীবরের বৃহৎ এক পুঁটলি লইয়া শ্রাবস্তীতে প্রত্যাগমন করিলেন।

তাঁহাকে ভিক্ষুগণ কহিলেন, “বন্ধু উপনন্দ! দেখিতেছি : আপনি বড় পুণ্যবান; আপনি বহু চীবর পাইয়াছেন!” “বন্ধুগণ! আমি কিসের পুণ্যবান? আমি শ্রাবস্তীতে

^১। ৪ ও ৫ নম্বরে উল্লিখিত বিষয় বুদ্ধের পরিনির্বাণের অনেক পরের ঘটনা। পাটলিপুত্র (পাটলিগ্রাম নহে) এবং কুঙ্কটারাম নামে অশোকের সময়ের। কাজেই এই অংশ পরে প্রক্ষিপ্ত।—সম-পাসা। ঘোটমুখ সূত্রেও ‘পাটলিপুত্র’ শব্দের উল্লেখ আছে।—ম-নি।

বর্ষাবাস সমাপ্ত করিয়া অন্য এক গ্রাম্য আবাসে গিয়াছিলাম। তখন তথায় ভিক্ষুগণ চীবর ভাগ করিবার জন্য সমবেত হইয়াছিলেন। তাঁহারা আমায় কহিলেন : ‘বন্ধো! সঙ্ঘের এই চীবরগুলি ভাগ করা হইবে, আপনি ভাগ গ্রহণ করিবেন কি?’ ‘হাঁ, বন্ধুগণ! গ্রহণ করিব।’ এই বলিয়া সেখান হইতে চীবরের ভাগ গ্রহণ করিয়া অন্য এক আবাসে গমন করিয়াছিলাম। সেখানেও ভিক্ষুগণ চীবর ভাগ করিবার জন্য সমবেত হইয়াছিলেন। তাঁহারাও আমাকে কহিলেন : ‘বন্ধো! সঙ্ঘের এই চীবরগুলি ভাগ করা হইবে, আপনি কি ভাগ গ্রহণ করিবেন?’ ‘হাঁ, বন্ধুগণ! গ্রহণ করিব।’ এই বলিয়া সেখান হইতেও চীবরের ভাগ গ্রহণ করিয়া অন্য এক আবাসে গমন করিয়াছিলাম। সেখানেও ভিক্ষুগণ চীবর ভাগ করিবার জন্য সমবেত হইয়াছিলেন। তাঁহারাও আমাকে কহিলেন : ‘বন্ধো! সঙ্ঘের এই চীবরগুলি ভাগ করা হইবে, আপনি কি ভাগ গ্রহণ করিবেন?’ ‘হাঁ, বন্ধুগণ! গ্রহণ করিব।’ এই বলিয়া সেখান হইতেও ভাগ গ্রহণ করিয়াছিলাম। এরূপে আমি বহু চীবর লাভে সমর্থ হইয়াছি।”

“বন্ধু উপনন্দ! আপনি কি একস্থানে বর্ষাবাস সমাপ্ত করিয়া অন্যস্থান হইতে চীবরের ভাগ লইয়াছেন?” “হাঁ, বন্ধো!” অল্লোচ্ছু ভিক্ষুগণ আন্দোলন, নিন্দা এবং প্রকাশ্যে আলোচনা করিতে লাগিলেন : “কেন আয়ুস্মান উপনন্দ শাক্যপুত্র একস্থানে বর্ষাবাস সমাপ্ত করিয়া অন্যস্থান হইতে চীবরের অংশ গ্রহণ করিতে পারেন?” ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“উপনন্দ! সত্যই কি তুমি একস্থানে বর্ষাবাস সমাপ্ত করিয়া অন্যস্থান হইতে চীবরের অংশ গ্রহণ করিয়াছ?” “হাঁ, ভগবন! তাহা সত্য বটে।” বুদ্ধ ভগবান তাহা নিতান্ত গর্হিত বলিয়া প্রকাশ করিলেন : “হে মূর্খ! কিরূপে তুমি একস্থানে বর্ষাবাস সমাপ্ত করিয়া অন্যস্থান হইতে চীবরের অংশ গ্রহণ করিতে পার? মূর্খ! তোমার এই কার্য্যে যে অপ্রসন্নদিগের প্রসন্নতা বৃদ্ধি পাইতে পারে না।” এইভাবে নিন্দা করিয়া, ধর্ম্মকথা উত্থাপন করিয়া ভিক্ষুগণকে আহ্বান করিলেন—“হে ভিক্ষুগণ! একস্থানে বর্ষাবাস সমাপ্ত করিয়া অন্যস্থান হইতে চীবরের অংশ গ্রহণ করিতে পারিবে না; যে গ্রহণ করিবে তাহার ‘দুর্কট’ অপরাধ হইবে।”

(৩) দুই আবাসে বর্ষাবাস করিলে অর্দ্বেকাংশ প্রাপ্ত

সেই সময়ে আয়ুস্মান উপনন্দ শাক্যপুত্র ‘এরূপে আমার বহু চীবর প্রাপ্তি হইবে’ এই ভাবিয়া দুই আবাসে বর্ষাবাস করিলেন। তখন সেই ভিক্ষুগণের (আবাসস্থ অন্য ভিক্ষুগণের) মনে এই চিন্তা উদিত হইল : ‘আয়ুস্মান উপনন্দ শাক্যপুত্রকে চীবরের কিরূপ ভাগ দিতে হইবে?’ ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! মূর্খকে এক ভাগ দিয়া ফেল।”

হে ভিক্ষুগণ! কোন ভিক্ষু ‘এরূপে আমার বহু চীবর প্রাপ্তি হইবে’ এই ভাবিয়া একসঙ্গে দুই আবাসে বর্ষাবাস করে। যদি এক আবাসে অর্দ্বেকাংশ এবং অন্য আবাসে

অর্দেক বর্ষাবাস করে তাহা হইলে তাহাকে এক আবাস হইতে অর্দেক এবং অপর আবাস হইতে অর্দেক চীবরের ভাগ দিতে হইবে। যেই স্থানে অধিক সময় বাস করে সেই স্থানে পূর্ণভাগ দিতে হইবে।

রোগীর পরিচর্যা এবং মৃতের দায়ভাগ

(১) রোগীর পরিচর্যায় নিয়োগ

সেই সময়ে জনৈক ভিক্ষুর উদরাময় রোগ হইয়াছিল। তিনি স্বীয় মলমূত্রে জড়িত হইয়া শায়িত ছিলেন। ভগবান একদিন আয়ুত্মান আনন্দকে পশ্চাৎগামী শ্রমণরূপে লইয়া শয়নাসন দর্শনে বিচরণ করিতে করিতে সেই ভিক্ষুর বিহারে উপস্থিত হইলেন। ভগবান সেই ভিক্ষুকে স্বীয় মলমূত্রে জড়িত হইয়া শয়ন করিয়া থাকিতে দেখিতে পাইলেন। দেখিয়া সেই ভিক্ষুর নিকট উপস্থিত হইলেন; উপস্থিত হইয়া সেই ভিক্ষুকে কহিলেন—“ভিক্ষু! তোমার কোন্ রোগ হইয়াছে?” “ভগবন্! আমার উদরাময় রোগ হইয়াছে।” ভিক্ষু! তোমার কোন্ পরিচারক আছে কি?” “ভগবন্! আমার কোন পরিচারক নাই।” “ভিক্ষুগণ তোমার পরিচর্যা করে না কেন?” “প্রভো! আমি ভিক্ষুগণের কোন কার্য করিতাম না, এইজন্য তাঁহারা আমার পরিচর্যা করিতেছেন না।”

ভগবান আয়ুত্মান আনন্দকে আহ্বান করিলেন—“আনন্দ! জল লইয়া আইস; এই ভিক্ষুকে স্নান করাইব।” “যথা আজ্ঞা, প্রভো!” বলিয়া আয়ুত্মান আনন্দ ভগবানকে প্রত্যুত্তরে সম্মতি জানাইয়া জল লইয়া আসিলেন। ভগবান জল সিঞ্চন করিলেন, আয়ুত্মান আনন্দ উত্তমরূপে ধৌত করিলেন। ভগবান মস্তকে এবং আয়ুত্মান আনন্দ পদে ধরিয়া উঠাইয়া মঞ্চে শয়ন করাইলেন। ভগবান এই সম্বন্ধে ভিক্ষুসঙ্ঘকে সমবেত করাইয়া ভিক্ষুগণকে জিজ্ঞাসা করিলেন—“হে ভিক্ষুগণ! অমুক বিহারে কোন রংগ্ন ভিক্ষু আছে কি?” “ভগবন্! আছে।” “ভিক্ষুগণ! সেই ভিক্ষুর কোন্ রোগ হইয়াছে?” “প্রভো! সেই আয়ুত্মানের উদরাময় রোগ হইয়াছে।” “ভিক্ষুগণ! সেই ভিক্ষুর কি কোন পরিচারক আছে?” “ভগবন্! নাই।” “কি কারণে ভিক্ষুগণ তাহার পরিচর্যা করে না?” “প্রভো! এই ভিক্ষু ভিক্ষুগণের কোন কার্য করিতেন না, এইজন্য ভিক্ষুগণ তাঁহার পরিচর্যা করিতেছেন না।” “ভিক্ষুগণ! তোমাদের মাতা কিংবা পিতা নাই যে তোমাদের পরিচর্যা করিবে, তোমরা যদি পরস্পরের পরিচর্যা না কর তবে কে পরিচর্যা করিবে? ভিক্ষুগণ! যে আমার পরিচর্যা করিবে সে রোগীর পরিচর্যা করুক। যদি উপাধ্যায় হয় উপাধ্যায়কে আজীবন পরিচর্যা করিতে হইবে, রোগমুক্তি পর্যন্ত অপেক্ষা করিতে হইবে। যদি আচার্য্য হয় আচার্য্যকে আজীবন পরিচর্যা করিতে হইবে, রোগমুক্তি পর্যন্ত অপেক্ষা

করিতে হইবে। যদি সহবিহারী হয় সহবিহারীকে আজীবন পরিচর্যা করিতে হইবে, রোগমুক্তি পর্যন্ত অপেক্ষা করিতে হইবে। যদি অন্তেবাসী হয় অন্তেবাসীকে আজীবন পরিচর্যা করিতে হইবে, রোগমুক্তি পর্যন্ত অপেক্ষা করিতে হইবে। যদি সম উপাধ্যায় (উপাধ্যায়ের সদৃশ) হয় সম উপাধ্যায়কে আজীবন পরিচর্যা করিতে হইবে, রোগমুক্তি পর্যন্ত অপেক্ষা করিতে হইবে। যদি সম আচার্য্য হয় সম আচার্য্যকে আজীবন পরিচর্যা করিতে হইবে, রোগমুক্তি পর্যন্ত অপেক্ষা করিতে হইবে। যদি উপাধ্যায়, আচার্য্য, সহবিহারী, অন্তেবাসী, সম উপাধ্যায়, অথবা সম আচার্য্য না হয় তাহা হইলে সঙ্ঘকে পরিচর্যা করিতে হইবে; যদি পরিচর্যা না করে, তাহা হইলে ‘দুকট’ অপরাধ হইবে।”

(২) কিরূপ রোগীর পরিচর্যা কষ্টকর?

হে ভিক্ষুগণ! পঞ্চগঙ্গ-বিকল রোগীর পরিচর্যা কষ্টকর। যথা—(১) যেই রোগী প্রতিকূল আচরণ করে, (২) অনুকূলতার মাত্রা সম্বন্ধে অভিজ্ঞ নহে, (৩) ভৈষজ্য সেবন করে না, (৪) হিতৈষী রোগী পরিচারকের নিকট যথার্থভাবে রোগের বৃত্তান্ত প্রকাশ করে না, রোগ বৃদ্ধি পাইলে বৃদ্ধি পাইতেছে বলিয়া বলে না, হ্রাস পাইলে হ্রাস পাইতেছে বলিয়া বলে না, স্থির থাকিলে স্থির আছে বলিয়া বলে না এবং (৫) দুঃখকর, তীব্র, কঠোর, কটু, প্রতিকূল, অপ্রিয় এবং প্রাণহর শারীরিক রোগ সহ্য করিতে সমর্থ নহে। ভিক্ষুগণ! এই পঞ্চগঙ্গ-বিকল রোগীর পরিচর্যা কষ্টকর।

(৩) কিরূপ রোগীর পরিচর্যা সুখকর?

হে ভিক্ষুগণ! পঞ্চগঙ্গ-সম্পন্ন রোগীর পরিচর্যা সুখকর। (১) যেই রোগী অনুকূল আচরণ করে, (২) অনুকূলতার মাত্রা সম্বন্ধে অভিজ্ঞ, (৩) ভৈষজ্য সেবন করে, (৪) হিতৈষী রোগী পরিচারকের নিকট যথার্থভাবে রোগের বৃত্তান্ত প্রকাশ করে, রোগ বৃদ্ধি পাইলে বৃদ্ধি পাইতেছে বলিয়া বলে, হ্রাস পাইলে হ্রাস পাইতেছে বলিয়া বলে, স্থির থাকিলে স্থির আছে বলিয়া বলে এবং (৫) দুঃখকর, তীব্র, কঠোর, কটু, প্রতিকূল, অপ্রিয় এবং প্রাণহর শারীরিক রোগ সহ্য করিতে সমর্থ। ভিক্ষুগণ! এই পঞ্চগঙ্গ-সম্পন্ন রোগীর সেবা সুখকর।

(৪) অযোগ্য রোগীপরিচারক

হে ভিক্ষুগণ! পঞ্চগঙ্গ-বিকল রোগীপরিচারক রোগীর পরিচর্যা করিবার যোগ্য নহে। যথা—(১) যে ঔষধ প্রয়োগ করিতে জানে না; (২) অনুকূল-প্রতিকূল পথ্য চিনে না; প্রতিকূল প্রদান করে, অনুকূল প্রদান করে না; (৩) মৈত্রীচিন্তে সেবা না করিয়া কোন লাভের প্রত্যাশায় সেবা করে; (৪) মল, মূত্র, থুথু এবং বমি পরিত্যাগ

করিতে ঘৃণাবোধ করে; (৫) রোগীকে সময়ে ধর্মোপদেশ দানে প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট করিতে সমর্থ নহে। ভিক্ষুগণ! এই পঞ্চগঙ্গ-বিকল রোগীপরিচারক রোগী পরিচর্যা করিবার যোগ্য নহে।

(৫) যোগ্য রোগীপরিচারক

হে ভিক্ষুগণ! এই পঞ্চগঙ্গ-সম্পন্ন রোগীপরিচারক রোগীর পরিচর্যা করিবার যোগ্য। যথা—(১) যে যথার্থভাবে ঔষধ প্রয়োগ করিতে জানে, (২) অনুকূল-প্রতিকূল চিনে, প্রতিকূল অপসারিত করে, অনুকূল উপস্থিত করে, (৩) মৈত্রীচিহ্নে সেবা করে, কোন লাভের আশায় নহে, (৪) মল, মূত্র, থুথু এবং বমি পরিত্যাগ করিতে ঘৃণাবোধ করে না এবং (৫) রোগীকে সময় সময় ধর্মোপদেশদানে প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট করিতে সমর্থ। ভিক্ষুগণ! এই পঞ্চগঙ্গ-সম্পন্ন রোগীপরিচারক রোগী পরিচর্যা করিবার উপযুক্ত।

(৬) মৃত ভিক্ষু বা শ্রামণের দ্রব্যের মালিক সঙ্ঘ

১—সেই সময়ে দুইজন ভিক্ষু কোশল জনপদের মধ্য দিয়া দীর্ঘপথযাত্রী হইয়াছিলেন। তাঁহারা এক আবাসে উপস্থিত হইলেন। সেখানে জনৈক রুগ্ন ভিক্ষু ছিলেন। সেই ভিক্ষুগণের মনে এই চিন্তা উদিত হইল : “বন্ধো! ভগবান রোগী পরিচর্যার প্রশংসা করিয়াছেন; আসুন, আমরা এই ভিক্ষুর পরিচর্যা করি।” এই ভাবিয়া তাঁহারা পরিচর্যা করিতে লাগিলেন; কিন্তু তাঁহারা পরিচর্যা করা সত্ত্বেও সেই ভিক্ষু কালগত হইলেন। তাঁহারা সেই মৃত ভিক্ষুর পাত্রচীবর লইয়া, শ্রাবস্তীতে যাইয়া ভগবানকে এই বিষয়া জানাইলেন। (ভগবান কহিলেন :—) “হে ভিক্ষুগণ! যদি কোন ভিক্ষুর মৃত্যু হয় তাহা হইলে সঙ্ঘই তাহার পাত্রচীবরের মালিক; কিন্তু (মনে রাখিতে হইবে) রোগীপরিচারক বড় উপকারী। ভিক্ষুগণ! আমি অনুজ্ঞা করিতেছি : সঙ্ঘকে ত্রিচীবর এবং পাত্র রোগীপরিচারককে প্রদান করিতে হইবে।”

হে ভিক্ষুগণ! এইভাবে দিতে হইবে। সেই রোগীপরিচারক ভিক্ষু সঙ্ঘের নিকট উপস্থিত হইয়া এরূপ বলিবে : “প্রভো! অমুক ভিক্ষুর কালক্রিয়া হইয়াছে, এই তাঁহার ত্রিচীবর এবং পাত্র।” দক্ষ এবং সমর্থ ভিক্ষু সঙ্ঘকে এইরূপ প্রস্তাব জ্ঞাপন করিবে।

জ্ঞপ্তি—“মাননীয় সঙ্ঘ! আমার প্রস্তাব শ্রবণ করুন। অমুক ভিক্ষু কালগত হইয়াছেন, এই তাঁহার ত্রিচীবর এবং পাত্র। যদি সঙ্ঘ উচিত মনে করেন, তাহা হইলে সঙ্ঘ এই ত্রিচীবর এবং পাত্র রোগীপরিচারককে প্রদান করিতে পারেন।—ইহাই জ্ঞপ্তি।

অনুশ্রাবণ—মাননীয় সজ্ঞ! আমার প্রস্তাব শ্রবণ করুন। অমুক ভিক্ষু কালগত হইয়াছেন; এই তাঁহার ত্রিচীবর এবং পাত্র। সজ্ঞ এই ত্রিচীবর এবং পাত্র রোগীপরিচারককে দিতেছেন। এই ত্রিচীবর এবং পাত্র রোগীপরিচারককে প্রদান করা যেই আয়ুত্মান উচিৎ মনে করেন তিনি মৌন থাকিবেন এবং যিনি উচিৎ মনে না করেন তিনি তাঁহার বক্তব্য ভাষায় প্রকাশ করিবেন।

ধারণা—সজ্ঞ এই ত্রিচীবর এবং পাত্র রোগীপরিচারককে প্রদান করিলেন। সজ্ঞ এই প্রস্তাব উচিৎ মনে করিয়া মৌন রহিয়াছেন,—আমি এরূপ ধারণা করিতেছি।”

২—সেই সময়ে জনৈক শ্রামণের কালগত হইয়াছিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! শ্রামণের কালগত হইলে তাহার পাত্র ও চীবরের মালিক সজ্ঞ। কিন্তু (মনে রাখিতে হইবে) রোগীপরিচারক বড় উপকারী। ভিক্ষুগণ! আমি অনুজ্ঞা করিতেছি : সজ্ঞকে চীবর এবং পাত্র রোগীপরিচারককে দিতে হইবে।”

হে ভিক্ষুগণ! এইভাবে দিবে : সেই রোগীপরিচারক ভিক্ষুকে সজ্ঞের নিকট উপস্থিত হইয়া এরূপ বলিতে হইবে : “প্রভো! অমুক শ্রামণের কালগত হইয়াছে; এই তাহার পাত্র এবং চীবর।” দক্ষ এবং সমর্থ ভিক্ষু সজ্ঞকে এইরূপ প্রস্তাব জ্ঞাপন করিবে।

জ্ঞপ্তি—“মাননীয় সজ্ঞ! আমার প্রস্তাব শ্রবণ করুন। অমুক শ্রামণের কালগত হইয়াছে; এই তাহার চীবর এবং পাত্র। যদি সজ্ঞ উচিৎ মনে করেন, তাহা হইলে সজ্ঞ এই চীবর এবং পাত্র রোগীপরিচারককে দিতে পারেন।—ইহাই জ্ঞপ্তি।

অনুশ্রাবণ—সজ্ঞ! আমার প্রস্তাব শ্রবণ করুন। অমুক শ্রামণের কালগত হইয়াছে; এই তাহার চীবর এবং পাত্র। সজ্ঞ এই চীবর এবং পাত্র রোগীপরিচারককে দিতেছেন। এই চীবর এবং পাত্র রোগীপরিচারককে প্রদান করা যেই আয়ুত্মান উচিৎ মনে করেন, তিনি মৌন থাকিবেন এবং যিনি উচিৎ মনে না করেন তিনি তাঁহার বক্তব্য ভাষায় প্রকাশ করিবেন।

ধারণা—সজ্ঞ এই চীবর এবং পাত্র রোগীপরিচারককে প্রদান করিলেন। সজ্ঞ এই প্রস্তাব উচিৎ মনে করিয়া মৌন রহিয়াছেন,—আমি এরূপ ধারণা করিতেছি।”

(৭) মৃতের দ্রব্যে শুশ্রূষক ভিক্ষু এবং শ্রামণের অংশ

১—সেই সময়ে জনৈক ভিক্ষু এবং জনৈক শ্রামণের রোগী ভিক্ষুর পরিচর্যা করিয়াছিল। রোগী তাহাদের সেবা পাওয়া সত্ত্বেও কালগত হইলেন। সেই রোগীপরিচারক ভিক্ষুর মনে এই চিন্তা উদিত হইল : ‘রোগীপরিচারক শ্রামণেরকে চীবরের ভাগ কিরূপ দিতে হইবে?’ ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! আমি অনুজ্ঞা করিতেছি : রোগীপরিচারক শ্রামণেরকে সমান অংশ দিবে।”

২—সেই সময়ে বহুভাণ্ড এবং বহু দ্রব্যের অধিকারী জনৈক ভিক্ষু কালগত হইয়াছিলেন। ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! কোন ভিক্ষুর মৃত্যু হইলে তাহার পাত্র-চীবরের মালিক সজ্জ। কিন্তু (একথা মনে রাখিতে হইবে) রোগীপরিচারক বড় উপকারী। ভিক্ষুগণ! আমি অনুজ্ঞা করিতেছি : সজ্জ ত্রিচীবর এবং পাত্র রোগীপরিচারককে দিবে। ক্ষুদ্র ক্ষুদ্র দ্রব্য সজ্জের উপস্থিতিতে ভাগ করিবে এবং বৃহৎ ভাণ্ড ও বৃহৎ দ্রব্য চতুর্দিক হইতে আগত অনাগত ভিক্ষুসজ্জের ব্যবহারের জন্য রাখিয়া দিবে, তাহা পরিত্যাগ কিংবা ভাগ করিতে পারিবে না।”

চীবরের বস্ত্র এবং রঙ

(১) নগ্ন থাকা অবিধেয়

সেই সময়ে জনৈক ভিক্ষু নগ্ন হইয়া ভগবানের নিকট উপস্থিত হইল; উপস্থিত হইয়া ভগবানকে কহিল :—“প্রভো! ভগবান বিবিধ প্রকারে অল্লেখ্যতার, সন্তুষ্টিতার, সন্তোষের, ধূতের^১, প্রসন্নতার, নম্রতার এবং উদ্যমশীলতার প্রশংসা করিয়াছেন। এই নগ্নতা বিবিধ প্রকারে অল্লেখ্য, সন্তোষ, সন্তোষ, ধূত, প্রসন্নতা, নম্রতা এবং উদ্যমশীলতার পক্ষে উপযোগী। অতএব প্রভু ভগবান ভিক্ষুগণকে নগ্ন থাকিবার অনুজ্ঞা প্রদান করুন।”

বুদ্ধ ভগবান তাহা নিতান্ত গর্হিত বলিয়া প্রকাশ করিলেন : মোঘপুরুষ! ইহা অননুরূপ মোঘপুরুষ! কেন তুমি তীর্থিকব্রত নগ্নতা গ্রহণ করিতে পার? তোমার এই কার্যে যে অপ্রসন্নদিগের প্রসন্নতা উৎপাদন করিবে না নিন্দা করিয়া, ধর্মকথা উত্থাপন করিয়া ভিক্ষুগণকে আহ্বান করিলেন :—“হে ভিক্ষুগণ! তীর্থিকব্রত নগ্নতা গ্রহণ করিতে পারিবে না; যে গ্রহণ করিবে তাহার ‘খুল্লচয়’ অপরাধ হইবে।”

(২) কুশচীরাদি ব্যবহার অবিধেয়

১—সেই সময়ে জনৈক ভিক্ষু কুশচীর, বঙ্কলচীর, ফলকচীর (কাঠ ফলক), কেশকম্বল (মনুষ্যের কেশে প্রস্তুত বস্ত্র), বাল-কম্বল (হিংস্রজন্তুর কেশে প্রস্তুত বস্ত্র), উলূকের পাখা এবং মৃগচর্ম পরিধান করিয়া ভগবানের নিকট উপস্থিত হইল; উপস্থিত হইয়া ভগবানকে কহিলেন :—“প্রভো! ভগবান বিবিধ প্রকারে অল্লেখ্য, সন্তোষ, সন্তোষ, ধূত, প্রসন্নতা, নম্রতা এবং উদ্যমশীলতার প্রশংসা কীর্তন করিয়া

^১। ত্রয়োদশ প্রকার কঠোর নিয়মের।

থাকেন। প্রভো! এই মৃগচর্ম্য বিবিধ প্রকারে অল্লেখ্য, সন্তোষ, সন্তোষ, ধূত, প্রসন্নতা, নম্রতা এবং উদ্যমশীলতার পক্ষে উপযোগী। অতএব প্রভু ভগবান ভিক্ষুগণকে মৃগচর্ম্য পরিধান করিতে অনুজ্ঞা প্রদান করুন।”

বুদ্ধ ভগবান তাহা নিতান্ত গর্হিত বলিয়া প্রকাশ করিলেন : মোঘপুরুষ! ইহা অননুরূপ মোঘপুরুষ! কেন তুমি তীর্থিকধ্বজ (চিহ্ন) ধারণ করিতে পার? এই কার্যে যে অপ্রসন্নদিগের প্রসন্নতা উৎপাদন করিতে পারে না এইভাবে নিন্দা করিয়া, ধর্মকথা উত্থাপন করিয়া ভিক্ষুগণকে আহ্বান করিলেন :—“হে ভিক্ষুগণ! তীর্থিকধ্বজ মৃগচর্ম্য পরিধান করিতে পারিবে না, যে করিবে, তাহার ‘খুল্লাচ্চয়’ অপরাধ হইবে।”

২—সেই সময়ে জনৈক ভিক্ষু অর্কনাল^১, ‘পোথক’^২ পরিধান করিয়া ভগবানের নিকট উপস্থিত হইল; উপস্থিত হইয়া ভগবানকে কহিল—প্রভো! ভগবান বিবিধ প্রকারে অল্লেখ্য, সন্তোষ, সন্তোষ, ধূত, প্রসন্নতা, নম্রতা এবং উদ্যমশীলতার প্রশংসা করিয়া থাকেন। প্রভো! এই ‘পোথক’ বিবিধ প্রকারে অল্লেখ্য, সন্তোষ, সন্তোষ, ধূত, প্রসন্নতা, নম্রতা এবং উদ্যমশীলতার পক্ষে উপযোগী। অতএব প্রভু ভগবান ভিক্ষুগণকে ‘পোথক’ পরিধানে অনুজ্ঞা দান করুন।”

বুদ্ধ ভগবান তাহা নিতান্ত গর্হিত বলিয়া প্রকাশ করিলেন :—হে মোঘপুরুষ! কেন তুমি ‘পোথক’ পরিধান করিতে পার? মোঘপুরুষ! এই কার্যে যে অপ্রসন্নদিগের প্রসন্নতা উৎপাদন করিতে পারে না এইভাবে নিন্দা করিয়া, ধর্মকথা উত্থাপন করিয়া ভিক্ষুগণকে আহ্বান করিলেন :—“হে ভিক্ষুগণ! ‘পোথক’ পরিধান করিতে পারিবে না; যে পরিধান করিবে, তাহার ‘দুচ্ছট’ অপরাধ হইবে।”

(৩) নীল এবং পীতাদিবর্ণের চীবর ধারণ নিষিদ্ধ

সেই সময়ে ষড়বর্গীয় ভিক্ষু সারাগায়ে নীলবর্ণের চীবর পরিধান করিত, সারাগায়ে পীতবর্ণের চীবর পরিধান করিত, সারাগায়ে রক্তবর্ণের চীবর পরিধান করিত, সারাগায়ে মুঞ্জিষ্ঠাবর্ণের চীবর পরিধান করিত, সারাগায়ে কৃষ্ণবর্ণের চীবর পরিধান করিত, সারাগায়ে মহারঙ রঞ্জিত চীবর পরিধান করিত, সারাগায়ে হরিদ্রা রঙের চীবর পরিধান করিত, পাড় ছিন্ন না করিয়া চীবর পরিধান করিত, দীর্ঘ পাড়যুক্ত চীবর পরিধান করিত, ফুলের পাড়যুক্ত চীবর পরিধান করিত, সর্পফণার ন্যায় পাড়যুক্ত চীবর পরিধান করিত, কঞ্চুক (সর্পের খোলস) পরিধান করিত, তিরীটক (এক প্রকার বঙ্কল) পরিধান করিত, ‘বেঠন’ (উষ্ণীষ) ব্যবহার করিত। তদর্শনে জনসাধারণ ‘যেন কামভোগী গৃহী!’ এই বলিয়া অন্দোলন, নিন্দা এবং

^১। আকন্দগাছের নাল;

^২। বাঁশের দ্বারা প্রস্তুত চাটাই।

প্রকাশ্যে দুর্নাম প্রচার করিতে লাগিল। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! সারাগায়ে নীলবর্ণের, সারাগায়ে পীতবর্ণের, সারাগায়ে রক্তবর্ণের, সারাগায়ে মুঞ্জিষ্ঠাবর্ণের, সারাগায়ে কৃষ্ণবর্ণের, সারাগায়ে মহারঙে রঞ্জিত, সারাগায়ে হরিদ্রা রঙে রঞ্জিত চীবর পরিধান করিতে পারিবে না; পাড় ছিন্ন না করিয়া চীবর পরিধান করিতে পারিবে না, দীর্ঘ পাড়যুক্ত চীবর পরিধান করিতে পারিবে না, ফুলের পাড়যুক্ত চীবর পরিধান করিতে পারিবে না, সর্পফণার ন্যায় পাড়যুক্ত চীবর পরিধান করিতে পারিবে না, কঞ্চুক পরিধান করিতে পারিবে না, ‘তিরীটক’ পরিধান করিতে পারিবে না, উষ্ণীয় ব্যবহার করিতে পারিবে না; যে ব্যবহার করিবে তাহার ‘দুষ্কট’ অপরাধ হইবে।”

(৪) অবস্থান্তর প্রাপ্ত ব্যক্তির চীবরাদি সম্বন্ধে সঙ্ঘের কর্তব্য

সেই সময়ে ভিক্ষুগণ বর্ষাবাস সমাপ্ত করিয়া চীবর প্রাপ্তির পূর্বে প্রস্থান করিতেন, ভিক্ষুত্ব ত্যাগ করিয়া যাইতেন, কালগত হইতেন, শ্রামণেরত্ব জ্ঞাপন করিতেন, শিক্ষা প্রত্যাখ্যাতক জ্ঞাপন করিতেন, অস্তিমবস্তু (পারাজিক) প্রাপ্ত বলিয়া জ্ঞাপন করিতেন, উন্মাদ বলিয়া জ্ঞাপন করিতেন, বিক্ষিপ্ত চিত্ত, বেদনাতুর, অপরাধ অদর্শনে উৎক্ষিপ্ত অপরাধে প্রতিকার না করায় উৎক্ষিপ্ত মিথ্যা বিশ্বাস পরিত্যাগ না করায় উৎক্ষিপ্ত, পণ্ডক, স্তেয়সংবাসক, তীর্থিকপ্রস্থানক, মানবেতর জীব, মাতৃহন্তা, পিতৃহন্তা, অর্হৎহন্তা, ভিক্ষুণীদূষক, সঙ্ঘভেদক, রক্তোৎপাদক এবং উভয়লিঙ্গ বিশিষ্ট বলিয়া জ্ঞাপন করিতেন। ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! যদি কোন ভিক্ষু বর্ষাবাস সমাপ্ত করিয়া চীবর প্রাপ্তির পূর্বে প্রস্থান করে তাহা হইলে যোগ্য গ্রাহক^১ থাকিলে তাহাকে প্রদান করিবে।”

(৫) চীবরের মালিক সঙ্ঘ

১—হে ভিক্ষুগণ! যদি কোন ভিক্ষু বর্ষাবাস সমাপ্ত করিয়া চীবর প্রাপ্তির পূর্বে গৃহী হইয়া যায়, কালগত হয়, শ্রামণের হয়, শিক্ষা প্রত্যাখ্যাতক হয়, অস্তিমদোষে দোষী হয় তাহা হইলে (চীবরের) মালিক সঙ্ঘ।

২—হে ভিক্ষুগণ! যদি কোন ভিক্ষু বর্ষাবাস সমাপ্ত করিবার পর এবং চীবর প্রাপ্তির পূর্বে উন্মাদ, বিক্ষিপ্তচিত্ত, বেদনাতুর, অপরাধ অদর্শনে উৎক্ষিপ্ত, অপরাধের

^১। যদি কেহ বলে আমি লইব তাহা হইলে তাহাকে দিবে। এই তেইশজনের মধ্যে ষোলজনে পাইতে পারে না, সাতজনে পাইতে পারে।—সম-পাসা।

প্রতিকার না করায় উৎক্ষিপ্ত, মিথ্যা বিশ্বাস ত্যাগ না করায় উৎক্ষিপ্ত হয় তাহা হইলে যোগ্য গ্রাহক থাকিলে তাহাকে প্রদান করিবে।

৩—হে ভিক্ষুগণ! যদি কোন ভিক্ষু বর্ষাবাস সমাপ্ত করিবার পর এবং চীবর প্রাপ্তির পূর্বের পণ্ডক ... উভয়লিঙ্গ বিশিষ্টে পরিগণিত হয় তাহা হইলে (চীবরের) মালিক সজ্জ।

৪—হে ভিক্ষুগণ! যদি কোন ভিক্ষু বর্ষাবাস সমাপ্ত করিবার পর এবং প্রাপ্ত চীবর ভাগ করিবার পূর্বের প্রস্থান করে তাহা হইলে যোগ্য গ্রাহক থাকিলে তাহাকে (চীবর) প্রদান করিবে।

৫—হে ভিক্ষুগণ! যদি কোন ভিক্ষু বর্ষাবাস সমাপ্ত করিবার পর এবং প্রাপ্ত চীবর ভাগ করিবার পূর্বের গৃহী হয়, কালগত হয়, শ্রামণের, শিক্ষা প্রত্যাখ্যাতক, অস্তিমদোষে দোষী হয় তাহা হইলে (চীবরের) মালিক সজ্জ।

৬—হে ভিক্ষুগণ! যদি কোন ভিক্ষু বর্ষাবাস সমাপ্ত করিবার পর এবং প্রাপ্ত চীবর ভাগ করিবার পূর্বের উন্মাদ, বিক্ষিপ্তচিত্ত, বেদনাতুর, অপরাধ অদর্শনে উৎক্ষিপ্ত, অপরাধের প্রতিকার না করায় উৎক্ষিপ্ত এবং মিথ্যা বিশ্বাস পরিত্যাগ না করায় উৎক্ষিপ্ত হয় তাহা হইলে যোগ্য গ্রাহক থাকিলে তাহাকে (চীবর) প্রদান করিবে।

৭—হে ভিক্ষুগণ! যদি কোন ভিক্ষু বর্ষাবাস সমাপ্ত করিবার পর এবং প্রাপ্ত চীবর ভাগ করিবার পূর্বের পণ্ডক ... উভয়লিঙ্গ বিশিষ্টে পরিগণিত হয় তাহা হইলে (চীবরের) মালিক সজ্জ।

চীবর দান এবং চীবর বাহক

(১) সজ্জভেদে হইলে চীবর ভাগ করার নিয়ম

১—হে ভিক্ষুগণ! যদি বর্ষাবাস সমাপক ভিক্ষুগণের চীবর প্রাপ্তির পূর্বের সজ্জ দ্বিধা বিভক্ত হইয়া যায় এবং সেখানে জনসাধারণ ‘সজ্জকে দিতেছি’ বলিয়া একপক্ষকে জল এবং অন্যপক্ষকে চীবর প্রদান করে তাহা হইলে তাহা সজ্জেরই হয়।

২—হে ভিক্ষুগণ! যদি বর্ষাবাস সমাপক ভিক্ষুগণের চীবর প্রাপ্তির পূর্বের সজ্জ দ্বিধা বিভক্ত হইয়া যায় এবং সেখানে জনসাধারণ ‘সজ্জকে দিতেছি’ বলিয়া যেই পক্ষকে জল (দক্ষিণোদক) প্রদান করে সেই পক্ষকেই চীবর প্রদান করে তাহা হইলে তাহা সজ্জেরই হয়।

৩—হে ভিক্ষুগণ! যদি বর্ষাবাস সমাপক ভিক্ষুগণের চীবর প্রাপ্তির পূর্বের সজ্জ দ্বিধা বিভক্ত হইয়া যায় এবং সেখানে জনসাধারণ ‘একপক্ষকে দিতেছি’ বলিয়া একপক্ষকে জল প্রদান করে এবং অন্যপক্ষকে চীবর প্রদান করে তাহা হইলে তাহা পক্ষেরই হয়।

৪—হে ভিক্ষুগণ! যদি বর্ষাবাস সমাপক ভিক্ষুগণের চীবর প্রাপ্তির পূর্বে সজ্জ দ্বিধা বিভক্ত হইয়া যায় এবং সেখানে জনসাধারণ ‘পক্ষকে দিতেছি’ বলিয়া যে পক্ষে জল প্রদান করে সেই পক্ষেই চীবর প্রদান করে তাহা হইলে তাহা পক্ষেরই হয়।

৫—হে ভিক্ষুগণ! যদি বর্ষাবাস সমাপক ভিক্ষুগণের প্রাপ্ত চীবর ভাগ করিবার পূর্বে সজ্জ দ্বিধা বিভক্ত হইয়া যায় তাহা হইলে সকলে সম অংশে বিভাগ করিবে।

(২) অন্যের জন্য প্রেরিত চীবর চীবরবাহকের ব্যবহার করিবার বিধি

১—সেই সময়ে আয়ুত্মান রেবত জনৈক ভিক্ষুর দ্বারা ‘এই চীবর স্থবিরকে প্রদান করিবেন’ বলিয়া আয়ুত্মান শারীপুত্রের নিকট চীবর প্রেরণ করিয়াছিলেন। সেই ভিক্ষু রাস্তার মধ্যে ‘আয়ুত্মান রেবতের নিকট চাহিলে আমি চীবর পাইতে পারি’ এই বিশ্বাসের বশবর্তী হইয়া সেই চীবর স্বয়ং গ্রহণ করিলেন। আয়ুত্মান রেবত আয়ুত্মান শারীপুত্রের সাক্ষাৎ পাইয়া জিজ্ঞাসা করিলেন :—“প্রভো! আমি স্থবিরের জন্য চীবর পাঠাইয়াছিলাম, তাহা আপনার হস্তগত হইয়াছে কি?” “বন্ধো! আমি চীবর পাই নাই।” আয়ুত্মান রেবত সেই ভিক্ষুকে (চীবর বাহককে) কহিলেন :—“বন্ধো! আমি আপনার দ্বারা স্থবিরের জন্য যেই চীবর পাঠাইয়াছিলাম; এখন সেই চীবর কোথায়?” “প্রভো! আমি সেই চীবর আপনার উপর বিশ্বাস স্থাপন করিয়া গ্রহণ করিয়াছি।” ভিক্ষুগণ ভগবানকে এই বিষয় জ্ঞাপন করিলেন। (ভগবান কহিলেন :—)

হে ভিক্ষুগণ! যদি কোন ভিক্ষু অন্য কোন ভিক্ষুদ্বারা ‘এই চীবর অমুককে প্রদান করিবেন’ বলিয়া চীবর প্রেরণ করে। যদি সেই ভিক্ষু রাস্তার মধ্যে যে প্রেরণ করে তাহার উপর বিশ্বাস স্থাপন করিয়া গ্রহণ করে তাহা হইলে অনুচিত হইবে না; কিন্তু যাহার উদ্দেশ্যে প্রেরিত তাহার উপর বিশ্বাস স্থাপন করিয়া গ্রহণ করা উচিত নহে।

২—হে ভিক্ষুগণ! যদি কোন ভিক্ষু অন্য কোন ভিক্ষুদ্বারা ‘এই চীবর অমুককে প্রদান করিবেন’ বলিয়া চীবর প্রেরণ করে। যদি সে রাস্তার মধ্যে যাহার উদ্দেশ্যে প্রেরিত হইয়াছে তাহার উপর বিশ্বাস স্থাপন করিয়া গ্রহণ করে তাহা হইলে অনুচিত হইবে; কিন্তু যে প্রেরণ করিয়াছে তাহার উপর বিশ্বাস স্থাপন করিয়া গ্রহণ করিলে অনুচিত হইবে না।

৩—হে ভিক্ষুগণ! যদি কোন ভিক্ষু অন্য কোন ভিক্ষুদ্বারা ‘এই চীবর অমুককে প্রদান করিবেন’ বলিয়া চীবর প্রেরণ করে। সে (বাহক) রাস্তার মধ্যে শূন্যতে পায় : যে প্রেরণ করিয়াছে তাহার মৃত্যু হইয়াছে। তাহা মৃত ব্যক্তির চীবর মনে করিয়া ব্যবহার করিলে অনুচিত হইবে না; কিন্তু যাহার জন্য প্রেরিত হইয়াছে তাহার উপর বিশ্বাস স্থাপন করিয়া গ্রহণ করিলে অনুচিত হইবে।

৪—হে ভিক্ষুগণ! যদি কোন ভিক্ষু অন্য কোন ভিক্ষুদ্বারা ‘এই চীবর অমুককে প্রদান করিবেন’ এই বলিয়া চীবর প্রেরণ করে। সে (বাহক) রাস্তার মধ্যে শূন্যে পায় : যাহার জন্য প্রেরিত সে কালগত হইয়াছে। তাহা মৃত ব্যক্তির চীবর মনে করিয়া গ্রহণ করিলে অনুচিত হইবে; কিন্তু যে প্রেরণ করিয়াছে তাহার উপর বিশ্বাস স্থাপন করিয়া গ্রহণ করিলে অনুচিত হইবে না।

৫—হে ভিক্ষুগণ! যদি কোন ভিক্ষু অন্য কোন ভিক্ষুদ্বারা ‘এই চীবর অমুককে প্রদান করিবেন’ এই বলিয়া চীবর প্রেরণ করে। সে (বাহক) রাস্তার মধ্যে শূন্যে পায় : উভয় কালগত হইয়াছে। মৃতের (প্রেরকের) চীবর মনে করিয়া গ্রহণ করিলে অনুচিত হইবে না; কিন্তু যাহার উদ্দেশ্যে প্রেরিত সেই মৃত গ্রাহকের চীবর মনে করিয়া গ্রহণ করিলে অনুচিত হইবে।

৬—হে ভিক্ষুগণ! যদি কোন ভিক্ষু অন্য কোন ভিক্ষুদ্বারা ‘এই চীবর অমুককে প্রদান করিতেছি’ এই বলিয়া চীবর প্রেরণ করে। সে (বাহক) যদি রাস্তার মধ্যে প্রেরকের উপর বিশ্বাস স্থাপন করিয়া সেই চীবর নিজে গ্রহণ করে তাহা হইলে অনুচিত হইবে; যাহার জন্য প্রেরিত তাহার উপর বিশ্বাস স্থাপন করিয়া গ্রহণ করিলে অনুচিত হইবে না।

৭—হে ভিক্ষুগণ! কোন ভিক্ষু অন্য কোন ভিক্ষুদ্বারা ‘এই চীবর অমুককে দিতেছি’ এই বলিয়া চীবর প্রেরণ করে। সে (বাহক) রাস্তার মধ্যে যাহার উদ্দেশ্যে প্রেরিত তাহার উপর বিশ্বাস স্থাপন করিয়া গ্রহণ করিলে অনুচিত হইবে না; প্রেরকের উপর বিশ্বাস স্থাপন করিয়া গ্রহণ করিলে অনুচিত হইবে।

৮—হে ভিক্ষুগণ! কোন ভিক্ষু অন্য কোন ভিক্ষুদ্বারা ‘এই চীবর অমুককে দিতেছি’ এই বলিয়া চীবর প্রেরণ করে। সে (বাহক) রাস্তার মধ্যে শূন্যে পায় : প্রেরক কালগত হইয়াছে। প্রেরকের মৃতচীবর (মৃত ব্যক্তির চীবর) মনে করিয়া গ্রহণ করিলে অনুচিত হইবে; কিন্তু যাহার জন্য প্রেরিত তাহার উপর বিশ্বাস স্থাপন করিয়া গ্রহণ করিলে অনুচিত হইবে না।

৯—হে ভিক্ষুগণ! কোন ভিক্ষু অন্য কোন ভিক্ষুদ্বারা ‘এই চীবর অমুককে দিতেছি’ এই বলিয়া চীবর প্রেরণ করে। সে (বাহক) রাস্তার মধ্যে শূন্যে পায় : যাহার জন্য প্রেরিত সে কালগত হইয়াছে। তাহার (গ্রাহকের) মৃতচীবর মনে করিয়া গ্রহণ করিলে অনুচিত হইবে না; কিন্তু যে প্রেরণ করিয়াছে তাহার উপর বিশ্বাস স্থাপন করিয়া গ্রহণ করিলে অনুচিত হইবে।

১০—হে ভিক্ষুগণ! কোন ভিক্ষু অন্য কোন ভিক্ষুদ্বারা ‘এই চীবর অমুককে দিতেছি’ এই বলিয়া চীবর প্রেরণ করে। সে (বাহক) রাস্তার মধ্যে শূন্যে পায় : উভয়ের (প্রেরক ও গ্রাহকের) মৃত্যু হইয়াছে। যে প্রেরণ করিয়াছে তাহার মৃতচীবর মনে করিয়া গ্রহণ করিলে অনুচিত হইবে; যাহার জন্য প্রেরিত হইয়াছে তাহার মৃতচীবর মনে করিয়া গ্রহণ করিলে অনুচিত হইবে না।

(৩) অষ্টবিধ চীবরদান এবং তাহার ভাগ

হে ভিক্ষুগণ! চীবর উৎপত্তির (প্রাপ্তির) মাতিকা (উৎপত্তিক্ষেত্র) এই আট প্রকার, যথা—(১) সীমায় প্রদান করে, (২) সমলাভীকে প্রদান করে, (৩) ভিক্ষা গ্রহীতাকে প্রদান করে, (৪) সঙ্ঘকে প্রদান করে, (৫) উভয় (ভিক্ষু-ভিক্ষুণী) সঙ্ঘকে প্রদান করে, (৬) বর্ষাবাস সমাপক সঙ্ঘকে প্রদান করে, (৭) নির্দিষ্ট করিয়া প্রদান করে, (৮) ব্যক্তি বিশেষের উদ্দেশ্যে প্রদান করে।

(১) ‘সীমায় দিতেছি’ বলিয়া প্রদান করিলে সীমার অভ্যন্তরে অবস্থিত সকলে ভাগ করিয়া লইবে।

(২) ‘সমলাভীকে দিতেছি’ বলিয়া প্রদান করিলে যদি অনেক আবাস সমলাভী হয় তাহা হইলে এক আবাসে দিলেও সকল আবাসে প্রদত্ত হয়।

(৩) ‘ভিক্ষা গ্রহীতাকে দিতেছি’ বলিয়া প্রদান করিলে যেখানে সঙ্ঘের নিত্য সেবা করা হয় সেখানে প্রদত্ত হয়।

(৪) ‘সঙ্ঘকে দিতেছি’ বলিয়া প্রদান করিলে উপস্থিত সঙ্ঘকে ভাগ করিয়া লইতে হইবে।

(৫) ‘উভয় সঙ্ঘকে দিতেছি’ বলিয়া প্রদান করিলে যদি ভিক্ষু অধিক হয় এবং ভিক্ষুণী একজন মাত্র হয়, তাহা হইলে ভিক্ষুণীকে অর্ধেক দিতে হইবে। যদি ভিক্ষুণী অধিক হয় এবং ভিক্ষু একজন মাত্র হয়, তাহা হইলে ভিক্ষুকে অর্ধেক দিতে হইবে।

(৬) ‘বর্ষাবাস সমাপক সঙ্ঘকে দিতেছি’ বলিয়া প্রদান করিলে যতজন ভিক্ষু সেই আবাসে বর্ষাবাস সমাপ্ত করিয়াছে তাহারা সকলকে ভাগ করিয়া লইতে হইবে।

(৭) ‘নির্দিষ্ট করিয়া দিতেছি’ বলিয়া প্রদান করিলে যে দাতার যবাগু, অনু, খাদ্য, চীবর, শয়নাসন অথবা ভৈষজ্য উপভোগ করিয়াছে তাহাকে প্রদত্ত হইয়া থাকে।

(৮) ‘ব্যক্তি বিশেষকে দিতেছি’ বলিয়া প্রদান করিলে যাহার নাম লইয়া প্রদত্ত হয় তাহারই প্রাপ্য।

॥ চীবর-স্কন্ধ সমাপ্ত ॥

৯—চম্পায়-স্কন্ধ

কর্ম ও অকর্ম

[স্থান :—চম্পা]

(১) নিরপরাধীকে উৎক্ষিপ্ত করা অপরাধ

১—সেই সময়ে বুদ্ধ ভগবান চম্পায় অবস্থান করিতেছিলেন,—গর্গরা^১ পুষ্করিণী তীরে। সেই সময় কাশী জনপদে বাসভ্রাম নামে এক গ্রাম ছিল। সেখানে কর্তব্য বিষয়ে সচেতন^২ কাশ্যপগোত্র নামক জনৈক ভিক্ষু বাস করিতেন। তিনি সর্বদা এই বিষয়ে উৎসুক্য ছিলেন : অনাগত সুশীল ভিক্ষু কিসে এখানে আগমন করিবেন, উপস্থিত সুশীল ভিক্ষু কিসে নিরাপদে অবস্থান করিবেন এবং কিসেই বা এই আবাসের বৃদ্ধি, সমৃদ্ধি ও বৈপুল্য সাধিত হইবে।

সেই সময়ে বহুসংখ্যক ভিক্ষু কাশীতে পর্যটন করিতে করিতে বাসভ্রামে গমন করিলেন। দূর হইতেই কাশ্যপগোত্র ভিক্ষু সেই ভিক্ষুগণকে আসিতে দেখিতে পাইলেন; দেখিয়া আসন প্রস্তুত করিলেন, পাদোদক, পাদপীঠ, পাদকথলিক স্থাপন করিলেন। অভ্যর্থনা করিয়া পাত্রচীবর প্রত্নগ্রহণ করিলেন, পানীয়ের প্রয়োজন আছে কিনা জিজ্ঞাসা করিলেন। স্নানের জন্য উৎসুক্য প্রকাশ করিলেন এবং যবাগু ও খাদ্যভোজ্য সম্বন্ধে উৎসুক্য প্রকাশ করিলেন^৩। সেই আগন্তুক ভিক্ষুগণের মনে এই চিন্তা উদিত হইল : ‘এইস্থানে অবস্থিত ভিক্ষু অতি ভদ্র; তিনি আমাদের স্নান সম্বন্ধে উৎসুক্য প্রকাশ করিতেছেন এবং যবাগুও খাদ্যভোজ্য সম্বন্ধেও উৎসুক্য প্রকাশ করিতেছেন। অতএব আমরা এই বাসভ্রামে বাস করিব।’ এই মনে করিয়া সেই আগন্তুক ভিক্ষুগণ সেই বাসভ্রামে বাস করিতে লাগিলেন। কাশ্যপগোত্র ভিক্ষুর মনে এই চিন্তা উদিত হইল : ‘এই আগন্তুক ভিক্ষুগণের আগন্তুক জনিত যেই ক্লেশ

^১। গর্গরা নাম্নী রাজ-মহিষী কর্তৃক খনিত পুষ্করিণী তীরে।—সার-দীপ।

^২। তস্মিং আবাসে কত্তবন্ততা তন্তি পটিবদ্ধা—সম-পাসা। কর্তব্য কর্মে উৎসাহাশ্বিত।—সার-দীপ।

^৩। যেখানের লোকেরা বলিয়া থাকে ‘আগন্তুক আসিলে আমাদেরকে জানাইবেন’ সেই স্থানেই খাদ্যভোজ্য সম্বন্ধে উৎসুক্য করিতে পারা যায়, যেখানে বলে নাই সেখানে পারে না।—সম-পাসা।

ছিল তাহা এখন উপশমিত হইয়াছে, ভিক্ষা করিবার গ্রাম সম্বন্ধে তাঁহাদের যেই অনভিজ্ঞতা ছিল সেই সম্বন্ধেও এখন তাঁহাদের অভিজ্ঞতা জন্মিয়াছে। আজীবন পরগৃহে (খাদ্যভোজ্যের জন্য) ঔৎসুক্য প্রকাশ করা কষ্টদায়ক এবং যাচঞা লোকের প্রীতিকরও নহে; অতএব আমি যবাগু এবং খাদ্যভোজ্য সম্বন্ধে আর ঔৎসুক্য প্রকাশ করিব না।’ এই ভাবিয়া তিনি যবাগু এবং খাদ্যভোজ্য সম্বন্ধে ঔৎসুক্য প্রকাশে বিরত হইলেন। তখন সেই আগন্তুক ভিক্ষুগণের মনে এই চিন্তা উদিত হইল : ‘পূর্বের এই আবাসবাসী ভিক্ষু আমাদের স্নান সম্বন্ধে এবং যবাগু ও খাদ্যভোজ্য সম্বন্ধে আগ্রহশীল ছিলেন। এখন তিনি আমাদের যবাগু এবং খাদ্যভোজ্য সম্বন্ধে আগ্রহ দেখাইতেছেন না। এখন এই আবাসবাসী ভিক্ষু দুষ্ট হইয়া পড়িয়াছেন, অতএব আমরা এই আবাসবাসী ভিক্ষুকে উৎক্ষিপ্ত করিব।’ এই ভাবিয়া সেই আগন্তুক ভিক্ষুগণ সমবেত হইয়া কাশ্যপগোত্র ভিক্ষুকে কহিলেন :—“বন্ধো! পূর্বের আপনি আমাদের স্নান সম্বন্ধে আগ্রহ প্রকাশ করিতেন এবং যবাগু ও খাদ্যভোজ্য সম্বন্ধে আগ্রহ প্রকাশ করিতেন; কিন্তু এখন আপনি আমাদের যবাগু ও খাদ্যভোজ্য সম্বন্ধে ঔৎসুক্য প্রকাশ করিতেছেন না। এইজন্য আপনি অপরাধী হইয়াছেন। সেই অপরাধ কি আপনি দেখিতেছেন (স্বীকার করিতেছেন)?” “বন্ধুগণ! আমার এমন কোন অপরাধ নাই যাহা আমি দেখিব (স্বীকার করিব)।” তখন সেই আগন্তুক ভিক্ষুগণ কাশ্যপগোত্র ভিক্ষুকে অপরাধ দর্শন না করা হেতু উৎক্ষিপ্ত (দণ্ডিত)^১ করিল।

কাশ্যপগোত্র ভিক্ষুর মনে এই চিন্তা উদিত হইল : ‘আমি জানি না : ইহা অপরাধ কি, নিরপরাধ; প্রাপ্ত হইয়াছি কি, হই নাই; উৎক্ষিপ্ত হইয়াছি কি, হই নাই; ধৰ্ম্মানুসারে, না অধৰ্ম্মানুসারে, ন্যায়ানুসারে, না অন্যায়ানুসারে, কারণে, না অকারণে উৎক্ষিপ্ত হইয়াছি; অতএব আমি চম্পা গমন করিয়া ভগবানের নিকট এই বিষয় জিজ্ঞাসা করিব।’ এই ভাবিয়া কাশ্যপগোত্র ভিক্ষু শয্যাসন সামলাইয়া এবং পাত্রচীবর লইয়া চম্পা অভিমুখে গমন করিলেন। ক্রমান্বয়ে পর্যটন করিয়া চম্পায় ভগবানের নিকট উপস্থিত হইলেন; উপস্থিত হইয়া ভগবানকে অভিবাদন করিয়া একান্তে উপবেশন করিলেন। আগন্তুক ভিক্ষুগণের কুশলপ্রশ্ন জিজ্ঞাসা করা বুদ্ধগণের রীতি। ভগবান কাশ্যপগোত্র ভিক্ষুকে কহিলেন—“ভিক্ষু! নিরুপদ্রবে আছ ত? সুখে দিনযাপন করিয়াছ ত? অল্পকষ্টে দীর্ঘপথ অতিক্রম করিয়া আসিয়াছ ত? ভিক্ষু! তুমি কোথা হইতে আসিতেছ?” “ভগবন্! আমি নিরুদ্বেগে আছি, সুখে দিনযাপন করিয়াছি; অল্পকষ্টে দীর্ঘপথ অতিক্রম করিয়া আসিয়াছি। কাশী জনপদে বাসভগ্রাম নামে এক গ্রাম আছে, আমি তথায় কর্তব্যকার্য্যে উদ্যমশীল হইয়া নিত্য বাস করিয়া থাকি এবং আমি এ বিষয়ে সর্বদা আগ্রহান্বিত থাকি : কিসে অনাগত সুশীল ভিক্ষু

^১। যাহাকে ‘উৎক্ষিপ্ত’ করা হয় সে স্বসম্প্রদায় ভুক্ত হইলেও তাহার সঙ্গে আমিষসম্ভোগ (এক আসনে বসিয়া আহার করা) কিংবা ধর্মসম্ভোগ (বিনয় সম্বন্ধীয় কার্য্য) করা চলে না।

এখানে আগমন করিবেন, আগত সুশীল ভিক্ষু নিরাপদে বাস করিবেন এবং কিসেই বা এই আবাসের বৃদ্ধি, সমৃদ্ধি বৈপুল্য সাধিত হইবে। প্রভো! অনেক ভিক্ষু কাশীতে পর্যটন করিতে করিতে বাসভ্রামে গমন করিয়াছিলেন। আমি দূর হইতেই সেই ভিক্ষুগণকে আসিতে দেখিতে পাইলাম; দেখিয়া তাঁহাদের জন্য আসন নির্দিষ্ট করিলাম, পাদোদক, পাদপীঠ, পাদকথলিক স্থাপন করিলাম; অভ্যর্থনা করিয়া পাত্রচীবর প্রতিগ্রহণ করিলাম, পানীয়ের প্রয়োজন আছে কিনা জিজ্ঞাসা করিলাম, স্নান সম্বন্ধে আগ্রহ প্রকাশ করিলাম, যবাগু ও খাদ্যভোজ্য সম্বন্ধে আগ্রহ প্রকাশ করিলাম। তখন সেই ভিক্ষুগণের মনে এই চিন্তা উদিত হইয়াছিল : ‘এই আবাসবাসী ভিক্ষু অতি ভদ্র; তিনি আমাদের স্নান সম্বন্ধে আগ্রহ প্রকাশ করিতেছেন এবং যবাগু ও খাদ্যভোজ্য সম্বন্ধে আগ্রহ প্রকাশ করিতেছেন। অতএব আমরা এই বাসভ্রামেই বাস করিব।’ প্রভো! এই ভাবিয়া সেই আগন্তুক ভিক্ষুগণ সেই বাসভ্রামে বাস করিতে লাগিলেন। একদিন আমার মনে এই চিন্তা উদিত হইল : ‘এই আগন্তুক ভিক্ষুগণের আগন্তুক জনিত যেই ক্লেশ ছিল তাহা এখন উপশমিত হইয়াছে এবং তাঁহাদের ভিক্ষা করিবার গ্রাম সম্বন্ধে যেই অভিজ্ঞতা ছিল সেই সম্বন্ধেও এখন তাঁহাদের অভিজ্ঞতা জন্মিয়াছে। পরগৃহে আজীবন (খাদ্যভোজ্যের জন্য) আগ্রহ প্রকাশ করা ক্লেশকর। বিশেষত যাচঞা পরায়ণতা লোকের প্রীতিকর নহে; অতএব আমি যবাগু ও খাদ্যভোজ্য সম্বন্ধে আর ঔৎসুক্য প্রকাশ করিব না।’ প্রভো! এই ভাবিয়া আমি আর তাঁহাদের যবাগু ও খাদ্যভোজ্য সম্বন্ধে আগ্রহ প্রদর্শন করি নাই। তখন সেই আগন্তুক ভিক্ষুগণের মনে এই চিন্তা উদিত হয় : ‘এই আবাসবাসী ভিক্ষু পূর্বে আমাদের স্নান সম্বন্ধে আগ্রহান্বিত ছিলেন এবং আমাদের যবাগু ও খাদ্যভোজ্য সম্বন্ধেও আগ্রহ প্রকাশ করিতেন কিন্তু এখন তিনি আমাদের যবাগু ও খাদ্যভোজ্য সম্বন্ধে আগ্রহান্বিত নহেন। এই আবাসবাসী ভিক্ষু এখন দুষ্ট হইয়াছেন। অতএব আমরা তাঁহাকে উৎক্ষিপ্ত করিব।’ এই ভাবিয়া সেই আগন্তুক ভিক্ষুগণ সমবেত হইয়া আমাকে কহিলেন,—‘বন্ধো! পূর্বে আপনি আমাদের স্নান সম্বন্ধে আগ্রহান্বিত ছিলেন এবং যবাগু ও খাদ্যভোজ্য সম্বন্ধে ঔৎসুক্য করিতেন। এখন আপনি আমাদের যবাগু ও খাদ্যভোজ্য সম্বন্ধে আগ্রহান্বিত নহেন: এইজন্য আপনি অপরাধী হইয়াছেন, সেই অপরাধ দেখিতেছেন কি?’ ‘বন্ধুগণ! আমার তেমন কোন অপরাধ নাই যাহা আমি দেখিব।’ প্রভো! অনন্তর সেই আগন্তুক ভিক্ষুগণ অপরাধ দর্শন না করা হেতু আমাকে উৎক্ষিপ্ত করিলেন। তখন আমার মনে এই চিন্তা উদিত হয় : আমি জানি না : ইহা অপরাধ কি নিরপরাধ, প্রাপ্ত হইয়াছি কি হই নাই, উৎক্ষিপ্ত হইয়াছি কি হই নাই, ধর্মানুসারে কি অধর্মানুসারে, ন্যায়ানুসারে কি অন্যায়ানুসারে, কারণে কি অকারণে উৎক্ষিপ্ত হইয়াছি। অতএব আমি চম্পায় যাইয়া ভগবানের নিকট এই বিষয় জিজ্ঞাসা করিব।’ ভগবন্! আমি সেই স্থান হইতেই আসিতেছি।”

“হে ভিক্ষু! ইহা নিরপরাধ, অপরাধ নহে; অপ্রাপ্ত হইয়াছ, প্রাপ্ত হও নাই; অনুৎক্ষিপ্ত আছ, উৎক্ষিপ্ত হও নাই; অধর্মানুসারে, অন্যায়ানুসারে, অকারণে উৎক্ষিপ্ত হইয়াছ। ভিক্ষু! তুমি যাইয়া সেই বাসভ্রামেই বাস করিতে থাক।” “যথা আজ্ঞা, প্রভো!” বলিয়া কাশ্যপগোত্র ভিক্ষু ভগবানকে প্রত্যুত্তরে সম্মতি জানাইয়া আসন হইতে উঠিয়া, ভগবানকে অভিবাদন করিয়া, তাঁহার পুরোভাগে দক্ষিণপার্শ্ব রাখিয়া বাসভ্রামে প্রস্থান করিলেন।

সেই আগন্তুক ভিক্ষুগণের উদ্বেগ ও মনস্তাপ উপস্থিত হইল : ‘আমাদের লাভ হইল না, অলাভই হইল; আমাদের দুর্লাভই হইল, সুলাভ হইল না; আমরা যে নিরপরাধ পরিশুদ্ধ ভিক্ষুকে অবিষয়ে অকারণে উৎক্ষিপ্ত করিলাম! অতএব আমরা চম্পায় যাইয়া ভগবানের নিকট দোষকে দোষ বলিয়া স্বীকার করিব।’ এই ভাবিয়া সেই আগন্তুক ভিক্ষুগণ শয্যাসন সামলাইয়া এবং পাত্রচীবর লইয়া চম্পা অভিমুখে প্রস্থান করিলেন। ক্রমান্বয়ে বিচরণ করিয়া চম্পায় ভগবানের নিকট উপস্থিত হইলেন; উপস্থিত হইয়া ভগবানকে অভিবাদন করিয়া একান্তে উপবেশন করিলেন। আগন্তুক ভিক্ষুগণের কুশলপ্রশ্ন জিজ্ঞাসা করা বুদ্ধগণের রীতি। ভগবান সেই ভিক্ষুদিগকে কহিলেন :—“হে ভিক্ষুগণ! তোমরা নিরুপদবে আছ ত? তোমরা সুখে দিনযাপন করিয়াছ ত? অল্পক্লেশে দীর্ঘপথ অতিক্রম করিয়া আসিয়াছ ত? ভিক্ষুগণ! তোমরা কোথা হইতে আসিতেছ?” “ভগবন্! আমরা নিরুদ্বেগে আছি, সুখে দিনযাপন করিয়াছি, অল্পক্লেশে দীর্ঘপথ অতিক্রম করিয়া আসিয়াছি।” প্রভো! কাশীজনপদে বাসভ্রাম নামে এক গ্রাম আছে, সেই স্থান হইতে আমরা আসিতেছি। “ভিক্ষুগণ! তোমরাই কি আবাসবাসী ভিক্ষুকে উৎক্ষিপ্ত করিয়াছিলে?” “হাঁ, ভগবন্! তাহা সত্য।” “ভিক্ষুগণ! কোন্ বিষয়ে, কোন্ কারণে উৎক্ষিপ্ত করিয়াছিলে?” “ভগবন্! অবিষয়ে, অকারণে উৎক্ষিপ্ত করিয়াছিলাম।”

বুদ্ধ ভগবান তাহা নিতান্ত গর্হিত বলিয়া প্রকাশ করিলেন : “মোঘপুরুষ! তোমাদের এই কার্য অননুরূপ, অননুলোম, অপ্রতিরূপ, অশ্রমণোচিত, অবিহিত এবং অকার্য্য হইয়াছে। কেন তোমরা পরিশুদ্ধ নিরপরাধী ভিক্ষুকে অবিষয়ে, অকারণে উৎক্ষিপ্ত করিয়াছ? তোমাদের এই কার্য্যে যে অপ্রসন্নদিগের মধ্যে প্রসন্নতা উৎপন্ন হইবে না।” ... এইভাবে নিন্দা করিয়া, ধর্মকথা উত্থাপন করিয়া, ভিক্ষুগণকে আহ্বান করিলেন :—“হে ভিক্ষুগণ! পরিশুদ্ধ নিরপরাধী ভিক্ষুকে অবিষয়ে, অকারণে উৎক্ষিপ্ত করিতে পারিবে না; যে উৎক্ষিপ্ত করিবে তাহার ‘দুষ্কট’ অপরাধ হইবে।”

অনন্তর সেই ভিক্ষুগণ আসন হইতে উঠিয়া, উত্তরাসঙ্গ একাংশে স্থাপন করিয়া এবং ভগবানের পদে বিলুপ্তিত হইয়া ভগবানকে কহিলেন—“প্রভো! আমরা নিরপরাধী, পরিশুদ্ধ ভিক্ষুকে অবিষয়ে, অকারণে বালকের ন্যায়, মূঢ়ের ন্যায়, অজ্ঞের ন্যায় উৎক্ষিপ্ত করিয়া অপরাধ করিয়াছি। প্রভু ভগবান আমাদের অপরাধ ক্ষমাপ্রার্থনা ভবিষ্যতে আমরা সাবধান হইবার জন্য অনুমোদন করুন।”

“হে ভিক্ষুগণ! তোমরা বালক, মূঢ়, অজ্ঞের ন্যায় নিরপরাধী পরিশুদ্ধ ভিক্ষুকে অবিষয়ে, অকারণে উৎক্ষিপ্ত করিয়া অপরাধ করিয়াছ; অপরাধকে অপরাধ বলিয়া মনে করিয়া ধর্মানুসারে প্রতিকার করিতেছ, এইজন্য আমি তোমাদের অপরাধস্বীকার অনুমোদন করিলাম। ভিক্ষুগণ! আর্য্যাবিনয়ে ইহা শ্রীবৃদ্ধির কথা : যে দোষকে দোষরূপে দেখিয়া ধর্মানুসারে তাহার প্রতিকার করে এবং ভবিষ্যতের জন্য সাবধানতা অবলম্বন করে।”

(২) অকর্মের পার্থক্য

সেই সময়ে ভিক্ষুগণ চম্পায় এইরূপ কর্ম (দণ্ডবিধান) করিতেছিলেন। যথা, ধর্মবিরুদ্ধ^১ বর্গ (সংঘের একাংশ হইয়া) কর্ম (দণ্ডবিধান) করিতেছিলেন, ধর্মবিরুদ্ধ সমগ্র (সংঘের সকলে) কর্ম (দণ্ডবিধান) করিতেছিলেন, ধর্মসম্মত বর্গকর্ম করিতেছিলেন, ধর্মপ্রতিরূপসম্মত বর্গকর্ম করিতেছিলেন, ধর্মপ্রতিরূপসম্মত সমগ্রকর্ম করিতেছিলেন, একজনেও একজনকে উৎক্ষিপ্ত করিতেছিলেন, একজনেও দুইজনকে উৎক্ষিপ্ত করিতেছিলেন, একজনেও বহুজনকে উৎক্ষিপ্ত করিতেছিলেন, একজনেও সঙ্ঘকে উৎক্ষিপ্ত করিতেছিলেন। দুইজনেও একজনকে উৎক্ষিপ্ত করিতেছিলেন, দুইজনেও দুইজনকে উৎক্ষিপ্ত করিতেছিলেন, দুইজনেও বহুজনকে উৎক্ষিপ্ত করিতেছিলেন, দুইজনেও সঙ্ঘকে উৎক্ষিপ্ত করিতেছিলেন। বহুজনেও একজনকে উৎক্ষিপ্ত করিতেছিলেন, বহুজনেও দুইজনকে উৎক্ষিপ্ত করিতেছিলেন, বহুজনেও বহুজনকে উৎক্ষিপ্ত করিতেছিলেন, বহুজনেও সঙ্ঘকে উৎক্ষিপ্ত করিতেছিলেন এবং সঙ্ঘও সঙ্ঘকে উৎক্ষিপ্ত করিতেছিলেন। তাহা দেখিয়া অশ্লোচ্ছ ভিক্ষুগণ আন্দোলন, নিন্দা এবং প্রকাশ্যে আলোচনা করিতে লাগিলেন : “কেন চম্পায় ভিক্ষুগণ এরূপ কর্ম (দণ্ডবিধান) করিতেছেন? কেন ধর্মবিরুদ্ধ বর্গকর্ম করিতেছেন? ... কেনই বা সঙ্ঘও সঙ্ঘকে উৎক্ষিপ্ত করিতেছেন?” অনন্তর সেই ভিক্ষুগণ ভগবানকে এই বিষয় জানাইলেন। (ভগবান কহিলেন :—)

“হে ভিক্ষুগণ! সত্যই কি চম্পায় ভিক্ষুগণ এরূপ কর্ম (দণ্ডবিধান) করিতেছে, ধর্মবিরুদ্ধ বর্গকর্ম করিতেছে ... সঙ্ঘও সঙ্ঘকে উৎক্ষিপ্ত করিতেছে?” “হাঁ, ভগবন্! তাহা সত্য।” বুদ্ধ ভগবান তাহা নিতান্ত গর্হিত বলিয়া প্রকাশ করিলেন ... নিন্দা করিয়া, ধর্মকথা উত্থাপন করিয়া ভিক্ষুগণকে আহ্বান করিয়া কহিলেন :—“হে ভিক্ষুগণ! (১) ধর্মবিরুদ্ধ বর্গকর্ম অকর্ম, তাহা করা অনুচিত; (২) ধর্মবিরুদ্ধ সমগ্র কর্ম অকর্ম, তাহা করা অনুচিত; (৩) ধর্মসম্মত বর্গকর্ম

^১। মূল বুদ্ধবাক্যের নাম ধর্ম। বুদ্ধাবাক্যানুসারে না করিলে তাহা ধর্মবিরুদ্ধ কর্ম নামে অভিহিত হয়।—সম-পাসা।

অকর্ম, তাহা করা অনুচিত; (৪) ধর্মপ্রতিরূপসম্মত বর্গকর্ম অকর্ম, তাহা করা অনুচিত; (৫) ধর্মপ্রতিরূপসম্মত সমগ্রকর্ম অকর্ম, তাহা করা অনুচিত; (৬) একজনেও একজনকে উৎক্ষিপ্ত করা অকর্ম, তাহা করা অনুচিত; (৭) একজনেও দুইজনকে উৎক্ষিপ্ত করা অকর্ম, তাহা করা অনুচিত; (৮) একজনেও বহুজনকে উৎক্ষিপ্ত করা অকর্ম, তাহা করা অনুচিত; (৯) একজনেও সজ্ঞকে উৎক্ষিপ্ত করা অকর্ম, তাহা করা অনুচিত; (১০) দুইজনেও একজনকে উৎক্ষিপ্ত করা অকর্ম, তাহা করা অনুচিত; (১১) দুইজনেও বহুজনকে উৎক্ষিপ্ত করা অকর্ম, তাহা করা অনুচিত; (১২) দুইজনেও বহুজনকে উৎক্ষিপ্ত করা অকর্ম, তাহা করা অনুচিত; (১৩) দুইজনেও সজ্ঞকে উৎক্ষিপ্ত করা অকর্ম, তাহা করা অনুচিত; (১৪) বহুজনেও একজনকে উৎক্ষিপ্ত করা অকর্ম, তাহা করা অনুচিত; (১৫) বহুজনেও দুইজনকে উৎক্ষিপ্ত করা অকর্ম, তাহা করা অনুচিত; (১৬) বহুজনেও বহুজনকে উৎক্ষিপ্ত করা অকর্ম, তাহা করা অনুচিত; (১৭) বহুজনেও সজ্ঞকে উৎক্ষিপ্ত করা অকর্ম, তাহা করা অনুচিত। (১৮) সজ্ঞাও সজ্ঞকে উৎক্ষিপ্ত করা অকর্ম, তাহা করা অনুচিত।

(৩) কর্মের পার্থক্য

হে ভিক্ষুগণ! কর্ম চারিপ্রকার, যথা :—(১) ধর্মবিরুদ্ধ বর্গকর্ম, (২) ধর্মবিরুদ্ধ সমগ্রকর্ম, (৩) ধর্মসম্মত বর্গকর্ম, (৪) ধর্মসম্মত সমগ্রকর্ম।

হে ভিক্ষুগণ! তন্মধ্যে এই যে ধর্মবিরুদ্ধভাবে কৃত বর্গকর্ম তাহা ধর্মবিরুদ্ধ এবং বর্গ বশত কুপ্য (নীতিবিরুদ্ধ) এবং অযোগ্য। ভিক্ষুগণ! এরূপ কর্ম (দণ্ডবিধান করা অনুচিত; আমি এরূপ কর্ম করিবার অনুজ্ঞা প্রদান করি নাই।

হে ভিক্ষুগণ! তন্মধ্যে এই যে ধর্মবিরুদ্ধভাবে কৃত সমগ্রকর্ম তাহা ধর্মবিরুদ্ধ বশত কুপ্য এবং অযোগ্য। ভিক্ষুগণ! এরূপ কর্ম করা উচিত নহে; আমি এরূপ কর্ম করিবার অনুজ্ঞা প্রদান করি নাই।

হে ভিক্ষুগণ! তন্মধ্যে এই যে ধর্মবিরুদ্ধভাবে কৃত বর্গকর্ম তাহা বর্গ বশত কুপ্য এবং অযোগ্য। ভিক্ষুগণ! এরূপ কর্ম করা উচিত নহে; আমি এরূপ কর্ম করিবার অনুজ্ঞা প্রদান করি নাই।

হে ভিক্ষুগণ! তন্মধ্যে এই যে ধর্মসম্মতভাবে কৃত সমগ্রকর্ম তাহা ধর্মসম্মত এবং সমগ্র বশত অকুপ্য (নীতি বিরুদ্ধ নহে) এবং যথোচিত। ভিক্ষুগণ! এরূপ কর্ম করা উচিত; আমি এরূপ কর্ম করিবার অনুজ্ঞা দিয়াছি।

হে ভিক্ষুগণ! তদ্বৎ ‘আমরা এরূপ কর্ম (দণ্ডবিধান) করিব, যাহা ধর্মানুসারে সমগ্র’ এরূপ তোমাদিগকে শিক্ষা করিতে হইবে।

(৪) অকর্মের পার্থক্য

সেই সময়ে ষড়বর্গীয় ভিক্ষু এরূপ কর্ম (দণ্ড বিধান) করিতেছিল। যথা— (১) ধর্মবিরুদ্ধ বর্গকর্ম, (২) ধর্মবিরুদ্ধ সমগ্রকর্ম, (৩) ধর্মসম্মত বর্গকর্ম, (৪) ধর্মপ্রতিরূপসম্মত বর্গকর্ম, (৫) ধর্মপ্রতিরূপসম্মত সমগ্রকর্ম, (৬) জ্ঞপ্তিব্যতীত অনুশ্রাবণসম্পন্ন কর্ম, (৭) অনুশ্রাবণব্যতীত জ্ঞপ্তিসম্পন্ন কর্ম, (৮) জ্ঞপ্তি এবং অনুশ্রাবণব্যতীত কর্ম, (৯) ধর্মবিরুদ্ধকর্ম,^১ (১০) বিনয়বিরুদ্ধ কর্ম,^২ (১১) শাস্তার শাসনবিরুদ্ধ কর্ম,^৩ (১২) ‘পতিকুট্টকত’^৪ কর্ম করিতেছিল, যাহা ধর্মবিরুদ্ধ, নীতিবিরুদ্ধ এবং অন্যায়জনক। তাহা দেখিয়া অল্লেখ্য ভিক্ষুগণ আন্দোলন, নিন্দা এবং প্রকাশ্যে আলোচনা করিতে লাগিলেন : “কেন ষড়বর্গীয় ভিক্ষু এরূপ কর্ম করিতে পারে যাহা ধর্মবিরুদ্ধ বর্গকর্ম ... ‘পতিকুট্টকত’ কর্ম, যাহা ধর্মবিরুদ্ধ, নীতিবিরুদ্ধ এবং অন্যায়জনক?” অতঃপর সেই ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! সত্যই কি ষড়বর্গীয় ভিক্ষু এরূপ কর্ম করিতেছে যাহা ধর্মবিরুদ্ধ বর্গকর্ম, ... ‘পতিকুট্টকত’ কর্ম এবং যাহা ধর্মবিরুদ্ধ, নীতিবিরুদ্ধ, অন্যায়জনক?” “হাঁ, ভগবন! তাহা সত্য!” বুদ্ধ ভগবান তাহা নিতান্ত গর্হিত বলিয়া প্রকাশ করিলেন ... এইভাবে নিন্দা করিয়া, ধর্মকথা উত্থাপন করিয়া ভিক্ষুগণকে আহ্বান করিলেন :—

“হে ভিক্ষুগণ! (১) যাহা ধর্মবিরুদ্ধ বর্গ (সজ্জের একাংশের কৃত) কর্ম (দণ্ডবিধান) তাহা অকর্ম, সেইরূপ কর্ম করা উচিত নহে; (২) যাহা ধর্মবিরুদ্ধ সমগ্র (সজ্জের সকলের কৃত) কর্ম (দণ্ডবিধান) তাহা অকর্ম, সেরূপ কর্ম করা উচিত নহে; (৩) যাহা ধর্মসম্মত বর্গকর্ম তাহা অকর্ম, সেরূপ কর্ম করা উচিত নহে; (৪) যাহা ধর্মপ্রতিরূপসম্মত বর্গকর্ম তাহা অকর্ম, সেরূপ কর্ম করা উচিত নহে; (৫) যাহা ধর্মপ্রতিরূপসম্মত সমগ্রকর্ম তাহা অকর্ম, সেরূপ কর্ম করা উচিত নহে; (৬) যাহা জ্ঞপ্তিব্যতীত অনুশ্রাবণসম্পন্ন কর্ম তাহা অকর্ম, সেরূপ কর্ম করা উচিত নহে; (৭) যাহা অনুশ্রাবণব্যতীত জ্ঞপ্তিসম্পন্ন কর্ম তাহা অকর্ম, সেরূপ কর্ম করা উচিত নহে; (৮) যাহা জ্ঞপ্তি এবং অনুশ্রাবণবিহীন কর্ম তাহা অকর্ম, সেরূপ কর্ম করা উচিত নহে; (৯) যাহা ধর্মবিরুদ্ধ কর্ম তাহা অকর্ম, সেরূপ কর্ম করা উচিত নহে; (১০) যাহা বিনয়বিরুদ্ধ কর্ম তাহা অকর্ম, সেরূপ কর্ম করা উচিত নহে; (১১) যাহা শাস্তার শাসনবিরুদ্ধ কর্ম তাহা অকর্ম, সেরূপ কর্ম করা উচিত নহে; (১২) যাহা ‘পতিকুট্টকত’ কর্ম তাহা ধর্মবিরুদ্ধ, নীতিবিরুদ্ধ, ন্যায়বিরুদ্ধ অকর্ম, সেরূপ কর্ম করা উচিত নহে।

^১। অমূলক বিষয় দ্বারা দণ্ড বিধান করা;

^২। প্রকাশ এবং স্মরণ করাইয়া না দিয়া দণ্ডবিধান করা;

^৩। জ্ঞপ্তি এবং অনুশ্রাবণ ব্যতীত দণ্ডবিধান করা;

^৪। অন্যের বাধা সত্ত্বেও কর্ম করা।

খ. (১) হে ভিক্ষুগণ! যদি একবার জগ্গ্ৰস্তি স্থাপন এবং তিনবার কর্মবাক্য অনুশ্রাবণ করিয়া করিবার কর্ম একবার জগ্গ্ৰস্তি স্থাপন করিয়া সমাপ্ত করে, কর্মবাক্য অনুশ্রাবণ না করে তবে তাহা ধর্মবিরুদ্ধ কর্ম নামে কথিত হয়। (২) যদি একবার জগ্গ্ৰস্তি স্থাপন এবং তিনবার কর্মবাক্য অনুশ্রাবণ করিয়া করিবার কর্ম দুইবার জগ্গ্ৰস্তি স্থাপন করিয়া সমাপ্ত করে, কর্মবাক্য অনুশ্রাবণ না করে তবে তাহা ধর্মবিরুদ্ধ কর্ম নামে কথিত হয়। (৩) যদি একবার জগ্গ্ৰস্তি স্থাপন এবং তিনবার কর্মবাক্য অনুশ্রাবণ করিয়া করিবার কর্ম তিনবার জগ্গ্ৰস্তি স্থাপন করিয়া সমাপ্ত করে, কর্মবাক্য অনুশ্রাবণ করে তবে তাহা ধর্মবিরুদ্ধ কর্ম নামে কথিত হয়; (৪) যদি একবার জগ্গ্ৰস্তি স্থাপন এবং তিনবার কর্মবাক্য অনুশ্রাবণ করিয়া করিবার কর্ম চারিবার জগ্গ্ৰস্তি স্থাপন করিয়া সমাপ্ত করে, কর্মবাক্য অনুশ্রাবণ না করে তবে তাহা ধর্মবিরুদ্ধ কর্ম নামে কথিত হয়। (৫) যদি একবার জগ্গ্ৰস্তি স্থাপন এবং তিনবার কর্মবাক্য অনুশ্রাবণ করিয়া করিবার কর্ম একবার কর্মবাক্য অনুশ্রাবণ করিয়া সমাপ্ত করে, জগ্গ্ৰস্তি স্থাপন না করে তবে তাহা ধর্মবিরুদ্ধ কর্ম নামে কথিত হয়। (৬) যদি একবার জগ্গ্ৰস্তি এবং তিনবার কর্মবাক্য অনুশ্রাবণ করিয়া করিবার কর্ম দুইবার কর্মবাক্য অনুশ্রাবণ করিয়া সমাপ্ত

করে, জ্ঞপ্তি স্থাপন না করে তবে তাহা ধর্মবিরুদ্ধ কর্ম নামে কথিত হয়। (৭) যদি একবার জ্ঞপ্তি স্থাপন এবং তিনবার কর্মবাক্য অনুশ্রাবণ করিয়া করিবার কর্ম তিনবার কর্মবাক্য অনুশ্রাবণ করিয়া সমাপ্ত করে, জ্ঞপ্তি স্থাপন না করে তবে তাহা ধর্মবিরুদ্ধ কর্ম নামে কথিত হয়। (৮) যদি একবার জ্ঞপ্তি এবং তিনবার কর্মবাক্য অনুশ্রাবণ করিয়া করিবার কর্ম চারিবার কর্মবাক্য অনুশ্রাবণ করিয়া সমাপ্ত করে, জ্ঞপ্তি স্থাপন না করে তবে তাহা ধর্মবিরুদ্ধ কর্ম নামে কথিত হয়। ভিক্ষুগণ! ইহাকে ধর্মবিরুদ্ধ কর্ম বলে।

(৭) বর্গ কর্ম

হে ভিক্ষুগণ! বর্গকর্ম কাহাকে বলে?

ক. (১) হে ভিক্ষুগণ! জ্ঞপ্তি দ্বিতীয় কর্মে^১ যদি কর্মক্ষম ভিক্ষু অনুপস্থিত থাকে, ছন্দ (মত) দানের যোগ্য ভিক্ষুর ছন্দ (মত) সংগ্রহ করা না হইয়া থাকে এবং উপস্থিত ভিক্ষুগণও বাধা প্রদান করে, তবে তাহা বর্গকর্ম নামে কথিত হয়।

(২) ভিক্ষুগণ! যদি জ্ঞপ্তি দ্বিতীয়কর্মে কর্মক্ষম ভিক্ষু উপস্থিত থাকে, ছন্দ দানেরযোগ্য ভিক্ষুর ছন্দ সংগ্রহ করা না হইয়া থাকে এবং উপস্থিত ভিক্ষুগণ বাধা প্রদান করে তবে তাহাও বর্গকর্ম নামে কথিত হয়। (৩) ভিক্ষুগণ! যদি জ্ঞপ্তি দ্বিতীয়কর্মে কর্মক্ষম ভিক্ষুও উপস্থিত থাকে, ছন্দদানেরযোগ্য ভিক্ষুর ছন্দও সংগ্রহ করা হইয়া থাকে, উপস্থিত ভিক্ষুগণ বাধা প্রদান করে তবে তাহাও বর্গকর্ম নামে কথিত হয়।

খ. (১) হে ভিক্ষুগণ! যদি জ্ঞপ্তি চতুর্থকর্মে^২ কর্মক্ষম ভিক্ষু অনুপস্থিত থাকে, ছন্দদানের যোগ্য ভিক্ষুগণের ছন্দ সংগ্রহ করা না হইয়া থাকে এবং উপস্থিত ভিক্ষুগণ বাধা প্রদান করে তবে তাহা বর্গকর্ম নামে কথিত হয়, (২) ভিক্ষুগণ! যদি জ্ঞপ্তি চতুর্থকর্মে কর্মক্ষম ভিক্ষু উপস্থিত থাকে, ছন্দদানের যোগ্য ভিক্ষুগণের ছন্দ সংগ্রহ করা না হইয়া থাকে এবং উপস্থিত ভিক্ষুগণ বাধা প্রদান করে তবে তাহাও বর্গকর্ম নামে কথিত হয়। (৩) ভিক্ষুগণ জ্ঞপ্তি যদি চতুর্থকর্মে কর্মক্ষম ভিক্ষুও উপস্থিত থাকে, ছন্দদানের যোগ্য ভিক্ষুর ছন্দও সংগ্রহ করা হইয়া থাকে, উপস্থিত ভিক্ষুগণ বাধা প্রদান করে তবে তাহাও বর্গকর্ম নামে কথিত হয়। ভিক্ষুগণ! ইহাকে বর্গকর্ম বলে।

^১। যেই কার্য্য একবার জ্ঞপ্তি স্থাপন এবং একবার কর্মবাক্য অনুশ্রাবণ করিয়া করা হয়, তাহাকে জ্ঞপ্তি দ্বিতীয় কর্ম বলে।

^২। একবার জ্ঞপ্তি এবং তিনবার কর্মবাক্য অনুশ্রাবণ করিয়া যেই কর্ম করা হয় তাহাকে জ্ঞপ্তি চতুর্থ কর্ম বলে।

খ. (১) হে ভিক্ষুগণ! যদি জগ্গি চতুর্থকর্মে প্রথম কর্মবাক্য অনুশ্রাবণ করে, পরে জগ্গি স্থাপন করে, কর্মক্ষম ভিক্ষুগণ অনুপস্থিত থাকে, ছন্দদানের যোগ্য ভিক্ষুর ছন্দ সংগ্রহ করা না হইয়া থাকে এবং উপস্থিত ভিক্ষুগণ বাধা প্রদান করে, তবে তাহা ধর্মপ্রতিরূপ বর্গকর্ম নামে কথিত হয়। (২) ভিক্ষুগণ! যদি জগ্গি চতুর্থকর্মে প্রথম কর্মবাক্য অনুশ্রাবণ করে, পরে জগ্গি স্থাপন করে, কর্মক্ষম ভিক্ষুগণ উপস্থিত থাকে, ছন্দদানের যোগ্য ভিক্ষুগণের ছন্দ সংগ্রহ করা না হইয়া থাকে এবং উপস্থিত ভিক্ষুগণ বাধা প্রদান করে তবে তাহাও ধর্মপ্রতিরূপ বর্গকর্ম নামে কথিত হয়। (৩) ভিক্ষুগণ! যদি জগ্গি চতুর্থকর্মে প্রথম কর্মবাক্য অনুশ্রাবণ করে, পরে জগ্গি স্থাপন করে, কর্মক্ষম ভিক্ষুগণ উপস্থিত থাকে, ছন্দদানের যোগ্য ভিক্ষুর ছন্দ সংগ্রহ করা হইয়া থাকে, উপস্থিত ভিক্ষুগণ বাধা প্রদান করে তবে তাহাও ধর্মপ্রতিরূপ বর্গকর্ম নামে কথিত হয়। ভিক্ষুগণ! ইহাকে ধর্মপ্রতিরূপ বর্গকর্ম বলে।

(১০) ধর্মপ্রতিরূপ সমগ্রকর্ম

হে ভিক্ষুগণ! ধর্মপ্রতিরূপ সমগ্রকর্ম কাহাকে বলে?

হে ভিক্ষুগণ! (১) যদি জ্ঞপ্তি দ্বিতীয়কর্মে প্রথম কর্মবাক্য অনুশ্রাবণ করে, পরে জ্ঞপ্তি স্থাপন করে, কর্মক্ষম ভিক্ষুগণ উপস্থিত থাকে, ছন্দদানের যোগ্য ভিক্ষুগণের ছন্দ সংগ্রহ করা হইয়া থাকে, উপস্থিত ভিক্ষুগণ বাধা প্রদান না করে, তবে তাহা ধর্মপ্রতিরূপ বর্গকর্ম নামে কথিত হয়। (২) ভিক্ষুগণ! যদি জ্ঞপ্তি চতুর্থকর্মে প্রথম কর্মবাক্য অনুশ্রাবণ করে, পরে জ্ঞপ্তি স্থাপন করে, কর্মক্ষম ভিক্ষুগণ উপস্থিত থাকে, ছন্দদানের যোগ্য ভিক্ষুগণের ছন্দ সংগ্রহ করা হইয়া থাকে এবং উপস্থিত ভিক্ষুগণ বাধা প্রদান না করে তবে তাহাও ধর্মপ্রতিরূপ সমগ্রকর্ম নামে কথিত হয়। ভিক্ষুগণ! ইহাকে ধর্মপ্রতিরূপ সমগ্রকর্ম বলে।

(১১) ধর্মসম্মত সমগ্রকর্ম

হে ভিক্ষুগণ! ধর্মসম্মত সমগ্রকর্ম কাহাকে বলে?

হে ভিক্ষুগণ! (১) যদি জ্ঞপ্তি দ্বিতীয়কর্মে প্রথম জ্ঞপ্তি স্থাপন করে, পরে একবার কর্মবাক্য অনুশ্রাবণ করিয়া কর্ম সম্পাদন করে, কর্মক্ষম ভিক্ষুগণ উপস্থিত থাকে, ছন্দদানের যোগ্য ভিক্ষুর ছন্দ সংগ্রহ করা হইয়া থাকে এবং উপস্থিত ভিক্ষুগণ বাধা প্রদান না করে, তবে তাহা ধর্মসম্মত সমগ্রকর্ম নামে কথিত হয়। (২) ভিক্ষুগণ! যদি জ্ঞপ্তি চতুর্থকর্মে প্রথম জ্ঞপ্তি স্থাপন করে, পরে তিনবার কর্মবাক্য অনুশ্রাবণ করিয়া কর্ম সম্পাদন করে, কর্মক্ষম ভিক্ষুগণ উপস্থিত থাকে, ছন্দদানের যোগ্য ভিক্ষুর ছন্দ সংগ্রহ করা হইয়া থাকে, উপস্থিত ভিক্ষুগণ বাধা প্রদান না করে তবে তাহাও ধর্মসম্মত সমগ্রকর্ম নামে কথিত হয়। ভিক্ষুগণ! ইহাকে ধর্মসম্মত সমগ্রকর্ম বলে।

পাঁচ প্রকার সঙ্ঘ এবং তাহার অধিকার

(১) বর্গ (কোরাম) দ্বারা সঙ্ঘের পার্থক্য

সঙ্ঘ পাঁচ প্রকার, যথা—(১) চতুর্বর্গ (চারিজন) ভিক্ষুসঙ্ঘ, (২) পঞ্চবর্গ (পাঁচজন) ভিক্ষুসঙ্ঘ, (৩) দশবর্গ (দশজন) ভিক্ষুসঙ্ঘ, (৪) বিংশতিবর্গ (বিশজন) ভিক্ষুসঙ্ঘ এবং (৫) বিংশত্যাধিক বর্গ (বিশজনের অধিক) ভিক্ষুসঙ্ঘ।

(২) সঙ্ঘের অধিকার

(১) হে ভিক্ষুগণ! চতুর্বর্গ ভিক্ষুসঙ্ঘ উপসম্পাদান, প্রবারণা এবং আহ্বান এই ত্রিবিধ কর্ম ব্যতীত ধর্ম্মানুসারে সমবেত হইয়া অন্য সমস্ত কর্ম করিতে পারে।

(২) হে ভিক্ষুগণ! পঞ্চবর্গ ভিক্ষুসঙ্ঘ মধ্যদেশে উপসম্পদাদান এবং আহ্বান এই দ্বিবিধ কর্ম ব্যতীত ধর্ম্মানুসারে সমবেত হইয়া অন্য সমস্ত কর্ম করিতে পারে।

(৩) হে ভিক্ষুগণ! দশবর্গ ভিক্ষুসঙ্ঘ আহ্বান কর্ম ব্যতীত ধর্ম্মানুসারে সমবেত হইয়া অন্য সমস্ত কর্ম করিতে পারে।

(৪) হে ভিক্ষুগণ! বিংশতিবর্গ ভিক্ষুসঙ্ঘ ধর্ম্মানুসারে সমবেত হইয়া সমস্ত কর্ম করিতে পারে।

(৫) হে ভিক্ষুগণ! বিংশত্যাধিক বর্গ ভিক্ষুসঙ্ঘ ধর্ম্মানুসারে সমবেত হইয়া সমস্ত কর্ম করিতে পারে।

(৩) অন্যায়ভাবে বর্গ (কোরাম) পূর্ণ করা

১—হে ভিক্ষুগণ! যদি চতুর্বর্গের করণীয় কর্ম ভিক্ষুণী দ্বারা সংখ্যা পূর্ণ করিয়া চারিজনে করে তাহা হইলে তাহা অকর্ম্মের মধ্যে গণ্য হয়, সেরূপ কর্ম্ম করা উচিত নহে। ভিক্ষুগণ! যদি চতুর্বর্গের করণীয় কর্ম্ম শিক্ষমানা দ্বারা সংখ্যা পূর্ণ করিয়া চারিজনে করে তাহা অকর্ম্মের মধ্যে গণ্য হয়, সেরূপ কর্ম্ম করা উচিত নহে। ভিক্ষুগণ! যদি চতুর্বর্গের করণীয় কর্ম্ম শ্রামণের, শ্রামণেরী, শিক্ষাপ্রত্যাখ্যাতক, অন্তিমঅপরাধ (পারাজিক) অপরাধী, অপরাধ স্বীকার না করায় উৎক্ষিপ্ত, অপরাধের প্রতিকার না করায় উৎক্ষিপ্ত, মিথ্যাদৃষ্টি পরিত্যাগ না করায় উৎক্ষিপ্ত, পণ্ডক, স্তেয়সংবাসক, তীর্থিকপ্রস্থানক, মানবেতরজীব, মাতৃহন্তা, পিতৃহন্তা, অর্হৎহন্তা, ভিক্ষুণীদূষক, সঙ্ঘভেদক, রক্তোৎপাদক, উভয়ব্যঞ্জনক, ভিন্নসংবাসক (স্বতন্ত্র সম্প্রদায়স্থ), পৃথক সীমায় অবস্থিত অথবা ঋদ্ধিপ্রভাবে আকাশে অবস্থিত ব্যক্তিদ্বারা সংখ্যা পূর্ণ করিয়া চারিজনে করে তবে তাহা অকর্ম্মের মধ্যে গণ্য হয়, সেরূপ কর্ম্ম করা উচিত নহে। সঙ্ঘ যাহার কর্ম্ম করিতেছে তাহার দ্বারা সংখ্যা পূর্ণ করিয়া চারিজনে কর্ম্ম করিলে তাহাও অকর্ম্মের মধ্যে গণ্য হয়, সেরূপ কর্ম্ম করা উচিত নহে।

॥ চতুর্বর্গের করণীয় সমাপ্ত ॥

২—হে ভিক্ষুগণ! যদি পঞ্চবর্গের করণীয় কর্ম্ম ভিক্ষুণী দ্বারা সংখ্যা পূর্ণ করিয়া পাঁচজনে করে তাহা হইলে তাহা অকর্ম্মের মধ্যে গণ্য হয়, সেরূপ কর্ম্ম করা উচিত নহে। ভিক্ষুগণ! যদি পঞ্চবর্গের করণীয় কর্ম্ম শিক্ষমানা, শ্রামণের, শ্রামণেরী, শিক্ষাপ্রত্যাখ্যাতক, অন্তিমঅপরাধে অপরাধী, অপরাধ স্বীকার না করায় উৎক্ষিপ্ত, অপরাধের প্রতিকার না করায় উৎক্ষিপ্ত, মিথ্যাদৃষ্টি পরিত্যাগ না করায় উৎক্ষিপ্ত, পণ্ডক, স্তেয়সংবাসক, তীর্থিকপ্রস্থানক, মানবেতরজীব, মাতৃহন্তা, পিতৃহন্তা, অর্হৎহন্তা, ভিক্ষুণীদূষক, সঙ্ঘভেদক, রক্তোৎপাদক, উভয়ব্যঞ্জনক, ভিন্ন সম্প্রদায়স্থ,

পৃথক সীমায় অবস্থিত অথবা ঋষিপ্রভাবে আকাশে অবস্থিত ব্যক্তিদ্বারা সংখ্যা পূর্ণ করিয়া পাঁচজন কর্ম করে তাহা হইলে তাহাও অকর্মের মধ্যে গণ্য হয়, সেরূপ কর্ম করা উচিত নহে। সজ্জ যাহার কর্ম করিতেছে তাহার দ্বারা সংখ্যা পূর্ণ করিয়া পাঁচজনে কর্ম করিলে তাহাও অকর্মের মধ্যে গণ্য হয়, সেরূপ কর্ম করা উচিত নহে।

॥ পঞ্চবর্গের করণীয় সমাপ্ত ॥

৩—হে ভিক্ষুগণ! যদি দশবর্গের করণীয় কর্ম ভিক্ষুগণী দ্বারা সংখ্যা পূর্ণ করিয়া দশজনে করে তাহা হইলে তাহাও অকর্মের মধ্যে গণ্য হয়, সেরূপ কর্ম করা উচিত নহে।

॥ দশবর্গের করণীয় সমাপ্ত ॥

৪—হে ভিক্ষুগণ! যদি বিংশতি বর্গের করণীয় কর্ম ভিক্ষুগণী দ্বারা সংখ্যা পূর্ণ করিয়া বিংশতি জনে করে তাহা হইলে তাহাও অকর্মের মধ্যে গণ্য হয়, সেরূপ কর্ম করা উচিত নহে। [অবশিষ্ট পূর্ববৎ]

॥ বিংশতিবর্গের করণীয় সমাপ্ত ॥

৫—(১) হে ভিক্ষুগণ! যদি পারিবারিক^১ (পরিবাস ব্রত পালনে রত) ভিক্ষুদ্বারা সংখ্যা পূর্ণ করিয়া চারিজনে (অন্যকে) পরিবাস প্রদান করে, মূলেপ্রতিকর্ষণ করে, মানভূ দান করে এবং তাহাকে লইয়া বিংশতিজনে (অন্যকে) আহ্বান করে তাহা হইলে তাহা অকর্মের মধ্যে গণ্য হয়, সেরূপ কর্ম করা উচিত নহে।

(২) হে ভিক্ষুগণ! যদি মূলেপ্রতিকর্ষণযোগ্য ভিক্ষুদ্বারা সংখ্যা পূর্ণ করিয়া চারিজনে (অন্যকে) পরিবাস দান করে, মূলেপ্রতিকর্ষণ করে, মানভূ দান করে এবং তাহাদ্বারা সংখ্যা পূর্ণ করিয়া বিংশতিজনে (অন্যকে) আহ্বান করে তাহা হইলে তাহা অকর্মের মধ্যে গণ্য হয়, সেরূপ কর্ম করা উচিত নহে।

(৩) হে ভিক্ষুগণ! যদি মানভূযোগ্য ভিক্ষুদ্বারা সংখ্যা পূর্ণ করিয়া চারিজনে (অন্যকে) পরিবাস দান করে, মূলেপ্রতিকর্ষণ করে, মানভূ দান করে এবং তাহাদ্বারা সংখ্যা পূর্ণ করিয়া বিংশতিজনে (অন্যকে) আহ্বান করে তাহা হইলে তাহা অকর্মের মধ্যে গণ্য হয়, সেরূপ কর্ম করা উচিত নহে।

^১। চূলবর্গের পারিবারিক স্কন্ধ দ্রষ্টব্য।

(৪) হে ভিক্ষুগণ! যদি মান্ত্বেচারিক (মানন্ত ব্রত পালনে রত) ভিক্ষুদ্বারা সংখ্যা পূর্ণ করিয়া চারিজনে (অন্যকে) পরিবাস দান করে, মূলেপ্রতিকর্ষণ করে, মানন্ত দান করে এবং তাহাদ্বারা সংখ্যা পূর্ণ করিয়া বিশজনে (অন্যকে) আহ্বান করে তাহা হইলে তাহা অকর্মের মধ্যে গণ্য হয়, সেরূপ কর্ম করা উচিত নহে।

(৫) হে ভিক্ষুগণ! যদি আহ্বান করিবার যোগ্য ভিক্ষুদ্বারা সংখ্যা পূর্ণ করিয়া চারিজনে (অন্যকে) পরিবাস দান করে, মূলেপ্রতিকর্ষণ করে, মানন্ত দান করে এবং তাহাদ্বারা সংখ্যা পূর্ণ করিয়া বিশজনে (অন্যকে) আহ্বান করে তাহা হইলে তাহা অকর্মের মধ্যে গণ্য হয়, সেরূপ কর্ম করা উচিত নহে।

(৪) সজ্ঞসভায় কাহার বাধাদান গ্রাহ্য এবং অগ্রাহ্য

হে ভিক্ষুগণ! সজ্ঞসভায় ব্যক্তিবিশেষের বাধাদান গ্রাহ্য হয় এবং ব্যক্তিবিশেষের বাধাদান গ্রাহ্য হয় না।

১—হে ভিক্ষুগণ! সজ্ঞসভায় কাহার বাধাদান গ্রাহ্য হয় না? ভিক্ষুগণ! সজ্ঞসভায় ভিক্ষুণীর বাধাদান গ্রাহ্য হয় না। শিক্ষমানার, শ্রামণেরের, শ্রামণেরীর, শিক্ষাপ্রত্যাখ্যাতকের, অস্তিমঅপরাধে অপরাধীর, উন্মাদের, বিক্ষিপ্তচিত্তের, বেদনাতুরের, অপরাধ স্বীকার না করা হেতু উৎক্ষিপ্তের, অপরাধের প্রতিকার না করা হেতু উৎক্ষিপ্তের, মিথ্যাধারণা ত্যাগ না করা হেতু উৎক্ষিপ্তের, পণ্ডকের, স্তেয়সংবাসকের, তীর্থিকপ্রস্থানকের, মানবেতরপ্রাণীর, মাতৃহন্তার, পিতৃহন্তার, অর্হৎহন্তার, ভিক্ষুদ্বীদুষকের, সজ্ঞভেদকের, রক্তোৎপাদকের, উভয়লিঙ্গবিশিষ্টের, পৃথক সম্প্রদায়স্থের, পৃথকসীমায় অবস্থিতের, ঋষিপ্রভাবে আকাশে অবস্থিতের এবং সজ্ঞ যাহার কর্ম করিতেছে সজ্ঞসভায় তাহার বাধাদান গ্রাহ্য হয় না। হে ভিক্ষুগণ! সজ্ঞসভায় ইহাদের বাধাদান গ্রাহ্য হয় না।

২—হে ভিক্ষুগণ! সজ্ঞসভায় কাহার বাধাদান গ্রাহ্য হয়? ভিক্ষুগণ! প্রকৃতিস্থের, সমসম্প্রদায়স্থের, সমসীমায় অবস্থিতের, অন্তত পার্শ্বে অবস্থিত ভিক্ষুকে জ্ঞাপন করিতে সমর্থ এমন ভিক্ষুর সজ্ঞসভায় বাধাদান গ্রাহ্য হয়। হে ভিক্ষুগণ! সজ্ঞসভায় ইহাদের বাধাদান গ্রাহ্য হয়।

(৫) ন্যায়সঙ্গত এবং ন্যায়বিরুদ্ধ বহিষ্করণ

হে ভিক্ষুগণ! নিঃসারণ (বহিষ্করণ) দুই প্রকার। ভিক্ষুগণ! এমন ব্যক্তি আছে যে বহিষ্করণের অযোগ্য; যদি সজ্ঞ তাহাকে বহিষ্করণ করে তন্মধ্যে ব্যক্তিবিশেষের বহিষ্করণ ন্যায়সঙ্গত হয় আবার ব্যক্তিবিশেষের বহিষ্করণ ন্যায়বিরুদ্ধ হয়।

১—হে ভিক্ষুগণ! কোন ব্যক্তি বহিষ্করণের অযোগ্য এবং যদি সজ্ঞ তাহাকে বহিষ্করণ করে তাহা হইলে তাহা ন্যায়বিরুদ্ধ হয়? ভিক্ষুগণ! কোন ভিক্ষু পরিশুদ্ধ ও

নিরপরাধী হয় তাহাকে সজ্ঞ বহিষ্করণ করিলে তাহা ন্যায়বিরুদ্ধ হইবে। ভিক্ষুগণ! এই ব্যক্তিই বহিষ্করণের অযোগ্য বলিয়া কথিত হয়। যদি সজ্ঞ তাহাকে বহিষ্করণ করে তাহা হইলে তাহার বহিষ্করণ ন্যায়বিরুদ্ধ হইবে।

২—হে ভিক্ষুগণ! কোন্ ব্যক্তি বহিষ্করণের অযোগ্য এবং যদি সজ্ঞ তাহাকে বহিষ্করণ করে তাহা হইলে তাহা ন্যায়সঙ্গত হয়? ভিক্ষুগণ! যেই ভিক্ষু বাল (মূর্খ), অদক্ষ, অপরাধবহুল, যাহার অপরাধের সীমা নাই এবং অননুলোম (অন্যায়জনক) গৃহীসংসর্গে বাস করে যদি সজ্ঞ তাহাকে বহিষ্করণ করে তাহা হইলে তাহার বহিষ্করণ ন্যায়সঙ্গত হয়। হে ভিক্ষুগণ! এই ব্যক্তিই বহিষ্করণের অযোগ্য। যদি সজ্ঞ তাহাকে বহিষ্কৃত করে তাহা হইলে তাহার বহিষ্করণ ন্যায়সঙ্গত হইবে।

(৬) প্রবেশাধিকার দানের যোগ্য এবং অযোগ্য ব্যক্তি

হে ভিক্ষুগণ! প্রবেশাধিকার দুই প্রকার। ভিক্ষুগণ! কোন কোন ব্যক্তি প্রবেশের অধিকারী নহে, যদি সজ্ঞ তাহাদিগকে প্রবেশাধিকার দান করে তন্মধ্যে ব্যক্তিবিশেষের প্রবেশাধিকার ন্যায়সঙ্গত হয় আবার ব্যক্তিবিশেষের প্রবেশাধিকার ন্যায়বিরুদ্ধ হয়।

১—হে ভিক্ষুগণ! কোন্ ব্যক্তি প্রবেশাধিকার লাভের অযোগ্য এবং তাহাকে যদি সজ্ঞ প্রবেশাধিকার দান করে তাহা হইলে তাহা ন্যায়বিরুদ্ধ হয়? হে ভিক্ষুগণ! পণ্ডক প্রবেশের অধিকারী নহে, যদি সজ্ঞ তাহাকে প্রবেশাধিকার^১ প্রদান করে তবে তাহা ন্যায়বিরুদ্ধ হয়। ভিক্ষুগণ! স্তেয়সংবাসক, তীর্থিকপ্রস্থানক, মানবেতরপ্রাণী, মাতৃহত্যা, পিতৃহত্যা, অর্হৎহত্যা, ভিক্ষুণীদূষক, সজ্ঞভেদক, রক্তোৎপাদক এবং উভয়ব্যঞ্জনক প্রবেশাধিকারের অযোগ্য, যদি সজ্ঞ তাহাকে প্রবেশাধিকার প্রদান করে তাহা হইলে তাহা ন্যায়বিরুদ্ধ হয়। ভিক্ষুগণ! এই ব্যক্তিই প্রবেশাধিকারের অযোগ্য বলিয়া কথিত হয়। যদি সজ্ঞ তাহাকে প্রবেশাধিকার প্রদান করে তাহা হইলে তাহা ন্যায়বিরুদ্ধ হয়। হে ভিক্ষুগণ! এই ব্যক্তিগণই প্রবেশাধিকারের অযোগ্য^২। যদি সজ্ঞ তাহাদিগকে প্রবেশাধিকার প্রদান করে তাহা হইলে তাহা ন্যায়বিরুদ্ধ হইবে।

২। হে ভিক্ষুগণ! কোন্ ব্যক্তি প্রবেশাধিকারের যোগ্যতাহীন এবং সজ্ঞ তাহাকে প্রবেশাধিকার প্রদান করিলে ন্যায়সঙ্গত হইয়া থাকে? হে ভিক্ষুগণ! হস্তচ্ছিন্ন ব্যক্তি প্রবেশাধিকার লাভের যোগ্য নহে, যদি সজ্ঞ তাহাকে প্রবেশাধিকার প্রদান করে তাহা হইলে তাহা ন্যায়সঙ্গত হয়। ভিক্ষুগণ! পাদচ্ছিন্ন, হস্তপাদচ্ছিন্ন, কণ্ঠচ্ছিন্ন,

^১। উপসম্পদা প্রদান করা।

^২। এই একাদশ ব্যক্তি উপসম্পদা লাভের অযোগ্য। ইহাদিগকে সহস্রবার উপসম্পদা প্রদান করিলেও তাহারা অনুপসম্পন্ন থাকে এবং আচার্য্য, উপাধ্যায় ও উপস্থিত সজ্ঞ দোষী হয়।—সম-পাসা।

নাসিকাচ্ছিন্ন, কর্ণনাসিকাচ্ছিন্ন, অঙ্গুলিচ্ছিন্ন, অঙ্গুষ্ঠচ্ছিন্ন, কণ্ঠচ্ছিন্ন, ফণার ন্যায় হস্তবিশিষ্ট, কুজ, বামন, গলগাণ্ডী, উত্তপ্ত লৌহদ্বারা চিহ্নিত, বেত্রাঘাত, লিখিতক, শ্লীপদী, দুরারোগ্যরোগী, বিকটাকৃতিবিশিষ্ট, কানা, বক্র, খঞ্জ, পক্ষাঘাতগ্রস্ত, দেহের স্বাভাবিক ভঙ্গীহীন, জরাদুর্বল, অন্ধ, মূক, বধির, অন্ধমূক, অন্ধবধির, মূকবধির এবং অন্ধমূকবধির প্রবেশাধিকারের যোগ্যতাহীন^১। যদি সজ্ঞ তাহাকে প্রবেশাধিকার প্রদান করে তাহা হইলে তাহার প্রবেশাধিকার ন্যায়সঙ্গত হয়। হে ভিক্ষুগণ! এই ব্যক্তিই প্রবেশাধিকার লাভের যোগ্যতাহীন বলিয়া কথিত হয়। যদি সজ্ঞ তাহাকে প্রবেশাধিকার দান করে তাহা হইলে তাহার প্রবেশাধিকার ন্যায়সঙ্গত হয়। ভিক্ষুগণ! ইহারাই প্রবেশাধিকার লাভের অযোগ্য। যদি সজ্ঞ তাহাদিগকে প্রবেশাধিকার প্রদান করে তাহা হইলে ন্যায়সঙ্গত হইবে।

॥ ভাসতগ্রাম ভণিতা সমাপ্ত ॥

(৭) ধর্মবিরুদ্ধ উৎক্ষেপনীয় কর্ম

ক. (১) হে ভিক্ষুগণ! কোন ভিক্ষুর দৃষ্টব্য (স্বীকার্য) অপরাধ না থাকিলেও সজ্ঞ, অনেকজন ভিক্ষু অথবা একজন ভিক্ষু তাহাকে বলে : ‘বন্ধো! আপনি অপরাধী হইয়াছেন, আপনি সেই অপরাধ দেখিতেছেন কি?’ সে বলে : ‘বন্ধো! আমার দৃষ্টব্য কোন অপরাধ নাই।’ যদি সজ্ঞ তখন তাহাকে অপরাধ দর্শন না করা হেতু উৎক্ষিপ্ত করে তাহা হইলে তাহা ধর্মবিরুদ্ধকর্ম হইবে।

(২) হে ভিক্ষুগণ! কোন ভিক্ষুর প্রতিকার করিবার যোগ্য অপরাধ না থাকিলেও সজ্ঞ, অনেকজন ভিক্ষু অথবা একজন ভিক্ষু তাহাকে বলে : ‘বন্ধো! আপনি অপরাধী হইয়াছেন; অতএব সেই অপরাধের প্রতিকার করুন।’ সে বলে : ‘বন্ধো! আমার এমন কোন অপরাধ নাই আমি যাহার প্রতিকার করিব।’ যদি সজ্ঞ তখন তাহাকে অপরাধের প্রতিকার না করা হেতু উৎক্ষিপ্ত করে তাহা হইলে তাহা ধর্মবিরুদ্ধকর্ম হইবে।

(৩) হে ভিক্ষুগণ! কোন ভিক্ষুর মিথ্যাবিশ্বাস না থাকিলেও সজ্ঞ, বহুজন ভিক্ষু অথবা একজন ভিক্ষু তাহাকে বলে : ‘বন্ধো! আপনার নিকট মিথ্যাবিশ্বাস আছে, অতএব সেই মিথ্যাবিশ্বাস পরিত্যাগ করুন।’ তদুত্তরে সে বলে : ‘বন্ধো! আমার এমন কোন মিথ্যাবিশ্বাস নাই আমি যাহা পরিত্যাগ করিব।’ যদি সজ্ঞ তখন তাহাকে মিথ্যাবিশ্বাস পরিত্যাগ না করা হেতু উৎক্ষিপ্ত করে তাহা হইলে তাহা ধর্মবিরুদ্ধকর্ম হইবে।

^১। এই বত্রিশজনকে উপসম্পদা দিলে তাহারা উপসম্পন্ন হইয়া থাকে; কিন্তু আচার্য্য, উপাধ্যায় এবং উপস্থিত সজ্ঞ দোষী হয়।—সম-পাসা।

(৪) হে ভিক্ষুগণ! কোন ভিক্ষুর দেখিবার (স্বীকার) যোগ্য কিংবা প্রতিকার করিবার যোগ্য অপরাধ না থাকিলেও সজ্জ, বহুজন ভিক্ষু অথবা একজন ভিক্ষু তাহাকে বলে : ‘বন্ধো! আপনি অপরাধী হইয়াছেন, অতএব সেই অপরাধ দর্শন (স্বীকার) এবং সেই অপরাধের প্রতিকার করুন।’ তদুত্তরে সে বলে : ‘বন্ধো! আমার এমন কোন অপরাধ নাই আমি যাহা দর্শন করিব এবং আমার এমন কোন অপরাধ নাই আমি যাহার প্রতিকার করিব।’ যদি সজ্জ তখন অপরাধ দর্শন কিংবা অপরাধের প্রতিকার না করা হেতু উৎক্ষিপ্ত করে তাহা হইলে তাহা ধর্মবিরুদ্ধকর্ম হইবে।

(৫) হে ভিক্ষুগণ! কোন ভিক্ষুর দৃষ্টব্য অপরাধ এবং পরিত্যজ্য মিথ্যাদৃষ্টি না থাকিলেও সজ্জ, বহুজন ভিক্ষু অথবা একজন ভিক্ষু তাহাকে বলে : ‘বন্ধো! আপনি অপরাধী হইয়াছেন অতএব সেই অপরাধ অবলোকন করুন এবং আপনার দৃষ্টি হীন, অতএব সেই হীনদৃষ্টি পরিত্যাগ করুন।’ তদুত্তরে সে বলে : ‘বন্ধো! আমার এমন কোন অপরাধ নাই যাহা আমি অবলোকন করিব এবং আমার এমন কোন হীনদৃষ্টি নাই আমি যাহা পরিত্যাগ করিব।’ যদি সজ্জ তখন তাহাকে দর্শন এবং পরিত্যাগ না করা হেতু উৎক্ষিপ্ত করে তাহা হইলে তাহা ধর্মবিরুদ্ধকর্ম হইবে।

(৬) হে ভিক্ষুগণ! কোন ভিক্ষুর প্রতিকারযোগ্য অপরাধ এবং পরিত্যজ্য হীনদৃষ্টি না থাকিলেও সজ্জ, বহুজন ভিক্ষু কিংবা একজন ভিক্ষু তাহাকে বলে : ‘বন্ধো! আপনি অপরাধী হইয়াছেন, অতএব সেই অপরাধের প্রতিকার করুন এবং আপনার দৃষ্টি হীন, অতএব সেই হীনদৃষ্টি পরিত্যাগ করুন।’ তদুত্তরে সে বলে : ‘বন্ধো! আমার এমন কোন অপরাধ নাই যাহা আমি যাহার প্রতিকার করিব এবং আমার এমন কোন হীনদৃষ্টি নাই যাহা আমি পরিত্যাগ করিব।’ যদি সজ্জ তখন তাহাকে প্রতিকার এবং পরিত্যাগ না করা হেতু উৎক্ষিপ্ত করে তাহা হইলে তাহা ধর্মবিরুদ্ধকর্ম হইবে।

(৭) হে ভিক্ষুগণ! কোন ভিক্ষুর দৃষ্টব্য অপরাধও থাকে না, প্রতিকার যোগ্য অপরাধও থাকে না এবং পরিত্যাগযোগ্য হীনদৃষ্টিও থাকে না তবুও সজ্জ, বহুজন ভিক্ষু কিংবা একজন ভিক্ষু তাহাকে বলে : ‘বন্ধো! আপনি অপরাধ প্রাপ্ত হইয়াছেন, অতএব সেই অপরাধ অবলোকন করুন, সেই অপরাধের প্রতিকার করুন এবং আপনার দৃষ্টি হীন, অতএব তাহা পরিত্যাগ করুন।’ তদুত্তরে সে বলে : ‘বন্ধো! আমার এমন কোন অপরাধ নাই আমি যাহা অবলোকন করিব, আমার এমন কোন অপরাধ নাই আমি যাহার প্রতিকার করিব এবং আমার এমন কোন হীনদৃষ্টি নাই আমি যাহা পরিত্যাগ করিব।’ যদি সজ্জ তখন তাহাকে দর্শন, প্রতিকার এবং পরিত্যাগ না করা হেতু উৎক্ষিপ্ত করে তাহা হইলে তাহা ধর্মবিরুদ্ধকর্ম হইবে।

খ. (১) হে ভিক্ষুগণ কোন ভিক্ষুর দৃষ্টব্য (স্বীকার্য) অপরাধ থাকে। তখন সজ্জ, বহুজন ভিক্ষু অথবা একজন ভিক্ষু তাহাকে বলে : ‘বন্ধো! আপনি অপরাধ লাভ

করিয়াছেন, আপনি কি সেই অপরাধ দেখিতেছেন?’ তদুত্তরে সে বলে : ‘হাঁ, বন্ধো! আমি দেখিতেছি।’ তখন যদি সজ্ঞ অপরাধ দর্শন না করা বিষয়ে তাহাকে উৎক্ষিপ্ত করে তাহা হইলে তাহা ধর্মবিরুদ্ধকর্ম হইবে।

(২) হে ভিক্ষুগণ কোন ভিক্ষুর প্রতিকার যোগ্য অপরাধ থাকে। তখন সজ্ঞ, বহুজন ভিক্ষু অথবা একজন ভিক্ষু তাহাকে বলে : ‘বন্ধো! আপনি অপরাধ প্রাপ্ত হইয়াছেন অতএব সেই অপরাধের প্রতিকার করুন।’ তদুত্তরে সে বলে : ‘হাঁ, বন্ধো! প্রতিকার করিব।’ যদি সজ্ঞ তখন অপরাধের প্রতিকার না করা বিষয়ে তাহাকে উৎক্ষিপ্ত করে তাহা হইলে তাহা ধর্মবিরুদ্ধকর্ম হইবে।

(৩) হে ভিক্ষুগণ কোন ভিক্ষুর পরিত্যজ্য হীনদৃষ্টি উৎপন্ন হইয়া থাকে। তখন সজ্ঞ, বহুজন ভিক্ষু কিংবা একজন ভিক্ষু তাহাকে বলে : ‘বন্ধো! আপনার দৃষ্টি হীন, অতএব সেই হীনদৃষ্টি পরিত্যাগ করুন।’ তদুত্তরে সে বলে : ‘হাঁ, বন্ধো! পরিত্যাগ করিব।’ তখন যদি সজ্ঞ হীনদৃষ্টি পরিত্যাগ না করা বিষয়ে তাহাকে উৎক্ষিপ্ত করে তাহা হইলে তাহা ধর্মবিরুদ্ধকর্ম হইবে।

(৪) হে ভিক্ষুগণ! কোন ভিক্ষুর দ্রষ্টব্য অথবা প্রতিকার যোগ্য অপরাধ থাকে। [পূর্ববৎ]

(৫) হে ভিক্ষুগণ! কোন ভিক্ষুর দ্রষ্টব্য অপরাধ অথবা পরিত্যজ্য হীনদৃষ্টি থাকে। [পূর্ববৎ]

(৬) হে ভিক্ষুগণ! কোন ভিক্ষুর প্রতিকার যোগ্য অপরাধ অথবা পরিত্যজ্য হীনদৃষ্টি থাকে। [পূর্ববৎ]

(৭) হে ভিক্ষুগণ কোন ভিক্ষুর দ্রষ্টব্য অপরাধ, প্রতিকার যোগ্য অপরাধ কিংবা পরিত্যজ্য হীনদৃষ্টি থাকে। সজ্ঞ, বহুজন ভিক্ষু কিংবা একজন ভিক্ষু তাহাকে বলে : ‘বন্ধো! আপনি অপরাধ প্রাপ্ত হইয়াছেন, অতএব সেই অপরাধ অবলোকন করুন, সেই অপরাধের প্রতিকার করুন এবং আপনার দৃষ্টি হীন, অতএব সেই হীনদৃষ্টি পরিত্যাগ করুন।’ তদুত্তরে সে বলে : ‘হাঁ, বন্ধো! আমি দেখিব; প্রতিকার করিব, এবং পরিত্যাগ করিব।’ তখন যদি সজ্ঞ তাহাকে দর্শন না করা বিষয়ে, প্রতিকার না করা বিষয়ে কিংবা পরিত্যাগ না করা বিষয়ে উৎক্ষিপ্ত করে তাহা হইলে তাহা ধর্মবিরুদ্ধকর্ম হইবে।

(৮) ধর্মসম্মত উৎক্ষেপনীয় কর্ম

ক. (১) হে ভিক্ষুগণ কোন ভিক্ষুর দ্রষ্টব্য (স্বীকার্য) অপরাধ থাকে। তখন সজ্ঞ, বহুজন ভিক্ষু অথবা একজন ভিক্ষু তাহাকে বলে : ‘বন্ধো! আপনি অপরাধ প্রাপ্ত হইয়াছেন, সেই অপরাধ অবলোকন (স্বীকার) করিতেছেন কি? তদুত্তরে সে বলে : ‘আমার এমন কোন অপরাধ নাই, আমি যাহা অবলোকন করিব।’ তখন যদি সজ্ঞ

অপরাধ অবলোকন না করা বিষয়ে তাহাকে উৎক্ষিপ্ত করে তাহা হইলে তাহা ধর্মসম্মত (ন্যায়সঙ্গত) কর্ম হইবে।

(২) হে ভিক্ষুগণ! কোন ভিক্ষুর প্রতিকার যোগ্য অপরাধ থাকে। তখন সজ্ঞ, বহুজন ভিক্ষু অথবা একজন ভিক্ষু তাহাকে বলে : ‘বন্ধো! আপনি অপরাধ প্রাপ্ত হইয়াছেন, অতএব সেই অপরাধের প্রতিকার করুন।’ তদুত্তরে সে বলে : ‘হাঁ, বন্ধো! আমার এমন কোন অপরাধ নাই যাহার প্রতিকার করিব।’ তখন যদি সজ্ঞ অপরাধের প্রতিকার না করা বিষয়ে তাহাকে উৎক্ষিপ্ত করে তাহা হইলে তাহা ধর্মসম্মত কর্ম হইবে।

(৩) হে ভিক্ষুগণ! কোন ভিক্ষুর পরিত্যাগ করিবার যোগ্য হীনদৃষ্টি থাকে। তখন সজ্ঞ, বহুজন ভিক্ষু অথবা একজন ভিক্ষু তাহাকে বলে : ‘বন্ধো! আপনার দৃষ্টি হীন, অতএব সেই হীনদৃষ্টি পরিত্যাগ করুন।’ তদুত্তরে সে বলে : ‘বন্ধো! আমার এমন কোন হীনদৃষ্টি নাই আমি যাহা পরিত্যাগ করিব।’ তখন যদি সজ্ঞ হীনদৃষ্টি পরিত্যাগ না করা বিষয়ে তাহাকে উৎক্ষিপ্ত করে তাহা হইলে তাহা ধর্মসম্মত কর্ম হইবে।

(৪) হে ভিক্ষুগণ! কোন ভিক্ষুর দ্রষ্টব্য অথবা প্রতিকারযোগ্য অপরাধ থাকে। [পূর্ববৎ]

(৫) হে ভিক্ষুগণ! কোন ভিক্ষুর দ্রষ্টব্য অপরাধ অথবা পরিত্যজ্য হীনদৃষ্টি থাকে। [পূর্ববৎ]

(৬) হে ভিক্ষুগণ! কোন ভিক্ষুর প্রতিকারযোগ্য অপরাধ অথবা পরিত্যজ্য হীনদৃষ্টি থাকে। [পূর্ববৎ]

(৭) হে ভিক্ষুগণ! কোন ভিক্ষুর দ্রষ্টব্য অপরাধ, প্রতিকারযোগ্য অপরাধ কিংবা পরিত্যজ্য হীনদৃষ্টি থাকে। সজ্ঞ, বহুজন ভিক্ষু অথবা একজন ভিক্ষু তাহাকে বলে : ‘বন্ধো! আপনি অপরাধ প্রাপ্ত হইয়াছেন, অতএব সেই অপরাধ অবলোকন করুন, সেই অপরাধের প্রতিকার করুন এবং আপনার দৃষ্টি হীন, অতএব সেই হীনদৃষ্টি পরিত্যাগ করুন।’ তদুত্তরে সে বলে : ‘বন্ধো! আমার এমন কোন অপরাধ নাই আমি যাহা অবলোকন করিব, আমার এমন কোন অপরাধ নাই যাহার প্রতিকার করিব অথবা আমার এমন কোন হীনদৃষ্টি নাই যাহা পরিত্যাগ করিব।’ তখন যদি সজ্ঞ তাহাকে অবলোকন না করা বিষয়ে, প্রতিকার না করা বিষয়ে অথবা পরিত্যাগ না করা বিষয়ে উৎক্ষিপ্ত করে তাহা হইলে তাহা ধর্মসম্মত কর্ম হইবে।

কোনটি ধর্মসম্মত এবং কোনটি ধর্মবিরুদ্ধ?

(১) ধর্মবিরুদ্ধ কর্ম

১—অনন্তর আয়ুত্মান উপালি ভগবানের নিকট উপস্থিত হইলেন; উপস্থিত হইয়া ভগবানকে অভিবাদন করিয়া একান্তে উপবেশন করিলেন। একান্তে উপবেশন

করিয়া আয়ুস্মান উপালি ভগবানকে কহিলেন—“প্রভো! এই যে সমগ্রসম্মত সম্মুখে (উপস্থিতিতে) করণীয়কর্ম পরাজুখে (অনুপস্থিতিতে) করিতেছেন তাহা ধর্মসম্মত কিংবা বিনয়সম্মতকর্ম নামে কথিত হইবে কি?” “হে উপালি! তাহা ধর্মবিরুদ্ধ এবং বিনয়বিরুদ্ধকর্ম নামে অভিহিত হইবে।”

২—“প্রভো! এই যে সমগ্রসম্মত ‘জিহ্বাসা করিয়া’ করণীয় কর্ম ‘জিহ্বাসা না করিয়া’ করিতেছেন, ‘প্রতিজ্ঞা দ্বারা’ করণীয় কর্ম ‘প্রতিজ্ঞা না করাইয়া’ করিতেছেন, ‘স্মৃতিবিনয়’ দানের যোগ্যের ‘অমূঢ়বিনয়’ করিতেছেন, ‘অমূঢ়বিনয়’ দানের যোগ্যের ‘তৎপাপীয়সিক’ কর্ম করিতেছেন, ‘তৎপাপীয়সিক’ দানের যোগ্যের ‘তর্জ্জনীয় কর্ম’ করিতেছেন, ‘তর্জ্জনীয়কর্ম’ যোগ্যের ‘নির্যশকর্ম’ করিতেছেন, ‘নির্যশকর্ম’ যোগ্যের ‘প্রব্রাজনীয়কর্ম’ করিতেছেন, ‘প্রব্রাজনীয়কর্ম’ যোগ্যের ‘প্রতিস্মারণীয়কর্ম’ করিতেছেন, ‘প্রতিস্মারণীয়কর্ম’ যোগ্যের ‘উৎক্ষেপণীয়কর্ম’ করিতেছেন, ‘উৎক্ষেপণীয়কর্ম’ যোগ্যকে পরিবাস দিতেছেন, ‘পরিবাস’ দানের যোগ্যকে ‘মূলেপ্রতিকর্ষণ’ করিতেছেন, ‘মূলেপ্রতিকর্ষণ’ যোগ্যকে ‘মানত্ব’ দিতেছেন, ‘মানত্ব’ দানের যোগ্যকে ‘আহ্বান’ করিতেছেন এবং ‘আহ্বান’ যোগ্যকে ‘উপসম্পদা’ দিতেছেন তাহা ধর্মসম্মত কিংবা বিনয়সম্মতকর্ম হইবে কি?”

“হে উপালি! তাহা ধর্মসম্মত কিংবা বিনয়সম্মত কর্ম হইবে না। উপালি! যদি সমগ্রসম্মত সম্মুখে করণীয় কর্ম পরাজুখে করে, তাহা হইলে তাহা ধর্মবিরুদ্ধ এবং বিনয়বিরুদ্ধ হইবে; এরূপ সম্মত ‘সাতিসার’ (দোষী) হইবে। উপালি! যদি সমগ্রসম্মত ‘জিহ্বাসা করিয়া’ করণীয় কর্ম ‘জিহ্বাসা না করিয়া’ করে, ‘প্রতিজ্ঞাদ্বারা’ করণীয় কর্ম ‘প্রতিজ্ঞা না করাইয়া’ করে, ‘স্মৃতিবিনয়’ দানের যোগ্যকে ‘অমূঢ়বিনয়’ প্রদান করে, ‘অমূঢ়বিনয়’ দানের যোগ্য ব্যক্তির ‘তৎপাপীয়সিককর্ম’ করে, ‘তৎপাপীয়সিক’ কর্ম যোগ্য ব্যক্তির ‘তর্জ্জনীয়কর্ম’ করে, ‘তর্জ্জনীয়কর্ম’ যোগ্য ব্যক্তির ‘নির্যশকর্ম’ করে, ‘নির্যশকর্ম’ যোগ্য ব্যক্তির ‘প্রব্রাজনীয়কর্ম’ করে, ‘প্রব্রাজনীয়কর্ম’ যোগ্য ব্যক্তির ‘প্রতিস্মারণীয় কর্ম’ করে, ‘প্রতিস্মারণীয়কর্ম’ যোগ্য ব্যক্তির ‘উৎক্ষেপণীয়কর্ম’ করে, ‘উৎক্ষেপণীয়কর্ম’ যোগ্য ব্যক্তিকে ‘পরিবাস’ প্রদান করে, ‘পরিবাস’ দানের যোগ্য ব্যক্তিকে ‘মূলেপ্রতিকর্ষণ’ করে, ‘মূলেপ্রতিকর্ষণ’ যোগ্যকে ‘মানত্ব’ প্রদান করে, ‘মানত্ব’ দানের যোগ্য ব্যক্তিকে ‘আহ্বান’ করে এবং ‘আহ্বান’ যোগ্য ব্যক্তিকে ‘উপসম্পদা’ প্রদান করে তাহা হইলে তাহা ধর্মবিরুদ্ধ এবং বিনয়বিরুদ্ধ কর্ম হইবে। এরূপ সম্মত দোষী হইবে।”

(২) ধর্মসম্মত কর্ম

১—“প্রভো! যদি সমগ্রসম্মত ‘সম্মুখে করণীয় কর্ম’ সম্মুখে করে, তাহা হইলে তাহা ধর্মসম্মত এবং বিনয়সম্মতকর্ম হইবে কি?” “উপালি! তাহা ধর্মসম্মত এবং বিনয়সম্মতকর্ম হইবে।”

২—“প্রভো! যদি সমগ্রসজ্ঞ ‘জিজ্ঞাসা করিয়া’ করণীয় কর্ম ‘জিজ্ঞাসা করিয়া’ করে, ‘প্রতিজ্ঞাদ্বারা’ করণীয় কর্ম ‘প্রতিজ্ঞাদ্বারা’ করে, ‘স্মৃতিবিনয়’ দানের যোগ্য ব্যক্তিকে ‘স্মৃতিবিনয়’ প্রদান করে, ‘অমৃটবিনয়’ দানের যোগ্য ব্যক্তিকে ‘অমৃটবিনয়’ প্রদান করে, ‘তৎপাপীয়সিক কর্ম’ দানের যোগ্য ব্যক্তির ‘তৎপাপীয়সিক কর্ম’ করে, ‘তজ্জনীয়কর্ম’ যোগ্য ব্যক্তির ‘তজ্জনীয়কর্ম’ করে, ‘নির্যশকর্ম’ যোগ্য ব্যক্তির ‘নির্যশকর্ম’ করে, ‘প্রব্রাজনীয়কর্ম’ করিবার যোগ্য ব্যক্তির ‘প্রব্রাজনীয়কর্ম’ করে, ‘প্রতিস্মারণীয়কর্ম’ করিবার যোগ্য ব্যক্তির ‘প্রতিস্মারণীয়কর্ম’ করে, ‘উৎক্ষেপনীয়কর্ম’ করিবার যোগ্য ব্যক্তির ‘উৎক্ষেপনীয়কর্ম’ করে, ‘পরিবাস’ দানের যোগ্য ব্যক্তিকে ‘পরিবাস’ প্রদান করে, ‘মূলেপ্রতিকর্ষণ’ করিবার যোগ্য ব্যক্তিকে ‘মূলেপ্রতিকর্ষণ’ করে, ‘মানত্ব’ দানের যোগ্য ব্যক্তিকে ‘মানত্ব’ প্রদান করে, ‘আহ্বান’ করিবার যোগ্য ব্যক্তিকে ‘আহ্বান’ করে এবং ‘উপসম্পদা’ যোগ্য ব্যক্তিকে ‘উপসম্পদা’ প্রদান করে তাহা হইলে তাহা ধর্মসম্মতকর্ম কিংবা বিনয়সম্মতকর্ম হইবে কি?”

“উপালি! তাহা ধর্মসম্মতকর্ম এবং বিনয়সম্মতকর্ম হইবে। উপালি! যদি সমগ্রসজ্ঞ ‘সম্মুখে করণীয় কর্ম’ সম্মুখে করে, তাহা হইলে তাহা ধর্মসম্মত এবং বিনয়সম্মত কর্ম হইবে। এরূপ সজ্ঞ নির্দোষী হইবে। উপালি! যদি সমগ্রসজ্ঞ ‘জিজ্ঞাসা করিয়া’ করণীয় কর্ম ‘জিজ্ঞাসা করিয়া’ করে, ‘প্রতিজ্ঞাদ্বারা’ করণীয় কর্ম ‘প্রতিজ্ঞাদ্বারা’ করে, ‘স্মৃতিবিনয়’ দানের যোগ্য ব্যক্তিকে ‘স্মৃতিবিনয়’ দান করে, ‘অমৃটবিনয়’ দানের যোগ্য ব্যক্তিকে ‘অমৃটবিনয়’ দান করে, ‘তৎপাপীয়সিককর্ম’ করিবার কর্ম করিবার যোগ্য ব্যক্তির ‘তৎপাপীয়সিককর্ম’ করে, ‘তজ্জনীয়কর্ম’ যোগ্য ব্যক্তির ‘তজ্জনীয়কর্ম’ করে, ‘নির্যশকর্ম’ যোগ্য ব্যক্তির ‘নির্যশকর্ম’ করে, ‘প্রব্রাজনীয়কর্ম’ যোগ্য ব্যক্তির ‘প্রব্রাজনীয়কর্ম’ করে, ‘প্রতিস্মারণীয় কর্ম’ যোগ্য ব্যক্তির ‘প্রতিস্মারণীয় কর্ম’ করে, ‘উৎক্ষেপনীয়কর্ম’ যোগ্য ব্যক্তির ‘উৎক্ষেপনীয়কর্ম’ করে, ‘পরিবাস’ যোগ্য ব্যক্তিকে ‘পরিবাস’ প্রদান করে, ‘মূলেপ্রতিকর্ষণ’ যোগ্য ব্যক্তিকে ‘মূলেপ্রতিকর্ষণ’ করে, ‘মানত্ব’ যোগ্য ব্যক্তিকে ‘মানত্ব’ প্রদান করে, ‘আহ্বান’ যোগ্য ব্যক্তিকে ‘আহ্বান’ করে এবং ‘উপসম্পদা’ যোগ্য ব্যক্তিকে ‘উপসম্পদা’ প্রদান করে তাহা হইলে তাহা ধর্মসম্মত এবং বিনয়সম্মতকর্ম নামে কথিত হইবে। এরূপ সজ্ঞ নির্দোষী হইবে।”

(৩) ধর্মবিরুদ্ধ কর্ম

১—“প্রভো! যদি সমগ্রসজ্ঞ ‘স্মৃতিবিনয়ের’ যোগ্য ব্যক্তিকে ‘অমৃটবিনয়’ প্রদান করে, ‘অমৃটবিনয়’ যোগ্য ব্যক্তিকে ‘স্মৃতিবিনয়’ প্রদান করে তাহা হইলে তাহা ধর্মসম্মত কিংবা বিনয়সম্মতকর্ম হইবে কি?” “হে উপালি! তাহা ধর্মবিরুদ্ধ এবং বিনয়বিরুদ্ধকর্ম হইবে।”

২—“প্রভো! যদি সমগ্রসম্মত ‘অমৃতবিনয়’ যোগ্য ব্যক্তির ‘তৎপাপীয়সিককর্ম’ করে, ‘তৎপাপীয়সিককর্ম’ যোগ্য ব্যক্তিকে ‘অমৃতবিনয়’ প্রদান করে, ‘তৎপাপীয়সিককর্ম’ যোগ্য ব্যক্তির ‘তর্জনীয়কর্ম’ করে, ‘তর্জনীয়কর্ম’ যোগ্য ব্যক্তিকে ‘তৎপাপীয়সিককর্ম’ প্রদান করে, ‘তর্জনীয়কর্ম’ যোগ্য ব্যক্তির ‘নির্যশকর্ম’ করে, ‘নির্যশকর্ম’ যোগ্য ব্যক্তির ‘তর্জনীয়কর্ম’ করে, ‘নির্যশকর্ম’ যোগ্য ব্যক্তির ‘প্রব্রাজনীয়কর্ম’ করে, ‘প্রব্রাজনীয়কর্ম’ যোগ্য ব্যক্তির ‘নির্যশকর্ম’ করে, ‘প্রব্রাজনীয়কর্ম’ যোগ্য ব্যক্তির ‘প্রতিস্মারণীয়কর্ম’ করে, প্রতিস্মারণীয়কর্ম যোগ্য ব্যক্তির ‘প্রব্রাজনীয়কর্ম’ করে, ‘প্রতিস্মারণীয়কর্ম’ যোগ্য ব্যক্তির ‘উৎক্ষেপনীয়কর্ম’ করে, ‘উৎক্ষেপনীয়কর্ম’ যোগ্য ব্যক্তির ‘প্রতিস্মারণীয়কর্ম’ করে, ‘উৎক্ষেপনীয়কর্ম’ যোগ্য ব্যক্তিকে ‘পরিবাস’ প্রদান করে, ‘পরিবাস’ দানের যোগ্য ব্যক্তিকে ‘উৎক্ষেপনীয়কর্ম’ করে, ‘পরিবাস’ যোগ্য ব্যক্তিকে ‘মূলেপ্রতিকর্ষণ’ করে, ‘মূলেপ্রতিকর্ষণ’ যোগ্য ব্যক্তিকে ‘মানত্ব’ প্রদান করে, ‘মানত্ব’ যোগ্য ব্যক্তিকে ‘মূলেপ্রতিকর্ষণ’ করে, ‘মানত্ব’ যোগ্য ব্যক্তিকে ‘আহ্বান’ করে, ‘আহ্বান’ যোগ্য ব্যক্তিকে ‘মানত্ব’ প্রদান করে, ‘আহ্বান’ যোগ্য ব্যক্তিকে ‘উপসম্পদা প্রদান করে এবং ‘উপসম্পদা’ যোগ্য ব্যক্তিকে ‘আহ্বান’ করে, তাহা হইলে তাহা ধর্মসম্মত কিংবা বিনয়সম্মত কর্ম হইবে কি?”

হে উপালি! সেইকার্য্য ধর্মসম্মত কিম্বা বিনয়সম্মত হইবে না। উপালি! যদি সমগ্রসম্মত ‘স্মৃতিবিনয়’ যোগ্য ব্যক্তিকে ‘অমৃতবিনয়’ প্রদান করে, ‘অমৃতবিনয়’ যোগ্য ব্যক্তিকে ‘স্মৃতিবিনয়’ প্রদান করে, তাহা হইলে সেই কার্য্য ধর্ম এবং বিনয়বিরুদ্ধ হইবে। এরূপ সম্মত দোষী হইবে। উপালি! যদি সমগ্রসম্মত ‘অমৃতবিনয়’ যোগ্য ব্যক্তির ‘তৎপাপীয়সিককর্ম’ করে, ‘তৎপাপীয়সিককর্ম’ যোগ্য ব্যক্তিকে ‘অমৃতবিনয়’ প্রদান করে, উপালি! তাহা হইলে সেই কার্য্য ধর্মসম্মত কিংবা বিনয়সম্মত হইবে না। উপালি এরূপ কর্মই ধর্মসম্মত এবং বিনয়সম্মত হয় না। এরূপ সম্মত দোষী হইবে।”

(৪) ধর্মসম্মতকর্ম

১—“প্রভো! যদি সমগ্রসম্মত ‘স্মৃতিবিনয়’ যোগ্য ব্যক্তিকে ‘স্মৃতিবিনয়’ প্রদান করে, ‘অমৃতবিনয়’ যোগ্য ব্যক্তিকে ‘অমৃতবিনয়’ প্রদান করে, তাহা হইলে তাহা ধর্মসম্মত কিংবা বিনয়সম্মত হইবে কি?” “উপালি সেই কার্য্য ধর্মসম্মত এবং বিনয়সম্মত হইবে।”

২—“প্রভো! যদি সমগ্রসম্মত ‘অমৃতবিনয়’ যোগ্য ব্যক্তিকে ‘অমৃতবিনয়’ প্রদান করে, ‘তৎপাপীয়সিককর্ম’ যোগ্য ব্যক্তির ‘তৎপাপীয়সিককর্ম’ করে, ‘তর্জনীয়কর্ম’ যোগ্য ব্যক্তির ‘তর্জনীয়কর্ম’ করে, ‘নির্যশকর্ম’ যোগ্য ব্যক্তির ‘নির্যশকর্ম’ করে,

‘প্রব্রাজনীয়কর্ম’ যোগ্য ব্যক্তির ‘প্রব্রাজনীয়কর্ম’ করে, ‘প্রতিস্মারণীয়কর্ম’ যোগ্য ব্যক্তির ‘প্রতিস্মারণীয়কর্ম’ করে, ‘উৎক্ষেপনীয়কর্ম’ যোগ্য ব্যক্তির ‘উৎক্ষেপনীয়কর্ম’ করে, ‘পরিবাস’ যোগ্য ব্যক্তিকে ‘পরিবাস’ প্রদান করে, ‘মূলেপ্রতিকর্ষণ’ যোগ্য ব্যক্তিকে ‘মূলেপ্রতিকর্ষণ’ করে, ‘মানত্ব’ যোগ্য ব্যক্তিকে ‘মানত্ব’ প্রদান করে, ‘আহ্বান’ যোগ্য ব্যক্তিকে ‘আহ্বান’ করে এবং ‘উপসম্পদা’ যোগ্য ব্যক্তিকে ‘উপসম্পদা’ প্রদান করে, তাহা হইলে সেই কার্য্য ধর্মসম্মত এবং বিনয়সম্মত কর্ম হইবে কি?”

“উপালি! তাহা ধর্মসম্মত এবং বিনয়সম্মত হইবে। উপালি! যদি সমগ্রসজ্ঞ ‘স্মৃতিবিনয়’ যোগ্য ব্যক্তিকে ‘স্মৃতিবিনয়’ প্রদান করে, ‘অমূঢ়বিনয়’ যোগ্য ব্যক্তিকে ‘অমূঢ়বিনয়’ প্রদান করে তাহা হইলে সেই কার্য্য ধর্মসম্মত এবং বিনয়সম্মত হইবে। এরূপ সজ্ঞ নির্দোষী হইবে। উপালি! যদি সমগ্রসজ্ঞ ‘অমূঢ়বিনয়’ যোগ্য ব্যক্তিকে ‘অমূঢ়বিনয়’ প্রদান করে, ‘তৎপাপীয়সিকর্ম’ যোগ্য ব্যক্তির ‘তৎপাপীয়সিকর্ম’ করে, ‘তর্জ্জনীয়কর্ম’ যোগ্য ব্যক্তির ‘তর্জ্জনীয়কর্ম’ করে, ‘নির্যশকর্ম’ যোগ্য ব্যক্তির ‘নির্যশকর্ম’ করে ‘উপসম্পদা’ যোগ্য ব্যক্তিকে ‘উপসম্পদা’ প্রদান করে তাহা হইলে সেই কার্য্য ধর্মসম্মত এবং বিনয়সম্মত হইবে। এরূপ সজ্ঞ নির্দোষী হইবে।

(৫) ধর্মবিরুদ্ধ কর্মের স্বরূপ

১—ভগবান ভিক্ষুগণকে আহ্বান করিলেন :—“হে ভিক্ষুগণ! যদি সমগ্রসজ্ঞ ‘স্মৃতিবিনয়ের’ যোগ্য ব্যক্তিকে ‘অমূঢ়বিনয়’ প্রদান করে, তাহা হইলে এইরূপ কর্ম ধর্মবিরুদ্ধ এবং বিনয়বিরুদ্ধ হয় এবং এরূপ সজ্ঞ দোষী হইয়া থাকে। ভিক্ষুগণ! যদি সমগ্রসজ্ঞ ‘স্মৃতিবিনয়’ যোগ্য ব্যক্তির ‘তৎপাপীয়সিকর্ম’ করে, ‘স্মৃতিবিনয়’ যোগ্য ব্যক্তির ‘তর্জ্জনীয়কর্ম’ করে, ‘স্মৃতিবিনয়’ যোগ্য ব্যক্তির ‘নির্যশকর্ম’ করে, ‘স্মৃতিবিনয়’ যোগ্য ব্যক্তির ‘প্রব্রাজনীয়কর্ম’ করে, ‘স্মৃতিবিনয়’ যোগ্য ব্যক্তির ‘প্রতিস্মারণীয় কর্ম’ করে, ‘স্মৃতিবিনয়’ যোগ্য ব্যক্তির ‘উৎক্ষেপনীয়কর্ম’ করে, ‘স্মৃতিবিনয়’ যোগ্য ব্যক্তিকে ‘পরিবাস’ প্রদান করে, ‘স্মৃতিবিনয়’ যোগ্য ব্যক্তিকে ‘মূলেপ্রতিকর্ষণ’ করে, ‘স্মৃতিবিনয়’ যোগ্য ব্যক্তিকে ‘মানত্ব’ প্রদান করে, ‘স্মৃতিবিনয়’ যোগ্য ব্যক্তিকে ‘আহ্বান’ করে এবং ‘স্মৃতিবিনয়’ যোগ্য ব্যক্তিকে ‘উপসম্পদা’ প্রদান করে, ভিক্ষুগণ! তাহা হইলে তাহা ধর্মবিরুদ্ধ এবং বিনয়বিরুদ্ধকর্ম হইবে। এইরূপ সজ্ঞ দোষী হইবে।”

২—হে ভিক্ষুগণ! যদি সমগ্রসজ্ঞ ‘অমূঢ়বিনয়’ যোগ্য ব্যক্তির ‘তৎপাপীয়সিকর্ম’ করে, তাহা হইলে তাহা ধর্মবিনয়বিরুদ্ধকর্ম হইবে এবং এরূপ সজ্ঞ দোষী হইবে। ভিক্ষুগণ! যদি সমগ্রসজ্ঞ ‘অমূঢ়বিনয়’ যোগ্য ব্যক্তির ‘তর্জ্জনীয়কর্ম’ করে,

‘অমূঢ়বিনয়’ যোগ্য ব্যক্তির ‘নির্যশকর্ম’ করে, ‘অমূঢ়বিনয়’ যোগ্য ব্যক্তির ‘প্রব্রাজনীয়কর্ম’ করে, ‘অমূঢ়বিনয়’ যোগ্য ব্যক্তির ‘প্রতিস্মারণীয়কর্ম’ করে, ‘অমূঢ়বিনয়’ যোগ্য ব্যক্তির ‘উৎক্ষেপনীয়কর্ম’ করে, ‘অমূঢ়বিনয়’ যোগ্য ব্যক্তির ‘পরিবাস’ প্রদান করে, ‘অমূঢ়বিনয়’ যোগ্য ব্যক্তির ‘মূলেপ্রতিকর্ষণ’ করে, ‘অমূঢ়বিনয়’ যোগ্য ব্যক্তির ‘মানত্ব’ প্রদান করে, ‘অমূঢ়বিনয়’ যোগ্য ব্যক্তির ‘আহ্বান’ করে, ‘অমূঢ়বিনয়’ যোগ্য ব্যক্তিকে উপসম্পদা’ প্রদান করে এবং ‘অমূঢ়বিনয়’ যোগ্য ব্যক্তিকে ‘স্মৃতিবিনয়’ প্রদান করে, তাহা হইলে সেই কার্য্য ধর্ম ও বিনয়বিরুদ্ধ হয় এবং এরূপ সজ্ঞ দোষী হয়।

৩—হে ভিক্ষুগণ! যদি সমগ্রসজ্ঞ ‘তৎপাপীয়সিককর্ম’ যোগ্য ব্যক্তির [পূর্ববৎ ।]

৪—হে ভিক্ষুগণ! যদি সমগ্রসজ্ঞ ‘তর্জ্জনীয়কর্ম’ যোগ্য ব্যক্তির [পূর্ববৎ ।]

৫—হে ভিক্ষুগণ! যদি সমগ্রসজ্ঞ ‘নির্যশকর্ম’ যোগ্য ব্যক্তির [পূর্ববৎ ।]

৬—হে ভিক্ষুগণ! যদি সমগ্রসজ্ঞ প্রব্রাজনীয়কর্ম’ যোগ্য ব্যক্তির [পূর্ববৎ ।]

৭—হে ভিক্ষুগণ! যদি সমগ্রসজ্ঞ ‘প্রতিস্মারণীয়কর্ম’ যোগ্য ব্যক্তির [পূর্ববৎ ।]

৮—হে ভিক্ষুগণ! যদি সমগ্রসজ্ঞ ‘উৎক্ষেপনীয়কর্ম’ যোগ্য ব্যক্তির [পূর্ববৎ ।]

৯—হে ভিক্ষুগণ! যদি সমগ্রসজ্ঞ ‘পরিবাস’ যোগ্য ব্যক্তিকে [পূর্ববৎ ।]

১০—হে ভিক্ষুগণ! যদি সমগ্রসজ্ঞ ‘মূলেপ্রতিকর্ষণ’ যোগ্য ব্যক্তিকে [পূর্ববৎ ।]

১১—হে ভিক্ষুগণ! যদি সমগ্রসজ্ঞ ‘মানত্ব’ যোগ্য ব্যক্তিকে [পূর্ববৎ ।]

১২—হে ভিক্ষুগণ! যদি সমগ্রসজ্ঞ ‘আহ্বান’ যোগ্য ব্যক্তিকে [পূর্ববৎ ।]

১৩—হে ভিক্ষুগণ! যদি সমগ্রসজ্ঞ ‘উপসম্পদা’ যোগ্য ব্যক্তিকে ‘স্মৃতিবিনয়’ প্রদান করে তাহা হইলে সেই কার্য্য ধর্মবিরুদ্ধ, বিনয়বিরুদ্ধ হয় এবং এরূপ সজ্ঞ দোষী হয়। ভিক্ষুগণ! যদি সমগ্রসজ্ঞ ‘উপসম্পদা’ যোগ্য ব্যক্তিকে ‘অমূঢ়বিনয়’ প্রদান করে, ‘উপসম্পদা’ যোগ্য ব্যক্তির ‘তৎপাপীয়সিককর্ম’ করে, ‘উপসম্পদা’ যোগ্য ব্যক্তির ‘তর্জ্জনীয়কর্ম’ করে, ‘উপসম্পদা’ যোগ্য ব্যক্তির ‘নির্যশকর্ম’ করে, ‘উপসম্পদা’ যোগ্য ব্যক্তির ‘প্রব্রাজনীয়কর্ম’ করে, ‘উপসম্পদা’ যোগ্য ব্যক্তির ‘প্রতিস্মারণীয়কর্ম’ করে, ‘উপসম্পদা’ যোগ্য ব্যক্তির ‘উৎক্ষেপনীয়কর্ম’ করে, ‘উপসম্পদা’ যোগ্য ব্যক্তিকে ‘পরিবাস’ প্রদান করে, ‘উপসম্পদা’ যোগ্য ব্যক্তিকে ‘মূলেপ্রতিকর্ষণ’ করে, ‘উপসম্পদা’ যোগ্য ব্যক্তিকে ‘মানত্ব’ প্রদান করে, ‘উপসম্পদা’ যোগ্য ব্যক্তিকে ‘আহ্বান’ করে, তাহা হইলে সেই কার্য্য ধর্মবিরুদ্ধ ও বিনয়বিরুদ্ধ হয় এবং এরূপ সজ্ঞ দোষী হয়।

॥ উপালি প্রশ্ন ভণিতা সমাপ্ত ॥

ধর্মবিরুদ্ধ কর্ম

(১) তর্জনীয়কর্ম

হে ভিক্ষুগণ! কোন ভিক্ষু ভগ্নকারী, কলহকারী, বিবাদকারী, বহুবৃথাবাক্যব্যয়ী এবং নিত্য সজ্জের নিকট অভিযোগকারী (অধিকরণ কারক) হইয়া থাকে।

১—যদি সেখানে অবস্থিত ভিক্ষুগণের মনে এই চিন্তা উদ্ভূত হয় : “বন্ধুগণ! এই ভিক্ষু ভগ্নকারী, কলহকারী, বিবাদকারী, বহুবৃথাবাক্যব্যয়ী এবং নিত্য সজ্জের নিকট অভিযোগ উপস্থিত হইয়া থাকে অতএব আমরা ইহার তর্জনীয়কর্ম^১ করিব।” এই ভাবিয়া তাহারা ধর্মবিরুদ্ধ বর্গ (সজ্জের একাংশ) দ্বারা তাহার তর্জনীয়কর্ম করে। তখন সে (দণ্ডিত) সেই আবাস হইতে অন্য আবাসে প্রস্থান করে।

২—সেই স্থানের ভিক্ষুগণের মনেও এইরূপ চিন্তা উদ্ভূত হয় : ‘বন্ধুগণ! সজ্জ ধর্মবিরুদ্ধ বর্গদ্বারা এই ভিক্ষুর তর্জনীয়কর্ম (দণ্ড) করিয়াছেন, অতএব আমরাও তাঁহার ‘তর্জনীয়কর্ম’ করিব।’ এই ভাবিয়া তাহারা ধর্মবিরুদ্ধ সমগ্র দ্বারা তাহার তর্জনীয়কর্ম করে। তখন সে সেই আবাস হইতেও অন্য আবাসে প্রস্থান করে।

৩—সেই স্থানের ভিক্ষুগণের মনেও এইরূপ চিন্তা উদ্ভূত হয় : ‘বন্ধুগণ! সজ্জ ধর্মবিরুদ্ধ সমগ্র হইয়া এই ভিক্ষুর তর্জনীয়কর্ম করিয়াছেন, অতএব আমরাও তাঁহার ‘তর্জনীয়কর্ম’ করিব।’ এই ভাবিয়া তাহারা ধর্মসম্মত বর্গদ্বারা তাহার তর্জনীয়কর্ম করে। তখন সে সেই আবাস হইতেও অন্য আবাসে প্রস্থান করে।

৪—সেই স্থানের ভিক্ষুগণের মনেও এইরূপ চিন্তা উদ্ভূত হয় : ‘বন্ধুগণ! সজ্জ ধর্মসম্মত বর্গদ্বারা এই ভিক্ষুর তর্জনীয়কর্ম করিয়াছেন, অতএব আমরাও তাঁহার ‘তর্জনীয়কর্ম’ করিব।’ এই ভাবিয়া তাহারা ধর্মপ্রতিরূপসম্মত বর্গদ্বারা তাহার তর্জনীয় কর্ম করে। তখন সে সেই আবাস হইতেও অন্য আবাসে প্রস্থান করে।

৫—সেই স্থানের ভিক্ষুগণের মনেও এইরূপ চিন্তা উদ্ভূত হয় : ‘বন্ধুগণ! সজ্জ ধর্মপ্রতিরূপসম্মত বর্গদ্বারা এই ভিক্ষুর তর্জনীয়কর্ম করিয়াছেন; অতএব আমরাও তাঁহার ‘তর্জনীয়কর্ম’ করিব।’ এই ভাবিয়া তাহারা ধর্মপ্রতিরূপসম্মত সমগ্র দ্বারা তাহারা তর্জনীয় কর্ম করে।

৬—হে ভিক্ষুগণ! কোন ভিক্ষু ভগ্নকারী, কলহকারী, বিবাদকারী, বহুবৃথাবাক্যব্যয়ী এবং নিত্য সজ্জের নিকট অভিযোগকারী হইয়া থাকে। সেখানের ভিক্ষুগণের মনে এইরূপ চিন্তা উদ্ভূত হয় : “বন্ধুগণ! এই ভিক্ষু ভগ্নকারী, কলহকারী, বিবাদকারী, বহুবৃথাবাক্যব্যয়ী এবং নিত্য সজ্জের নিকট অভিযোগকারী,

^১। চূলবল্লের কর্ম-স্কন্ধ দ্রষ্টব্য।

১৩—সেই স্থানেও ভিক্ষুগণের মনে এই চিন্তা উদিত হয় : ‘বন্ধুগণ! সজ্জ ধর্মপ্রতিরূপসম্মত বর্গদ্বারা এই ভিক্ষুর তর্জ্জনীয়কর্ম করিয়াছেন। অতএব আমরাও তাঁহার তর্জ্জনীয়কর্ম করিব।’ এই ভাবিয়া তাহারা ধর্মপ্রতিরূপসম্মত সমগ্রদ্বারা তাহার তর্জ্জনীয়কর্ম করে। তখন সে সেই আবাস হইতেও অন্য আবাসে প্রস্থান করে।

২১—হে ভিক্ষুগণ! কোন ভিক্ষু ভণ্ডনকারী, কলহকারী, বিবাদকারী, বহুবথাবাক্যব্যয়ী এবং নিত্য সঙ্ঘের নিকট অভিযোক্তা হয়। সেইস্থানের ভিক্ষুগণের

মনে এই চিন্তা উদিত হয় : “বন্ধুগণ! এই ভিক্ষু ভগ্নকারী, কলহকারী, বিবাদকারী, বহুব্ৰথাবাক্যব্যয়ী এবং নিত্য সজ্জের নিকট অভিযোক্তা, অতএব আমরা তাঁহার তর্জনীয়কর্ম করিব।’ এই ভাবিয়া তাহারা ধর্মপ্রতিরূপসম্মত সমগ্রদ্বারা তাহার তর্জনীয়কর্ম করে। তখন সে সেই আবাস হইতে অন্য আবাসে প্রস্থান করে।

২২—সেই স্থানেও ভিক্ষুগণের মনে এই চিন্তা উদিত হয় : ‘বন্ধুগণ! সজ্জ ধর্মপ্রতিরূপসম্মত সমগ্রদ্বারা এই ভিক্ষুর তর্জনীয়কর্ম করিয়াছেন। অতএব আমরাও তাঁহার তর্জনীয়কর্ম করিব।’ এই ভাবিয়া তাহারা ধর্মবিরুদ্ধ বর্গদ্বারা তাহার তর্জনীয়কর্ম করে। তখন সে সেই আবাস হইতেও অন্য আবাসে প্রস্থান করে।

২৩—সেই স্থানেও ভিক্ষুগণের মনে এই চিন্তা উদিত হয় : ‘বন্ধুগণ! সজ্জ ধর্মবিরুদ্ধ বর্গদ্বারা এই ভিক্ষুর তর্জনীয়কর্ম করিয়াছেন। অতএব আমরাও তাঁহার তর্জনীয়কর্ম করিব।’ এই ভাবিয়া তাহারা ধর্মবিরুদ্ধ সমগ্রদ্বারা তাহার তর্জনীয়কর্ম করে। তখন সে সেই আবাস হইতেও অন্য আবাসে প্রস্থান করে।

২৪—সেই স্থানেও ভিক্ষুগণের মনে এই চিন্তা উদিত হয় : ‘বন্ধুগণ! সজ্জ ধর্মবিরুদ্ধ সমগ্রদ্বারা এই ভিক্ষুর তর্জনীয়কর্ম করিয়াছেন। অতএব আমরাও তাঁহার তর্জনীয়কর্ম করিব।’ এই ভাবিয়া তাহারা ধর্ম সম্মত বর্গদ্বারা তাহার তর্জনীয়কর্ম করে। তখন সে সেই আবাস হইতেও অন্য আবাসে প্রস্থান করে।

২৫—সেই স্থানেও ভিক্ষুগণের মনে এই চিন্তা উদিত হয় : ‘বন্ধুগণ! সজ্জ ধর্মসম্মত বর্গদ্বারা এই ভিক্ষুর তর্জনীয়কর্ম করিয়াছেন। অতএব আমরাও তাঁহার তর্জনীয়কর্ম করিব।’ এই ভাবিয়া তাহারা ধর্মপ্রতিরূপসম্মত বর্গদ্বারা তাহার তর্জনীয়কর্ম করে।

(২) নির্যশ কর্ম

১—হে ভিক্ষুগণ! কোন ভিক্ষু বাল (মূর্খ), অদক্ষ, অপরাধবহুল, উপদেশ অগ্রাহ্যকারী হয় এবং অননুলোম (অন্যায়জনক) গৃহীসংসর্গে সংশ্লিষ্ট হইয়া অবস্থান করে। সেখানের ভিক্ষুগণের মনে এই চিন্তা উদিত হয় : “বন্ধুগণ! এই ভিক্ষু বাল, অদক্ষ, অপরাধবহুল, উপদেশ অগ্রাহ্যকারী এবং অননুলোম গৃহীসংসর্গে সংশ্লিষ্ট হইয়া অবস্থান করিতেছে, অতএব আমরা তাঁহার নির্যশকর্ম^১ করিব।’ এই ভাবিয়া তাহারা ধর্মবিরুদ্ধ বর্গদ্বারা তাহার নির্যশকর্ম করে। তখন সে সেই আবাস হইতে অন্য আবাসে প্রস্থান করে।

২—সেই স্থানেও ভিক্ষুগণের মনে এই চিন্তা উদিত হয় : ‘বন্ধুগণ! সজ্জ ধর্মবিরুদ্ধ বর্গদ্বারা এই ভিক্ষুর নির্যশকর্ম করিয়াছেন। অতএব আমরাও তাহার

^১। চুলবগ্নের কর্ম-স্বাক্ষর দ্রষ্টব্য।

নির্যশকর্ম করিব।’ এই ভাবিয়া তাহারা ধর্মবিরুদ্ধ সমগ্রদ্বারা তাহার নির্যশকর্ম করে। তখন সে সেই আবাস হইতেও অন্য আবাসে প্রস্থান করে।

৩—সেই স্থানেও ভিক্ষুগণের মনে এই চিন্তা উদিত হয় : ‘বন্ধুগণ! সজ্জ ধর্মবিরুদ্ধ সমগ্রদ্বারা এই ভিক্ষুর নির্যশকর্ম করিয়াছেন। অতএব আমরাও তাঁহার নির্যশকর্ম করিব।’ এই ভাবিয়া তাহারা ধর্মসম্মত বর্গদ্বারা তাহার নির্যশকর্ম করে। তখন সে সেই আবাস হইতেও অন্য আবাসে প্রস্থান করে।

৪—সেই স্থানেও ভিক্ষুগণের মনে এই চিন্তা উদিত হয় : ‘বন্ধুগণ! সজ্জ ধর্মসম্মত বর্গদ্বারা এই ভিক্ষুর নির্যশকর্ম করিয়াছেন। অতএব আমরাও তাহার নির্যশকর্ম করিব।’ এই ভাবিয়া তাহারা ধর্মপ্রতিরূপসম্মত বর্গদ্বারা তাহার নির্যশকর্ম করে। তখন সে সেই আবাস হইতেও অন্য আবাসে প্রস্থান করে।

৫—সেই স্থানেও ভিক্ষুগণের মনে এই চিন্তা উদিত হয় : ‘বন্ধুগণ! সজ্জ ধর্মপ্রতিরূপসম্মত বর্গদ্বারা এই ভিক্ষুর নির্যশকর্ম করিয়াছেন। অতএব আমরাও তাহার নির্যশকর্ম করিব।’ এই ভাবিয়া তাহারা ধর্মপ্রতিরূপসম্মত সমগ্রদ্বারা তাহার নির্যশকর্ম করে। [৬নং হইতে ২৫ নং পর্য্যন্ত তর্জ্জনীয়কর্ম সদৃশ।]

(৩) প্রব্রাজনীয়কর্ম

১—হে ভিক্ষুগণ! কোন ভিক্ষু কূলদূষক^১ এবং পাপাচারী হইয়া থাকে। যদি সেইস্থানের ভিক্ষুগণের মনে এই চিন্তা উদিত হয় : ‘বন্ধুগণ! এই ভিক্ষু কূলদূষক এবং পাপাচারী হইয়াছে, অতএব আমরা তাহার প্রব্রাজনীয়কর্ম^২ করিব।’ এই ভাবিয়া তাহারা ধর্মবিরুদ্ধ বর্গদ্বারা তাহার প্রব্রাজনীয়কর্ম করে। তখন সে সেই আবাস হইতে অন্য আবাসে প্রস্থান করে।

২—সেইস্থানেও ভিক্ষুগণের মনে এই চিন্তা উদিত হয় : ‘বন্ধুগণ! সজ্জ ধর্মবিরুদ্ধ বর্গদ্বারা এই ভিক্ষুর প্রব্রাজনীয়কর্ম করিয়াছেন। অতএব আমরাও তাহার প্রব্রাজনীয়কর্ম করিব।’ এই ভাবিয়া তাহারা ধর্মবিরুদ্ধ সমগ্রদ্বারা তাহার প্রব্রাজনীয়কর্ম করে। তখন সে সেই আবাস হইতেও অন্য আবাসে প্রস্থান করে।

^১। কূলদূষক অর্থে শ্রদ্ধা বিনষ্টকারী। একবিংশতি প্রকারে শ্রদ্ধা বিনষ্ট করা হয়। যথা :—(১) বেণুদান, (২) পত্রদান, (৩) পুষ্পদান, (৪) ফলদান, (৫) দন্তকাষ্ঠদান, (৬) পানীয় দান (পানার্থ জল পান), (৭) উদকদান (হস্তপদাদি প্রক্ষালনার্থ জল দান), (৮) চূর্ণদান, (৯) মৃত্তিকাদান, (১০) খোশামোদ করা, (১১) সত্যের আবরণে মিথ্যা কথন, (১২) ছেলেদিগকে আদর দিয়া তাহার মাতাপিতার মন ভুলান, (১৩) কাহারও সামান্য কাজের জন্য এখানে ওখানে যাওয়া, (১৪) চিকিৎসা করা, (১৫) দৌত্যকর্ম, (১৬) কোথাও পাঠাইলে যাওয়া, (১৭) পিণ্ড প্রতিপিণ্ড দান, (১৮) যে দান দেয় তাহাকে পুনঃ দেওয়া, (১৯) বাস্তবদ্বিত্য, (২০) নক্ষত্রবিদ্যা, (২১) অঙ্গবিদ্যা। এই সব উপায়ে যে কোন ব্যক্তির সন্তোষ বিধান করা।

^২। বহিষ্করণ দণ্ড।

৩—সেই স্থানেও ভিক্ষুগণের মনে এই চিন্তা উদিত হয় : ‘বন্ধুগণ! সজ্জ ধর্মবিরুদ্ধ সমগ্রদ্বারা এই ভিক্ষুর প্রব্রাজনীয়কর্ম করিয়াছেন। অতএব আমরাও তাহার প্রব্রাজনীয়কর্ম করিব।’ এই ভাবিয়া তাহারা ধর্মসম্মত বর্গদ্বারা তাহার প্রব্রাজনীয়কর্ম করে। তখন সে সেই আবাস হইতেও অন্য আবাসে প্রস্থান করে।

৪—সেইস্থানেও ভিক্ষুগণের মনে এই চিন্তা উদিত হয় : ‘বন্ধুগণ! সজ্জ ধর্মসম্মত বর্গদ্বারা এই ভিক্ষুর প্রব্রাজনীয়কর্ম করিয়াছেন। অতএব আমরাও তাহার প্রব্রাজনীয়কর্ম করিব।’ এই ভাবিয়া তাহারা ধর্মপ্রতিরূপসম্মত বর্গদ্বারা তাহার প্রব্রাজনীয়কর্ম করে। তখন সে সেই আবাস হইতেও অন্য আবাসে প্রস্থান করে।

৫—সেইস্থানেও ভিক্ষুগণের মনে এই চিন্তা উদিত হয় : ‘বন্ধুগণ! সজ্জ ধর্মপ্রতিরূপসম্মত বর্গদ্বারা এই ভিক্ষুর প্রব্রাজনীয়কর্ম করিয়াছেন। অতএব আমরাও তাহার প্রব্রাজনীয়কর্ম করিব।’ এই ভাবিয়া তাহারা ধর্মপ্রতিরূপসম্মত সমগ্র দ্বারা তাহার প্রব্রাজনীয়কর্ম করে। [৬নং হইতে ২৫নং পর্য্যন্ত তর্জনীয়কর্ম সদৃশ ।]

(৪) প্রতিস্মারণীয়কর্ম

১—হে ভিক্ষুগণ! কোন ভিক্ষু গৃহীকে আক্রোশ (বিদেষ) এবং পরিভাষ (তিরস্কার) করে। যদি সেইস্থানের ভিক্ষুগণের মনে এই চিন্তা উদিত হয় : ‘বন্ধুগণ! এই ভিক্ষু গৃহীকে আক্রোশ (বিদেষ) এবং তিরস্কার করিতেছে, অতএব আমরা তাহার প্রতিস্মারণীয়কর্ম^১ করিব।’ এই ভাবিয়া তাহারা ধর্মবিরুদ্ধ বর্গদ্বারা তাহার প্রতিস্মারণীয়কর্ম (দণ্ড) করে। তখন সে সেই আবাস হইতে অন্য আবাসে প্রস্থান করে।

২—সেইস্থানের ভিক্ষুগণের মনেও এই চিন্তা উদিত হয় : ‘বন্ধুগণ! সজ্জ ধর্মবিরুদ্ধ বর্গদ্বারা এই ভিক্ষুর প্রতিস্মারণীয়কর্ম করিয়াছেন, অতএব আমরাও তাহার প্রতিস্মারণীয়কর্ম করিব।’ এই ভাবিয়া তাহারা ধর্মবিরুদ্ধ সমগ্রদ্বারা তাহার প্রতিস্মারণীয় কর্ম করে। তখন সে সেই আবাস হইতেও অন্য আবাসে প্রস্থান করে।

৩—সেইস্থানের ভিক্ষুগণের মনেও এই চিন্তা উদিত হয় : ‘বন্ধুগণ! সজ্জ ধর্মবিরুদ্ধ সমগ্রদ্বারা এই ভিক্ষুর প্রতিস্মারণীয়কর্ম করিয়াছেন। অতএব আমরাও তাহার প্রতিস্মারণীয়কর্ম করিব।’ এই ভাবিয়া তাহারা ধর্মসম্মত বর্গদ্বারা তাহার প্রতিস্মারণীয়কর্ম করে। তখন সে সেই আবাস হইতেও অন্য আবাসে প্রস্থান করে।

৪—সেইস্থানের ভিক্ষুগণের মনেও এই চিন্তা উদিত হয় : ‘বন্ধুগণ! সজ্জ ধর্মসম্মত বর্গদ্বারা এই ভিক্ষুর প্রতিস্মারণীয়কর্ম করিয়াছেন। অতএব আমরাও

^১। স্মরণ করাইয়া দিবার যোগ্য দণ্ড।

তাহার প্রতিস্মারণীয়কর্ম করিব।' এই ভাবিয়া তাহারা ধর্মপ্রতিরূপসম্মত বর্গদ্বারা তাহার প্রতিস্মারণীয়কর্ম করে। তখন সে সেই আবাস হইতেও অন্য আবাসে প্রস্থান করে।

৫—সেইস্থানের ভিক্ষুগণের মনেও এই চিন্তা উদিত হয় : 'বন্ধুগণ! সজ্ঞ ধর্মপ্রতিরূপসম্মত বর্গদ্বারা এই ভিক্ষুর প্রতিস্মারণীয়কর্ম করিয়াছেন। অতএব আমরাও তাহার প্রতিস্মারণীয়কর্ম করিব।' এই ভাবিয়া তাহারা ধর্মপ্রতিরূপসম্মত সমগ্রদ্বারা তাহার প্রতিস্মারণীয়কর্ম করে। [৬নং হইতে ২৫নং পর্য্যন্ত তর্জ্জনীয়কর্ম সদৃশ।]

(৫) উৎক্ষেপণীয়কর্ম

ক. ১—হে ভিক্ষুগণ! কোন ভিক্ষু অপরাধ প্রাপ্ত হইয়া অপরাধ দেখিতে (স্বীকার করিতে) ইচ্ছা করে না। তখন সেইস্থানে অবস্থিত ভিক্ষুগণের মনে এই চিন্তা উদিত হয় : 'বন্ধুগণ! এই ভিক্ষু অপরাধ প্রাপ্ত হইয়া অপরাধ স্বীকার করিতে ইচ্ছা করিতেছে না। অতএব অপরাধ স্বীকার না করা হেতু আমরা তাহার উৎক্ষেপণীয়কর্ম করিব।' এই ভাবিয়া তাহারা ধর্মবিরুদ্ধ বর্গদ্বারা অপরাধ স্বীকার না করা হেতু তাহার উৎক্ষেপণীয়কর্ম (দণ্ড) করে। তখন সে সেই আবাস হইতেও অন্য আবাসে প্রস্থান করে।

২—সেইস্থানে অবস্থিত ভিক্ষুগণেরও মনে এই চিন্তা উদিত হয় : 'বন্ধুগণ! সজ্ঞ ধর্মবিরুদ্ধ বর্গদ্বারা এই ভিক্ষুর উৎক্ষেপণীয়কর্ম করিয়াছেন। অতএব আমরাও তাহার উৎক্ষেপণীয়কর্ম করিব।' এই ভাবিয়া তাহারা ধর্মবিরুদ্ধ সমগ্রদ্বারা তাহার উৎক্ষেপণীয়কর্ম করে। তখন সে সেই আবাস হইতেও অন্য আবাসে প্রস্থান করে।

৩—সেই স্থানে অবস্থিত ভিক্ষুগণেরও মনে এই চিন্তা উদিত হয় : 'বন্ধুগণ! সজ্ঞ ধর্মবিরুদ্ধ সমগ্রদ্বারা এই ভিক্ষুর উৎক্ষেপণীয়কর্ম করিয়াছেন। অতএব আমরাও তাহার উৎক্ষেপণীয়কর্ম করিব।' এই ভাবিয়া তাহারা ধর্মসম্মত বর্গদ্বারা তাহার উৎক্ষেপণীয়কর্ম করে। তখন সে সেই আবাস হইতেও অন্য আবাসে প্রস্থান করে।

৪—সেইস্থানে অবস্থিত ভিক্ষুগণেরও মনে এই চিন্তা উদিত হয় : 'বন্ধুগণ! সজ্ঞ ধর্মসম্মত বর্গদ্বারা এই ভিক্ষুর উৎক্ষেপণীয়কর্ম করিয়াছেন। অতএব আমরাও তাহার উৎক্ষেপণীয়কর্ম করিব।' এই ভাবিয়া তাহারা ধর্মপ্রতিরূপসম্মত বর্গদ্বারা তাহার উৎক্ষেপণীয়কর্ম করে। তখন সে সেই আবাস হইতেও অন্য আবাসে প্রস্থান করে।

৫—সেইস্থানে অবস্থিত ভিক্ষুগণেরও মনে এই চিন্তা উদিত হয় : 'বন্ধুগণ! সজ্ঞ ধর্মপ্রতিরূপসম্মত বর্গদ্বারা এই ভিক্ষুর উৎক্ষেপণীয়কর্ম করিয়াছেন। অতএব

^১। সংস্রব পরিত্যাগ করিব।

আমরাও তাহার উৎক্ষেপনীয়কর্ম করিব।’ এই ভাবিয়া তাহারা ধর্মপ্রতিরূপসম্মত সমগ্রদ্বারা তাহার উৎক্ষেপনীয়কর্ম করে। [৬নং হইতে ২৫নং পর্য্যন্ত তর্জ্জনীয়কর্ম সদৃশ।]

খ. ১—হে ভিক্ষুগণ! কোন ভিক্ষু অপরাধ প্রাপ্ত হইয়া অপরাধের প্রতিকার করিতে ইচ্ছা না করিলে সেইস্থানে অবস্থিত ভিক্ষুগণের মনে এই চিন্তা উদিত হয় : ‘বন্ধুগণ! এই ভিক্ষু অপরাধ প্রাপ্ত হইয়া অপরাধের প্রতিকার করিতে ইচ্ছা করিতেছে না। অতএব অপরাধের প্রতিকার না করা হেতু আমরা তাহার উৎক্ষেপনীয় কর্ম করিব।’ এই ভাবিয়া অপরাধের প্রতিকার না করা বিষয়ে ধর্মবিরুদ্ধ বর্গদ্বারা তাহারা তাহার উৎক্ষেপনীয়কর্ম করে। তখন সে সেই আবাস হইতে অন্য আবাসে প্রস্থান করে।

২—সেইস্থানে অবস্থিত ভিক্ষুগণেরও মনে এই চিন্তা উদিত হয় : ‘বন্ধুগণ! সজ্ঞ ধর্মবিরুদ্ধ বর্গদ্বারা এই ভিক্ষুর উৎক্ষেপনীয়কর্ম করিয়াছেন। অতএব আমরাও তাহার উৎক্ষেপনীয়কর্ম করিব।’ এই ভাবিয়া তাহারা ধর্মবিরুদ্ধ সমগ্রদ্বারা তাহার উৎক্ষেপনীয়কর্ম করে। তখন সে সেই আবাস হইতেও অন্য আবাসে প্রস্থান করে।

৩—সেইস্থানে অবস্থিত ভিক্ষুগণেরও মনে এই চিন্তা উদিত হয় : ‘বন্ধুগণ! সজ্ঞ ধর্মবিরুদ্ধ সমগ্রদ্বারা এই ভিক্ষুর উৎক্ষেপনীয়কর্ম করিয়াছেন। অতএব আমরাও তাহার উৎক্ষেপনীয়কর্ম করিব।’ এই ভাবিয়া তাহারা ধর্মসম্মত বর্গদ্বারা তাহার উৎক্ষেপনীয়কর্ম করে। তখন সে সেই আবাস হইতেও অন্য আবাসে প্রস্থান করে।

৪—সেইস্থানে অবস্থিত ভিক্ষুগণের মনেও এই চিন্তা উদিত হয় : ‘বন্ধুগণ! সজ্ঞ ধর্মসম্মত বর্গদ্বারা এই ভিক্ষুর উৎক্ষেপনীয়কর্ম করিয়াছেন। অতএব আমরাও তাহার উৎক্ষেপনীয়কর্ম করিব।’ এই ভাবিয়া তাহারা ধর্মপ্রতিরূপসম্মত বর্গদ্বারা তাহার উৎক্ষেপনীয়কর্ম করে। তখন সে সেই আবাস হইতেও অন্য আবাসে প্রস্থান করে।

৫—সেইস্থানে অবস্থিত ভিক্ষুগণেরও মনে এই চিন্তা উদিত হয় : ‘বন্ধুগণ! সজ্ঞ ধর্মপ্রতিরূপসম্মত বর্গদ্বারা এই ভিক্ষুর উৎক্ষেপনীয়কর্ম করিয়াছেন। অতএব আমরাও তাহার উৎক্ষেপনীয়কর্ম করিব।’ এই ভাবিয়া তাহারা ধর্মপ্রতিরূপসম্মত সমগ্রদ্বারা তাহার উৎক্ষেপনীয়কর্ম করে। [৬নং হইতে ২৫নং পর্য্যন্ত তর্জ্জনীয়কর্ম সদৃশ।]

গ. ১—হে ভিক্ষুগণ! কোন ভিক্ষু হীনদৃষ্টি পরিত্যাগ করিতে ইচ্ছা না করিলে সেইস্থানের ভিক্ষুগণের মনে তখন এই চিন্তা উদিত হয় : ‘বন্ধুগণ! এই ভিক্ষু হীনদৃষ্টি পরিত্যাগ করিতে ইচ্ছা করিতেছে না। অতএব হীনদৃষ্টি পরিত্যাগ না করা হেতু আমরা তাহার উৎক্ষেপনীয়কর্ম করিব।’ এই ভাবিয়া হীনদৃষ্টি পরিত্যাগ না করা হেতু তাহারা ধর্মবিরুদ্ধ বর্গদ্বারা তাহার উৎক্ষেপনীয়কর্ম করে। তখন সে সেই আবাস হইতে অন্য আবাসে প্রস্থান করে।

২—সেইস্থানে অবস্থিত ভিক্ষুগণেরও মনে এই চিন্তা উদিত হয় : ‘বন্ধুগণ! সজ্ঞ ধর্মবিরুদ্ধ বর্গদ্বারা এই ভিক্ষুর উৎক্ষেপনীয়কর্ম করিয়াছেন। অতএব আমরাও তাহার উৎক্ষেপনীয়কর্ম করিব।’ এই ভাবিয়া তাহারা ধর্মবিরুদ্ধ সমগ্রদ্বারা তাহার উৎক্ষেপনীয়কর্ম করে। তখন সে সেই আবাস হইতেও অন্য আবাসে প্রস্থান করে।

৩—সেইস্থানে অবস্থিত ভিক্ষুগণেরও মনে এই চিন্তা উদিত হয় : ‘বন্ধুগণ! সজ্ঞ ধর্মবিরুদ্ধ সমগ্রদ্বারা এই ভিক্ষুর উৎক্ষেপনীয়কর্ম করিয়াছেন। অতএব আমরাও তাহার উৎক্ষেপনীয়কর্ম করিব।’ এই ভাবিয়া তাহারা ধর্মসম্মত বর্গদ্বারা তাহার উৎক্ষেপনীয়কর্ম করে। তখন সে সেই আবাস হইতেও অন্য আবাসে প্রস্থান করে।

৪—সেইস্থানে অবস্থিত ভিক্ষুগণেরও মনে এই চিন্তা উদিত হয় : ‘বন্ধুগণ! সজ্ঞ ধর্মসম্মত বর্গদ্বারা এই ভিক্ষুর উৎক্ষেপনীয়কর্ম করিয়াছেন। অতএব আমরাও তাহার উৎক্ষেপনীয়কর্ম করিব।’ এই ভাবিয়া তাহারা ধর্মপ্রতিরূপসম্মত বর্গদ্বারা তাহার উৎক্ষেপনীয়কর্ম করে। তখন সে সেই আবাস হইতেও অন্য আবাসে প্রস্থান করে।

৫—সেইস্থানে অবস্থিত ভিক্ষুগণেরও মনে এই চিন্তা উদিত হয় : ‘বন্ধুগণ! সজ্ঞ ধর্মপ্রতিরূপসম্মত বর্গদ্বারা এই ভিক্ষুর উৎক্ষেপনীয়কর্ম করিয়াছেন। অতএব আমরাও তাহার উৎক্ষেপনীয়কর্ম করিব।’ এই ভাবিয়া তাহারা ধর্মপ্রতিরূপসম্মত সমগ্রদ্বারা তাহার উৎক্ষেপনীয়কর্ম করে। [৬নং হইতে ২৫নং পর্য্যন্ত তর্জনীয়কর্ম সদৃশ।]

ন্যায়বিরুদ্ধ দণ্ড প্রত্যাহার

(১) তর্জনীয়কর্ম প্রত্যাহার

১—হে ভিক্ষুগণ! সজ্ঞ কোন ভিক্ষুর তর্জনীয়কর্ম (দণ্ড) করায় সে সম্যকভাবে অনুবর্তী হয়, নম্র হয়, মুক্তির কার্য্য করে এবং তর্জনীয়কর্মের প্রত্যাহার প্রার্থনা করে। সেই স্থানের ভিক্ষুগণের মনে তখন এই চিন্তা উদিত হয় : ‘বন্ধুগণ! সজ্ঞ এই ভিক্ষুর তর্জনীয়কর্ম করায় তিনি এখন সম্যকভাবে অনুবর্তী হইয়াছেন, নম্র হইয়াছেন, মুক্তির কার্য্য করিতেছেন এবং তর্জনীয়কর্মের প্রত্যাহার প্রার্থনা করিতেছেন, অতএব আমরা তাঁহার তর্জনীয়কর্ম প্রত্যাহার করিব।’ এই ভাবিয়া তাহারা ধর্মবিরুদ্ধ বর্গদ্বারা তাহার তর্জনীয়কর্ম প্রত্যাহার করে। তখন সে সেই আবাস হইতে অন্য আবাসে প্রস্থান করে।

২—সেই স্থানে অবস্থিত ভিক্ষুগণের মনেও এই চিন্তা উদিত হয় : ‘বন্ধুগণ! সজ্ঞ ধর্মবিরুদ্ধ বর্গদ্বারা এই ভিক্ষুর তর্জনীয়কর্ম প্রত্যাহার করিয়াছেন। অতএব আমরাও তাঁহার তর্জনীয়কর্ম প্রত্যাহার করিব।’ এই ভাবিয়া তাহারা ধর্মবিরুদ্ধ

৮—সেইস্থানে অবস্থিত ভিক্ষুগণের মনেও তখন এই চিন্তা উদিত হয় : ‘বন্ধুগণ! সজ্জ ধর্মসম্মত বর্গদ্বারা এই ভিক্ষুর তর্জ্জনীয়কর্ম প্রত্যাহার করিয়াছেন। অতএব আমরাও তাঁহার তর্জ্জনীয়কর্ম প্রত্যাহার করিব।’ এই ভাবিয়া তাহারা ধর্মপ্রতিরূপসম্মত বর্গদ্বারা তাহার তর্জ্জনীয়কর্ম প্রত্যাহার করে। তখন সে সেই আবাস হইতেও অন্য আবাসে প্রস্থান করে।

১৫—সেইস্থানে অবস্থিত ভিক্ষুগণের মনেও তখন এই চিন্তা উদিত হয় :
‘বন্ধগণ! সজ্জ ধর্মবিরুদ্ধ বর্গদ্বারা এই ভিক্ষুর তর্জ্জনীয়কর্ম প্রত্যাহার করিয়াছেন।

২১—হে ভিক্ষুগণ! সজ্ঞ কোন ভিক্ষুর তর্জ্জনীয়কর্ম করায় সে সম্যকভাবে অনুবর্তী হয়, নম্র হয়, মুক্তিরকার্য করে এবং তর্জ্জনীয়কর্মের প্রত্যাহার প্রার্থনা করে। তখন সেইস্থানে অবস্থিত ভিক্ষুগণের মনে এই চিন্তা উদিত হয় : ‘বন্ধুগণ! সজ্ঞ এই ভিক্ষুর তর্জ্জনীয়কর্ম করায় তিনি এখন সম্যকভাবে অনুবর্তী হইয়াছেন, নম্র হইয়াছেন, মুক্তিরকার্য করিতেছেন এবং তর্জ্জনীয়কর্মের প্রত্যাহার প্রার্থনা

করিতেছেন, অতএব আমরা তাঁহার তর্জ্জনীয়কর্ম প্রত্যাহার করিব।’ এই ভাবিয়া তাহারা ধর্মপ্রতিরূপসম্মত সমগ্রদ্বারা তাহার তর্জ্জনীয়কর্ম প্রত্যাহার করে। তখন সে সেই আবাস হইতে অন্য আবাসে প্রস্থান করে।

২২—সেইস্থানে অবস্থিত ভিক্ষুগণের মনেও তখন এই চিন্তা উদিত হয় : ‘বন্ধুগণ! সজ্ঞ ধর্মপ্রতিরূপসম্মত সমগ্রদ্বারা এই ভিক্ষুর তর্জ্জনীয়কর্ম প্রত্যাহার করিয়াছেন। অতএব আমরাও তাঁহার তর্জ্জনীয়কর্ম প্রত্যাহার করিব।’ এই ভাবিয়া তাহারা ধর্মবিরুদ্ধ বর্গদ্বারা তাহার তর্জ্জনীয়কর্ম প্রত্যাহার করে। তখন সে সেই আবাস হইতেও অন্য আবাসে প্রস্থান করে।

২৩—সেইস্থানে অবস্থিত ভিক্ষুগণের মনেও তখন এই চিন্তা উদিত হয় : ‘বন্ধুগণ! সজ্ঞ ধর্মবিরুদ্ধ বর্গদ্বারা এই ভিক্ষুর তর্জ্জনীয়কর্ম প্রত্যাহার করিয়াছেন। অতএব আমরাও তাঁহার তর্জ্জনীয়কর্ম প্রত্যাহার করিব।’ এই ভাবিয়া তাহারা ধর্মবিরুদ্ধ সমগ্রদ্বারা তাহার তর্জ্জনীয়কর্ম প্রত্যাহার করে। তখন সে সেই আবাস হইতেও অন্য আবাসে প্রস্থান করে।

২৪—সেইস্থানে অবস্থিত ভিক্ষুগণের মনেও তখন এই চিন্তা উদিত হয় : ‘বন্ধুগণ! সজ্ঞ ধর্মবিরুদ্ধ সমগ্রদ্বারা এই ভিক্ষুর তর্জ্জনীয়কর্ম প্রত্যাহার করিয়াছেন। অতএব আমরাও তাঁহার তর্জ্জনীয়কর্ম প্রত্যাহার করিব।’ এই ভাবিয়া তাহারা ধর্মসম্মত বর্গদ্বারা তাহার তর্জ্জনীয়কর্ম প্রত্যাহার করে। তখন সে সেই আবাস হইতেও অন্য আবাসে প্রস্থান করে।

২৫—সেইস্থানে অবস্থিত ভিক্ষুগণের মনেও তখন এই চিন্তা উদিত হয় : ‘বন্ধুগণ! সজ্ঞ ধর্মসম্মত বর্গদ্বারা এই ভিক্ষুর তর্জ্জনীয়কর্ম প্রত্যাহার করিয়াছেন। অতএব আমরাও তাঁহার তর্জ্জনীয়কর্ম প্রত্যাহার করিব।’ এই ভাবিয়া তাহারা ধর্মপ্রতিরূপসম্মত বর্গদ্বারা তাহার তর্জ্জনীয়কর্ম প্রত্যাহার করে।

(২) নির্যশকর্ম প্রত্যাহার

১—হে ভিক্ষুগণ! সজ্ঞ কোন ভিক্ষুর নির্যশকর্ম করায় সে সম্যকভাবে অনুবর্তী হয়, নম্র নয়, মুক্তিরকার্য্য করে এবং নির্যশকর্মের প্রত্যাহার প্রার্থনা করে। তখন সেইস্থানে অবস্থিত ভিক্ষুগণের মনে এই চিন্তা উদিত হয় : ‘বন্ধুগণ! সজ্ঞ এই ভিক্ষুর নির্যশকর্ম করায় তিনি এখন সম্যকভাবে অনুবর্তী হইয়াছেন, নম্র হইয়াছেন, মুক্তিরকার্য্য করিতেছেন এবং নির্যশকর্মের প্রত্যাহার প্রার্থনা করিতেছেন, অতএব আমরা তাঁহার নির্যশকর্ম প্রত্যাহার করিব।’ এই ভাবিয়া তাহারা ধর্মবিরুদ্ধ বর্গদ্বারা তাহার নির্যশকর্ম প্রত্যাহার করে। তখন সে সেই আবাস হইতে অন্য আবাসে প্রস্থান করে। [২নং হইতে ২৫নং পর্য্যন্ত তর্জ্জনীয়কর্ম প্রত্যাহার সদৃশ।]

(৩) প্রব্রাজনীয়কর্ম প্রত্যাহার

১—হে ভিক্ষুগণ! সজ্ঞ কোন ভিক্ষুর প্রব্রাজনীয়কর্ম করায় সে সম্যকভাবে অনুবর্তী হয়, নম্র নয়, মুক্তিরকার্য করে এবং প্রব্রাজনীয়কর্মের প্রত্যাহার প্রার্থনা করে। তখন সেইস্থানে অবস্থিত ভিক্ষুগণের মনে এই চিন্তা উদিত হয় : ‘বন্ধুগণ! সজ্ঞ এই ভিক্ষুর প্রব্রাজনীয়কর্ম করায় তিনি এখন সম্যকভাবে অনুবর্তী হইয়াছেন, নম্র হইয়াছেন, মুক্তিরকার্য করিতেছেন এবং প্রব্রাজনীয়কর্মের প্রত্যাহার প্রার্থনা করিতেছেন, অতএব আমরা তাঁহার প্রব্রাজনীয়কর্ম প্রত্যাহার করিব।’ এই ভাবিয়া তাহারা ধর্মবিরুদ্ধ বর্গদ্বারা তাহার প্রব্রাজনীয়কর্ম প্রত্যাহার করে। তখন সে সেই আবাস হইতে অন্য আবাসে প্রস্থান করে। [২নং হইতে ২৫নং পর্য্যন্ত তর্জনীয়কর্ম প্রত্যাহার সদৃশ।]

(৪) প্রতিস্মারণীয়কর্ম প্রত্যাহার

১—হে ভিক্ষুগণ! সজ্ঞ কোন ভিক্ষুর প্রতিস্মারণীয়কর্ম করায় সে সম্যকভাবে অনুবর্তী হয়, নম্র নয়, মুক্তিরকার্য করে এবং প্রতিস্মারণীয়কর্মের প্রত্যাহার প্রার্থনা করে। তখন সেইস্থানে অবস্থিত ভিক্ষুগণের মনে এই চিন্তা উদিত হয় : ‘বন্ধুগণ! সজ্ঞ এই ভিক্ষুর প্রতিস্মারণীয়কর্ম করায় তিনি এখন সম্যকভাবে অনুবর্তী হইয়াছেন, নম্র হইয়াছেন, মুক্তিরকার্য করিতেছেন এবং প্রতিস্মারণীয়কর্মের প্রত্যাহার প্রার্থনা করিতেছেন, অতএব আমরা তাঁহার প্রতিস্মারণীয়কর্ম প্রত্যাহার করিব।’ এই ভাবিয়া তাহারা ধর্মবিরুদ্ধ বর্গদ্বারা তাহার প্রতিস্মারণীয়কর্ম প্রত্যাহার করে। তখন সে সেই আবাস হইতে অন্য আবাসে প্রস্থান করে। [২নং হইতে ২৫নং পর্য্যন্ত তর্জনীয়কর্ম প্রত্যাহার সদৃশ।]

(৫) উৎক্ষেপনীয়কর্ম প্রত্যাহার

a. ১—হে ভিক্ষুগণ! অপরাধ দর্শন না করা হেতু সজ্ঞ কোন ভিক্ষুর উৎক্ষেপনীয়কর্ম করায় সে সম্যকভাবে অনুবর্তী হয়, নম্র হয়, মুক্তিরকার্য করে এবং উৎক্ষেপনীয়কর্মের প্রত্যাহার প্রার্থনা করে। তখন সেইস্থানে অবস্থিত ভিক্ষুগণের মনে এই চিন্তা উদিত হয় : ‘বন্ধুগণ! সজ্ঞ এই ভিক্ষুর উৎক্ষেপনীয়কর্ম করায় তিনি এখন সম্যকভাবে অনুবর্তী হইয়াছেন, নম্র হইয়াছেন, মুক্তিরকার্য করিতেছেন এবং উৎক্ষেপনীয়কর্মের প্রত্যাহার প্রার্থনা করিতেছেন, অতএব আমরা তাঁহার উৎক্ষেপনীয়কর্ম প্রত্যাহার করিব।’ এই ভাবিয়া তাহারা ধর্মবিরুদ্ধ বর্গদ্বারা তাহার উৎক্ষেপনীয়কর্ম প্রত্যাহার করে। তখন সে সেই আবাস হইতে অন্য আবাসে প্রস্থান করে। [২নং হইতে ২৫নং পর্য্যন্ত তর্জনীয়কর্ম প্রত্যাহার সদৃশ।]

b. ১—হে ভিক্ষুগণ! অপরাধের প্রতিকার না করা হেতু সজ্ঞ কোন ভিক্ষুর উৎক্ষেপনীয়কর্ম করায় সে সম্যকভাবে অনুবর্তী হয়, নম্র হয়, মুক্তিরকার্য করে এবং উৎক্ষেপনীয়কর্মের প্রত্যাহার প্রার্থনা করে। তখন সেইস্থানে অবস্থিত ভিক্ষুগণের মনে এই চিন্তা উদিত হয় : ‘বন্ধুগণ! সজ্ঞ এই ভিক্ষুর উৎক্ষেপনীয়কর্ম করায় তিনি এখন সম্যকভাবে অনুবর্তী হইয়াছেন, নম্র হইয়াছেন, মুক্তিরকার্য করিতেছেন এবং উৎক্ষেপনীয়কর্মের প্রত্যাহার প্রার্থনা করিতেছেন, অতএব আমরা তাঁহার উৎক্ষেপনীয়কর্ম প্রত্যাহার করিব।’ এই ভাবিয়া তাহারা ধর্মবিরুদ্ধ বর্গদ্বারা তাহার উৎক্ষেপনীয়কর্ম প্রত্যাহার করে। তখন সে সেই আবাস হইতে অন্য আবাসে প্রস্থান করে। [২নং হইতে ২৫নং পর্য্যন্ত তর্জনীয়কর্ম প্রত্যাহার সদৃশ।]

c. ১—হে ভিক্ষুগণ! হীনদৃষ্টি পরিত্যাগ না করা হেতু সজ্ঞ কোন ভিক্ষুর উৎক্ষেপনীয়কর্ম করায় সে সম্যকভাবে অনুবর্তী হয়, নম্র হয়, মুক্তিরকার্য করে এবং উৎক্ষেপনীয়কর্মের প্রত্যাহার প্রার্থনা করে। তখন সেইস্থানে অবস্থিত ভিক্ষুগণের মনে এই চিন্তা উদিত হয় : ‘বন্ধুগণ! সজ্ঞ এই ভিক্ষুর উৎক্ষেপনীয়কর্ম করায় তিনি এখন সম্যকভাবে অনুবর্তী হইয়াছেন, নম্র হইয়াছেন, মুক্তিরকার্য করিতেছেন এবং উৎক্ষেপনীয়কর্মের প্রত্যাহার প্রার্থনা করিতেছেন, অতএব আমরা তাঁহার উৎক্ষেপনীয়কর্ম প্রত্যাহার করিব।’ এই ভাবিয়া তাহারা ধর্মবিরুদ্ধ বর্গদ্বারা তাহার উৎক্ষেপনীয়কর্ম প্রত্যাহার করে। তখন সে সেই আবাস হইতে অন্য আবাসে প্রস্থান করে। [২নং হইতে ২৫নং পর্য্যন্ত তর্জনীয়কর্ম প্রত্যাহার সদৃশ।]

ন্যায়বিরুদ্ধ দণ্ড-সংশোধন

(১) তর্জনীয়কর্ম-সংশোধন

১—হে ভিক্ষুগণ! কোন ভিক্ষু ভণ্ডনকারী, কলহকারী, বিবাদকারী, বহুব্ধাবাক্যব্যয়ী এবং নিত্য সজ্ঞের নিকট অভিযোগকারী হয়। সেইস্থানের ভিক্ষুগণের মনে এই চিন্তা উদিত হয় : “বন্ধুগণ! এই ভিক্ষু ভণ্ডনকারী, কলহকারী, বিবাদকারী, বহুব্ধাবাক্যব্যয়ী এবং নিত্য সজ্ঞের নিকট অভিযোগকারী, অতএব আমরা তাহার তর্জনীয়কর্ম করিব।’ এই ভাবিয়া তাহারা ধর্মবিরুদ্ধ বর্গদ্বারা তাহার তর্জনীয়কর্ম করে। তখন সেখানে অবস্থিত সজ্ঞ এই বলিয়া বিবাদ করিতে থাকে : (ক) ‘ধর্মবিরুদ্ধ বর্গকর্ম করা হইয়াছে’ (খ) ‘অকরণীয় কর্ম করা হইয়াছে, ন্যায়বিরুদ্ধ কর্ম করা হইয়াছে, কর্ম পুনরায় করিতে হইবে।’ ভিক্ষুগণ! তথায় যেই ভিক্ষুগণ কহিল : ‘ধর্মবিরুদ্ধ বর্গকর্ম করা হইয়াছে’ এবং যেই ভিক্ষুগণ কহিল : ‘অকরণীয় কর্ম করা হইয়াছে, ন্যায়বিরুদ্ধকর্ম করা হইয়াছে’ এবং যেই ভিক্ষুগণ কহিল : ‘অকরণীয় কর্ম করা হইয়াছে, ন্যায়বিরুদ্ধকর্ম করা হইয়াছে, পুনরায় কর্ম

করিতে হইবে।’ তথায় সেই ভিক্ষুগণ ধর্মবাদী (ন্যায়ের পক্ষপাতী)। [২নং হইতে ২৫নং পর্য্যন্ত তর্জনীয়কর্ম প্রত্যাহার সদৃশ।]

(২) নির্যশকর্ম-সংশোধন

১—হে ভিক্ষুগণ! কোন ভিক্ষু মূর্থ, অদক্ষ, অপরাধবহুল, অনাদায়ী হয় এবং অননুলোম গৃহীসংসর্গে সংশ্লিষ্ট হইয়া অবস্থান করে। সেইস্থানের ভিক্ষুগণের মনে তখন এই চিন্তা উদিত হয় : ‘বন্ধুগণ! এই ভিক্ষু মূর্থ, অদক্ষ, অপরাধবহুল, উপদেশ গ্রহণ করিতেছে না এবং অননুলোম গৃহীসংসর্গে সংশ্লিষ্ট হইয়া অবস্থান করিতেছে, অতএব আমরা তাহার নির্যশকর্ম করিব।’ এই ভাবিয়া তাহারা ধর্মবিরুদ্ধ বর্গদ্বারা তাহার নির্যশ কর্ম করে। তখন সেইস্থানে অবস্থিত সজ্ঞ এই বলিয়া বিবাদ করিতে থাকে : (ক) ‘ধর্মবিরুদ্ধ বর্গকর্ম করা হইয়াছে’ এবং (খ) ‘অকরণীয় কর্ম করা হইয়াছে, ন্যায়বিরুদ্ধকর্ম করা হইয়াছে, পুনরায় কর্ম করিতে হইবে।’ ভিক্ষুগণ! তথায় যেই ভিক্ষুগণ কহিল : ‘ধর্মবিরুদ্ধ বর্গকর্ম করা হইয়াছে’ এবং যাহারা কহিল : ‘অকরণীয়কর্ম করা হইয়াছে, ন্যায়বিরুদ্ধকর্ম করা হইয়াছে, পুনরায় কর্ম করিতে হইবে।’ তথায় সেই ভিক্ষুগণ ধর্মবাদী। [২নং হইতে ২৫নং পর্য্যন্ত তর্জনীয়কর্ম প্রত্যাহার সদৃশ।]

(৩) প্রব্রাজনীয়কর্ম-সংশোধন

১—হে ভিক্ষুগণ! কোন ভিক্ষু কুলদূষক এবং পাপাচারী হয়। তখন সেইস্থানের ভিক্ষুগণের মনে এই চিন্তা উদিত হয় : ‘বন্ধুগণ! এই ভিক্ষু কুলদূষক এবং পাপাচারী, অতএব আমরা তাহার প্রব্রাজনীয়কর্ম করিব।’ এই ভাবিয়া তাহারা ধর্মবিরুদ্ধ বর্গদ্বারা তাহার প্রব্রাজনীয়কর্ম করে। তখন সেইস্থানে অবস্থিত সজ্ঞ এই বলিয়া বিবাদ করিতে থাকে : (ক) ‘ধর্মবিরুদ্ধ বর্গকর্ম করা হইল’ এবং (খ) ‘অকরণীয়কর্ম করা হইল, ন্যায়বিরুদ্ধকর্ম করা হইল, কর্ম পুনরায় করিতে হইবে।’ ভিক্ষুগণ! সেইস্থানে যেই ভিক্ষুগণ এরূপ কহিল : ‘ধর্মবিরুদ্ধ বর্গকর্ম করা হইল’ এবং যেই ভিক্ষুগণ কহিল, ‘অকরণীয়কর্ম করা হইল, ন্যায়বিরুদ্ধকর্ম করা হইল, পুনরায় কর্ম করিতে হইবে।’ তথায় সেই ভিক্ষুগণ ধর্মবাদী। [২নং হইতে ২৫নং পর্য্যন্ত তর্জনীয়কর্ম প্রত্যাহার সদৃশ।]

(৪) প্রতিস্মারণীয় কর্ম-সংশোধন

১—হে ভিক্ষুগণ! কোন ভিক্ষু গৃহীকে আক্রোশ এবং তিরস্কার করে। সেইস্থানের ভিক্ষুগণের মনে তখন এই চিন্তা উদিত হয় : ‘বন্ধুগণ! এই ভিক্ষু গৃহীকে আক্রোশ

১। যে উপদেশ গ্রহণ করে না।

এবং তিরস্কার করিতেছে, অতএব আমরা তাহার প্রতিস্মারণীয়কর্ম করিব।' এই ভাবিয়া তাহারা ধর্মবিরুদ্ধ বর্গদ্বারা তাহার প্রতিস্মারণীয়কর্ম করে। তখন সেইস্থানে অবস্থিত সজ্ঞ এই বলিয়া বিবাদ করিতে থাকে : (ক) 'ধর্মবিরুদ্ধ বর্গকর্ম করা হইল' এবং (খ) 'অকরণীয়কর্ম করা হইল, ন্যায়বিরুদ্ধকর্ম করা হইল, কর্ম পুনরায় করিতে হইবে।' ভিক্ষুগণ! সেইস্থানে যেই ভিক্ষুগণ এরূপ কহিল : 'ধর্মবিরুদ্ধ বর্গকর্ম করা হইল' এবং যেই ভিক্ষুগণ কহিল, 'অকরণীয়কর্ম করা হইল, ন্যায়বিরুদ্ধকর্ম করা হইল, কর্ম পুনরায় করিতে হইবে।' তথায় সেই ভিক্ষুগণ ধর্মবাদী। [২নং হইতে ২৫নং পর্য্যন্ত তর্জ্জনীয়কর্ম প্রত্যাহার সদৃশ।]

(৫) উৎক্ষেপণীয়কর্ম-সংশোধন

ক. ১—হে ভিক্ষুগণ! কোন ভিক্ষু অপরাধ প্রাপ্ত হইয়া অপরাধ অবলোকন করিতে ইচ্ছা করে না। তখন সেইস্থানে অবস্থিত ভিক্ষুগণের মনে এই চিন্তা উদিত হয় : 'বন্ধুগণ! এই ভিক্ষু অপরাধ প্রাপ্ত হইয়া অপরাধ অবলোকন করিতে ইচ্ছা করিতেছেন না, অতএব আসুন, অপরাধ দর্শন না করা হেতু আমরা তাহাকে উৎক্ষিপ্ত করি।' এই ভাবিয়া তাহারা ধর্মবিরুদ্ধ বর্গদ্বারা অপরাধ দর্শন না করা হেতু তাহার উৎক্ষেপণীয়কর্ম করে। তখন সেইস্থানে অবস্থিত সজ্ঞ এই বলিয়া বিবাদ করিতে থাকে : (ক) 'ধর্মবিরুদ্ধ বর্গকর্ম করা হইল' এবং (খ) 'অকরণীয়কর্ম করা হইল, ন্যায়বিরুদ্ধকর্ম করা হইল, কর্ম পুনরায় করিতে হইবে।' ভিক্ষুগণ! সেইস্থানে যেই ভিক্ষুগণ কহিল : 'ধর্মবিরুদ্ধ বর্গকর্ম করা হইল' এবং যাহারা কহিল, 'অকরণীয়কর্ম করা হইল, ন্যায়বিরুদ্ধকর্ম করা হইল, কর্ম পুনরায় করিতে হইবে।' তথায় সেই ভিক্ষুগণ ধর্মবাদী। [২নং হইতে ২৫নং পর্য্যন্ত তর্জ্জনীয়কর্ম প্রত্যাহার সদৃশ।]

খ. ১—হে ভিক্ষুগণ! কোন ভিক্ষু অপরাধ করিয়া অপরাধের প্রতিকার করিতে ইচ্ছা করে না। সেইস্থানের ভিক্ষুগণের মনে তখন এই চিন্তা উদিত হয় : 'বন্ধুগণ! এই ভিক্ষু অপরাধ করিয়া অপরাধের প্রতিকার করিতে ইচ্ছা করিতেছে না, অতএব আসুন, অপরাধের প্রতিকার না করায় আমরা তাহার উৎক্ষেপণীয়কর্ম করি।' এই ভাবিয়া অপরাধের প্রতিকার না করা হেতু তাহারা ধর্মবিরুদ্ধ বর্গদ্বারা তাহার উৎক্ষেপণীয়কর্ম করে। তখন সেইস্থানের সজ্ঞ এই বলিয়া বিবাদ করিতে থাকে : (ক) 'ধর্মবিরুদ্ধ বর্গকর্ম করা হইল' এবং (খ) 'অকরণীয়কর্ম করা হইল, ন্যায়বিরুদ্ধকর্ম করা হইল, কর্ম পুনরায় করিতে হইবে।' ভিক্ষুগণ! সেইস্থানে যেই ভিক্ষুগণ কহিল : 'ধর্মবিরুদ্ধ বর্গকর্ম করা হইল' এবং যাহারা কহিল, 'অকরণীয়কর্ম করা হইল, ন্যায়বিরুদ্ধকর্ম করা হইল, পুনরায় কর্ম করিতে হইবে।' তথায় সেই ভিক্ষুগণ ধর্মবাদী। [২নং হইতে ২৫নং পর্য্যন্ত তর্জ্জনীয়কর্ম প্রত্যাহার সদৃশ।]

গ. ১—হে ভিক্ষুগণ! কোন ভিক্ষু হীনদৃষ্টি পরিত্যাগ করিতে ইচ্ছা করে না। সেইস্থানের ভিক্ষুগণের মনে তখন এই চিন্তা উদিত হয় : ‘বন্ধুগণ! এই ভিক্ষু হীনদৃষ্টি পরিত্যাগ করিতে ইচ্ছা করিতেছে না, অতএব আসুন, হীনদৃষ্টি পরিত্যাগ না করা হেতু আমরা তাহাকে উৎক্ষিপ্ত করি।’ এই ভাবিয়া হীনদৃষ্টি পরিত্যাগ না করায় তাহারা ধর্মবিরুদ্ধ বর্গদ্বারা তাহাকে উৎক্ষিপ্ত করে। তখন সেইস্থানে অবস্থিত সজ্ঞ এই বলিয়া বিবাদ করিতে থাকে : (ক) ‘ধর্মবিরুদ্ধ বর্গকর্ম করা হইল’ এবং (খ) ‘অকরণীয়কর্ম করা হইল, ন্যায়বিরুদ্ধকর্ম করা হইল, কর্ম পুনরায় করিতে হইবে।’ ভিক্ষুগণ! তথায় যেই ভিক্ষুগণ কহিল : ‘ধর্মবিরুদ্ধ বর্গকর্ম করা হইল’ এবং যেই ভিক্ষুগণ কহিল, ‘অকরণীয়কর্ম করা হইল, ন্যায়বিরুদ্ধকর্ম করা হইল, কর্ম পুনরায় করিতে হইবে।’ তথায় সেই ভিক্ষুগণ ধর্মবাদী। [২নং হইতে ২৫নং পর্য্যন্ত তর্জনীয়কর্ম প্রত্যাহার সদৃশ।]

ন্যায়বিরুদ্ধ দণ্ড-প্রত্যাহার সংশোধন

(১) তর্জনীয়কর্ম প্রত্যাহার সংশোধন

১—হে ভিক্ষুগণ! সজ্ঞ কোন ভিক্ষুর তর্জনীয়কর্ম করায় সে সম্যকভাবে অনুবর্তী হয়, নম্র হয়, মুক্তির কার্য্য করে এবং তর্জনীয়কর্মের প্রত্যাহার প্রার্থনা করে। তখন সেইস্থানে অবস্থিত ভিক্ষুগণের মনে এই চিন্তা উদিত হয় : ‘বন্ধুগণ! সজ্ঞ এই ভিক্ষুর তর্জনীয়কর্ম করায় তিনি এখন সম্যক অনুবর্তী হইয়াছেন, নম্র হইয়াছেন, মুক্তির কার্য্য করিতেছেন এবং তর্জনীয়কর্মের প্রত্যাহার প্রার্থনা করিতেছেন। অতএব আসুন, আমরা তাঁহার তর্জনীয়কর্ম প্রত্যাহার করি।’ এই ভাবিয়া তাহারা ধর্মবিরুদ্ধ বর্গদ্বারা তাহার তর্জনীয়কর্ম প্রত্যাহার করে। তখন সেইস্থানে অবস্থিত সজ্ঞ এই বলিয়া বিবাদ করিতে থাকে : (ক) ‘ধর্মবিরুদ্ধ বর্গকর্ম করা হইল’ এবং (খ) ‘অকরণীয়কর্ম করা হইল, ন্যায়বিরুদ্ধকর্ম করা হইল, কর্ম পুনরায় করিতে হইবে।’ ভিক্ষুগণ! তথায় যেই ভিক্ষুগণ কহিল : ‘ধর্মবিরুদ্ধ বর্গকর্ম করা হইল’ এবং যাহারা কহিল, ‘অকরণীয়কর্ম করা হইল, ন্যায়বিরুদ্ধকর্ম করা হইল, কর্ম পুনরায় করিতে হইবে।’ সেইস্থানে সেই ভিক্ষুগণ ধর্মবাদী। [২নং হইতে ২৫নং পর্য্যন্ত তর্জনীয়কর্ম প্রত্যাহার সদৃশ।]

(২) নির্যশকর্ম প্রত্যাহার সংশোধন

১—হে ভিক্ষুগণ! সজ্ঞ কোন ভিক্ষুর নির্যশকর্ম করায় সে সম্যক অনুবর্তী হয়, নম্র হয়, মুক্তির কার্য্য করে এবং নির্যশকর্মের প্রত্যাহার প্রার্থনা করে। তখন সেইস্থানের ভিক্ষুগণের মনে এই চিন্তা উদিত হয় : ‘বন্ধুগণ! সজ্ঞ এই ভিক্ষুর

নির্যশকর্ম করায় তিনি এখন সম্যক অনুবর্তী হইয়াছেন, নম্র হইয়াছেন, মুক্তির কার্য্য করিতেছেন এবং নির্যশকর্মের প্রত্যাহার প্রার্থনা করিতেছেন। অতএব আসুন, আমরা তাঁহার নির্যশকর্ম প্রত্যাহার করি।’ এই ভাবিয়া তাহারা ধর্মবিরুদ্ধ বর্গদ্বারা তাহার নির্যশকর্ম প্রত্যাহার করে। তখন সেইস্থানে অবস্থিত সজ্ঞ এই বলিয়া বিবাদ করিতে থাকে : (ক) ‘ধর্মবিরুদ্ধ বর্গকর্ম করা হইল’ এবং (খ) ‘অকরণীয়কর্ম করা হইল, ন্যায়বিরুদ্ধকর্ম করা হইল, কর্ম পুনরায় করিতে হইবে।’ ভিক্ষুগণ! সেই স্থানের যেই ভিক্ষুগণ কহিল : ‘ধর্মবিরুদ্ধ বর্গকর্ম করা হইল’ এবং যাহারা কহিল, ‘অকরণীয়কর্ম করা হইল, ন্যায়বিরুদ্ধকর্ম করা হইল, কর্ম পুনরায় করিতে হইবে।’ সেইস্থানে এই ভিক্ষুগণ ধর্মবাদী। [২নং হইতে ২৫নং পর্য্যন্ত তর্জনীয়কর্ম প্রত্যাহার সদৃশ।]

(৩) প্রব্রাজনীয়কর্ম প্রত্যাহার সংশোধন

১—হে ভিক্ষুগণ! সজ্ঞ কোন ভিক্ষুর প্রব্রাজনীয়কর্ম করায় সে সম্যকভাবে অনুবর্তী হয়, নম্র হয়, মুক্তির কার্য্য করে এবং প্রব্রাজনীয়কর্মের প্রত্যাহার প্রার্থনা করে। তখন সেইস্থানে অবস্থিত ভিক্ষুগণের মনে এই চিন্তা উদ্ভিত হয় : ‘বন্ধুগণ! সজ্ঞ এই ভিক্ষুর প্রব্রাজনীয়কর্ম করায় তিনি এখন সম্যক অনুবর্তী হইয়াছেন, নম্র হইয়াছেন, মুক্তির কার্য্য করিতেছেন এবং প্রব্রাজনীয়কর্মের প্রত্যাহার প্রার্থনা করিতেছেন। অতএব আসুন, আমরা তাঁহার প্রব্রাজনীয়কর্ম প্রত্যাহার করি।’ এই ভাবিয়া তাহারা ধর্মবিরুদ্ধ বর্গদ্বারা তাহার প্রব্রাজনীয়কর্ম প্রত্যাহার করে। তখন সেইস্থানের সজ্ঞ এই বলিয়া বিবাদ করিতে থাকে : (ক) ‘ধর্মবিরুদ্ধ বর্গকর্ম করা হইল’ এবং (খ) ‘অকরণীয়কর্ম করা হইল, ন্যায়বিরুদ্ধকর্ম করা হইল, কর্ম পুনরায় করিতে হইবে।’ ভিক্ষুগণ! তথায় যেই ভিক্ষুগণ কহিল : ‘ধর্মবিরুদ্ধ বর্গকর্ম করা হইল’ এবং যাহারা কহিল, ‘অকরণীয়কর্ম করা হইল, ন্যায় বিরুদ্ধকর্ম করা হইল, কর্ম পুনরায় করিতে হইবে’ তথায় সেই ভিক্ষুগণ ধর্মবাদী। [২নং হইতে ২৫নং পর্য্যন্ত তর্জনীয়কর্ম প্রত্যাহার সদৃশ।]

(৪) প্রতিস্মারণীয়কর্ম প্রত্যাহার সংশোধন

১—হে ভিক্ষুগণ! সজ্ঞ কোন ভিক্ষুর প্রতিস্মারণীয়কর্ম করায় সে সম্যকভাবে অনুবর্তী হয়, নম্র হয়, মুক্তির কার্য্য করে এবং প্রতিস্মারণীয়কর্ম প্রত্যাহার প্রার্থনা করে। তখন সেইস্থানে অবস্থিত ভিক্ষুগণের মনে এই চিন্তা উদ্ভিত হয় : ‘বন্ধুগণ! সজ্ঞ এই ভিক্ষুর প্রতিস্মারণীয়কর্ম করায় তিনি এখন তিনি সম্যক অনুবর্তী হইয়াছেন, নম্র হইয়াছেন, মুক্তির কার্য্য করিতেছেন এবং প্রতিস্মারণীয়কর্মের প্রত্যাহার প্রার্থনা করিতেছেন। অতএব, আসুন, আমরা তাঁহার প্রতিস্মারণীয়কর্ম

প্রত্যাহার করি।’ এই ভাবিয়া তাহারা ধর্মবিরুদ্ধ বর্গদ্বারা তাহার প্রতিস্মারণীয়কর্ম প্রত্যাহার করে। তখন সেইস্থানে অবস্থিত সজ্ঞ এই বলিয়া বিবাদ করিতে থাকে; (ক) ‘ধর্মবিরুদ্ধ বর্গকর্ম করা হইল’ এবং (খ) ‘অকরণীয়কর্ম করা হইল, ন্যায়বিরুদ্ধকর্ম করা হইল, কর্ম পুনরায় করিতে হইবে।’ ভিক্ষুগণ! সেইস্থানে যেই ভিক্ষুগণ কহিল : ‘ধর্মবিরুদ্ধ বর্গকর্ম করা হইল’ এবং যাহারা কহিল, ‘অকরণীয়কর্ম করা হইল, ন্যায়বিরুদ্ধকর্ম করা হইল, কর্ম পুনরায় করিতে হইবে।’ তথায় সেই ভিক্ষুগণ ধর্মবাদী। [২নং হইতে ২৫নং পর্য্যন্ত তর্জনীয়কর্ম প্রত্যাহার সদৃশ।]

(৫) উৎক্ষেপনীয়কর্ম প্রত্যাহার সংশোধন

ক. ১—হে ভিক্ষুগণ! অপরাধ দর্শন না করা হেতু সজ্ঞ কোন ভিক্ষুর উৎক্ষেপনীয় কর্ম করায় সে সম্যক অনুবর্তী হয়, নম্র হয়, মুক্তির কার্য্য করে এবং অপরাধ দর্শন না করা হেতু কৃত উৎক্ষেপনীয়কর্মের প্রত্যাহার প্রার্থনা করে। তখন সেইস্থানে অবস্থিত ভিক্ষুগণের মনে এই চিন্তা উদিত হয় : ‘বন্ধুগণ! অপরাধ দর্শন না করা হেতু সজ্ঞ এই ভিক্ষুর উৎক্ষেপনীয়কর্ম করায় তিনি এখন সম্যক অনুবর্তী হইয়াছেন, নম্র হইয়াছেন, মুক্তির কার্য্য করিতেছেন এবং অপরাধ দর্শন না করা হেতু কৃত উৎক্ষেপনীয়কর্মের প্রত্যাহার প্রার্থনা করিতেছেন। অতএব আসুন, অপরাধ দর্শন না করা হেতু কৃত তাহার উৎক্ষেপনীয়কর্ম আমরা প্রত্যাহার করি।’ এই ভাবিয়া তাহারা ধর্মবিরুদ্ধ বর্গদ্বারা অপরাধ দর্শন না করা হেতু কৃত তাহার উৎক্ষেপনীয় কর্ম প্রত্যাহার করে। তখন সেইস্থানে অবস্থিত সজ্ঞ এই বলিয়া বিবাদ করিতে থাকে : (ক) ‘ধর্মবিরুদ্ধ বর্গকর্ম করা হইয়াছে’ এবং (খ) ‘অকরণীয়কর্ম করা হইয়াছে, ন্যায়বিরুদ্ধকর্ম করা হইয়াছে, কর্ম পুনরায় করিতে হইবে।’ ভিক্ষুগণ! সেইস্থানে যেই ভিক্ষুগণ কহিল : ‘ধর্মবিরুদ্ধ বর্গকর্ম করা হইয়াছে’ এবং যাহারা কহিল, ‘অকরণীয়কর্ম করা হইয়াছে, ন্যায়বিরুদ্ধকর্ম করা হইয়াছে, কর্ম পুনরায় করিতে হইবে।’ সেইস্থানে সেই ভিক্ষুগণ ধর্মবাদী। [২নং হইতে ২৫নং পর্য্যন্ত তর্জনীয়কর্ম প্রত্যাহার সদৃশ।]

খ. ১—হে ভিক্ষুগণ! অপরাধের প্রতিকার না করা হেতু সজ্ঞ কোন ভিক্ষুর উৎক্ষেপনীয়কর্ম করায় সে সম্যক অনুবর্তী হয়, নম্র হয়, মুক্তির কার্য্য করে এবং অপরাধের প্রতিকার না করা হেতু কৃত উৎক্ষেপনীয় কর্মের প্রত্যাহার প্রার্থনা করে। তখন সেইস্থানে অবস্থিত ভিক্ষুগণের মনে এই চিন্তা উদিত হয় : ‘বন্ধুগণ! অপরাধের প্রতিকার না করা হেতু সজ্ঞ এই ভিক্ষুর উৎক্ষেপনীয়কর্ম করায় তিনি এখন সম্যক অনুবর্তী হইয়াছেন, নম্র হইয়াছেন, মুক্তির কার্য্য করিতেছেন এবং অপরাধের প্রতিকার না করা হেতু উৎক্ষেপনীয় কর্মের প্রত্যাহার প্রার্থনা করিতেছেন। অতএব আসুন, অপরাধের প্রতিকার না করা হেতু কৃত তাহার উৎক্ষেপনীয়কর্ম আমরা প্রত্যাহার করি।’ এই ভাবিয়া তাহারা ধর্মবিরুদ্ধ বর্গদ্বারা

অপরাধের প্রতিকার না করা হেতু কৃত তাহার উৎক্ষেপনীয়কর্ম প্রত্যাহার করে। তখন সেইস্থানে অবস্থিত সজ্ঞ এই বলিয়া বিবাদ করিতে থাকে : (ক) ‘ধর্মবিরুদ্ধ বর্গকর্ম করা হইল’ এবং (খ) ‘অকরণীয়কর্ম করা হইল, ন্যায়বিরুদ্ধকর্ম করা হইল, কর্ম পুনরায় করিতে হইবে।’ ভিক্ষুগণ! সেইস্থানে যেই ভিক্ষুগণ এরূপ কহিল : ‘ধর্মবিরুদ্ধ বর্গকর্ম করা হইয়াছে’ এবং যাহারা কহিল, ‘অকরণীয়কর্ম করা হইয়াছে, ন্যায়বিরুদ্ধকর্ম করা হইয়াছে, কর্ম পুনরায় করিতে হইবে।’ তথায় সেই ভিক্ষুগণ ধর্মবাদী। [২নং হইতে ২৫নং পর্য্যন্ত তর্জনীয়কর্ম প্রত্যাহার সদৃশ।]

গ. ১—হে ভিক্ষুগণ! হীনদৃষ্টি পরিত্যাগ না করা হেতু সজ্ঞ কোন ভিক্ষুর উৎক্ষেপনীয়কর্ম করায় সে সম্যক অনুবর্তী হয়, নম্র হয়, মুক্তির কার্য্য করে এবং হীনদৃষ্টি পরিত্যাগ না করা হেতু কৃত উৎক্ষেপনীয়কর্মের প্রত্যাহার প্রার্থনা করে। তখন সেইস্থানে অবস্থিত ভিক্ষুগণের মনে এই চিন্তা উদিত হয় : ‘বন্ধুগণ! হীনদৃষ্টি পরিত্যাগ না করা হেতু সজ্ঞ এই ভিক্ষুর উৎক্ষেপনীয়কর্ম করায় তিনি এখন সম্যক অনুবর্তী হইয়াছেন, নম্র হইয়াছেন, মুক্তির কার্য্য করিতেছেন এবং হীনদৃষ্টি পরিত্যাগ না করা হেতু কৃত উৎক্ষেপনীয় কর্মের প্রত্যাহার প্রার্থনা করিতেছেন। অতএব আসুন, হীনদৃষ্টি পরিত্যাগ না করা হেতু কৃত তাহার উৎক্ষেপনীয়কর্ম আমরা প্রত্যাহার করি।’ এই ভাবিয়া তাহারা ধর্মবিরুদ্ধ বর্গদ্বারা হীনদৃষ্টি পরিত্যাগ না করা হেতু কৃত তাহার উৎক্ষেপনীয়কর্ম প্রত্যাহার করে। তখন সেইস্থানে অবস্থিত সজ্ঞ এই বলিয়া বিবাদ করিতে থাকে : (ক) ‘ধর্মবিরুদ্ধ বর্গকর্ম করা হইল’ এবং (খ) ‘অকরণীয়কর্ম করা হইল, ন্যায়বিরুদ্ধকর্ম করা হইল, কর্ম পুনরায় করিতে হইবে।’ ভিক্ষুগণ! তথায় যেই ভিক্ষুগণ কহিল : ‘ধর্মবিরুদ্ধ বর্গকর্ম করা হইল’ এবং যাহারা কহিল, ‘অকরণীয়কর্ম করা হইল, ন্যায়বিরুদ্ধকর্ম করা হইল, কর্ম পুনরায় করিতে হইবে।’ সেইস্থানে সেই ভিক্ষুগণ ধর্মবাদী। [২নং হইতে ২৫নং পর্য্যন্ত তর্জনীয়কর্ম প্রত্যাহার সদৃশ।]

॥ চম্পেয়্য-স্কন্ধ সমাপ্ত ॥

১০—কৌশাম্বী-স্কন্ধ

ভিক্ষুসঙ্ঘের মধ্যে কলহ

[স্থান :—কৌশাম্বী]

(১) কলহের উৎপত্তি

সেই সময়ে বুদ্ধ ভগবান কৌশাম্বীতে অবস্থান করিতেছিলেন,—ঘোষকারামে। তখন জনৈক ভিক্ষু অপরাধ^১ প্রাপ্ত হইয়াছিলেন। তিনি সেই অপরাধকে অপরাধ বলিয়া মনে করিলেন। কিন্তু অন্য ভিক্ষু সেই অপরাধকে নিরপরাধ বলিয়া মনে করিলেন। পরে তিনি (অপরাধী) সেই অপরাধকে নিরপরাধ বলিয়া মনে করিলেন, কিন্তু অন্য ভিক্ষুগণ সেই অপরাধকে অপরাধ মনে করিলেন। অনন্তর সেই ভিক্ষুগণ উক্ত ভিক্ষুকে কহিলেন—“বন্ধো! আপনি অপরাধ প্রাপ্ত হইয়াছেন, সেই অপরাধ দেখিতেছেন কি?” “বন্ধো! আমার এমন কোন অপরাধ নাই যাহা আমি দেখিব।” তখন সেই ভিক্ষুগণ একতাবদ্ধ হইয়া প্রথমোক্ত ভিক্ষুকে অপরাধ দর্শন না করা বিষয়ে উৎক্ষিপ্ত করিলেন। সেই ভিক্ষু (উৎক্ষিপ্ত) বহুশ্রুত, আগমজ্ঞ^২, ধর্মধর, বিনয়ধর, মাতৃকাধর^৩ পণ্ডিত, দক্ষ, মেধাবী, লজ্জা-সঙ্কোচ পরায়ণ এবং শিশিক্ষু ছিলেন। তিনি তাঁহার সন্দৃষ্টমিত্র এবং প্রগাঢ়মিত্র ভিক্ষুগণের নিকট উপস্থিত হইয়া

^১। এক সঙ্ঘারামে দুইজন ভিক্ষু বাস করিতেন, তন্মধ্যে একজন বিনয়ধর, অন্যজন সৌত্রান্তিক। সৌত্রান্তিক একদিন পায়খানায় গমন করিয়া শৌচের অবশিষ্ট জল পাত্রে রাখিয়াছিলেন। অল্পক্ষণ পরে বিনয়ধর পায়খানায় যাইয়া পাত্রে জল দেখিয়া সৌত্রান্তিককে কহিলেন : ‘বন্ধো! আপনি কি পাত্রে জল রাখিয়া আসিয়াছেন?’ ‘হাঁ, বন্ধো!’ ‘তাহাতে যে অপরাধ হয় তদ্বিষয়ে কি আপনি অবগত নহেন?’ ‘আমি তাহা মনে করি নাই।’ ‘বন্ধো! এরূপ করিলে অপরাধ হইয়া থাকে।’ ‘বন্ধো! যদি অপরাধ হয়, তাহা হইলে আমি সেই অপরাধের প্রতিকার করিব।’ ‘আপনি ভুলবশত করিয়া থাকিলে অপরাধ হইবে না।’ তখন তিনি (অপরাধী) অপরাধকে নিরপরাধ মনে করিলেন। বিনয়ধর স্বীয় অস্ত্রবাসিগণের নিকট যাইয়া কহিলেন : ‘এই সৌত্রান্তিক অপরাধ করিয়াও অপরাধ মনে করিতেছেন না!’ তাহার সৌত্রান্তিকের অস্ত্রবাসিগণকে দেখিয়া কহিতে লাগিল : ‘তোমাদের উপাধ্যায় অপরাধ করিয়াও জানিতে পারেন না।’ তাহারা বলিল : ‘বিনয়ধর প্রথম নিরপরাধ বলিয়া এখন অপরাধ বলিতেছেন, অতএব তিনি মিথ্যাবাদী।’ তাহারা বলিল : ‘তোমাদের উপাধ্যায় মিথ্যাবাদী।’ এইভাবে কলহ বাড়িয়া গেল।—সম-পাসা।

^২। সূত্র পিটকের পঞ্চনিকায় আগম নামে কথিত।

^৩। অভিধর্মের সারাংশ মাতৃকা নামে অভিহিত।

কহিলেন :—“বন্ধুগণ ইহা নিরপরাধ, অপরাধ নহে; অপরাধ অপ্রাপ্ত আছি, প্রাপ্ত নহে; অনুৎক্ষিপ্ত আছি, উৎক্ষিপ্ত নহে; আমি ধর্মবিরুদ্ধ, অন্যায়, অনুচিৎ কর্মদ্বারা উৎক্ষিপ্ত হইয়াছি, অতএব আয়ুজ্ঞানগণ ধর্ম এবং বিনয়ানুসারে আমার পক্ষাবলম্বন করুন।” তিনি সন্দৃষ্টমিত্রে এবং প্রগাঢ়মিত্রে ভিক্ষুগণকে স্বপক্ষে আনিতে সমর্থ হইলেন। অতঃপর তিনি জনপদেও সন্দৃষ্টমিত্রে এবং প্রগাঢ়মিত্রে ভিক্ষুগণের নিকট সংবাদ প্রেরণ করিলেন : “বন্ধুগণ! ইহা নিরপরাধ, অপরাধ নহে; অপরাধ অপ্রাপ্ত আছি, প্রাপ্ত নহে; অনুৎক্ষিপ্ত আছি, উৎক্ষিপ্ত নহে; আমি ধর্মবিরুদ্ধ, অন্যায়, অনুচিৎ কর্মদ্বারা উৎক্ষিপ্ত হইয়াছি, অতএব আয়ুজ্ঞানগণ ধর্ম এবং বিনয়ানুসারে আমার পক্ষাবলম্বন করুন।” তিনি জনপদবাসী সন্দৃষ্টমিত্রে এবং প্রগাঢ়মিত্রে ভিক্ষুগণকেও স্বপক্ষে পাইলেন। অতঃপর সেই উৎক্ষিপ্তানুগামী ভিক্ষুগণ উৎক্ষেপক ভিক্ষুগণের নিকট উপস্থিত হইলেন, উপস্থিত হইয়া উৎক্ষেপক ভিক্ষুগণকে কহিলেন—“বন্ধুগণ! ইহা নিরপরাধ, অপরাধ নহে; এই ভিক্ষু অপরাধ অপ্রাপ্ত আছেন, প্রাপ্ত নহেন; এই ভিক্ষু অনুৎক্ষিপ্ত আছেন, উৎক্ষিপ্ত নহেন; ধর্মবিরুদ্ধ, অন্যায়, অনুচিৎ কর্মদ্বারা উৎক্ষিপ্ত হইয়াছেন।” তাহারা এরূপ বলিলে উৎক্ষেপক ভিক্ষুগণ উৎক্ষিপ্তানুবর্তী ভিক্ষুগণকে কহিলেন : “বন্ধুগণ! ইহা অপরাধ, নিরপরাধ নহে; এই ভিক্ষু অপরাধ প্রাপ্ত হইয়াছেন, অপ্রাপ্ত নহেন; এই ভিক্ষু উৎক্ষিপ্ত হইয়াছেন, অনুৎক্ষিপ্ত নহেন; ধর্মসম্মত, ন্যায়সম্মত, যথোচিত কর্মদ্বারা উৎক্ষিপ্ত হইয়াছেন। অতএব আয়ুজ্ঞানগণ! আপনারা উৎক্ষিপ্ত ভিক্ষুর অনুবর্তী হইবেন না, অনুসরণ করিবেন না।” এরূপ বলা সত্ত্বেও সেই উৎক্ষিপ্তানুবর্তী ভিক্ষুগণ পূর্বের মতই সেই উৎক্ষিপ্ত ভিক্ষুর অনুবর্তী হইতে লাগিলেন, অনুসরণ করিতে লাগিলেন।

(২) উৎক্ষিপ্তকগণকে উপদেশ

জৈনক ভিক্ষু ভগবানের নিকট উপস্থিত হইলেন; উপস্থিত হইয়া ভগবানকে অভিবাদন করিয়া একান্তে উপবেশন করিলেন। একান্তে উপবেশন করিয়া সেই ভিক্ষু ভগবানকে কহিলেন : “প্রভো! জৈনক ভিক্ষু অপরাধী হইয়াছিলেন; তিনি তাহার অপরাধকে অপরাধ বলিয়া মনে করিয়াছিলেন; কিন্তু অন্য ভিক্ষুগণ সেই অপরাধকে নিরপরাধ বলিয়া মনে করিয়াছিলেন। তিনিও (অপরাধীও) পরে সেই অপরাধকে নিরপরাধ মনে করিতে লাগিলেন। কিন্তু অন্য ভিক্ষুগণ তখন সেই অপরাধকে অপরাধ মনে করিতে লাগিলেন। প্রভো! অতঃপর সেই ভিক্ষুগণ (অন্যভিক্ষুগণ) সেই ভিক্ষুকে (অপরাধীকে) কহিলেন : “বন্ধো! আপনি অপরাধ প্রাপ্ত হইয়াছেন, সেই অপরাধ দেখিতেছেন কি?” “বন্ধুগণ! আমার এমন কোন অপরাধ নাই যাহা আমি দেখিব।” “প্রভো! অনন্তর সেই ভিক্ষুগণ একতাবদ্ধ হইয়া সেই ভিক্ষুকে অপরাধ দর্শন না করা বিষয়ে উৎক্ষিপ্ত করিয়াছিলেন। কিন্তু সেই ভিক্ষু বহুশ্রুত, আগমজ্ঞ, ধর্মধর, বিনয়ধর, মাতৃকাধর, পণ্ডিত, দক্ষ, মেধাবী, লজ্জাসঙ্কোচ

পরায়ণ এবং শিশিক্ষু। অনন্তর সেই ভিক্ষু তাঁহার সন্দৃষ্টমিত্র ও প্রগাঢ়মিত্র ভিক্ষুগণের নিকট উপস্থিত হইয়া কহিলেন—‘বন্ধুগণ! ইহা নিরপরাধ, অপরাধ নহে; আমি অপরাধ অপ্রাপ্ত আছি, প্রাপ্ত নহে; অনুৎক্ষিপ্ত আছি, উৎক্ষিপ্ত নহে; ধর্মবিরুদ্ধ, ন্যায়বিরুদ্ধ, অনুচিৎ কর্মের দ্বারা উৎক্ষিপ্ত হইয়াছি। অতএব আয়ুস্মানগণ ধর্ম এবং বিনয়ানুসারে আমার পক্ষাবলম্বন করুন।’ প্রভো! সেই ভিক্ষু সন্দৃষ্টমিত্র এবং প্রগাঢ়মিত্রগণকে তাঁহার পক্ষে পাইলেন। তৎপর তিনি জনপদবাসী সন্দৃষ্টমিত্র এবং প্রগাঢ়মিত্রগণের নিকটও সংবাদ প্রেরণ করিলেন : ‘বন্ধুগণ! ইহা নিরপরাধ, অপরাধ নহে; আমি অপরাধ অপ্রাপ্ত আছি, প্রাপ্ত নহে। অনুৎক্ষিপ্ত আছি, উৎক্ষিপ্ত নহে; ধর্মবিরুদ্ধ, ন্যায়বিরুদ্ধ, অনুচিৎ কর্মের দ্বারা উৎক্ষিপ্ত হইয়াছি; অতএব আয়ুস্মানগণ ধর্ম এবং বিনয়ানুসারে আমার পক্ষাবলম্বন করুন।’ প্রভো! সেই ভিক্ষু জনপদবাসী তাঁহার সন্দৃষ্টমিত্র এবং প্রগাঢ়মিত্রদিগকে তাঁহার পক্ষে পাইলেন। প্রভো! অনন্তর সেই উৎক্ষিপ্তানুবর্তী ভিক্ষুগণ উৎক্ষেপক ভিক্ষুগণের নিকট উপস্থিত হইলেন; উপস্থিত হইয়া উৎক্ষেপক ভিক্ষুগণকে কহিলেন : ‘বন্ধুগণ! ইহা নিরপরাধ, অপরাধ নহে; এই ভিক্ষু অপরাধ অপ্রাপ্ত আছেন, প্রাপ্ত নহেন; এই ভিক্ষু অনুৎক্ষিপ্ত আছেন, উৎক্ষিপ্ত নহেন; ধর্মবিরুদ্ধ, ন্যায়বিরুদ্ধ, অনুচিৎ কর্মদ্বারা উৎক্ষিপ্ত হইয়াছেন।’ এরূপ বলিলে উৎক্ষেপক ভিক্ষুগণ উৎক্ষিপ্তানুগামী ভিক্ষুগণকে কহিলেন : ‘বন্ধুগণ! ইহা অপরাধ, নিরপরাধ নহে; এই ভিক্ষু অপরাধ প্রাপ্ত আছেন, অপ্রাপ্ত নহেন; এই ভিক্ষু উৎক্ষিপ্ত হইয়াছেন, অনুৎক্ষিপ্ত নহেন; ধর্মসম্মত, ন্যায়সম্মত, যথোচিত কর্মদ্বারা উৎক্ষিপ্ত হইয়াছেন। অতএব আয়ুস্মানগণ! আপনারা এই ভিক্ষুর অনুবর্তী হইবেন না, অনুসরণ করিবেন না।’ প্রভো! সেই উৎক্ষিপ্তানুবর্তী ভিক্ষুগণকে সেই উৎক্ষিপ্তক ভিক্ষুগণ এরূপ বলিলেও তাঁহারা উৎক্ষিপ্ত ভিক্ষুর অনুবর্তী হইয়াছেন, অনুসরণ করিতেছেন।”

অনন্তর ভগবান ‘অহো! ভিক্ষুসঙ্ঘ বিভক্ত হইয়া পড়িল! অহো! ভিক্ষুসঙ্ঘ বিভক্ত হইয়া পড়িল!’ এই চিন্তা করিয়া উৎক্ষেপক ভিক্ষুগণের নিকট উপস্থিত হইলেন; উপস্থিত হইয়া নির্দিষ্ট আসনে উপবেশন করিলেন। ভগবান উপবেশন করিয়া উৎক্ষেপক ভিক্ষুগণকে কহিলেন—“হে ভিক্ষুগণ! তোমরা ‘আমাদের বোধগম্য হইয়াছে, আমাদের বোধগম্য হইয়াছে’ এইরূপ চিন্তা করিয়া যেই সেই বিষয়ে কোন ভিক্ষুকে উৎক্ষিপ্ত করিতে পারিবে বলিয়া মনে করিও না।

হে ভিক্ষুগণ! কোন ভিক্ষু অপরাধ প্রাপ্ত হয়। সে তাহার অপরাধকে নিরপরাধ বলিয়া মনে করে; কিন্তু অন্য ভিক্ষুগণ তাহার অপরাধকে অপরাধ বলিয়া মনে করে। ভিক্ষুগণ! সেই ভিক্ষুগণ উক্ত ভিক্ষু সম্বন্ধে এরূপ জানে : ‘এই আয়ুস্মান বহুশ্রুত ... এবং শিশিক্ষু। যদি আমরা এই ভিক্ষুকে অপরাধ দর্শন না করা বিষয়ে উৎক্ষিপ্ত করি, তাঁহার সঙ্গে আমরা উপোষথ না করি, তাঁহাকে বাদ দিয়া উপোষথ করি, তাহা হইলে তজ্জন্য সঙ্ঘের মধ্যে ভণ্ডন, কলহ, বিগ্রহ, বিবাদ, সঙ্ঘভেদ, সঙ্ঘরাজি,

সম্ভাব্যবস্থান^১ এবং সম্ভাব্যপার্থক্য^২ হইতে পারে।’ হে ভিক্ষুগণ! এইহেতু ভেদ যাহারা গুরুতর বলিয়া মনে করে অপরাধ দর্শন না করা বিষয়ে সেই ভিক্ষুকে উৎক্ষিপ্ত করা তাহাদের উচিত নহে।

হে ভিক্ষুগণ! কোন ভিক্ষু অপরাধ প্রাপ্ত হয়। সে তাহার অপরাধকে অপরাধ নহে বলিয়ে মনে করে; কিন্তু অন্য ভিক্ষুগণ তাহার অপরাধকে অপরাধ বলিয়া মনে করে। ভিক্ষুগণ! সেই ভিক্ষুগণ উক্ত ভিক্ষু সম্বন্ধে এরূপ জানে : ‘এই আয়ুত্মান বহুশ্রুত এবং শিশিক্ষু। যদি আমরা এই ভিক্ষুকে অপরাধ দর্শন না করা বিষয়ে উৎক্ষিপ্ত করি, তাঁহার সঙ্গে প্রবারণা না করি, তাঁহাকে বাদ দিয়া প্রবারণা করি, তাঁহার সঙ্গে সম্ভবকর্ম না করি, তাঁহাকে বাদ দিয়া সম্ভবকর্ম করি, তাঁহার সঙ্গে একাসনে উপবেশন না করি, তাঁহাকে বাদ দিয়া আসনে উপবেশন করি, তাঁহার সঙ্গে যবাগু ভোজন করিবার জন্য উপবেশন না করি, তাঁহাকে বাদ দিয়া যবাগুভোজনে উপবেশন করি, তাঁহার সঙ্গে ভোজনশালায় উপবেশন না করি, তাঁহাকে বাদ দিয়া ভোজনশালায় উপবেশন করি, তাঁহার সহিত এক আচ্ছাদনের তলে উপবেশন না করি, তাঁহাকে বাদ দিয়া এক আচ্ছাদনের তলে উপবেশন করি; তাঁহাকে জ্যেষ্ঠানুক্রমে অভিবাদন, প্রত্যুত্থান, অঞ্জলিকর্ম, কুশলবার্তা জিজ্ঞাসা না করি, তাঁহাকে জ্যেষ্ঠানুক্রমে অভিবাদন প্রত্যুত্থান অঞ্জলিকর্ম কুশলবার্তা জিজ্ঞাসা না করি, তাঁহাকে বাদ দিয়া জ্যেষ্ঠানুক্রমে অভিবাদন প্রত্যুত্থান অঞ্জলিকর্ম, কুশলপ্রশ্ন জিজ্ঞাসা করি, তাহা হইলে সেই জন্য সম্ভের মধ্যে ভণ্ডণ, কলহ, বিগ্রহ, বিবাদ, সম্ভভেদ, সম্ভরাজি, সম্ভব্যবস্থান এবং সম্ভের পার্থক্য হইতে পারে। ভিক্ষুগণ! যাহারা ভেদ গুরুতর বলিয়া মনে করে অপরাধ দর্শন না করা বিষয়ে সেই ভিক্ষুকে উৎক্ষিপ্ত করা তাহাদের উচিত নহে।

(৩) উৎক্ষিপ্তানুবর্তিগণকে উপদেশ

ভগবান উৎক্ষেপক ভিক্ষুগণকে এই উপদেশ দিয়া আসন হইতে উঠিয়া উৎক্ষিপ্তানুবর্তী ভিক্ষুগণের নিকট উপস্থিত হইলেন; উপস্থিত হইয়া নির্দিষ্ট আসনে উপবেশন করিলেন। ভগবান উপবেশন করিয়া উৎক্ষিপ্তানুবর্তী ভিক্ষুগণকে কহিলেন : হে ভিক্ষুগণ! তোমরা অপরাধ প্রাপ্ত হইয়া ‘আমরা অপরাধ প্রাপ্ত হই নাই, প্রাপ্ত হই নাই’ বলিয়া অপরাধের প্রতিকার করা অকর্তব্য এরূপ মনে করিও না।

হে ভিক্ষুগণ! কোন ভিক্ষু অপরাধ প্রাপ্ত হইয়া সে সেই অপরাধকে অপরাধ নহে বলিয়া মনে করে; কিন্তু অন্য ভিক্ষুগণ সেই অপরাধকে অপরাধ বলিয়া মনে করে।

^১। আহার ও বিনয় সম্বন্ধীয় কার্যাদি হইতে দূরে থাকা;

^২। সম্ভের শৃঙ্খলা বিনষ্ট হওয়া।

সেই ভিক্ষু (অপরাধী) উক্ত ভিক্ষুগণের সম্বন্ধে এরূপ জানে, ‘এই আয়ুস্মানগণ বহুশ্রুত এবং শিশিক্ষু। তাঁহারা আমার জন্য বা অন্যের জন্য হৃদ, দ্বেষ, মোহ কিংবা ভয়ের বশীভূত হইয়া অন্যায় আচরণ করিতে পারেন না। যদি এই ভিক্ষুগণ আমাকে অপরাধ দর্শন না করা বিষয়ে উৎক্ষিপ্ত করেন, আমার সহিত উপোষথ না করেন, আমাকে বাদ দিয়া উপোষথ করেন, তাহা হইলে সজ্জের মধ্যে সেইজন্য ভণ্ডন, কলহ, বিগ্রহ, বিবাদ, সজ্জভেদ, সজ্জরাজি, সজ্জব্যবস্থান এবং সজ্জপার্থক্য হইতে পারে।’ হে ভিক্ষুগণ! ভেদকে যেই ভিক্ষু গুরুতর মনে করে এইজন্য অন্যের প্রতি শ্রদ্ধা প্রদর্শন করিয়া হইলেও তাহার সেই অপরাধ স্বীকার করা উচিত।

হে ভিক্ষুগণ! কোন ভিক্ষু অপরাধ প্রাপ্ত হইয়া সে সেই অপরাধকে অপরাধ নহে বলিয়া মনে করে। কিন্তু অন্য ভিক্ষুগণ সেই অপরাধকে অপরাধ বলিয়া মনে করে। সেই ভিক্ষু অন্য ভিক্ষুগণ সম্বন্ধে এরূপ জানে : ‘এই আয়ুস্মানগণ বহুশ্রুত এবং শিশিক্ষু। তাঁহারা আমার জন্য বা অন্যের জন্য হৃদ, দ্বেষ, মোহ কিংবা ভয়ের বশবর্তী হইয়া অন্যায় আচরণ করিতে পারে না। যদি এই ভিক্ষুগণ আমাকে অপরাধ দর্শন না করা বিষয়ে উৎক্ষিপ্ত করেন, আমার সঙ্গে প্রবারণা না করেন, আমাকে বাদ দিয়া প্রবারণা করেন, তাহা হইলে সেই জন্য সজ্জের মধ্যে ভণ্ডন, কলহ, বিগ্রহ, বিবাদ, সজ্জভেদ, সজ্জরাজি, সজ্জব্যবস্থান এবং সজ্জপার্থক্য হইতে পারে।’ হে ভিক্ষুগণ! ভেদকে যে গুরুতর মনে করে এই হেতু অন্যের প্রতি শ্রদ্ধা প্রদর্শন করিয়া হইলেও সেই অপরাধ স্বীকার করা উচিত। ভগবান উৎক্ষিপ্তানুবর্তী ভিক্ষুগণকে এই উপদেশ দিয়া আসনে হইতে উঠিয়া প্রস্থান করিলেন।

(৪) সীমার অভ্যন্তরে এবং বাহিরে উপোষথ করা

সেই সময়ে উৎক্ষিপ্তানুবর্তী ভিক্ষুগণ সেই সীমার অভ্যন্তরেই উপোষথ করিতেছিলেন, সজ্জকর্ম করিতেছিলেন। উৎক্ষেপক ভিক্ষুগণ সীমার বাহিরে যাইয়া উপোষথ করিতেছিলেন, সজ্জকর্ম করিতেছিলেন। তখন জনৈক উৎক্ষেপক ভিক্ষু ভগবানের নিকট উপস্থিত হইলেন; উপস্থিত হইয়া ভগবানকে অভিবাদন করিয়া একান্তে উপবেশন করিলেন। একান্তে উপবেশন করিয়া সেই ভিক্ষু ভগবানকে কহিলেন—“প্রভো! সেই উৎক্ষিপ্তানুবর্তী ভিক্ষুগণ সেই সীমার অভ্যন্তরেই উপোষথ করিতেছেন, সজ্জকর্ম করিতেছেন। প্রভো! আমরা উৎক্ষেপক ভিক্ষুগণ সীমার বাহিরে যাইয়া উপোষথ করিতেছি, সজ্জকর্ম করিতেছি।”

“হে ভিক্ষু! যদি সেই উৎক্ষিপ্তানুবর্তী ভিক্ষুগণ সেই সীমার অভ্যন্তরেই আমি যেরূপ জরুপ্তি এবং অনুশ্রাবণের বিধান দিয়াছি তদনুরূপ উপোষথ করে এবং সজ্জকর্ম করে তাহা হইলে তাহাদের সেই কার্য ধর্মসম্মত, ন্যায়ানুমোদিত এবং যথোচিত হইবে। ভিক্ষু! তোমরা উৎক্ষিপ্তক ভিক্ষুগণও যদি সেই সীমার অভ্যন্তরে আমার

বিধানানুযায়ী জ্ঞপ্তি স্থাপন এবং অনুশ্রাবণ করিয়া উপোষথ কর এবং সজ্ঞকর্ম কর তাহা হইলে তোমাদের সেই কার্যও ধর্মসম্মত, ন্যায়ানুমোদিত এবং যথোচিত হইবে। তাহার কারণ কি? তাহারা তোমাদের পক্ষে পৃথক সম্প্রদায় এবং তোমরাও তাহাদের পক্ষে পৃথক সম্প্রদায়। ভিক্ষু! পৃথক সম্প্রদায় হইবার দুইটি স্তর আছে, যথা—(১) কেহ নিজেকে নিজে নানাসংবাসকে^১ (পৃথক সম্প্রদায়ে) পরিণত করে, অথবা (২) সমগ্রসজ্ঞ অপরাধ দর্শন না করা বিষয়ে, অপরাধের প্রতিকার না করা বিষয়ে কিংবা হীনদৃষ্টি পরিত্যাগ না করা বিষয়ে তাহাকে উৎক্ষিপ্ত করে^২। হে ভিক্ষু! এই দুইটিই নানাসংবাসক (পৃথক সম্প্রদায়) হইবার স্তর। ভিক্ষু! সমানসংবাসক (সমসম্প্রদায়) হইবার দ্বিবিধ স্তর আছে, যথা—(১) কেহ নিজেকে নিজে সমানসংবাসকে^৩ (সমসম্প্রদায়ে) পরিণত করে, অথবা (২) সমগ্রসজ্ঞ অপরাধ দর্শন না করা বিষয়ে, অপরাধের দর্শন না করা বিষয়ে কিংবা হীনদৃষ্টি পরিত্যাগ না করা বিষয়ে উৎক্ষিপ্ত কোন ভিক্ষুকে সজ্ঞে প্রবেশাধিকার প্রদান করে। ভিক্ষু! সমসম্প্রদায় হইবার এই দুই স্তর।

(৫) কলহবশত ন্যায়বিরুদ্ধ কায়িক, বাচনিক কার্য করা অনুচিত

সেই সময়ে ভিক্ষুগণ গৃহস্থের গৃহে ভোজনের সময় ভগ্ন, কলহ, বিবাদের বশীভূত হইয়া পরস্পর অননুলোম কায়িক, বাচনিক দুর্ব্যবহার প্রদর্শন করিতেছিল, একে অন্যের অঙ্গ স্পর্শ করিতেছিল। তদর্শনে জনসাধারণ ‘কেন শাক্যপুত্রীয় শ্রমণগণ গৃহস্থের বাড়ীতে ভোজন করিবার সময় ভগ্ন, কলহ এবং বিবাদের বশীভূত হইয়া পরস্পর অননুলোমভাবে কায়িক, বাচনিক দুর্ব্যবহার করিতেছেন এবং কেনই বা একে অন্যের গাত্র স্পর্শ করিতেছেন?’ এই বলিয়া আন্দোলন, নিন্দা এবং প্রকাশ্যে দুর্নাম প্রচার করিতে লাগিল। ভিক্ষুগণ সেই জনসাধারণের

^১। সজ্ঞকর্তৃক উৎক্ষেপনীয়কর্মকৃত অধর্মবাদিগণের পক্ষে বসিয়া যেই ভিক্ষু ‘আপনারা কি বলিতেছেন?’ এই বলিয়া তাঁহাদের এবং অপরপক্ষের অভিমত শ্রবণ করিয়া ‘ইহারা অধর্মবাদী এবং অপরপক্ষীয় ভিক্ষুগণ ধর্মবাদী’ এরূপ ধারণা পোষণ করে সেই ভিক্ষু তাঁহাদের (অধর্মবাদিগণের) মধ্যে উপবিষ্ট থাকিয়াও তাহাদের পক্ষে ‘নানাসংবাসক’ (পৃথকসম্প্রদায়) হয়, বিনয়-কর্ম নষ্ট করে এবং অপরপক্ষীয় ভিক্ষুগণের হস্তপার্শ্বে (দেহ হাতের মধ্যে) না থাকায় তাঁহাদেরও বিনয়-কার্য নষ্ট করে। এইভাবে নিজেকে নিজে ‘নানাসংবাসক’ (পৃথক সম্প্রদায়ে) পরিণত করে।

^২। সাময়িক সংশ্রব ত্যাগ করে।

^৩। যেই ভিক্ষু অধর্মবাদিগণের পক্ষে বসিয়া ‘ইহারা অধর্মবাদী এবং অপর পক্ষ ধর্মবাদী’ এই মনে করিয়া তাঁহাদের (ধর্মবাদিগণের) পক্ষে প্রবেশ করে এবং যেখানে সেখানে তাঁহাদের পক্ষে থাকিয়া ‘ইহারা ধর্মবাদী’ এই অভিমত পোষণ করে, সেই ভিক্ষু এইভাবে নিজেকে নিজে ‘সমানসংবাসক’ (সমসম্প্রদায়ে) পরিগণিত করে।—সম-পাসা।

আন্দোলন, নিন্দা এবং দুর্নাম প্রচার শুনিতে পাইলেন। শ্রবণ করিয়া অলোচ্ছ্ব ভিক্ষুগণ ‘কেন ভিক্ষুগণ গ্রামের মধ্যে ভোজনের সময় ভণ্ডন, কলহ, বিবাদের বশীভূত হইয়া অননুলোমভাবে পরস্পর কায়িক, বাচনিক দুর্ব্যবহার প্রদর্শন করিতেছেন এবং কেনই বা একজন অন্যজনের গাত্র স্পর্শ করিতেছেন?’ এই বলিয়া আন্দোলন, নিন্দা এবং প্রকাশ্যে আলোচনা করিতে লাগিলেন। অনন্তর সেই ভিক্ষুগণ ভগবানকে এই বিষয় জানাইলেন। (ভগবান কহিলেন :—) “হে ভিক্ষুগণ! সত্যই কি ভিক্ষুগণ?” “হাঁ, ভগবন্! তাহা সত্য।” ভগবান তাহা নিতান্ত গর্হিত বলিয়া প্রকাশ করিয়া, ধর্মকথা উত্থাপন করিয়া ভিক্ষুগণকে আহ্বান করিলেন— “হে ভিক্ষুগণ! সজ্ঞভেদ হইবার পর সম্প্রীতি এবং সদ্ভাবের অভাব হইলে ‘একে অন্যের প্রতি কায়িক-বাচনিক অনুচিত ব্যবহার প্রদর্শন করিব না, একে অন্যের অঙ্গ ক্রোধবশে স্পর্শ করিব না’ এই ভাবিয়া পৃথক আসনে উপবেশন করিবে’। ভিক্ষুগণ! সজ্ঞভেদের পর সম্প্রীতি এবং সদ্ভাব বিদ্যমান থাকিলে এক আসনেই কিস্তিৎ ব্যবধানে উপবেশন করিবে’।

(৬) কলহকারিগণের জেদ

সেই সময়ে ভিক্ষুগণ সজ্ঞসভায় ভণ্ডন, কলহ এবং বিবাদের বশবর্তী হইয়া একজন অন্যজনকে বাক্যবাণে বিদ্ধ করিতেছিল। তাহারা সেই বিবাদ উপশম করিতে সক্ষম হইল না। অতঃপর জনৈক ভিক্ষু ভগবানের নিকট উপস্থিত হইলেন; উপস্থিত হইয়া ভগবানকে অভিবাদন করিয়া একান্তে দণ্ডায়মান হইলেন। একান্তে দণ্ডায়মান হইয়া সেই ভিক্ষু ভগবানকে কহিলেন—“প্রভো! ভিক্ষুগণ সজ্ঞসভায় ভণ্ডন, কলহ এবং বিবাদের বশীভূত হইয়া একজন অন্যজনকে বাক্যবাণে বিদ্ধ করিতেছেন। তাঁহারা সেই বিবাদ উপশম করিতে সক্ষম হইতেছেন না, অতএব প্রভু ভগবান সেই ভিক্ষুগণের নিকট অনুগ্রহ করিয়া উপস্থিত হউন।” ভগবান মৌনভাবে তাঁহার প্রার্থনায় সম্মত হইলেন। অতঃপর ভগবান সেই ভিক্ষুগণের নিকট উপস্থিত হইলেন; উপস্থিত হইয়া নির্দিষ্ট আসনে উপবেশন করিলেন। ভগবান উপবেশন করিয়া সেই ভিক্ষুগণকে কহিলেন—“হে ভিক্ষুগণ! ভণ্ডন, কলহ, বিগ্রহ এবং বিবাদ করা নিষ্প্রয়োজন।” ভগবানের বাক্য শুনিয়া জনৈক অধর্মবাদী পক্ষের ভিক্ষু ভগবানকে কহিল—“ধর্মস্বামী প্রভু ভগবন্! আপনি নিরস্ত হউন; প্রভু ভগবন্! আপনি এ বিষয়ে ঔৎসুক্য হীন হইয়া প্রত্যক্ষ সুখভোগে অনুরক্ত হইয়া বিহার করুন, এই ভণ্ডন, কলহ, বিগ্রহ এবং বিবাদে আমরা পরিদৃষ্ট হইব।” ভগবান দ্বিতীয়বার সেই ভিক্ষুগণকে এরূপ বলিলে দ্বিতীয়বারও সেই ভিক্ষু উত্তর প্রদান করিল।

১। দেপত্তিয়ো কত্তা উপচারং মুঞ্চিত্তা নিসীদিতব্বং;

২। একেকং আসনং অন্তরং কত্তা নিসীদিতব্বং।—সম-পাসা।

(৭) দীর্ঘায়ুর কথা

ভগবান ভিক্ষুগণকে আহ্বান করিলেন—হে ভিক্ষুগণ! অতীতে বারাণসীতে ব্রহ্মদত্ত নামে কাশীরাজা ছিলেন; তিনি আঢ্য, মহাধনী, মহাভোগদ্রব্যসম্পন্ন, মহাসৈন্যসম্পন্ন, মহাবাহনসম্পন্ন, মহারাজ্যসম্পন্ন ছিলেন এবং তাঁহার ধান্যাগার ধান্যে পরিপূর্ণ ছিল। দীঘীতি নামক কোশলরাজ ছিলেন,—দরিদ্র, নির্দন, নির্ভোগ, অল্পসৈন্যসম্পন্ন, অল্পবাহনসম্পন্ন, অল্পরাজ্যসম্পন্ন। তাঁহার ধান্যাগার ধান্যে অপরিপূর্ণ ছিল। ভিক্ষুগণ! অনন্তর কাশীরাজ ব্রহ্মদত্ত চতুরঙ্গিনী সৈন্য সন্মুদ্র (বর্ষাদি দ্বারা সজ্জিত) করিয়া কোশলরাজ দীঘীতিকে আক্রমণে বাহির হইলেন। কোশলরাজ দীঘীতি শুনিতে পাইলেন : কাশীরাজ ব্রহ্মদত্ত নাকি আমাকে আক্রমণ করিবার জন্য চতুরঙ্গিনী সৈন্য সন্মুদ্র করিয়া যাত্রা করিয়াছেন। ভিক্ষুগণ! তখন কোশলরাজ দীঘীতির মনে এই চিন্তা উদ্ভিত হইল : “কাশীরাজ ব্রহ্মদত্ত আঢ্য, মহাধনী, মহাসম্পত্তিশালী, মহাবলশালী, মহাবাহনশালী, মহারাজ্যশালী; তাঁহার ধান্যাগার ধান্যে পরিপূর্ণ; অথচ আমি দরিদ্র, অল্পধনশালী, অল্পবলশালী, অল্পবাহনশালী, অল্পরাজ্যসম্পন্ন এবং আমার ধান্যাগার ধান্যে অপরিপূর্ণ; কাজেই আমি কাশীরাজ ব্রহ্মদত্তের একটি আক্রমণও প্রতিরোধ করিতে পারিব না; অতএব আমি পূর্বেই নগর হইতে পলায়ন করিব।” এই ভাবিয়া কোশলরাজ দীঘীতি মনিষীকে লইয়া পূর্বেই নগর হইতে পলায়ন করিলেন। অনন্তর কাশীরাজ ব্রহ্মদত্ত কোশলরাজ দীঘীতির সৈন্য, বাহন, জনপদ, কোষ এবং কোষ্ঠাগার জয় করিয়া স্বাধিকারে আনিয়া বাস করিলেন। কোশলরাজ দীঘীতি স্বীয় মহিষী সহিত বারাণসী অভিমুখে প্রস্থান করিলেন। ক্রমান্বয়ে বিচরণ করিতে করিতে বারাণসীতে গমন করিলেন। অতঃপর কোশলরাজ দীঘীতি সপত্নী বারাণসীর সীমান্তপ্রদেশে কুম্ভকারগৃহে অজ্ঞাতভাবে পরিব্রাজকবেশে বাস করিতে লাগিলেন। ভিক্ষুগণ! অচিরেই কোশলরাজ দীঘীতির মহিষী অন্তর্বর্ত্তী হইলেন। তখন তাঁহার ‘সূর্য্যোদয়ের সময় যুদ্ধসাজে সজ্জিত চতুরঙ্গিনী সৈন্য সুভূমিতে স্থিত অবস্থায় দর্শন করিতে এবং খড়্গধৌত জলপান করিতে’ সাধ হইল। অতঃপর কোশলরাজ দীঘীতির মহিষী কোশলরাজাকে কহিলেন—“দেব! আমি অন্তর্বর্ত্তী হইয়াছি; এখন সূর্য্যোদয়ের সময় সুভূমিতে যুদ্ধসাজে সজ্জিত সৈন্য দর্শন করিতে এবং খড়্গধৌত জলপান করিতে আমার সাধ হইয়াছে।”

“দেবি! আমাদের ন্যায় দুর্গত ব্যক্তির সুভূমিতে যুদ্ধসাজে সজ্জিত সৈন্যই বা কোথায় এবং খড়্গধৌত জলই বা কোথায়?” “দেব! যদি তাহা আমি না পাই, তাহা হইলে আমার মৃত্যু হইবে।”

সেই সময়ে কাশীরাজ ব্রহ্মদত্তের পুরোহিত ব্রাহ্মণ কোশলরাজ দীঘীতির সহায় ছিলেন। অনন্তর কোশলরাজ দীঘীতি কাশীরাজ ব্রহ্মদত্তের পুরোহিত ব্রাহ্মণের নিকট উপস্থিত হইলেন; উপস্থিত হইয়া কাশীরাজ ব্রহ্মদত্তের পুরোহিত ব্রাহ্মণকে

কহিলেন—“বন্ধো! আপনার সখী অন্তর্বর্তী হইয়াছেন, তাঁহার এখন সূর্য্যোদয়ের সময় সুভূমিতে স্থিত যুদ্ধসাজে সজ্জিত চতুরঙ্গিণী সৈন্যের দর্শন লাভ করিতে এবং খড়্গধৌত জলপান করিতে সাধ হইয়াছে।” “দেব! তাহা হইলে আমরা দেবীর দর্শনলাভ করিতে চাই।” ভিক্ষুগণ! অতঃপর কোশলরাজ দীঘীতির মহিষী কাশীরাজ ব্রহ্মদত্তের পুরোহিত ব্রাহ্মণের নিকট উপস্থিত হইলেন। কাশীরাজ ব্রহ্মদত্তের পুরোহিত ব্রাহ্মণ কোশলরাজ দীঘীতির মহিষীকে দূর হইতেই আসিতে দেখিতে পাইলেন। দেখিয়া আসন হইতে উঠিয়া উত্তরীবস্ত্রদ্বারা দেহের একাংশ আবৃত করিয়া কোশলরাজ দীঘীতির মহিষীর দিকে কৃতাজলি হইয়া তিনবার এই উদান উচ্চারণ করিলেন,—“অহো! কোশলরাজ কুক্ষি প্রবিষ্ট হইয়াছেন। অহো! কোশলরাজ কুক্ষি প্রবিষ্ট হইয়াছেন!! অহো! কোশলরাজ কুক্ষি প্রবিষ্ট হইয়াছেন!!!” তৎপর কহিলেন—“দেবি! প্রসন্ন হউন; আপনি সূর্য্যোদয়ের সময় সুভূমিতে যুদ্ধসাজে সজ্জিত সৈন্যের দর্শনলাভ করিতে এবং খড়্গধৌত জলপান করিতে পাইবেন।”

হে ভিক্ষুগণ! অতঃপর কাশীরাজ ব্রহ্মদত্তের পুরোহিত ব্রাহ্মণ কাশীরাজ ব্রহ্মদত্তের নিকট উপস্থিত হইলেন, উপস্থিত হইয়া কাশীরাজ ব্রহ্মদত্তকে কহিলেন—“দেব শুভলক্ষণ দেখা যাইতেছে, অতএব আগামীকল্য সূর্য্যোদয়ের সময় সুভূমিতে যুদ্ধসাজে সজ্জিত সৈন্য দণ্ডায়মান হউন এবং খড়্গধৌত করুক।” কাশীরাজ ব্রহ্মদত্ত কর্মচারীগণকে আদেশ করিলেন : “পুরোহিত ব্রাহ্মণ যেরূপ বলিলেন তোমরা সেরূপ কর।”

হে ভিক্ষুগণ! এই প্রকারে কোশলরাজ দীঘীতির মহিষী সূর্য্যোদয়ের সময় সুভূমিতে যুদ্ধসাজে সজ্জিত সৈন্য দর্শন করিতে এবং খড়্গধৌত জলপান করিতে পাইলেন। কোশলরাজ দীঘীতির মহিষী সেই গর্ভ পূর্ণতা লাভ করিবার পর পুত্র প্রসব করিলেন। তাহার নাম রাখিলেন,—দীর্ঘায়ুকুমার। ভিক্ষুগণ! অতঃপর দীর্ঘায়ুকুমার অচিরে বিজ্ঞত্ব প্রাপ্ত হইলেন। তখন কোশলরাজ দীঘীতির মনে এই চিন্তা উদিত হইল : “এই কাশীরাজ ব্রহ্মদত্ত আমাদের বহু অনর্থ সাধন করিয়াছেন, তিনি আমাদের সৈন্য, বাহন, জনপদ, কোষ এবং কোষ্ঠাগার ছিনাইয়া লইয়াছেন। যদি তিনি আমাদের সংবাদ পান, তাহা হইলে সকলকেই, আমরা তিনজনকেই হত্যা করাইবেন। অতএব আমি দীর্ঘায়ুকুমারকে নগরের বাহিরে রাখিব।” এই ভাবিয়া কোশলরাজ দীঘীতি দীর্ঘায়ুকুমারকে নগরের বাহিরে বাসস্থান নির্দিষ্ট করিয়া দিলেন। দীর্ঘায়ুকুমার নগরের বাহিরে বাস করিয়া অচিরে সকল বিদ্যায় পারদর্শী হইয়া উঠিলেন।

হে ভিক্ষুগণ! সেই সময় কোশলরাজ দীঘীতির ক্ষৌরকার কাশীরাজ ব্রহ্মদত্তের নিকট বাস করিতেছিল। একদিন সে কোশলরাজ দীঘীতিকে সপত্নী বারাহসীর সীমান্তের একস্থানে কুম্ভকারগৃহে পরিব্রাজকবেশে অজ্ঞাতবাস করিতে দেখিতে পাইল। দেখিয়া কাশীরাজ ব্রহ্মদত্তের নিকট উপস্থিত হইল; উপস্থিত হইয়া

কাশীরাজ ব্রহ্মদত্তকে কহিল—“দেব! কোশলরাজ দীঘীতি সপত্নী বারাগসীর সীমান্তের একস্থানে কুম্ভকার গৃহে পরিব্রাজকবেশে অজ্ঞাতবাস করিতেছেন।” ভিক্ষুগণ! কাশীরাজ ব্রহ্মদত্ত কর্মচারিগণকে আদেশ করিলেন—“ভণে! সপত্নী কোশলরাজ দীঘীতিকে লইয়া আইস।” “যথা আজ্ঞা, প্রভো!” বলিয়া সেই কর্মচারিগণ কাশীরাজ ব্রহ্মদত্তকে প্রত্যুত্তরে সম্মতি জানাইয়া কোশলরাজ দীঘীতিকে সপত্নী লইয়া আসিল। অতঃপর কাশীরাজ ব্রহ্মদত্ত কর্মচারিগণকে আদেশ করিলেন—“ভণে! সপত্নী কোশলরাজ দীঘীতির বাহু পশ্চাৎদিকে রজ্জুদ্বারা দৃঢ়ভাবে বন্ধন করিয়া, মস্তক মুগুন করিয়া, খরশদ্ব বিশিষ্ট পণব (ঢাক জাতীয় বাদ্যযন্ত্র) বাদ্য করিয়া, একরাস্তা হইতে অন্য রাস্তায়, এক চৌরাস্তা হইতে অন্য চৌরাস্তায় পরিভ্রমণ করাইয়া, নগরের দক্ষিণ দ্বার দিয়া বাহির করিয়া, নগরের দক্ষিণ ভাগে চারি খণ্ড করিয়া চতুর্দিকে মাৎসখণ্ড নিক্ষেপ কর।” “যথা আজ্ঞা, দেব!” বলিয়া সেই কর্মচারিগণ কাশীরাজ ব্রহ্মদত্তকে প্রত্যুত্তরে সম্মতি দিয়া সপত্নী কোশলরাজ দীঘীতির বাহু দৃঢ়রজ্জু দ্বারা পশ্চাৎভাগে দৃঢ়ভাবে বন্ধন করিয়া, মস্তক মুগুন করিয়া, খরশদ্ব বিশিষ্ট পণব বাদ্য করিয়া, একরাস্তা হইতে অন্য রাস্তায়, এক চৌরাস্তা হইতে অন্য চৌরাস্তায় পরিভ্রমণ করাইতে লাগিল। ভিক্ষুগণ! দীর্ঘায়ুকুমারের মনে এই চিন্তা উদিত হইল : ‘দীর্ঘদিন হইল মাতাপিতার সাক্ষাৎ লাভ করিয়াছি, অতএব আমি মাতাপিতাকে দেখিতে যাইব।’ এই ভাবিয়া দীর্ঘায়ুকুমার বারাগসীতে প্রবেশ করিয়া মাতাপিতার বাহু শক্ত রজ্জুদ্বারা পশ্চাৎভাগে দৃঢ়ভাবে বন্ধন করিয়া, মস্তক মুগুন করিয়া খরশদ্ব বিশিষ্ট পণব বাদ্য করিয়া এক রাস্তা হইতে অন্য রাস্তায়, এক চৌরাস্তা হইতে অন্য চৌরাস্তায় পরিভ্রমণ করাইতে দেখিতে পাইলেন। দেখিয়া তিনি তাঁহার মাতাপিতার নিকট উপস্থিত হইলেন।

হে ভিক্ষুগণ! কোশলরাজ দীঘীতি দীর্ঘায়ুকুমারকে দূর হইতেই আসিতে দেখিতে পাইলেন, দেখিয়া দীর্ঘায়ুকুমারকে কহিলেন—“বৎস দীর্ঘায়ু! দীর্ঘ কিংবা হ্রস্ব দেখিও না; বৎস দীর্ঘায়ু! বৈরিতা দ্বারা বৈরিতার উপশম হয় না বরং অবৈরিতা দ্বারা বৈরিতার উপশম হয়।” এরূপ বলিলে সেই কর্মচারিগণ কোশলরাজ দীঘীতিকে কহিলেন—“এই কোশলরাজ দীঘীতি উন্মাদ হইয়া প্রলাপ বকিতেছেন, দীর্ঘায়ু তাঁহার কে? কাকাকেই বা তিনি বলিতেছেন—‘বৎস দীর্ঘায়ু! তুমি দীর্ঘ কিংবা হ্রস্ব অবলোকন করিও না; বৎস দীর্ঘায়ু! বৈরভাবের দ্বারা বৈরভাবের উপশম হয় না বরং অবৈরিতা দ্বারা বৈরভাবের উপশম হয়?’” “ভণে! আমি উন্মাদ হইয়া প্রলাপ করিতেছি না, যে বিজ্ঞ সে আমার কথার মর্ম বুঝিতে সমর্থ হইবে।” কোশলরাজ তিনবার দীর্ঘায়ুকুমারকে এরূপ বলিলেন। কর্মচারিগণও তিনবার কোশলরাজ দীঘীতিকে এরূপ কহিল। কোশলরাজ দীঘীতি পুনরায় তাহাদিগকে কহিলেন—“আমি উন্মাদ হইয়া প্রলাপ বকিতেছি না, যে বিজ্ঞ সে আমার কথার মর্ম বুঝিতে সমর্থ হইবে।”

হে ভিক্ষুগণ! অতঃপর সেই কর্মচারিগণ সপত্নী কোশলরাজ দীঘীতিকে একরাস্তা হইতে অন্য রাস্তায়, এক চৌরাস্তা হইতে অন্য চৌরাস্তায় পরিভ্রমণ করাইয়া, নগরের দক্ষিণদ্বার দিয়া বাহির করিয়া, নগরের দক্ষিণভাগে চারিটুকরা করিয়া, চতুর্দিকে মাংসখণ্ড নিক্ষেপ করিয়া, প্রহরী রাখিয়া প্রস্থান করিল। দীর্ঘায়ুকুমার বারাণসীতে প্রবেশ করিয়া, সুরা আনিয়া, প্রহরিগণকে পান করাইলেন। যখন তাহারা সংজ্ঞাহীন হইয়া পড়িল তখন তিনি কাষ্ঠ সংগ্রহ করিয়া, চিতা প্রস্তুত করিয়া, মাতাপিতার শরীর চিতায় স্থাপন করিয়া, অগ্নি সংযোগ করিয়া, কৃতাজ্জলি হইয়া তিনবার চিতা প্রদক্ষিণ করিলেন। সেই সময়ে কাশীরাজ ব্রহ্মদত্ত প্রাসাদের উপরে অবস্থান করিতেছিলেন। তিনি প্রাসাদের উপর হইতে দীর্ঘায়ুকুমারকে কৃতাজ্জলি হইয়া তিনবার চিতা প্রদক্ষিণ করিতে দেখিতে পাইলেন। দেখিয়া তাঁহার মনে এই চিন্তা উদিত হইল : ‘নিশ্চিতরূপে বলা যায়, এই ব্যক্তি কোশলরাজ দীঘীতির জ্ঞাতি অথবা রক্তসম্পর্কীয় কেহ হইবে। অহো! এই ব্যক্তি যে আমার অহিতকামী সেই কথা আমাকে কেহ বলিতেছে না!’ ভিক্ষুগণ! অতঃপর দীর্ঘায়ুকুমার অরণ্যে প্রবেশ করিয়া, যথারূচি ক্রন্দন এবং রোদন করিয়া, অশ্রু মুছিয়া, বারাণসীতে প্রবেশ করিয়া, রাজাস্তম্ভপুরের পার্শ্বে অবস্থিত পিলখানায় গমন করিয়া হস্তিপককে কহিলেন—“আচার্য্য! আমি আপনার নিকট শিল্প (হস্তীবিদ্যা) শিখিতে চাই।” “যুবক! ইচ্ছা হইলে শিখিতে পার।”

হে ভিক্ষুগণ! অনন্তর দীর্ঘায়ুকুমার রাত্রির প্রত্যুষে শয্যা হইতে উঠিয়া পিলখানায় মধুরস্বরে গান করিতে এবং বীণাবাদন করিতে লাগিলেন। কাশীরাজ ব্রহ্মদত্ত প্রত্যুষে শয্যা ত্যাগ করিয়া পিলখানায় মধুরগীত-ধ্বনি এবং বীণা-ধ্বনি শুনিতে পাইলেন। শুনিয়া কর্মচারিগণকে জিজ্ঞাসা করিলেন—“ভণে! রাত্রির প্রত্যুষে শয্যা ত্যাগ করিয়া পিলখানায় কে মধুর স্বরে গান এবং বীণা বাদ্য করিয়া থাকে?” “দেব! অমুক হস্তিপকের অন্তবাসী যুবক রাত্রির প্রত্যুষে শয্যা ত্যাগ করিয়া পিলখানায় মধুর স্বরে গান এবং বীণাবাদন করিয়া থাকে।” “ভণে! তাহা হইলে সেই যুবককে লইয়া আস।” “যথা আজ্ঞা, দেব!” বলিয়া সেই কর্মচারিগণ কাশীরাজ ব্রহ্মদত্তকে প্রত্যুত্তরে সম্মতি দিয়া দীর্ঘায়ুকুমারকে আনিলেন। তখন কাশীরাজ ব্রহ্মদত্ত দীর্ঘায়ুকুমারকে কহিলেন—“হে যুবক! তুমিই কি রাত্রির প্রত্যুষে শয্যা ত্যাগ করিয়া পিলখানায় মধুরস্বরে গান এবং বীণাবাদন করিয়া থাকে?” “হাঁ, দেব!” “যুবক! তাহা হইলে গান এবং বীণাবাদন কর দেখি।” “যথা আজ্ঞা, দেব!” বলিয়া দীর্ঘায়ুকুমার কাশীরাজ ব্রহ্মদত্তকে প্রত্যুত্তরে সম্মতি দিয়া তাঁহার সন্তোষ বিধানের নিমিত্ত মধুরস্বরে গান এবং বীণাবাদন করিলেন। তখন কাশীরাজ ব্রহ্মদত্ত দীর্ঘায়ুকুমারকে কহিলেন—“ওহে যুবক! তুমি আমার পরিচর্যা করিতে পার।” “যথা আজ্ঞা, প্রভো!” বলিয়া দীর্ঘায়ুকুমার কাশীরাজ ব্রহ্মদত্তকে প্রত্যুত্তরে সম্মতি জানাইলেন।

হে ভিক্ষুগণ! অতঃপর দীর্ঘায়ুকুমার কাশীরাজ ব্রহ্মদত্তের এইরূপ সেবা করিতে লাগিলেন : তিনি কাশীরাজ ব্রহ্মদত্তের পূর্বেই শয্যা ত্যাগ করিতেন এবং পরে শয়ন করিতেন, সর্বদা ‘কি করিব’, ‘কি করিব’ জিজ্ঞাসা করিতেন এবং প্রিয়ঙ্কর ও প্রিয়ম্বদ হইলেন। কাশীরাজ ব্রহ্মদত্ত অচিরেই দীর্ঘায়ুকুমারকে আভ্যন্তরিক বিশ্বস্ত কার্যে নিযুক্ত করিলেন। একদিন কাশীরাজ ব্রহ্মদত্ত দীর্ঘায়ুকুমারকে কহিলেন—“যুবক! রথ সজ্জিত কর, মৃগয়ায় গমন করিব।” “যথা আজ্ঞা, প্রভো!” বলিয়া দীর্ঘায়ুকুমার কাশীরাজ ব্রহ্মদত্তকে প্রত্যুত্তরে সম্মতি জানাইয়া রথ সজ্জিত করিয়া কাশীরাজ ব্রহ্মদত্তকে কহিলেন—“দেব! আপনার জন্য রথ সজ্জিত করা হইয়াছে, এখন আপনি যাহা উচিত মনে করেন।” অনন্তর কাশীরাজ ব্রহ্মদত্ত রথে আরোহণ করিলেন, দীর্ঘায়ুকুমার রথ চালনা করিলেন। তিনি এইভাবে রথ চালাইলেন যে সৈন্য একদিকে এবং রথ অন্যদিকে চলিয়া গেল। কাশীরাজ ব্রহ্মদত্ত বহুদূর যাইবার পর দীর্ঘায়ুকুমারকে কহিলেন—“যুবক! রথ থামাও, আমি ক্লান্ত হইয়া পড়িয়াছি, একটু বিশ্রাম করিব।” “যথা আজ্ঞা, দেব!” বলিয়া দীর্ঘায়ুকুমার কাশীরাজ ব্রহ্মদত্তকে প্রত্যুত্তরে সম্মতি জানাইয়া রথ থামাইয়া ভূতলে আসনবদ্ধ হইয়া উপবেশন করিলেন।

হে ভিক্ষুগণ! অনন্তর কাশীরাজ ব্রহ্মদত্ত দীর্ঘায়ুকুমারের ক্রোড়ে মস্তক স্থাপন করিয়া শয়ন করিলেন। ক্লান্ত হওয়ায় মুহূর্তের মধ্যেই তিনি নিদ্রামগ্ন হইয়া পড়িলেন। তখন দীর্ঘায়ুকুমারের মনে এই চিন্তা উদিত হইল—‘এই কাশীরাজ ব্রহ্মদত্ত আমাদের মহা অনর্থ সাধন করিয়াছেন, ইহার দ্বারা আমাদের সৈন্য, বাহন, জনপদ, কোষ এবং কোষ্ঠাগার হরণ করা হইয়াছে, ইহার দ্বারা আমার মাতাপিতা নিহত হইয়াছেন, অতএব এখনই শত্রুতার প্রতিশোধ গ্রহণের উপযুক্ত সময়।’ এই ভাবিয়া খড়্গ কৌশমুক্ত করিলেন। তখন দীর্ঘায়ুকুমারের মনে এই চিন্তা উদিত হইল : “আমার পিতা যে মৃত্যু সময়ে আমাকে বলিয়াছেন, ‘বৎস দীর্ঘায়ু! তুমি দীর্ঘ কিংবা হৃস্র অবলোকন করিও না, বৈরিতা দ্বারা বৈরিতার উপশম হয় না, বরং অবৈরিতা দ্বারাই বৈরিতার উপশম হইয়া থাকে।’ অতএব পিতৃবাক্য লঙ্ঘন করা আমার উচিত হইবে না।” এই ভাবিয়া খড়্গ কৌশবদ্ধ করিলেন। দুই, তিনবার দীর্ঘায়ুকুমার খড়্গ কৌশমুক্ত করিলেন এবং দুই তিনবার পিতৃবাক্য স্মরণ করিয়া খড়্গ কৌশবদ্ধ করিলেন।

হে ভিক্ষুগণ! কাশীরাজ ব্রহ্মদত্ত ভীত, উদ্ভিগ্ন, শঙ্কাভিভূত এবং উদ্রস্ত হইয়া হঠাৎ উঠিয়া বসিলেন। তখন দীর্ঘায়ুকুমার কাশীরাজ ব্রহ্মদত্তকে কহিলেন—“দেব! আপনি কেন ভীত, উদ্ভিগ্ন, শঙ্কাভিভূত এবং উদ্রস্ত হইয়া হঠাৎ জাগ্রত হইলেন?” “যুবক! কৌশলরাজ দীঘীতির পুত্র দীর্ঘায়ু নামক কুমার স্বপ্নে আমাকে খড়্গদ্বারা নিহত করিতেছে, এইজন্য আমি ভীত, উদ্ভিগ্ন, শঙ্কাভিভূত এবং উদ্রস্ত হইয়া হঠাৎ জাগিয়া উঠিলাম।” তখন দীর্ঘায়ুকুমার বামহস্তে কাশীরাজ ব্রহ্মদত্তের মস্তক চাপিয়া ধরিয়া,

দক্ষিণ হস্তে খড়্গ কৌশমুক্ত করিয়া কাশীরাজ ব্রহ্মদত্তকে কহিলেন—“দেব! আমিই কৌশলরাজ দীঘীতির পুত্র দীর্ঘায়ুকুমার। আপনি আমাদের বহু অনর্থ সাধন করিয়াছেন, আপনার দ্বারা আমাদের সৈন্য, বাহন, জনপদ, কোষ এবং কোষ্ঠাগার হরণ করা হইয়াছে, আপনার দ্বারা আমার মাতাপিতা নিহত হইয়াছেন, অতএব এখনই শত্রুতার প্রতিশোধ গ্রহণের সময়।”

হে ভিক্ষুগণ! তখন কাশীরাজ ব্রহ্মদত্ত দীর্ঘায়ুকুমারের পদতলে পতিত হইয়া তাঁহাকে কহিলেন :—“বৎস দীর্ঘায়ু! আমার জীবন দান কর! বৎস দীর্ঘায়ু! আমার জীবন দান কর!!” “আমি মহারাজের জীবন দান দিতে পারি, যদি মহারাজ পূর্বে আমার জীবন দান করেন।” “বৎস দীর্ঘায়ু! তুমিও আমার জীবন দান কর, আমিও তোমার জীবন দান করিতেছি।” অতঃপর কাশীরাজ ব্রহ্মদত্ত এবং দীর্ঘায়ুকুমার একে অন্যের জীবন দান করিলেন এবং দ্রোহিতা না করিবার জন্য একে অন্যের হস্তধারণ করিয়া শপথ করিলেন। অনন্তর কাশীরাজ ব্রহ্মদত্ত দীর্ঘায়ুকুমারকে কহিলেন—“বৎস দীর্ঘায়ু! রথ সজ্জিত কর, গমন করিব।” “যথা আজ্ঞা, দেব!” বলিয়া দীর্ঘায়ুকুমার কাশীরাজ ব্রহ্মদত্তকে প্রত্যুত্তরে সম্মতি দিয়া, রথ সজ্জিত করিয়া, কাশীরাজ ব্রহ্মদত্তকে কহিলেন—“দেব! রথ সজ্জিত করা হইয়াছে, এখন আপনি যাহা উচিত মনে করেন।” কাশীরাজ ব্রহ্মদত্ত রথে আরোহন করিলেন এবং দীর্ঘায়ুকুমার রথ চালনা করিলেন। দীর্ঘায়ুকুমার এইভাবে রথ চালাইলেন যে রাজা অচিরেই সৈন্যের সহিত মিলিত হইলেন।

হে ভিক্ষুগণ! অতঃপর কাশীরাজ ব্রহ্মদত্ত বারাণসীতে গমন করিয়া অমাত্য এবং পার্শ্বদগণকে সমবেত করাইয়া কহিলেন—“ভণে! যদি আপনারা কৌশলরাজ দীঘীতির পুত্র দীর্ঘায়ুকুমারের দেখা পান তাহা হইলে তাহার প্রতি কিরূপ ব্যবহার প্রদর্শন করিবেন?” কোন কোন অমাত্য কহিলেন—“দেব! আমরা তাঁহার হস্তছেদন করিব, তাঁহার পদছেদন করিব, হস্তপদছেদন করিব, কর্ণছেদন করিব, নাসিকাছেদন করিব, কর্ণ ও নাসিকা ছেদন করিব, শিরশ্ছেদ করিব।” “ভণে! এই ব্যক্তিই কৌশলরাজ দীঘীতির পুত্র দীর্ঘায়ুকুমার। ইহার কোন অনিষ্ট সাধন করিতে পারিবেন না। সে আমার জীবন দান করিয়াছে, আমিও তাহার জীবন দান করিয়াছি।”

হে ভিক্ষুগণ! অতঃপর কাশীরাজ ব্রহ্মদত্ত দীর্ঘায়ুকুমারকে কহিলেন—“বৎস দীর্ঘায়ু! তোমার পিতা যে মৃত্যুসময়ে বলিয়াছিলেন, ‘তাত দীর্ঘায়ু! দীর্ঘ কিংবা হ্রস্ব দেখিও না, বৈরভাবের দ্বারা বৈরভাবের উপশম হয় না; বরং অবৈরিতা দ্বারা বৈরভাবের উপশম হইয়া থাকে।’ তোমার পিতা কোন উদ্দেশ্যে এই কথা বলিয়াছিলেন?” “দেব! আমার পিতার মৃত্যু সময়ের বাক্যের অর্থ হইতেছে, দীর্ঘ অর্থাৎ চিরকাল শত্রুতা করিও না; হ্রস্ব অর্থাৎ হঠাৎ মিত্রের সঙ্গে ভেদ বিচ্ছেদ ঘটাইও না; বৈরিতা দ্বারা বৈরভাবের উপশম হয় না, অবৈরিতা দ্বারা বৈরিতার উপশম হয় অর্থাৎ মহারাজ আমার পিতামাতাকে নিহত করাইয়াছেন এইজন্য যদি

আমি মহারাজের জীবননাশ করি তাহা হইলে মহারাজের যাঁহারা হিতৈষী তাঁহারা আমার জীবননাশ করিতে পারেন এবং যাঁহারা আমার হিতৈষী তাঁহারা তাঁহাদের জীবননাশ করিতে পারেন, এরূপে সেই বৈরিতা বৈরভাবের দ্বারা উপশম হইবে না। এখন কিন্তু আমি মহারাজের জীবনদান করায় মহারাজও আমার জীবনদান করিয়াছেন এরূপে সেই বৈরিতা অবৈরভাবের দ্বারা উপশম হইয়াছে। দেব! এইজন্যই আমার পিতা মৃত্যুসময়ে বলিয়াছিলেন, ‘বৎস দীর্ঘায়ু! বৈরিতা দ্বারা বৈরভাবের উপশম হয় না, কিন্তু অবৈরিতা দ্বারা বৈরভাবের উপশম হইয়া থাকে।’ অতঃপর কাশীরাজ ব্রহ্মদত্ত ‘অহো! বড় আশ্চর্য্য! অহো! বড় অদ্ভুত! দীর্ঘায়ুকুমার কেমন পণ্ডিত লোক! যেহেতু তাহার পিতার সৎক্ষিপ্ত বাক্যের মর্ম্মার্থ সে বিস্তৃতভাবে অবগত হইতে সমর্থ হইয়াছে!’ এই বলিয়া তাঁহার পৈত্রিক সৈন্য, বাহন, জনপদ, কোষ এবং কোষ্ঠাগার প্রত্যর্পণ করিলেন এবং স্বীয় দুহিতাও তাঁহাকে সম্প্রদান করিলেন।

হে ভিক্ষুগণ! এইরূপ দণ্ডধারী, শাস্ত্রধারী রাজাদের যদি মিলন হইতে পারে তবে ঈদৃশ সু-আখ্যাত ধর্ম্মবিনয়ে (বুদ্ধ-শাসনে) প্রব্রজিত হইয়া তোমাদের মিলন হওয়া কি শোভা পায় না? তৃতীয়বারও ভগবান সেই ভিক্ষুগণকে কহিলেন—“হে ভিক্ষুগণ! তোমরা ভগ্ন, কলহ, বিগ্রহ, কিংবা বিবাদ করিও না।” তৃতীয়বারও সেই অন্যায়ে পক্ষপাতী^১ ভিক্ষু কহিল : “ধর্ম্মস্বামী প্রভু ভগবন্! আপনি প্রত্যক্ষ সুখ বিহারে অনুরক্ত হইয়া অবস্থান করুন। আমরা এই ভগ্ন, কলহ, বিগ্রহ এবং বিবাদে পরিদৃষ্ট হইব।” অনন্তর ভগবান “এই মোঘপুরুষগণ অত্যন্ত জড়িত হইয়া পড়িয়াছে, ইহাদের চৈতন্য উদয় করা সহজ নহে।” এই ভাবিয়া আসন হইতে উঠিয়া প্রস্থান করিলেন।

॥ দীর্ঘায়ু ভগ্নিতা সমাপ্ত ॥

(৮) ভিক্ষুসঙ্ঘ পরিত্যাগ

ভগবান পূর্ব্বাহ্নে বহির্গমনোপযোগী অন্তর্বাস পরিধান করিয়া, পাত্রেচীবর লইয়া কৌশাম্বীতে ভিক্ষান্ন সংগ্রহের জন্য প্রবেশ করিলেন। কৌশাম্বীতে ভিক্ষান্ন সংগ্রহে বিচরণ করিয়া, আহারকৃত্য সমাপনের পর ভিক্ষাচার্য্যা হইতে প্রত্যাবর্তন করিয়া, শয্যাসন সামলাইয়া এবং পাত্রেচীবর লইয়া ভিক্ষুসঙ্ঘের সম্মুখে দণ্ডায়মান হইয়াই এই গাথাগুলি উচ্চারণ করিলেন :—

^১। অয়ং পন ভিকখু ভগবতো অথকামো। অয়ং কুরুসুস অধিপ্পায়া : ইমে ভিকখু কোধাভিভূতা সখবচনং ন গণ্হতি; মা ভগবা এতে ওবদন্তো কিলামিথ’তি, তস্মা এবমাহ।—সম-পাসা।

উচ্চশব্দ, মহাশব্দ, বহু অভিমান,
 ‘সমজন’^১ সকলেই সমান সমান^২!
 কেহ নাহি মনে করে, ‘আমি মূর্খজন’
 অধিকন্তু নাহি ভাবে, ‘আমার কারণ
 সজ্জামধ্যে সজ্জাভেদ হইল এখন।’
 পরিমূঢ়স্মৃতি^৩ কিন্তু ভাষায় পণ্ডিত
 বাকপটু বলে বাক্য নহে সুচিন্তিত।
 বাগীশ যথোচ্ছা বাক্য^৪ করে উদ্দীর্ণণ
 দীর্ঘ প্রসারিত করি’ আপন বদন।
 কিন্তু নাহি জানে নিজ বাক্যের কারণ,
 সঙ্ঘেতে নির্লজ্জভাব, দুর্দর্শা এমন!
 ‘আক্রোশ করিল মোরে, বধিল আমায়,
 জিনিল আমারে, উপহাসে হয় হয়!’
 এই ভাব পোষে নিজ মনে যেই জন
 বৈরিতা তাহার শাস্ত না হয় কখন।
 ‘আক্রোশ করিল মোরে, বধিল আমায়,
 জিনিল আমারে, উপহাসে হয় হয়!’
 এই ভাব যার মনে না হয় উদয়
 বৈরিতা তাহার শাস্ত জানিও নিশ্চয়।
 শত্রুতায় শত্রুতার শাস্তি নহে হেথা কদাচন,
 মৈত্রীতে শমিত বৈরী,—জান ইহা ধর্ম সনাতন।
 পণ্ডিত ব্যতীত যত আছে অন্য জন
 নাহি জানে, ‘হেথা হতে করিব গমন’^৫।
 জানে যেবা সত্য^৬ এই পণ্ডিত সূজন,
 কলহ শমিত তার হয় সে কারণ।
 অস্থিচ্ছেদ করে কিংবা জীবন হরণ,
 অথবা গবাস্থ ধন করে যে হরণ,
 অথবা রাজ্যের করে বিলোপ সাধন,

^১। সকলে সমান;

^২। সকলে পাণ্ডিত্যভিমानी;

^৩। স্মৃতিবিভ্রম;

^৪। সঙ্ঘের প্রতি গৌরব করিয়া কেহ ন্যায় বিরুদ্ধবাক্য প্রয়োগে সঙ্কোচ করে না।

^৫। আমরা যে মরিব তাহা ভাবে না।

^৬। আমাদের মৃত্যু হইবে এই বিষয় যে সর্বদা স্মরণ করে।

যদি তাহাদের শেষে হয় রে মিলন
 কেন তবে তোমাদের হবে না মিলন?
 যদি লাভ কর প্রাজ্ঞ সহায় আপন,
 ধীর সহচর আর সাধু ও সুজন,
 অতিক্রম করি সর্ব্ব আততায়িগণ^১
 চর লোকে স্মৃতিমান, আনন্দিত মন ।
 যদি নাহি লাভ প্রাজ্ঞ সহায় আপন,
 ধীর সহচর আর সাধু ও সুজন,
 রাজা সম ছাড়ি রাজ্য বিজিত^২ যখন
 অথবা অরণ্য মাঝে মাতঙ্গ যেমন
 একাকী নিঃসঙ্গ নিজে কর বিচরণ ।
 একাকী বিহার শ্রেয় আপনি আপন,
 মূর্থ হ'তে সহায়তা নাহি প্রয়োজন ।
 না করিয়া পাপ কর একা বিচরণ
 নিরুদ্বেগে অরণ্যেতে মাতঙ্গ^৩ যেমন ।

[স্থান :—বালকলোণকার গ্রাম]

ভগবান সজ্জসভায় দণ্ডায়মান হইয়াই এই গাথাগুলি উচ্চারণ করিয়া বালকলোণকার গ্রামে উপস্থিত হইলেন । সেই সময়ে আয়ুষ্মান ভৃগু বালকলোণকার গ্রামে অবস্থান করিতেছিলেন । দূরে থাকিতেই আয়ুষ্মান ভৃগু ভগবানকে আসিতে দেখিতে পাইলেন । দেখিয়া আসন প্রস্তুত করিলেন, পাদোদক, পাদপীঠ, পাদকথলিক স্থাপন করিলেন এবং অধসর হইয়া ভগবানের পাত্রচীবর গ্রহণ করিলেন । ভগবান নির্দিষ্ট আসনে উপবেশন করিলেন এবং উপবেশন করিয়াই পাদ প্রক্ষালন করিলেন । আয়ুষ্মান ভৃগু ভগবানকে অভিবাদন করিয়া একান্তে উপবেশন করিলেন । একান্তে উপবিষ্ট আয়ুষ্মান ভৃগুকে ভগবান কহিলেন :—“হে ভিক্ষু! নিরুপদ্রবে আছ ত? সুখে দিন যাপন করিতেছ ত? এবং ভিক্ষান্ন সংগ্রহে কষ্ট হয় না ত?” “ভগবন্! আমি নিরুপদ্রবে আছি, সুখে দিন যাপন করিতেছি এবং ভিক্ষান্ন সংগ্রহেও আমার কষ্ট হয় না ।” অতঃপর ভগবান আয়ুষ্মান ভৃগুকে ধর্ম্মকথায় প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট করিয়া, আসন হইতে উঠিয়া প্রাচীনবংশদাবো উপস্থিত হইলেন ।

^১ । প্রকাশ্য শত্রু এবং গুপ্ত শত্রু ।

^২ । মহাজনক রাজা ও অরিন্দম রাজার ন্যায় বিজিত রাজ্য পরিত্যাগ করিয়া একাকী বিচরণ করিবে ।

^৩ । মাতৃপোষক ও পারিলেয়ক হস্তীরাজের ন্যায় একাকী বিচরণ করিবে ।—সম-পাসা ।

[স্থান :—প্রাচীনবংশদাব]

সেই সময়ে আয়ুষ্মান অনুরুদ্ধ, আয়ুষ্মান নন্দিয় এবং আয়ুষ্মান কিম্বিল প্রাচীনবংশদাবে অবস্থান করিতেছিলেন। দূরে থাকিতেই দায়পাল (বনরক্ষক) ভগবানকে আসিতে দেখিতে পাইল; দেখিয়া কহিল—“হে শ্রমণ! এই অরণ্যে প্রবেশ করিবেন না; কেননা এইস্থানে তিনজন কুলপুত্র স্বকার্য সাধনে রত আছেন; তাঁহাদের স্বাচ্ছন্দ্যের ব্যাঘাত উৎপাদন করিবেন না।”

আয়ুষ্মান অনুরুদ্ধ ভগবানের সহিত বনরক্ষকের আলাপ শুনিতে পাইলেন; শুনিয়া বনরক্ষককে কহিলেন—“হে বনরক্ষক! ভগবানকে বারণ করিও না। আমাদের শাস্তা (গুরু) ভগবান উপস্থিত হইয়াছেন।” অতঃপর আয়ুষ্মান অনুরুদ্ধ আয়ুষ্মান নন্দিয় এবং আয়ুষ্মান কিম্বিলের নিকট উপস্থিত হইলেন; উপস্থিত হইয়া আয়ুষ্মান নন্দিয় এবং আয়ুষ্মান কিম্বিলকে কহিলেন :—“আয়ুষ্মানগণ, আসুন! আয়ুষ্মানগণ, আসুন!! আমাদের শাস্তা ভগবান আসিয়াসেন!” আয়ুষ্মান অনুরুদ্ধ, আয়ুষ্মান নন্দিয় এবং আয়ুষ্মান কিম্বিল অগ্রসর হইয়া কেহ ভগবানের পাত্রচীবর প্রত্যাগমন করিলেন, কেহ আসন প্রস্তুত করিলেন এবং কেহ বা পাদোদক, পাদপীঠ এবং পাদকথলিক স্থাপন করিলেন। ভগবান নির্দিষ্ট আসনে উপবেশন করিলেন; উপবেশন করিয়া পাদ প্রক্ষালন করিলেন। সেই আয়ুষ্মানগণও ভগবানকে অভিবাদন করিয়া একান্তে উপবেশন করিলেন। একান্তে উপবিষ্ট আয়ুষ্মান অনুরুদ্ধকে ভগবান কহিলেন—“অনুরুদ্ধ! তোমরা নিরুপদ্রবে আছ ত? সুখে দিনযাপন করিতেছ ত? এবং ভিক্ষান্ন সংগ্রহে ক্লেশ হয় না ত?” “ভগবন্! আমরা নিরুপদ্রবে আছি, আমরা সুখে দিনযাপন করিতেছি এবং ভিক্ষান্ন সংগ্রহেও আমাদের ক্লেশ পাইতে হয় না।” অনুরুদ্ধ! তোমরা কি সমগ্রভাব, সম্মোদমান, অবিবাদমান এবং ক্ষীরোদক সদৃশ হইয়া পরস্পরকে স্নেহচক্ষে অবলোকন করিয়া অবস্থান করিতেছ?” “হাঁ, প্রভো! আমরা সমগ্রভাব, সম্মোদমান, অবিবাদমান এবং ক্ষীরোদক সদৃশ হইয়া পরস্পরকে স্নেহচক্ষে অবলোকন করিয়া অবস্থান করিতেছি।” “অনুরুদ্ধ! কিরূপে তোমরা সমগ্রভাব, সম্মোদমান, অবিবাদমান এবং ক্ষীরোদক সদৃশ হইয়া পরস্পরকে স্নেহচক্ষে অবলোকন করিয়া অবস্থান করিতেছি।” “অনুরুদ্ধ! কিরূপে তোমরা সমগ্রভাব, সম্মোদমান, অবিবাদমান এবং ক্ষীরোদক সদৃশ হইয়া পরস্পরকে স্নেহচক্ষে অবলোকন করিয়া অবস্থান করিতেছ?”

“প্রভো! আমার মনে এই চিন্তা উদিত হইয়া থাকে : “আমার অতি সৌভাগ্য যে আমি এতদৃশ সত্বক্ষচারিগণের সঙ্গলাভে সমর্থ হইয়াছি।’ প্রভো! আমি এই আয়ুষ্মানগণের প্রতি প্রকাশ্যে এবং গোপনে কায়িক, বাচনিক এবং মানসিক মৈত্রীপূর্ণ ব্যবহার প্রদর্শন করিয়া থাকি। প্রভো! আমার মনে এইরূপ চিন্তা উদিত হইয়া থাকে : ‘আমি স্বীয় চিত্তের অধীন না থাকিয়া এই আয়ুষ্মানদের চিত্তের অনুবর্ত্তী

হইব।’ এই ভাবিয়া আমি স্বীয় চিত্তের বশে না থাকিয়া এই আয়ুত্মানগণের চিত্তেরই অনুবর্তী হইয়াছি। প্রভো! আমাদের দেহ পৃথক হইলেও চিত্ত কিন্তু পৃথক নহে।” আয়ুত্মান নন্দিয় এবং আয়ুত্মান কিম্বিলও ভগবানকে এইরূপ কহিলেন : “প্রভো! আমরা এইরূপে সমগ্রভাব, সম্মোদমান, অবিবাদমান এবং ক্ষীরোদক সদৃশ হইয়া পরস্পরকে স্নেহচক্ষে অবলোকন করিয়া অবস্থান করিতেছি।”

“অনুরুদ্ধ! তোমরা কি প্রমাদবর্জিত উদ্যোগী এবং সংযমী হইয়া অবস্থান করিতেছ?” “হাঁ, প্রভো! আমরা প্রমাদবর্জিত, উদ্যোগী এবং সংযমী হইয়া অবস্থান করিতেছি।” “অনুরুদ্ধ! তোমরা কিরূপে প্রমাদবর্জিত, উদ্যোগী এবং সংযমী হইয়া অবস্থান করিতেছ?”

“প্রভো! আমাদের মধ্যে যিনি প্রথম গ্রাম হইতে ভিক্ষান্ন সংগ্রহ করিয়া প্রত্যাগমন করেন তিনি আসন প্রস্তুত করিয়া থাকেন, পাদোদক, পাদপীঠ, পাদকথলিক স্থাপন করেন, অন্ন রাখিবার পাত্র ধুইয়া স্থাপন করেন, পানীয় এবং পরিভোগ্য জলপাত্র স্থাপন করেন এবং যিনি পরে গ্রাম হইতে ভিক্ষান্ন সংগ্রহ করিয়া প্রত্যাগমন করেন যদি ভুক্তাবশেষ থাকে তাহা হইলে ইচ্ছা হইলে ভোজন করেন, যদি ইচ্ছা না হয় তাহা হইলে তৃণহীন ভূমিতে অথবা অল্পপ্রাণরহিত জলে পরিত্যাগ করেন। তিনি আসন উঠাইয়া রাখেন, পাদোদক, পাদপীঠ, পাদকথলিক সামলাইয়া রাখেন, অন্ন-পাত্র ধৌত করিয়া সামলাইয়া রাখেন, পানীয় পরিভোগ্য জলপাত্র সামলাইয়া রাখেন, ভোজনশালা সম্মার্জন করেন। যিনি পানীয় জলের ঘট, পরিভোগ্য জলের ঘট অথবা পায়খানার জলপাত্র জলশূন্য দেখেন তিনি তাহা পূর্ণ করেন। যদি জলপাত্র ভারি বোধ হয় তাহা হইলে অন্যকে হাতের ইসারায় আহ্বান করিয়া, ধরাধরি করিয়া জলপূর্ণ করিয়া থাকি। তজ্জন আমরা বাক্যস্তুতি করি না। আমরা পঞ্চমদিন সারারাত্রি ধর্মকথায় উপবিষ্ট থাকি। প্রভো! আমরা এইরূপে প্রমাদবর্জিত, উদ্যোগী এবং সংযমী হইয়া অবস্থান করিয়া থাকি।”

অনন্তর ভগবান আয়ুত্মান অনুরুদ্ধ, আয়ুত্মান নন্দিয় এবং আয়ুত্মান কিম্বিলকে ধর্মকথায় প্রবুদ্ধ, সন্দীপ্ত, সমুত্তেজিত এবং সম্প্রহৃষ্ট করিয়া, আসন হইতে উঠিয়া, পারিলেয়ক বনে গমন করিলেন। ভগবান পারিলেয়ক বনে অবস্থান করিতে লাগিলেন,—রক্ষিতবনসঙে, ভদ্রশাল বৃক্ষমূলে।

[স্থান :—পারিলেয়ক বন]

(৯) নির্জনবাসে আনন্দ

ভগবান নিভৃতে ধ্যানাবিষ্ট থাকিবার সময় তাঁহার চিত্তে এইরূপ পরিবর্তক উপস্থিত হইল : ‘আমি পূর্বে সেই ভগ্নকারী, কলহকারী, বিবাদকারী, বহুব্ধাবাক্যব্যয়ী এবং নিত্য সজ্জের নিকট অভিযোক্তা কৌশাখ্যবাসী ভিক্ষুগণ কর্তৃক

উপদ্রুত হইয়া অনুকূলভাবে অবস্থান করিতে পারি নাই; কিন্তু এখন আমি একাকী, অদ্বিতীয় সেই ভগ্নকারী, কলহকারী, বিবাদকারী, বহুব্ধাবাক্যব্যয়ী এবং নিত্য সঙ্ঘের নিকট অভিযোক্তা কৌশাম্বীবাসী ভিক্ষুগণ হইতে পৃথক হইয়া স্বচ্ছন্দে অবস্থান করিতে পারিতেছি।’ তখন একটি হস্তীরাজও হস্তী, হস্তিনী, তরুণহস্তী এবং হস্তীশাবকের দ্বারা উপদ্রুত হইয়া এবং ছিন্নাগ্র তৃণ ভক্ষণ করিয়া, অবস্থান করিতেছিল। তাহার দ্বারা উচ্চস্থান হইতে আহরিত ছিন্নবিচ্ছিন্ন শাখাপল্লব তাহারা ভক্ষণ করিয়া ফেলিত। তাহাকে আবিল জল পান করিতে হইত এবং অবগাহনের পর হস্তিনীরা তাহার দেহ ঘেসিয়া গমন করিত। অনন্তর সেই হস্তীরাজের মনে এই চিন্তা উদিত হইল : ‘আমি হস্তী, হস্তিনী, তরুণহস্তী ও হস্তীশাবক দ্বারা উপদ্রুত হইয়া এবং ছিন্নাগ্র তৃণ ভক্ষণ করিয়া অবস্থান করিতেছি। আমার দ্বারা ছিন্নবিচ্ছিন্ন শাখাপল্লব তাহারা ভক্ষণ করিয়া ফেলিতেছে। আমাকে আবিল পানীয় পান করিতে হইতেছে এবং অবগাহনের পর হস্তিনীরা আমার দেহ ঘেসিয়া যাইতেছে; অতএব আমি যুথ পরিত্যাগ করিয়া একাকী অবস্থান করিব।’ এই ভাবিয়া সেই হস্তীরাজ যুথ পরিত্যাগ করিয়া পারিলেয়ক বনে রক্ষিতবনসণ্ডে, ভদ্রশালবৃক্ষমূলে ভগবানের নিকট উপস্থিত হইল; উপস্থিত হইয়া শুণ্ডদ্বারা ভগবানের জন্য পানীয় এবং পরিভোগ্য জল আহরণ করিয়া রাখিল এবং স্থানটি শুণ্ডদ্বারা তৃণহীন করিল। অনন্তর সেই হস্তীর মনে এই চিন্তা উদিত হইল : ‘আমি পূর্বে হস্তী, হস্তিনী, যুবকহস্তী এবং হস্তীশাবক দ্বারা উপদ্রুত হইয়া বাস করিতাম এবং ছিন্নাগ্র তৃণ ভক্ষণ করিতাম। আমার দ্বারা উচ্চস্থান হইতে ছিন্নবিচ্ছিন্ন শাখাপল্লব তাহারা ভক্ষণ করিয়া ফেলিত। আমাকে আবিল জলপান করিতে হইত; অবগাহনের পর হস্তিনীরা আমার দেহ ঘেসিয়া চলিয়া যাইত। কিন্তু এখন আমি হস্তী, হস্তিনী, হস্তীযুবক, হস্তীশাবক হইতে পৃথক হইয়া একাকী, অদ্বিতীয় নিরাপদে স্বচ্ছন্দে অবস্থান করিতেছি।’ তখন ভগবান নিজের চিন্তা বিবেক এবং স্বচিন্তে সেই হস্তীরাজের চিন্তা পরিবিতর্ক অবগত হইয়া সেই সময় এই উদানগাথা উচ্চারণ করিলেন :—

ঈষাদন্ত^১ দীর্ঘদন্ত হস্তীনাগ সনে
সমুদ্র^২ মিলায় চিন্ত আপন জীবনে
যেহেতু উভয়ে রমে একা এই বনে।

^১। রথদণ্ডের ন্যায় দীর্ঘদন্ত বিশিষ্ট।

^২। বুদ্ধরূপী নাগরাজ।

[স্থান :—শ্রাবস্তী]

ভগবান পারিলেয়ক বনে যথারূচি অবস্থান করিয়া শ্রাবস্তী অভিমুখে পর্যটন যাত্রা করিলেন। ক্রমান্বয়ে বিচরণ করিতে করিতে শ্রাবস্তীতে গমন করিলেন। ভগবান শ্রাবস্তী সন্নিধানে অবস্থান করিতে লাগিলেন,—জেতবনে, অনাথপিণ্ডদের আরামে। কৌশাম্বীবাসী উপাসকগণের মনে এই চিন্তা উদিত হইল : ‘কৌশাম্বীবাসী এই আর্য্য ভিক্ষুগণ আমাদের বড় অনর্থকারী; ইহাদের দ্বারা উপদ্ৰত হইয়া ভগবান প্রস্থান করিয়াছেন অতএব আমরা আর্য্য কৌশাম্বীবাসী ভিক্ষুগণকে অভিবাদন করিব না, তাঁহাদিগকে দেখিয়া প্রত্যাখ্যান করিব না, অঞ্জলিকর্ম্ম কিংবা তাঁহাদের কুশল প্রশ্ন জিজ্ঞাসা করিব না। তাঁহাদিগকে সৎকার করিব না, তাঁহাদের প্রতি গৌরব প্রদর্শন করিব না, তাঁহাদিগকে মান্য কিংবা পূজা করিব না এবং তাঁহারা উপস্থিত হইলে ভিক্ষান্ন প্রদান করিব না। ইহারা এক্ষণে আমাদের দ্বারা সৎকার, গৌরব, মান, পূজা লাভ না করিয়া এবং অবজ্ঞাত হইয়া এইস্থান হইতে প্রস্থান করিবেন, গৃহী হইয়া যাইবেন অথবা ভগবানকে প্রসন্ন করিবেন।’ এই ভাবিয়া কৌশাম্বীবাসী উপাসকগণ সেই হইতে তাঁহাদিগকে অভিবাদন করিলেন না, তাঁহাদিগকে দেখিয়া প্রত্যাখ্যান করিলেন না, তাঁহাদিগের দিকে কৃতাজ্ঞলি হইলেন না, তাঁহাদের কুশলপ্রশ্ন জিজ্ঞাসা করিলেন না, সৎকার, গৌরব, মান্য, পূজা করিলেন না এবং তাঁহাদের গৃহে উপস্থিত হইলেও ভিক্ষান্ন প্রদান করিলেন না। তখন কৌশাম্বীবাসী ভিক্ষুগণ কৌশাম্বীর উপাসকগণের দ্বারা সৎকার, গৌরব, মান, পূজা লাভ না করিয়া এবং অবজ্ঞাত হইয়া পরস্পর কহিতে লাগিলেন, “বন্ধো! চলুন, আমরা শ্রাবস্তীতে যাইয়া ভগবানের নিকট এই বিবাদের মীমাংসা করিয়া ফেলি।” এই বলিয়া কৌশাম্বীবাসী ভিক্ষুগণ শয্যাসন সামলাইয়া, পাত্রটীবর লইয়া শ্রাবস্তীতে উপস্থিত হইলেন।

অধর্ম্মবাদী এবং ধর্ম্মবাদী

(১) অধর্ম্মবাদীর পরিচয়

আয়ুষ্মান শারীপুত্র শুনিতে পাইলেন : কৌশাম্বীবাসী সেই ভণ্ডনকারী, কলহকারী, বিবাদকারী, বহুবৃথাবাক্যব্যয়ী এবং নিত্য সঙ্ঘের নিকট অভিযোক্তা ভিক্ষুগণ শ্রাবস্তীতে আসিতেছেন। অনন্তর আয়ুষ্মান শারীপুত্র ভগবানের নিকট উপস্থিত হইলেন, উপস্থিত হইয়া ভগবানকে অভিবাদন করিয়া একান্তে উপবেশন করিলেন। একান্তে উপবেশন করিয়া আয়ুষ্মান শারীপুত্র ভগবানকে কহিলেন :—“প্রভো! সেই ভণ্ডনকারী ... কৌশাম্বীবাসী ভিক্ষুগণ শ্রাবস্তীতে আসিতেছেন। আমি তাঁহাদের প্রতি কিরূপ ব্যবহার প্রদর্শন করিব?” “শারীপুত্র! তুমি ধর্ম্মবাদিগণের পক্ষাবলম্বন করিতে পার।” “প্রভো! কে ধর্ম্মবাদী এবং কেই বা অধর্ম্মবাদী তাহা আমি কিরূপে জানিব?”

হে শারীপুত্র! অষ্টাদশ বিষয় দ্বারা অধর্মবাদীর পরিচয় লাভ করিতে হইবে। যথা—যেই ভিক্ষু (১) অধর্মকে ধর্ম বলে, (২) ধর্মকে অধর্ম বলে, (৩) অবিনয়কে বিনয় বলে, (৪) বিনয়কে অবিনয় বলে, (৫) তথাগত কর্তৃক অভাষিত, অনালাপিত বিষয় তথাগত কর্তৃক ভাষিত, আলাপিত বলে, (৬) তথাগত দ্বারা ভাষিত, আলাপিত বিষয় তথাগত দ্বারা অভাষিত, অনালাপিত বলে, (৭) তথাগত দ্বারা অনাচারিত বিষয় তথাগত দ্বারা আচারিত বলে, (৮) তথাগত দ্বারা আচারিত বিষয় তথাগত দ্বারা অনাচারিত বলে, (৯) তথাগত দ্বারা অব্যবস্থিতকে তথাগত দ্বারা ব্যবস্থিত বলে, (১০) তথাগত দ্বারা ব্যবস্থিতকে তথাগত দ্বারা অব্যবস্থিত বলে, (১১) নিরপরাধকে অপরাধ বলে, (১২) অপরাধকে নিরপরাধ বলে, (১৩) লঘু অপরাধকে গুরু অপরাধ বলে, (১৪) গুরু অপরাধকে লঘু অপরাধ বলে, (১৫) সাবশেষ অপরাধকে অনাবশেষ অপরাধ বলে, (১৬) অনাবশেষ অপরাধকে সাবশেষ অপরাধ বলে, (১৭) দুস্থূল অপরাধকে অদস্থূল অপরাধ বলে, (১৮) অদস্থূল অপরাধকে দুস্থূল অপরাধ বলে। শারীপুত্র! এই অষ্টাদশ প্রকার বিষয় দ্বারা অধর্মবাদীর পরিচয় লাভ করিতে হইবে।

(২) ধর্মবাদীর পরিচয়

হে শারীপুত্র! অষ্টাদশ প্রকার বিষয় দ্বারা ধর্মবাদীর পরিচয় লাভ করিতে হইবে। যথা—যেই ভিক্ষু (১) অধর্মকে অধর্ম বলে, (২) ধর্মকে ধর্ম বলে, (৩) অবিনয়কে অবিনয় বলে, (৪) বিনয়কে বিনয় বলে, (৫) তথাগত কর্তৃক অভাষিত, অনালাপিতকে তথাগত কর্তৃক ভাষিত, অনালাপিত বলে, (৬) তথাগত কর্তৃক ভাষিত, আলাপিতকে তথাগত কর্তৃক ভাষিত, আলাপিত বলে, (৭) তথাগত কর্তৃক অনাচারিতকে তথাগত কর্তৃক আচারিত বলে, (৮) তথাগত কর্তৃক আচারিতকে তথাগত কর্তৃক আচারিত বলে, (৯) তথাগত কর্তৃক অব্যবস্থিতকে তথাগত কর্তৃক ব্যবস্থিত বলে, (১০) তথাগত কর্তৃক ব্যবস্থিতকে তথাগত কর্তৃক ব্যবস্থিত বলে, (১১) নিরপরাধকে নিরপরাধ বলে, (১২) অপরাধকে অপরাধ বলে, (১৩) লঘু অপরাধকে লঘু অপরাধ বলে, (১৪) গুরু অপরাধকে গুরু অপরাধ বলে, (১৫) সাবশেষ অপরাধকে সাবশেষ অপরাধ বলে, (১৬) অনাবশেষ অপরাধকে অনাবশেষ অপরাধ বলে, (১৭) দুস্থূল অপরাধকে অদস্থূল অপরাধ বলে, (১৮) অদস্থূল অপরাধকে অদস্থূল অপরাধ বলে। শারীপুত্র! এই অষ্টাদশ বিষয় দ্বারা ধর্মবাদীর পরিচয় লাভ করিতে হইবে।

আয়ুষ্মান মহামৌদগল্যায়ন, আয়ুষ্মান মহাকাশ্যপ, আয়ুষ্মান মহাকাত্যায়ন, আয়ুষ্মান মহাকোষ্ঠিত, আয়ুষ্মান মহাকপ্পিন, আয়ুষ্মান মহাচুন্দ, আয়ুষ্মান অনুরুদ্ধ, আয়ুষ্মান রেবত, আয়ুষ্মান উপালি, আয়ুষ্মান আনন্দ এবং আয়ুষ্মান রাহুল শুনিতো পাইলেন : সেই ভগ্নকারী নিত্য সঞ্জের নিকট অভিযোক্তা কৌশাম্বীবাসী

ভিক্ষুগণ শ্রাবস্তীতে আসিতেছেন। অতঃপর আয়ুত্মান রাহুল ভগবানের নিকট উপস্থিত হইলেন; উপস্থিত হইয়া ভগবানকে অভিবাদন করিয়া একান্তে উপবেশন করিলেন। একান্তে উপবেশন করিয়া আয়ুত্মান রাহুল ভগবানকে কহিলেন :—“প্রভো! সেই ভগ্নকারী নিত্য সজ্জের নিকট অভিযোক্তা কৌশাম্বীবাসী ভিক্ষুগণ শ্রাবস্তীতে আসিতেছেন, অতএব আমি সেই ভিক্ষুগণের সহিত কিরূপ ব্যবহার প্রদর্শন করি?” “হে রাহুল! তুমি ধর্মবাদীর পক্ষাবলম্বন করিতে পার।” “প্রভো! কে ধর্মবাদী, কেই বা অধর্মবাদী তাহা আমি কিরূপে জানিতে পারিব?” “রাহুল! অষ্টাদশ বিষয় দ্বারা অধর্মবাদীর পরিচয় লাভ করিতে হইবে রাহুল! এই অষ্টাদশ প্রকার বিষয়দ্বারা অধর্মবাদীর পরিচয় লাভ করিতে হইবে। রাহুল! অষ্টাদশ প্রকার বিষয়দ্বারা ধর্মবাদীর পরিচয় লাভ করিতে হইবে রাহুল! এই অষ্টাদশ প্রকার বিষয়দ্বারা ধর্মবাদীর পরিচয় লাভ করিতে হইবে।”

মহাপ্রজাপতি গৌতমী শুনিতে পাইলেন : সেই ভগ্নকারী, কলহকারী, বিবাদকারী, বহুব্ধাবাক্যব্যয়ী এবং সজ্জের নিকট নিত্য অভিযোক্তা কৌশাম্বীবাসী ভিক্ষুগণ শ্রাবস্তীতে আসিতেছেন। অতঃপর মহাপ্রজাপতি গৌতমী ভগবানের নিকট উপস্থিত হইলেন; উপস্থিত হইয়া ভগবানকে অভিবাদন করিয়া একান্তে দণ্ডায়মান হইলেন; একান্তে দণ্ডায়মান হইয়া মহাপ্রজাপতি গৌতমী ভগবানকে কহিলেন—“প্রভো! সেই ভগ্নকারী নিত্য সজ্জের নিকট অভিযোক্তা কৌশাম্বীবাসী ভিক্ষুগণ শ্রাবস্তীতে আসিতেছেন, অতএব প্রভো! আমি তাঁহাদের প্রতি কিরূপ ব্যবহার প্রদর্শন করিব?” “গৌতমী! তুমি উভয় পক্ষের নিকট ধর্ম শ্রবণ করিতে পার, উভয়পক্ষের নিকট ধর্ম শ্রবণ করিয়া যাঁহারা ধর্মবাদী তাঁহাদের দৃষ্টি, ক্ষান্তি, মত এবং দৃঢ় ধারণার অনুসরণ করিতে পার। ভিক্ষুসজ্জের নিকট ভিক্ষুসজ্জের যাহা কিছু প্রত্যাশিতব্য তাহা ধর্মবাদীর নিকট হইতেই প্রত্যাশা করিতে হইবে।”

গৃহপতি অনাথপিণ্ড শুনিতে পাইলেন : সেই ভগ্নকারী নিত্য সজ্জের নিকট অভিযোক্তা কৌশাম্বীবাসী ভিক্ষুগণ শ্রাবস্তীতে আসিতেছেন। অনন্তর গৃহপতি অনাথপিণ্ড ভগবানের নিকট উপস্থিত হইলেন; উপস্থিত হইয়া ভগবানকে অভিবাদন করিয়া একান্তে উপবেশন করিলেন; একান্তে উপবেশন করিয়া অনাথপিণ্ড ভগবানকে কহিলেন :—“প্রভো! সেই ভগ্নকারী নিত্য সজ্জের নিকট অভিযোক্তা কৌশাম্বীবাসী ভিক্ষুগণ শ্রাবস্তীতে আসিতেছেন, অতএব আমি তাঁহাদের প্রতি কিরূপ ব্যবহার প্রদর্শন করিব?” “গৃহপতি! আপনি উভয়পক্ষকে দান করুন, উভয়পক্ষে দান দিয়া উভয়পক্ষের নিকট ধর্ম শ্রবণ করুন, উভয়পক্ষের নিকট ধর্ম শ্রবণ করিয়া তন্মধ্যে যেই ভিক্ষুগণ ধর্মবাদী তাঁহাদের দৃষ্টি, ক্ষান্তি, মত এবং দৃঢ় ধারণার অনুসরণ করুন।”

মৃগারমাতা বিশাখা শুনিতে পাইলেন : সেই ভগ্নকারী নিত্য সজ্জের নিকট অভিযোজা কৌশাম্বীবাসী ভিক্ষুগণ শ্রাবস্তীতে আসিতেছেন। অনন্তর মৃগারমাতা বিশাখা ভগবানের নিকট উপস্থিত হইলেন; উপস্থিত হইয়া ভগবানকে অভিবাদন করিয়া একান্তে উপবেশন করিলেন। একান্তে উপবেশন করিয়া মৃগারমাতা বিশাখা ভগবানকে কহিলেন :—“প্রভো! সেই ভগ্নকারী, কলহকারী, বিবাদকারী, বহু বৃথাবাক্যব্যয়ী এবং নিত্য সজ্জের নিকট অভিযোজা কৌশাম্বীবাসী ভিক্ষুগণ শ্রাবস্তীতে আসিতেছেন; অতএব আমি সেই ভিক্ষুগণের প্রতি কিরূপ ব্যবহার প্রদর্শন করিব?” “বিশাখে! তুমি উভয়পক্ষকে দান দাও, দান দিয়া উভয়পক্ষের নিকট ধর্মশ্রবণ কর, উভয়পক্ষের নিকট ধর্মশ্রবণ করিয়া তন্মধ্যে যেই ভিক্ষুগণ ধর্মবাদী তাঁহাদের দৃষ্টি, ক্ষান্তি, মত এবং দৃঢ় ধারণার অনুসরণ কর।”

অতঃপর কৌশাম্বীবাসী ভিক্ষুগণ ক্রমান্বয়ে বিচরণ করিতে করিতে শ্রাবস্তীতে উপস্থিত হইলেন। তখন আয়ুষ্মান শারীপুত্র ভগবানের নিকট উপস্থিত হইলেন; উপস্থিত হইয়া ভগবানকে অভিবাদন করিয়া একান্তে উপবেশন করিলেন; একান্তে উপবেশন করিয়া আয়ুষ্মান শারীপুত্র ভগবানকে কহিলেন :—“প্রভো! সেই ভগ্নকারী, কলহকারী, বিবাদকারী, বহুবৃথাবাক্যব্যয়ী এবং নিত্য সজ্জের নিকট অভিযোজা কৌশাম্বীবাসী ভিক্ষুগণ শ্রাবস্তীতে উপস্থিত হইয়াছেন, অতএব আমি তাঁহাদের শয়নাসন সম্বন্ধে কিরূপ ব্যবস্থা করিব?” “শারীপুত্র! তাহাদিগকে স্বতন্ত্র শয়নাসন প্রদান করা কর্তব্য।” “প্রভো! যদি স্বতন্ত্র শয়নাসনের অভাব হয় তবে কিরূপ ব্যবস্থা করিতে হইবে?” “শারীপুত্র! স্বতন্ত্র শয়নাসন প্রস্তুত করিয়া দিতে হইবে। শারীপুত্র! কোন অবস্থাতেই বৃদ্ধতম ভিক্ষুকে শয়নাসন ভ্রষ্ট করিতে পারিবে না; যে ভ্রষ্ট করিবে তাহার ‘দুষ্কট’ অপরাধ হইবে।” “প্রভো! আমিষ (ভোজনাদি) সম্বন্ধে কিরূপ ব্যবস্থা করিতে হইবে?” “শারীপুত্র! আমিষ (খাদ্যদ্রব্য) সকলকে সমভাবে প্রদান করিতে হইবে।”

সজ্জ-সম্মেলন

অতঃপর ধর্ম এবং বিনয় প্রত্যবেক্ষণ (পর্যালোচনা) করায় সেই উৎক্ষিপ্ত ভিক্ষুর মনে এই চিন্তা উদিত হইল : ‘ইহা অপরাধ, নিরপরাধ নহে; অপরাধ প্রাপ্ত হইয়াছি, অপরাধ নহে; আমি উৎক্ষিপ্ত হইয়াছি, অনুৎক্ষিপ্ত নহে; ধর্মসম্মত, ন্যায়সম্মত যথোচিত কর্মদ্বারা উৎক্ষিপ্ত হইয়াছি।’ এই ভাবিয়া সেই উৎক্ষিপ্ত ভিক্ষু উৎক্ষিপ্তানুবর্তী ভিক্ষুগণের নিকট উপস্থিত হইলেন; উপস্থিত হইয়া উৎক্ষিপ্তানুবর্তী ভিক্ষুগণকে কহিলেন :—“বন্ধুগণ! ইহা অপরাধ, নিরপরাধ নহে; আমি অপরাধ প্রাপ্ত হইয়াছি, অপরাধ নহে; আমি উৎক্ষিপ্ত হইয়াছি, অনুৎক্ষিপ্ত নহে; ধর্মসম্মত, ন্যায়সম্মত, যথোচিত কর্মদ্বারা উৎক্ষিপ্ত হইয়াছি; অতএব আয়ুষ্মানগণ আমাকে সজ্জ প্রবেশাধিকার প্রদান করুন।”

তখন সেই উৎক্ষিপ্তানুবর্তী ভিক্ষুগণ সেই উৎক্ষিপ্ত ভিক্ষুকে সঙ্গে করিয়া ভগবানের নিকট উপস্থিত হইলেন; উপস্থিত হইয়া ভগবানকে অভিবাদন করিয়া একান্তে উপবেশন করিলেন; একান্তে উপবেশন করিয়া সেই ভিক্ষুগণ ভগবানকে কহিলেন—“প্রভো! এই উৎক্ষিপ্ত ভিক্ষু বলিতেছেন, ‘বন্ধুগণ! ইহা অপরাধ, নিরপরাধ নহে; আমি অপরাধ প্রাপ্ত হইয়াছি, অপ্রাপ্ত নহে; আমি উৎক্ষিপ্ত হইয়াছি, অনুৎক্ষিপ্ত নহে; ধর্মসম্মত, ন্যায়সম্মত, যথোচিত কর্মদ্বারা উৎক্ষিপ্ত হইয়াছি; অতএব আয়ুত্মানগণ আমাকে সঙ্গে প্রবেশাধিকার প্রদান করুন।’ প্রভো! আমাদিগকে এই সম্বন্ধে কিরূপ ব্যবস্থা করিতে হইবে?”

“ভিক্ষুগণ! ইহা অপরাধ, নিরপরাধ নহে; এই ভিক্ষু অপরাধ প্রাপ্ত হইয়াছে, অপ্রাপ্ত নহে; এই ভিক্ষু উৎক্ষিপ্ত হইয়াছে, অনুৎক্ষিপ্ত নহে; ধর্মসম্মত, ন্যায়সম্মত, যথোচিত কর্মদ্বারা উৎক্ষিপ্ত হইয়াছে। যেহেতু সেই ভিক্ষু অপরাধও প্রাপ্ত হইয়াছে, উৎক্ষিপ্তও হইয়াছে, অপরাধ স্বীকারও করিতেছে সেইজন্য সেই ভিক্ষুকে সঙ্গে প্রবেশাধিকার প্রদান কর।”

অতঃপর সেই উৎক্ষিপ্তানুবর্তী ভিক্ষুগণ সেই উৎক্ষিপ্ত ভিক্ষুকে সঙ্গে প্রবেশাধিকার প্রদান করিয়া উৎক্ষেপক ভিক্ষুগণের নিকট উপস্থিত হইলেন; উপস্থিত হইয়া উৎক্ষেপক ভিক্ষুগণকে কহিলেন :—‘বন্ধুগণ! যেই বিষয় লইয়া সঙ্ঘের মধ্যে ভণ্ডন, কলহ, বিগ্রহ, বিবাদ, সঙ্ঘভেদ, সঙ্ঘরাজি, সঙ্ঘব্যবস্থান এবং সঙ্ঘপার্থক্য হইয়াছিল সেই বিষয়ে এই ভিক্ষু সত্যই অপরাধ প্রাপ্ত হইয়াছিলেন, সত্যই উৎক্ষিপ্ত হইয়াছিলেন, তিনি এখন সেই অপরাধ স্বীকার করিয়াছেন এবং সঙ্ঘ কর্তৃক তিনি সঙ্গে প্রবেশাধিকার লাভ করিয়াছেন। অতএব বন্ধুগণ! চলুন, আমরা সেই বিষয়ের মীমাংসার জন্য সঙ্ঘ-সামগ্ধী (সঙ্ঘ-সম্মেলন) করি।”

অনন্তর সেই উৎক্ষেপক (দণ্ডদাতা) ভিক্ষুগণ ভগবানের নিকট উপস্থিত হইলেন; উপস্থিত হইয়া ভগবানকে অভিবাদন করিয়া একান্তে উপবেশন করিলেন; একান্তে উপবেশন করিয়া সেই উৎক্ষেপক ভিক্ষুগণ ভগবানকে কহিলেন—

(১) সঙ্ঘ-সম্মেলন প্রণালী

প্রভো! সেই উৎক্ষিপ্তানুবর্তী ভিক্ষুগণ বলিয়াছেন : “বন্ধুগণ! যেই বিষয়ে সঙ্ঘের মধ্যে ভণ্ডন, কলহ, বিগ্রহ, বিবাদ, সঙ্ঘভেদ, সঙ্ঘরাজি, সঙ্ঘব্যবস্থান এবং সঙ্ঘপার্থক্য ঘটিয়াছিল, সেই ভিক্ষু যথার্থ অপরাধী হইয়াছিলেন, উৎক্ষিপ্ত হইয়াছিলেন, এখন অপরাধ স্বীকার করিয়াছেন এবং সঙ্গে প্রবেশাধিকার লাভ করিয়াছেন, আসুন, বন্ধুগণ! আমরা সেই বিষয়ের উপশমের জন্য ‘সঙ্ঘ-সামগ্ধী (সঙ্ঘ-সম্মেলন) করি। প্রভো! আমাদিগকে কিরূপ ব্যবস্থা অবলম্বন করিতে হইবে?” “হে ভিক্ষুগণ! যেহেতু সেই ভিক্ষু যথার্থ অপরাধ প্রাপ্ত হইয়াছিল, উৎক্ষিপ্ত হইয়াছিল, এখন অপরাধ স্বীকার করিতেছে এবং সঙ্গে প্রবেশাধিকার পাইয়াছে সেই হেতু হে ভিক্ষুগণ! সঙ্ঘ সেই বিষয়ের উপশমের জন্য সঙ্ঘ-সম্মেলন করুক।”

হে ভিক্ষুগণ! এরূপে করিতে হইবে : রোগী বা নিরোগী সকলকেই একস্থানে সমবেত হইতে হইবে, কেহই ছন্দ (মত) প্রেরণ করিতে পারিবে না; সমবেত হইয়া দক্ষ এবং সমর্থ ভিক্ষু সঙ্ঘকে এইরূপ প্রস্তাব জ্ঞাপন করিবে :—

জ্ঞপ্তি :—“মাননীয় সঙ্ঘ! আমার প্রস্তাব শ্রবণ করুন। যেই কারণে সঙ্ঘের মধ্যে ভগ্ন, কলহ, বিগ্রহ, বিবাদ উপস্থিত হইয়াছিল, সেই বিষয়ে এই ভিক্ষু অপরাধী এবং উৎক্ষিপ্ত, হইয়াছিলেন, তিনি এখন সেই অপরাধ স্বীকার করিতেছেন এবং তিনি সঙ্ঘ কর্তৃক সঙ্ঘে প্রবেশাধিকার লাভ করিয়াছেন। যদি সঙ্ঘ উচিৎ মনে করেন তাহা হইলে সঙ্ঘ সেই বিষয়ের উপশমের জন্য সঙ্ঘ-সম্মেলন করিতে পারেন।—ইহাই জ্ঞপ্তি।”

অনুশ্রাবণ—“মাননীয় সঙ্ঘ! আমার প্রস্তাব শ্রবণ করুন। যেই কারণে সঙ্ঘের মধ্যে ভগ্ন, উপস্থিত হইয়াছিল, সেই ভিক্ষু যথার্থ অপরাধী হইয়াছিলেন, উৎক্ষিপ্ত হইয়াছিলেন, এখন অপরাধ স্বীকার করিতেছেন এবং সঙ্ঘে প্রবেশাধিকার পাইয়াছেন। সঙ্ঘ সেই বিষয়ের মীমাংসার জন্য সঙ্ঘ-সম্মেলন করিতেছেন। যেই আয়ুত্মান সেই বিষয়ের উপশমের জন্য সঙ্ঘ-সম্মেলন করা উচিৎ মনে করেন, তিনি মৌন থাকিবেন এবং যিনি উচিৎ মনে না করেন, তিনি তাঁহার বক্তব্য ভাষায় প্রকাশ করিবেন।”

ধারণা—“সঙ্ঘ সেই বিষয়ের উপশমের জন্য সঙ্ঘ-সম্মেলন করিলেন। এখন সঙ্ঘভেদ নিহত (বদ্ধ) হইল, সঙ্ঘরাজি, সঙ্ঘব্যবস্থান এবং সঙ্ঘপার্থক্য বদ্ধ হইল। সঙ্ঘ এই প্রস্তাব উচিৎ মনে করিয়া মৌন রহিয়াছেন,—আমি এইরূপ ধারণা করিতেছি।”

(২) ন্যায়বিরুদ্ধ সঙ্ঘ-সম্মেলন

তখনই উপোষথ করিতে হইবে, প্রাতিমোক্ষ আবৃত্তি করিতে হইবে।

আয়ুত্মান উপালি ভগবানের নিকট উপস্থিত হইলেন। উপস্থিত হইয়া ভগবানকে অভিবাদন করিয়া একান্তে উপবেশন করিলেন। একান্তে উপবেশন করিয়া আয়ুত্মান উপালি ভগবানকে কহিলেন :—“প্রভো! যেই বিষয়ের জন্য সঙ্ঘের মধ্যে ভগ্ন, কলহ, বিগ্রহ, বিবাদ, সঙ্ঘভেদ, সঙ্ঘরাজি, সঙ্ঘব্যবস্থান এবং সঙ্ঘপার্থক্য হয় যদি সঙ্ঘ সেই বিষয়ের মীমাংসা না করিয়া, মূল নির্ণয় না করিয়া সঙ্ঘ-সম্মেলন করেন তাহা হইলে সেই সঙ্ঘ-সম্মেলন কি ধর্মসম্মত হইবে?”

“হে উপালি! যেই বিষয়ের জন্য সঙ্ঘের মধ্যে ভগ্ন, কলহ, বিগ্রহ হয় যদি সঙ্ঘ সেই বিষয়ের মীমাংসা না করিয়া, মূল নির্ণয় না করিয়া সঙ্ঘ-সম্মেলন করে, তাহা হইলে সেই সঙ্ঘ-সম্মেলন ধর্মবিরুদ্ধ হইবে।”

(৩) নিয়মানুগ সঙ্ঘ-সম্মেলন

“প্রভো! যেই বিষয়ের জন্য সঙ্ঘের মধ্যে ভগ্ন, কলহ, হয় যদি সঙ্ঘ সেই বিষয় মীমাংসা করিয়া, মূল, নির্ণয় করিয়া সঙ্ঘ-সম্মেলন করে তাহা হইলে সেই সঙ্ঘ-সম্মেলন কি ধর্মসম্মত হইবে?”

“হে উপালি! যেই বিষয়ে সঙ্ঘ মধ্যে ভগ্ন, হয় যদি সঙ্ঘ সেই বিষয়ের মীমাংসা করিয়া, মূল নির্ণয় করিয়া সঙ্ঘ-সম্মেলন করে তাহা হইলে সেই সঙ্ঘ-সম্মেলন ধর্মসম্মত হইবে।”

(৪) দ্বিবিধ সঙ্ঘ-সম্মেলন

“প্রভো! সঙ্ঘ-সম্মেলন কয়প্রকার?” “উপালি! সঙ্ঘ-সম্মেলন দুই প্রকার। যথা :—(১) উপালি! এমন সঙ্ঘ-সম্মেলন আছে : যাহা অর্থহীন কিন্তু ব্যঞ্জনসম্পন্ন; (২) আর একপ্রকার সঙ্ঘ-সম্মেলন আছে : যাহা অর্থ এবং ব্যঞ্জনসম্পন্ন। উপালি! কোন্ সঙ্ঘ-সম্মেলন অর্থরহিত কিন্তু ব্যঞ্জনসম্পন্ন? উপালি! যেই বিষয়ের জন্য সঙ্ঘমধ্যে ভগ্ন, হয় সঙ্ঘ সেই বিষয় নির্ণয় না করিয়া, মূল বিষয়ের মীমাংসা না করিয়া যদি সঙ্ঘ-সম্মেলন করে তাহা হইলে তাহা অর্থরহিত কিন্তু ব্যঞ্জনসম্পন্ন হইবে। উপালি! কোন্ সঙ্ঘ-সম্মেলন অর্থ এবং ব্যঞ্জনসম্পন্ন? উপালি! যেই বিষয়ের জন্য সঙ্ঘমধ্যে ভগ্ন, কলহ, বিগ্রহ, বিবাদ, সঙ্ঘভেদ, সঙ্ঘরাজি, সঙ্ঘব্যবস্থান এবং সঙ্ঘপার্থক্য হয় সঙ্ঘ সেই বিষয়ের মীমাংসা করিয়া, মূল নির্ণয় করিয়া যেই সঙ্ঘ-সম্মেলন করে সেই সঙ্ঘ-সম্মেলন অর্থ এবং ব্যঞ্জনসম্পন্ন হয়। উপালি! সঙ্ঘ-সম্মেলন এই দুইপ্রকার।”

উপযুক্ত বিনয়ধরের প্রশংসা

আয়ুস্মান উপালি আসন হইতে উঠিয়া, উত্তরাসঙ্গ দ্বারা দেহের একাংশ আবৃত করিয়া, কৃতাজ্জলি হইয়া ভগবানকে কহিলেন—

সঙ্ঘকৃত্য, সঙ্ঘকর্ম্মে কিংবা মন্ত্রণায়
অর্থজাতে বিচারেতে বিচার সভায়
মহা উপকারী হেথা হয় কোন্‌জন
কিরূপে বা ভিক্ষু হয় প্রশংসা-ভাজন?
প্রথম শীলের গুণে নির্দোষ যে জন
অগুপ্ত সন্দেহযুক্ত নহে আচরণ,
সুসংবৃত সুসংযত ইন্দ্রিয় যাহার
শত্রুও ধর্ম্মত নিন্দা নাহি করে তার।

নাহিক তাহাতে জান হেন কোন দোষ
 যাহার কারণ তারে দিবে অপদোষ ।
 শীল-বিশুদ্ধিতে স্থিত হয় সেই জন,
 বিশারদ করে উক্তি জিনি সর্বজন ।
 অন্তর্ভুক্ত পরিষদে কাঁপে না সে ডরে,
 যুক্তিযুক্ত বলে বাক্য, নীতি নাহি ছাড়ে ।
 পরিষদে যদি প্রশ্ন জিজ্ঞাসিত হয়
 অধোমুখ কিংবা মঙ্কু^১ কভু নাহি হয় ।
 কাল-উপযোগী বাক্যে করি' সদুত্তর
 বিচক্ষণ তোষে বিভ্রাজনে নিরন্তর ।
 বয়োবৃদ্ধ ভিক্ষু আর আচার্য্যের প্রতি
 সর্গোরবে বিশারদ ভক্তিমান অতি ।
 বিচারেতে দক্ষ আর কথায় নিপুণ,
 বিপক্ষ-বিরুদ্ধে যুক্তি দিতে বিচক্ষণ,
 বিপক্ষ যাহাতে নিজ মানে পরাজয়,
 উপস্থিত জনে তত্ত্ব উপলব্ধি হয় ।
 স্বীয় আচার্য্যের মত করিয়া গ্রহণ
 সহজে ঐক্যবশে করে না বর্জন ।
 যখন যে প্রশ্ন উঠে করে সে উত্তর,
 প্রসঙ্গ অক্ষুণ্ণ রাখি দেয় সদুত্তর ।
 সংবাদ-বহন যদি হয় প্রয়োজন
 আঙা-বহুরূপে আঙা করে সে পালন ।
 যদি থাকে সঙ্কটত্যাগ হেন কোন কাজ
 মহানন্দে নেয় ভার, নাহি মনে লাজ ।
 পালন করে সে বাক্য আদেশ যেমন,
 সঙ্কটের আদেশ সে ত করে না লঙ্ঘন ।
 যদি সঙ্কট কোন কাজে করয়ে প্রেরণ
 'আমি করিতেছি' মান করে না তখন ।
 যে যে বস্তুবশে ভিক্ষু অপরাধী হয়,
 যে যে ভাবে অপরাধ হ'তে মুক্ত হয়,

^১। মৌন, বোকা ।

আপত্তি^১ ও অব্যাহতি দুইটি বিষয়,
 ব্যাখ্যাত বিভঙ্গদ্বয়ে^২ জানিও নিশ্চয় ।
 উভয়ের ব্যাখ্যা যথা বিভঙ্গে আগত,
 আপত্তি^৩ ও অব্যাহতি জানে সেই মত ।
 দণ্ডলভে যদি কোন হয় অনাচার,
 অপরাধে দণ্ড হ'তে নাহি পায় পার ।
 যথাবস্তু^৪ অপরাধী দণ্ডপ্রাপ্ত হয়,
 দণ্ড মানি পুনরায় দণ্ডমুক্ত হয় ।
 জানে ইহা বিচক্ষণ বিভঙ্গ-কেবিদ,
 বিনীত সুধীর প্রাজ্ঞ বিনয়ে পণ্ডিত ।
 বয়োবৃদ্ধ ভিক্ষু যত তাঁহাদের প্রতি,
 নবীন মধ্যম 'থের' সকলের প্রতি,
 সর্গোরবে যেইজন ভক্তিমান অতি,
 জগজনহিতে রত^৫ পণ্ডিত সুজন,
 তাদৃশ ভিক্ষুই হেথা প্রশংসা-ভাজন ।

॥ কোশাঘ্নী স্কন্ধ সমাপ্ত ॥

॥ মহাবর্গ সমাপ্ত ॥

১। অপরাধ প্রাপ্তি;

২। ভিক্ষু ও ভিক্ষুণী বিভঙ্গে;

৩। অপরাধ প্রাপ্ত হওয়া;

৪। বিনয় বিধান অনুযায়ী;

৫। যে সকলের হিতসাধন করে ।

মহাবর্গ নাম-সূচী

অ

অঙ্গিরা	৩১০		অঙ্গুলিমাল	৭৭
অঙ্গুত্তরাপ	৩০৮		অচিরবতী	২৩৮, ৩৬৮
অজাতশত্রু	১১৪, ২৮৮		অনাথপিণ্ডিদ	৪৫৬
অনুরূপ	৪৫১, ৪৫২, ৪৫৫		অক্ষবিন্দ	৩৬৮
অক্ষবন	৩৭৪		অবন্তী	২৪৩, ২৪৪, ২৪৫, ২৪৭, ২৪৮
অভয়	৩৪৩		অরিন্দম রাজা	৪৫০
অরিষ্ট	২১৭		অষ্টক	৩১০

আ

আকাশগোত্র	২৭৫		আতুমা	৩১৪, ৩১৫
আনন্দ	৮১, ১০১, ২৪৬, ৩৪৮, ৩৭০, ৪৫৫		আপণ	৩১০
আম্রপালী	২৯২—২৯৪, ৩৩৮		আরামিকথাম	২৬৬
আরাঢ়কালাম	৮		আর্য্যাবর্ত	২৯০

উ

উৎকল	৫		উত্তরকুরু	২৯
উদায়ি	১২৮		উদেন	১৭৪
উজ্জয়িনী	৩৪৬		উপক	৯, ১০
উপতিষ্য	৪৩		উপনন্দ	৯১, ১৯১, ২৭৩, ৩৭৭, ৩৭৮
উপসেন	৬০, ৬১		উপালি	৮০, ৯২, ৯৪, ৪০৮— ৪১২, ৪৫৫, ৪৫৯, ৪৬০
উরুবলকাশ্যপ	২৬, ২৭, ২৮, ২৯, ৩০, ৩১, ৩৪, ৩৭		উরুবেলা	১, ২৪, ২৬
উশীরধ্বজ	২৪৮			

ঋ

ঋষিপত্তন মৃগদার	৯, ১০, ১৩, ১৬, ১৭, ২৩৬, ২৭৬		ঋষিদাস	৩৭৬
ঋষিভদ্র	৩৭৬			

মহাবর্গ নাম-সূচী

ক

কঙ্জারেবত	২৬৮		কজঙ্গল	২৪৮
কণ্টক	৮২, ৯১		কণ্টকী	৮২, ৯১
কপিলাবাস্ত	৮৭	কলন্তক নিবাপে	১৭২, ২৬৯, ২৭১, ২৭৫, ২৮৭	
কাশী	২৭১, ৩৯০, ৩৯১		কাশীরাজা	৩৫২
কাশ্যপ	৩১০		কাশ্যপগোত্র	৩৯০, ৩৯১, ৩৯৩
কিম্বিল	৪৫১, ৪৫২		কুক্কুটারাম	৩৭৭
কুমারকাশ্যপ	১০২		কুররঘর	২৪৩
কুশীনগর	৩১২		কেণিয় জটিল	৩১০, ৩১১
কূটাগারশালা	২৯৪		কূটাগার	৩৩৮
কোটিগ্রাম	২৯২		কোলিত	৪৩
কোশল জনপদ	২৩৯		কোশলরাজ	১৯১
কৌণ্ডিন্য	১৪		কৌমারভৃত্য	৭৪, ৭৫, ৩৩৯, ৩৪০
কৌশাম্বী	৪৩৫			

গ

গবম্পতি	২০		গয়াকাশ্যপ	২৬, ৩৫
গয়া	৯		গয়াশীর্ষ	৩৫, ৩৬
গর্গ	১৩৭, ১৩৮		গর্গরা	৩৯০
গিঞ্জক আবাসথ	২৯৪		গিরিব্রজ	৪৪
গৃধ্রকূট	১১০, ২২৩, ২২৪, ২২৬, ২২৭		গোপক	৩৭৭
গৌতমদ্বার	২৯১		গৌতমতীর্থ	২৯১
গৌতমক চৈত্য	৩৬২		গৌতমী	৪৫৬

চ

চম্পা	২২৩, ৩৯০, ৩৯১, ৩৯৩		চোদনাবাস্ত	১২৯
-------	--------------------	--	------------	-----

জ

জম্বুদীপ	৩১	জীবক	৩৩৮, ৩৩৯, ৩৪০, ৩৪১, ৩৪২, ৩৪৩, ৩৪৪, ৩৪৫, ৩৪৬, ৩৪৭, ৩৪৮, ৩৪৯, ৩৫০, ৩৫২
----------	----	------	--

ত— থ

তক্ষশিলায়	৩৪০		ত্রপুষ	৫
ত্রয়স্রিংশ	২৯০, ২৯৩		থুন	২৪৮

মহাবর্গ নাম-সূচী

দ

দক্ষিণাগিরি	৮৩, ৩৬১		দীর্ঘায়ুকুমার	৪৪৩—৪৪৮
দীঘীতি	৪৪২, ৪৪৩, ৪৪৪			

ন

নদীকাশ্যপ	২৬, ৩৪		নন্দ	৮৮
নন্দিয়	৪৫১, ৪৫২		নাগরাজ সুস্পর্শ	২৭৯, ২৮০
নাদিকা	২৯৪		নীলবাসী	৩৭৭
নৈরঞ্জনা	১		ন্যগ্রোধারাম	৮৭

প

পঞ্চবর্গীয়	৯, ১০, ১১, ১৩, ১৫		পাটলিপুত্র	২৯০, ৩৭৭
পাঠেয়	৩১৮		পাণ্ডুক	৯৯
পারিলেয়্যক	৪৫২, ৪৫৩		পিলিন্দবৎস	২৬৪—২৬৭
পিলিন্দবৎসগ্রাম	২৬৬		পুনর্বসু	৯৯
পূর্ণজিৎ	২০		প্রদ্যোত	৩৪৬, ৩৪৭
প্রসেনজিৎ	১৯১		প্রাচীনবংশদাব	৪৫১

ব

বঙ্গান্তপুত্র	৬০, ৬১		বজ্রাসন	৫
বর্ষকার	২৮৯, ২৯০, ২৯১		বরিষ্ঠকাত্যায়ন	২৮৫, ২৮৬, ২৮৭
বরিষ্ঠশীর্ষ	২৫৪, ৩৭১		বশিষ্ঠ	৩১০
বামক	৩১০		বামদেব	৩১০
বারাণসী	৯, ১০, ২৩৬, ২৭৬, ৩৬৪, ৪৪২		বালকলোণকার গ্রাম	৪৫০
বাসভগ্রাম	৩৯০, ৩৯১		বাস্প	১৪
বিমল	২০		বিম্বিসার	৩৬, ৩৮, ৩৯, ৭৪, ৭৫, ৭৬, ১১০, ২২৩, ২৬৪—২৬৭, ৩০৪, ৩৪৩, ৩৪, ৩৪৬, ৩৪৮
বিশাখা	১৯০, ১৯১, ৩৬৫, ৩৬৬, ৩৬৭, ৩৭১, ৪৫৭		বিশ্বামিত্র	৩১০
বুদ্ধঘোষ	২২৫		বৈশালী	২৯৩, ২৯৪, ২৯৫, ৩০৬, ৩০৮, ২৬২
বোধিবৃক্ষ	১, ৫		ব্রহ্মদত্ত	৪৪২—৪৪৮

ভ

ভদ্রবতিকা	৩৪৭, ৩৪৮		ভদ্রিকা	২৩৭, ২৩৮, ৩০৪, ৩০৫, ৩০৬
ভদ্রিয়	১৪		ভরদ্বাজ	৩১০

মহাবর্গ নাম-সূচী

ভল্লিক	৫		ভৃগু	৩১০, ৩৭৭, ৪৫০
ভৌম্যজক	৯৯			

ম

মগধ	৭		মগধরাজ	২৬৪, ২৬৫, ২৬৬, ২৬৭
মন্দাকিনী	২৭৪		মর্দকুক্ষি মৃগদাব	১১৪
মহক	৮২		মহাকপ্লিন	১১৪, ৪৫৫
মহানাম	১৪		মহাকাভ্যায়ন	২৪৩, ২৪৪, ২৪৫, ২৪৭, ২৫৫, ৪৫৫
মহাকাশ্যপ	১০১, ১১৯, ৪৫৫		মহাজনক রাজা	৪৫০
মহাচন্দ	৪৫৫		মহাকোষ্ঠিত	৪৫৫
মাতৃপোষক	৪৫০		মুচলিন্দ	৪, ৫
মৃগারমাতা	১৯০, ১৯১, ৪৫৭		মেগুক গৃহপতি	৩০৪—৩০৯
মৈত্রেয়	৯৯		মৌদাল্যায়ন	৪০—৪৪, ২৭৪, ৪৫৫

য

যমদগ্নি	৩১০		যশ	১৬, ১৮—২১
যষ্ঠিবনোদ্যান	৩৬		যসোজ	৩০৩
যোনক	২৩১			

র

রাজগৃহ	২২৩, ২৩৬, ২৬৮, ২৭৫, ২৮৫, ৩৩৮, ৩৪১, ৩৪২, ৩৪৮, ৩৬১, ৩৬২		রাজায়তন	৪
রাধ	৫৫		রাপ্তি	২৩৮
রাহুল	৮৭, ৮৮, ৪৫৫, ৪৫৬		রাহুলের মাতৃদেবী	৮৭
রত্নক রামপুত্র	৯		রেবত	৩৮৭, ৪৫৫
রোজমল্ল	৩১২, ৩১৩, ৩১৪, ৩৭২			

ল

লিচ্ছবি	২৯৩, ২৯৪		লোহিতক	৯৯
---------	----------	--	--------	----

শ

শাক্যজাতীয়	৭৪		শারীপুত্র	৪০—৪৪, ৫৬, ২৭৪, ৩৬৪, ৪৫৪, ৪৫৫, ৪৫৭
শালবতী	৩৩৯		শিবি	৩৪৮
শুদ্ধোদন	৮৭, ৮৮		শোণ কোটিবিশ	২২৩, ২২৫, ২৩০

মহাবর্গ নাম-সূচী

শোণ কটিকর্ণ	২৪৩, ২৪৪		শ্রাবস্তী	৮৮, ৯৪, ৯৫, ১৭৪, ১৯৮, ১৯৯, ২৩৮, ২৩৯, ২৪৬, ২৫০, ২৬৮, ২৭৩, ৩১৬, ৩১৮, ৩৬৫, ৩৬৯, ৩৭৫
শ্বেতকর্ণিক	২৪৮			

ষ

ষড়বর্গীয়	৯০, ৯১, ১২২, ১২৪—১২৮, ১৪১, ১৪২, ১৭৩, ১৭৪, ২০১, ২৩০—২৩৩, ২৩৫, ২৩৬, ২৩৯, ২৪০, ২৪১, ২৪৩, ২৫৬—২৫৯, ২৭৬, ৩৫৬, ৩৬০, ৩৬৩, ৩৮৪, ৩৯৬
------------	---

স

সঙ্কয় পরিব্রাজক	৪০, ৪৩		সপ্তদশবর্গীয়	৮০
সর্বস্তুতিবাদ	১		সলরবতী নদী	২৪৮
সহস্রপতি	৬, ৭, ৮, ২৮		সাকৈত	৯৪, ৯৫, ৩৪১
ফলিকস্যান্দন	৩৭৭		সাম্বিঃ	৩৫৯
সাগবাসী	৩৭৭		স্বাগত	২২৪
সীতবন	২২৬		সুনীধ	২৮৯, ২৯০, ২৯১
সুপ্রিয়	২৭৬, ২৭৭, ২৭৮		সুপ্রিয়া	২৭৬—২৭৮, ২৮১
সুবাহু	২০		সেনানীগ্রাম	২১

হ

হাথিগুফা অনুশাসন	৮০		‘হুহু’ জাতীয়	৩
------------------	----	--	---------------	---

মহাবর্গ শব্দ-সূচী

অ

অংশুমালী	৩		‘অকল্প’	৩২১
অক্ৰিয়াবাদী	৩০৭		অগ্নির ভয়	১২৪
অগ্নিহোত্র	৩১২		অগ্নিহোত্রী জটিল	৭৩
অঙ্গবিদ্যা	৪১৮		অঙ্গুলিচ্ছিন্ন	৪০৫
অঙ্গুষ্ঠচ্ছিন্ন	৪০৫		অজপাল	৩, ৫
অজরে	৭		অজাতে	৭
অজিনপ্রবেণী	২৪০		অঞ্জনদানি	২৫৫, ২৫৬
অঞ্জনশলাকা	২৫৫, ২৫৬		অডুচযোগ	১৭৫, ১৭৬, ১৭৭
অতিদৃষ্টি	৬৮, ৮৪, ৮৬		অতিবিষ	২৫২
অধিশীল	৬৮, ৮৪, ৮৬		অধিষ্ঠান	১৪০, ২০৬
অধিআচার	৬৮, ৮৪, ৮৬		অধিপ্রজ্ঞা	২৩৭
অধিচিন্ত	২৭৩		অনন্তজিন	১০
অনবতন্ত হ্রদে	২৯		অনভিরতির	১৭৮
অনাগামী	৩৬৮		অনাবাসে	১৬৮, ১৬৯, ১৭০
অনিত্য	১৫		অনিয়ত	১২৪
অনুবোধ	২৯২		অনেজ	২২৯
অন্যতীর্থিক	১৭২, ১৭৩, ১৯০, ২৯৯		অন্তরাষ্টকে	৩৩
অন্তর্বিবাদ	২৯০		অন্তর্কর্ত্তী	৪৪২, ৪৪৩
‘অন্তঅষ্টকায়’	৩৬৩		অন্তগ্রাহীদৃষ্টি	২১৩
অন্তগ্রহি	৩৪৬		অন্ধবধির	৪০৫
অন্ধমূকবধির	৪০৫		অন্ধ	৪০৫
অন্ধমূক	৪০৫		অপস্মার	৭৪, ১০২, ১০৪, ১০৫
অপগর্ভ	২৯৬, ২৯৮		অপব্যবহার	৩৭৪
অবাধতা	২২৮		অব্রক্ষচর্য্য	১৮০
অভিসমাচার	৬৯		অভিসারে	৩৩৮, ৩৩৯
অমনুষ্যের উপদ্রব	১২৪		অমূঢ়বিনয়	৪০৯—৪১৩
অমোহ	২২৮		অর্কনাল	৩৮৪
অর্গল	৩৭৫		অর্হৎহতা	১৩৬, ১৭০, ২০৪, ৩৮৫, ৪০১, ৪০৪
অর্দ্ধযোগ	১০৬		অর্থবোধ	৩৪০
অর্দ্ধকুশী	৩৬১		অর্দ্ধমণ্ডল	৩৬১

মহাবর্ণ শব্দ-সূচী

অইদ্রফল	৩৬৮		অরণ্যবাসী	৩১৮
অরণালোক	৩৬২		অল্পপ্রাণরহিত	২৮৬
অশীতি শকট বাহ	২৩০		অশুচিপাত	৩৬৯, ৩৭০
অষ্টকবর্গ	২৪৬		অষ্টপাদ	৩৭৩
অসমাপনস্তিকা	৩২২		অস্তম্বিত	৪৬১
অস্ত্রচালনা	২৭৬		অস্ত্রোপচার	২৭৫, ২৭৬
অস্মিতার	৪		‘অহত’	৩২১
অহিবাত রোগ	৮২		অহি-মাংস	২৭৯, ২৮০

আ

আইল	৩৬১		আগমজ্ঞ	১৪৩, ১৪৪, ৪৩৫, ৪৩৬
আঙ্গুর	৩১১		আচমনপাদুকা	২৩৮
আচারসম্বন্ধীয় অপরাধ	২১২, ২১৩		আজীবক	৩৬৬, ৩৬৭
আড়ক	৩০৪, ৩০৫		আত্যাযোগ	১১৭, ৩০২, ৩৫৫
আত্মশ্লাঘা	২৩০		আত্মা	১৫
আদিব্রহ্মচর্য্য	৬৯		আবসথাগার	২৮৮
‘আবাপক’	৩১৫		আবাস-প্রতিবন্ধক	৩৩৬
আশ্র	৩১১		আমলকী	২৫৩, ৩৪৮
‘আমিষক্ষার’	২৬৩		আর্দ্রক	২৫২
আর্দ্রদেহে	৩৬৬		আর্য্যজ্ঞান দর্শন	১১
আরামিক	২৬৫, ২৬৬, ২৬৭		আশঙ্কিত	২০১
আশাবচ্ছেদিক	৩২২, ৩২৭, ৩৩১		‘আসন্দী’	২৪০
আশ্রাব	২৫৪		‘আহ্বান’	১৭৯, ৪০৯, ৪১০, ৪১১—৪১৩

ই—ঈ

ইক্ষুর রস	৩১১		ইন্দ্রিয়-ভাবনা	৩৬৯
ঈষাদন্ত	৪৫৩			

উ

উচ্ছিষ্টভোজী	২৭১, ২৮১, ২৮৬		উচ্ছেদবাদী	২৯৬, ২৯৭
উজ্জ্বলিত	৩০১		উড়ুপ	২৯১
উৎক্ষিপ্ত	১০৮, ১০৯, ১৩৫, ২০৩, ৩৯১—৩৯৫, ৪০৫—৪০৭		‘উত্তরালুম্প’	৩৫৯
উত্তরাসঙ্গ	৩৬২—৩৬৫, ৩৭৪, ৩৭৫		উদক-নিমিত্ত	১১৫

মহাবর্গ শব্দ-সূচী

‘উদক-কোষ্ঠক’	২৬১	‘উদক উক্খপ’ সীমা	১২২
উদরাময় রোগ	৩৭৯	‘উদ্দলোমি’	২৪০
উদ্ভিষ্টভোজন	১০৬	‘উদ্দোসিত’	১৭৬, ১৭৭
উদ্যানবাটিকা	১৭৫	উপবসথ	৯৪
উপসম্পদা	১৮০, ১৮১	উপস্থানশালা	১৪০
উপস্থায়ক	২৪৩	উপাধান	২৪০, ২৪১
উপাসিকা	১৭৫, ১৮২	উপাসক	১৭৫, ১৮৩
উপাদানক্ষয়	২২৮	উপোষথ	১১০, ১১২—১৯৭
উপোষথাগার	১১৭, ১১৮, ১৩২	উভয়লক্ষণবিশিষ্ট	১৩৬, ১৭১, ২০৪
‘উল্লিখিত’	৩২০	উলূকের পাখা	৩৮৩
উশীর	২৫২	‘উস্সাবনন্তিক’	৩০৩
উষক্ষীরধারা	৩০৮, ৩০৯	উষগীষ	৩৮৪, ৩৮৫

উ— ঋ

উরু-মাংস	২৭৭		
ঋণগ্রাহী	৭৮	ঋতুমতী	৩৪৩
ঋদ্ধিপ্রতিহার্য	২২৪	ঋদ্ধিমায়া	১৭, ১৮
ঋদ্ধিশক্তি	২৬৬, ২৬৭		

এ

একবাক্যে প্রবারণা	২০৮, ২১১	‘একন্তলোমি’	২৪০
একশয্যা	২৪৪	একাহার	২৪৪
একেন্দ্রিয়বিশিষ্ট জীব	১৭২, ১৭৩, ২৩৬	‘এরঙ’	২৪৫, ২৪৭, ২৪৮

ঐ— ও —ঔ

ঐহিক	২২৩	‘ওবটিক’	৩২০
ঔদ্ধত্য	২২৭		

ক

কঙ্কাল	২৫৫	কধুগক	৩৮৪, ৩৮৫
‘কট্রিস্’	২৪০, ২৪১	কটুকরোহিণি	২৫২
কণ্ঠচ্ছিন্ন	৪০৫	কণ্ঠস্বর	১২৮
‘কণ্ঠস’	৩২০	কদলীমৃগ	২৪০
কপ্লিয়কারক	২৬৩, ২৭১, ২৭৫	কপ্লিয়ভূমি	৩০২, ৩০৩

মহাবর্ণ শব্দ-সূচী

কমল-পাদুকা	২৩৮	কমল-পাদুকা	২৩৮
কমল	৫৯	‘কমলমদন’	৩২০
কর্মকারক	২৭১, ২৭৫, ২৭৬	কর্মবাদী	৭৩
কর্ণাচ্ছিন্ন	৪০৪	কর্ণনাসিকাচ্ছিন্ন	৪০৫
কশাহত	৭৮, ৯৮	কষায়জল	২৬১
কষাটে	৩৪৬, ৩৪৭	কসাইখানা	২২৬
কানা	৪০৫	কাংস্য-পাদুকা	২৩৮
কামতৃষ্ণা	১২	কামাসক্ত	৩৭০
কায়বিভেগ্য স্পর্শ	২২৯	কায়দাহরোগ	২৭৪
কার্পাস	৩৫২	কার্পাসবস্ত্র	৫৯, ১০৬
কার্পাসপত্র	২৫৩	কার্ষাপণ দণ্ড	৩১২
কাষ্ঠতুম্ব	২৬০	কাঁচামাংস	২৫৫
কাঁচেরপাদুকা	২৩৮	কিলাস	৭৪
কুকুরের মাংস	২৭৯	‘কুঙ্ক’	৩২০, ৩২১
‘কুণ্ডক’	২৪০, ২৪১	কুমারীগোচর	৭৩
কুশ্ণকারগৃহে	৪৪২, ৪৪৩	কুশচীর	৩৮৩
কুশপাত	৩৭৬	কুষ্ঠ	৭৪, ১০২, ১০৪, ১০৫
কৃষ্ণপক্ষে	২১৯	কৃষ্ণাঞ্জন	২৫৫
কেশকমল	৩৮৩	‘কোজব’	৩৫১
কোলম্ব	২৬৭, ২৭২, ২৮৬	কৌশেয়	২৪০
কৌষেয়বস্ত্র	৫৯	কৌসীদ্য	২২৭
ক্রিয়াবাদী	৭৩, ২৯৫—২৯৭, ৩০৬	ক্ষত্রিয়-পরিষদ	২৮৯
ক্ষয়রোগ	৭৪, ১০৪, ১০৫	ক্ষয়রোগী	১০২
ক্ষীণাত্রব	২২৮	ক্ষীর	৩০৯
ক্ষীরোদক	৪৫১, ৪৫২	ক্ষুরভাণ্ড	৩১৫
ক্ষৌম	৩৫২	ক্ষৌমবস্ত্র	৫৯, ১০৬
ক্ষৌরকার	৪৪৩		

খ

খঞ্জ	৪০৫	খড়ম	২৩৫
খনিত্র	৩৪০	খল	২৫২
খারিভার	৩৪, ৩৫	খাঁড়	২৫০, ২৫১, ২৬৭, ২৬৮
খোশামোদ	৪১৮	খোস	২৫৪

মহাবর্গ শব্দ-সূচী

গ

গঙ্গার মহাক্রীড়া	২৩৯	গরুড়াকৃতি গৃহ	১৭৫
গণভোজন	৩১৯	গণনা	৬১, ৮০
গণপূরক	১৭৯, ১৮১	গণিকাবৃত্তিতে নিয়োগ	৩৩৮, ৩৩৯
গণ্ড	৭৪, ১০২, ১০৪, ১০৫, ২৬১	গণ্ডুষমাত্র	৩৪২
গন্ধকের প্রলেপ	২৬৪	গর্দভের চর্বি	২৫২
গর্ভপাত	১০৭	গর্ভবাস	২৯৯
গলগণ্ডী	৪০৫	‘গহপতিক’	৩০৩
গাভীশকটে	২৩৯	গিরিমল্লিকার কষায়	২৫৩
গিরিমল্লিকাপত্র	২৫৩	গুপ্ত	২৪৫
গুপ্তস্থানের তুক	২৭৫	গুহা	৫৯, ১০৬
গৃহপতি- পরিষদ	২৮৯	গেরিমাটি	২৫৫
গোচর্ম্ম	২৪১, ২৪২	‘গোণক’	২৪০, ২৪১
‘গোণিসাদিক’	৩০৩	গোময়	২৫৪, ৩৫৮
গোমূত্র	৫৯	গোষ্ঠফল	২৫৩
গোসাপের মুখের সদৃশ	২৭৫	গ্রামিক	২২৪, ২২৫
গ্রাম্যকদলী	৩১১	গ্রীবেয়	৩৬১

ঘ

ঘরণী	৩৪২	ঘ্রাণবিজ্ঞেয় গন্ধ	২২৯
------	-----	--------------------	-----

চ—ছ

চক্ষুরোগ	২৫৫	চক্ষুবিজ্ঞেয় রূপ	২২৯
চতুর্দশী	২০২, ২১০, ২১৮	চতুর্দীপ প্রসারী	৩৬৫
চন্দন	২৫৫	চতুরঙ্গিনী সৈন্য	৪৪২
চতুর্ভঙ্গ	৪০০	চর্বি	২৫০, ২৫১, ২৬৭, ২৬৮, ৩০৯
চর্ম্মরোগ	২৬৪	চাতুর্ম্মাস্যের	১৯৬, ১৯৭, ২২২
‘চালি’	২৯১	চিকিৎসাবিদ্যা	৩৪০
‘চিত্রক’	২৪০	‘চীবর বিচারণ’	৩২০
চীবর-প্রতিবন্ধক	৩৩৬, ৩৩৭	চূর্ণচালনী	২৫৪
চোরের উপদ্রব	১২৪	ছন্দ	১৩৬
ছন্দগামী	৩৫৪, ৩৫৫, ৩৫৬	ছেদন	৩২০

মহাবর্গ শব্দ-সূচী

জ

‘জন্তু’	২৪৫, ২৪৭, ২৪৮	জরাদুর্কল	৪০৫
জলের ভয়	১২৪	জাতিস্মর	৩
জাম	৩১১	জালায়	১৯০
জিহ্বাবিজ্ঞেয় রস	২২৯	জীবননাশের আশঙ্কা	১২৪, ২১০
জীবিকা অপরিশুদ্ধ	২১১, ২১২	জুগুন্সিত	৩৬৭, ৩৬৮
‘জগুচিচুর্থকর্ম’	৫৬		

ট—ড

টাকারক্ত	২৫৫	ডাঙ্গা	৩৬১
----------	-----	--------	-----

ত

তক্র	৩০৯	তৎপাপীয়সিককর্ম	৪০৯—৪১৩
তন্ত্রী	২২৭	তপস্বী	২৯৬, ২৯৭, ২৯৮
‘তজ্জনীয়কর্ম’	১৭৯, ৪০৯—৪১৪	তরক্ষুমাংস	২৮১
তাম্রলৌহের পাদুকা	২৩৮	তালি	৩৬৪, ৩৬৫
তিল	২৬৯, ২৭২	তিলের খইল	২৬১, ২৬২
তিরীটক	৩৮৪, ৩৮৫	তীর্থিক	৬১, ৬৫, ৯৭, ৯৮, ৩০৬
তীর্থগুরু	৭২, ৭৩	তীর্থিকপ্রস্থানক	৯৩, ৯৬, ১৩৫, ১৭০, ২০৩, ৪০১, ৪০৪
তীর্থিকব্রত	৩৮৩	তীর্থিকধ্বজ	৩৮৪
তুলসীপত্র	২৫৩	তুলারপটি	২৬২
‘তুলিক’	২৪০, ২৪১	তৃণগাছি	১০৭
তৃণের পঁইছা	২৬৬	তৃষণক্ষয়	২২৮
তৈল	২৫০, ২৫১, ২৬৭, ৩১৫, ২৭০	ত্রিকটু যবাগু	২৬৯
ত্রিকোটি-পরিশুদ্ধ	৩০১	ত্রিচীবরধারী	৩১৮
ত্রিপরিবর্ত	১৩	ত্রিবাচিক	১৮
ত্রিবাচিকা	২০	ত্রিবাক্যে প্রবারণা	২০৮—২১১
ত্রিশরণাগতি	৮৭		

মহাবর্গ শব্দ-সূচী

দ

দধি	৩০৯		দন্তবর্ণ	৩৬০
‘দুহ্লীকম্ব’	৩২০		দশবর্গ	২৪৪, ৪০০, ৪০১
দশমাংশ	৩১৬		দশবলধর	৩৯
দাড়িম্ব	৩১১		দান্ত	২৪৫
দায়ভাগ	৩৭৯		দায়পাল	৪৫১
দায়াদ	৮৭		দিব্য বিভূতি	৩০৪, ৩০৫
দুই-অন্ত	১১		দুঃখ আর্যাসত্য	১২, ২৯২
দুঃখ	২৯৯, ৩০৭, ৩০৮, ৩১৩		দুষ্যচালনী	২৫৫
দৃষ্ট	২০১		দৃষ্টিসম্বন্ধীয় অপরাধ	২১২, ২১৩
দেবদত্তের ন্যায়	৯৫		দেহকুণ্ডল	৯৩
দোষগ্রস্থ	৩৪৮, ৩৪৯, ৩৫০		দৌত্যকর্ম	৪১৮
দ্রব্যবহুল	২৬৭		দ্রোহিতা	৪৪৭
দ্বাদশাংকার	১৩		দ্বিবাচিক উপাসক	৫
দ্বিবাক্যে প্রবারণা	২০৮, ২০৯, ২১১		দ্বীপীমাংস	২৮০
দ্বীপীর চর্ম	২৪১		দ্বেষগামী	৩৫৪, ৩৫৫, ৩৬৫

ধ

ধর্মকথিক	২০৯		ধর্মচক্র	৮, ১০, ১৩
ধর্মধর	১৪৩		ধর্মবিরুদ্ধ	২০২
ধর্মসঙ্গত	২০৭		ধর্মানুকূল	২০৩
ধর্মাস্ত্রবাসী	৩৪০		ধান্যের রস	৩১১
ধূমনেত্র	২৫৮, ২৫৯		ধূর্ত	১৩৭
ধেনু	৩০৮, ৩০৯		‘ধোবন’	৩২০
ধ্বজবন্ধ	৭৭			

ন

নক্ষত্রবিদ্যা	৪১৮		নদী-নিমিত্ত	১১৫
নবনীত	২৫০, ২৫১, ২৬৭, ২৬৮, ৩০৯		নস্যকরণী	২৫৭, ২৫৮
নন্তমালের কষায়	২৫৩		নাগ-সদৃশ	২৩৪
নাগ	২৭৪		নানাসংবাসক	১৬৭—১৬৯, ৪৪০
নাপিতের কাজ	৩১৬		‘নালি’	৩১৫
নাশান্তিকা	৩২২—৩৩৫		নাসিকাচ্ছিন্ন	৪০৫

মহাবর্ণ শব্দ-সূচী

নিদান	১২৪		নিট্ঠানন্তিক	৩২২—৩২৭
নিবেশন	১৭৬, ১৭৭		‘নিমিত্ত’	৩২০, ৩২১
নিম্বপত্র	২৫৩		নিম্বের কষায়	২৫৩
নির্ভ্রু	৩০০		নির্ভ্রুশ্রাবক	২৯৫
নির্যশকর্ম	৫০, ১৭৯, ১৮০, ৪০৯— ৪১৩, ৪১৭, ৪১৮, ৪২৬—৪২৯, ৪৩১, ৪৩২		নিরোধ	২৯৯, ৩০৮, ৩১৩
নিরোধ আর্য্যসত্য	১২, ২৯২		দুঃখনিরোধগামিনী প্রতিপদ আর্য্যসত্য	১২, ১৩
নিস্‌সঙ্গিয়	৩২১		নিঃসারণ	৪০৩
নিম্পুরুষত্বর্য্যো	১৬		নুড়ি	২৫২
নৈগম	৩৩৮, ৩৩৯, ৩৪৩		নৈতিকস্থলন	২০১
নৈক্কেম্য	২২৮		ন্যাকড়ার পটি	২৬২

প

‘পক্কমনন্তিক’	৩২২, ৩২৩		পকৃপাতার রস	৩১১
পক্ষগণনা	১৩০		পঞ্চবর্গ	৪০০, ৪০১
‘পটলিক’	২৪০, ২৪১		পটুবস্ত্র	৫৯, ১০৬
‘পটিক’	২৪০, ২৪১		পটোলপত্র	২৫৩
পটোলের কষায়	২৫৩		পণব	৪৪৪
পণ্ডক	৯১, ১৩৫, ১৭০, ১৮৬, ৩৮৫, ৩৮৬, ৪০১, ৪০৪		পণ্ডকগোচর	৭২, ৭৩
পরস্পর প্রবারণা	২০৫, ২০৬		পর্ববাত	২৬১
পর্বতনিমিত্ত	১১৫		পর্য্যঙ্ক	২৪০
পর্শকা	৭৬	পরিবাস	৫০, ৭১—৭৪, ১৭৯, ৪০২, ৪০৩, ৪০৯—৪১৩	
পরিভাষ	৪১৯		পরিপৃচ্ছা	৫২, ৬৪
পরিহার	৭৪		পরিব্রাজক	১১০
পরিশুদ্ধি	১৩৫—১৩৭, ১৩৯		পরিশ্রুত কাঁজি	২৬৪
পরিবেণ	২৭৬, ৩১৩		পরিপ্লাবিত	৩১৩
‘পরিভণ্ড’	৩২০		পরিবকথা	৩২০, ৩২১
পরিমূঢ়স্মৃতি	৪৪৯		(পরিব্ধার চোল)	৩৭২
‘পাঙ্কল’	২৯২	পাংশুকূল	১০৬, ৩২১, ৩৫০,—৩৫৪, ৩৬৫, ৩৭৩	
পাংশুলিপ্ত	১৩২		পাঠোদ্দেশ	৫২, ৬৪

মহাবর্গ শব্দ-সূচী

পাণুরোগ	২৬৪		পাথেয়	৩০৯
পাদকীলরোগ	২৩৪		পাদচ্ছিন্ন	৪০৪
পারত্রিক	২২৩		পারাজিক	১২৪
পারিজাতপুষ্প	৩২		পারিবাসিক	৪০২
পাক্ষী	২৪০		পাষণনিমিত্ত	১১৫
পাহার	২৬৪, ২৬৫		পিতৃহন্তার	৯৪, ১৩৫, ১৭০, ২০৪, ৩৮৫, ৪০১, ৪০৩, ৪০৪
‘পিলোতিকা’	৩২১		পিশাচ	১৮৪
পিষ্টক	৩১৪		পিপুল	২৫৩
পুথুজ্জন	৩৭০		‘পোথক’	৩৮৪
প্রতিবেধ	২৯২		প্রতিস্মারণীয়কর্ম	৫০, ১৭৯, ১৮০, ৪০৯—৪৩৪
প্রবারণাবাহক	২০৩		প্রবিবেক	২২৮
প্রব্রাজনীয়কর্ম	১৭৯, ১৮০, ৪০৯—৪৩৪		প্রস্রাবপাদুকা	২৩৮
প্রস্থানান্তিকা	৩২২		প্রতীত্যসমুৎপাদ	১, ২, ৩, ৬
প্রাতিমোক্ষ	১১২—১৩৪, ১৩৯—১৭০		প্রাসাদ	৩০২, ৩৩৮, ৩৫৫

ফ

ফলকচীর	৩৮৩		ফলতুম্ব	২৬০
--------	-----	--	---------	-----

ব

বক্র	৪০৫		বচ	২৫২
বচস্থ	২৫২		বননিমিত্ত	১১৫
বন্যকদলী	৩১১		‘বন্ধন’	৩২০
বর্ষজপাদুকা	২৩৭		বর্ষাবাস	১৭২, ১৭৩, ১৭৪
বর্ষোপনায়ক তিথি	১৭২, ১৭৪		বল-ভাবনা	৩৬৯
বলীবর্দশকটে	২৩৯		বঙ্কলচীর	৩৮৩
বল্লীকনিমিত্ত	১১৫		বহুজনাকীর্ণ	৩৩৮
বহেড়া	২৫৩		বাগীশ	৪৪৯
বাতরোগ	২৫৯		বানস্পতিকলবণ	২৫৪
বামন	৪০৫		‘বারণ-দণ্ড’	৮৯, ৯০
বারান্দা	১১৮		বালকম্বল	৩৮৩
বাস্তুবিদ্যা	৪১৮		বাহ্যপাদুকা	২৩৮
বিংশতিবর্গ	৪০০, ৪০১		বিকট শব্দ	৯৩, ৯৪

মহাবর্ণ শব্দ-সূচী

‘বিকতিক’	২৪০, ২৪১	‘বিকলক’	৩৫৮
বিটলবণ	২৫৪	বিড়ঙ্গ	২৫৩
বিধবাগোচর	৭২, ৭৩	বিধিসম্মত	১৫২—১৫৫
বিধিবিহীত	১৫২—১৫৫	বিনয়ধর	১৩৪, ১৪৩, ১৪৪, ৪৩৫, ৪৩৬
বিনয়সঙ্গত	২০৭	বিনয়ানুবর্তিতা	২০১
বিনাশবাদী	২৯৬	বিনা দ্বিটীবরে বিচরণ	৩১৯
‘বিন্দু’	৩২১	বিভঙ্গ	৪৬২
বিভবতৃষ্ণা	১২	বিভূ	৯
বিমুক্তিসুখ	১	বিমোক্ষ	১০৭
বিরেচক	২৬৪, ২৭৬, ২৭৭, ৩৪৯, ৩৫০	বৃক্ষনিমিত্ত	১১৫
বৃক্ষ-কোটরে	১৮৯	বৃক্ষ-বিটপে	১৮৯
বৃহৎ ভাণ্ড	৩৮৩	বেণারমূল	২৬৯
বেত্রাহত	৪০৫	বেদান্তগা	৪
বেনামা	৩৬৪	বেশ্যাগোচর	৭২, ৭৩
বৈদিক মন্ত্র	৩১২	বৈদূর্য্যপাদুকা	২৩৮
বোধিগৃহ	১৬৮	বোধ্যঙ্গ-ভাবনা	৩৬৯
ব্যাম্রমাংস	২৮০	ব্যাম্রের চর্ম	২৪১
ব্রজে	১৮৯	ব্রহ্মচর্য্য	৩৬৮
ব্রহ্মবাদ	৪	ব্রহ্মচর্য্যবাস	২২৭, ২২৮
ব্রাহ্মণপরিষদ	২৮৯		

ভ

ভগন্দরোগ	২৭৫, ৩৪৩	ভঙ্গবস্ত্র	৬৯
ভগ্নোদক	২৬০	ভদ্রশালবৃক্ষ	৪৫৩
ভদ্রমুস্তক	২৫২, ২৫৫	ভবতৃষ্ণা	১২
ভবনেত্রী	২৯২	ভবভব কথা	২৩৫
ভয়গামী	৩৫৪, ৩৫৫, ৩৫৬	ভল্লকের মাংস	২৮১
ভাণ্ডার ঘর	১৭৫, ৩০২	ভাবন	৩৪৯
ভিক্ষান্নভোজী	৩১৮	ভিক্ষুণী	১৭৫, ১৭৮, ১৮২
ভিক্ষুণীগোচর	৭২, ৭৩	ভিক্ষুণীদূষক	৯৫, ১৩৬, ১৭০, ২০৪, ৩৮৫, ৪০১
ভিক্ষুশত্রু	১৩৭, ২০৪	ভৃতিক	১৮৩
ভেলা	২৯১	ভোজ্যষবাগু	২৮৩, ২৮৪, ২৮৫

মহাবর্গ শব্দ-সূচী

ম

মরিচ	২৫৩		‘মজ্জরু’	২৪৫
মণিপাদুকা	২৩৮		মৎস্যের চর্বি	২৫২
মধু	২৫১, ২৬৭, ২৬৮, ২৭২, ৩০৮, ৩১১		মধুগোলক	২৮২, ২৮৩, ২৮৪
মধুক	৩১১		মধুপিণ্ড	৫
মধ্যমপ্রতিপদ	১১, ১২		মধ্যমগুল	৩৬১
মনবিজ্ঞেয় ধর্ম	২২৯		মনুষ্য হত্যা	১০৭
মনুষ্যের উপদ্রব	১২৪		‘মহু’	৫
মলভক্ষণ	২৬৩		মলদ্বার	২৭৫
মশাল	২৩৪		‘মহাশ্বেদের’	২৬০
মাতঙ্গ	৪৫০		মাতৃহন্তার	৯৪, ১৩৫, ১৭০, ২০৪, ৩৮৫, ৪০১, ৪০৩, ৪০৪
মাতৃকাধর	১৩৪, ১৪৩, ১৪৪, ৪৩৫, ৪৩৬		মানভ্র	৫০, ১৭৯, ৪০২, ৪০৩, ৪০৯—৪১৩
মানবেতরপ্রাণী	৪০৪		মার্গ	২৯৯, ৩০৭, ৩০৮, ৩১৩
মার্গনিমিত্ত	১১৫		মিথ্যাধারণা	১০৯
মিথ্যাদৃষ্টি	১৭৮, ২১৩		মূত্রস্থলীপীড়ন	২৭৫
মুঞ্জপাদুকা	২৩৭		মুর্দাখানায়	১৯০
মুর্দাফরাস	১৯০		মূলেপ্রতিকর্ষণ	৫০, ১৭৯, ৪০২, ৪০৯—৪১৩
মুকুবধির	৪০৫		মৃগচর্ম	৩৮৩, ৩৮৪
মৃগয়ায়	৪৪৬		মৃণাল	২৭৪
মেঘেরন্যায়	২০০		মৈত্রীচিহ্নে	৩১৩
মোহগামী	৩৫৪, ৩৫৫, ৩৫৬		‘মোরগু’	২৪৫, ২৪৭, ২৪৮
মৌনব্রত	২০১			

য

যথারুচি চাঁবর পরিভোগ	৩১৯		যষ্ঠি	২৩৪
যথাবস্তু	৪৬২		যাবজ্জীবক	৩১৭
যাবকালিক	৩১৭		যামকালিক	৩১৭
যোনিশমনস্কার	২৪			

র

রঙের দ্রোণি	৩৫৯		‘রজনুলুঙ্ক’	৩৫৯
রক্তমোচন	২৬১		রক্তোৎপাদক	১৩৬, ১৭০, ৩৮৫, ৪০১, ৪০৪

মহাবর্ণ শব্দ-সূচী

রক্তপাতক	২০৪	রসাজ্ঞন	২৫৫
রাখাল	১৯০	রাঙের্পাদুকা	২৩৮
রাজার উপদ্রব	১২৪	রিফু	৩৬৫
রূপ	৮০	রোগীপরিচারক	৩৮০—৩৮২, ৩৮৩
রৌপ্যপাদকুা	২৩৮		

ল

লক্ষণাহত	৭৮, ৯৮	লঘুচেতা	৮৩
লঘুপরিবর্তনশীল	১৮৬	লিঙ্গস্তেনক	৯২
লিখিতক	৭৮, ৯৯, ৪০৫	লিপি	৮০
লোক আখ্যায়িকা	২৩৫	লৌহতুষ	২৬০

শ

শঙ্কা	২	শঙ্খলিখিত ব্রহ্মচর্য্য	২২৬, ২৪৪
শব্দ্র ন্যায়	২০০	শবদেহ	১২৪, ৩৪৮
শবরের উপদ্রব	২০৮	শয্যাসন	১৮৪, ১৯০
শয়নাসন ভ্রষ্ট	৪৫৭	শলাকাভোজন	১০৬
শলাকা বন্টন	১৩১	শলাকাদানি	২৫৭
শস্ত্রচিকিৎসা	২৬১	শাক	৩১৪
শালুক	৩১১	শিক্ষমানা	১৭০, ১৭৫, ১৭৮, ১৮০, ১৮২, ৪০১
শিক্ষাপদদশটি	৮৯	শিক্ষাপ্রত্যাখানকারী	২০৩
শিবিকা	২৪০	শিবিরে	৩০৯
শিররোগ	৩৪১, ৩৪২, ৩৪৩	শিশুমারের চর্কি	২৫২
শীতভীরু	৩৬৩	শীলসম্বন্ধীয় অপরাধ	২১৩
শীলব্রত	২২৮	শ্লীপদী	৪০৫
শুক্লপক্ষে	২১৯	শূকরের পাল	১১১
শূকরের চর্কি	২৫২	শূর্পে	৩৩৯
শোকনোদ	৩৬৯	শ্রবণাস্তিকা	৩২২
শ্রমণ-পরিষদ	২৮৯	শ্রামণের	১৭০, ১৭৫, ১৭৮, ১৮২, ২০৩, ৩৫৭, ৩৮১, ৩৮২, ৩৮৫, ৩৮৬
শ্রামণেরী	১৭০, ১৭৫, ১৭৮, ১৮২	শ্রুত	২০১
শ্রোত্রবিজ্ঞেয় শব্দ	২২৯		

মহাবর্গ শব্দ-সূচী

স

সংক্রমনীয়পাদুকা	২৩৮	সংবাস স্তোনক	৯২
সংযতেন্দ্রিয়	২৪৫	‘সউত্তরচ্ছদ’	২৪০
সকৃদাগামী	২৬৮	সঙ্গপ্রিয়তা	৪৬
সঙ্গায়ন	২০৯	সঙ্গীতি	১০৬
সঙ্ঘকর্ম	১৩৬	সঙ্ঘ প্রবারণা	২০৪, ২০৫, ২০৬
সঙ্ঘভেদক	১৩৬, ১৭০, ২০৪, ৩৮৫, ৪০১, ৪০৪	সঙ্ঘভেদ	৪৩৭—৪৩৯, ৪৪১, ৪৪৯, ৪৫৮, ৪৫৯, ৪৬০
সঙ্ঘভোজন	১০৬	সঙ্ঘসামগ্নি	১৭১
সঙ্ঘ-সম্মেলন	৪৫৭—৪৬০	সঙ্ঘ-সেবক	১৭৫
সঙ্ঘাটি	৩৬২—৩৬৫, ৩৭৪	সঙ্ঘাদিশেষ	১২৪, ১৭৯
সতীর্থ	২১৫	‘সত্ত্বভত্তর’ সীমা	১২২
সদগুউৎপল	৩৪৯	সদ্যঃপ্রসূতা গভীর ন্যায়	৩১৩
সন্নদ্ধ	৪৪২	সন্নিষ্ঠানন্তিক	৩২২—৩৩৬
‘সন্নিধি’	৩২১	সন্তু অনীক	২৩০
সত্তাহকালিক	৩১৭	সবনন্তিক	৩২২, ৩২৩, ৩২৬, ৩৩০
সমঅপরাধ	১৪১, ১৪২, ১৪৩	সমগুণী	৩২১
সমবয়স্কের প্রবারণা	২০৯, ২১০	সমাধিপ্রবণ	২২৭
সমাপনন্তিকা	৩২২	সমুদয় আর্য্যসত্য	১২, ২৯২
সমুদ্র আখ্যায়িকা	২৩৫	সম্প্রজন্য	৩৬৯, ৩৭০
‘সম্ভারশ্বেদ’	২৬০	সমীহিত	৩১০
সমানসংবাসক	১৬৭—১৭০, ৪৪০	‘সম্মুতিক’	৩০৩
সম্মোহ	২২৯	সম্যক্প্রধান	২৪
সম্যক্বিমুক্তি	২২৯	সম্বোধি	৩
সরীসৃপের উপদ্রব	১২৪	সল্লেখ	৪৬
সহবিনাশিকা	৩২২	‘সহুভার’	৩৩১, ৩৩৬
সাবিত্রী	৩১২	সামুদ্রিকলবণ	২৫৪
সার্থবাহের	১৮৯	সিংহমাংস	২৮০
সিংহের চর্ম	২৪১	সিবথিক	৩৪৮
সীতা	৩০৪, ৩০৫	সীতার মাটি	২৬৩
সীমা নির্ণয়	১১৫, ১১৬, ১১৯—১২২	সীমাগৃহ	১৬৮

মহাবর্ণ শব্দ-সূচী

সীমাতিক্তিক	৩২২, ৩২৩, ৩২৬, ৩৩১, ৩৩৬	সীসারপাদুকা	২৩৮
সুগত-তনয়া	৩৬৯	সৌত্রান্তিক	২০৯, ৪৩৫
স্বাক্ষাবরণ	২৫৭	স্নানবস্ত্র	৩৬৭
স্থালী	৩৫৯	স্থূলপশু	৩০০
স্থূলকক্ষ	৩৭১	স্থূলকুমারী	১৮৬
স্ফটিকপাদুকা	২৩৮	স্মৃতি বিনয়	৪০৯—৪১৩
স্তেয়সংবাসক	৯২, ১৩৫, ১৭০, ২০৩, ৩৮৫, ৪০১, ৪০২	স্রোতাপত্তি	৩৬৮
স্রোতাঞ্জন	২৫৫	স্বতৃত্যাগ	৩৩৩
স্বর্ণপাদুকা	২৩৮	স্বর্ণ, রৌপ্য গ্রহণ	৩১০
স্বয়ংপাক	২৬৯—২৭১	স্বাধ্যায়শব্দ	১৬৬

হ

‘হথবট্টকে’	২৪০	হরিদ্রা	২৫২
হরীতকী	২৫৩, ২৬৪	হর্ম্য	৩৫৫
হস্তচ্ছিন্ন	৪০৪	হস্তপাদচ্ছিন্ন	৪০৪
হস্তীনাগ	৪৫৩	হস্তীরাজ	৪৫৩
হস্তীবিদ্যা	৪৪৫	হস্তীমাংস	২৭৯
হামাণ্ডি	২২৬	হিঙ্গু	২৫৩
হিঙ্গুজতু	২৫৩	হিঙ্গুসিপাটিক	২৫৩
হিস্তালপাদুকা	২৩৭	হিংস্রজন্তুর উপদ্রব	১২৪
হীনস্তরে	২২৬	হীরক	৩১০, ৩৪১

সাক্ষেতিক নাম

সম-পাসা	..	...	...	সমস্তপাসাদিকা
সার-দীপ	...	...	...	সারথদীপনী
বিম-বিনো	...	...	...	বিমতিবিনোদনী
সুম-বিলা	...	...	...	সুমঙ্গল বিলাসিনী
খু-সি	...	...	...	খুদ সিক্খা
উ-অ	...	...	...	উদানট্ঠকথা
সু-বি	...	...	...	সুত্তবিভঙ্গ